


Gandja na Mbia



Mayogo: Gandja na Mbia (New Testament)

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source files dated 29 Jan 2022
aeebbe5f-2bfd-5f52-83b6-35e9c9ce956b

Contents

Matié	1
Maloko	42
Luka	67
Djaa	108
Kulu	137
Loma	176
1 Kolito	195
2 Kolito	214
Galate	226
Efeso	232
Filipoi	238
Kolosai	243
1 Tesalonike	247
2 Tesalonike	251
1 Timoté	254
2 Timoté	260
Tito	264
Filemo	267
OmaEbele	269
Djaki	282
1 Piele	287
2 Piele	293
1 Djaa	296
2 Djaa	301
3 Djaa	302
Djude	303
Apokalipisi	305

**Bádha Ngali
gba Yesu Kilisito maka li
Matié
aye lie ko
Eli na kalanu**

Bádha Ngali inde li Matié aye e ngakpokpo me Yesu ne Mükobho inde li Ebhe abhú nani e-o. A ko kpála inde li Ebhe amene li pápá gba e ongú inde ani apa nani bhú Gandja na Didili-e me ni améne e pi okpála gba ni-o. Bádha Ngali ang-o bha bini pi opiga gba omaYuda ade inde u azu Yesu bhú e di ne bhe ani abhele bhú e-o. Engú bini, a la di pi ndu okpála na píla doto hana.

Bádha Ngali ang-o ngasuno Yesu maka 'ngbé musuno inde ne angu nambamba 'ta líli gba Ebhe, inde la di ngasuno pindji Nau gba Ebhe-o . Ongú na ngbengbengbe inde bhú nasuno gba ani-e a bhuluvue: (1) Nasuno a pí 'ta (alo 5-7). (2) Olíli pi omukpata ndjikpa ne ká bhisi (alo 10). (3) Ogbitaku pindji Nau na abhúálá (alo 13). (4) Nandu mukpata gba Yesu (alo 18). (5) Ekpi na soso (oalo 24-25).

Ongbengbe ongú inde bhú bhuku inde e ngae inde:

Onguo ogbi Yesu Kilisito di ne nazu lie ka ani 1:1 - 2:23

Kulu gba Djaa bhulu nabatisa okpála 3:1-12

Batisimo di ne nale inde li Djabalú ale Yesu ne e-o 3:13 - 4:11

Kulu inde li Yesu amene e bhú ká okpála na Galilaya 4:12 - 8:34

Dhuku gba Yesu nayie bhú Galilaya ngú nanu abhú Yelusalema 9 - 20:34

Oekpi na soso gba Yesu abhú Yelusalema 21:1 - 27:66

Nakpi ne nazuku gba Yesu di ne nakoto ka ani li okpála 28:1-20

*Onguo ogbi Yesu Kilisito
(Tsia bhú Luk. 3:23-38.)*

¹ A inde-e 'li onguo ogbi Yesu Kilisito , inde u azu e bhú piga gba 'ngbé ngámá Davidi, di ne bhú piga gba Abalahama-o.

² Abalahama azu Isaka,

Isaka azu Yakobho, Yakobho azu Yuda di ne ondaise e,

³ Yuda azu Peledje ne Djala li Tamala, Peledje azu Esilome,

Esilome azu Lama,

⁴ Lama azu Aminadaba, Aminadaba azu Nasone, Nasone azu Salimona,

⁵ Salimona azu Boadja li Laaba, Boadja azu Obede li Luta, Obede azu Yese,

⁶ Yese azu 'ngbé ngámá Davidi. Davidi azu Salomo li eòe gba Ulia,

⁷ Salomo azu Loboama, Loboama azu Abia,

Abia azu Asa,

⁸ Asa azu Djodjafata, Djodjafata azu Djolama,

Djolama azu Odjiasi,

⁹ Odjiasi azu Djoatama,

Djoatama azu Akadji,

Akadji azu Edjekia,

¹⁰ Edjekia azu Manasi,

Manasi azu Amosi,

Amosi azu Djodjiasi,

¹¹ Djodjiasi azu Djekonia di ne ondaise e.

Abhomu-o, u atsia abha omafalaale bhú bali abhú kuti na Babilona.†

¹² Pita nabha uo bhú bali bhú Babilona-a,

a, Djekonia azu Salatiele,

Salatiele azu Djolobabele,

¹³ Djolobabele azu Abiuda,

Abiuda azu Eliakime,

Eliakime azu Adjole,

¹⁴ Adjole azu Sadoka,

Sadoka azu Akime,

Akime azu Eliude,

¹⁵ Eliude azu Eleadjali,

Eleadjali azu Matana,

Matana azu Yakobho,

¹⁶ Yakobho atsia azu Djodjefa 'ko Malia inde azu Yesu, u a'i e me Masiya-o .

¹⁷ Nako ndu opiga bhomu-o hana-a, nayie li Abalahama nakolo li Davidi-e, a ko opiga ndjikpa ne ká badha, nayie li Davidi nakolo li namba omafalaale bhú bali na Babilona-a, a ko opiga ndjikpa ne ká badha, nayie li nanu bhú bali abhú Babilona-a nakolo li nazu Masiya-a, a ko di opiga ndjikpa ne ká badha.

*Malia azu Yesu
(Tsia bhú Luk. 2:1-7.)*

¹⁸ A inde-e lele maka u azu Yesu Kilisito lie ko. Malia, 'hi ani-e adu adjeke kuva gba o ne Djodjefa-o. Engú bini, kala me u mbila lio na eòe ne bhoko-o, ani abi ebhi bhú angu gba Bu Bhobua . ¹⁹ Abhomu-o, 'ko ani Djodjefa inde adu nani kpála namanga Ebhe-e, du akunda naha numu pi ani bhú ká djila okpála de. Ani atsia au ndjindji me ni tse ani bhú pepe. ²⁰ Nedhinga ani adu abhundja lie mo-o, andjelu bini gba Ngámá akoto li ani bhú loto. Ani atsia apa pi ani me: «Djodjefa, ndili gba Davidi, mo okpé naha wala mu Malia de, anga ebhi inde ani nde ne e

† 1:11 1:11 Tsia bhú 2 Ong. 24:12-16.

* 1:21 1:21 Yesu: 'Hi inde me Yesu-o, a akunda napa me Ebhe ne mukobho

gba okpála.

ayie ka Bu Bhobua. ²¹ Aní azú ndíli na bhobhoko inde mo ogísila 'lì e me Yesu,* anga aní akóhbo omaha e bhú osisiti 'ngú gba o-o.» ²² Ndu 'ngú bhomu-o hana amene lie ngubula me engú li Ebhe Ngámá apa nani e bhú 'lì polofeta mene lie. Engú inde aní apa nani e me:

²³ «Tsia nga, òlò inde i mbíla nga 'ngú na bhoko de-e abí 'bhí, aní tsia zú ndíli na bhobhoko inde u agísila 'lì e me fmanueli.†»

(A akunda napa me: Ebhe bhú dabilì bini ne ní.) ²⁴ Lì Djodjefu azuku lie, aní amene maka li andjelu gba Ngámá apa pi aní lie-o. Aní atsia aha Malia maka wala e. ²⁵ Engú bini, u si ne aní pí polo bini maka òlò ne bhoko de nakolo li 'kpí li Malia azu ndíli na bhobhoko inde li Djodjefu agísila 'lì e me Yesu-o lie-o.

2

Obhulu imbilangu ago ngú nadhögö Yesu

(Tsia bhú Luk. 2:8-20.)

¹ U azu nani Yesu bhú Beteleme.* Kutì bini na ndu doto na Yudaya, bhú nedhinga gba 'ngbé ngámá Elode† me-e, obhulu imbilangu ayie ne andjongu, u akolo bhú Yelusalema. ² U atsia ayi me: «'Ngbé ngámá gba omaYuda inde u azu e mbia inde-e su? Padhá de, anga ya au ikupala inde asuno me u azu ani-e akoto ne andjongu, abhomu-o, u atsia ago ngú nadhögö aní.»

³ Lì Elode adje lie mo-o, mabhundja gba aní di ne bhe gba ndu okpála na Yelusalema hana angbingi. ⁴ Abhomu-o, aní apo bhúla ongbengbe odimandé gba Ebhe , di ne omusuno na líli gba Moidje-o . Aní atsia ayi uo me: «Bili inde a ayo me u zu Masiya lí e ngae dho?» ⁵ U agie pí aní me: «Abhú Beteleme, bhú ndu doto na Yudaya, anga polofeta aye nani me:

⁶ «Ngamu, Beteleme inde bhú ndu doto na Yudaya,

mu mbomboyé ane okati koko na Yudaya mane ade.

Padhá de, anga ngámá inde alíla okpála gba ma na Isalaele, akóto bhú mu.†»

⁷ Abhomu-o, Elode a'i obhulu imbilangu-o bhú pepe. Aní ayi uo li kukulú nedhinga inde li ikupala ango-o akoto lie-o. ⁸ U agie 'ngú lie pí aní tété-e, aní atsia atima uo bhú Beteleme ne napa pí uo me: «Yi nunu, yi gili 'ngú pindji ndíli-e na paká paká. Lí yi u ani-e, yi de go pa muma, amba ngama di-e, ma nu dhögö aní.»

⁹ Pita u adje engú li 'ngbé ngámá Elode apa e lie, u atsia aholo 'nú. Me-e, ikupala u au e andjongu-o adu adholo kala uo, a atsia anu alu pí bili inde li ndíli-e adu li e-o.

¹⁰ U au matá ikupala-a lie me-e, u abedhe ne djali bedhe. ¹¹ U ali abhú 'ti-o, u atsia au ndíli-e ne 'hi e Malia . Abhomu-o, u akikita lipuku o kuto, u atsia adhögö aní. U abhulu okíli gba o-o. U atsia aha apepe pí aní li olo, ne mungotsi, la di ne mungotsi koko na mase naali inde 'lì e me mila . ¹² Pipita-a, Ebhe atsia apa pí uo bhú loto me u agie matá lío agba Elode de. Abhomu-o, u atsia agie lío agba o li kpadji koko.

Malia ne Djodjefu akpe kpata bhú Edjipeto

¹³ Pita li obhulu imbilangu-o agbida lie, andjelu bini gba Ngámá-a akoto li Djodjefu bhú loto, aní atsia apa pí aní me: «Yie bhúlá, ha ndíli-e ne 'hi e, amba mu kpe ne uo bhú Edjipeto. Du oo akólo li nedhinga inde ma agáma 'ngú pí mu lie-o. Padhá de, anga Elode agíli ndíli-e ngú nabholò aní.» ¹⁴ Sukpe-e, Djodjefu ayie bhúlá, aní aha ndíli-e ne 'hi e, aní atsia akpe ne uo bhú Edjipeto. ¹⁵ Aní adu oo akolo li 'kpí li Elode akpi lie, ngubula me engú inde li Ebhe Ngámá apa nani e pí polofeta-a, amene lie. Ngámá apa nani pí opolofeta me: «Ma a'i ndíli gba ma me aní koto bhú Edjipeto kokoto.†»

Elode abhili ongisi na djedjedje

¹⁶ Lì Elode au lie me obhulu imbilangu-o apite ní-e, aní abí 'gú naali. Abhomu-o, aní atsia aha líli me u nu bhú Beteleme di ne bhú ndu doto gba ní-e hana, amba u bhili ndu ongisi na djedjedje hana nayie bhú kalanga bhisi akò ne kuto. Aní aha líli bhomu-o nakpata lele kalanga inde li obhulu imbilangu-o aha e pí ani-o. ¹⁷ Abhomu-o, engú inde li polofeta Djelemi apa nani e, atsia amene lie. Djelemi apa nani me:

¹⁸ «U adje eli bini bhú kuti na Lama, oegbá di ne omulopolo.

A ngaku 'gbá ongisi gba e bhomu-o Lasele. Aní kunda de me u yoko ní-e de,

anga ndu ongisi gba ani-e hana amu.†»

Djodjefu, ne Malia di ne Yesu agie lío bhú Nadjaleta

(Tsia bhú Luk. 2:39-40.)

¹⁹ Pita li Elode akpi lie-e, andjelu bini gba Ebhe Ngámá-a akoto li Djodjefu bhú loto bhú Edjipeto. ²⁰ Aní atsia apa pí aní me: «Yie bhúlá, ha ndíli-e ne 'hi e, yi holo kpadji, amba yi gie liyi ne uo bhú doto na Isalaele. Padhá de, anga okpála

† 1:23 1:23 Tsia bhú Isa. 7:14. *

* 2:1 2:1 Beteleme: A ko kuti inde u azu nani 'ngbé ngámá Davidi bhú e-o. † 2:1

2:1 Tsia bhú Mik. 5:1. † 2:6 2:6 Tsia bhú Mik. 5:1. † 2:15 2:15 Tsia bhú Oz. 11:1. † 2:18 2:18 Tsia bhú Dilm. 31:15.

inde adu nako nakunda nabhele ndili-e amu.» ²¹ Djodjefu ayie bhúlá, ani aha ndili-e ne 'hi e, ani atsia agie lie bhú doto na Isalaele. ²² Engú bini, ani adje la lie me Alikilausi ne 'ngbé ngámá bhú ndu doto na Yudaya bhú da 'dyi e Elode-e, ani atsia adje tsulú ngú nanu oo. Ebhe agbele matá 'dje ani bhú loto, ani atsia agie lie bhú ndu doto na Galilaya. ²³ Ani anu asi kuti bhú gudhu na Nadjaleta, ngubula me engú inde li opolofeta apa nani e, amene lie. Opolofeta apa nani me: «U adú a'í ani me Kpála na Nadjaleta.»

3

Djaa bhulú nabatisa okpála apa pi okpála me u dji bua o

(Tsia bhú Mlk. 1:2-6; ne bhú Luk. 3:1-6; di ne bhú Dja. 1:19-23.)

¹ Bhú oekpí bhomu-o, Djaa bhulú nabatisa okpála akoto nani abhú mili bili na ndu doto na Yudaya. Ani adu atotobhila me: ² «Yi dji bua yi, anga Nau na abhúlá akolo masakpe!» ³ Djaa nani ne kpála inde li polofeta Isaya akpokpo 'ngú gba e me: «Kpála bini ngatotobhila bhú mili bili me: <Yi leke kpadji gba Ngámá-o.»

Yi leke bua yi ngú nago ka ani-o.†»

⁴ Djaa adu adyi bongo inde u adu e li su enu, ani adu agbite ekpú na kó 'nu ludu e. Ani atsia adu azu omakindolo di ne nadha eú. ⁵ Abhomu-o, okpála na Yelusalema di ne okpála na Yudaya libhomu ne obhende na ndu doto inde lingo ngade 'ngu na Djuludani libhomu adu ago nadje engú inde ani adu akpokpo e-o. ⁶ U adu ambamba ta osisiti 'ngú gba o-o kala ndu okpála hana. Djaa atsia adu abatisa uo bhú ngade 'ngu na Djuludani.

⁷ Bhiti omuFalisai di ne oSadukai adu ago ngú nasia batisimo. Li Djaa au lie mo-o, ani atsia ayi uo me: «Ngayi opiga kpulu inde-e, a asuno pi yi da me yi kpe egú gba Ebhe inde ngago-o? ⁸ La-a, yi suno bhú okulu gba yi-e me yi adji bua yi adji, ⁹ amba yi 'o nabhundja li bhobua yi makpe me: <Engú li ya ade anga Abalahama ne ogbi ya.> Padhá de, anga ma ngapa pi yi me, Ebhe ti da nagbe ongisi pi Abalahama bhú ká oteme yi ngau e inde-e mada yi. ¹⁰ 'E-e! Mbia inde-e, ngbakpa a'o lie bhú li 'dhu ondula-a ngubula nadodolo. Ndu ndula hana inde i li líli na babadha de-e, u adé, u tsia bhike bhú djua. ¹¹ Ngama-a, ma ngabatisa yi bhú engu ngú nasuno me yi adji bua yi adji. Engú bini, kpála bhende i ngago pita ma-a, ane ma ne angu. Ma la ne mangua tetele kpála dho me ma gbe malekè bhú 'dhu ani-e! Ngaani-e,

ani abátisa yi ne Bu Bhobua di ne djua. ¹² Ani aholo kakpa gba e sa 'kpa e ngú nape fufukudha bhú nguwa gba e amba ni bu nguwa bhú ngbokopi. Engú bini, fufukudha-a, ani atsúlu bhú djua inde na duduma ne duduma.»

Yesu asia batisimo

(Tsia bhú Mlk. 1:9-11; ne bhú Luk. 3:21-22; di ne bhú Dja. 1:29-34.)

¹³ Abhomu-o, Yesu ayie bhú Galilaya, ani anu abhaka Djaa bhú ngade 'ngu na Djuludani ngú nasia batisimo ka ani. ¹⁴ Djaa di me yala. Ani atsia adu apa me: «Ma sia mangbo batisimo ka mu ngama. Mu ngago matá abhaka ma ngamu!» ¹⁵ Engú bini, Yesu atsia agie pi ani me: «Ziba me amene lie moko mbia inde. Padhá de, anga a ayo me ní mene ndu 'ngú hana inde li Ebhe ayo e ka ní-o.» Abhomu-o, Djaa atsia aziba me amene lie moko. ¹⁶ Li Yesu asia batisimo lie, ani atsia akoto bhú 'ngu-o. Me-e, kokpi abhulu lie. Ani atsia au Bu Bhobua gba Ebhe-e ngakè maka pidjo, a nde ngago pi ani. ¹⁷ Abhomu-o, eli bini atsia ayie abhúlá ne napa me: «A inde-e ndili gba ma na mukunda-o. A ko kpúkpú na bua ma.»

4

Djabulu ale Yesu

(Tsia bhú Mlk. 1:12-13; di ne bhú Luk. 4:1-13.)

¹ Abhomu-o, Bu Bhobua atsia amba bhúla Yesu abhú mili bili ngubula me djabulu le ani. ² Pita namene ngbikpi ndjikpa badha ne sukpe ndjikpa badha mandí nazú 'he-e, ani adje gumu. ³ Djabulu, kpála inde adji ale ani-e atuto lie de ani. Ani atsia apa pi ani me: «† du me mu nde ne Ndili gba Ebhe-e, ha líli pi oteme inde-e me akolo mapa.» ⁴ Engú bini, Yesu agie me: «U aye bhú Bhuku me: <Kpála kóbho bha bini ka ezú de, engú bini, ani akóbho ka ndu oeli hana inde i ngakoto bhú 'bhe Ebhe-o.†>»

⁵ Abhomu-o, Djabulu aha ani, anu ne ani bhú Yelusalema, gudhu na bubu-o. Ani atsia a'o ani pí tulundji 'ngbé 'ti Ebhe gba omaYuda-o. ⁶ Do ani pi Yesu de me: «† du me mu nde ne ndili gba Ebhe-e, 'ulu mu kè kuto! Padhá de, anga u aye bhú Bhuku me:

<Ebhe ahá líli pi oandjelu gba e ngú mu.

U tsia bí mu sa 'kpa o

ngubula me mo otú 'dhu mu li teme bini de.†>»

⁷ Yesu apa pi ani me: «U aye di bhú Bhuku gba Ebhe-e me: <Mo olé Ebhe, Ngámá gba

† 3:3 3:3 Tsia bhú Isa. 40:3. † 4:4 4:4 Tsia bhú Det. 8:3.

† 4:6 4:6 Tsia bhú Ets. 91:11-12.

† 4:7 4:7 Tsia

bhú Det. 6:16.

m̄-o de.†»⁸ Djabul̄u an̄u a'o matá ani pí 'ndjá eta na ndjándjá nane mane. Aní atsia apana pí ani nd̄u nau na doto hana bhú dabil̄i bini ne sangu gba o-o.⁹ Aní atsia apa pí ani me: «N̄d̄u 'he inde-e hana, ma ahá pí m̄u i d̄u me m̄u nde akikita lip̄uk̄u m̄u kuto kala ma ngú nadh̄oḡe ma-o.»¹⁰ Abhom̄u-o, Yesu atsia apa pí ani me: «Yie oo ko, Satana ! Padhá de, anga u aye bhú Bhuku me:

«Dh̄oḡe Ebhe 'ngbé Ngámá gba m̄u-o, amba m̄u yo la bhadi ani kpi e kpi.†»¹¹ Abhom̄u-o, Djabul̄u a'o ka ani. Me-e, oandjelu ago de ani, u atsia aholo nateteke ani.

Yesu asuno bhú Galilaya

(Tsia bhú Mlk. 1:14-15; ne bhú Luk. 4:14-15; di ne bhú Dja. 4:1-3, 43-46.)

¹² Li Yesu adje lie me u aholo Djaa-a,* aní atsia agbe lie ne abhú ndu doto na Galilaya.¹³ La-a, aní n̄u bhú kuti na Nadjaleta de, aní an̄u mangbo bhú Kapalanauma, dengo ekp̄e na Galilaya, bhú kuti gba okpála na Djabulona ne Nefitali.¹⁴ Aní amene mo-o ngabula me engú nani li polofeta Isaya apa e amene lie. Engú nani aní apa e me:

¹⁵ «Ngayi okpála na doto na Djabulona ne Nefitali,

ne yi okpála na kpadji na ekp̄e,
ne yi okpála na kuti inde ayi 'ngu na Djuladani,

inde akolo mbia inde-e okpála na Galilaya

inde li ogandji okpála ngadul̄u bhú e-e,
yi dje nga engú inde!

¹⁶ Ngayi okpála inde ad̄ud̄u bhú bit̄i má ndundulundu-o,

yi aú zi 'kpí na ngbéngbé na kuo kuo.
A akunda napa me zi 'kpí angoo akóto pí

yi
okpála inde abedhe nd̄u 'kpí hana ne tsul̄u kuo-o.†»

¹⁷ Nayie li nedhinga bhom̄u-o, Yesu aholo akpokpo mbámá me: «Yi dji bua yi. Padhá de, anga Nau na abhúlá akolo masakpe.»

Yesu a'i omukpata na gigena

(Tsia bhú Mlk. 1:16-20; ne bhú Luk. 5:1-11; di ne bhú Dja. 1:35-51.)

¹⁸ Li Yesu ad̄u adhuk̄u lie lingo ekp̄e na Galilaya-a, aní au obhosi bhisi me u nde ngagbe sungu. A ad̄u ondaise. A ad̄u Simo inde u agisila 'li e me Piele ne ndai e Andili.¹⁹ Aní atsia apa pí u me: «Yi go kpata ma, amba ma mene me yi d̄u ibili nagili okpála pí Ebhe maka yi agbegbe osungu lie-o.»²⁰ Ma gala kolo me-e, u abala 'kpa li

onado gba o-o, u atsia an̄u ne uo.²¹ Yesu adyudyo matá lie ne kalan̄u, aní au obhosi koko bhisi, a ad̄u Djaki ne uo ne ndai e Djaa , ongisi gba Djebedayo-o. U ad̄u bhú zabu gba o bhú dabil̄i bini ne 'dyi o me u nde ngaleke onado gba o-o. Aní a'i uo me u go kpata ni.²² Ma gala me-e, u a'o ka 'dyi o ne zabu gba o-o. U atsia an̄u ne uo.

Yesu asuno pí okpála, ani atsia akobho di obhul̄u kuo

(Tsia bhú Mlk. 1:39; di ne bhú Luk. 4:44, 6:17-18.)

²³ Abhom̄u-o, Yesu adhuk̄u bhú Galilaya libhomu. Aní ad̄u asuno bhú oeti nadje líli gba Moidje inde na ndu doto bhom̄u-o. Aní ad̄u di akpokpo Bádha Ngali Nau na abhúlá-o. Aní atsia ad̄u di akobho nd̄u okuo hana di ne nd̄u eze hana li okpála ad̄u ne e-o.²⁴ Abhom̄u-o, ngali gba aní ayangba bhú ndu doto na Silia libhomu. U atsia ago pí ani ne okpála inde ad̄u ne okuo ngangá-a hana: obhende li osisiti bua ad̄u ato mbolo li o, obhende li kuo nagbul̄u magbul̄u ad̄u amene o, ne obhende na eze. Aní atsia akobho uo.²⁵ Abhom̄u-o, okpála bhelé inde ayie bhú Galilaya, ne bhú ogudhu Ndjikpa, ne bhú Yelusalema, ne bhú Yudaya la di ne ayi 'ngu na Djuladani atsia akpata ani.

5

Djali na k̄uk̄ul̄u

(Tsia bhú Mlk. 3:13; di ne bhú Luk. 6:12-13, 20-23.)

¹ Li Yesu au bhiti okpála lie-e, aní a'ch apí 'ta. Aní ad̄u kuto, omukpata gba aní-e atsia adyudyo lío de ani.² Abhom̄u-o, aní aholo nasuno pí uo me:

³ «A ko djali pí okpála inde ngau lío padhá kala Ebhe,

anga ngauo-o, Nau na abhúlá-a pí uo.

⁴ A ko djali pí obhende ngaku 'gbá,
anga ngauo-o, Ebhe akúo ngula sala uo ngae.

⁵ A ko djali pí obhende na bhuk̄u bua,
anga ngauo-o, u agbógbo bh̄usu o li doto inde li Ebhe apana e pí uo-o.

⁶ A ko djali pí obhende akunda bha ndju namene ngbili 'ngú ,
anga ngauo-o, Ebhe améne me u d̄u bedhe ngú namemene.

⁷ A ko djali pí obhende ngadje ndjinga okpála koko,
anga ngauo-o, Ebhe adjé ndjinga uo.

⁸ A ko djali pí obhende bubu li bua o,
anga ngauo-o, u aú Ebhe.

⁹ A ko djali pí obhende ngato guo 'ngú sunda okpála,

† 4:10 4:10 Tsia bhú Det. 6:13. * 4:12 4:12 Djaa: A ko Djaa bhende Bhulu nabatisa okpála-o. † 4:16 4:15-16 Tsia bhú Isa. 8:23 - 9:1.

anga ngauo-o, u a'í uo me ongisi gba Ebhe.

¹⁰ A ko djali pi obhende u ngato mbolo li o ka anga u ngamene ngbili 'ngú,

anga ngauo-o, Nau na abhúlá-a pi uo.

¹¹ A ko djali pi yi i dũ me okpála nde ngasobho yi, u nde ngato mbolo li yi, u nde di ngapa ndũ sisiti 'ngú li yi hana ne eu ka yi abhuka ma lie-o. ¹² Yi mbila me, u ato bhadi nani mbolo li opolofeta na kalanu-o moko. Kaka-a, yi dũ bhú djali, amba yi dũ di bhú ndjili, anga makalá gba yi inde abhúlá-a adú ngbéngbé.»

Yi ne ngutu di ne zi 'ke na pila doto

(Tsia bhú Mlk. 9:50; di ne bhú Luk. 14:34-35.)

¹³ «Ngayi-e, yi ne ngutu na pila doto. I dũ la me ngutu nde andapa-a, a akólo matá dédé lele pi? A matá li kulu ade. A ayo bha ibili nababala kilidjo, li okpála tsia dédele ne 'dhu o.

¹⁴ Ngayi-e, yi ne zi 'ke na pila doto. Gudhu inde ayiki lie pí eta-a, a awó lie belega de bini. ¹⁵ U dhedhe eke-e, a ko ngú na'o'o asa lusa de. Engú bini, a ko ngú na'o'o apí misa ngabula me aziga ndũ okpála inde abhú 'ti-e hana. ¹⁶ A bhadi pi yi moko. A ayo me zi yi suno lie bhú djila ndũ okpála hana ngabula me u u babadha kulu gba yi-e, u de dhөгө 'Dyi yi inde abhúlá-o.»

Yesu go ngú nabhelé líli gba Moidje-e de

¹⁷ «Yi abhúndja de me ma ago ngú nabhelé líli gba Moidje di ne me ma ago nabhelé nasuno gba opolofeta-a* de. Ma go ngú nabhébhelé de. Engú bini, ma ago mangbo ngabula nambamba tata hana. ¹⁸ Ma apa pi yi na paká me: abana li kokpi ne doto bhue bha pi-ie, ndũ 'ngú hana inde bhú líli gba Moidje-e, améne lie. U búlu belega mboye 'dhu balua, i dũ di-e mboye 'kpú balua bini bhúbhú de, nakolo bha li sokpi. ¹⁹ Kaka-a, kpála bhende i gumu mboye 'ngú bhú ká olili gba Moidje-e, ani suno la di pi okpála koko namene mo-o, ani adú kpála na yeye bhú Nau na abhúlá. Engú bini, kpála bhende i lila-a, ani nde di ngasusuno pi okpála koko-o, ani adú kpála na ngbéngbé bhú Nau na abhúlá. ²⁰ Ma pa pi yi mo-o padhá de, anga li ngbili 'ngú gba yi-e dũ ngbéngbé nane bhende gba omusano na líli gba Moidje ne omuFallsai-e mane de-e, yi ti da nali bhú Nau na abhúlá-a de.»

Yesu asuno pindji nake 'ngú lío

(Tsia bhú Mlk. 11:25; di ne bhú Luk. 12:57-59.)

²¹ «Yi adje me u apa nani pi onguo ogbi yi me: <Mo obhólé kpála de. Kpála bhende i bhólé kpála bhú gandji-e, a ayo me u gbe ani kala Libi okpála natsia 'kpí li 'ngú gba omaYuda .»[†] ²² Engú bini, ngama-a, ma ngapa pi yi me: kpála bhende i bi 'gú ne ndai e, a ayo me u gbe ani bhú tilibinale. Kpála bhende i pa pi ndai e me: <Mu ne ngingi>, a ayo nagbe ani kala Libi okpála natsia 'kpí li 'ngú gba omaYuda-o. Kpála bhende i sobho ndai e me: <Mu ne bhulu pele>, a ayo me u bhike ani bhú dé djua na duduma-o. ²³ I dũ me mu nde adji naha makiso pi Ebhe li bili natsulu enu pi ani-e, i dũ la me mu nde abhundja me ni amene siti 'ngú li pabili gba ndai ni-e, ²⁴ mu de 'o ka makiso gba mu-o kala bili natsulu enu-o oo, amba mu gie ngaiza limu nato guo 'ngú sunda yi ne ndai mu. Pipita la-a, mu go ha makiso gba mu-o pi Ebhe.

²⁵ I dũ di me kpála nde akunda nagbe mu kala odjudji-e, yi de dje kolo liyi ne ani me yi nde nga bha li kpadji, ngabula nalila me kpála yi nde ne e bhú 'ngú-o agbe mu bhú tilibinale de, amba djudji a'í polisi de me ani to mu bhú tikpu-o de. ²⁶ Ma apa pi mu na paká me, mu ti da nakoto oo padhá de i dũ me mu nde di mangimbo bhomu-o nakolo li senge na soso-o de ko.»

Nasuno pindji nakunda bhoko, i dũ di-e elø koko

(Tsia bhú Mat. 18:8-9; di ne bhú Mlk. 9:43, 47-48.)

²⁷ «Yi adje me u apa nani me: <Mo okúnda bhoko, i dũ di-e elø koko de.†> ²⁸ Engú bini, ngama-a, ma apa pi yi me: kpála bhende i tsia elø koko ne gumu ani-e, kpála angu-o akunda elø angu-o li bhobua e akunda.

²⁹ I dũ me lí djila mu na kokpa nde ngato mu bhú siti 'ngú-o, mu de gbe, mu bhike de mu tsutsu. Padhá de, anga nakpi ka yá mu bini-e, a pi mu ndjindji ane me u bhike 'lá mu libhomu bhú djua na duduma. ³⁰ I dũ la di me 'kpa mu na kokpa nde ngato mu bhú siti 'ngú-o, mu de kodho, mu bhike de mu tsutsu. Padhá de, anga nakpi ka yá mu bini-e, a pi mu ndjindji ane me u bhike 'lá mu libhomu bhú djua na duduma.»

Nasuno pindji nagbo bhusu o bhú kava

(Tsia bhú Mat. 19:7-9; ne bhú Mlk. 10:4-5; di ne bhú Luk. 16:18.)

³¹ «U apa di nani me: <I dũ me kpála bini nde agie wala e-e, a ayo me ani ye balua

* 5:17 5:17 Líli gba Moidje di ne onguú inde li opolofeta aye e, a ko Gandja na Didili-e libhomu. † 5:21 5:21 Tsia bhú Eki. 20:13; di ne bhú Det. 5:17. † 5:27 5:27 Tsia bhú Eki. 20:14; di ne bhú Det. 5:18. † 5:31 5:31 Tsia bhú Det. 24:1.

inde li ongamási adéle 'kpa o bhú e pi ani. Balua ang-o asúno ngae me ani atse ani atse.†»³² Engú bini, ngama-a, ma apa pi yi me, kpála bhende i 'e wala e me ani nde holo ani ne bhoko koko de-e, ani ngakata ani bhú nakúnda bhoko koko. A akúnda napa me, kpála bhende i ha ølø inde li bhoko koko agie e, ani akúnda bhomu-o ølø gba kpála koko.»

Nasuno pindji natu silika

³³ «Yi adje matá nani me u apa pi onguo ogbi ní me: «Mo ogilú silika mo otu e de. Engú bini, mene engú mo otu silika li e kala Ngámá-o.»³⁴ La ngama-a, ma apa pi yi me, yi atu silika belegu de bini: yi atu silika ne 'li kokpí de, anga a bhomu-o bili li Ebhe ngadu li e-o.³⁵ Yi atu silika ne 'li doto de, anga a ko bili inde ani nga'o 'dhu e li e ko. Yi atu silika ne 'li Yelusalema de, anga a ko gudhu gba Ebhe, 'Ngbé Ngámá.³⁶ Mo otu la di silika ne 'li 'ndji mu de, anga mu ti da nadji lí sundjo mu bini de me akolo bubu, i du di-e bibili-e de.³⁷ I du me yi nde ngagama 'ngú-o, yi de pa bha me: «A moko», di ne me «A mo-o ade.» Padhá de, anga ndu ongu bhe pépé-e hana ayie ka Djabulu.»

Nasuno pindji nagie siti pi siti (*Tsia bhú Luk. 6:29-30.*)

³⁸ «Yi adje nani me u apa me: «Li kpála du djila mu-o, mu de du di djila ani», u apa di me: «Li kpála gumu 'te mu-o, mu de gumu di 'te ani.»†³⁹ La ngama-a, ma apa pi yi me, i du me kpála nde amene siti 'ngú li yi-e, yi agisila de. Engú bini, i du me kpála bini nde asu pabhø mu na kokpa-a, mu de dji di pabhø mu na gali-e pi ani, amba ani su di.⁴⁰ I du me kpála bini nde akúnda nagbe mu bhú ngbanga ngubula simisi gba mu-o, mu de 'o di ká koti gba mu-o pi ani.⁴¹ I du me kpála nde aholo mu ne kpéke me mu bi 'he gba ni-e ngubula kilometele bini-e, mu de bi bha ibili pi ani ngú kilometele bhisi.⁴² I du me kpála nde ayo 'he ka mu-o, mu de ha pi ani. I du me kpála nde ayo bopulu ka mu-o, mu de ha pi ani. Mo oyála naha bopulu pi kpála inde akúnda nayoyo ka mu-o de.»

Nasuno pindji nakúnda bhulu yala gba o

(*Tsia bhú Luk. 6:27-28, 32-36.*)

⁴³ «Yi adje me u apa nani me: «Kúnda kilí mu, amba mu yala bhulu yala gba mu-o.†»⁴⁴ Engú bini, ngama-a, ma apa pi yi me, yi kúnda obhulu yala gba yi ko. Yi yo Ebhe pi obhende ngato mbolo li yi-o.⁴⁵ Yi mene mo-o, yi du ne kukulu ongisi gba 'Dyi yi inde abhúlá-o. Padhá

de, anga ani ngagbe zindjila gba e pí osisiti okpála di ne pí obabadha okpála. Ani ngatuko ebha pí okpála na ngbingbili di ne pí obhende na ngbingbili ade ko.⁴⁶ Ma pa mo-o padhá de, anga i du me yi nde ngakúnda bha obhende ngakúnda yi-e, yi asia tété mangua makalá dho? Ondembi na mandjandja bhadi ngamemene moko!⁴⁷ I du la di me yi nde ngayi bha bini ondaise yi-e, yi ngamene bhomu-o mangua ngamba 'ngú dho? Omupagano bhadi ngamemene moko.⁴⁸ La ngayi-e, yi du ngbingbili bhú ndu 'ngú hana maka li 'Dyi yi inde abhúlá-a nde lie ngbingbili ko.»

6

Nasuno pindji napu 'he pi obhulu ndibhili

¹ «Yi lila liyi me yi améne bádha 'ngú gba yi-e kala okpála de me u u yi mau-o de. I du mo-o de-e, yi sia makalá ka 'Dyi yi inde abhúlá-a de.² Nedhinga inde mu ngapu 'he lie pi bhulu ndibhili-e, mo oméne de me ni bhi tété makpe maka li obhulu kali amemene lie bhú oti nadge líli gba Moidje di ne li ohi kpadji-e de. U memene mo-o ngubula me okpála dhøgø o. Ma apa pi yi na paká me u asia makalá gba o asia.³ La pi mu-o, nedhinga mu ngapu 'he lie pi bhulu ndibhili-e, a ayo de me 'kpa mu na gali-e mbila ehe inde li 'kpa mu na kokpa ngamene e de.⁴ A moko, a ayo me napu 'he gba mu-o tigala bhú pepe, amba 'Dyi mu inde ngau 'kpí bhú pepe-e gie pi mu ngae.»

Nasuno pindji nayo Ebhe (*Tsia bhú Luk. 11:2-4.*)

⁵ «Nedhinga yi ngayo Ebhe lie, yi adú maka obhulu kali de. Padhá de, anga u kúnda nayo Ebhe me u nde alu malu bhú oti nadge líli gba Moidje di ne li odikpadji, amba okpála du au o mau. Ma apa pi yi na paká me u asia makalá gba o asia.⁶ La pi mu-o, nedhinga mu ngayo Ebhe lie, a ayo me li bhú tina 'ti gba mu-o. Dho bhøbhø nganda mu madho, amba mu yo 'Dyi mu inde li bili na pepe bhomu-o. Abhomu-o, 'Dyi mu inde a uu 'kpí bhú pepe hana-a, tsia há makalá pi mu ngae.⁷ Nedhinga yi ngayo Ebhe lie, yi agie liyi pi oeli bini bhutsibhutsi maka omupagano de. Padhá de, anga u ngabhundja me Ebhe adjø i du me o nde ngakpokpo kambø oeli.⁸ Yi améne maka uo de, anga 'Dyi yi mbila ehe yi nde ne gumu e hana kala me yi yo ka ani-o.⁹ Ngayi-e, yi yoyo Ebhe me:

«Yi ya inde abhúlá,
a ayo me kpála ne kpála mbila me,
mu ne Ebhe inde bubu.

10 A ayo me mu go u ngámá pála doto.
A ayo me kpála ne kpála pála doto mene mukunda
gba mu-o maka i ngamene lie lie abhúla ko.

11 Ha ezu inde ati ne ya li 'kpí na naki-e pi ya.

12 'E siti 'ngú gba ya inde ya amene e li pabili gba mu-o.

Padhá de, anga ngaya makpe ya ngambu di li obhende ngamene osisiti 'ngú li pabili gba ya-o.

13 I du me ya nde ali bhú nale-e, mo o'ó de me ya mene siti 'ngú-o de. Engú bini, lila ya sakpa Djabulu malila.

[Padhá de, anga Nau ne angu la di ne sangu,

a ko naamu 'he, duduma ne duduma. A adu moko.]>

14 I du me yi nde ngambu li osisiti 'ngú gba okpála-a, 'Dyi yi inde abhúla-a a'é bhadi osisiti 'ngú gba yi-e moko. 15 Engú bini, i du me yi nde mbu li osisiti 'ngú gba okpála de-e, 'Dyi yi 'é di osisiti 'ngú gba yi-e de.»

Nasuno pindji natse 'zu ngú nayo Ebhe

16 «Nehinga yi ngatse 'zu lie ngú nayo Ebhe-e, yi aná bhúla yi maka obhulu kali amemene lie de. U memene mo-o ngú nasuno pi okpála me o ngatse 'zu ngú nayo Ebhe. Ma apa pi yi na paká me u asia makalá gba o asia. 17 La pi mu-o, nehinga mu ngatse 'zu lie ngú nayo Ebhe-e, vulu bhúla mu, amba mu pulu ne emu ndjindji, 18 amba okpála ambila de me mu ngatse 'zu-o de. 'Dyi mu inde ne ndu bili hana, abana bhú bili na pepe-e, mbila bha ngae kpi e kpi. Abhomu-o, 'Dyi mu inde a uu 'kpí bhú pepe hana-a, tsia há makalá pi mu ngae.»

Yesu apa me yi po bhúla tia gba yi-e abhúla

(Tsia bhú Luk. 12:33-34.)

19 «Yi apó bhúla tia pi yi pála doto inde-e de. Padhá de, anga yi po bhúla tia pi yi ei-e, opálanga ne mbelende síti, li obhulu 'zi dúdu pabu 'ti-e, u tsia zí. 20 Engú bini, yi po mangbo bhúla tia pi yi abhúla. Padhá de, anga oo, opálanga ne mbelende ngú nasisiti ade, obhulu 'zi di ngú nadudu pabu 'ti-e me u zi-e ade. 21 Padhá de, anga bili inde li tia gba mu nde lie, bua mu dú bhadi oko.»

Djila kpála ne zi 'ké na kute ani

(Tsia bhú Luk. 11:34-36.)

22 «Djila kpála ne zi 'ké na kute ani. I du me djila mu nde ndjindji-e, kute mu

libhomu dú li zi 'kpí. 23 Engú bini, i du li djila mu ne kuo-o, kute mu libhomu dú bhú biti. I du me zi 'kpí inde mu ngabhundja me a bhú ni-e nde biti-e, biti ang-o né la matá dada mane.»

Yi 'o bha nabhuka gba yi-e bhú Ebhe, yi a'ó bhú tia de

(Tsia bhú Luk. 16:13.)

24 «Kpála bini ti da namene kulu pi ongámási bhisi de. A akunda napa me, aní u bhe bini-e padhá, aní tsia tsé aní, aní kúnda bhe koko-o, aní tsia dhíka li aní. Yi ti da nadu bali pi Ebhe ne pi tia* bhú nehinga bini de.

25 Kaka-a, ma apa pi yi me, yi a'ó bua yi abhúla ngubula mukobho gba yi-e de. Yi adú akina liyi de me ya azú sí ni, di ne me ya andjí sí ni-ie de. Mukobho gba kpála ane ezu mane adí? Yi akina di liyi de me ya adyí sí ni-ie de. Kute kpála ane bongo mane adí? 26 Yi tsia nga maka li odhu nde lie abhúla: u lulu 'dyi de, u gbege de ngwa abhiye de, u 'o'o la di 'he bhú ngbokopi de. Engú bini, 'Dyi yi inde abhúla-a ngaku uo! La ngayi-e, yi ane uo ne tata. 27 A ko da bhú ka yi ka nakina lie i ti da na'o mbo ekpí koko pí mukobho gba e?

28 Ka ni la yi ngabhelo bua yi lie li 'ngú na bongo-o? Yi tsia nga maka li ofelele ngabhelo lie abhiye: u memene kulu de, u dudú di bongo de. 29 Ma apa la pi yi me, abana 'ngbé ngámá Salomo bhú ká tia gba e hana-a, aní dyi belegu nani bongo maka saka uo de. 30 I du me Ebhe nde ngato bongo li ulu inde abhiye mo-o, ulu inde naki oo-o, inde u abhíke la mambi e bhú djua-a, aní méne pi yi ane mane di? Nabhuka gba yi-e yeye mo-o ka ní? 31 Ka 'ngú ang-o, yi akina liyi de me: «Ya azú ní? Ya andjí ní? Ya adyí li ya mangua bongo dho?» 32 Ndu ongu bhomu-o hana, omupagano ngagigili ngao. U gili ne ndala de. La-a, 'Dyi yi inde abhúla-a, mbila ndjindji me yi ne gumu ndu 'he bhomu-o hana. 33 Yi gili ngaiza Nau gba Ebhe-e bhú dabili bini ne namene ngbili 'ngú inde aní akunda e-o. Pipita-a, li Ebhe tsia há di ndu oehe koko bhomu-o hana pi yi. 34 Kaka-a, bua yi angamba li 'ngú na mambi de. Mambi abhúndja 'ngú gba e ngae. A li ekpí bini ne bini ne likabhu inde ati ne e.»

7

Yi akódho 'ngú gba okpála koko de

(Tsia bhú Luk. 6:37-38, 41-42.)

1 «Yi akódho 'ngú gba okpála koko de, amba Ebhe akódho di engú gba yi-e de.

2 Padhá de, anga lele maka yi ngakodho

* 6:24 6:24 Tia: Bhú eli na Giliki-e, u aye me «Mamo», a akunda napa me na'o tia maka ebhe.

'ngú gba okpála koko lie, Ebhe akódho bhadi engú gba yi-e moko. La di-e, ani améne bhadi pí yi maka yi ngamemene lie pí okpála koko-o. ³ Ka ní mụ ngau mboye kụ musoli inde bhú djila ndai mụ-o lie, mụ nde u la pála ndula inde bhú djila mụ-o de? ⁴ Lele pí mụ tí da napa pí ndai mụ lie me: <Djedjeke, ma go gbe kụ musoli inde bhú djila mụ bhomụ-o>, me a nde bhú djila mụ ne pála ndula-a? ⁵ Bhulú kali, gbe ngaiza pála ndula inde bhú djila mụ-o, amba pipita-a, mụ tsia ú la 'kpí ndjindji ngú nagbe mboye kụ musoli inde bhú djila ndai mụ ko.

⁶ Yi ahá ehe na bubu gba Ebhe-e pí obulu de, anga í dū mo-o de-e, u gó sisidha yi má tsue tsue! Yi abála omayaka gba yi na tia bhelé-e pí opame de, ngú nakpe me u anú adedele ne 'dhu o de.»

Nazi 'ndji o bhú mayo
(*Tsia bhú Luk. 11:9-13.*)

⁷ «Yi yo 'he, amba u ha pí yi. Yi gili 'he, amba yi sia. Yi bhí bhoti, amba u 'u pí yi. ⁸ Padhá de, anga kpála bhende ngayo 'he ngasisia. Kpála bhende ngagili 'he ngauu. Kpála bhende ngabhí bhoti-e, u nga'ú'ú pí ani. ⁹ Bhú ká yi-e, a ko da inde í dū me ndili gba ani-e nde ayo mapa ka ani-e, ani tsia há pí ani teme? ¹⁰ Í dū di-e me ndili nde ayo sungu ka 'dyi e, ani tsia há pí ani kpálu? ¹¹ Í dū la me, ngayi okpála-kuti inde sisiti-e, yi nde ambila naha ohe na babadha pí ongisi gba yi-e, lele pí lí 'Dyi yi inde abhúla-a há ohe na babadha lie pí obhende ngayoyo ka ani-e de-e?»

Lili na kuku
(*Tsia bhú Luk. 13:24.*)

¹² «Ndu 'ngú hana inde yi ngakunda me okpála mene e pí yi-e, yi mene di engú ang-o pí uo. A bhomụ-o engú inde lí lí gba Moidje apa e, la di ne ongú inde lí opolofeta aye e-o.»

Nasuno pindji okpadji bhisi kpi kpi
(*Tsia bhú Luk. 13:25-27.*)

¹³⁻¹⁴ «Yi lí lí bhoti bhende na mbomboye ko! Padhá de, anga a ngato kpála bhú mukobho ngae. La-a, kpadji ang-o dada kpekpeke. Kaka-a, okpála ngali lí kpadji ang-o bhelé ade. Yi alí lí bhoti bhende na ngbéngbé-e de. Padhá de, anga a ngato kpála bhú ngita ngae. La-a, dada kpekpeke ade. Kaka-a, okpála bhelé ngagbida lí kpadji ang-o-o.»

Opolofeta na eu
(*Tsia bhú Luk. 6:43-44.*)

¹⁵ «Yi lila liyi ka opolofeta na eu-o malila. Padhá de, anga u ngago agba yi me u nde adyi kó kandele, engú bini, abhú u-o, a ko onate. ¹⁶ Yi ambila uo lí okulu gba o-o. U koko manga lí ondula na eti de. U koko la

di malibhombi lí kobe de. ¹⁷ A moko, ndula na babadha ngali bhadi olíli na babadha. Engú bini, ndula na sisiti ngali bhadi olíli na sisiti. ¹⁸ Ndula na babadha tí da nali olíli na sisiti de, la di-e, ndula na sisiti tí da nali olíli na babadha de. ¹⁹ Ndu ndula hana inde í lí líli na babadha de-e, u adé, u tsia bhike bhú djua. ²⁰ A moko, yi ambila opolofeta na eu lí okulu gba o-o.»

Omukpata na kuku
(*Tsia bhú Luk. 13:25-27.*)

²¹ «A ko de me okpála bhende ngapa muma me <Ngámá, Ngámá-a!> alí ndu o hana bhú Nau na abhúla-a de. Engú bini, a alí bha bini ne obhende ngamene engú inde lí 'Dyi ma inde abhúla-a ngakunda e ko. ²² Lí 'kpí nakodho 'ngú-o, okpála bhelé apa muma me: <Ngámá, Ngámá, ya mene nani kulu na polofeta ne 'lí mụ dí? Ya pandja nani osisiti bua bhú okpála ne 'lí mụ dí? Ya mene nani ongamba 'ngú bhelé ne 'lí mụ dí?> ²³ La-a, ma tsia gíe pí uo me: <Ngayi obhulu namene siti 'ngú inde-e, ma mbila nani yi belega de bini. Yi gbe liyi de ma tsutsu!>»

Oeti bhisi
(*Tsia bhú Luk. 6:47-49.*)

²⁴ «A moko, ndu kpála hana inde adje eli inde ma apa e, ani atsia amene maka lí eli ang-o apa lie, ani maka kpála na imbilangu inde a'o 'dhu 'ti gba e pí teme. ²⁵ Ebha adhi, engu asi, anvi ago ne engu-o, a atsia atu lie lí kute eti-o. La-a, eti-e tí de, anga odhuhu adu me a nde pí teme. ²⁶ Engú bini, ndu kpála hana inde adje eli inde ma apa e, ani tsia mene maka lí eli ang-o apa lie de-e, ani maka kpála bini na ngingi inde ayiki eti gba e pí sike. ²⁷ Ebha adhi, engu asi, anvi ago ne engu-o, a atu lie lí kute eti bhomụ-o. Eti ang-o-atuko kuto, a atsia atsambala hana!»

²⁸ Lí Yesu andjia nakpo ongú bhomụ-o lie, ndu okpála hana atsia angamba lí nasuno gba ani-e naali. ²⁹ Padhá de, anga ani dū nasuno pí uo maka omasuno na líli gba uo-o de. Engú bini, ani adu asuno pí uo maka ngámá.

8

Yesu akobho bhulu kaba bini
(*Tsia bhú Mlk. 1:40-45; di ne bhú Luk. 5:12-16.*)

¹ Lí Yesu akó eta-a lie, okpála bhelé atsia akpata ani. ² Abhomụ-o, bhulu kaba bini adyudyo lie, ani atutu lipaku e kuto kala ani. Ani atsia apa me: «Ngámá, í dū me mụ nde akunda-a, mụ tí da nakobho ma.» ³ Yesu ato 'kpa e, ani 'o lí kute ani ne napa me: «Ma akunda moko, kokobho!» Ma 'lí ma me-e, kaba agulu bha kolo lí ani

hana. ⁴ Abhomu-o, Yesu atsia apa pi ani me: «Gbo dje mu, mo opá 'ngú inde-e pi kpála bini de. Engú bini, nu suno bha limu pi dimandø gba Ebhe, amba mu ha makiso maka li líli gba Moidje apa lie ngubula nasuno pi okpála me mo okobho.*»

*Yesu akobho kpála na kulu
gba ngámá gba osudha na Loma
(Tsia bhú Luk. 7:1-10; di ne bhú Dja.
4:43-54.)*

⁵ Abhomu-o, Yesu ali bhú kuti na Kapalanauma. Ani adu ali lie oo, ngámá bini gba osudha na Loma' adyudyo lie de ani. Ani atsia akikiliki lie pi ani ⁶ me: «Ngámá, kpála na kulu gba ma-a asi kuto abhú 'ti. Ani agugumu kuto, ani ngadje likabhu na kuo kuo.» ⁷ Yesu apa pi ani me: «Ngama-a, ma adji akobho ani.» ⁸ Engú bini, ngámá gba osudha-a atsia agie me: «Ngámá, ma ne tetele kpála[†] ade, ngubula me mu li bhú 'ti gba ma-o. La-a, mu pa bha koli eli bini-e, li kpála na kulu gba ma-a kóhbo. ⁹ Padhá de, anga ngama makpe-e, ma sa líli gba ngámá, ma la di ngaha líli pi osudha. Ma pa pi bhe bini-e me: <Nunu!> Ani nú. Ma pa pi bhe koko-o me: <Gogo!> Ani gó. Ma pa pi bali gba ma-a me: <Mene 'he inde!> Ani méne.»

¹⁰ Li Yesu adje engú bhomu-o lie, ani angamba naali. Ani atsia apa pi okpála inde adu akpata ani-e me: «Ma apa pi yi na paká me, ma bhaka nga ngua nabhuka inde-e bhú kpála bini bhú ká omaisalaele de! ¹¹ Ma atsia apa la di pi yi me: okpála bhelé ayie ne andjongu di ne akati, u tsia dúlu pí dabili na anokomia bhú dabili bini ne Abalahama, ne Isaka, la di ne Yakobho bhú Nau na abhúlá ko. ¹² Engú la bini, obhende ayo nani me u sia dabili bhomu-o, u abála uo bhú biti akilidjo. Oo, u adu naku 'gbá di ne nazu Tate o.» ¹³ Abhomu-o, Yesu atsia apa pi ngámá gba osudha-a me: «Gie limu agba mu! Maka mo obhuka lie, a ayo me amene lie pi mu moko.» Kpála na kulu-o atsia akobho bha bini li nedhinga ango-o ko.

*Yesu akobho 'hi wala Piele
(Tsia bhú Mlk. 1:29-34; di ne bhú Luk.
4:38-41.)*

¹⁴ Pipita-a, Yesu ali bhú 'ti gba Piele. Ani abhaka me 'hi wala ani nde asi kuto, kute ani nde kpákpá. ¹⁵ Yesu a'o 'kpa e li 'kpa

ani, kute ani atsia aguo. Ani ayie bhúlá, ani atsia aholo nalu 'zu pi ani.

Yesu akobho okpála bhelé

¹⁶ A akolo lie tagolo-o, u ago pi Yesu ne okpála bhelé inde li osisiti bua adu nalu bhú o-o. Ani apandja osisiti bua ango-o ne 'li e, ani atsia akobho di ndu okpála na kuo hana. ¹⁷ Ani amene mo-o ngubula me eli inde li polofeta Isaya apa nani e amene lie. Engú inde ani apa nani e me:

«Ani abha ndu olikabhu gba ya hana,
ani atsia abi ndu okuo gba ya hana li
kute e.†»

*Líli pi okpála inde akunda nakpata Yesu
(Tsia bhú Luk. 9:57-62.)*

¹⁸ Li Yesu au kambi okpála lie lingo e, ani atsia aha líli pi omukpata gba e me o kodho 'kpí ne ayi ekpø na Galilaya. ¹⁹ Abhomu-o, masuno bini na líli gba Moidje adyudyo lie, ani atsia apa pi Yesu me: «Musuno, ma akpáta mu li ndu bili mo onú li e hana.» ²⁰ Yesu apa pi ani me: «A ka onekpø ne gudho u asisi bhú e, a di ka odhu ne 'ti o. Engú la bini, ngama Ndili gba kpála-a, dabili ka ma ngú nasi tété ngú nago ade.» ²¹ Kpála koko inde adu di suka omukpata gba ani-e apa pi ani me: «Ngámá, ha kpadji muma, amba ma nu zi ngaiza 'dyi ma.» ²² Engú bini, Yesu apa pi ani me: «O okpála koko u zi ani ngao.‡ La ngamu-o, go kpata ma.»

*Yesu ayoko anvi na kpekpeke
(Tsia bhú Mlk. 4:35-41; di ne bhú Luk.
8:22-25.)*

²³ Pipita-a, Yesu a'u bhú zabu, omukpata gba ani-e atsia a'u'u nganda ani. ²⁴ Ma gala kolo me-e, anvi bini na kpekpeke aholo nape pí ekpø-o masikpe de me zabu-o linda ka ngbo 'ngu-o. La ngaani Yesu-o, ani adu tila. ²⁵ Abhomu-o, omukpata-a adyudyo lio de ani masikpe, u atsia azuku ani ne napa me: «Yaka! Ngámá, kobho ní, ní adjí amú!» ²⁶ Yesu atsia agie pi uo me: «Yi ne tsulu mo-o ka ni? Nabhuka gba yi-e nga bha yeye!» Ani ayie bhúlá, ani ambe bhú 'ndji anvi di ne engu-o. Abhomu-o, ndundu hana atsia akolo guguo! ²⁷ Okpála angamba, u atsia adu apa me: «Kpála inde-e, a ko mangua kpála dho ngubula me belegu anvi di ne engu du namanga ani-e!»

* **8:4** 8:4 Nasuno pi okpála me mo okobho: A ko nasuno me ni akpata líli gba Moidje ndjindji. Tsia bhú Lev. 14:2-32.

† **8:5** 8:5 Ngámá bini gba osudha na Loma: Ngámá ango-o nani ne ngámá pí 'ndji osudha kámá bini. A adu nani maYuda de. ‡ **8:8** 8:8 Ngámá bhomu-o ambila nani ndjindji me líli gba omaYuda ziba de me maYuda bini li bhú 'ti gba kpála inde ne maYuda ade-e de. † **8:17** 8:17 Tsia bhú Isa. 53:4. § **8:22** 8:22 'O okpála koko u zi ani ngao: Bhú eli inde u aye nani Gandja na Mbía bhú e-e (eli gba oGiliki), u aye me: «O okpála bhende amu-o, u zi okuo gba o-o.» A akunda napa me: «O okpála bhende i bhuka nga de-e me u zi okpála bhende amu-o.»

Yesu akobho okpála bhisi li osisiti bua adu nadu bhú o-o

(Tsia bhú Mlk. 5:1-20; di ne bhú Luk. 8:26-39.)

²⁸ Li Yesu akolo lie ayi 'ngu, bhú doto gba okpála na Gadala-a,* okpála bhisi ayie bhú ká olata, u atsia ago abhaka ani. A adu bhú okpála ang-o ne osisiti bua, u atsia adu azi 'gú naali. Kaka-a, okpála du apu li kpadji li pápá bhomu-o de. ²⁹ Abhomu-o, u aholo nasusula me: «Mo okunda namene ngu ya pi, Ndili gba Ebhe? Mo ogo ei ngu nato mbolo li ya kalanu me nedhinga nakodho 'ngú-o nde kolo nga di?» ³⁰ A abhaka me de bili ang-o, 'ngbé piga opame† nde oo, u nde ngazu 'he. ³¹ Osisiti bua adu nakikiliki lio pi Yesu me: «f du me mu nde akunda napandja ya-a, mba ya bhú piga opame inde.» ³² Ani apa pi uo me: «Yi nana.» U aze bhú okpála bhomu, u atsia anu alili bhú opame-o. Me-e, ndu opame ang-o hana aké eta ne holo, u anu atuko bhú 'ngu má dhumulu, ne namu ka o.

³³ Omulila gba uo atsi ne holo, u agbida bhú gudhu, u atsia akpokpo ndu 'ngú hana di ne engú inde akodho 'kpí li okpála bhisi inde adu ne osisiti bua bhú o-o. ³⁴ Me-e, ndu okpála hana na gudhu ang-o anu ngu nabhaka Yesu. U au ani lie, u atsia akikiliki lio pi ani me ani yie bhú kuti gba o mayie.

9

Yesu akobho kpála inde agugumu kuto

(Tsia bhú Mlk. 2:1-12; di ne bhú Luk. 5:17-26.)

¹ Pipita-a, Yesu a'u bhú zabu, ani agulu mata ekpe-o, ani atsia akolo bhú Kapalanauma, gudhu ani adu nadu bhú e-o. ² Me-e, okpála ago pi ani ne bhoko bini inde agugumu kuto. U ago ne ani pi kalagba. Li Yesu au nabhuka gba uo lie, ani atsia apa pi kpála inde gugumu e bhomu-o me: «Atou, ndika ma, u a'e osisiti 'ngú gba mu-o a'e.» ³ Abhomu-o, omusuno koko na líli gba Moidje atsia apa li bua o me: «Kpála inde-e ngasobho Ebhe!»

⁴ Li Yesu ambila mabhundja gba uo lie, ani atsia apa pi uo me: «Ka ni yi ngabhundja lie li bua yi sisiti mo-o? ⁵ Padhá de, anga ane ne bhuku ne bhedho? Ne napa me: «U a'e osisiti 'ngú gba mu a'e», ne napa me: «yie bhúlá, dhudhuku?» ⁶ Ngú nasuno me ngama, Ndili gba kpála, ma ne angu píla doto ngu na'e osisiti 'ngú-o, a ayo me ma kobho bhoko inde.» Abhomu-o, ani atsia apa pi kpála inde agugumu-o me: «Yie bhúlá, ha kalagba gba mu, amba

mu gie limu agba mu!» ⁷ Kpála ang-o ayie bhúlá, ani atsia atapa agba e. ⁸ Li okpála au 'ngú ang-o lie, a'o tsulu li uo naali, u adhəgə Ebhe inde aha ngua angu bhomu-o pi okpála-kuti-o.

Yesu a'i Matié

(Tsia bhú Mlk. 2:13-17; di ne bhú Luk. 5:27-32.)

⁹ Pipita-a, Yesu ayie oo. Ani adu akodho 'kpí lie, ani au kpála bini, a adu 'li ani me Matié. Ani adu me ani nde adu kuto bhú bilo inde u adu akala mandjandja bhú e-o. Ani apa pi ani me: «Kpata ma!» Matié ayie bhúlá, ani atsia akpata ani. ¹⁰ Pipita-a, Yesu anu nazu 'he abhú 'ti gba ani. Abhomu-o, bhiti ondombi na mandjandja di ne okpála koko na sisiti ago adulu nazu 'he bhú dabili bini ne Yesu di ne omukpata gba e-o. ¹¹ Li omuFalisai au lie mo-o, u atsia ayi omukpata gba ani-e me: «Ka ni li musuno gba yi-e ngazu 'he lie bhú dabili bini ne ondombi na mandjandja di ne okpála na sisiti-e?» ¹² La-a, Yesu adje engú ang-o, ani atsia apa me: «Okpála bhende ne kuo ade-e, u ne gumu mutia ade. Engú bini, okpála bhende ne kuo mangbo ne gumu mutia ngao. ¹³ Kaka-a, yi nu gili ta 'ngú inde li Bhuku gba Ebhe-e apa e me: «Engú inde anga li ma naali-e, a ko nadjé ndjinga okpála koko, a ko naha makiso de.» Padhá de, anga ma go na'i okpála bhende apa me o ngbingbili-e de. Engú bini, ma ago mangbo na'i okpála bhende au lio me o ne osisiti okpála-o.†»

Yesu apa me u amáta nasuno gba ni-e ne nasuno koko de

(Tsia bhú Mlk. 2:18-22; di ne bhú Luk. 5:33-39.)

¹⁴ Ekpí bini, omukpata gba Djaa bhulu nabatisa okpála adyudyo lio de Yesu, u atsia ayi ani me: «Ka ni li ngaya ne omuFalisai, yangtse 'zu lie gome ngu nayo Ebhe-e, la-a, omukpata gba mu-o ngamemene mo-o ade-e?» ¹⁵ Yesu atsia agie pi uo me: «Okpála bhende u a'i o bhú anokomia na kuva ti da nayala nazu 'he uu me 'ko ele-o nde ngabha bhú dabili bini ne uo-o? Engú bini, oekpí akólo makolo, ekpí inde u a'é 'ko ele-o lie bhú ká uo-o, li oekpí bhomu-o, u tsia tsé 'za.

¹⁶ Kpála bini ti da nadu pála bongo na mbia li bhe na didili de. Padhá de, anga pápála bhende u a'o e pépé-e sídha bongoo, li kaka-a tsia dú la matá sisiti naali.

¹⁷ U 'o'o pandi na mbia bhú odidili dhudhu na kó 'na de. f du mo-o, li odhudhu-o úpa, li pandi-e túko, li

* 8:28 8:28 Gadala: A ko nani gudhu ka omaYuda de. † 8:30 8:30 Opame: Pi omaYuda-a, pame nani ne enu na sisiti. Kaka-a, u 'o nani uo de. A du bha nani na' o opame ne okpála inde naao ne omaYuda ade ko. Tsia bhú Mlk. 5:11. † 9:13 9:13 Tsia bhú Oz. 6:6.

odhudhu-o tsia siti di. U 'o'o mangbo pandi na mbia bhú odhudhu na mbia. Abhomu-o, ndundu hana tsia líla lie ndjindji.»

Yesu akobho øle bini, ani atsia azuku di ndili

na øøle gba Yailo

(Tsia bhú Mlk. 5:21-43; di ne bhú Luk. 8:40-56.)

¹⁸ Li Yesu adu agie 'ngú pi omukpata gba Djae lie, ngámá bini adyudyo lie de ani masikpe, ani atutu lipuku e kuto kala ani. Ani atsia apa pi ani me: «Ndili gba ma na øøle-o andjili mbia inde. Engú bini, go 'o 'kpa mu pi ani, amba ani zuku.»

¹⁹ Abhomu-o Yesu ayie bhúlá, ani atsia akpata ani bhú dabili bini ne omukpata gba e-o.

²⁰ Bha li nedhinga bhomu-o, øle bini inde li ngute adu natuko lie ngubula kalanga ndjikpa ne ká bhisi-e ago de Yesu ne akele ani, ani atsia abu 'kpa e li 'so bongo gba ani-o. ²¹ Padhá de, anga ani adu apa li bua e me: «ƒ du bha me ma nde abu 'kpa ma li bongo gba ani-e, ma kóbho.» ²² Engú bini, Yesu adji lie, ani au ani, ani atsia apa me: «Atou, ndika ma! Nabhuka gba mu-o akobho mu akobho.» Bha li nedhinga bhomu-o, øle ang-o atsia akobho.

²³ Yesu akolo agba ngámá-o. Ani abhaka me okpála nde má dja dja ngú nanu azi kuo-o, omavulu mbálá-a nde nga'u mbálá.

²⁴ Abhomu-o, ani atsia apa me: «Yi gbe liyi ne sidi, anga ndili na øøle inde-e kpi de, engú bini, ani ngala.» Abhomu-o, u aholo namu ani. ²⁵ Li u apandja ndu okpála hana lie kilidjo-o, Yesu ali abhú 'ti. Ani aha 'kpa ndili-o. Abhomu-o, ndili-e atsia ayie bhúlá. ²⁶ Ngali na engú ang-o atsia ayangba bhú ndu doto bhomu-o libhomu.

Yesu akobho okpála bhisi inde i u 'kpí de

²⁷ Li Yesu aholo 'nú lie, okpála bhisi inde i u 'kpí de-e, aholo akpata ani ne nasusula me: «Ndili gba Davidi, dje ndjinga ya!»

²⁸ Ani ali lie abhú 'ti-e, okpála bhisi inde i u 'kpí de bhomu-o adyudyo lío de ani. Yesu atsia ayi uo me: «Yi abhuka me ma ti da nateteke yi?» U agie pi ani me: «Heni, Ngámá.» ²⁹ Abhomu-o, ani abu 'kpa e li djila uo ne napa me: «A ayo me amene lie pi yi maka nabhuka gba yi-e nde lie ko.» ³⁰ Abhomu-o, djila uo abhulu, Yesu atsia agbele 'dje uo kpekpeke me: «Yi gbo 'dje yi! A ayo de me kpála bini mbila engú inde-e de!» ³¹ Engú bini, bha naze ka uo me-e, u apandjala ngali gba ani-e bhú ndu doto ang-o libhomu.

Yesu akobho kpála bini inde i bhú 'ngú de

³² Nedhinga li okpála bhisi inde li Yesu akobho o bhomu-o adu nanu lie, bha li nedhinga bhomu-o, okpála ago pi Yesu ne kpála bini inde i bhú 'ngú de ka siti bua inde adu nadu bhú ani-o. ³³ Li Yesu agbe siti bua ang-o lie bhú ani-e, kpála ang-o atsia aholo nagama 'ngú. Abhomu-o, kambi okpála angamba, u atsia adu napa me: «Ngua 'ngú inde-e u nga lie bhú ká omafalaale belegu de bini!» ³⁴ La-a, omafalaisai adu napa me: «Ngámá gba osisiti bua ngaha angu pi ani ngú napandja osisiti bua ngae bha-a!»

Yesu adje ndjinga kambi okpála

³⁵ Abhomu-o, Yesu adu adholo bhú ndu ogudhu di ne bhú ndu okuti hana. Ani adu nasuno bhú oeti nadje líli gba Moidje . Ani adu akpokpo Bádha Ngali Nau gba Ebhe , ani atsia adu nakobho ndu kuo hana di ne ndu oeze hana. ³⁶ Li ani au kambi okpála lie, ani adje ndjinga uo naali, anga u adu me u nde andala, angu u nde la di andjia maka piga okandøle inde li mulila nde ka o ade. ³⁷ Abhomu-o, ani atsia apa pi omukpata gba e me: «Nguwa abhiye-e bhelé, engú la bini, okpála na kulu-o bhelé ade. ³⁸ Yi yo ka bhulu 'dyi-e me ani tima okpála na kulu bhú edyi gba e ngú na'e nguwa-o.»

10

Yesu atima omukpata ndjikpa ne ká bhisi gba e-o

(Tsia bhú Mlk. 3:13-19; di ne bhú Luk. 6:12-16.)

¹ Pipita-a, Yesu a'i omukpata ndjikpa ne ká bhisi gba e-o. Ani aha angu pi uo ngú napandja osisiti bua bhú okpála, di ne nakobho ndu okuo hana, la di ne ndu oeze hana. ² A inde-e 'li obhulu titima ndjikpa ne ká bhisi-o: kpála na kalanu-o, a ko Simo inde li Yesu agisila 'li e me Piele, ne uo ne ndai e Andili, a la di-e ongisi bhisi gba Djebedayo-o. A adu nani Djaki ne uo ne ndai e Djae , ³ a la di-e Filipino ne uo ne Batelemi; a la di-e Tuma ne uo ne Matié, ndombi na mandjandja-o; a la di-e Tade ne uo ne Djaki, ndili gba Alafayo-o; ⁴ a la di-e Simo kpála na Kanana ngauo ne Yuda Isikaliote. Simo nani ne saka omaYuda inde adu agili ne kpéke me o ze bhú bali sa kpa okpála na Loma zeze-o. Yuda Isikaliote nani ne kpála inde apú ngbángá Yesu pi obhulu yala-o.

⁵ Abhomu-o, Yesu atima obhulu titima ndjikpa ne ká bhisi bhomu-o. Ani atsia aha olili inde-e pi uo me: «Yi adji-e, yi anu agba okpála inde ne omaYuda ade-e de. Yi ali di bhú ogudhu gba okpála na Samalia de. ⁶ Engú bini, yi nu mangbo agba omafalaale. Padhá de, anga uo

maka okandələ inde angita. ⁷ Li kpadji-e, yi kpokpo Bádha Ngali gba Ebhe-o. Yi pa pi okpála me: «Nau na abhúlá akolo masakpe!» ⁸ Yi kobho okpála na kuo, yi zuku okpála inde amu, yi kobho obhulu kába, yi pandja osisiti bua bhú okpála. Yi asia padhá, yi ha bhadi pi okpála koko padhá.* ⁹ Yi ahá belegu ku li falanga de bini. ¹⁰ Yi ahá gonia ngú enú-o de. Yi ahá bongo na mbulu bhisi de, yi na bha ne koli maleke inde bhú 'dhu yi ko, yi ahá ndula de. Padhá de, anga okpála inde yi adji amene kulu bhú ká o-o abí mukobho gba yi-e ngao.

¹¹ Yi li bhú gudhu bini, i du di-e bhú kuti bini-e, yi de gili kpála inde bedhe ngú nasia yi, amba yi du gba kpála ang-o akólo bhú nayie ka yi ko. ¹² Yi li bhú eti bini-e, yi de yi okpála inde bhú 'ti ang-o mayi. ¹³ I du me okpála na eti ang-o nde asia yi-e, guo 'ngú yi adhaku ne e de du ne uo. Engú bini, i du la me okpála ang-o nde sia yi de-e, guo 'ngú gba yi-e de gie lie pi yi. ¹⁴ I du me u nde sia yi de-e, u dje la di 'li yi de-e, nedhinga inde yi ngakoto lie bhú 'ti ang-o, i du di-e bhú gudhu ang-o, yi de dyiki ndju doto na 'dhu yi ngú nasuno pi uo me yi atse uo atse. ¹⁵ Ma apa pi yi na paká me, li 'kpí nakodho 'ngú-o, okpála na gudhu ang-o asia likabhu kpekpeke ané okpála na Sodomú ne Gomolo mane.»

Okpekpeke da 'ngú inde akólo li omukpata gba Yesu

(Tsia bhú Mlk. 13:9-13; di ne bhú Luk. 21:12-17.)

¹⁶ «Yi gbo nga 'dje yi! Ngama-a, ma ngatima yi maka okandələ bhú ká onute. 'E-e! Yi alá-a de, amba yi du di ne bhuku bua maka opidjo. ¹⁷ Yi lila liyi ka okpála ndjindji. Padhá de, anga u ambá yi bhú otilibinali, u tsia bhí yi ne fimbo bhú oti gba o nadje líli gba Moidje-o. ¹⁸ U anú ne yi kala ongámási na ndu doto di ne kala ongbenge ongámási anga yi abhuka ma. A améne lie mo-o ngubula me yi kpokpo 'ngú gba ma-a kala uo di ne kala okpála inde ne omaYuda ade-o. ¹⁹ Nedhinga u anú ne yi lie kala okpála ang-o, yi akina liyi li 'ngú inde yi apá e de, di ne lele maka yi ayípa 'ngú li 'ngú ang-o lie de. Ongú inde a ayo me yi pa e, a ahá bha lie pi yi li nedhinga ang-o. ²⁰ Padhá de, anga engú inde yi agáma e yie ka yi de. Engú bini, Bua gba 'Dyi yi-e agáma 'ngú bhú yi ngae.

²¹ Okpála apú ondaise o me u bhili uo. 'Dyi ndili apú ndili gba e me u bhələ ani. Ongisi akólo ne kpekpeke 'ndji pi okpála inde azu o, u tsia pú okpála azu o me u

bhili uo. ²² Ndu okpála hana ayála yi ka 'li ma. Engú bini, kpála bhende akibila nakolo bha bini makolo ali soso-o, ani tsia kóbho. ²³ U mene yi sisisi bhú gudhu bini-e, yi de kpe bhú gudhu koko. Ma apa la pi yi na paká me yi ndjia nadhuku bhú ogudhu na ísalaale hana de me Ndili gba kpála nde go de-e de.

²⁴ Yi mbila ndjindji me mukpata ne musuno gba e ne engbé de, kpála na kulu ne di ngámá na kulu gba e ne engbé de. ²⁵ A ayo me mukpata kolo maka musuno gba e-o. A ayo di me kpála na kulu kolo maka ngámá na kulu gba e-o. I du me u nde nga'i bhulu eti-e me Baladjebula-a,† u a'í la ibili okpála na eti gba ani-e pi!

²⁶⁻²⁷ Kaka-a, yi akpé okpála inde améne yi sisisi-e de! Engú inde ma apa e pi yi bhú biti-e, yi pa ibili ne ngbikpi. Engú inde u apa e pi yi bhú tpele-e, yi totobhila ibili ne di apí ongbuti. Padhá de, anga ndu 'he inde awo lie mawo-o hana akóto bhú mbasu, la di-e, ndu 'he inde na pepe hana ambála lie mambila. ²⁸ Yi akpé obhende ngabhələ kute yi, inde i ti da nabhələ bua yi de-e de. Yi kpe mangbo Ebhe inde i ti da nabhələ bua yi, la di ne kute yi libhomu bhú djua na duduma ko. ²⁹ Li mu tsindji oindjilindjili bhisi-e, mo osía tété mangua tetele tia dho? La-a, suka uo bini kpí padhá de me 'Dyi yi Ebhe nde ziba de-e de. ³⁰ La pi yi-e, Ebhe atanga belegu osundjo yi hana. ³¹ Kaka-a, yi akpé ehe bini de. Ngayi-e, abana u po bha bhúla oindjilindjili bhelə-e, yi ane uo ne tata.

³² Li kpála bini pa bhú ká djila okpála me ni ne kpála ka ma-a, ngama-a, ma apá bhadi bhú djila 'Dyi ma inde abhúla-a me a ko naama kpála. ³³ Engú bini, li kpála bini pa bhú ká djila okpála me ni ne kpála ka ma ade-e, ngama-a, ma apá bhadi bhú djila 'Dyi ma inde abhúla me a ko naama kpála de.»

Yesu ago nato egú sunda okpála

(Tsia bhú Luk. 12:51-53, 14:26-27.)

³⁴ «Yi abhúndja de me ma ago ngú na'o guo 'ngú pila doto de. Ma go ngú na'o guo 'ngú de, engú bini, ma ago mangbo ngú nagbogbo bhusu okpála. ³⁵ A moko, ma ago nagbogbo bhusu kpála ne 'dyi e. Ma ago nagbogbo bhusu ndili na ələə ne 'hi e.

Ma ago nagbogbo bhusu ələə gba ndili-e ne ogbi e na ələə.

³⁶ Kaka-a, obhulu yala gba kpála adú bha okpála na abhú 'ti gba ani ko.†

³⁷ Kpála bhende ngakunda 'dyi e, i du di-e 'hi e ane ma mane-e, kpála ang-o ti

* **10:8** 10:8 Li bili inde-e, Yesu ngakpokpo 'ngú bhomu-o pindji angu inde ani aha e pi obhulu titima gba e ngubula nateteke okpála-o. † **10:25** 10:25 Baladjebula: A bhomu-o suka 'ili gba Djabulu. † **10:36** 10:35-36 Tsia bhú Mik. 7:6.

ne ma de. La di-e, kpála bhende ngakunda ndili na bhobhoko gba e, i du di-e ndili na eelə gba e ane ma mane-e, kpála ango-o ti ne ma de. ³⁸ Kpála bhende i bi kulusi gba e[‡] de, i tsia kpata ma de-e, kpála ango-o ti ne ma de. ³⁹ Kpála bhende alíla mukobho gba e-e, ani kpí. Engú bini, kpála bhende atsé la mukobho gba e ngubula ma-a, ani sia mukobho na kukulu.»

Makalá gba kpála inde asia omukpata gba Yesu

(Tsia bhú Mlk. 9:41.)

⁴⁰ «Kpála bhende asia yi-e, ani asia bhomu-o ma. La di-e, kpála bhende asia ma-a, ani asia bhomu-o kpála bhende atima ma ko. ⁴¹ Kpála bhende asia polofeta anga a ko polofeta-a, ani asia makalá inde ati ne opolofeta. La di-e, kpála bhende asia kpála na ngbingbili anga a ko kpála na ngbingbili-e, ani asia makalá inde ati ne okpála na ngbingbili-o. ⁴² Ma apa pi yi na paká me kpála bhende ahá ngabha kópo kpina 'ngu bini pi saka okpála inde li okpála ngau o padhá inde-e anga a ko mukpata gba ma-a, kpála ango-o asia makalá gba e masia.»

11

¹ Li Yesu andjia naha olili bhomu-o lie pi omukpata gba e ndjikpa ne ká bhisi-e, ani ayie oo. Ani atsia anu ngú nasuno di ne nakpokpo eli gba Ebhe-e bhú ogudhu na ndu doto na Galilaya.

Djaa bhulu nabatisa okpála atima okpála nayi 'ngú pindji Yesu

² Li Djaa bhulu nabatisa okpála adu lie bhú tikpu-o, ani adje ngali okulu li Kilisito adu amene e-o. Abhomu-o, ani atsia atima omukpata gba e ³ me u nu yi ani me: «Mú ne Masiya inde ayo me Ebhe tima e? Ne me ayo me ya adjeke kpála koko?» ⁴ Yesu agie pi uo me: «Yi nu kpokpo engú inde yi ngadje e ne bhende yi ngau e pi Djaa: ⁵ okpála i u 'kpí de-e ngau 'kpí, obhende ne eze li 'dhu o-o ngadhuku ndjindji, obhulu kába ngakobho, obhende i dje 'kpí de-e, la di ngadje 'kpí, obhende amu-o ngazuku, okpála bhende ngau lio padhá kala Ebhe-e la di ngadje Bádba Ngali . ⁶ A ko djali pi kpála inde li engú gba ma-a bhéle nabhuka gba e mabhéle de ko.»

Yesu akpokpo 'ngú pindji Djaa bhulu nabatisa okpála

(Tsia bhú Luk. 7:18-35.)

⁷ Li omukpata gba Djaa aholo 'nú lie, Yesu atsia aholo nakpokpo 'ngú li 'ngú gba Djaa pi kambi okpála inde adu oo me: «Yi

anu igini natsia abhú mili bili-e ní? Yi anu igini natsia mbamba inde li anvi ngadyiki e? A mo-o ade. ⁸ I du mo-o de-e, yi anu nga igini natsia ní? Yi anu igini natsia kpála inde adyi babadha bongo-o ? La-a, okpála bhende adyidi obabadha bongo-o, u duduhú bhú oeti gba ongbengbe ongámási. ⁹ Yi anu nga la igini natsia ní? Yi anu igini natsia polofeta ? A moko. Ma apa pi yi me, yi anu igini natsia kpála inde ane belegu polofeta mane. ¹⁰ Padhá de, anga a ko kpála inde li Bhuku gba Ebhe-e apa nani li 'ngú gba e me:

«Ebhe apa me, ma ngatima bhulu titima gba ma-a pi mu kalanu ngú naleke kpadji pi mu.»[†]

¹¹ Ngama-a, ma apa pi yi na paká me, bhú ká okpála-kúti-e, kpála bini inde akoto, inde ngbéngbé ane Djaa bhulu nabatisa okpála belegu ade bini. La-a, ndu okpála hana inde aziba Nau na abhúlá-a , abana ani du bha mbomboye pi-ie, ani ane Djaa ne engbé.

¹²⁻¹⁴ Padhá de, anga ndu opolofeta hana di ne líli gba Moidje akpokpo ngali Nau na abhúlá nakolo makolo li nedhinga gba Djaa-o. I du me yi nde akunda naziba engú ma apa e, Djaa ne Eliya inde a ayo nani me ani go-o ngae. Nayie bhú nedhinga gba Djaa bhulu nabatisa okpála akolo pi mbia inde-e, Nau na abhúlá bhú gbene. La di-e, omangopu ngamene ne kpéke hana me o siti masiti. ¹⁵ A ayo me kpála inde li e ne djedje ngú nadje 'kpí-e djedje!

¹⁶ Ma tí da nasuno okpála na naki inde-e li da? Uo maka ongisi inde adulu bhú mbadhasu.

¹⁷ Okoko nga'u mbálá na ebi pi obi o, engú bini, obhe u a'u mbálá ango-o pi o ayala nadho 'bi!

U ali matá etsi na da kuo pi uo, engú bini, u ayala naku 'gbá!

¹⁸ Yi maka ongisi inde ayala nadho 'bi di ne naku 'gbá bhomu. Padhá de, anga a maka li Djaa ago nani lie-o. Ani ago maka kpála inde bhú dá kuo. Ani zu 'he de, ani ndji di vino de, yi atsia apa me: «A bhú ani ne siti bua !» ¹⁹ Ndili gba kpála ago di. Ani ago maka kpála inde bhú dá 'bi. Ani azu 'he, ani andji di vino, do yi de me: «Yi tsia nga kpála inde. Ani bha bini ngabhundja nazu 'he ne nandji vino! A ko olia ondombi na mandjandja, di ne okpála na sisiti!» Engú bini, bhú natsia nganda okulu gba Ebhe-e, a ngasuno pi yi me imbilangú gba ani-e ngbingbili.»

Okpála na ogudhu gba omaYuda inde ayala nadji bua o

(Tsia bhú Luk. 10:13-15.)

‡ 10:38 10:38 Nabi kulusi gba e: A ko naziba nazu likabhu di ne nakpi kabula Yesu. † 11:10 11:10 Tsia bhú Mal. 3:1.

²⁰ Abhomu-o, Yesu aholo nagama 'ngú ne ndje djila pí okpála na ogudhu inde aní amene nani ongamba 'ngú gba e bhelé bhú e-o. Padhá de, anga okpála ango-o dji nani bua o de. ²¹ Aní adu apa me: «A ko likabhu pí yi, okpála na gudhu na Koladjina! A ko likabhu pí yi, okpála na gudhu na Betesaida! Padhá de, anga ma amene ongamba 'ngú bhelé bhú ogudhu gba yi-o. Engú bini, yi dji bua yi de. La-a, ma méne nani ongamba 'ngú bhomu-o bhú ogudhu na Tile ne Sidona-a,* okpála na ogudhu ango-o de adyi nani gonia, u túko embi bhú 'ndji o didili naali, u tsia dji bua o. ²² A moko. Ma apa pí yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Tile ne Sidona mane.

²³ Ne yi di, okpála na gudhu na Kapalanauma, yi abhundja naayi me u a'é'e yi akolo abhúla-a? A mo-o ade. U aké yi ne kuto, akólo bha bini li bíli gba okpála inde amu. Padhá de, anga ma amene ongamba 'ngú bhelé bhú gudhu gba yi-o. Engú bini, yi dji bua yi de. La-a, ma méne nani ongamba 'ngú bhomu-o bhú gudhu na Sodomu-o, gudhu ango-o de nga bha bhúka, nakolo pí naki. ²⁴ Kaka-a, ma apa pí yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Sodomu mane.»

Ako djali pí okpála inde ngau lío padhá kala Ebhe

(Tsia bhú Luk. 10:21-22.)

²⁵ Bhú nedhinga bhomu-o, Yesu atsia apa me: «Ma ngadhəgə mu, 'Dyi ma, Ngámá na abhúla ne Ngámá na doto. Padhá de, anga engú inde mo owo e pí okpála inde ngabhundja me a bhú 'ndji o ne imbilangu-o, mo ombamba tata pí obhende ngau lío me o ne okpála na padhá kala ma! ²⁶ A moko, 'Dyi ma, anga bhú bádha bhú 'bu gba mu-o, mo okúnda bha nani me a adu moko.

²⁷ Yi mbila ndjindji me 'Dyi ma asuno ndu 'ngú hana muma. Kpála bini mbila Ndili-e de, bha bini 'Dyi Ndili-o. Kpála bini mbila la di 'Dyi Ndili-e de, bha bini Ndili gba ani-o, a la di-e kpála bhende li Ndili-e akúnda nasuno ani pí e ko.

²⁸ Yi andala ka okpekpeke líli di ne okpekpeke da 'ngú inde u ngabu e pí yi-o. Mbia inde-e, yi go bhaku ma, ma 'e pí yi ma'e, amba ma ha naguo pí yi. ²⁹ Yi mene olíli gba ma-o, amba yi 'o me ma suno engú pí yi. Padhá de, anga ma súno pí yi ne bhaku bua di ne na'o lima ne kuto. Yi mene mo-o, yi tsia sía naguo pí yi

makpe. ³⁰ A moko, da namene ongú inde ma akúnda e di ne olíli gba ma-a kpekpeke ade.»

12

Yesu ne ngámá pí 'ndji ekpí naguo gba omaYuda

(Tsia bhú Mlk. 2:23-28; di ne bhú Luk. 6:1-5.)

¹ Bhú oekpí bhomu-o, Yesu ne omukpata gba e adu akodho 'kpí bhú ngu 'zu inde u a'i e me ngano. A adu ekpí naguo gba omaYuda-o. Omukpata gba aní adu ne gumu. Abhomu-o, u aholo nakodho 'ndji 'ndji, u atsia adu nazuzu. ² Li omuFalisai au lie mo-o, u atsia apa pí Yesu me: «Ka ni li omukpata gba mu-o ngamene kulu lie bhú 'kpí naguo me líli gba ní-e nde ziba mo-o de-e?» ³ Yesu agie pí uo me: «Yi tanga nga engú inde li Davidi amene nani e di, nedhinga inde li ngaani makpe ne okpála gba e, u adu lie ne gumu-o? ⁴ Aní alí nani bhú 'ti Ebhe, ngaani ne okpála gba e, u atsia azu mapa inde u aha e pí Ebhe-o. A ayo la nani pí suka uo bini nazuzu de. Engú bini, a ayo bha nani me azu mapa ango-o ne odimandə gba Ebhe.

⁵ Ne me engú inde bhú líli gba Moidje-e, yi tanga nga di? Líli gba Moidje apa me, li 'kpí naguo gba omaYuda-a, odimandə inde ngamene kulu bhú 'ngbé 'ti Ebhe-e ngagumu bhomu-o líli na ekpí naguo-o. La-a, u 'ó 'ngú pí uo kaka de! ⁶ Engú bini, ma apa la pí yi me kpála bini bhú ká yi sí, aní ane 'ngbé 'ti Ebhe mane. ⁷ I dú me yi mbila engú inde li Bhuku gba Ebhe-e apa e uu-o, yi de 'ó engú pí okpála bhomu-o de. Padhá de, anga Bhuku gba Ebhe apa me: «Engú inde a nga li ma naali-e, a ko nadje ndjinga okpála koko, a ko naha makiso de.» ⁸ Yesu atsia abu tata-a me: «Ngama, Ndili gba kpála-a, ma ne ngámá pí 'ndji ekpí naguo.»

⁹ Pipita-a, Yesu ayie oo, aní atsia anu ali bhú eti gba uo nadje líli gba Moidje-o.

¹⁰ Bhú 'ti oo, kpála bini inde li 'kpa e andia adu oo. OmuFalisai adu akúnda na'o 'ngú pí Yesu. Kaka-a, u ayi aní me: «Líli gba ní-e aziba me u kobho kpála bhú 'kpí naguo uu?» ¹¹ Yesu agie pí uo me: «A ko da bhú ká yi inde i du ka e ne koli kandələ bini-e, li kandələ ango-o ti bhú 'dú li 'kpí naguo, aní nú nagbe aní de-e? ¹² La-a, kpálakuti ane kandələ bhutsibhutsi! Kaka-a, líli aziba namene bádha 'ngú bhú 'kpí naguo.»

¹³ Abhomu-o, aní atsia apa pí kpála ango-o me: «Gbele 'kpa mu.» Kpála ango-o agbele 'kpa e, 'kpa aní atsia akolo ndjindji maka 'kpa aní bhe koko-o. ¹⁴ Pipita-a,

* 11:21 11:21 Tile ne Sidona nani ne ogudhu ka omaYuda ade. Tsia bhú Isa. 23, ne bhú Edj. 26-28, di ne bhú Ams. 1:9-19. † 12:7 12:7 Tsia bhú Oz. 6:6.

omuFalisai aze kilidjo. U apo bhúla o ngú nagili kpadji me o bhòle Yesu.

Yesu ne kpála inde li Ebhe abhú e ngú kulu gba e-o

¹⁵ Li Yesu ambíla lie me omuFalisai ngagili nabhòle ni-e, ani ayie li bili ango-o. Bhití okpála akpata ani, ani atsia akobho ndu obhende adu ne kuo hana. ¹⁶ Engú bini, ani agbele 'dje uo kpekpeke me u apa pí kpála bini de me ni ne da-ie de, ¹⁷ ngubula me engú inde li polofeta Isaya apa nani e amene lie. Polofeta Isaya apa nani me:

¹⁸ «Ebhe apa me:

<Tsia nga bali gba ma inde ma abhú nani e-o,
ma kunda ani naali, engú gba ani-e nga li ma naali.

Ma a'ó Bu Bhobua gba ma-a pí ani,
ani tsia kpókpo ngbili 'ngú pí ndu opiga hana.

¹⁹ Ani bí bhaiki ne kpála bini de, ani gáma kpéke 'ngú de.

U djé 'li ani li okpadji de.

²⁰ Ani bú dú mbamba inde agamu-o de,
ani búlu dhegu eke inde ngatsi-e de.

Ani améne mo-o akólo li 'kpí inde
ani a'ó lie me ngbili 'ngú kolo angu e píla doto ko.

²¹ Abhomu-o, li ndu opiga hana tsia 'ó nabhuka gba o-o bhú ani.'[†]»

OmuFalisai apa me Yesu ngamene kulu ne angu

gba Baladjebula

(Tsia bhú Mlk. 3:22-30; di ne bhú Luk. 11:14-23.)

²² Abhomu-o, u ago pí Yesu ne kpála bini inde i u 'kpí de, i bhú di 'ngú de, anga adu bhú kpála ango-o ne siti bua . Yesu akobho kpála ango-o, ani atsia aholo nagama 'ngú di ne nau 'kpí. ²³ Bhití okpála hana angamba, u atsia aholo napa me: «A inde-e Ndili gba Davidi-e dí?» ²⁴ Li omuFalisai adje engú bhomu-o lie, u atsia apa me: «Kpála bhomu-o ngapandja osisiti bua padhá ade, Baladjebula, ngámá gba osisiti bua-a, ngaha angu pí ani ngae!»

²⁵ Engú bini, Yesu adu ambíla mab-hundja gba uo hana. Abhomu-o, ani atsia apa pí uo me: «Ndu kuti hana, i du me okpála kpála nde dje lio de-e, kuti ango-o pílo me a nde akpòdhòle. Okpála na gudhu bini, i du di-e piga bini, i du me u nde dje lio de-e, gudhu ango-o, i du di-e piga ango-o lú-u de. ²⁶ I du me Satana nde ngabhike Satana-a, amba ani agbogbo bhomu-o bhusu e ngae makpe. I du la mo-o, kuti gba ani-e lú lele pí? ²⁷ I du me ngama-a, ma nde ngapandja osisiti bua ka

angu gba Beledjebula-a, omukpata gba yi-e ngapandja naao uo ka angu gba da? Kaka-a, omukpata gba yi-e akódho galikpe 'ngú gba yi-e ngao makpe. ²⁸ Engú bini, i du la me ma nde ngapandja osisiti bua ka angu gba Bua gba Ebhe-e, bhobhomu-o asuno me Nau gba Ebhe-e akolo li yi akolo.

²⁹ Kpála bini ti da nali bhú 'ti gba kpéke kpála, ani tsia bhá ohe gba ani-e de. Ani kunda nali bhú 'ti gba ani ngú nabha ohe gba ani-e hana-a, ani ghíte ngaiza ani kalanu. Pipita-a, ani tsia lí bhú 'ti gba ani ngú nabha ohe gba ani-o. ³⁰ Kpála bhende ne ma bhú dabili bini ade-e, a ko bhulu yala gba ma. Kpála bhende ngapo la di bhúla okpála bhú dabili bini ne ma ade-e, ani ngatsambala uo matsambala.

³¹ Kaka-a, ma apa pí yi me, okpála asia mambu li ndu osisiti 'ngú di ne li ndu osobho inde li okpála ngasobho Ebhe ne e hana. Engú la bini, li kpála sobho Bu Bhobua-a, ani sía mambu de. ³² I du me kpála nde apa siti 'ngú li kute ma, ngama Ndili gba kpála-a, Ebhe mbu li ani tété. Engú la bini, i du me kpála nde asobho Bu Bhobua-a, Ebhe mbú li ani tété bhú nedhinga na naki inde-e de, ani mbú di li ani tété bhú nedhinga inde ngago-o de.»

U mbimbila ndula li lí e

(Tsia bhú Luk. 6:43-45.)

³³ «I du me ndula nde ndjindji-e, líli-e dú bhadi ndjindji. I du me a nde bhú ndula ne kuo-o, líli-e dú sisiti. U mbimbila ndula li lí e.

³⁴ Ngayi opiga mbuma inde-e, yi ti da napa ongú na babadha lele pí, me yi nde ne okpála na sisiti-e? Padhá de, anga ebho ngapa engú inde abedhe li bhobua mabedhe ko. ³⁵ Kpála na babadha-a, ka bádha 'ngú inde li bhobua ani-e, ani apa bhadi bádha 'ngú. Engú bini, kpála na sisiti-e, ka siti 'ngú inde li bhobua ani-e, ani apa bhadi engú na sisiti. ³⁶ Kaka-a, ma apa pí yi me, bhú nedhinga nakodho 'ngú gba okpála-a, okpála apa ta oeli na padhá padhá inde li u apa e hana. ³⁷ Padhá de, anga Ebhe akódho 'ngú gba mu-o li nakpata 'li mu. I du me mu nde apa oeli na babadha-a, ani 'ó mangimbo pí mu de, i du me mu nde apa oeli na sisiti-e, ani 'ó mangimbo pí mu.»

Omusuno na líli gba Moidje ne omuFalisai ayo ngamba 'ngú ka Yesu

(Tsia bhú Mlk. 8:11-12; di ne bhú Luk. 11:29-32.)

³⁸ Abhomu-o, omusuno koko na líli gba Moidje di ne omuFalisai koko apa pí Yesu me: «Musuno, ya akunda me mene ehe bini pí ya inde asuno me mo oyie bha ndju

† 12:21 12:18-21 Tsia bhú Isa. 42:1-4.

agba Ebhe.»³⁹ Do aní pí uo me: «Okpála na naki inde-e sisiti, u bhuka la di Ebhe ne bua o bini de, u ngayo ngamba 'ngú. Engú bini, Ebhe méne ngamba 'ngú pí uo bini de, bha bini bhende aní amene nani e li polofeta Djonasi ko.⁴⁰ Padhá de, anga maka li Djonasi asi nani lie ekpí bata, di ne sukpe bata bhú 'bu 'ngbé sungu-o, ngama Ndíli gba kpála-a, ma así bhadi bhú lata ekpí bata di ne sukpe bata moko.⁴¹ Lí 'kpí li Ebhe akódho 'ngú gba okpála lie, okpála na Ninive akóto kala Ebhe bhú dabili bini ne okpála na naki inde, li okpála na Ninive tsia 'ó 'ngú pí okpála na naki-o. Padhá de, anga u adjí nani bua o li nedhinga u adje ngali gba Ebhe inde li Djonasi adu akpokpo e-o. Yí mbíla la ndjindji me, kpála bini sí, aní ngbéngbé ane Djonasi mane!

⁴² Matá di-e, li 'kpí li Ebhe akódho 'ngú gba okpála lie, 'ngbé ngámá na øøø inde adu nani atsia 'kpí li ndu doto na Saba-a, akóto kala Ebhe bhú dabili bini ne okpála na naki inde. Aní tsia 'ó 'ngú pí uo, anga aní ayie nani tsutsu ngú nanu nadje eli na imbilangue gba Salomo-o. Yí mbíla la ndjindji me, kpála bini sí, aní ngbéngbé ane Salomo mane! Engú bini, ngayi-e, yi dje aní de.»

Gbitaku píndji nagie matá lie ka siti bua bhú kpála

(Tsia bhú Luk. 11:24-26.)

⁴³ Abhomu-o, Yesu atsia apa matá gbitaku pí kambí okpála me: «Adu nani bhú kpála bini ne siti bua. Nedhinga li siti bua akoto lie bhú ani-e, siti bua ang-o anu ne djakadha abhú obili inde li engu nde li e ade* ngú nagili bíli naguo ka e tété. Engú bini, aní u de.⁴⁴ Aní atsia apa li bua e me: «Ma gie nga lima bhú 'ti gba ma inde ma akoto nako bhú e-o.» Aní akolo oo, aní abhaka me a nde padhá, u nde apo mapo, u nde aleke ndjindji.⁴⁵ Abhomu-o, aní anu, aní abha osisiti bua koko mananika inde ane aní ne siti. U agie lio, u alí bhú 'ti-o, u atsia dulú oo. Mukobho gba kpála ang-o atsia akolo la matá pípita-a sisiti naali ane bhende na kalanu-o mane. A adú bhadi pí osisiti okpála na naki inde-e moko.»

'Hi Yesu ne ondaise Yesu ngao dho?

(Tsia bhú Mlk. 3:31; di ne bhú Luk. 8:19-21.)

⁴⁶ Yesu adu ngabha nagama 'ngú pí kambí okpála-o. Me-e, 'hi aní di ne ondaise aní akolo. U alulu akilidjo, u adu agili me o gama 'ngú ne aní. [47 ']⁴⁸ Yesu agie pí kpála inde apa 'ngú pí ani-e me:

«'Hi ma ngae dho, ondaise ma la di ngao dho?»⁴⁹ Pípita-a, aní a'e 'kpa e, aní asuno omukpata gba e-o. Aní atsia apa me: «Yí tsitsia, 'hi ma ne ondaise ma ngao inde.⁵⁰ Padhá de, anga kpála inde ngamene engú li 'Dyi ma inde abhúlá-a ngakunda e, kpála ang-o, a ko ndai ma na bhobhoko, a ko ndai ma na øøø, a ko la di 'hi ma-a ngae.»

13

Gbitaku gba kpála nalu nguwa

(Tsia bhú Mlk. 4:1-9; di ne bhú Luk. 8:4-8.)

¹ Bha li 'kpí ang-o, Yesu akoto kilidjo. Aní atsia anu adu kuto lingo ekpé.² Abhomu-o, bhiti okpála na bhíbhiti ago apo bhúla o de aní. Kaka-a, aní anu a'u bhú zabu bini, aní atsia adu bhúbhú ngú nasuno pí uo. Bhiti okpála bhomu-o atsia alulu naao lingo 'ngu-o.

³ Aní atsia aholo nakpokpo 'ngú pí uo bhelé bhú ogbitaku. Aní adu apa pí uo me: «Ekpí bini, kpála bini nalu nguwa anu abhiye gba e ngú nabala nguwa.⁴ Nedhinga aní adu ababala lie, té nguwa koko abala lingo 'hi kpadji. Odhu ago, u atsia ahopo nguwa ang-o hana má kpekèbhe!⁵ Olí nguwa koko abala li bíli na teme, inde li doto du li e bhelé de. I nde lie me doto du sasa bhelé de-e, ezú-o aké má gala ka li doto akpa sasa lie-o.⁶ Li ela akolo la lie kpekpeke-e, a atslu ezu-o, ezú atsia a'ulu ka ndíbhili sisie-o.⁷ Olí nguwa koko abala li bíli li lí oulu na eti adu lie. Oeti abhele, a atsia anguvo bhobhomu-o hana.⁸ Olí nguwa koko abala bhú doto na dohho, a atsia alí lílí: bhe bini-e alí lílí kámá bini, koko-o alí lílí ndjikpa madhia, koko-o alí lílí ndjikpa bata.»⁹ Yesu atsia apa matá me: «Yí dje ndjindji, i du me a nde li yi ne djedje ko!»

Yesu adu akpo 'ngú pí okpála bhú ogbitaku ka ní?

(Tsia bhú Mlk. 4:10-12; di ne bhú Luk. 8:9-10.)

¹⁰ Abhomu-o, omukpata gba Yesu adyudyo lio de aní, u atsia ayi aní me: «Mu ngakpokpo 'ngú pí okpála bhú ogbitaku ka ní?»¹¹ Do aní de-e: «Ma ngakpo 'ngú pí uo bhú ogbitaku anga Ebhe ha nambíla ngbadhu 'ngú na Nau na abhúlá-a pí uo de. Aní aha mangbo pí yi.¹² Padhá de, anga kpála inde aní aha ngbadhu 'ngú ang-o pí e-e, aní a'ó matá koko pí aní pépé. Kpála ang-o tsia dú ne di bhelé.

* 12:43 12:43 Bili li engu nde lie ade-e, a ko bili inde li kpála ti da nasi kuti li e de ka ndíbhili engu. La pí omaYuda-a, a ko bili inde li osisiti bua ngadulu li e ko. † 12:47 12:47 Lukuluku inde-e, a bhú obhuku koko na didili u aye e bhú eli na giliki ade. [Kpála bini apa pí aní me: «Tsia nga 'hi mu ne ondaise mu alulu akilidjo aoo. U ngagili nagama 'ngú ne mu.»]

Engú bini, kpála bhende ani ha pi e de-e, ani adhépe belegu dhegu bhende ka ani-o. ¹³ Ka 'ngú ang-o, ma ngakpo 'ngú pi uo bhú ogbitaku.

Padhá de, anga u ngatsia 'kpí, u u la 'kpí de,

u ngagbo 'dje o, u dje la 'kpí de, u kò la di mboli 'ngú bini de.

¹⁴ Abhomu-o, engú inde li polofeta tsaya apa e, a atsia amene lie pi uo, engú inde me:

<Ebhe apa me: Yi adú adje 'kpí, yi kó la mboli engú ang-o de.

Yi adú atsia 'kpí, yi u la 'kpí de.>

¹⁵ <Padhá de, anga Ebhe apa me: okpála inde-e agbite bua o, ngubula me o kó matá mboli 'ngú de.

U anini djila o,

amba o ou matá 'kpí de,

u anini 'dje o,

amba o odjé matá 'kpí de.

U kunda nani nadji bua o de,

abhomu-o, ma tsia ti nani da nakobho uo de.†>

¹⁶ La pi yi-e, a ko djali pi yi anga djila yi ngau 'kpí, 'dje yi la di ngadje 'kpí. ¹⁷ Ma apa pi yi na paká me opolofeta bhelé, di ne okpála na ngbingbili bhelé adu nani ne gumu nau ongu yi ngau e inde, la-a, u tsia u de. U adu nani ne gumu nadje ongu yi ngadje e inde, la-a, u tsia dje de.>

Yesu ambamba ta gbitaku gba kpála nalu nguwa

(Tsia bhú Mlk. 4:13-20; di ne bhú Luk. 8:11-15.)

¹⁸ Abhomu-o, Yesu atsia apa matá pi omukpata gba e me: «Ngayi-e, yi dje nga la ta gbitaku gba kpála nalu nguwa-o. ¹⁹ Obhende ngadje ngali na Nau gba Ebhe-e, i kò mbolimboli de-e, uo maka ngo 'hi kpadji inde li nguwa ati li e-o. Djabulu ngago, ani tsia dhepe 'li Ebhe inde u asia e li bua o-o. ²⁰ Okpála koko maka bili na teme inde li nguwa ati li e-o. U ngadje eli-o, u tsia sia kolo ne djali. ²¹ Engú bini, u 'o de me eli-e toto sie e abhú o-o de. U ngaha lio ngánga bha ngubula nedhinga bedi. Abhomu-o, i du me likabhu, i du di-e mbolo nde ago kabula eli gba Ebhe-e, u ngabala 'kpa li nabhuka má gala!

²² Okpála koko maka bili li lí oulu na eti adu lie-o. U adje eli-o, engú bini, gumu 'he na doto inde bhú dabili bini ne eu li tia na doto inde-e ngapite uo ne e, nganguvo eli gba Ebhe-e bhú uo. Kaka-a, a tsia lí líli belegu de bini. ²³ Engú bini, okpála koko maka doto na dobho. U ngadje eli-o, u la di ngakò mbolimboli. Kaka-a, kulu gba uo ngazu nguwa. Kulu gba okpála koko ngazu

nguwa kámá bini, bhe gba okoko ndjikpa madhia, bhe gba okoko ndjikpa bata.»

Gbitaku pindji siti ulu

²⁴ Yesu atsia apa matá gbitaku koko pi okpála adu adje ani-e me: «Nau na abhúlá-a mana lie ne engú inde: bhoko bini alu nani bádha nguwa abhiye gba e. ²⁵ Sukpe bini, nedhinga li ndu okpála hana adu lie tila-a, bhulu yala gba ani-e ago. Ani atsia alu siti ulu bhú ká nguwa-o, ani atsia atapa. ²⁶ Eza-o akò, abhele, atsia aba líli. Abhomu-o, siti ulu-o atsia akoto di. ²⁷ Okpála na kulu gba bhulu edyi-e ago ayi ani me: «Ngámá, siti ulu inde-e ayie bhú bádha nguwa mo olu nako e bhú 'dyi gba mu-o su?» ²⁸ Do ani pi uo me: «Bhulu yala amene engú bhomu-o ngae.» Abhomu-o, okpála na kulu-o atsia ayi ani me: «Mo okunda me ya nu luko siti ulu ang-o?» ²⁹ Ani agie pi uo me: «Yi alúko de, anga yi luko-o, yi nú líko siti ulu bhomu-o ne eza-o bhú dabili bini. ³⁰ Yi 'o me ndandú bhisi hana bhele bhú dabili bini akólo nedhinga na'e nguwa abhiye-o. Nedhinga na'e nguwa abhiye-e, ma apa pi okpála na'e nguwa-a me u 'e ngaiza siti ulu-o. U gbigbite 'i'i ngabula natsutsulu, amba pipita-a, u 'o nguwa-a bhú ngbokopi gba ma-o.»>

Gbitaku pindji lí mutadi

(Tsia bhú Mlk. 4:30-32; di ne bhú Luk. 13:18-19.)

³¹ Yesu akpokpo matá gbitaku koko pi okpála adu adje ani-e pindji lí ndula inde u 'a' i e me mutadi.* Ani pi uo me: «Nau na abhúlá-a mana lie ne lí mutadi. Kpála bini aha, ani atsia alu abhiye gba e. ³² A ko lí ndula na yeye ane mane bhú ká olí nguwa hana. Engú la bini, i du me a nde ako-o, i né ndu eza inde abhú 'dyi-e hana ne endjá, i kólo 'ngbé ndula da napa me odhu na abhúlá go nayiki 'ti o bhú oyáyá-o.»>

Gbitaku pindji levile

(Tsia bhú Luk. 13:20-21.)

³³ Yesu akpokpo matá gbitaku koko pi okpála adu adje ani-e me: «Nau na abhúlá mana lie ne levile inde li elò aha e, ani atsia akpedhele ne bhiti fufú. Abhomu-o, fufú-o hana atsia afuka.»>

Yesu adu akpo 'ngú bhú ogbitaku ka ni?
(Tsia bhú Mlk. 4:33-34.)

³⁴ Yesu adu akpokpo ndu 'ngú bhomu-o hana pi bhiti okpála bhú ogbitaku. Ani kpo 'ngú pi uo mandí gbitaku belegu de bini. ³⁵ Ani adu amene mo-o ngubula me engú inde nani li polofeta akpokpo e-e amene lie, engú inde me:

† 13:15 13:14-15 Tsia bhú isa. 6:9-10. * 13:31 13:31 Lí mutadi: A ko mboye lí ndula maka lí kundji.

«Ma akpókpó 'ngú bhú ogbitaku.

Ma akpókpó 'ngú inde awo lie nayie maka
u abho nani doto lie-o.»[†]

Yesu ambamba ta gbitaku pindji siti ulu

³⁶ Abhomu-o, Yesu a'o ká bhiti okpála inde aní adú akpo 'ngú pí o-o, aní atsia agie lie lí bilí aní adú nadú lí e-o. Omukpata gba aní-e adyudyo lío de aní. U atsia apa pí aní me: «Kpokpo nga ta gbitaku pindji siti ulu inde abhiye-e pí ya.»³⁷ Yesu atsia agie pí uo me: «Kpála bhende í ngalu bádha nguwa-a, a ko ma Ndíli gba kpála-o. ³⁸ Edyi-e, a ko doto. Bádha nguwa-a, a ko okpála inde í ngaziba nadú sa líli na Nau na abhúlá-o. Siti ulu-o, a ko okpála bhende ngaziba nadú sa líli gba Djabulu-o. ³⁹ Bhalu yala inde alu siti ulu-o, a ko Djabulu. Nedhinga na'e nguwa abhiye-e, a ko ekpí na soso-o. Obhulu na'e nguwa abhiye-e, a ko andjelu. ⁴⁰ Maka u akukuo siti ulu lie ngú nabubu bhú djua-a, a adú bhadi lí sokpí-e moko. ⁴¹ Ndíli gba kpála atíma oandjelu gba e, u tsia kúo ndú obhulu nato okpála bhú nale ne ndú obhulu namene siti 'ngú hana-a ngú napandja uo bhú ká omaha e mapandja. ⁴² Pipíta-a, u tsia bála uo bhú dé djua. Oo, u adú aku 'gbá, u tsia dú dí nazu tate o. ⁴³ Abhomu-o, okpála bhe na ngbingbili-e adú nasú má ngbí ngbí ngbí maka ela bhú Nau gba 'Dyi o-o. Yí dje ndjindji, í dú me a nde lí yí ne djedje-o!»

Gbitaku pindji tia awo lie di ne pindji léké

⁴⁴ «Nau na abhúlá-a mana lie ne tia inde lí kpála awo e abhú 'dyi. Kpála bini akoto tété, aní atsia awo ne toto. Lí djali abhèle la aní lie má kusu-o, aní anú atsjindji ndú 'he gba e hana, aní atsia ago akala edyi bhomu-o.

⁴⁵ Nau na abhúlá-a mana dí matá lie ne kpála natsindji 'he inde ngagili nakala babadha léké. ⁴⁶ Nedhinga aní au léké bini na kpéke mase lie, aní anú atsjindji ndú 'he adú ka e hana. Aní atsia ago akala léké na kpéke mase-o.»

Gbitaku pindji nado

⁴⁷ «Nau na abhúlá-a mana matá lie ne nado inde u abhike e bhú 'ngu, inde í ngadhe ndú djua osungu hana. ⁴⁸ Nedhinga abedhe lie, obhulu nagbe sungu-o gbéle língo 'go. Pipíta-a, u dúlu, u bhá osungu na babadha-a bhú kíli, u tsia bála obhende azi-o. ⁴⁹ A adú bhadi lí sokpí-e moko: oandjelu agó, u tsia gbógbo bhúsu okpála na ngbingbili-e ne obhende na sisiti-o. ⁵⁰ U tsia bála okpála na sisiti-e

bhú dé djua. Oo, u adú aku 'gbá, u tsia dú dí nazu tate o.»

⁵¹ Yesu atsia ayi omukpata gba e me: «Yi aké mboli ndú ongú bhomu-o hana aké?» U agie me: «Hení.»⁵² Abhomu-o, aní atsia apa pí uo me: «A moko, yí maka ndú omusunu na líli gba Moidje hana inde aziba engú pindji Nau na abhúlá-o. Yí maka obhulu 'ti. Yí ngalo bhú ká oehe inde bhú 'ti gba yi-e obhe na mbia, yí tsia ló dí obhe na didíli.»

Okpála na Nadjaleta ziba Yesu de (Tsia bhú Mlk. 6:1-6; di ne bhú Luk. 4:16-30.)

⁵³ Lí Yesu andjia nakpokpo ogbitaku bhomu-o lie, aní ayie oo. ⁵⁴ Aní atsia anu bhú Nadjaleta, kuti inde aní abhele bhú e-o. Aní aholo nasuno bhú 'ti nadje líli gba Moidje na kuti bhomu. Nasuno gba aní-e atsia adú nangamba okpála naali. Kaka-a, u tsia adú ayi lío me: «Aní asia ngua imbilangu inde-e su? A aha angu pí aní ngú namene ongamba 'ngú inde-e dá? ⁵⁵ A inde-e ndíli gba salapaté-e dí? A 'lí 'hi aní me Malia adí? Djaki, ne Djodjefu, ne Simo la di ne Djude ne ondaise aní ngao adí? ⁵⁶ Ondaise aní na olisilisi-e, ndú uo hana gba ní sii adí? Aní ayie la ne ndú 'ngú bhomu-o hana su?»⁵⁷ Ka u ambila dú aní lie ndjindji-e, u tsia kunda nabhuka aní de. Abhomu-o, Yesu atsia apa pí uo me: «U mamanga polofeta ne ndú bilí hana, naneke bha bini bhú kuti u azu aní bhú e di ne bhú piga gba aní.»⁵⁸ Yesu atsia amene bha mbo oo ongamba 'ngú bedi ka u bhuka aní lie de-o.

14

Elode aha líli me u bhøle Djaa bhulu nabatisa okpála

(Tsia bhú Mlk. 6:14-29; di ne bhú Luk. 9:7-9.)

¹ Lí nedhinga bhomu-o, Elode Atipasi inde adú ngámá na ndu doto na Galílaya adje engú gba Yesu-o. ² Aní atsia apa pí omaha e me: «Kpála u ngakpo 'ngú gba e bhomu-o, a ko Djaa bhulu nabatisa okpála! Aní azuku bhú ká okpála amu-o bhomu ngae. Kaka-a, angu namene ongamba 'ngú bhú aní.»³ Elode pa mo-o padhá de. Aní apa mo-o, anga aní aha nani líli me u holo Djaa, u gbigbite aní, amba u bhike aní bhú tikpu lí 'ngú gba Elodiade, wala Filipo, ndai aní-o. ⁴ Aní aholo nani Djaa, anga Djaa adú apa pí aní me: «A ayo de me mu ha Elodiade maka wala mu-o de.»⁵ Elode adú akunda nabhøle Djaa na paká. Engú bini, aní adú akpe okpála makpe. Padhá de, anga u adú au Djaa maka polofeta .

[†] 13:35 13:35 Tsia bhú Ets. 78:2.

⁶ La-a, li ekpí nakina nazu Elode-e, ndíli na øelø gba Elodiade adho 'bi kala okpála u a'i o bhú 'bi-o. Ebi ango-o atsia anga li Elode naali. ⁷ Kaka-a, aní atsia atú silika me ní ahá pí ndíli na øelø bhómú-o ndú 'he hana inde aní ayó e-o. ⁸ 'Hi aní atsia ato pí aní me aní yo 'ndji Djaa bhulú nabatisa okpála. Abhomú-o, ndíli-e atsia anú apa pí ngámá Elode me: «Ha 'ndji Djaa, Bhulú nabatisa okpála muma mbia inde-e bhú tsakpa saani!» ⁹ Ngámá adje líkabhú li bua e naali. La ka silika aní atú e di ne nakpe djila okpála aní a'i o bhú 'bi-e, aní atsia aha líli me u ha 'ndji Djaa pí aní haha. ¹⁰ Abhomú-o, aní atsia atima kpála bini me aní nù kodho ngulú Djaa bhú tikpu. ¹¹ Kpála ango-o, anú. Aní akodho ngulú Djaa, aní atsia ago ne di bhú tsakpa saani. Aní atsia aha pí ndíli na øelø bhómú-o. Abhomú-o, ndíli na øelø ango-o atsia anú ne di pí 'hi e. ¹² Omakpata gba Djaa anú aha kuo aní, u anú azi. U atsia anú akpokpo engú akodho 'kpí bhómú-o pí Yesu.

*Yesu aha 'zú pí okpála kutu bhuluvue
(Tsia bhú Mlk. 6:30-44; ne bhú Luk. 9:10-17; di ne bhú Dja. 6:1-14.)*

¹³ Li Yesu adje engú li omakpata gba Djaa akpokpo e pí aní-e lie, aní agbe lie li bíli bhómú. Aní a'ú ne omakpata gba e bhú zabú, u atsia anú adulú kpi o kpi li bíli li kpála nde li e ade. Li okpála ambíla lie, u aloko ne ogudhú ngangá, u aha 'nú ne 'dhu o lingo 'ngu-o ngú nanú nakpata aní. ¹⁴ Li Yesu aké lie bhú zabú-o, aní au bhiti okpála-o. Aní adje ndjinga uo, aní atsia akobho okpála na kuo inde adú bhú ká uo-o.

¹⁵ A akolo lie tagolo-o, omakpata adyudyo lío de aní. U atsia apa pí aní me: «Ngámá, ekpí-e asegele, bíli inde-e la di mimíli, gie bhiti okpála inde-e, amba u nù kala ehe nazú mazú pí o bhú okúti.» ¹⁶ Engú bini, Yesu agie pí uo me: «Tata li nagie lie ka uo ade. Yi ha ezú pí uo ngayi makpe.» ¹⁷ Abhomú-o, omakpata apa pí aní me: «A bha ka ya sí ne koli mapa bhuluvue ne osungu bhisi má kpíkíli!» ¹⁸ Yesu agie pí uo me: «Yi go muma ne di ei.» ¹⁹ Pipíta-a, aní aha líli pí bhiti okpála bhómú-o me u dulú kuto pí ulu-o. Aní atsia aha mapa bhuluvue ne osungu bhisi-o. Aní a'e djila e ne abhúlá, aní agie heni pí Ebhe. Pipíta-a, aní agugumú mapa-o, aní aha pí omakpata, omakpata-a atsia agapa li bhiti okpála me u zuzú. ²⁰ U azú ndú o hana, u atsia a'u'u. U alo dudu bhe atigala-o, a atsia abebedhe okíli ndjikpa ne ká bhisi. ²¹ Okpála hana inde azú-o, u adú masakpe de okpála kutu bhuluvue mandí natanga olisi ne ongisi.

*Yesu adholo pí 'ngu
(Tsia bhú Mlk. 6:45-52; di ne bhú Dja. 6:15-21.)*

²² Pipíta kolo me-e, Yesu akata omakpata gba e me u 'a'ú bhú zabú, amba u gulu 'ngu pí ní kalanú bhú nedhinga ní nde nga lie ngaha kpadji pí bhiti okpála-o. ²³ Píta aní aha kpadji pí bhiti okpála lie, aní a'ú apí 'ta ngú nayo Ebhe. Ekpí abí li aní kpi e kpi me aní nde nga bha oo. ²⁴ Li zabú li omakpata-a adú bhú e akolo lie mbo ne atú 'ngu-o, anvi aholo nape pí 'ngu-o, atsia adú nandi uo ne sídi. Zabú-o atsia adú adimba ka ngbo 'ngu-o.

²⁵ Bhú 'gbá 'ngu na bini-e, Yesu aholo nago ne li pápá ne apí uo me aní nde ngadhólo pí 'ngu. ²⁶ Li omakpata au aní lie ngadhúku pí 'ngu-o, tsulú aholo uo naali. U adú apa me: «A ko igbadyí bhe!» U atsia aholo atú 'ue ka tsulú-o. ²⁷ Engú bini, Yesu atsia apa kolo pí uo me: «A ko ma, yi adjé tsulú de. Yi gbite bua yi.»

²⁸ Abhomú-o, Piele atsia apa pí aní me: «Ngámá, i dú me a nde mú na paká-a, ha líli me ma go bhaka mú me ma nde ngadhúku pí 'ngu.» ²⁹ Do Yesu de-e: «Gogo.» Abhomú-o, Piele aké bhú zabú-o, aní aholo 'nú nabhaka Yesu me aní nde ngadhólo pí 'ngu. ³⁰ Engú bini, aní au lie me anvi-e ngape kpekpeke-e, aní adje tsulú. Abhomú-o, aní aholo nalinda bhú 'ngu. Aní atsia asula me: «Ngámá, kobho ma!» ³¹ Ma 'li ma me-e, Yesu ato 'kpa e, aní atsia aholo aní ne napa pí aní me: «Ngamú, kpála li nabhuka gba e nde yeye, mo osia bua na bhisi bhisi ka ní?» ³² Pipíta-a, u a'ú'ú ndú o bhisi hana bhú zabú-o. Anvi atsia aguo. ³³ Abhomú-o, omakpata bhe adú igini bhú zabú-o akikita lípuku o kuto kala Yesu. U atsia apa pí aní me: «A na paká me mú ne Ndíli gba Ebhe!»

Yesu akobho okpála na kuo bhú ndu doto na Genedjaleta

(Tsia bhú Mlk. 6:53-56.)

³⁴ Píta li Yesu ne omakpata gba e agulu 'ngu-o lie, u akolo bhú ndu doto na Genedjaleta. ³⁵ Okpála na kúti ango-o ambíla lie me a ko Yesu-o, u agapa ngali nago ka aní-e bhú ndu doto ango-o libhomu. Okpála atsia ago pí aní ne ndú obhulú kuo hana. ³⁶ U atsia adú akikilíli lío pí aní me aní 'o o me o bu nga bha mbo 'kpa o lí 'so bongo gba aní-o. Abhomú-o, ndú obhende hana adú abu 'kpa o tété-e adú akobho.

15

Kpekebho pindji dasundú gba omuFalisai

(Tsia bhú Mlk. 7:1-13, 14-23.)

¹ Abhomú-o, omuFalisai di ne omusuno na líli gba Moidje inde ayie bhú

Yelusalema anu abhaka Yesu. U atsia ayi ani me: ² «Omukpata gba mu-o ngagumu lili li onguo ogbi ya a'o nani e ka ni? Padhá de, anga u ngavulu 'kpa o kala nazu 'he maka lele li lili-e apa lie ade.» ³ Ani atsia agie pi uo me: «Ala yi-e, yi ngagumu lili gba Ebhe-e ne 'li dasundu gba yi-e ka ni? ⁴ Padhá de, anga Ebhe apa me: «Manga 'dyi mu ne 'hi mu mamanga.» Ani apa di matá me: «Kpála inde agbó nganda 'dyi e, i du di-e 'hi e, a ayo me u bhelo ani mabhelo.»[†] ⁵ Engú bini ngayi-e, yi ngapa me: «Ɔ du me kpála bini nde apa pi okpála inde azu ani-e me, tia inde a ayo igini me ni teteke uo ne e, ni a'o pi Ebhe-e, ⁶ kpála ang-o matá ne engú namene mamene pi uo ade.» Yi ngagumu lili gba Ebhe-e li onguo okpadji bhomu ngú nakpata lele odasundu gba yi-o. ⁷ Yi ne obhulu kali! Polofeta Isaya pa nani li 'ngú gba yi-e tala me Ebhe apa me:

⁸ «Opiga inde-e ngadhögö bha ma ne 'bhö-o,

engú bini, bua uo de ma tsutsu.

⁹ Mayo u ngayo ma lie, tata tété ade.

Padhá de, anga nasuno inde u ngasuno e,

a ko bha ndu olili li okpála ngagbe e ngao.»[†]»

¹⁰ Pipita-a, Yesu a'i bhiti okpála inde adu oo me u dyudyo lio de ni masikpe, ani atsia apa pi uo me: «Yi djedje nga, amba yi kè di mboli engú inde ma adji apa e inde: ¹¹ A ko de me oehe inde ngali bhú 'bhö kpála ngamene ngae me ani adú bubu kala Ebhe de-e de. Oehe bhe ngakoto bhú 'bhö kpála mangbo ngamene ngae me ani adú bubu kala Ebhe de.» ¹² Abhomu-o, omukpata-a adyudyo lio de ani, u atsia apa pi ani me: «Musuno, mu mbila uu me engú mo opa e ake li bua omuFalisis make-e?» ¹³ Ani agie pi uo me: «Ndu 'he hana inde li 'Dyi ma inde abhulá-a lu e ngae de-e, u alúko maluko. ¹⁴ Yi 'o uo: a ko okpála i u 'kpi de inde aholo 'kpa obi o ngú nasuno kpadji pi uo. La-a, i du me kpála i u 'kpi de-e nde aholo 'kpa kilí e ngú nasuno kpadji pi ani-e, ndu uo bhisi hana bála bhú 'dú!»

¹⁵ Piele atsia apa pi ani me: «Kpokpo nga ta gbitaku bhomu-o pi ya.» ¹⁶ Do Yesu de-e: «Ngayi di-e, imbilangu nga bhú yi adi? ¹⁷ Yi mbila de me ndu 'he hana inde ngali bhú 'bhö kpála ngakodho 'kpi abhú 'bu, u tsia bhike bhú pedu-o di? ¹⁸ Engú bini, ndu 'he hana inde ngakoto bhú 'bhö kpála ngayie li bua ani. A la bhomu-o bhende i ngamene me ani adú bubu kala Ebhe de-o. ¹⁹ Padhá de, anga bua kpála ngamene ngae me ani du ne mabhundja na sisisi, ani bhelo kpála bhú gandji, ani kunda elo, i du

di-e bhoko koko, ani kunda olisi, i du di-e obhosi ngangá, ani zi 'he, ani pa 'ngú li obi e ne eu, ani sobho la di kpála. ²⁰ A bhomu-o ndu ongú inde ngamene me kpála adú bubu kala Ebhe de-o. A ko de me nazu 'he mandí navulu 'kpa o ngamene me kpála adú bubu kala Ebhe de-e de.»

Yesu akobho ndili na eelo gba igba Kanana

(Tsia bhú Mlk. 7:24-30.)

²¹ Pipita-a, Yesu ne omukpata gba e ayie li bili bhomu, u atsia anu li pápa na ndu doto li ogudhu na Tile ne Sidona adu bhú e-o. ²² Elo bini du nani nadu bhú ndu doto ang-o. A adu nani igba maYuda de, a ko nani naae igba Kanana. Me-e, ani ago abhaka Yesu ne nasusula me: «Ngámá, ndili gba Davidi, dje nga bha-a mbo ndjinga ma! Siti bua ngato mbolo li ndili na eelo gba ma-a naali.» ²³ Engú bini, Yesu gie engú pi ani belegu de bini. Omukpata gba ani adyudyo lio de ani, u atsia apa pi ani me: «Musuno, mu ti da namene engú ani ngayo e ka mu-o pi ani di, amba ani 'o nakpata ni ne tolo gba e bhomu-o?»

²⁴ Yesu agie pi uo me: «Ebhe atima bha ma ngú ngali okpála na Isalaele inde maka okandele inde angita-o.» ²⁵ Engú bini, elo ang-o ago atutu lipaku e kuto kala ani ne napa me: «Ngámá, go teteke nga bha mbo ma!» ²⁶ Yesu agie pi ani bhú gbitaku me: «A ndjindji ade me u ha ezú gba ongisi-e, u bhike pi obulu-o de.» ²⁷ Elo ang-o agie me: «A ko paká Ngámá, la-a, obulu ngazu okulu 'zu inde ngabala sa misa gba omakulási o-o.» ²⁸ Abhomu-o, Yesu agie pi ani me: «'Hi ma-a, nabhuka gba mu-o ngbéngbé! A ayo me Ebhe ha ehe inde mo okanda e pi mu.» Abhomu-o, ndili gba ani-e atsia akobho bha li nedhinga bhomu.

Yesu aha 'zu pi obhosi kutu badha

(Tsia bhú Mlk. 8:1-10.)

²⁹ Abhomu-o, Yesu ayie oo, ani atapa lingo ekpo na Galilaya. Ani a'u apí 'ta, ani atsia adu kuto. ³⁰ Okpála bhelé ago abhaka ani. U ago ne okpála adu ne eze li 'dhu o, ne okpála li djila o adudu, ne okpála li yá o apu, ne obhe i bhú 'ngú de, la di ne okpála koko bhelé inde adu li o ne kuo. U abu uo bhú li 'dhu Yesu, ani atsia akobho uo. ³¹ Okpála atsia adu angamba naali nedhinga u adu au okpála i bhú 'ngú de-e lie ngagama 'ngú-o, obhe li yá o apu adu lie akólo ne angu-o, nedhinga di li obhe adu ne eze li 'dhu o adu adholo lie ndjindji-o, ne nedhinga li obhe i u 'kpi de-e adu lie

† 15:4 15:4 Tsia bhú Det. 5:16; ne bhú Eki. 20:12, 21:17; di ne bhú Lev. 20:9. † 15:9 15:8-9 Tsia bhú Isa. 29:13.

au 'kpí-o. U atsia aholo nadhögø Ebhe gba omafsalaele-o.

³² Abhomu-o, Yesu a'i omukpata gba e-o. Aní atsia apa pí uo me: «Ma ngadje ndjinga bhiti okpála inde, anga akolo mbia inde-e 'kpí bata u bha ngadu de ma si, ehe nazu mazu la matá di ka uo ade. Ma kunda nagie uo gumu de, anga angu uo ti da nandjia li kpadji.» ³³ Omukpata atsia ayi aní me: «Ní ti da nasia mapa na tetele bhú mili bili inde-e su, inde i ti da nale ne bhiti okpála inde-e?» ³⁴ Yesu atsia ayi uo me: «A ka yi ne mapa madho?» U agie pí aní me: «A ka ya ne mapa mananika ne mbo odjedje sungu.» ³⁵ Abhomu-o, Yesu apa pí bhiti okpála me, u dulá kuto. ³⁶ Aní atsia aha mapa mananika ne osungu-o. Pita nagie heni pí Ebhe-e, aní agugumu, aní aha pí omukpata-o, u atsia agapa lí bhiti okpála me u zazu. ³⁷ U azu ndu o hana, u atsia a'u'u. Omukpata apo bhúla dudu-o, atsia abebedhe okili mananika. ³⁸ Okpála hana inde azu-o, adu obhosi kutu badha mandí nako olisi ne ongisi. ³⁹ Pita lí Yesu aha kpadji pí bhiti okpála lie, aní a'u bhú zabu, aní atsia atapa bhú ndu doto lí gudhu na Magadana adu bhú e-o.

16

Omufalaisai ne oSadukai ayo ngamba 'ngú ka Yesu

(Tsia bhú Mlk. 8:11-13; di ne bhú Luk. 12:54-56.)

¹ Abhomu-o, omufalaisai ne oSadukai ago abhaka Yesu. U adu akunda nale aní. Kaka-a, u atsia ayo ka aní me aní mene nga bha ngamba 'ngú bini pí o inde asúno me Ebhe atima aní ngae. ² Aní agie pí uo me: «Í kolo tagolo-o, yi pá me: <Ekpí-e adú babadha, anga bhúla 'kpí-e akodho má ngbí, oikupala aze la di bhelé.> ³ Í du di-e kèkpi-e, yi pá me: <Nakí-e, ekpí-e adú sísiti, anga bhúla 'kpí-e mbembe, a la di ne bití.> Yi mbila hana me bhúla 'kpí-e du me-e, a akunda napa pí-ie. La-a, ongú inde ngakodho 'kpí bhú onedhinga inde-e, yi mbila de me akunda napa pí-ie de! ⁴ Okpála na nakí inde-e sísiti, u bhuka la di Ebhe ne bua o bini de! U ngayo ngamba 'ngú. Engú bini, Ebhe méne ngamba 'ngú bini pí uo de, bha bini bhende aní amene nani e lí polofeta Djonasi ko.» Pipita-a, Yesu a'o ka uo oo, aní atsia atapa.

Yesu agbele 'dje omukpata gba e lí 'ngú gba omufalaisai ne oSadukai

(Tsia bhú Mlk. 8:14-21.)

⁵ Lí Yesu ne omukpata gba e agulu ekpe na Galilaya lie, omukpata-a a'ili

'to o lí naha mapa. ⁶ Yesu atsia apa pí uo me: «'E-e! Yi lila liyi ka levile gba omufalaisai ne oSadukai-e malila!» ⁷ Abhomu-o, omukpata aholo napa sunda o me: «Aní ngapa mo-o, anga ní go ne mapa de.» ⁸ Engú bini, Yesu ambila engú ang-o, aní atsia apa pí uo me: «Nabhuka gba yi-e yeye. Ka ní yi ngapa lie sunda yi me, yi go ne mapa di-e? ⁹ Yi kè nga mboli engú bini di? Yi a'ili 'to yi lí mapa bhuluvue inde ma agapa nako e lí okpála kutu bhuluvue a'ili? Yi atsia a'ili la di 'to yi me o obebedhe nako okili madho-ie ne dudu-o?

¹⁰ La di-e, yi a'ili 'to yi lí mapa mananika inde ma agapa nako e lí okpála kutu badha a'ili? Yi atsia a'ili la di 'to yi me o obebedhe nako okili madho-ie ne dudu-o? ¹¹ Ma apa igini lie pí yi me yi lila liyi ka levile gba omufalaisai ne oSadukai malila-a, ma pa igini bhomu-o engú na mapa de. Yi kè mbolimboli de ka ní?» ¹² Abhomu-o, omukpata-a atsia akè la mboli 'ngú ang-o me aní pa engú nalila lie ka levile na mapa de, engú bini, a ko nalila lie ka nasuno gba omufalaisai di ne oSadukai ko.

Piele apa me Yesu ne da-ie

(Tsia bhú Mlk. 8:27-30; di ne bhú Luk. 9:18-21.)

¹³ Lí Yesu ne omukpata gba e akolo lie bhú ndu doto lí gudhu na Sedjale gba Filipo adu bhú e-e, aní ayi uo me: «Okpála ngapa me ngama Ndili gba kpála-a, ma ne da?» ¹⁴ U agie pí aní me: «Pí okpála koko-o, mu ne Djaa bhúla nabatisa okpála. Pí okoko-o, mu ne Eliya. Pí okoko matá-a, mu ne Djelemi, i du di-e saka opolofeta koko.» ¹⁵ Aní apa pí uo me: «A la yi-e, yi ngapa naayi me ma ne da?» ¹⁶ Simo Piele atsia agie pí aní me: «Mu ne Masiya, Ndili gba Ebhe inde uu-o.»

¹⁷ Abhomu-o, Yesu atsia apa pí aní me: «A ko djali pí mu, Simo, ndili gba Djaa, anga ambamba ta engú na kukulú inde-e pí mu ne kpála de, engú bini, ambamba tata pí mu ne 'Dyi ma inde abhúlá ko. ¹⁸ Kaka-a, ma apa pí mu me a 'li mu me Piele, mu maka teme. Piga gba ma-a alú pí teme ang-o.* Angu kuo kólo tété de. ¹⁹ Ma ahá olifungula na Nau na abhúlá-a pí mu. Ne angu inde ma aha e pí mu bhomu-o, ndu 'he hana inde mo ogbite e píla doto-o, agbite bhadi lie abhúlá moko. Ndu 'he hana inde mo obhúlu e píla doto-o, abhúlu bhadi lie abhúlá moko.» ²⁰ Abhomu-o, Yesu atsia aha líli pí omukpata-a me u apá belegu pí kpála bini de me ní ne Masiya-a de.

* 16:18 16:18 Piga gba ma-a alú pí teme bhomu: A akunda napa me Piga gba Ebhe-e alu pí 'li Piele inde aní apa e me Yesu ne Masiya, Ndili gba Ebhe inde uu-o. Tsia bhú Mat. 16:16, di ne bhú Efe. 2:20.

Yesu akpo 'ngú pindji nakpi ne nazuku ka e

(Tsia bhú Mlk. 8:31, 9:1; di ne bhú Luk. 9:22-27.)

²¹ Nayie bhú nedhinga bhomu-o, Yesu aholo nasuno pi omukpata gba e mbámbá me: «A ayo me ma nu bhú Yelusalema. Oo, ma djé likabhu naali sakpa obhelesi okpála, sakpa ongbengbe odimandé gba Ebhe , di ne sakpa omusuno na líli gba Moidje-o . U abhólé ma. La-a, bhú 'kpi na bata-a, ma tsia zúku.» ²² Abhomu-o, Piele agbele ani ne li ngongo, ani aholo naboyo ani ne napa pi ani me: «Ngámá, a ayo me Ebhe lila mu! A mo-o ade, engú bhomu-o kólo li mu de!» ²³ Engú bini, Yesu adji lie, ani atsia apa pi Piele me: «Yie oo ko, Satana ! Mú ne ndjukudu li kpadji gba ma-o. Padhá de, anga omabhundja gba mu-o, a ko bhende gba Ebhe-e de, engú bini, a ko bhende gba okpála.»

A ayo namene ni ngú nakpata Yesu-o?

²⁴ Abhomu-o, Yesu atsia apa pi omukpata gba e me: «I du me kpála bini nde akunda bha nakpata ma na paká-a, a ayo me ani 'o nabhundja 'ngú gba e makpe. A ayo me ani bi kulusi gba† e-o, amba ani kpata ma. ²⁵ Padhá de, anga i du me kpála nde akunda nalila mukobho gba e, ani kpi. I du la me kpála nde atse 'kpa li mukobho gba e ngubula ma-a, ani sía mukobho na kukulu. ²⁶ La di-e, i du me kpála nde asia ndu 'he hana na doto, engú la bini, ngaani makpe ani kpi-e, ani asia bhúbhú mangua 'he dho? Kpála ti da nakala mukobho gba e ka Ebhe ne mangua 'he dho? ²⁷ Padhá de, anga Ndili gba kpála agó ne oandjelu gba e bhú sangu gba 'Dyi e-o. Abhomu-o, kpála ne kpála tsia sía mbini kulu gba e sakpa ani nakpata lele kulu inde ani amene e-o. ²⁸ Ma apa pi yi na paká me, okpála koko bhú ká obhende inde si-e, mú padhá de, u aú ngaiza nago gba Ndili gba kpála maka 'ngbé ngámá kalanu.»

17

Zi Ebhe asa Yesu ngbalina

(Tsia bhú Mlk. 9:2-13; di ne bhú Luk. 9:28-36.)

¹ Pita ekpi madhia, Yesu aha Piele, ne Djaki ne ndai e Djaa . Ani anu ne uo titi o apí 'ndjá 'ta. ² Bha si me-e, ani adji lie kala uo kpi. Bhúla ani aholo nasu má ngbi ngbi ngbi maka zi 'ndji 'la! Obongo li kate ani-e, akolo bububu maka zi 'kpi. ³ Kolo me-e, Moidje ne Eliya aze li uo, u atsia aholo agama 'ngú ne ani. ⁴ Abhomu-o, Piele atsia apa pi Yesu me: «Ngámá, a ndjindji me ní dalu si. I du me mu nde akunda-a, ma

yi ki 'ti ngbangbali bata: bini pi mu, bini pi Moidje, bini pi Eliya.»

⁵ Nedhinga ani adu nga bha lie nagama 'ngú-o, ndindi inde adu li e ne zizi-e ago abuku uo hana. Me-e, eli akoto bhú ndindi ango-o atsia apa pi uo me: «Kpála inde-e ne Ndili gba ma na mukunda. Engú gba ani-e nga li ma naali. Yi dje ani!» ⁶ Li omukpata adje lie mo-o, u adje tsulu naali. Kaka-a, u atuko kuto, u atsia atutu bhúla o bhú doto. ⁷ Abhomu-o Yesu adyudyo lie de uo, ani a'o 'kpa e li kate uo, ani atsia apa me: «Yi yie bhúla! Yi adjé tsulu de!» ⁸ Na'e djila o ka uo me-e, u u kpála bini de, u au bha Yesu kpi e kpi. ⁹ Nedhinga u adu nake eta-a lie, Yesu atsia aha líli inde-e pi uo me: «Yi apa engú inde yi au e pi kpála bini de, nakolo bha li nedhinga li ngama Ndili gba kpála ma azúku lie ko.»

¹⁰ Abhomu-o, omukpata ayi ani me: «Ka ni li omusuno na líli gba Moidje ngapa lie me, a ayo me Eliya go ngaiza kala me Masiya go-o?» ¹¹ Ani agie me: «A moko, Eliya agó mago, ani tsia léke ndu 'ngú hana ndjindji. ¹² Engú la bini, ma apa pi yi me Eliya ago nani ago. Okpála mbila ani de, engú bini, u amene ndu 'ngú hana li kate ani maka u akunda lie. A ayo me ngama Ndili gba kpála ma dje bhadi likabhu ka uo moko.» ¹³ A la bhomu-o, nambila ka omukpata-a me ani adu akpo 'ngú pi o pindji Djaa bhulu nabatisa okpála.

Yesu akobho ndili bini na bhobhoko li siti bua adu nandu bhú e

(Tsia bhú Mlk. 9:14-29; di ne bhú Luk. 9:37-43a.)

¹⁴ Yesu ne omukpata gba e bata aké eta-o. U akolo lie de kambí okpála-a, kpála bini adyudyo lie de Yesu. Ani atutu lipuka e kuto kala ani, ¹⁵ ani atsia apa pi ani me: «Ngámá, dje nga mbo ndjinga ndili gba ma na bhobhoko-o. A li ani ne kuo na gbulu magbulu. A ngagbo 'i ani bhú djua, i du di-e bhú 'ngu piko. Ani ngadje likabhu naali. ¹⁶ Ma anu ne ani pi omukpata gba mu-o, la-a, u ti da nakobho ani de.» ¹⁷ Do Yesu de-e: «Ngayi-e, nabhuka gba yi-e su? Yi ne okpála na sisiti. Ma adu bhú dabili bini ne yi akólo bhú mangua nedhinga dho? Ma akibila yi akólo bhú mangua nedhinga dho? Yi go ne ani muma ei.» ¹⁸ U ago pi ani ne ndili-o. Yesu ambe bhú 'ndji siti bua-o , siti bua ango-o atsia akoto bhú ndili-o. Nayie bha li nedhinga bhomu-o, ndili ango-o atsia akobho.

¹⁹ Abhomu-o, omukpata-a adyudyo lio de Yesu, u atsia ayi ani me u nde ne uo kpi o kpi me: «Musuno, ka ni ngaya makpe ya ti igini da nagbe siti bua bhomu-o lie di-e?»

† 16:24 16:24 Nabi kulusi gba e: A ko naziba nazu likabhu di ne nakpi kabula Yesu.

20 Yesu agie pi uo me: «A ko anga nabhuka gba yi-e mbomboyé. Padhá de, anga ma apa pi yi na paká me, i dú me li nabhuka gba yi-e dú nga bha bhú 'ngbé lie maka lí kundju-o, yi de pá pi eta inde-e me: «Yie si, nu aoo», i tsia nú oo. Kpéke da 'ngú de dú pi yi de. [²¹ La di-e, ngua siti bua bhomu-o tí da nakoto bha ka mayo bhú dabili bini ne natse 'zú ngú nayo Ebhe. »]

Yesu akpo 'ngú pindji nakpi ne nazuku ka e bhatsibhatsi na bhisi

(Tsia bhú Mlk. 9:30-32; di ne bhú Luk. 9:43b-45.)

²² Ekpi bini, Yesu ne omukpata gba e anu apo bhéla o ndu o hana abhú ndu doto na Galilaya. Aní atsia apa pi uo me: «A ayo me u pu ma Ndili gba kpála pi okpála na doto, ²³ amba u bhéle ma, engú bini, bhú ekpi na bata-a, ma tsia zúku.» Abhomu-o, bua omukpata atsia asia likabhu naali.

Yesu akala mandjandja na 'ngbé 'ti Ebhe gba omaYuda-o

²⁴ Yesu ne omukpata gba e akolo bhú Kapalanauma. Li u akolo lie oo-o, okpála atsitsindji mandjandja na 'ngbé 'ti Ebhe gba omaYuda-a adyudyo lio de Piele, u atsia ayi aní me: «Musuno gba yi-e kakala naae mandjandja na 'ngbé 'ti Ebhe-e di?» ²⁵ Piele agie me: «A mo ade, aní kala makala.» Li Piele alí la lie abhú 'ti-e, Yesu akpo nagama 'ngú ngae. Aní ayi Piele me: «Simo, mo obhundja pi? A kakala mandjandja, i du di-e otakisi gba ongbengbe ongámási na doto da, ne me a ko ongisi gba uo, ne me a ko okpála koko?» ²⁶ Piele agie me: «A kakala ne okpála koko.» Abhomu-o, Yesu atsia apa pi aní me: «I du mo-o, ongisi gba ongámási kála naao de, anga uo bhú ngu o. ²⁷ La-a, ngú napa me bua okpála inde-e asíti de-e, nu abhú ekpe. Bhike engbe bhú 'ngu. Sungu na kalanu inde mo ogbé e, bhulu 'bhé aní. Mo obháka oo lí falanga bini. Haha, amba mu ha pi uo, ngubula ní ne mu.»

18

A ngbéngbé bhú Nau na abhúla-a da?

(Tsia bhú Mlk. 9:33-37; di ne bhú Luk. 9:46-48.)

¹ Bhú nedhinga bhomu-o, omukpata adyudyo lio de Yesu, u atsia ayi aní me: «A nga ngbéngbé bhú Nau na abhúla-a da?» ² Yesu a'i mboye ndili bini, aní a'o aní tu uo, ³ aní atsia apa me: «Ma apa pi yi na paká me, i du me yi nde li bua yi de, yi ké liyi ne kuto ngú nakolo maka ongisi na djedjedje de-e, yi lí belegu bhú Nau na abhúla-a de. ⁴ Padhá de, anga gagala 'ngú bhú ndili ade. Kaka-a, kpála bhende i ngaké lie ne kuto maka mboye

ndili inde-e, kpála angoo- ngbéngbé bhú Nau na abhúla-a ngae.»

Yi ató okpála koko bhú siti 'ngú de (Tsia bhú Mlk. 9:42-48; di ne bhú Luk. 17:1-2.)

⁵ Yesu atsia apa matá pi omukpata gba e me: «Kpála bhende asia nga bha belegu kpála bhende ngaké lie ne kuto maka mboye ndili inde-e ka 'li ma-a, kpála angoo- ngasia bhomu-o ma makpe. ⁶ Engú bini, li kpála bini to suka ongisi bini inde abhuka ma-a bhú siti 'ngú-o, a ndjindji pi aní me u gbite ngingi tangulu aní, amba u bhike aní bhú 'ngbé 'ngu. ⁷ A ko likabhu pi okpála na doto, anga a ne ongú bhelé inde ngato uo bhú siti 'ngú! A moko, engú na sisiti néke galikpe 'kpi bini de, engú la bini, a ko likabhu pi kpála inde i ngayie ka e ko!

⁸ I du me 'kpa mu, i du di-e 'dhu mu nde ngato mu bhú siti 'ngú-o, mu de kodho, amba mu bhike de mu tsutsu. Padhá de, anga a ndjindji pi mu nali bhú mukobho na kukulu ne ekpa bini, i du di-e edhu bini. Bhobhomu-o ane ne bádha me u bhike mu ne 'kpa mu bhisi, i du di-e ne 'dhu mu bhisi hana bhú djua na duduma! ⁹ I du di me lí djila mu bini nde ngato mu bhú siti 'ngú-o, mu de gbe, amba mu bhike de mu tsutsu. Padhá de, anga a ndjindji pi mu nali ne djila mu bini bhú mukobho na kukulu. Bhobhomu-o ane ne bádha me u bhike mu ne djila mu bhisi hana bhú djua na duduma!»

Gbitaku gba kandele inde angita

(Tsia bhú Luk. 15:3-7.)

¹⁰ Yesu atsia apa matá pi omukpata gba e me: «E-e! Yi aú suka okpála inde ngaké lio ne kuto maka ongisi inde-e padhá de, anga ma apa pi yi me abhúla-a, oandjelu gba uo ngalu ndu nedhinga hana kala 'Dyi ma. [¹¹ Padhá de, anga ngama Ndili gba kpála ma ago nani ngú nakobho kpála bhende angita ko.]

¹² Yi ngabhundja pi? Li kpála bini du ne okandele kámá bini-e, li suka uo bini ngita-a, aní 'ó ká obhende ndjikpa odukpabini ne ká odukpabini-e apí 'ta di, aní tsia né nagili bhende angita-a di? ¹³ I du la me aní nde au aní au-o, ma apa pi yi na paká me, aní bédhe ne djali bedhe ane djali inde aní nde ne e ngú obhende ndjikpa odukpabini ne ká odukpabini inde i ngita naao de ko. ¹⁴ A moko, 'Dyi yi inde abhúla-a kunda de me suka okpála inde ngaké lio ne kuto maka ongisi inde-e ngita belegu de bini.»

Naleke 'ngú sunda o ne ondaise o

¹⁵ Yesu apa matá pi omukpata gba e me: «Li ndai mu mene mu sisiti-e, mu de nu

bhaka ani, amba mu suno siti 'ngú gba ani-e pi ani me yi nde bhisi ka yi ne ani. Ani dje mu-o, amba mo osia ndai mu asia. ¹⁶ Ani dje mu de-e, mu de nu, mu ha kpála bini, i du di-e okpála bhisi, amba <engú ang-o lu li 'li okpála bhisi, i du di-e okpála bata†> maka li Bhuku gba Ebhe apa lie ko. ¹⁷ Ani dje uo de-e, mu de pa engú ang-o bhú Piga gba Ebhe. I du la me ani nde ayala nadge belegu okpála na Piga gba Ebhe-e, a ayo me ani kolo pi mu maka mupagano, la di maka ndembi na mandjandja.

¹⁸ Ma apa pi yi na paká me, ndu 'he hana inde yi agbíte e píla doto-o, a agbíte bhadi lie abhúlá moko. Ndu 'he hana la di yi abhúlu e píla doto-o, a abhúlu bhadi lie abhúlá moko.»

Nayo bhú dabili bini

¹⁹ Do Yesu pi omakpata gba e de-e: «Ma apa matá pi yi me, i du me píla doto, okpála bhisi bhú ká yi nde adje lío ngú nayo 'he, abana i du bha mangua 'he dhoie, 'Dyi ma inde abhúlá-a há ehe ang-o pi uo. ²⁰ Padhá de, anga bili inde li okpála bhisi, i du di-e okpála bata apo bhúla o lie ne 'li ma-a, ma bhú ká uo oo.»

Yi mbu li ondaise yi

²¹ Abhomu-o, Piele adyudyo lie de Yesu, do ani pi ani me: «Ngámá, li ndai ma mene siti 'ngú li pabili gba ma-a, ma de mbu li ani bhutsibhutsi madho? A apise li bhutsibhutsi mananika?» ²² Yesu agie pi ani me: «Ma pa pi mu de me a apise li bhutsibhutsi mananika-a de, engú bini, a apise li bhutsibhutsi ndjikpa mananika bhutsibhutsi mananika.

²³ A bhadi moko, Nau na abhúlá-a, a maka tsingu gba 'ngbé ngámá bini inde akunda nani naleke 'ngú na tia gba e ne okpála na kulu gba e-o. ²⁴ Kalanu-o, u ago pi ani ne bhe bini inde adu ne tia gba ani-e bhelé na kuo kuo. ²⁵ Li tia du la lie ka ani ngú nagigie de-e, ngámá-a atsia aha líli me u tsindji ani, ne wala ani, ne ongisi gba ani, la di ne ndu 'he gba ani-e hana, amba ni sia tia gba ni-e bhúbhú. ²⁶ Abhomu-o, kpála na kulu-o ati bhú 'li 'dhu ani, ani atu 'ndji e ne kuto, ani atsia akikiliki lie pi ani me: <Du nga mbo ne 'ndjá bua li pabili gba ma, ma agie ndu tia gba mu-o hana.> ²⁷ Ngámá adje ndjinga ani, ani ambu li ndu bopulu gba ani-e hana. Ani atsia a'o ani me ani nnu.

²⁸ Li kpála na kulu ang-o akoto lie, ani ake lie ne saka kilí e na kulu-o bini. Kpála ang-o adu ne bopulu gba ani na li falanga kámá bini má kpíkíli! Ani ati li ngulu kpála na bopulu gba e bhomu-o má gbu! Ani

aholo nafelè ngulu ani me ni ngabhèlè ani ne napa pi ani me: <Gie falanga gba ma inde ka mu ko.>

²⁹ Kilí ani ang-o ati bhú li 'dhu ani, ani aholo nakikiliki lie pi ani me: <Du nga mbo ne 'ndjá bua li pabili gba ma, ma agie pi mu magie.>

³⁰ Engú bini, bhe koko ayala. La matá pépé-e, ani aha ani, ani anu ne ani me u to ani bhú tikpa akólo bha bini li ani agie bopulu gba e lie-o.

³¹ Li obi ani koko au lie mo-o, u adje likabhu li bua o naali. Kaka-a, u anu akpokpo ndu 'ngú bhomu-o hana maka a akodho 'kpi lie pi ngámá gba o-o.

³² Abhomu-o, ngámá gba ani-e atsia apa me u 'i ani. Do ngámá-a pi ani de-e: <Mu ne siti kpála na kulu! Ma ambu li ndu bopulu gba mu inde-e hana, anga mu okikiliki limu mama. ³³ Ngamu di-e, a ayo igini de me mu dje di ndjinga kilí mu maka ngama makpe ma adje ndjinga mu lie di?> ³⁴ Bua ngámá-a ake naali. Ani aha ani, ani anu ne ani pi okpekpeke obhosi me u mene ani kpekpeke, ngú nakolo bha bini li 'kpi inde ani agie ndu bopulu gba e lie hana ko.

³⁵ 'Dyi ma inde abhúlá améne bhadi pi yi moko, i du me kpála ne kpála nde mbu li ndai e ne bua e hana de ko.»

19

Yesu asuno pindji nagbo bhusu o bhú kva

(Tsia bhú Mlk. 10:1-12.)

¹ Nedhinga li Yesu andjia nagama ongú bhomu-o lie, u ayie ne omakpata gba e bhú ndu doto na Galilaya. U atsia anu bhú ndu doto na Yudaya inde lingo ngade 'ngu na Djuludani-o. ² Bhati okpála akpata ani oo. Abhomu-o, ani atsia akobho okpála na kuo inde adu bhú ká uo-o.

³ Omufalísai koko adyudyo lío de ani. U atsia ayi ani ngú nale ani me: <Líli gba ní-e aziba pi bhoko uu me ani gie wala e abana i du bha mangua 'ngú dho-ie?> ⁴ Ani agie me: <Yi tanga nga engú li Bhuku gba Ebhe-e apa e de me nani li lilita-a, Ebhe abho uo elè ne bhoko-o dí?†> ⁵ Bhuku ang-o atsia apa matá me: ka 'ngú ang-o, bhoko a'ó ká 'dyi e ne 'hi e, ani tsia dhédhe li wala e. Ndu uo bhisi hana tsia kólo koli kpála bini.† ⁶ Kaka-a, ma apa pi yi me, uo matá bhisi ade. Engú bini, u akolo koli kpála bini. A ayo de me kpála gbo bhusu 'he inde li Ebhe agbite e de!> ⁷ Abhomu-o, omufalísai ayi ani me: <Ka ni la li Moidje aha nani líli lie me bhoko ha balua nagbo bhusu e pi wala e nedhinga ani agie ani lie?> ⁸ Yesu agie me: <Moidje aha nani

† 18:16 18:16 Tsia bhú Det. 19:15. † 19:4 19:4 Tsia bhú Dje. 1:27, 5:2. † 19:5 19:5 Tsia bhú Dje. 2:24.

kpadij pi yi ngú nagie olisi gba yi-e ka kpéke 'ndji gba yi-o. Engú la bini, a li lilita-a, adu nani mo-o de. ⁹ Ma apa pi yi me: i du me kpála nde agie wala e, a nde de me e le ang-o akunda gala bhoko de-e, i du me kpála ang-o nu ha e le koko-o, kpála ang-o akunda bhomu-o e le koko.»

¹⁰ Omukpata-a apa pi ani me: «I du me lili gba bhoko li pabili gba wala e nde mo-o, tata li naha lio ade.» ¹¹ Ani agie pi uo me: «Ndu okpála hana ke mboli engú bhomu-o de, bha bini obhende li Ebhe aka kpadji pi o tété-o. ¹² A ne engú bhelé bhelé inde nga'o me kpála dudu bhú lingbangi. Pi okpála koko-o, u azu uo me angu na e le nde bhú uo ade. Pi okoko, okpála asiti uo ngao. A la di ne okoko i ha olisi de, ngubula na'o lio kpi ngubula Nau na abhúla. A ayo me kpála inde ati da naké mboli nasuno inde-e, ani ke mbolimboli koke.»

Yesu atuko bisagu pí ongisi

(Tsia bhú Mlk. 10:13-16; di ne bhú Luk. 18:15-17.)

¹³ Abhomu-o, okpála ago pi Yesu ne ongisi ngubula me ani 'o 'kpa e pí 'ndji uo, amba ani yo Ebhe pi uo. Engú bini, omukpata aholo nayoko okpála ang-o. ¹⁴ Yesu atsia apa pi omukpata-a me: «Yi 'o ongisi bhomu, u go bhaka ma, yi ayoko uo de, anga Nau na abhúla pi okpála bhende li bua o nde maka ongisi ko.» ¹⁵ Ani a'o 'kpa e pí 'ndji uo, pipita-a, ani atsia ayie li bili bhomu-o.

Bhulu tia bini ayi 'ngú pindji mukobho na duduma

(Tsia bhú Mlk. 10:17-31; di ne bhú Luk. 18:18-30.)

¹⁶ Abhomu-o, makombi bini adyudyo lie de Yesu. Ani atsia ayi ani me: «Musuno, a ayo me ma mene mangua badha 'ngú dho ngú nasia mukobho na duduma-a?» ¹⁷ Yesu agie pi ani me: «Mu ngayi ma pindji badha 'ngú ka ni? Koli badha kpála bha bini. I du me mu nde akunda nali bhú mukobho na duduma-a, lila olili-e malila.» ¹⁸ Makombi ang-o ayi Yesu me: «Olili bhedho?» Yesu agie pi ani me: «Mo obhéle kpála de, mo okunda e le, i du di-e bhoko koko de, mo ozi 'he de, mo opa 'ngú li kilí mu bhú djila okpála ne eu de. ¹⁹ Manga 'dyi mu ne 'hi mu mamanga. Kunda kilí mu maka mo okunda limu lie ngamu makpe-o.» ²⁰ Makombi-e apa pi ani me: «Ndu 'he bhomu-o hana, ma amene. A aneke matá ma ne bhedho?» ²¹ Yesu apa pi ani me: «I du me mu nde akunda nandu ngbingbili-e, nu tsindji ndu 'he inde ka mu-o hana, amba mu ha tia ang-o pi obhulu ndibhili. Abhomu-o, mu tsia sia

tia abhúla. Pipita-a go kpata ma!» ²² Li makombi bhomu-o adje 'ngú bhomu-o lie, ani agie lie ne likabhu naali, anga tia adu nani ka ani na mugwe mugwe.

²³ Abhomu-o, Yesu atsia apa pi omukpata gba e me: «Ma apa pi yi na paká me, da nali ka bhulu tia bhú Nau na abhúla-a kpekpeke. ²⁴ Ma amata apa pi yi ne toto me da nali ka enu maka eya li gudho musana kpekpeke. La-a, da nali ka bhulu tia bhú Nau gba Ebhe-e ane la matá ne kpéke.» ²⁵ Li omukpata adje eli bhomu-o lie, u angamba na kuo kuo. U adu apa me: «I du mo-o, a ati la ibili da nakobho da?» ²⁶ Yesu atsia uo, ani atsia apa pi uo me: «Pi okpála-a, a tí da namene lie de, engú bini, pi Ebhe-e, a tí da namene lie.»

²⁷ Abhomu-o, Piele atsia ayi ani me: «Musuno, djedje nga. Ngaya-a, ya a'o ká ndu 'he hana ngú nakpata mu. Engú bhe gba ya-a adu lele e pi?» ²⁸ Yesu agie pi omukpata-a me: «Ma apa pi yi na paká me, nedhinga li doto adji lie lie na mbia-a, Ndili gba kpála adu pí kiti na asasaua gba e-o. Ngayi obhe akpata ma-a, yi tsia du di pí okiti na ngamá ndjikpa ne ká bhisi ngú nakodho 'ngú gba opiga ndjikpa ne ká bhisi gba omafalaale ko. ²⁹ La di-e, kpála ne kpála inde a'o ká oeti gba e, i du di-e ondaise e na obhosibhosi ne obhe na olisilisi, i du di-e 'dyi e ne 'hi e, i du di-e ongisi gba e, i du di-e edyi gba e ngubula 'li ma-a, ani asia matá koko bhelé. Ani tsia sia di mukobho na duduma. ³⁰ Yi mbila ndjindji me, bhelé na obhende mbia inde-e ne okpála na kalanu-o, akólo okpála na asidi, li obhende mbia inde asidi-e, tsia kólo okpála na kalanu.»

20

Gbitaku gba bhulu 'dyi vino ne okpála na kulu gba e

¹ Abhomu-o, Yesu atsia apa matá me: «Yi gbo nga 'dje yi. Nau na abhúla mana lie ne tsingu gba bhulu 'dyi bini. Bhulu 'dyi ang-o akoto agba e kekpi má bhé ngubula naha okpála ngú kulu na edyi na vino gba e-o. ² Ani au uo lie, u adje lio ne uo me ni ahá kuo 'kpa pi uo li lele kulu na ekpi bini. Ani atsia atima uo ngú nanu amene kulu abhiye na vino gba e-o. ³ Ani akoto matá bhú saa na odukupabini na kekpi. Ani au okpála inde alulu li bili bini bhomu-o mandí kulu. ⁴ Ani pi uo me: «Ngayi di-e, yi nu abhiye gba ma-o. Kuo 'kpa ma ahá e pi yi-e, adu li lelele.» ⁵ Abhomu-o, u atsia agbida oo. Bhulu 'dyi-e akoto matá tulukpe. Pipita-a, ani akoto matá bhú saa na bata pita tulukpe. Ndu nedhinga ani

adu akoto lie hana, ani adu abhaka okpála koko alalú li bili bini bhomu. U adje lio ne uo, ani atsia apa pi uo me u nu abhiye gba ni ko.

⁶ Nakolo matá bhú saa na bhuluvue pita tulukpe-e, ani akoto. Ani abhaka okpála koko alalú oo. Ani atsia ayi uo me: «Yi alalú si ngbolo 'kpí libhomu mandí kulu ka ní?» ⁷ Do uo pi ani de-e: «A ko anga kpála bini ha ya bhú kulu de.» Ani pi uo me: «Ngayi di-e, yi nu mene kulu abhiye na vino gba ma-o.»

⁸ Li ekpí akolo lie tagolo-o, bhulu 'dyi-e apa pi kapita gba e me: «'I okpála na kulu-o, amba mu ha kuo 'kpa gba kpála ne kpála pi e, nayie li obhe ago sidi ngú nabu soso li obhe ago igini kalanu-o.» ⁹ Obhe akpo igini lita kulu bhú saa na bhuluvue pita tulukpe-e ago. Kpála ne kpála atsia asia kuo 'kpa maka u adje igini lio ne uo lie-o. ¹⁰ Li obhe ago igini kalanu-o ago lie, u abhundja naao me o osia tia bhelé nane obhe ago igini sidi-o. Engú bini, ngauo di-e, kpála ne kpála asia kuo 'kpa aviti bini ne obhe ago igini sidi-o. ¹¹ U adu asisia lie, u aholo adi mutokono li bhulu 'dyi-o. ¹² U adu apa me: «Okpála inde-e ago sidi. U amene kulu bha koli saa bini má kpi kili, la-a, mu ngaha uo aviti bini ne ya, ngaya okpála inde andala ne kulu ngbolo 'kpí libhomu bhú ke ku 'la!»

¹³ Engú bini, bhulu 'dyi-e agie pi saka uo me: «Olia ma, mu ti da nadi mutokono de. Ma aha tia gba mu-o pi mu maka ní adje igini líní ne mu lie-o. ¹⁴ Ha tia gba mu-o, tatapa. Ma ti da naha pi obhende ago sidi-e bha maka ma aha pi mu lie-o. ¹⁵ Mu mbila de me ma ti da namene ne tia gba ma-a maka ma akunda lie di? Ne me mu ngatsia ma ne ndje djila ka ma amene okpála bhe ago sidi-e lie ndjindji-e!» ¹⁶ Yesu atsia abu tata-a me: «Okpála inde asidi-e akólo okpála na akalanu, li okpála na kalanu-o tsia kólo okpála na asidi.»

Yesu apa matá bhatsibhatsi na bata engú nakpi ne nazuku ka e

(Tsia bhú Mlk. 10:32-34; di ne bhú Luk. 18:31-34.)

¹⁷ Li Yesu adu lie nanu bhú Yelusalema-a, ani a'i omukpata gba e de e titi o. Ani atsia apa pi uo me: ¹⁸ «Yi djede nga! Ní adji bhú Yelusalema, bili inde u apú ma Ndili gba kpála lie pi ongbengbe odimandé di ne omusuno na líli gba Moidje-o. U akódho 'ngú gba ma-a me ma kpi bha makpi. ¹⁹ U apú ma pi okpála inde ne omaYuda ade ngubula me u mu ma. U abhí ma ne fimbo, u tsia gí ma li kulusi. La-a, ekpí na bata-a, ma tsia zúku.»

Mayo gba wala Djebedayo (Tsia bhú Mlk. 10:35-45.)

²⁰ Abhomu-o, wala Djebedayo adyudyo lie de Yesu bhú dabili bini ne ongisi gba e bhisi na obhosibhosi, Djaki ne uo ne Djaa, inde adu nani omukpata gba Yesu-o. Ani atú 'ndji e ne kuto kala Yesu ngú nayo 'he ka ani. ²¹ Yesu ayi ani me: «Mo okunda me ma mene pi mu ní?» Ani agie pi Yesu me: «Tsia nga ongisi gba ma bhisi inde. Ha líli me u dúlu bhú Nau gba mu-o: bhe bini li pá 'kpa mu na kokpa, bhe koko li pá 'kpa mu na gali.» ²² Do Yesu de-e: «Yi mbila ehe inde yi ngayo e de. Yi ti da nazú likabhu inde ma azú e uu?» U agie me: «Ya ti da nazuzú.» ²³ Yesu atsia apa pi uo me: «A moko, likabhu ma azú e, yi azú mazú. La-a, ngú nadu ka yi li pá 'kpa ma na kokpa ne bhe na gali-e, a ko 'ngú ka ma nakodho 'ngú tété de. Obili bhomu-o pi okpála inde li 'Dyi ma aleke pi o ko.»

²⁴ Li omukpata bhe ndjikpa adje 'ngú bhomu-o lie, u ake 'ngú lio pi omukpata bhe bhisi bhomu-o. ²⁵ Abhomu-o, Yesu a'i ndu omukpata hana me u go de ní. Ani atsia apa pi uo me: «Yi mbila ndjindji me ongámási na doto a'o omaha o pi o ma'o, ongbengbe okpála adele omaha o sa 'dhu o. ²⁶ A ayo de me a du bhú ká yi mo-o de. A ayo mangbo me i du me kpála nde akunda nadu 'ngbé kpála bhú ká yi-e, ani de du kpála na kulu gba yi. ²⁷ La di-e, li kpála bini kunda nadu kpála na bini bhú ká yi-e, ani de du bali gba yi-o. ²⁸ A bhadi moko, ngama Ndili gba kpála ma go ngú napa de me okpála mene kulu lio pi ma-a de. Engú bini, ma ago mangbo ngubula namene kulu lima pi okpála, amba ma ha di mukobho gba ma-a maka tia ngú nagbegbe okpála bhelé bhú siti 'ngú gba o-o.»

Yesu akobho okpála bhisi inde i u 'kpí de

(Tsia bhú Mlk. 10:46-52; di ne bhú Luk. 18:35-43.)

²⁹ Nedhinga li Yesu ne omukpata gba e adu akoto lie bhú gudhu na Djeliko-o, bhiti okpála atsia akpata ani. ³⁰ Abhaka me okpála bhisi inde i u 'kpí de-e nde adulu língo kpadji oo. U adje me Yesu ngakodho 'kpí bhomu-o ngae. Abhomu-o, u aholo nasusula me: «Ngámá, ndili gba Davidi, dje ndjinga ya!» ³¹ Bhiti okpála bhomu-o adu ambembe bhú 'ndji uo ngubula me u ndjili má bulu! Engú bini, u aholo matá nasusula kpekpeke me: «Ngámá, ndili gba Davidi, dje ndjinga ya!» ³² Abhomu-o, Yesu alu. Ani a'i uo. Ani atsia ayi uo me: «Yi akunda me ma mene pi yi mangua 'ngú dho?» ³³ Do uo pi ani de-e: «Ngámá, mene me djila ya u 'kpí.» ³⁴ Yesu adje ndjinga

uo, ani abu 'kpa e li djila uo. Ma gala kolo me-e, u aholo nau 'kpí. Abhomu-o, u atsia akpata ani.

21

Yesu ali bhú Yelusalema

(Tsia bhú Mlk. 11:1-11; ne bhú Luk. 19:28-40; di ne bhú Dja. 12:12-19.)

¹ Yesu ne omukpata gba e akolo masikpe de Yelusalema. U adu ibili de kuti na Betefadje, li ngba 'ta na ondula na Olive. Abhomu-o, Yesu atsia atima omukpata bhisi bhú ká omukpata gba e-o. ² Ani apa pi uo me: «Yi nu bhú kuti inde kala yi aoo. Yi akólo lie oo, yi abháka kolo me u nde agbite punda na eelø bini, la di ne ndili punda bini bhú dabili bini ne ani. Yi bhulu uo, amba yi go ne uo muma. ³ Li kpála bini yi yi me yi adji ne uo su-oie, yi de gie me: «Ngámá ne gumu uo.» Abhomu-o, ani 'ó bha kolo me yi nu ne uo nunu.» ⁴ Engú bhomu-o améne lie mo-o ngabula me engú inde li polofeta apa nani e, amene lie. Polofeta apa nani me:

⁵ «Yi pa pi okpála na Siona me:

«Yi tsitsia nga, 'ngbé ngámá gba yi-e ngago agba yi.

Ani akø lie ne kuto.

Kaka-a, ani adu pí 'ngbu ndili punda.»[†]»

⁶ Omukpata-a anu, u atsia amene maka li Yesu apa pi uo lie-o. ⁷ U ago ne ndili punda ne 'hi e. U aha okoti gba o-o, u abu pí 'ngbu uo. Abhomu-o, Yesu atsia adu pí 'ngbu ndili punda-o. ⁸ Bhiti okpála na bhíbhiti apa okoti gba o kuto li kpadji. Okoko adu atsolo 'kpá ngulu, u atsia adu napapa li kpadji. ⁹ Bhiti okpála inde adu adholo kala ani di ne obhende adu nakpata ani-e adu asusula me:

«Odjana* pi ndili gba Davidi!

A ayo me bisagu du pí kpála inde ngago ne 'li Ngámá-o!

Odjana pi Ebhe inde abhúla-o!»[†]

¹⁰ Li Yesu ali lie bhú Yelusalema-a, gudhu-o adimba madimba. Okpála adu ayi me: «A ko da?» ¹¹ Bhiti okpála atsia adu agie me: «A ko polofeta Yesu, kpála na Nadjaleta bhú ndu foto na Galilaya.»

Yesu apandja okpála natsindji 'he bhú 'ngbé 'ti Ebhe gba omaYuda

(Tsia bhú Mlk. 11:15-19; ne bhú Luk. 19:45-48; di ne bhú Dja. 2:13-22.)

¹² Pipita-a, Yesu ali bhú 'ngbé 'ti Ebhe gba omaYuda-o. Ani apandja ndu okpála hana inde adu natsindji onu di ne odhu inde u adu aha o pi Ebhe, a la di-e obhende

adu akakala kilidjo. Ani abala omisa gba okpála nayipa falanga, di ne odabili gba okpála natsindji opidjo-o kuto. ¹³ Abhomu-o, ani atsia apa pi uo me: «U aye bhú Bhuku gba Ebhe-e me, Ebhe apa me, <u a'í eti gba ma-a me a ko eti na mayo.> La ngayi-e, yi adji, a tsia akolo bili gba obhulu 'zil!»[†]

¹⁴ Abhomu-o, okpála inde i u 'kpí de ne obhende na eze-e adyudyo lio de ani bhú 'ngbé 'ti Ebhe gba omaYuda, ani atsia akobho uo. ¹⁵ Li ongbengbe odimandø gba Ebhe, di ne omusuno na líli gba Moidje au ongamba 'ngú inde ani amene e lie, la di ne ongisi inde adu asusula bhú 'ngbé 'ti Ebhe gba omaYuda me: «Odjana pi ndili gba Davidi-e», u asia siti bua. ¹⁶ Abhomu-o, u atsia ayi Yesu me: «Mu ngadje engú inde li ongisi bhomu-o ngapa e uu?» Yesu atsia agie pi uo me: «Hení, ma ngadjedje hana. Yi tanga nga engú inde li Davidi apa nani e bhú Bhuku gba Ebhe-e belegu de bini? Davidi apa nani me, Ebhe amene me belegu ongisi na djedjedje ne obhende ngandji 'ka toko ni.»[†] ¹⁷ Pipita-a, ani a'o ká ongbengbe odimandø di ne omusuno na líli gba Moidje-e bhú gudhu o. Ani atapa bhú kuti na Betania, ani atsia asi oo ko.

Yesu atu pedjø li 'lá figi inde i li líli de (Tsia bhú Mlk. 11:12-14, 20-24.)

¹⁸ Køkpí li ekpi aseke lie, li Yesu aholo nagie matá lie lie abhú gudhu-o, ani aholo nadjø gumu. ¹⁹ Abhomu-o, ani au 'lá figi dengo 'hi-kpadji. Ani adyudyo lie dede masikpe, engú bini, ani bhaka 'he bhúbhú belegu de bini, bha bini ndu mbulu kpákpá padhá. Ani atsia apa pi ndula na figi-e me: «Mu lí matá líli belegu de bini!» Kolo me-e, 'lá figi a'ulu hana má kekele! ²⁰ Li omukpata au lie mo-o, u angamba naali, u atsia ayi Yesu me: «Lele pi li 'lá figi-e a'ulu bha lie ma 'li mu-o?» ²¹ Do Yesu pi uo me: «Ma apa pi yi na paká me, i du me yi nde ne nabhuka, yi du ne bua na bhisi bhisi de-e, yi méne bha bini engú inde ma amene e li kute 'lá figi-e de. Engú bini, yi ti da napa belegu pi eta inde-e me: <Yie oo, amba mu nu ti bhú ngade 'ngu>, i tsia méne lie moko. ²² I du me yi nde ne nabhuka-a, ndu 'he hana inde yi ayó e bhú mayo-o, yi asia masia.»

A ngaha angu pi Yesu da?

(Tsia bhú Mlk. 11:27-33; di ne bhú Luk. 20:1-8.)

[†] 21:5 21:5 Tsia bhú Djkl. 9:9. * 21:9 21:9 Odjana: A akanda napa bhú eli gba oebele me «Sangu .» Tsia bhú Ets. 118:25-26. [†] 21:9 21:9 Tsia bhú Ets. 118:25-26. [†] 21:13 21:13 Tsia bhú Isa. 56:7; di ne bhú Djlm. 7:11.

[†] 21:16 21:16 Tsia bhú Ets. 8:3.

²³ Yesu akolo lie bhú gũdhũ-o, ani ali matá bhú 'ngbé 'ti Ebhe gba omaYuda-o. Ani atsia aholo nasuno pi okpála. Abhomũ-o, ongbengbe odimandẽ gba Ebhe, ne obhelesi okpála adyudyo lio de ani. U atsia ayi ani me: «A aha kpadji pi mu ngũ namene ongũ inde-e da? A aha la di angu ango-o pi mu ngánga da?» ²⁴ Yesu agie pi uo me: «Ngama di-e, ma ayi yi li koli engũ bini. I dũ me yi nde agie 'ngũ mũma tété-e, ma tsia pá di pi yi me ma ngamene ehe inde-e ne mangua angu dho-ie.

²⁵ Ma ngayi yi me: «A aha nani kpadji pi Djae ngũ nabatisa okpála da? Ne me aha nani kpadji pi ani ne okpála, ne me aha kpadji pi ani ne Ebhe?» U atsia aholo natoto bua o sũnda o me: «I dũ me ní nde apa me: «A aha kpadji pi ani ne Ebhe-e», ani yí ní me: «Ka ní la yi bhuka nani ani lie de-e?» ²⁶ I dũ la di me ní nde apa me: «A aha kpadji pi ani ne okpála-a», ní de tsia 'kpí líní ka okpála-a ndjindji, anga ndũ okpála hana dũ nani nau Djae me a ko polofeta.» ²⁷ Abhomũ-o, u atsia agie pi Yesu me: «Ya mbila de me aha nani kpadji pi ani da-ie de.» Ngaani di-e, ani atsia apa pi uo me: «Ngama-a, ma pá di pi yi de me aha angu mũma ngũ namene ongũ inde-e da-ie de.»

Gbitaku pindji ongisi bhisi

²⁸ Yesu atsia ayi matá me: «Yi apa nga naayi li 'ngũ inde-e pi? Kpála bini adu nani ne ongisi gba e bhisi. Ani anũ abhaka bhe na kalanũ-o, ani atsia apa pi ani me: «Ndika ma, naki-e, nũ mene kulu abhiye na vino.» ²⁹ Ndili agie me: «Ma nũ de.» Pipita-a, ani adjí bua e, ani atsia anũ abhiye-o. ³⁰ 'Dyi uo anũ apa di pi bhe na bhisi-e me ani nũ abhiye na vino-o. Bbobhomũ-o agie pi ani me: «Ma adjí, 'dyi ma.» La-a, ani tsia nũ de. ³¹ Bhú ká ongisi bhisi bhomu-o, a amene engũ inde li 'dyi uo adũ akũnda e da?» U agie me: «Bhende na kalanũ-o.» Yesu atsia apa pi uo me: «Ma apa pi yi na paká me, ondẽmbi na mandjandja, di ne obambakũya ali pi yi kalanũ bhú Nau gba Ebhe-o. ³² Padhá de, anga Djae ago agba yi ne nasuno pi yi kpadji na ngbili 'ngũ, yi tsia bhuka ani de. Engũ bini, ondẽmbi na mandjandja di ne obambakũya atsia abhuka ani. Abana yi au ndũ 'ngũ bhomu-o hana lie ne djila yi-e, ngayi-e, yi bhuka ani de.»

Gbitaku pindji osisiti okpála na kulu

(Tsia bhú Mlk. 12:1-12; di ne bhú Luk. 20:9-19.)

³³ Yesu atsia apa matá me: «Yi dje nga matá gbitaku koko inde. Bhũlu bilí bini alu nani ngu vino, ani asa ngongo-o hana

ne aga. Ani adjí edũ ngũ napi olíí-e bhúbhú, ani atsia ayiki 'ndjá 'ti abhúla bhúbhú ngubula nalila edyi-o. Pipita-a, u adje lio ne okpála ngũ namene kulu bhú 'dyi-o, amba o dũ agbó bhũsu o ne uo li nguwa-o. Abhomũ-o, ani atsia atpaa dhũku. ³⁴ A akolo lie li nedhinga nako lílí-e, ani atima okpála na kulu gba e agba okpála inde ngamene kulu bhú 'dyi vino me u ha nguwa bhe gba ni-e pi ni haha.

³⁵ Engũ bini, okpála namene kulu bhú 'dyi vino azumũ bha okpála ango-o hana. Bhe bini-e, u abhi ani má kpu! Bhe koko-o, u abhẽle ani, bhe na bata-a, u atutulu ani ne teme. ³⁶ Abhomũ-o, bhũlu 'dyi-e atima matá okpála na kulu koko bhelé nane obhende na kalanũ-o mane. U amene bhadi uo moko. ³⁷ Ali soso-o, ani atima ndili gba e agba okpála ango-o ne nabhundja me: «U amánga ndili gba ma-a mamanga.» ³⁸ Engũ bini, li okpála namene kulu bhú 'dyi vino au ndili-e lie, u apa sũnda o me: «Kukulu kpála inde atígala la ndjũ ne edyi-e ngae inde. Yi gógo, ní bhẽle ani, amba ní tigala ibili ne edyi-e ngani!» ³⁹ Abhomũ-o, u atí pi ani má kú! U aha ani, u agbe ani bhú 'dyi na vino-o, u atsia abhẽle ani.

⁴⁰ Mbia inde-e, nedhinga li bhũlu 'dyi vino agó lie, ani améne ngũ okpála na kulu bhomu-o pi?» ⁴¹ U agie pi ani me: «Ani abhili omabhẽbhẽle kpála bhomu-o hana, ani djé ndjinga uo de. Pipita-a, ani há 'dyi vino pi okpála koko ngũ namene kulu bhúbhú, obhende ahá nguwa pi ani bhú nedhinga u adje lio ne uo li e-o.»

⁴² Yesu atsia apa pi uo me yi ngagama 'ngũ mugito me yi tanga nga engũ inde li Bhuku gba Ebhe-e apa e belegu de bini. Bhuku gba Ebhe-e apa li 'ngũ gba Masiya me:

«Teme inde li okpála nayiki eti-e au me a ne tata ade-e,
a akolo teme inde abi eti-e libhomu-o ngae.

Ebhe Ngámá amene mo-o ngae.

Bhú djila ní-e, a ko 'ngũ na ngangamba!»

⁴³⁻⁴⁴ Kpála bhende atí pi teme ango-o, ani gũgũmũ. Kpála bhende la di li teme ango-o atí pi e, teme ango-o bá mbu ani má mbu! Ka yi au teme li Bhuku gba Ebhe-e apa 'ngũ e lie padhá-a, ma apa pi yi me, ngayi-e, Ebhe ani 'bhẽ bhoti na Nau gba e pi yi mani, ani tsia bhũlu pi okpála bhende ngamene engũ inde ani akũnda e-o.

⁴⁵ Li ongbengbe odimandẽ di ne omũFalisaí adje gbitaku ango-o lie, u atsia akẽ mbolimboli me ani de ngagama 'ngũ bhomu-o pindji o. ⁴⁶ U aholo agili kpadji

ngú naholo aní, engú bini, u adú ne tsulú ka okpála, anga okpála adú au me a ko polofeta.

22

Gbitaku pindji 'ngbé anokomia na kava
(*Tsia bhú Luk. 14:15-24.*)

¹ Abhomu-o, Yesu apa matá gbitaku pi okpála aní adú akpo 'ngú pi o-o me: ² «Yi tsia nga engú inde li Nau na abhúla akpo 'ndji e ne e-o: A maka tsingu gba 'ngbé ngámá bini inde amene anokomia na kava pi ndili gba e na bhobhoko. Aní atsia a'i okpála bhú anokomia ang-o-o. ³ Ekpí na anokomia ale lie, aní atima okpála na kulu gba e na 'i okpála inde aní a'i o me u go bhú anokomia ang-o-o. Engú bini, u ziba nago li e'i ang-o-o de.

⁴ Aní atima matá okpála na kulu koko. Aní aha líli pi uo me u nu pa pi okpála aní a'i o-o me: «Mbia inde-e, ma alú ezú gba ma-a alú. Ma abhili obagala gba ma ne onú na tsikpa abhili, ndundu hana ibili bedhe. Yi go bhú anokomia ang-o-o gogo!» ⁵ Engú bini, ngauo-o, u adje bha ne 'dje o. U atsia agbida bhú ongú gba o. Bhe bini aholo ne ení abhú 'dyi gba e, koko bhú natsindji mase gba e. ⁶ Okoko aholo okpála na kulu inde u atima o-o, u amene uo kpekpeke, u atsia abhili uo. ⁷ Li 'ngbé ngámá-a adje lie, aní abi 'gú naali. Abhomu-o, aní atsia atima osudha gba e me u bhili omabhèbhèle kpála bhomu, amba u to di djua li gudhu gba uo-o.

⁸ Pipita-a, aní atsia apa pi okpála na kulu gba e me: «Anokomia na kava-a bedhe. Engú bini, okpála ma a'i o-o ti matá da nago bhúbhú de. ⁹ Kaka-a, yi nu li odi kpadji, yi 'i ndú okpála inde yi abháka o hana, amba u go zu 'he-o.» ¹⁰ Okpála na kulu bhomu-o aze li okpadji. U atsia apo bhúla okpála bhende u adú abhaka o-o hana, obabadha okpála di ne osisiti okpála. U anu ne uo bhú 'ti na anokomia-o. Abhomu-o, tina 'ti na anokomia atsia abedhe ne uo bedhe.

¹¹ Abhomu-o, 'ngbé ngámá-a alí bhú 'ti na anokomia ngubula natsia okpála inde aní a'i o-o. Aní au kpála bini inde i dyi bongo na anokomia de. ¹² Aní ayi kpála ang-o-o me: «Wai, mo oli ei lele pi me nu nde dyi bongo na anokomia di-e?» Kpála ang-o-o andjili bha má bulu! ¹³ Abhomu-o, 'ngbé ngámá-a apa pi okpála na kulu-o me: «Yi gbigbite 'kpa aní ne 'dhu aní, amba yi bhike aní bhú biti akilidjo. Oo-o, aní adú aku 'gbá ne nazú tate e.»

¹⁴ Yesu atsia abu tata-a me: «A moko, Ebhe a'i okpála bhelé, engú la bini, obhende aní alo o-o, uo bhelé ade.»

Omufalaisi ato Yesu pindji nakala mandjandja gba 'ngbé ngámá Kaisala
(*Tsia bhú Mlk. 12:13-17; di ne bhú Luk. 20:20-26.*)

¹⁵ Abhomu-o, omufalaisi anu nadi bula ngubula nagili kpadji ngú nateke Yesu li 'li e. ¹⁶ U atsia atima té omukpata gba o bhú dabili bini ne okpála gba Elode ngubula napa pi Yesu me: «Musuno, ya mbila ndjindji me mu ngapa ngbili 'ngú . Mu ngasuno bhadi kpadji gba Ebhe-e ngbingbili. Tsulú kpála belegu li mu ade bini, anga mu tsia di engbé gba kpála de. ¹⁷ Mu ngabhundja naamú pi? A ayo me ya kala mandjandja gba 'ngbé ngámá Kaisala ne me ya kala de. Pa nga pi ya.» ¹⁸ Engú bini, li Yesu ambila siti kali gba uo-o lie, aní atsia apa pi uo me: «Obhúli kali inde-e, ka ni yi ngato ma lie? ¹⁹ Yi suno nga falanga inde u akakala mandjandja ne e muma.» U atsia ago pi aní ne lí falanga bini. ²⁰ Yesu atsia ayi uo me: «Kulu kpála, ne balua inde pí lí falanga inde-e, a ko naa da?» ²¹ U atsia agie pi aní me: «A ko naa Kaisala.» Abhomu-o, aní atsia apa pi uo me: «Yi ha oehe bhende li Kaisala ngayo e pi Kaisala, amba oehe bhende li Ebhe ngayo e, yi ha pi Ebhe.» ²² U adje lie mo-o, u angamba naali. U a'o ká aní, u atsia agbida.

OSadukai ayi 'ngú pindji nazuku ka okpála

(*Tsia bhú Mlk. 12:18-27; di ne bhú Luk. 20:27-40.*)

²³ Bha li 'kpí bhomu-o, oSadukai ago abhaka Yesu. (Ngauo-o, u ngapa naao me okpála inde amu-o zúku de.) U atsia ayi Yesu me: ²⁴ «Musuno, Moidje apa nani me: «f dū me bhoko bini kpi me aní nde zu ongisi de-e, ndai aní na bhobhoko-o bhe aké pita aní-e de ha oké aní ngubula nazu ongisi pi ndai e inde akpi-o.» ²⁵ Gbo nga la 'dje mu. Obhosi mananika adú nani agba ya. A adú nani ondaise. Bhebhele-e aha elé, aní atsia akpi me aní nde zu de. Bhende aké pita aní-e atsia aha oké aní-o. ²⁶ Bhende na bhisi bhomu-o akpi bhadi moko, aní nde zu de. A aké li bhende na bata, nakolo makolo li bhende na mananika-o. Ndú uo hana amu me u nde zu de. ²⁷ Pita namu ka ndú uo hana-a, elé-o atsia akpi di. ²⁸ Li 'kpí li okpála inde amu-o azúku lie, bhú ká obhosi mananika bhomu-o, elé bhomu-o adú naa da? Padhá de, anga ndú uo hana aha nani aní.»

²⁹ Yesu atsia agie pi uo me: «Yi angita, anga yi ké mboli engú li Bhuku gba Ebhe-e ngapa e de. Yi mbila di angu gba Ebhe-e de. ³⁰ Padhá de, anga li okpála inde amu-o azúku lie, olisi ne obhosi há lío de. Engú bini, u adú ibili maka oandjelu abhúla. ³¹ Pindji 'ngú bhende atsia nazuku

ka okpála inde amu-o, yi tanga nga eli gba Ebhe-e di? Ebhe apa nani pi yi me: ³² «Ngama-a, ma ne Ebhe inde li onguo ogbi yi Abalahama, Isaka, ne Yakobho ngamene kulu lio pi e ko.» Ebhe-e, a ko Ebhe gba okpála bhende amu-o ade. Engú bini, a ko Ebhe gba okpála inde uu ko.»[†] ³³ Ndu okpála hana inde adje engú bhomu-o angamba naali li nasuno gba ani-o.

Nasuno pindji líli inde ane ne engbé

(Tsia bhú Mlk. 12:28-34; di ne bhú Luk. 10:25-28.)

³⁴ Abhomu-o, Yesu atsia agbite 'bhé oSadukai ne engú ani agie e pi uo-o. Li omuFalisai adje lie mo-o, u anu apo bhúla o de ani. ³⁵ Suka uo adu musuno na líli gba Moidje . Ani adu akunda nato Yesu. Kaka-a, ani atsia ayi ani me: ³⁶ «Musuno, bhú ká olíli-e, bhende ane ne engbé-e ngae dho?» ³⁷ Yesu atsia agie pi ani me: «A ayo me kunda Ebhe, Ngámá gba mu-o ne bua mu hana, ne mukobho gba mu-o hana, di ne mabhundja gba mu-o hana.»[†] ³⁸ A bhomu-o líli inde ane ne engbé, inde di líli na kalanu-o. ³⁹ Bhende pipita, inde bhadi ngbéngbé maka bhe na kalanu-o ngae inde: «A ayo me kunda kilí mu maka mo okunda limu lie ngamu makpe-o.»[†] ⁴⁰ Engú li u aye e bhú líli gba Moidje ne bhende li opolofeta aye e hana alu pi olíli bhisi bhomu.»

Masiya ne Ngámá gba Davidi

(Tsia bhú Mlk. 12:35-37; di ne bhú Luk. 20:41-44.)

⁴¹ OmuFalisai adu nga bha nagama 'ngú ne Yesu. Ani atsia ayi uo me: ⁴² «Yi ngabhundja pindji Masiya pi? A ko ndili ka da?» U atsia agie pi ani me: «A ko ndili ka Davidi.» ⁴³ Yesu atsia ayi uo me: «I du mo-o, lele pi li Davidi, bhú angu gba Bu Bhobua-a nga'i Masiya lie me Ngámá gba ni-e? Padhá de, anga Davidi apa nani me: ⁴⁴ «Ebhe Ngámá apa pi Ngámá gba ma-a me:

go du li pá 'kpa ma na kokpa, amba ma mene me mu ha angu obhulu yala gba mu-o.»[†]

⁴⁵ I du la me Davidi nde nga'i Masiya me «Ngámá gba ni-e», lele pi li Masiya ti da nadu lie ndili ka ani-e?» ⁴⁶ Abhomu-o, kpála bini tsia du ne eli nagigie pi ani li 'ngú ani ayi e de. Nayie li 'kpi bhomu-o, kpála bini tsia le matá nayi ani li 'ngú belegu de bini.

[†] 22:32 22:32 Tsia bhú Eki. 3:6. [†] 22:37 22:37 Tsia bhú Det. 6:5. [†] 22:39 22:39 Tsia bhú Lev. 19:18. [†] 22:44

22:44 Tsia bhú Ets. 110:1. * 23:14 23:14 Lukuluku inde-e, a bhú obhuku koko na didili u aye e bhú eli na giliki ade. [A ko likabhu pi yi, omusuno na líli di ne omuFalisai. Yi ne obhulu kali! Padhá de, anga yi ngabha ndu 'he inde ka ookesi-e hana. Yi la di ngayo Ebhe ngengele bhú djila okpála, amba u u me yi ne obabada okpála. Kaka-a, u akódho 'ngú gba yi-e kpekpeke naali!] Tsia bhú Mlk. 12:40.

23

Yesu apa me yi améne 'ngú maka omusuno na líli gba Moidje di ne omuFalisai-e de

(Tsia bhú Mlk. 12:38-39; di ne bhú Luk. 11:43, 46, 20:45-46.)

¹ Abhomu-o, Yesu apa pi bhiti okpála di ne omukpata gba e me: ² «Kulu gba omusuno na líli gba Moidje di ne omuFalisai-e , a ko nambamba ta olíli gba Moidje pi okpála. ³ Kaka-a, yi mene ndu 'ngú hana inde u apá e pi yi-o, amba yi tsia lila di ndjindji. Engú la bini, yi akpáta kulu gba uo-o de, anga engú u ngapa e, u mene maka u ngapapa lie de. ⁴ U ngagbite titili 'he na titili, u nga'o'o de-ngulu okpála. La-a, ngauo makpe, u ngayala na'o nga bha tété ndjili 'kpa o ngú nateteke okpála li tili 'he inde u a'o e de-ngulu uo-o. ⁵ Ndu 'ngú gba uo hana, u ngamemene me okpála u o mau. Kaka-a, u ngaye 'li Ebhe ne baba djila balua, u ngagbigbite pidi o ne li 'kpa o. U la di ngadu 'so kandju gba o ndjandjandja ane mane. ⁶ U ngakunda nadulu bhú dá oanokomia li bili gba ongbengbe okpála, u kunda di nadulu bhú otí nadje líli gba Moidje li bili inde li okpála adú au o lie mau. ⁷ U kukunda me u du nayi o bhú odaposo, di ne me okpála du a'i o me <Musuno.>

⁸ Pi yi-e, yi améne de me okpála du a'i yi me <Musuno-o> de. Padhá de, anga yi bha ne koli Musuno bini, yi la bhadi ndu yi hana ne ondaise . ⁹ Yi a'i kpála bini pila doto de me <'Dyi yi-e> de, anga koli 'dyi yi bha bini ngae inde abhúla ko. ¹⁰ Yi améne di de me okpála du a'i yi me <Ngámá-a> de, anga koli Ngámá gba yi-e bha bini ne Kilisito . ¹¹ A ayo me kpála inde ane ne engbé bhú ká yi-e du kpála na kulu gba yi ko. ¹² Kpála bhende a'ó lie ngae makpe ne abhúla-a, u aké ani ne akuto. Kpála bhende a'ó la lie ngae makpe ne akuto-o, u a'é'e ani ne abhúla.»

Yesu ambamba ta kali gba omusuno na líli gba Moidje

di ne omuFalisai-o

(Tsia bhú Mlk. 12:40; di ne bhú Luk. 11:39-52, 20:45-47.)

¹³ Yesu apa matá me: «A ko likabhu pi yi, omusuno na líli, di ne omuFalisai. Yi ne obhulu kali! Padhá de, anga yi ngani 'bhé bhoti na Nau gba Ebhe-e pi okpála. La ngayi-e, yi li oo de, yi ka la di kpadji pi obhende akunda nali-e de. [¹⁴ *]

¹⁵ A ko likabhū pi yi, omusuno na líli di ne omuFalisai. Yi ne obhulū kali! Padhá de, anga yi ngadhólo ne ndu bili hana pila doto ne pí 'ngbé 'ngu ngubula me gandji kpála bini bhuka líli gba Moidje-o. † dū la me ani nde abhuka-a, yi ngamene me ani kolo kpála na djua na duduama nane yi bhatsibhatsi bhisi.

¹⁶ A ko likabhū pi yi, djila yi adudu. Yi la ngale me yi suno kpadji pi okpála! Yi ngapa me: † dū me kpála nde atu silika ne 'li 'ngbé 'ti Ebhe gba omaYuda-a, engú tété ade. Engú la bini, i dū me kpála nde atu silika ne 'li olo na 'ngbé 'ti Ebhe gba omaYuda-a, a ayo me kpála angó-o mene engú inde ani atu silika ngú e-o.> ¹⁷ Ngayi-e, yi ne ongingi, djila yi adudu! A ane ne engbé ne bhedho? Ne me a ko lo, ne me a ko 'ngbé 'ti Ebhe inde ngamene me olo-o kolo bubu kala Ebhe-e? ¹⁸ Yi ngapa matá me: † dū me kpála nde atu silika ne 'li bili natsulu enu pi Ebhe-e, engú tété ade. Engú la bini, i dū me kpála nde atu silika ne 'li enu inde u ngatsulu e pépé-e, a ayo me kpála angó-o mene engú inde ani atu silika ngú e-o.> ¹⁹ Ngayi-e, djila yi adudu! A ane ne engbé ne bhedho? Ne me a ko enu inde u ngatsulu e pi Ebhe, ne me a ko bili inde ngamene me enu angó-o kolo bubu kala Ebhe-e? Ndundu hana viti bini.

²⁰ Kaka-a, kpála bhende ngatu silika ne 'li bili natsulu enu-o, ani bhomu-o ngatutu ne 'li bili natsulu enu, la di ne 'li ndu 'he hana inde pépé-o. ²¹ La di-e, kpála bhende ngatu silika ne 'li 'ngbé 'ti Ebhe, ani bhomu-o ngatutu ne 'li 'ngbé 'ti Ebhe, di ne 'li Ebhe inde ngadu bhúbhú ko. ²² Kpála bhende ngatu la di silika ne 'li kokpí-e, ani bhomu-o ngatutu ne 'li kiti na ngámá gba Ebhe, la di ne 'li Ebhe inde ngadu pépé-o.

²³ A ko likabhū pi yi omusuno na líli di ne omuFalisai. Yi ne obhulū kali! Padhá de, anga yi ngaha belegu bini bhú ká ndjikpa na oulu na babadha sese. La-a, ongbengbe 'ngú inde li líli-e ngasuno e pindji nakodho 'ngú li lelele bhú dabilí bini ne bua na ndjinga, a la di-e namene engú inde li Ebhe akunda e, yi ngauu padhá. A la bhomu-o engú inde a ayo me yi de amene e, me yi nde 'li di 'to yi li okoko de ko. ²⁴ Ngayi-e, djila yi adudu, Yi la ngale me o suno kpadji pi okpála! Yi ngapandja ondjindji bhú 'he nandji mandji gba yi-o. La-a, yi ngabhi enu maka eya libhomu bhú 'bu yi má ngbi!

²⁵ A ko likabhū pi yi omusuno na líli di ne omuFalisai. Yi ne obhulū kali! Padhá de, anga yi ngavulu kute okópo ne osaani gba yi-e má ngbi, la-a, ohe inde yi nga'o e bhúbhú-o, a ko ohe inde yi asia e li kpadji

na ezi bhú dabilí bini ne kundu 'he inde bhú yi-o. ²⁶ Ngayi omuFalisai-e, yi u 'kpí de! Yi vulu ngaiza bhú kópo-o ngubula me káute kolo di babadha.

²⁷ A ko likabhū pi yi omusuno na líli di ne omuFalisai. Yi ne obhulū kali! Padhá de, anga yi maka olata inde u apulu embú pí e, inde i ngau lie akilidjo babadha. Engú bini, abhúbhú abedhe ne tsagala biki okpála bhende amu di ne ondu 'he na sisiti hana. ²⁸ A bhadi pi yi moko. Bhú djila okpála-a, yi ngau liyi me yi ne okpála na ngbingbili. La abhú yi-e, yi abedhe ne kali di ne ongu na sisiti bedhe.

²⁹ A ko likabhū pi yi omusuno na líli di ne omuFalisai. Yi ne obhulū kali! Padhá de, anga yi ngaleke olata opolofeta ndjindji, yi di ngaye obabadha tele li olata okpála na ngbingbili-o. ³⁰ Yi la ngapa me: † Ya dú nani bhú 'kpí odyi ya u-o, ya de kpøtø 'kpa ya ne uo ngú nabhili opolofeta de.> ³¹ Kaka-a, yi ngakpokpo bhomu-o engú gba yi makpe, me yi ne ongisí gba okpála inde abhili opolofeta-o! ³² Atou! Yi bedhe 'bhø engú li odyi yi akpo nani lita e bedbedhe! ³³ Yi ne okpala, yi ne piga ombuma! Yi anéke mangimbo nanu bhú djua na duduama lele pi?

³⁴ Kaka-a, yi djedje nga: ma ngatima opolofeta ne obhulū imbilangu, la di ne okukulu omusuno na líli pi yi. Yi abhili okoko bhú ká uo, yi gí okoko li kulusi. Yi abhí okoko ne fimbo bhú oeti nadje líli gba yi-o, yi tsia nú ne nato mbolo li okoko bhú gudhu bini ne bini. ³⁵ Yi améne mo-o ngubula me ngate ndu okpála na ngbingbili hana inde yi abhili nani o pila doto libhomu-o tuko pí 'ndji yi. Padhá de, anga yi abhili nani okpála na ngbingbili bhelé, nayie li Abele, nakolo li Djakalia, ndili gba Balasi-o. Yi abhøle nani Djakalia bhú mbadhasu na 'ngbé 'ti Ebhe, sunda bili natsulu enu pi Ebhe ne titina na bubu-o. ³⁶ A moko, ma apa pi yi me ndu 'ngú bhomu-o hana atúko pí 'ndji okpála na naki inde.»

Yesu aku 'gbá ngú okpála na Yelusalema

(Tsia bhú Luk. 13:34-35.)

³⁷ Yesu apa matá me: † Ngayi okpála na Yelusalema, ngayi okpála na Yelusalema, ngayi-e, yi ngabhili opolofeta, yi la di ngabhili okpála inde li Ebhe atima o pi yi-e ne teme! A ko bhatsibhatsi madho, ma akunda napo bhúla ongisí gba yi-e lie maka li 'hi 'ngu apopo bhúla ongisí gba e lie sa mbudha e? La-a, yi tsia kanda de! ³⁸ Kaka-a, kuti gba yi-e atígala padhá. ³⁹ Padhá de, anga ma apa pi yi me nayie pi mbia inde-e, yi ú matá ma belegu de bini

akólo li 'kpí inde yi apá lie me: <A ayo me Ebhe tukó bisagu pí kpála inde ngago ne 'li ani-o!†>

24

Yesu apa me u agúgumú 'ngbé 'ti Ebhe gba omaYuda-a kuto

(Tsia bhú Mlk. 13:1-2; di ne bhú Luk. 21:5-6.)

¹ Abhomu-o, Yesu akoto bhú 'ngbé 'ti Ebhe gba omaYuda-o. Li ani aholo ne 'nú lie, omukpata gba ani atsia adyudyo lío de ani ngú napaná pí ani maka li 'ngbé 'ti Ebhe gba omaYuda-a ayiki lie lie-o. ² Yesu atsia apa pí uo me: <Yi ngau ndú 'he bhomu-o hana? Ma apa pí yi na paká me, ekpí bini akólo makolo, u agúgumú 'ngbé 'ti Ebhe-e hana kuto. Teme bini tígala pí kili e de.>

Engú inde akólo kala sokpí-o

(Tsia bhú Mlk. 13:3-13; di ne bhú Luk. 21:7-19.)

³ Abhomu-o, Yesu anu adu kuto pí 'ta na ondula na Olive. Omukpata gba ani adyudyo lío de ani, u atsia ayi ani me u nde ne uo kpi o kpi me: <Musuno, pa nga pí ya, engú mú de ngapa e bhomu-o améne lie nadho? Ehe inde asúno nago ka mú-o ne ní? Ehe inde asúno la di me sokpí-e akolo ne ní?> ⁴ Yesu agie pí uo me: <'E-e! Yi lila liyi me kpála bini apíte yi de. ⁵ Padhá de, anga okpála bhelé agó ne 'li ma. U adú abhi 'kpa o pí mbulu o me o ne Masiya, u tsia píte okpála bhelé naali. ⁶ Yi adjé tolo egú ne ngali 'ngú na egú. 'E-e! Yi adjé tsalu de, anga a ayo me ndú 'ngú bhomu-o hana mene lie. Engú bini, a nga bhomu-o sokpí-e de. ⁷ Padhá de, anga okpála na kuti bini ahá 'gú pí okpála na kuti koko, li ngámá na kuti bini há 'gú pí ngámá na kuti koko. Adyindi adú li obili ngangá, li adjigidjo dyáki doto li obili ngangá. ⁸ Ndu 'ngú bhomu-o adú maka likabhu inde adúdu kala nazu ka olo.>

⁹ Abhomu-o, ndu okpála hana ayála yi ka 'li ma, u apú yi me u mene yi sisiti. U tsia bhili yi. ¹⁰ Li okpála bhelé bhú ká yi 'ó ká nabhuka gba o. U apú ngbángá o sunda o, u tsia yála di lío sunda o. ¹¹ Opolofeta na eu azé bhíbhiti naali, u tsia píte di okpála bhelé. ¹² Siti 'ngú abé ndu e naali, li mukunda gba okpála bhelé tsia bí zini. ¹³ La-a, kpála bhende alú kpekpeke bhú nabhuka nakolo makolo alí soso-o, kpála ang-o tsia kóbho. ¹⁴ U akpókpo Bádha NgaliNau na abhúla inde-e píla doto libhomu, amba ndu opiga hana mbila 'ngú tété ndjindji. Pipíta-a, li sokpí-e tsia kólo.>

Okpála azú likabhu naali kala sokpí-o
(Tsia bhú Mlk. 13:14-23; di ne bhú Luk. 21:20-24.)

¹⁵ Yesu atsia apa matá pí omukpata gba e me: <Yi aú kpála u a'i e me <'Ngbé Siti bhulu nabhóle kuti>, inde li polofeta Danyeale apa nani engú gba e adu bhú tina 'ti na bubu inde bhú 'ngbé 'ti Ebhe gba omaYuda-o. A ayo me kpála inde atánga engú nani li Danyeale aye e bhomu-o ké mbolimboli ndjindji!† ¹⁶ Abhomu-o, obhende abháka o abhú Yudaya-a, a ayo me u kpe apí oeta. ¹⁷ Kpála bhende abháka e kilidjo-o, a ayo de me ani djidji matá lie ngú nanu nabha oehe inde abhú 'ti gba e de. ¹⁸ Kpála bhende abháka e abhiye-e, a ayo de me ani gie matá lie asidi ngú naha koti gba e de. ¹⁹ A ko la mangua likabhu dho pí olisi inde adú ne ebhi di ne obhende adú a'o 'ka bhú 'bhe ongisi li 'kpí ang-o!>

²⁰ Yi yo Ebhe me ekpí nakpe ka yi-e adú bhú nedhinga na zini di ne li 'kpí ngagu gba omaYuda-a de. ²¹ Padhá de, anga a adú 'ngbé likabhu na ngbéngbé, inde li okpála u nga e de, nayie maka li Ebhe abho nani kokpí ne doto lie, nakolo pí mbia inde. Okpála ú la matá di galikpe ngua likabhu ang-o belegu de bini. ²² Ebhe amene me oekpí ang-o adú ngengele de. † dú me Ebhe gbétele oekpí ang-o de-e, kpála bini de kóbho de. La-a, ani agbétele oekpí ang-o kabula okpála bhende ani alo o-o. ²³ Li nedhinga bhomu-o, li kpála bini pa pí yi me: <Yi tsitsia nga, Masiya si-i>, i dú di-e me: <Ani abhe-e>, yi abhúka ani de. ²⁴ Padhá de, anga omasiya na eu di ne opolofeta na eu azé bhelé. U améne ongú na ngbengbengbe di ongú na ngangamba ngubula napite okpála. Li angu uo kólo makolo-o, u de píte belegu okpála inde li Ebhe alo o ko. ²⁵ Kaka-a, ma apa engú ang-o pí yi kalanu.>

²⁶ A moko, i dú me u nde apa pí yi me: <Yi tsitsia nga, Masiya abhú míli bíli-e>, yi anú oo de. U pa di pí yi-me de: <Yi tsitsia, ani awo lie kí>, yi abhúka de. ²⁷ Padhá de, anga maka li ekpí andjendjengene lie nayie andjongu nakolo akati-e, nago ka ma Ndili gba kpála-a adú bhadi moko. Ndu okpála hana au ne djila o. ²⁸ A viti bini maka bíli li kuo 'he nde lie me okpála nde mbila de-e, okpála ambila ka odhu inde azázu kuo apékóbho bhadi bhúla o lie dede-o.>

Yesu akpókpo lele nago ka e-o

(Tsia bhú Mlk. 13:24-27; di ne bhú Luk. 21:25-28.)

²⁹ Yesu atsia apa matá me: <Pita likabhu na oekpí bhomu-o, ma 'li ma me-e, biti abúku bhúla ela libhomu,>

† 24:15 24:15 Tsia bhú Dan. 9:27, 11:31, 12:11.

epe sú matá-a de,
oikupala abála kuto,
li oangu na abhúlá tsia dyíki má djigi
djigi![†]

³⁰ Abhomu-o, ehe bini inde asúno me ngama Ndili gba kpála ma ngago-okóto abhúlá. Ndu okpála hana píla doto libhomu adú bhú 'gbá. U tsia ú ma, ngama Ndili gba kpála me ma nde ngago pí ndindi abhúlá, ma nde abedhe ne angu la di ne sangu bedhe. ³¹ U adjé gili toti na kpekpeke ngau. Ngama, Ndili gba kpála-a, ma tsia tíma oandjelu gba ma me u nu po bhúla okpála bhende li Ebhe alo o ne ndu 'dje doto badha hana, nayie li pápá bini, akólo makolo li pápá koko.»

Kpála bini mbila nedhinga nago ka Ndili gba kpála-a de

(Tsia bhú Mlk. 13:28-31; di ne bhú Luk. 21:29-33.)

³² Yesu akpokpo matá gbitaku koko me: «Nago ka ma, Ndili gba kpála-a, adú maka engú inde asuno lie pí yi li ndula na figi-o. Yi kə mbolimboli ndjindji. Padhá de, anga nedhinga li 'ndji aholo asú lie, li okpákpá holo nakə-o, yi mbila me gbokokpi akolo masikpe. ³³ Kaka-a, nedhinga yi aú ndu ongú inde ma akpokpo e pí yi bhomu-o lie hana-a, yi mbila ndjindji me nago ka ma, Ndili gba kpála akolo masikpe, me ma bha ibili li obhə bhoti gba yi-o. ³⁴ Ma apa pí yi na paká me, ndu 'ngú inde ma akpokpo e pí yi pindji nago ka ma, Ndili gba kpála-a akódho 'kpi me okpála na naki inde-e nde mu nga ndu o hana de. ³⁵ Kokpi ne doto akódho 'kpi makódho, engú bini, 'li ma kódho 'kpi belegu de bini.

³⁶ La-a, kpála bini mbila ekpi di ne nedhinga nago ka ma Ndili gba kpála-a de, abana bha oandjelu inde abhúlá, u mbila de, abana bha ma Ndili-o, ma mbila de. Kpála bini mbila de, ambila bha bini ne 'Dyi ma kpi e kpi. ³⁷ Maka engú inde akódho nani 'kpi bhú nedhinga gba Nua-a, nago ka ma Ndili gba kpála adú bhadi moko. ³⁸ Padhá de, anga bhú nedhinga bhomu-o, kala me engu-o si na eu eu-o, okpála adu mágito me engú ade. U adu nazú 'he, u atsia adu di nandji pandi. Obhosi ne olisi adu naha lio, u atsia adu di amba ongisi gba o na olisilisi bhú kava, akolo li 'kpi inde li Nua ali lie bhú 'ngbé zabu-o. ³⁹ 'To u du 'to 'ngú bini de, akolo li nedhinga inde li engu asi lie, a atsia abha ndu uo hana má kpekəbhə! Nago ka ma, Ndili gba kpála-a adú bhadi moko.

⁴⁰ Abhomu-o, i bhaka okpála bhisi abhiye-e, oandjelu gba Ebhe-e ahá bini, u

tsia 'ó ká bhe koko-o. ⁴¹ I bhaka olisi bhisi ngatu mapunga-a, oandjelu gba Ebhe-e ahá bini, u tsia 'ó ká bhe koko-o. ⁴² Yi lila liyi ndjindji, anga yi mbila ekpi inde li Ngámá gba yi-e agó lie de. ⁴³ A ayo me yi mbila ndjindji me, i dú me bhulu 'ti-e mbila nedhinga inde li bhulu 'zi agó lie sukpe uu-o, ani de dú bha bini li zuku. Ani de 'ó de me bhulu 'zi gumu eti gba ni-e de. ⁴⁴ Kaka-a, ngayi di-e, yi du bedhe, anga nedhinga yi nde lie bhú 'ili 'to-o, a la bhomu-o nedhinga inde li ngama Ndili gba kpála ma agó lie-o.»

Kpála na kulu inde ngbingbili inde di na imbilangu

(Tsia bhú Luk. 12:41-48.)

⁴⁵ Yesu atsia apa matá me: «Kpála na kulu inde ngbingbili inde di na imbilangu-o ngae dho? Yi tsitsia nga, a ko ngua kpála na kulu inde li ngámá gba e a'o e pí 'ndji okpála na eti gba e me ani du naha ezú pí uo li nedhinga ayo lie-o. ⁴⁶ A ko djali pí kpála na kulu bhomu i du me ngámá gba ani-e nde ago, ani bhaka me ani nde ngamemene mo-o. ⁴⁷ Ma apa pí yi na paká me, ngámá a'ó ani pí 'ndji ndu 'he gba e hana. ⁴⁸ Engú bini, i du me a nde kpála na kulu na sisit-e, ani pá li bua e me: <Ha-a, ngámá gba ma nga bha ngabhue.> ⁴⁹ Abhomu-o, ani hóló nabhi obi e koko na kulu-o, ani hóló nazú 'he, ani hóló nandji pandi ne omulangba. ⁵⁰ Li ngámá gba kpála na kulu angu-o go li 'kpi ani djeke ani lie de, di li nedhinga inde ani mbila e de-e, ⁵¹ ani 'é ani bhú kulu, ani tsia méne ani kpekpeke maka li Ebhe améne galikpe obhulu kali lie li bili ani abú uo lie-o. Oo-o, u adú aku 'gbá, u tsia dú di nazú tate e-o.»

25

Gbitaku pindji otsalisi ndjikpa na kava

¹ Abhomu-o, Yesu apa matá me: «Ekpi li ngama Ndili gba kpála ma agó lie, engú inde akódho 'kpi bhú Nau na abhúlá adú maka gbitaku inde: a adu nani otsalisi ndjikpa inde aha otala gba o ngú nanu nakə lio ne bhoko inde adu akunda naha ələ. ² Bhú ká uo, obhe bhuluvue adu ongingi, obhe bhuluvue koko adu obhulu imbilangu. ³ Otsalisi bhe na ngingi-e aha otala gba o-o, la-a, 'to uo a'ili li naha otsupa 'mu koko dede. ⁴ Engú bini, obhe na imbilangu-o aha otala gba o bhú dabili bini ne otsupa 'mu koko dede. ⁵ Li bhoko-o go lie má gala de-e, ela aholo ndu uo hana, u atsia atuko ne ela.

⁶ Tutu sukpe-e, tolo 'ue akoto: <Bhoko-o ki-e! Yi ze ngú nakə liyi ne uo.> ⁷ Abhomu-o, ndu otsalisi-e hana azuku. U atsia aholo

[†] 24:29 24:29 Tsia bhú Isa. 13:10, 34:4; ne bhú Edj. 32:7; di ne bhú Dj. 2:10.

naleke otala gba o-o. ⁸ Otsalisi bhe na ngingi-e apa pi obhende na imbilangu-o me: <Yi ha mbo té emu gba yi-e pi ya, anga otala gba ya-a ngabulu.> ⁹ Obhe na imbilangu-o agie pi uo me: <A mo-o ade, anga bhe ka ya-a bhele da nale li lele ní ne yi ade. Yi nu bhaka mangbo okpála i ngatsitsindji, amba yi kala pi yi ka uo.> ¹⁰ Obhe na ngingi-e anu nakala emu-o. Engú bini, nedhinga u adu anu lie nakakala-a, bhoko-o akolo. Otsalisi bhuluvue inde adu bedhe ali ne ani bhú 'ti na anokomia-o. U atsia adula bhoti-o. ¹¹ A abhue bedi, otsalisi bhe koko akolo. U atsia aholo nasusula me: <Ngámá, ngámá, bhulu bhoti-e pi ya!> ¹² Engú bini, bhoko-o agie pi uo me: <Ma apa pi yi na paká me, ma mbila yi de.>

¹³ Yesu atsia abu tata-a me: <Yi lila liyi, anga yi mbila ekpi li ngama Ndili gba kpála ma agó lie de, yi mbila la di nedhinga angoo de.>

*Gbitaku pindji okpála na kulu bata
(Tsia bhú Luk. 19:11-27.)*

¹⁴ Yesu apa matá me: <Ekpi li ngama Ndili gba kpála ma agó lie, engú inde akódho 'kpi bhú Naú na abhúlá adú maka gbitaku inde: a adu nani bhoko bini inde adu akunda nanu dhuku. Kala nanu ka ani-e, ani a'i okpála na kulu gba e-o. Ani atsia a'o tia gba e sakpa uo. ¹⁵ Ani aha pi bhe bini-e lí falanga kámá bhuluvue. Ani aha pi bhe koko lí falanga kámá bhisi. Ani atsia aha pi bhe koko lí falanga kámá bini. Ani aha pi kpála ne kpála li lele angu gba e. Pipita-a, ani atsia atapa. ¹⁶ Kpála na kulu bhe asia kámá bhuluvue-e, anu kolo nabe ndundu. Ani atsia asia di lí falanga koko pépé kámá bhuluvue. ¹⁷ Bhende asia kámá bhisi-e amene bhadi moko. Ani atsia asia di lí falanga koko pépé kámá bhisi. ¹⁸ Engú bini, bhende asia kámá bini-e anu bha naae nadjí edú bhú doto. Ani atsia awo tia gba ngámá gba e bhúbhú.>

¹⁹ Pipita abhue naali, ngámá na kulu gba okpála bhomu-o ago. Ani atsia aholo nagama 'ngú ne uo pindji lele maka uo amene kulu ne tia gba ni-e lie-o. ²⁰ Bhe asia nako lí falanga kámá bhuluvue adyudyo lie. Ani agbe lí falanga kámá bhuluvue koko-o ne napa me: <Ngámá, mo oha nako muma lí falanga kámá bhuluvue. A inde-e lí falanga kámá bhuluvue koko inde ma asia e pépé ko.> ²¹ Do ngámá gba ani pi ani me: <So! Mú ne bádha kpála na kulu, mú la di ngbingbili. Mo omene nako ngbili 'ngú bhú ongú inde djedjedje, ma a'ó ibili mú me mú du atsia 'kpi lí ongú na ngbengbengbe. Go kpi djali bhú dabili bini ne ma.>

²² Kpála na kulu bhende asia nako lí falanga kámá bhisi-e adyudyo di lie. Ani pi ngámá-a me: <Ngámá, mo oha nako muma lí falanga kámá bhisi. A inde-e lí falanga kámá bhisi koko inde ma asia e pépé ko.> ²³ Do ngámá gba ani pi ani me: <So! Mú ne bádha kpála na kulu. Mú la di ngbingbili. Mo omene nako ngbili 'ngú bhú ongú inde djedjedje, ma a'ó ibili mú me mú du atsia 'kpi lí ongú na ngbengbengbe. Go kpi djali bhú dabili bini ne ma.>

²⁴ Li soso-o, kpála bhende asia nako lí falanga kámá bini-e ago di. Ani pi ngámá-a me: <Ngámá, ma adu nako ambila ndjindji me mú ne kpála na gúgú. Mú ngaha 'zu li bili inde mú lu 'zu li e de. Mú ngazu 'he li kulu inde lí okpála koko andala lie ngao. ²⁵ Ma adje tsulu mú. Ma atsia anu awo tia gba mú-o bhú doto. A la bhadi i. Tia gba mú-o ki.> ²⁶ Engú bini, ngámá gba ani agie pi ani me: <Mú ne siti kpála na kulu! Mú di ne bhulu ipio! Ka ni mo odu nako ambila lie ndjindji me ma ngaha 'zu li bili inde ma alu 'zu lie de, me ma ngazu 'he li kulu inde lí okpála koko andala lie ngao, ²⁷ mú tsia 'o nako tia gba ma-a bhú bakí de ka ni, amba ma agó lie, ma de bhaka me a nde abe ndu e abe-e?>

²⁸ Yaka! Yi gbulu lí falanga kámá bini bhomu-o ka ani, amba yi ha pi kpála inde ka e kutu bini ko.> ²⁹ Ngámá bhomu-o apa mo-o, anga kpála inde ka e ne ehe, u ahá matá koko pi ani pépé. Ani tsia dú bhú mundayi. Engú bini, kpála li ehe nde ka e belegu ade bini-e, u agbúlu belegu dhegu bhende i ti da nadu ka ani-o. ³⁰ Ngámá-a atsia abu 'so 'ngú gba siti kpála na kulu bhomu-o ne napa me, u bhike ani bhú biti akilidjo li bili inde lí okpála nde lie bhú 'gbá di ne nazu tate o-o.>

Yesu akpokpo lele maka ani akódho 'ngú gba okpála lie-o

³¹ Yesu atsia apa matá me: <Ekpi li ngama Ndili gba kpála ma agó lie bhú sangu gba ma bhú dabili bini ne oandjelu hana-a, ma adú pi kiti na ngámá gba ma na sangu-o. ³² Ndu okpála na pila doto hana apó bhúla o kala ma. Ma tsia gbógbo bhusu uo maka lí mulila agbogbo bhusu okandole lie ne omeme-o. ³³ Ma a'ó okandole li pá 'kpa ma na kokpa, ma tsia ó omeme-e li pá 'kpa ma na gali.>

³⁴ Abhomu-o, ma tsia pá pi obhende adú li pá 'kpa ma na kokpa-a me: <Yi gógo, ngayi okpála asia bisagu ka 'Dyi ma-o. Yi go sia ngámá inde li ani aleke nani e pi yi nayie li nedhinga ani abho kokpi ne doto lie ko. ³⁵ Padhá de, anga ma adje gumu, yi atsia aha ezu muma. Ma adu adje gumu 'ngu, yi atsia aha engu nandji mandji muma. Ma adu ne gomago, yi atsia

asia ma agba yi. ³⁶ Ma adu ndumbu, yi atsia ato bongo li ma. A adu li ma ne kuo, yi atsia ateteke ma. Ma adu bhú tikpu, yi atsia ago natsia ma.»

³⁷ Abhomu-o, obhende amene mukunda gba Ebhe-e tsia yi ma me: «Ngámá, ya au me ne gumu nadho, ya atsia aha 'zu pi mu-o? Ya au mu ne gumu 'ngu nadho, ya atsia aha engu nandji mandji pi mu-o? ³⁸ Ya au mu me mu nde ne gomago nadho, ya atsia asia mu agba ya-a? Ya au mu ndumbu nadho, ya atsia ato bongo li mu-o? ³⁹ Ya au mu ne kuo, i du di-e me mu nde bhú tikpu nadho, ya atsia anu ateteke mu-o?» ⁴⁰ Ma tsia gie pi uo me: «Ma apa pi yi na paká me, ndu nedhinga hana inde yi amene bádha 'ngú lie pi suka ondaise ma inde li okpála ngau o padhá inde-e, yi amene bhomu-o muma.»

⁴¹ Abhomu-o, ma tsia pá di pi obhende adu li pá 'kpa ma na gali-e me: «Yi yie si yiyie, yi gbida de ma tsutsu, ngayi okpála li Ebhe atu pödjo lio-o! Yi nu bhú djua na duduma inde li Ebhe aleke nani e pi djabulu ne omaha e-o! ⁴² Padhá de, anga ma adu adje gumu, yi tsia ha 'zu muma de. Ma adu adje gumu 'ngu, yi tsia ha engu nandji mandji muma de. ⁴³ Ma adu ne gomago, yi tsia sia ma agba yi de. Ma adu ndumbu, yi tsia to bongo li ma de. Ma adu ne kuo di ne bhú tikpu, yi tsia go nateteke ma de.»

⁴⁴ Abhomu-o, u tsia yi di ma me: «Ngámá, ya au mu nadho me mu nde ne gumu, i du di-e gumu 'ngu-o? Ya au mu nadho me mu nde ne gomago, mu nde ndumbu, i du di-e me mu nde ne kuo, i du di-e me mu nde bhú tikpu-o, ya tsia nu tekeke mu di-e?» ⁴⁵ Ma tsia gie pi uo me: «Ma apa pi yi na paká me, ndu nedhinga hana yi mene bádha 'ngú lie pi suka ondaise ma inde li okpála ngau o padhá inde-e de-e, yi mbila me yi aneke di namemene bhomu-o muma.» ⁴⁶ Abhomu-o, obhende i mene mukunda gba Ebhe-e de-e, gbida nazu likabhu na duduma. Engú bini, obhende amene mukunda gba Ebhe-e, tsia gbida naao bhú mukobho na duduma.»

26

Onгамási gba omaYuda agili kpadji ngú nabhole Yesu

(Tsia bhú Mlk. 14:1-2; ne bhú Luk. 22:1-2; di ne bhú Dja. 11:45-53.)

¹ Li Yesu andjia nakpo ongu bhomu-o lie hana-a, ani atsia apa pi omukpata gba e me: ² «Yi mbila hana me pita 'kpi bhisi-e,

adu anokomia na Pasika . Li 'kpi ang-o, u apu ma Ndili gba kpala ngubula me u gi ma li kulusi.»

³ Yesu adu akpo 'ngú bhomu-o pi omukpata gba e lie, abhaka me ong-bengebe odimandø ne obhelesi okpála gba omaYuda nde apo bhúla o agba bhele kpála gba odimandø , u a'i e me Kaifa. ⁴ U atsia aziba lio ngubula naholo Yesu bhú pepe, amba o bhøle nani. ⁵ Engú bini, u adu apa me: «A ayø de me ní holo ani bhú nedhinga na anokomia de, anga li okpála gbe tolo.»

Ølo bini atuko mungotsi pi 'ndji Yesu (Tsia bhú Mlk. 14:3-9; di ne bhú Dja. 12:1-8.)

⁶ Ekpi bini, Yesu ne omukpata gba e adu bhú kuti na Betania, abhú 'ti gba Simo nani li kaba amene e-o. ⁷ Nedhinga u adu azu 'he lie, ølo bini ago de ani ne gili inde u abho e li alabatele.* Gili ang-o adu me a nde abedhe ne mungotsi na kpøke mase bedhe. Ani atsia atuko mungotsi ang-o pi 'ndji Yesu. ⁸ Li omukpata gba ani e au lie mo-o, u ake 'ngú lio, u atsia apa me: «Ta nasiti mungotsi inde-e padhá me e ne ni? ⁹ U ti igini da natsitsindji bhú kpøke mase, u tsia há tia ang-o pi obhulu ndibhili.» ¹⁰ Li Yesu ambila engú u adu apa e lie, ani atsia apa pi uo me: «Yi ngato mbolo li ølo inde-e ka ni? Engú inde ani amene e li pabili gba ma-a, a ko bádha 'ngú. ¹¹ Padhá de, anga obhulu ndibhili-e, yi adu ne uo ndu nedhinga hana. Engú bini, ngama-a, ní dú ne yi ndu 'kpi hana de. ¹² Ani atuko mungotsi inde li kute ma, ngubula naleleke ngú ekpi inde u azi ma lie ko. ¹³ Ma apa pi yi na paká me, píla doto libhomu, ndu bili hana inde u akpøkpo Bádha Ngali gba Ebhe-e lie, u akpøkpo di engú inde li ølo inde-e amene e ngú nabhundja ani.»

Yuda adje lie ne onгамási gba omaYuda ngú napu

Yesu pi uo

(Tsia bhú Mlk. 14:10-11; di ne bhú Luk. 22:3-6.)

¹⁴ Abhomu-o, suka omukpata ndjikpa ne ká bhisi anu nabhaka ong-bengebe odimandø. A adu 'li mukpata ang-o me Yuda isikaliothe. ¹⁵ Ani atsia apa pi uo me: «Yi akunda naha muma ni, amba ma pu Yesu pi yi-e?» Abhomu-o, u adje lio ne uo li mase-o. Ong-bengebe odimandø atanga lí falanga ndjikpa bata,† u atsia aha pi ani. ¹⁶ Nayie bhú nedhinga bhomu-o, Yuda adu

* 26:7 26:7 Alabatele: A ko teme na mase naali inde u abhobho øhe maka gili lie ko. † 26:15 26:15 Lí falanga ndjikpa bata: A ko nani tia bhøle de, ati di nani da nakala bali bini de. Tsia bhú Eki. 21:32, di ne bhú Djkl. 11:12.

nagili nedhinga na ndjindji ngubula napu Yesu pi uo me u bhelo ani.

Yesu atima omukpata gba e naleke da anokomia na Pasika

(*Tsia bhú Mlk. 14:12-21; ne bhú Luk. 22:7-14, 21-23; di ne bhú Dja. 13:21-30.*)

¹⁷ Li 'kpi na kalanu na anokomia nazu mapa inde li levile nde bhú e ade-e, omukpata gba Yesu ago nayi ani me: «Mo okunda me ya leke dá Pasika pi mu su?»
¹⁸ Yesu agie pi uo me: «Yi nu abhú gudhu, agba kpála bini me, amba yi pa pi ani me: «Musuno apa me, nedhinga gba ni-e akolo masikpe. Ngani ne omukpata gba ni-e, o ozú anokomia agba mu.»
¹⁹ Omukpata amene maka Yesu apa lie pi uo-o. Abhomu-o, u atsia anu aleke da anokomia-o.

Yesu apa me suka omukpata gba ni bini apú ni

²⁰ Li akolo lie tagolo-o, Yesu ne omukpata gba e ndjikpa ne ká bhisi-e aholo nazu 'he.
²¹ Nedhinga uo adu azu 'he lie, do Yesu de-e: «Ma apa pi yi na paká me, suka yi bini apú ma.»
²² Omukpata-a asia likabhu naali. Abhomu-o, kpála ne kpála aholo nayi ani me: «Ngámá, a adú bha ndju ma?»
²³ Ani agie pi uo me: «Kpála inde ya ngato 'kpa ya ne e bhú saani bini-e, kpála ang-o apú ma ngae.
²⁴ Ngama Ndili gba kpála, ma adji akpi maka u aye 'ngú gba ma lie-o. Engú bini, a ko likabhu pi kpála inde ngapu ma-o! A nani pi kpála ang-o ndjindji me u azú ani de!»
²⁵ Abhomu-o, Yuda, kpála inde apú ani atsia ayi me: «Musuno, a adú bha ndju ma?» Yesu atsia agie pi ani me: «Mo opa ngamu!»

Yesu agapa mapa ne vino li omukpata gba e ndjikpa ne ká bhisi-o

(*Tsia bhú Mlk. 14:22-26; ne bhú Luk. 22:14-20; di ne bhú 1 Kol. 11:23-25.*)

²⁶ Nedhinga u adu azu 'he lie, Yesu aha mapa-o. Ani agie heni pi Ebhe, ani agumu bhusu bhusu, ani atsia aha pi omukpata gba e ne napa me: «Yi zuzu, a inde-e kute ma.»
²⁷ Pipita-a, ani aha kópo na vino-o, ani agie heni pi Ebhe, ani atsia aha pi uo ne napa me: «Yi ndji ndu yi hana,
²⁸ anga a inde-e ngute ma. A ko ngute inde ngasuno me Ebhe akodho gandja ne okpála-o. Ngute ang-o atuko ngú na'e osisiti 'ngú gba okpála bhelé.
²⁹ Ma apa pi yi me: Nayie pi mbia inde-e, ma ndji matá vino belegu de bini, akólo li 'kpi inde ma andji lie ne toto bhú dabili bini ne yi bhú Nau gba 'Dyi ma-o.»
³⁰ Pipita-a, u ali etsi na anokomia-o. U aze, u atsia agbida apí eta na ondula na Olive.

Yesu apa me Piele apá me ni mbila ni de (Tsia bhú Mlk. 14:27-31; ne bhú Luk. 22:31-34; di ne bhú Dja. 13:36-38.)

³¹ Abhomu-o, Yesu atsia apa pi omukpata gba e me: «Sukpe na naki inde-e, ndu yi hana a'ó ká ma. Padhá de, anga Ebhe apa bhú Bhuku gba e me:

«Ma abhéle mulila gba okandelo-o, li okandelo-o tsámbara ne bili ngangá.»[†]

³² Engú bini, ngama-a, ekpi ma azúku lie, ma anú adjeke yi abhú Galilaya.»
³³ Piele atsia apa pi ani me: «Abana li ndu okpála hana 'o ká mu-o, ngama-a, ma 'o ká mu belegu de bini.»
³⁴ Abhomu-o, Yesu atsia agie pi ani me: «Ma apa pi mu na paká me, sukpe na naki inde-e, kala me engu ku 'gbá-a, mo opá bhutsibhutsi bata me ni mbila ma de.»
³⁵ Piele atsia apa matá pi ani me: «Abana i du bha me a nde ayo me ní kpi bhú dabili bini ne mu-o, ma 'o ká mu de.» Abhomu-o, ndu omukpata koko hana atsia apa bhadi moko.

Yesu ayo Ebhe bhú Getesemani

(*Tsia bhú Mlk. 14:32-42; di ne bhú Luk. 22:39-46.*)

³⁶ Abhomu-o, Yesu akolo ne omukpata gba e li bili bini inde u a'i e me Getesemani. Ani atsia apa pi uo me: «Yi dudu si nedhinga ma adji lie nayo Ebhe aoo ko.»
³⁷ Ani aha Piele ne ongisi bhisi gba Djebedayo-o. Ani anu ne uo bhú dabili bini. Tsulu aholo ani, likabhu atsia abedhe di li bua ani bedhe.
³⁸ Abhomu-o, ani atsia apa pi uo me: «Bua ma abedhe ne likabhu bedhe ka ma adji akpi lie-o. Yi dudu si, yi du la di ne ma li zuku bhú dabili bini.»

³⁹ Pipita-a, ani adyudyo mbo lie tsutsu bedi. Ani atutu lipuka e kuto, ani atu bhúla e pí doto, ani atsia ayo Ebhe me: «'Dyi ma, i du ndjindji-e, mu de dyudyo likabhu inde-e de ma tsutsu! Engú la bini, mo oméne maka ma akunda lie de, mene mangbo maka mo okunda lie ko!»
⁴⁰ Ani agie lie li bili li omukpata bata adu lie-o. Ani abhaka me u nde atuko ne 'la má dhululu! Do ani pi Piele de-e: «Yi ti igini da nadu li zuku ngabha ne ma ngubula saa bini di?»
⁴¹ Yi du li zuku, yi yo Ebhe, amba yi alí bhú nale de. Bua kpála bedhe ndu 'kpi hana ngú namene bádba 'ngú, engú bini, kute ani bhúbhuku.»

⁴² Matá bhutsibhutsi na bhisi-e, ani adyudyo lie de omukpata bata-a tsutsu. Ani atsia ayo Ebhe me: «'Dyi ma, i du me likabhu inde-e nde ti da naneke ma de-e, a nde ayo bha me a kolo li ma-a, a ayo me engú mo okunda e mene lie ngae!»
⁴³ Abhomu-o, Yesu agie matá lie li bili li omukpata-a adu lie-o. Ani abhaka me u

† 26:31 26:31 Tsia bhú Djdkl. 13:7.

nde tìla. Padhá de, anga djila uo adu me a nde ne ela má yikpokpo! ⁴⁴ Aní a'ò ká uo, aní adyudyo matá lie de uo tsutsu. Aní atsia ayo Ebhe bhútsibhútsi na bata ne napa bha oeli bini bhomu-o.

⁴⁵ Abhomu-o, aní ago abhaka omakpata gba e bata-o, aní atsia apa pí uo me: «A ndjindji! Yi la nga lala, amba yi guo! La-a, nedhinga akolo, nedhinga inde u apú ma, Ndili gba kpála lie pí osisiti okpála-o. ⁴⁶ Yi tsitsia nga, kpála inde apú ma akolo. Yi yie bhúlá, ní nu bhaka uo!»

U aholo Yesu

(*Tsia bhú Mlk. 14:43-50; ne bhú Luk. 22:47-53; di ne bhú Dja. 18:3-12.*)

⁴⁷ Bha lí nedhinga lí Yesu adu agama 'ngú lie, me-e, Yuda, sùka omakpata ndjikpa ne ká bhisi-e akolo. Aní ago naní ne bhiti okpála inde adu sa 'kpa o ne ombotia di ne ondula. A atima naní uo ne ongbengbe odimandé di ne obhelesi okpála gba omaYuda. ⁴⁸ Yuda adje naní lie ne uo kalanu me: «Kpála inde ma akáma e, a ko aní. Yi holo aní!» ⁴⁹ Me-e, aní adyudyo lie de Yesu, aní atsia ayi aní me: «Músuno, mu odo!» Aní atsia akama aní. ⁵⁰ Yesu atsia apa pí aní me: «Olía ma, engú inde mo ogo namene e, memene!» Abhomu-o, okpála koko inde ago bhú dabili bini ne Yuda-a, adyudyo lío de Yesu, u abu 'kpa o lí aní, u atsia aholo aní.

⁵¹ Kolo me-e, sùka okpála inde adu bhú dabili bini ne Yesu-o agbe mbotia gba e, aní asu kpála na kulu gba bhele kpála gba odimandé-o ne nakodho 'dje aní má tse! ⁵² Yesu atsia apa pí aní me: «Gie mbotia gba mu-o bhú 'tí e. Padhá de, anga ndu okpála hana inde ngagu 'gú ne mbotia-a, amú bhadi lí mbotia. ⁵³ Mu mbila de me ma tí igini da nayo ka 'Dyi ma me aní go teteke ma-a di? Ma yo ka aní-e, aní kolo tíma líbi oandjelu múma nane ndjikpa ne ká bhisi mane. ⁵⁴ I dú la mo-o, engú inde u aye e bhú Bhuku gba Ebhe-e améne lie lele pí? Padhá de, anga Bhuku gba Ebhe-e apa me, a ayo me engú inde ngamene lie inde-e, amene lie moko.»

⁵⁵ Abhomu-o, Yesu atsia apa pí kambi okpála bhomu-o me: «Ndu 'kpi hana ma adu nako nadu bhú 'ngbé 'tí Ebhe gba omaYuda ngú nasuno. La-a, yi holo nako ma de. Ka ní yi ngago lie ngú ma ne ombotia di ne ondula sa 'kpa yi mugito me ma ne siti bhulu 'zi-e? ⁵⁶ Engú bini, ndu 'ngú bhomu-o hana amene lie ngubula me engú inde lí opolofeta aye e amene lie.» Abhomu-o, ndu omakpata hana atsambala de aní má múe, u atsia agbida!

U anu ne Yesu kala Libi okpála natsia 'kpi lí 'ngú gba omaYuda

(*Tsia bhú Mlk. 14:53-65; ne bhú Luk. 22:54-55, 63-71; di ne bhú Dja. 18:13-14, 19-24.*)

⁵⁷ Abhomu-o, okpála inde u atima naní o ngú naholo Yesu-o anu ne aní kala Kaifa, bhele kpála gba odimandé-o, lí bíli inde lí omusuno na líli gba Moidje ne obhelesi okpála apokèbhè bhúla o lie-o. ⁵⁸ Piele atsia adu naae nakpata Yesu mbo tsutsu, nakolo makolo bhú mbadhasu gba bhele kpála gba odimandé-o. Aní alí bhú mbadhasu-o, aní atsia adu kuto bhú ká okpála na kulu ngubula natsia me engú ango-o abú 'ta e lele pí-ie.

⁵⁹ Abhomu-o, ongbengbe odimandé bhú dabili bini ne ndu okpála koko na Libi okpála natsia 'kpi lí 'ngú gba omaYuda libhomu adu agili kpála inde agó napa 'ngú lí Yesu sisiti, abana i dú eu, amba o kodho 'ngú gba aní-e me aní kpi bha makpi. ⁶⁰ Engú bini, belegu lí bhiti okpála adu apa 'ngú lí Yesu lie ne eu-o, u u kpála bini de inde apa engú inde u tí da nabhele aní ka e. Lí soso-o, okpála bhisi adyudyo lío masakpe. ⁶¹ U atsia apa me: «Bhoko inde-e apa nako me, 'ní tí da nabhele 'ngbé 'tí Ebhe gba omaYuda-o, ní tsia yíki matá ne toto sùnda ekpi bata.»

⁶² Abhomu-o, 'ngbé dimandé-o ayie bhúlá, aní atsia ayi Yesu me: «Mu gie 'ngú lí 'ngú inde lí okpála inde-e ngapa e lí kate mu-o belegu de bini?» ⁶³ Engú bini, Yesu andjili bha má bulu! Abhomu-o, bhele kpála gba odimandé-o atsia ayi matá aní me: «Ma ngayi mu ne 'lí Ebhe inde mu-o me pa nga pí ya: ngamu-o, mu ne Masiya, Ndili gba Ebhe-e?» ⁶⁴ Yesu agie pí aní me: «Mo opa ngamu. Mbila la me, nayie pí mbia inde-e, yi aú Ndili gba kpála adu lí pápá na kokpa gba Angbamili me aní nde ngago pí ndindi na abhúlá.»

⁶⁵ Engú bhomu-o ake lí bua bhele kpála gba odimandé-o naali. Abhomu-o, aní asidha bongo lí e má tsue! Aní atsia apa me: «Aní asobho Ebhe, anga kpála-kuti tí da nakpo 'ndji e ne Ebhe de! Ní matá ne gamu okpála koko ngú nakpokpo 'ngú gba aní-e ade! Yi adje sobho aní asobho Ebhe ne e ne 'dje yi makpe. ⁶⁶ Yi abhundja naayi me ní mene ngú aní pí?» U agie me: «A ayo me u bhèlè aní mabhèlè.» ⁶⁷ Abhomu-o, u aholo akuku ngusu bhúla aní, u adu asu aní, u atsia adu di abhi bhúla aní. ⁶⁸ U atsia adu apa pí aní me: «I dú me mu nde bha ndju ne Masiya na paká-a, pa nga pí ya me asu mu da?»

† 26:64 26:64 Tsia bhú Ets. 110:1; di ne bhú Dan. 7:13.

Piele apa me ni mbila Yesu de

(*Tsia bhú Mlk. 14:66-72; ne bhú Luk. 22:56-62; di ne bhú Dja. 18:15-18, 25-27.*)

⁶⁹ Nedhinga u adu ato mbolo li Yesu lie, abhaka me Piele nde adu kilidjo tu mbadhasu gba bhele kpála gba odimandé-o. Kpála bini na kulu na oelø adyudyo lie de ani. Ani atsia apa pi ani me: «Ngamu di-e, mo odu nako bhú dabili bini ne Yesu, kpála na Galilaya-o.» ⁷⁰ Engú bini, Piele ayala kala ndu okpála hana me: «Ma mbila engú inde mu ngakunda napa e de.» ⁷¹ Abhomu-o, Piele adyudyo lie de 'bhø aga-o. Kpála na kulu koko bini na oelø au ani. Ani atsia apa pi okpála inde adu oo me: «Kpála inde-e adu nako bhú dabili bini ne Yesu, kpála na Nadjaleta-o.» ⁷² Piele ayala matá, ani atsia apa me: «Ne 'li Ebhe, ma mbila kpála inde yi ngapa 'ngú gba e bhomu-o de!»

⁷³ Pipita kolo me-e, okpála inde adu oo adyudyo lio, u atsia apa pi Piele me: «A ko kaku lu 'ngú. Ngamu di-e, mu bha ne suka uo, anga nagama 'ngú gba mu-o ngambamba ta mu ngae.» ⁷⁴ Abhomu-o, Piele aholo natu silika ne nasima me: «Ne 'li Ebhe, ma mbila kpála bhomu-o de!» Bha li nedhinga bhomu-o, engu atsia aku 'gbá. ⁷⁵ Abhomu-o, Piele abhundja eli inde li Yesu apa igini e pi ani me: «Kala me engu ku 'gbá-a, mo opá bhutsibhutsi bata me ni mbila ma de.» Ani akoto kilidjo, ani atsia abhølo kuo e ne egbá má kusu!

27

U anu ne Yesu kala Pilato

(*Tsia bhú Mlk. 15:1; ne bhú Luk. 23:1-2; di ne bhú Dja. 18:28-32.*)

¹ Kekpi má bhø, ndu ongbengbe odimandé hana di ne obhelesi okpála gba omaYuda adje lio me o méne lele pi me o bhølo Yesu-o. ² U agbigbite ani, u anu ne ani, u atsia aha ani pi guvelenele Pilato.

Yuda agi ngulu e

(*Tsia bhú Kul. 1:18-19.*)

³ Abhomu-o, Yuda, kpála inde apu Yesu-o au lie me u akodho 'ngú gba ani-e me ani kpi bha makpi-e, ani adje likabhu li bua e naali. Ani atsia anu nagie li falanga ndjikpa bata-a pi ongbengbe odimandé di ne obhelesi okpála. ⁴ Do ani pi uo de-e: «Ma amene siti 'ngú, anga ma apu kpála inde i tu 'ngú de-e pi yi me u bhølo ani!» Engú bini, u agie pi ani me: «Naaya bhúbhú ne ni? A ko naamu 'ngú!» ⁵ Abhomu-o, Yuda abala li falanga kuto bhú 'ngbé 'ti Ebhe gba omaYuda ne nakoto bini. Ani atsia anu nagi ngulu e. ⁶ Ongbengbe odimandé-o aha tia-o. U atsia

apa me: «Lili gba ní-e ziba de me ní 'o tia inde-e bhú ká tia na 'ngbé 'ti Ebhe gba omaYuda-a de, anga a ko tia inde u asia e li ngute kpála.» ⁷ Pita u adje lio lie, u atsia akala ne tia bhomu-o edyi gba kpála bini inde appo lusa ngubula me u du azi ogomago bhúbhú. ⁸ Kaka-a, u nga 'li edyi ango-o nakolo pi naki me: «Edyi inde u akala e ne tia na ngute kpála.» ⁹ Abhomu-o, engú nani li polofeta Djelemi apa e atsia amene lie. Ani apa nani me:

«U aha li falanga ndjikpa bata-o.

A bhomu-o mase inde li omafsalaele ato e li ani-o. †

¹⁰ U atsia akala ne di edyi gba bhulu napo lusa.

A bhomu-o engú inde li Ebhe Ngámá aha nani

líli muma me ma pa e pi uo-o.»

U akodho 'ngú gba Yesu-o me ani kpi bha makpi

(*Tsia bhú Mlk. 15:2-5; ne bhú Luk. 23:3-5; di ne bhú Dja. 18:33-38.*)

¹¹ Nedhinga u akolo ne Yesu lie kala guvelenele Pilato-o, ani ayi ani me: «Ngamu-o, mu ne 'ngbé ngámá gba omaYuda-a?» Yesu agie me: «Mo opa ngamu.»

¹² Abhomu-o, ongbengbe odimandé di ne obhelesi okpála gba omaYuda adu apa 'ngú li ani sisiti. La-a, ani gie 'ngú tété de.

¹³ Pilato atsia ayi ani me: «Mu dje engú inde u ngapa e li kute mu bhomu-o di?»

¹⁴ Engú bini, Yesu gie engú bini pi ani tété de. Abhomu-o, Pilato atsia angamba naali.

¹⁵ Bhú ndu Pasika hana, guvelenele du nani natse 'kpa li bhulu 'kpú bini, bhende li bhiti okpála adu akunda me ani tse 'kpa lie-o. ¹⁶ A abhaka me 'ngbé bhulu 'kpú bini inde adu 'li e me Balabasi nde bhú tikpu. ¹⁷ Pilato atsia ayi bhiti okpála inde apo bhúla o me: «Yi akunda me ma tse 'kpa li da pi yi-e? Ne me ma tse 'kpa li Yesu Balabasi, ne me ma tse 'kpa li Yesu inde u 'a'i e me Masiya-a?» ¹⁸ Pilato yi mo-o padhá de. Ani ayi mo-o, anga ani adu ambila ndjindji me u apu Yesu pi ni anga u adu adje siti bua li ani.

¹⁹ Nedhinga li Pilato adu lie pi kiti nakodho 'ngú-o, wala ani atima kpála bini pi ani ne tobhila me: «Mo olí bhú 'ngú gba ngbili kpála bhomu-o de, anga sukpe na naki inde-e, ma aloto siti loto li 'ngú gba ani-o.»

²⁰ Ongbengbe odimandé, di ne obhelesi okpála gba omaYuda ato bhú 'ndji bhiti okpála me u yo ka Pilato me ani tse 'kpa li Balabasi, amba ani ka kpadji me u bhølo Yesu. Okpála atsia amene bhadi moko. ²¹ Pilato atsia apa pi uo me: «Ma atsé 'kpa li bhulu 'kpú bini pi yi matse. Bhú ká

† 27:9 27:9 Tsia bhú Djl. 11:12-13.

Yesu ne Balabasi-e, yi akunda me ma tse 'kpa li da pi yi-e?» U agie me: «Balabasi!»²² Pilatø ayi uo me: «Ma mene la ngú Yesu inde u a'i e me Masiya pi?» Do uo de-e: «Gi ani li kulusi!»²³ Pilatø atsia ayi uo me: «Ani amene la mangua siti 'ngú dho?» Engú bini, u atsia adu asusula matá kpekpeke me: «Gi ani li kulusi!»²⁴ Li Pilatø au lie me angu ni kolo de-e, di ne me tolo ngakolo kpekpeke-e, ani aha engu, ani atsia avulú 'kpa e kala bhiti okpála ne napa me: «Ngama-a, ma bhú ta nakpi gba kpála inde-e ade! A ko naayi 'ngú.»²⁵ Ndú okpála hana agie me: «A ayo me ngute ani tuko pí 'ndji ya ne ongisi gba ya-o!»²⁶ Abhomu-o, ani atse 'kpa li Balabasi pi uo. Ani aha líli me u bhí Yesu ne fimbo. Ani atsia aha ani pi uo me u gi ani li kulusi.

Osudha amú Yesu

(Tsia bhú Mlk. 15:16-20; di ne bhú Dja. 19:2-3.)

²⁷ Abhomu-o, osudha gba guvelenele anu ne Yesu bhú mbadhasu gba o dengo 'ti gba guvelenele-o. Ndú osudha hana atsia apo bhúla o de ani.²⁸ U agbe bongo li ani, u atsia ato koti na mbembe li ani mágito me a ko ngámá.²⁹ U agala 'he na kilikili li kute ya ndula na eti, u atsia ato bhú 'ndji ani. U ato mbamba sa 'kpa ani na kokpa, u atsia atutu lipuku o kuto kala ani. U adu amú ani ne napa me: «'Ngbé ngámá gba omaYuda, mu oo!»³⁰ U adu aku ngusu li ani, u aha mbamba-a, u atsia adu asu 'ndji ani ne di.³¹ U andjia namu ani lie, u agbe koti u de ato e li ani-o, u atsia ato matá bongo gba ani-e li ani. Pipita-a, u atsia anu ne ani ngú nagí ani li kulusi.

Osudha agí Yesu li kulusi

(Tsia bhú Mlk. 15:21-32; ne bhú Luk. 23:26-43; di ne bhú Dja. 19:17-27.)

³² Osudha akoto ne Yesu bhú gudhu-o. U adu akoto lie, u ako lio ne kpála bini na kuti na Silene, adu 'li ani me Simo. Osudha aholo ani ne kpéke me ani bi kulusi gba Yesu-o.³³ Li u akolo lie li bili inde u a'i e me Gologota-a, inde akunda napa me: «Bili na pelege 'ndji-e»,³⁴ osudha aha vino inde u amata e ne 'he na susu-o pi ani. Ani ale lie, ani tsia kunda nandjindji de.

³⁵ Osudha-a agí Yesu li kulusi. Pita u agí ani lie li kulusi-e, u agu gbanda ngú obongo gba ani-o. U atsia agbogbo bhusu o tété.[†]³⁶ Pipita-a, u atsia adulu kuto oo ngú nalila ani.³⁷ U a'o nani abhúlá pí 'ndji ani balua inde asuno ta nagí ani li kulusi-o. U aye nani balua ang-o me: «A INDE-E YESU, 'NGBÉ NGÁMÁ GBA OMA YUDA-O.»³⁸ U atsia agí osisiti obhulu 'zi bhisi li okulusi de ani: bini li kulusi gba e li pá 'kpa ani

na kokpa, koko li kulusi gba e li pá 'kpa ani na gali.

³⁹ Okpála inde adu akodho 'kpi-e, adu asobho Yesu ne nako 'ndji o.⁴⁰ U adu apa pi ani me: «Ngamu, bhulu nagugumu 'ngbé 'ti Ebhe gba omaYuda ne nayiyiki bhú 'kpi bata-a, kobho limu ngamu makpe! I da me mu nde ne ndili gba Ebhe-e, ko li kulusi-e kuto.»

⁴¹ Ongbengbe odimandø, omusuno na líli gba Moidje bhú dabili bini ne obhelesi okpála, adu bhadi amú ani moko. U adu apa me:⁴² «Ani akobho okpála koko. Ka ni ani ti da nakobho lie lie ngae makpe di-e, ngaani inde 'ngbé ngámá gba omafalaele-e? Ani ko nga kuto li kulusi mbia inde, amba ya bhuka ani!»⁴³ Ani a'o nabhuka gba e bhú Ebhe. A ayo me Ebhe kobho ani mbia inde, i da me Ebhe nde akunda ani na paká-o, anga ani apa me ni ne Ndili gba Ebhe!»⁴⁴ Abana osisiti obhulu 'zi inde u agí o li kulusi lingo Yesu-o, u adu bhadi asobho ani moko.

Yesu andala 'kpa li bua e

(Tsia bhú Mlk. 15:33-41; ne bhú Luk. 23:44-49; di ne bhú Dja. 19:28-30.)

⁴⁵ Abhomu-o, nayie tulukpe akolo bhú saa na bata pita tulukpe-e, biti agba píla doto libhomu.⁴⁶ Bhú saa na bata pita tulukpe-e, Yesu asula kpekpeke me: «Eli, Eli, lema sabakatani?» A akunda napa me: «Ebhe gba ma, Ebhe gba ma, mo o'o ka ma ka ni?»[†]⁴⁷ Bini bini bhú ká okpála inde adu oo adje ani lie, u atsia adu apa me: «Ani nga'i Eliya!»⁴⁸ Ma 'li ma-e, suka osudha-a agu holo. Ani anu aha epondje, ani ato bhú kpongadha pandi. Ani atsia ato li 'ndji mbamba, ani aha pi Yesu me ani ndjindji.⁴⁹ Engú bini, okoko apa pi ani me: «Djedjeke, ni u nga ne me Eliya ngago nakobho ani!»

⁵⁰ Yesu atsia asula matá kpekpeke, ani atsia andala 'kpa li bua e.⁵¹ Me-e, 'ngbé 'kpa bongo inde adu abuku 'bhø tina 'ti na bubu bhú 'ngbé 'ti Ebhe gba omaYuda-a asidha bhusu e bhisi má tsue nayie abhúlá, akolo akoto. Doto adyiki, ongbengbe teme atsia aupa.⁵² Abhomu-o, olata-a ada bhusu o, bhiti omabhuka inde amu nani-e atsia azuku.⁵³ U aze bhú olata gba o-o. Pita li Yesu azuku lie, u atsia agbida bhú Yelusalema, gudhu na bubu-o. Okpála bhelé atsia au uo.

⁵⁴ Ngámá gba osudha na Loma bhú dabili ne osudha gba e inde adu alila Yesu nedhinga ani adu lie li kulusi-e au engú inde akodho 'kpi ne nadyiki ka doto-o. Abhomu-o, u adje tsulu naali. U atsia apa me: «Kpála inde-e bha ndju nako ne Ndili

† 27:35 27:35 Tsia bhú Ets. 22:19.

† 27:46 27:46 Tsia bhú Ets. 22:2.

gba Ebhe na paká!»⁵⁵ Olisi bhelé adu li bili bhomu-o. U adu atsia 'ngú bhomu-o mbo tsutsu. Olisi ango-o ayie nani ne Yesu bhú Galilaya, nakolo makolo bhú Yeluselema ngú nateteke ani.⁵⁶ Bhú ká uo, a adu nani Malia, kpála na gudhu na Magadala, Malia 'hi Djaki ne Djodjefu , a la di-e 'hi ongisi gba Djebedayo-o.

Djodjefu azi Yesu

(Tsia bhú Mlk. 15:42-47; ne bhú Luk. 23:50-56; di ne bhú Dja. 19:38-42.)

⁵⁷ A akolo lie tagolo-o, bhulu tia bini ago. A adu kpála na gudhu na Alimatayo. A adu 'li ani me Djodjefu . Kpála ango-o du di nani mukpata gba Yesu.⁵⁸ Ani anu abhaka guvelenele Pilate, ani atsia ayo kuo Yesu ka ani. Pilate atsia aha lili me u ha pi ani haha.⁵⁹ Abhomu-o, Djodjefu aha kuo Yesu, ani agagala ne daladeli na mbia inde ani akala e bhú kpéke mase.⁶⁰ Ani anu ato bhú lata na mbia inde ani aleke nani e pi e makpe bhú teme-o. Pipita-a, ani awawala 'ngbé teme bini li bhobho ngú nanini, ani atsia atapa.⁶¹ Nedhinga bhomu-o, Malia, kpála na gudhu na Magadala ne Malia bhe koko adulu kuto bhúla lata-o.

U abu osudha ngú nalila lata Yesu

⁶² Li ekpi aseke lie, a akunda napa me bhú ekpi naguo gba omaYuda-a , ongbengbe odimandé di ne omuFalisai anu bhú dabili bini agba Pilate.⁶³ U atsia apa pi ani me: «Ngámá, 'ndji ya ago mbia inde-e li engú li bhulu eu bhomu-o napa nako e nedhinga ani adu lie u-o me pita 'kpí bata ni zuku-o.⁶⁴ Kaka-a, a ayo me ha lili me u lila lata ani nakolo bhú 'kpí na bata. Padhá de, anga i du mo-o de, omukpata gba ani-e ti da nago nazi kuo ani. U tsia pá pi okpála me ani azuku. Li okpála dje la ibili mo-o, eu bhende-e né la ibili da bhende ani napa nako e kalanu-o mane.»⁶⁵ Pilate atsia apa pi uo me: «Yi ha osudha-ha haha. Yi nu ne uo, amba u lila lata-a maka yi au lie ndjindji-o.»⁶⁶ U atsia anu naleke lele nalila lata-o. U ayele bhobho ne teme, u atsia a'o osudha ngú nalilila.

28

Yesu azuku

(Tsia bhú Mlk. 16:1-10; ne bhú Luk. 24:1-12; di ne bhú Dja. 20:1-10.)

¹ Pita ekpi naguo gba omaYuda-a , bhú 'kpí yinga kekpi má bhé-o, Malia , kpála na gudhu na Magadala ne Malia koko-o, agbida ngú natsia lata-o.² Me-e, doto adyiki ne adjigidjo na ngbéngbé, anga andjelu bini gba Ngámá-a ayie abhúla, ani ago awawala teme inde adu li 'bhe lata-o, ani atsia adu pépe.³ Kute ani adu asu

má ngbí ngbí ngbí! La di-e, bongo gba ani-e avu má tuu!⁴ Li osudha inde adu alila lata-a au lie mo-o, u aholo naguku ka tsulu má kpi kpi kpi, u atsia abala kuto mugito me a ko okpála inde amu.

⁵ Engú bini, andjelu-o apa pi olisi-e me: «Yi akpé-e de, anga ma ambila me yi ngagili Yesu inde u agi nako e li kulusi-o.⁶ Ani sii ade. Ani azuku maka ani apa nako lie-o. Yi go tsia bili inde u aseke nako ani lie-o.⁷ Yi nu pa kolo pi omukpata gba ani-e má gala me, ani azuku. Ani adji kala yi bhú Galilaya bhomu. Yi aú ani oo. A bhomu-o ngali ma de ago napa e pi yi-o.»⁸ Abhomu-o, olisi-e ayie bha kolo bhú lata-a má gala me u nde abedhe ne tsulu di ne djali bedhe. U anu ne holo, u atsia anu ngú napa ngali ango-o pi omukpata gba Yesu-o.⁹ Ma 'li ma me-e, Yesu ago aké lie ne olisi ango-o. Ani atsia ayi uo me: «Yi oo!» Abhomu-o, u adyudyo lio de ani, u atuko kuto bhú li 'dhu ani, u atsia adhoge ani.¹⁰ Pipita-a, Yesu atsia apa pi uo me: «Yi akpé-e de. Yi nu pa pi ondaise ma me u nu abhú Galilaya, u aú ma oo ko.»

Ongámási gba omaYuda ato kali me u bubuku engú nazuku gba Yesu-o

¹¹ Li olisi-e adu nga bha lie li kpadi-e, okpála koko bhú ká osudha inde adu nalila lata-a anu abhú gudhu. U atsia akpokpo ndu 'ngú hana inde akodho 'kpí abhú lata-a pi ongbengbe odimandé gba Ebhe-o.¹² Abhomu-o, ongbengbe odimandé apo bhúla o ne obhelesi okpála gba omaYuda-o, u atsia adje lio me o méne pi-ie. Pita nadge lie ka uo-o, u aha tia bhelé pi osudha-a me u apa kakulu 'ngú inde akodho 'kpí-e de.¹³ U atsia apa pi uo me: «I du me kpála bini nde ayi yi-e, yi de pa me: «Nedhinga ya adu lie tila-a, omukpata gba ani-e ago, u atsia azi kuo ani li ya.»¹⁴ La di-e, i du me guvelenele nde adje-e, ya ambila lele ya akpokpo pi ani lie ngaya, amba yi asia mangimbo de.»¹⁵ Osudha abha tia-o, u atsia amene bha maka u apa lie pi uo-o. Abhomu-o, ngali ango-o ayangba bha sunda omaYuda moko nakolo pi naki.

Eli na soso gba Yesu pi omukpata gba e-o

(Tsia bhú Mlk. 16:14-18; ne bhú Luk. 24:36-49; ne bhú Dja. 20:19-23; di ne bhú Kul. 1:6-8.)

¹⁶ Abhomu-o, omukpata ndjikpa ne ká bini-e anu bhú Galilaya, pi eta inde li Yesu apana nani e pi uo me ni aké lini ne uo pi e-o.¹⁷ U akolo lie oo, Yesu akoto li uo. U au ani lie, u atuko kuto bhú li 'dhu ani, u atsia adhoge ani. Engú bini, okoko bhú ká uo adu ne bua na bhisi bhisi.¹⁸ Abhomu-o, Yesu adyudyo lie de uo, ani atsia apa pi uo me: «Ebhe aha ndu angu na abhúla ne

bhe na píla doto hana muma. ¹⁹ Kaka-a, yi nu bhú ndu opiga hana. Yi mene me u kolo omukpata gba ma. Yi batisa uo ne 'li 'Dyi ní, ne 'li Ndili, la di ne 'li Bu Bhobua . ²⁰ Yi suno pi uo me u lila ndu líli inde ma aha e pi yi-e hana. Yi mbila la me ngama-a, ní ne yi bhú dabili bini ndu 'kpí hana akólo bha bini makolo ali sokpi.»

**Bádha Ngali
gba Yesu Kilisito maka li
Maloko
aye lie ko
Eli na kalanu**

Bádha Ngali maka li Maloko aye lie-e, akpo lita e ne naziba me Bádha Ngali angoo a ko na Yesu Kilisito, Ndili gba Ebhe. Ani asuno Yesu maka kpála na kulu di na angu. Angu gba ani ngau lie bhú nasuno gba ani, ne bhú angu gba ani pi si siti bua di ne bhú nambu li osisiti 'ngú gba okpála. Yesu ngakpokpo 'ngú gba e makpe maka Ndili gba kpála inde ago ngú naha mukobho gba e ngubula nagbegbe okpála bhú sisiti 'ngú gba o-o.

Maloko akpokpo 'ngú gba Yesu-o mbámbá, aní agama 'ngú naali píndji kulu li Yesu amene e ane bhende li Yesu akpokpo e di ne bhende aní asuno e-o. La-a, li omukpata gba Yesu adu la lie abhue ne aní bhú dabili bini-e, u atsia ambila aní ndjindji. Engú bini, obhulu yala gba aní adu matá akolo pi aní ne siti bua naali.

Olukuluku (9-20) inde u a aye e sunda oehe bhisí me-e, ngau lie me aye ne kpála koko. Maloko ye ngae de.

Ongbenge ongú inde bhú bhuku inde e ngae inde:

Lita Bádha Ngali-o 1:1-13

Kulu li Yesu amene e bhú ká okpála abhú Galilaya 1:14 - 9:50

Dhuku gba Yesu nayie bhú Galilaya ngú nanu abhú Yeluselema 10:1-52

Oekpi nasoso gba Yesu abhú Yeluselema 11:1 - 15:47

Nazuku gba Yesu 16:1-8

Nakoto ka Yesu li okpála, ne na'u ka aní abhú 16:9-20

Djaa bhulu nabatisa okpála aleke kpadji pi Ngamá Yesu

(Tsia bhú Mat. 3:1-12; ne bhú Luk. 3:1-18; di ne bhú Dja. 1:19-28.)

¹ A inde-e lita Bádha Ngali gba Yesu Kilisito, Ndili gba Ebhe-o. ² Maka li polofeta Isaya aye lie bhú bhuku gba e me: «Ebhe apa me: Djedje nga! Ma atíma bhulu titima gba ma-a pi mu kalanu ngubula naleke kpadji pi mu.

³ Kpála angoo ngatotobhila abhú mili bili me:

«Yi leke kpadji pi Ngámá!

Yi lili odjedje kpadji pi aní má ngbue ngbue!»

⁴ Kaka-a, Djaa bhulu nabatisa okpála akoto nani abhú mili bili. Ani adu a'i okpála me u go sia batisimo ngú nasuno me u adji bua o adji, amba Ebhe 'e siti 'ngú gba uo-o. ⁵ Abhomu-o, ndu okpála hana na ndu doto na Yudaya, di ne ndu okpála hana na gudhu na Yeluselema adu ago abhaka ani. U adu ambamba ta osisiti 'ngú gba o-o kala ndu okpála hana. Djaa atsia adu abatasa uo bhú ngade 'ngu na Djuludani. ⁶ Djaa adu adyi bongo inde u adu e li su enu u a'i e me «samo.» Ani adu agbite ludu e ne ekpu na kó 'nu. Ani adu azu omakindolo di ne nadha 'mu eu. ⁷ Ani atsia adu apa pi uo me: «Kpála bini ngago pita ma. Kpála angoo ane ma ne angu. Ma ne tetele kpála ade ngubula me ma kita ne kuto ngubula me ma bhulu ekpu na maleke gba ani-o. ⁸ Ngama-a, ma ngabatisa yi ne engu. Engú bini, ngaani-e, aní abátisa yi ne Bu Bhobua .»

Djaa abatasa Yesu

(Tsia bhú Mat. 3:13; di ne bhú Luk. 3:21-22.)

⁹ Bhú okpi bhomu-o, Yesu ayie bhú Nadjaleta, gudhu bini na ndu doto na Galilaya, Djaa atsia abatasa aní bhú ngade 'ngu na Djuludani. ¹⁰ Nedhinga li Yesu adu akoto lie bhú 'ngu-o, aní au kokpi ngada bhuse e. Ani atsia au di Bu Bhobua ngaké pi e maka bebhe. ¹¹ Abhomu-o, eli bini akoto abhú, atsia apa me: «Mu ne Ndili gba inde ma kunda e naali, mu ne kpekpu na bua ma.»

Satana ale Yesu

(Tsia bhú Mat. 4:11; di ne bhú Luk. 4:1-13.)

¹² Pipita kolo me-e, Bu Bhobua atsia amba bhula Yesu abhú mili bili. ¹³ Ani adu oo ngubula ekpi ndjikpa badha me Satana nde ngale ani. Yesu adu nadu li bili li onu na bili adudu li e-o. Oandjelu atsia adu nateteke ani.

Yesu a'i omukpata na giging

(Tsia bhú Mat. 4:12-22; di ne bhú Luk. 4:14-15, 5:1-11.)

¹⁴ Ekpi bini, pita li Elode Atipasi aholo Djaa lie, aní atsia ato aní bhú tikpu-o, Yesu anu bhú ndu doto na Galilaya. Ani adu akpokpo Bádha Ngali gba Ebhe-e* pi okpála. Ani adu apa me: ¹⁵ «Nedhinga nani li Ebhe a'o e akolo. Nau gba ani-e akolo di masikpe. Yi dji bua yi, yi bhuka Bádha Ngali gba Ebhe-o.»

¹⁶ Li aní adu akpangba ngo 'kpo na Galilaya lie, aní au Simo ne ndai e Andili me u nde ngabhike nado bhúbhú. Padhá

† 1:3 1:2-3 Tsia bhú Mal. 3:1; di ne bhú Isa. 40:3.

«Bádha Ngali Nau gba Ebhe.» Tsia bhú Mik. 6:17.

* 1:14 1:14 Bhú obhuku koko-o mo obháka me u nde aye me

de, anga u du nani obhulu nagbe sungu. ¹⁷ Yesu atsia apa pi uo me: «Yi kpata ma, ma adji ibili yi obhulu nagili okpala pi Ebhe.» ¹⁸ Kolo me-e, u a'o ka onado gba o-o, u atsia akpata ani.

¹⁹ Pipita-a, Yesu adyudyo mbo lie ne kalanu masudha, ani au ongisi gba Djebedayo: Djaki ne ndai e Djaa . U adu me u nde bhú zabu gba o, u nde ngaleke onado gba o-o. ²⁰ Abhomu-o, ani a'i uo. Má gala kolo me-e, u a'o ka 'dya o, Djebedayo bhú zabu bhú dabili bini ne okpala na kulu-o. U atsia akpata ani.

Yesu akobho kpala bini inde li siti bua adu nadu bhú e

(Tsia bhú Luk. 4:31-37.)

²¹ Abhomu-o, Yesu ne omakpata gba e akolo bhú kuti na Kapitalanauma. A akolo lie bhú 'kpí nago gba omaYuda-a , Yesu ali bhú 'ti nadje líli gba Moidje , ani atsia aholo nasuno. ²² Okpala inde adu nadje ani-e, adu nangamba naali li nasuno gba ani-o. Padhá de, anga ani du asuno maka omusuno na líli gba Moidje de. Engú bini, ani adu asuno ne angu. ²³ A abhaka me bhú 'ti nadje líli oo, kpala bini inde li siti bua adu bhú e nde oo. Abhomu-o, kpala ang-o asula me: ²⁴ «Yesu, kpala na Nadjaleta, mo okunda namene ngu ya pi? Mo ogo ngu nandja angu ya? Ma mbila hana me mu ne da-ie. Mu ne Kpala na Bubu inde li Ebhe atima e ko!»

²⁵ Engú bini, Yesu ambe bhú 'ndji siti bua ang-o me: «Gbite 'bhé mu, amba mu koto la di bhú kpala ang-o makoto!» ²⁶ Abhomu-o, siti bua adyiki kpala bhomu-o má djigi djigi! Ani atu 'ue, ani atsia akoto bhú ani. ²⁷ Ndu okpala hana angamba naali. Kaka-a, u aholo nayi lio sunda o me: «A inde-e mangua 'ngu dho? Nasuno na mbia inde-e abedhe ne angu! Kpala inde-e ngaha belegu líli pi osisiti bua, u la bhadi ngamemene!» ²⁸ Abhomu-o, ngali gba Yesu-o ayangba bha kolo bhú ndu doto na Galilaya libhomu.

Yesu akobho okpala bhelé na kuo

(Tsia bhú Mat. 8:14-17; di ne bhú Luk. 4:38-41.)

²⁹ Yesu akoto lie bhú 'ti nadje líli-e me-e, u atsia anu ne Djaki di ne Djaa bhú 'ti gba Simo ne Andili. ³⁰ A abhaka me 'hi wala Simo nde asi kuto, ka anga adu li ani ne kuo, kute ani adu kpákpá. Abhomu-o, u atsia apa kolo engú gba ani-e pi Yesu. ³¹ Ani dyudyo lie de ani. Ani aha 'kpa ani, ani a'e ani bhúlá. Kuo ayie li ani, ani atsia aholo nalu 'za pi uo.

³² A akolo lie tagolo pita nati ka ela-a, okpala aholo nago ne obhulu kuo di ne obhende adu ne osisiti bua bhú o pi Yesu. ³³ Okpala na gudhu libhomu adu

apo bhúla o li 'bhé bhoti-o. ³⁴ Abhomu-o, Yesu akobho okpala bhelé inde adu ne okuo ngangá. Ani atsia apandja di obua na sisiti bhelé inde adu nadu bhú okpala-o. Ani ha la di nedhinga pi osisiti bua ang-o ngu ngama 'ngu belegu de bini. Padhá de, anga a adu me u nde ngambila ani hana.

Yesu akpokpo Ngali gba Ebhe-e bhú Galilaya

(Tsia bhú Luk. 4:42-44.)

³⁵ Bhú sikikpi-e, me biti nde ani nga bha má gbu-o, Yesu ayie bhúlá, ani akoto. Ani atsia atapa abhú mili bili. Oo, ani aholo nayo Ebhe. ³⁶ Abhomu-o, Simo ne okpala bhende u adu ne o-o, aholo nagili ani. ³⁷ U au ani lie, do uo pi ani me: «Ndu okpala hana ngagili mu.» ³⁸ Abhomu-o, Yesu atsia apa pi uo me: «Ní nu li obili koko, bhú okuti na ngongo, amba ma kpokpo di Ngali gba Ebhe-e oo. Padhá de, anga a bhomu-o engú inde ma ago ngu e ko.» ³⁹ Abhomu-o, Yesu adholo nani bhú ndu doto na Galilaya libhomu. Ani atsia adu akpokpo Ngali gba Ebhe-e bhú oti nadje líli na kuti gba uo-o. Ani adu di napandja osisiti bua inde adu nadu bhú okpala-o.

Yesu akobho bhulu kaba bini

(Tsia bhú Mat. 8:1-4; di ne bhú Luk. 5:12-16.)

⁴⁰ Bhú oekpi bhomu-o, bhulu kaba bini adyudyo lie de Yesu. Ani atutu lipaku e kuto kala ani, ani atsia akilikili lie pi ani me: «I du me mu nde akunda-a, mu ti da nakobho ma.» ⁴¹ Yesu adje ndjinga ani, ani a'o 'kpa e li kute ani. Ani atsia apa pi bhulu kaba ang-o me: «Ako, ma akunda. Kokobho!» ⁴² Ma 'li ma me-e, kaba agulu li ani hana má da! Ani atsia akobho. ⁴³ Kolo me-e, Yesu agie ani sidi ne nagbele 'dje ani kpekpeke. ⁴⁴ Ani atsia apa pi ani me: «Djedje! Mo osú 'kpá li 'ngu inde-e de kpala bini belegu de má kpo! Engú bini, nu suno limu pi dimandé gba Ebhe , amba mu ha makiso gba mu-o maka li Moidje aye nani lie-o. Bbobhomu-o asuno pi okpala me mo okobho.» ⁴⁵ La-a, li kpala ang-o ayie lie oo, ani aholo bha ne kpokpo 'ngu bhomu-o pi ndu okpala hana li ndu bili hana inde ani adu apa li e-o. Kaka-a, Yesu ti matá nani da nasuno lie mbámbá bhú gudhu de. Engú bini, ani adu bha ibili nadu ne alingo gudhu, bhú omili bili. Okpala adu ayie ne ndu bili hana, u atsia adu ago nabhaka ani.

2

Yesu akobho dukoto

(Tsia bhú Mat. 9:1-8; di ne bhú Luk. 5:17-26.)

¹ Pita 'kpí masudha-a, Yesu agie lie bhú Kapalanauma. Okpála atsia adje me ani akuti. ² Abhomu-o, kambi okpála ago apo bhála o oo. Kaka-a, bili na padhá tsia du de, belegu de ali 'bhø bhoti. Ani atsia adu akpokpo eli gba Ebhe-e pi uo. ³ Bhú nedhinga bhomu-o, obhosi badha ago pi ani ne dukuto bini me u nde abi ani mabi. ⁴ Engú bini, li okpála adu la lie bhelé-e, u tsia ti nani da nakolo ne ani li Yesu de. Abhomu-o, u atsia a'u ne ani apí 'ngbu 'ti. U adu gudho li 'ngbu 'ti-e li lele bili inde Yesu adu lie-o. U atsia akø dukuto-o pí kalagba gba e tété. ⁵ Li Yesu au nabhuka gba uo lie, ani atsia apa pi dukuto-o me: «Ndika ma, osisiti 'ngú gba mu-o a'e lie a'e.»

⁶ Omusuno na líli koko gba Moidje adu me u nde adulu kuto oo. U atsia adu nabhundja li bua o me: ⁷ «Kpála inde-e ngagama 'ngú mo-o ka ní? Ani ngasobho Ebhe. A ti da na'e siti 'ngú gba kpála da, bha bini Ebhe kpi e kpi di?» ⁸ Yesu atsia ambila bha kolo me u ngabhundja li bua o mo-o. Abhomu-o, ani atsia apa pi uo me: «Yi ngabhundja li bua yi mo-o ka ní?» ⁹ A ane ne bhuku ne bhedho: ne napa pi dukuto-o me «Osisiti 'ngú gba mu-o a'e lie a'e», ne napa me «Yie bhúla, ha kalagba gba mu-o, amba mu dhuku?» ¹⁰ Engú bini, ma adji asuno pi yi me «Ndili gba kpála ne angu na'e osisiti 'ngú gba okpála na pála doto.» Abhomu-o, ani atsia apa pi dukuto-o me: ¹¹ «Ma apa pi mu me yie bhúla, ha kalagba gba mu-o, amba mu gie limu agba mu!» ¹² Kolo me-e, bhoko angu-o ayie bhúla, ani aha kalagba gba e-o, ani akoto bhú ká djila ndu okpála hana, ani atsia atapa. Ndu okpála hana adu angamba. U adu adhøgø Ebhe. U atsia adu apa me: «Ya u nga ngua engú inde-e belegu de bini!»

Yesu a'i Levi

(Tsia bhú Mat. 9:9-13; di ne bhú Luk. 5:27-32.)

¹³ Pipita-a, Yesu anu matá lingo ekpe na Galilaya. Bhiti okpála adu ago abhaka ani, ani atsia adu asuno pi uo. ¹⁴ Ani adu akodho 'kpí lie, ani au Levi, ndili gba Alafayo me ani nde adu bhú 'ti inde u adu akala mandjandja bhú e-o. Yesu apa pi ani me: «Kpata ma.» Levi ayie bhúla, ani atsia akpata ani. ¹⁵ Pipita-a, Yesu atsia anu nazu 'he bhú 'ti gba ani. Ondemu na mandjandja di ne okpála namene siti 'ngú bhelé adulu de Yesu ne omukpata gba e-o. Padhá de, anga ongua okpála bhomu-o bhelé adu akpata ani. ¹⁶ Li omusuno na líli inde adu bhú ká omuFalisai au lie me Yesu ngazu 'he ne ongua okpála bhomu-o, u atsia ayi omukpata gba ani-e me: «Ani ngazu 'he bhú dabili bini ne ondembí na

mandjandja di ne okpála namene siti 'ngú ngú ní?» ¹⁷ Yesu adje uo napa engú bhomu-o lie, ani atsia apa pi uo me: «Okpála inde ne kuo ade-e ne gumu matia ade. Engú bini, okpála na kuo mangbo ne gumu ani ngao. Ma go ngú na'i okpála bhende apa me o ngbingbili-e de. Engú bini, ma ago mangbo ngú na'i obhende ngau lio me o ne osisiti okpála ko.»

Yesu akpo 'ngú pindji natse 'zu ngú nayo Ebhe

(Tsia bhú Mat. 9:14-17; di ne bhú Luk. 5:33-39.)

¹⁸ Ekpi bini, omukpata gba Djaa bhulu nabatisa okpála di ne omuFalisai adu atse 'zu ngú nayo Ebhe. Abhomu-o, okpála ago ayi Yesu me: «Ka ní li omukpata gba mu-o tsetse ezu lie ngú nayo Ebhe de-e, obhende gba Djaa bhulu nabatisa okpála di ne obhende gba omuFalisai-e nde la ngatsetse-e?» ¹⁹ Yesu agie pi uo me: «Yi abhundja naayi me okpála inde ago bhú da anokomia na kua ti da natse nazu 'he me 'ko ølo-o nde bhú dabili bini ne uo? 'Kpi bini de! Nedhinga inde li 'ko ølo-o nde nga bha lie bhú dabili bini ne uo-o, u ti da natse nazu 'he de. ²⁰ Engú bini, ekpi akolo makolo nedhinga inde li u a'e 'ko ølo-o lie bhú ká uo-o, ekpi angu-o, u tsia tsé nazu 'he. ²¹ Kpála bini ti da naleke bongo na didili ne pála bongo na mbia de. I du mo-o de-e, pála bongo bhe na mbia sídha té bhe na didili-o, li eka angu-o kolo ngbéngbé ane bhe na kalanu-o mane. ²² La di-e, kpála bini túko pandi na mbia bhú odidili dhudhu na kó 'nu de. I du mo-o de-e, pandi-e úpa bhusu odhudhu-o. Ani tsia néke pandi-e ne odhudhu-o hana. Engú bini, pandi na mbia ayo bha ne odhúdhú na mbia.»

Yesu ne Ngámá pí 'ndji ekpi naguo gba omaYuda

(Tsia bhú Mat. 12:1-8; di ne bhú Luk. 6:1-5.)

²³ Ekpi bini naguo gba omaYuda-a, Yesu ne omukpata gba e adu akodho 'kpí bhú ngu 'zu inde u a'i e me ngano. Omukpata gba ani-e aholo akodho 'ndji 'ndji, u atsia adu nazuzu. ²⁴ OmuFalisai apa pi Yesu me: «Tsia nga engú u ngamene e li 'kpí naguo-o. Líli gba ní-e ziba namene kulu bhú 'kpí naguo de.» ²⁵ Ani atsia gie pi uo me: «Yi tanga nga engú inde li Davidi amene nani e di? Ekpi bini, ngaani ne okpála inde adu adhuku bhú dabili bini ne ani-e adje gumu. ²⁶ Abhomu-o, ani ali bhú 'ti Ebhe, ani atsia azu mapa inde u a'o e pi Ebhe-o (a adu me Abiatáli nde ne bhele kpála gba odimandø li nedhinga bhomu-o ngae). La-a, líli gba ní aziba me odimandø zuzu bha ngao kpi o kpi. Engú bini, Davidi azu, ani atsia aha

di pi okpála inde adu adhuku bhú dabili bini ne ani-o.»²⁷ Yesu atsia apa matá pi uo me: «U a'o ekpí nagueo pi kpála-kuti. Engú la bini, u bho kpála-kuti pi ekpí nagueo de.²⁸ Kaka-a, Ndili gba kpála di ne Ngámá pí 'ndji ekpí nagueo.»

3

Yesu akobho bhoko bini li 'kpí nagueo gba omaYuda

(Tsia bhú Mat. 12:9-14; di ne bhú Luk. 6:6-11.)

¹ Ekpí koko, Yesu ali matá bhú 'ti nadje líli gba Moidje-o . Bhú 'ti oo, kpála bini inde li 'kpa e andia adu oo. ² Omufalísai adu akunda na'o 'ngú pí Yesu. Kaka-a, u aholo atsia ani ne kpéke djila, atigala ani kóbho kpála inde adu me 'kpa e nde andia-a li 'kpí nagueo . ³ Abhomu-o, Yesu atsia apa pi kpála ang-o me: «Yie bhúálá, amba mu lu sí bhú ká djila ndu okpála hana.»⁴ Pipita-a, Yesu atsia ayi okpála inde adu oo me: «Li 'kpí nagueo gba omaYuda-a, líli gba ní-e aziba bhedho: U mene bádha 'ngú ne me u mene siti 'ngú? U kobho kpála ne me u bhøle kpála?» Engú bini, u tsia du ne engú na gigie de!⁵ Ani aholo atsia ndu u hana bini ne bini na gágú. Bua ani ake, ka kpéke 'ndji gba uo-o. Abhomu-o, ani atsia apa pi kpála li 'kpa e andia me: «Gbele 'kpa mu.» Kpála ang-o agbele 'kpa e, 'kpa ani atsia akolo matá ndjindji.⁶ Li omufalísai aze lie oo, u atsia apo kolo bhúla o ne omaha Elode . * U atsia adje lio me ogili kpadji nabhøle Yesu.

Kambi okpála akpata Yesu

⁷ Pipita-a, Yesu ne omukpata gba e agbida lingo ekpø na Galilaya. Kambi okpála atsia akpata ani. Okpála ang-o ayie nani bhú ndu doto na Galilaya ne Yudaya,⁸ bhú gadhø na Yelusalema, bhú ndu doto na Idumé, bhú ndu doto inde ayi 'ngu na Djudani, bhú odoto na Tile ne Sidona. Kambi okpála ang-o adje nani ngali na ongú li Yesu adu amene e lie, u atsia ago abhaka ani. ⁹ Yesu atsia aha líli pi omukpata gba e me u 'o zabu pi ni bini masakpe, amba i du me okpála bhomu-o nde asulu ni má wakaka-a, ni de 'u bhúbhú. ¹⁰ Padhá de, anga ani akobho nani okpála bhelé. Kaka-a, okpála na kuo adu agbene lio me o bu 'kpa o li ani amba o kobho. ¹¹ Li okpála inde li osisiti bua adu ato mbolo li o adu au ani lie, u adu ago atuko ne 'ue bhú li 'dhu ani me: «Mu ne Ndili gba Ebhe.»¹² Engú bini, Yesu adu apa pi uo na gágú me u ambamba ta ni pi okpála koko de.

Yesu alo obhulu titima ndjikpa ne ká bhisi

(Tsia bhú Mat. 10:1-4; di ne bhú Luk. 6:12-16.)

¹³ Pipita-a, Yesu a'u apí 'ta. Ani atsia a'i obhende ani adu akunda o-o. U atsia ago abhaka ani. ¹⁴ Abhomu-o, bhú ká okpála ang-o, ani alo okpála ndjikpa ne ká bhisi. Ani agisila 'li uo me obhulu titima . Ani a'o uo ngubula me ni du adu ne uo bhú dabili bini, la di ngubula me ni tima uo ngú nakpokpo Ngali gba Ebhe-o. ¹⁵ Ani aha di pi uo angu ngú napandja osisiti bua bhú okpála. ¹⁶ A inde-e obhe ndjikpa ne ká bhisi inde ani alo nani o-o: Simo (inde li Yesu agisila nani 'li e me «Piele»),¹⁷ Djaki ne ndai e Djaa (ongisi gba Djebedayo inde li Yesu aha nani 'li koko pi o me «Boaneledjesi»), a akunda napa me «ongisi gba mugbálá»),¹⁸ a la di-e, Andili, Filipino, Batelemi, Matié, Tama, Djaki (ndala Alafayo), Tade, Simo (kpála nakunda doto gba e naali),¹⁹ di ne Yuda Isikaliote, kpála inde apú Yesu-o.

Okpála na piga gba Yesu abhundja me ani ati pele

²⁰ Abhomu-o, Yesu agie matá lie li bili ani adu nadu li e-o, bhiti okpála atsia ago apo matá bhúla o de ani. Kaka-a, Yesu ne omukpata gba e sia belegu nedhinga ngú nazu 'he de. ²¹ Li okpála na piga gba ani adje ngali ang-o lie, u ake kpadji ngú nanu aholo ani. Padhá de, anga u adu apa me: «Yesu akolo bhulu pele!»

Yesu agie 'ngú pi omusuno na líli gba Moidje

(Tsia bhú Mat. 12:22-32; di ne bhú Luk. 11:14-23, 12:10.)

²² Abhomu-o, omusuno na líli gba Moidje inde ayie nani bhú Yelusalema adu apa me: «A bhú kpála bhomu-o ne Beledje-bula!» U adu di apa matá me: «A ngaha angu nato holo bhú 'dhu osisiti bua pi ani ne ngámá gba osisiti bua.»²³ Abhomu-o, Yesu atsia a'i omusuno bhomu-o. Ani atsia apa pi uo bhú gbítaku me: «Lele pi Satana ti da nato holo lie bhú 'dhu Satana-a?»²⁴ I du me okpála gba ngámá bini nde ngagu gbele sunda o, kuti ang-o lí-u de. ²⁵ I du me okpála na piga bini nde ngagu gbele sunda o, piga ang-o lí-u de. ²⁶ I du me Satana nde ngagu lie ngae makpe, nau gba ani-e gbøgbo bhusu e. Ani ti da nabhue de, li 'ngú gba ani-e ndjia.

²⁷ Kpála ti da nali bhú 'ti gba kpéke bhoko bini de, ani tsia bhá ndu 'he gba ani-e me ani nde gbìgbite ngaiza kpéke bhoko bhomu-o kalanu de-e de. Engú bini, ani de agbìgbite ani agbìgbite-e, ani tsia bhá

* 3:6 3:6 Okpála gba Elode: A ko okpála inde adu bhú dabili bini ne Elode. Tsia bhú Mat 22:16.

ndu 'he gba ani-o. ²⁸ Ma apa pi yi na paká me, u tí da nambu li osisiti 'ngú gba okpála di ne osobho inde u ngasobho Ebhe ne e hana. ²⁹ Engú la bini, li kpála sobho Bu Bhubua-a, Ebhe 'é siti 'ngú gba kpála angoo de. Padhá de, anga ani amene bhomu-o siti 'ngú na dudu. ³⁰ Yesu adu apa nani pi uo mo-o, anga u adu apa me: <A bhú ani ne siti bua.>>

'Hi Yesu ne ondaise Yesu ngao dho

(Tsia bhú Mat. 12:46-50; di ne bhú Luk. 8:19-21.)

³¹ Pipita-a, 'hi Yesu ne ondaise ani akolo li bili ani adu asuno li e-o. U alulu akilidjo, u atsia atima kpála bini ngú na'i ani. ³² Kambi okpála adulu nani de ani. U atsia apa pi ani me: «Tsia nga, 'hi mu di ne ondaise mu alulu akilidjo, u ngagili mu.» ³³ Ani atsia gie pi uo me: «'Hi ma ne ondaise ma ngao dho?» ³⁴ Abhomu-o, ani atsia bhiti okpála asa dengo ani ngbalinao. Ani atsia apa me: «Yi tsitsia nga, 'hi ma ne ondaise ma ngao inde!» ³⁵ Ndu kpála hana inde ngamene engú li Ebhe akunda e, kpála angoo, a ko ndai ma na bhobhoko, a ko ndai ma na oelo, a ko la di 'hi ma.»

4

Gbitaku gba bhułu nalu nguwa

(Tsia bhú Mat. 13:1-9; di ne bhú Luk. 8:4-8.)

¹ Li Yesu akolo lie lingo ekpo na Galilayaa, ani aholo matá nasuno. Abhomu-o, bhiti okpála na bhibhiti ago apo bhúla o de ani. Kaka-a, ani atsia a'u bhú zabu bini, ani anu adu bhúbhú apí 'ngu. Bhiti okpála-a atsia adu naao apigo dengo 'ngu-o. ² Yesu atsia adu asuno ongú pi uo bhelé bhú ogbitaku. Ani adu apa bhú nasuno gba e me: ³ «Yi djedje nga! Ekpí bini, kpála bini anu abhiye gba e ngú nalu 'zu. ⁴ Nedhinga ani adu alulu lie, tété abala lingo kpadji. Odhu ago, u atsia azu hana má kpekobho!

⁵ Koko atsia abala li bili na teme, doto du li bili angoo bhelé de. Kaka-a, a atsia aké má gala, anga doto du sasa bhelé de. ⁶ Engú bini, li ela akolo lie kpekpeke-e, ezu angoo atsia atsulu ka ndibhili sisie-o. Abhomu-o, a atsia a'ulu. ⁷ Té koko abala li bili na oeti, oeti atsia abhele, a anguvo ezu-o. Kaka-a, a atsia li lífi de. ⁸ Lí nguwa koko atsia abala li bili na dohho, a aké, a abhele a atsia ali lífi. Lí nguwa bini ali lífi ndjikpa bata. Koko ali lífi ndjikpa madhia. Koko ali lífi kámá bini.» ⁹ Yesu atsia abu tata me: «Ɔ du me a nde li kpála ne djedje ngú nadje 'kpí-e, ani de djel!»

Yesu ngakpo 'ngú bhú ogbitaku ká ní?

(Tsia bhú Mat. 13:10-17; di ne bhú Luk. 8:9-10.)

¹⁰ Pipita-a, li Yesu atigala bha lie ne omakpata ndjikpa ne ká bhisi di ne okpála inde adu nadu de ani titi o-o, u aholo nayi ani pindji ogbitaku-o. ¹¹ Ani atsia agie pi uo me: «Ngayi-e, Nau gba Ebhe ambamba ta e pi yi ambamba. La-a, pi okpála bhende kilidjo-o, ma bha ngapapa pi uo bhú ogbitaku. ¹² A ko ngubula me engú inde bhú Bhuku gba Ebhe-e mene lie. Engú inde me:

<Abana u du atsia 'kpí-e, u ú 'kpí de, abana u du adje 'kpí-e, u ké mbolimboli de.

Kaka-a, u dji bua o de,

Ebhe 'é di siti 'ngú gba uo-o de.†>>

Yesu ambamba ta gbitaku gba bhułu nalu nguwa

(Tsia bhú Mat. 13:18-23; di ne bhú Luk. 8:11-15.)

¹³ Pipita-a, Yesu atsia apa pi uo me: «Yi ké mboli gbitaku bhomu-o de! La mbia inde-e, yi aké mboli ndu ogbitaku koko hana lele pi?

¹⁴ Bhułu nalu nguwa inde ma de apa 'ngú e ngalu eli gba Ebhe. ¹⁵ Okpála koko maka ngo 'hi kpadji li bili inde li eli gba Ebhe-e alu lie li e-o. Nedhinga u adje eli-e lie, kolo ma 'li ma me-e, Satana gó, ani tsia 'é eli inde alu lie bhú uo-o. ¹⁶ Okpála koko ngasia eli-e bhú doto na ká teme. Nedhinga u ngadje eli-e lie, a bhúe de u ngasisia ne djali hana. ¹⁷ Engú bini, u 'o de me eli bhomu-o si kuti e ali bua o-o de. U nga'o 'to o tété bha mbo ngú nedhinga bedi. Kaka-a, nedhinga li okpekpeke da 'ngú ngago lie, i du di-e mbolo ka 'li Ebhe-e, u nga'o ká nabhuka gba o kolo má gala! ¹⁸ Matá-a, okoko ngasia eli-e bhú ká oeti. A bhomu-o, obhende i di me ziba eli inde u ngadje e-o. ¹⁹ Engú bini, u ngabhundja naali pindji ongú na doto inde. Tiatia ngapipite uo. La di-e, ndu ogumu 'ngú ngangá ngali bhú uo, i tsia nguvo eli-o. Kaka-a, eli-e zú nguwa de. ²⁰ Ngú nabu tata-a, okoko ngasia eli-e bhú doto na dohho. U ngadje eli-o, u ngasisia, u la di ngali lífi. Bhú okoko-o, lífi bini ngali lífi ndjikpa bata, bhú okoko ndjikpa madhia, bhú okoko kámá bini.»

Yesu akpokpo gbitaku na eke

(Tsia bhú Luk. 8:16-18.)

²¹ Pipita-a, Yesu atsia apa pi uo me: «U dhedhedhe eke ngubula na'o'o asa lusa i du di-e asa mako uu? U dhedhedhe mangbo ngubula na'o'o pí misa. ²² Padhá de, anga ehe bini ade inde adúdu bhú

† 4:12 4:12 Tsia bhú Isa. 6:9-10.

pepe, inde i kóto bhú mbasu de-e ade. La di-e, ndu 'he hana inde awo lie mawo inde li kpála u e de-e ade. ²³ F du me a nde li kpála ne djedje ngú nadje 'kpí-e, ani de dje!»

²⁴ Yesu atsia apa pi uo me: «Yi 'o 'to yi li 'ngú ma ngapa e ndjindji, anga yi dje ndjindji-e, yi kó bhadi mboli engú bhelé. ²⁵ Padhá de, anga kpála inde ngakø mboli engú ndjindji-e, Ebhe ambamba bhadi ta engú bhelé pi ani. Engú bini, kpála inde i kø mboli engú ndjindji de-e, u a'é belegu mboye bhende ka ani-o.»

Nau gba Ebhe-e maka ni?

²⁶ Yesu atsia apa matá pi uo me: «Yi tsia nga ehe inde li Nau gba Ebhe-e nde maka e ko. A maka kpála inde adjí abhiye ngú nalu nguwa. ²⁷ Ngbikpi ne sukpe, abana ani du bha tila, ne me ani du li zuku, lí nguwa du bha me a nde ngaze, a nde la di ngabhele. Ani mbila la de me a ngamene lie lele pi-e de. ²⁸ Doto ne titi e ngakø ngaiza musana. Pipita-a, i bí 'bhi. Li soso-o, i bá lílí inde ato na paká paká. ²⁹ Li lílí mbe-e, kpála alu-o tsia kodho anga a ko nedhinga na'e nguwa abhiye.»

³⁰ Yesu atsia apa matá me: «Ní ti da nakpo 'ndji Nau gba Ebhe-e ne ní, ne me ní ti da nasusuno li mangua gbitaku dho? ³¹ A maka lí 'lá u a'i e me mutadi. Li u lu ani bhú doto-o, a ko lí nguwa bhe na yeye ane mane bhú ká oli nguwa hana na píla doto. ³² Engú bini, nedhinga u alu ani lie, a ngabhele, i tsia kólo ngbéngbé ane ondula koko hana. Li oyáyá-a kólo ngbéngbéngbé da napa me odhu ti da nayiki otí gba o bhú bhiti kápákpá-o.»

³³ Abhomu-o, Yesu adu asuno bhú ogbitaku bhelé maka obhende bhomu. Ani adu akpokpo 'li Ebhe pi uo li lele bhende li okpála adu adje ani-e, ti da nakø mbolimboli lie ko. ³⁴ Ani du nani agama 'ngú pi uo padhá de mandí gbitaku. Engú bini, nedhinga ani adu nadu lie ne omukpata gba e titi o, ani atsia adu ambamba tata-a pi uo hana.

Yesu ayoko kpéke anvi pí 'ngu

(Tsia bhú Mat. 8:23-27; di ne bhú Luk. 8:22-25.)

³⁵ Bha tagolo bhú ekpi bhomu-o, Yesu atsia apa pi omukpata gba e me: «Ní gulu 'ngu ayi 'ngu.» ³⁶ Abhomu-o, u a'o ká bhiti okpála-o, u anu ne Yesu bhú zabu ani adu bhú e-o. Ozabu koko adu di bhú dabili bini ne uo. ³⁷ Kolo me-e, kpéke anvi na gipi aholo ape. Ongbo 'ngu-o adu atuko bhú zabu masakpe de me zabu-o bedhe ne engu. ³⁸ La ngaani, Yesu-o, ani adu me ani nde ala atabhu zabu-o. Ani a'o 'ndji e pí kuse. Omukpata gba ani anu azaku ani ne napa pi ani me: «Musuno, ní adjí

amú. A zi 'ngú bhú djila mu di?» ³⁹ Ani azaku lie, ani ambe bhú 'ndji anvi-o. Ani atsia apa pi ngbo 'ngu-o me: «Gba 'bhe mu! Ndjili má bulu!» Anvi a'o nape, engu atsia akolo guguo má bi! ⁴⁰ Yesu atsia apa pi omukpata gba e me: «Yi ne tsulu mo-o ka ni? Nabhuka nga bhú yi adi?» ⁴¹ Engú bini, u adu adje tsulu naali. U atsia adu apa sunda o me: «Ae mangua kpála dho i ngadje belegu e ne anvi di ne engu-o?»

5

Yesu akobho kpála bini inde li siti bua adu nadu bhú e

(Tsia bhú Mat. 8:28-34; di ne bhú Luk. 8:26-39.)

¹ Pipita-a, Yesu ne omukpata gba e akolo ayi 'ngu, bhú ndu doto gba okpála na Gelasa. ² Li Yesu akoto lie bhú zabu-o, kolo me-e, kpála bini akoto li bili na olata, ani atsia ago abhaka ani. Kpála ang-o, siti bua adu nadu bhú ani. ³ Kpála ang-o adu nadu bhú ká olata. Kpála bini ti nani da nagbite ani de, belegu de ne gbindjili. ⁴ Padhá de, anga bhutsibhutsi, u adu agbite 'dhu ani di ne 'kpa ani ne ogbindjili. Engú bini, ani adu akokodho ogbindjili bhomu-o má dhu dhu dhu! Kpála bini ko nani angu e pí ani de. ⁵ Ndu 'kpi hana sukpe ne ngbikpi ani adu bha nasusula bhú ká olata di ne bhú ká oeta. Ani atsia adu natsotsolo eka li kute e ngae makpe ne oteme.

⁶ Ani au Yesu lie me ani nde nga bha tsutsu-o, ani ago ne holo, ani atutu lipaku e kuto kala ani. ⁷ Ani atsia asula kpekpeke me: «Yesu, Ndili gba Ebhe Apí 'Kpi, mo okunda namene ngú ma pi? Ma akikiliki lima pi mu! Ne 'li Ebhe, mo otó mbolo li ma de.» ⁸ (Ani asula mo-o, anga Yesu apa nani pi siti bua ang-o me ani koto bhú kpála bhomu-o makoto!) ⁹ Abhomu-o, Yesu ayi ani me: «A 'li mu pi?» Ani agie pi ani me: «A 'li ma me Bhelé, anga ya bhibhiti.» ¹⁰ Abhomu-o, osisiti bua-a akikiliki lio pi Yesu naali me ani agbe o bhú ndu doto bhomu-o de.

¹¹ A abhaka me 'ngbé piga opame nde ngazu 'he li pabu 'ta oo. ¹² Osisiti bua atsia akikiliki lio pi Yesu me: «Tima ya bhú ká opame inde, amba ya li bhú uo.» ¹³ Abhomu-o, Yesu atsia aziba pi uo. U aze bhú kpála ang-o, u atsia ali bhú opame-o. Piga opame bhomu-o libhomu akø eta ne holo, u anu atuko bhú ekpe-o, u atsia amu ndu o hana. U adu masakpe de kutu bhisi.

¹⁴ Abhomu-o, omulila gba opame atsi naao ne holo. U anu akpokpo 'ngú ang-o pi okpála abhú gudhu ne bhú okuti na ngongo. Okpála atsia ago ngú nau engú inde akodho 'kpi-o. ¹⁵ U ago de Yesu, u au kpála inde li bhiti osisiti bua adu nadu

bhú e-o: ani adu me ani nde adu kuto, ani nde ato bongo li e, ani nde ngabhundja 'ngú ndjindji. Abhomu-o, u atsia adje tsulu naali. ¹⁶ Okpála bhende au engú angoo, atsia akpokpo engú inde akolo li kpála bhomu-o, di ne li opame-e pi uo.

¹⁷ Abhomu-o, u atsia aholo nakikiliki lio pi Yesu me ani yie bhú ndu doto gba o yiyie. ¹⁸ Li Yesu adu a'u lie bhú zabu-o, kpála li siti bua adu igini bhú e, adu akikiliki lie pi ani me ni dá bha ibili ne ani bhú dabili bini. ¹⁹ Yesu tsia ziba pi ani mo-o de. Engú bini, ani apa pi ani me: «Gie limu agba mu, bhú ká okpála na piga gba mu-o, amba mu kpokpo ndu 'ngú hana li Ngámá amene e pi mu-o maka ani adje ndjinga mu lie pi uo.» ²⁰ Abhomu-o, kpála angoo atapa. Ani atsia aholo nakpokpo ndu 'ngú hana li Yesu amene e pi ani-e bhú ndu doto na Ogadhú Ndjikpa. Okpála inde adu adje ani-e, ndu uo hana adu angamba naali.

Yesu akobho ndili na oelø gba Yailo di ne ølø bini

(Tsia bhú Mat. 9:18-26; di ne bhú Luk. 8:40-56.)

²¹ Li Yesu agie matá lie lie ayi ekpø-o, kambì okpála abedhe de ani bedhe lingo ekpø-o. ²² Abhomu-o, saka ongámási na eti nadje líli gba Moidje ago. A du li ani me Yailo. Ani au Yesu lie, ani ati bhú li 'dhu ani. ²³ Ani atsia akikiliki lie pi ani ne kekele ne napa me: «Ndili na øelø gba ma-a masakpe de nakpi. Gogo, nu 'o 'kpa mu pí 'ndji ani ngubula me ani kobho, amba ani akpí-i de.» ²⁴ Abhomu-o, Yesu anu ne ani bhú dabili bini. Bhiti okpála na bhíbhiti naali adu akpata ani. U aholo nasulu ani.

²⁵ Abhomu-o, ølø bini inde asi ne kuo naze ka ngute kalanga ndjikpa ne ká bhisi-e adu oo. ²⁶ Bhiti omütia inde atia nani ani-e, aha nani likabhu pi ani naali. Padhá de, anga ani andjia nani tia nganda e hana má kpekøbhø, ani kobho de! Engú bini, kuo gba ani-e adu mangbo nakolo sisiti naali.

²⁷ Ani adje ngali gba Yesu-o lie, abhomu-o, ani ago bhú ká bhiti okpála ne akele ani, ani atsia abu 'kpa e li bongo gba ani-o. ²⁸ Padhá de, anga ani adu apa li bua e me: «I du me ma nde abu nga bha bini 'kpa ma li bongo gba ani-e, ma kóbbho.» ²⁹ Abhomu-o, kolo ma 'li ma me-e, ngute-e akodho má ká! Ani atsia ambila bhú e me Yesu akobho ni ne kuo gba ni-e akobho.

³⁰ Bha li nedhinga bhomu-o, Yesu ambila bhú e makpe me angu nakobho kpála akoto bhú ni. Abhomu-o, ani atsia tsia 'kpí ne lingo e hana, ani atsia ayi me: «A abu 'kpa e li bongo gba ma-a da?» ³¹ Abhomu-o, omukpata gba ani-e agie pi ani me: «Mu ngau hana me bhiti okpála asulu mu má

wakaka! Lele pi mu ti da nayi lie me: «Abu 'kpa e li ma da-ie?» ³² Engú bini, Yesu adu bha natsitsia 'kpí lingo e ngú nau kpála inde amene engú bhomu-o. ³³ Ølø angoo adu adje tsulu, ani aholo naguku. Padhá de, anga ani ambila nani engú inde akolo li ani-e ndjindji. Ani ago ati bhú li 'dhu Yesu, ani atsia apa ndu 'ngú hana na kukulú pi ani. ³⁴ Abhomu-o, Yesu atsia apa pi ani me: «Ndi ølø-e, nabhuka gba mu-o akobho mu akobho, nu ne guo 'ngú . Mo okobho ne kuo gba mu-o akobho.»

³⁵ Yesu ndjia nga nagama 'ngú de, okpála inde ayie agba Yailo akolo. U atsia apa pi ani me: «Ndili gba mu-o akpi. Mo ondála matá Musuno de.» ³⁶ Engú bini, Yesu 'o 'to e li 'ngú u adu apa e de. Ani apa bha pi Yailo me: «Mo odjé tsulu de, dá bha ne nabhuka.» ³⁷ Yesu tsia ziba pi kpála koko nanu ne o de. U anu bha bhú dabili bini ne Piele ne Djaki, a la di-e Djaa ndai Djaki-o. ³⁸ U akolo akuti gba Yailo. Yesu au me okpála má dja dja dja! U adu aku 'gbá naali, u atsia adu di atu 'ue. ³⁹ Abhomu-o, ani ali abhú 'ti, ani atsia apa pi uo me: «Yi má dja dja di ne naku 'gbá naali me-e ka ni? Ndili-e kpi de, engú bini, ani tila.» ⁴⁰ Abhomu-o, u aholo amu ani.

Engú bini, ngaani-e, ani apandja ndu okpála hana kilidjo. Ani aha bha bini 'dyi ndili-e ne 'hi ndili-o, la di ne omukpata gba e bata-o. Abhomu-o, u atsia ali ne uo abhú tina 'ti inde li ndili-e adu bhú e-o. ⁴¹ Ani aha 'kpa ndili-o, ani atsia apa pi ani me: «Talita kumi!» (Tata-a me: «Ndi ølø-e, ma apa pi mu me yie bhúlál!») ⁴² Ndi ølø angoo (inde adu nani ne kalanga ndjikpa ne ká bhisi ayie kolo bhúlál má gala! Ani atsia aholo nadhuka). Bhú nedhinga bhomu-o, bhú 'bhø okpála akpina má di! ⁴³ Abhomu-o, Yesu agbele 'dje uo kpekpeke me u apá engú angoo pi kpála belega de bini. Pipita-a, ani atsia apa pi uo me u ha ezú pi ani.

6

*Okpála na Nadjaleta ayala Yesu
(Tsia bhú Mat. 13:53-58; di ne bhú Luk. 4:16-30.)*

¹ Yesu ayie li bili bhomu-o, ani atsia gie lie bhú Nadjaleta, kuti inde ani abhele bhú e-o. Omukpata gba ani-e atsia anu di bhú dabili bini ne ani. ² A akolo lie bhú 'kpí naguo gba omaYuda-a, ani aholo nasuno bhú 'ti nadje líli gba Moidje-o. Abhomu-o, bhiti okpála inde adu nadje ani-e, adu angamba naali. U adu apa me: «A asuno ongú inde-e pi ani da? Ani ayie ne imbilangu di ne angu namene ongua ongamba 'ngú inde-e su?» ³ A inde-e kpála nagolo ndula-a di? A ko ndili gba Malia

di? A ko ndai Djaki ne Djodje, ne Djude, la di ne Simo-o di? Ondaise ani na olisilisi la bhadi bhú dabili bini ne ní sii adi?» Kaka-a, u atsia ayala nabhuka ani.

⁴ Abhomu-o, Yesu atsia apa pi uo me: «U mamanga polofeta ne ndu bili hana. La-a, u mamanga ani de-e bha bhú kuti inde u azu ani bhú e-o, ne bhú ká omaha ani, ne la di bhú ká okpála na bhú 'bu 'ti gba ani-o.» ⁵ Ka ndi nabhuka gba uo-o, ani ti nani da namene ongamba 'ngú oo bhelé de. Ani akobho bha obhulu kuo bedi me ani nde nga' o 'kpa e pí uo. ⁶ Abhomu-o, ani atsia adu angamba naali ka ndi nabhuka gba uo-o.

Yesu atima omukpata gba e ndjikpa ne ká bhisi bhú kulu

(Tsia bhú Mat. 10:5-15; di ne bhú Luk. 9:1-6.)

Pipita-a, Yesu adholo bhú ndu okuti na ngongo hana me ani nde ngasuno pi okpála. ⁷ Abhomu-o, ani a'i omukpata ndjikpa ne ká bhisi gba e-e ngú natima uo bhisi bhisi. Kala natima uo-o, ani aha angu pi uo ngú napandja osisiti bua bhú okpála. ⁸ Ani atsia aha líli inde-e pi uo me: «Yi ahá ehe bini ngú enú-o de, yi ha bha ndula bini. Yi abí ezú de, yi ahá gonía de, yi ató falanga li yi bhú 'ti bongo de. ⁹ Yi dyi maloké bhú 'dhu yi, engú bini, yi adyí bongo na mbulu bhisi de. ¹⁰ Nedinga yi li lie bhú gudhu bini-e, yi de du bha nasi gba koli kpála bini akólo li 'kpí yi akóto bhú gudhu ang-o lie ko.

¹¹ I du me okpála na kuti bini nde sia yi de-e, i du la di me u nde dje yi de-e, yi de yie oo, amba yi pulu ndju doto na kuti bhomu-o li 'dhu yi hana. Bhobhomu-o asúno ngae me yi abala uo ne ndu 'ngú gba o hana abala.» ¹² Abhomu-o, omukpata ndjikpa ne ká bhisi-e agbida. U atsia adu akpokpo ngali gba Ebhe-e pi okpála ne napa pi uo me a ayo me u dji bua o. ¹³ U adu apandja osisiti bua bhelé bhú okpála. U atsia adu akobho okpála na kuo bhelé ne napulu 'mu pí 'ndji uo.

Elode Atipasi aha líli me u bhөлө Djaa bhulu nabatisa okpála

(Tsia bhú Mat. 14:1-12; di ne bhú Luk. 9:7-9.)

¹⁴ Abhomu-o, 'ngbé ngámá Elode Atipasi adje engú gba Yesu-o, anga 'li ani ayangba nani ne ndu bili hana. Okpála adu apa me: «Djaa bhulu nabatisa okpála azuku! Kaka-a, a bhú ani ne angu namene ongamba 'ngú.» ¹⁵ Okpála koko adu apa naao me: «A ko polofeta Eliya.» Do okoko me: «A ko polofeta koko maka suka obhende na kalanu-o.» ¹⁶ Li Elode adje engú gba Yesu lie-e, ani atsia apa me: «A ko Djaa bhulu nabatisa okpála! Ma ha nani líli ngama

makpe me u kodho ngulu ani. La-a, ani azuku bhomu-o ngae!»

¹⁷ A na paká me Elode atima nani osudha me u nu holo Djaa bhulu nabatisa okpála, amba u to ani bhú tikpu ngubula Elodiade. Elodiade nani ne olo gba ndai ani Filipino. Engú bini, Elode atsia aha nani ani maka olo ka e. ¹⁸ Abhomu-o, Djaa adu apa pi Elode me: «Líli ziba pi mu ngú naha olo gba ndai mu-o de.» ¹⁹ Kaka-a, Elodiade adu nayala Djaa, ani atsia adu akunda me u bhele ani. Engú bini, ani ti nani da naha líli de me u bhele ani mandí napa me Elode ziba. ²⁰ La pi Elode, ani ambila nani lie me Djaa ne kpála na ngbingbili di na bubu-o, ani adu namanga ani naali, ani atsia adu di nalila ani. Nedinga li Elode adu adje 'li Djaa lie, mabhundja gba Elode adu angbingi naali. Engú bini, ani adu ne djali naali ngú nadje ani.

²¹ Abhomu-o, li ekpí u azu Elode akolo lie, a adu ekpí na babadha pi Elodiade. Elode amene anokomia pi olubasa gba e, pi ongámási na sudha, di ne pi ongámási na ndu doto na Galilaya hana. ²² Ndili olo gba Elodiade ang-o ago. Ani atsia ali bhú 'ti na anokomia-o. Ani adho ebi, a atsia anga li Elode di ne okpála inde ani a'i o bhú anokomia-o. Abhomu-o, Elode atsia apa pi ndili olo ang-o me: «Yo 'he inde mu nde ne gumu e ka ma, amba ma ha pi mu.» ²³ Ani atsia atu silika pi ani me: «Ehe inde mo oyó e ka ma-a, ma há bha pi mu e, abana i du bha nagbo bhasu nau gba ma ko.» ²⁴ Abhomu-o, ndili ang-o akoto, ani anu ayi 'hi e me: «Mo okunda me ma yo ka ngámá ní?» 'Hi ani atsia agie pi ani me: «Yo 'ndji Djaa bhulu nabatisa okpála ko.»

²⁵ Ani agie lie ne holo agba ngámá. Ani atsia apa pi ani me: «Ma akunda me ha muma mbia inde-e, bhú tsakpa saani, 'ndji Djaa bhulu nabatisa okpála!» ²⁶ Abhomu-o, Elode asia likabhu li bua e naali. Engú bini, ani ti nani da nayayala de ka silika inde ani atu e kala okpála inde ani a'i o bhú anokomia-o. ²⁷ Abhomu-o, Elode atima koko omulila gba e me ani nu, amba ani go ne 'ndji Djaa bhulu nabatisa okpála-o. Mulila ang-o anu, ani atsia akodho ngulu Djaa bhulu nabatisa okpála bhú tikpu-o má tse! ²⁸ Pipita-a, ani aha 'ndji Djaa-a, ani ago ne di bhú tsakpa saani, ani aha pi ndili olo ang-o. Abhomu-o, ndili olo ang-o atsia anu aha pi 'hi e. ²⁹ Li omukpata gba Djaa adje engú ang-o lie, u ago aha kuo ani, u atsia azi.

Yesu aha ezú pi obhosi kutu bhuluve
(Tsia bhú Mat. 14:13-21; ne bhú Luk. 9:10-17; di ne bhú Dja. 6:1-14.)

³⁰ Pita nagie lie ka obhulu titima ndjikpa ne ká bhisi-e bhú kulu-o, u apo bhula o

de Yesu. U atsia akpokpo ndu 'ngú inde u amene e di ne bhende u asuno e hana pi ani. ³¹ Do ani pi uo me: «Yi gógo, ní nũ li bili inde li kpála nde lie ade, amba yi guo nga mbo masudha.» Padhá de, anga okpála inde adũ nago, di ne obhende adũ agie lio-o, u adũ bhíbhiti naali. Kaka-a, Yesu ne omukpata gba e sia belegũ nedhinga ngú nazũ 'he de. ³² Abhomũ-o, u a'u'u bhú zabũ-o, u atsia atapa bha ngao kpi o kpi li bili li kpála nde li e ade ko. ³³ Engú bini, okpála bhelé au maka u adũ anũ lie hana. U atsia ambila me a ko uo. Abhomũ-o, okpála ayie ne ndũ ogudhũ bhelé, u agu holo ne 'dhũ o, u atsia akolo li bili ango-o pi Yesu ne omukpata gba e kalanũ. ³⁴ Li Yesu akoto lie bhú zabũ-o, ani au bhiti okpála-o. Ani adje ndjanga uo, anga u adũ maka okandele inde li mulila nde ka o ade ko. Abhomũ-o, ani atsia aholo nasuno engú bhelé pi uo.

³⁵ A akolo lie masikpe de nabi ka ekpí-e, omukpata gba ani-e adyudyo lio de ani. U atsia apa pi ani me: «Ekpí-e ngabi, a la di-e mili bili. ³⁶ Ha kpadji pi okpála inde, amba u nũ kala ezũ nazũ mazu pi o li ongangba di ne bhú okuti na ngongo si.» ³⁷ Engú bini, Yesu agie pi uo me: «Yi ha ezũ pi uo ngayi makpe!» Abhomũ-o, u atsia ayi ani me: «Ya ayie ne bhiti tia ngú nakala ezũ nazũ mazu pi bhiti okpála inde-e su?» ³⁸ Abhomũ-o, ani ayi uo me: «Mapa ka yi madho? Yi nũ tsitsia!» U atsia lie, u atsia apa me: «A ka ya ne mapa bhuluvue, la di ne sungu bhisi.»

³⁹ Abhomũ-o, Yesu atsia aha líli pi uo me: «Yi pa pi ndũ okpála hana me u popo bhúla o, amba u dũlu kuto pi ulu-o.» ⁴⁰ U apopo bhúla o, u adũlu kuto: okoko kámá kámá, okoko ndjikpa bhuluvue ndjikpa bhuluvue. ⁴¹ Abhomũ-o, Yesu aha mapa bhuluvue ne sungu bhisi-o. Ani atsia 'kpí ne abhúla, ani atsia agie heni pi Ebhe ngánga. Pipita-a, ani atsia agugumũ mapa ango-o, ani aha pi omukpata gba e-o, amba u gapa li okpála. Ani atsia agapa di sungu bhisi-e pi ndũ okpála hana. ⁴² Ndu uo hana azũ 'he, u atsia a'u'u má kpe-e kpe-e! ⁴³ Pipita-a, omukpata alo dú mapa ne sungu inde atigala-o, a atsia abedhe okili ndjikpa ne ká bhisi. ⁴⁴ Bhú ká obhende azũ 'he ango-o, obhosi nani kutu bhuluvue. (Mandi natanga olisi ne ongisi.)

Yesu adholo pí 'ngu

(Tsia bhú Mat. 14:22-33; di ne bhú Dja. 6:15-21.)

⁴⁵ Pipita kolo me-e, Yesu apa pi omukpata gba e me: «Yi 'u'u bhú zabũ. Yi kodho 'kpí muma kalanũ ayi 'ngu li pápá na gudhũ na Betesaida li nedhinga ma nde nga lie naha kpadji pi okpála ko.» ⁴⁶ Pita

ngabo bhasũ e ne uo-o, ani anũ a'u apí 'ta ngú nayo Ebhe. ⁴⁷ Li ekpí abi lie, omukpata adũ ne zabũ atũ 'ngu, Yesu atsia atigala apí 'go kpi e kpi. ⁴⁸ Ani au me omukpata gba ni-e ale nadjele zabũ pima anga anvi adũ amene uo kpekpeke. Abhomũ-o, akolo lie bhú 'gbá 'ngu na bini-e, ani aholo nadholo pi 'ngu, ani atsia akolo masikpe de uo. Ani di me ne uo mane. ⁴⁹ Engú bini ngauo-o, u au ani lie ngadholo pi 'ngu-o, u abhunda naao me a ko igbadyibhe. Kaka-a, u aholo natũ 'ue. ⁵⁰ Padhá de, anga u adũ au ani ndũ o hana. Kaka-a, u atsia abedhe ne tsulũ na kuo kuo. La-a, ani atsia apa bha kolo pi uo me: «Yi sia kpéke bua! A ko ma, yi adje tsulũ de!»

⁵¹ Abhomũ-o, ani a'u nganda uo bhú zabũ-o, anvi-e a'o nape. U atsia adũ ne nangamba na kuo kuo. ⁵² Padhá de, anga ngamba 'ngú inde ani amene e li mapa-a, u mbila nga nani de ka ndi nabhuka gba o-o.

Yesu akobho kpála na kuo bhú ndu doto na Genedjaleta

(Tsia bhú Mat. 14:34-36.)

⁵³ Pita u agulu ekpé na Galilaya lie, u atsia akolo bhú ndu doto na Genedjaleta. Abhomũ-o, u atsia agbite zabũ lingo 'kpé-o. ⁵⁴ U aze lie bhú zabũ-o me-e, okpála ambila bha kolo me Yesu ngae inde. ⁵⁵ Abhomũ-o, okpála adji ndu doto ango-o libhomu ne holo. U aholo nabi obhulũ kuo pi okalagba, ne nanũ ne uo li bili inde u adũ adje lie me Yesu li e-o. ⁵⁶ Ndu bili hana inde li ani adũ anũ li e, li ongangba, bhú ogudhũ, i du di-e bhú okuti, okpála adũ nabu obhulũ kuo bhú odaposo. Obhulũ kuo ango-o adũ akikiliki lio pi ani me ani ha kpadji me o bu nga bha 'kpa o li 'so bongo li ani-o. A na paká me ndũ okpála hana inde adũ nabu 'kpa o li ani-e, adũ nakobho.

7

Ongú inde ngayie li bua kpála nga'o kpála sisiti kala Ebhe ngae

(Tsia bhú Mat. 15:1-9.)

¹ Abhomũ-o, omũFalisai di ne omũsuno koko na líli gba Moidje inde ayie nani bhú Yelusalema-a, ago apo bhúla o de Yesu. ² U au me okoko bhú ká omukpata gba Yesu-o ngazũ 'he mandí navulũ 'kpa o kalanũ. Kaka-a, omũFalisai adũ abhunda me omukpata bhomũ-o bubu kala Ebhe ade. ³ (Padhá de, anga omũFalisai ne ndũ omaYuda hana ngalila odasandũ gba onguo ogbi o-o. Kaka-a, kala nazũ 'he-e, u vuvulũ ngaiza 'kpa o i lí mali. ⁴ I du me u nde kolo bhú daposo-o, u vuvulũ 'kpa o ndũ 'kpí hana kala nazũ 'he. U ngalila di olíli koko u asia e ka onguo

ogbi o naali maka: navulú okópo, obhende maka zulubho di ne obhende maka zikio.)
⁵ Abhomu-o, omuFalisai di ne omusuno na líli-e ayi Yesu me: «Omukpata gba mu-o ngakpata 'ngú maka lí dasundú gba onguo ogbi ní apa lie ade. U ngazú 'he me u nde vulú 'kpa o de. U ngamene la mo-o ka ní?»
⁶ Yesu agie pí uo me: «Polofeta Isaya pa nani tala lí 'ngú gba yi-e me, yi ne obhulú kali. Aní aye nani bhú bhuku gba e me: <Okpála inde-e ngamanga ma bha ne 'bhe o padhá.

La-a, bua uo de ma tsutsu.

⁷ Nadhögé gba uo zì bhú djila ma de.

Padhá de, anga ongú inde u ngasuno e a ko bha bhende i ngayie ka okpála.†

⁸ Yi nga'o ká olíli gba Ebhe-e ngú nazi 'ndji yi bhú olíli gba onguo ogbi yi.»

⁹ Aní atsia apa matá pí uo me: «Yi nga'o olíli gba Ebhe-e lí ngongo ngubula nalila odasundú gba onguo ogbi yi-o. ¹⁰ Padhá de, anga Moidje apa nani me: <Manga 'dyi mu ne 'hi mu mamanga.> Aní atsia apa matá di me: <Kpála bhende i sobho 'dyi e, i dá di-e 'hi e, a ayo me u bhéle aní mabhele.>† ¹¹ Engú bini, ngayi-e, yi ngasuno pí okpála me, kpála bini tí da napa pí 'dyi e, i dá di-e 'hi e me: <Mbu lí ma, anga ehe inde ayo igini me ma ha e pí mu-o, a ko makiso inde ma adjí naha e pí Ebhe.> ¹² Ngayi omuFalisai-e, yi ngazíba bhomu-o pí okpála me u améne 'he pí odyi o di ne pí ohí o belegu de bini. ¹³ Kaka-a, yi bhomu-o ngalíla odasundú gba onguo ogbi yi-e ane elí gba Ebhe-e mane. Yi la di ngamene ndú ngua ongú bhomu-o bhelé.»

¹⁴ Pipita-a, Yesu a'í matá bhiti okpála-o. Abhomu-o, aní atsia apa pí uo me: «Yi dje ma ndú yi hana, amba yi ké la di mboli engú inde: ¹⁵ Ehe bini ade inde yi zú e, i 'ó yi sisiti-o. La-a, engú inde ngakoto lí bua yi-e, maka oeli di ne okulu-o, a bhomu-o ongú inde nga'o yi sisiti-o.» [¹⁶ *]

¹⁷ Lí Yesu ayie lie bhú ká bhiti okpála bhomu-o, aní atsia alí abhú 'ti-e, omukpata gba aní atsia ayi aní lí ta gbítaku bhomu-o. ¹⁸ Abhomu-o, Yesu atsia apa pí uo me: «Ngayi di-e, yi mbíla 'ngú inde-e dí? Yi mbíla de me ndú 'he hana lí kpála ngazú e tí da na'o aní siti kpála de-e dí? ¹⁹ Padhá de, anga ezú ang'o ngalí lí bhobua aní ade. Engú bini, a ngalí bhú 'bu aní. Pipita-a, i tsia kóto.» (Yesu adú apa bhomu-o me ndú 'zú hana ndjindji ngú nazuzu.) ²⁰ Abhomu-o, Yesu atsia abu tata-a me: «Engú inde ayie lí bua kpála, a bhomu-o bhende i nga'o kpála sisiti-o. ²¹ Padhá de, anga osisiti 'ngú

inde ngayie lí bhobua kpála ngae inde: omabhundja na sisiti, zabhe, ezi, nabhili okpála, ²² nakunda olisi, i dá di-e obhosi gba okpála koko, kundú tia, gumu namene osisiti 'ngú, kali, bambakuya, gumu 'he gba okpála koko, osobho, 'ngbé 'ndji di ne pulú 'ngú. ²³ Ndú osisiti 'ngú bhomu-o hana ngakoto lí bhobua kpála, i tsia 'ó kpála ang'o sisiti bhú djila Ebhe.»

Gandji øle bini abhuka Yesu

(Tsia bhú Mat. 15:21-28.)

²⁴ Pipita-a, Yesu ayie oo, aní atsia atapa bhú doto inde língo gudhu na Tile. Aní alí bhú 'tí bini, aní tsia kunda de me u mbíla de me ní oo de. Engú bini, ngalí nago ka aní-e adje lie ne ndú bíli hana. ²⁵⁻²⁶ Ma 'lí ma me-e, gandji øle bini adje 'ngú gba Yesu-o. Øle ang'o dá nani maYuda de. Dú aní ayie nani bhú ndu doto na Fenisia, bhú doto na Silia. Ndíli gba aní na øle adú me siti bua nde bhú aní. Abhomu-o, øle bhomu-o ago atí bhú lí 'dhu Yesu, aní atsia ayo ka Yesu me aní gbe siti bua bhú ndíli øle gba ní-o. ²⁷ Yesu atsia apa pí aní me: «'O nga ongisi me u zú 'he gba o, amba u 'u'u. Padhá de, anga a ndjindji ade me u ha mapa gba ongisi ngú nabhibhike pí ongisi bulu-o de.» ²⁸ Øle ang'o atsia agie pí Yesu me: «Ngámá, belegu ongisi bulú ngazú okulu 'zú bhende i ngabala asa misa-o.» ²⁹ Yesu apa pí aní me: «Bha bini ka 'lí mu bhomu-o, nunu, siti bua-a akoto bhú ndíli gba mu na øle-o akoto.» ³⁰ Abhomu-o, øle ang'o agie lie agba e, aní atsia abhaka ndíli-e me aní nde así pí mako me siti bua nde akoto bhú aní akoto.

Yesu akobho bhoko inde i bhú 'ngú de, i dje di 'kpi de

³¹ Pipita-a, Yesu ayie bhú ndu doto na gudhu na Tile. Aní apú bhú Sidona. Aní anú lí pápá na ekpé na Galílaya, aní atsia akolo bhú ndu doto na Ogudhu Ndjikpa. ³² U atsia ago pí aní ne bhoko bini inde i dje 'kpi de. Bhoko ang'o da nagama 'ngú ka aní adú kpekpeke. U atsia akílikí lío pí Yesu me aní 'o 'kpa e pí bhoko ang'o, amba aní kobho.

³³ Abhomu-o, Yesu atsia aha aní, aní anú ne aní lí ngongo masudha de bhiti okpála-o. Aní atsia 'o líkpa e bhú 'dje aní. Aní aku ngusu lí líkpa e, aní atsia 'o pí 'mí bhoko ang'o ko. ³⁴ Pipita-a, Yesu atsia 'kpi ne abhúlá, aní awo má fe, aní atsia apa pí bhoko ang'o me: «Efata!» (A akunda napa me: «A ayo me bhulu límu!») ³⁵ Ma 'lí ma me-e, 'dje aní abhulu lie, 'mí aní ayaka, aní aholo agama 'ngú ndjindji. ³⁶ Yesu

† 7:7 7:6-7 Tsia bhú Isa. 29:13.

† 7:10 7:10 Tsia bhú Eki. 20:12; ne bhú Det. 5:16; ne bhú Eki. 21:17; di ne bhú

Lev. 20:9. * 7:16 7:16 Lukuluku inde-e, a bhú obhuku koko na dídíli u aye e bhú eli na gilíki ade. [La bhú okoko-o, u aye me: «Kpála inde ne djedje ngú nadje 'kpi-e, aní de dje.»]

atsia aha lílí pí okpála me u avé 'ngú angoo pí kpála belegu de bini. Engú bini, aní adu ayoko uo lie, engú angoo tsia dje yoko de. ³⁷ U adu angamba na kuo kuo. Kaka-a, u atsia adu apa me: «Ani ngamene ndu 'ngú hana ndjindji. Aní ngaha pí obhende i dje 'kpí de-e nadje 'kpí. Aní ngaha pí obhende i bhú 'ngú de-e nabhu 'ngú.»

8

Yesu aha 'zú pí okpála kutu badha (Tsia bhú Mat. 15:32-39.)

¹ Bhú oekpí bhomu-o, bhiti okpála apo matá bhúla o de Yesu. Abhomu-o, li ehe nazú mazú du la lie ka uo de-e, Yesu atsia a'i omukpata gba e, aní atsia apa pí uo me: ² «Ma ngadje ndjinga bhiti okpála inde, anga akolo mbia inde-e 'kpí bata u bha ngadu de ma si, ehe nazú mazú la matá di ka uo ade. ³ I du me ma nde agie uo agba o ne gumu mo-o, angu uo ndjia li kpadji, anga a di bhú ká uo ne okpála bhende ayie tsutsutsu.» ⁴ Omukpata gba aní agie pí aní me: «Ní aú ezú bhú míli bíli sí-e ngubula nazuzú ka uo su?» ⁵ Abhomu-o, Yesu atsia ayi uo me: «A ka yi ne mapa madho?» U agie me: «Mananika.»

⁶ Abhomu-o, aní apa pí bhiti okpála me u dulú kuto. Aní aha mapa mananika-o, aní agie heni pí Ebhe. Aní agugumu mapao, aní atsia aha pí omukpata gba e me u gapa li okpála. U atsia agapa li uo. ⁷ U adu di nani ne djedje osungu. Aní agie di heni pí Ebhe ngú osungu-o, aní atsia apa me u gapa di osungu-o li uo. ⁸ Okpála azú 'he, u a'u'u. Pipita-a, omukpata apo bhúla dúdú inde atigala, atsia abebedhe okilí mananika. ⁹ Okpála inde adu oo, u adu masikpe de kutu badha. Pipita-a, Yesu atsia aha kpadji pí uo. ¹⁰ Kolo má gala me-e, aní a'ú ne omukpata gba e bhú zabú, u atsia atapa bhú ndu doto na Dalamana.

Omufalaisi ayo ngamba 'ngú bini ka Yesu

(Tsia bhú Mat. 16:1-4.)

¹¹ Abhomu-o, omufalaisi ago, u aholo namene kpekebho ne Yesu. U adu akunda nale aní. Kaka-a, u ayo ka aní me aní mene nga bha pí o ngamba 'ngú bini inde asuno me Ebhe atima aní ngae. ¹² Li Yesu adje lie mo-o, aní atsia apa me: «Okpála na naki inde-e ngayo ngamba 'ngú ngabula ní? Ma apa pí yi na paká me, ma méne ngamba 'ngú bini pí uo de!» ¹³ Aní a'o ka uo oo, aní a'ú matá bhú zabú, aní atsia akodho 'kpí ayi 'ngu.

Yi líli líyi ka levile gba omufalaisi di ne bhe gba Elode malila

(Tsia bhú Mat. 16:5-12.)

¹⁴ Li omukpata a'ú lie bhú zabú-o, u a'ili 'to o li naha mapa. Kokoli adu bha ka uo bini bhú zabú-o. ¹⁵ Abhomu-o, Yesu atsia agbele dje uo me: «E-e! Yi líli líyi ka levile gba omufalaisi di ne bhende gba Elode malila.» ¹⁶ Omukpata aholo namene kpekebho sunda o me: «Aní ngapa mo-o, anga ní go ne mapa de.»

¹⁷ Li Yesu ambila engú inde u adu apa e sunda o lie, aní atsia ayi uo me: «Yi ngamene kpekebho sunda yi li 'ngú na mapa li 'to yi a'ili li e ka ní? Yi kə nga mbolimboli dí? Yi mbila la di dí? Yi ne nabhuka adí? ¹⁸ Alí yi ne djidjila, yi ngau 'kpí adí ka ní? Alí yi ne djedje, yi ngadje 'kpí adí ka ní? 'To yi a'ili li ndu ongamba 'ngú inde ma amene e hana? ¹⁹ Nedhinga ma akú nako obhosi kutu bhuluvue lie ne mapa bhuluvue, dudu inde atigala-a, yi abebedhe nako okilí ne di madho?» U agie pí aní me: «Ndjika ne ká bhisi.» ²⁰ Abhomu-o, Yesu atsia ayi matá uo me: «La di-e, mapa mananika inde ma akú nako okpála kutu badha ne e, dudu inde atigala-a, yi abebedhe nako okilí ne di madho?» U agie me: «Mananika.» ²¹ Abhomu-o, Yesu atsia apa pí uo me: «Yi kə nga mbolimboli síi dí?»

Yesu akobho kpála bini inde i u 'kpí de

²² Pipita-a, Yesu ne omukpata gba e akolo bhú gudhu na Betesaida. Oo, okpála ago ne kpála bini inde i u 'kpí de-e pí Yesu. U atsia akikiliki lío pí aní me, aní 'o 'kpa e li aní amba aní kobho. ²³ Yesu aholo 'kpa kpála inde i u 'kpí de-o. Aní agbe aní bhú gudhu-o. Aní aku ngasu e bhú djila aní, aní abu 'kpa e li aní, aní atsia ayi aní me: «Mú ngau mbo-o 'he uu?» ²⁴ Kpála angoo atsia 'kpí li ngo e, aní atsia apa me: «Ma ngau okpála, u mana ndula inde ngadhuku.» ²⁵ Pipita-a, Yesu abu matá 'kpa e li djila aní. Kpála angoo atsia 'kpí má súu, aní atsia adu au 'kpí ndjindji. Aní atsia akobho. ²⁶ Abhomu-o, Yesu agie aní agba e, aní atsia apa pí aní me: «Mo onú abhú gudhu de.»

Piele apa me Yesu ne Kilisito

(Tsia bhú Mat. 16:13-20; di ne bhú Luk. 9:18-21.)

²⁷ Pipita-a, Yesu ne omukpata gba e anu bhú okuti inde li ngo gudhu na Sedjale gba Filipino. Li kpadji-e, aní ayi uo me: «Okpála ngapa li ma me ma ne da?» ²⁸ U agie pí aní me: «Okoko ngapa me mú ne Djaa bhulu nabatisa okpála, okoko me mú ne Eliya, okoko matá me mú ne suka opolofeta .» ²⁹ Yesu atsia ayi uo me: «A la yi-e, yi ngapa naayi me ma ne da?» Piele atsia agie pí aní me: «Mú ne Kilisito .» ³⁰ Abhomu-o, Yesu atsia aha líli pí uo

kpekpeke me u apá 'ngú gba ni-e pi kpála bini de.

Yesu akpo 'ngú pindji nakpi ne nazuku ka e

(Tsia bhú Mat. 16:21-28; di ne bhú Luk. 9:22-27.)

³¹ Pipita-a, Yesu aholo nasuno pi omukpata gba e me: «A ayo me ngama Ndili gba kpála-a, ma dje likabhu naali. Obhelesi okpála, ongbengbe odimandé gba Ebhe di ne omusuno na líli gba Moidje ayála ma. U tsia bhélo ma. La-a, pita ekpi bata-a, ma tsia zúku.» ³² Aní dú apa 'ngú ang-o lie ne tsulu de-e, Piele atsia agbele aní li ngongo. Do aní pi Yesu de-e: «Mo opá mo-o de.» ³³ Engú bini, Yesu adjí lie, aní atsia omukpata gba e-o, aní ambe bhú 'ndji Piele me: «Yie de ma mayie, ngamu Satana ! Padhá de, anga mabhundja gba mu-o, a ko bhende gba Ebhe-e de. Engú bini, a ko bhende gba okpála.»

A ayo namene ni ngú nakpata Yesu-o?

³⁴ Pipita-a, Yesu apo bhúla bhiti okpála di ne omukpata gba e de e. Aní atsia apa pi uo me: «Í dú me kpála nde akúnda nakpata ma-a, a ayo me aní 'o nabhundja engú gba e makpe, aní bí la di kulusi gba e, amba aní kpata ma. ³⁵ Padhá de, anga kpála bhende ngalila mukobho gba e pi e makpe, akpi makpi. La-a, kpála bhende ngaha mukobho gba e libhomu ngubula ma di ne ngubula Bádha Ngali gba Ebhe-e, aní akóhó makobho. ³⁶ Í dú me kpála nde asia ndú tia na doto hana, tata-a pi aní ne ní i dú me aní nde akpi na duduma-a? ³⁷ Ehe bini ade inde li kpála-kúti ti da na 'o e bhú da mukobho gba e. ³⁸ Í dú me kpála bini nde adje numu li ma di ne li oeli gba ma kala obhulu namene sisiti 'ngú na nakí inde-e, inde i bhuka di Ebhe ne bua o bini de-e, ngama Ndili gba kpála ma adjé bhadi numu li aní nedhinga ma agó lie bhú sangu gba 'Dyi ma bhú dabilí bini ne oandjelu na bububu ko.»

9

¹ Yesu atsia apa matá pi uo me: «Ma apa pi yi na paká me, okpála koko bhú ká obhende si-e, mú padhá de, u aú ngaiza Nau gba Ebhe-e me, a nde ngago ne angu kalana.»

Kute Yesu ayipa ka sangu gba Ebhe

(Tsia bhú Mat. 17:1-13; di ne bhú Luk. 9:28-36.)

² Pita ekpi madhia, Yesu aha Piele ne Djaki, di ne Djaa , aní anu ne uo titi o apí 'ndjá 'ta. Bha si me-e, aní adjí lie kala uo kpi, ³ bongo gba aní avu má tuu! Píla doto libhomu-o, kpála bini ti da navulu bongo, i tsia vú mo-o de. ⁴ Kolo me-e, Eliya

ne Moidje aze li uo, u atsia aholo agama 'ngú ne Yesu. ⁵ Piele atsia apa pi Yesu me: «Musuno, a ndjindji maka ní nde lie si. Ziba pi ya me ya yiki otí ngbangbali bata: bini pi mu, bini pi Moidje, bini pi Eliya.» ⁶ Engú bini, Piele dú ambila de me ni apa pi-ie de, anga ngaani makpe ne omukpata bhisi inde adu bhú dabilí ne anie, adu me u nde abedhe ne tsulu na kuo kuo. ⁷ Abhomu-o, ndindi ago abuku uo má kagbu! Eli atsia akoto bhú ndindi ang-o me: «Kpála inde-e, a ko Ndili gba ma inde ma akúnda e naali-o. Yi dje aní!» ⁸ Ma gala kolo me-e, li omukpata atsia 'kpi lie lingo o-o, u u matá kpála bini de, bha Yesu kpi e kpi bhú dabilí bini ne uo.

Omukpata ayi 'ngú pindji polofeta Eliya

⁹ Li Yesu ne omukpata gba e adu aké eta-a lie, aní atsia apa pi uo me: «Yi apá engú yi au e inde-e pi kpála belegu de bini, akólo li nedhinga inde ngama Ndili gba kpála ma azúku lie bhú ká okpála inde amu ko.» ¹⁰ Abhomu-o, u awo eli bhomu-o li bua o, u atsia adu ayi lio sunda o pépé me: «Nazuku bhú ká okpála inde amu-o, aní akúnda igini napa bhomu-o pi?»

¹¹ Pipita-a, u ayi Yesu me: «Ka ni li omusuno na líli gba Moidje ngapa lie me kala nago ka Masiya-a , a ayo me Eliya go ngaiza kalanu-o?» ¹² Yesu atsia agie pi uo me: «A na paká me Eliya ngago ngaiza kalanu, naleke ndu 'ngú hana. Engú bini, ka ní u aye nani lie bhú Bhuku gba Ebhe-e me, Ndili gba kpála adjé likabhu naali, la di-e li okpála tsia yála anie-e? ¹³ La-a, ma apa pi yi me, Eliya ago nani ago, okpála atsia ato mbolo li aní má gbekepe maka u a aye lie bhú Bhuku gba Ebhe ko.»

Yesu akobho ndili na bhobhoko li siti bua adu nadu bhú e

(Tsia bhú Mat. 17:14-21; di ne bhú Luk. 9:37-43a.)

¹⁴ Li Yesu ne omukpata bata aké eta-a lie, u anu abhaka omukpata koko-o. A abhaka me bhiti okpála nde asa uo ngbalina. La di-e, omusuno na líli nde ngamene kpekebhe ne omukpata ang-o. ¹⁵ Li bhiti okpála-a au Yesu lie, ndu uo hana angamba, u atsia agu holo ngú nago ayi aní. ¹⁶ Yesu ayi omukpata gba e me: «Yi ngamene kpekebhe ne uo pindji ni?»

¹⁷ Kpála bini bhú ká bhiti okpála bhomu-o, atsia agie pi aní me: «Musuno, ma ago ne ndili gba ma-a pi mu me kobho aní, anga a bhú aní ne siti bua inde ngagbite 'bhé aní me aní agáma 'ngú de. ¹⁸ Ndú nedhinga hana li siti bua ang-o agbugbulu aní lie, a ngagu 'i aní kuto, li efu holo naze bhú 'bhé aní, aní holo nazu tate e, kute aní kpekpeke má ki ki ki! Ma

ayo ka omukpata gba mu-o me u gbe siti bua ang-o, engu bini, u ale pima.»

¹⁹ Yesu atsia apa pi uo me: «Ngayi okpala na naki-e, nabhuka bhú yi ade! Ma adú matá ne yi ngubula nedhinga madho? Ma akíbila matá yi ngubula nedhinga madho? Yi go ne ndili-e muma ei.» ²⁰ Abhomu-o, u ago ne ani pi Yesu. Li ndili-e au Yesu lie, siti bua adyiki ani má djigi djigi, ani agu 'i ani kuto! Ndili-e aholo nawawala kuto me efu nde ngaze bhú 'bhé ani. ²¹ Yesu atsia ayi 'dyi ndili-e me: «Kuo inde-e amene ani me-e ngubula kalanga madho?» Ani agie me: «Nayie bhú ndili li ani. ²² La di-e, siti bua ang-o ngagu 'i ani bhú djua di ne bhú 'ngu bhátsibhátsi ngu nabhelo ani. Engu bini, i du me mu nde ti da namene 'he-e, mu de dje mbo ndjinga ya, teteke ya!»

²³ Yesu agie pi ani me: «Mu ngapa me: «I du me mu nde ti da namene 'he.» La-a, ndu 'ngu hana ti da namene lie pi kpala inde ngabhuka ko.» ²⁴ Má gala kolo me-e, 'dyi ndili-e asula me: «Ma abhuka. La-a, go teteke ma, amba nabhuka gba ma kolo kpekpeke!» ²⁵ Li Yesu au bhiti okpala ngago ne holo li pápá gba o lie, ani atsia ambe bhú 'ndji siti bua me: «Ngamu siti bua inde ngagbite 'bhé ndili inde-e ne nanini 'dje ani, ma aha líli pi mu me: «Koto bhú ndili inde, la di-e, mo ogie matá limu bhú ani belegu de bini!» ²⁶ Abhomu-o, siti bua atu 'ue, ani adyiki ndili-e má djigi djigi, pipita-a, ani atsia akoto bhú ani! Ndili na bhobhoko ang-o, akolo maka kpala inde akpi. Okpala bhelé adu apa me: «Ani akpi.» ²⁷ Engu bini, Yesu aholo 'kpa ani, ani a'e ani bhúla, ndili-e atsia alu malu.»

²⁸ Pipita-a, Yesu ne omukpata gba e agie lio li bili u adu nadu li e-o. Nedhinga u adu lie ne uo titi o-o, u atsia ayi ani me: «Ka ni ya ti igini lie da nagbe siti bua bhomu-o bhú ndili inde-e lie de-e?» ²⁹ Yesu atsia agie pi uo me: «U ti da nagbe ngua bua bhomu-o bha bini ne mayo.»

Yesu akpo matá 'ngu pindji nakpi ne nazuku ka e

(Tsia bhú Mat. 17:22-23; di ne bhú Luk. 9:43b-45.)

³⁰ Li Yesu ne omukpata gba e ayie lie oo, u agulu ndu doto na Galilaya. Yesu du akunda de me okpala mbila bili inde ni adu li e de, ³¹ anga ani adu asuno pi omukpata gba e-o. Ani adu apa pi uo me: «U apú ngbángá Ndili gba kpala pi okpala, li okpala ang-o tsia bhéle ani. La-a, pita 'kpi bata-a, ani tsia zúku.» ³² Engu bini, omukpata du ambila nani ta engu bhomu-o de. U adu la di ne tsulu ngu nayi ani.

A ngbéngbé da?

(Tsia bhú Mat. 18:1-5; di ne bhú Luk. 9:46-48.)

³³ Abhomu-o, Yesu ne omukpata gba e anu bhú gudhu na Kapalanauma. Pipita-a, u ali lie bhú 'ti bini me-e, Yesu atsia ayi omukpata gba e me: «Yi de igini ngamene kpekebhe sunda yi li kpadji-e pindji mangua 'ngu dho?» ³⁴ Engu bini, u andjili má bulu, anga li kpadji-e, u amene kpekebhe sunda o me a ngbéngbé bhú ká o da-ie. ³⁵ Abhomu-o, Yesu adu kuto. Ani apo bhúla omukpata ndjikpa ne ká bhisi-e de e masikpe. Ani atsia apa pi uo me: «I du me kpala bini nde akunda nadu kpala na kalanu-o, a ayo me ani du pita ndu okpala hana, ani du di bali gba ndu okpala koko hana.»

³⁶ Pipita-a, ani aha mboye ndili, ani a'o ani bhú ká uo, ani abi ani sa 'kpa e, ani atsia apa pi uo me: ³⁷ «Kpala inde ngasia mboye ndili maka bhende-e ka 'li ma-a, ani ngasia bhomu-o ma makpe. La di-e, kpala inde ngasia ma-a, ani sia bha bini ma kpi ma kpi de, engu bini, ani ngasia di bhomu-o 'Dyi ma inde atima ma ko.»

Kpala inde i gu ní de-e, a ko naani kpala (Tsia bhú Luk. 9:49-50.)

³⁸ Abhomu-o, Djaa apa pi Yesu me: «Musuno, ya au kpala bini ngapandja osisiti bua ne 'li mu. Ya atsia ayoko ani, anga a ko suka ní de.» ³⁹ Engu bini, Yesu agie pi uo me: «Yi ayoko ani de, anga kpala inde amene ngamba 'ngu ne 'li ma-a, ti da napa kolo siti 'ngu li ma pipita-a de. ⁴⁰ Padhá de, anga kpala inde i gu ní de-e, a ko naani kpala. ⁴¹ Ma apa pi yi na paká me, kpala inde ngaha kópo na engu pi yi bini kabula me yi ne okpala gba Kilisito-o , ani asia makalá gba e masia.»

Ongu inde ngato kpala bhú siti 'ngu-o (Tsia bhú Mat. 18:6-9; di ne bhú Luk. 17:1-2.)

⁴² Yesu atsia apa matá pi omukpata gba e me: «Kpala inde ngato suka odjedja ongisi inde ngabhuka ma inde-e bhú siti 'ngu-o, a pi ani ndjindji me u gi ngingi tanguu ani, amba u bhike ani bhú 'ngbé 'ngu. ⁴³ I du me 'kpa mu nde ngato mu bhú siti 'ngu ngae-e, mu de kodho. A ndjindji pi mu nali bhú mukobho na daduma ne koli 'kpa mu bini, ane mane nanu ka mu bhú djua na daduma ne daduma ne 'kpa mu bhisi hana. [⁴⁴ *]

⁴⁵ I du di me 'dhu mu nde ngato mu bhú siti 'ngu ngae-e, mu de kodho. A ndjindji pi mu nali bhú mukobho na daduma ne koli 'dhu mu bini, ane mane me u bhike

* 9:44 9:44 Lukuluku inde-e, a bhú obhuku koko na didili u aye e bhú eli na giliki ade. [Oo, okoké maka bangili inde ngazu kute kpala mumu de, djua bubulu la di-i de.]

m̄ bhú djua na d̄d̄uma ne d̄d̄uma ne 'd̄h̄u m̄ bhisi hana. [46 †] 47 † d̄u me li djila m̄ nde ngato m̄ bhú siti 'ngú ngae-e, m̄ de gbe. A ndjindji pi m̄ nali bhú Nau gba Ebhe-e ne koli li djila m̄ bhisi bini, ame mane me u bhike m̄ bhú djua na d̄d̄uma ne d̄d̄uma ne djila m̄ bhisi hana. 48 Oo, †okoké maka bangili inde ngazu kute kpála mumu de, djua b̄b̄ulu la di-i de.† 49 Padhá de, anga Ebhe alé nabhuka gba nd̄u okpála hana bhú djua, amba a kolo kpekpeke.

50 Ngat̄u ne bádha 'he. Engú bini, i d̄u me a nde abolo, u ti da nagie matá kpokpo bh̄bh̄u ne ni? Nabhuka gba yi d̄u maka ngat̄u inde i bolo de, yi d̄u la di ne guo 'ngú s̄nda yi.»

10

Nasuno pindji nagbo bhusu o ne el̄

(Tsia bhú Mat. 19:1-12; di ne bhú Luk.

16:18.)

1 Li Yesu ayie lie oo, ani an̄u bhú ndu doto na Yudaya, ayi 'ngu na Djuludani. Bhiti okpála ago matá de ani. Ani aholo nasuno pi uo maka ani amene lie-o. 2 Abhom̄-o, om̄Falisai koko adyudyo lio de Yesu, ngú naholo ani li 'li e. Kaka-a, u atsia ayi ani me: «Lili gba ní-e aziba uu me bhoko gbo bhusu e ne el̄ gba e?» 3 Yesu atsia agie pi uo me: «Moidje aha nani pi yi li 'ngú bhom̄-o mangua líli dho?» 4 U atsia apa me: «Moidje aha nani pi bhoko kpadji me ani ye balua ngú nagbo bhusu o ne wala e, amba ani gie ani agba o.»

5 Engú bini, Yesu agie pi uo me: «Moidje aye nani líli bhom̄-o pi yi ka kpéke 'ndji gba yi-o. 6 La li lilita-a, nedhinga li Ebhe abho nd̄u 'he lie hana-a †ani abho uo bhoko ne el̄.† 7 †Kaka-a, bhoko a'li ka 'dyi e ne 'hi e, ani tsia dhédhe li wala e, 8 nd̄u uo bhisi hana kolo koli kpála bini.† Abhom̄-o, uo matá okpála bhisi ade. Engú bini, u akolo koli kpála bini. 9 Kaka-a, a ayo de me kpála-kuti gbo bhusu uo de, anga Ebhe akp̄t̄se uo ngae.»

10 Li Yesu ne omukpata gba e agie lio lie li bil̄i u ad̄u nad̄u li e, u atsia ayi ani li 'ngú ang-o. 11 Yesu apa pi uo me: «† d̄u me bhoko bini nde a'e wala e ngú naha el̄ koko-o, ani a'o bhom̄-o ká wala e na kalan̄u-o ngú nakunda el̄ koko. 12 † d̄u la di me el̄ nde atse 'ko e ngú naha bhoko koko-o, ani a'o bhom̄-o ká 'ko e ngú nakunda bhoko koko.»

Yesu atuko bisagu pí 'ndji ongisi
(Tsia bhú Mat. 19:13-15; di ne bhú Luk. 18:15-17.)

13 Abhom̄-o, okpála ad̄u ago ne ongisi gba o me Yesu 'o 'kpa e pí uo, ne natuko bisagu pí uo. Engú bini, omukpata ake 'ngú lio pi okpála ang-o. 14 Yesu au lie mo-o, bua ani ake, ani atsia apa pi omukpata gba e me: «Yi 'o ongisi me, u go li pab̄ili ma nde li e-o, yi ayoko uo de. Padhá de, anga Nau gba Ebhe-e, a pi obhende maka uo ko. 15 Ma apa pi yi na paká me, kpála bhende nabhuka gba e nde maka bhe gba nd̄ili ade-e, kpála ang-o ti da nali bhú Nau gba Ebhe-e belegu de bini.» 16 Abhom̄-o, Yesu ad̄u abi ongisi bhom̄-o, ani atsia ad̄u atuko bisagu pí uo me ani nde nga'o 'kpa e pí uo.

Bhulu tia bini ayi 'ngú pindji mukobho na d̄d̄uma

(Tsia bhú Mat. 19:16-30; di ne bhú Luk.

18:18-30.)

17 Li Yesu ad̄u a'e ne en̄u lie, bhoko bini ago ne holo nabhaka ani, ani akikita lipaku e kuto kala ani. Ani atsia ayi ani me: «Musuno na babadha, a ayo me ma mene pi ngú nasia mukobho na d̄d̄uma-a?» 18 Yesu atsia apa pi ani me: «Ka ni m̄ nga'i ma lie me bádha kpála-a? Bádha kpála belegu ade bini, bha bini Ebhe kpi e kpi. 19 La-a, m̄ mb̄ila ol̄li-e ndjindji: †Mo obhél̄ kpála de, mo osí ne el̄, i d̄u di-e bhoko gba kpála koko de, mo ozi 'he de, mo opá 'ngú li kil̄i m̄ bhú djila okpála ne eu de, mo ozi kpála bhú nyali de, manga 'dyi m̄ ne 'hi m̄ mamanga.†»

20 Bhoko ang-o apa pi ani me: «Musuno, nayie bhú nd̄ili li ma-a, ma amene nd̄u ol̄li bhom̄-o hana.» 21 Yesu atsia ani ne mukunda hana. Ani atsia apa pi ani me: «Mo oneke bha koli 'he bini. N̄n̄u, tsindji nd̄u 'he inde m̄ nde ne e hana, amba m̄ ha tiatia pi obhulu nd̄ibh̄ili, mo osia tia abh̄l̄. Pipita-a, go kpata ma.» 22 Engú bini, nedhinga li bhoko ang-o adje lie mo-o, ani atu 'ndji e ne kuto, ani atsia agie lie ne babuma naali, anga tia ad̄u nani ka ani bhel̄.

23 Abhom̄-o, Yesu atsia omukpata gba e inde ad̄u me u nde asa ani ngalina-o. Ani apa pi uo me: «A ko kpéke da 'ngú pi obhulu tia ngú nali bhú Nau gba Ebhe-o!» 24 Abhom̄-o, omukpata atsia angamba ka eli ang-o. La-a, Yesu apa matá pi uo me: «Odi ma, a ko kpéke da 'ngú ngú nali bhú Nau gba Ebhe-o! 25 Da nali ka samo*»

† 9:46 9:46 Lukuluku inde-e, a bhú obhuku koko na didili u aye e bhú eli na giliki ade. [Oo, †okoké maka bangili inde ngazu kute kpála mumu de, djua b̄b̄ulu la di-i de.] † 9:48 9:48 Tsia bhú Isa. 66:24. † 10:6 10:6 Tsia bhú Dje. 1:27, 5:2. † 10:8 10:7-8 Tsia bhú Dje. 2:24. † 10:19 10:19 Tsia bhú Eki. 20:12-16; di ne bhú Det. 5:16-20.

* 10:25 10:25 Enu inde li Yesu abhu lie si-e a ko samo. Li pápá gba uo oo enu inde ad̄u nani ngb̄ngb̄e ne samo.

li gudho musana kpekpeke. A la matá kpekpeke naali pi bhulu tia nali bhú Nau gba Ebhe-o.»²⁶ Omukpata angamba matá bha naali, u atsia adu apa sunda o me: «f du mo-o, a ti da nakobho da?»²⁷ Yesu atsia uo má suu, ani atsia apa pi uo me: «Pi okpála-a, a ko kpéke da 'ngú. Engú bini, pi Ebhe-e, a ko kpéke da 'ngú de, anga ani ti da namene ndu 'ngú hana.»

²⁸ Abhomu-o, Piele apa pi ani me: «Djedje nga, ya a'o ndu 'he hana ngú nakpata mu.»²⁹ Yesu atsia apa pi ani me: «Ma apa pi yi na paká me, kpála inde a'o ka eti gba e, inde a'o ka ondaise e na obhosibhosi, i du di-e obhende na olisilisi, inde a'o ka 'hi e, i du di-e 'dyi e, i du di-e ongisi gba e, i du di-e edyi gba e ngubula ma, la di ne ngubula Bádba Ngali-e ,³⁰ kpála ango-o asia mbia inde-e bhutsibhutsi kámá bini: oeti, ondaise na obhosibhosi ne obhende na olisilisi, oehi, ongisi, la di ne oedyi bhú dabili bini ne olakabhu. Ani tsia sía di bhú nedhinga inde ngago-o, mukobho na duduma.³¹ Engú bini, bhelé na okpála inde u ngau o maka okpála na akalanu mbia inde-e, akólo okpála na asidi, li obhende u ngau o maka okpála na asidi mbia inde-e kólo okpála na akalanu.»

Yesu akpo 'ngú bhutsibhutsi na bata pindji nakpi ne nazuku ka e

(Tsia bhú Mat. 20:17-19; di ne bhú Luk. 18:31-34.)

³² Li Yesu ne omukpata gba e a'e ibili ne enú lie ngú nanu bhú Yelusalema-a, ani ake pi uo kalanu. Omukpata-a adu angamba. Obhende adu akpata uo-o, adu ne tsulu, Yesu aha matá omukpata gba e ndjikpa ne ká bhisi titi o, ngú ngama 'ngú pi uo. Ani atsia aholo akpokpo 'ngú pi uo pindji ongu inde akólo li ani-o.³³ Ani apa pi uo me: «Yi dje nga 'ngú inde. Ni adji bhú Yelusalema. Oo, u apu ngbángá Ndili gba kpála pi ongbengbe odimande gba Ebhe ne omusuno na líli-o . U akódho 'ngú gba ani me ani kpi bha makpi. Pipita-a, u tsia pí ani pi omupagano.³⁴ U ató pádha li ani, u akú ngusu li ani, u abhí ani ne fimbo, u tsia bhéle ani. Engú bini, pita 'kpi bata-a, ani tsia zúku.»

Mayo gba Djaki ngauo ne Djaa

(Tsia bhú Mat. 20:20-28.)

³⁵ Pipita-a, Djaki ngauo ne Djaa , ongisi gba Djebedayo, adyudyo lio de Yesu. U atsia apa pi ani me: «Musuno, ya ngakunda me mene pi ya engú inde ya adji ayo e ka mu-o.»³⁶ Yesu atsia ayi uo me: «Yi akunda me ma mene pi yi ni?»³⁷ U agie pi ani me: «Ziba pi ya nadulu bhú Nau gba mu na sangu-o , bini li pá 'kpa mu na kokpa, koko li pá 'kpa mu na gali.»³⁸ Engú bini,

Yesu atsia apa pi uo me: «Yi mbila ehe inde yi ngayo e de. Yi ti da nandji kópo na likabhu inde ma andji e uu? Yi ti da nasia batisimo na likabhu inde ma asia e uu?»³⁹ U atsia agie pi ani me: «Ya ti da namemene.» Do Yesu pi uo me: «A moko, yi andji kópo na likabhu inde ma andji e-o, yi sía di batisimo na likabhu inde ma asia e-o.⁴⁰ Engú bini, ma ti da napa ngama de me a adulu li pá 'kpa ma na kokpa ne me a adulu li pá 'kpa ma na gali da-ie de. Obili ango-o, a pi obhende li Ebhe aleke pi o ko.»

⁴¹ Li omukpata ndjikpa bhe koko adje engú li Djaki ne Djaa ayo e lie, u atsia ake 'ngú lio pi uo.⁴² Abhomu-o, Yesu a'i uo de e, ani atsia apa pi uo me: «Yi mbila hana me ongámási na doto inde ngau pí omaha o ne kpéke. La di-e, ongbengbe okpála ngaha okpekpeke líli pi omaha o.⁴³ Engú bini, a ayo de me adu akodho 'kpi sunda yi mo-o de. I du me kpála bini nde akunda nadu 'ngbé kpála bhú ká yi-e, a ayo me ani du kpála na kulu gba yi-o.⁴⁴ I du me kpála bini bhú ká yi nde akunda nadu kpála na kalanu-o, a ayo me ani du bali gba ndu okpála koko hana.⁴⁵ Padha de, anga ngama Ndili gba kpála ma go nani de me okpála du amene kulu lio pi ma-a de. Engú bini, ma ago mangbo ngú namene kulu lima pi okpála, di ne ngubula nagbegbe okpála bhelé bhú bali ne lá ma makpe.»

Yesu akobho Balatimé, kpála i u 'kpi de

(Tsia bhú Mat. 20:29-34; di ne bhú Luk. 18:35-43.)

⁴⁶ Pipita-a, Yesu akolo bhú gudhu na Djeliko. Li Yesu ne omukpata gba e, la di ne bhiti okpála adu akoto lie oo, u abhaka kpála bini i u 'kpi de me ani nde adu dengo 'hi kpadji. A adu 'li ani me Balatimé, a adu ndala Timaya. Ani adu me ani nde ngayoyo 'he.⁴⁷ Nedhinga ani adje lie me a ko Yesu, kpála na Nadjaleta-a, ani aholo asusula me: «Yesu, Ndili gba Davidi, dje nga mbo ndjinga ma!»⁴⁸ Bhiti okpála adu ambembe bhú 'ndji ani me: «Gbite 'bhe mu!» Engú bini, ani aholo la matá asusula kpekpeke me: «Ndili gba Davidi, dje nga mbo ndjinga ma!»

⁴⁹ Abhomu-o, li Yesu adje lie, ani alu, ani atsia apa me: «Yi 'i ani ei.» U atsia a'i kpála i u 'kpi de ne napa pi ani me: «Atou! Yie bhúal. Ani nga'i mu.»⁵⁰ Abhomu-o, ani abala 'kpa li koti gba e-o, ani a'ulu má ngudha, ani atsia ago abhaka Yesu.⁵¹ Abhomu-o, Yesu atsia ayi ani me: «Mo okunda me ma mene pi mu ni?» Kpála i u 'kpi de-e agie pi ani me: «Musuno, ma akunda me ma u matá 'kpi.»⁵² Yesu atsia agie pi ani me: «Nunu, nabhuka gba mu-o akobho mu akobho.» Má gala kolo me-e,

ani aholo au 'kpí, ani atsia adu akpata Yesu li kpadji-o.

11

Yesu ali bhú Yelusalema

(Tsia bhú Mat. 20:29-34; di ne bhú Luk. 18:35-43.)

¹ Li u akolo lie de Yelusalema-a, masikpe de okuti na Betefadje ne Betania-a, u akolo pí eta na ondula na Olive. Yesu atima omukpata bhisi bhú ká omukpata gba e akalanu. ² Aní atsia apa pí uo me: «Yi nu bhú kuti inde kala yi aoo. Yi akólo lie oo me-e, yi abháka me u nde agbite ndili punda* inde li kpála bini dhuku nga pí e de. Yi bhulu ani, amba yi go ne ani. ³ I du la me kpála bini nde ayi yi me: «Yi ngabhulu ani ngú ní?» Yi de gie pí ani me: «Ngámá ne gumu ani. Engú bini, ani agie bha ani si mbia inde.»»

⁴ Abhomu-o, u anu, u atsia abhaka ndili punda me u nde agbite ani akilidjo, de 'bhe bhoti bini li 'hi kpadji. U atsia abhulu ani. ⁵ U adu abhulu ani lie, okpála kono bhú ká obhende adu oo, ayi uo me: «Yi ngamene bhomu-o ní? Yi ngabhulu ndili punda bhomu-o ngú ní?» ⁶ Omukpata agie pí uo maka li Yesu apa lie pí uo-o. Okpála angoo atsia a'oo uo me u nnu. ⁷ Abhomu-o, omukpata-a atsia ago ne ndili punda-a pí Yesu, u apa obongo gba o pí 'ngbu ani. Abhomu-o, Yesu atsia adu pépé. ⁸ Okpála bhelé apa obongo gba o li kpadji, okoko apa okpála inde u akodho e bhú bili-o. ⁹ Okpála bhende adu adhuku kala Yesu ne obhende adu akpata ani-e, adu asusula me:

«Ebhe heni!

A ayo me Ebhe tuko bisagu pí kpála inde ngago ne 'li Ngámá ko! †

¹⁰ A ayo me Ebhe tuko bisagu pí nau inde ngago, nau gba ogbi ní Davidi ko!

Ebhe Apí 'Kpí heni!»

¹¹ Abhomu-o, Yesu anu bhú gudhu na Yelusalema, ani atsia ali bhú 'ngbé 'ti Ebhe gba omaYuda-o. Pita natsia 'kpí ka ani lingo e hana, ani atsia anu ne omukpata gba e ndjikpa ne ká bhisi bhú Betania, anga adu me ekpí nde ngabi.

Yesu atu pøjðe li ndula na figi
(Tsia bhú Mat. 21:18-19.)

¹² Pita ekpí bhomu-o, u adu akoto lie bhú Betania-a, Yesu aholo nadje gumu. ¹³ Aní au ndula na figi inde adu bhú e ne kpákpá-a de e tsutsu. Aní atsia anu ngú natsia 'kpí bhú ndula angoo atigala ní u líli bhúbhú. Engú bini, ani akolo lie dede-e, ani au bha bhiti kpákpá-o. Padhá de, anga adu

nedhinga nali kaka de. ¹⁴ Abhomu-o, Yesu atsia atu pøjðe li ndula na figi-e ne napa me: «Mu lí matá líli inde li kpála ti da nazu e belegu de bini!» Omukpata gba ani adje 'ngú angoo hana.

Yesu atsambala obhulu natsindji 'he bhú

'ngbé 'ti Ebhe gba omaYuda

(Tsia bhú Mat. 21:12-17; ne bhú Luk. 19:45-48; di ne bhú Dja. 2:13-22.)

¹⁵ Abhomu-o, u atsia agie matá lio bhú Yelusalema. Li Yesu ali lie bhú 'ngbé 'ti Ebhe gba omaYuda-a, ani aholo natsambala okpála inde adu atsindji 'he, ne obhende adu akala 'he oo-o. Aní atumba omisa gba okpála inde adu ayipa falanga, di ne okiti gba obhende adu atsindji obebhe-o kuto. ¹⁶ Yesu 'o nani kpála bini akodho 'kpí ne ehe bini na mase bhú 'ngbé 'ti Ebhe de. ¹⁷ Pipita-a, ani aholo asuno, ne napa pí uo me: «U aye bhú Bhuku gba Ebhe-e me, Ebhe apa me: «U a'í eti gba ma-a me eti nayo Ebhe pí ndu opiga hana.» Engú bini, ngayi-e, yi adji, a atsia akolo bili gba obhulu 'zi!» ¹⁸ Ongbengbe odimandé di ne omusuno na líli adje engú inde li Yesu amene e-o. U atsia aholo agili kpadji ngú nabhele ani. Engú bini, u adu akpe ani, anga ndu okpála hana adu angamba li nasuno gba ani-e mangamba. ¹⁹ Akolo lie tagolo-o, Yesu ne omukpata gba e akoto bhú gudhu-o.

Yesu asuno pindji nadu ne nabhuka na kpekpeke

(Tsia bhú Mat. 21:20-22.)

²⁰ Kékpí má bhé-o, Yesu ne omukpata gba e a'e ne enu. U akolo lie li bili li Yesu atu pøjðe lie li ndula na figi-e, omukpata gba ani au me ndula angoo a'ulu hana, akolo makolo bha bini li osisie. ²¹ Abhomu-o, Piele abhundja engú inde li Yesu apa líli e li figi-o, ani atsia apa pí Yesu me: «Musuno, tsitsia nga, ndula na figi inde mo otu pøjðe lie a'ulu hana!» ²² Yesu atsia apa pí omukpata gba e me: «Yi du ne nabhuka bhú Ebhe! ²³ I du me yi nde apa pí eta inde-e me: «Yi sii, amba mu nu gu 'i mu bhú 'ngbé 'ngu-o, Ebhe méne pí yi, i du me yi nde ne bua na bhisi bhisi ade ko. Engú bini, a ayo la me yi bhuka me Ebhe améne mamene.» ²⁴ Kaka-a, ma apa pí yi me: ndu ehe hana yi ayó e bhú mayo-o, yi bhuka me yi asia ehe angoo asia. Abhomu-o, ehe angoo tsia méne lie pí yi. ²⁵ Engú bini, nedhinga yi nde lie ngayo Ebhe-e, i du me yi nde ne engú pí kpála-a, yi de mbu ngaiza li ani,

* **11:2** 11:2 Enu inde si-e a ko piga 'nu maka punda, uo la ndundundu u bibi di okpála. † **11:9** 11:9 Tsia bhú Ets. 118:25-26. † **11:17** 11:17 Tsia bhú Isa. 56:7; di ne bhú Dilm. 7:11.

amba 'Dyi yi inde abhúlá-a 'e di osisiti 'ngú gba yi o. [26 †]»

A ngaha angu pi Yesu da?

(Tsia bhú Mat. 21:23-27; di ne bhú Luk. 20:1-8.)

²⁷ Yesu ne omukpata gba e agie lio bhú Yelusalema. Li Yesu adu adholo lie bhú 'ngbé 'ti Ebhe gba omaYuda-a, ongbengbe odimandø gba Ebhe, ne omusuno na líli, di ne obhelesi okpála ago de ani. ²⁸ U atsia ayi ani me: «A aha kpadji pi mu ngú namene ongú inde-e da? A aha la di angu pi mu ngú namemene da?» ²⁹ Yesu atsia agie pi uo me: «Ma adji ayi yi li koli engú bini, i du me yi nde agie engú muma tété-e, ma atsia pá pi yi me ma ngamemene ne mangua angu dho-ie. ³⁰ Aha kpadji pi Djaa ngú nabatisa okpála da? Ne me a ko Ebhe, ne me a ko okpála? Yi gie engú muma tété.»

³¹ U aholo amene kpekebhø sunda o me: «I du me ni nde apa me, aha kpadji pi Djaa ne Ebhe-e, ani yi ní me, i du mo-o, ka ni ní bhuka la nani Djaa lie de-e? ³² Engú bini, ní ti da nale napa me: «Aha kpadji pi Djaa ne okpála-a?» (U apa nani mo-o anga u adu adje tsulú ka bhiti okpála-o. Padhá de, anga ndu okpála hana adu abhundja me Djaa ne polofeta na kukulú.) ³³ Abhomu-o, u agie pi Yesu me: «Ya mbila de.» Yesu atsia agie pi uo me: «A ndjindji, ngama di-e, ma apa pi yi de me a aha angu muma ngú namene ehe inde-e da-ie de.»

12

Gbitaku pindji osisiti okpála namene kulu bhú 'dyi vino

(Tsia bhú Mat. 21:33-46; di ne bhú Luk. 20:9-19.)

¹ Abhomu-o, Yesu aholo nakpokpo 'ngú pi uo bhú ogbitaku me: «Kpála bini alu nani ngu vino, ani asa ngongo-o hana ne aga. Ani adji edú ngú napi olilí-e bhúbhú, ani atsia ayiki 'ndjá 'ti abhúlá bhúbhú ngubula nalila edyi-o. Pipita-a, u adje lio ne okpála ngú namene kulu bhú 'dyi-o, amba o du agbø bhusu o ne uo li nguwa-o. Abhomu-o, ani atsia atapa dhuku.»

² Nedhinga li nguwa abhele lie, ani atima kpála bini na kulu agba okpála ango-o me u ha nguwa bhe gba ni-e pi ni haha. ³ Okpála namene kulu bhú ngu vino aholo kpála ango-o, u abhi ani má kpú! U atsia agie ani ne mbulú 'kpa e padhá. ⁴ Bhuú 'dyi-e atima matá kpála na kulu koko bini, bhobhomu-o di-e, u abhi ani li 'ndji e, u atsia asosobho ani. ⁵ Bhuú 'dyi-e atima matá kpála koko bini, u abhøle bha ibili

bhobhomu-o mabhøle. Pipita-a, bhelé na okpála koko-o, u abhi uo. Okoko-o, u abhili uo.

⁶ A atigala nani ibili ka bhuú edyi-e bha ne koli kpála bini ani ti da natima e, bha ndili na bhobhoko gba ani bini na 'kpú bua ani-o. Ali soso hana-a, ani aha ani, ani atsia atima ani agba uo oo-o. Do ani de-e: «U amánga ndili gba ma-a mamanga.»

⁷ Engú bini, okpála ango-o apa sunda o me: «Yi tsia nga la ndju kpála inde atigala galikpe ne edyi-o. Yi gógo! Ní bhøle ani, amba edyi-e kolo ibili pi ní.» ⁸ U aholo ani, u abhele ani, u atsia abhike kuo ani alingo 'dyi.» ⁹ Abhomu-o, Yesu atsia ayi me: «Mbia inde-e, bhuú 'dyi-e améne pi? Ani agó, ani bhili okpála namene kulu bhú 'dyi-e hana. Pipita-a, ani há edyi-e, ani tsia pú pi okpála koko. ¹⁰ Yi atanga bha ndju Bhuku gba Ebhe-e uu? Li bili inde u aye lie me:

«Teme inde li okpála nayiki eti-e abhike e, akolo teme inde abi eti-e libhomu.»

¹¹ Ebhe Ngámá amene engú bhomu-o ngae. Bhú djila ní-e, a ko engú na ngbéngbé!†»

¹² Li Yesu apa lie mo-o, obhuú yala gba ani-e atsia adu agili naholo ani. Padhá de, anga u adu ambila ndjindji me ani apa gbitaku bhomu-o pi o. Engú la bini, u adu adje tsulú ka bhiti okpála. Abhomu-o, u a'o ká ani, u atsia agbida.

Engú pindji nakala mandjandja gba 'ngbé ngámá Kaisala

(Tsia bhú Mat. 22:15-22; di ne bhú Luk. 20:20-26.)

¹³ Abhomu-o, u atima té omuFalaisai di ne okpála gba Elode me u nu agba Yesu, u gama 'ngú ne ani, amba u holo ani li 'li e. ¹⁴ U ago, u atsia apa pi ani me: «Musuno, ya ngambila ndjindji me mu ngapa kukulú 'ngú. Mu ne tsulú kpála belegu ade bini. Mu tsia di engbé gba kpála bini de. Engú bini, mu ngasuno engú gba Ebhe-e pi okpála bhú kukulú 'ngú. Lili aziba pi? U kala mandjandja gba Kaisala, 'ngbé ngámá na doto na Loma, ne me u akála de. A ayo me ya kala, ne me ya akála de?» ¹⁵ Yesu ambila kali gba uo lie, abhomu-o, ani atsia ayi uo me: «Yi ngale ma ngubula ni? Yi go nga muma ne lí falanga bini, ma tsia!» ¹⁶ U ago ne lí falanga bini pi ani. Ani atsia ayi uo me: «Kulu kpála di ne balua inde pépé inde-e, a ko naa da?» U agie pi ani me: «A ko naa Kaisala.» ¹⁷ Abhomu-o, Yesu atsia apa pi uo me: «Yi ha ehe bhende gba Kaisala pi Kaisala, amba yi ha la di bhende gba

† 11:26 11:26 Lukuluku inde-e, a bhú obhuku koko na didili u aye e bhú eli na giliki ade. [Engú bini, i du me yi nde mbu li okpála koko de-e, 'Dyi yi inde abhúlá-a 'é di osisiti 'ngú inde yi amene e de.] † 12:11 12:10-11 Tsia bhú Ets.

Ebhe-e pi Ebhe.» U atsia adu nangamba li ani naali.

Engú pindji nazuku ka okpála

(Tsia bhú Mat. 22:23-33; di ne bhú Luk. 20:27-40.)

¹⁸ Abhomu-o, oSadukai ago de Yesu. (Ngauo-o, u ziba nani naao de me okpála inde amu-o azúku mazuku-o de.) U atsia ayi Yesu me: ¹⁹ «Musunu, Moidje aye nani líli pi ní me: † du me kpála bini nde akpi, ani 'o ká wala e me u nde zu ne ani de-e, a ayo me ndai ani ha oko angoo, amba ani zu ndili pi ndai e inde akpi ko.» ²⁰ La-a, a adu nani obhosi mananika bhú piga bini. Bhende na kalanu-o aha ele, ani akpi padhá me ani nde zu de. ²¹ Bhende na bhisi aha ele angoo, ani akpi padhá me ani nde zu de. A akolo bhadi li kute bhende na bata moko. ²² Ndu obhosi bhomu-o mananika hana amu me u nde zu de. Pita ndu uo hana-a, ele-o atsia akpi di. ²³ Li 'kpi li okpála inde amu-o azúku lie, ele angoo adu naa da? Padhá de, anga ndu uo mananika hana aha nani ani!»

²⁴ Abhomu-o, Yesu atsia agie pi uo me: «Yi angita, anga yi mbila Bhuku gba Ebhe-e de, yi mbila la di angu gba Ebhe-e de. ²⁵ Padhá de, anga li okpála inde amu-o azúku lie, u há lío de. Engú bini, u adu ibili maka oandjelu abhúla. ²⁶ Li 'ngú bhende atsia nazuku ka okpála-a, yi tanga nga bhuku gba Moidje, li bili inde ani akpo 'ngú lie pindji tsá 'pó inde adu atsi-e di? Li bili bhomu-o, u aye me Ebhe apa pi ani me: †Ma ne Ebhe gba Abalahama, Ebhe gba Isaka, Ebhe gba Yakobho.» ²⁷ Ebhe ne Ebhe gba okpála inde amu-o ade. Engú bini, ani mangbo ne Ebhe gba okpála inde uu ko. Yi angita bha ndju na paká paká.»

Líli inde ane ne engbé

(Tsia bhú Mat. 22:34-40; di ne bhú Luk. 10:25-28.)

²⁸ Musunu bini na líli gba Moidje adje uo nedhinga u adu amene kpekebhe lie-o. Ani atsia au di maka li Yesu agie 'ngú lie pi oSadukai ndjindji-o. Abhomu-o, ani adyudyo lie, ani atsia ayi Yesu me: «Líli inde ane ne engbé-e ngae dho?» ²⁹ Yesu agie pi ani me: «Líli na bini inde ane ne engbé-e ngae inde: †Isalaele, djedje nga! Ebhe, Ngámá gba ní-e bha ne koli Ngámá kpi e kpi. ³⁰ A ayo me kunda Ebhe, Ngámá gba mu-o ne bua mu hana, ne mukobho gba mu-o hana, ne mabhundja gba mu-o hana, la di ne angu gba mu-o hana.» ³¹ Bhende na bhisi-e ngae inde: †A ayo me kunda kilí mu maka mo okunda limu lie makpe ko.† Lili bini ade inde ane obhobhomu-o ne engbé.»

³² Abhomu-o, musunu na líli-e apa pi ani me: †A ndjindji naali, Musunu! Mo opa paká. Ani bha ne koli Ngámá ngae kpi e kpi, Ngámá koko ade, bha bini ani. ³³ La di-e, a ayo me kpála kunda ani ne bua e hana, ne imbilangu gba e hana, ne angu gba e hana, amba ani kunda la di kilí e maka ani akunda lie lie makpe ko. Bhobhomu-o ndjindji ane natsulu oenu pi Ebhe di ne obhe u ahaha e pi ani ko.» ³⁴ Li Yesu au lie me ani agie 'ngú ne imbilangu-o, ani atsia apa pi ani me: †Mu de Nau gba Ebhe-e tsutsu ade.» Pipita-a, kpála bini le matá nayi Yesu belegu de bini.

Masiya ne ngámá gba Davidi

(Tsia bhú Mat. 22:41-46; di ne bhú Luk. 20:41-44.)

³⁵ Li Yesu adu asuno lie pi okpála bhú 'ngbé 'ti Ebhe gba omaYuda-a, ani atsia adu ayi me: †Lele pi li omusunu na líli gba Moidje ti da napa lie me Masiya ne ndili gba Davidi-e? ³⁶ Padhá de, anga ngaani Davidi makpe-e bhú nateteke gba Bu Bhobua apa nani me:

†Ebhe Ngámá apa pi ngámá gba ma-a me:

Du li pá 'kpa ma na kokpa,

akolo li nedhinga inde ma a'ó obhulu yala gba mu-o lie

sa 'dhu mu ko.†

³⁷ Davidi ngae makpe nga'i Masiya me †Ngámá.† Lele pi ani nde la lie ne ndili gba Davidi-e?† Bhiti okpála na bhibhiti adu nadje ani ne djali naali.

Yi líli liyi ka omusunu na líli gba Moidje malila

(Tsia bhú Mat. 23:1-36; di ne bhú Luk. 20:45-47.)

³⁸ Yesu adu apa pi okpála bhú nasuno gba e me: †Yi líli liyi ka omusunu na líli gba Moidje malila. Padhá de, anga ngauo-o, u kunda bha nadhuku ne ond-jandja yambu, di ne me u du nayi o maka ongámási li obili inde li okpála aperekebhe bhúla o li e-o. ³⁹ U kunda bha nadulu pi odabili na akalanu bhú oeti nadje líli gba Moidje, di ne pi odabili na akalanu bhú da oanokomia. ⁴⁰ U ngabha oehe gba oekosi na olisilisi. U ngayo Ebhe ngengele ngubula me okpála u o. Kaka-a, u asia mangimbo ane bhende gba okpála koko mane.»

Makiso gba oko bini na eele

(Tsia bhú Luk. 21:1-4.)

⁴¹ Yesu adu li bili li sanduku na makiso na 'ngbé 'ti Ebhe-e adu nadu li e, ne li pápá na abhúbhúla. Yesu adu atsia maka li okpála adu na'o makiso lie bhúbhú-o. Kambi obhulu tia adu na'o tia

† 12:30 12:30 Tsia bhú Det. 6:4-5.

† 12:31 12:31 Tsia bhú Lev. 19:18.

† 12:36 12:36 Tsia bhú Ets. 110:1.

bhelé. ⁴² Engú bini, òkò bini na òelò, bhùlu ndibhìli ago. Aní aha bha nae djedje lí falanga bhisi padhá má kpikìli! ⁴³ Abhomu-o, Yesu a'ì omùkpata gba e-o. Aní atsia apa pí uo me: «Ma apa pí yi na paká me, òkò na òelò inde naae ne bhùlu ndibhìli inde-e, aha makiso ane ndu okpála inde a'ò makiso bhù sanduku inde-e hana. ⁴⁴ Padhá de, anga ndu okoko hana, u aha tia bhende u nde ne gumu e ade ko. Engú bini, ngaani, bhù ndibhìli gba e, aní aha ndu bhende adu ka e, inde aní adu akobho lí e hana-o.»

13

Yesu apa me 'ngbé 'ti Ebhe gba omaYuda atúko kuto

(Tsia bhù Mat. 24:1-2; di ne bhù Luk. 21:5-6.)

¹ Nedhinga lí Yesu adu akoto lie bhù 'ngbé 'ti Ebhe gba omaYuda-a, saka omùkpata gba aní bini atsia apa pí aní me: «Musuno, tsitsia nga! Ae mangua babadha ka oteme dho! Ae mangua babadha ka oeti dho!» ² Yesu atsia agie pí aní me: «Mo ou ongbengbe 'ti inde ayiki lie inde-e au? Oteme bhomu-o, susuka bini tìgala pí kílí e de. Ndundu hana atúko kuto.»

Engú inde akólo kala sokpí-o

(Tsia bhù Mat. 24:3-14; di ne bhù Luk. 21:7-19.)

³ Lí Yesu adu lie pí eta na ondula na Olive bhùla 'ngbé 'ti Ebhe gba omaYuda-a, Piele, Djakí, Djaa ne Andílí adu ne aní títí o. U atsia ayi aní me: ⁴ «Pa nga pí ya me engú ang-o akólo nadho? Ehe inde asúno la di me ndu 'ngú hana adji andjia adú ní?»

⁵ Abhomu-o, Yesu aholo napa pí uo me: «E-e! Kpála bini apíte yi de!» ⁶ Okpála bhelé agó amene engú ne 'lí ma ne napa me: «Ma ne Masiya!» U tsia píte okpála bhelé. ⁷ Nedhinga yi adjé ngali na oegú dí ne dhukudhuku na oegú lie, yi adjé tsulu de, anga a ayo me oengú ang-o kolo. Engú bini, adú nga bhomu-o sokpí-e de. ⁸ Padhá de, anga okpála na kuti bini atí 'gú lí okpála na kuti koko. Ngámá na kuti bini atí 'gú lí ngámá na kuti koko. Oadjigidjo na ngbengbengbe adyiki doto lí obíli ngangá. Ehe nazu mazú dú ka okpála belegu de bini. A adú maka lí bhù 'bu òlò azuzu lie kala nazu ka e-o.

⁹ 'E-e! Yi lila liyi malila. Padhá de, anga okpála agbé yi bhù ngbanga kala ongámási, di ne abhù oeti nadje líli gba Moidje . U abhí yi, u apándja yi kala okpála natsia 'kpí lí ndu doto dí ne kala ongbengbe ongámási ngubula ma, amba yi kpokpo 'ngú gba ma kala uo. ¹⁰ Padhá

de, anga a ayo ngaiza me u kpokpo Bádha Ngali pí ndu opiga hana. ¹¹ Lí nedhinga u anú ne yi lie kala ongámási ngú nakodho 'ngú gba yi-e, bua yi agúkú de me ní apá pí-ie de. Engú bini, engú inde akóto bhù 'bhe yi lí nedhinga bhomu-o, yi de pa bha e. Padhá de, anga engú yi apá e yíe ka yi de. Engú bini, ayíe ka Bu Bhubua .

¹² Kpála apú ndai e na bhobhoko me u bhelò aní. 'Dyi ndílí améne bhadi moko lí pabíli gba ndílí gba e. Lí ongísi kólo obhulu yala gba odyi o, u tsia pú uo me u bhíli uo. ¹³ Ndu okpála hana ayála yi kabula 'ngú gba ma. Engú bini, kpála bhende alú kpekpeke akólo lí soso-o, akóbho ngae.»

Likabhu na ngbéngbé inde akólo kala sokpí-o

(Tsia bhù Mat. 24:15-28; di ne bhù Luk. 21:20-24.)

¹⁴ «Yi aú kpála inde u a'í e me <Siti bhulu nabhelò kuti-e?> adu lí bíli inde i tí de me aní du lie de-o. (A ayo me kpála atángá bhuku inde-e, kò mbolimboli ndjindji!) Abhomu-o, obhende adú abhù Yudaya-a, a ayo me u kpe apí oeta. ¹⁵ Kpála inde adú apí 'ngbu 'ti-e, a ayo de me aní kò ngú nanu abhù 'ti gba e naha 'he bini-e de. ¹⁶ Kpála bhende adú abhiye-e, a ayo de me aní gie lie naha bongu gba e de. ¹⁷ Lí 'kpí ang-o, a adú likabhu na ngbéngbé pí olísi na 'bhí dí ne obhende lí ongísi adu andji 'ka o-o! ¹⁸ Yi yo Ebhe ngubula me engú ang-o akólo lí nedhinga na zini de.

¹⁹ Padhá de, anga oekpí ang-o adú oekpí na likabhu u u nga ngua e de, nayie maka lí Ebhe abho doto lie nakolo pí mbia inde. La di-e, u ú matá ngungua de. ²⁰ I dú me Ngámá gbótòlò oekpí ang-o de-e, kpála bini de tí da nadu bhù mukobho de. Engú bini, aní agbótòlò oekpí ang-o ka okpála bhende aní alo o ko. ²¹ I dú me kpála bini nde apa pí yi me: «Yi tsitsia, Masiya sií!», i du di-e me: «Yi tsitsia, aní abhe!», yi azíba kpála ang-o de. ²² Padhá de, anga omasiya na eu dí ne opolofeta na eu agó mago. U améne ongú na ngangamba di ne okiaka 'ngú ngú napite okpála. Lí angu uo kolo-o, u apíte belegu okpála lí Ebhe alo o-o. ²³ La-a, ngayie, yi tsia 'kpí liyi ndjindji, anga ma agbele 'dje yi lí ndu 'ngú hana kalanu.»

Nago gba Ndílí gba kpála

(Tsia bhù Mat. 24:29-31; di ne bhù Luk. 21:25-28.)

²⁴ «Engú bini, lí oekpí ang-o, píta líkabhú bhomu-o, lí ela kólo bití, epe sú matá-a de,

† 13:14 13:14 Tsia bhù Dan. 9:27, 11:31, 12:11. † 13:25 13:24-25 Tsia bhù Isa. 13:10, 34:4; ne bhù Edj. 32:7; di ne bhù Djl. 2:10, 3:4.

²⁵ oikupala ahólo nabala kuto, oangu inde abhúlá adyíki má djigi djigi![†]

²⁶ Abhomu-o, u ú Ndili gba kpála nago bhú ndindi, ne ndu angu di ne ndu sangu gba e hana.[†] ²⁷ Aní atíma oandjelu lí odje bilí badha hana ngú napo bhúla obhende aní alo o-o, abana u dá bha su-oie.»

Gbitaku pindji ndula na figi

(Tsia bhú Mat. 24:32-35; di ne bhú Luk. 21:29-33.)

²⁸ «Yí kò mboli nasuno inde lí ndula na figi asuno e-o. Í dú me yí nde au me oyáyá anghèngbèlè-o, di me okpákpá-a nde akè-o, yí de mbíla me gbokokpí íbilí masikpe. ²⁹ A bhadi moko. Ngayi dí-e, nedhinga yí aú engú bhomu-o ngakolo lie, yí mbíla me nago gba Ndili gba kpála akolo masikpe. Aní lí obhèbhoti gba yí-o. ³⁰ Ma apa pí yí na paká me, nedhinga na engú ang-o akólo makolo, me ndu okpála inde-e nde ndjia nga ndu o hana de. ³¹ Ekpí ne doto andjia mandjia. Engú bini, oeli gba ma-a adú duduma ne duduma.»

Yí lila liyi

(Tsia bhú Mat. 24:36-44.)

³² «Engú bini, ekpí di ne nedhinga lí ongú bhomu-o akólo lie, kpála bini mbíla de, belegu de oandjelu abhúlá, belegu de Ndili-o. Ambíla bha ne 'Dyí ma kpi e kpi. ³³ 'E-e! Yí alá-a de, anga yí mbíla nedhinga lí engú ang-o agó lie de! ³⁴ A adú maka kpála bini inde adji enú: aní a'o ká eti gba e pí obhulá kulu gba e me u dú atsia 'kpí tété. Aní aha kulu namene mamene pí kpála bini ne bini. Aní aha lílí pí mulíla me aní alá-a de. ³⁵ Kaka-a, yí alá-a de, anga yí mbíla nedhinga lí bhulu eti-e agié lie lie de! Nedhinga koko adú tagolo, koko adú tutu sukpe, koko adú bhú 'gbá 'ngu na bini, koko adú kèkpí. ³⁶ Aní koto la dí-e má gbilíkítí-e, a ayo de me aní bhaka yí tila-a de! ³⁷ Engú inde ma ngapa e pí yí-e, ma ngapapa pí ndu okpála hana me: <Yí alá-a de!>»

14

Ongámási gba omaYuda agíli nabhèlè Yesu

(Tsia bhú Mat. 26:1-5; ne bhú Luk. 22:1-2; di ne bhú Dja. 11:45-53.)

¹ A adú nani 'kpí bhisi kala anokomia na Pasika , ne kala anokomia nazu mapa inde lí levile nde bhú e ade-o . Ongbengbe odimandè di ne omusuno na lílí gba Moidje adu agíli me o hóló Yesu bhú pepe lele pí, amba o bhèlè aní-e. ² U adú apa me: «A ayo de me ní holo aní bhú nedhinga na

anokomia de, anga ní mene mo-o, lí okpála gbé tolo.»

Èlè bini atuko mungotsi pí 'ndji Yesu

³ Yesu adú bhú kúti na Betania bhú 'ti gba Simo, bhulá kába-o. Nedhinga u adú lie nazú 'he-e, èlè bini ago ne gíli inde u amene e lí alabatele.* A adú bhúbhú ne tiki mungotsi na nalade.[†] A adú la dí bhú kpéke mase. Aní agumu gíli na alabatele-o, aní atsia atuko mungotsi ang-o pí 'ndji Yesu. ⁴ Okpála koko a adú apa sunda o ne ke bua me: «Mungotsi inde-e ngasiti lie me-e ka ní? ⁵ U tí nako da natsitsindji ngú lí denalio ane kámá bata mane. U tsia há tia ang-o pí obhulá ndibhíli!» U atsia adú ake 'ngú lío pí èlè ang-o.

⁶ Engú bini, Yesu apa me: «Yí 'o aní. Yí ngato mbolo lí aní ngú ní? Aní amene muma bhomu-o bádha 'ngú. ⁷ Padhá de, anga ngayi-e, yí ngadu ne obhulá ndibhíli ndu 'kpí hana de yí. Nedhinga yí kunda lie, yí tí da namene bádha 'ngú pí uo. Engú bini, ngama-a, ní ne yí ndu 'kpí hana ade. ⁸ Bhende aní atí nako da namene e, aní amene: aní apulu mungotsi lí kúte ma kalaná ngú nazi ma ko. ⁹ Ma apa pí yí na paká me, ndu bilí hana inde u akpokpo Bádha Ngali lie píla doto libhomu-o, u akpokpo dí engú aní amene e, lí okpála dú dí abhundja aní.»

Yuda Isikalíote agíli kpadji napu Yesu

(Tsia bhú Mat. 26:6-13; di ne bhú Luk. 12:1-8.)

¹⁰ Abhomu-o, Yuda Isikalíote, saka omakpata ndjikpa ne ká bhisi-e anu agha ongbengbe odimandè ngú napu Yesu pí uo. ¹¹ U adje engú bhomu-o lie, u akpi ndjili naali. U atsia apa me o há pí aní tia. Abhomu-o, Yuda atsia adú agíli bádha nedhinga ngubula napu Yesu pí uo.

Omukpata gba Yesu anu naleke da anokomia na Pasika

(Tsia bhú Mat. 26:17-25; ne bhú Luk. 22:7-14; di ne bhú Dja. 13:21-30.)

¹² Ekpí na bini na anokomia nazú mapa inde lí levile nde bhú e ade-e, ekpí u adú abhèlè kandèlè lie ngubula Pasika-a, omakpata gba Yesu ayi aní me: «Mo okunda me ya nu leke da nazú Pasika pí mu su?» ¹³ Abhomu-o, aní atima omakpata bhisi bhú ká omakpata gba e-o. Aní atsia apa pí uo me: «Yí nu bhú gudhu, yí aké liyi ne bhoko bini inde abí lusa 'ngu, yí kpata aní. ¹⁴ Bilí inde aní alí lí e-e, yí de pa pí bhubhulá-o me: «Musuno apa me: tina 'ti inde mo oleke e muma ne omakpata gba ma ngú nazú Pasika tété-e

[†] 13:26 13:26 Tsia bhú Dan. 7:13.

* 14:3 14:3 Alabatele: A ko teme na mase naali inde u abhobho oehe maka gíli lí e ko. [†] 14:3 14:3 Nalade: A ko mungotsi inde u amene e lí 'kpá ulu. Tsia bhú Mat. 26:7.

ngae dho?»¹⁵ Abhomu-o, ani asúno tina 'ti inde abhúlá-a pi yi. A ngbéngbé, u aleke ndjindji, ndu 'he hana bhúbhú bedhe. A bhomu-o bili inde yi aléke da anokomia pi ní li e ko.»

¹⁶ Omukpata-a agbida. U anu abhú gudhu. U atsia abhaka ndu 'ngú hana maka li Yesu apa pi uo lie ko. Abhomu-o, u atsia alu ezu na Pasika-o.

Yesu apa me suka omukpata bini apú ni

¹⁷ A akolo lie tagolo-o, Yesu ne omukpata gba e ndjikpa ne ká bhisi-e akolo. ¹⁸ Nedhinga u adulu lie pí misa me u nde ngazu 'he-e, Yesu atsia apa me: «Ma apa pi yi na paká me, suka yi bini, inde ngazu 'he ne ma-a, apú ma.» ¹⁹ Omukpata-a abedhe ne babuma li bua o bedhe. U atsia aholo nayi ani bini ne bini me: «A adú ma?» ²⁰ Ani apa pi uo me: «A ko suka yi omukpata ndjikpa ne ká bhisi-o, bhende i ngato 'kpa e ne ma bhú saani-o. ²¹ Ndili gba kpála akpi bha na paká maka u aye lie bhú Bhuku gba Ebhe li 'ngú gba ani-o. Engú bini, a ko likabhu pi kpála inde apú Ndili gba kpála-o. A belegu nako pi kpála ang-o ndjindji me u azú ani de!»

Yesu aha mapa ne vino pi obhulu titima gba e-o

(Tsia bhú Mat. 26:26-30; ne bhú Luk. 22:14-20; di ne bhú 1 Kol. 11:23-25.)

²² Nedhinga u adu azu 'he lie, Yesu aha mapa-o. Pipita-a, ani agie heni pi Ebhe. Ani atsia agumu bhusu bhusu, ani atsia aha pi uo. Do ani de-e: «Yi haha, a inde-e kate ma.» ²³ Pipita-a, ani aha kópo-o, pita ani agie heni lie pi Ebhe-e, ani atsia aha pi uo. U atsia andji ndu o hana. ²⁴ Ani atsia apa pi uo me: «A inde-e ngute ma, ngute na gandja inde atuko lie pi bhiti okpála-o. ²⁵ Ma apa pi yi na paká me, ma andji matá galikpe lí ndula na vino belegu de bini, akólo lí 'kpi inde ma andji matá lie ne toto bhú Nau gba Ebhe-o .»

²⁶ Pita u ali 'tsi' lie, u aze ngú nanu pí 'ta na ondula na Olive.

Yesu apa me Piele ayála ni

(Tsia bhú Mat. 26:31-35; ne bhú Luk. 22:31-34; di ne bhú Dja. 13:36-38.)

²⁷ Abhomu-o, Yesu apa pi uo me: «Ndu yi hana, yi a'ó ká ma, anga u aye bhú Bhuku gba Ebhe-e me:

«Ma asú mullila gba okandelo-o,

li ongisi kandelo-o gbóngbolo ne bili ngangá.»[†]

²⁸ Engú bini, ma azúku lie, ma anú adjeke yi abhú Galilaya.»[†] ²⁹ Piele atsia apa pi ani

me: «Belegu li ndu okpála hana 'o ká mu-o, ngama de!»³⁰ Yesu atsia apa pi ani me: «Ma apa pi mu na paká me, ngamu-o, sukpe na naki inde-e, kala me engu ku 'gbá bhatsibhatsi bhisi-e, mo opá bhatsibhatsi bata me ni mbila ma de.»³¹ Engú bini, Piele atsia apa matá ne kekele me: «Abana i yo bha me ma kpi bhú dabili bini ne mu-o, ma atsé mu de!» Abhomu-o, ndu uo hana atsia apa bhadi moko.

Yesu ayo Ebhe bhú Getesemani

(Tsia bhú Mat. 26:36-46; di ne bhú Luk. 22:39-46.)

³² Pipita-a, Yesu ne omukpata gba e akolo li bili inde u a'i e me Getesemani. Ani atsia apa pi uo me: «Yi dudu kuto si, nedhinga inde ma adú lie nayo Ebhe ko.»

³³ Ani anu bhú dabili bini ne Piele, Djaki ne Dja . Abhomu-o, tsulu aholo ani, ani aholo azu likabhu li bua e. ³⁴ Ani atsia apa pi uo me: «Bua ma abedhe ne likabhu bedhe ka ma adji akpi lie-o. Yi tigala si, yi alá-a de!»

³⁵ Pipita-a, ani anu mbo tsutsu bedi. Ani atsia agu 'i e bhú doto. Ani atsia adu ayo Ebhe ngubula e me i du me a nde alé male-e, nedhinga bhomu-o de kodho 'kpi de ni tsutsu. ³⁶ Ani adu apa me: «Aba, 'Dyi ma, kpéke da 'ngú pi mu ade. 'E kópo na likabhu inde-e de ma ma'e! Engú bini, mo oméne maka ma akunda lie de, mene mango maka mo okunda lie ko!»

³⁷ Yesu agie lie, ani abhaka omukpata gba e bata me u nde tila. Do ani pi Piele de-e: «Simo, mu ngala-a? Mu sia angu ngú nadu ndila belegu de ngubula saa bini?»³⁸ Yi alá-a de, yi yo Ebhe, amba yi alí bhú nale de. Bua kpála dudu bedhe ne angu, engú bini, kute ani bhuhuku.»

³⁹ Pipita-a, Yesu atuto matá lie mbo tsutsu masudha. Ani atsia ayo Ebhe ne oeli bini bhomu. ⁴⁰ Abhomu-o, ani ago matá, ani abhaka uo tila, anga djila uo adu me a nde ali tili ne ela má yikpokpo! U tsia du nambila de me o opá pi ani pi-ie de. ⁴¹ Bhatsibhatsi na bata, ani ago. Ani apa pi uo me: «Yi nga bha ngala di ne nago? A andjia, nedhinga akolo. Yi tsitsia nga, u apú Ndili gba kpála mbia inde-e pi obhulu siti 'ngú. ⁴² Yi yie bhúlá, ní nunu! Yi tsitsia nga, kpála inde i ngapu ma-a, akolo!»

U aholo Yesu

(Tsia bhú Mat. 26:47-56; ne bhú Luk. 22:47-53; di ne bhú Dja. 18:3-12.)

⁴³ Bha li nedhinga li Yesu adu ngabha lie agama 'ngú-o, Yuda, suka obhulu titima ndjikpa ne ká bhisi-e, akoto li uo bhú dabili

† **14:26** 14:26 Etsi: Etsi inde si-e, a ko bhende bhú bhuku na Etsi gba omaYuda ko. OmaYuda du nani alili li 'so anokomia na Pasika. Tsia bhú Mat. 26:30. † **14:27** 14:27 Tsia bhú Djkl. 13:7. † **14:36** 14:36 Kópo na likabhu: Bhú eli na giliki-e, u aye bha me kópo.

bini ne okpála inde adu sa 'kpa o ne tia 'gú: ombotia ne ondula. U ago me a nde atima uo ne ongbengbe odimandé, ne omusuno na líli gba Moidje di ne obhelesi okpála. ⁴⁴ Yuda, kpála inde apú Yesu-o, adje lie ne uo me: «Kpála inde ma anvú pabhé e, a ko ani! Yi holo aní, amba yi nù ne aní ne nalila aní ndjindji.» ⁴⁵ Nedhinga li aní akolo lie, aní atuto lie de Yesu. Aní atsia apa pi aní me: «Labi!» Aní atsia anvú pabhé aní. ⁴⁶ Okpála bhe koko abu 'kpa o li aní, u atsia aholo aní.

⁴⁷ Suka okpála inde adu oo agbe mbotia gba e-o. Aní asú kpála na kulu gba bhele kpála gba odimandé-o, aní atsia akodho 'dje aní má tse! ⁴⁸ Abhomu-o, Yesu atsia apa pi uo me: «Yi ago ngú ma ne ombotia di ne ondula mugito me ma ne bhúlu 'zi! ⁴⁹ Ma du nako ndu 'kpí hana bhú ká yi bhú 'ngbé 'ti Ebhe gba omaYuda ngú nasuno, yi tsia holo ma de. Engú bini, a ko ngubula me engú inde u aye e bhú Bhuku-o mene lie.» ⁵⁰ Abhomu-o, ndu omakpata hana a'o ká aní. U atsia akpekpe. ⁵¹ Makombi bini adu akpata Yesu me aní nde abuku kute e bha ne mbúlá daladeli. U aholo aní. ⁵² Engú bini, ngaani-e, aní abala 'kpa li daladeli-o, aní atsia ayiki lie ne holo ndumbu.

U anu ne Yesu kala Libi okpála natsia 'kpí li 'ngú gba omaYuda

(Tsia bhú Mat. 26:57-68; ne bhú Luk. 22:54-55, 63-71; di ne bhú Dja. 18:13-14, 19-24.)

⁵³ Abhomu-o, u anu ne Yesu kala bhele kpála gba odimandé-o. U atsia apo bhúla o ndu o hana: ongbengbe odimandé, obhelesi okpála di ne omusuno na líli gba Moidje. ⁵⁴ Piele adu akpata Yesu mbo tsutsu. Aní atsia akolo bhú mbadhasu gba bhele kpála gba odimandé-o. Aní adu kuto, aní atsia adu atu djua bhú dabili bini ne omulila.

⁵⁵ La-a, ongbengbe odimandé bhú dabili bini ne Libi okpála natsia 'kpí li 'ngú gba omaYuda adu naao agili kpála inde agó apa 'ngú li kute Yesu sisiti, amba o kodho 'ngú gba aní-e me aní kpí. Engú bini, u u de. ⁵⁶ Okpála bhelé adu apa 'ngú li Yesu ne eu. Engú bini, ongu u adu apa e, a go li kpadji bini de. ⁵⁷ Okpála bini bini adu ayie bhúla ne napa 'ngú li aní ne eu me: ⁵⁸ «Ya adje aní me aní nde ngapa me: 'Ngama-a, ma abhéle 'ti Ebhe inde li okpála amene e inde. Pita 'kpí bata, ma tsia yiki koko inde li 'kpa kpála mene e de.» ⁵⁹ Engú bini, abana u adu apa lie mo-o, u du adje lio bhú nakpokpo 'ngú ango-o de.

⁶⁰ Abhomu-o, bhele kpála gba odimandé-o ayie bhúla bhú ká okpála-o. Aní atsia

ayi Yesu me: «Mú gie 'ngú li kute engú u ngakpokpo e li mu-o di?» ⁶¹ Engú bini, ngaani-e, aní andjili bha má bulu, aní gie engú bini de! Bhele kpála gba odimandé-o atsia ayi matá aní me: «Mú ne Masiya, Ndili gba Ebhe inde li okpála ngadhégo e?» ⁶² Yesu agie me: «A moko, ma ne aní. Yi aú Ndili gba kpála adu li pápá na kokpa gba Anghamili me aní nde ngago ne ndindi na abhúla.»

⁶³ Abhomu-o, bhele kpála gba odimandé-o asidha bongo gba e. Aní atsia apa me: «Ní matá ne gamu okpála koko ngú nakpokpo 'ngú gba ní-e ade! ⁶⁴ Yi adje maka aní asobho Ebhe lie adje. Yi apa tété pi?» Abhomu-o, ndu uo hana akodho 'ngú gba aní-e me aní ati ne nakpi. ⁶⁵ Bini bini bhú ká uo aholo aku ngusu li aní. U atsia adu di abuku bhúla aní, asu aní ne napa pi aní me: «Pa pi ya me asu mu da!» Omulila-a aha aní, u atsia aholo di nasu aní.

Piele apa me ni mbila Yesu de

(Tsia bhú Mat. 26:69-75; ne bhú Luk. 22:56-62; di ne bhú Dja. 18:15-18, 25-27.)

⁶⁶ Nedhinga li Piele adu nga bha lie tu mbadhasu-o, suka okpála na kulu bini na eole gba bhele kpála gba odimandé ago. ⁶⁷ Aní au Piele lie ngatu djua-a, aní atsia aní má suu! Aní atsia apa pi aní me: «Ngamu di-e, mo odu nako bhú dabili bini ne Yesu, kpála na Nadjaleta-o!» ⁶⁸ Engú bini, Piele ayaya. Aní atsia apa me: «Ma mbila de. Ma kò di mboli engú mu ngakunda napa e de.» Abhomu-o, aní akoto kilidjo bhú mbaladja. [Pipita-a, engu atsia aku 'gbá.]

⁶⁹ Engú bini, kpála na kulu na eole ango-o au aní. Aní atsia apa matá bhú djila okpála inde adu oo me: «Kpála inde aoo, a ko di suka uo!» ⁷⁰ La-a, Piele ayaya matá. Pita nedhinga masudha, okpála inde adulu oo apa matá pi Piele me: «A ko paká, mu ne suka uo, anga ngamu di-e mu ne kpála na Galilaya.» ⁷¹ Engú bini ngaani-e, aní aholo natu silika ne nasima me: «Ma mbila kpála inde yi ngapa 'ngú gba e muma bhomu-o de!» ⁷² Má gala kolo me-e, engu atsia aku 'gbá bhutsibhutsi na bhisi. Abhomu-o, Piele ahundja engú inde li Yesu apa igini e pi aní me: «Kala me engu ku 'gbá bhutsibhutsi bhisi-e, mo opá bhutsibhutsi bata me ni mbila ma de.» Aní atsia akoto ne holo ne naku 'gbá.

15

U anu ne Yesu kala Pilato

(Tsia bhú Mat. 27:1-2, 11-14; ne bhú Luk. 23:1-5; di ne bhú Dja. 18:28-38.)

† 14:62 14:62 Tsia bhú Ets. 110:1; di ne bhú Dan. 7:13.

¹ Kòkpí má bhè, ongbengbe odimandè gba Ebhe-e apo bhúla o bhú bula. U adu bhú dabili bini ne obhelesi okpála, ne omusuno na líli gba Moidje, la di ne Libi okpála natsia 'kpí li 'ngú gba omaYuda libhomu. U agbite Yesu ne ekpu, u anu ne ani, u atsia aha ani pi Pilatè. ² Pilatè ayi ani me: «Mú ne 'ngbé ngámá gba omaYuda?» Yesu agie pi ani me: «Mú ngapapa ngamú.» ³ Ongbengbe odimandè adu apa osisiti 'ngú bhelé li kute ani. ⁴ Abhomu-o, Pilatè atsia ayi matá ani me: «Ndu 'ngú inde u ngapa e li kute mú inde-e, mú gie 'ngú tété bini di?» ⁵ Engú bini, Yesu gie 'ngú tété belegu de bini. Kaka-a, Pilatè angamba naali.

U akodho 'ngú gba Yesu me ani kpi bha makpi

(Tsia bhú Mat. 27:15-26; ne bhú Luk. 23:13-25; di ne bhú Dja. 18:39 - 19:16.)

⁶ Bhú ndu anokomia na Pasika hana, a ayo me Pilatè tse 'kpa li kpála bini inde u aholo e bhú tikpu-o pi omaYuda. A ayo me a adu bhende li okpála ayó me Pilatè tse 'kpa li e ko. ⁷ A abhaka me kpála bini inde u a'i e me Balabasi nde bhú tikpu. A adu me u nde aholo ani bhú dabili bini ne okpála na kpekpeke 'ndji me u nde abhelé kpála bini bhú nedhinga u agbe kpéke 'ndji lie-o. ⁸ Abhomu-o, bhiti okpála anu abhaka Pilatè, u atsia aholo nayo me Pilatè mene pi o maka ani amemene lie gemè gemè-o.

⁹ Pilatè agie pi uo me: «Yi akunda me ma tse 'kpa li 'ngbé ngámá gba omaYuda pi yi?» ¹⁰ Pádhá de, anga ani adu ambila ndjindji me ongbengbe odimandè apu Yesu, anga okpála adu ne mukanda naali pi Yesu. ¹¹ Abhomu-o, ongbengbe odimandè atsia ato bhú okpála bhelé me u yo me Pilatè tse mangbo 'kpa li Balabasi. ¹² Pilatè atsia ayi bha matá uo me: «A ayo la me ma mene ngú kpála bhende yi nga'i e me 'ngbé ngámá gba omaYuda-a pi?» ¹³ Okpála bhomu-o atsia agie ne nasusula me: «Gi ani li kulusi!» ¹⁴ Pilatè atsia adu ayi uo me: «Ani amene la mangua siti 'ngú dho?» U asusula matá kpekpeke naali ne na'e'e 'li o ne abhúla me: «Gi ani li kulusi!» ¹⁵ Abhomu-o, Pilatè atse 'kpa li Balabasi pi uo, amba ni atsógbolo bua uo de. Ani aha líli me u bhí Yesu ne fimbo, pipita-a, ani atsia aha ani pi uo me u gi ani li kulusi gígí.

Osudha amú Yesu

(Tsia bhú Mat. 27:27-31; di ne bhú Dja. 19:2-3.)

¹⁶ Abhomu-o, osudha aha Yesu, u atsia anu ne ani tu mbadhasu gba Pilatè. U a'i

ndu osudha koko hana. ¹⁷ U ato bongo na zúmbe zúmbe li kute ani, u atsia agala ehe na eti má kilili, u aha-a, a ato bhú 'ndji ani. ¹⁸ U atsia aholo nayi ani me: «'Ngbé ngámá gba omaYuda, atou!» ¹⁹ U adu abhi 'ndji ani ne mbamba, u atsia adu aku ngusu li kute ani. U atutu lipuku o kuto, u atsia adu ati kala ani. ²⁰ Pita u amú ani lie má tsiki tsiki-e, u agbe bongo na zúmbe zúmbe-e li kute ani, u atsia agie obongo gba ani-e pi ani. Pipita-a, u atsia agbe ani kilidjo ngubula nagi ani li kulusi.

U agi Yesu li kulusi

(Tsia bhú Mat. 27:32-44; ne bhú Luk. 23:26-43; di ne bhú Dja. 19:17-27.)

²¹ Abhomu-o, osudha aholo kpála bini ne kpéke me ani bi kulusi gba Yesu-o. A adu 'li kpála ango-o me Simo, a adu 'dyi Alekidjandele ngauo ne Lufusi. A adu kpála na gadhu na Silene. U aholo ani me ani nde ngakodho 'kpí oo nedhinga ani adu agie lie lie abhiye-o. ²² U anu ne Yesu li bili inde u a'i e me Gologota, (a akunda napa me «bili na pelege 'ndji»). ²³ U adu akunda naha vino inde u akpètsè e ne mila pi ani. Engú bini, Yesu ndji de.

²⁴ U agi ani li kulusi. U agbogbo bhusu o li obongo gba ani-e me u nde agu ngaiza tété gbanda ngú nambila bhende a ayo me kpála bini ne bini sia e ko. ²⁵ U agi Yesu li kulusi bhú saa na odukpabini kala tulukpe. ²⁶ Balua inde u aye e ngú nasuno ta mangimbo gba ani-e aye nani lie me: «'NGBÉ NGÁMÁ GBA OMA YUDA.» ²⁷ U atsia agi la di bhú dabili bini ne ani-e, obhulu 'zi bhisi inde adu agbulu 'he gba okpála ne kpéke. Bini adu li kulusi gba e li pá 'kpa ani na kokpa. Koko atsia adu li kulusi gba e li pá 'kpa ani na gali. [²⁸ Abhomu-o, eli gba Ebhe inde aye lie bhú Bhuku gba ani-e me: «U ato 'li ani bhú ká okpála na sisiti-e†», atsia amene lie.]

²⁹ Okpála inde adu akodho 'kpí oo adu asosobho ani. U adu ako 'ndji o, u atsia adu apa me: «He-e! Ngamú, kpála inde abhóló 'ngbé 'ti Ebhe gba omaYuda, i tsia yiki sunda 'kpí bata-a, ³⁰ kobho limu ngamu makpe, amba mú yie li kulusi-e kò kuto.»

³¹ Ongbengbe odimandè gba Ebhe di ne omusuno na líli gba Moidje adu bhadi namu ani moko. U adu apa sunda o me: «Ani akobho okpála koko, ani ti da nakobho lie ngae makpe di!» ³² Mbia inde-e, a ayo me Masiya, 'ngbé ngámá gba omafsalaele yie li kulusi, ya u, amba ya bhuka.» Obhende u agi o ne li okulusi gba o dengeo ani-e adu bhadi namu ani moko.

† 15:28 15:28 Tsia bhú Isa. 53:12.

Yesu akpi

(*Tsia bhú Mat. 27:45-56; ne bhú Luk. 23:44-49; di ne bhú Dja. 19:28-30.*)

³³ Tulukpe-e, biti akè pí doto libhomu, nakolo pí saa na bata pita tulukpe. ³⁴ Abhomu-o, bhú saa na bata-a, Yesu asula kpekepe me: «Eloi, Eloi, lama sabakatani?» (A akúnda napa me, «Ebhe gba ma, Ebhe gba ma, mo o'o ká ma ka ni?»)[†] ³⁵ Bini bini bhú ká okpála inde adu oo adje ani lie, u atsia apa me: «Yi djedje, ani nga'i Eliya!» ³⁶ Suka kpála bini agu holo. Ani anu azi epondje bhú kpongadha pandi. Ani agbite li kute mbamba. Ani atsia aha pí ani me ani ndji ne napa pí obi e me: «Ayó nga! Ní tsia nga ne me Eliya agó ngú naké ani li kulusi-e kuto.» ³⁷ Engú bini, Yesu asula kpekepe. Ani atsia akpi.

³⁸ Abhomu-o, lido* inde adu agbo bhusu 'ngbé 'ti Ebhe-e asidha bhusu e bhisi má tsue nayie abhúlá, akolo akuto! ³⁹ Ngámá gba osudha kámá bini inde adu bhúla ani au lele maka ani akpi lie, ani atsia apa me: «Kpála inde-e bha ndju nako ne ndili gba Ebhe kakulá!»

⁴⁰ Olisi bini bini adu di oo. U adu atsia 'ngú bhomu-o mbo tsutsu. Bhú ká uo-o, a adu nani Malia , kpála na gudhu na Magadala, Malia , 'hi Djodje ngauo ne Djaki bhe na makombi makombi-o, a la di-e Salome. ⁴¹ Nedhinga li Yesu adu lie bhú Galilaya-a, olisi bhomu-o adu adhuku bhú dabili bini ne ani. U atsia adu di ateteke ani. Olisi koko bhelé inde ayie nani ne ani bhú Yelusalema adu di oo.

Djodjefu azi Yesu

(*Tsia bhú Mat. 27:57-61; ne bhú Luk. 23:50-56; di ne bhú Dja. 19:38-42.*)

⁴² A adu ibili tagolo. A abhaka la lie me a nde ekpi naleke lió ngú anokomia-a, a akúnda napa me ekpi kala ekpi naguo gba omaYuda-a , ⁴³ suka okpála na Libi okpála natsia 'kpi li 'ngú gba omaYuda ago. A adu 'li ani me Djodjefu , kpála na gudhu na Alimatayo. A adu kpála nakpe makpe. Ani adu di adjeke Nau gba Ebhe-o . Ani atsia asia kpeke bua ngú nali agba Pilaté ngú nanu ayo kuo Yesu. ⁴⁴ Pilaté angamba naali nadje me Yesu akpi kolo akpi-o. Abhomu-o, ani a'i ngámá gba osudha-o. Ani atsia ayi ani me ani akpi igini bhutode i-e. ⁴⁵ Pita nagie 'ngú tété ka ngámá gba osudha-a, Pilaté aziba pí Djodjefu naha kuo Yesu. ⁴⁶ Abhomu-o, Djodjefu akala daladeli inde u amene e li lene. Ani akè kuo Yesu li kulusi-e kuto. Ani atsia agagala ne daladeli bhomu. Ani

anu a'o bhú lata inde adu me u nde adje e bhú teme-o. Ani awawala 'ngbé teme li bhøbhe. ⁴⁷ Malia, kpála na gudhu na Magadala ngauo ne Malia, 'hi Djodje adu atsia bili u a'o ani li e-o.

16*Yesu azuku*

(*Tsia bhú Mat. 28:1-8; ne bhú Luk. 24:1-12; di ne bhú Dja. 20:1-20.*)

¹ Li ekpi naguo gba omaYuda akodho 'kpi lie, Malia , kpála na gudhu na Magadala, ne Malia , 'hi Djaki, bhú dabili bini ne Salome, akala emu inde bhú e ne mungotsi ngú nanu apulu kute kuo Yesu ne di. ² Abhomu-o, bhú 'kpi yinga kèkpi má bhé-o, nedhinga li ela adu akoto lie, u anu abhú lata. ³ U adu apa sunda o me: «A atumba teme inde li 'bhe lata-a pí ní da?» ⁴ Engú bini, u atsia 'kpi lie me-e, u au me teme bhomu-o atumba lie atumba. Abana a adu lie ngbéngbé.

⁵ U ali lie bhú lata-a, u au makombi bini ato 'ndjá yambu na bubu me ani nde adu li pápá na kokpa. U atsia adje tsulu naali. ⁶ Engú bini, makombi bhomu-o apa pí uo me: «Yi adjé tsulu de. Yi ngagili Yesu, kpála na Nadjaleta, inde u agi nako e li kulusi-o. Ani azuku. Ani sii ade. Yi tsia nga bili nako u a'o ani li e-o. ⁷ Yi nu pa mangbo pí omakpata gba ani di ne Piele me: «Ani akodho 'kpi pí yi bhú Galilaya kalanu. Yi aú ani oo maka ani apa nako pí yi lie ko.» ⁸ Abhomu-o, u aze bhú lata-a ne holo kilidjo, anga mabhundja gba uo angingi, kute uo atsia adu aguku. U tsia pa pí kpála de, anga u adu ne tsulu.

Yesu akoto li Malia, kpála na gudhu na Magadala

(*Tsia bhú Mat. 28:9-10; di ne bhú Dja. 20:11-18.*)

[⁹ Li Yesu azuku lie bhú 'kpi yinga kèkpi-e, ani akoto ngaiza li Malia, kpála na gudhu na Magadala, inde ani apandja nani osisiti bua mananika bhú e-o.* ¹⁰ Malia anu napapa pí okpála inde adu nani bhú dabili bini ne Yesu-o. U adu ne likabhu, u atsia adu di aku 'gbá. ¹¹ Engú bini, li okpála bhomu-o adje lie me ani uu, di ne me Malia au ani-e, u bhuka ani de.

Yesu akoto li omakpata bhisi

(*Tsia bhú Luk. 24:13-35.*)

¹² Pipita-a, Yesu asuno matá lie maka kpála koko pí omakpata bhisi inde adu li kpadji ngú nanu akuti-o. ¹³ Abhomu-o,

[†] 15:34 15:34 Tsia bhú Ets. 22:2. * 15:38 15:38 'Ngbé 'kpa bongo inde si-e, adu nani agbo bhusu tina 'ti na bubu-o, ne bhende na bubu naali bhú 'ngbé 'ti Ebhe gba omaYuda ko. Tsia bhú Eki. 26:31-33, ne bhú Luk. 23:45, di ne bhú Ebe. 6:19. * 16:9 16:9 Ongú nayie si akólo bhú 16:20, a bhú obhuku koko na didili-e ade.

obhobhomu-o ago apa pi okoko-o. Engú bini, okoko bhuka uo de.

Yesu asuno lie pi omakpata ndjikpa ne ká bini

(Tsia bhú Mat. 28:16-20; ne bhú Luk. 24:36-49; ne bhú Dja. 20:19-23; di ne bhú Kul. 1:6-8.)

¹⁴ Li soso-o, Yesu atsia asuno lie pi obhulú titima gba e ndjikpa ne ká bini-e me u nde ngazu 'he. Abhomu-o, aní atsia agbele 'dje uo ka ndi nabhuka di ne kpéke 'ndji gba uo-o. Padhá de, anga u bhuka nani okpála inde au aní me aní nde azuku-o de. ¹⁵ Abhomu-o, aní atsia apa pi uo me: «Yi nu pía doto libhomu nakpokpo Bádha Ngali pi ndu okpála hana. ¹⁶ Kpála inde abhúka-a, inde asía la di batisimo-o, aní kóbho. Kpála bhende i bhúka de-e, asía mangimbo. ¹⁷ A inde-e ongu inde adhúku bhú dabili bini ne obhende abhúka-o: u apándja osisiti bua bhú okpála ne 'li ma, u agáma 'ngú bhú odikongu na mbia. ¹⁸ U ahólo okpala ne 'kpa o. I du di me u nde andji elá na bhelè kpála-a, a améne 'he bini ngú uo de. U a'ó 'kpa o pi 'ndji okpála na kuo, li okpála na kuo ango-o kóbho.»

¹⁹ Pita napa ongu bhomu-o pi uo-o, Ebhe aha Ngámá Yesu abhúlá. Aní atsia adu kuto li pá 'kpa Ebhe na kokpa. ²⁰ Abhomu-o, omakpata-a atsia anu naao nakpokpo Bádha Ngali ne ndu bili hana. Ngámá adu ateteke uo bhú okulu bhomu-o hana. Ongamba 'ngú inde u adu amene e adu di asuno me nasuno inde u ngasuno e-e, a ko 'ngú na paká.]

**Bádha Ngali
gba Yesu Kilisito maka li
Luka
aye lie ko
Eli na kalanu**

Bádha Ngali gba Yesu Kilisito maka li Luka aye lie ngasuno Yesu maka Mukobho inde li Ebhe apa nani me ni aha e pi piga gba omaIsalaele la di ne pi ndu opiga na píla doto hana. Luka ngakpokpo me Bu Bhobua gba Ngámá-a a'i nani Yesu ngubula nakpokpo Bádha Ngali pi obhulu ndibhili (4:18). La, Bádha Ngali angoo abedhe ne ndjinga bhú e pi okpála inde bhú o ne omulopolo gba o hana. Engú na ndjili abhú bhuku gba Luka ngbéngbé ane la mane bhú oalo na kalanu inde ngakpokpo 'ngú nago gba Yesu. Engú na djali angoo ane matá mane bhú 'so 'kpí nedhinga na'u ka Yesu abhúla. A ko bha Luka bini inde akpokpo 'ngú bhú bhuku na Kulu gba obhulu titima gba Yesu pindji nabhele a la di-e nayangba ka nabhuka bhú Kilisito pita na'u ka Yesu abhúla-o.

Bhú Bádha Ngali inde-e, u ngagama 'ngú naali pindji mayo, ne pindji Bu Bhobua, ne pindji kulu gba olisi bhú kulu gba Yesu, di ne lele maka li Ebhe ngambu li sisisi 'ngú gba okpála lie-o.

Ongbengbe ongú inde bhú bhuku inde-e ngae inde:

Eli na kalanu 1:1-4

Nazu lie ne nadu bhú ndili lie gba Djaa bhulu nabatisa okpála di ne Yesu 1:5 - 2:52

Kulu gba Djaa bhulu nabatisa okpála 3:1-20

Batisimo di ne nale inde li Djabalú ale Yesu ne e-o 3:21 - 4:13

Kulu inde li Yesu amene e bhú ká okpála bhú Galilaya 4:14 - 9:50

Dhuku gba Yesu nayie bhú Galilaya ngú nanu abhú Yelusalema 9:51 - 19:27

Oekpi nasoso gba Yesu abhú Yelusalema 19:28 - 23:56

Nazuku gba Yesu, ne nakoto ka ani li okpála, a la di-e na'u ka ani abhúla-o 24:1-53

Lita 'ngú-o

¹ Ndaí ma na mukunda Tiofile, Okpála bhelé ale naye todú na ongú inde akodho 'kpí bhú ká ya-o. ² U aye ongú angoo maka li okpála inde au nayie li lilita-a, akpokpo pi ya lie ko. A ko okpála inde adu nakpokpo eli gba Ebhe-o. ³ Kaka-a, ngama di-e, pita nagili 'ngú tété má

bhotobhoto nayie li dudu-o, ma au ndjindji me, ma kpokpo kúkú pi mu li lelele, bhele kpála Tiofile, maka li ongú angoo akodho 'kpí lie ko. ⁴ Ma kpokpo kúkú pi mu, amba mu mbila kukulu 'ngú na ongú inde u asuno e pi mu ko.

Andjelu apa me u azú Djaa bhulu nabatisa okpála

⁵ Bhú nedhinga li Elode adu lie 'ngbé ngámá na ndu doto na Yudaya-a, dimandé bini gba Ebhe-e adu oo. A adu 'li ani me Djakalia, ani adu bhú libi odimandé gba Abia. A adu 'li wala ani me Alidjabheti, ani adu bhú piga gba 'ngbé dimandé Alona. ⁶ Ndu uo bhisi hana adu bhú djila Ebhe ngbingbili. U atsia adu amene ndu lili gba Ngámá Ebhe-e hana. ⁷ Engú bini, ndili du ka uo de, anga Alidjabheti adu ne izude. La di-e, u adu ndu o bhisi hana me u nde agbegbe.

⁸ Ekpi bini, Djakalia adu amene kulu na dimandé gba e kala Ebhe, anga adu ekpi na libi gba uo-o ngú namemene. ⁹ Maka li odimandé adu amemene lie, Djakalia atsia asia ngasa ngú nanu natsulu mungotsi pi Ebhe abhú 'ngbé 'ti gba Ngámá Ebhe, bhú titina na bubu-o. ¹⁰ Nedhinga ani adu atsutsulu lie, ndu okpála hana adu ayo Ebhe akilidjo.

¹¹ Abhomu-o, kolo má gala me-e, andjelu gba Ngámá Ebhe-e akoto li ani. Ani alu de bili natsulu mungotsi-e ne li pápá na kokpa. ¹² Li Djakalia au ani lie me-e, tsulu aholo amene ani, mabhundja gba ani-e atsia angbingi. ¹³ Engú bini, andjelu-o apa pi ani me: «Djakalia, mo odje tsulu de, anga Ebhe adje nayo gba mu-o adje. Wala mu Alidjabheti azú pi mu ndili na bhobhoko. Mo ogisila 'li ani me Djaa. ¹⁴ Mo odú ne djali naali, li okpála bhelé tsia kpi di djali ka nazu ani-o. ¹⁵ Ani adu 'ngbé kpála bhú djila Ebhe. Ani ndji vino de, ani ndji di pandi na kpekpeke de. Ani abedhe ne Bu Bhobua me ani nde nga bha bhú 'bu 'hi e. ¹⁶ Ani agie ongisi na Isalaele bhelé li pápá gba Ebhe, Ngámá gba o-o. ¹⁷ Ani adu amene kulu kala Ebhe bhú dabili bini ne bua di ne angu maka Polofeta Eliya. Ani aléke engú sunda odyi ongisi ne ongisi gba o-o. Ani adji mabhundja gba okpála na kpekpeke 'ndji, u tsia kólo ngbingbili,† ngubula naleke okpála inde bedhe pi Ebhe Ngámá.»

¹⁸ Abhomu-o, Djakalia ayi andjelu-o me: «Ma ambila la lele pi me a ko kukulu 'ngú-o? Padhá de, anga ma agbe, wala ma akolo la di ne kalanga bhelé.» ¹⁹ Andjelu-o atsia agie pi ani me: «Ngama-a, ma ne Gabiele, ndu 'kpí hana ma dudu de Ebhe. Ani atima ma me ma go kpokpo bádha ngali inde-e pi

† 1:17 1:17 Tsia bhú Mal. 3:23-24.

m̄. ²⁰ Engú bini, li m̄ bhuka engú ma apa e pi m̄-o lie de-e, kaka-a, 'bh̄e m̄ aní, m̄ t̄ da nagama 'ngú belegu de bini akólo li 'kpí li ongú angó-o améne lie lie ko. Engú inde améne lie na paká li nedhinga li Ebhe a'o e-o.»

²¹ Li nedhinga bhom̄-o, okpála adu adjeke Djakalia, u adu angamba ka aní adu abhue lie bhú 'tí Ebhe oo naali-o. ²² Aní akoto lie, aní ale nagama 'ngú pi uo pima. Abhom̄-o, u atsia ambila me oo, aní au engú na ngangamba gba Ebhe-e au. Aní adu asuno 'ngú pi uo ne 'kpa e, aní ti da nagagama ne 'bh̄e e de.

²³ Li nedhinga na kulu gba aní andjia lie, aní atsia agie lie agba e. ²⁴ Pita nedhinga bhom̄-o, wala aní Alidjabheti atsia abí 'bh̄i. Aní awo nga bha lie ngubula epe bhuluvue libhomu. Aní adu apa me: ²⁵ «Tsia nga engú inde li Ngámá Ebhe amene e m̄ma-o. Aní abhundja ma. Mbía inde-e, aní a'e ehe inde nako adu aha n̄m̄ m̄ma bhú ká djila okpála a'e.»

Andjelu akpo 'ngú pindji nazu Yesu

²⁶ Li ebhi gba Alidjabheti akolo lie ne epe madhia-a, Ebhe atima andjelu Gabriele bhú k̄t̄i bini na ndu doto na Galilaya, inde 'li e me Nadjaleta.* ²⁷ Aní atima aní gba tsangba bini inde adu adjeke naha lie ne bhoko bini. A adu 'li bhoko angó-o me Djodjefu , aní adu bhú piga gba 'ngbé ngámá Davidi. Tsangba angó-o, a adu 'li aní me Malia . ²⁸ Andjelu-o alí agba aní, aní atsia ayi aní me: «M̄ oo! Ngam̄ inde asia bádha bhú 'bu gba Ebhe-e , Ngámá Ebhe bhú dabilí bini ne m̄.» ²⁹ Malia angamba ka eli bhom̄-o naali. Aní adu ayi bua e me: «Ta nayi inde-e pi?» ³⁰ Abhom̄-o, andjelu-o atsia apa pi aní me: «Malia, mo odjé tsul̄e de, anga mo osia bádha bhú 'bu gba Ebhe-e asia. ³¹ Tsia nga, mo obí 'bh̄i, m̄ zú ndili na bhobhoko, m̄ tsia gísila 'li aní me Yesu. ³² Aní adú 'ngbé kpála, u tsia dú a'í aní me, Ndili gba Apí 'Kpí. Ebhe Ngámá a'ó me aní u maka ogbi e Davidi. ³³ Aní aú duduma ne duduma pí piga gba omatsalaele. Nau gba aní-e ndjia de.»

³⁴ Malia atsia ayi andjelu-o me: «Engú angó-o améne lie lele pi? Padhá de, anga ma kunda nga naama bhoko de!»

³⁵ Andjelu-o agie pi aní me: «Bu Bhobua agó pí m̄, li angu gba Ebhe Apí 'Kpí búku m̄ maka kulu zini. Kaka-a, ndili inde mo ozú e adú bubu, u atsia du a'í aní me, Ndili gba Ebhe. ³⁶ Tsia nga okala m̄ Alidjabheti dí ne ebhi. Aní azú ndili na bhobhoko, abana aní nde lie ne kalanga bhelé. Kpála nako u adu a'í e me izude-o. Mbía inde-e, ebhi gba aní-e ibili ne epe madhia, ³⁷ anga

kpéke da 'ngú pi Ebhe belegu ade bini.»

³⁸ Abhom̄-o, Malia atsia apa me: «Ma ne bali gba Ngámá. A ayo me ndu 'ngú mo opa e hana, a mene lie m̄ma moko.» Pipita-a, andjelu-o atsia atapa.

Malia anu natsia Alidjabheti

³⁹ Bha bhú oekpí bhom̄-o, Malia ayie, aní anu má gala bhú k̄t̄i bini na ndu doto na ndu ká eta na Yudaya. ⁴⁰ Aní akolo lie oo, aní alí bhú 'tí gba Djakalia, aní atsia ayi Alidjabheti. ⁴¹ Li Alidjabheti adje maka li Malia ayi aní lie me-e, ndili-e atsia atili bhú 'bu aní. Abhom̄-o, Alidjabheti atsia abedhe ne Bu Bhobua. ⁴² Aní atsia asula kpekpeke me: «Ebhe aha bisagu pi m̄ ane ndu olisi hana, bisagu gba aní-e dí pí ndili inde mo ozú e-o! ⁴³ Ma ne da me 'hi Ngámá gba ma-a go tsia ma-a? ⁴⁴ Tsia nga, li nedhinga inde ma adje maka mo oyi ma lie me-e, ndili inde bhú 'bu ma-a atili ne djali hana. ⁴⁵ A ko djali pi m̄, ngam̄ ēle inde abhuka! Padhá de, anga engú inde li Ebhe apa e pi m̄-o, améne lie mamene.»

Etsi gba Malia

⁴⁶ Abhom̄-o Malia atsia atoko Ebhe me: «Bua ma ngadh̄e Ngámá,

⁴⁷ bua ma abedhe ne djali pi Ebhe Mukobho gba ma-o,

⁴⁸ anga aní abhundja ma, bali gba e-e ko.

A moko, nayie pi mbia inde-e,

ndu opiga hana adú a'í ma me,

ma ne ēle inde asia bisagu ka Ebhe,

⁴⁹ anga Ebhe na Angu amene ongú na ngbengbengbe m̄ma.

A ko Ebhe na bubu,

⁵⁰ ndjinga gba aní-e ngadu duduma ne duduma pi okpála inde ngakpe aní ko.

⁵¹ Aní amene ngbengbe 'ngú ne angu gba e-o.

Aní atsambala okpála na 'ngbé bua.

Aní atsia amene me mabhundja gba uo-o kolo padhá.

⁵² Aní ak̄e ongbenge ongámási ne kuto, aní atsia a'e'e okpála na padhá ne abhúlá.

⁵³ Aní aha ehe bhelé pi obhende adu ne gum̄-o,

aní atsia agie obhul̄u tia ne 'kpa o padhá.

⁵⁴ Aní ateteke omatsalaele, obalise gba e-o.

Aní 'ili 'to e de li nasuno bádha 'ngú gba e ndu 'kpí hana,

⁵⁵ maka nani aní apa lie pi onguo ogbi ní Abalahama ne opiga gba e-o.»

⁵⁶ Malia asi ne Alidjabheti masakpe de epe bata. Pipita-a, aní atsia agie lie agba e.

* 1:26 1:26 Nadjaleta: Nayie bhú Yelusalema akólo bhú Nadjaleta-a, a ko kilometele kámá bini. Tsia bhú Luk. 1:19.

Alidjabheti azu Djaa

⁵⁷ Li nedhinga nazu ka Alidjabheti akolo lie, ani atsia azu ndili na bhobhoko. ⁵⁸ Li okpála inde asili kúti deno ani-e, di ne obhe na piga gba ani-e adje lie me, Ebhe adje bha ndjũ ndjinga ani-e, u atsia adu akpi djali bhú dabili bini ne ani.

⁵⁹ Pita poso bini-e, u ago ngú nato ndili-e bhú gandja. U adu akunda nagisila 'li 'dyi ani Djakalia. ⁶⁰ Abhomu-o, 'hi ani atsia apa me: «A mo-o ade, adú 'li ani me Djaa.»

⁶¹ U atsia apa pi ani me: «Bhú piga gba mu-o, kpála bini inde ne 'ili bhomu-o ade.»

⁶² Abhomu-o, u atsia amene 'kpa o pi 'dyi ani ngú nayi ani me ani akunda me u gisila 'li ndili-e pi. ⁶³ Djakalia amene 'kpa e pi uo me u go pi ní ne pála ndula, ani atsia aye pépé me: «A 'li ani me Djaa.» Ndu uo hana atsia angamba naali. ⁶⁴ Bha li nedhinga bhomu-o, 'bhø ani abhulu, ani aholo nagama 'ngú, di ne nadhøge Ebhe.

⁶⁵ Abhomu-o, ndu okpála hana inde asili kúti lingo uo-o, aholo adje tsulu. Ngali na engú angoo atsia aya bhú ndu doto na ndu ka eta na Yudaya libhomu. ⁶⁶ Ndu okpála hana inde adu adjedje-e, adu abhundja pépé, u atsia adu apa me: «Mbo! Ndili angoo, adú-e maka da?» Angu gba Ebhe-e adu bha ndjũ bhú dabili bini ne ani.

Djakalia akpokpo ngbengbe 'ngú gba Ebhe

⁶⁷ Djakalia, 'dyi ndili-e, abedhe ne Bu Bhobua. Abhomu-o, ani atsia aholo nakpokpo 'ngú maka polofeta me:

⁶⁸ «A ayo me, u dhøge Ebhe,
Ngámá gba omafsalaele-o,
anga ani abhundja okpála gba e,
ani atsia agbegbe uo bhú bali.

⁶⁹ Ani atima kpála na angu bini
bhú piga gba Davidi, bali gba e, ngú
nakobho ya.

⁷⁰ A bhomu-o engú inde ani apa nani e
didili bhú 'li obubu opolofeta gba e-o.

⁷¹ Ani apa nani me, ni akóbho ní sa 'kpa
ndu obhulu yala gba ní-e hana,
di ne obhende ngakunda amene ní
sisi-o.

⁷² Ani adje ndjinga onguo ogbi ní,
ani atsia abhundja di gandja na bubu
gba e-o.

⁷³ Silika nani inde ani atu e pi ogbi ní
Abalahama-a,
ani améne pi ní mamene.

⁷⁴ Pita nakobho ní sa 'kpa obhulu yala
ngubula me ní améne kulu pi ní ne
tsulu de,

⁷⁵ amba ní dhøge ní ne bua ní hana.
Ní du di bhú djila ní ngbingbili
ndu 'kpí hana bhú mukobho gba ní-o.

⁷⁶ Pi mu-o, ndika ma, u adú a'i mu me,
polofeta gba Apí 'Kpí,
anga mo onú kalanu
ngú naleke kpadji gba Ebhe-o.

⁷⁷ Mo osúno pi okpála gba ani-e me, ani a'é
siti 'ngú inde bhú uo-o ma'e,
ani tsia kóbho di uo.

⁷⁸ A ko anga Ebhe gba ní-e abedhe ne
ndjinga bedhe,
kaka-a, ani atíma zi 'kpí pí ní maka zi
'ndji 'la na køkpi.

⁷⁹ Ani asúno lie pi obhende bhú biti di ne
obhende ne tsulu kuo,
ngubula me ní dhuku li kpadji na guo
'ngú.»

⁸⁰ Ndili-e adu abhele, ani atsia adu asia
kpéke bua. Ani adu nadu bhú omili bili
akolo li 'kpí inde ani asuno lie lie mbámbá
pi omafsalaele ko.

2*Malia azu Yesu**(Tsia bhú Mat. 1:18-25.)*

¹ Li nedhinga bhomu-o, Agosite, 'ngbé
ngámá na Loma, aha líli me u ye 'li okpála
hana inde píla doto gba ní-o. ² Gina naye
'li okpála angoo amene lie me Kiliniusi
nde ne 'ngbé ngámá na Silia. ³ Ndu okpála
hana adu anu me u ye 'li o. Abhomu-o,
kpála ne kpála atsia anu bhú kúti u azu
ani bhú e ko.

⁴ Djodjefu ayie bhú kúti na Nadjaleta,
bhú ndu doto na Galilaya, ngú nanu bhú
ndu doto na Yudaya, bhú kúti inde u a'i e
me Beteleme. A ko bili inde u azu 'ngbé
ngámá Davidi lie-o, anga ngaani makpe,
ani du nani bhú piga gba Davidi ko. ⁵ Ani
anu oo me u ye 'li ní, bhú dabili bini ne
Malia, ølo inde ani adu adjeke naha e ko.
Ølo angoo adu ne ebhi. ⁶ U adu lie abhú
Beteleme-e, ekpi nazu ka ani atsia akolo.

⁷ Ani azu ndili na bhobhoko, gina ndili gba
e ko. Ani agagala ani ne bongo, ani atsia
aseke ani bhú ehe nazu 'he gba onu, anga
dabili du pi uo bhú 'ti gba ogomago-o de.

Andjelu akpokpo bádha ngali pi omulila gba okandelo

⁸ Bha bhú ndu doto bhomu-o, omulila
gba okandelo adu asili abhú 'gu ngú nalila
onu gba o-o. ⁹ Andjelu gba Ebhe-e akoto
li uo. Sangu gba Ebhe-e asa uo ngbalina
maka zi 'kpí. Abhomu-o, u atsia adje tsulu
naali. ¹⁰ Engú bini, andjelu-o apa pi uo me:

«Yi adjé tsulu de, anga ma ago akpokpo pi
yi bádha ngali inde ahá djali naali pi ndu
okpála hana. ¹¹ Naki bhú kúti gba Davidi-e,
u azu Mukobho pi yi. A ko Kilisito, Ngámá.
¹² Yi tsia 'he inde yi ambila ani ka e ko: yi
abháka ndje ndili u agagala e ne bongo, u
atsia aseke e bhú ehe nazu 'he gba onu.»
¹³ Kolo má gala me-e, bhiti oandjelu ayie

abhúlá, u ago abhaka andjelu bhomu, u atsia adu adhøge Ebhe me:

¹⁴ «Sangu pi Ebhe inde abhúlá, guo 'ngú gba ani-e du píla doto pi okpála inde ani akúnda o ko!»

Omúlila anu abhú Beteleme

¹⁵ Li oandjelu-o agie lio lie abhúlá-a, omúlila atsia apa sánda o me: «Ní nu kolo nga bha abhú Beteleme, amba ní u engú inde akolo oo, engú inde li Ebhe Ngámá asuno e pi ní ko.» ¹⁶ U anu bhú holo, u abhaka Malia, Djodjefu ne mboye ndíli-e me u nde aseke ani bhú ehe nazú 'he gba onu. ¹⁷ U au ani lie, u atsia akpokpo 'ngú inde li andjelu apa e pi uo pindji mboye ndíli bhomu-o. ¹⁸ Ndu okpála hana inde adje engú li omúlila adu apa e-e, angamba naali. ¹⁹ La-a, pi Malia, ani adu alila ndu 'ngú bhomu-o hana li bua e ndjindji. Ani atsia adu abhundja pépé. ²⁰ Pipita-a, omúlila aholo nagie lio. U adu aha sangu pi Ebhe, u atsia adu di adhøge ani ngubula ndu 'ngú inde u adje e ne bhende u au e hana, anga ndundu hana akodho 'kpí maka li andjelu-o akpokpo pi uo lie ko.

U anu ne Yesu bhú 'ngbé 'ti Ebhe gba omaYuda

²¹ Bhú ekpí na madjina pita nazu ani-e, li nedhinga nato ani bhú gandja akolo lie, u atsia agísila 'li ani me Yesu. A bhomu-o 'líli inde li andjelu asuno e kala me 'hi ani bi 'bhí ani-o.

²² Li nedhinga navalu lie pita nazu ka Malia akolo lie, maka li líli gba Moidje apa lie, u atsia anu ne ndíli-e bhú Yelusalema ngú na'o ani sa 'kpa Ngámá. ²³ Padhá de, anga u aye bhú líli gba Ngámá-a me: «Ndu ongisi na obhosibhosi na gígina hana, u a'ó uo kpí pi Ngámá.» ²⁴ U atsia aha di makiso maka li líli gba Ngámá-a apa lie me: «A ayo naha bebhe bhisi. † du mo-o de-e, mu de ha ongisi bebhe bhisi.»*

Simeona agie heni pi Ebhe ngú Yesu

²⁵ Bhú nedhinga bhomu-o, kpála bini adu nani bhú Yelusalema, a adu 'li ani me Simeo. A ko nani kpála na ngbing-bili, ani adu amanga Ebhe. Ani adu adjeke nedhinga li Ebhe a'e líkabhu gba omatsalaele lie ko. Bu Bhobua adu bhú dabili bini ne ani. ²⁶ Abhomu-o, Bu Bhobua atsia apa nani pi ani me, kala nakpi ka ani-e, ani au ngaiza Masiya inde li Ngámá atima e-o. ²⁷ Nedhinga li okpála inde azu Yesu ago ne ani lie ngú namene maka li líli apa lie li 'ngú gba ani-e, Bu Bhobua ato bhúla Simeo abhú 'ngbé 'ti Ebhe gba

omaYuda. ²⁸ Abhú 'ti Ebhe oo, ani aha ndíli-o, ani abi ani sa 'kpa e, ani atsia agie heni pi Ebhe me:

²⁹ «Ngámá, mbia inde-e, maka mo opa lie, mu ti da na'o ma, bali gba mu-o, me ma nu ne guo 'ngú,

³⁰ anga ma au mukobho gba mu-o ne djila ma au.

³¹ Mukobho inde mo otima e kala ndu okpála hana-o.

³² Ani adu eke pi omupagano.

Ani tsia du sangu gba omatsalaele, okpála gba mu-o.»

³³ 'Dyi Yesu ne 'hi Yesu angamba naali ka engú inde u adu apa e li ani-o. ³⁴ Simeo ayo me Ebhe tuko bisagu pi uo, ani atsia apa pi Malia, 'hi Yesu me: «Ebhe abhu ndíli inde-e ngubula me okpála bhelé bhú ká omatsalaele li bhú mangimbo, amba Ebhe 'e'e matá okoko bhúlá. Ani adu ehe inde li Ebhe ngasuno e, li okpála bhelé tsia yála ani. ³⁵ Kaka-a, ani agbé mabhundja inde awo lie li bua okpála bhelé-e bhú mbasu. La-a, pi mu makpe-e, líkabhu adu bua mu maka ngise má puu!»

Ana, polofeta na øøle

³⁶ Polofeta bini na øøle adu di nani oo. A adu 'li ani me Ana, ndíli gba Fanuele bhú piga gba Asela. Ani adu me ani nde agbe má dyuku! U amene nani ne bhoko gba e inde u aha lio ne e bhú ndíli-e kalanga mananika. ³⁷ Pita nakpi ka 'ko ani-e, ani atsia ato øø. Li nedhinga bhomu-o, ani adu ibili ne kalanga ndjikpa madjina ne ká badha. Ani du ayie bhú 'ngbé 'ti Ebhe gba omaYuda-a de. Ani adu amene kulu lie pi Ebhe sukpe ne ngbukpi. Ani adu atse ezú ngú nayo Ebhe. ³⁸ Bha li nedhinga bhomu-o, ngaani di-e, ani ago, ani atsia aholo adhøge Ebhe. Ani aholo akpokpo 'ngú pindji ndíli-e pi ndu okpála hana inde adu adjeke me Ebhe gbege okpála na Yelusalema bhú líkabhu gba o ko.

U agie lio bhú Nadjaleta

³⁹ Li 'dyi Yesu ne 'hi Yesu andjia namene ndu 'ngú hana inde li líli gba Ngámá apa e lie, u atsia agie lio bhú ndu doto na Galilaya, bhú kuti gba o na Nadjaleta-o. ⁴⁰ Ndíli-e adu abhele, ani atsia adu abi angu. Imbilangu gba ani-e atsia adu di abhulu lie. Bádhá bhú 'bu gba Ebhe-e atsia adu di bhú dabili bini ne ani.

Yesu bhú 'ngbé 'ti Ebhe gba omaYuda

⁴¹ Ndu kalanga hana, okpála inde azu ani-e adu anu bhú Yelusalema ngú namene anokomia na Pasika. ⁴² Li ani akolo lie ne kalanga ndjikpa ne ká bhisi-e, u atsia anu

† 2:23 2:23 Tsia bhú Eki. 13:2, 12.

* 2:24 2:22-24 Bhú líli gba omaYuda-a, i du nani me øø nde azu-o, a ayo me ani nu ngaiza bhú 'ngbé 'ti Ebhe gba omaYuda, ani valu lie, amba ani kolo bubu kala Ebhe. Tsia bhú Lev. 12:8.

ne ani bhú dabili bini maka u amemene lie ko. ⁴³ Li anokomia andjia lie, u aholo agie lio. Engú bini, ndili-e Yesu atigala naae bhú Yelusalema me 'dyi ani ne 'hi ani nde mbila de. ⁴⁴ U adu abhundja lie me ani bhú dabili bini ne obi o na kpadji-e, u atsia adhuku ekpí bini libhomu. Pipita-a, u aholo nagili ani bhú ká opiga gba o di ne bhú ká obi o-o. ⁴⁵ U u la ani lie de-e, u atsia agie lio bhú Yelusalema ngú nagili ani.

⁴⁶ Bhú 'kpí na bata-a, u abhaka ani bhú 'ngbé 'ti Ebhe gba omaYuda me ani nde adu bhú ká omusuno. Ani adu adje uo di ne nayiyi uo. ⁴⁷ Ndu okpála inde adu adje ani-e hana, adu angamba naali ka imbilangu inde ani adu agie engú ne e ko. ⁴⁸ Li okpála inde azu ani au ani lie, u angamba naali. 'Hi ani atsia ayi ani me: «Ndika ma, mo omene ya mo-o ka ni? Tsia nga ya ne 'dyi mu-o, ya adu igini agili mu me bua ya nde alu bha ndju abhúlá má gba!» ⁴⁹ Engú bini, ani agie pi uo me: «Yi de ngagili ma ngú ni? Yi mbila igini de me, a ayo me ma da bhú 'ti gba 'dyi ma-a di?» ⁵⁰ Engú bini, u mbila nani ta 'ngú inde ani adu apa e pi uo-o de.

⁵¹ Pipita-a, ani atsia agie lie ne uo bhú Nadjaleta. Ani adu amene líli gba uo-o. 'Hi ani adu alila ndu 'ngú bhomu-o hana li bua e ndjindji. Ani atsia adu abhundja pépé. ⁵² Yesu adu abhele, imbilangu gba ani-e adu di abhulu lie. Engú inde ani adu amene e bhú bádhá bhú 'bu gba Ebhe-e, a adu anga li Ebhe, di ne li okpála naali.

3

*Kulu gba Djaa bhulu nabatisa okpála
(Tsia bhú Mat. 3:1-12; ne bhú Mlk. 1:1-8; di ne bhú Dja. 1:19-28.)*

¹⁻² Pipita-a, Tibeles akolo 'ngbé ngámá na Loma . Bhú kalanga na ndjikpa ne ká bhuluvue bhú nau gba ani-e, Djaa ndili gba Djakalia, inde adu nani adu abhú 'gu-o, asia eli gba Ebhe . Nedhinga ang-o, Pose Pilate adu alila ndu doto na Yudaya. Elode adu ngámá na ndu doto na Galilaya. Ndai ani Filipino atsia adu ngámá na ndu doto na Itule ne Talakonite. Lisiansi atsia adu naae ngámá na Abilene. Bhú nedhinga bhomu-o, Ana ne uo ne Kaifa atsia adu obhelesi okpála gba odimandé gba Ebhe . ³ Abhomu-o, Djaa aholo adhuku bhú 'gu lingo ngade 'ngu na Djaludani, ani atsia adu atotobhila me: «Yi dji bua yi, yi sia batisimo, amba Ebhe 'e siti 'ngú gba yi ko.» ⁴ Maka li polofeta Isaya, aye lie bhú bhuku gba e me:

«A ko kpála bini inde ngatotobhila abhú 'gu me:

<Yi leke kpadji pi Ngámá,

yi li okpadji pi ani ngbingbili!

⁵ Ndu tsutsukudhu bili sunda ongba 'ta hana abédhe lie.

Ndu oeta na ngbengbengbe ne obhe na djedjedje hana adji lie,
i kólo má gbata gbata!

Ndu kpadji na gagala hana akólo ngbing-bili.

Okpadji na siniti akólo babadha.

⁶ Li ndu okpála hana tsia ú maka li Ebhe ngakobho okpála lie kol!†»

⁷ Abhomu-o, okpála bhelé adu ago abhaka Djaa ngubula nasia batisimo. Ani atsia adu ayi uo me: «Ngayi opiga kpulu inde-e! A asuno pi yi da me ye yi kpe mangimbo gba Ebhe inde ngago-o?» ⁸ I du mo-o, yi mene engú inde asuno me yi adji bua yi kúkulu! Yi adu abhundja bha li bua yi de me, Abalahama ne ogbi yi. Padhá de, anga ma apa pi yi na paká me, teme yi ngau e inde-e, Ebhe tí da nadjindji, i tsia kólo odi Abalahama! ⁹ Maka ma ngapapa lie inde-e, u a'o ngbakpa bhú li ndula-ngú nadede a'o. Ndu ndula hana inde i li líli na babadha de-e, u adé, u tsia bhike bhú djua.»

¹⁰ Abhomu-o, okpála ang-o atsia adu ayi ani me: «I du mo-o, a ayo me ya mene pi?» ¹¹ Ani atsia adu agie pi uo me: «Kpála bhende li bongo na mbulu nde ka e bhisi-e, a ayo me ani ha bini pi kpála bhende li bongo na mbulu nde ka e ade ko. Kpála bhende li ezú nde ka e-e, a ayo me ani ha di mbo pi kpála bhende li ezú nde ka e ade ko.» ¹² Ondembi na mandjandja ago di ngú nasia batisimo, u atsia ayi ani me: «Musuno, a ayo me ya mene pi?» ¹³ Ani atsia agie pi uo me: «Yi ayó tia ane bhende li líli aziba e de.» ¹⁴ Osudha atsia ayi di ani me: «A la ya-a, a ayo me ya mene naaya pi?» Ani atsia agie pi uo me: «Yi agbúlu tia ka kpála bini ne kpéke, di ne eu de. Engú bini, yi mbila bha tia na kulu gba yi ko.»

¹⁵ Maka li okpála adu adjeke nago ka Masiya lie, u atsia adu ayi lio li bua o pindji Djaa me: «A ko ndi-e Masiya inde li Ebhe atima e di?» ¹⁶ Djaa atsia agie pi ndu uo hana me: «Ngama-a, ma ngabatisa naama yi ne engu. Engú bini, a ngago pita ma ne kpála. Kpála ang-o ane ma ne angu. Ma belegu ne tetele kpála ade ngubula me ma bhulu ekpú na maloké gba ani-o.* Ani abátisa yi ne Bu Bhobua di ne djua. ¹⁷ Ani aholo kakpa gba e sa 'kpa e ngú nape nguwa gba e-o. Ani apó bhúla nguwa na babadha gba e bhú ngbokopi,

† 3:6 3:4-6 Tsia bhú isa. 40:3-5.

* 3:16 3:16 Nani agba omaYuda-a, kulu nagbe maloké bhú 'dhu ogomago ne navulu 'dhu uo-o, a ko nani kulu ka obalise di ne okpála na padhá.

engú la bini, ani tsia bú fufukudha-a bhú djua inde li kpála bini ti da nabulú e de.»

¹⁸ Dja aha nani líli koko bhelé pi okpála. Bhúbhú-o, ani atsia adu akpokpo Bádha Ngali gba Ebhe-e pi uo. ¹⁹ Ngámá Elode aha nani Elodiade, elé gba ndai e-o.† Ani amene nani matá di osisiti 'ngú koko bhelé. Kaka-a, Dja aha atsia ambe bhú 'ndji ani. ²⁰ Abhomu-o, Elode amene matá siti 'ngú koko pépé, ani aha Dja, ani atsia abhike ani bhú tikpu.

Djaa abatisa Yesu

(Tsia bhú Mat. 3:13-17; di ne bhú Mlk.

1:9-11.)

²¹ Kala me Dja li bhú tikpu-o, ani abatisa ngaiza ndu okpála hana. Abhomu-o, Yesu atsia asia di batisimo. Nedhinga li Yesu adu akpokpo 'ngú ne Ebhe lie, kokpí abhulu lie, ²² u au Bu Bhobua ngaké pí ani maka bebhe. U atsia adje eli ayie abhúla apa me: «Mú ne ndili gba ma na mukunda. Djali li bua ma ngú mú naali.»

Onguo ogbi Yesu

(Tsia bhú Mat. 1:1-17.)

²³ Yesu akpo nani lita kulu gba e me ani nde ne kalanga masikpe de ndjikpa bata. Okpála adu abhundja naao me, a ko ndili gba Djodjefu .

Djodjefu ndili gba Eli,

²⁴ Eli ndili gba Matati,

Matati ndili gba Levi,

Levi ndili gba Maleki,

Maleki ndili gba Djanai,

Djanai ndili gba Djodjefu ,

²⁵ Djodjefu ndili gba Matatiasi,

Matatiasi ndili gba Amosi,

Amosi ndili gba Nauma,

Nauma ndili gba Eseli,

Eseli ndili gba Nagai,

²⁶ Nagai ndili gba Mata,

Mata ndili gba Matatiasi,

Matatiasi ndili gba Semeini,

Semeini ndili gba Djoseke,

Djoseke ndili gba Djoda,

²⁷ Djoda ndili gba Yoanana,

Yoanana ndili gba Lesa,

Lesá ndili gba Djelubabela,

Djelubabela ndili gba Salatiele,

Salatiele ndili gba Neli,

²⁸ Neli ndili gba Maleki,

Maleki ndili gba Adi,

Adi ndili gba Kosama,

Kosama ndili gba Elemadama,

Elemadama ndili gba Ele,

²⁹ Ele ndili gba Yesu,

Yesu ndili gba Eliedjele,

Eliedjele ndili gba Djolime,

Djolime ndili gba Matati,

Matati ndili gba Levi,

³⁰ Levi ndili gba Simeo,

Simeona ndili gba Yuda,

Yuda ndili gba Djodjefu ,

Djodjefu ndili gba Djonama,

Djonama ndili gba Eliakime,

³¹ Eliakime ndili gba Melea,

Melea ndili gba Mena,

Mena ndili gba Matata,

Matata ndili gba Natana,

Natana ndili gba Davidi,

³² Davidi ndili gba Yese,

Yese ndili gba Obede,

Obede ndili gba Boadja,

Boadja ndili gba Salamona,

Salamona ndili gba Nasone,

³³ Nasona ndili gba Aminadaba,

Aminadaba ndili gba Adimina,

Adimina ndili gba Aluni,

Aluni ndili gba Edjelone,

Edjelone ndili gba Peledje,

Peledje ndili gba Yuda,

³⁴ Yuda ndili gba Yakobho,

Yakobho ndili gba Isaka,

Isaka ndili gba Abalahama,

Abalahama ndili gba Tela,

Tela ndili gba Naola,

³⁵ Naola ndili gba Seluga,

Seluga ndili gba Lagau,

Lagau ndili gba Pelege,

Pelege ndili gba Ebele,

Ebele ndili gba Sela,

³⁶ Sela ndili gba Kainame,

Kainame ndili gba Alepakasada,

Alepakasada ndili gba Seme,

Seme ndili gba Nua,

Nua ndili gba Lemeke,

³⁷ Lemeke ndili gba Matusalema,

Matusalema ndili gba Enoka,

Enoka ndili gba Yelede,

Yelede ndili gba Malalele,

Malalele ndili gba Kenana,

³⁸ Kenana ndili gba Enosa,

Enosa ndili gba Sete,

Sete ndili gba Adamu ,

Adamu ndili gba Ebhe.

4

Djabulu ale Yesu

(Tsia bhú Mat. 4:1-11; di ne bhú Mlk.

1:12-13.)

¹ Pita li Yesu abedhe lie ne Bu Bhobua-a , ani ayie lingo 'ngu na Djuludani, Bu Bhobua atsia amba bhúla ani abhú mili bili. ² Oo, Djabulu ale ani ngubula ekpí ndjikpa badha. Bhú oekpí bhomu-o, ani zu 'he de. Pipita-a, gumu aholo amene ani. ³ Abhomu-o, Djabulu atsia apa pi ani me: «† du me mú nde ne Ndili gba Ebhe-e, pa pi

† 3:19 3:19 Filipo ne ndai Elode nani inde abhelo Dja bhuu nabatasa okpála ko. A adu nani me Filipo nde kpi nga de. Tsia bhú Lev. 20:21. † 4:4 4:4 Tsia bhú Det. 8:3.

teme inde-e me a dji lie, amba a kolo ezú.»
 4 Yesu agie pi ani me: «Eli gba Ebhe-e apa me: «Kpála kóbho bha bini ka ezú de.†»»

5 Djabulú aha ani, anu ne ani apí 'ta. Ani asuno ndú ondende na doto pi ani hana, bhú nedhinga bedi bhomu. 6-7 Ani atsia apa pi ani me: «Ebhe aha ndú angu, ne otia na ondende bhomu-o hana muma. Ma ti da nahaha pi kpála inde ma akúnda nahaha pi e. I dú me mú nde akikita lipukú mú kuto kala ma-a, ma ahá ndú angu ne otia na ondende bhomu-o hana pi mú.»
 8 Yesu atsia agie pi ani me: «Eli gba Ebhe-e apa me:

«Dhogè Ebhe Ngámá gba mu,
 amba mú toko bha bini ani kpi e
 kpl.†»»

9 Pipita-a, Djabulú aha ani, anu ne ani abhú Yelusalema. Ani a'o ani apí tulundji 'ngbé 'ti Ebhe gba omaYuda, ani atsia apa pi ani me: «I dú me mú nde bha ndju ne Ndili gba Ebhe-e, 'ulu, mú kè kuto, 10 anga eli gba Ebhe-e apa me:

«Ebhe ahá líli pi oandjelu gba e me, u lila mú. †»

11 La di matá:

«U abí mú sa 'kpa o, amba mo otú 'dhu mú
 li teme de.†»»

12 Yesu atsia agie pi ani me: «Eli gba Ebhe-e apa la di me: «Mo olé Ebhe Ngámá gba mú-o de.†»»

13 Pita li Djabulú andjia nale Yesu lie ne ndú kpadji hana-a, ani atsia a'o ka ani ngú nadjeke nedhinga koko.

Yesu agie lie bhú Galilaya

(Tsia bhú Mat. 4:12-17; di ne bhú Mlk. 1:14-15.)

14 Abhomú-o, Yesu atsia agie lie bhú ndu doto na Galilaya, bhú angu gba Bu Bhobua. Ndú okpála hana aholo nakpokpo 'ngú gba ani-e bhú ndu doto bhomu-o libhому.

15 Ani adú asuno bhú oeti gba uo nadje líli gba Moidje-o. Ndú okpála hana atsia adú adhogè ani.

Yesu anu bhú Nadjaleta

(Tsia bhú Mat. 13:53-58; di ne bhú Mlk. 6:1-6.)

16 Pipita-a, ani atsia anu bhú Nadjaleta, kuti inde ani abhele bhú e-o. Li 'kpi naguo gba omaYuda-a, ani ali bhú 'ti nadje líli gba Moidje maka ani adú amemene lie ko. Ani ayie bhúlá ngú natanga eli gba Ebhe-e pi okpála. 17 Abhomú-o, u atsia aha bhuku gba polofeta Isaya pi ani. Ani abhulu bhuku-o, ani atsia agili bíli u aye lie me:

18 «Bua gba Ngámá-a bhú dabili bini ne ma.

Ani abhú ma ngú nanu nakpokpo Bádha Ngali pi obhulú ndibhili.

Ani atima ma ngú natobhila pi obalise me, u azé bhú bali gba o-o maze, pi okpála i u 'kpi de-e me, u aú matá 'kpi mau.

Ani atima ma di ngú napandja obhende bhú mbolo sa 'kpa obhende ngato mbolo li uo-o.

19 Ngama-a, ma akpókpo pi okpála me nedhinga inde li Ebhe adjé ndjinga uo lie akolo.†»

20 Pita li Yesu andjia natatanga lie, ani agagala bhuku-o, ani atsia agie pi kpála na kulu-o. Abhomú-o, ani aha lie adú kuto. Ndú okpála inde adú bhú 'ti oo hana abanga djila o li ani. 21 Ani atsia aholo napa pi uo me: «Engú inde yi adje e bhú Bhuku gba Ebhe-e li bíli bhomu-o, amene lie naki amene.» 22 Ndú okpála hana adú angamba li Yesu naali. U atsia adú aziba eli na bádha bhú 'bu inde ani adú akpokpo e-o. Abhomú-o, u atsia adú apa me: «A inde-e ndili gba Djodjefu-o di?»

23 Abhomú-o, ani atsia apa pi uo me: «Ma ambila na paká me yi apá muma gbitaku inde me: «Mútia, kobho limu ne titi mú.» Yi tsia pá di muma me: «Ya adje ndú 'ngú inde mo omene e bhú Kapalanauma-a hana. Mene nga la di ngua 'ngú ango-o bhú kuti mo obhele bhú e ko.» 24 Ani atsia apa matá pipita-a me: «A moko, ma apa pi yi me, a ko kukulú 'ngú, okpála ziziba polofeta bhú kuti gba e belegu de bini.

25 Ma apa pi yi na paká me, oekesi na olisilisi adú nani bhelé bhú ká omafalaale li nedhinga gba polofeta Eliya. Li nedhinga bhomu-o, ebha dhi nani-i de ngubula kalanga bata ne epe madhia. Kaka-a, adyindi na ngbéngbé atsia ali bhú doto ango-o libhому. 26 Engú bini, Ebhe tima nani Eliya ngú nateteke suka oekesi bhomu-o bini de. Ani atima bha bini ani gba okè bini na gandji kuti na Salepeta bhú ndu doto na Sidona. 27 Matá-a, okpála na kába adú di nani bhelé bhú ká omafalaale li nedhinga gba polofeta Elisa. Engú bini, Ebhe kobho nani suka uo de, bha bini Namana, gandji kpála na Silia.»

28 Li ndú okpála hana inde adú bhú 'ti oo adje 'ngú bhomu-o lie, u ake 'ngú lío naali. 29 U ayie bhúlá, u agbe ani bhú 'ti bhomu-o, u agbele ani apí 'ta inde u ayiki gudhu gba o pi e-o. U amene nani mo-o ngú nandjimba ani akuto. 30 Engú bini, ani akodho bha 'kpi bhú ká uo oo, ani atsia atapa.

† 4:8 4:8 Tsia bhú Det. 6:13. † 4:10 4:10 Tsia bhú Ets. 9:11. † 4:11 4:11 Tsia bhú Ets. 9:12. † 4:12 4:12 Tsia bhú Det. 6:16. † 4:19 4:18-19 Tsia bhú Isa. 61:1-2.

Yesu akobho kpála li siti bua adu ato mbolo lie

(Tsia bhú Mlk. 1:21-28.)

³¹ Abhomu-o, Yesu anu bhú Kapananauma, kuti bini na ndu doto na Galilaya. Aní atsia adu asuno pi okpála bhú 'kpi naguo gba omaYuda-o. ³² U adu nangamba li ngua nasuno gba ani-o, anga ani adu nasuno ne angu gba Ebhe. ³³ Bhú 'ti nadje líli gba Moidje oo, kpála bini li siti bua adu nato mbolo lie, aholo asusula kpekpeke me: ³⁴ «Aa! Yesu, kpála na Nadjaleta, mo okunda namene ngu ya pi? Mo ogo ngu nabhili ya? Ma mbila mu hana, mu ne kpála na bubu inde li Ebhe atima e kol!» ³⁵ Yesu atsia ambe bhú 'ndji ani me: «Gbite 'bhø mu, amba mu koto la di bhú kpála bhomu!» Siti bua-a agü 'i kpála ango-o kuto má gbwe, bhú ká djila ndu okpála inde adu oo hana. Aní akoto bhú ani, engü bini ani mene ani sisiti de. ³⁶ Ndu okpála hana angamba, u atsia adu ayi lio sunda o me: «A inde-e mangua eli dho? Aní ngaha líli ne kpéke, di ne angu pi osisiti bua, u ngaze bhú okpála!» ³⁷ Okpála atsia adu apa 'ngü gba Yesu-o bhú ndu okuti bhomu-o hana.

Yesu akobho okpála bhelé na kuo

(Tsia bhú Mat. 8:14-17; di ne bhú Mlk. 1:29-34.)

³⁸ Li Yesu ayie lie bhú 'ti nadje líli gba Moidje-e, ani atsia anu ali bhú 'ti gba Simo. A abhaka me a nde li 'hi wala Simo ne kpéke bandji. Abhomu-o, u atsia ayo ka Yesu me ani kobho ani. ³⁹ Aní ago alu pi ani, ani ambe bhú 'ndji bandji-o. Abhomu-o, bandji-e atsia ayie li ani. Aní ayie bhú lá kolo má gala, ani atsia aholo nalu 'zu pi uo.

⁴⁰ Li ela ati lie, ndu okpála hana inde adu ne okpála na kuo ngangá agba o-o, abha uo, u atsia ago ne uo pi Yesu. Aní a'o 'kpa e pi 'ndji uo bini ne bini, u atsia akobho ndu o hana. ⁴¹ Osisiti bua aze di bhú okpála na kuo bhelé. Osisiti bua ango-o atsia adu asusula me: «Mu ne Ndili gba Ebhe!» Engü bini, Yesu adu ambe bhú 'ndji uo. Aní atsia adu di agbite kpadji pi uo me u agama 'ngü de, anga u adu ambila hana me a ko Masiya inde li Ebhe atima e ko.

Yesu akpokpo Bádha Ngali bhú ndu doto na Yudaya

(Tsia bhú Mlk. 1:35-39.)

⁴² Li ekpi aseke lie, ani akoto bhú kuti bhomu, ani atsia atapa bhú mili bili. Bhiti okpála aholo nagili ani. U au ani lie, u aholo akikiliki lio pi ani me: «Mo o'ó ká ya de, ní tigala ne yi si-i.» ⁴³ Engü bini, Yesu apa pi uo me: «A ayo me ma

anu di nakkokpo Bádha Ngali Nau gba Ebhe-e bhú okuti koko, anga Ebhe atima ma ngánga.» ⁴⁴ Abhomu-o, ani atsia adu akpokpo Bádha Ngali bhú otí nadje líli gba Moidje na ndu doto na Yudaya-o.

5

Yesu a'i omukpata na gigna

(Tsia bhú Mat. 4:18-22; di ne bhú Mlk. 1:16-20.)

¹ A akolo ekpi bini, Yesu adu lingo ekpe na Genedjaleta. * Bhiti okpála asulu de ani má wakaka ngu nadje 'li Ebhe. ² Aní au zabu bhisi lingo 'ngu me obhubhulu-o nde aze, u nde ngavulu onado gba o na sungu-o. ³ Yesu atsia a'u bhú susuka bini, bhende gba Simo-o. Do ani pi Simo me: «Yie lingo 'gø-o, amba mu dyudyo limu mbo ne abhú 'ngu.» Yesu atsia adu bhú zabu-o kuto. Aní aholo nasuno pi bhiti okpála bhomu-o. ⁴ Aní andjia nagama 'ngü lie, ani atsia apa pi Simo me: «Dyudyo zabu-o api tsiba, amba ngayi ne obi mu-o, yi bala onado gba yi-e bhú 'ngu ngu naholo osungu-o.»

⁵ Simo agie pi ani me: «Musuno, ya amene kulu sukpe inde-e libhomu, ya holo belegu sungu de bini. Engü la bini, ka 'li mu-o, ya abhike onado-o bhú 'ngu mabhike.» ⁶ U abala onado lie bhú 'ngu-o, u atsia aholo osungu bhelé. Kaka-a, onado gba uo-o aholo natsotsolo. ⁷ Abhomu-o, u amene 'kpa o pi obi o inde adu bhú zabu koko ngu na 'i uo me, u go ha mbo 'kpa o pi o. Obhobhomu-o ago, u abebedhe ozabu bhisi-e ne osungu bedhebedhe. Kaka-a, ozabu atsia aholo nalinda bhú 'ngu.

⁸ Li Simo Piele au lie mo-o, ani ati bhú li 'dhu Yesu, ani atsia apa me: «Ngámá, gbe limu de ma ne sidi, anga ma ne siti kpála!»

⁹ Aní apa mo-o, anga ngauo ne obi e, u angamba nani naali ka bhiti osungu inde u aholo e ko. ¹⁰ Djaki ne Djaa, ongisi gba Djebedayo inde adu amene bhú dabili bini ne Simo-o, angamba bhadi moko. Engü bini, Yesu apa pi Simo me: «Mo odje tsulu de, anga nayie pi mbia inde-e, mu dú matá agili osungu de, engü bini, mo odú ibili agili okpála pi Ebhe.» ¹¹ Abhomu-o, u agbele ozabu gba o api 'ge. U a'o ka ndu 'he gba o hana, u atsia anu bhú dabili bini ne Yesu.

Yesu akobho kpála na kába

(Tsia bhú Mat. 8:1-4; di ne bhú Mlk. 1:40-45.)

¹² A akolo ekpi bini, Yesu adu bhú kuti bini na ndu doto na Galilaya, kpála bini inde li kába atsotsolo kute e hana-a, akoto. Li ani au Yesu lie, ani ago ati kala ani, ani ata bhúla e ne kuto, ani atsia alopolo

* 5:1 5:1 Genedjaleta: A ko 'li koko na ekpe na Galilaya. Tsia bhú Mlk. 6:53.

lie pi ani me: «Ngámá, i da me mu nde akunda-a, mu ti da nakobho ma.»¹³ Yesu aha 'kpa e a'o li ani. Ani atsia apa me: «Ma akunda moko, kokobho!» Abhomu-o, kába agalu bha kolo li kute kpála angoo hana maka ndjombe.¹⁴ Yesu atsia aha líli pi ani me: «Mo opá belegu engú inde e pi kpála bini de. Engú bini, nu suno bha limu pi dimandé gba Ebhe maka li kute mu nde lie ko. Pipita-a, amba mu ha makiso maka li líli gba Moidje apa lie, ngubula napana pi ndu okpála hana me mo okobho.»¹⁵ Abana mo-o, engú gba Yesu adu bha ayangba ne kalanu. Okpála bhelé adu ago apo bhúla o de ani ngú nadje ani, ne di me ani kobho o ne okuo gba o-o.¹⁶ Engú la bini, ani adu anu bhú omili bíli. Oo, ani atsia adu akpokpo 'ngú ne Ebhe.

Yesu akobho dukuto

(Tsia bhú Mat. 9:1-8; di ne bhú Mlk. 2:1-12.)

¹⁷ Ekpi bini, Yesu adu asuno pi okpála. Omufalísai koko ne omusuno na líli gba Moidje inde ayie nani bhú ndu okuti hana na ndu doto na Galilaya ne Yudaya, di ne bhú 'ngbé gudhu na Yelusalema adulu de ani. Ne angu gba Ebhe-e, ani atsia adu akobho okpála na kuo.¹⁸ Li nedhinga bhomu-o, okpála koko ago ne dukuto bini me u nde abi ani pi kalagba. U adu nagili kpadji ngú nato ani abhú 'ti, amba u 'o ani kala Yesu.¹⁹ Engú bini, u ale nali ne ani abhú 'ti pima ka li okpála adu lie bhelé-o. Abhomu-o, u atsia a'u ne ani api 'ngbu 'ti. U adu gudho li 'ngbu 'ti-e má vuu! U atsia ake ani ne ekpu tété ne kalagba gba e hana bhú ká okpála kala Yesu.²⁰ Li Yesu ambila lie me okpála bhomu-o abhuka ni na paká-a, ani atsia apa pi kpála na kuo-o me: «Olia ma, ma a'e osisiti 'ngú gba mu-o a'e.»

²¹ Li omusuno na líli di ne omufalísai adje 'ngú bhomu-o lie, u atsia aholo nabhundja me: «Kpála inde ngasobho Ebhe me-e, a ko nga naae da? A ti da na'e siti 'ngú gba okpála da, bha bini Ebhe ngae kpi e kpi dí?»²² Yesu ambila mabhundja gba uo lie, ani apa pi uo me: «Yi ngabhundja li bua yi mo-o ka ni? ²³ Ne napa me, <Ma a'e osisiti 'ngú gba mu a'e>, ne napa me, <Yie bhúla, amba mu dhuku-o> a ane ne bhuku ne bhedho? ²⁴ Engú bini, ma akunda me yi mbila me ngama, Ndili gba kpála-a, ma ne angu pila doto ngú na'e siti 'ngú.» Abhomu-o, Yesu atsia apa pi dukuto-o me: «Ma apa pi mu me yie bhúla, ha dabili gba mu-o, amba mu gie limu agba mu!»²⁵ Kolo má gala me-e, kpála bhomu ayie bhúla bhú ká djila ndu okpála hana,

ani aha dabili inde ani de asi pí e, ani atsia agie lie agba e me ani nde ngadhøge Ebhe.²⁶ Ndu okpála hana adu angamba naali. U abedhe ne tsulu bedhe, u adu adhøge Ebhe, u atsia adu apa me: «Ya au naki ongú na ngangamba!»

Yesu a'i Levi

(Tsia bhú Mat. 9:9-13; di ne bhú Mlk. 2:13-17.)

²⁷ Pipita-a, Yesu akoto kilidjo, ani atsia au ndembi bini na mandjandja, adu 'li ani me Levi,[†] ani nde adu kuto bhú bilo gba e-o. Yesu apa pi ani me: «Kpata ma.»²⁸ Levi ayie bhúla, ani a'o ka ndu 'he hana, ani atsia akpata Yesu.

²⁹ Pipita-a, Levi atsia amene 'ngbé anokomia pi Yesu abhú 'ti gba e. Ondembi na mandjandja bhelé di ne okpála koko adu nazu 'he ne uo bhú dabili bini.³⁰ Omufalísai di ne omusuno na líli gba o adu nadi mutokono, u atsia ayi omukpata gba Yesu-o me: «Ka ni yi ngazu 'he ne nandji vino lie bhú dabili bini ne ondembi na mandjandja di ne okpála na sisiti-e?»³¹ Yesu atsia agie pi uo me: «Okpála bhende li kuo nde li o ade-e, u ne gumu mutia ade. Engú bini, obhende inde li o ne kuo ne gumu mutia ngao.³² Ma go ngú na'i okpála bhende ngbingbili-e de. Engú bini, ma ago ngú na'i obhende na sisiti-o, ngubula me u dji bua o.»

Yesu akpo 'ngú pindji natse ezu ngú nayo Ebhe

(Tsia bhú Mat. 9:14-17; di ne bhú Mlk. 2:18-22.)

³³ Okpála bhomu-o apa pi ani me: «Omukpata gba Djaa di ne obhende gba omufalísai ngatse ezu piko ngú nayo Ebhe. Engú bini, obhende gba mu-o la bha naao ngazu 'he ne nandji vino.»³⁴ Yesu agie pi uo me: «Yi abhundja naayi me yi ti da naholo omaha 'ko øle ne kpéke ngú natse ezu me 'ko øle-o nde nga bha bhú dabili bini ne uo? ³⁵ Nedhinga koko akólo makolo, nedhinga inde li okpála adhøpe 'ko øle-o lie bhú ká uo-o. Li oekpi angoo, u tsia tsé la 'zu.»

³⁶ Yesu atsia aha di gbitaku inde-e pi uo me: «Kpála bini tí da nasidha bongo na mbia, ani tsia há pápála-a ngú nadudu li bongo na didili de. Ani mene mo-o, li bongo na didili-e sidha, la di-e, pála bongo na mbia lé ne bhe na didili-e de.³⁷ Kpála bini ti da na'o vino na mbia bhú odidili dhudhu na ko 'nu de. Ani mene mo-o, li vino na mbia bí 'fu, i úpa odidili dhudhu-o. Pandi-e túko, li odhudhu-o tsia siti di.³⁸ Engú bini, a ayo na'o vino na mbia bhadi

[†] 5:27 5:27 Levi: A ko 'ili koko gba Matié.

[‡] 5:38 5:38 Yesu akunda napa bhomu-o me, u ti da na'o nasuno gba ni na mbia pi bhe gba omufalísai-e de.

bhú odhudhu na mbia!³⁹ I ðu me kpála bini nde andji pandi na didili andji-e, ani kánda matá pandi na mbia de, anga ani pá me: «Pandi na didili-e ane ne bádhá.»

6

Yesu aziba me ni ne ngámá pí 'ndji ekpí naguo gba omaYuda

(Tsia bhú Mat. 12:1-8; di ne bhú Mlk. 2:23-28.)

¹ Ekpí bini naguo gba omaYuda-a, Yesu ne omukpata gba e adu akodho 'kpí bhú ngu 'zú inde u a'i e me ngano. Omukpata gba ani-e aholo akodho 'ndji 'ndji, atutuluba sa-tikpa o, u atsia adu nazazu.*
² Omufalisai koko ayi uo me: «Yi ngamene bhomu-o ni? Lili gba ní-e ziba namene kulu bhú 'kpí naguo de.»³ Yesu atsia agie pi uo me: «Yi atanga ndjindji bhú Bhuku gba Ebhe-e, engú nani li Davidi amene e? Ekpí bini, ngaani ne omaha e, u adu lie ne gumu-o,⁴ ani ali nani bhú 'ti Ebhe. Ani aha mapa inde u a'o e ngú nadhogö Ebhe-e, ani azu. Ani atsia aha di pi omaha e, abana li lili gba ní-e apa lie me azú bha mapa angoo ne odimandoo.»⁵ Yesu atsia apa matá pi uo me: «Yi mbila me ngama, Ndili gba kpála-a, ma ne ngámá pí 'ndji ekpí naguo.»

Yesu akobho kpála li 'kpa e adu ne eze

(Tsia bhú Mat. 12:9-14; di ne bhú Mlk. 3:1-6.)

⁶ A adu nani ekpí naguo koko bini, Yesu ali bhú 'ti nadje lili gba Moidje-o. Ani akolo lie oo, ani atsia aholo nasuno. Bhú ká okpála-a, bhoko bini adu oo, adu li 'kpa ani na kokpa-a ne eze.⁷ Omusuno na lili gba Moidje di ne omufalisai adu agili kpadji ngú napu ngbángá Yesu me, ani ngamene siti 'ngú. Kaka-a, u aholo atsia ani ne kpeke djila atigala ani kóbbho kpála li 'kpí naguo.

⁸ Engú bini, li Yesu ambila lie me ali bua uo oo, u ngabhundja mo-o, ani atsia apa pi kpála li eze adu li 'kpa e me: «Yie bhúlá, amba mu lu si bhú ká djila ndu okpála hana.» Kpála angoo ayie bhúlá, ani atsia alu kala ndu okpála inde adu bhú 'ti oo hana.⁹ Pipita-a, Yesu atsia apa pi uo me: «Ma ne engú bini ngú nayi yi tété: Li 'kpí naguo, lili gba ní-e aziba pi? U mene bádhá 'ngú, ne me u mene siti 'ngú? U kobho kpála, ne me u akóbbho ani de?»¹⁰ Ani atsia ndu uo hana bini ne bini. Abhomu-o, ani atsia apa pi kpála na eze-e me: «Gbele 'kpa mu.» Kpála angoo agbele 'kpa e, 'kpa ani atsia akolo ndjindji.¹¹ Engú bini, okpála angoo abi 'gú naali, u atsia aholo

nayi lio sunda o me: «Ní ti da namene ngú Yesu mangua 'ngú dho?»

Yesu alo obhulu titima ndjikpa ne ká bhisi

(Tsia bhú Mat. 10:1-4; di ne bhú Mlk. 3:13-19.)

¹² Bhú oekpí bhomu-o, sukpe bini, Yesu a'u apí 'ta ngú nakpokpo 'ngú ne Ebhe. Sukpe libhomu ani asi nakpokpo 'ngú ne Ebhe.¹³ Li ekpí aseke lie, ani a'i omukpata gba e-o, ani atsia alo okoko bhú ká uo ndjikpa ne ká bhisi inde ani agisila nani 'li o me obhulu titima gba Yesu.¹⁴ A adu nani Simo (inde li Yesu agisila 'li e me Piele) ne ndai e Andili, Djaki ne Dja, Filipo ne Batelemi,¹⁵ Matié ne Tuma, Djaki ndili gba Alafayo ne Simo (inde u a'i e me kpála inde akunda doto gba e),¹⁶ Djude ndili gba Djaki ne Yuda Isikaliote, inde apú Yesu pi obhulu yala-o.

Yesu asuno pi bhiti okpála

(Tsia bhú Mat. 4:23-25.)

¹⁷ Ani akö ne uo, ani atsia alu asabu 'ta li bili li omukpata gba ani koko bhelé adu lie ko. Okpála bhelé na ndu doto na Yudaya libhomu, na Yelusalema ne ogudhu na ngo 'ngbé 'ngu, gudhu na Tile ne Sidona adu di oo.¹⁸ Okpála angoo ago nani ngú nadje Yesu, amba ani kobho di obhende adu ne okuo-o. Ani atsia akobho di okpála inde li osisiti bua adu ato mbolo li o ko.¹⁹ Ndu okpála hana adu nagili nabu 'kpa o li kute ani, anga ndu uo hana adu akobho ka angu inde adu bhú ani-o.

Yesu akpo 'ngú pindji djali ne likabhu

(Tsia bhú Mat. 5:1-12.)

²⁰ Yesu atsia omukpata gba e-o, ani atsia apa pi uo me:

«A ko djali pi yi, ngayi obhulu ndibhili,
anga Ebhe ne ngámá gba yi-e ngae!

²¹ A ko djali pi yi, ngayi obhende ngadje gumu mbia inde,
anga yi azú 'he, yi tsia 'u 'u!
A ko djali pi yi, ngayi obhende ngaku 'gba mbia inde,
anga yi amú 'zo!

²² A ko djali pi yi, i ðu me okpála nde ngayala yi, u nde ngagbe yi bhú ká o, u nde ngasobho yi, u nde ngapa 'ngú gba yi-e sisiti kabula ma, Ndili gba kpála.²³ Li nedhinga angoo kolo, yi de kpi djali, amba yi dho di ebi, anga makalá na ngbéngbé ngadjeke yi abhúlá. Ogbi uo adu nani amene bhadi opolofeta sisiti moko.

²⁴ Engú bini, a ko likabhu pi yi obhulu tia,
anga yi asia makalá gba yi-e asia!

* 6:1 6:1 Agba omaYuda-a, i ðu me kpála nde ngakodho ngano-o, amba ani ngamene bhomu-o kulu. La-a, lili gba uo-o ziba namene kulu bhú 'kpí naguo-o de. Tsia bhú Det. 23:26, di ne bhú Lev. 23:5-14.

25 A ko likabhū pi yi, ngayi obhulū ká 'zú mbia inde,
anga yi adú adjé gumu!

A ko likabhū pi yi, ngayi obhende ngamú 'zo mbia inde,
anga yi adú bhú talia, yi tsia dú naku gbá!

26 A ko likabhū pi yi, i dú me ndú okpála hana nde ngapa 'ngú gba yi-e ndjindji, anga ogbi uo adú apa bhadi nani babadha 'ngú moko li opolofeta na eu ko!»

*Yi kunda obhulū yala gba yi-o
(Tsia bhú Mat. 5:38-48, 7:12a.)*

27 «Engú bini, ma apa la pi yi me, ngayi obhende ngadje ma-a, yi kunda obhulū yala gba yi-o. Yi mene bádha 'ngú pi obhende ngayala yi ko. 28 Yi yo me bisagu gba Ebhe-e go pi okpála bhende ngatú pødjè li yi, amba yi yo Ebhe pi obhende ngamene yi sisiti ko. 29 Li kpála bini sù pála mū li pápá bini-e, mū de dji di pápá koko pi aní, amba aní sù.† Li kpála bini gbulū koti gba mū-o, mū de 'o di aní amba aní ha bongo na mbulū mū-o. 30 Li kpála yo 'he ka mū-o, mū de ha pi aní. I dú me kpála bini nde agbulū 'he ka mū-o, mo oyó matá ka aní de. 31 Yi mene pi okpála koko bhadi maka bhende yi akunda me u mene e pi yi ko.

32 I dú me yi nde ngakunda bha bini okpála bhende ngakunda yi-e, yi abhúndja de me yi asía makalá kaka-a de, anga okpála na sisiti-e, u ngakunda bhadi okpála bhende ngakunda o ko! 33 I dú me yi nde ngamene bha bini bádha 'ngú pi okpála bhende i ngamemene pi yi-e, yi abhúndja de me yi asía makalá kaka-a de, anga okpála na sisiti-e bhadi ngamemene moko! 34 I dú me yi nde ngaha bha bini 'he pi okpála inde yi abhúndja me u ti da di nagigie pi yi li 'kpí koko-o, yi abhúndja de me yi asía makalá kaka-a de. Abana okpála na sisiti, u ngaha di 'he pi obi o okpála na sisiti ngabula me, u gie di pi o li 'kpí koko!

35 Engú bini, yi kunda obhulū yala gba yi-o. Yi mene bádha 'ngú pi uo. Yi ha 'he pi uo me yi nde bhundja de me u agie pi yi magie de. Yi asía 'ngbé makalá. Yi mene mo-o, yi tsia dú ongisi gba Ebhe Apí 'Kpí, anga ngaani-e, aní babadha pi okpála inde i gie heni pi aní de. Aní di babadha pi okpála na sisiti. 36 Yi bedhe ne ndjinga pi okpála maka li 'dyi yi Ebhe abedhe di ne di lie pi okpála ko.»

*Yi akódho 'ngú gba okpála koko de
(Tsia bhú Mat. 7:1-5.)*

37 «Yi akódho 'ngú gba okpála koko de, amba Ebhe akódho di 'ngú gba yi-e de. Yi

a'ó engú pí okpála koko de, amba Ebhe a'ó di engú pí yi de. Yi mbu li siti 'ngú gba okpála koko, amba Ebhe mbu di li siti 'ngú gba yi ko. 38 Yi ha 'he pi okpála koko, amba Ebhe ha di 'he pi yi. Aní abédhe kili gba yi-e ne nguwa bedhe má kpambí, i hólo nabala kuto. A moko, Ebhe ahá bhadi pi yi maka lele yi ngahaha pi okpála koko lie ko.»

39 Yesu atsia apa matá pi uo gbitaku bini me: «Kpála i u 'kpí de-e ti da naholo 'kpa kilí e inde i u 'kpí de ngú nasuno kpadji pi aní uu? A mo-o ade! I dú mo-o, li ndú uo bhisi hana bála bhú 'dú. 40 Múkpata bini ne musuno gba e ne imbilangu de. Engú la bini, ndú múkpata hana inde u asuno 'he pi e ndjindji-e, aní kólo maka musuno gba e-o. 41 Ka ni mū ngau mboye kú musoli inde bhú djila ndai mū-o lie, mū tsia u la ndula inde bhú djila mū-o de? 42 Lele pi mū ti da napa lie pi ndai mū me: <Ndaí ma, 'o ma, ma gbe mboye kú musoli inde bhú djila mū bhomu», ngamū-o, mū nde u ngala belegu de ndula inde bhú djila mū-o? Bhulū kali, gbe ngaiza ndula inde bhú djila mū-o. Pipita-a, mū tsia u la 'kpí ndjindji ngú nagbe mboye kú musoli inde bhú djila ndai mū ko.»

Ndula ne lí e

(Tsia bhú Mat. 7:16-20, 12:33-35.)

43 «Ndula na babadha líli líli na sisiti de. La di-e, ndula na sisiti líli líli na babadha de. 44 U mbila ndula li lí e. U koko manga li ndula na eti de. La di-e, u koko malibhombi li kobe de. 45 Kpála na babadha-a, ka bádha 'ngú inde li bua aní-e, aní méne bhadi engú na babadha. La di-e, kpála na sisiti-e, ka siti 'ngú inde li bua aní-e, aní méne bhadi engú na sisiti. Engú inde ngakoto bhú 'bhe kpála-a, a ko engú inde ngayie ali bua aní ko.»

Oeti bhisi

(Tsia bhú Mat. 7:24-27.)

46 «La ka ni yi ngá'í ma lie ndú 'kpí hana me: <Ngámá, Ngámá?> Yi la ngamene engú inde ma ngapa e pi yi me yi mene e ade. 47 Kpála bini inde agó abháka ma, adjé 'li ma, aní tsia méne maka ma apa lie, ma akunda napana pi yi me aní maka da. 48 Aní maka kpála inde aholo nayiki eti. Aní adjí edú tsutsu, aní atsia a'o 'dhu 'dhu-o pí teme. Li engu asi lie, a ago atu lie li kute eti-o, eti angó tsia dyiki de, anga a alu kpekpeke. 49 Engú bini, kpála bhende adje 'li ma, aní tsia mene maka ma apa lie de-e, aní maka kpála inde ayiki eti gba e pí doto. 'Dhu 'dhu tété ade. Li engu asi lie, a ago atu lie li kute eti-o. Eti-e atuko

† 6:29 6:29 Agba omaYuda-a, nasu kpála li pabhø e-e, a ko sobho na ngbéngbé.

bha kolo má gala, a atsia agugumu hana má kpəkèbhè!»

7

Yesu akobho kpála na kulu gba ngámá bini gba osudha

(Tsia bhú Mat. 8:5-13.)

¹ Pita aní andjia napa ndú engú bhomu-o lie hana pí okpála-a, aní atsia atapa bhú kúti na Kapalanauma. ² Oo, abhú Kapalanauma-a, ngámá bini gba osudha na Loma,* adú ne bali gba e bini inde aní adú akunda e naali. A adú lí bali ang-o ne kuo masakpe de me aní kodho bua e. ³ Lí aní adje 'ngú gba Yesu-o lie, aní atsia atima obhelesi okpála koko gba omaYuda agba Yesu. U anú napa pí aní me, aní go kobho bali gba ngámá ang-o. ⁴ Lí obhelesi okpála bhomu-o akolo de Yesu lie, u atsia aholo nakikiliki lío pí aní me: «Mú tí da namene ehe inde aní ayo e pí aní, i dú me mú nde akunda-o, anga aní ndjindji. ⁵ Aní kunda dí omaha ní naali. Aní ayiki eti nadje líli gba Moidje pí ní ngae.»

⁶ Abhomu-o, Yesu atsia aholo 'nú ne uo. Aní akolo lie de kúti-e masakpe-e, ngámá gba osudha-a atsia atima obi e me u pa pí aní me: «Ngámá, mo ondála límú de. Ma ne kpála na padhá. A ayo ka mú nali bhú 'tí gba ma-a de.† ⁷ Kaka-a, ma u igini lima ndjindji de me ma go kolo lí mú ngama-a de. Engú bini, pa bha kólí eli bini, amba bali gba ma-a kobho. ⁸ Ma ngapa mo-o, anga ma sa líli gba ongámási. Ma la dí ngaha líli pí osudha. Ma pa pí bhe bini-e me: «Nanu!» Aní nú. Ma pa pí bhe koko-o me: «Gogo!» Aní gó. Ma pa pí bali gba ma-a me: «Mene 'he inde!» Aní méne.»

⁹ Lí Yesu adje engú inde lí ngámá bhomu-o apa e lie, aní angamba naali. Aní adjí lie, aní atsia apa pí bhiti okpála inde adú akpata aní-e me: «Ma apa pí yí me, ma bhaka nga ngua kpála inde abhuka ma me e de, belegu de bhú ká omafsaale!» ¹⁰ Lí okpála na titima agie lío lie agba ngámá-a, u abhaka me kuo nde ayie lí bali gba ngámá ang-o ayie.

Yesu azuku ndíli na bhobhoko gba øke bini na øøle

¹¹ Pita lí Yesu akobho bali gba ngámá bhomu-o lie, aní atsia atapa bhú gudhu na Naine. Omukpata gba aní ne okpála bhelé anú bhú dabíli bini ne aní. ¹² Aní akolo lí 'bhø bhoti na gudhu-o lie, a abhaka me u nde adjí ne ngbangba makombi bini ngú nazizi. A ko nani kólí ndíli na bhobhoko bini gba øke bini na øøle. Okpála bhelé

na gudhu bhomu-o adú bhú dabíli bini ne øøle ang-o.

¹³ Abhomu-o, Ngámá Yesu au aní. Lí aní au aní lie, aní adje ndjinga aní naali. Aní atsia apa pí aní me: «'O naku 'gbá!» ¹⁴ Pípita-a, aní adyudyo lie, aní a'o 'kpa e lí ngbangba-o. Abhomu-o, okpála inde abí kuo atsia alú. Yesu atsia apa pí makombi bhomu-o me: «Ma apa pí mú me, yie bhúlá!» ¹⁵ Kpála inde adú igini me aní nde akpi-e, aní ayie bhúlá, aní adú madú. Aní atsia aholo nagama 'ngú. Abhomu-o, Yesu atsia aha aní pí 'hi e. ¹⁶ Ndu okpála hana adje tsulu. U adú adhogè Ebhe, u atsia adú apa me: «'Ngbé polofeta akoto bhú ká ní! Ebhe ago nateteke okpála gba e-o!» ¹⁷ Ngali na engú lí Yesu amene e atsia agbolo bhú ndu doto na Yudaya libhomu dí ne bhú okúti na ngongo-o hana.

Djaa bhulu nabatisa okpála atima okpála agba Yesu

(Tsia bhú Mat. 11:2-19.)

¹⁸ Lí omukpata gba Djaa agie lío lie, u atsia akpokpo ndú ongamba 'ngú inde lí Yesu amene e hana pí Djaa. Abhomu-o, aní a'i okpála bhisi bhú ká uo. ¹⁹ Aní atsia atima uo ngú nayí Yesu me: «Ne me mú ne Masiya inde ngago, ne me ayo me ya adjeke kpála koko?» ²⁰ Lí okpála bhomu-o akolo lie de aní-e, u atsia apa pí aní me: «Djaa bhulu nabatisa okpála atima ya me ya go yí mú me: «Ne me mú ne Masiya inde ngago, ne me ayo me ya djeke kpála koko?»»

²¹ Bha lí nedhinga bhomu-o, Yesu akobho okpála bhelé na kuo. Aní akobho obhende adú ne okuo ngangá. Aní akobho dí obhende adú ne osisiti bua bhú o-o. Aní atsia abhulu dí djila okpála bhelé inde i u 'kpí de-e bhú bádha bhú 'bu gba e-o. ²² Pípita-a, aní atsia agie pí okpála lí Djaa atima o-o me: «Yí nu kpokpo pí Djaa engú inde yí au e, dí ne bhende yí adje e ko. Okpála i u 'kpí de-e ngau 'kpí. Obhende ne eze lí 'dhu o-o, u ngadhuku ndjindji. Okpála na kába ngakobho. Obhende i dje 'kpí de-e ngadje 'kpí. Obhende amu-o ngazuku. Ma ngakpokpo Bádha Ngali pí obhulu ndibhíli. ²³ A ko djali pí kpála inde i bhúka ma ne bua na bhisi bhisi de kol!»

Yesu akpokpo 'ngú gba Djaa bhulu nabatisa okpála

²⁴ Bhiti okpála adú oo. Pita lí obhulu titima gba Djaa agbida lie, Yesu atsia aholo akpokpo 'ngú gba Djaa pí uo me: «Yí anú igini natsia abhú 'gu-o ní? Yí anú igini natsia kpála inde maka mbamba inde

* 7:2 7:2 Ngámá gba osudha na Loma: Ngámá bini gba osudha na Loma: Ngámá ang-o nani ne ngámá pí 'ndji osudha kámá bini. A adú nani maYuda de. † 7:6 7:6 Lí maYuda bini lí bhú 'tí gba kpála inde ne maYuda ade-e, lí maYuda ang-o kólo sisiti kala Ebhe.

ngadyiki ka anvi-e? A mo-o ade. ²⁵ I da mo-o de-e, yi anu la igini natsia ni? Kpála inde adyi babadha bongo-o? A mo-o ade, anga obhende ngadyi babadha bongo-o, inde di ne ká tia ka o-o ngadu abhú 'ti gba ongámási. ²⁶ Yi anu nga la igini natsia ni? Polofeta? A moko, ma apa pi yi me, yi au bhende ane belegu polofeta mane. ²⁷ Padhá de, anga a ko kpála inde li eli gba Ebhe-e apa 'ngú gba e me:

«Ebhe apa me, ma ngatima bhulu titima gba ma-a

pi mu kalanu

ngú naleke kpadji pi mu.»[†]

²⁸ Ma apa pi yi me, Djaa ngbéngbé ane ndu okpála hana. Engú bini, kpála inde ane ne mboye bhú Nau gba Ebhe-e, ani ane ani ne engbé.»

²⁹ Ndu okpála hana, belegu ondombi na mandjandja adu adje Yesu. Abhomu-o, u ambila nani ngbili 'ngú gba Ebhe-e lie, Djaa atsia abatisa uo. ³⁰ Engú bini, omuFalisai ne omusuno na lili gba Moidje ayala nani me Djaa batisa o. U amene lie mo-o, u ayala engú inde li Ebhe adu akunda e pi uo-o.

³¹ Do Yesu matá me: «Ma tí da nasuno okpála na naki si li da? Uo maka da?

³² Uo maka ongisi inde adulu bhú daposu. Okoko ngasusula pi obi o me:

«Ya abhi ngbabi na ebi pi yi, engú bini, yi tsia dho 'bi de!

Ya ali etsi na da kuo pi yi,

engú bini, yi ku 'gbá de!»

³³ Padhá de, anga Djaa bhulu nabatisa okpála ago, ani zu 'he maka okpála koko de, ani ndji di vino de, do yi me: «A bhú ane ni siti bua!» ³⁴ Ngama, Ndili gba kpála, ma ago, ma ngazu 'he maka okpála koko, ma ngandji vino, do yi me: «Yi tsia nga kpála inde ngabundja bha bini nazu 'he di ne nandji vino! Ani ngakunda ondombi na mandjandja, a ko la di olia okpála na sisiti!» ³⁵ Engú bini, ndu okpála hana inde abhuka imbilangu gba Ebhe-e, u ambila me imbilangu angoo ngbingbili.»

Yesu azu 'he abhú 'ti gba Simo muFalisai

³⁶ A adu nani muFalisai bini, ani a'i Yesu ngú nazu 'he bhú dabili bini ne e. Yesu ali bhú 'ti gba muFalisai-o. Oo, ani atsia aholo nazu 'he-o. ³⁷ Olo bini na sisiti adu bhú gudhu bhomu-o. Ani adje lie me Yesu ngazu 'he abhú 'ti gba muFalisai bhomu-o, ani ago ne gili bini inde u abho e li teme inde u a'i e me alabatele.‡ Gili angoo abedhe nani ne mungotsi bedhe. ³⁸ Ani akolo lie, ani atsia akita bhú li 'dhu Yesu li

pápá ne akele ani. Ani aholo naku 'gbá, ngala adu atuko li 'dhu Yesu. Abhomu-o, ani aholo nakukuo ne sundjo e. Ani akama 'dhu ani, ani atsia aha mungotsi-e, ani atuko tété. ³⁹ Li muFalisai inde a'i Yesu au lie mo-o, ani atsia apa li bua e me: «Kpála inde-e, a ko bha ndju polofeta de kukulu! Padhá de, anga olo inde ngabu 'kpa e li ani bhomu-o, a ko siti olo. Ani mbila la-a de!»

⁴⁰ Abhomu-o, Yesu atsia apa pi muFalisai-e me: «Simo, ma mbo ne engú bedi napapa pi mu.» Simo atsia agie me: «Musuno, papa.» ⁴¹ Yesu atsia apa me: «Kpála bini aha nani bopulu pi okpála bhisi. Ani aha pi kpála bhe bini-e li falanga kámá bhuluvue. Ani atsia aha pi kpála bhe koko-o li falanga ndjikpa bhuluvue. ⁴² Li tia da la lie ka okpála angoo ngú nagigie de-e, abhomu-o, ani atsia ambu li bopulu gba ndu uo bhisi hana. Bhú ká okpála bhisi bhomu-o, akunda ani ande mane ne bhedho?» ⁴³ Simo atsia agie me: «Ma abhundja me a ko kpála bhende u ambu li bopulu gba e adu bhelé naali ko.» Do Yesu pi ani me: «Mo opa ndjindji.»

⁴⁴ Pipita-a, ani adji lie ne li pápá gba olo-o, ani atsia apa pi Simo me: «Mo ou engú li olo inde-e amene e au? Ma ali lie bhú 'ti gba mu-o, mu ha engu muma ngú navulu 'dhu ma de.§ Engú bini, ngaani-e, ani avulu 'dhu ma ne ngala na djila e. Ani atsia akuo ne sundjo e. ⁴⁵ Mu kama ma de. Engú bini, ngaani-e, nayie maka ma ali igini lie si-e, akolo pi mbia inde-e, ani 'o nakama 'dhu ma de. ⁴⁶ Mu tuko emu pi 'ndji ma de. Engú bini, ngaani-e, ani atuko mungotsi li 'dhu ma.

⁴⁷ Kaka-a, ma apa pi mu me, mukunda na ngbéngbé inde ani asuno e, apana me u a'e bhiti siti 'ngú gba ani-e a'e. Engú bini, kpála inde u a'e siti 'ngú gba e me a nde yeye-e, ani pana bhadi mukunda na yeye.» ⁴⁸ Abhomu-o, ani atsia apa pi olo bhomu-o me: «Ma a'e osisiti 'ngú gba mu-o a'e.» ⁴⁹ Okpála inde adu azu 'he bhú dabili bini ne ani aholo nabhundja me: «A inde-e mangua kpála dho? Ani nga 'e belegu siti 'ngú!» ⁵⁰ Abhomu-o, Yesu atsia apa pi olo-o me: «Ebhe akobho mu, anga mo obhuka ma. Nu ne guo 'ngú.»

8

Omukpata ndjikpa ne ká bhisi ne olisi koko akpata Yesu

¹ Pipita-a, Yesu adu adholo bhú ndu ogudhu di ne bhú ndu okuti hana. Ani adu akpokpo Bádhá NgaliNau gba Ebhe-e

† 7:27 7:27 Tsia bhú Mal. 3:1. ‡ 7:37 7:37 Alabatele: A ko teme na mase naali inde u abhobho oehe maka gili lie ko. § 7:44 7:44 Simo ha nani engu pi Yesu ngú navulu 'dhu e de, anga Simo adu au lie me ni ngbéngbé pi Yesu ngaani. Tsia bhú Dje. 18:4, 19:2.

ne ndu bili hana. Omukpata ndjikpa ne ka bhisi-e adu bhú dabili bini ne ani. ² Olisi koko nani li Yesu apandja osisiti bua bhú o, ne obhe ani akobho o ne okuo-o, a adu di bhú dabili bini ne ani. A du nani: Malia (u a'i e me kpála na gudhu na Magadala) nani li Yesu apandja osisiti bua bhú e mananika-o; ³ Djaani, wala Kudja, ngámá na kulu gba 'ngbé ngámá Elode; Sudjana ne olisi koko bhelé. Ndu olisi bhomu-o hana adu aha tia gba o ngu nateteke Yesu ne omukpata gba e ne di.

Gbitaku gba kpála nalu nguwa

(Tsia bhú Mat. 13:1-9; di ne bhú Mlk. 4:1-9.)

⁴ Okpála adu nayie bhú gudhu bini ne bini, u adu ago abhaka Yesu. Li okpála bhelé adu apekebhe bhúla o lie de ani-e, ani atsia apa gbitaku inde-e me: ⁵ «Kpála bini anu ngu nabala nguwa abhú 'dyi gba e. Ani adu ababala lie, té nguwa koko atsia abala li kpadji. Okpála adedele ne 'dhu o, odhu atsia ago, u azu bhobhomu-o hana. ⁶ Koko abala li bili na teme. Li ezu-o aze lie, atsia a'ulu anga engu du bhú doto sasa de. ⁷ Koko atsia abala li bili na eti. A aké lie, ezu-o aké ne eti-e bhú dabili bini. Eti-e atsia agaga ezu-o. Kaka-a, ezu-o bhele ndjindji de. ⁸ Engú bini, koko atsia abala naae bhú doto na babadha. Ezu-o ake, a atsia ali lílí. Nguwa bini ne bini ali lílí kámá bini.» Yesu atsia apa matá me: «Yi dje ndjindji, i du me a nde li yi ne 'dje 'dje ngu nadje 'kpí ko!»

Ka ni li Yesu adu akpo 'ngú lie bhú ogbitaku-o?

(Tsia bhú Mat. 13:10-17; di ne bhú Mlk. 4:10-12.)

⁹ Omukpata gba Yesu ayi ani me: «Ta gbitaku bhomu-o pi?» ¹⁰ Ani atsia agie pi uo me: «Ngayi-e, yi ambila naayi engú inde awo nani lie kalanu pindji Nau gba Ebhe-e ambila. Engú bini pi okpála koko-o, ma akpo engú bhomu-o bhú ogbitaku maka li Bhuku gba Ebhe apa lie me:

«U ti da natsia 'kpí,
engú la bini, u u 'kpí de.
U ti da nadje 'kpí,
engú la bini, u mbila tata-a de.»

Yesu akpo ta gbitaku gba kpála nalu nguwa-o

(Tsia bhú Mat. 13:18-23; di ne bhú Mlk. 4:13-20.)

¹¹ «Ta gbitaku bhomu-o me, nguwa-a, a ko eli gba Ebhe-o. ¹² Nguwa bhende abala li kpadji-e, a ko okpála bhende ngadje eli gba Ebhe-o. Engú bini, li Djabulu gó, ani tsia dhépe eli ango-o li bua uo, ngu nagbite kpadji pi uo me u abhúka de, amba Ebhe

akóbho uo de. ¹³ Nguwa bhende abala li bili na teme-e, a ko okpála bhende ngadje eli gba Ebhe-e, u tsia sía ne djali hana. Engú bini, eli ango-o lí li bua uo de. U bha ngabhuka ngubula nedhinga bedi. Li nale kolo-o, u 'ó ká nabhuka gba o-o. ¹⁴ Nguwa bhende abala li bili na oeti-e, a ko okpála bhende ngadje eli gba Ebhe-o. Engú bini, u ne gumu ndu 'he na doto ngangá. U ne gumu tia na doto ne odjali na mukobho na doto. Gumu tia na doto ne odjali na mukobho na doto ango-o ngagaga Eli-o. Kaka-a, eli bhomu-o lí lílí nabhele mabhele de. ¹⁵ Nguwa bhende abala bhú doto na babadha-a, a ko okpála bhende ngadje eli gba Ebhe ne bua na babadha, u tsia ziba. U líla ndjindji, u tsia lí lílí ka kekele gba o ko.»

Gbitaku na eke

(Tsia bhú Mlk. 4:21-25.)

¹⁶ «I du me kpála bini nde adhedhe eke-e, ani búku ne lusa de. Ani tó di asa polo de. Engú bini, ani 'ó pí 'he ngubula me okpála inde ngali bhú 'ti-e, u u 'kpí tété ndjindji. ¹⁷ A moko, ndu 'he hana inde awo lie mawo-o, akóto bhú mbasu. Ndu 'he inde na pepe hana akóto li zi 'kpí, li okpála tsia mbila. ¹⁸ Kaka-a, 'e-e! Yi líla líyi bhú nadje eli-o, anga kpála li ehe nde ka e, u ahá matá koko pi ani pépé. Engú bini, kpála inde li ehe nde ka e ade-e, u adhépe belegu mboye 'he bhende ani ngabhundja me a ka ni ko.»

'Hi Yesu ne ondaise Yesu

(Tsia bhú Mat. 12:46-50; di ne bhú Mlk. 3:31-35.)

¹⁹ 'Hi Yesu ne ondaise Yesu ago ngu natsia ani. Engú bini, u ale nakolo li ani pima ka bhiti okpála-o. ²⁰ Abhomu-o, u atsia apa pi Yesu me: «'Hi mu ne ondaise mu akilidjo, u ngakunda nau mu.» ²¹ Engú bini, Yesu atsia apa pi ndu uo hana me: «'Hi ma ne ondaise ma-a, a ko okpála inde ngadje eli gba Ebhe ne namemene ko.»

Yesu ayoko kpéke anvi pí 'ngu

(Tsia bhú Mat. 8:23-27; di ne bhú Mlk. 4:35-41.)

²² Ekpi bini pipita-a, Yesu ne omukpata gba e a'u bhú zabu bini. Ani atsia apa pi uo me: «Ní gulu ekpe-o ai 'ngu.» Abhomu-o, u atsia atapa. ²³ Nedhinga u adu agulu 'ngu-o lie, Yesu atsia ati ne ela. Kpéke anvi na gipi aholo nape pi ekpe-o. Engu aholo nabedhe bhú zabu-o, kuo atsia akolo de uo masakpe. ²⁴ Omukpata adyudyo lio de Yesu masakpe, u atsia azuku ani me: «Musuno, Musuno, ní adjí amú!» Yesu azuku, ani atsia ambe bhú 'ndji anvi di ne wowo 'ngu-o. Abhomu-o, anvi-e a'o nape,

engu-o atsia akolo guguo. ²⁵ Do ani pi uo me: «Nabhuka gba yi-e su?» Engú bini, u adu adje tsulá, u atsia adu angamba naali. Abhomu-o, u adu apa sunda o me: «A e mangua kpála dho inde ngaha belegu líli pi anvi ne engu, uo ngamemene!»

Yesu akobho kpála bini li osisiti bua adu ato mbolo li e

(Tsia bhú Mat. 8:28-34; di ne bhú Mlk. 5:1-20.)

²⁶ Abhomu-o, u akolo bhú ndu doto gba okpála na Gelasa, ayi ekpé bhúla ndu doto na Galilaya. ²⁷ Nedhinga li Yesu adu akoto bhú zabu-o lie, kpála bini na kuti bhomu-o ago ngú nabhaka ani. Kpála ang-o, osisiti bua adu bhú ani. Ekpi bhelé, ani du adyi bongo de, ani du asi bhú 'ti de. La-a, ani adu bha bini adu bhú ká olata. ²⁸⁻²⁹ Siti bua-a adu agbulu ani piko. Abhomu-o, u atsia adu agbite 'kpa ani ne 'dhu ani ne ekpú di ne gbindjili ngú nalila ani. Engú bini, kpála ang-o adu atsotsolo gbindjili di ne ekpu-o má dhu dhu dhu! Siti bua atsia adu amba bhúla ani ne abhú mili bili. Lí kpála ang-o au Yesu lie me-e, ani aholo natu 'ue. Abhomu-o, ani ati bhú li 'dhu Yesu, ani atsia asula kpekpeke me: «Yesu, Ndili gba Ebhe na Apí 'Kpí, mo okunda namene ngú ma pi? Ma ayo ka mu me, mo oméne ma sisiti de!» Ani apa nani mo-o, anga Yesu adu aha líli pi siti bua ang-o me ani koto bhú kpála bhomu-o makoto.

³⁰ Yesu atsia ayi kpála ang-o me: «A 'li ma pi?» Ani agie me: «A 'li ma me <Bhelé.>» Ani apa mo-o anga osisiti bua bhelé ali nani bhú ani. ³¹ Osisiti bua ang-o atsia adu akikiliki lío pi Yesu me: «Mo ombá ya bhú tsu 'dú bhe má ngbongobho-o del!» ³² A abhaka me 'ngbé piga opame bini nde ngagili 'zú gba o pí 'ta oo. Osisiti bua-a atsia apa pi Yesu me: «Ha kpadji pi ya, ya li bhú opame bhomu-o.» Ani atsia aziba pi uo.* ³³ Abhomu-o, osisiti bua aze bhú kpála ang-o, u atsia amba lío bhú opame-o. Piga opame bhomu-o libhomu ayie ne holo apí 'ta, u anu alilinda bhú ekpé-o, u atsia amu.

³⁴ Lí omulila gba opame au engú inde akodho 'kpí-e lie, u atsi ne holo, u atsia anu nakpokpo ngali ang-o abhú gudhu ne abhú okuti. ³⁵ Okpála aze ngú nau engú inde akodho 'kpí-o. U akolo de Yesu lie, u abhaka me kpála inde li osisiti bua aze bhú e nde adu kuto bhú li 'dhu Yesu. Ani adu me ani nde adyi bongo, ani nde ngabhundja 'ngú hana ndjindji. Abhomu-o, tsulá atsia aholo uo. ³⁶ Okpála inde au

ndu 'ngú bhomu-o hana atsia akpokpo pi uo maka li Yesu akobho kpála ang-o lie ko.

³⁷ Abhomu-o, ndu okpála hana na ndu doto bhomu-o atsia apa pi Yesu me ani yie bhú kuti gba o mayie, anga u adu adje tsulá naali. Yesu a'u bhú zabu-o ngú na'e ne enú. ³⁸ Kpála inde li osisiti bua aze bhú e aholo nalopolo lie pi Yesu me: «Yesu, i du me mu nde akunda-a, mo o'ó ka ma de, ní nu ne mu.» Engú bini, Yesu agie ani sidi, ani atsia apa pi ani me: ³⁹ «Gie limu agba mu, amba mu kpokpo ndu 'ngú inde li Ebhe amene e pi mu-o hana.» Abhomu-o, kpála ang-o atsia atapa ne kpokpo ndu 'ngú li Yesu amene e pi ani-e hana bhú gudhu libhomu.

Yesu akobho elé bini, ani atsia azuku di ndili na eole gba Yailo

(Tsia bhú Mat. 9:18-26; di ne bhú Mlk. 5:21-43.)

⁴⁰ Nedhinga li Yesu agie lie lie ali pála ekpé koko-o, okpála bhelé asia ani ndjindji, anga ndu uo hana adu adjeke ani. ⁴¹ Lí nedhinga bhomu-o, kpála bini akolo. A adu 'li ani me Yailo. Ani adu nani ngámá na eti nadje líli gba Moidje na bili bhomu-o. Ani ati bhú li 'dhu Yesu, ani atsia akikiliki lie pi ani me ani nu agba ní, ⁴² anga ndili gba ani na eole adu masakpe de nakpi. Koli ndili bhomu-o bha nani ka ani bini, ani adu ne kalanga ndjikpa ne ká bhisi. Lí kpadji-e, bhiti okpála asulá Yesu má wakaka!

⁴³ A abhaka me elé bini nde oo. Elé ang-o-o, ngute adu atuko li ani bhú sunda kalanga ndjikpa ne ká bhisi. [Ani andjia nani tia lie hana pi omutia], engú bini, kpála bini ti nani da nakobho ani de. ⁴⁴ Ani ago ne akele Yesu, ani atsia abu 'kpa e li bongo 'ta ani-o.† Ngute-e a'o bha kolo natuko li ani maka ndjombe. ⁴⁵ Abhomu-o, Yesu atsia ayi me: «A abu 'kpa e li ma da?» Ndu uo hana agie me: «A ko naae ya de!» Piele atsia apa pi Yesu me: «Musuno, bhiti okpála inde asa mu ngbalina inde-e, ngasulu mu ngao.» ⁴⁶ Engú bini, Yesu atsia apa me: «Kpála bini abu 'kpa e li ma, anga ma ambila me té angu gba ma-a akoto.»

⁴⁷ Elé ang-o au me Yesu ambila engú inde ni amene e ambila. Abhomu-o, ani ago ne naguku, ani tsia ati bhú li 'dhu Yesu. Ani atsia akpokpo pi Yesu kala ndu okpála hana ta 'ngú inde ani abu 'kpa e li ani lie, di ne maka ani akobho bha lie maka ndjombe-o. ⁴⁸ Yesu pi ani me: «Ndi elé-e,

* **8:32** 8:32 Engú inde amene lie si-e, a du nani bhú kuti gba omaYuda de, anga omaYuda ngau opame sisiti. Tsia bhú Lev. 11:7, ne bhú Det. 14:8, di ne bhú Mlk. 5:11. † **8:44** 8:44 Bhú líli gba omaYuda-a, li elé du ne kuo gba olisi-e, ani bu 'kpa e li bhoko-o, li bhoko ang-o kólo sisiti kala Ebhe. Tsia bhú Lev. 15:25-33.

mo okobho, anga mo obhuka ma kukulú. Nũ ne guo 'ngú.»

⁴⁹ Nedhinga li Yesu adu apa lie mo-o, kpála bini ayie agba ngámá Yailo, ani ago apa pi ani me: «Ndili gba m̄-o andjili. Mo ondála matá m̄suno de.» ⁵⁰ Engú bini, li Yesu adje ani lie, ani atsia apa pi Yailo me: «Mo odjé tsulú de, du bha ne nabhuka, ndili gba m̄-o akóbho makobho.»

⁵¹ Li Yesu akolo lie agba ngámá Yailo, ani ziba de me kpála bini li nganda ni abhú 'ti-e de, bha bini Piele, Djae ne Djaki, a la bhadi-e 'dyi ndili-e ne 'hi ndili-o. ⁵² Ndu okpála inde adu oo hana, adu atu 'ue ne naku 'gbá ngú ndili ango-o. Abhomu-o, Yesu atsia apa pi uo me: «Yi 'o naku 'gbá! Ndili-e kpi de, engú bini, ani tila.» ⁵³ La-a, u aholo namu ani anga u adu ambila ndjindji me ndili-e akpi. ⁵⁴ Abhomu-o, Yesu aholo 'kpa ani, ani atsia asula kpekpeke me: «Ndika ma, yie bhúlá!» ⁵⁵ Ndili-e azuku, ani ayie bhúlá kolo má gala! Yesu atsia aha líli pi uo me, u ha ezú pi ani. ⁵⁶ Okpála inde azu ani angamba naali. Engú bini, Yesu agbele 'dje uo kpekpeke me u apa belegu engú inde akodho 'kpí-e pi kpála bini de.

9

Yesu atima obhulú titima ndjikpa ne ká bhisi gba e-o

(Tsia bhú Mat. 10:5-15; di ne bhú Mlk. 6:7-13.)

¹ Ekpí bini, Yesu apo bhúla omukpata ndjikpa ne ká bhisi gba e-o. Ani aha angu pi uo me u pandja ndu osisiti bua hana bhú okpála, amba u kobho di okpála na kuo. ² Pipita-a, ani atsia atima uo me u nũ ne kpokpo ngali Nau gba Ebhe, amba u kobho di okpála na kuo. ³ Ani pi uo me: «Nanu ka yi-e, yi abhá oehe de. Yi ahá ndula de. Yi ahá ehe ngú nabi 'he bhúbhú de. Yi ahá ezú de. Yi ahá falanga de. Kpála bini bhú ká yi ahá bongo na mbulu bhisi de. ⁴ Ndu eti hana u asia yi bhú e-e, yi du bha oo, akólo li nedhinga inde yi ayie lie bhú eti ango-o. ⁵ Ndu eti hana u sia yi bhú e de-e, yi de koto bhúbhú, amba yi pulu doto na kuti gba uo inde adhedhe li 'dhu yi-o. Bhothomu-o asúno pi uo me u amene siti 'ngú.» ⁶ Obhulú titima gba Yesu agbida, u apu bhú ndu okuti hana. U akpokpo Bádha Ngali gba Ebhe-e pi okpála. U atsia akobho di okpála na kuo ne ndu bili hana.

Mabhundja gba Elode adholo ngangá
(Tsia bhú Mat. 14:1-12; di ne bhú Mlk. 6:14-29.)

⁷ Elode, ngámá na ndu doto na Galilaya, adje ndu 'ngú li Yesu ne omukpata gba e

adu amene e hana. Abhomu-o, mabhundja gba ani-e atsia aholo adholo ngangá, anga okpála koko adu apa me: «Djae bhulu nabatisa okpála azuku!» ⁸ Okoko adu apa me: «Polofeta Eliya akoto bhomu-o ngae.» Okoko atsia adu apa matá me: «Suka opolofeta na kalanu-o, azuku bhomu-o ngae.» ⁹ Engú bini, Elode atsia apa naae me: «Ma aha nani líli-e ngama me u kodho ngulu Djae. Kpála bhende ma ngadje okpála apa 'ngú gba e me-e, a ko matá naae da?» Abhomu-o, ani atsia adu agili me ni u Yesu.

Yesu aha 'zú pi bhiti okpála
(Tsia bhú Mat. 14:13-21; ne bhú Mlk. 6:30-44; di ne bhú Dja. 6:1-14.)

¹⁰ Li obhulu titima agie lío lie de Yesu-o, u atsia akpokpo ndu 'ngú inde u amene e hana pi ani. Pipita-a, ani abha uo, ani atsia atapa ne uo de okpála tsutsu li pápá na gudhu na Betesaida. ¹¹ Engú bini, li bhiti okpála bhomu-o ambila lie me u agbida oo, u atsia akpata ani. Abhomu-o, Yesu asia uo, ani atsia akpokpo 'ngú pindji Nau gba Ebhe-e pi uo. Ani atsia akobho di okpála inde adu ne kuo ko.

¹² Li ekpí aholo lie nabi-e, obhulu titima ndjikpa ne ká bhisi-e adyudyo lío de Yesu, u atsia apa pi ani me: «Ha kpadji pi okpála, amba u gbida nagili dabili nasi tété, di ne ehe nazú mazú bhú odjedje kuti masikpe si, anga ní ei bhú mili bili.» ¹³ Do Yesu pi uo me: «Yi ha 'zú pi uo ngayi.» U atsia agie me: «A bha ka ya si ne mapa bhuluvue di ne sungu bhisi. Ne me mo okunda me ya nũ nakala ezú pi ndu okpála inde-e hana ngaya?» ¹⁴ (Obhosi adu nani oo masikpe de kutu bhuluvue.) Yesu atsia apa pi omukpata gba e me: «Yi pa pi uo me u popo bhúla o okpála ndjikpa bhuluvue, ndjikpa bhuluvue, amba u dulú kuto.»

¹⁵ Omukpata-a amene maka ani apa pi uo lie ko. U atsia apa pi ndu okpála hana me u dulú kuto. ¹⁶ Abhomu-o, Yesu aha mapa bhuluvue ne sungu bhisi-o, ani atsia 'kpí ne bhúlá, ani atsia agie heni pi Ebhe ngubula ezú bhomu-o. Pipita-a, ani agumu mapa ne sungu-o, ani aha pi omukpata ngú nagagapa li okpála. ¹⁷ Ndu uo hana azú 'he, u a'u'u má kpú kpú kpú! Dudu atigalaa, obhulú titima alo, a atsia abebedhe okili ndjikpa ne ká bhisi.

Piele apa me Yesu ne Masiya
(Tsia bhú Mat. 16:13-19; di ne bhú Mlk. 8:27-29.)

¹⁸ A akolo ekpí bini, Yesu adu akpokpo 'ngú ne Ebhe kpi e kpi me, omukpata gba ani-e nde de ani. Ani atsia ayi uo me:

* 9:5 9:5 Okuti gba omaYuda inde i ziba nani Bádha Ngali gba Ebhe-e de-e, u du nani au uo maka omaYuda de, ne odoto gba o-o hana. Tsia bhú Mlk. 6:11.

«Okpála ngapa me ma ne da?»¹⁹ U agie me: «Okpála koko ngapa me, mụ ne Djaa bhulu nabatisa okpála. Okoko me, mụ ne polofeta Eliya. Okoko matá me, suka opolofeta na kalanu-o azuku.»²⁰ Aní atsia ayi matá uo me: «A la yi-e, yi ngapa naayi me ma ne da?» Do Piele me: «Mụ ne Masiya inde li Ebhe atima e ko.»

Yesu akpo 'ngú pindji nakpi ne nazuku ka e

(Tsia bhú Mat. 16:20-28; di ne bhú Mlk. 8:30, 9:1.)

²¹ Engú bini, aní agbele 'dje uo kpekpeke, aní atsia aha líli me u apá belegu engú bhomu-o pí kpála bini de. ²² Abhomu-o, aní atsia apa matá pí uo me: «A ayo me ngama, Ndili gba kpála-a, ma dje líkabhu naali. Obhelesi okpála, ongbengbe odimandé di ne omusuno na líli gba Moidje ayála ma. U abhélo ma, engú bini, ekpí na bata-a, ma tsia zúku.»

²³ Pipita-a, aní apa pí ndu okpála hana inde adu o me: «Í dū me kpála nde akunda nakpata ma-a, a ayo me aní 'o nabhundja 'ngú gba e makpe. Ekpí bini ne bini hana, a ayo me aní bí kulusi gba e-o, amba aní kpata ma.»²⁴ Padhá de, anga í dū me kpála nde akunda nalila mukobho gba e, aní kpí. La-a, í dū me kpála nde akunda nakpi ngubula ma-a, aní tsia kóbho. ²⁵ Í dū me kpála nde asia ndu 'he na doto hana, engú la bini, ngaani makpe aní ngita-a, aní tsia kpi-e, a la pí aní babadha bhúbhú ne ní? ²⁶ Í dū me kpála bini nde adje numu lí 'ngú gba ma-a, di ne bhe ma ngapa e-e, ngama Ndili gba kpála, ma adje bhadi numu lí 'ngú gba aní. A adú moko lí nedhinga ma agó lie bhú nau na asasaua gba ma, ne bhe gba 'Dyi ma, di ne bhe gba oandjelu na bububu-o. ²⁷ Ma apa pí yi na paká me, okpála koko bhú ká obhende inde sí-e, mú padhá de, u aú ngaizá Nau gba Ebhe-e kalanu.»

Zi Ebhe asa Yesu ngbalina

(Tsia bhú Mat. 17:1-8; di ne bhú Mlk. 9:2-8.)

²⁸ Masikpe de ekpí madjina pita aní apa 'ngú bhomu-o lie, Yesu aha Piele, ne Djaá di ne Djaki, aní atsia a'u ne uo apí 'ta ngú nakpokpo 'ngú ne Ebhe. ²⁹ Aní adu akpokpo 'ngú ne Ebhe lie, bhúla aní ayipa lie, bongo gba aní avu má tuu! ³⁰ Kolo me-e, okpála bhisi aze, u atsia aholo nagama 'ngú ne aní. A adu nani Moidje ne Eliya. ³¹ Zi Ebhe asa uo ngbalina. U atsia adu akpokpo 'ngú ne Yesu maka aní adji nandjia kulu gba e lie ne nakpi ka e abhú Yelusalema ko. ³² Piele ne obi e adu ne ela má yikpokpo! U agbungua lío lie, u au Yesu ne okpála bhisi me zi Ebhe nde asa uo ngbalina. ³³ Lí okpála bhisi bhomu-o

adu ayie lie de Yesu-o, Piele atsia apa pí aní me: «Musunu, ya sí ndjindji. A ayo me ya yiki 'ti ngbangbali bata, bini pí mụ, bini pí Moidje, bini pí Eliya.» (Engú bini, aní dū ambila ta 'ngú inde aní adu apa e de.)

³⁴ Nedhinga aní adu apa 'ngú bhomu-o lie, ndindi atsia ago abuku uo. Lí ndindi adu abuku uo lie, omukpata atsia aholo nadje tsulu naali. ³⁵ Bhú ndindi-e, eli bini akoto, atsia apa me: «Kpála inde-e, a ko Ndili gba ma inde ma abhu e ko. Yi dje aní!» ³⁶ Pita lí eli bhomu-o andjia lie, u au bha ibili Yesu kpi e kpi. Nani lí nedhinga bhomu-o, omukpata andjili bha má bulu! U tsia pa nga nani engú angu-o pí kpála bini de.

Yesu akobho ndili na bhobhoko bini lí siti bua adu ato mbolo lie

(Tsia bhú Mat. 17:14-18; di ne bhú Mlk. 9:14-27.)

³⁷ Lí ekpí aseke lie, Yesu ne omukpata bata-a akó eta-o. Okpála bhelé atsia ago ngú nako lío ne Yesu. ³⁸ Bhú ká okpála bhomu-o, kpála bini aholo nasusula me: «Musunu, kíkiliako, dje nga bha-a mbo ndjinga ndili gba ma na bhobhoko-o. Koli aní bha ka ma bini!» ³⁹ Siti bua ngagbulu aní píko. A ngaha pí aní natu 'ue. A ngadyiki aní kpekpeke má djigi djigi! Lí efu holo naze bhú 'bhé aní. Bua angu-o le bha nakoto bhú aní pima. Lí angu aní ndjia má ngba! ⁴⁰ Ma akikiliki líma pí omukpata gba mụ-o me u gbe bua angu-o bhú aní, engú bini, u ale pima.»

⁴¹ Do Yesu de-e: «Ngayi okpála na naki-e, yi ne nabhuka ade, yi ngamene siti 'ngú. Ma adú matá ne yi bhú dabili bini ngubula ekpí madho? Ma akíbila matá yi ngubula ekpí madho?» Pipita-a, Yesu apa pí kpála angu-o me: «Go ne ndili gba mụ ei.»

⁴² Lí ndili-e adu ago lie, bua angu-o adyiki aní má djigi djigi! Aní atsia agu 'i aní kuto má gbwe! Abhomu-o, Yesu ambe bhú 'ndji siti bua angu-o. Aní akobho ndili-o, aní atsia aha aní pí 'dyi e. ⁴³ Ndú okpála hana adu angamba. U atsia aziba me Ebhe ne angu naali.

Yesu akpo matá engú pindji nakpi gba e ko

(Tsia bhú Mat. 17:22-23; di ne bhú Mlk. 9:30-32.)

Lí ndu okpála hana adu angamba lie lí ndu 'ngú lí Yesu adu amene e, aní atsia apa pí omukpata gba e me: ⁴⁴ «Yi dje engú ma adji apa e pí yi inde-e ndjindji. U apú ma, Ndili gba kpála-a, pí okpála na doto.»

⁴⁵ Engú bini, omukpata gba aní-e mbila nani ta 'ngú bhomu-o de. Ebhe awo nani tata-a pí uo mawo. U atsia adu adje tsulu ngú nayi aní tété.

A ngbéngbé da?

(Tsia bhú Mat. 18:1-5; di ne bhú Mlk. 9:33-37.)

⁴⁶ Abhomu-o, omukpata aholo amene kpekebhe sunda o ngú nambila me, a ti da nadu ngbéngbé bhú ká o da. ⁴⁷ Engú bini, li Yesu ambila engú inde u adu abhundja e li bua o-o lie, abhomu-o, ani aha mboye ndili bini, ani a'o ani de e. ⁴⁸ Ani atsia apa pi uo me: «Kpála inde asia mboye ndili inde-e ka 'li ma-a, ani asia bhomu-o ma. Kpála inde asia ma-a, ani asia la di bhomu-o kpála inde atima ma ko. Padhá de, anga kpála inde ane ne mboye bhú ká yi hana-a, ani ane ne enghé ngae.»

Kpála inde i yala yi de-e, a ko naayi kpála

(Tsia bhú Mlk. 9:38-40.)

⁴⁹ Abhomu-o, Djaa adyudyo lie de ani, ani atsia apa pi ani me: «Musuno, ya au kpála bini ngapandja osisiti bua bhú okpála ne 'li mu. Ya di me yoko ani, anga a ko mukpata gba mu-o maka ya de.» ⁵⁰ Engú bini, Yesu agie pi ani me: «Yi ayóko ani de, anga kpála inde i yala yi de-e, a ko naayi kpála.»

Okpála na kuti bini na ndu doto na Samalia ayala nasia Yesu

⁵¹ Li nedhinga nagie lie ka Yesu abhúlá-a akolo lie masikpe-e, ani atsia aholo kpadji na Yelusalema ne kpéke bua hana. ⁵² Ani atima obhulu titima kalanu bhú kuti bini na ndu doto na Samalia, ngú naleke ndu 'ngú hana pi ani ndjindji. ⁵³ Engú bini, ani adu la anu lie ne abhú Yelusalema-a, okpála na kuti bhomu-o atsia ayala nasia ani. ⁵⁴ Omukpata Djaki ne Djaa au lie mo-o, u atsia apa pi Yesu me: «Ngámá, mo okunda me ya ha líli me mugbálá yie abhúlá, amba a go bhili uo?» ⁵⁵ Engú bini, Yesu adji bhúla e ne li pápá gba uo, ani atsia ambe bhú 'ndji uo.† ⁵⁶ Abhomu-o, u atsia agbida bhú kuti koko.

Okpála bhende akunda nakpata Yesu
(Tsia bhú Mat. 8:19-22.)

⁵⁷ U adu lie li kpadji-e, kpála bini apa pi Yesu me: «Ma akpáta mu li ndu bilí mo onú lie hana.» ⁵⁸ Yesu atsia apa pi ani me: «A ka onekpe di ne odhu ne dabili gba o ngú nasi tété. Engú bini, dabili ngú naguo ka ma, Ndili gba kpála tété ade.» ⁵⁹ Ani apa matá pi kpála koko me: «Kpata ma.» Engú bini, kpála ang-o apa pi ani me: «Ngámá, 'o nga ma, amba ma nú zi ngaiza 'dyi ma.»‡ ⁶⁰ Yesu agie pi ani me: «'O

okpála bhende amu-o, u zi okuo gba o-o, amba ngamu-o, mu nu naamu ne kpokpo ngali Nau gba Ebhe ko.» ⁶¹ Kpála koko apa matá pi ani me: «Ngámá, ma akpáta mu makpata. Engú la bini, 'o ngaiza ma, amba ma nu bhana lima pi opiga gba ma ko.» ⁶² Yesu agie pi ani me: «Li kpála bini holo namene kulu ne kongo-o, pipita ani tsia 'kpí ne sidi-e, kpála ang-o ti ne Nau gba Ebhe-e de.»

10

Yesu atima omukpata ndjikpa mananika ne ká bhisi

¹ Pipita-a, Ngámá Yesu alo omukpata koko ndjikpa mananika ne ká bhisi.* Ani atsia atima uo bhisi bhisi kalanu bhú ndu ogudhu ne ndu bili hana inde a ayo nako lie me, ani nu bha ngae makpe ko. ² Ani atsia apa pi uo me: «Nguwa abhú 'dyi bhelé. Engú bini, okpála namene kulu ang-o bhelé ade. Yi yo ka bhulu edyi-e me ani tima okpála na kulu bhelé bhú edyi gba e ko. ³ Ma atima yi maka okandele bhú ká osia. Yi nunu! ⁴ Yi ahá falanga de. Yi ahá ehe nabi 'he bhúbhú de. Yi ahá maloké de. Yi adú ne lulu li kpadji-e ngú nayiyi okpála de.

⁵ Yi li bhú 'ti bini-e, yi de pa ngaiza me: «Guo 'ngú gba Ebhe-e du bhú 'ti inde.» ⁶ Li kpála inde akunda guo 'ngú du bhú 'ti ang-o, li guo 'ngú gba yi-e dú bhú dabili bini ne ani. † du mo-o de-e, nayi na guo 'ngú gba yi-e gie lie pí yi. ⁷ Yi du bhú 'ti ang-o. † du me u nde aha ehe nazu mazu di ne bhe nandji mandji pi yi-e, yi de zu, amba yi ndji. Padhá de, anga a ayo me kpála na kulu sia makalá na kulu gba e ko. Yi adú asi bhú 'ti ngangá de.

⁸ † du me yi nde ali bhú gudhu bini-e, li okpála na gudhu ang-o sia yi-e, yi de zu 'he inde u ahá e pi yi ko. ⁹ Yi kobho obhulu kuo inde bhú gudhu ang-o, amba yi pa pi ndu okpála hana me: «Nau gba Ebhe-e akolo de yi masikpe.»

¹⁰ Engú bini, † du la me yi nde ali bhú gudhu bini-e, u sia yi de-e, yi de ze ali kpadji, amba yi pa me: ¹¹ «Ya ngapulu belegu doto na gudhu gba yi inde adhedhe li 'dhu ya, ngú nasuno pi yi me yi amene siti 'ngú. Yi mbila la ndjindji me, Nau gba Ebhe-e akolo de yi masikpe.» ¹² Ma apa pi yi me li 'kpí li Ebhe akódho 'ngú gba okpála lie, okpála na gudhu ang-o adjé likabhu naali ané okpála na Sodomu† mane.»

† 9:55 9:55 U aye bhú obhuku koko-o me: «Yi mbila ngua bua inde i ngagama 'ngú bhú yi-e de. Padhá de, anga ngama, Ndili gba kpála-a, ma go ngú nabhili okpála de, ma ago mangho ngú nakobho uo.» Tsia bhú Luk. 19:10.

‡ 9:59 9:59 A adu me 'dyi ani nde kpi nga nani-i de. Tsia bhú Eki. 20:12. * 10:1 10:1 U aye bhú obhuku koko-o me: «Ndjikpa mananika.» † 10:12 10:12 Sodomu: A ko gudhu inde li Ebhe atsulu nani e ka siti 'ngú gba okpála ang-o. Tsia bhú Dje. 19:24-28.

*Okuti inde ayala nabhuka Yesu
(Tsia bhú Mat. 11:20-24.)*

¹³ «E-e! A ko likabhu pi yi okpála na gũdhu na Koladjina! A ko likabhu pi yi okpála na gũdhu na Betesaida! Padhá de, anga i dũ me ongamba 'ngũ inde amene lie agba yi-e, i méne lie bhú ogũdhu na Tile ne Sidona-a, okpála na ogũdhu ang-o de adyi nani pili didili, u tsia túko 'mbi bhú 'ndji o ngũ napana me u adji bua o adji. ¹⁴ Kaka-a, li 'kpí li Ebhe akódho 'ngũ gba okpála lie, likabhu gba yi-e ané bhende gba okpála na Tile ne Sidona mane. ¹⁵ Ne yi di, okpála na Kapalanauma-a, yi abhundja naayi me u a'é'e yi abhúla-a? A mo-o ade. U abála yi bhú djua na dũdũma.»

¹⁶ Do ani matá pi omukpata gba e me: «Li kpála bini dje yi-e, amba ani adje bhomũ-o ma. Li kpála bini yala nasia yi-e, amba ani ayala bhomũ-o nasia ma. Engũ bini, li kpála bini yala nasia ma-a, amba ani ayala bhomũ-o nasia kpála inde atima ma ko.»

*Omukpata ndjikpa mananika ne ká
bhisi-e agie lio*

¹⁷ Omukpata ndjikpa mananika ne ká bhisi-e agie lio me u nde abedhe ne djali bedhe. U atsia apa me: «Ngámá, osisiti bua ngamanga belegu ya ngao nedhinga ya ngaha líli pi uo lie ne 'li mũ ko!» ¹⁸ Yesu atsia apa pi uo me: «Ma au Satana ayie abhúla aké kuto maka mugbálá. ¹⁹ Yi djedje nga, ma aha angu pi yi ngũ nadele okpũlu ne oapekebhe ne 'dhu yi di ne nandjia ndu angu gba bhũlu yala gba yi-e hana. Ehe bini tí da namene yi sisiti de. ²⁰ Engũ bini, yi akpi djali ka li osisiti bua ngamanga yi lie de. Yi kpi mangbo djali ka li Ebhe aye 'li yi lie abhúla ko.»

Yesu akpi djali

(Tsia bhú Mat. 11:25-27, 13:16-17.)

²¹ Bha li nedhinga ang-o makpe-e, Yesu abedhe nani ne djali bedhe ka Bu Bhobua. Ani atsia apa me: «Ma agie heni pi mũ, 'Dyi ma, Ngámá na abhúla ne Ngámá na doto. Padhá de, anga engũ inde mo opana e pi obhende imbilangũ de-e, mo owo pi okpála na imbilangu di ne obhende amene balua má too! A moko, 'Dyi ma, anga mo okunda bha nani moko.

²² 'Dyi ma, mo oha ndũ 'he hana mũma. Kpála bini mbila de me ngama, Ndili-e, ma ne da-ie, bha bini ngamũ, 'Dyi ma. Kpála bini mbila la di de me ngamũ, 'Dyi ma-a, mũ ne da-ie, bha bini ngama, Ndili gba mũ-o, la di ne okpála bhende li ngama, Ndili-e, ma akunda napana mũ pi o ko.»

²³ Pipita-a, ani adji bhúla e li pápá gba omukpata gba e-o, ani atsia apa pi uo kpi o kpi me: «A ko djali pi yi, ngayi okpála i ngau engũ inde yi ngau e ko! ²⁴ Padhá de, anga ma apa pi yi me opolofeta di ne ongengbe ongámási bhelé akunda nani nau engũ yi ngau e inde, engũ bini u u de. U akunda nani nadje engũ yi ngadje e inde, engũ bini u dje de.»

*Kpála bini na ndu doto na Samalia inde
amene bádha 'ngũ*

²⁵ Abhomũ-o, mũsuno bini na líli gba Moidje ayie bhúla. Ani atsia ayi Yesu ngũ nale ani me: «Mũsuno, a ayo me ma mene pi ngubula me ma sia mukobho na dũdũma?» ²⁶ Yesu agie pi ani me: «U aye bhú líli gba ní-e pi? Mo otatanga lie, mũ djedje bhúbhú pi?» ²⁷ Kpála ang-o atsia agie pi ani me: «A ayo me kunda Ebhe, Ngámá gba mũ-o, ne bua mũ hana, ne mukobho gba mũ-o hana, ne angu gba mũ-o hana, ne mabhundja gba mũ-o hana», amba «Mũ kunda la di kilí mũ, maka mo okunda limũ lie makpe ko.» ²⁸ Do Yesu pi ani me: «Mo ogie ndjindji. Mene moko, amba mũ sia mukobho na dũdũma.»

²⁹ Engũ bini, mũsuno na líli-e ang-o adu akunda nasuno me engũ inde ní ayi e, a ngbingbili. Abhomũ-o, ani atsia ayi Yesu me: «Kilí ma-a, a ko da?»

³⁰ Do Yesu pi ani me: «Kpála bini ayie nani bhú Yelusalema, ani adu aké ne abhú Djeliko. Li kpadji-e, ani ati bhú 'kpa obhũlu 'zi inde adu agbũlu 'he gba okpála ne kpéke. U abha obongo gba ani-o. U abhi ani má kpú! U abha lio-o, u agbida. U atsia a'o ka ani masikpe de nakpi. ³¹ Dimandé bini adu apu li kpadji ang-o. Ani au kpála ang-o lie me-e, ani abuma bha ani li pála kpadji koko, ani atsia atapa. ³² Kpála bini na piga gba Levi[‡] akolo di li bili li kpála ang-o adu lie-o. Ani au ani lie, ani abuma bha ani li pála kpadji koko, ani atsia atapa.

³³ Engũ bini, kpála bini na ndu doto na Samalia inde adu naae bhú dhũku li kpadji bhomũ-o, akolo de ani. Ani au ani lie, ani adje ndjinga ani naali. ³⁴ Ani adyudyo lie de ani masikpe. Ani aha emũ di ne vino, \$ ani atuko li djila oeka gba ani-o, ani atsia agbite ne papala bongo. Ani aha ani, ani a'o ani pi 'ngbu punda gba e-o. Ani anũ ne ani bhú 'ti gba ogomago. Oo, ani atsia alila ani ndjindji. ³⁵ Li ekpi aseke lie, ani agbe li falanga bhisi, ani aha pi bhũlu eti-o. Ani atsia apa pi ani me: «Lila kpála inde e ndjindji. I dũ me mũ ne adu apũ tia koko pi ani pi bhende-e, ma agie pi mũ ngama, nedhinga ma apũ matá lie sii ko.»

† 10:27 10:27 Tsia bhú Det. 6:5; di ne bhú Lev. 19:18.

‡ 10:32 10:32 Piga gba Levi: A ko okpála inde a adu nani

ateteke odimandé li kulu bhú 'ngbé 'ti Ebhe gba omaYuda-o. \$ 10:34 10:34 Vino du di nani ngũ nabhili okéké bhú djila eka.

³⁶ Yesu atsia ayi musuno bhomu-o me: «Mo obhundja naamu pi? Bhú ká okpála bata bhomu-o, a ko kpála bhedho adu nani kilí kpála inde ati bhú 'kpa obhulu 'zi bhomu-o?» ³⁷ Musuno na líli-e agie me: «A ko bhende adje ndjinga ani-o.» Yesu atsia apa pi ani me: «Nanu, amba mu mene bhadi moko.»

Yesu anu natsia Malata ne Malia

³⁸ Li Yesu ne omukpata gba e adu lie li kpadji-e, ani ali bhú kuti bini. Oo, olo bini adu 'li ani me Malata, ani atsia asia Yesu agba e. ³⁹ Malata adu ne ndai e na oelo bini, adu 'li ani me Malia. Malia adu naae kuto bhú li 'dhu Yesu, ani atsia adu adje engu inde li Yesu adu apa e ko. ⁴⁰ Bua Malata adu abhúla ka bhiti kulu-o. Ani ago de Yesu, ani atsia apa pi ani me: «Ngámá, li ndai ma a'o ka ma lie namene ndu kulu hana kpi ma kpi me-e, mu bhundja 'ngú tété bini dí? Pa ngala pi ani me, ani go ha mbo 'kpa e muma.» ⁴¹ Ngámá agie pi ani me: «Malata, Malata, mu nga'o bua mu abhúla, mu la di ngatutu limu ngubula ongu bhelé. ⁴² La-a, a ndjindji ne koli 'he bini. Malia aha naae ehe inde ane ne báda, inde li kpála bini dhépe e ka ani de.»

11

Yesu asuno nakpokpo 'ngú ne Ebhe pi omukpata gba e-o

(Tsia bhú Mat. 6:9-13.)

¹ A adu ekpi bini, Yesu adu akpokpo 'ngú ne Ebhe li bili bini. Ani andjia lie, suka omukpata gba ani-e atsia apa pi ani me: «Ngámá, suno nakpokpo 'ngú ne Ebhe pi ya, maka li Djae asuno di lie pi omukpata gba e ko.» ² Yesu atsia apa pi uo me: «Yi du akpokpo 'ngú ne Ebhe-e, yi de pa me: 'Dyi ya,

a ayo me, okpála mbila me, mu ne Ebhe na bubu;

a ayo me, mu go u Ngámá pila doto.

³ Ha ezu gba ya na ekpi bini ne bini-e pi ya.

⁴ Mbu li osisiti 'ngú gba ya ko.

A moko, ngaya makpe, ya ngambu di li osisiti 'ngú li okpála amene e li pabili gba ya ko.

Mo o'ó de me nale ha angu ya-a de.»

⁵ Yesu atsia apa matá pi uo me: «I du me suka yi bini nde ne kilí e, ani nu bhaka ani agba e tutu sukpe ngu napa pi ani me: «Wai, ha mbo mapa muma bata. ⁶ Kilí ma bini inde bhú dholo ago li ma oo, ehe la ka ma ngu nahaha pi ani ade.» ⁷ I du me bhende abhu 'ti-e nde agie pi ani me: «Mo ondála ma de! Ma ani bhoti-e ani. Ngaya

ne ongisi gba ma-a, ya asili kuto asili. Ma ti da nayie bhúla ngu naha mapa pi mu de.»

⁸ Ma apa pi yi na paká me, abana ani yie bhúla ngu nahaha pi ani kabula mukunda gba o-o de-e, engu bini, ani ayie bhúla ngu naha ndu 'he hana inde ani nde ne gumu e pi ani ka ani ngandala ani lie ko.

⁹ Ngama-a, ma atsia apa pi yi me, yi yo 'he inde yi nde ne gumu e-o, amba Ebhe ha pi yi. Yi gili 'he inde yi nde ne gumu e-o, amba yi u. Yi bhi bhoti-o, amba Ebhe 'u pi yi. ¹⁰ Padhá de, anga ndu okpála hana inde ngayo 'he ani nde ne gumu e, ani ngasisia. Kpála bhende ngagili 'he inde ani nde ne gumu e, ani ngauu. Ebhe nga'u bhoti pi kpála bhende ngabhibhi-o. ¹¹ Bhú ká yi odyi ongisi-e, a ti da naha kpulu pi ndili gba e da, i du me ndili-e nde ayo ka ani sungu-o? ¹² I du me ani nde ayo ka ani pala 'ngu-o, ani tsia há pi ani apekebhe-e?

¹³ Belegu ngayi okpála na sisisi-e, yi ngaha babadha 'he pi ongisi gba yi-o. A ane la mane ne báda pi 'Dyi yi inde abhúla-a me ani ha Bu Bhobua pi obhende ngayoyo ka ani ko!»

Yesu agbe siti bua inde adu ani 'bhé kpála-o

(Tsia bhú Mat. 12:22-30; di ne bhú Mlk. 3:22-27.)

¹⁴ Yesu adu agbe siti bua inde adu ani 'bhé kpála bhú bhoko bini. Li siti bua angu-o akoto lie, kpála angu-o aholo agama 'ngú. Abhomu-o, bhiti okpála inde adu oo angamba naali. ¹⁵ Okpála koko bhú ká uo atsia apa me: «Ngámá gba osisiti bua inde 'li e me Beledjebula ngaha angu pi ani ngae, ngu napandja osisiti bua ne di!»

¹⁶ Okoko adu agili nale ani. Abhomu-o, u atsia apa pi ani me, ani mene ngamba 'ngú ngu napana me, angu gba ani-e ngayie abhúla. ¹⁷ Engu bini, Yesu ambila mabhundja gba uo-o lie, ani atsia apa pi uo me: «I du me okpála gba ngámá bini nde ngagu gbele sunda o, nau angu-o lu-u de. Li ndu eti hana túko. ¹⁸ I du me omaha Satana nde ngagu gbele sunda o-o, nau gba ani-e ti da nalu lele pi? Padhá de, anga yi ngapa me, ma ngapandja osisiti bua ne angu gba Beledjebula. ¹⁹ I du me ma nde ngapandja osisiti bua ne angu gba Beledjebula-a, okpála gba yi-e ngapandja uo ne angu gba da? Kaka-a, okpála gba yi-e akódho 'ngú gba yi-e ngao! ²⁰ La-a, i du me ma nde ngapandja osisiti bua ne angu gba Ebhe na paká-a, apa bhomu-o me, Nau gba Ebhe-e akolo li yi akolo.

²¹ Li kpála bini na angu inde li tia 'gú nde ka e ndjindji, du alila eti gba e-e, ehe bini dala tia gba ani-e de. ²² Engu la bini,

* 11:11 11:11 U aye bhú obhuku koko-o me: «Teme i du me u nde ayo ka ani mapa.»

i da me kpála bini inde ane ani ne angu-o go, ani há egú pí ani, ani tsia há angu ani. Ani bhá ndu tia 'gú inde ani adu a'o bua e lie hana. Ani tsia gápa ndu 'he inde ani abha e ka ani-e hana.

²³ Kpála bhende pí ma ade-e, a ko yala ma. Kpála bhende i ha 'kpa e muma ngú napo bhúla okpála de-e, ani ngatsambala uo matsambala.»

Siti bua ti da matá nagie lie
(*Tsia bhú Mat. 12:43-45.*)

²⁴ «Li siti bua koto bhú kpála bini-e, ani nú ne djakadha abhú omili bili† ngú nagili bili nago ka e tété. I du me ani nde u de-e, ani pá li bua e me: «Ma agie lima bhú 'ti gba ma inde ma akoto nako bhú e-o.»²⁵ Ani gie lie oo, ani bháka me u apo bhú 'ti-o, u aleke ndjindji. ²⁶ Abhomu-o, ani nú, ani bhá osisiti bua koko mananika inde ane ani ne siti. U gie lio bhú dabili bini, u lí bhú 'ti-o, u tsia dúlú. Pipita-a, mukobho gba kpála ango-o, kólo la matá sisiti naali ane bhende na kalanu-o mane.»

Djali na kúkúli

²⁷ Nedhinga ani adu apa 'ngú bhomu-o lie, ehe bini atsia asula pí ani bhú ká okpála me: «A ko djali pí ehe inde azu mu-o, inde di mo ondji 'ka e-o!»²⁸ Engú bini, Yesu agie me: «A ko djali mangbo pí okpála inde ngadje eli gba Ebhe di ne nalilila ko!»

Yesu ayala namene ngamba 'ngú pí okpála

(*Tsia bhú Mat. 12:38-42.*)

²⁹ Li bhiti okpála ago apo bhúla o lie de Yesu-o, ani atsia aholo apa me: «Okpála na naki inde-e sisiti. U ngayo ngamba 'ngú. Engú bini, Ebhe méne ngamba 'ngú bini pí uo de, bha bini bhende gba polofeta Djonasi. ³⁰ Padhá de, anga maka li Ebhe aha nani Djonasi lie ngú napana ngamba 'ngú pí okpála na Ninive-e, Ebhe ahá bhadi ma, Ndili gba kpála-a, ngú napana ngamba 'ngú pí okpála na naki moko. ³¹ Ngámá na ehe inde adu atsia 'kpí li ndu doto na Saba ayie nani tsutsu ngú nago nadje oeli na imbilangu gba 'ngbé ngámá Salomo. Lí Ebhe akódho 'ngú gba okpála lie, ngámá na ehe ango-o alú kala okpála na naki, ani tsia a'ó 'ngú pí uo. Kaka-a, kpála bini sí, ani ane Salomo mane!»³² Okpála na Ninive adji nani bua o li nedhinga u adje ngali gba Ebhe inde li Djonasi adu akpokpo e lie-o. Lí Ebhe akódho 'ngú gba okpála lie, okpála na Ninive alú kala okpála na naki, u tsia a'ó 'ngú pí uo. Kaka-a, kpála bini sí, ani ane Djonasi mane!»

Nadu li zi 'kpí

(*Tsia bhú Mat. 5:15, 6:22-23.*)

³³ «I du me kpála bini nde adhedhe eke-e, ani tó asa lusa de. Engú bini, ani 'ó pí 'he amba okpála inde ngali bhú 'ti-e, u u 'kpí tété ndjindji. ³⁴ Djila mu ne zi 'kpí na kute mu. Lí djila mu du ndjindji-e, ndu kute mu hana dú bhú zi 'kpí. Engú bini, lí djila mu du sisiti-e, ndu kute mu hana dú bhú biti. ³⁵ Tsia ndjindji me zi 'kpí inde bhú mu-o, adu biti de. ³⁶ I du me ndu kute mu hana nde li zi 'kpí-e, yá mu bini nde bhú biti ade-e, kute mu libhomu dú li zi 'kpí, maka li zi 'ke ngaziga mu lie má ngilili ko!»

Yesu ambamba ta osisiti 'ngú gba omuFalisai di ne bhende gba omusuno na líli gba Moidje-o

(*Tsia bhú Mat. 23:1-36; di ne bhú Mlk. 12:38-40.*)

³⁷ Lí Yesu andjia nagama 'ngú lie, muFalisai bini atsia a'ti ani agba e ngú nazu 'he. Ani ali abhú 'ti gba muFalisai-o, ani atsia aholo nazu 'he-o. ³⁸ MuFalisai ango-o angamba naali, anga ani au me Yesu vulu lie kala nazu 'he-e de.†

³⁹ Abhomu-o, Ngámá Yesu apa pí ani me: «Ngayi omuFalisai-e, yi ngavulu kute pápá di ne kute saani. Engú la bini, ngayi-e, yi abedhe ne 'ngbé bua di ne siti bua bhú yi bedhe. ⁴⁰ Imbilangu bhú yi ade! Ebhe inde abho kute-e, ani bho di bua ngae di? ⁴¹ Kaka-a, yi ha mangbo pí obhulu ndibhili ehe bhende bhú opápá di ne bhú osani gba yi ko. Yi mene mo-o, li ndu 'he hana kólo pí yi babadha.

⁴² La-a, a ko likabhu pí yi, omuFalisai! Padhá de, anga yi ngaha bini bhú ká ndjikpa na oulu na sese ne ndu djedje ulu na abhú 'dyi-e hana pí Ebhe. La-a, yi mene engú na ngbingbili pí okpála de. Yi kanda la di Ebhe de. A la bhomu-o engú inde ayo me yi mene ngaiza e me, yi nde 'lilí 'to yi li naha bini bhú ká ndjikpa na oehe gba yi-e pí Ebhe de ko. ⁴³ A ko likabhu pí yi, omuFalisai! Padhá de, anga yi kanda bha nadulu pí dabili na akalanu bhú oti nadje líli gba Moidje. Yi kanda la di me okpála du ne yiyi yi maka ongámási li ohi-kpadji. ⁴⁴ A ko likabhu pí yi! Padhá de, anga yi maka olata inde u 'o 'he pí e ngú nasusuno de, li okpála ngadhuku pí e me u nde mbila de!»

⁴⁵ Suka omusuno na líli-e apa pí ani me: «Musuno, mo opa lie mo-o, mo osobho di bhomu-o ya.»⁴⁶ Yesu atsia agie me: «A ko di likabhu pí yi, omusuno na líli! Padhá de, anga yi ngamene mugito me yi nga'otitili 'he li 'ngbu okpála. Engú la bini,

† 11:24 11:24 Mili bili: A ko bili inde li engu nde lie ade, li kpála ti da di nasi kuti lie de. ‡ 11:38 11:38 OmuFalisai adu nani navulu lio kala nazu 'he ngubula nasuno me o naao ne obabadha okpála kala Ebhe.

ngayi makpe-e, yi 'o belegu likpa yi bini tété ngú nateteke uo de. ⁴⁷ A ko likabhú pi yi! Padhá de, anga yi ngaleke olata opolofeta, inde li ogbi yi abhili nani o-o! ⁴⁸ Yi ngapana bhomu-o me, yi aziba engú inde li ogbi yi amene nani e ko. Padhá de, anga ngauo-o, u abhili opolofeta, ngayi-e, yi la ngaleke olata uo! ⁴⁹ Kaka-a, Ebhe ne imbilangu gba e, apa li 'ngú gba yi-e me: <Ma atíma opolofeta di ne obhulú titima pi uo. U abhili okoko bhú ká uo, u tsia méne okoko sisiti.>

⁵⁰ Nayie maka li Ebhe abho nani doto lie, okpála atuko ngute opolofeta bhelé. Kaka-a, okpála na naki abí mangimbo ango-o ngao. ⁵¹ Kalanu-o, u abhèle Abele. Ali soso-o, u abhèle Djakalia bhú mbadhasu na 'ngbé 'ti Ebhe gba omaYuda, sunda bili natsulu enu pi Ebhe ne titina na bubu-o. Ma apa pi yi na paká me, okpála na naki abí mangimbo na ngute okpála bhomu-o hana ngao!

⁵² A ko likabhú pi yi, omusuno na líli! Padhá de, anga yi ani bhoti na imbilangu-o. La ngayi makpe-e, yi li de. Yi atsia ani la di bhoti ango-o pi obhende akúnda nali-o.»

⁵³ Li Yesu ayie lie li bili bhomu-o, omusuno na líli ne omuFalisai aholo napa-padha ani. U atsia aholo ayiyi ani li ongu bhelé bhelé. ⁵⁴ Padhá de, anga u adu agili nagbo ani li 'li e.

12

Yi du apa 'ngú mbámhá, yi adú ne tsulu de

(Tsia bhú Mat. 10:26-27.)

¹ Nedhinga bhomu-o, bhiti okpála apo bhála o de Yesu. U adu bhibhiti naali, kaka-a, u adu adedele 'dhu obi o. Abhomu-o, Yesu atsia aholo napa ngaiza pi omukpata gba e me: «E-e! Yi lila liyi ka levile gba omuFalisai-e uu! Padhá de, anga u ngali bhú ndu ongu hana ne kali gba o-o maka li levile* ngali bhú mapa lie hana ko. ² Ndu 'ngú inde awo lie mawo-o hana, akóto bhú mbasu. Ndu 'ngú inde na pepe hana, ndu okpála hana ambila. ³ Kaka-a, ndu 'ngú inde yi apa e sukpe-e hana, okpála adjé ne ngbikpi. Ndu 'ngú inde yi apa e bhú tupele abhú 'ti-e hana, okpála asúsula ne di bhú mbasu.»

Kpála inde a ayo me yi kpe e ko

(Tsia bhú Mat. 10:28-31.)

⁴ «Ma apa pi yi, ngayi ondaise ma me: yi akpé okpála bhende ngabhèle kute-e de, inde pipita-a, i ti da matá namene 'he bini de ko. ⁵ Ma asúno pi yi kpála inde a ayo me yi kpe e ko. Yi kpe Ebhe inde ka e ne angu ngú nabhili okpála. Pipita-a, ani ti da nabu

uo bhú djua na duduama. A moko, ma apa pi yi me: yi kpe mangbo ani!

⁶ U tsitsindji odjedje odhu bhuluvue ngubula senge bhisi di? La-a, Ebhe 'ili 'to e li saka uo bini de. ⁷ Ebhe mbila belegu alo na sundjo yi-e hana. Yi adjé tsulu de, bhú djila Ebhe-e, yi ane bhiti odjedje 'dhu bhomu-o mane!»

Okpála ayála Yesu-o, Yesu ayála di uo (Tsia bhú Mat. 10:32-33, 12:32.)

⁸ «Ma apa pi yi me: kpála inde apa li ma bhú ká djila okpála me ni ne naama kpála-a, ngama, Ndili gba kpála-a, ma apa bhadi li ani bhú ká djila oandjelu gba Ebhe-e me, a ko naama kpála. ⁹ Engú bini, kpála inde apa li ma bhú ká djila okpála me ni mbila ma de-e, ngama, Ndili gba kpála, ma apa bhadi li ani bhú ká djila oandjelu gba Ebhe-e me, ma ambila ani de.

¹⁰ I du me kpála bini nde apa siti 'ngú li kute ma, Ndili gba kpála-a, li Ebhe mbú li ani. I du la me kpála bini nde asobho Bu Bhobua-a, Ebhe mbú li ani de.

¹¹ Nedhinga u anú lie ne yi bhú oti nadje líli gba Moidje, di ne kala ongámási inde ngatsia 'kpi li doto me u kodho 'ngú gba yi-e, yi adjé tsulu de me yi akóboho li mangua kpadji dho-ie de, di ne me yi apa pi-ie de.

¹² Padhá de, anga li nedhinga bhomu-o, Bu Bhobua asúno pi yi ngae engú inde a ayo me yi pa e-o.»

Mukobho gba kpála ane tia

¹³ Abhomu-o, kpála bini bhú ká okpála apa pi Yesu me: «Musuno, pa pi ndai ma me ani ha naama tia na libhondi 'dyi ya-a muma haha.» ¹⁴ Yesu agie pi ani me: «Wai, a'o ma kpála nakodho 'ngú di ne nagbogbo bhusu otia gba yi-e da?» ¹⁵ Ani atsia apa pi ndu uo hana me: «E-e! Yi lila liyi ka gamu tia na doto uu, anga belegu li tia du bha ka kpála bhelé-e, mukobho gba ani-e dú bhúbhú de.»

¹⁶ Abhomu-o, ani atsia akpokpo gbitaku inde-e pi uo me: «Kpála bini na tia adu nani ne odyi bhelé inde aha nguwa pi ani naali. ¹⁷ Ani adu ayi li bua e me: «Ma améne si pi? Dabili ka ma ngú nalila nguwa gba ma-a tété hana ade.» ¹⁸ Pipita-a, ani me: «Ma ambila engú inde ma améne e ambila! Ma apándjala ongbokopi gba ma-o, ma ayiki ibili obhe na ngbengbengbe. Ma bú nguwa ne otia gba ma-a hana bhúbhú. ¹⁹ Abhomu-o, ma tsia pá li bua ma me, tia ka ma bhelé ngubula bhiti kalanga. Ma guo ngala mbo guguo. Ma zú babadha 'zú, ma ndji pandi, amba ma kpi djali.» ²⁰ Engú bini, Ebhe pi ani me: «Mu ne ngingi! Sukpe na naki-e, mu ngakpi. Ndu 'he inde mo opo bhála e hana-a atigala pi

* 12:1 12:1 Li bili inde-e, levile ngasuno ehe na sisiti.

da?»²¹ Yesu apa matá me: «A bhadi moko pi kpála inde ngapo bhúla tia pi e makpe, me ani nde gili nadu bhulu tia li pápá gba Ebhe de ko.»

*Yi ha liyi pi Ebhe
(Tsia bhú Mat. 6:25-34.)*

²² Pipita-a, Yesu atsia apa pi omukpata gba e me: «Kaka-a, ma apa pi yi me: yi akína liyi ngubula ezú inde yi nde ne gumu e ngú mukobho gba yi-e de. Yi akína di liyi ngubula obongo inde yi nde ne gumu e ngú kute yi-e de. ²³ Padhá de, anga mukobho gba yi-e ane ezú. La di-e, kute yi ane bongo. ²⁴ Yi tsia nga odhu, u lulu 'dyi de. U popo bhúla nguwa de. Dabili ngú naleke 'zu ka uo tété ade. Ngbokopi ka uo ade. La-a, Ebhe ngaku uo! Mukobho gba yi-e, ane bhe gba odhu-o tsutsu naali!

²⁵ A ko da bhú ká yi-e, inde ka nakina lie, i ti da nadyudyo ekpi na mukobho gba e nga bha mbo ne ekpi bini-e? ²⁶ I dú me yi nde ti da namene belegu de mboye ehe bhomu-o, yi la ngakina liyi ngú ongu koku ka ni? ²⁷ Yi tsia nga ofelele abhiye. U memene kulu de. U dúdu bongo de. Ma apa la pi yi me, belegu 'ngbé ngámá Salomo bhú ndu ká tia gba e hana-a, ani sia bongo bini ane ne bádha maka susuka de. ²⁸ I dú me Ebhe nde ngadyi bongo li ulu inde naki abhiye, mambi u tsia bhúke e bhú djua-a, ani ti da nadyi bongo li yi ane mane di? Ngayi okpála inde li nabhuka gba yi-e nde yeye!

²⁹ Kaka-a, yi a'ó bua yi abhúlá ngú nagili ezú inde yi azú e, ne ehe bhende yi andji e de. ³⁰ Omupagano, okpála na doto inde-e, u ngagili ehe bhomu-o ndu 'kpi hana ngao. Engú bini, 'Dyi yi Ebhe mbila hana me yi ne gugumu. ³¹ Yi gili nga mangbo namene ongu inde li Nau gba Ebhe-e akunda e ko. Yi mene mo-o, li Ebhe tsia há di ndu 'he koku pi yi hana pépé.»

*Yi wo tia gba yi-e abhúlá
(Tsia bhú Mat. 6:19-21.)*

³² «Ngayi okpála gba ma, inde bhelé ade-e, yi adjé tsulu de. Padhá de, anga 'Dyi yi Ebhe au ndjindji me yi dú ongámási bhú Nau gba ani-e, maka ngaani 'Dyi yi, ni nde lie ne Ngámá ko. ³³ Yi tsindji ohe gba yi-o, amba yi ha tiatia, yi ha pi obhulu ndibhili. Yi bho pi yi oti bongo inde i kádha de. Yi wo tia gba yi-e abhúlá, li bili i siti lie de. Obhulu 'zi ti da nakolo tété de. Okokó ti la di da nazuzu de. ³⁴ Padhá de, anga bili inde li tia gba yi-e nde lie, bua yi bhadi oo ko.»

Okpála na kulu inde i ngalila

³⁵ «Yi dú bedhe ngubula kulu maka kpála inde adyi bongo na kulu, ani atsia adhedhe eke gba e madhedhe. ³⁶ Yi dú bedhe maka okpála inde i ngadjeke ngámá gba o me, ani nde atapa bhé anokomía na káva. U ngadjeke me u 'u bhoti-e pi ani má gala, li nedhinga inde ani agó nabhbhili lie ko. ³⁷ A ko djali pi okpála na kulu inde li ngámá gba o akólo lie, ani bháka me u nde la de ko! Ma apa pi yi na paká me, ani dyi bongo na kulu gba e-o, ani 'i uo ngubula nazu 'he. Ani tsia há ezú-o pi uo. ³⁸ A ko djali pi uo, i dú me ani nde abhaka me u nde la de ko, belegu ani go tutu sukpe, belegu ani go bhú sikikpi! ³⁹ Yi mbila ndjindji me, i dú me bhulu eti mbila nedhinga inde li bhulu 'zi agó lie mambila-a, ani de 'o de me ani li abhú 'ti gba ni-e de. ⁴⁰ Ngayi di-e, yi dú bedhe. Padhá de, anga yi mbila nedhinga li ngama, Ndili gba kpála-a, ma agó lie de.»

Kpála na kulu na ngbingbili di ne kpála na kulu na sisiti

(Tsia bhú Mat. 24:45-51.)

⁴¹ Abhomu-o, Piele atsia ayi ani me: «Ngámá, mo opa gbitaku inde-e bha bini pi ya kpi ya kpi? Ne me, mo opa pi ndu okpála hana.» ⁴² Ngámá agie pi ani me: «Kpála na kulu na ngbingbili ne imbilangu-o, a ko bhedho? A ko kpála bhende li ngámá gba e a'o e ngú nalila eti gba e-o, di ne nagapa ezú pi okpála koku na kulu, i dú me nedhinga anga-o nde akolo-o. ⁴³ A ko djali pi kpála na kulu anga-o, i dú me ngámá gba ani-e nde agie lie agba e, ani tsia bhaka me ani nde ngamene kulu gba e ko! ⁴⁴ Ma apa pi yi na paká me, ngámá bhomu-o 'ó ani pí 'ndji ndu 'he gba e hana. ⁴⁵ Engú bini, i dú me kpála na kulu anga-o nde apa li bua e me: «Ha-a! Ngámá gba ma-a gó má gala de.» Ani hólo nabhi obi e na obhosibhosi di ne obhe na olisilisi-o. Ani hólo nazu 'he, nandji pandi ne nalangba ne di. ⁴⁶ Ngámá gba ani-e gie lie li ekpi ani djeke ani lie de, li nedhinga inde ani mbila e de. Ngámá gba ani-e 'é ani bhú kulu, ani tsia 'ó ani bhú ká okpála na sisiti.†

⁴⁷ I dú me kpála na kulu nde ambila engú li ngámá gba e akunda e, engú bini ani tsia leke lie ngú namemene maka li ngámá anga-o akunda lie de-e, kaka-a, u bhí ani naali. ⁴⁸ La-a, i dú me kpála na kulu nde mbila 'ngú li ngámá gba e ngakunda e de-e, ani mene engú inde a ayo me u bhí ani ka e, u bhí ani naali de. Padhá de, anga kpála bhende u aha 'he pi e bhelé-e, u ayó bhadi 'he ka ani bhelé. Kpála bhende u a'o

† 12:46 12:46 U aye bhé obhuku koku-o me: «U kókodho bhusu ani má mbi mbi mbi!»

'he sa 'kpa e bhelé-e, u ayó matá ehe ka ani pépé ane mane.»

Yesu ago ngú nagbogbo bhúsu okpála (Tsia bhú Mat. 10:34-36.)

⁴⁹ «Ma ago ngú nabhike djua píla doto. Ma akúnda me adú atsi matsi! ⁵⁰ A ayo me ma sia batisimo na likabhu. La-a, likabhu li bua ma naali akólo li 'kpí inde ma asia lie ko! ⁵¹ Yi abhundja naayi me ma ago ngú na'o guo 'ngú píla doto? Ma apa pí yi me, a mo-o ade. Ma ago mangbo ngú nagbogbo bhúsu okpála. ⁵² Nayie pí mbia inde-e, piga bini na okpála bhuluvue agbó bhúsu e, bata ayála bhisi, li bhisi yála bata. ⁵³ 'Dyi ndíli ayála ndíli na bhobhoko gba e-o,

li ndíli-e yála 'dyi e.

'Hi ndíli ayála ndíli na øøø gba e-o,

li ndíli-e yála 'hi e.

Ogbi na øøø ayála øø gba ndala e,

li øø gba ndíli-e yála ogbi e. †»

Yi mbila engú inde ngakodho 'kpí mbia inde-e ko

(Tsia bhú Mat. 16:2-3.)

⁵⁴ Yesu apa matá pí okpála me: «Yi u me ebha ngago ne kati, yi kolo pá me: «Ebha inde-e adhi madhi.» I tsia méne la bhadi lie moko. ⁵⁵ Yi dje anvi me a nde ngayie li pápá na yoyoko, yi pá me: «Kpí-e akpá naali.» I tsia méne la bhadi lie moko. ⁵⁶ Ngayi obhulu kali inde-e! Yi mbila engú inde ngakodho 'kpí abhúla ne bhende píla doto-o hana. La ka ni, yi kúnda nambila engú inde ngakodho 'kpí li nedhinga inde-e lie de-e?»

Yi dje liyi ne kpála inde yi nde ne e bhú 'ngú ko

(Tsia bhú Mat. 5:25-26.)

⁵⁷ «Ka ni, ngayi makpe, yi mbila nakodho 'ngú na ngbingbili inde ayo namene e lie de-e? ⁵⁸ I dū me yi nde bhú 'ngú ne kilí mū-o, ani dū anú ne mū bhú djila okpála nakodho 'ngú-o, mū de mene ne kpéke me yi dje liyi ne ani li kpadji. Mū ngakpe bhomū-o me, ani anú ne mū pí kpála nakodho 'ngú-o de. Li kpála nakodho 'ngú-o há mū pí osudha de. Li osudha-a tsia bhike mū bhú tikpu de. ⁵⁹ Ma apa pí mū me, mū kóto bha oo me, mū nde agie ndu bopulu gba mū-o hana má kpəkəbhə!»

13

Ebhe nga'i okpála me u dji bua o

¹ Abhomū-o li nedhinga angoo, okpála koko ago akpokpo pí Yesu me: «Pilate abhili okpála koko na Galilaya me u nde ngatsulu enu pí Ebhe.» ² Ani agie pí uo me: «Yi abhundja naayi me, i dū me Pilate

nde abhili uo mo-o, a akúnda napa me u adú sisiti ane ndú okpála koko na Galilaya hana? ³ Ma apa pí yi me, a mo-o ade. Engú bini, i dū me yi nde dji bua yi de-e, ndú yi hana, yi amú bhadi maka uo. ⁴ Yi bhundja okpála ndjikpa ne ká madjina nani li 'ndjá 'ti na Silæ abhili o-o. Yi abhundja naayi me u adú nani sisiti ane ndú okpála koko na Yelusalema hana? ⁵ Ma apa pí yi me, a mo-o ade. Engú bini, i dū me yi nde dji bua yi de-e, ndú yi hana, yi amú bhadi maka uo.»

Ndula na figi inde i li lílí de

⁶ Pipita-a, Yesu atsia apa gbitaku inde-e pí uo me: «Kpála bini alu nani ndula na figi bhú edyi gba e na vino. Ekpí bini, ani ago nagili lílí bhúbhú. La-a, ani u belegu de bini. ⁷ Abhomū-o, ani atsia apa pí kpála na kulu gba e me: «Tsitisa nga, a ko mbia inde-e kalanga bata, ma ngago agili lílí bhú ndula inde. La-a, ma u belegu de bini. Dede! A ngangí bili padhá ka ni?» ⁸ Engú bini, kpála na kulu-o agie pí ani me: «Ngámá, 'o nga matá ndula angoo li kalanga inde, amba ma dji doto bhú líli ngbalina, ma tuko doto na eká bhúbhú. ⁹ Koko bhú kalanga na sidi-e, i lí lílí. I dū la me a nde li lílí de-e, mū tsia dé.»

Yesu akobho øø bini na kuo bhú 'kpí naguo gba omaYuda

¹⁰ Lí 'kpí bini naguo gba omaYuda-a, Yesu adú asuno bhú 'ti nadje lílí gba Moidje-o. ¹¹ A abhaka me øø bini na kuo nde oo. Sunda kalanga ndjikpa ne ká madjina, siti bua adú bhú ani. Siti bua angoo atsia adú anu 'ngbu ani. Kaka-a, ani ale nani nali lie pima. ¹² Lí Yesu au øø angoo-o lie, ani a'i ani. Ani atsia apa pí ani me: «'Hi ma, kuo gba mū-o ayie.» ¹³ Ani abu 'kpa e pí ani, kolo má gala me-e, ani ali lie má ngbu! Ani atsia aholo nadhøø Ebhe.

¹⁴ Engú bini, ngámá na eti nadje lílí-e ake 'ngú lie naali, ka li Yesu akobho kpála lie bhú 'kpí naguo-o. Do ani pí okpála inde adú oo me: «A ne 'kpí madhia ngú namene kulu. Yi go li okpí bhomū-o, ngubula me u kobho yi ne okuo gba yi ko. Engú bini, yi agó bhú 'kpí naguo de!» ¹⁵ Abhomū-o, Ngámá Yesu atsia agie pí ani me: «Yi ne obhulu kali! Lí 'kpí naguo-o, yi bhuhulu bagala di ne punda gba yi-e bhú 'ti o, ngú nanu ne uo me u ndji 'ngu di? ¹⁶ Øø inde-e, ani bhú piga gba Abalahama. Satana agbite ani kalanga ndjikpa ne ká madjina. A ayo de me u bhulu ani li 'kpí naguo di?» ¹⁷ Lí Yesu agie pí uo lie mo-o, ndú obhulu yala gba ani-e hana atsia asia namū. Engú bini, ndú okpála hana adú akpi djali ka

ndu obabadha kulu hana inde ani adu amene e ko.

Gbitaku pindji li ndula u a'i e me mutadi (Tsia bhú Mat. 13:31-32; di ne bhú Mlk. 4:30-32.)

¹⁸ Abhomu-o, Yesu atsia apa me: «Nau gba Ebhe-e, a maka ni? Ma ti da napapana li ni? ¹⁹ A maka li ndula na mutadi. Kpála bini aha, ani alu bhú 'dyi gba e-o. A akò, a akolo 'ngbé ndula. Odhu atsia ayiki 'ti o bhú oyáyá ko.»

Gbitaku pindji levile (Tsia bhú Mat. 13:33.)

²⁰ Do Yesu matá me: «Ma ti da napana Nau gba Ebhe-e li ni? ²¹ A maka levile inde li elò bini aha e. Ani atsia akpòdhòlò ne bhiti faline akólo li nedhinga li faline hana afúka lie ko.»

Yi li li bhoti na yeye (Tsia bhú Mat. 7:13-14, 21-23.)

²² Yesu aholo 'nú bhú Yelusalema. Li ani adu anu lie oo, ani adu apu bhú ogudhu ne bhú okuti me ani nde ngasuno Bádha Ngali pi okpála. ²³ Kpála bini ayi ani me: «Ngámá, Ebhe akòbho bha okpála masudha?» Abhomu-o, Yesu atsia agie pi uo me: ²⁴ «Yi mene ne kpéke me yi li li bhoti na yeye-o. Padhá de, anga ma apa pi yi me, okpála bhelé agili me ni li, engú la bini u alé pima.

²⁵ A maka me li nedhinga li bhu lu 'ti- e ayie bhú lá lie, ani ní bhoti-o. Pipita-a, yi délu akilidjo. Yi hólo nabhi bhoti-e me yi nde ngapa me: «Ngámá, 'u bhoti-e pi ya.» Ani tsia gie pi yi me: «Ma mbila bili li yi ayie lie de!» ²⁶ Abhomu-o, yi tsia pá pi ani me: «Ní azu nani 'he, ní andji di pandi ne yi bhú dabili bini. Mo otsia asuno li okpadji gba ya-o.» ²⁷ Ani tsia gie pi yi me: «Ma mbila bili li yi ayie lie de. Ngayi osisiti okpála, yi yie de ma oo ko!» ²⁸ Nedhinga yi aú Abalahama, Isaka, Yakobho di ne ndu opolofeta hana lie bhú Nau gba Ebhe-e, li Ebhe tsia bála la naae yi akilidjo! Oo, yi adú aku 'gbá di ne nazú tate yi. ²⁹ Okpála ayie ne 'dje doto badha hana, u tsia gó bhú anokomia bhú Nau gba Ebhe ko. ³⁰ Abhomu-o, okpála koko inde asidi mbia inde-e, u akólo akalanu. Li obhe koko inde akalanu mbia inde-e, u tsia kólo asidi.»

Yesu li kpadji na Yelusalema (Tsia bhú Mat. 23:37-39.)

³¹ Li nedhinga ang-o, omuFalisai koko ago apa pi Yesu me: «Yie si mayie, anga ngámá Elode ngakunda nabhòlò mu.»

³² Yesu atsia agie pi uo me: «Yi nu pa pi bhu lu kali maka nekpe bhomu-o me: «Ma

ngapandja osisiti bua bhú okpála. Ma di ngakobho okpála na kuo naki di ne mambi. Ma tsia ndjia kulu gba ma-a bhú 'kpí na bata.» ³³ Engú bini, a ayo me ma kpata kpadji gba ma-a, naki, mambi di ne ekpi na bata. Padhá de, anga a ayo de me, okpála bhòlò polofeta li bili koko de, bha bini abhú Yelusalema.

³⁴ Aa! Ngayi, okpála na Yelusalema-a, yi ngabhili opolofeta! Yi la di ngabhili ne teme okpála inde li Ebhe atima o agba yi-o! A ko bhatsibhatsi madho ma akunda napa bhúla yi maka li 'hi 'ngu apopo bhúla ongisi gba e lie sa mbudha e-o. La-a, yi tsia kunda de! ³⁵ Mbia inde-e, kuti gba yi-e atigala padhá. Ma apa pi yi me, yi ú matá ma belegu de bini akólo li nedhinga inde yi apá lie me: «A ayo me Ebhe tuko bisagu pí kpála inde ngago ne 'li ani ko!»»

14

Yesu akobho kpála na kuo li 'kpí naguo gba omaYuda

¹ A akolo ekpi bini, ekpi naguo gba omaYuda-a, Yesu anu nazú 'he agba suka ongámási gba omuFalisai-o. Okpála inde adu oo adu atsia Yesu ne kpéke djila. ² Abhomu-o, kpála bini inde li kute e asisika ne engu adu kala ani. ³ Yesu ayi omusuno na líli gba Moidje ne omuFalisai-e me: «Líli gba ní aziba nakobho kpála li 'kpí naguo? Ne me a ziba de.» ⁴ Engú bini, u andjili bha má bulu! Abhomu-o, Yesu aha 'kpa bhu lu kuo-o, ani akobho ani. Ani atsia apa pi ani me ani gie lie agba e. ⁵ Pipita-a, ani pi uo me: «Belegu li 'kpí naguo-o, li suka ongisi gba yi na bhosisihosi-e,* i du di-e suka bagala gba yi-e ti bhú 'dú 'ngu-o, yi kolo gbé ani má gala! A mo-o adi?» ⁶ U mbila engú bini inde u agie e tété-e de.

Yi kò liyi ne kuto

⁷ Yesu au me okpála inde u a'i o-o ngadulu pi odabili na akalanu. Abhomu-o, ani atsia apa gbitaku inde-e pi ndu uo hana me: ⁸ «Li kpála bini 'i mu bhú anokomia na kua-a, mo onú adu pi dabili na akalanu de. Padhá de, anga mu mbila de me, u a'i kpála koko inde ane mu mane e-e de. ⁹ I du mo-o, li kpála inde a'i ndu yi bhisi hana gó pa pi mu me: «O ka dabili bhomu-o pi ani.» Abhomu-o, mu nú ne namu hana, mu tsia dú asidi. ¹⁰ Engú bini, li kpála bini 'i mu bhú anokomia-a, mu de nu du pi dabili na asidi, amba li kpála inde a'i mu agó lie, ani de pa pi mu me: «Ndai ma, dyudyo limu ne akalanu.» Li ndu okpála bhende yi ngazu 'he ne o-o hana, tsia ú mu me, mu ne 'ngbé

† 13:35 13:35 Tsia bhú Djlm. 22:5; di ne bhú Ets. 118:5. u aye me «punda.»

* 14:5 14:5 Ongisi na obhosisihosi: Bhú obhuku koko-o

kpála. ¹¹ Padhá de, anga i dɔ me kpála nde nga'o lie ne abhúá-a, li Ebhe ké ani ne kuto. I dɔ la me kpála nde nga'o lie ne kuto-o, li Ebhe 'é'e ani ne abhúá.»

A ayo na'i da bhú anokomia gba mɔ-o?

¹² Pipita-a, Yesu apa pi kpála inde a'i ani-e me: «Li mu 'i okpála ngú nazú 'he tuluke, i dɔ di-e tagolo-o, mo o'í obi mu de. Mo o'í ondaise mu de. Mo o'í okpála na piga gba mɔ-o de. Mo o'í la di okpála na tia inde asili kuti lingo mɔ-o de. Padhá de, anga ngauo-o, u 'í di mu li 'kpí koko, u tsia gie ehe inde mo omene e pi u-o pi mu. ¹³ Engú bini, li mu 'i okpála bhú anokomia-a, 'i obhulu ndibhili. 'I okpála na eze. 'I obhende ne eze li 'dhu o-o di ne obhende i u 'kpí de ko. ¹⁴ Mu mene mo-o, mu dú ne djali, anga u ti da nagie 'he bini pi mu de. Ebhe agie pi mu li 'kpí li okpála na ngbingbili-e azúku lie ko.»

*Gbitaku pindji 'ngbé anokomia
(Tsia bhú Mat. 22:1-10.)*

¹⁵ U adje 'ngú bhomɔ-o lie, suka okpála inde adu azú 'he bhú dabili bini ne Yesu-o atsia apa pi ani me: «A ko djali pi kpála inde azú anokomia bhú Nau gba Ebhe-o!» ¹⁶ Do Yesu pi ani me: «Kpála bini amene 'ngbé anokomia. Ani atsia a'í okpála bhelé ngánga. ¹⁷ A akolo lie li nedhinga nazú 'he-e, ani atsia atima kpála na kulu gba e ngú napa pi okpála inde ani a'í o-o me: «Ezú-o abhú, yi gogo.» ¹⁸ Kpála ne kpála aholo ayo ka ani me ani mbu li ni. Bhe na kalanu-o apa pi ani me: «Ma akala edyi, a ayo me ma nu natsitsia. Ma ayo ka mu me mbu li ma.» ¹⁹ Koko apa pi ani me: «Ma akala obagala ndjikpa ngubula kulu na edyi. Ma adji nale uo. Ma ayo ka mu me mbu li ma.» ²⁰ Koko atsia apa matá me: «Ma aha øle mbia inde. Kaka-a, ma ti dá nanu-u de.»

²¹ Kpála na kulu-o agie lie agba ngámá gba e-o. Ani atsia akpokpo 'ngú bhomɔ-o pi ani. Abhomɔ-o, ngámá-a aholo ake 'ngú lie. Ani atsia apa pi kpála na kulu gba e me: «Nu má gala bhú odaposu, di ne li okpadji. 'I obhulu ndibhili. 'I okpála na eze. 'I obhende i u 'kpí de, di ne obhende ne eze li 'dhu o-o.» ²² Pita nedhinga masudha-a, kpála na kulu ago, ani atsia apa me: «Ngámá, ma amene líli gba mɔ-o amene. Engú bini, dabili nga bha uu.» ²³ Abhomɔ-o, ngámá atsia apa pi kpála na kulu gba e me: «Nu li okpadji 'dyi, lingo oaga na edyi, mba okpála ne kpéke, amba eti gba ma-a bedhe bedhe. ²⁴ Padhá de, anga ma apa pi yi me, okpála inde ma a'í o kalanu-o, suka uo bini zú anokomia gba ma-a de!»

*Yi 'o ka ndu 'he hana ngú nakpata Yesu
(Tsia bhú Mat. 10:37-38.)*

²⁵ Ekpí koko-o, li okpála bhelé adu adhuku lie bhú dabili bini ne Yesu-o, ani adji bhúla e li pápá gba uo-o, ani atsia apa pi uo me: ²⁶ «Kpála inde akunda akpata ma-a, a ayo me ani yala 'dyi e ne 'hi e. Ani yala wala e ne ongsi gba e-o. Ani yala ondaise e na obhosibhosi, di ne obhende na olisilisi, amba ani yala belegu mukobho gba e makpe ko. I dɔ mo-o de-e, ani tí da nadu mukpata gba ma-a de. ²⁷ Kpála inde i kunda nabi kulusi gba e de-e, inde i kpata ma de-e, ani tí da nadu mukpata gba ma-a de.»

²⁸ I dɔ me suka yi nde akunda nayiki 'ngbé 'ti-e, ani dú ngaiza kuto. Ani tsia hólo nabhundja ngú nambila me tia ka ni bhelé ngú nandja kulu angu-o. ²⁹ I dɔ mo-o de-e, ani 'o 'dhu 'ti-e, pipita ani tsia ndjia eti-e de-e, ndu okpála hana inde aú-o, u hólo namu ani. ³⁰ U tsia dú apa me: «Yi tsia nga kpála inde, ani akpo nako lita nayiki eti. Engú bini, ani ndjia de!» ³¹ A bhadi moko, i dɔ me 'ngbé ngámá bini nde akunda nagú 'gú ne 'ngbé ngámá koko, ani dú ngaiza kuto. Ani holo nabhundja ngú nambila me, ne okpála kutu ndjikpa-a, ni ti da nagú 'gú ne 'ngbé ngámá inde ka e ne okpála kutu ndjikpa bhisi-o. ³² I dɔ mo-o de-e, ani tíma obhulu titima pi 'ngbé ngámá angu-o nedhinga ani nde nga bha lie tsutsu-o. Ani tsia yí ani me: «A ayo namene pi ngubula me egú adú-u de-e?» ³³ Abhomɔ-o, Yesu atsia apa matá me: «Suka yi bini ti da nadu mukpata gba ma-a de, i dɔ me ani nde 'o ka ndu 'he gba e hana de ko.»

Ngutu inde akolo padhá

(Tsia bhú Mat. 5:13; di ne bhú Mlk. 9:50.)

³⁴ «Ngutu ne bádha 'he. Engú bini, i dɔ me kpokpo nde andjia bhúbhú andjia, u tí da nagie matá kpokpo bhúbhú ne ni? ³⁵ A belegu ndjindji ade ngú doto di ne ngú nalu 'zu. U bála bha ibili akilidjo. Kpála inde ne 'dje 'dje ngú nadge 'kpí-e, ani djedje!»

15

Gbitaku gba kandelø inde angita, u atsia au matá e

(Tsia bhú Mat. 18:12-14.)

¹ Ekpí bini, ondombi na mandjandja di ne okpála na sisiti ago ndu o hana de Yesu ngú nadge ani. ² Omufaljai ne omusuno na líli gba Moidje adu adi ani. U adu apa me: «Kpála inde-e ngasia okpála na sisiti. Ani la di ngazu 'he ne uo bhú dabili bini!»

³ Abhomɔ-o, Yesu atsia apa gbitaku inde-e pi uo me: ⁴ «Kpála bini bhú ká yi ne okandelø kámá bini. Li suka uo bini ngíta-a, ani mene pi? A na paká me, ani

'o ká obhende ndjikpa odukupabini ne ká odukupabini-e li bili nazu 'he ka o-o. Ani tsia nú nagili bhende angita-a, akólo li nedhinga inde ani aú ani lie-e ko. ⁵ Li ani au ani lie, ani bédhe ne djali bedhe. Ani há kandelø-o, ani 'ó ani pí de-ngulu e. ⁶ Ani gíe lie agba e. Pipita-a, ani 'í obi e ne okpála inde asili kuti de ani-o. Ani tsia pá pi uo me: <Yi kpi djali bhú dabili bini ne ma, anga ma au kandelø gba ma inde angita nako au!> ⁷ Yesu atsia apa matá me: <Djali adú bhadi moko abhúá ngubula kpála bini na sisiti inde adji bua e. Djali angò-o ané bhende u nde ne e ngubula okpála na ngbingbili ndjikpa odukupabini ne ká odukupabini, inde ngabhundja me o ne gumu nadji bua o ade ko.>

Gbitaku pindji lí falanga inde angita, u atsia au matá e

⁸ «Matá di-e, i du me øle bini nde ne lí falanga* ndjikpa, li susuka bini ngita-a, ani méne pí? A na paká me, ani dhédhe eke. Ani pó bili abhú 'ti. Ani gíli má bhotohoto, akólo li nedhinga inde ani aú lie-e ko! ⁹ Li ani au lie, ani 'í obi e di ne okpála inde asili kuti de ani-o. Ani tsia pá pi uo me: <Yi kpi djali bhú dabili bini ne ma, anga ma au lí falanga inde angita nako ka ma-a au!> ¹⁰ Yesu atsia apa matá me: «Oandjelu gba Ebhe-e akpi bhadi djali moko ngubula koli kpála na sisiti bini inde adji bua e ko.»

Gbitaku gba ndili inde angita, u atsia au matá e

¹¹ Yesu atsia apa matá me: «Bhoko bini adu nani ne ongisi na obhosibhosi bhisi. ¹² Bhende na ndimindimi-e apa pi 'dyi e me: <'Dyi ma, ha naama tia na libhondi-e muma haha.> Abhomu-o, 'dyi uo atsia agapa tia gba e li uo. ¹³ Pita 'kpi bedi, ndili na ndimindimi-e abha tia gba e, ani atapa ne di bhú kuti bini tsutsu. Oo, ani andjia tia gba e hana má kpøkøbhø li ndu 'ngú na padhá padhá!

¹⁴ Li ani andjia tia gba e lie hana-a, adyindi na ngbéngbé atsia ali bhú ndu doto angò-o. Abhomu-o, ani aholo adje gumu. ¹⁵ Ani anu ali bhú kulu pi suka kpála na ndu doto bhomu-o. Kpála angò-o aha ani, ani atsia atima ani abhú 'dyi gba e me ani du nalila opame. ¹⁶ Ani adu akunda nazu ezu gba opame-o. La-a, kpála bini ha nani ehe nazu mazu pi ani de.

¹⁷ Abhomu-o, ani aholo abhundja. Pipita-a, ani atsia apa li bua e me: <Ndu okpála na kulu gba 'dyi ma-a hana, ezu ka uo bhibhiti naali. Ngama la ei-e, ma ngakpi ne gumu! ¹⁸ Ma agie lima agba 'dyi ma, ma tsia pá pi ani me: 'Dyi ma, ma

amene siti 'ngú kala Ebhe di ne li pápá gba mu. ¹⁹ A ayo matá na 'i ma me ndili ka mu de. Ha bha ibili ma maka suka okpála na kulu gba mu ko.>

²⁰ Ani atsia aholo agie lie agba 'dyi e. Li nedhinga inde ani adu nga bha lie de kuti-e tsutsu-o, 'dyi ani au ani. Ani au ani lie, ani adje ndjinga ani naali. Ani anu ne holo, ani ati li ngulu ani, ani atsia akama ani li kate e. ²¹ Abhomu-o, ndili-e atsia apa pi ani me: <'Dyi ma, ma amene siti 'ngú kala Ebhe di ne li pápá gba mu. A ayo matá na 'i ma me ndili ka mu de.> ²² U akolo lie akuti-e, do 'dyi ani pi okpála na kulu gba e me: <Yaka! Yi go ne yambu bhende ane ne bádha, yi dyi li ani. Yi to kati bhú 'kpa ani, amba yi to maløke bhú 'dhu ani. ²³ Pipita-a, yi nu bhølo folo bagala na tsikpa-o. Ní zu 'he, amba ní kpi djali. ²⁴ Padhá de, anga ndili gba ma inde adu nako mugito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani.> Abhomu-o, u atsia aholo nakpi djali.

²⁵ Li nedhinga bhomu-o, ndili bhende na gigna adu abhiye. Nedhinga ani adu agie lie lie akuti-e, ani akolo lie de eti-e masikke-e, ani adje tolu 'tsi ne ebi. ²⁶ Ani a'i suka okpála na kulu-o. Ani atsia ayi ani li engú inde adu akodho 'kpi-o. ²⁷ Kpála na kulu angò-o agie pi ani me: <Ndi mu agie lie agie. 'Dyi mu atsia abhølo folo bagala na tsikpa-o, anga ani au me, ani agie lie ne kate na angu.> ²⁸ Abhomu-o, ndili na gigna-a aholo nake 'ngú lie. Ani ayala nali abhú 'ti-o. 'Dyi ani akoto, ani atsia alopolo lie pi ani me ani líli. ²⁹ Engú bini, ndili-e agie pi 'dyi e me: <Djedje nga, a ko kalanga bhelø ma ngamene kulu pi mu maka bali. Ma ndjo suka líli gba mu-o 'kpi bini de. Mu ha nga la belegu ndili meeme muma bini de me, ya mene anokomia ne obi ma-a ne di. ³⁰ Li ndili gba mu inde andjia tia gba mu-o hana ne olisi na zabhe-e ago lie, mo otsia abhølo folo bagala na tsikpa-a pi ani!>

³¹ 'Dyi ani atsia apa pi ani me: <Ndika ma, ndu 'kpi hana, ní ne mu bhú dabili bini. Ndu 'he inde gba ma-a hana, a ko naamu. ³² Engú bini, a ayo bha igini me ní mene anokomia amba ní kpi djali. Padhá de, anga ndai mu inde adu nako mugito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani!>

16

Kpála na kulu na kali

¹ Pipita-a, Yesu atsia apa matá pi omukpata gba e me: «Bhulu tia bini adu ne kpála na kulu gba e. Kpála angò-o adu

* 15:8 15:8 Agba omaYuda-a, lí falanga bini (denaliusi) nani ne makalá pi kpála na kulu ngubula ekpi bini.

atsia 'kpí li ohe gba ani-o. Okpála koko ago apa pi ani me, kpála na kulu ango-o ngaruru tia gba ani-o. ² Abhomu-o, ani a'i kpála na kulu-o. Ani atsia apa pi ani me: 'Ma ngadje pindji mu e mangua 'ngú dho? Suno obhuku na ndu tia gba ma-a hana mu, anga mu ti da matá natsia 'kpí li ohe gba ma-a de.' ³ Abhomu-o, kpála na kulu ango-o aholo ayi bua e me: 'Ma améne si pi? Padhá de, anga ngámá gba ma adji a'é ma bhú kulu. Angu ka ma ngú nade edyi ade. A la di li ma ne numu ngú nade ne yoyo 'he. ⁴ Aa! Ma ambila engú inde ma améne e ambila, ngubula me okpála sia ma ndjindji li nedhinga u a'é ma lie bhú kulu ko!>

⁵ Abhomu-o, ani a'i okpála bini ne bini inde adu ne bopulu gba ngámá gba ani-o. Ani ayi bhende na kalanu-o me: 'Bopulu gba ngámá gba ma-a ka mu madho?' ⁶ Ani agie pi ani me: 'Ngbengelo na emu kámá bini.' Kpála na kulu-o pi ani me: 'Ha 'kpa balua na bopulu gba mu-o. Du kuto má gala, amba mu dji me ndjikpa bhuluvue.' ⁷ Pipita-a, ani ayi koko me: 'A la mu-o, bopulu gba mu-o madho?' Ani agie me: 'Kíli mapunga kámá bini.' Kpála na kulu-o pi ani me: 'Ha 'kpa balua na bopulu gba mu-o, amba mu dji me ndjikpa madjina.' ⁸ Ngámá gba kpála na kulu na kali ango-o adhogo ani, anga ani amene ehe maka kpála inde ngau 'kpí tsutsu. Okpála na doto inde-e ne imbilangu na kali gba o-o, u ambila namene ehe sunda o ane ongisi gba Ebhe.

⁹ Ngama-a, ma apa pi yi me, yi gili nadu bhú makpolia ne obi yi ne tia na kali na doto inde, amba li tia neke ka yi-e, u de sia yi bhú kuti na duduma. ¹⁰ Kpála bhende ngbingbili bhú ohe na djedjedje-e, ani bhadi ngbingbili bhú ohe na ngbengbenge. Kpála bhende ngbingbili bhú ohe na djedjedje-e ade, ani di ngbingbili bhú ohe na ngbengbenge ade. ¹¹ I du me yi nde mene ndjindji ne tia na kali na doto inde-e de-e, Ebhe ti da naha kukulu tia pi yi de. ¹² I du me yi nde mene ehe ngbingbili ne tia gba kpála koko de-e, a há tia gba yi-e pi yi da?

¹³ Kpála bini ti da namene kulu pi ongámási bhisí de. Ani yála bini, ani tsia kúnda koko. Ani méne kulu pi koko ndjindji, ani tsia u koko bhú djila e padhá. Yi ti da namene kulu pi Ebhe bhú dabili bini ne namene pi tia de.»

Yesu asuno pindji 'ngú ngangá

(Tsia bhú Mat. 11:12-13, 5:31-32; di ne bhú Mlk. 10:11-12.)

¹⁴ Omufalaisi adje ndu 'ngú bhomu-o hana. Abhomu-o, u atsia adu amu Yesu, anga u adu nani akúnda tia naali. ¹⁵ Yesu

atsia apa pi uo me: «Yi ngamene ehe bhú djila okpála magito me yi ngbingbili. Engú bini, Ebhe mbila bua yi hana, anga ehe li okpála ngau e bhú djila o ngbéngbé-e, Ebhe ngauu bhú djila e padhá.

¹⁶ Nakolo li nedhinga gba Dja a bhulu nabatisa okpála-a, u akpokpo 'li Ebhe pi okpála bhú líli gba Moidje di ne bhú obhuku gba opolofeta . Nayie li nedhinga bhomu-o, u akpokpo Bádha NgaliNau gba Ebhe-e pi okpála. Kpála ne kpála ngagili ne kpéke me ni li bhú kuti na mundeyi-o . ¹⁷ A ko mboye 'ngú masudha me ekpi di ne doto kodho 'kpí. A ko la kpéke da 'ngú me okpála 'e mboye ku eli bini bhú ká líli gba Moidje-o.

¹⁸ Li bhoko bini 'e wala e bhú kuva-a, ani ha olo koko-o, ani akúnda bhomu-o olo gba kpála koko. Li bhoko bini ha olo inde li 'ko e a'e e bhú kuva-a, ani akúnda di bhomu-o olo gba kpála koko.»

Gbitaku gba bhulu tia ne bhulu ndibhili

¹⁹ «A adu nani bhulu tia bini. Ani adu adyi babadha bongo na tia naali. Ndu 'kpí hana, ani adu nadu ndjindji. Ani atsia adu di nazu 'he ndjindji. ²⁰ Bhulu ndibhili bini adu di nani oo. A adu 'li ani me Ladjalo. Eka atsotolo nani kute ani hana. Ani adu asi kuto li bhoti gba bhulu tia-o. ²¹ Ani adu akúnda nazu okulu 'zu inde adu abala sa dabili nazu 'he gba bhulu tia-o. La di-e, obulu adu ago adhapa oeka gba ani-o. ²² Bhulu ndibhili-e akpi. Oandjelu aha ani, u atsia anu a'o ani ade Abalahama. Bhulu tia akpi di, u atsia azi ani.

²³ Oo, li bili gba okpála inde amu-o, ani adu adje likabhu naali. Ani atsia 'kpí ne abhúlá, ani au Abalahama tsutsu ne Ladjalo de e. ²⁴ Abhomu-o, ani aholo natobhila me: 'Dyi ma Abalahama, dje nga bha mbo ndjinga ma! Tima Ladjalo me ani to ndji-likpa e bhú 'ngu, amba ani go ne di tanu pi 'mi ma, anga ma ngadje likabhu bhú dja inde-e naali.' ²⁵ Abalahama agie pi ani me: 'Ndika ma, bhundja me mo osia nani tia bhelé li nedhinga mo odu lie bhú mukobho pila doto-o. La-a, Ladjalo atsia asia nani naae likabhu naali. Mbia inde-e, ani ngasia bádha 'ngú, mu la naamu ngasia likabhu. ²⁶ Matá-a, a sunda ní ne tsú 'du, ngubula me li kpála kúnda nayie gba ya ei akodho 'kpí ne agba yi oo, ani de le pima! Li kpála kúnda nayie gba yi oo akodho 'kpí ne agba ya ei-e, ani de le di pima!>

²⁷ Do bhulu tia me: 'Dyi ma, kikiliako, ma ayo nga bha-a ka mu me, tima Ladjalo agba 'dyi ma, ²⁸ anga ondaise ma na obhosibhosi bhuluvue oo. A ayo me, ani nu nagbele 'dje uo, amba ngauo di-e, u agó li bili na likabhu inde-e de.' ²⁹ Abalahama

agie me: <U mbila líli gba Moidje di ne obhuku gba opolofeta-a hana. A ayo me u dje uo.> ³⁰ Bhuḷu tia atsia apa me: <'Dyi ma Abalahama, a mo-o ade. Engú bini, i dū me suka okpála inde amu-o nde azuku-o, ani nū pa pi uo-o, u dji bua o.> ³¹ Abalahama pi ani me: <Ɔ dū me u nde dje engú inde bhú líli gba Moidje di ne bhú obhuku gba opolofeta de-e, belegu i dū me suka okpála inde amu-o nde azuku-o, u djé di ani de.>>

17

Yi mbu li siti 'ngú gba okpála koko

(Tsia bhú Mat. 18:6-7, 21-22; di ne bhú Mlk. 9:42.)

¹ Pipita-a, Yesu apa pi omakpata gba e me: «Engú inde ngato okpála bhú siti 'ngú-o néke de. Engú la bini, a ko likabhu pi kpála inde i ngato engú ango-o ko! ² Ɔ dū me kpála bini nde ngato ongisi bhú siti 'ngú-o, a pi ani ndjindji me u gbite ngingi tangulu ani, amba u bhike ani bhú 'ngbé 'ngu. Bbobhomu-o pi ani ndjindji naali ane me suka okpála na bhabhuku-o ti ka ani bhú siti 'ngú. ³ 'E-e! Yi lila liyi ndjindji!

Ɔ dū me ndai mū nde amene siti 'ngú-o, mū de suno pi ani. Ɔ dū me ani nde apa me ni amene sisiti-e, mū de mbu li ani. ⁴ Ɔ dū me ani nde amene mū sisiti bhatsibhatsi mananika li 'kpí bini-e, ani go bhatsibhatsi mananika hana, ani pa pi mū me: <Ma amene mū sisiti, mbu li ma.> Mū de mbu li ani.»

Nabhuka na kpekpeke

⁵ Obhulū titima apa pi Ngámá Yesu me: «Mene me nabhuka gba ya-a kolo matá kpekpeke.» ⁶ Abhomu-o, Ngámá Yesu atsia agie me: <Ɔ dū me nabhuka gba yi-e dū maka lí ndula na mutadi-e, yi de tí da napa pi ndula inde-e me: <Yie si, amba mū nū lu limu abhú 'ngbé 'ngu.> Ɔ tsia méne bhadi moko.»

Kulu inde a ayo me kpála na kulu mene e ko

⁷ «Li kpála bini bhú ká yi dū ne kpála na kulu gba e bini-e, i dū me kpála na kulu ango-o nde ngamene kulu abhiye, ani dū di-e ngalila onu-o, ani gie lie akuti-e, ani tsia pá pi kpála na kulu ago-o me: <Go má gala ngú nazú 'he?> ⁸ A mo-o ade. Ani pá mangbo pi ani me: <Lū ezú, mū yipa bongu-o ngú naha ezú-o muma akólo lí nedhinga ma andjia nazú 'he lie di ne nandji 'he bhende nandji mandji lie ko. Pipita-a, mū tsia zú 'he amba mū ndji di 'he bhe gba mū-o.> ⁹ Ani tí da nagie heni pi kpála na kulu-o, anga ani amene líli gba ani-e uu? Belegu de bini. ¹⁰ A bhadi pi yi moko. Nedhinga yi amene ndú 'ngú inde u apa e pi yi e lie hana-a, yi de pa me: <Ya

bha naaya ne okpála na kulu. Ya amene bha kulu inde a ayo igini me ya mene e ko.>>

Yesu akobho okpála na kába ndjikpa

¹¹ Li Yesu adu anu lie abhú Yelusalema-a, ani apu sunda ndu doto na Samalia ne bhe na Galilaya. ¹² Ani ali lie bhú kuti bini me-e, obhosi na kába ndjikpa ago ako lio ne ani. U alulū mbo de ani tsutsu. ¹³ U atsia aholo atobhila me: «Ngámá Yesu, dje nga bha-a mbo ndjinga ya!» ¹⁴ Yesu au uo lie, ani atsia apa pi uo me: «Yi nū suno liyi pi odimandé gba Ebhe-o.» Nedhinga u adu anu lie, u atsia akobho. ¹⁵ Li suka uo bini au lie me ni akobho-o, ani atsia agie lie sidi me ani nde ngadhogo Ebhe ne angu hana. ¹⁶ Ani ati bhú li 'dhu Yesu. Ani atu bhúla e ne kuto. Ani atsia agie heni pi Yesu. Bhoko ango-o adu nani kpála na Samalia. ¹⁷ Abhomu-o, Yesu atsia ayi me: «Ndu okpála ndjikpa hana akobho adi? Obhende odukupabini-e la su?» ¹⁸ Kpála bini bhundja nago nagie heni pi Ebhe de, bha bini kpála inde naae ne maYuda ade inde-e?» ¹⁹ Pipita-a, Yesu atsia apa pi ani me: «Yie bhulá, nūnu. Mo okobho, anga mo obhuka ma.»

Nedhinga li Ebhe agó nau lie píla doto (Tsia bhú Mat. 24:23-28, 37-41.)

²⁰ Omufalísai ayi Yesu me: «Nau gba Ebhe-e agó nadho?» Ani atsia agie pi uo me: «Nau gba Ebhe-e gó ngua bhende de me okpála nde ngauu mau-o de. ²¹ U pá de me: <Yi tsitsia, a sii!» ne me <A aoo!» padhá de, anga yi mbila me Nau gba Ebhe-e bhú ka yi.»

²² Pipita-a, ani atsia apa pi omakpata-a me: «Nedhinga koko akólo makolo. Yi akúnda me yi u nga bha mbo ma, Ndili gba kpála, 'kpí bini. Engú bini, yi ú la ma de. ²³ U apa pi yi me: <Ani aoo!» di ne me: <Ani sii!» engú bini, yi agú holo oo de. ²⁴ Ekpí li ngama, Ndili gba kpála, ma agó lie, a adú maka mugbála, li zi e ngayie li 'dje kokpí, li pápá bini akólo li pápá koko. ²⁵ Engú bini, a ayo me ma dje ngaiza likabhu naali, amba okpála na nakí yala di ma.

²⁶ Maka engú inde akodho 'kpí nani bhú 'kpí Nua-a, akódho bhadi 'kpí moko li 'kpí inde li ngama, Ndili gba kpála, ma agó lie ko. ²⁷ Padhá de, anga bhú 'kpí Nua, okpála adu azu 'he. U adu andji pandi. Obhosi ne olisi adu aha lio akolo li 'kpí li Nua ali bhú zabu lie ko. Ebha adhi, engu asi pála doto libhomu, a atsia abhili ndu uo hana. ²⁸ A adú maka bhú 'kpí gba Loto. Okpála adu azu 'he. U adu andji pandi. U adu akala 'he di ne natsindji 'he. U adu alu 'zu. U adu ayiki 'ti. ²⁹ Engú bini, ekpí li Loto akoto bhú Sodomu lie, djua di ne itimeli ayie abhulá, abala pi uo maka ebha, atsia

abhili ndu uo hana. ³⁰ A akódho bhadi 'kpí moko li 'kpí li ngama, Ndili gba kpála-a, ma súno angu gba ma-a lie pi okpála ko.

³¹ Li 'kpí angoo, kpála bhende abháka e apí 'ngbu 'ti-e, a ayo de me ani li abhú 'ti ngú nabha ohe gba e de. A bhadi moko, kpála bhende abháka e abhú 'dyi-e, a ayo de me ani gie lie akuti-e de. ³² Yi bhundja engú inde amene nani wala Loto-o.* ³³ Kpála bhende agáli nalila mukobho gba e, ani kpí. Kpála bhende la abhike mukobho gba e, ani tsia kóbho. ³⁴ Ma apa pi yi me, sukpe angoo, okpála bhisi adú pí mako bini, u ahá bini, u tsia 'ó ká koko. ³⁵ Olisi bhisi adú atu mapunga bhú dabili bini, u ahá bini, u tsia 'ó ká koko. [³⁶ Obhosi bhisi adú amene kulu bhú edyi bini, u ahá bini, u tsia 'ó ká koko. »] ³⁷ Omukpata ayi ani me: «Ngámá, engú angoo akódho 'kpí ne su?» Aní atsia agie pi uo me: «Bili li kuo kpála adú lie, oagbagba apékobhe bhadi bhúla o oo ko.»

18

Gbitaku gba siti kpála nakodho 'ngú ne økø bini na øøle

¹ Pipita-a, Yesu apa gbitaku bini pi omukpata gba e ngú nasuno pi uo me, a ayo me u du nayo Ebhe ndu nedhinga hana, u andála de. ² Ani pi uo me: «Kpála nakodho 'ngú bini adu nani bhú gudhu bini. Ani du akpe Ebhe de. Ani atsia adu di au okpála bhú djila e padhá. ³ Bhú gudhu angoo, økø na øøle bini adu di oo. Ani adu ago apa pi ani me: «Leke engú sunda ya ne kpála inde ya nde ne e bhú 'ngú ko.» ⁴ Ekpí bhelé, kpála nakodho 'ngú angoo adu ayayala. Pipita-a, ani atsia apa li bua e me: «Ma ngakpe Ebhe ade. Ma la di ngau okpála bhú djila ma padhá. ⁵ Engú bini, økø inde ngandala ma naali. A ayo me ma leke engú gba ani-o, anga i du mo-o de-e, ani du bha ago naba 'ndji ma.»»

⁶ Ngámá Yesu atsia apa matá me: «Yi dje engú inde li siti bhulu nakodho 'ngú bhomu-o apa e ndjindji! ⁷ Ebhe méne bádba 'ngú pi okpála inde ani alo o-o dí? I du me u nde ngaku 'gba pi ani sukpe ne ngbikpi-e? Ani djéke nengele ngú nateteke uo? ⁸ Ma apa pi yi me, ani aléke 'ngú gba uo-o má gala! La-a, li nedhinga li ngama, Ndili gba kpála, ma agó lie, ma abháka me okpála nde abhuka Ebhe píla doto uu?»

Gbitaku gba muFalisai, ne ndombi na mandjandja

⁹ Okpála koko adu au lio me o naao ngbingbili. U atsia adu au ndu okpála

koko hana bhú djila o padhá. Abhomu-o, Yesu atsia apa gbitaku inde-e li 'ngú gba uo-o me: ¹⁰ «Ekpí bini, okpála bhisi anu bhú 'ngbé 'ti Ebhe gba omaYuda ngú nayo Ebhe. Bhe bini adu muFalisai, bhe koko adu ndombi na mandjandja. ¹¹ MuFalisai-e ayie bhúla, ani atsia ayo Ebhe a li bua e me: «Oo, Ebhe! Ma ngagie heni pi mu, anga ma maka okpála koko ade. U ngazi 'he. U ngamene siti 'ngú. U ngakunda olisi, i du di-e obhosi gba okpála koko. Ma di ngagie heni pi mu, anga ma maka ndombi na mandjandja inde-e ade. ¹² Ma tsetse ezu 'kpí bhisi sunda poso bini ngú nayo mu. Ma haha bini bhú ká ndjika pi ndu 'he ma ngasia e hana.»

¹³ Ndombi na mandjandja alu naae mbo tsutsu, ani akpe belegu natsia 'kpí ne abhúla. Engú bini, ani atu bhúla e ne kuto, ani abu 'kpa e pí 'ka e, ani atsia apa me: «Oo, Ebhe! Dje nga bha-a mbo ndjinga ma, ma naama ne siti kpála.» ¹⁴ Do Yesu matá me: «Ma apa pi yi me, ndombi na mandjandja angoo agie nani lie agba e me, Ebhe nde adje nayo gba ani-e adje. Engú bini, Ebhe dje bhende gba muFalisai-e de. Padhá de, anga kpála bhende nga'o lie ne bhúla-a, li Ebhe kó ani ne kuto. La-a, kpála bhende nga'o lie ne kuto-o, li Ebhe 'é'e ani ne bhúla.»

Yesu asia ongisi na ndjendje

¹⁵ Okpála adu ago di pi ani ne ongisi na ndjendje ngubula me ani 'o 'kpa e pí 'ndji uo. Li omukpata au lie mo-o, u aholo nayoko uo. ¹⁶ Engú bini, Yesu a'i uo, ani atsia apa me: «Yi 'o ongisi na djedjedje me u go bhaka ma! Yi ani kpadji pi uo de, anga Nau gba Ebhe-e, a pi okpála inde maka uo ko. ¹⁷ Ma apa pi yi na paká me, kpála inde i sia Nau gba Ebhe-e maka mboye ndili de-e, ani ti ne Nau gba Ebhe-e de.»

Bhulu tia ne uo ne Yesu

(Tsia bhú Mat. 19:16-30; di ne bhú Mlk. 10:17-31.)

¹⁸ Abhomu-o, ngámá bini gba omaYuda ayi Yesu me: «Musuno, ngamu bádba kpála, a ayo me ma amene pi ngubula nasia mukobho na duduma?» ¹⁹ Yesu atsia agie pi ani me: «Mu nga'i ma me bádba kpála ka ni? Kpála bini babadha ade. Ebhe bha babadha ngae kpi e kpi. ²⁰ Mu mbila olili-e ndjindji: «Mo okunda øøle, i du di-e bhoko gba kpála koko de. Mo obhøle kpála de. Mo ozí 'he de. Mo opá eu li kilí mu de. Manga 'dyi mu ne 'hi mu mamanga.» ²¹ Ngámá angoo atsia apa me: «Nayie bhú ndili li ma-a, ma amene ndu 'ngú bhomu-o hana.» ²² Pita li Yesu

* 17:32 17:32 Wala Loto akolo nani teme na ngutu anga ani agumu nani líli gba Ebhe. Tsia bhú Dje. 19:26. † 18:20 18:20 Tsia bhú Eki. 20:12-16; di ne bhú Det. 5:16-20.

adje engú bhomu-o lie, ani atsia apa pi ani me: «Mo oneke matá koli ehe bini. Nunú, tsindji ndú 'he gba mu-o hana, amba mu gapa tiatia pi obhulu ndibhili. Mo osia tia abhúla. Pipita-a, mu go kpata ma.»²³ Ani adje lie mo-o, ani asia likabhu naali, anga tia adu nani ka ani bhelé naali.

²⁴ Li Yesu au lie me ani asia likabhu mo-o, ani atsia apa me: «A bha ndju kpekpeke pi obhulu tia ngú nali bhú Nau gba Ebhe-o!»²⁵ A kpekpeke pi eya ngubula nali li gudho musana. A la matá kpekpeke ane pi bhulu tia ngubula nali bhú Nau gba Ebhe ko.»

²⁶ Abhomu-o, okpála inde adje engú inde ani apa e atsia ayi me: «Í dú mo-o, a ti da nakobho da?»²⁷ Yesu agie me: «Engú bhende i ti ne okpála de-e, a ati bha ne Ebhe.»

²⁸ Abhomu-o, Piele atsia apa me: «Tsitisia nga, ya a'o ká ndú 'he gba ya-a hana ngú nakpata mu.»²⁹ Do Yesu pi uo me: «Ma apa pi yi na paká me, i dú me kpála bini nde a'o ká eti gba e, ani 'o ká wala e, ani 'o ká ondaise e, ani 'o ká okpála inde azu e, ani 'o ká ongisi gba e ngubula Nau gba Ebhe-e,³⁰ ani sia 'he bhelé naali kuto ei. Pipita-a, bhú nedhinga inde ngago-o, ani tsia sia di mukobho na duduma.»

Yesu akpo 'ngú bhutsibhutsi na bata pindji nakpi di ne nazuku ka e

(Tsia bhú Mat. 20:17-19; di ne bhú Mlk. 10:32-34.)

³¹ Pipita-a, Yesu aha okpála na titima ndjikpa ne ká bhisi-e, ani anu ne uo li ngongo, ani atsia apa pi uo me: «Yi djedje, ní adji mbia inde-e abhú Yelusalema. Oo, ndú 'ngú hana inde li opolofeta aye e pindji ma, Ndili gba kpála-a, adji amene lie.³² Padhá de, anga u apú ma pi omupagano. Li okpála ang-o mú ma, u sóbho ma, u tsia kú di ngusu li kute ma.³³ U abhi ma ne fimbo. Pipita-a, u tsia bhéle ma. La-a, bhú 'kpí na bata-a, ma tsia zúku.»³⁴ Engú bini, omukpata mbila nani ta 'ngú ang-o de, anga a awo nani lie pi uo mawo. U tsia dú ambila ta 'ngú li Yesu adu apa e de.

Yesu akobho kpála bini inde i u 'kpí de
(Tsia bhú Mat. 20:29-34; di ne bhú Mlk. 10:46-52.)

³⁵ Li Yesu akolo lie masakpe de Djeliko-o, kpála bini inde i u 'kpí de-e adu kuto dengo 'hi-kpadji. Ani adu ayo 'he.³⁶ Ani adje tolo okpála akodho 'kpí lie, ani atsia ayi me: «A ko ní?»³⁷ Okpála atsia agie pi ani me: «Yesu, kpála na kuti na Nadjaleta ngakodho 'kpí bhomu-o ngae.»³⁸ Abhomu-o, ani atsia asula me: «Yesu, Ndili gba Davidi, dje nga bha-a mbo ndjinga ma!»³⁹ Okpála inde adu akalanu-o aholo ambembe bhú 'ndji ani me: «Gbite

'bhé mu.» Engú bini, ani aholo asusula matá kpekpeke me: «Ndili gba Davidi, dje nga bha-a mbo ndjinga ma!»⁴⁰ Yesu ala, ani atsia aha lili me u go ne ani pi ni. Ani akolo lie de ani-e, Yesu atsia ayi ani me:⁴¹ «Mo okanda me ma mene pi mu ní?» Ani agie me: «Ngámá, bhulu djila ma, amba ma u matá 'kpí.»⁴² Yesu apa pi ani me: «U matá 'kpí uu! Mo okobho anga mo obhuka ma.»⁴³ Kolo má gala me-e, ani aholo matá nau 'kpí. Ani atsia adu akpata Yesu me ani nde ngadhögö Ebhe. Ndú okpála hana inde au engú ang-o, aholo di nadhögö Ebhe.

19

Yesu ali bhú 'ti gba Djakayo

¹ Pita li Yesu ali lie bhú Djeliko, ani atsia adu agulu gudhu-o.² A abhaka me kpála bini nde oo, a adu 'li ani me Djakayo. A adu nani ngámá gba ondembi na mandjandja. Tia adu ka ani bhelé.³ Ani adu agili nau me Yesu ngae dho. Engú bini, li okpála adu la lie bhelé-e, ani ale nau ani pima anga ani adu nani ndundu.⁴ Abhomu-o, ani ayiki lie ne holo ne akalanu. Ani atsia a'u bhú ndula bini dengo 'hi-kpadji ngubula me ni u Yesu nedhinga inde ani apú lie oo ko.

⁵ Li Yesu akolo lie li bili bhomu-o, ani a'e djila e ne abhúla, ani atsia ani. Ani atsia apa pi ani me: «Djakayo, kó kuto má gala, anga a ayo me ma si naki bhú 'ti gba mu-o.»⁶ Abhomu-o, Djakayo aké kuto bhú holo. Ani atsia asia Yesu ne djali hana.⁷ Ndú okpála hana au lie mo-o, u aholo adi mutokono. U atsia adu apa me: «Lele pi li kpála inde-e atapa lie nasi agba kpála na sisiti-e!»⁸ Djakayo ayie bhúla, do ani pi Yesu me: «Ngámá, djedje nga. Ma agbó bhusu tia gba ma-a bhisi. Ma ahá bhe bini-e pi obhulu ndibhili. Í dú me ma nde aha tia gba kpála bini ne kali-e, ma agie pi ani bhutsibhutsi badha.»⁹ Abhomu-o, Yesu atsia apa pi ani me: «Naki-e, Ebhe akobho mu. Ngamu di-e, mu bhú piga gba Abalahama-o.»¹⁰ Padhá de, anga ngama, Ndili gba kpála-a, ma ago nagili di ne nakobho okpála inde angita ko.»

Gbitaku gba okpála na kulu ndjikpa
(Tsia bhú Mat. 25:14-30.)

¹¹ Yesu akolo de Yelusalema masakpe. Okpála inde adu adje ani-e adu abhundja nao me, Nau gba Ebhe-e asúno lie pi okpála mbia inde.¹² Kaka-a, ani atsia apa gbitaku bini pi uo me: «Kpála bini na piga gba ngámá bini anu nani bhú doto bini tsutsu ngubula me u to palata na ngámá tangulu ni, amba pipita-a, ni gie lini.¹³ Kala me ani nu-o, ani a'i okpála na

kulu gba e ndjikpa-o. Aní agapa lí falanga* bini bini lí ndú uo hana. Aní atsia apa pí uo me: <Yi mene kulu ne falanga inde, akólo lí nedhinga inde ma agíe líma líe ko.> 14 Okpála na doto gba ani-e adú ayala ani. U atima okpála nganda ani ngú napa me: <Ya kunda de me kpála bhomú-o ɔ ngámá pí 'ndji ya-a de.>

15 La-a, u ato palata na ngámá tangulu ani. Aní atsia agíe líe bhú doto gba e-o. Abhomú-o, ani a'í okpála na kulu inde ani agapa nako falanga lío ngubula nambíla bhende u asia e pépé-o. 16 Abhomú-o bhe na kalanú-o ago. Aní atsia apa me: <Ngámá, ma asia lí falanga ndjikpa pí bhende nako mo oha e muma ko.> 17 Abhomú-o, ngámá-a apa pí ani me: <A ndjindji. Mú ne bádhá kpála na kulu, anga mo omene ndjindji bhú mboye ehe bedí. Ma a'ó íbílí mú ngámá pí 'ndji ogudhú ndjikpa.> 18 Bhe na bhisi-e ago, aní atsia apa me: <Ngámá, ma asia lí falanga bhuluvue pí bhende nako mo oha e muma ko.> 19 Abhomú-o, ngámá-a apa dí pí ani me: <Ngamú di-e, ma a'ó mú ngámá pí 'ndji ogudhú bhuluva.>

20 Pipíta-a, koko ago, do ani de-e: <Ngámá, lí falanga gba mú-o íi. Ma awo nako bhú bongo .> 21 Mú 'o lí ma tsulú, anga mú ne kpála inde ngamene 'ngú na kpekpeke. Mú ngaha ehe bhende mú 'o e ngamú de. Mú ngaha 'zú inde mú lu e ngamú de.> 22 Ngámá-a apa pí ani me: <Mú ne sítí kpála na kulu. 'Lí mú makpe agbíte mú ngae. Mo ombíla nako hana me, ma ne kpála inde ngamene 'ngú na kpekpeke. Ma ngaha ehe inde ma a'o e ngama de. Ma ngaha ezú inde ma alu e ngama de.> 23 Ka ní mú 'o nako tíá gba ma-a líe bhú bakí de-e? Maka ma ago-o, ma de asia koko pépé.>

24 Pipíta-a, aní apa pí okpála inde adú oo me: <Yi dhepe tíá inde ka aní bhomú, amba yi ha pí bhende ne di ndjikpa ko.> 25 U atsia apa pí ani me: <Ngámá, a ka aní ndjikpa!> 26 Aní agíe me: <Ma apa pí yi me, kpála bhende lí ehe nde ka e, u ahá ehe pí aní bhelé. Engú bini kpála bhende lí ehe nde ka e ade-e, u adhépe belegú mboye ehe inde ka aní ko.> 27 La-a, pí obhulú yala gba ma inde í kunda nako de me ma aú ngámá pí 'ndji o-o, yi go ne uo ei, amba yi bhílí uo kala ma síi.>

Yesu alí bhú Yelusalema

(Tsia bhú Mat. 21:1-11; ne bhú Mlk. 11:1-11; di ne bhú Dja. 12:12-19.)

28 Pita lí Yesu akpo 'ngú bhomú-o líe, aní atsia akodho 'kpí ne akalanú ngú nanú

bhú Yelusalema. 29 Aní akoló líe sunda kutí na Betefadje ne Betania-a,† língo 'ta na ondula na Olive, aní atsia atima omékpata bhisi. 30 Aní pí uo me: <Yi nú bhú kutí inde kala yi aoo. Yi akólo líe oo, yi abháka me u nde agbíte ndílí punda oo. Kpála bini dhuku nga pí ani de. Yi bhulu aní amba yi go ne aní ei.> 31 I dú me kpála bini nde ayí yi me: <Yi ngabhulu aní ngú ní?> Yi de pa pí ani me: <Ngámá ne gumú ani.> 32 Omékpata bhisi anú, u atsia abhaka ndú 'ngú hana maka lí Yesu apa pí uo líe ko. 33 U adú abhulu enú-o líe, obhúbhulu-o ayí uo me: <Yi ngabhulu enú bhomú-o ngú ní?> 34 U agíe me: <Ngámá ne gumú ani.>

35 Pipíta-a, u ago ne ndílí 'nú-o pí Yesu. U apa okotí gba o pí 'ngbu enú-o. U atsia ateteke Yesu ngú na'ú pí 'ngbu ani.‡ 36 Aní adú anú líe, okpála adú apa okotí gba o lí kpadjí. 37 Aní akoló de Yelusalema masíkpe lí ngba 'ta na ondula na Olive. Ndú omékpata hana abedhe ne djálí bedhe. U atsia aholo nadhóge Ebhe kpekpeke ngú ndú ongamba 'ngú hana inde u au e ko. 38 U adú apa me:

<A ayo me Ebhe tuko bisagu pí 'ngbé ngámá inde aní atima e ko!

Guo 'ngú abhúlá,

amba sangu dú dí pí Ebhe Apí 'Kpí!>

39 OmúFalísai koko inde adú bhú ká okpála bhomú-o, apa pí Yesu me: <Musuno, yoko omukpata gba mú-o mayoko.> 40 Yesu atsia agíe me: <Ma apa pí yi me, i dú me u nde agbíte 'bhé o-o, lí oteme holo natu 'ue!>

Yesu aku 'gbá ngú okpála na Yelusalema

41 Lí Yesu akoló líe masíkpe de Yelusalema-a, aní au gudhú-o líe, aní atsia aholo aku 'gbá ngú okpála angoo. 42 Aní adú apa me: <Aa! Ngayi okpála na Yelusalema-a, i dú me yi mbíla lí 'kpí na nakí inde-e, guo 'ngú inde u ago pí yi ne e uu-o! La-a, a ko líkabhu pí yi anga mbía inde-e, awo líe pí yi mawo.> 43 Padhá de, anga oekpí koko akólo pí yi makoló, lí 'kpí angoo-o, obhulú yala gba yi-e, asá aga dengo yi ngbalina. U búka yi, u tsia há 'gú pí yi ne ndú pápá hana. 44 U agúgumú gudhú-o. U tsia bhílí ndú okpála inde bhúbhú-o hana. Agba yi-e, teme bini tígala pí kilí e de, anga yi mbíla nani ekpí inde lí Ebhe ago natsia yi líe de!>

Yesu alí bhú 'ngbé 'tí Ebhe gba omaYuda

(Tsia bhú Mat. 21:12-17; ne bhú Mlk. 11:15-19; di ne bhú Dja. 2:13-22.)

* 19:13 19:13 Agba omaYuda-a, lí falanga bini (olo) nani ne makalá pí kpála na kulu ngubula epe bata. † 19:29 19:29 Nayie bhú Yelusalema akólo bhú Betefadje ne Betania, a ko kilometele bata. ‡ 19:35 19:35 Na'ú ka Yesu pí 'ngbu punda-a, asuno nani bhomú-o guo 'ngú dí ne nako líe ka aní ne kuto. Tsia bhú Djkl. 9:9. † 19:38 19:38 Tsia bhú Ets. 118:26.

⁴⁵ Pipita-a, Yesu ali bhú 'ngbé 'ti Ebhe gba omaYuda-o. Aní atsia aholo natsambala okpála inde adu atsindji 'he oo-o. ⁴⁶ Aní apa pí uo me: «U aye bhú Bhuku gba Ebhe-e me, Ebhe apa me: «Eti gba ma-a, a adú eti nayo ma.» Engú bini, ngayi-e, yi adjí, atsia akolo bili gba obhulu 'zi!†»

⁴⁷ Yesu adu asuno ndu 'kpí hana bhú 'ngbé 'ti Ebhe gba omaYuda. Ongbengbe odimandè , omusuno na líli gba Moidje di ne obhelesi okpála adu agili kpadji ngú nabhele ani. ⁴⁸ Engú bini, u tsia sia kpadji ngú namemene de, anga ndu okpála hana adu adje ani ne gugumu naali.

20

A ngaha angu pí Yesu da?

(Tsia bhú Mat. 21:23-27; di ne bhú Mlk. 11:27-33.)

¹ A akolo ekpí bini, Yesu adu asuno pí okpála bhú 'ngbé 'ti Ebhe gba omaYuda. Aní atsia adu di nakpokpo Báda Ngali pí uo. Ongbengbe odimandè gba Ebhe , omusuno na líli gba Moidje di ne obhelesi okpála ago. ² U atsia ayi ani me: «Pa nga pí ya, aha kpadji pí mu ngú namene ongu inde-e da? A aha la di angu ang-o pí mu ngána da?» ³ Abhomu-o, Yesu atsia agie pí uo me: «Ngama di-e, ma ayi yi li 'ngú bini. Yi pa nga muma, ⁴ a ha kpadji pí Djaa ngú nabatasa okpála da? Ne me a ko Ebhe, ne me a ko okpála?»

⁵ U aholo namene kpekebhe sunda o. U atsia adu apa me: «Í du me ní nde agie me: «A aha kpadji pí ani ne Ebhe», ani yi ní me: «Í du mo-o, ka ni yi bhuka la nani engú inde ani adu apa e lie de-e?» ⁶ Í du di me ní nde apa me: «A ha kpadji pí ani ne okpála-a», li ndu okpála hana bhili ní ne teme, anga u ambila ndjindji me Djaa nani ne polofeta .» ⁷ Abhomu-o, u atsia agie me: «Ya mbila kpála inde aha kpadji pí ani-e de.» ⁸ Do Yesu pí uo me: «Í du mo-o, ngama di-e, ma pá pí yi de me aha kpadji muma da ngú namene ehe inde.»

Gbitaku pindji okpála na kulu inde abhelè ndili gba ngámá gba o-o

(Tsia bhú Mat. 21:33-46; di ne bhú Mlk. 12:1-12.)

⁹ Pipita-a, Yesu aholo nakpokpo gbitaku inde-e pí okpála me: «Kpála bini alu nani ngu vino.* U adje lio ne okpála ngú namene kulu bhú 'dyi-o, amba o du agbó bhusu o ne uo li nguwa-o. Aní atsia atapa dhuku ngubula 'kpí bhele.

¹⁰ A akolo li nedhinga nako líli o. Abhomu-o, ani atima kpála na kulu bini agba okpála ang-o me u ha nguwa bhe gba ni-e pí ni haha. Engú bini, okpála ang-o abhi kpála na kulu bhomu-o má kpú! U atsia agie ani ne mbulu 'kpa e padhá. ¹¹ Bhulu 'dyi-e atima matá kpála na kulu koko bini. U abhi di ani, u asosobho ani, u atsia agie ani ne mbulu 'kpa e padhá. ¹² Aní atima matá kpála na bata. Bhobhomu-o, u atsotolo kute ani ne eka. U atsia agbe ani bhú 'dyi-o.

¹³ Abhomu-o, bhulu 'dyi atsia apa me: «Ma améne sí pí? Ma atima nga ibili ndili gba ma na mukanda-o. Nedhinga koko-o, u tí da namanga ani.» ¹⁴ Engú bini, li okpála ang-o au ndili-e lie me-e, u atsia apa sunda o me: «Yi tsia nga la ndju kpála inde atigala galikpe ne edyi-o. Ní bhelè ani, amba edyi-e kolo ibili naani.» ¹⁵ Abhomu-o, u agbe ani bhú 'dyi-o, u abhele ani.» Yesu atsia ayi me: «Mbia inde-e, bhulu 'dyi-e améne ngú uo pí? ¹⁶ Aní agó, ani bhili okpála na kulu ang-o. Aní tsia há edyi-e pí okpála na kulu koko.» Li okpála adje engú bhomu-o lie, u atsia apa me: «A ayo de me, bhobhomu-o mene lie de!»

¹⁷ Yesu atsia uo, ani atsia apa me: «Engú inde u aye e bhú Bhuku gba Ebhe-e me: «Teme inde li okpála nayiki eti-e abhike e, akolo teme inde abi eti-e libhomu.†» A akunda napa pí? ¹⁸ Í du me kpála nde atí pí teme ang-o, ani gugumu. Í du la di me teme ang-o nde atí pí kpála-a, i tú nu ani.»

Engú pindji nakala mandjandja

(Tsia bhú Mat. 22:15-22; di ne bhú Mlk. 12:13-17.)

¹⁹ Bha li nedhinga bhomu-o, omusuno na líli gba Moidje di ne ongbengbe odimandè gba Ebhe-e, agili nani naholo Yesu, anga u ambila me ani apa gbitaku bhomu-o li 'ngú gba o-o. Engú bini, u adu adje tsulu ka okpála. ²⁰ Abhomu-o, u aholo akenge Yesu. U atsia atima obhulu kali inde adu amene ehe mugito me uo ngbingbili. Okpála ang-o adu agili naholo ani li 'li e ngubula me o pa ani pí Pilate, ngámá na ndu doto ang-o. ²¹ U ayi ani me: «Musuno, ya ambila me mu ngagama 'ngú ndjindji, mu la di ngasuno 'ngú ngbingbili. Mu tsia engbé gba kpála de. Mu ngasuno kpadji gba Ebhe-e pí okpála ngbingbili. ²² Pa nga pí ya, a ayo me ya kala mandjandja gba Kaisala , 'ngbé ngámá na doto na Loma-a , ne me ya kala de?»

† 19:45 19:45 U adu nani atsindji onu di ne odhu bhú 'ngbé 'ti Ebhe gba omaYuda ngubula me okpála, inde adu ne gugumu ngú nahaha pí Ebhe-e. kala. † 19:46 19:46 Tsia bhú Isa. 56:7; di ne bhú Dilm. 7:11. * 20:9 20:9 Bhú bhuku gba polofeta Isaya-a, vino ngasuno piga gba omatsalale. Tsia bhú Isa. 5:1-7. † 20:17 20:17 Tsia bhú Ets. 118:22.

²³ Li Yesu ambila ekú gba uo-o lie, ani atsia apa pi uo me: ²⁴ «Yi suno nga lí falanga muma bini. A pépé ne kulu da, la di ne 'li da?» U agie me: «A ko kulu Kaisala, 'ngbé ngámá na doto na Loma, di ne 'li ani.» ²⁵ Abhomu-o, Yesu atsia apa pi uo me: «Í ðu mo-o, yi ha ehe bhende gba Kaisala, 'ngbé ngámá na doto na Loma-a pi e, amba yi ha la di bhende gba Ebhe-e pi Ebhe.» ²⁶ U u siti 'ngú bhú engú inde ani adu apa e kala okpála-a de. Engú bini, u angamba naali ka eli inde ani agie e ko. Kaka-a, u andjili bha má bulu!

Nazuku ka okpála inde amu

(Tsia bhú Mat. 22:23-33; di ne bhú Mlk. 12:18-27.)

²⁷ Abhomu-o, oSadukai koko ago de Yesu. OSadukai ziba nani naao de me okpála inde amu-o, azúku mazuku-o de. U ayi ani me: ²⁸ «Musunu, Moidje aye nani líli pi ní me: «Li kpála kpi 'o ká wala e me ani nde zu de-e, a ayo me ndai ani de ha øle ang-o, amba ani zu ongisi pi ndai e inde akpi ko.» ²⁹ La-a, adu nani obhosi mananika bhú piga bini. Bhende na kalanu-o aha øle, ani akpi padhá me ani nde zu de. ³⁰ Bhende na bhisi-e aha øke ang-o. Ani atsia akpi. ³¹ Pipita-a, bhende na bata-o. A adu bhadi moko pi ndu uo mananika hana, u amu me u nde zu de. ³² Ali soso-o, øle ang-o atsia akpi di. ³³ Ya ngayi mu me: Li 'kpí li okpála inde amu-o azúku lie, øle ang-o adú naa da? Padhá de, anga ndu uo mananika hana aha nani ani!»

³⁴ Abhomu-o, Yesu atsia agie pi uo me: «Okpála na naki inde-e ngaha lio. ³⁵ Engú bini, okpála bhende amu-o, li Ebhe au me u ti da nazuku ngú nasia mukobho bhú nedhinga inde ngago-o, u há lio de. ³⁶ U ti da matá namu-u de, anga u akolo ibili maka oandjelu . A ko ongisi gba Ebhe, anga u azuku. ³⁷ Moidje asuno pi ní mbámbá me okpála inde amu-o azúku mazuku. Ani aye bhú bhuku gba e li bili inde ani akpo 'ngú lie pindji tsa 'po inde adu atsi-e me, Ebhe apa me: «Ma ne Ebhe inde li Abalahama ngadhøge e, Ebhe inde li Isaka ngadhøge e, Ebhe inde li Yakobho ngadhøge e ko.» ³⁸ Ebhe ne Ebhe gba okpála bhende amu-o ade. Engú bini, a ko Ebhe gba okpála bhende bhú mukobho, maka li Abalahama, Isaka ne Yakobho nde pi ani lie bhú mukobho ko.»

³⁹ Abhomu-o, omusunu na líli koko atsia agie pi ani me: «Musunu, mo opa ndjindji.» ⁴⁰ Kaka-a, u yi matá ani li 'ngú bini de.

Masiya ne Ngámá gba Davidi

(Tsia bhú Mat. 22:41-46; di ne bhú Mlk. 12:35-37.)

⁴¹ Abhomu-o, Yesu apa matá pi uo me: «Lele pi li okpála ti da napa lie me Masiya ne ndili na piga gba Davidi-e? ⁴² Padhá de, anga ngaani Davidi makpe-e, ani apa bhú bhuku na oetsi gba omaYuda me: «Ebhe Ngámá apa pi Ngámá gba ma-a me:

«Í ðu me Davidi nde nga'i Masiya me Ngámá gba ni-e, lele pi li Masiya ti da nadu lie ndili na piga gba Davidi-e?»

«Í ðu me Davidi nde nga'i Masiya me Ngámá gba ni-e, lele pi li Masiya ti da nadu lie ndili na piga gba Davidi-e?»

Yi améne maka omusunu na líli de

(Tsia bhú Mat. 23:1-36; di ne bhú Mlk. 12:38-40.)

⁴⁵ Ani apa pi omakpata kala ndu okpála hana inde adu adje ani-e me: ⁴⁶ «E-e! Yi lila liyi ka omusunu na líli gba Moidje-e uu! U kunda bha nadhuku ne ondjangja yambu. U kunda bha me okpála ðu ne yiyi o maka ongámási li bili li okpála apøpekebø bhúla o lie ko. U kunda bha nadulu pí odabili na akalanu bhú oeti nadje líli , di ne odabili na akalanu bhú da anokomia. ⁴⁷ U ngandjia angu øøkøsi na olisilisi ne nabha øhe gba uo. U ngayo Ebhe ngengele ngú nasuno mugito me a ko obabadha okpála. Kaka-a, u asia likabhu naali!»

21

Makiso gba øke bini na øøle

(Tsia bhú Mlk. 12:41-44.)

¹ Ekpí bini, Yesu adu bhú 'ngbé 'ti Ebhe gba omaYuda. Ani atsia 'kpí, ani au me obhulu tia ngabhike tia gba o-o bú sanduku na makiso na 'Ngbe 'ti Ebhe-e ngú nahaha pi Ebhe. ² Ani atsia au di øke bini na øøle bhulu ndibhili me ani nde ngabhike senge bhisi. ³ Abhomu-o, ani atsia apa me: «Ma apa pi yi na paká me, øle na ndibhili li 'ko e akpi inde-e, aha makiso ane ndu okpála koko hana. ⁴ Padhá de, anga ndu okoko hana, u aha tia bhende u nde ne gumu e ade ko. Engú bini, ngaani-e, abana ani nde lie bhú ndibhili-e, ani aha ndu bhende ani adu akobho lie hana.»

Yesu apa me: «U agúgumu 'ngbé 'ti Ebhe gba omaYuda-o»

(Tsia bhú Mat. 24:1-2; di ne bhú Mlk. 13:1-3.)

⁵ Pipita-a, okpála koko ahola akpokpo 'ngú pindji 'ngbé 'ti Ebhe gba omaYuda-o. U adu apa me: «A bha ndju babadha naali

† 20:37 20:37 Abalahama, Isaka ne Yakobho ngadhøge Ebhe anga pi Ebhe-e, belegu u amu lie li kute o, uo bhú mukobho li bua o. Tsia bhú Eki. 3:6. † 20:43 20:42-43 Tsia bhú Ets. 110:1.

ne obabadha teme angu-o, di ne ohe na mase naali inde u aha e pi Ebhe-o.» Engú bini, Yesu atsia apa me: ⁶ «Ndu 'he inde yi ngau e inde-e, ekpi koko akólo makolo, teme bini tígala pí kilí e de. U agúgumu eti-e hana kuto.»

Likabhu inde akólo kala sokpí-o

(Tsia bhú Mat. 24:3-14; di ne bhú Mlk. 13:3-13.)

⁷ Abhomu-o, u atsia ayi ani me: «Musuno, engú inde mu ngakpokpo 'ngú pindji e bhomu-o, akólo nadho? Ehe inde asuno nedhinga nago ka engú angu-o, a adú ni?» ⁸ Yesu agie me: «Yi lila liyi uu! Kpála bini apite yi de. Padhá de, anga okpála bhelé agó ne 'li ma, u tsia pá me: «Ma ne Masiya!» U tsia pá di me: «Nedhinga nago ka Masiya akolo!» Engú bini, yi akpáta uo de. ⁹ I du me yi nde adje okpála ngakpo 'ngú na oegú di ne ongú na okpekpeke 'ndji-e, yi adjé tsulu de. Padhá de, anga a ayo ngaiza me oengú angu-o kolo kalanu. La-a, sokpí-e dú nga kolo má gala mo-o de.» ¹⁰ Pipíta-a, ani matá pi uo me: «Okpála na kuti bini ahá 'gú pi okpála na kuti koko. Li ngámá na kuti bini há 'gú pi ngámá na kuti koko. ¹¹ Doto adyíki ne adjigidjo na ngbéngbé. Adyíndi di ne osisiti kuo natagba matagba alí bhú obili ngangá. Yi aú ongamba 'ngú di ne ongú na tsulu tsulu abhúla.»

¹² Engú bini, kala me ndu 'ngú bhomu-o hana kolo-o, u ahólo yi. U améne yi sisiti. U anú ne yi me u kodho 'ngú gba yi-e bhú 'ti nadje líli gba Moidje. U tsia bhíke yi bhú tikpu. U asungula yi pi ongbege ongámási di ne obhende ngatsia 'kpí lí kuti-e kabula 'li ma. ¹³ Bbobhomu-o ahá kpadji pi yi ngubula me, yi kpokpo 'ngú gba ma-a pi uo. ¹⁴ Yi 'o lí bua yi me, yi gili engú inde yi apá e lí nedhinga nakodho 'ngú gba yi-e kalanu de. ¹⁵ Padhá de, anga ma ahá eli di ne imbilangu pi yi ngama makpe, ngubula nagbite 'bhe ndu obhúla yala gba yi-e hana. ¹⁶ Odyi yi ne ohi yi, ondaise yi ne okpála na piga gba yi di ne obi yi apú belegu yi ngao. U abhili okpála koko bhú ka yi. ¹⁷ Ndu okpála hana ayála yi kabula 'li ma. ¹⁸ Engú bini, 'kpa sundjo yi ngíta belegu de bini. ¹⁹ I du me yi nde alu kpekpeke akólo lí soso-o, yi sia mukobho na duduma.»

Engú inde akólo lí Yelusalema

(Tsia bhú Mat. 24:15-21; di ne bhú Mlk. 13:14-19.)

²⁰ «Nedhinga yi aú lie me osudha asa Yelusalema ngbalina-a, yi de mbila me, nakpi kaka-a akolo masakpe. ²¹ Abhomu-o, okpála bhende a abháka o bhú ndu doto

na Yudaya-a, a ayo me u kpe ne apí 'ta. Obhende adú bhú Yelusalema-a, a ayo me u ze bhúbhú maze. Obhende adú asangba gudhu-o, a ayo matá de me u lí abhú gudhu-o de. ²² Padhá de, anga adú ekpi nakodho 'ngú gba Ebhe ngubula me ndu 'ngú hana inde u aye e bhú Bhuku gba Ebhe-e, amene lie. ²³ Lí 'kpí angu-o, adú likabhu na ngbéngbé pi olisi na ebhi di ne obhende lí ongisi adú andji 'ka o-o. Padhá de, anga okpála na doto adjé likabhu naali, lí mangimbo gba Ebhe-e súno lie pi uo. ²⁴ U abhili okoko ne ombotia. U tsia mbá okoko bhú bali ne ndu bíli hana. Omupagano adédele Yelusalema ne 'dhu o akólo bha bini lí nedhinga gba uo andjía lie ko.»

Nakolo ka sokpí

(Tsia bhú Mat. 24:29-31; di ne bhú Mlk. 13:24-27.)

²⁵ «U aú oengú na ngangamba bhúla ela, bhúla epe di ne bhúla oikupala. Píla doto-o, bua okpála hana adú atí má ngbi ngbi ngbi ne tsulu ka tolo, di ne ka lí 'ngbé 'ngu adú adimba lie ko! ²⁶ Okpála amú ne tsulu ka nabhundja engú inde akólo píla doto libhomu-o, anga ndu 'he na abhúla hana adyíki má djigi djigi! ²⁷ Pipíta-a, u tsia ú ma ngama, Ndili gba kpála, me ma nde ngago bhú ndindi ne angu di ne asasaua gba ma-a hana.† ²⁸ Nedhinga lí ongú angu-o ahólo amene lie lie, yi de lu kpekpeke, amba yi 'e 'ndji yi ne abhúla, anga ekpi lí Ebhe akóhho yi lie akolo masakpe.»

Gbitaku pindji ndula na figi

(Tsia bhú Mat. 24:32-35; di ne bhú Mlk. 13:28-31.)

²⁹ Pipíta-a, Yesu atsia apa gbitaku inde-e pi uo me: «Yi tsia nga ndula na figi di ne ondula koko hana. ³⁰ Yi u me 'kpá 'kpá aholo naké-o, yi mbila me gboko 'kpí akolo masakpe. ³¹ A bhadi moko, nedhinga yi aú ongú bhomu-o lie ngakolo-o, yi de mbila me Nau gba Ebhe-e akolo masakpe. ³² Ma apa pi yi na paká me, ndu 'ngú bhomu-o hana akólo me okpála na naki inde-e nde mu nga ndu o hana de. ³³ Ekpi ne doto akódho 'kpí makodho. Engú bini, 'li ma kódho 'kpí belegu de bini.»

Yi lila liyi malila

³⁴ «E-e! Yi lila liyi uu! Yi adú abhundja bha engú na anokomia, ne engú nalangba ne pandi di ne ongangá 'ngú na doto inde-e de. I du mo-o, lí ekpi lí ngama, Ndili gba kpála, ma agó lie, i kólo lí yi bhú gbilikiti, ³⁵ maka ekú ahoholo onu lie ko. Padhá de, anga ahólo okpála píla doto libhomu. ³⁶ Yi alá-a de. Yi du nayo Ebhe ndu nedhinga hana, ngubula me yi sia angu ngú nakpe

† 21:27 21:27 Tsia bhú Dan. 7:13.

ndu 'ngú inde akólo hana, amba yi koto ngú nalú kala ma, Ndili gba kpála-o.»

³⁷ Ne ngbikpi-e, Yesu adu asuno bhú 'ngbé 'ti Ebhe gba omaYuda-o. Tagolo, ani atsia adu anu asi apí 'ta na ondula na Olive. ³⁸ Ndú okpála hana adu ago bhú sikikpi bhú 'ngbé 'ti Ebhe ngú nadje ani.

22

Ongámási gba omaYuda agili nabholo Yesu

(Tsia bhú Mat. 26:1-5; ne bhú Mlk. 14:1-2; di ne bhú Dja. 11:45-53.)

¹ Ekpi na anokomia na Pasika, ekpi ayo di lie me u zu mapa inde li levile nde bhú e ade-e, akolo masakpe. ² Ongbengbe odimandé gba Ebhe di ne omusuno na líli gba Moidje adu agili kpadji ngú nabholo Yesu. Engú la bini, u adu adje tsulú ka okpála.

³ Pipita-a, Satana ali li bua Yuda inde u a'i e me Isikaliote, suka obhulú titima ndjikpa ne ká bhisi gba Yesu-o. ⁴ Abhomu-o, ani anu nadje lie ne ongbengbe odimandé gba Ebhe di ne ongámási gba okpála nalila 'ngbé 'ti Ebhe gba omaYuda. Ani anu nakpokpo ne uo maka ani apú Yesu lie pi uo ko. ⁵ U akpi djali naali, u atsia adje lio sunda o me o há pi ani falanga. ⁶ Yuda aziba. Ani atsia aholo agili nedhinga na ndjindji ngú napu Yesu pi uo me, okpála nde de uo ade.

Yesu atima okpála me, u nu po bhúla ezu na anokomia

(Tsia bhú Mat. 26:14-16; ne bhú Mlk. 14:12-21; di ne bhú Dja. 13:21-30.)

⁷ Ekpi na anokomia nazú mapa inde li levile nde bhú e ade-e akolo. A adu di ekpi inde ayo lie me u bheló folo kandeló ngabula anokomia na Pasika-o. ⁸ Yesu atima Piele ne Dja. Ani pi uo me: «Yi nu leke ndu 'ngú hana pi ní ngú anokomia-o.» ⁹ U atsia ayi ani me: «Mo okunda me ya nu leke su?» ¹⁰ Ani agie pi uo me: «Yi djeje, yi ali lie bhú Yelusalema-a, yi atú liyi ne bhoko bini me ani nde abi lusa 'ngu pi 'ndji e. Yi kpata ani bhú eti inde ani ali bhú e-o. ¹¹ Yi yi bhuú eti ang-o me: «Musuno ngayi mu me, tina 'ti inde ma azú anokomia ne omakpata gba ma-a bhú e ngae dho?» ¹² Ani asuno 'ngbé tina 'ti bhe na abhúla-a pi yi bini. Ndú 'he hana bhúbhú. Yi leke ehe na anokomia bhúbhú.» ¹³ U agbida, u abhaka ndu 'ngú hana maka li Yesu apa lie ko. Abhomu-o, u atsia aleke ezú na anokomia-o.

Yesu aha mapa ne vino pi obhulú titima
(Tsia bhú Mat. 26:26-30; ne bhú Mlk. 14:22-26; di ne bhú 1 Kol. 11:23-25.)

¹⁴ Li nedhinga ang-o akolo lie, Yesu ne obhulú titima gba e atsia adulu kuto ngú nazú 'he-o. ¹⁵ Ani apa pi uo me: «Ma adu nako ne gumu naali me ní zu anokomia inde-e ne yi bhú dabili bini kala me ma dje likabhu ko! ¹⁶ Padhá de, anga ma apa pi yi me, ma zú matá-a de, akoló li nedhinga inde li tata-a asuno lie lie bhú Nau gba Ebhe ko.» ¹⁷ Abhomu-o, ani aha kópo na vino-o, ani agie heni pi Ebhe. Ani atsia apa me: «Yi haha, amba yi ndji ndu yi hana. ¹⁸ Ma apa pi yi me, ma ndji matá-a de akoló li nedhinga inde li Nau gba Ebhe-e agó lie ko.» ¹⁹ Pipita-a, ani aha mapa-o, ani agie heni pi Ebhe. Ani agumu bhusu bhusu, ani aha pi uo. Ani atsia apa me: «A inde-e kute ma [inde aha lie pi yi-o. Yi du amemene moko, ngubula nabhundja ma.» ²⁰ Pita u andjia nazú 'he bhomu-o lie, ani aha di kópo na vino-o pi uo, ani atsia apa me: «Vino inde-e, a ko gandja na mbia li Ebhe akodho e ne yi ne ngute ma inde atuko pi yi-o.]

²¹ Engú bini yi tsisia, kpála inde apú ma-a, ani ngazú 'he ne ma bhú dabili bini si! ²² Padhá de, anga a ayo me ngama, Ndili gba kpála-a, ma kpi maka li Ebhe apa lie ko. Engú la bini, a ko likabhu naali pi kpála inde apú ma ko!» ²³ Abhomu-o, u atsia aholo ayi lio sunda o me, a ko kpála bhedho bhú ka o inde i tí da namene 'ngú bhomu-o.

Ane ne engbé da?

²⁴ Pipita-a, omakpata aholo amene kpekebbe sunda o ngú nambila me ane ne engbé bhú ká o da. ²⁵ Yesu atsia apa pi uo me: «Ongbengbe ongámási gba omupagano-o ngaha líli pi okpála gba o-o. Obhende ngatsia 'kpi li doto-o kunda me u 'i o me <Obabadha okpála.> ²⁶ Pi yi-e, yi améne mo-o de. Engú bini, a ayo me kpála inde ane ne engbé bhú ká yi-e du maka mboye ndili, amba kpála inde ngatsia 'kpi li okpála koko-o, du naae maka kpála na kulu gba uo-o. ²⁷ Padhá de, anga ane ne engbé da, ne me a ko kpála inde ngazú 'he? Ne me a ko kpála inde ngamene kulu kulu-o. A ko kpála inde ngazú 'he-e dí? La-a, ma bhú ká yi maka kpála na kulu gba okpála koko.

²⁸ Ngayi obhulú titima gba ma-a, ní adu ne yi ndu 'kpi hana bhú nedhinga inde ma adu adje likabhu gba ma-a lie ko. ²⁹ Kaka-a, ma ahá Nau pi yi maka li 'Dyi ma aha di muma lie ko. ³⁰ Abhomu-o, yi azú 'he, yi tsia ndji di vino ne ma bhú dabili bini, i du me ma nde ali bhú Nau gba ma-o. Yi adulu di pi odabili na ngamá ngú nakodho 'ngú gba opiga ndjikpa ne ká bhisi gba omafsalaele ko.»

Yesu apa pi Piele me: «Mo oyála ma»
(*Tsia bhú Mat. 26:31-35; ne bhú Mlk. 14:27-31; di ne bhú Dja. 13:36-38.*)

³¹ Pipita-a, Ngámá Yesu atsia apa me: «Simo, Simo, djedje nga! Ebhe aha kpadji pi Satana me ani pe yi maka u apepe mapunga lie ko. ³² Engú bini, ngama-a, ma ayo Ebhe ngú mu, amba mo o'ó ká nabhuka gba mu-o de. Mo odji matá bua mu lie, mu de ha di angu pi ondaise mu uu.» ³³ Piele apa pi ani me: «Ngámá, ma bedhe me, abana i du nanu bhú tikpu di ne nakpi-e, ni nú ne mu bhú dabili bini.» ³⁴ Yesu agie pi ani me: «Piele, ma apa pi mu me, sukpe na naki inde-e, kala me engu ku 'gbá-a, mo opá bhatsibhatsi bata me ni mbila ma de.»

Yesu apa pi omukpata gba e me, u leke lio ngubula egú

³⁵ Pipita-a, ani atsia ayi uo me: «Nedhinga nako ma atima yi lie manditia-a, mandí gonia ne maloké-o, ehe bini aneke nako ka yi uu?» U agie me: «Ehe bini neke ka ya de.» ³⁶ Do ani pi uo me: «Mbia inde-e, kpála bhende li tia ne gonia nde ka e-e, a ayo me ani haha. Kpála bhende li mbotia nde ka e ade-e, a ayo me ani tsindji koti gba e-o, amba ani kala mbotia ne di. ³⁷ Pádhá de, anga ma apa pi yi me, engú inde u aye e bhú Bhuku gba Ebhe-e me, <U ato ani bhú ká okpála na sisiti-e>, a ayo me amene lie li kate ma. A moko, engú inde atsia ma-a, a adji amene lie.†» ³⁸ Omukpata atsia apa me: «Ngámá, a ka ya si ne ombotia bhisi.» Ani atsia agie pi uo me: «A ale.»

Yesu anu nayo Ebhe pi eta na ondula na Olive

(*Tsia bhú Mat. 26:36-46; di ne bhú Mlk. 14:32-42.*)

³⁹ Pipita-a, Yesu akoto. Ani anu apí eta na ondula na Olive* maka ani adu amemene lie ko. Omukpata gba ani atsia akpata di ani. ⁴⁰ U akolo lie oo, ani atsia apa pi uo me: «Yi yo Ebhe, amba yi alí bhú nale de.» ⁴¹ Ani ayie de uo, ani adyudyo mbo lie tsutsu masudha. Ani akikita lipuku e kuto, ani atsia ayo Ebhe me: ⁴² «'Dyi ma, i du me mu nde akunda-a, mu de 'e likabhu inde-e de ma tsutsu. La-a, mo oméne maka ma akunda lie de, mene mangbo maka mo okunda lie ko.» [⁴³ Abhomu-o, andjelu bini ayie abhúla, ani akoto li ani, ani atsia aha angu pi ani. ⁴⁴ Ani abedhe lie ne likabhu-o, ani atsia ahola matá nayo Ebhe kpekpeke naali. Ngufu na kate ani akolo maka ngute, a atsia adu ayi kuto má ta ta ta!]

⁴⁵ Pita li ani a' o nayo Ebhe lie, ani ayie bhúla, ani agie lie ade omukpata. Ani abhaka me u nde atuko ne ela ka likabhu. ⁴⁶ Ani atsia apa pi uo me: «Yi atuko ne ela ka ni? Yi yie bhúla, amba yi yo Ebhe, ngubula me yi alí bhú nale de.»

U aholo Yesu

(*Tsia bhú Mat. 26:47-56; ne bhú Mlk. 14:43-50; di ne bhú Dja. 18:3-11.*)

⁴⁷ Li nedhinga li Yesu adu apa 'ngú bhomu-o lie, Yuda suka obhulu titima ndjikpa ne ká bhisi-e ago ne bhiti okpála. Ani adyudyo lie de Yesu masikpe ngubula me ni nvu pabhé ani. ⁴⁸ Abhomu-o, Yesu atsia apa pi ani me: «Mu nganvu pabhé ma, Ndili gba kpála, ngubula napu ma-a?»

⁴⁹ Li omukpata gba Yesu-o au engú inde adji akódho 'kpi-e lie, u atsia ayi Yesu me: «Ngámá, a la ya gu ne uo ne mbotia?» ⁵⁰ Suka uo asu kpála na kulu gba bhele kpála gba odimandé gba Ebhe-o. Ani atsia akodho kpadje ani li pápá na kokpa-a má tse! ⁵¹ Engú bini, Yesu atsia apa me: «Yi 'o'o, a apise moko.» Ani aha kpadje kpála ango-o, ani a'o 'kpa e tété, ani atsia akobho ani.

⁵² Pipita-a, Yesu atsia apa pi ongbengbe odimandé ne ongámási gba omulila na 'ngbé 'ti Ebhe gba omaYuda, di ne obhelesi okpála inde ago ngú naholo ani-e me: «Ka ni yi ago ngú ma lie ne ombotia, di ne ondula mugito me yi ago ngú naholo bhulu 'zi-e?» ⁵³ Ni adu nako ne yi ndu 'kpi hana bhú dabili bini bhú 'ngbé 'ti Ebhe gba omaYuda. La-a, yi holo ma de. Engú bini, nedhinga gba yi-e akolo, nedhinga gba ngámá na biti-o.»

Piele apa me ni mbila Yesu de

(*Tsia bhú Mat. 26:57-58, 69-75; ne bhú Mlk. 14:53-54, 66-72; di ne bhú Dja. 18:12-18, 25-27.*)

⁵⁴ Abhomu-o, u aholo Yesu, u anu ato ani bhú 'ti gba bhele kpála gba odimandé gba Ebhe-o. Piele adu akpata uo mbo tsutsu. ⁵⁵ A abhaka me u nde akpo djua tu mbadhasu, okpála adulu dede. Piele atsia ago adu bhú ká uo. ⁵⁶ Kpála na kulu bini na eole au ani li zi djua me ani nde adu kuto. Ani atsia Piele ne kpéke djila, ani me: «Kpála inde-e du di nako ne ani bhú dabili bini!» ⁵⁷ Engú bini, Piele ayala, do ani de-e: «Ma ambila ani de, eole-e.» ⁵⁸ Pita nedhinga bedi-e, bhoko bini au ani, ani atsia apa me: «Ngamu di-e, mu ne suka okpála gba Yesu-o!» Engú bini, Piele atsia agie me: «Bhokoe, ma ne suka uo ade.»

⁵⁹ Pipita abhue mbo ngengele. Bhoko koko atsia azi kekele tété me: «A ko kukulu 'ngú, kpála inde-e du nako ne Yesu bhú

† 22:37 22:37 Tsia bhú Isa. 52:12.

*

22:39 22:39 Eta na ondula na Olive-e asangba gudhu na Yelusalema.

dabili bini, anga a ko di kpála na Galilaya.»
⁶⁰ Engú bini, Piele agie pi bhoko ango-o me: «Bhoko-e, ma mbíla 'ngú inde ma ngapa e de.» Bha li nedhinga inde ani adu apapa lie, engu atsia aku 'gbá. ⁶¹ Ngámá Yesu adji bhúla e, ani atsia bhúla Piele. Abhomu-o, Piele atsia abhundja engú inde li ngámá Yesu apa igini e pi ani-o me: «Sukpe na naki inde-e, kala me engu ku 'gbá-a, mo opa bhutsibhutsi bata me ni mbíla ma de.»
⁶² Piele akoto kilidjo, ani abhelo kuo e ne egbá má kusu!

U asobho Yesu, u atsia abhi di ani

(Tsia bhú Mat. 26:67-68; di ne bhú Mlk.

14:65.)

⁶³⁻⁶⁴ Okpála inde adu alila Yesu-o aholo amu ani. U agbite djila ani. U aholo abhi ani. U atsia adu ayi ani me: «Aa! Ngamu, polofeta-a, pa nga pi ya me asu mu da!»
⁶⁵ U asosobho ani. U atsia apa di ongú koko pi ani bhelé bhú osobho inde u adu asosobho ani ne e ko.

Odیمانده akodho 'ngú gba Yesu

(Tsia bhú Mat. 26:59-66; ne bhú Mlk.

14:55-64; di ne bhú Dja. 18:19-24.)

⁶⁶ Li ekpi aseke lie, obhelesi okpála gba omaYuda apokobhe bhúla o bhú dabili bini ne ongbengbe odیمانده gba Ebhe, di ne omusuno na líli gba Moidje-o. U atsia agbe ani kala Libi okpála natsia 'kpi li 'ngú gba omaYuda-o. ⁶⁷ U ayi ani me: «I du me mu nde ne Masiya-a, mu de pa pi ya.» Abhomu-o, ani agie pi uo me: «I du me ma nde apa pi yi-e, yi bhúka de. ⁶⁸ I du la di me ma nde ayi yi li 'ngú-o, yi gie 'ngú muma tété de. ⁶⁹ Nayie pi mbia inde-e, ngama, Ndili gba kpála-a, ma adú li pápá na kokpa gba Ebhe na angu-o.»
⁷⁰ Abhomu-o, ndu uo hana atsia ayi me: «Bhobhomu-o apa me mu ne Ndili gba Ebhe?» Ani agie pi uo me: «A maka yi apa lie ko.»
⁷¹ Abhomu-o, u atsia apa me: «Ní matá ne gumu okpála koko inde i ti da napa engú ango-o pi ní ade, anga ní adje bha ngani makpe bhú 'li ani adje!»

23

U anu ne Yesu kala Pilato

(Tsia bhú Mat. 27:1-2, 11-14; ne bhú Mlk. 15:1-5; di ne bhú Dja. 18:28-38.)

¹ Pipita-a, ndu okpála hana inde adu bhú dá bula-a ayie bhúla, u atsia anu ne Yesu kala Pilato, ngámá na Loma. ² Oo, u aholo apa li Yesu me: «Ya abhaka kpála inde-e me ani nde ngaha kpéke 'ndji pi okpála gba ya-o. Ani nde ngayoko uo me u akala mandjandja gba Kaisala, 'ngbé ngámá na Loma-a de. Ani atsia adu apa di me ni ne Masiya, akunda napa me 'ngbé ngámá.»

³ Pilato ayi ani me: «Ngamu-o, mu ne 'ngbé ngámá gba omaYuda?» Yesu agie pi ani me: «Mo opa ngamu.»
⁴ Abhomu-o, Pilato atsia apa pi ongbengbe odیمانده di ne bhiti okpála bhomu-o me: «Ma u engú bini inde a ayo me u holo kpála inde-e ngú e de.»
⁵ Engú bini, u azi bha kekele tété me: «Bhú nasuno gba ani-e, ani ngaha kpéke 'ndji pi okpála me u améne líli gba ngámá-a de. Ani amene bhú doto gba omaYuda libhomu. Ani akpo bhú ndu doto na Galilaya. Mbía inde-e, ani akolo ibili ne di ei.»

U anu ne Yesu kala ngámá Elode

⁶ Li Pilato adje lie mo-o, ani atsia ayi me: «Kpála inde-e, a ko kpála na Galilaya?»
⁷ U agie pi ani me: «A moko, a ko kpála na Galilaya.» Abhomu-o, li Pilato adje lie me Yesu ayie bhú ndu doto li ngámá Elode adu alila e-e, ani atsia atima ani pi ani. Padhá de, anga bhú ekpi ango-o, Elode adu di bhú Yeluselema oo. ⁸ Elode akpi djali naali li ani au Yesu lie. Padhá de, anga nayie nani didili naali, ani adu akunda me ni u Yesu ka engú gba ani inde ani adu adje e-o. Ani atsia adu akunda nau ani me ani nde ngamene ngamba 'ngú.
⁹ Ani ayiyi Yesu li ongú bhelé. Engú bini, Yesu gie 'ngú pi ani tété belegu de bini.
¹⁰ Ongbengbe odیمانده di ne omusuno na líli gba Moidje adu oo. U adu apa 'ngú li kute ani sisiti naali. ¹¹ Elode ne osudha gba e amu ani, u atsia asosobho di ani. Pipita-a, u adyi bádba bongo li ani, u atsia agie ani pi Pilato. ¹² Kalanu-o, Elode ne Pilato du nadje lio de. Nayie li 'kpi ango-o, u atsia akolo bhú makpolia.

U akodho 'ngú gba Yesu me ani kpi bha makpi

(Tsia bhú Mat. 27:15-26; ne bhú Mlk. 15:6-15; di ne bhú Dja. 18:39 - 19:16.)

¹³ Abhomu-o, Pilato apo bhúla ongbengbe odیمانده, ongámási gba omaYuda di ne okpála. ¹⁴ Ani atsia apa pi uo me: «Yi ago ne kpála inde-e muma me ani ngaha kpéke 'ndji pi okpála. La-a, ma ayi ani li 'ngú ango-o kala yi si, ma u ani ne siti 'ngú belegu de bini bhú ká ndu 'ngú hana inde yi apa e li ani-o. ¹⁵ Elode u di siti 'ngú ka ani de anga ani agie ani pi ní ei. A moko me kpála inde-e mene siti 'ngú belegu de bini inde u ti da nabhelo ani ka e ko. ¹⁶ Kaka-a, ma abhi ani ne fimbo, ma atsia tsé 'kpa li ani.» [¹⁷ Bhú ndu anokomia na Pasika hana, a ayo me Pilato tse 'kpa li kpála inde u aholo e bhú tikpu-o pi uo bini.]

¹⁸ Engú bini, ndu uo hana aholo asusula bhú dabilí bini me: «Bhøle kpála bhomu-o mabhøle, amba mu tse 'kpa li Balaba pi ya!» ¹⁹ (U aholo nani Balaba bhú tikpu anga ani agbe nani kpéke 'ndji abhú Yelusalema, ani atsia abhøle di kpála.) ²⁰ Pilatø adu akunda natse 'kpa li Yesu. Kaka-a, ani atsia ayi matá uo li 'ngú angoo ko. ²¹ Engú bini, u aholo bha nasusula me: «Gi ani li kulusi! Gi ani li kulusi!» ²² Bhutsibhutsi na bata-a, ani apa pi uo me: «Ani amene la mangua siti 'ngú dho? Ma u engú inde ani amene e, u ti da nabhøle ani ka e de. Ma abhú bha ani ne fimbo, ma tsia tsé 'kpa li ani.»

²³ Engú bini, u azi bha kekele tété kpekpeke me, a ayo me u gi Yesu li kulusi. U adu bha a'é'e 'li o ne bhúlá, akolo li nedhinga li 'li uo aha angu Pilatø lie ko. ²⁴ Abhomu-o, Pilatø atsia aziba namene maka u adu akukunda lie ko. ²⁵ Ani atsia atse 'kpa li kpála inde u adu ayo e-o, kpála inde u aholo e bhú tikpu-o. Padhá de, anga ani agbe kpéke 'ndji, ani atsia abhøle di kpála. Engú bini, ani atsia aha Yesu pi uo me u mene ne ani maka u adu akukunda lie ko.

U anu ne Yesu ngú nabhøle ani

(Tsia bhú Mat. 27:32-44; ne bhú Mlk. 15:21-32; di ne bhú Dja. 19:17-27.)

²⁶ Li osudha adu anu ne Yesu lie, u ako lio ne Simo, kpála na ndu doto na Silene, me ani nde ayie abhiye. U aholo ani, u atsia a'o kulusi gba Yesu-o li 'ngbu ani me, ani bibi amba ani kpata Yesu ne di.

²⁷ Okpála bhelé adu akpata Yesu. Bhú ká uo-o, adu di ne olisi inde adu aku 'gbá ne nalopolo lio ngú ani-o. ²⁸ Yesu adjí bhúla e ne api uo, ani atsia apa pi uo me: «Ngayi, olisi na Yelusalema-a, yi akú 'gbá ngú ma de! Engú bini, yi ku mangbo egbá ngú yi ne ongisi gba yi ko. ²⁹ Padhá de, anga oekpi koko akólo makolo, oekpi inde u apa lie me: «A ko djali pi olisi inde i zu de, inde i bi 'bhi de, di ne obhende li ongisi ndji 'ka o de-o!» ³⁰ Li nedhinga bhomu-o, okpála ahólo napa pi ongbengbe 'ta me: «Yi buku ya!» U tsia pá pi odjedje 'ta me: «Yi wo ya!»[†] ³¹ Padhá de, anga i du me okpála nde amene ndula bhe na yiye mo-o, u méne la ibili naae ndula bhe na keke-e pi?»*

³² Li nedhinga bhomu-o, u anu di ne obhosi bhisi koko inde amene sisiti 'ngú naali me u bhili uo bhú dabilí bini ne Yesu.

U agi Yesu li kulusi

(Tsia bhú Mat. 27:45-56; ne bhú Mlk. 15:33-41; di ne bhú Dja. 19:28-30.)

³³ U akolo li bili inde u a'i e me «Pelegendji.» U atsia agi Yesu li kulusi di ne okpála na sisiti bhisi-o, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. ³⁴ [Abhomu-o, Yesu atsia apa me: «Dyi ma, mbu li siti 'ngú gba uo, anga u mbila engú inde u ngamene e de.»]

Osudha agu gbanda ngú nagapa obongo gba ani-e li o. ³⁵ Okpála adu oo, u adu atsia engú inde adu akodho 'kpi-o. Ongámási gba omaYuda adu amu ani. U atsia adu apa me: «Ani akobho okpála koko. A ayo me ani kobho di lie ne titi e, i du me ani nde ne Masiya inde li Ebhe abhu e ko!» ³⁶ Osudha amu di ani. U adyudyo lio masakpe, u aha kpongadha pandi pi ani, u atsia apa me: ³⁷ «I du me mu nde bha ndju ne 'ngbé ngámá gba omaYuda-a, mu de kobho limu ne titi mu!» ³⁸ Pi 'ndji ani-e, u aye me: «A INDE-E 'NGBÉ NGÁMÁ GBA OMA YUDA-O.»

³⁹ Saka okpála na sisiti inde u agi o li kulusi adu asobho ani me: «Mu ne Masiya adi? Kobho limu ne titi mu, amba mu kobho di ya!» ⁴⁰ Engú bini, bhe koko ambe bhú 'ndji ani, do ani de-e: «Mu kpe Ebhe di, ngamu inde ngasia bhadi likabhu maka ani-e? ⁴¹ Pi ní-e, a li likabhu gba ní-e ne tata, anga ní ngasia bhomu-o mbinu kulu gba ní ko. La-a, ngaani-e, ani mene naae siti 'ngú belega de bini.» ⁴² Pipita-a, ani atsia apa pi Yesu me: «Bhundja ma uu, li nedhinga inde mo ogó lie ngú nau ngámá gba mu ko.» ⁴³ Yesu agie pi ani me: «Ma apa pi mu na paká me, naki-e, ní adú ne mu bhú dabilí bini bhú kuti na mundeyi ko.»

Yesu akpi

⁴⁴ A akolo masakpe de tulukpe, ela a'o nasu. Biti aha píla doto libhomu akolo li saa na bata píta tulukpe. ⁴⁵ 'Ngbé 'kpa bongo inde adu agbo bhusu 'ngbé 'ti Ebhe gba omaYuda asidha bhusu e tutu má tsue! ⁴⁶ Abhomu-o, Yesu atsia asula kpekpeke me: «Dyi ma, ma nga'o bua ma sa 'kpa mu.» Pita ani apa engú bhomu-o lie, ani atsia andala 'kpa li bua e. ⁴⁷ Li ngámá gba osudha na Loma au engú inde akodho 'kpi-e lie, ani atsia adu adhøge Ebhe me: «A ko paká me kpála inde-e bha ndju nako ne kpála na ngbingbili!» ⁴⁸ Ndu okpála hana inde ago apo bhúla o ngú natsia engú angoo, au engú inde akodho 'kpi-o. U atsia adu agie lio agba o me u nde abubu 'kpa o pí 'ka o ka likabhu. ⁴⁹ Ndu obi Yesu hana di ne olisi inde adhuku ne ani bhú dabilí bini nayie bhú Galilaya-a, alulu mbo tsutsu. U adu natsia engú inde adu akodho 'kpi ko.

† 23:30 23:30 Tsia bhú Oz. 10:8.

* 23:31 23:31 Ndula bhe na yiye-e, a ko Yesu. Ndula bhe na keke-e, a ko okpála.

U azi Yesu

(*Tsia bhú Mat. 27:57-61; ne bhú Mlk. 15:42-47; di ne bhú Dja. 19:38-42.*)

⁵⁰⁻⁵¹ Kpála bini adu nani oo. A adu 'li ani me Djodjefa, kpála na Alimaté, saka gudhu gba omaYuda. A ko nani kpála na babadha inde adu di ngbingbili. Ani adu nani nadjeke nago ka Nau gba Ebhe pila doto. A ko nani saka Libi okpála natsia 'kpí li ongu gba omaYuda-o. Engú bini, ani du aziba engú inde li Libi okpála natsia 'kpí li ongu gba omaYuda adu abhundja e di ne namene e li Yesu-o de. ⁵² Ani anu abhaka Pilate, ani atsia ayo kuo Yesu ka ani. Pilate aziba. ⁵³ Pipita-a, ani atsia a'e kuo ani li kulusi-o. Ani agagala ne bongo. Ani atsia ato bhú lata inde u adji e bhú teme, lata inde u zi nga kpála bhú e kalanu de. ⁵⁴ A adu nani 'kpí kulu bhuluvue, masikpe de ekpi nago.

⁵⁵ Olisi inde ayie nani ne Yesu bhú Galilaya-a, anu bhú dabili bini ne Djodjefa. U atsia lata-o, u au maka u a'o kuo Yesu lie bhúbhú-o. ⁵⁶ Pipita-a, u agie lio agba o. U atsia aleke emu, di ne mungotsi ngubula me sidi-e, u nu pulu kate kuo-o ne di. Li 'kpí nago-o, u atsia aguo maka li líli apa lie ko.

24*Yesu azuku*

(*Tsia bhú Mat. 28:1-10; ne bhú Mlk. 16:1-8; di ne bhú Dja. 20:1-10.*)

¹ Bhú 'kpí yinga kèkpí má bhé-o, olisi aha mungotsi inde u agili e-o, u atsia agbida abhú lata. ² U abhaka me teme nde awawala li 'bhe lata-a awawala. ³ U ali lie, u bhaka kuo Ngámá Yesu de. ⁴ Nedhinga u adu akiaka lie ka 'ngú ang-o, kolo me e okpála bhisi aze li uo. Okpála ang-o adyidi bubu bongo má tuu tuu! ⁵ U adu la lie ne tsulu naali-e, u atutu bhúla o ne kuto. Okpála ang-o atsia apa pi uo me: «Yi ngagili kpála inde uu-o bhú ká okpála inde amu-o ka ní? ⁶ Ani sii ade. Engú bini, ani azuku. Yi bhundja engú nako ani apa e pi yi li nedhinga inde ani adu nga bha lie bhú Galilaya me: ⁷ «A ayo me u pu ma, Ndili gba kpála, pi okpála na sisiti. U gi ma li kulusi, amba bhú 'kpí na bata-a, ma tsia zuku.» ⁸ Abhomu-o, u atsia abhundja 'li ani-o.

⁹ U ayie bhú lata-o. U atsia anu nakpokpo ndu 'ngú bhomu-o hana pi obhulu titima ndjikpa ne ká bini, di ne ndu obhende adu ne uo bhú dabili bini-e hana. ¹⁰ Olisi ang-o, adu nani Malia, kpála na gudhu na Magadala, Djaani ne Malia, 'hi Djaki. Ngauo ne olisi koko inde adu bhú dabili bini ne uo akpokpo pi obhulu titima gba Yesu-o. ¹¹ Engú bini, obhulu titima abhundja naoo

me, engú inde li olisi akpokpo e-e, a ko engú na ngingi. Kaka-a, u tsia bhuka de. ¹² Engú bini, Piele ayie bhúla, ani anu ne holo abhú lata. Ani akolo lie oo, ani akita ne kuto, ani atsia 'kpí, ani au bha bongo inde u agagala kuo ne e ko. Pipita-a, ani agie lie agba e me ani nde ngangamba naali ka engú inde akodho 'kpí ko.

Yesu akoto li omukpata bhisi li kpadji na Emausi

(*Tsia bhú Mlk. 16:12-13.*)

¹³ Bha li 'kpí ang-o, omukpata bhisi adu anu bhú kuti bini inde u a'i e me Emausi. Kutu ang-o adu de Yelusalema tsutsu, masikpe de kilometele ndjikpa ne ká bini. ¹⁴ U adu akpokpo 'ngú sunda o pindji ndu 'ngú hana inde akodho 'kpí-o. ¹⁵ Nedhinga uo adu akpokpo 'ngú di ne namene kpekebho lie sunda o-o, ngaani Yesu makpe, ani adyudyo lie de uo masikpe. Ani atsia aholo 'nu ne uo bhú dabili bini. ¹⁶ U adu au ani, engú bini, ehe bini adu amene me u ambala ani de. ¹⁷ Ani ayi uo me: «A ko mangua 'ngú dho yi adji ne kpokpo e sunda yi me-e?» Abhomu-o, u alu, u atsia abedhe ne likabhu bedhe.

¹⁸ Saka uo bini inde adu 'li e me Keleopasi apa pi ani me: «Bhú ká ogomago na Yelusalema libhomu-o, engú inde akodho 'kpí sunda okpi inde-e, mu mbila bha de ngamu kpi mu kpi?» ¹⁹ Ani ayi uo me: «Mangua 'ngú dho?» U atsia agie pi ani me: «Engú inde akolo li Yesu, kpála na Nadjaleta! A ko nako polofeta kukulu. Ongú inde ani amene e ne bhende ani asuno e, ani amene ndundu hana ne angu. Ani atsia asuno ongu ang-o kala Ebhe di ne kala ndu okpála hana. ²⁰ La-a, ongbengbe odimande gba Ebhe di ne ongámási gba ní-e, apu ani me u bhelo ani. U atsia agi ani li kulusi.

²¹ La-a, ya adu nako ne 'to ya naaya me, a ko kpála inde agbége Isalaele bhú bali-o. Engú bini, a ane naki ekpi bata maka li oengú ang-o akodho 'kpí lie ko. ²² La matá di-e, ya angamba ka olisi koko bhú ka ya naali. U anu iginí bhú sikikpi abhú lata. ²³ Engú bini, u u kuo ani de. U agie lio, u apa pi ya me oandjelu aze lio. Oandjelu atsia apa pi o me ani uu. ²⁴ Pipita-a, okpála koko bhú ká ya anu abhú lata, u atsia abhaka ndu 'ngú hana maka li olisi akpokpo lie ko. Engú bini, ngaani makpe-e, u u ani de.»

²⁵ Abhomu-o, Yesu atsia apa pi uo me: «Yi ne ongingi! Ka ní yi ngabhuka lie má gala ade ndu 'ngú hana inde li opolofeta-a apa e! ²⁶ A ayo nako de me Kilisito dje likabhu kala me ani li bhú nau na asasaua gba e di?» ²⁷ Pipita-a, ani aholo nakpokpo ndu 'ngú hana inde u apa e pindji ani bhú

oBhuku gba Ebhe-e pi uo. Aní akpokpo nayie bhú obhuku gba Moidje akólo bhú obhuku gba ndu opolofeta-a hana.

²⁸ U akolo lie de kuti inde u adu anu bhú e masikpe-e, Yesu amene mágito me ní adji tsutsu. ²⁹ Engú bini, u atsia apa pi aní me: «Ní si ne yi sí, anga ekpí asegele, bití la di ngago.» Aní atsia ali ngú nasi bhú dabili bini ne uo oo ko. ³⁰ Nedhinga aní adu azu 'he lie bhú dabili bini ne uo-o, aní aha mapa, aní agie heni pi Ebhe. Pipita-a, aní agumu mapa-o, aní atsia aha pi uo. ³¹ Abhomu-o, djila uo abhulu, u atsia ambila aní. Engú bini, aní angita bha kolo bhú djila uo má pele! ³² U atsia aholo nayi lio sunda o me: «Li nedhinga inde aní adu akpokpo 'ngú di ne nasuno ta eli gba Ebhe lie pi ní li kpadji-e, bua ní bedhe igini bhú ní ne djali bedhe di?»

³³ Bha li nedhinga bhomu-o, u ayie bhúlá kolo má gala, u atsia agie lio abhú Yelusalema. Oo, u abhaka me obhulu titima ndjikpa ne ká bini-e nde apo bhúla o ne obi o-o bhú dabili bini. ³⁴ U atsia apa pi obhe bhisi bhomu-o me: «Ngámá azuku na kuka! Simo au ani!» ³⁵ Pipita-a, omukpata bhe bhisi-e atsia akpokpo 'ngú inde akodho 'kpí li kpadji-e pi uo, di ne maka u ambila Yesu lie li nedhinga aní agumu mapa lie ko.

Yesu asuno lie pi omukpata gba e-o

(Tsia bhú Mat. 28:16-20; ne bhú Mlk. 16:14-18; ne bhú Dja. 20:19-23; di ne bhú Kul. 1:6-8.)

³⁶ Li nedhinga u adu nga bha lie nakpokpo 'ngú ang-o, Yesu atsia ala bhú ká uo. Do aní pi uo me: «Guo 'ngú du bhú dabili bini ne yi!» ³⁷ U adje tsulu naali, u atsia aholo aguku, anga u adu abhundja me o ou igbadyibhe. ³⁸ Engú bini, Yesu atsia apa pi uo me: «Yi ngadje tsulu ka ní? Yi ne bua na bhisi bhisi ka ní? ³⁹ Yi tsia nga 'kpa ma di ne 'dhu ma, a ko bha ma makpe. Yi tana nga kute ma, amba yi u, anga mbilika ne biki li igbadyibhe ade maka yi ngau ma lie ne di ko.» ⁴⁰ Aní apa engú bhomu-o lie, aní atsia asuno 'kpa e di ne 'dhu e pi uo. ⁴¹ Li djali di ne nangamba aha angu uo lie naali-e, u tsia bhuka ngaiza de. Aní atsia ayi uo me: «Mbo 'he nazu mazu ka yi sí uu?» ⁴² U atsia aha ndu sungu inde u azi e mazi-e pi aní. ⁴³ Aní aha, aní atsia azu li djila uo oo.

⁴⁴ Pipita-a, aní pi uo me: «Ma apa nako pi yi ndjindji nedhinga ní adu nga bha lie bhú dabili bini-e me, a ayo me ndu 'ngú hana inde u aye e pindji ma bhú líli gba Moidje, bhú obhuku gba opolofeta di ne bhú bhuku na oetsi gba ní-e, amene lie.»

⁴⁵ Pipita-a, aní atsia abhulu imbilangu gba uo ngubula me u mbila ta engú inde u aye

e bhú oBhuku gba Ebhe ko. ⁴⁶ Aní atsia apa pi uo me: «Maka u aye lie bhú oBhuku gba Ebhe-e me, a ayo me Kilisito dje likabhu, amba aní tsia zuku bhú 'kpí na bata. ⁴⁷ A ayo me okpála kpokpo 'ngú gba aní-e pi ndu okpála hana píla doto libhomu. U akpokpo nayie bhú Yelusalema me okpála dji bua o, amba Ebhe 'e siti 'ngú gba uo ko. ⁴⁸ Yi au engú inde akodho 'kpí-e ne djila yi makpe. ⁴⁹ Ngama-a, ma atíma pi yi bhende li 'Dyi ma apa me ní atíma e-o. Kaka-a, yi du bha bhú gudhu si akólo li 'kpí inde li Ebhe atíma angu pi yi lie ko.»

Ebhe aha Yesu abhúlá

(Tsia bhú Mlk. 16:19-20; di ne bhú Kul. 1:9-11.)

⁵⁰ Pipita-a, Yesu anu ne omukpata gba e masikpe de kuti na Betania. U akolo lie oo, aní a'e 'kpa e, aní atsia atuko bisagu pí uo. ⁵¹ Li nedhinga aní adu atuko bisagu pí uo lie, aní ayie bhú ká uo. Ebhe atsia aha aní abhúlá. ⁵² Ngauo-o, u adhögé aní. Pipita-a, u atsia agie lio abhú Yelusalema me u nde abedhe ne djali bedhe. ⁵³ Ndu 'kpí hana, u adu nadu bhú 'ngbé 'ti Ebhe gba omaYuda ngú nadhögé Ebhe.

**Bádha Ngali
gba Yesu Kilisito maka li
Djaa
aye lie ko
Eli na kalanu**

Bádha Ngali gba Yesu Kilisito maka li Djaa aye lie ngasuno Yesu maka Eli na dáduma gba Ebhe. Eli akolo maka kpála-kutí atsia adu bhú ká ní (1:14). Maka li bhuku ngae makpe ngapapa lie, Bádha Ngali inde aye nani li e ngubula me okpála inde ngatatanga bhuka me Yesu ne Mukobho inde li Ebhe abhú nani e, inde di Ndili gba Ebhe, ngubula me ka nabhuka bhú ani-e, u sia mukobho na dáduma (20:31).

U aye engú gba eòe na zabhe sunda oehe bhisi me anga bhú obhuku na didili koko-o, u ye engú ang-o de, okoko atsia aye li obili koko (8:1-11).

Djaa ngagama 'ngú naali pindji mukobho na dáduma inde li Ebhe aha e padhá bhú Yesu. A ngakpo lita e naki inde i tsia gó pí obhende ngaziba Yesu maka kpadji, maka kukulu 'ngú, la di maka mukobho. Engú na ngéngbé inde bhú Bádha Ngali gba Djaa, a ko ngubula nasuno engú inde bhú mukobho gba kpála ngubula ekpí bini ne bini, ngubula nasuno lele kukulu 'ngú na Bu Bhobua : maka engu, maka mapa, maka zi 'kpí, maka mulila gba okandele ne okandele gba e, la di maka vino ne lí e.

**Ongbenge ongú inde bhú bhuku inde-
e ngae inde:**

Eli na kalanu 1:1-18

Djaa bhulu nabatisa okpála, ne omukpata gba Yesu na kalanu 1:19-51

Kulu gba Yesu bhú ká okpála 2:1 - 12:50
Oekpi nasoso gba Yesu abhú Yelusalema
13:1 - 19:42

Nazuku gba Yesu, ne nakoto ka Ngámá li
okpála 20:1-31

Eli nasoso: ani akoto matá li okpála
abhú Galilaya 21:1-25

Eli inde zi 'kpí di ne mukobho

¹ Nayie li lilita-a, Eli* adu nani uu.

Eli ang-o adu nani bhú dabili bini ne Ebhe.

La di-e, Eli ang-o a adu Ebhe.

² Nayie li lilita-a, Eli ang-o adu nani bhú dabili bini ne Ebhe.

³ Ebhe atsia abho ndu 'he hana ne Eli ang-o.

Ehe bini inde amene lie mandi ani ade.

⁴ Mukobho akoto bhú Eli ang-o.

Mukobho ang-o atsia adu zi 'kpí pí okpála.

⁵ Zi 'kpí ngaziga bili bhú biti.

Engú la bini, biti ha angu zi 'kpí ang-o de.

⁶ Ebhe atima kpála bini. A adu 'li kpála ang-o me Djaa . ⁷ Ani ago maka kpála nakpokpo 'ngú. Ani atsia akpokpo 'ngú mbámbá pindji zi 'kpí-o, amba ndu okpála hana bhuka ka ani.† ⁸ Ngaani makpe-e, ani du nani zi 'kpí de. Engú bini, ani ago nani ngú nakpokpo 'ngú pindji zi 'kpí-o. ⁹ Zi 'kpí ang-o, a ko nani zi 'kpí na kukulu. A ago pála doto, a ngaziga ndu okpála hana.

¹⁰ Eli-e adu nani pála doto. Ebhe atsia abho ndu 'he hana ne di. La-a, okpála na pála doto tsia mbila ani de. ¹¹ Eli-e ago nani bhú ká omaha e. Engú bini, omaha ani tsia sia ani de. ¹² La-a, okpála koko asia ani, u atsia abhuka di ani. Abhomu-o, ani atsia aha angu pí uo me u kolo ongisi gba Ebhe. ¹³ U kolo ongisi gba Ebhe li kpadji bhende maka u azuzu okpála na doto lie de. A ko la di ka gumu gba bhoko bini de. Engú bini, ayie ka Ebhe.

¹⁴ Eli-e adjí lie, atsia akolo kpála. Ani adu nani bhú ká ní. Ní au sangu gba ani, sangu inde ani asia e ka 'Dyi e-o. A ko sangu gba koli Ndili bini, inde abedhe ne bádha bua di ne ngbili 'ngú . ¹⁵ Djaa‡ akpokpo 'ngú pindji ani mbámbá. Ani atsia asula me: «Engú nani ma apa e me: <Kpála inde ngago pita ma-a, ani ane ma mane. Padhá de, anga nani me ma nde nga ade-e, ani adu bha naae uu.» Ma apa nani engú ang-o pindji ani.» ¹⁶ Abhomu-o, bhú bádha bua gba ani inde bedhe-e, ndu ní hana ní atsia asia bádha bua pí bádha bua koko. ¹⁷ Padhá de, anga ní asia líli sa 'kpa Moidje . La-a, bádha bua di ne ngbili 'ngú-o, ní asia ka Yesu Kilisito . ¹⁸ Kpála bini u Ebhe belegu de bini. La-a, koli Ndili bini inde di Ebhe, inde ngadu de 'Dyi e-e, asuno ani pí ní ngae.

Djaa bhulu nabatisa okpála akpokpo 'ngú gba Masiya

(Tsia bhú Mat. 3:1-12; ne bhú Mlk. 1:1-8; di ne bhú Luk. 3:1-18.)

¹⁹ A inde-e engú li Djaa akpokpo e, nedhinga li ongámási gba omaYuda na Yelusalema atima odimandé di ne okpála na piga gba Levi lie agba ani-o. U atima uo ngú nayi ani me: «Mu ne da?» ²⁰ Ani yala nagie engú tété de. Ani apa mbámbá

* 1:1 1:1 Eli: Eli-e, a ko Yesu (tsia lukuluku 14). † 1:7 1:7 Okpála bhuka zi 'kpí ka ani: Ani inde-e, a ko Djaa bhulu nabatisa okpála-o. ‡ 1:15 1:15 Djaa: A ko Djaa bhende Bhulu nabatisa okpála-o.

me: «Ngama-a, ma ne Masiya ade.» ²¹ U atsia ayi ani me: «Mũ la ne da? Mũ ne Eliya?» Djaa agie me: «Ma ne ani ade.» U ayi ani me: «Mũ ne polofeta inde ya ngadjeke e?» Ani agie me: «Ma ne polofeta ade.» ²² Abhomu-o, u atsia apa pi ani me: «Mũ la naamũ ne da? Padhá de, anga a ayo me ya gie engú tété pi okpála inde atima ya ko. Ngamũ makpe-e, mũ ngapa li 'ngú gba mũ-o pi?» ²³ Djaa agie me: «Ma ne kpála inde ngatotobhila bhú 'gu me,

«Yi leke kpadji ngbingbili pi Ngámá.»» (A bhomu-o engú inde li polofeta Isaya apa nani e-o).[†]

²⁴ Okpála inde u atima o agba Djaa, a adũ nani omũFalisai . ²⁵ U ayi ani me: «Mũ ne Masiya ade. Mũ ne Eliya ade. Mũ ne polofeta inde ya ngadjeke e ade. Mũ la ngabatisa okpála ngú ni?» ²⁶ Djaa agie pi uo me: «Ngama-a, ma ngabatisa okpála ne engu. La-a, kpála bini bhú ká yi, inde yi mbila e de. ²⁷ Ani ngago pita ma. Ma belegu ne tetele kpála ade ngubula me ma bhulu ekpú na malekø gba ani-o.»

²⁸ Engú bhomu-o akodho 'kpí bhú kuti na Betania, ayi 'ngu na Djudadani li bili inde li Djaa adũ abatisa okpála li e-o.

Yesu ne Ndili Kandelø gba Ebhe

²⁹ Li ekpí aseke lie, Djaa au Yesu me ani nde ngago li pápá inde ani adũ li e-o. Ani atsia apa me: «Yi tsia nga Ndili Kandelø gba Ebhe-o. Ani nga'e siti 'ngú pila doto ngae. ³⁰ Engú inde ma akpokpo e, ma akpokpo pindji ani, engú inde me: «Kpála bini ngago pita ma. La-a, ani ane ma mane. Padhá de, anga ani adũ nani mũma kalanũ.» ³¹ Ma dũ ambila ani de. Engú bini, ma ago nabatisa okpála ne engu, ngubula me Ebhe suno ani pi omãsalalee.» ³² Djaa akpokpo matá engú gba ani-e me: «Ma au BuaŠ gba Ebhe-e ngayie ne abhúlá, maka bøbhe, atsia adũ pi ani. ³³ Ma dũ ambila ani de. Engú bini, Ebhe inde atima ma ngú nabatisa okpála ne engu-o, apa mũma me: «Mo ou Bua gba Ebhe-e ngakø, i tsia dũ pi kpála bini. A bhomu-o kpála inde abátisa okpála ne Bu Bhobua ko.» ³⁴ Ngama-a, ma au, ma atsia akpokpo la di 'ngú mbámhá me kpála inde-e, a ko Ndili gba Ebhe!»

Yesu a'i omukpata na gígina

³⁵ Li ekpí aseke lie, Djaa adũ ago matá oo bhú dabili bini ne omukpata gba e bhisi. ³⁶ Nedhinga ani au Yesu lie ngakodho 'kpí-e, ani atsia apa me: «Yi tsia nga Ndili Kandelø gba Ebhe-o.» ³⁷ Li omukpata gba

ani bhisi-e adje ani lie ngapa 'ngú bhomu-o, u atsia akpata Yesu. ³⁸ Yesu adji lie. Ani au me u adũ akpata ni, ani atsia ayi uo me: «Yi ngagili ni?» U agie pi ani me: «Labi, mũ ngadu su?» (Labi akunda napa me Musuno.) ³⁹ Yesu agie pi uo me: «Yi gógo amba yi u.» (A adũ nani masakpe de saa na badha pita tulukpe.) U anũ, u atsia au bili inde ani adũ nadũ li e ko. Li 'kpí ang-o, u atsia adulu ne uo bhú dabili bini.

⁴⁰ Andili, ndai Simo Piele, nani ne saka omukpata bhisi inde adje engú li Djaa apa e-e, atsia akpata Yesu-o. ⁴¹ Andili abhaka ngaiza kalanũ hana-a ndai e makpe Simo. Ani atsia apa pi ani me: «Ya au Masiya au.» (A akunda napa me Kilisito.) ⁴² Ani anũ ne Simo agba Yesu. Yesu atsia ani, ani atsia apa me: «Ngamũ-o, mũ ne Simo, ndili gba Djaa . U adũ a'i mũ me Sefasi.» ('Hi ang-o akunda napa me Piele.)

Yesu a'i Filipino

⁴³ Li ekpí aseke lie, Yesu akunda nanũ bhú ndu doto na Galilaya. Ani abhaka Filipino, ani atsia apa pi ani me: «Kpata ma.» ⁴⁴ (Filipo nani ne kpála na gudhu na Betesaída, gudhu inde li Andili ngau ne Piele ayie bhú e-o.) ⁴⁵ Pipita-a, Filipino abhaka Natanaele. Ani apa pi ani me: «Ya au kpála inde li Moidje aye nani engú gba e bhú bhuku na líl-o, li opolofeta akpokpo di nani engú gba e-o. A ko Yesu, ndili gba Djodjefu , kpála na gudhu na Nadjaleta.» ⁴⁶ Natanaele ayi ani me: «Ehe na ndjindji ti da nayie bhú kuti na Nadjaleta uu?» Filipino agie pi ani me: «Gogo, amba mũ u.»

⁴⁷ Li Yesu au Natanaele lie ngago li pápá gba e, ani atsia apa li 'ngú gba ani-e me: «Yi tsia nga kukulũ mařalalee inde. Pulu 'ngú bhú ani belegu ade bini.» ⁴⁸ Natanaele ayi ani me: «Mo ombila ma lele pi?» Yesu agie pi ani me: «Ma au mũ nedhinga mo odu lie sa ndula na figi , kala me Filipino 'i mu-o.» ⁴⁹ Abhomu-o, Natanaele atsia apa pi ani me: «Labi, ngamũ-o, mũ ne Ndili gba Ebhe! Mũ ne 'ngbé Ngámá gba omãsalalee!» ⁵⁰ Yesu apa pi ani me: «Mo obhuka, anga ma apa pi mũ me ma au mũ sa ndula na figi? Mo ou ongú na ngbengbengbe ane bhobhomu-o mane!» ⁵¹ Yesu atsia apa matá me: «Ma apa pi yi na paká me yi aú kokpí me a nde abhulu lie, oandjelu gba Ebhe-e nde nga'ũ, u nde di ngakø pi 'ndji ma, Ndili gba kpála!»

2

Anokomia na kũva bhú kuti na Kana

[†] 1:23 1:23 Tsia bhú isa. 40:3. Š 1:32 1:32 Bua: I dũ me u nde aye ne 'dhu balua na ngbngbé-e (madjisikile), amba a ko Bu Bhobua.

¹ Abhomu-o, pita 'kpí bhisi-e, anokomia na kava adu bhú Kana, kuti bini na ndu doto na Galilaya. 'Hi Yesu adu oo. ² U atsia a'i di Yesu ne omukpata gba e bhú anokomia ang-o. ³ Li vino andjia lie, 'hi Yesu atsia apa pi ani me: «Vino matá ka uo ade.» ⁴ Engú bini, Yesu agie pi ani me: «'Hi ma, a ka ní ne mu ne ní? Nedhinga gba ma-a kolo nga de.» ⁵ Abhomu-o, 'hi ani atsia apa pi okpála na kulu-o me: «'Yi mene ndu 'ngú hana inde ani apá e pi yi ko.»

⁶ Ngbengbe madakpa inde u abho e li teme-e, adu oo madhia. OmaYuda vuvulu lio bhúbhú ngubula nakolo bubu kala Ebhe. Omadakpa ang-o bini ne bini ti da naha litele kámá bini. ⁷ Yesu apa pi okpála na kulu-o me: «'Yi bebedhe omadakpa bhomu-o ne engu.» Okpála na kulu-o abebedhe omadakpa ne engu bedhe bedhe. ⁸ Abhomu-o, Yesu atsia apa pi uo me: «'Mbia inde-e, yi sese, amba yi nu ha pi ngámá na anokomia-o.» U amene bhadi moko. ⁹ Li ngámá na anokomia ale engu-o lie, ani au me akolo vino. Ani du ambila bili inde ayie li e de. (La-a, okpála na kulu inde asene engu-o, adu ambimbila ngao.) Abhomu-o, ani a'i 'ko olo-o. ¹⁰ Ani apa pi ani me: «'Ndu okpála hana haha ngaiza kalanu vino na babadha. I du la me u nde andji vino bhelé andji-e, u tsia há bhende babadha ade ko. La-a, ngamu-o, mo owo vino bhende na babadha-a akolo li nedhinga inde!»

¹¹ Abhomu-o gina ongu na ngangamba* inde li Yesu amene e-o. Ani amene bhú Kana, kuti bini na ndu doto na Galilaya. Ani asuno sangu gba e-o, omukpata gba ani-e atsia abhuka ani. ¹² Pipita-a, ani anu bhú gudhu na Kapalanauma bhú dabili bini ne 'hi e, ne ondaise e, di ne omukpata gba e-o. U mene la oo ekpi bhelé de.

Yesu atsambala okpála natsindji 'he bhú 'ngbé 'ti Ebhe gba omaYuda

(Tsia bhú Mat. 21:12-13; ne bhú Mlk. 11:15-17; di ne bhú Luk. 19:45-46.)

¹³ Anokomia na Pasika gba omaYuda akolo masikpe. Abhomu-o, Yesu atsia anu bhú gudhu na Yelusalema. ¹⁴ Oo, ani ali bhú 'ngbé 'ti Ebhe gba omaYuda-o. Ani abhaka me okpála ngatsindji obagala, ne okandole, di ne obebhe. Ani atsia abhaka di me okpála nayipa falanga nde adulu.† ¹⁵ Abhomu-o, Yesu amene fimbo li kute ekpu. Ani apandja ndu uo hana bhú 'ngbé

'ti Ebhe gba omaYuda-a kilidjo, bhú dabili bini ne okandole, di ne obagala gba o-o. Ani agu 'i dabili gba okpála nayipa falanga kuto. Ani atsia abala di falanga gba uo-o. ¹⁶ Ani atsia apa pi okpála inde adu natsindji obebhe-o me: «'Yi 'e ehe inde e si ma'e! Yi adji eti gba 'Dyi ma-a eti natsindji 'he de!» ¹⁷ Omukpata gba ani-e atsia abhundja engú inde u aye e bhú Bhuku gba Ebhe-e me: «'Mukunda inde ma nde ne e ngubula eti gba mu-o, atsulu ma maka djua!†»

¹⁸ Abhomu-o, omaYuda ayi ani me: «'Mo oméne pi ya mangua ngamba 'ngú dho inde asuno me, mu ne angu namene mo-o?» ¹⁹ Yesu agie pi uo me: «'Yi bhøle 'ngbé 'ti Ebhe gba omaYuda inde, sunda 'kpí bata-a, ma tsia yiki matá.» ²⁰ OmaYuda ayi ani me: «'A ayo nani kalanga ndjikpa badha ne ká madhia, ngú nayiki 'ngbé 'ti Ebhe gba omaYuda inde! La ngamu-o, mu tsia yiki sunda 'kpí bata?»

²¹ Engú bini, 'ngbé 'ti Ebhe inde li Yesu adu apa 'ngú e, adu kute ani. ²² Kaka-a, li Yesu azuku lie, omukpata gba ani-e atsia abhundja engú nani ani apa e-o. Abhomu-o, u atsia abhuka engú inde u aye e bhú Bhuku gba Ebhe, di ne bhende nani li Yesu apa e ko.

Yesu mbila bua ndu okpála hana

²³ Li Yesu adu lie bhú gudhu na Yelusalema ngubula anokomia na Pasika-a, okpála bhelé au ongu na ngangamba inde ani adu amene e-o. Abhomu-o, u atsia abhuka ani. ²⁴ Engú bini, ngaani makpe, ani ziba uo de. Padhá de, anga ani adu ambila ndu uo hana ndjindji. ²⁵ Ani ne gumu nayi kpála bini li 'ngú pindji kpála-kuti ade. Padhá de, anga ngaani makpe, ani adu ambila engú inde bhú kpála ndjindji.

3

Yesu ngauo ne Nikodemu

¹ Kpála bini adu nani bhú ká omuFalaisai . A adu 'li ani me Nikodemu. Ani adu nani saka ongámási gba omaYuda . ² Ani anu abhaka Yesu sukpe, ani atsia apa pi ani me: «'Musuno, ya ambila me Ebhe atima mu ngae, ngú nasuno 'ngú pi ya. Padhá de, anga kpála bini ti da namene ongamba 'ngú , maka mu ngamemene lie inde-e de, i du me Ebhe nde bhú dabili bini ne ani ade ko.» ³ Yesu agie pi ani me: «'Ma apa pi mu na paká me, kpála bini ti da nau Nau gba

* 2:11 2:11 Ongú na ngangamba: Bhú Bácha Ngali gba Yesu Kilisito maka li Djaa aye lie, mo obháka ongamba 'ngú mananika inde asuno okulu gba Yesu-o. Bhú obhuku koko u aye me «Okulu», bhú okoko u aye me «Ehe inde ngasuno ehe koko, i du di-e engú koko» (sinye). Tsia bhú Dja. 4:43-54, 5:1-16, 6:1-21. † 2:14 2:14 OmaYuda inde adu ayie bhú okuti koko adu ngaiza nayipa falanga gba o-o. Pipita-a, u tsia ti la da nakala enu ngú nahaha pi Ebhe di ne nadi epo na 'ngbé 'ti Ebhe gba omaYuda-o. † 2:17 2:17 Tsia bhú Ets. 69:10.

Ebhe-e de, i dɔ me u nde zu ani ne toto de ko.»⁴ Nikodemu ayi ani me: «Lele pi, u ti da nazu gbé kpála lie ne toto-o? Ani ti da nagie lie bhú 'bu 'hi e, li 'hi ani tsia zú ani ne toto?»

⁵ Yesu agie pi ani me: «Ma apa pi mu na paká me, kpála bini ti da nali bhú Nau gba Ebhe-e de, i dɔ me ani nde sia nazu li kpadji na engu di ne li kpadji na Bua de ko. ⁶ Bhende azu lie bhú kute-e, a ko kute. Bhende azu lie bhú Bhobua-a, a ko bua. ⁷ Mo ongamba de ka ma apa lie pi mu me: «A ayo me u zu ndu yi hana ne toto.» ⁸ Anvi ngape li pápá akunda nape li e. Mu ngadje gigili. Engú bini, mu mbila bili li anvi ang-o ayie li e de. Mu mbila la di pápá adjí li e de. A bhadi moko pi ndu obhende hana asia nazu li kpadji na Bua.»

⁹ Abhomu-o, Nikodemu ayi Yesu me: «Engú ang-o ti da namene lie lele pi?»
¹⁰ Yesu atsia agie pi ani me: «Ngamu-o, mu ne suka ongbengbe omusuno na Isalaele. Engú la bini, mu mbila engú ang-o de! ¹¹ Ma apa pi mu na paká me: ya ngapa engú inde ya ambila e. Ya la di ngakpokpo 'ngú pindji bhende ya au e ne djila ya. Engú la bini, yi bhuka engú inde ya akpokpo e pi yi-e de. ¹² Ma ngakpokpo 'ngú pi yi pindji 'ngú na píla doto. Engú bini, yi bhuka de. I dɔ la me, ma nde akpokpo 'ngú pi yi pindji 'ngú na abhúlá-a, yi tsia bhúka? ¹³ Padhá de, anga kpála bini ade inde akolo nga abhúlá, bha bini ngama, Ndili gba kpála inde ayie oo-o!»

¹⁴ Maka li Moidje a'e'e nani kulu kpulu lie li ndula abhú 'gu-o, a ayo bhadi me ngama, Ndili gba kpála-a, u 'e'e bhadi ma moko.* ¹⁵ U 'e'e ma, amba kpála ne kpála inde abhuka ma-a, ani sia mukobho na duduma. ¹⁶ Padhá de, anga Ebhe akunda okpála na píla doto naali. Kaka-a, ani atima koli Ndili gba e bini-e ngubula me kpála ne kpála inde abhuka ani-e, ani akpí-i de. Engú bini, ani sia mukobho na duduma. ¹⁷ La-a, Ebhe tima nani Ndili gba e ngú nakodho 'ngú gba okpála na píla doto de. Engú bini, ani atima ani ngubula me, okpála na píla doto kobho ka ani. ¹⁸ Kpála ne kpála inde abhuka ani-e, mangimbo pí ani ade. Engú la bini, kpála inde i bhuka de-e, u a'o mangimbo pí ani bhutode. Padhá de, anga ani bhuka koli Ndili bini gba Ebhe-e de.

¹⁹ Ta mangimbo ang-o me: zi 'kpí ago píla doto, engú la bini, okpála na píla doto akunda mangbo biti ane zi 'kpí, ka siti 'ngú inde u ngamene e-o. ²⁰ Ndu kpála hana inde ngamene siti 'ngú-o, yala zi 'kpí mayala. Ani gó di li bili li zi 'kpí nde li e de. Padhá de, anga ani ngakpe me

osisiti 'ngú gba ni-e akoto mbámhá li zi 'kpí de. ²¹ Engú la bini, ndu kpála hana inde ngamene ngbili 'ngú, ngago li bili li zi 'kpí nde li e-o. Ani ngamene mo-o ngubula me u mbámhá me okulu ni ngamene e, a amene lie maka li Ebhe aziba lie ko.»

Yesu ngauo ne Djaa

²² Pita 'ngú ang-o, Yesu ngauo ne omakpata gba e anu bhú ndu doto na Yudaya. Oo, ani adu ne uo ngubula mbo nedhinga bedi. Ani atsia adu abatisa okpála. ²³ Djaa atsia adu di nabatisa okpála bhú 'ngu na Enona, de bili na Salime, anga engu adu li bili ang-o naali. Okpála adu ago abhaka ani, ani atsia adu abatisa uo. ²⁴ (Li nedhinga bhomu-o, a abhaka me u nde bhike nga Djaa bhú tikpu de.)

²⁵ Abhomu-o, bhú ká omakpata gba Djaa, okoko aholo nabi bhayiki ne maYuda bini, pindji 'ngú navulu lie ngú nakolo ka e bubu, maka li líli apa lie-o. ²⁶ U anu abhaka Djaa, u atsia apa pi ani me: «Musuno, kpála nako yi adu ne e ayi 'ngu na Djuludani-e, di mo okpokpo 'ngú gba e-e, tsia nga mbia inde-e, ani ngabatisa okpála. Okpála bhelé nganu abhaka ani.»

²⁷ Djaa agie pi uo me: «Kpála bini ti da nasia 'he belegu de bini, i dɔ me Ebhe nde ha pi ani ngae de ko. ²⁸ Ngayi makpe, yi ti da napapa li ma ngayi me, ma apa nako me: «Ngama-a, ma ne Masiya ade. Engú la bini, ma ne kpála inde u atima e pi ani kalanu.» ²⁹ Bhu lu ele-o, a ko 'ko ele-o. O lia bhoko-o ala de ani, ani ngadje ani. Ani ngakpi djali naali ka ani ngadje 'li 'ko ele-o lie-o. A ko di djali gba ma-o, djali ang-o mbia inde-e libhomu. ³⁰ A ayo me u 'e'e ani ne abhúlá, amba ngama-a, ma kə naama ne kuto.»

Kpála inde ayie abhúlá-a ane ndu okpála hana

³¹ «Kpála inde ayie abhúlá ane ndu okpála hana. Kpála inde ayie píla doto-o, a ko kpála na píla doto. Ani ngakpokpo 'ngú na píla doto. Kpála inde ayie abhúlá-a ane ndu okpála hana. ³² Ani ngakpokpo 'ngú pindji engú inde ani au e, di ne bhende ani adje e-o. La-a, kpála bini ziba engú inde ani ngakpokpo e de. ³³ Kpála inde aziba engú inde ani ngakpokpo e abhuka me Ebhe ngapa kakulu 'ngú. ³⁴ Kpála inde li Ebhe atima e, ngakpokpo eli gba Ebhe . Padhá de, anga Ebhe abedhe ani ne Bua gba e bedhe. ³⁵ 'Dyi Ndili-e, akunda Ndili na bhobhoko gba e-o. Ani a'o ndu 'he hana sa 'kpa ani. ³⁶ Kpála inde abhuka Ndili-e, asia mukobho na duduma. La-a, kpála inde i bhuka Ndili-e de-e, sia mukobho

* 3:14 3:14 Yesu ngapa bhomu-o engú nakpi ka e li kulusi di ne nagie lie ka e agba Ebhe.

ango-o de. Engú bini, ke 'ngú gba Ebhe-e adú pí ani.»

4

Yesu ngauo ne elø bini na ndu doto na Samalia

¹⁻³ Abhomu-o, omuFalisai adje me okpála bhelé ngakpata Yesu, di ne me ani ngabatisa okpála bhelé ane Djaa . (A na paká me Yesu du nani naae nabatisa okpála de. Omukpata gba ani-e adu mangbo nabatisa okpála ngao.) Li Yesu adje lie mo-o, ani ayie bhú ndu doto na Yudaya, ani atsia agie lie bhú ndu doto na Galilaya, ⁴ ngú nanu oo. Padhá de, anga a ayo me ani pu bhú ndu doto na Samalia.

⁵ Ani akolo bhú gudhu bini na Samalia. A adu 'li gudhu ango-o me Sikale, deno ndu doto inde nani li Yakobho aha e pi ndili gba e Djodjefu-o . ⁶ Li dabili ango-o, kpongu gba Yakobho adu oo. Li Yesu andala lie ka dhuku-o, ani atsia adu deno kpongu ango-o kuto. A adu masikpe de tulukpe.

⁷ Elø bini na Samalia ago ngú nase 'ngu. Abhomu-o, Yesu atsia apa pi ani me: «Ha mbo engu nandji mandji muma.» ⁸ (A abhaka me omukpata gba ani-e nde agbida bhú gudhu, ngú nakala ezu nazu mazu.) ⁹ Abhomu-o, elø-o apa pi Yesu me: «Mu ne maYuda. Ngama-a, ma ne kpála na Samalia. Lele pi mu ti da nayo engu nandji mandji lie ka ma?» (Padhá de, anga omaYuda djedje lio ne omuSamalia de.)

¹⁰ Yesu agie pi ani me: «I dú me mu mbila makalá gba Ebhe-e uo, i dú la di me mu mbila kpála inde apa pi mu me: «Ha mbo engu nandji mandji muma uo», mu de ayo mangbo engu ka ani ngamu. Ani de ahá engu na mukobho pi mu.» ¹¹ Elø ango-o agie pi ani me: «Ngámá, ehe ngú nase engu-o ne di ka mu ade. 'Du 'ngu-o la di tsutsu. Mo oyie ne engu na mukobho-o su? ¹² Oghi ya Yakobho aha kpongu inde-e pi ya ngae. Ngaani makpe, ani andji engu inde-e bhú dabili bini ne ongisi di ne onu gba e-o. Mo obhunda naamu me mu ngebngbé ane ani?»

¹³ Yesu agie pi ani me: «Kpála inde andji engu inde-e, ani adjé matá gumu 'ngu madje. ¹⁴ Engú bini, kpála inde andji engu inde ma ahá e pi ani-e, ani djé matá gumu 'ngu belegu de bini. La-a, engu inde ma ahá e pi ani-e, akólo bhú ani kpongu na mukobho na duduma.» ¹⁵ Elø ango-o apa pi ani me: «Ngámá, ha mbo engu ango-o muma, amba ma adjé matá gumu 'ngu de. Ma agó la di matá nase engu inde-e de.»

¹⁶ Yesu apa pi ani me: «Nu 'i 'ko mu, amba mu gie matá limu ei.» ¹⁷ Ani agie pi Yesu me: «Bhoko ka ma ade.» Yesu atsia

apa pi ani me: «Mo opa ndjindji me bhoko ka mu ade ko. ¹⁸ Padhá de, anga mo odu nako ne obhosi bhuluvue. Bhoko bhende yi nde ne e mbia inde-e, a ko la di 'ko mu de. Mo opa kukulu 'ngú.»

¹⁹ Abhomu-o, elø ango-o apa pi Yesu me: «Ngámá, ma au me mu ne polofeta . ²⁰ Onguo oghi ya, okpála na ndu doto na Samalia-a, adhøgø Ebhe pí eta inde. Engú bini, ngayi omaYuda-a, yi ngapa me gudhu na Yelusalema ne bili inde a ayo lie me u dhøgø Ebhe-o.»

²¹ Yesu atsia agie pi ani me: «Elø-e, bhuka 'li ma. Nedhinga ngago, nedhinga inde yi dhøgø 'Dyi ní lie pí eta inde-e de. Yi dhøgø la di ani lie bhú gudhu na Yelusalema de. ²² Ngayi okpála na ndu doto na Samalia-a, yi ngadhøgø Ebhe inde yi mbila e de. Engú bini, ngaya-a, ya ngadhøgø Ebhe inde ya ambila e. Padhá de, anga mukobho ago ne li pápá gba omaYuda. ²³ Engú bini, nedhinga ngago, nedhinga ango-o belegu akolo, nedhinga inde li okukulu okpála nadhøgø 'Dyi ní adhøgø ani lie bhú Bu Bhobua , di ne bhú kukulu 'ngú-o. Padhá de, anga a bhomu-o okukulu okpála nadhøgø 'Dyi ní inde ani nde ne gumu o-o. ²⁴ Ebhe ne Bua. Kaka-a, a ayo me okpála inde ngadhøgø ani-e, dhøgø ani bhú Bua di ne bhú kukulu 'ngú.» ²⁵ Elø-o apa pi Yesu me: «Ma ambila me Masiya ('ili ango-o akunda napa me Kilisito) agó mago. Li ani agó lie-e, ani tsia bhúlu ndu 'ngú hana pi ya mbámá.» ²⁶ Yesu agie pi ani me: «Ngama kpála inde ngakpokpo 'ngú pi mu mbia inde-e, ma ne ani.»

²⁷ Li nedhinga bhomu-o, omukpata gba Yesu-o agie lio. U angamba naali ngú nau ani me ani nde ngagama 'ngú ne elø. Engú bini, suka uo bini yi ani de me: «Mu ngagili ní?» di ne me: «Mu ngagama 'ngú ne ani ngú ní?»

²⁸ Abhomu-o, elø ango-o a'o ká lusa 'ngu gba e-o. Ani agie lie abhú gudhu. Ani atsia apa pi okpála me: ²⁹ «Yi gógo, yi u kpála inde akpokpo ndu 'ngú hana inde ma amene e muma. A ko ndi Masiya di?» ³⁰ Abhomu-o, u aze bhú gudhu-o, u atsia agbida nabhaka Yesu.

³¹ Bhú nedhinga bhomu-o, omukpata gba Yesu-o adu atu ani me ani zu 'he. U adu apa pi ani me: «Musuno, zu nga mbo 'he!» ³² Engú bini, ani agie pi uo me: «A ka ma ne ehe nazu mazu inde yi mbila 'ngú li e de.» ³³ Abhomu-o, omukpata-a ayi lio sunda o me: «Kpála bini ago ndi pi ani ne ehe nazu mazu adí?»

³⁴ Yesu apa pi uo me: «Ezu gba ma-a, a ko namene gumu gba kpála inde atima ma-o, di ne nandjia kulu inde ani aha e muma-o. ³⁵ Ngayi-e, yi papa me: «A atigala matá

epe badha ngubula na'e nguwa abhiye.> La ngama-a, ma apa pi yi me, yi tsia nga oedyi-e ndjindji. Padhá de, anga nguwa abhele, a akolo bedhe ngubula na'e'e abhiye! ³⁶ Kpála inde ngagbe nguwa abhiye-e ngasia makalá gba e-o. Ani ngapo bhúla nguwa-a ngubula mukobho na duduma. Kaka-a, kpála nalu nguwa, ne kpála inde nga'e'e abhiye-e, ngakpi djali bhú dabilí bini. ³⁷ Padhá de, anga a ko kúkulu 'ngú, engú inde u apa e bhú gbitaku me: <Kpála koko ngalu nguwa-o, li kpála koko tsia 'é abhiye.> ³⁸ Ngama-a, ma atima yi na'e nguwa bhiye inde yi ndala bhú e de. Okpála koko andala bhúbhú, yi la ngasia bádha 'ngú li kulu gba uo-o.>

³⁹ Abhomu-o, okpála bhelé na gudhu na Samalia bhomu-o abhuka Yesu ka eli inde li e-le-o akpokpo e me: «Ani akpokpo ndu 'ngú hana inde ma amene e muma.» ⁴⁰ Kaka-a, li okpála na gudhu na Samalia akolo lie de Yesu-o, u ayo ka ani me ani da mbo gba o oo. Abhomu-o, Yesu atsia amene oo ekpi bhisi. ⁴¹ Okpála bhelé naali abhuka matá ka eli inde li Yesu apa e-o. ⁴² U atsia apa pi e-le-o me: «Mbia inde-e, ya bhuka bha bini ka engú mo okpokpo e de. Engú bini, ya abhuka anga ngaya makpe-e, ya adje ani. Ya atsia ambila na paká me a ko Mukobho gba okpála na pila doto.»

Yesu akobho ndili na bhobhoko gba 'ngbé kpála bini

⁴³ Pita 'kpi bhisi li Yesu amene e oo, ani ayie oo, ani atsia anu bhú ndu doto na Galilaya. ⁴⁴ Ngaani makpe-e, ani apa nani me: «Polofeta inde u amanga e bhú doto gba e belegu ade bini.» ⁴⁵ Li ani akolo lie bhú ndu doto na Galilaya-a, okpála inde oo asia ani ndjindji. Padhá de, anga u au ndu 'ngú hana inde li ani amene e li nedhinga na anokomia bhú gudhu na Yelusalema-o, anga u adu di oo.

⁴⁶ Pipita-a, Yesu agie lie bhú kuti na Kana, bhú ndu doto na Galilaya. A bhomu-o bili inde ani adji nani engu li e, atsia akolo vino-o. 'Ngbé kpála bini na Lita adu oo. Adu li ndili gba ani na bhobhoko-o ne kuo, bhú kuti na Kapalanauma. ⁴⁷ Li kpála angu-o adje lie me Yesu ayie bhú ndu doto na Yudaya, ani akolo bhú ndu doto na Galilaya-a, ani anu abhaka ani. Ani atsia akikiliki lie pi ani me ani nu bhú kuti na Kapalanauma, amba ani kobho ndili gba ni na bhobhoko-o. Padhá de, anga ndili angu-o adu masikpe de nakpi.

⁴⁸ Abhomu-o, Yesu atsia apa pi ani me: «Í da me yi nde u ongamba 'ngú, di ne okiaka 'ngú de-e, a na paká me yi ti da nabhubhuka de!» ⁴⁹ 'Ngbé kpála na Lita-a apa pi ani me: «Ngámá, kala me ndili-e kodho bua e, gogo.» ⁵⁰ Yesu apa pi ani

me: «Gie limu agba mu, ndili gba mu-o akobho!» Kpála angu-o abhuka engú inde li Yesu apa e pi ani-o. Ani atsia atapa. ⁵¹ Nedhinga ani adu anu lie-e, okpála na kulu gba ani-e ago aké lio ne ani li kpadji. U apa pi ani me: «Ndili gba mu-o akobho!» ⁵² Ani atsia ayi uo li nedhinga li ndili-e akolo lie ndjindji-o. U apa pi ani me: «Bandji-e ayie li ani lili bhú saa na bini, pita tulukpe.» ⁵³ Abhomu-o, 'dyi ndili-e atsia ambila me, a ko saa inde li Yesu apa pi ani lie me: «Ndili gba mu-o akobho-o.» Nayie li nedhinga bhomu-o, ngaani makpe-e, ani abhuka, di ne piga gba e libhomo.

⁵⁴ A bhomu-o ngamba 'ngú na bhisi li Yesu amene e, pita ani ayie lie bhú ndu doto na Yudaya, ani atsia agie lie bhú ndu doto na Galilaya ko.

5

Yesu akobho kpála inde agugamu kuto

¹ Pita ongu akodho 'kpi-e, anokomia bini gba omaYuda ati. Abhomu-o, Yesu atsia anu bhú gudhu na Yelusalema. ² Bhú gudhu oo, de bhoti inde u a'i e me bhoti gba Okandele-o, 'dú 'ngu bini navalu kate adu oo. A adu 'li 'li bhú eli na Ebele me Betedjata. Djedje 'he maka 'ti ngbangbali adu dede bhuluvue. ³ Obhulu kuo bhelé adu me u nde asili kuto sasa. A adu nani okpála inde i u 'kpi de, ne okpála inde ne eze li 'dhu o, di ne okpála na bhuku kate. [U adu adje me engu-o dimba. ⁴ Padhá de, anga li onedhinga koko-o, andjelu bini gba Ngámá-a adu aké bhú 'ngu-o, engu-o atsia adu adimba. Kpála na kuo inde adu aké bhúbhú kalanu-o, adu nakobho. Belegu li kuo da bha nani pi-ie.]

⁵ Bhoko bini adu oo, ani asi nani ne kuo kalanga ndjikpa bata ne ká madjina. ⁶ Li Yesu au ani lie asi kuto-o, ani ambila di lie me ani asi ne kuo 'kpi bhelé-e, ani atsia ayi ani me: «Mo okunda nakobho?» ⁷ Kpála na kuo angu-o agie pi ani me: «Ngámá, kpála ka ma ade ngubula me ani ká ma bhú 'ngu-o, li nedhinga inde i ngadimba lie-o. Ma le me ma nu me-e, li kpála koko kodho 'kpi kala ma.» ⁸ Yesu apa pi ani me: «Yie bhúlá, ha tsala gba mu-o, nunu.» ⁹ Kolo má gala me-e, kpála na kuo-o akobho. Ani aha tsala gba e-o, ani atsia aholo nadhuku.

La-a, adu nani li 'kpi naguo gba omaYuda-o. ¹⁰ Abhomu-o, omaYuda apa pi kpála inde akobho-o me: «A ko 'kpi naguo. A ayo de me mu bi tsala gba mu-o de.» ¹¹ Ani agie pi uo me: «Kpála inde akobho ma-a, apa muma me: «Ha tsala gba mu-o, nunu.» ¹² U ayi ani me: «A ko kpála bhedho inde apa pi mu me: «Ha tsala gba mu-o nunu?» ¹³ Engú bini, kpála

inde akobho-o mbila de me a ko da. Padhá de, anga adu me Yesu nde angita bhú ká okpála inde adu li bili ango-o angita.

¹⁴ Pipita-a, Yesu abhaka ani bhú 'ngbé 'ti Ebhe gba omaYuda-o. Yesu apa pi ani me: «Tsitsia nga, mo okobho. Mo oméne matá siti 'ngú de, amba engú inde ane ne siti-e, akólo li kate mu de.» ¹⁵ Kpála ango-o anu napa pi omaYuda me Yesu akobho ni ngae. ¹⁶ Kaka-a, omaYuda aholo nadje siti bua pindji Yesu. Padhá de, anga ani amene nani engú ango-o bhú 'kpí nago. ¹⁷ Engú bini, Yesu agie pi uo me: «Maka li 'Dyi ma ngamene kulu lie nakolo pi mbia inde-e, Ngama di-e, ma ngamemene moko.» ¹⁸ Kaka-a, omaYuda adu agili matá ne kekele ngú nabhelo ani. Padhá de, anga ani gumu bha bini líli na 'kpí nago de, engú bini, ani adu apa lie me Ebhe ne 'Dyi ni-e, ani adu ale lie bhomu-o li Ebhe.

Ebhe aha ndu 'ngú gba e hana pi Ndili gba e-o

¹⁹ Abhomu-o, Yesu apa matá pi uo me: «A moko, ma apa pi yi na paká me ngama Ndili-e, ma ti da namene 'he bini bhú ngu ma de, bha bini bhende ma au me 'Dyi ma ngamene e-o. Padhá de, anga ehe inde li 'Dyi ma ngamene e, ngama Ndili-e, ma ngamene bhadi moko. ²⁰ 'Dyi ma kunda ma, Ndili gba e-o. Ani ngasuno ndu 'ngú hana inde ngani makpe ani ngamene e muma, Ndili gba e-o. Ani asuno muma, Ndili gba e, okulu na ngbengbenge inde ane obhende-e mane. Yi tsia ngamba tété. ²¹ Padhá de, anga maka li 'Dyi ma ngazuku okpála inde amu-o lie, ani la di ngaha mukobho pi uo-o, ngama, Ndili gba ani-e, ma ngaha bhadi mukobho moko pi kpála inde ma akunda nahaha pi e ko. ²² 'Dyi ma kodho 'ngú gba kpála bini de. Engú bini, ani aha nakodho 'ngú hana muma, Ndili gba e, ²³ ngubula me ndu okpála hana du namanga ma, Ndili gba ani, maka u ngamanga ani 'Dyi ma lie ko. Kpála inde i manga ma, Ndili-e de-e, ani manga di 'Dyi ma inde atima ma-a de.

²⁴ A moko, ma apa pi yi na paká me kpála inde adje 'li ma-a, inde abhuka la di kpála inde atima ma-a, kpála ango-o asia mukobho na duduma. U 'ó mangimbo pi kpála ango-o de. Engú bini, ani ayie bhú kuo, ani atsia akodho 'kpí bhú mukobho. ²⁵ A moko, ma apa pi yi na paká me nedhinga ngago, mbia inde-e, nedhinga ango-o belegu akolo, nedhinga li okpála inde amu-o, adjé 'li Ndili gba kpála-a lie-o. Abhomu-o, okpála inde adjé-e, u tsia kóbho.

²⁶ Padhá de, anga maka li 'Dyi ma nde lie ne angu ngubula naha mukobho-o, ani aha bhadi angu muma, Ndili gba e moko

ngubula me ma du naha mukobho. ²⁷ Ani atsia aha la di angu muma, Ndili gba e, ngú nakodho 'ngú gba okpála, anga ma ne Ndili gba kpála. ²⁸ Yi angamba tété de. Padhá de, anga nedhinga ngago. Bhú nedhinga ango-o, ndu okpála hana inde bhú lata-a, adjé 'li Ndili gba kpála-o. ²⁹ Abhomu-o, u tsia zé. Okpála bhende amene bádha 'ngú-o, azúku ngubula nasia mukobho. Engú bini, okpála bhende amene siti 'ngú-o, azúku ngubula nasia mangimbo.»

Yesu bha bini ngamene gumu gba 'Dyi e

³⁰ Ngama-a, ma ti da namene 'he bini bhú ngu ma de. Ma ngakodho 'ngú maka li kpála atima ma-a ngapapa muma lie ko. Kaka-a, nakodho 'ngú gba ma-a ngbingbili. Padhá de, anga ma gili namene gumu gba ma-a de. Engú bini, ma ngagili mangbo namene gumu gba kpála inde atima ma ko. ³¹ I du me ma du akpokpo 'ngú inde a atsia ma-a, engú ango-o de du kukulu 'ngú de. ³² Engú bini, kpála koko ngakpokpo 'ngú gba ma-a ngae. Ma ambila me engú gba ma inde ani ngakpokpo e, a ko kukulu 'ngú. ³³ Ngayi-e, yi atima okpála agba Djaa , ani atsia akpokpo kukulu 'ngú. ³⁴ Ngama-a, ma ne gumu kpála ngú nakpokpo 'ngú gba ma-a ade. La-a, ma ngapapa mo-o ngubula me yi sia mukobho.

³⁵ Djaa nani maka eke inde u adhedhe e, inde ngatsi matsi. Ngayi-e, yi atsia akunda nani nakpi djali ngubula mbo nedhinga bedi li zi 'ke gba ani-o. ³⁶ Engú bini, engú gba ma inde u ngakpokpo e, ane bhende gba Djaa mane. A ko bhende na kulu inde li 'Dyi ma apa me ma mene e-o. A moko, kulu inde ma ngamene e ngasuno me 'Dyi ma atima ma ngae. ³⁷ 'Dyi ma inde atima ma-a, akpokpo di engú gba ma-a ngae. La-a, yi dje nga 'li ani belegu de bini, yi u nga la di ani de. ³⁸ Eli gba ani-e ngadu bhú yi ade. Padhá de, anga yi ayala nabhuka kpála inde ani atima e-o. ³⁹ Yi ngadjipi 'ngú pindji Bhuku gba Ebhe-e ndjindji, anga yi ngabundja me yi asia mukobho na duduma bhúbhú. A la bhomu-o Bhuku inde ngakpokpo 'ngú gba ma-o! ⁴⁰ Abana mo-o, yi kunda nago abhaka ma ngú nasia mukobho ango-o de.

⁴¹ «Ma gili de me okpála dhøg ma-a de. ⁴² Engú bini, ma mbila yi ndjindji. Ma ambila me yi ne mukunda pi Ebhe ade. ⁴³ 'Dyi ma atima ma ngae. La-a, yi sia ma de. I du la me kpála koko nde ago bhú ngu e, yi tsia sia ani! ⁴⁴ Yi ngatoko liyi sunda yi. Yi gili de me Ebhe toko bha yi ngae de. Lele pi yi ti da nabhuka ma lie? ⁴⁵ Yi abhúndja de me ma a'ó yi bhú mangimbo kala 'Dyi ma ngama-a de. Kpála bhende a'ó yi bhú

mangimbo-o, a ko Moidje inde yi a'o 'to yi 'to e ko. ⁴⁶ I dú me yi bhúka Moidje kukulu-o, yi de abhúka di ma mabhuka . Padhá de, anga Moidje aye nani engú gba ma-o. ⁴⁷ Engú bini, i dú me yi nde bhuka engú inde ani aye e de-e, yi abhúka la 'li ma lele pi?»

6

Yesu aha ezú pi obhosi kutu bhuluvue
(*Tsia bhú Mat. 14:13-21; ne bhú Mlk. 6:30-44; di ne bhú Luk. 9:10-17.*)

¹ Pipita-a, Yesu akodho 'kpí li pápá koko na ekpò na Galilaya, inde u a'i di-e me ekpò na Tibeliade. ² Bhiti okpála na bhíbhiti adú akpata ani. Padhá de, anga u adú au ongamba 'ngú inde ani adú amene e li nakobho okpála na kuo-o. ³ Yesu atsia a'u apí 'ta. Oo, u atsia adúlú ne omukpata gba e kuto. ⁴ A adú me anokomia na Pasika gba omaYuda nde akolo masikpe.

⁵ Abhomú-o, Yesu atsia 'kpí, ani au bhiti okpála na bhíbhiti ngago abhaka ani. Ani atsia ayi Filipo me: «Ní ti da nakala mapa su ngubula me okpála inde-e hana zu-o?»

⁶ (Yesu adú apa mo-o ngubula nale Filipo. Padhá de, anga ngaani Yesu-o, ani adú ambíla engú inde ani améne e ndjindji.) ⁷ Filipo atsia agie pi ani me: «Abana ya kala mapa ne lí denalio kámá bhisi-e, alé de me kpála ne kpála sia mbo-o de.» ⁸ Suka omukpata gba ani koko-o, Andíli ndai Simo Piele, apa pi ani me: ⁹ «Ndíli na bhobhoko bini si-i, a ka ani ne mapa na olodje* bhuluvue di ne sungu bhisi. A la bhomú-o ní pi bhiti okpála inde-e?»

¹⁰ Do Yesu de-e: «Yi pa pi okpála me u dúlú kuto.» (Ulu adú li bíli ango-o naali.) Okpála atsia adúlú kuto. Obhosi adú masikpe de kutu bhuluvue. ¹¹ Abhomú-o, Yesu aha mapa-o. Ani atsia agie heni pi Ebhe. Ani atsia agapa li okpála inde adú oo-o. Ani aha bhadi sungu-o pi uo moko li lele maka u adú akukanda lie ko. ¹² Li okpála a'u'u lie, Yesu atsia apa pi omukpata gba e me: «Yi po bhúla dudu inde atigala-o, ngubula me asiti de.» ¹³ Dú mapa na olodje bhuluvue inde atigala-a, u apo bhúbhúla. A atsia abebedhe okíli ndjíkpa ne ká bhisi.

¹⁴ Li okpála au ngamba 'ngú inde li Yesu amene e lie, u atsia apa me: «A inde-e bha ndjú polofeta inde a ayo me ani go pía doto-o!» ¹⁵ Yesu ambíla me u ngakanda nago aholo ní ne kpéke me ní dú ngámá. Abhomú-o, ani ayie, ani atsia anu matá kpi e kpi apí 'ta.

Yesu adhuku pí 'ngu
(*Tsia bhú Mat. 14:22-33; di ne bhú Mlk. 6:45-52.*)

¹⁶ A akolo lie tagolo-o, omukpata gba Yesu akò alingo ekpò-o. ¹⁷ U a'u bhú zabu bini u atsia aholo nagugulu, anu li pápá na Kapalanauma. La-a, ekpí abi li uo padhá me Yesu nde kolo nga li uo de. ¹⁸ Anvi adú ape kpekpeke. Kaka-a, engu-o aholo nadimba. ¹⁹ A abhaka me omukpata-a nde adhuku ne zabu-o masikpe de kilometele madhia. Li nedhinga bhomú-o, u au Yesu me ani nde ngadhuku pí 'ngu. Ani akolo de zabu-o. Abhomú-o, u aholo nadje tsulú. ²⁰ Engú bini, Yesu apa pi uo me: «A ko ma, yi adjé tsulú de!» ²¹ U adú akunda me o ha ani, amba o bi ani bhú zabu-o. La-a, zabu akolo bha kolo lingo 'gò li bíli u adú anu lie-o.

Bhiti okpála agili Yesu

²² Li ekpí aseke lie, bhiti okpála inde atigala ayi 'ngu-o au bha koli zabu bini. La-a, u adú ambíla ndjindji me Yesu 'u bhú zabu bhú dabilí bini ne omukpata gba e de. Omukpata-a anu kpi o kpi. ²³ Li nedhinga bhomú-o, ozabu koko ayie bhú gadhu na Tibeliade, atsia akolo de bíli li okpála azu mapa li e pita li Ngámá agie heni lie pi Ebhe-o. ²⁴ Li bhiti okpála bhomú-o au lie me Yesu ne omukpata gba e oo ade-e, u a'u'u bhú ozabu-o, u atsia agbida bhú Kapalanauma ngú nagili Yesu.

Yesu ne mapa na mukobho

²⁵ U anu abhaka Yesu ayi 'ngu. Abhomú-o, u ayi ani me: «Məsuno, mo okolo ei nadho?» ²⁶ Yesu agie pi uo me: «Heni, ma apa pi yi na paká me, yi ngagili ma ka ongamba 'ngú inde yi au e ade. Yi ngagili mangbo ma ka mapa inde yi azu e, yi atsia a'u'u ne e má kpú kpú kpú-o!» ²⁷ La-a, yi améne kulu ngubula ezú inde ngazi mazi-e de. Engú bini, yi mene mangbo ngubula ezú inde ngabhue, di ne bhende ngaha mukobho na dúduma ko. Ngama, Ndíli gba kpála-a, ma ahá ezú ango-o pi yi ngama. Padhá de, anga Ebhe 'Dyi ma a'o kasé na angu gba e li kate ma.»

²⁸ Abhomú-o, u atsia ayi ani me: «A ayo me ya mene pi ngú namene kulu maka li Ebhe akunda lie?» ²⁹ Do Yesu pi uo me: «Kulu gba Ebhe-e, a ko me yi bhuka kpála inde ani atima e ko.»

³⁰ Abhomú-o, u atsia ayi ani me: «Mo oméne mangua ngamba 'ngú dho me ya u, amba ya bhuka mu-o? Kulu gba mu-o ne ni?» ³¹ Li onguo ogbi ya adú lie abhú 'gu-o, u azu mana maka u aye nani lie bhú Bhuku gba Ebhe-e me: «Ani aha mapa

* 6:9 6:9 Mapa na olodje: A ko nani mapa na bhuku mase. Okpála na ndibhili ti nani da nakakala ndjindji. † 6:31 6:31 Tsia bhú Eki. 16:4, 15; di ne bhú Ets. 78:24.

inde ayie abhúlá-a pi uo ngú nazuzu.†»
 32 Abhomu-o, Yesu agie pi uo me: «A moko, ma apa pi yi na paká me, Moidje ha mapa na abhúlá-a pi yi ngae de. Engú bini, 'Dyi ma ngaha mapa na kukulu na abhúlá-a pi yi ngae. 33 Padhá de, anga mapa inde li Ebhe ngaha e, a ko bhende ngayie abhúlá, inde ngaha la di mukobho pi okpála na doto-o.» 34 Abhomu-o, u atsia apa pi Yesu me: «Ngámá, ha pi ya ndu 'kpí hana mapa bhomu!»

35 Yesu agie pi uo me: «Ma ne mapa na mukobho. Kpála bhende ago abhaka ma-a, gumu 'zu méne ani belegu de bini. Kpála bhende abhaka la di ma-a, gumu 'ngu méne ani belegu de bini. 36 Engú bini, ma apa 'ngú inde-e pi yi apa. Yi au ma. La-a, yi bhuka de. 37 Ndu kpála hana inde li 'Dyi ma ngaha e muma-a, agó li pabíli gba ma. La di-e, ndu kpála hana inde agó li pabíli gba ma-a, ma bhíke ani de. 38 Padhá de, anga ma ayie abhúlá, ma ago ngú namene engú inde li kpála inde atima ma-a akunda e ko. Engú bini, ma go ngú namene naama 'ngú de. 39 Engú inde li kpála inde atima ma akunda e-e, a ngae inde: ndu okpála inde ani aha o muma hana, a ayo de me suka uo bini ngita-a de. Engú bini, a ayo me, ali sokpí-e, ma zuku ndu uo hana. 40 Padhá de, anga 'Dyi ma akunda me, ndu okpála hana inde au ma Ndili-e, inde abhuka la di ma-a, sia mukobho na duduma, amba ma zuku uo ali sokpí.»

41 Abhomu-o, omaYuda aholo namene bhayiki li kute ani. Padhá de, anga ani apa nani me: «Ma ne mapa inde ayie abhúlá.»
 42 U atsia apa me: «A inde-e Yesu, ndili gba Djodjefa-o di? Ya mbila 'dyi ani ne 'hi ani hana. Lele pi ani apa lie me ni ayie abhúlá?» 43 Yesu agie pi uo me: «Yi 'o namene bhayiki sunda yi. 44 Kpála ti da nago abhaka ma de, i du me 'Dyi ma inde atima ma-a nde holo 'kpa ani ngae de ko. Ngama la di-e, ma azúku ani li sokpí. 45 Opolofeta aye engú inde-e me: «Ebhe asuno 'ngú pi ndu okpála hana.†» Kpála ne kpála inde adje 'li 'Dyi ma, inde asia la di nasuno gba ani-e, ago nabhaka ma. 46 Bhhommu apa me, kpála bini u Ebhe de. Bha bini ma, kpála inde ayie agba Ebhe-e, ma au bha 'Dyi ma ngama. 47 A moko, ma apa pi yi na paká me, kpála inde abhuka-a, asia mukobho na duduma.

48 Ngama-a, ma ne mapa na mukobho. 49 Onguo ogbi yi azu nani mana abhú 'gu. La-a, u atsia amu. 50 Engú bini, mapa bhende ayie abhúlá-a, a ko bhende li kpála zu e, ani kpí de ko. 51 Ma ne mapa inde uu, inde ayie abhúlá ko. I du me kpála nde

azu mapa ang-o, ani dú bhú mukobho na duduma. Mapa inde ma ahá e, a ko kute ma. Ma ngahaha me okpála na doto sia mukobho.»

52 Li omaYuda adje 'ngú bhomu-o lie, u aholo amene kpekebho sunda o kpekkepe. U adu apa me: «Lele pi kpála inde-e ti da naha kute e lie pi ní me ní zu-o?»
 53 Abhomu-o, Yesu apa pi uo me: «A moko, ma apa pi yi na paká me: i du me yi nde zu kute ma, Ndili gba kpála de-e, i du la di me yi nde ndji ngute ma de-e, yi dú bhú mukobho de. 54 Kpála inde ngazu kute ma, inde la di ngandji ngute ma-a, ani bhú mukobho na duduma. Ngama-a, ma azúku la di ani ali sokpí. 55 Padhá de, anga kute ma-a, a ko ezú na kukulu. Ngute ma la di-e, a ko ehe nandji mandji na kukulu. 56 Kpála inde ngazu kute ma, inde la di ngandji ngute ma-a, ani ngadu bhú ma. Ma la di ngadu bhú ani.

57 'Dyi ma inde atima ma-a, ani uu. Ma la di ngadu bhú mukobho ka ani. A bhadi moko, kpála inde azú ma-a, ani adú bhú mukobho ka ma. 58 A bhomu-o mapa inde ayie abhúlá ko. A maka bhende li onguo ogbi yi azu e, u atsia amu-o ade. Engú bini, kpála inde azú mapa inde-e, adú bhú mukobho na duduma.» 59 Yesu akpokpo ndu 'ngú bhomu-o li nedhinga inde ani adu asuno lie bhú 'ti nadje líli gba Moidje bhú Kapalanauma-o.

Eli inde ngaha mukobho na duduma

60 Pita u adje engú inde li Yesu apa e lie, bhelé na omukpata gba ni-e atsia apa me: «Eli inde-e, a kpekkepe! A ti da naziziba da?» 61 Engú bini, Yesu ambila me omukpata gba ni-e ngamene kpekebho pindji 'ngú ang-o. Kaka-a, ani apa pi uo me: «Engú ang-o ngamene yi sisiti? 62 A la yi u me ngama, Ndili gba kpála-a, ma nde nga'u li bili inde ma adudu nani lie kalanu-o? 63 Bua gba Ebhe-e ngaha mukobho ngae. Kpála-kuti ti da namene 'he bini de. Oeli inde ma apa e pi yi bhomu-o, a ko Bua inde ngaha mukobho. 64 Engú bini, okoko bhú ká yi bhuka de.» A na paká me Yesu ambila nani nayie li lilita me obhende i bhuka ni de-e ngao dho. Ani atsia ambila la di me apú ni da-ie. 65 Ani atsia apa matá me: «Kaka-a, ma apa nako pi yi me: «Kpála bini ti da nago gba ma de, i du me 'Dyi ma nde ha kpadji pi ani ngae de ko.»

66 Nayie li nedhinga bhomu-o, bhelé na omukpata gba ani-e a'o ká ani. U kpata matá ani de. 67 Abhomu-o, Yesu atsia ayi obhende ndjikpa ne ká bhisi-e me: «Ngayi di-e, yi akunda nagbida?» 68 Simo Piele agie pi ani me: «Ngámá, ya ti da nanu gba

† 6:45 6:45 Tsia bhú Isa. 54:13.

da? A ka m̄ ne oeli inde ngaha mukobho na duduma. ⁶⁹ Ngaya-a, ya abhuka. Ya atsia ambila la di me m̄ ne Kpála na bubu inde li Ebhe atima e ko.» ⁷⁰ Yesu agie pi uo me: «Ngayi okpála ndjikpa ne ká bhisi-e, ma lo nako yi ngama di? La-a, suka yi bini ne djabulu!» ⁷¹ Ani adu apa 'ngú bhomu-o li Yuda, ndili gba Simo Isikaliote. Padhá de, anga belegu ani adu lie suka omukpata ndjikpa ne ká bhisi-e, adu kpála inde apú Yesu-o ngae.

7

Ondaise Yesu bhuka ani de

¹ Pipita-a, Yesu aholo nadholo bhú ndu doto na Galilaya. Ani du akunda nadholo bhú ndu doto na Yudaya de, anga omaYuda adu akunda nabhelo ani oo. ² A adu me, anokomia na oti ngbangbali gba omaYuda nde akolo masikpe. ³ Abhomu-o, ondaise Yesu atsia apa pi ani me: «Yie si yiyie. Nu bhú ndu doto na Yudaya, ngubula me omukpata gba m̄-o, ngauo di-e, u u ngamba 'ngú inde m̄ ngamene e ko. ⁴ Padhá de, anga kpála inde akunda me okpála u ngamba 'ngú inde ni ngamene e mau-o, ani méne bhú pepe de. I nde lie me m̄ nde ngamene ngua ngamba 'ngú bhomu-o, mene kala ndu okpála hana!» ⁵ Padhá de, anga ondaise ani-e, ngauo makpe-e, u bhuka nani ani de.

⁶ Abhomu-o, Yesu atsia apa pi uo me: «Nedhinga gba ma-a kolo nga de. Engú bini, pi yi-e, nedhinga ndu 'kpí hana ndjindji. ⁷ Okpála na doto ti da nayala yi de. La m̄ma-a, u ngayala ma. Padhá de, anga ma ngapa me kulu gba u-o ndjindji ade. ⁸ Yi nu bhú anokomia-a nuu. Ngama-a, ma nú-u de. Padhá de, anga nedhinga gba ma-a kolo nga de.» ⁹ Pita ani apa lie mo-o, ani atsia atigala bhú ndu doto na Galilaya.

Yesu asuno pi okpála bhú 'ngbé 'ti Ebhe gba omaYuda

¹⁰ Li ondaise Yesu agbida lie bhú anokomia-a, ani atsia anu di oo. La-a, ani suno lie mbámbá de. Ani adu me ani nde awo lie mawo. ¹¹ Abhomu-o, omaYuda adu agili ani bhú nedhinga na anokomia-o. U adu ayi me: «Ani su?» ¹² U adu amene kpekebho naali li 'ngú gba ani-e bhú ká okpála. Okoko adu apa me: «A ko bádha kpála.» Okoko adu apa me: «A mo-o ade, ani ngapite okpála.» ¹³ Engú bini, u du apa engú ang-o mbámbá de. Padhá de, anga u adu akpe omaYuda.

¹⁴ Nedhinga li anokomia akolo lie tátu-o, Yesu anu bhú 'ngbé 'ti Ebhe gba omaYuda, ani atsia aholo nasuno pi okpála. ¹⁵ Abhomu-o, omaYuda angamba

naali. U atsia adu ayi lio me: «Kpála inde-e mene balua de. Ani ambila la 'he me-e lele pi?» ¹⁶ Yesu agie pi uo me: «Nasuno gba ma-a ngayie ka ma ade. Engú bini, a ngayie ka Kpála inde atima ma ko. ¹⁷ I du me kpála nde akunda namene engú inde li Ebhe akunda e-e, ani ti da nambila me, ne me ayie ka Ebhe, ne me ma ngakpokpo 'ngú gba ma makpe. ¹⁸ Kpála bhende ngakpokpo 'ngú gba e makpe-e, ani ngagili me okpála dhogè ni. Engú bini, kpála bhende ngagili me u dhogè kpála bhende atima ni-e, ani ngapa 'ngú na kukulu. Ani pa la di eu de. ¹⁹ Moidje aha nani líli pi yi ngae. A mo-o adi? La-a, kpála bini bhú ká yi ngamene líli ang-o ade. Yi la ngagili nabhelo ma ngubula ni?»

²⁰ Okpála agie pi ani me: «A bhú m̄ ne siti bua ! A ngagili nabhelo m̄ da?» ²¹ Yesu agie pi uo me: «Ma amene bha koli ngamba 'ngú bini má kpikili, ndu yi hana yi atsia aholo nangamba! ²² Moidje aha nani líli pi yi me, yi du nato ongisi na bhosi-bhosi-e bhú gandja. Engú bini, líli ang-o yie ka Moidje de. A ayie ka onguo ogbi yi. Kaka-a, yi ngaziba nato kpála bhú gandja belegu bhú 'kpí naguo gba omaYuda. ²³ Yi ngato kpála bhú gandja bhú 'kpí naguo ngú nakpe me yi agúmu líli gba Moidje-e de. Ngama-a, ma akobho kpála-kuti libhomu bhú 'kpí naguo. Yi la ngake 'ngú liyi m̄ma tété ngú ni? ²⁴ Yi akódho 'ngú maka yi ngauu lie de. Engú bini, yi kodho 'ngú ngbingbili!»

Yesu ne Masiya ?

²⁵ Abhomu-o, okpála koko na gudhu na Yelusalema adu apa me: «A oo kpála inde u ngagili nabhelo e di? ²⁶ Yi tsitsia nga, ani ngagama 'ngú mbámbá bhú ká okpála. La-a, u pa 'ngú pi ani belegu de bini! Ongamási gba ni-e ambila bha ndju si ndjindji me Masiya ngae inde-e? ²⁷ Padhá de, anga bili li kpála inde-e ayie li e, ya mbila hana. Engú bini, nedhinga inde li Masiya agó lie, kpála bini mbila bili inde ani ayie li e de.»

²⁸ Li nedhinga bhomu-o, Yesu adu asuno bhú 'ngbé 'ti Ebhe gba omaYuda. Abhomu-o, ani atsia asula me: «Yi mbila bha ndju ma ndjindji? Yi mbila la di bili inde ma ayie li e hana? Padhá de, anga ngama-a, ma go bhú angu gba ma makpe-e de. Engú bini, kpála inde atima ma-a, a ko kpála na ngbingbili. Kpála ang-o, yi mbila ani de. ²⁹ Ngama-a, ma mbila ani ndjindji. Padhá de, anga ma ayie agba ani. Ani atima la di ma ngae.»

³⁰ Abhomu-o, u adu agili me, o holo ani. La-a, kpála bini bu 'kpa e li kute ani de. Padhá de, anga nedhinga gba ani-e le nga nani-i de. ³¹ La-a, okpála bhelé bhú ká

bhiti okpála bhomu-o abhuka ani. U adu apa me: «Nedhinga li Masiya agó lie, ani améne ongamba 'ngú ané obhende li kpála inde-e amene e?»

U atima okpála ngú naholo Yesu

³² Omufalísai adje engú inde li okpála adu apa e bhú tupele li 'ngú gba Yesu-o. Abhomu-o, ongbenge odimande di ne omufalísai atima omulila na 'ngbé 'ti Ebhe gba omaYuda ngú naholo ani. ³³ Yesu atsia apa me: «Ma adú nga matá ne yi ngubula nedhinga bedi. Pipita-a, ma tsia tápa agba kpála inde atima ma ko. ³⁴ Yi agíli ma, engú bini, yi ú la ma de. Padhá de, anga yi ti da nanu li bili inde ma adji li e de.» ³⁵ Abhomu-o, omaYuda atsia ayi lio sunda o me: «Ani anú li bili bhedho inde ní ti da nau ani lie de-e? Ani anú nabhaka omaYuda bhende atsbamba bhú ká oGílíkí-e? Ani anú asuno pi oGílíkí? ³⁶ Oeli inde ani apa e me: «Yi agíli ma, engú bini, yi ú la ma de, anga yi ti da nanu li bili inde ma adji li e de.» A akunda napa pi?»

Engu na mukobho

³⁷ Ekpi na soso na anokomia-a, a adu ekpi na ngbéngbé. Li 'kpi angó-o, Yesu alu malu, ani asula me: «I du me kpála nde ne gamu 'ngu-o, a ayo me, ani go bhaka ma, amba ani ndji! ³⁸ Kpála bhende ngabhuka ma-a, maka li Bhuku gba Ebhe-e apa lie me: «Engu adú aze li bua ani. Engu angó-o, a ko engu na mukobho.» ³⁹ (Yesu adu apa 'ngú bhomu-o li Bua gba Ebhe inde li okpála inde abhúka ani asia e-o. Li nedhinga bhomu-o, Bua gba Ebhe-e go nga nani-i de. Padhá de, anga Yesu nde sia nga nani sango gba e de.)

OmaYuda koko abhuka me Yesu ne Masiya

⁴⁰ Okpála adje oeli inde li Yesu apa e-o. Okpála koko bhú ká uo atsia apa me: «Kpála inde-e bha ndju ne polofeta inde ya ngadjeke e kukulu!» ⁴¹ Okoko atsia apa me: «A ko Masiya!» Engú bini, okpála koko atsia apa matá me: «Masiya ti da nayie bhú ndu doto na Galilaya? ⁴² Padhá de, anga Bhuku gba Ebhe-e apa me, Masiya adú suka okpála na piga gba Davidi. Ani ayie la di bhú Beteleme, kuti inde li Davidi abhele bhú e ko.» ⁴³ Abhomu-o, okpála atsia agbogbo bhusu o li 'ngú gba ani-o. ⁴⁴ Okoko bhú ká uo adu akunda me, o holo ani. Engú bini, kpála bini bu 'kpa e li ani de.

Ongámási gba omaYuda ayala nabhuka Yesu

⁴⁵ Abhomu-o, omulila na 'ngbé 'ti Ebhe gba omaYuda-a agie lio agba ongbenge

odimande, di ne omufalísai-o. U atsia ayi omulila-a me: «Yi go ne Yesu de ngubula ni?» ⁴⁶ Omulila-a agie me: «Kpála inde agama 'ngú maka kpála bhomu-o belegu ade bini!» ⁴⁷ Abhomu-o, omufalísai atsia agie pi uo me: «Ngayi di-e, yi a'o di me ani pite yi? ⁴⁸ Bhú ká ongámási, i du di-e bhú ká omufalísai-e, kpála bini abhuka ani uu? ⁴⁹ Engú bini, bhiti okpála bhende abhuka ani bhomu-o, u mbíla líli gba Moidje de. Ebhe abála uo mabala.»

⁵⁰ Nikodemu-o, a ko suka omufalísai. Ani anu la di nani kalanu abhaka Yesu-o ngae. Ani apa pi uo me: ⁵¹ «Lili gba ní-e ziba naholo kpála padhá de. A ayo ngaiza me ní dje ani, amba ní mbíla la di engú inde ani amene e ko.» ⁵² U agie pi ani me: «Ngamu di-e, mu ne kpála na ndu doto na Galilaya? Tanga nga obhuku gba Ebhe-e ndjindji. Mu ú de me, polofeta bini ayie bhú ndu doto na Galilaya de.»

[⁵³ Pipita-a, kpála ne kpála atsia agie lie agba e.*

8

Ølo na zabhe

¹ Abhomu-o, Yesu anu apí 'ta na ondula na Olive. ² Li ekpi aseke lie, bhú sikikpi-e, ani agie lie bhú 'ngbé 'ti Ebhe gba omaYuda. Ndu okpála hana adyudyo lio de ani masikpe. Yesu adu kuto, ani atsia aholo nasuno pi uo. ³ Abhomu-o, omusuno na líli gba Moidje, di ne omufalísai ago ne ølo bini. U akoto li ølo angó-o bha li nedhinga u adu akunda lio lie ne bhoko koko. U aha ani, u atsia a'o ani kala ndu okpála hana. ⁴ Do uo pi Yesu me: «Musuno, u akoto li ølo inde-e bha li nedhinga u adu akunda lio lie ne bhoko koko. ⁵ Moidje aye nani pi ya bhú líli-e me, a ayo nabhili ongua olisi bhomu-o ne teme. Ngamu-o, mo opa naamu tété pi?»

⁶ U adu apa engú bhomu-o ngú na'o ekú ngú ani. Padhá de, anga u adu agíli nau engú inde u a'ó e pí ani-o. Engú bini, Yesu akita ne kuto, ani aholo naye 'he kuto bhú doto ne líkpa e. ⁷ La-a, u azi bha kekele li nayi ani. Abhomu-o, ani ayie bhúlá, ani atsia apa pi uo me: «A ayo me kpála inde bhú ká yi, i mene nga naae siti 'ngú bini de-e, ani tulú ani ne teme na kalanu-o ngae.» ⁸ Pipita-a, Yesu akita matá ne kuto, ani atsia aholo bha naye ehe kuto bhú doto. ⁹ Li u adje oeli bhomu-o lie, ndu u hana atsia aholo ayie bini ne bini. Akpo nayie ne obhelesi okpála. Yesu atigala bha ngae kpi e kpi. Ølo angó-o atsia adu la bhadi li bili inde u a'o ani li e bhomu. ¹⁰ Abhomu-o, Yesu ayie matá bhúlá, ani ayi ølo angó-o

* 7:53 7:53 Ongú nayie si akólo bhú 8:11, a bhú obhuku koko na didili-e ade.

me: «Okpála ango-o su? Kpála bini kodho 'ngú gba ma-u sisisi di?»¹¹ Òlè ango-o agie me: «Músuno, ma u kpála bini de.» Do Yesu pi ani me: «Ngama di-e, ma kódho 'ngú gba ma-u sisisi de. Mú ti da natapa. La-a, nayie pi mbia inde-e, mo oméne matá siti 'ngú belegu de bini.»]

Yesu ne zi 'ke pi okpála na pílá doto

¹² Abhomu-o, Yesu apa matá pi bhiti okpála-a me: «Ngama-a, ma ne zi 'ke pi okpála na pílá doto. Kpála inde ngakpata ma-a, ani dhúku bhú biti de. Engú bini, a adú ka ani ne zi 'ke na mukobho.»¹³ Abhomu-o, omuFalisai atsia apa pi ani me: «Mú ngakpokpo bhomu-o naamu 'ngú makpe! Engú inde mu ngakpokpo e bhomu-o, tata tété ade!»

¹⁴ Yesu agie pi uo me: «A na paká moko me ma ngakpokpo 'ngú gba ma makpe. La-a, engú inde ma ngakpokpo e, a ko kúkulu 'ngú. Padhá de, anga ma mbíla bíli inde ma ayie li e, di ne bíli inde ma adjí li e ndjindji. Engú bini, ngayi-e, yi mbíla bíli inde ma ayie li e de. Yí mbíla la di bíli inde ma adjí li e de. ¹⁵ Yi ngakodho 'ngú maka okpála. Ngama-a, ma kodho 'ngú gba kpála bini de. ¹⁶ I dú la me, ma nde akodho 'ngú-o, nakodho 'ngú gba ma-a dú ngbingbili. Padhá de, anga ma kpi ma kpi ade, engú bini, 'Dyi ma inde atima ma-a, ya ne ani bhú dabilí bini.

¹⁷ U aye bhú líli gba yi makpe-e me: «I dú me okpála bhisi nde akpokpo 'ngú-o, engú ango-o dú ngbingbili.»¹⁸ Ma ngakpokpo naama 'ngú makpe. 'Dyi ma inde atima ma-a, ngakpokpo la di engú gba ma ko.»

¹⁹ Abhomu-o, u ayi ani me: «'Dyi mu su?» Yesu agie pi uo me: «Yi mbíla ma de. Yi mbíla la di 'Dyi ma de. Yi mbíla ma uu-o, yi de ambíla dí 'Dyi ma ambíla.»²⁰ Yesu apa 'ngú bhomu-o li nedhinga ani adu asuno lie bhú 'ngbé 'ti Ebhe gba omaYuda, li bíli li osanduku inde u adu a'o tia bhú e adu li e-o. Kpála bini tsia bu nani 'kpa e li ani de, anga nedhinga gba ani-e kolo nga nani-i de.

Yesu akpo 'ngú pindji bíli inde ani ayie li e-o

²¹ Abhomu-o, Yesu atsia apa matá pi uo me: «Ma adjí. Yi agíli ma. La-a, yí amú bhú sítí 'ngú gba yi-o. Yi tí da nanu lí bíli inde ma adjí li e de.»²² OmaYuda atsia ayi lío sunda o me: «Ani abhólè lie ne títi e? Kaka-a, ani apa me bíli inde ní adjí li e, ní tí da nakolo tété dí?»²³ Yesu agie pi uo me: «Ngayi-e, yi ayie kuto sí. Engú la bini, ngama-a, ma ayie abhálá. Ngayi-e, yi ne

okpála na pílá doto. Engú la bini, ngama-a, ma ne kpála na pílá doto ade. ²⁴ Kaka-a, ma apa ígini pi yi me, yi amú bhú sítí 'ngú gba yi ko. Padhá de, anga i dú me yi nde bhuka de me Ma uu-o* de-e, yi amú bhú sítí 'ngú gba yi ko.»²⁵ Abhomu-o, u ayi ani me: «Ngamu-o, mu ne da?» Yesu agie pi uo me: «A ko bha engú inde ma apa e pi yi, nayie lí lilita-o. ²⁶ Ma ne engú bhelè napapa, di ne nakokodho lí 'ngú gba yi ko. Engú bini, ma ngapa pi okpála engú inde ma adje e ka kpála inde atima ma ko. Ngaani-e, ani ngapa ngbili 'ngú.»

²⁷ U mbíla de me ani ngapa pi o bhomu-o engú gba 'Dyi e de. ²⁸ Abhomu-o, Yesu atsia apa pi uo me: «Nedhinga yi a'é e ma, Ndíli gba kpála lie ne abhálá-a, yi tsia mbíla me ngama-a, ma uu. Yi mbíla la di me, ma mene ehe bini bhú angu gba ma makpe de. Engú bini, ma ngapa bha bini engú inde lí 'Dyi ma asuno e muma ko. ²⁹ Ya ne kpála inde atima ma-a bhú dabilí bini. Aní 'o ká ma kpi ma kpi de. Padhá de, anga ma ngamene ndu 'kpi hana engú inde i ngangá lí ani manga ko.»³⁰ Abhomu-o, okpála bhelè inde adje Yesu ngapa 'ngú bhomu-o, atsia abhuka ani.

Okpála bhende ne obalise na sítí 'ngú

³¹ Abhomu-o, Yesu atsia apa pi omaYuda inde abhuka nani ani-e me: «I dú me yi nde alíla elí inde ma ngapa e pi yi-e ndjindji-e, yi dú omukpata gba ma-a na kúkulu. ³² Yi mbíla la di ngbili 'ngú. Lí ngbili 'ngú-o tsia gbégbe yi bhú balí.»

³³ U agie pi ani me: «Ya ne odi Abalahama. Ya dú nga balí pi kpála belegu de bini. Lele pi mu tí da napa lie pi ya me, ya azé bhú balí maze-e?»³⁴ Yesu agie pi uo me: «A moko, ma apa pi yi na paká me: ndu kpála hana inde ngamene sítí 'ngú-o, a ko balí ka sítí 'ngú. ³⁵ Balí ngadu bhú píga ndu 'kpi hana ade. Engú bini, ndíli na bhobhoko ngadu ndu 'kpi hana bhú píga. ³⁶ Kaka-a, i dú me Ndíli-e nde agbége yi bhú balí-e, yi tsia zé bhú balí kúkulu. ³⁷ Ma mbíla hana me, yi ne odi Abalahama. Engú la bini, yi ngagíli nabhólè ma. Padhá de, anga yi ngayala 'li ma. ³⁸ Ngama-a, ma ngakpokpo engú inde lí 'Dyi ma asuno e muma ko. La ngayi-e, yi ngamene engú inde lí 'dyi yi apa e pi yi ko.»

³⁹ Abhomu-o, u atsia agie pi ani me: «'Dyi ya-a, a ko Abalahama.» Do Yesu pi uo me: «I dú me yi dú ne odi Abalahama-a, yi de méne 'ngú maka Abalahama. ⁴⁰ Engú bini, mbia inde-e, yi ngakunda nabhólè ma, abana ma apa kúkulu 'ngú inde ma adje e ka Ebhe lie pi yi-o. Abalahama mene la nani mo-o de. ⁴¹ Engú bini, ngayi-e, yi

* 8:24 8:24 Ma uu: A bhomu-o 'li gba Ebhe inde ani asuno e pi Moidje nedhinga ani atima ani lie bhú Edjipeto. Tsia bhú Eki. 3:14.

ngamene bhadi ngua kulu inde li 'dyi yi ngamene e-o.» U atsia agie pi ani me: «Ya ne ongisi na ngongo ade. Koli 'dyi ya bha bini, Ebhe.»

⁴² Yesu apa pi uo me: «Li Ebhe dá bha ndju ne 'Dyi yi-e, yi de akunda ma. Padhá de, anga ma ayie agba Ebhe. Ma la di si bhú ngu ani. Ma go bhú ngu ma de. Engú bini, ani atima ma ngae. ⁴³ Yi mbila engú inde ma ngapa e pi yi-e de ka ni? A ko anga, yi ti da nadje eli inde ma ngapa e pi yi-e de. ⁴⁴ 'Dyi yi ne Djabulu. Yi la di ngamene 'ngú inde li 'dyi yi akunda e-o. A ko bhulu nabhole kpála nayie li lilita. Ani lu bhú kukulu 'ngú belega de bini. Padhá de, anga kukulu 'ngú bhú ani ade. Nedhinga inde ani ngapa eu lie, ani ngapa 'ngú gba e makpe. Padhá de, anga a ko kpála na eu. A ko la di 'dyi eu. ⁴⁵ Engú bini, ngama-a, ma ngapa kukulu 'ngú. Yi ngabhuka ma ade kaka. ⁴⁶ A ko kpála bhedho bhú ká yi-e, i ti da nasuno siti 'ngú inde ma amene e? I dá me ma nde ngapa kukulu 'ngú-o, ka ni yi bhuka la ma lie de-e? ⁴⁷ Kpála gba Ebhe-e ngadje 'li Ebhe. Engú bini, yi ne okpála gba Ebhe ade. Kaka-a, yi ngadjedje ade.»

Yesu akpo 'ngú pindji Abalahama

⁴⁸ OmaYuda agie pi Yesu me: «Ya apa kukulu 'ngú de me mu ne kpála na Samalia, a la di bhú mu ne siti bua?» ⁴⁹ Yesu agie pi uo me: «Siti bua bhú ma ade. Engú bini, ma ngadhogé 'Dyi ma. La-a, ngayi-e, yi ngayala nadhogé ma. ⁵⁰ Ngama-a, ma gili de me okpála dhogé ma-a de. 'Dyi ma ngagigili muma ngae. Ani la di ngakodho 'ngú-o ngae. ⁵¹ A moko, ma apa pi yi na paká me: kpála inde alila eli inde ma ngapa e, ani kpi duduma de.»

⁵² OmaYuda atsia apa pi ani me: «Mbia inde-e, ya ambila la kukulu me abhú mu ne siti bua! Abalahama akpi. Opolofeta di amu. La ngamu-o, mu ngapa me: «Kpála inde ngalila eli inde ma ngapa e, ani kpi duduma de.» ⁵³ 'Dyi ya Abalahama akpi. Mu ngabhundja me ni ngéngbé ane ani? Opolofeta di amu. Mu la ngau nga naamu limu me ni ne da?»

⁵⁴ Yesu agie pi uo me: «I dá me, ma dá adhogé lima ngama makpe-e, nadhogé gba ma-a de padhá. 'Dyi ma ngadhogé ma ngae, a ko kpála inde yi nga'i e me: «A ko Ebhe gba ya-o» ⁵⁵ me yi nde mbila la ani de ko. Engú bini ngama-a, ma mbila ani hana. I dá me ma pá me ma mbila ani de-e, ma de ne kpála na eu maka yi. Engú bini, ma mbila ani hana. Ma la di ngalila eli inde ani ngapa e-o. ⁵⁶ 'Dyi yi Abalahama akpi nani djali naali. Padhá de,

anga ani adu abhundja me ni aú ekpi nago gba ma-o. Ani au, ani atsia akpi djali.» ⁵⁷ Abhomu-o, omaYuda atsia apa pi ani me: «Ngamu-o, mu kolo nga ne kalanga ndjikpa bhuluvue de. Mu la ngapa me, ni au Abalahama!» ⁵⁸ Yesu agie pi uo me: «A moko, ma apa pi yi na paká me kala me u zu Abalahama, «Ma uu.»» ⁵⁹ Abhomu-o, u abha teme ngubula natatulu ani ne di. Engú bini, Yesu awo lie, ani atsia akoto bhú 'ngbé 'ti Ebhe gba omaYuda-o.

9

Yesu akobho kpála inde u azu e me ani nde u 'kpi de

¹ Li Yesu adu akodho 'kpi lie li kpadji-e, ani au kpála bini inde u azu e me ani nde u 'kpi de. ² Omakpata gba ani ayi ani me: «Musuno, u azu kpála inde-e me ani nde u 'kpi de ka ni? A ko ka siti 'ngú gba ani makpe, ne me a ko ka siti 'ngú gba okpála inde azu ani?»

³ Yesu agie me: «A ko ka siti 'ngú gba ani-e de. A ko la di ka siti 'ngú gba okpála inde azu ani-e de. Engú bini, u azu ani mo-o ngubula me okpála u ngamba 'ngú inde li Ebhe ngamene e bhú ani. ⁴ A ayo me ni mene kulu gba kpála inde atima ma-a nedhinga li ekpi nde nga lie ne ngikpi-o. Padhá de, anga biti ngago, kpála bini ti da namene kulu de. ⁵ Nedhinga ma nde nga lie píla doto-o, ma ne zi 'ke pi okpála na píla doto.» ⁶ Pita ani apa lie mo-o, ani aku ngusu bhú doto. Ani akpedho doto ne di. Ani aha ngbedho ang-o, apulu pí kó djila kpála inde i u 'kpi de ko. ⁷ Abhomu-o, Yesu atsia apa pi ani me: «Nu vulu bhúla mu bhú 'dú 'ngu navulu kute na Siloe.*» («Hi bhomu-o akunda napa me «U atima ani.») Ani anu, ani atsia avulu bhúla e. Ani agie lie me ani nde ngau 'kpi ndjindji!

⁸ Okpála bhende asili kuti lingo ani, di ne obhende au ani kalanu me ani nde ne yoyo 'he-e, a adu ayi me: «A inde-e kpála adu nako adu kuto ngú nayo 'he-e di?» ⁹ Okoko adu apa me: «A ko ani.» Do okpála koko me: «A ko ani de. Engú bini, ani mana ani.» La-a, kpála ang-o adu apa me: «A ko bha-a ma.» ¹⁰ Abhomu-o, u ayi ani me: «Djila mu abhulu lie lele pi?» ¹¹ Ani atsia agie me: «Kpála inde u a'i e me Yesu-o, amene ngbedho, ani apulu pí kó djila ma. Ani atsia apa muma me: «Nu vulu bhúla mu bhú Siloe.» Ma anu oo. Pita ma avulu lima lie, ma aholo nau 'kpi!» ¹² U ayi ani me: «Kpála ang-o su?» Ani agie me: «Ma mbila de.»

OmuFalisai ayiyi kpála inde li djila e akobho-o

* 9:7 9:7 'Dú 'ngu navulu kute na Siloe nani abhú aga na Yelusalema.

¹³ Abhomu-o, u ago ne kpála inde adu kalanu me ani nde u 'kpí de-e pi omuFalisai . ¹⁴ Yesu amene nani ngbedhe, ani atsia abhulu djila ani ne di me a nde la ekpí naguo gba omaYuda . ¹⁵ Abhomu-o, omuFalisai ayi di ani me djila ani aholo au 'kpí lele pi. Ani agie pi uo me: «Ani apulu ko djila ma ne ngbedhe. Ma avalu lima, ma atsia aholo au 'kpí.» ¹⁶ OmuFalisai koko atsia adu apa me: «Kpála amene engú inde-e, ani yie agba Ebhe de. Padhá de, anga ani ngalila líli na ekpí naguo ade.» Engú bini, okoko atsia adu apa naao me: «Kpála na sisiti tí da namene ngua ongamba 'ngú me-e lele pi?» U atsia agbogbo bhasu o.†

¹⁷ Abhomu-o, omuFalisai ayi matá kpála inde lí djila e abhulu-o me: «A la mu-o, mo opa naamu lí 'ngú gba kpála inde abhulu djila mu-o pi?» Ani agie me: «A ko polofeta .»

¹⁸ Engú bini, ongámási gba omaYuda kunda nani nabhuka de me, ani adu me ani nde u 'kpí de, ani atsia aholo au 'kpí-e de. Kaka-a, u atsia a'í okpála inde azu ani-o. ¹⁹ U ayi uo me: «Kpála inde-e, a ko ndili gba yi na paká? A na paká me yi azu ani me ani nde u 'kpí di? Ani la ngau 'kpí mbia inde-e lele pi?» ²⁰ Okpála inde azu ani-e agie me: «Ya ambila me a ko ndili gba ya. Ya azu ani me ani nde u 'kpí de. ²¹ Engú la bini, maka ani ngau 'kpí lie mbia inde-e, ya mbila naaya de. Ya mbila la di de me abhulu djila ani da-ie de. Yi yi ani, ani abhele, ani tí da nakpokpo 'ngú gba e ngae makpe!» ²² Okpála inde azu ani-e apa nani mo-o, anga u adu akpe omaYuda. Padhá de, anga omaYuda adje nani lio me, i dú me kpála nde aziba me Yesu ne Masiya , u de gbe ani bhú 'tí nadje líli gba Moidje-e magbe. ²³ Kaka-a, okpála inde azu ani-e apa nani me: «Ani abhele, ani tí da nakpokpo 'ngú gba e ngae makpe. Yi yi ani!»

²⁴ Abhomu-o, omuFalisai a'í matá kpála inde adu nako me ani nde u 'kpí de-o. U atsia apa pi ani me: «Dhөгө Ebhe bhú napa kukulu 'ngú. Ya ambila me kpála inde akobho mu bhomu-o, a ko siti kpála.» ²⁵ Kpála ango-o atsia agie me: «Í dú siti kpála, i dú siti kpála de, ma mbila naama de. La-a, ma ambila koli 'ngú bini: ma dú nako au 'kpí de, engú bini, mbia inde-e, ma ngau 'kpí.»

²⁶ Abhomu-o, u ayi matá ani me: «Ani amene ngú mu pi? Ani abhulu djila mu lele pi?» ²⁷ Ani agie pi uo me: «Ma apa igini pi yi apa. Engú bini, yi dje ma de. Yi akunda matá nadjedje ne toto-o? Atigala

yi ngakunda me yi kolo di omukpata gba ani.» ²⁸ U asosobho ani. U atsia apa pi ani me: «Mu mangbo ne mukpata gba kpála bhomu-o ngamu! Ngaya-a, ya naaya ne omukpata gba Moidje . ²⁹ Ya ambila me Ebhe akpokpo 'ngú pi Moidje. Engú bini, ngaani-e, ya mbila de me ani ayie naae suoie de!»

³⁰ Kpála ango-o agie pi uo me: «A ko 'ngú na ngangamba. Yi mbila bili inde ani ayie lí e de. La-a, ani abhulu djila ma! ³¹ Ní mbila hana me Ebhe djedje okpála na sisiti de. Engú bini, ani djedje ndu kpála hana inde ngamanga ani, inde di ngamene engú ani akunda e-o. ³² Nani akpo lie, kpála bini dje nga de me u ngapa me kpála bini abhulu djila kpála inde u azu e me ani nde u 'kpí de-e de. ³³ I dú me kpála inde-e yie agba Ebhe de-e, ani de tí da namene 'he bini de.» ³⁴ Abhomu-o, u agie pi ani me: «Ngamu-o, 'lá mu libhomu bhú siti 'ngú nayie maka nani u azu mu lie. Mu la ngakunda nasuno 'ngú pi ya?» U atsia agbe ani bhú 'tí nadje líli-e kilidjo.

Okpála i u 'kpí kukulu de

³⁵ Yesu adje me omuFalisai agbe kpála inde lí djila e akobho-o kilidjo. Yesu anu abhaka ani, ani atsia ayi ani me: «Mo obhuka Ndili gba kpála-a abhuka?» ³⁶ Ani agie pi ani me: «Musunu, kpála ango-o, a ko da, amba ma bhuka ani-e?» ³⁷ Yesu agie pi ani me: «Mo ou ani au. Ani ngagama 'ngú ne mu mbia inde-e ngae.» ³⁸ Do kpála ango-o me: «Ngámá, ma abhuka.» Ani atsia atatu lipuku e kuto kala Yesu.

³⁹ Abhomu-o, Yesu atsia apa pi ani me: «Ma ago píla doto ngú nakodho 'ngú. Ma ago ngubula me okpála bhende i u 'kpí de-e, u u 'kpí, amba okpála bhende ngau 'kpí-e, 'o nau 'kpí.»

⁴⁰ OmuFalisai inde adu de ani oo, adje oeli bhomu-o. U atsia ayi ani me: «Ngaya di-e, ya u 'kpí di?» ⁴¹ Yesu agie pi uo me: «Yi dú ne okpála bhende i u 'kpí de-e, yi de bhú siti 'ngú ade. Engú bini, maka yi apa lie me: «Ya ngau 'kpí-e», yi nga bha ne okpála na sisiti.»

10

Yesu ne mulila na babadha gba okandole

¹ Yesu apa me: «A moko, ma apa pi yi na paká me: kpála inde i lí bhú aga gba okandole lí bhobho-o de-e, engú bini, inde nga'u lí pabu aga lí pápá koko-o, kpála ango-o ne bhulu 'zi. Ani la di ne bhulu nagbulu 'he gba okpála ne kpéke. ² Kpála inde alí la naae lí bhobho-o, a ko mulila

† 9:16 9:16 Si-e, omuFalisai au me lí Yesu akobho kpála lie bhú 'kpí naguo, ani amene bhomu-o kulu. La-a, líli gba Moidje ziba nani namene kulu bhú 'kpí naguo de.

gba okandələ-o. ³ Mülila na 'bhə aga-a nga'u'u pi ani. Okandələ-o ngadje la di 'li ani. Ani nga'i okandələ gba e bini ne bini li 'li e. Ani la di ngapandja uo kilidjo. ⁴ Li ani apandja uo hana lie kilidjo-o, ani ké kala uo, u tsia holo nakpata ani. Padhá de, anga u mbila 'li ani hana. ⁵ Engú bini, kpála bhende u mbila e de-e, u kpáta ani de. U kpé de ani tsutsu. Padhá de, anga u mbila 'li ani de.»

⁶ Yesu akpokpo gbitaku bhomu-o pi okpála inde adu adje ani-o. La-a, u mbila nani ta engú inde ani adu apa e pi uo-o de.

⁷ Abhomu-o, Yesu atsia apa matá me: «A moko, ma apa pi yi na paká me: ma ne 'bhə aga gba okandələ-o. ⁸ Ndu okpála hana inde ago muma kalanu-o, a ko obhulu 'zi. A ko la di obhulu nagbulu 'he gba okpála ne kpéke. Engú bini, okandələ-o dje uo de. ⁹ Ngama-a, ma ne 'bhə bhoti. Kpála inde alí li pá bili gba ma-a, ani kóbho. Ani tí da nali, ani kóto, ani tsia sia di ehe nazu mazu. ¹⁰ Bhulu 'zi ago bha naae ngubula nazi 'he. Ani ago ngubula nabhehelo mabhele. Ani ago ngubula nasisiti masiti. La ngama-a, ma ago ngubula me okandələ sia mukobho, u sia mukobho ango-o bhelé.»

¹¹ Ma ne bádha mülila gba okandələ. Mülila na babadha gba okandələ-o bedhe ngú naha mukobho gba e pi okandələ gba e-o. ¹² Kpála inde ngamene kulu bha bini ngubula tia-a, a ko kukulu mülila gba okandələ-o de. A ko okandələ ka ani de. Li ani u me sia ngago-o, ani há holo, ani 'ó ká uo. Abhomu-o, li sia-a tí pí uo, ani tsia tsámbala uo. ¹³ Padhá de, anga ani ngamene bha naae kulu ngubula tia. Ani la di ne ndjinga uo ade. ¹⁴⁻¹⁵ Ngama-a, ma ne mülila na babadha gba okandələ. Maka li 'Dyi ma ambila ma lie, ma atsia ambila di ani-e, ma ambila okandələ gba ma-o, okandələ gba ma-a atsia ambila di ma. Ma la di bedhe ngú naha mukobho gba ma-a pi okandələ gba ma-o. ¹⁶ A ka ma ne okandələ koko inde bhú aga inde-e ade. A ayo me ma go di ne uo. U adjé 'li ma. U akólo koli piga okandələ bini, u tsia dú ne koli mülila bini.

¹⁷ 'Dyi ma ngakunda ma, anga ma bedhe ngú naha mukobho gba ma-a, amba pípita-a, ma sia matá. ¹⁸ Kpála bini ha mukobho gba ma-a ne kpéke de. Engú bini, ma ngahaha bha ngama. Ma ne angu ngú nahaha, ma la di ne angu ngú nasisia. Ma asia líli bhomu-o ka 'Dyi ma.»

¹⁹ OmaYuda atsia agbogbo matá bhusu o ka oeli bhomu-o. ²⁰ Bhelé bhú ká uo adu apa me: «A abhú ani ne siti bua ! A ko la di bhulu pele! Yi ngadje ani ka ni?» ²¹ Okoko

adu apa me: «Kpála inde bhú e ne siti bua-a ti da napa 'ngú mo-o de. Siti bua ti da nabhulu djila okpála inde i u 'kpí de-e uu?»

OmaYuda ayala Yesu

²² Abhomu-o, bhú gudhu na Yelusalema-a, bhú nedhinga na zini-e, u amene anokomia Naleke 'ngbé 'ti Ebhe gba omaYuda-o. ²³ Bhú 'ngbé 'ti Ebhe-e, Yesu adu adhuku sa ngba 'ti gba Salomoo. ²⁴ Abhomu-o, omaYuda asa lio dengo ani ngbalina. U atsia apa pi ani me: «Bua ya adú bha ka mu me a nde alu abhú lá má gba me-e ngubula ekpí madho? I du me mu nde ne Masiya-a, mu de pa pi ya mbámbá.» ²⁵ Yesu agie pi uo me: «Ma apa pi yi apa. Engú bini, yi ziba ma de. Ongamba 'ngú inde ma ngamene e ne 'li 'Dyi ma-a, a ngakpokpo 'ngú gba ma-o. ²⁶ Engú bini, yi bhuka de anga yi ne okandələ gba ma-a ade. ²⁷ Okandələ gba ma-a ngadje 'li ma. Ma ambila uo, u la di ngakpata ma. ²⁸ Ma ngamba mukobho na daduma pi uo. U mú daduma de. Kpála bini tí la di da nagbulu uo ka ma de. ²⁹ 'Dyi ma inde aha uo muma-a, ani ngbéngbé ane ndu 'ngú hana. Kpála bini tí la di da nagbulu 'he bini ka 'Dyi ma de. ³⁰ Ngay a ne 'Dyi ma-a, koli ya bha bini.»

³¹ Abhomu-o, omaYuda abha matá teme ngú natutulu ani ne di. ³² Yesu agie pi uo me: «Obabadha 'ngú bhelé inde ma asuno e pi yi-e, ayie ka 'Dyi ma. A ko ngubula obabadha 'ngú bhedho yi ngakunda nabhele ma lie ne teme?» ³³ OmaYuda agie pi ani me: «A ko de me ya ngakunda nabhele mu ne teme ka bádha 'ngú-o de. Engú bini, a ko anga mu ngasobho Ebhe. Ngamu inde bha ne kpála-kuti-e, ma nga'o limu maka Ebhe.»

³⁴ Yesu agie pi uo me: «U aye bhú líli gba yi-e me, ngama-a, ma apa me: «Yi ne oebhe.» ³⁵ Ya ambila me, u ti da nabulu engú inde li Bhuku gba Ebhe-e apa e de. Okpála inde li eli gba Ebhe-e akolo nani gba o-o, u a'i uo me oebhe. ³⁶ Engú bini ngama-a, Ebhe abhu ma, ani atsia atima ma píla doto. Lele pi yi ngapa la lie me ma ngasobho Ebhe, anga ma ngapa me ma ne Ndili gba Ebhe-e? ³⁷ I du me ma nde ngamene ngamba 'ngú gba 'Dyi ma ade-e, yi abhúka ma de. ³⁸ I du la me ma nde ngamene ngamba 'ngú gba 'Dyi ma-a, abana yi bhuka ma de-e, yi de bhuka ngabha mbo ongamba 'ngú ango-o. Yi bhuka ongamba 'ngú ango-o ngubula nambila ndjindji me 'Dyi ma ngakobho bhú ma, ma la di ngakobho bhú ani.» ³⁹ Abhomu-o, u agili matá naholo ani. Engú bini, ani atsia akobho sa 'kpa uo.

⁴⁰ Yesu atsia agie matá lie ayi 'ngu na Djaludani, li bili inde li Djaa adu nani abatisa okpála li e kalanu-o. Ani atsia adu oo. ⁴¹ Okpála bhelé ago nabhaka ani. U adu apa me: «Djaa mene ngamba 'ngú belegu de bini. Engú bini, ndu 'ngú hana inde ani apa nani e pindji kpála inde-e, a ko kukulu 'ngú.» ⁴² Oo, okpála bhelé abhuka ani.

11

Ladjalo akpi

¹ Kpála bini inde adu 'li e me Ladjalo, asi kuo. Ani adu nadu bhú Betania, kuti li Malia ne ndai e Malata adu nadu bhú e-o. ² Malia ne elé inde atuko nani mungotsi li 'dhu Ngámá, ani atsia akuo ne sundjo e-o. Ladjalo inde adu ne kuo-o, nani ne ndai ani. ³ Ondaise ani na olisilisi bhisi bhomu-o, atima kpála ngu napa pi Yesu me: «Ngámá, ali kpála mo okukunda e ne kuo.» ⁴ Li Yesu adje engú bhomu-o lie, ani atsia apa me: «Kuo bhomu-o ngubula nabholé ani mabhelo ade. Engú bini, a ngubula naha sangu pi Ebhe. A ko la di ngubula me ngama, Ndili gba Ebhe-e, ma sia sangu bhúbhú.»

⁵ Yesu adu ne mukunda pi Malata, ne ndai e na eole, di ne Ladjalo naali. ⁶ La-a, ani adje lie me ali Ladjalo ne kuo-o, ani amene matá 'kpi bhisi li bili abhaka me ani nde li e-o. ⁷ Pipita-a, ani apa pi omukpata gba e me: «Ní gie matá liní bhú ndu doto na Yudaya.» ⁸ Omukpata-a apa pi ani me: «Musuno, a mene nga 'kpi bhelé de, omaYuda adu nako agili nabholé mu ne teme oo. Mo odji matá bha oo?» ⁹ Yesu agie pi uo me: «Ngbikpi ne saa ndjikpa ne ká bhisi. A mo-o adi? I du me kpála nde ngadhuku ne ngbikpi-e, ani dó 'dhu e de. Padhá de, anga ani ngau zi 'kpi na doto inde-e ndjindji. ¹⁰ Engú bini, i du la me kpála nde ngadhuku sukpe-e, ani dó 'dhu e. Padhá de, anga ani li zi 'kpi ade.»

¹¹ Pita li Yesu apa 'ngú bhomu-o lie, ani atsia apa pi uo me: «Ladjalo, olia ní-e, ani ala. Engú bini, ma adji, amba ma zuku ani.» ¹² Abhomu-o, omukpata gba ani-e atsia apa pi ani me: «Ngámá, i du me ani nde tila-a, ani dú bhú mukobho.» ¹³ A na paká me Yesu adu apa me Ladjalo akpi. Engú bini, omukpata-a adu abhundja naao me ani akpo 'ngú pindji ela inde li okpála alala e-o. ¹⁴ Abhomu-o, Yesu atsia apa pi uo mbámbá me: «Ladjalo akpi. ¹⁵ Ma ne djali pi yi anga ma du nako oo de, amba yi bhuka ma. Engú bini, ní nu nabhaka ani!» ¹⁶ Abhomu-o, Tuma (inde u agisila 'li e me Bhuko-o), apa pi omukpata koko me: «Nganí-e, ní nu di oo, ngubula me ní nu ne Musuno bhú dabili bini.»

Malata anu nako lie ne Yesu

¹⁷ Li Yesu akolo lie, ani abhaka me u azi Ladjalo azi, a nde ane nga 'kpi badha. ¹⁸ Kutu na Betania du nani de gudhu na Yelusalema masikpe de kilometele bata. ¹⁹ A abhaka me omaYuda bhelé nde ago oo ngu nateteke Malata ne Malia ka li ndai uo na bhobhoko-o akpi lie ko.

²⁰ Li Malata adje lie me Yesu akolo de kuti masikpe-e, ani anu akó lie ne ani li kpadji. Engú bini, Malia adu naae akuti. ²¹ Abhomu-o, Malata atsia apa pi Yesu me: «Ngámá, mu dú nako si-e, ndai ma de kpi de. ²² Engú bini, ma ambila me belegu mbia inde-e, Ebhe ti da naha ndu 'he hana inde mo oyó e ka ani-e pi mu.» ²³ Yesu apa pi ani me: «Ndaí mu azúku mazuku.» ²⁴ Malata agie pi ani me: «Ma ambila me ani azúku li 'kpi li okpála inde amu-o, azúku lie li sokpi-o.»

²⁵ Yesu apa pi ani me: «Kpála nazuku okpála-a, a ko ma. Kpála naha la di mukobho pi okpála-a, a ko ma. Kpála inde abhuka ma-a, abana ani kpi, ani kóbbho. ²⁶ La di-e, kpála ne kpála inde bhú mukobho, inde abhuka la di ma-a, ani kpi duduma de. Mo obhuka mo-o?» ²⁷ Malata agie me: «A moko, Ngámá, ma abhuka me mu ne Masiya, Ndili gba Ebhe. Kpála inde a ayo me ani go pála doto ko.»

Malia anu di nako lie ne Yesu

²⁸ Pita ani apa 'ngú bhomu-o lie, Malata anu a'i ndai e Malia. Do ani pi ani bhú tupele me: «Musuno aoo. Ani nga'i mu.» ²⁹ Li Malia adje lie mo-o, ani ayie kolo bhúla má kia! Ani atsia anu abhaka Yesu. ³⁰ A adu me Yesu nde kolo nga bhú kuti na Betania de. Engú bini, ani adu ngabha li bili inde li Malata anu akó lie ne ani li e ko. ³¹ Li omaYuda inde adu abhú 'ti ngu nateteke Malia au lie me ani ayie bhúla ne nakoto kilidjo bhú holo-o, u atsia akpata ani. Padhá de, anga u adu abhundja naao me ani adji aku 'gba apí lata.

³² Malia akolo li bili li Yesu adu li e-o. Ani au Yesu lie, ani ati bhú li 'dhu ani. Ani atsia apa pi ani me: «Ngámá, mu dú nako si-e, ndai ma de kpi de.» ³³ Yesu au me ani ngaku 'gba di ne okpála inde ago ne ani bhú dabili bini-o. Ani asia likabhu naali li bua e. Mabhundja gba ani-e atsia angbingi di. ³⁴ Abhomu-o, ani atsia ayi uo me: «Yi azi ani su?» U agie pi ani me: «Ngámá, gogo, amba mu u.» ³⁵ Yesu aku 'gba. ³⁶ Abhomu-o, omaYuda atsia apa me: «Yi u maka ani akunda nako ani lie ko!» ³⁷ Engú bini, okpála koko bhú ká uo atsia apa me: «Ngaani inde abhulu nako djila kpála inde i u kpi de-e, ani ti da nako namene de me Ladjalo akpi de-e di?»

Yesu azuku Ladjalo

³⁸ Abhomu-o, Yesu asia matá likabhu naali li bua e. Aní anu abhú lata. A adu nani lata inde u adji e bhú teme. U aní nani bhébhé ne teme na ngbéngbé. ³⁹ Abhomu-o, Yesu atsia apa me: «Yi 'e teme-o.» Malata, ndai kpála inde akpi-e, apa pi ani me: «Ngámá, se aní aholo napu aholo. Padhá de, anga aní amene nga saté 'kpí badha.» ⁴⁰ Yesu agie pi ani me: «Ma pa igini pi mu de me, i du me mu nde abhuka ma-a, mu ú sangu gba Ebhe-e dí?» ⁴¹ Abhomu-o, u a'e teme-o. Yesu atsia 'kpí ne bhúla, aní atsia apa me: «'Dyi ma, na ngagie heni pi mu, anga mo odje ma. ⁴² Ma ambila ndjindji me mu ngadje ma ndu 'kpí hana. Ma ngapapa mo-o ka okpála inde asa lio dengo ma inde, amba u bhuka me, mo otima ma ngamu.» ⁴³ Aní apa 'ngú bhomu-o lie, aní asula kpekpeke me: «Ladjalo, koto ei!» ⁴⁴ Ladjalo akoto. Aní akoto me 'dhu aní, di ne 'kpa aní nde aghbite lie ne opapala bongo. Bhúla aní nde agbite la di lie ne bongo. Yesu atsia apa pi uo me: «Yi bhulu aní, amba yi 'o aní, aní tapa.»

Ongámási gba omaYuda adje lio ngu nabhole Yesu

(Tsia bhú Mat. 26:1-5; ne bhú Mlk. 14:1-2; di ne bhú Luk. 22:1-2.)

⁴⁵ Abhomu-o, omaYuda bhelé bhú ká okpála inde ago gba Malia au engú inde li Yesu amene e-o. U atsia abhuka Yesu. ⁴⁶ Engú bini, okoko bhú ká uo anu abhaka omuFalisai. U akpokpo 'ngú inde li Yesu amene e pi uo. ⁴⁷ Abhomu-o, ongbengbe odimandé gba Ebhe, di ne omuFalisai apo bhúla o bhú 'ngbé bula. U atsia apa me: «Kpála inde-e ngamene ongamba 'ngú bhelé. Ní améne si pi? ⁴⁸ I du me ní nde a'o me aní du bha anu ne di ne kalanu me, ndu okpála hana bhúka aní. Pipita-a, okpála na gudhu na Loma kólo ne angu. U bhéle 'ngbé 'ti Ebhe gba ní-o. U tsia bhéle la di kúti gba ní-o!»

⁴⁹ Kpála bini adu bhú ká uo. A adu 'li aní me Kaifa. Aní adu bhele kpála gba odimandé bhú kalanga bhomu-o ngae. Aní apa pi uo me: «Ngayi-e, yi mbila 'ngú de! ⁵⁰ Yi mbila de me a pi yi ndjindji me kpála bini kpi pi ndu okpála hana, amba kúti libhomu akpí de-e dí?» ⁵¹ La-a, aní du apa 'ngú bhomu-o bhú ngu e de. Engú bini, a adu la lie me aní nde ne bhele kpála gba odimandé bhú kalanga bhomu-o ngae-e, aní atsia apa 'ngú maka polofeta me: «A ayo me Yesu kpi ngubula kúti gba omaYuda-o. ⁵² Aní kpi bha bini ngubula omaYuda de. Engú bini, aní kpi ngubula me ni po bhúla ongisi gba Ebhe

inde atsambala ne bili ngangá-a bhú piga bini.»

⁵³ Nayie li 'kpí bhomu-o, ongámási gba omaYuda atsia adje lio me o bhéle Yesu. ⁵⁴ Kaka-a, Yesu du matá adholo mbámbá bhú ká omaYuda de. Aní atapa bhú gudhu na Efalaimé, bhú ndu doto inde de egu-o. Abhomu-o, aní atsia adu ne omakpata gba e oo.

⁵⁵ Pasika gba omaYuda akolo masikpe. Kaka-a, okpála bhelé na kúti ango-o atsia anu bhú gudhu na Yelusalema ngubula me o vula lio, amba o du pi Ebhe bubu kala anokomia-o. ⁵⁶ Abhomu-o, u adu agili Yesu. U alulu bhú 'ngbé 'ti Ebhe gba omaYuda-o. U atsia adu ayi lio sunda o me: «Yi abhundja pi? Aní agó bha ndju bhú anokomia inde-e mago? Ne me, aní gó-o de?» ⁵⁷ Ongbengbe odimandé gba Ebhe, di ne omuFalisai aha nani líli me: «I du me kpála nde ambila bili inde li Yesu nde lie-e, aní de pa, amba u nà holo aní.»

12

Malia atuko mungotsi li 'dhu Yesu

(Tsia bhú Mat. 26:6-13; di ne bhú Mlk. 14:3-9.)

¹ Abhomu-o, ekpí madhia kala Pasika-a, Yesu anu bhú kúti na Betania. A bhomu-o bili inde li Ladjalo, kpála inde li Yesu azuku e adu nadu li e-o. ² Oo, u aha ezú pi aní, Malata atsia adu a'o'o kala aní. Ladjalo atsia adu di bhú ká okpála inde adu azu 'he bhú dabili bini ne Yesu-o. ³ Abhomu-o, Malia aha gili bini inde li mungotsi na mase naali adu bhú e-o. U amene nani mungotsi ango-o bha li ndula inde 'li e me nalade.* Aní aha, aní atuko li 'dhu Yesu. Aní akuo 'dhu aní ne sundjo e. Bádhá se mungotsi ango-o atsia aha eti-e libhomu.

⁴ Engú bini, Yuda Isikaliote, suka omakpata gba Yesu, kpála inde apú aní pi obhulu yala-a, atsia apa me: ⁵ «A ayo igini de me u tsindji mungotsi inde-e li li denalio kámá bata, amba u ha falanga ango-o pi obhulu ndibhili-e dí?» ⁶ La-a, a ko de me aní apa mo-o, anga aní adu ne ndjinga obhulu ndibhili-e de. Engú bini, a ko anga aní adu bhulu 'zi. Padhá de, anga aní adu la alila gba tia lie ngae-e, aní adu azi tété. ⁷ Engú bini, Yesu atsia apa me: «'O ele bhomu! Padhá de, anga engú inde aní amene e, a ngubula ekpí inde u azí ma lie bhú lata ko. ⁸ Padhá de, anga yi adu bhú dabili bini ne obhulu ndibhili ndu 'kpí hana. Engú la bini, ngama-a, ní dú ne yi ndu 'kpí hana de.»

Ongbengbe odimandé adje lio ngu nabhole Ladjalo

* 12:3 12:3 Nalade: A ko mungotsi inde u amemene e li 'kpá ulu. Tsia bhú Mat. 26:7.

⁹ Abhomu-o, bhiti omaYuda adje me Yesu abhú kuti na Betania, u atsia anu oo. U nu oo bha bini ngubula Yesu de, engú bini, u anu di me o u Ladjalo inde li Yesu azuku e-o. ¹⁰ Abhomu-o, ongbengbe odimandé gba Ebhe-e atsia adje lio me o bhelè di Ladjalo. ¹¹ Padhá de, anga omaYuda bhelé adu a'o ká uo, u atsia adu abhuka Yesu ka engú gba Ladjalo-o.

Yesu ali bhú gudhu na Yelusalema

(Tsia bhú Mat. 21:1-11; ne bhú Mk. 11:1-11; di ne bhú Luk. 19:28-40.)

¹² Ekpí bhe pipita-a, bhiti okpála na bhíhiti inde ago bhú anokomia na Pasika adje me Yesu adji bhú gudhu na Yelusalema. ¹³ Abhomu-o, u abha 'kpá ngulu, u aze ngú nanu nakè lio ne ani. U atsia adu asusula me:

«Sangu pi Ebhe!

A ayo me Ebhe Ngámá tuko bisagu pí kpála inde ngago ne 'li ani-o!

A ayo me Ebhe tuko bisagu pí 'ngbé Ngámá gba omafalaale-o!†»

¹⁴ Yesu au ndili punda, ani atsia a'u pí 'ngbu ani maka li Bhuku apa lie me:

¹⁵ «Gudhu na Siona, mo odjé tsula de!

Tsitsia, 'ngbé Ngámá gba ma-o ngago, ani adu pí 'ngbu ndili punda na oelè.†»

¹⁶ Li nedhinga bhomu-o, omukpata gba ani-e mbila nga nani ta engú ang-o de. La li nedhinga inde li Yesu asia sangu gba e lie, u atsia abhundja me u aye nani ongú bhomu-o bhú Bhuku gba Ebhe-e pindji ani. U atsia amene pí ani.

¹⁷ Abhomu-o, bhiti okpála inde adu nani bhú dabili bini ne ani li nedhinga inde ani a'i Ladjalo lie me ani koto bhú lata-a, ani atsia azuku di ani-e, adu akpokpo 'ngú inde u au e-o. ¹⁸ Kaka-a, bhiti okpála ang-o abhaka ani. Padhá de, anga u adje nani me ani amene ngamba 'ngú bhomu-o. ¹⁹ Abhomu-o, omuFalaisai atsia apa sunda o me: «Yi au, ní ti da namene 'he bini de. Ndu okpála hana agbida nganda ani!»

OGiliki koko agili Yesu

²⁰ OGiliki koko adu bhú ká okpála inde ago bhú gudhu na Yelusalema ngú nadhègè Ebhe bhú anokomia-o. ²¹ U adyudyo lio de Filipino, kpála na gudhu na Betesaida, bhú ndu doto na Galilaya. U atsia apa pí ani me: «Musuno, ya akunda nau Yesu.» ²² Filipino anu apa pí Andili. Pipita-a, ndu uo bhisi hana atsia anu apa pí Yesu. ²³ Yesu agie pí uo me: «Mbia inde-e, a ko nedhinga inde a ayo lie me Ndili gba kpála sia sangu gba e-o. ²⁴ A moko, ma apa pí yi na paká me: i du me, i ngano bini nde ati bhú doto, i kpi de-e, i tígala bha ngae kpi e kpi. Engú bini, i du la me

a nde akpi-e, i lí lí bhelé. ²⁵ Kpála inde akunda mukobho gba e, ani kpi. Engú bini, li kpála bini kunda Ebhe ane mukobho gba e píla doto inde-e, mukobho ang-o líla lie, li kpála ang-o tsia sia di mukobho na duduma. ²⁶ I du me kpála nde akunda namene kulu lie muma-a, a ayo me kpála ang-o kpata ma. La di-e, bili inde ma adú li e, kpála na kulu gba ma-a adú bhadi oo. 'Dyi ma adhègè kpála inde ngamene kulu muma ko.»

Yesu akpo 'ngú pindji nakpi ka e

²⁷ «Mbia inde-e, bua ma ngadje likabhu. Ma apa la pí? Ma pá de me, <'Dyi ma, kobho ma li nedhinga inde-e de.> Padhá de, anga ma ago ngubula nedhinga ang-o. ²⁸ 'Dyi ma-e, dhègè 'li mu!» Abhomu-o eli ayie abhúlá, atsia apa me: «Ma adhègè ani adhègè. Ma adhègè la matá ani madhègè.» ²⁹ Abhomu-o, bhiti okpála inde adu oo, inde adje la di eli ang-o, adu apa me: «Mugbálá asula bhomu-o ngae!» Okoko atsia adu apa me: «Andjelu bini agama 'ngú pí ani ngae.»

³⁰ La-a, Yesu apa pí uo me: «Eli bhomu-o pa lie ka 'ngú ka ma de. Engú bini, a apa lie ka 'ngú ka yi. ³¹ Mbia inde-e, u akódho 'ngú gba okpála na píla doto. Mbia inde-e, u ató holo bhú 'dhu ngámá na doto inde. ³² La ngama-a, li nedhinga inde u a'é'e ma lie abhúlá-a, ma agbéle ndu okpála hana li pápá gba ma.» ³³ Yesu adu apa 'ngú bhomu-o ngú nasuno lele maka ani akpi lie-o.

³⁴ Abhomu-o, bhiti okpála-a atsia agie pí ani me: «Ya adje bhú bhuku na líli me Masiya adú duduma ne duduma. Lele pí mu ngapa lie me u a'é'e Ndili gba kpála abhúlá? Ndili gba kpála ang-o ne da?»

³⁵ Abhomu-o, Yesu atsia agie pí uo me: «Zi 'ke nga matá bhú ká yi ngubula nedhinga bedi. Yi dhuku bhú nedhinga inde yi nde nga lie ne zi 'ke, ngú nakpe me biti ahólo yi bhú gbilikiti de. Padhá de, anga kpála inde ngadhuku bhú biti-e mbila bili inde ani adji li e de. ³⁶ Nedhinga yi nde lie ne zi 'ke-e, yi bhuka zi 'ke ang-o, amba yi kolo ongisi na zi 'ke.» Pita li Yesu apa engú bhomu-o lie, ani atapa, ani atsia anu awo lie de uo tsutsu.

OmaYuda bhuka Yesu de

³⁷ Abana li Yesu amene ngamba 'ngú lie bhelé-e, omaYuda du abhuka ani de. ³⁸ U du abhuka ani de ngubula napa me engú inde li polofeta Isaya apa e-e, a mene lie, engú inde me:

«Ngámá, abhuka engú inde ya adu apa e da?

Ngámá apana angu gba e pí da?†»

39 Isaya apa di nani me, ka ni li okpála bhomu-o ti nani da nabhuka lie de-e. Aní apa me:

40 «Ebhe agbite djila uo.

Aní adji bua uo maka teme, ngabula me u aú 'kpí de, ngubula me u ambíla 'ngú bini de, di me u adji bua o de, amba Ebhe akóhho uo de.»[†]

41 Isaya apa engú bhomu-o, anga aní au nani sangu gba Yesu-o. Aní atsia akpokpo di 'ngú pindji aní. 42 La-a, belegu bhú ká ongámási gba omaYuda-a , bhelé abhuka Yesu. Engú bini, ka nakpe omuFalisai-e, u du apa engú angó-o mbámhá de. Padhá de, anga u adu akpe me, u apándja o bhú 'ti nadje líli gba Moidje de. 43 U adu akunda me okpála dhogó o ane me Ebhe dhogó o ngae.

Kpála inde abhúka 'li Yesu-o, aní kóhho

44 Yesu asula me: «Kpála inde abhuka ma-a, aní bhuka bhomu-o ma de. Engú bini, aní abhuka kpála inde atima ma ko. 45 Kpála inde ngau ma-a, aní ngau bhomu-o kpála inde atima ma-o. 46 Ngama-a, ma ago pila doto maka zì 'ke, ngubula me ndu okpála hana inde abhuka ma-a, adu bhú bití de. 47 I du me kpála nde adje 'li ma-a, aní lila de-e, ma kóhho 'ngú gba aní-e ngama de. Padhá de, anga ma go ngubula na'o 'ngú pí okpála de. Engú bini, ma ago ngú nakobho uo. 48 Kpála inde ayala ma-a, inde i ziba di 'li ma de-e, u akóhho 'ngú gba aní-o. Eli inde ma apa e, eli angó-o akóhho 'ngú gba aní li sokpí-e ngae. 49 Padhá de, anga ma pa 'ngú gba ma makpe de. 'Dyi ma inde atima ma-a, aha líli muma ngae makpe ngubula ndu 'ngú hana inde a ayo me ma pa e, di ne bhende a ayo me ma kpokpo e-o. 50 Padhá de, anga ma ambíla me líli gba aní-e ngaha mukobho na dudu. Kaka-a, ndu 'ngú hana inde ma ngapa e, ma ngapapa maka li 'Dyi ma apa muma lie ko.»

13

Yesu avulu 'dhu omukpata gba e

1 A adu nani ekpí kala anokomia na Pasika . Yesu ambíla nani me nedhinga nayie ka ni pila doto inde-e, ngú nanu agba 'Dyi ni-e akolo. Aní adu akunda okpála gba e inde pila doto-o. Aní akunda uo akolo ali soso.

2 Yesu ne omukpata gba e adu azu 'he tagolo. A adu me Djabulu nde a'o li bua Yuda, ndili gba Simo Isikaliole, me aní pu Yesu pí obhulu yala. 3 Yesu ambíla nani ndjindji me ngani makpe-e, ni ayie agba Ebhe. Aní atsia ambíla la bhadi ndjindji

me ni agie lini agba Ebhe, la di me 'Dyi ni a'o ndu 'ngú hana sa 'kpa ni. 4 Aní ayie bhúlá, aní ayie li bili nazu 'he-o. Aní agbe bongó inde u adyidi e pí bongó kokoo. Aní aha pála bongó, aní agbite ludu e. 5 Pipita-a, aní aha engu, aní atuko bhú base. Aní aholo navulu 'dhu omukpata gba e ne di. Aní atsia adu akukuo ne bongó inde aní agbite e ludu e-o.

6 Aní akolo li Simo Piele. Do Piele pí aní me: «Ngámá, mo ovulu bha ndju 'dhu ma ngamu makpe?» 7 Yesu atsia agie pí aní me: «Engú inde ma ngamene e mbia inde-e, ma mbila de. Engú bini, mo ombíla sídi.» 8 Piele apa pí aní me: «A mo-o ade. Mu vulu 'dhu ma belegu de bini!» Yesu atsia agie pí aní me: «I du me ma nde vulu 'dhu ma de-e, mu ti da nadu bhú dabilí bini ne ma de.» 9 Simo Piele apa pí aní me: «Ngámá, mo ovulu bha bini 'dhu ma de. Engú bini, vulu di 'kpa ma, ne 'ndji ma!» 10 Yesu apa pí aní me: «Kpála inde avulu kate e avulu-o, kate aní libhomu akolo ndjindji. Aní tí matá da navulu kate e de. Engú bini, aní vulu bha ibili 'dhu e. Ngayi-e, yi bubu. La-a, yi bubu ndu yi hana ade.» 11 Yesu apa 'ngú bhomu-o anga aní adu ambíla ndjindji me, apú ni pí obhulu yala da-ie. Kaka-a, aní atsia apa me: «Yi ndu yi hana bubu ade.»

12 Pita aní avulu 'dhu uo lie, aní aha bongó gba e, aní adyi. Aní agie lie li bili nazu 'he-o. Aní atsia apa pí uo me: «Yi mbila ta 'ngú inde ma amene e li yi-e uu?» 13 Yi nga'i ma me: «Musuno, yi la di nga'i ma me: «Ngámá.» A ko kukulu 'ngú, anga ma mo-o. 14 I du me ngama, inde ne Ngámá, inde la di ne Musuno-o, ma nde avulu 'dhu yi-e, ngayi di-e, yi de vulu 'dhu yi sunda yi moko. 15 Ma asuno pí yi bhomu-o me amba ngayi di-e, yi mene maka ma amene pí yi lie ko. 16 A moko, ma apa pí yi na paká me, kpála na kulu ngbéngbé ane ngámá gba e ade. La di-e, bhulu titima ngbéngbé ane kpála inde atima aní-e ade. 17 Mbia inde-e, yi ambíla ndu ongu bhomu-o hana ambíla. A ko djali pí yi, i du me yi nde ngamene ongu angó-o.

18 Engú inde ma ngapa e, a pí ndu yi hana ade. Ma mbíla okpála inde ma abhu o-o hana. Engú bini, a ayo me engú inde u aye e bhú Bhuku gba Ebhe-e , a mene lie, engú inde me: «Kpála inde ya adu azu 'he ne e bhú dabilí bini-e, adji lie bhulu yala gba ma.» 19 Ma apa pí yi mbia inde-e kala nakolo ka ongu angó-o, amba li engú angó-o akólo lie, yi bhuka me ngama-a «Ma uu.» 20 A moko, ma apa pí yi na paká me: i du me kpála nde asia kpála inde ma atima e, amba aní asia bhomu-o ma. I du la di me

† 12:40 12:40 Tsia bhú Isa. 6:10. † 13:18 13:18 Tsia bhú Ets. 41:10.

kpála nde asia ma-a, amba ani asia bhomu-o kpála inde atima ma-o.»

Yesu apa me Yuda apú ni pi obhulu yala gba ni-o

(*Tsia bhú Mat. 26:20-25; ne bhú Mlk. 14:17-21; di ne bhú Luk. 22:21-23.*)

²¹ Pita li Yesu apa ongu bhomu-o lie, ani asia likabhu li bua e naali. Ani atsia apa mbámbá me: «A moko, ma apa pi yi na paká me: suka yi bini apú ma pi obhulu yala gba ma-o.» ²² Omukpata-a aholo natsitsia bhúla o. U du ambila de me Yesu ngapa inde-e engú gba da-ie de. ²³ Li nedhinga u adu azu 'he lie, suka omukpata gba Yesu inde li Yesu adu akunda e naali-e, aseke 'ndji e pi mbulu ani. ²⁴ Abhomu-o, Simo Piele amene 'kpa e pi mukpata ang-o me, ani yi Yesu me ani ngapa engú gba da. ²⁵ Abhomu-o, mukpata ang-o adji bhúla e li pápá gba Yesu. Ani atsia ayi Yesu me: «Ngámá, a ko e da?»

²⁶ Yesu agie pi ani me: «Ma ngatunu mapa bhú 'mu 'zu-o, kpála inde ma ahá pi e-e, a ko ani.» Abhomu-o, Yesu aha mapa, ani atunu bhú 'mu 'zu-o. Pipita-a, ani atsia aha pi Yuda, ndili gba Simo Isikaliote. ²⁷ Bha li nedhinga li Yuda aha mapa-a lie, Satana ali bhú ani. Yesu atsia apa pi ani me: «Engú inde mu nde ne e, mene má gala!» ²⁸ Kpála bini bhú ká okpála inde u adu azu 'he ne o-o mbila de me ani apa pi Yuda mo-o ka ni-ie de. ²⁹ Li Yuda adu alila tia lie ngae, kaka-a, okpála koko adu abhundja naao me, ani apa pi Yuda me ani kala ezú inde a ayo me u kala e ngu anokomia-o, ne me ani ha mbo ehe pi obhulu ndibhili. ³⁰ Li Yuda aha ndu mapa lie, kolo má gala me-e, ani akoto kilidjo. A adu me ekpi nde abi.

Lili na mbia

³¹ Pita li Yuda akoto lie, Yesu atsia apa me: «Mbia inde-e, Ndili gba kpála, asia sangu gba e asia. Ebhe asia la di sangu ka ani. ³² Maka li Ebhe asia sangu ka ani lie, Ebhe asúno ngae makpe sangu gba ani-o. Ani asúno má gala! ³³ Odi ma, ni dú matá ne yi ngubula 'kpi bhelé de. Pipita-a, yi agili ma. Engú la bini, ma ngapa pi yi mbia inde-e engú inde ma apa e pi omaYuda koko me, yi ti da nanu li bili inde ma adji li e de. ³⁴ Ma ngaha pi yi-e lili na mbia. Lili inde me yi du ne mukunda sunda yi. A ayo me yi du ne mukunda sunda yi maka ma nde lie ne mukunda pi yi ko. ³⁵ Padhá de, anga i du me yi nde ne mukunda sunda yi-e, li ndu okpála hana mbila me yi ne omukpata gba ma-o.»

³⁶ Simo Piele ayi ani me: «Ngámá, mo odji su?» Yesu agie pi ani me: «Mu ti da nakpata ma li bili ma adji li e mbia inde-e de. Engú bini, mo okpáta ma sidi.»

³⁷ Piele apa pi ani me: «Ngámá, ma ti da nakpata mu mbia inde-e de ka ni? Ma bedhe ngu nandala 'kpa li mukobho gba ma-a ngubula mu!» ³⁸ Yesu agie pi ani me: «Mu bha ndju bedhe ngu nandala 'kpa li mukobho gba mu-o ngubula ma? A moko, ma apa pi mu na paká me, kala me engu ku 'gbá-a, mo opá bhatsibhatsi bata me ni mbila ma de.»

14

Yesu ne kpadji ngu nanu agba Ebhe

¹ Yesu apa pi omukpata gba e me: «Yi a'ó bua yi abhúla de. Yi bhuka Ebhe, yi bhuka di ma. ² Abhú 'ti gba 'Dyi ma-a, dabili nadu tété-e bhelé. Ma adji naleke dabili pi yi. I du mo-o de-e, ma de apa pi yi apa. ³ Pita nanu ka ma naleke dabili pi yi-e, ma agó matá, ma atsia há yi ngu nadu bhú dabili bini ne yi, amba bili inde ma ngadu li e, yi du bhadi tété. ⁴ Yi mbila la di kpadji na bili inde ma adji li e hana.»

⁵ Tuma apa pi ani me: «Ngámá, ya mbila bili mo odji li e de. Ya ti da nambila kpadji-e lele pi?» ⁶ Yesu agie pi ani me: «Ma ne kpadji. Ma ne kakulu 'ngu. Ma la di ne mukobho. Kpála bini ti da nanu agba 'Dyi ma li kpadji koko de, bha bini me ani nde apa li pápá gba ma. ⁷ I du me yi nde ambila ma-a, yi mbila di 'Dyi ma. Nayie pi mbia inde-e, yi mbila ani hana. Yi au la di ani au.»

⁸ Filipo apa pi ani me: «Ngámá, pana 'Dyi mu pi ya, amba ale pi ya.» ⁹ Yesu agie pi ani me: «Filipo, enú ni abhue lie ne yi ngengele-e, mu mbila nga ma sii di? Kpála inde au ma-a, ani au 'Dyi ma au. La ka ni mu ngapa lie me: «Pana 'Dyi mu pi ya?» ¹⁰ Mu bhuka de me ma ngadu bhú 'Dyi ma, 'Dyi ma la di ngadu bhú ma-a di? Oeli inde ma ngapa e pi yi-e, ayie ka ma makpe de. Engú bini, 'Dyi ma inde ngadu bhú ma-a, ani ngamene kulu gba e-o. ¹¹ Yi bhuka ma, maka ma apa lie pi yi me ma ngadu bhú 'Dyi ma, 'Dyi ma la di ngadu bhú ma-o. I du mo-o de-e, yi de bhuka ka kulu inde ma ngamene e-o. ¹² A moko, ma apa pi yi na paká me: kpála inde abhuka ma-a, ani améne bhadi okulu inde ma ngamene e-o. Ani améne belegu okulu na ngbengbengbe ane bhende-e mane. Padhá de, anga ma adji agba 'Dyi ma. ¹³ Ma améne ndu 'ngu hana inde yi ayó e ne 'li ma-a mamene, ngubula me 'Dyi ma sia sangu gba e bhú ma, Ndili gba e ko. ¹⁴ I du me yi nde ayo 'he ka ma ne 'li ma-a, ma améne.»

Ebhe atima Bu Bhobua pi obhulu titima gba Yesu

¹⁵ I du me yi nde akunda ma-a, yi lila olili gba ma-o. ¹⁶ Ma ayó ka 'Dyi ma me ani ha kpála koko ngu nateteke yi. Ani

adú ne yi dudu ma ne dudu ma. ¹⁷ A ko Bua na kukulu 'ngú inde li okpála na pila doto ti da nasia e de. Padhá de, anga u u ani de. U mbila la di ani de. Engú bini, ngayie, yi mbila ani hana, anga ani ngadu bhú ká yi. Ani la di ngadu bhú yi. ¹⁸ Ma 'ó ká yi kpi yi kpi maka otsulosi de. Engú bini, ma agie matá lima agba yi magie. ¹⁹ Atigala nedhinga bedi, okpála na pila doto ú matá ma de. Engú bini, ngayie, yi aú ma, anga ma bhú mukobho. Ngayi di-e, yi adú bhú mukobho. ²⁰ Li 'kpi angoo, yi ambála me ma ngadu bhú 'Dyi ma, yi ngadu bhú ma, ma la di ngadu bhú yi. ²¹ Kpála inde akunda ma-a, a ko kpála inde ngalila, di ne namene olíli gba ma-o. 'Dyi ma akunda kpála inde akunda ma-o. Li ma kúnda di ani. Ma tsia pána lima pi ani.»

²² Abhomu-o, Yuda (a ko Yuda Isikalioote de) apa pi Yesu me: «Ngámá, mo opána bha bini limu pi ya, lele pi mu tsia pána limu pi okpála na pila doto lie de-e?» ²³ Yesu agie pi ani me: «Í dú me kpála nde akunda ma-a, ani méne engú inde ma ngapa e-o. Li 'Dyi ma kúnda ani. Ngaye ne 'Dyi ma-a, ya agó agba ani, ya tsia dúlu oo ko. ²⁴ Kpála inde i kúnda ma de-e, ani méne oeli ma ngapa e de. Engú inde yi ngadje ma ngapa e, a ngayie ka ma ade. Engú bini, a ngayie ka 'Dyi ma inde atima ma ko.

²⁵ Ma apa ongu bhomu-o pi yi li nedhinga inde ní nde ngabha lie ne yi bhú dabili bini-o. ²⁶ 'Dyi ma atima Bu Bhobua pi yi ne 'li ma. Ani atéteke yi ngae. Bu Bhobua angoo asuno ndu 'ngú hana pi yi ngae. Ani tsia méne di me yi bhundja ndu 'ngú hana inde ma apa e pi yi ko. ²⁷ Ma a'o pi yi guo 'ngú . Ma aha guo 'ngú gba ma-a pi yi. Ma ha pi yi maka li okpála na pila doto ngahaha lie de. Kaka-a, yi a'ó bua yi abhúlá de. Yi adjé la di tsulu de. ²⁸ Yi adje maka ma apa lie pi yi me: «Ma adjí, engú bini, ma agie matá lima agba yi magie.» Í dú me yi kúnda ma uu-o, yi de kpi djali kabula me ma adjí agba 'Dyi ma. Padhá de, anga 'Dyi ma ngbéngbé ane ma. ²⁹ Ma apa pi yi mbia inde-e kala me ongu angoo kolo, amba i kolo-o, yi de bhuka. ³⁰ Ma gáma matá 'ngú ne yi ngengele de, anga ngámá na pila doto inde-e ngago. Ani ne angu pí ma belegu ade bini. ³¹ Engú bini, a ayo me okpála na pila doto mbila me ma kúnda 'Dyi ma. U mbila la di me ma ngamene olíli inde ani aha e muma-o. Yi yie bhúlá! Ní yie si yiyie.»

15

Yesu ne ndula na vino na kukulu

¹ «Ma ne ndula na vino na kukulu. 'Dyi ma la ne kpála inde ngaleleke-o. ² Ani nga'e ndu yáyá hana inde aké li ma inde i li líli de ko. Engú bini, ani ngaleke obhende ngali líli-o, amba a lí matá líli bhelé. ³ Eli inde ma apa e pi yi-e, avulu yi avulu. ⁴ Yi du bhú ma, maka ma nde lie bhú yi ko. Padhá de, anga yá ndula ngae kpi e kpi ti da nali líli de, i du me a nde li kute 'lá e ade ko. A bhadi moko, yi ti da nali líli de, i du me yi nde bhú ma ade ko.

⁵ Ma ne ndula na vino. Yi ne oyáyá-o. Kpála inde ngadu bhú ma, ma nde la di ngadu bhú e-e, ani lí líli bhelé. Padhá de, anga i du me yi nde bhú dabili bini ne ma ade-e, yi ti da namene 'he bini de. ⁶ Kpála inde bhú ma ade-e, u abhike ani akilidjo maka u abhibhike yá ndula lie-o. Yá ndula-a 'tulu, u há, u bhike bhú djua, i tsi. ⁷ Í dú me yi nde bhú ma-a, 'li ma nde la di bhú yi-e, yi yo ehe inde yi akunda e, amba yi sia. ⁸ Í dú me yi nde ali líli bhelé-e, yi suno di me yi ne omukpata gba ma-a, li 'Dyi ma tsia sía sango . ⁹ Maka li 'Dyi ma akunda ma lie, ma akunda bhadi yi moko. Yi du bhú mukunda gba ma-o. ¹⁰ Í dú me yi nde alila olíli gba ma-a, yi dú bhú mukunda gba ma-o, maka ma alila olíli gba 'Dyi ma lie, ma ngadu bhú mukunda gba ani-o.

¹¹ Ma apa engú bhomu-o pi yi, ngubula me djali gba ma-a du bhú yi, amba djali gba yi-e du libhomu. ¹² Líli gba ma-a ngae inde: yi kunda liyi sunda yi maka ma akunda yi lie ko. ¹³ Mukunda na ngbéngbé inde li kpála ti da nasuno e, a ko naha mukobho gba e pi oolia e. ¹⁴ Yi ne oolia ma, i du me yi nde amene líli gba ma-o. ¹⁵ Ma nga'i matá yi me okpála na kulu ade. Padhá de, anga kpála na kulu mbila ehe inde li ngámá gba ani-e ngamene e de. Ma nga'i yi me oolia ma. Padhá de, anga ma asuno ndu 'ngú hana inde ma asia e ka 'Dyi ma-a pi yi asuno. ¹⁶ Yi bhú ma ngayi de. Engú bini, ma abhu yi ngama. Ma atima yi me yi nu zu nguwa inde i ti da nabhue mabhue, amba ndu 'he hana inde yi ayó e ka 'Dyi ma ne 'li ma-a, ani de ha pi yi. ¹⁷ La-a, líli ma aha e pi yi-e ngae inde, yi kunda liyi sunda yi.»

Yesu apa me okpála na doto ayála ni ne omaha ni

¹⁸ «Í dú me okpála na doto nde ngayala yi-e, yi mbila ndjindji me u ayala ngaiza ma pi yi kalanu. ¹⁹ Í dú me, yi dú ne okpála na doto-o, okpála na doto de ngakanda yi. Padhá de, anga yi bhú ngu doto. Engú bini, ma abhu yi, ma atsia a'e yi bhú ká okpála na doto. Kaka-a, okpála na doto ngayala

yi. ²⁰ Yi bhundja engú inde ma apa e pi yi-e me: «Kpála na kulu ngbéngbé ane ngámá gba e ade.»[†] Maka nani u ato mbolo li ma lie, u ató bhadi mbolo li yi moko. I dú me u djé 'li ma uu-o, u de adjé bhadi 'li yi moko.

²¹ Engú bini, u améne ndu 'ngú bhomu-o hana li yi kabula ma. Padhá de, anga u mbila kpála inde atima ma-a de. ²² I dú me ma gó de-e, i dú la di me ma kpókpo pi uo de-e, a de okpála namene siti 'ngú ade. Engú bini, mbia inde-e, u mbú li siti 'ngú inde u amene e de. ²³ Kpála inde ayala ma-a, ani ayala di 'Dyi ma. ²⁴ Ma amene bhú ká u ongamba 'ngú , inde li kpála bini mene nga e de. I dú me ma méne mo-o de-e, a de okpála namene siti 'ngú ade. Engú bini, u au ongamba 'ngú gba ma-o, u ayala ma, u atsia yala di 'Dyi ma. ²⁵ Engú bini, engú bhomu-o akolo ngubula me, eli inde u aye e bhú líli gba uo-o, amene lie, eli inde me: «U ayala ma padhá, tata tété ade.»[†]

²⁶ Ma atíma pi yi kpála inde a ayo me ani teteke yi-o. Kpála ang-o ayie agba 'Dyi ma. A ko Bua na kukulu 'ngú inde ayie agba 'Dyi ma-o. Nedhinga ani agó lie, ani akpókpo 'ngú gba ma-a ngae. ²⁷ Ngayi di-e, yi akpókpo 'ngú gba ma-o. Padhá de, anga ní adu ne yi nayie li lilita.»

16

¹ «Ma apa 'ngú bhomu-o pi yi, amba yi a'ó de me nabhuka gba yi-e kpi-e de. ² U apándja yi bhú otí nadje líli gba Moidje . La di-e, ekpí akólo makolo, li okpála inde abhili yi-e adú abhundja lie me o ngamene lio bhomu-o kulu pi Ebhe. ³ U améne mo-o, anga u mbila 'Dyi ma de, u mbila la di ma de. ⁴ Kaka-a, ma apa 'ngú ang-o pi yi kalanu, amba li engú ang-o akólo lie, yi de bhundja me ma apa engú ang-o pi yi apa.»

Bua na kukulu 'ngú agó mago

«Ma pa nga nani engú ang-o pi yi nayie li lilita de, anga ní adu nga nani ne yi bhú dabili bini. ⁵ Mbia inde-e, ma adjí agba kpála inde atima ma ko. La-a, kpála bini bhú ká yi yi ma de me: «Mo odji su?» ⁶ Engú bini, bua yi abedhe ne babuma, anga ma apa pi yi moko. ⁷ Ma apa la pi yi na paká me, pi yi-e, a ndjindji me ma nu. Padhá de, anga i dú me ma nde nu de-e, kpála inde atéteke yi-e gó-o de. Engú bini, i dú me ma nde anu-o, ma tsia tima ani pi yi. ⁸ Nedhinga ani agó lie, ani asúno pi okpála na doto me u ngapite lio pindji osisiti 'ngú inde u ngamene e-o. U di ngapite lio pindji ngbili 'ngú , di ne pindji nakodho 'ngú gba Ebhe-o. ⁹ U ngapite lio pindji osisiti 'ngú inde u ngamene e, anga u bhuka ma de.

¹⁰ U ngapite lio pindji ngbili 'ngú, anga ma adjí agba 'Dyi ma. La di-e, u ú matá ma de. ¹¹ U ngapite lio pindji nakodho 'ngú, anga u akodho 'ngú gba ngámá na doto inde-e akodho.

¹² Ma matá ne engú bhelé napapa pi yi. Engú bini, yi ti da nakikibila mbia inde-e de. ¹³ Nedhinga li Bua na kukulu 'ngú-o agó lie, ani asúno pi yi ndu okukulu 'ngú hana. Ani pá 'ngú gba e makpe-e de. Engú bini, ani apá ndu 'ngú hana inde ani adjé e-o. Ani tsia pá di ndu 'ngú hana inde akólo-o pi yi. ¹⁴ Ani adhégo ma. Padhá de, anga ndu 'ngú hana inde ani apá e pi yi-e, ani asia ka ma. ¹⁵ Ndu 'he gba 'Dyi ma-a hana, a ko di naama 'he. Kaka-a, ma apa me ndu 'ngú hana inde li Bua apá e pi yi-e, ayie ka ma.»

Yesu apa me babuma adjí lie djali

¹⁶ «Pita nedhinga bedi, yi ú matá ma de. La matá pita nedhinga bedi-e, yi ú ma.» ¹⁷ Omakpata koko gba ani-e apa sunda o me: «Ani apa pi ní me: «Pita nedhinga bedi, yi ú matá ma de. La matá pita nedhinga bedi-e, yi ú ma.» Ani apa matá di me: «Ma adjí agba 'Dyi ma.» Engú bhomu-o akunda napa pi?» ¹⁸ U adu apa matá me: «Engú inde ani ngapa e me: «Nedhinga bedi», a akunda napa pi? Ní mbila engú inde ani ngapa e de.»

¹⁹ Yesu ambila me, u ngakunda nayi ni. Abhomu-o, ani atsia apa pi uo me: «Yi ngagili sunda yi ta 'ngú inde me: «Pita nedhinga bedi, yi ú matá ma de. La matá pita nedhinga bedi-e, yi ú ma.» ²⁰ A moko, ma apa pi yi na paká me yi akú 'gbá, yi tsia lópolo di liyi. La-a, okpála na doto adú naao akpi djali. Yi adú ne babuma engú bini, likabhu gba yi-e adjí lie djali. ²¹ Nedhinga li ølø ngazu lie, ani dú adje likabhu naali. Padhá de, anga nedhinga na likabhu pi ani akolo. Engú bini, nedhinga inde ani azu lie, ani 'fili 'to e 'to likabhu ang-o hana ka djali. Padhá de, anga u azu kpála-kuti pála doto. ²² Ngayi di-e, mbia inde-e, yi bhú likabhu. Engú bini, ma aú matá yi mau. Yi tsia kpi djali li bua yi. La di-e, kpála bini 'é djali ang-o bhú yi de.

²³ Li ekpi ang-o akólo lie, yi yi matá ma li 'ngú belegu de bini. A moko, ma apa pi yi na paká me ndu 'he hana inde yi ayó e ka 'Dyi ma ne 'li ma-a, ani ahá pi yi maha. ²⁴ Nakolo pi mbia inde-e, yi yo nga 'he ne 'li ma belegu de bini. Yi yoyo, amba yi sia, ngubula me djali gba yi-e du bedhe.»

Yesu aha angu doto

²⁵ «Engú bini, ma apa 'ngú bhomu-o pi yi bhú ogbitaku. Nedhinga inde ngago-o, ma pá matá 'ngú pi yi mo-o belegu de bini.

[†] 15:25 15:25 Tsia bhú Ets. 35:19, 69:5.

La-a, nedhinga ango-o, ma akpókpó onǵú gba 'Dyi ma-a pi yi mbámábá. ²⁶ Li 'kpí ango-o, yi ayó 'he ka 'Dyi ma ne 'li ma. Ma pa la di pi yi de me, ma ayó 'Dyi ma Ebhe pi yi-e de. ²⁷ Padhá de, anga 'Dyi ma, ngae makpe akunda yi. Ani akunda yi, anga yi akunda ma. La di-e, anga yi abhuka me ma ayie agba Ebhe. ²⁸ Ma ayie agba 'Dyi ma. Ma atsia ago pílá doto. Mbia inde-e, ma nga'o ká doto, ma tsia gíe lima agba 'Dyi ma.»

²⁹ Abhomu-o, omukpata gba ani-e atsia apa pi ani me: «Tsia nga mbia inde-e, mu ngapa 'ngú mbámábá. Mu matá ngapapa bhú ogbitaku ade. ³⁰ Mbia inde-e, ya ambila me, mu ngambila ndu 'ngú hana. A padhá me u yi mu li 'ngú. Kaka-a, ya ngabhuka me mo oyie agba Ebhe.» ³¹ Yesu atsia agie pi uo me: «Yi abhuka la mbia inde-e abhuka? ³² Yi tsitsia nga. Nedhinga ngago, mbia inde-e, nedhinga ango-o akolo, nedhinga inde yi andjámabala lie má mue! Kpála ne kpála atápa li kpadji gba e. Yi tsia 'ó la di ká ma kpi ma kpi. Engú bini, ma la kpi ma kpi ade, anga 'Dyi ma bhú dabilí bini ne ma. ³³ Ma apa 'ngú bhomu pi yi, amba yi sia guo 'ngú bhú ma. Yi asia líkabhu pílá doto. Engú bini, yi adjé tsulu de! Padhá de, anga ma aha angu doto aha.»

17

Yesu ayo Ebhe ngú e makpe

¹ Pita li Yesu apa onǵú bhomu-o lie, ani atsia 'kpí ne bhúlá, ani atsia apa me: «'Dyi ma, nedhinga akolo. Ha sangu muma, ngama Ndili gba mu-o, amba ngama, Ndili gba mu-o, ma ha di sangu pi mu. ² Padhá de, anga mo oha angu muma pí 'ndji ndu okpála hana, amba ma ha mukobho na dudu ma pi ndu okpála hana inde mo oha o muma-o. ³ La-a, mukobho na dudu ma-a, a ko me u mbila mu, ngamu koli Ebhe inde na kukulu-o. A ko me u mbila la di Yesu Kilisito, kpála inde mo otima e-o. ⁴ Ma aha sangu pi mu pílá doto. Ma andjia kulu inde mo oha e muma me ma mene e andjia. ⁵ La mbia inde-e, 'Dyi ma, ha sangu muma de mu, sangu inde ma adu nani ne e agba mu kala me u bho doto ko.»

Yesu ayo Ebhe ngubula omukpata gba e

⁶ «Ma asuno 'li mu pi okpála inde mo 'e o bhú ká okpála na doto, mo otsia aha o muma-o. A ko nani okpála ka mu, mo otsia aha uo muma. U atsia alila la di 'li mu. ⁷ Mbia inde-e, u ambila me ndu 'he inde mo oha e muma hana, ayie ka mu. ⁸ Padhá de, anga oeli inde mo okpokpo e muma-a, ma akpokpo pi uo. U asia oeli ango-o. U ambila na paká me ma ayie agba mu. U atsia abhuka di me mo otima ma ngamu.»

⁹ Ma ngayo mu ngubula uo. Ma ngayo mu ngubula okpála na doto ade. Engú bini, ma ngayo ngubula obhende mo oha o muma ko. Padhá de, anga a ko okpála ka mu. ¹⁰ Ndu 'he inde ka ma-a hana, a ko naamu. Ndu 'he inde la di ka mu-o hana, a ko naama. La di-e, ma atsia asia sangu ka uo. ¹¹ Ma matá ne kpála na doto ade. Engú bini, ngauo-o, a ko okpála na doto. Ngama-a, ma adji agba mu. 'Dyi ma inde bubu, lila uo ne 'li mu inde mo oha e muma-o, amba u du bini maka ngani ne mu, ní nde lie bini-o. ¹² Nedhinga ya adu lie ne uo-o, ma alila uo ne 'li mu inde mo oha e muma ko. Ma alila uo ndjindji, kpála bini bhú ká uo ngita de. Angita bha bini ne kpála inde a ayo me ani ngita-o ngubula me engú inde u aye e bhú Bhuku-o, a amene lie.

¹³ La mbia inde-e, ma adji agba mu. Ma ngapa mo-o li nedhinga inde ma nde nga lie pílá doto, amba u sia djali gba ma-a bhú o makpe, u bedhe la di ne di bedhe. ¹⁴ Ma aha 'li mu pi uo. Okpála na doto atsia ayala uo. Padhá de, anga uo bhú ngu doto ade, maka ma nde lie bhú ngu doto ade ko. ¹⁵ Ma ngayo mu ade me mu 'e uo pílá doto ma'e-e de. Engú bini, ma ngayo mu me lila uo sakpa Siti malila. ¹⁶ A ko okpála na doto de, maka ma nde lie ne kpála na doto ade ko. ¹⁷ Mene me u du libhomu bubu li kpadji na kukulu 'ngú. 'Li mu-o, a ko kukulu 'ngú. ¹⁸ Ma atima uo pílá doto, maka mo otima ma lie pílá doto-o. ¹⁹ Ngama makpe-e, ma aha lima hana pi mu ngubula me ngauo di-e, u ha lio hana pi mu li kpadji na kukulu 'ngú.»

Yesu ayo Ebhe ngú ndu okpála hana abhuka ani-o

²⁰ «Ma ngayo bha bini ngubula uo ade. Engú bini, ma di ngayo ngubula okpála bhende abhuka ma ka 'li uo ko. ²¹ Ma ngayo me ndu uo hana du bini. 'Dyi ma, a ayo me u du bhú ní, maka mu nde lie bhú ma, ma la di bhú mu-o. A ayo me u du bini, amba okpála na doto bhuka me mo otima ma ngamu.»

²² Ma aha sangu inde mo oha e muma-a pi uo, amba u du bini maka ngani ne mu ní nde lie bini-o. ²³ Ma bhú uo, mu la di bhú ma. Abhomu-o, u tí da nadu bha ndju bini, amba okpála na pílá doto mbila me mo otima ma ngamu, u mbila la di me mo okunda uo maka mo okunda ma lie ko. ²⁴ 'Dyi ma, mo oha uo muma. Ma akunda me u du bhú dabilí bini ne ma li bilí inde ma nde li e, amba u u sangu gba ma ko, sangu inde mo oha e muma anga mo okunda ma kala nabho doto. ²⁵ 'Dyi ma inde ngbingbili, okpála na pílá doto mbila mu de. Engú bini, ngama-a, ma ambila mu. Okpála inde-e ambila la di me mo

otima ma ngam̄. ²⁶ Ma asuno 'li m̄ pi uo. Ma asuno la matá m̄ pi uo masuno, ngubula me muk̄unda inde m̄ nde ne e m̄ma-a d̄u bhú uo, amba ngama makpe-e, ma d̄u di bhú uo.»

18

U aholo Yesu

(*Tsia bhú Mat. 26:47-56; ne bhú Mlk. 14:43-50; di ne bhú Luk. 22:47-53.*)

¹ Pita li Yesu andjia nayo Ebhe lie, ani anu ne omukpata gba e ayi mutselemutsele inde 'li e me Sedolo. Edyi bini adu oo. Yesu atsia ali ne omukpata gba e bhúbhú. ² Yuda, bhulu napu Yesu-o adu ambila di bili angoo ndjindji. Padhá de, anga Yesu ne omukpata gba e adu anu oo piko. ³ Abhomu-o, Yuda anu abhú 'dyi oo bhú dabili bini ne ká osudha, di ne omulila na 'ngbé 'ti Ebhe gba omaYuda, inde li ongbengbe odimand̄o di ne omufalissai atima o-o. A adu sa 'kpa osudha-a ne otolosi, ne oeke, di ne otia 'gú. ⁴ La-a, Yesu inde adu ambila ndu 'ngú inde akólo li kute e hana-a, adyudyo lie de uo. Ani atsia ayi uo me: «Yi ngagili da?» ⁵ U agie pi ani me: «Ya ngagili Yesu, kpála na Nadjaleta.» Yesu atsia apa pi uo me: «A ko ma.» Yuda, bhulu napu Yesu-o adu di bhú dabili bini ne uo. ⁶ Li Yesu apa pi uo lie me: «A ko ma-a, u agbe lio ne sidi, u atuko kuto má dhululu!

⁷ Yesu atsia ayi matá uo me: «Yi ngagili da?» U agie me: «Ya ngagili Yesu, kpála na Nadjaleta.» ⁸ Yesu apa pi uo me: «Ma apa igini pi yi apa me, a ko ma. I d̄u la me, yi nde ngagili ma-a, yi de 'o okpála koko-o, amba u gbida naao.» ⁹ Engú bhomu-o amene lie mo-o, ngubula me eli inde nani li Yesu apa e, amene lie, eli inde ani apa nani e me: «'Dyi ma, bhú ká okpála inde mo oha o m̄ma-a, saka uo bini ngita ka ma de.»

¹⁰ Simo Piele adu ne mbotia ludu e. Ani aluko ngise angoo bhú 'ti e má vuu! Ani asu Malakusi, kpála na kulu gba 'ngbé dimand̄o gba Ebhe-o. Ani atsia akodho kpadje ani li pápá na kokpa-a má tse! ¹¹ Engú bini, Yesu atsia apa pi Piele me: «Gie mbotia gba m̄-o bhú titi. Mo obhunda naam̄ me likabhu inde li 'Dyi ma aha e m̄ma-a, ma azú-u di?»

U anu ne Yesu kala Ana

¹² Abhomu-o, osudha ne ngámá gba o, di ne omulila na 'ngbé 'ti Ebhe gba omaYuda inde anu naholo Yesu-o, atsia aholo ani. U agbite ani ne ekpu. ¹³ U atsia anu ngaiza ne ani gba Ana. Ana angoo, a ko nani 'dyi wala Kaifa. Kaifa adu nani bhele kpála gba odimand̄o bhú kalanga bhomu-o ngae. ¹⁴ Abhomu-o, Kaifa atsia

aha nani mabhundja pi ongámási gba omaYuda ngae me, a ndjindji mangbo me koli kpála bini kpi ngubula ndu okpála hana.

Piele apa me ni ne mukpata gba Yesu ade

(*Tsia bhú Mat. 26:69-70; ne bhú Mlk. 14:66-68; di ne bhú Luk. 22:55-57.*)

¹⁵ Simo Piele, ngauo ne mukpata koko adu akpata Yesu. Bhele kpála gba odimand̄o-o ambila nani mukpata angoo ndjindji. Kaka-a, mukpata angoo ali nani ne Yesu bhú dabili bini bhú mbadhasu gba bhele kpála gba odimand̄o-o. ¹⁶ Engú bini, Piele atigala naae li 'bh̄e aga akilidjo. Abhomu-o, mukpata koko inde li bhele kpála gba odimand̄o-o ambila e ndjindji-e akoto. U agama 'ngú ne el̄e inde adu alila 'bh̄e aga-o. Ani atsia ato Piele. ¹⁷ El̄e inde adu bhú kulu nalila 'bh̄e aga-a, apa pi Piele me: «Ngamu di-e, m̄u ndi ne saka omukpata gba kpála inde-e adi?» Piele agie pi ani me: «A mo-o ade, ma ne saka uo ade.» ¹⁸ Okpála na kulu, di ne omulila na 'ngbé 'ti Ebhe gba omaYuda-a akpo djua na makala. U ago alulu dede ngú natutu. Padhá de, anga zini adu naali. Piele ago alu di bhú dabili bini ne uo ngú natu djua-o.

Bhele kpála gba odimand̄o ayiyi Yesu

(*Tsia bhú Mat. 26:59-66; ne bhú Mlk. 14:55-64; di ne bhú Luk. 22:66-71.*)

¹⁹ Abhomu-o, bhele kpála gba odimand̄o-o aholo nayiyi Yesu pindji 'ngú gba omukpata gba ani, di ne pindji nasuno gba ani-o. ²⁰ Yesu agie pi ani me: «Ma akpokpo 'ngú mbámá pi ndu okpála hana. Ma adu asuno ndu 'kpi hana bhú oti nadje lili gba Moidje, di ne bhú 'ngbé 'ti Ebhe gba omaYuda li bili li ndu omaYuda hana adu apokobhe bhúla o li e-o. Ma pa 'ngú bhú pepe belegu de bini. ²¹ M̄u ngayi ma ka ni? Yi okpála inde adje ma-a me ma apa pi. Padhá de, anga u mbila engú inde ma apa e ndjindji.» ²² Li Yesu apa lie mo-o, saka okpála nalila 'ngbé 'ti Ebhe gba omaYuda-a asu pála ani má pa! Ani atsia apa pi ani me: «Abhomu-o eli inde m̄u ti da nagie e pi bhele kpála gba odimand̄o gba Ebhe-e?» ²³ Yesu atsia apa pi ani me: «Engú inde ma apa e, i d̄u me a nde sisiti-e, yi de suno sisiti angoo. Engú bini, i d̄u la me ma nde apa ndjindji-e, mo otsia asu la ma ngú ni?» ²⁴ Abhomu-o, Ana atsia atima Yesu pi Kaifa, bhele kpála gba odimand̄o-o me u nde agbigbite ani magbigbite.

Piele apa matá me ni ne mukpata gba Yesu ade

(*Tsia bhú Mat. 26:71-75; ne bhú Mlk. 14:69-72; di ne bhú Luk. 22:58-62.*)

²⁵ Nedhinga angoo, Simo Piele alu de djua-o. Ani adu atutu. U atsia apa pi ani me: «Ngamu di-e, mu ne suka omukpata gba kpala inde-e adi?» Piele ayala, ani atsia apa me: «A mo-o ade, ma ne suka uo ade.» ²⁶ Suka okpala na kulu gba bhele kpala gba odimandé gba Ebhe-e, inde adu kpala na piga gba kpala li Piele akodho kpadje e, ayi Piele me: «A ko mu di inde ma au nako e ne Yesu abhú 'dyi-e?» ²⁷ Engú bini, Piele atsia ayala matá. Bha bini li nedhinga angoo, engu atsia aku 'gbá.

U anu ne Yesu kala Pilato

(Tsia bhú Mat. 27:1-2, 11-14; ne bhú Mlk. 15:1-5; di ne bhú Luk. 23:1-5.)

²⁸ Abhomu-o, omaYuda ayie ne Yesu agba Kaifa, u atsia anu ne ani agba ngamá na Loma, inde adu atsia 'kpi li ndu doto-o. A adu kékpi má bhé! Engú bini, omaYuda li naao abhú 'ti oo de. Padhá de, anga u adu akunda nadu bubu kala Ebhe, amba o zu anokomia na Pasika-o. ²⁹ Kaka-a, Pilaté ngámá na ndu doto angoo ago abhaka uo akilidjo. Ani atsia ayi uo me: «Yi agbe kpala inde-e kala ma me ani nde amene mangua siti 'ngú dho?» ³⁰ U agie pi ani me: «Li kpala inde-e dú ne siti kpala de-e, ya de go ne ani pi mu de.» ³¹ Abhomu-o, Pilaté atsia apa pi uo me: «Yi ha ani ngayi makpe, amba yi kodho 'ngú gba ani-e maka li líli gba yi-e apa lie ko.» OmaYuda agie pi ani me: «U ha kpadji pi ya ngú nabhele kpala de.»

³² Engú bhomu-o amene lie mo-o ngú nakpata engú inde li Yesu apa nani e-o. Engú inde ani apa nani e ngú nasuno lele maka ani akpi lie ko. ³³ Abhomu-o, Pilaté agie matá lie abhú 'ti. Ani a'i Yesu, ani atsia ayi ani me: «Mu ne 'ngbé ngámá gba omaYuda?» ³⁴ Yesu agie pi ani me: «Engú inde mo opa e bhomu-o, mo obhundja bha ngamu makpe? Ne me okpala koko apa 'ngú gba ma-a pi mu ngao!» ³⁵ Pilaté agie pi ani me: «Ngama-a, ma ne maYuda? Okpala na kuti gba mu di ne ongbengbe odimandé gba Ebhe-e apu mu muma. Mo omene la mangua 'ngú dho?»

³⁶ Yesu agie pi ani me: «Nau gba ma-a, a ko bhende na doto inde-e de. I dú bhende na doto inde-e, okpala gba ma-a de agu 'gú, ngubula me u apu ma pi omaYuda de. Engú bini, nau gba ma-a, a ko bhende na doto inde-e de.» ³⁷ Pilaté atsia apa pi ani me: «A akunda napa me, mu ne 'ngbé ngámá?» Yesu agie pi ani me: «Mo opa ngamu me ma ne 'ngbé ngámá. U azu ma, ma atsia ago pila doto ngú nakpokpo 'ngú pindji kukulu 'ngú. Kpala inde bhú kukulu 'ngú-o ngadje engú inde ma ngapa e-o.»

³⁸ Pilaté ayi ani me: «Kukulu 'ngú-o, a ko ní?»

Pita li Pilaté apa 'ngú bhomu-o lie, ani akoto, ani anu matá nabhaka omaYuda akilidjo. Ani atsia apa pi uo me: «Ma u engú inde u ti da nabhele kpala inde-e ka e belegu de bini. ³⁹ Engú bini, maka u amemene lie agba yi-e, bhú anokomia na Pasika-a, a ayo me ma tse 'kpa li bhulu 'kpá pi yi bini. Yi akunda me ma tse 'kpa li 'ngbé ngámá gba omaYuda-a pi yi?» ⁴⁰ Abhomu-o, u aholo asusula me: «Hi! Ngaani de. Engú bini, tse mangbo pi ya 'kpa li Balabasi!» La-a, Balabasi nani ne 'ngbé bhulu 'zi.

19

¹ Abhomu-o, Pilaté atsia apa me u go ne Yesu, amba u bhí ani ne fimbo. ² Osadha agala ehe na eti má kilili, u ato bhú 'ndji ani! U atsia ato di bongo na zambe zambe li kute ani. ³ U adu ago de ani. U atsia adu apa pi ani me: «'Ngbé ngámá gba omaYuda-a, atou!» U adu di nabhi bhula ani.

⁴ Abhomu-o, Pilaté akoto matá kilidjo. Ani atsia apa pi uo me: «Yi djedje nga! Ma agbé ani pi yi kilidjo ei, amba yi mbila ndjindji me ma u belegu ehe bini de inde ma ti da naholo ani ngú e.» ⁵ Abhomu-o, Yesu atsia akoto kilidjo me u nde ato ehe na eti-e bhú 'ndji ani, ani nde di ne bongo na zambe zambe li kute e. Abhomu-o, Pilaté atsia apa pi uo me: «Kpala angoo i!» ⁶ Engú bini, li ongbengbe odimandé gba Ebhe, di ne omulila na 'ngbé 'ti Ebhe au ani lie me-e, u aholo nasusula me: «Gi ani li kulusi! Gi ani li kulusi!» Pilaté apa pi uo me: «Yi nu gi ani li kulusi ngayi makpe. Padhá de, anga ngama-a, ma u belegu ehe bini de inde ma ti da naholo ani ngú e.» ⁷ OmaYuda agie pi ani me: «A ka ya ne líli. A ayo me ani kpi maka li líli angoo apa lie-o. Padhá de, anga ani apa me ni ne ndili gba Ebhe.»

⁸ Li Pilaté adje engú bhomu-o lie, ani adje matá tsulu naali. ⁹ Ani agie lie abhú 'ti. Ani atsia ayi Yesu me: «Mo oyie su?» Engú bini, Yesu gie 'ngú de. ¹⁰ Abhomu-o, Pilaté atsia apa pi ani me: «Mu kunda nagama 'ngú muma di? Mu mbila de me ma ne angu natse 'kpa li mu. Ma la di ne angu nagi mu li kulusi-e di?» ¹¹ Yesu atsia apa pi ani me: «Mu ne angu pi ma belegu ade bini. I dú me Ebhe há angu pi mu de-e, mu de ti da namene 'he bini ngú ma de. Kaka-a, kpala inde apu ma pi mu-o, amene siti 'ngú naali ane mu.» ¹² Nayie li nedhinga bhomu-o, Pilaté adu agili kpadji me ni tse 'kpa li Yesu. Engú bini, omaYuda aholo asusula me: «I du me mu nde atse

'kpa li kpála bhomu-o, amba mu kunda 'ngbé ngámá Kaisala de! Ndú kpála hana inde apa me ni ne 'ngbé ngámá-a, a ko bhulu yala gba 'ngbé ngámá Kaisala!»

¹³ Li Pilate adje eli bhomu-o lie, ani agbe Yesu kilidjo. Pilate atsia adu pí dabili nakodho 'ngú-o, li bili inde u a'i e me «U apa oteme kuto» (inde u a'i e bhú eli na ebele me «Gabata»). ¹⁴ A adu nani masakpe de tulukpe, kala ekpí na Pasika. Pilate apa pi omaYuda me: «'Ngbé ngámá gba yi-e i!» ¹⁵ Engú bini, u aholo nasusula me: «Bhøle ani! Bhøle ani! Gi ani li kulusi!» Pilate apa pi uo me: «A ayo me ma gi 'ngbé ngámá gba yi-e li kulusi?» Ongbengbe odimandø gba Ebhe-e agie pi ani me: «'Ngbé ngámá koko ka ya ade. A ko bha bini 'ngbé ngámá Kaisala.» ¹⁶ Abhomu-o, Pilate atsia atse 'kpa li Yesu ngabula me u gi ani li kulusi.

U agi Yesu li kulusi

(Tsia bhú Mat. 27:32-44; ne bhú Mlk. 15:21-32; di ne bhú Luk. 23:26-43.)

U aha Yesu, u atsia atapa ne ani. ¹⁷ Yesu abi kulusi gba e ngae makpe. Ani atsia akoto nayie bhú gudhu akolo li bili na «Pelege 'ndji» (u a'i e bhú eli na ebele me «Gologota»). ¹⁸ A bhomu-o bili inde li osudha agi Yesu li e li kulusi-o. U atsia agi di okpála koko bhisi li kulusi. Yesu adu tutu, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. ¹⁹ Pilate atsia aha di líli me, u ye balua, amba u bhi li kulusi gba Yesu-o. Balua ang-o adu me: «YESU, KPÁLA NA NADJALETA, 'NGBÉ NGÁMÁ GBA OMA YUDA.»

²⁰ Abhomu-o, omaYuda bhelé anga balua ang-o. Padhá de, anga bili inde u agi nani Yesu li kulusi li e, a adu de gudhu masakpe. La di-e, balua ang-o adu bhú eli na ebele, a adu bhú eli na latino, a atsia adu di bhú eli na giliki. ²¹ Abhomu-o, ongbengbe odimandø gba omaYuda atsia apa pi Pilate me: «Mo oyé de me, <'ngbé ngámá gba omaYuda-a> de. Engú bini, ye mangbo me, <Kpála bhomu-o apa me, ma ne 'ngbé ngámá gba omaYuda.>» ²² Pilate agie pi uo me: «Bhende ma aye e, adji lie de.»

²³ Li osudha agi Yesu li kulusi lie, u abha obongo gba ani-o. U agbo bhusu bhusu badha. Sudha bini ne bini aha naae bini. U atsia aha di bongo gba ani inde u du e madu de-o. Pápála adu bha bini nayie abhulá akolo akuto. ²⁴ Osudha-a apa sunda o me: «Ní asidha bongo inde-e de. Engú bini, ní gu mangbo gbanda tété, amba ní

mbila me a adú na da.» U amene mo-o ngabula me eli inde u aye e bhú Bhuku-o, amene lie, eli inde me:

«U agbogbo bhusu o li obongo gba ma-o. U atsia agú gbanda li bongo gba ma ko.»[†] A bhomu-o engú inde li osudha amene e-o.

²⁵ Malia , 'hi Yesu, ne ndai e na øøø, ne Malia , wala Kolopasi, di ne Malia , kpála na kuti na Magadala, alulu de kulusi gba Yesu-o. ²⁶ Yesu au 'hi e ne mukpata inde li ani adu akunda e naali-o. Mukpata ang-o adu me ani nde alu de 'hi ani oo. Ani atsia apa pi 'hi e me: «Øø-e,* tsia ndili gba mu-o i.» ²⁷ Pipita-a, ani atsia apa pi mukpata-a me: «Tsia 'hi mu i.» Nayie li nedhinga bhomu-o, mukpata-a atsia aha 'hi Yesu agba e.

Yesu akpi

(Tsia bhú Mat. 27:45-56; ne bhú Mlk. 15:33-41; di ne bhú Luk. 23:44-49.)

²⁸ Pita ongu bhomu-o, Yesu ambila me, mbia inde-e, ndu 'ngú hana andjia. Abhomu-o, ngabula me 'li Bhuku-o amene lie akolo ali soso-o, ani atsia apa me: «A li ma ne gumu 'ngu.» ²⁹ Lusa bini adu oo. A adu bhúbhú ne kpongadha pandi bedhe. Osudha aha epondje, u ato bhú kpongadha pandi-o. U agbite li ndula inde u a'i e me idjope.[†] U atsia adyudyo de 'bhø Yesu masakpe. ³⁰ Li Yesu andji kpongadha pandi-e lie, ani atsia apa me: «Ndú 'ngú hana andjia!» Abhomu-o, ani atú 'ndji e ne kuto, ani atsia andala 'kpa li bua e.

Sudha bini adu pá kala Yesu ne mandambi

³¹ A adu nani ekpí inde u adu aleke lio lie ngu ekpí nago-o . Ongámási gba omaYuda du akunda de me okuo okpála du li okulusi li 'kpi nago-o de. Padhá de, anga ekpí nago ang-o, adu ngbengbé ane okoko mane. Kaka-a, u atsia ayo ka Pilate me u gugumu 'dhu okpála inde u agi o li okulusi-o, amba u 'e okuo u tété ma'e. ³² Abhomu-o, osudha ago de okpála inde u agi o li okulusi bhú dabili bini ne Yesu-o. U agugumu 'dhu kpála bhe na kalanu-o. Pipita-a, u agugumu 'dhu kpála bhe koko-o. ³³ U akolo lie li Yesu-o, u abhaka me ani nde akpi. Kaka-a, u gugumu 'dhu ani de.

³⁴ Engú bini, sudha bini adu pá kala ani ne mandambi má pøø! Kolo me-e, ngute di ne engu aze bhú eka ang-o. ³⁵ Kpála inde ngakpokpo ongu inde-e, au ongu ang-o ne djila e. La di-e, ongu inde ani ngakpokpo e, a ko kukulu 'ngú. Ngaani-e, ani mbila ndjindji me ni ngakpo e kukulu 'ngú. Ani ngakpokpo ngabula

[†] **19:24** 19:24 Tsia bhú Ets. 22:19. * **19:26** 19:26 Li kulusi-e, Yesu agama 'ngú pi 'hi e maka Ebhe. Kaka-a, ani a'i ani me: «Øø-e.» [†] **19:29** 19:29 Idjope: A ko suka ondula na gba omaYuda. Epondje nani u ato e bhú kpongadha pandi inde u aha nani e pi Yesu me ani ndji-e, nedhinga ani adu lie li kulusi-e, u agbite nani li Idjope.

me ngayi di-e, yi bhuka. ³⁶ Ongú bhomu-o akolo ngabula me engú inde u aye e bhú Bhuku-o, amene lie, engú inde u aye e me: «U gúmu suka biki ani belegu de bini.» ³⁷ La di-e, u aye bhú Bhuku li bili koko me: «U atsia kpála inde u adu e-o.»

U azi Yesu

(Tsia bhú Mat. 27:57-61; ne bhú Mlk. 15:42-47; di ne bhú Luk. 23:50-56.)

³⁸ Pita ongú akodho 'kpí-e, Djodjefu , kpála na gudhu na Alimatayo, ayo ka Pilatò me ani ha kpadji pi ni ngu na'e kuo Yesu. (Djodjefu nà ne suka omukpata gba Yesu-o. Engú bini, ani du asuno lie mbámbá de, anga ani adu akpe ongámási gba omaYuda-o.) Pilatò aziba pi ani. Abhomu-o, Djodjefu anu, ani atsia a'e kuo Yesu. ³⁹ Nikodemu, inde anu nani nabhaka Yesu 'kpí bini sukpe-e, ago di. Ani ago ne mungotsi inde u amene e li mila bhú dabili bini ne aloesi. ⁴⁰ Mungotsi angu-o, adu masikpe de kilo ndjikpa bata. ⁴⁰ Abhomu-o, ndu uo bhisi hana aha kuo Yesu. U agalala ne opapala bongo na lene me u nde atuko mungotsi tété, maka li omaYuda adu amemene lie bhú nedhinga nazi kuo-o. ⁴¹ Li bili nani u agi Yesu li e li kulusi-e, edyi bini adu oo. Bhú 'dyi angu-o, edú bini na mbia adu oo. Edú angu-o, u zi nga nani kpála bini bhúbhú de. ⁴² U atsia ato Yesu bhúbhú. Padhá de, anga u adu agbene lio ka li ekpi nago gba omaYuda adu lie masikpe-o. La di-e, edú angu-o adu oo masikpe.

20

Yesu azuku

(Tsia bhú Mat. 28:1-8; ne bhú Mlk. 16:1-8; di ne bhú Luk. 24:1-12.)

¹ Abhomu-o, bhú 'kpí yinga kèkpí má bhó-o, Malia , kpála na gudhu na Magadala, anu abhú lata. A adu me ekpi nde nga bha ne biti. Ani au me teme inde adu li 'bhè lata-a nde ayie li bhebhe ayie. ² Abhomu-o, ani anu ne holo, ani anu abhaka Simo Piele, di ne mukpata koko inde li Yesu adu akunda e naali-o. Ani atsia apa pi uo me: «U agbe kuo Ngámá bhú lata-a agbe. La-a, ya mbila de me u a'o ani su-oie de.»

³ Abhomu-o, Piele ne uo ne mukpata koko-o aholo 'nú, u atsia agbida abhú lata. ⁴ Ndu uo bhisi hana agu holo. Engú bini, mukpata bhe koko agu naae holo kpekpeke ane Piele mane. Kaka-a, ani atsia akolo abhú lata kalanu. ⁵ Ani akita ne kuto ngú natsia 'kpí bhúbhú. Ani au opapala

bongo na lene me a nde a'o lie oo. La-a, ani li de. ⁶ Abhomu-o, Simo Piele inde adu akpata ani sidi-e, akolo di. Ani atsia ali abhú lata. Ani au opapala bongo na lene me a nde a'o lie oo, ⁷ la di ne bongo bhende adu me a nde abuku bhúla Yesu-o. Bongo angu-o du bhú dabili bini ne opapala bongo na lene de. Engú bini, a adu me a nde agalala naae lie kpi li bili koko. ⁸ Abhomu-o, mukpata koko inde akolo abhú lata kalanu-o, atsia ali di. Ani au, ani atsia abhuka. ⁹ Padhá de, anga nakolo li nedhinga bhomu-o, omukpata mbila nga nani ndjindji de, engú inde u aye e bhú Bhuku gba Ebhe-e me Masiya azúku bhú ká okpála inde amu-o mazuku. ¹⁰ Pita 'ngú bhomu-o, omukpata bhisi-e atsia agie lio agba o.

Yesu akoto li Malia, kpála na kuti na Magadala

(Tsia bhú Mat. 28:9-10; di ne bhú Mlk. 16:9-11.)

¹¹ Malia adu me ani nde alu akilidjo de lata-o. Ani adu naku 'gbá. Nedhinga inde ani adu nga bha lie naku 'gbá-a, ani akita ne kuto ngubula natsia 'kpí abhú lata. ¹² Ani au oandjelu bhisi. U adyidyí obubu bongo. U adulu li bili inde u a'o nako kuo Yesu li e ko. Bini adu li pápá na 'ndji ani, koko atsia adu li pápá na 'dhu ani. ¹³ Oandjelu-o ayi Malia me: «Olo-e, mu ngaku 'gba ngú ní?» Ani agie pi uo me: «U a'e kuo Ngámá gba ma-a a'e. Ma mbila de me u a'o su-oie de.»

¹⁴ Pita ani apa 'ngú bhomu-o lie, ani adji lie, ani atsia au Yesu me ani nde alu oo. Engú bini, ani du ambila de me a ko Yesu-o de. ¹⁵ Yesu ayi ani me: «Olo-e, mu ngaku 'gbá ngú ní? Mu ngagili da?» Malia abhundja me a ko kpála inde ngamene kulu bhú 'dyi-o. Kaka-a, ani apa pi ani me: «'Dyi ma, i du me mu nde a'e kuo Ngámá gba ma-a ngamu-o, suno bili mo o'o li e muma, amba ma nu ha.» ¹⁶ Yesu apa pi ani me: «Malia!» Malia adji lie, ani atsia apa pi ani bhú eli na ebele me: «Laboni!» (A akunda napa me «Musuno.») ¹⁷ Yesu apa pi ani me: «Mo obú 'kpa mu li ma de. Padhá de, anga ma nu nga agba 'Dyi ma abhú lá de. Engú bini, nu bhaka ondaise ma, amba mu pa pi uo me: «Ma adji abhú lá agba 'Dyi ma. A ko la di 'Dyi yi. Ma adji abhú lá agba Ebhe gba ma-o. A ko la di Ebhe gba yi-o.» ¹⁸ Abhomu-o, Malia, kpála na kuti na Magadala, atsia anu akpokpo pi omukpata me: «Ma au Ngámá au!» Ani atsia akpokpo 'ngú inde li Yesu apa e pi ani-e, pi uo.

† 19:36 19:36 Tsia bhú Eki. 12:46; ne bhú Nom. 9:12; di ne bhú Ets. 34:21. † 19:37 19:37 Tsia bhú Djkl. 12:10.

‡ 19:39 19:39 Aloesi: A ko mungotsi inde li se e nde má wese. A ko la di elá, u memene li ndende ndula.

Yesu akoto li omukpata gba e-o
(*Tsia bhú Mat. 28:16-20; ne bhú Mlk. 16:14-18; di ne bhú Luk. 24:36-49.*)

¹⁹ Bha bhú 'kpí yinga bhomu-o tagolo-o, omukpata-a apo bhúla o bhú 'tí bini. U atsia adhodho obhè bhoti nganda o madhodho. Padhá de, anga u adu akpe ongámási gba omaYuda-o. Yesu ago ala tu uo. Ani atsia apa pi uo me: «Guo 'ngú du bhú dabili bini ne yi!» ²⁰ Pita ani apa 'ngú bhomu-o lie, ani asuno 'kpa e, di ne pála kala e pi uo. Li omukpata au Ngámá lie, u abedhe ne djali bedhe. ²¹ Yesu atsia apa matá pi uo me: «Guo 'ngú du bhú dabili bini ne yi! Maka li 'Dyi ma atima ma lie, ngama di-e, ma atima yi.» ²² Pita ani apa lie mo-o, ani a'ulu wo e pí uo, ani atsia apa pi uo me: «Yi sia Bu Bhobua ! ²³ Okpála bhende yi ambú li siti 'ngú gba o-o, li Ebhe mbú di li siti 'ngú gba uo-o. Okpála bhende yi mbú li siti 'ngú gba o de-e, Ebhe mbú di tété de.»

Yesu akoto li omukpata gba e pita Tuma

²⁴ Nedhinga li Yesu akoto li omukpata gba e lie abhú 'tí-e, suka omukpata ndjikpa ne ká bhisi-e Tuma (inde u a'i di-e me Bhuko-o) du bhú dabili bini ne uo de. ²⁵ Abhomu-o, omukpata koko atsia apa pi ani me: «Ya au Ngámá.» Engú bini, ani atsia agie pi uo me: «Ma akunda nau oeka na osete inde li okpa ani-o. Ma akunda na'o likpa ma li pokoli na osete ango-o. Ma akunda la di na'o 'kpa ma li pála kala ani. I du mo-o de-e, ma bhúka de.» ²⁶ Pita 'kpí madjina, omukpata gba Yesu apo matá bhúla o abhú 'tí. Tuma adu bhú dabili bini ne uo. Obhè bhoti-e adu me a nde adhodho lie madhodho. Engú bini, Yesu ago, ani ala tu uo. Ani atsia apa pi uo me: «Guo 'ngú du bhú dabili bini ne yi!» ²⁷ Pipita-a, ani apa pi Tuma me: «'O likpa mu sí, amba mu tsia 'kpa ma. Go ne 'kpa mu, amba mu 'o li pála kala ma. Mo odú ne bua na bhisi bhisi de. Du mangbo ne nabhuka .» ²⁸ Tuma agie pi ani me: «Ngámá gba ma, di ne Ebhe gba ma!» ²⁹ Yesu apa pi ani me: «Mo obhuka ka mo ou ma lie? A ko djali pi okpála inde ngabhuka me u nde u ne djila o de ko.»

A inde-e ta bhuku inde

³⁰ Yesu amene matá ongamba 'ngú koko bhelé li djila omukpata gba e-o. La-a, u ye bhú bhuku inde-e de. ³¹ Engú bini, ongú inde aye lie bhúbhú-o, a ko ngabula me yi bhuka me Yesu ne Masiya, Ndili gba Ebhe, amba i du la me yi nde abhuka ani-e, yi de sia mukobho ka 'li ani.

21

Yesu akoto li omukpata gba e lingo ekpe na Tibeliade

¹ Ekpi koko pipita-a, Yesu akoto matá li omukpata gba e lingo ekpe na Tibeliade. Lele maka ani akoto li uo lie, ngae inde: ² a adu nani Simo Piele, ne Tuma, (inde u a'i e me Bhuko), ne Natanaele, (kpála na kuti na Kana, bhú ndu doto na Galilaya), ne ongisi gba Djebedayo, di ne omukpata koko bhisi gba Yesu-o. U adu bhú dabili bini. ³ Simo Piele apa pi uo me: «Ma adji nagbe sungu.» U agie pi ani me: «Ngaya di-e, ní anú ne yi bhú dabili bini.» Abhomu-o, u anu, u atsia a'uh bhú zabu. Engú bini, sukpe bhomu-o, u gbe sungu belegu de bini.

⁴ Li ekpi aholo naseke lie, Yesu ala lingo 'ngu oo. Engú bini, omukpata-a du ambila de me a ko ani-e de. ⁵ Abhomu-o, Yesu atsia apa pi uo me: «Odi ma, yi aholo mbo sungu uu?» U agie pi ani me: «Ya holo de.» ⁶ Ani apa pi uo me: «Yi bhike nado lingo zabu-o ne li pápá na kokpa, amba yi holo sungu.» Abhomu-o, u atsia abhike nado-o bhú 'ngu. U ale nagbele nado ango-o bhú 'ngu pima. Padhá de, anga osungu adu bhúbhú bhíbhiti naali. ⁷ Abhomu-o, mukpata inde li Yesu adu akunda e naali-e apa pi Piele me: «A ko Ngámá!»

Li Simo Piele adje lie me a ko Ngámá-a, ani adyi bongo . Padhá de, anga abhaka me ani nde agbe bongo-o magbe ngú nagbe sungu-o. Ani atsia aga 'i e bhú 'ngu. ⁸ Omukpata koko agie lio ne zabu-o me u nde ngagbele nado-o. Nado ango-o adu me a nde abedhe ne osungu bedhe. U du nani dengo 'go-o tsutsu de. U adu masikpe de metele kámá bini.

⁹ Nedhinga u aze lie apí 'go-o, u au djua ne sungu pépé, di ne mapa. ¹⁰ Yesu apa pi uo me: «Yi go ne té osungu inde yi aholo e-o.» ¹¹ Abhomu-o, Simo Piele a'uh matá bhú zabu-o. Ani agbele nado apigo. Nado ango-o adu me a nde abedhe ne ongbege osungu kámá bini ndjikpa bhuluvue ne ká bata. Abana li osungu adu lie bhúbhú bhelé-e, nado ango-o tsotsolo de. ¹² Yesu apa pi uo me: «Yi go zu 'he.» Kpála bini bhú ká omukpata-a le nayi ani de me: «Mu ne da?» Padhá de, anga u adu ambila hana me, a ko Ngámá. ¹³ Abhomu-o, Yesu adyudyo lie masikpe. Ani aha mapa, ani atsia agapa li uo. Ani atsia aha di sungu-o pi uo. ¹⁴ A adu nani bhomu-o bhutsibhutsi na bata me Yesu koto li omukpata gba e, pita ani azuku lie bhú ká okpála bhende amu ko.

Yesu ayi Piele bhutsibhutsi bata me ani kunda ni uu ie

¹⁵ Pita u azu 'he-e lie, Yesu ayi Simo Piele me: «Simo, ndili gba Djaa , mu kunda ma nane maka li okpála koko inde-e akunda ma lie mane?» Piele agie pi ani me: «Heni, Ngámá, mu mbila hana me

ma kunda mụ.» Yesu apa pi ani me: «Kụ ongisi kandələ gba ma-o.»¹⁶ Yesu ayi matá ani bhətsibhətsi na bhisi-e me: «Simo, ndili gba Djaa, mụ kunda ma uu?» Piele agie pi ani me: «Hení, Ngámá, mụ mbila hana me ma kunda mụ.» Yesu apa pi ani me: «Lila okandələ gba ma-o.»¹⁷ Yesu ayi matá ani bhətsibhətsi na bata-a me: «Simo, ndili gba Djaa, mụ kunda ma uu?» Piele asia likabhū li bua e. Padhá de, anga Yesu ayi ani bhətsibhətsi na bata me: «Mụ kunda ma uu?» Aní atsia apa pi Yesu me: «Ngámá, mụ mbila ndu 'ngú hana. Mụ mbila bhadi hana me ma kunda mụ!» Yesu apa pi ani me: «Kụ okandələ gba ma-o.

¹⁸ A moko, ma apa pi mụ na paká me, nedhinga nani mo odu lie makombi-e, mo odu agbite ekpú gba mụ-o ludu mụ ngamụ makpe. Mo odu la di anu li bili inde mo odu akunda nanu li e-o. Engú bini, nedhinga mo okólo lie 'gbé kpála-a, mo o'é'e 'kpa mụ abhúla, li kpála koko tsia gbite 'kpú gba mụ-o ludu mụ ngae. Aní tsia nú di ne mụ li bili inde mụ kunda nanu li e de.»¹⁹ Yesu adu apa mo-o ngubula nasuno lele maka li Piele akpi lie, ani tsia há la di sangu pi Ebhe ko. Pipita-a, Yesu apa pi ani me: «Kpata ma!»

Piele ayi 'ngú pindji mukpata inde li Yesu adu akunda e naali-o

²⁰ Li Piele adji lie lie, ani au mukpata li Yesu adu akunda e-o, (kpála inde aseke nani 'ndji e pi mbulu Yesu, nedhinga inde u adu azu 'he lie-o, inde atsia ayi di nani Yesu me: «Ngámá, kpála bhende apú mụ-o, a ko da?») ²¹ Abhomu-o, Piele au mukpata ang-o, ani atsia ayi Yesu me: «Ngámá, a la ani-e, a akólo li ani ne mangua 'ngú dho?»

²² Yesu agie pi ani me: «Í du me ma nde akunda me ani du, akolo li nedhinga inde ma agó matá lie, a ko naamu 'ngú? Ngamụ-o, kpata ma!» ²³ Abhomu-o, ngali atsia ayangba bhú ká omabhuka me, mukpata ang-o kpi naae de. La-a, Yesu pa nani pi Piele de me: «Ani kpi de-e de.» Engú bini, ani apa nani mangbo me: «Í du me ma nde akunda me ani du akólo li nedhinga inde ma agó matá lie, a ko naamu 'ngú?» ²⁴ Mukpata ang-o ngakpokpo ongu inde-e ngae makpe. Aní aye la di bhú bhuku ngae. Ya mbila la di ndjindji me engú inde ani ngakpokpo e, a ko kuku 'ngú. ²⁵ Yesu amene di nani ongu koko bhelé. Í dú me u yé ongu ang-o bini ne bini hana-a, ma abhundja me doto libhomu de tí ne obhuku inde i de yé lie de.

Kulu gba obhulu Titima gba Yesu Eli na kalanu

Kulu gba obhulu Titima gba Yesu ne bhuku na bhisi inde li Luka aye e-o.

Engú na ngbéngbé inde bhú bhuku inde-e, a ko nakpokpo lele maka li omakpata gba Yesu na kalanu adu adhuku bhú angu gba Bu Bhobua, u atsia adu akpokpo Bádha Ngali pindji Yesu inde adu ayangba abhú: «Yelusalema, ne bhú Yudaya, ne abhú Samalia nakolo makolo abhú dje doto» (1:8). A ko Ngali gba Kilisito inde akpo lita e agba omaYuda atsia akolo nabhuka pi ndu okpála na píla doto hana.

Engú na ngbéngbé inde bhú bhuku gba obhulu titima-a, a ko kulu gba Bu Bhobua inde ago ne angu pí omabhuka abhú Yelusalema li 'kpí na Patekote. Bu Bhobua angoo-o, la di ngateteke ne naha angu pi Piga gba Ebhe ne okpála inde ngadjedjele, nakpata lele ongú inde u aye e bhú bhuku angoo-o. Engú na kalanu inde atsia omakilisito akpokpo lie bhelé bhú eli gba Ebhe inde u adu aha e pi okpála-o. A la di ongú inde u aye e bhú bhuku gba obhulu titima gba Yesu ngasuno angu na ongú angoo-o bhú mukobho gba omabhuka, la di bhú makpetsə inde bhú Piga gba Ebhe-o.

Ongbenge ongú inde bhú bhuku inde- e ngae inde:

Naleke lio ngú nakpokpo 'ngú pindji 'ngú mo ue ne bhe mo adje e 1:1-26

(1) Lili na soso ne engú inde li Yesu apa me ni amene e 1:1-14

(2) Kpála inde aha da Yuda-o 1:15-26

Okpála inde akpokpo 'ngú pindji 'ngú inde u au e ne bhe u adje e abhú Yelusalema 2:1 - 8:3

Okpála inde akpokpo 'ngú pindji 'ngú inde u au e ne bhe u adje e abhú Yudaya ne abhú Samalia 8:4 - 12:25

Kulu gba Polo 13:1 - 28:31

(1) Dholo gba Polo na kalanu ngubula nakpokpo Bádha Ngali 13:1 - 14:28

(2) Bula abhú Yelusalema 15:1-35

(3) Dholo gba Polo na bhisi ngubula nakpokpo Bádha Ngali 15:36 - 18:22

(4) Dholo gba Polo na bata ngubula nakpokpo Bádha Ngali 18:23 - 21:16

(5) Polo bhú tikpə abhú Yelusalema, ne bhú Sedjale a la di-e bhú Loma 21:17 - 28:31

Yesu apa me: «Yi asia Bu Bhobua»

¹ Ndaí ma na mukunda Tiofile,

Bhú bhuku gba ma na kalanu-o,* ma akpokpo ndu 'ngú hana inde li Yesu amene e di ne bhende ani asuno e ko. Ma akpokpo nayie li lilita† ² akolo li 'kpí li Ebhe aha ani lie abhúla ko. Kala nanu ka ani abhúla-a, bhú angu gba Bu Bhobua-a, ani aha olíli gba e pi okpála inde ani alo nani o maka obhulu titima-o. ³ Pita nakpi ka ani-e, ani apana lie pi obhulu titima gba e-o. Ani asuno pi uo li okpadji bhelé me ni bhú mukobho. Ani asuno lie pi uo ngubula 'kpí ndjikpa badha. Ani atsia akpokpo di 'ngú pi uo pindji Nau gba Ebhe. ⁴ Ekpi bini, li ani adu azu 'he lie bhú dabili bini ne uo-o, ani atsia aha líli inde-e pi uo me: «Yi ayie bhú Yelusalema de, engú bini, yi djeke ehe inde li 'Dyi ma apa me ni aha e pi yi ko. A ko ehe inde ma apa 'ngú pi yi pindji e ko. ⁵ Padhá de, anga Djaab abatisa nani okpála ne engu. Engú bini ngayi-e, pita 'kpí masudha-a, yi asia batisimo na Bu Bhobua.»

Ebhe aha Yesu abhúla

⁶ Li obhulu titima adu apo bhúla o lie de Yesu-o, ekpi koko-o, u atsia ayi ani me: «Ngámá, mo ogbége mafasalaele bhú bali, mu tsia há ngámá pi uo mbia inde-e?» ⁷ Yesu atsia agie pi uo me: «A ko engú ka yi de ngú nambila nedhinga di ne oekpi angoo-o. Padhá de, anga Ebhe ne angu gba e makpe, a'o oekpi angoo-o maka ani akunda lie ko. ⁸ Engú bini, yi asia angu, li nedhinga li Bu Bhobua aké pi yi lie-o. Yi tsia kpókpó 'ngú gba ma inde yi au e ne bhe yi adje di e bhú gudhu na Yelusalema, bhú ndu doto na Yudaya libhomu, ne bhende na Samalia, akólo makolo ali dje doto.»

⁹ Li Yesu andjia nakpokpo 'ngú bhomu-o lie, Ebhe atsia aha ani abhúla me ndu uo hana nde ngatsia ani. Abhomu-o, ndindi atsia abuku ani. U u matá ani de. ¹⁰ Nedhinga u adu nga bha lie atsia 'kpí abhúla-a, li pápá li Yesu atapa lie, kolo me-e, okpála bhisi aze li uo. U adyidyí bubu bongo. ¹¹ U atsia apa pi uo me: «Ngayi okpála na Galilaya, yi alulu si ne natsia 'kpí abhúla ka ni? Yesu inde li Ebhe aha e abhúla bhomu-o, ani agie bhadi lie maka yi au ani lie anu abhúla ko.»

Libi obhulu titima gba Yesu

¹² Abhomu-o, obhulu titima-a ayie pí eta u a'i e me eta na ondula na Olive, u atsia agie lio bhú gudhu na Yelusalema. Eta angoo-o adu de Yelusalema masakpe

* 1:1 1:1 Bhuku na kalanu: A akunda napa me Bádha Ngali gba Yesu Kilisito maka li Luka aye lie ko. Kulu gba obhulu titima gba Yesu ne bhuku na bhisi gba ani-o. † 1:1 1:1 Lilita: A akunda napa me a ko nayie li lita kulu gba Yesu Kilisito li 'kpí ani asia batisimo lie ko. ‡ 1:12 1:12 Masikpe de kilometele bini: U aye bhú obhuku koko me «maka enú na ekpi naguo gba omaYuda.»

de kilometele bini.[‡] ¹³ U akolo lie bhú Yelusalema-a, u a'ú bhú tina 'ti bhe abhúlá, bili inde u adu adulu lie-o. A adu nani: Piele ne Djaa , ne Djaki di ne Andili, ne Filipo di ne Tuma, ne Batelemi di ne Matié, ne Djaki ndili gba Alafayo, ne Simo kpála nakunda doto gba o, la di ne Djude ndili gba Djaki. ¹⁴ Ndu uo hana, adu apo bhúla o ne bua bini, ndu nedhinga hana ngu nayo Ebhe. U adu bhú dabili bini ne olisi koko, ne Malia 'hi Yesu, di ne ondaise Yesu.

U agbe kpála bhú dá Yuda

¹⁵ Bhú oekpi bhomu-o, ekpi bini, omabhuka apo bhúla o. U adu masikpe de kámá ne ndjikpa bhisi. Abhomu-o, Piele ayie bhúla bhú ká uo. Ani atsia apa pi uo me: ¹⁶ «Ondaïse ma, engú inde u aye e bhú Bhuku gba Ebhe-e , a ayo me amene lie. Bu Bhobua apa 'ngú ang-o bhú 'li Davidi pindji Yuda, kpála inde ago nani ne okpála inde aholo Yesu-o. ¹⁷ Yuda nako ne saka ní. Ngámá abhu ani ngu namene kulu maka ní adu di ne di lie-o.»

¹⁸ (Ani akala edyi ne tia inde u aha e pi ani li ani abhelo kpála lie-o. Bhú edyi ang-o, ani ati adji 'ndji e ne kuto. 'Bu ani aupa. 'Ndja ani atsia aze kuto. ¹⁹ Ndu okpála hana na Yelusalema ambila 'ngú ang-o ndjindji. Kaka-a, u a'o nani 'ili li edyi ang-o bhú eli na gba o me «Akeledama», a akunda napa me «edyi na Ngute».)

²⁰ Pipita-a, Piele apa matá me: «Padhá de, anga u aye bhú bhuku na oEtsi gba omaYuda-a me:

<A ayo me kuti gba ani-e kolo mili bili, kpála bini adu bhúbhú de.»

U atsia aye matá me:

<A ayo me kpála koko ha kulu gba ani-o.†>

²¹⁻²² Kaka-a, a ayo me kpála bini li bhú ká ní, amba ani du akpokpo ngali nazuku gba Ngámá Yesu-o. A ayo me kpála ang-o du saka okpála inde adhuku bhú dabili bini ne ní ndu nedhinga hana li Ngámá Yesu adhuku lie ne ní pila doto ko. Kpála ang-o du kpála inde adhuku bhú dabili bini ne ní nayie li nedhinga li Djaa abatisa Yesu lie,§ akolo li ekpi li Ebhe aha ani lie ngu nanu abhúla-o.»

²³ Abhomu-o, u atsia agbe okpála bhisi. A adu 'li bhe bini-e me Djodjefu , inde u a'i e me Balasabasi. 'Hi koko gba ani-e matá me Djusutisi. A adu 'li bhe koko me Matiasi. ²⁴ U atsia ayo Ebhe me: «Ngámá, mu mbila bua ndu okpála hana. Pana kpála inde mo obhu e bhú ká okpála bhisi

inde-e pi ya. ²⁵ Ani adu bhulu titima gba Yesu. Ani ahá kulu inde li Yuda a'o ká e ngu nanu li bili gba e makpe ko.» ²⁶ Pita u ayo Ebhe lie, u agu gbanda.* Gbanda asuno Matiasi. Abhomu-o, u atsia ato ani bhú ká obhulu titima ndjikpa ne ká bini-o.

2

Bu Bhobua aké pí omabhuka

¹ Li ekpi na Patekote akolo lie, ndu omabhuka hana apo bhúla o li bili bini. ² Má gala kolo me-e, tolo ayie abhúla maka anvi na kpekpeke. Tolo ang-o aha bili bhú 'ti inde u adu bhú e hana. ³ Abhomu-o, u au oehe maka dingidhi djua. Oehe ang-o agbogbo bhusu e, atsia adulu pí 'ndji ndu uo hana bini ne bini. ⁴ Ndu uo hana abedhe ne Bu Bhobua . U atsia aholo agama 'ngú bhú oeli koko, maka li Bu Bhobua adu ahaha pi uo lie ngu nagagama ko.

⁵ Bhú gudhu na Yelusalema-a, omaYuda inde ayie bhú ndu okuti hana* pila doto libhomu adu oo. A adu okpála inde adu akpe Ebhe. ⁶ Li u adje tolo ang-o lie, bhiti okpála ang-o apo apo bhúla o. U atsia adu angamba naali. Padhá de, anga kpála ne kpála adu adje omabhuka agama 'ngú bhú eli gba e makpe. ⁷ U abedhe ne nangamba, di ne nakiaka. U atsia adu apa me: «Okpála i ngagama 'ngú inde-e, ndu uo hana ne okpála na ndu doto na Galilaya adi? ⁸ Lele pi ndu ní hana bini ne bini, ní ngadje uo lie ngagama 'ngú bhú eli gba ní makpe na kuti-e?»

⁹⁻¹⁰ Bhú ká ní si-e, okpála koko ayie bhú doto na Palate. Okoko ayie bhú Media. Okoko ayie bhú Elama. Okoko ayie bhú Edjipeto. Okoko ne okpála na Medjopotami. Okoko ayie bhú ndu doto na Yudaya. Okoko ayie bhú Kapadose. Okoko ayie bhú Pote di ne Adjia. Okoko ayie bhú Filidjia. Okoko ayie bhú Pamiflia. Okoko ayie lingo gudhu na Silene inde bhú doto na Libi ko. Okoko ayie bhú gudhu na Loma . ¹¹ Okoko ayie bhú kpeme na Kelete. Okoko ayie bhú doto na Alabi. U azu okoko omaYuda. Okoko-o, a ko ogandji okpála inde abhuka Ebhe gba omaYuda-o. La-a, lele pi ní ngadje uo ngakpokpo 'ngú pindji ongamba 'ngú gba Ebhe bhú eli gba ní na kuti lie bini ne bini-e! ¹² Ndu uo hana adu ne nangamba naali. Mabhundja gba uo-o angingi. Abhomu-o, u atsia apa sunda o me: «Engú inde-e akunda napa pi?» ¹³ Engú bini, okoko adu amu omabhuka.

† 1:20 1:20 Tsia bhú Ets. 69:26, 109:8. § 1:21-22 1:21-22 Nayie li nedhinga li Djaa abatisa Yesu lie: U aye bhú obhuku koko me «nayie li nedhinga inde li Djaa adu abatisa okpála lie-o.» *

* 1:26 1:26 U agu gbanda: U du nani agu gbanda ang-o pi Ebhe, ngu nambila engú inde ani akunda e-o. * 2:5 2:5 OmaYuda inde ayie bhú ndu okuti hana: U adu nani ago bhú Yelusalema ngu nadhego Ebhe bhú anokomia na Patekote .

U atsia adu apa me: «Pandi aholo uo e-e ngae bha-a!»

Piele akpokpo eli gba Ebhe-e pi bhiti okpála

¹⁴ Piele ayie bhúlá bhú dabilí bini ne obhúlú titima ndjikpa ne ká bini koko-o. Aní aholo agama 'ngú kpekpeke pi bhiti okpála me: «Ngayi omaYuda, di ne ndu yi okpála hana inde ngadulú bhú gudhu na Yelusalema-a, yi dje ma ndjindji, amba yi mbila la di engú i ngakodho 'kpí inde.

¹⁵ Okpála inde-e, a holo uo ne pandi maka yi ngabhuhundja lie de. Padhá de, anga a ko nga bha saa na odukupabini na kèkpí. ¹⁶ Engú bini, engú i ngakodho 'kpí mbia inde-e, a ko engú inde li polofeta Djuele apa nani e-o. Engú inde me:

¹⁷ «Ebhe apa me: li sokpí-e, ma atúko Bua† gba ma-a pí ndu okpála hana.

Ongisi gba yi na obhosibhosi, di ne obhe na olisilisi akpókpo ongú inde ma akunda e-o.

Omakombise gba yi-e aú ongú inde ma akunda nasuno e bhú loto.

Ogbegbe okpála gba yi-e atsia alóto oloto inde ma atima e pi uo ko.

¹⁸ Li oekpí ang-o, ma atúko belegu di Bua gba ma-a

pi okpála na kulu gba ma na obhosibhosi, di ne obhe na olisilisi.

U tsia kpókpo ongú inde ma akunda e-o.

¹⁹ Ma améne ongamba 'ngú abhúlá.

Ma tsia méne ongamba 'ngú kuto píla doto.

Ngute atúko, li djua tsí, a adú di ne ndindi nguwa.

²⁰ Kala me ekpí gba Ngámá-a kolo-o, ekpí na ngbéngbé,

di ne ekpí na asasaua-a,

ela adjí lie biti.

Li epe dji lie maka ngute.

²¹ Abhomu-o, kpála ne kpála inde abhu 'li Ngámá-a,

tsia sía mukobho.†»

²² Abhomu-o, Piele atsia apa me: «Ngayi okpála na Isalaele, yi dje nga engú ma adjí apa e pi yi inde: Ebhe apana pi yi mbámbá me ni atima Yesu, kpála na kuti na Nadjaleta-a, pi yi. Aní apana li namene ongamba 'ngú sunda yi bhú aní. Aní amene okiaka 'ngú , di ne oehé na tsulatsulú bhú aní. Ngayi makpe-e, yi mbila 'ngú tété ndjindji. ²³ Kpála bhomu-o, u apu aní pi yi. Ebhe ambila nani 'ngú tété kalanu. Aní atsia akunda me amene lie moko. Yi abhøle aní. Padhá de,

anga yi aha aní pi okpála na sisiti. U agí aní li kulusi, u atsia abhøle aní. ²⁴ Engú bini, Ebhe azuku aní, aní atsia a'e aní bhú likabhu na kuo. Padhá de, anga a ayo nani de me kuo to aní bhú tikpu gba e-e de.

²⁵ Kaka-a, Davidi apa li 'ngú gba aní-e me: «Ma adu au Ngámá Ebhe kala ma ndu nedhinga hana.

Padhá de, anga aní li pá 'kpa ma na kokpa, amba ma agúku de.

²⁶ Kaka-a, bua ma abedhe ne djali bedhe.

Ma la di ngali 'tsi ne djali hana.

Ekpí ma akpí lie,

ma adú ne 'to ma me ma akóbho makobho.

²⁷ Padhá de, anga mu 'ó ká ma de me ma du li bili gba okpála inde amu-o de.

Mu kúnda de me kpála gba mu na ngbingbili-e zi bhú lata-a de.

²⁸ Mo osuno muma okpadji na mukobho.

Mo obédhe ma ne djali, anga ní ne mu bhú dabilí bini.†»

²⁹ Piele apa matá me: «Ondaise ma, ma ti da napa engú pi yi mbámbá pindji ogbi ní Davidi. Aní akpi, u atsia azi aní. Lata aní bhú ká ní akolo pi naki. ³⁰ Engú bini, a ko nani polofeta. Aní ambila me Ebhe apa nani ne natu silika me: «Ma a'ó saka ongisi gba mu-o bini ngámá bhú da mu.»

³¹ Davidi au nani engú inde agó-o kalanu. Kaka-a, aní atsia apa engú nazuku gba Masiya me:

«Ebhe 'o ká aní li bili gba okpála inde amu-o de.

Aní 'o la di de me aní zi bhú lata-a de.»

³² Yesu inde ma ngapa 'ngú gba e-e, Ebhe azuku aní. Ndu ya hana, ya au engú ang-o ne djila ya. ³³ Pipita-a, Ebhe a'e aní abhúlá, aní atsia a'o aní li pá 'kpa e na kokpa. 'Dyi ní Ebhe aha Bu Bhobua pi aní maka aní apa nani lie kalanu ko. Aní atsia atuko Bu Bhobua ang-o pi ya. A ko bhende yi ngau e, di ne bhende yi ngadje e mbia inde-e ko. ³⁴ Padhá de, anga Davidi ngae makpe 'u nani abhúlá de. Engú bini, aní apa ngae me:

«Ngámá Ebhe apa nani pi Ngámá gba ma-a me:

Du li pá 'kpa ma na kokpa,

³⁵ akólo li 'kpí ma a'ó obhulú yala gba mu-o lie sa 'dhu mu ko.†»

³⁶ A ayo me ndu okpála hana na Isalaele mbila engú inde-e ndjindji me: Yesu inde-e, inde yi abhøle e li kulusi-e, Ebhe a'o aní Ngámá, aní atsia a'o di aní Masiya!»

³⁷ Li u adje engú bhomu-o lie, bua uo asia likabhu naali. U atsia ayi Piele di ne obhulú titima koko-o me: «Ondaise

† 2:17 2:17 Bua: I du me u nde aye ne 'dhu balua na ngbéngbé-e (madjisikile), amba a ko Bu Bhobua. † 2:21 2:17-21 Tsia bhú Djl. 3:1-5. † 2:28 2:25-28 Tsia bhú Ets. 16:8-11. † 2:35 2:34-35 Tsia bhú Ets. 110:1.

ya, a ayo me ya mene pi?»³⁸ Abhomu-o, Piele atsia agie pi uo me: «Kpála ne kpála dji bua e, ani sia batisimo ne 'li Yesu Kilisito, amba Ebhe 'e siti 'ngú gba ani-o. Abhomu-o, yi tsia sia la di Bu Bhobua padhá.³⁹ Padhá de, anga ani apa nani kalanu me ni améne pi yi ne ongisi gba yi-e moko. Ani atsia apa me ni améne di pi okpála bhende ngadalu tsutsutsu,[‡] di ne pi ndu okpála hana bhende li Ngámá gba ni-e a'i o-o.»

⁴⁰ Abhomu-o, Piele atsia akpo 'ngú koko pi uo bhelé ngú naha pi uo gamu me u bhuka, di me u du ne nalila lio malila. Ani adu apa pi uo me: «Okpála na naki inde-e sisisi. Yi yie bhú ká uo mayie, amba Ebhe kobho yi.»⁴¹ Okpála bhelé inde adje 'li Piele-e, aziba. U atsia asia batisimo. Li ekpí ang-o, okpála masakpe de kutu bata ali bhú ká omabhuka.

Omabhuka na kalanu-o adu nani lele o pi?

⁴² U adu aha lio ndu 'kpí hana ngú naje nasuno gba obhulu titima gba Yesu-o. U adu nazu sánda o bhú mukunda maka ondaise. U adu azu 'he bhú dabili bini,[§] u atsia adu di ayo Ebhe bhú dabili bini.⁴³ Ndu okpála hana adu ne tsalu. Padhá de, anga obhulu titima-a adu amene ongu na ngangamba, di ne okiaka 'ngú naali.⁴⁴ Ndu omabhuka hana adu adulu bhú dabili bini. Ndu 'he gba uo-o hana adu bhadi bhú dabili bini. U atsia adu agbogbo bhasu bhasu li o.⁴⁵ U adu atsindji oedyi gba o, di ne oehé koko gba o-o. U atsia adu agbogbo bhasu tia ang-o li ndu okpála hana, maka li gamu gba kpála bini ne bini adu lie ko.⁴⁶ Ekpí bini ne bini hana, u adu apo bhéla o bhú dabili bini, u adu ali bhú 'ngbé 'ti Ebhe gba omaYuda. U adu agumu mapa bhú eti gba o, u atsia adu azu 'he ne djali, di ne bua na bhobhuku.⁴⁷ U adu atoko Ebhe. Engú inde u adu amene e-e bhú bádha bhú 'bu gba Ebhe-e, a adu anga li okpála naali. Abhomu-o, ndu 'kpí hana, Ngámá atsia adu ato okpála koko bhende asia mukobho-o bhú ká uo.

3

Dukuto adhuku

¹ Ekpí bini, pita tulukpe, Piele ne Djaa adu anu bhú 'ngbé 'ti Ebhe gba omaYuda, ngú nayo Ebhe inde u adu ayo e bhú saa na bata-o.² De 'bhé 'ngbé 'ti Ebhe gba omaYuda ang-o inde u a'i e me «Babadha-a», kpála bini inde i dhuku de nayie maka u azu ani lie adu oo. Ndu 'kpí

hana, u adu ago a'o ani oo ngubula me ani du ayo tia ka okpála inde ngali bhú 'ti Ebhe ko.³ Li ani au Piele ne Djaa lie me u nde adji ali bhú 'ngbé 'ti Ebhe-e, ani atsia ayo tia ka uo.

⁴ Piele ne Djaa abanga djila o li ani. Abhomu-o, Piele atsia apa pi ani me: «Tsia ya!»⁵ Kpála ang-o atsia a'o mabhundja gba e-e hana pi uo. Padhá de, anga ani adu abhundja me ni asia 'he ka uo masia.⁶ Abhomu-o, Piele atsia apa pi ani me: «Falanga ka ma ade. Olo la di ka ma ade. Engú bini, ma ahá pi mu ehe inde ka ma-o: ne 'li Yesu Kilisito na Nadjaleta-a, yie bhéla, amba mu dhuku!»⁷ Pipita-a, Piele aholo 'kpa ani na kokpa, ani atsia a'e ani bhéla. Má gala kolo me-e, obiki na 'dhu ani akolo kpekpeke.⁸ Ani a'ulu, aké má kprii! Ani atsia aholo nadhuku. Pipita-a, ani ali bhú 'ngbé 'ti Ebhe bhú dabili bini ne Piele ne Djaa. Ani adu adhuku. Ani adu a'ulu. Ani atsia adu adhogé Ebhe.⁹ Ndu okpála hana au ani me ani nde ngadhuku, ani nde ngadhogé Ebhe.¹⁰ U atsia ambila me, a ko kpála inde adu nazu li 'bhé 'ngbé 'ti Ebhe, li bhobho bhende u a'i e me «Babadha», ngubula nayo 'he. Abhomu-o, ndu uo hana angamba, u atsia akiaka naali ka engú inde akolo li kute dukuto-o.

Piele akpokpo 'ngú pi bhiti okpála bhú 'ngbé 'ti Ebhe gba omaYuda

¹¹ Abhomu-o, kpála ang-o du ayie de Piele ne Djaa de. Ndu okpála hana angamba naali ka engú inde akodho 'kpí-o. U ago ne holo, u atsia apo bhéla o de uo sa basa inde u a'i e me «Sa ngba 'ti gba Salomo.*»

¹² Li Piele au lie mo-o, do ani pi bhiti okpála bhomu-o me: «Ngayi okpála na Isalaele, yi ngangamba li nakobho ka kpála inde-e ka ni? Li yi abanga djila yi lie li ya mugito me ya amene ngaya ne angu gba ya makpe me kpála inde-e dhuku-o? La di mugito me a ko anga ya ngakpata engú gba Ebhe-e? A mo-o ade.¹³ Ebhe gba Abalahama, Ebhe gba Isaka, Ebhe gba Yakobho, Ebhe gba onguo ogbi ni amene me 'li bali gba ni Yesu-o adhogé lie. La-a, ngayi makpe-e, yi apu ani pi ongámási. Yi atsia ayala ani kala Pilato me ani nde adu akunda la me ni tse 'kpa li ani-o.

¹⁴ Ngayi-e, yi ayala Kpála bhende bubu, inde di ngbingbili. Yi atsia ayo me Pilato suno bádha bhú 'bu pi kpála bhende ngabhili okpála-o.¹⁵ Yi abhele kpála inde ngaha mukobho. Engú bini, Ebhe azuku

[‡] 2:39 2:39 Okpála bhende ngadalu tsutsutsu: A akunda napa me ogandji okpála, okpála bhende ne omaYuda ade.

[§] 2:42 2:42 Nazu 'he bhú dabili bini: A ko nazu komonyo. A ko la di nazu 'he bhú dabili bini. * 3:11 3:11 Sa ngba 'ti gba Salomo: A ko sa ngba 'ngbé 'ti Ebhe gba omaYuda-o.

ani bhú ká okpála bhende amu-o. Ya au engú angó-o ne djila ya makpe. ¹⁶ Mbia inde-e, yi ngau kpála inde, yi mbila la di hana me a ko nako dukuto. Ani akobho ka 'li Yesu. Padhá de, anga ya abhuka ani. A ko ka nabhuka bhú Yesu, ani atsia akobho hana maka yi ngau ani lie inde.

¹⁷ Engú bini, ondaise ma, ma ambila ndjindji me ngayi ne ongámási gba yi-e, yi amene li Yesu mo-o, anga yi mbila nani kukulu 'ngú-o de. ¹⁸ La-a, Ebhe ngae makpe amene mo-o ngubula nasuno mbámbá engú inde ani apa nani e kalanu bhú 'li ndu opolofeta hana ko. Ani apa nani me Masiya gba ni-e azú likabhu. ¹⁹ Kaka-a, yi dji bua yi. Yi gie liyi li pápá gba Ebhe, amba ani 'e siti 'ngú gba yi-o. ²⁰ Abhomu-o, Ebhe ahá onedhinga naguo pi yi. Ani tsia tíma matá Masiya inde ani abhu nani e kalanu-o pi yi. A akunda napa me Yesu.

²¹ Engú bini, mbia inde-e, a ayo me Yesu Killisito da ngaiza abhúla. Ani da oo akólo li nedhinga inde li ndu 'ngú hana akólo lie na mbia-o. Nayie didili naali-e, Ebhe apa nani engú angó-o bhú 'li obubu opolofeta-o. ²² Maka li Moidje apa la di nani lie me: <Ebhe Ngámá gba yi-e atíma polofeta pi yi maka ma. A adú suka ondaise yi. A ayo me yi dje ndu 'ngú hana inde ani apa e pi yi ko. ²³ La-a, kpála bhende i djé 'li ani de-e, u agbé ani bhú ká okpála gba Ebhe, u tsia bhéle ani.>

²⁴ La di-e, ndu opolofeta hana inde akpokpo 'ngú gba Ebhe-e, nayie li Samuele, akpo engú ndu o hana bini ne bini pindji engú inde-e akolo li 'kpí angó-o ko. ²⁵ Engú li Ebhe apa nani e kalanu bhú 'bhé opolofeta-a, a pi yi. La di-e, gandja inde li Ebhe akodho nani e kalanu-o ne onguo ogbi yi-e, a di pi yi. Ani apa nani kalanu pi Abalahama me: <Ma atúko bisagu pi ndu opiga hana pila doto li pápá gba ongisi gba mu-o.> ²⁶ Kaka-a, Ebhe abhu bali gba e, ani atsia atima ngaiza ani pi yi omafalaale. Ani atima ani me ani tuko bisagu pi yi. Ani agbé kpála ne kpála bhú siti 'ngú gba e-o.>

4

Libi okpála natsia 'kpí li 'ngú gba omaYuda aholo Piele ne Djaa

¹ Li Piele ne Djaa adu akpo 'ngú lie pi okpála-a, odimandé gba Ebhe-e ago bhú dabilí bini ne ngámá gba okpála nalila 'ngbé 'ti Ebhe gba omaYuda di ne oSadukai . ² U adje siti bua naali. Padhá de, anga Piele ne Djaa adu asuno pi bhiti okpála. U

adu akpokpo pi uo me okpála inde amu-o azúku di mazuku, maka li Yesu azuku lie ko. ³ Abhomu-o, u aholo Piele ne Djaa. U atsia ato uo bhú tikpu akolo pi kókpí, anga adu me ekpí nde ngabi. ⁴ La-a, bhélé na okpála inde adje nani eli gba Ebhe-e , akolo omabhuka . Abhomu-o, omabhuka abe ndu o, u atsia akolo masikpe de okpála kutu bhuluvue.

⁵ Li ekpí aseke lie, ongámási gba omaYuda , ne obhelesi okpála di ne omusuno na líli gba Moidje , apo bhúla o bhú gudhu na Yelusalema. ⁶ A adu nani: bhele kpála gba odimandé Ana, ne Kaifa, ne Djaa, ne Alekidjandele di ne ndu okpála hana inde bhú piga gba bhele kpála gba odimandé gba Ebhe-o. ⁷ Abhomu-o, okpála inde aholo Piele ne Djaa, atsia agbe Piele ne Djaa kala uo. U atsia ayi uo me: <Yi akobho kpála inde ne mangua angu dho? La di ne 'li da?>

⁸ Abhomu-o, Piele inde abedhe nani ne Bu Bhobua-a atsia apa pi uo me: <Ngayi ongámási, di ne yi obhelesi okpála-a, ⁹ ya amene bádhá 'ngú pi dukuto inde. La naki-e, u ngayi ya me ani akobho lele pi. ¹⁰ A ayo me ndu yi hana, di ne ndu okpála na Isalaele hana, yi mbila engú inde-e ndjindji: kpála inde-e alu kala yi ne kute na angu ka angu gba Yesu Killisito , kpála na Nadjaleta. A ko Yesu inde yi agi nani e li kulusi, Ebhe atsia azuku ani-o. ¹¹ Yesu ne kpála inde li Bhuku gba Ebhe-e apa nani engú gba e me Ebhe apa me: <Ani ne teme inde li ngayi okpála nayiki 'ti-e abhike e-o.

La-a, teme angó-o akolo teme inde abi eti-e libhomu.>

¹² Ani ti bha da nakobho okpála ngae kpi e kpi. Padhá de, anga pila doto libhomu, Ebhe ha 'li kpála koko bini de inde u ti da nakobho ka e.>

¹³ Li Libi okpála natsia 'kpí li 'ngú gba omaYuda au lie me Piele ne Djaa ngagama 'ngú ne tsulu ade-e, u angamba naali. Padhá de, anga u adu ambila ndjindji me Piele ne Djaa ne okpála na padhá. U mene balua bhélé de. La di-e, u adu ambila ndjindji me, u adu adhuku nani bhú dabilí bini ne Yesu. ¹⁴ Engú bini, u adu di au kpála inde akobho-o alu de uo. U tsia da ne engú nagigie pi uo de. ¹⁵ Abhomu-o, ongámási aha líli me obhulu timata ze kildijo. U atsia aholo nagama 'ngú sunda o. ¹⁶ U adu apa me: <Ni améne ngú okpála inde-e pi? Padhá de, anga ndu okpála hana na Yelusalema ambila ndjindji me, u amene ngamba 'ngú inde-e ngao. Ni ti la di da nayayala de. ¹⁷ Engú bini, ngubula me ngali angó-o ayángba naali sunda okpála

de-e, a ayo me ní gbele 'dje uo kpekpeke me u apá matá engú ne 'li Yesu pí kpála belegu de bini.»

¹⁸ Abhomu-o, u a'i matá obhulú titima-o. U atsia aha líli pí uo kpekpeke me, u agámá 'ngú di ne me u asúno ne 'li Yesu matá-a de. ¹⁹ Engú bini, Piele ne Djaa agie pí uo me: «Yi kodho 'ngú inde-e ngayi makpe. Bhú djila Ebhe-e, a ngbingbili ne bhedho? Ne me ya mene líli gba yi, ne me ya mene mangbo líli gba Ebhe! ²⁰ La pí ya-a, ya ti da na'o nakpokpo ngali na engú inde ya au e ne bhende ya adje e de.» ²¹ Abhomu-o, Libi okpála natsia 'kpí lí 'ngú gba omaYuda agama matá engú pí uo kpekpeke. Pipita-a, u atsia atse 'kpa lí uo. La-a, u u nani engú inde u ti da namene uo sísiti ka e de. Padhá de, anga ndu okpála hana adu adhogo Ebhe ka engú inde akodho 'kpí-o. ²² Dukuto lí nakobho gba e adu ngangamba bhomu-o, adu nani ne kalanga nane ndjikpa badha mane.

Omabhuka ayo Ebhe

²³ Lí u atse 'kpa lí Piele ne Djaa lie, u anu abhaka obi o. U atsia akpokpo ndu 'ngú hana inde lí ongbengbe odimandé gba Ebhe di ne obhelesi okpála apa e-e pí uo. ²⁴ Pita u adje engú bhomu-o lie, omabhuka ayo Ebhe ne bua bini me: «Ngámá, mo obho ekpí ne ndu 'he inde bhúbhú-o hana ngamu. Mo obho doto ne ndu 'he inde bhúbhú-o hana ngamu. Mo obho la di 'ngbé 'ngu ne ndu 'he inde bhúbhú-o hana ngamu. ²⁵ Mo opa nani ngamu bhú angu gba Bu Bhobua, bhú 'li ogbi ya Davidi, balí gba mu-o, me:

«Opiga inde ne omaYuda ade-e abedhe ne siti bua ka ní?

Okpála na kuti koko adje lío ngú namene ongú na padhá padhá ka ní?

²⁶ Ongbengbe ongámási na doto aleke lío ngú egú.

Ongámási apo bhúla o bhú dabilí bini ngú nagu Ngámá Ebhe,

di ne kpála inde lí Ebhe abhu e-o.*

²⁷ Padhá de, anga a na paká me ngámá Elode Atipasi ne Pose Pilate apo nani bhúla o bhú gadhu inde, bhú dabilí bini ne opiga inde ne omaYuda ade, di ne opiga na Isalaele. U apo bhúla o ngabula me o gu Yesu, balí na bubu gba mu, inde mo obhu e maka Masiya-o. ²⁸ U amene bhomu-o ndu 'ngú hana inde mo opa nani e didili ne angu gba mu-o me améne lie mamene ko.

²⁹ La mbia inde-e, Ngámá, tsia nga maka u ngato mbolo lí ya lie-o. Kaka-a, ha angu pí ya, obalise gba mu, amba ya akpokpo eli gba mu-o ne tsulu de. ³⁰ Ha angu gba mu-o

pí ya, ngubula me ya akobho okpála, amba ya mene ongamba 'ngú di ne okiaka 'ngú ne 'li Yesu, balí gba mu na bubu-o.» ³¹ Lí u andjia nayo Ebhe lie, bíli inde u apo bhúla o lie adyiki má djigi djigi! Ndu uo hana abedhe ne Bu Bhobua. U tsia du akpokpo eli gba Ebhe-e ne tsulu de.

Omabhuka abu 'he gba o bhú dabilí bini

³² Ndu omabhuka hana adu ne bua bini. U adu di ne nabhundja bini. Bhú ká uo-o, kpála bini du abhundja de me ehe gba ni-e bha pí ni kpi ni kpi-e de. Engú bini, oehe gba uo-o adu bha pí ndu uo hana. ³³ Obhulú titima gba Yesu adu akpokpo ne angu hana me Ngámá Yesu azuku. Abhomu-o, bádha bhú 'bu gba Ebhe-e atsia adu pí ndu uo hana. ³⁴ Bhú ká uo-o, kpála bini du aneke 'he de. Padhá de, anga ndu okpála hana inde adu ne oedyi di ne oeti-e adu atsinsindji, u adu ago ne tia angoo. ³⁵ U atsia adu ahaha pí obhulú titima. Pipita-a, u atsia adu agbogbo bhusu tia angoo lí kpála bini ne bini maka lí gamu gba ani adu lie ko.

³⁶ Kpála bini adu nani bhú ká uo, a adu 'li ani me Djodjefu. Ani adu kpála na piga gba Levi. U azu nani ani bhú kpomé na Sipele. Obhulú titima agisila nani 'li koko lí ani me Balanabasi (inde akunda napa me «Kpála inde ngato masi»). ³⁷ Ani atsindji edyi gba e. Ani ago ne tia angoo-o, ani atsia a'o kala obhulú titima.

5

Siti 'ngú gba Anania ne Safila

¹ Abhomu-o, kpála bini inde adu 'li e me Anania, adje lie ne wala e Safila. U atsindji edyi gba o-o. ² Ani aha té tia angoo-o, a'o pí e. Ani atsia anu a'o duduo kala obhulú titima gba Yesu-o. Wala ani adu ambila 'ngú tété ndjindji. ³ Abhomu-o, Piele apa pí ani me: «Anania, mo oziba me Satana pite ní ngú ní? Mo opa eu pí Bu Bhobua, anga mo oha té tia na edyi-e, mo o'o pí mu. ⁴ Kala me mu tsindji edyi angoo-o, a ko nako naamu dí? La di-e, mo otsindji lie, tia angoo-o, a ko nako naamu dí? Mo oziba me ní mene ngua 'ngú inde-e ka ní? Mu pite okpála de, engú bini, mo opite bhomu-o Ebhe.» ⁵ Bha lí nedhinga inde lí Anania adje engú bhomu-o lie, ani atí, ani atsia akpi. Ndu okpála hana inde adje engú angoo-o, adu ne tsulu naali. ⁶ Abhomu-o, omakombise ago. U agala kuo ani ne bongo, u a'e, u atsia anu azi.

⁷ Masikpe de pita saa bata-a, wala Anania ago ali oo me ani nde mbila engú inde akodho 'kpí-e de. ⁸ Piele ayi ani me: «Pa nga mama, yi atsindji bha ndu edyi

* 4:26 4:25-26 Kpála inde lí Ebhe abhu e-o: A akunda napa me Kilisito. Tsia bhú Ets. 2:1-2.

gba yi-e bhú mase inde-e?» Òlè-o agie me: «A moko, ya atsinđji bhú mase bhomu-o.»⁹ Abhomu-o, Piele atsia apa pi ani me: «Yi adje liyi ne 'ko mu ngu nale Bua gba Ngámá-a ngu ni? Djedje nga! Okpála inde i kolo nazi 'ko mu-o, u alulu li bhoti bhomu. U abí bhadi mu moko!»¹⁰ Bha li nedhinga bhomu-o, òlè-o ati kuto bhú li 'dhu Piele, ani atsia akpi. Omakombise ali, u abhaka me ani nde akpi. Abhomu-o, u a'e kuo ani, u atsia anu azi ani dengo 'ko e.¹¹ Ndu okpála na Piga gba Ebhe-e hana, di ne ndu okpála hana inde adje engú inde akodho 'kpí-e, adje tsulu naali.

Obhulu titima gba Yesu-o amene ongamba 'ngú bhelé

¹² Obhulu titima gba Yesu-o adu amene nani ongamba 'ngú di ne okiaka 'ngú bhelé bhú ká okpála. Ndu omabhuka hana adu apo bhúla o sa basa inde u a'i e me «Sa ngba 'ti gba Salomo.»¹³ Kpála bini bhú ká okpála bhende i bhuka de-e le nani nali bhú ká uo de, abana li ndu okpála hana adu apa 'ngú gba uo-o lie ndjindji-o.¹⁴ Obhosi bhelé naali di ne olisi bhelé naali inde abhuka Ngámá-a, adu ali bhú ká omabhuka, u atsia adu abe ndu o.¹⁵ U aholo belegu apandja okpála na kuo li okpadji. U adu aseke uo pí okalagba di ne pí otsala. U adu amene mo-o, anga u adu abhundja me i du me Piele nde akodho 'kpí oo, kulu ani de pu mbo pí saka uo, amba ani kobho.¹⁶ Okpála bhelé adu di ayie bhú okuti na ngo Yelusalema, u adu ago ne okpála na kuo di ne okpála inde adu ne osisiti bua bhú o-o. Ndu uo hana atsia adu akobho.

U aholo obhulu titima gba Yesu

¹⁷ Abhomu-o, bhele kpála gba odimandé gba Ebhe-e di ne ndu okpála hana inde adu bhú dabili bini ne ani-e, a akunda napa me libi oSadukai, adje siti bua naali pindji obhulu titima gba Yesu. U atsia apa me, a ayo namene uo sisiti.¹⁸ U aholo obhulu titima-o, u atsia ato uo bhú tikpu bhe na ngebéngbé-o.¹⁹ La sukpe-e, andjelu bini gba Ngámá a'u obhè bhoti na tikpu-o. Ani apandja obhulu titima-o. Ani atsia apa pi uo me:²⁰ «Yi nu bhú 'ngbé 'ti Ebhe gba omaYuda. Oo, yi kpokpo pi okpála ndu 'ngú hana inde atsia mukobho na mbia-o.»²¹ Obhulu titima-a amene bhadi mo-o. Kékpí naali-e, u anu bhú 'ngbé 'ti Ebhe, u atsia aholo nasuno pi okpála.

Li nedhinga bhomu-o, bhele kpála gba odimandé gba Ebhe-e bhú dabili bini ne okpála gba e-e, u a'i Libi okpála natsia 'kpí li 'ngú gba omafalele-o. U atsia atima okpála me u nu ha obhulu titima-a bhú tikpu, amba u go ne uo.²² Engú bini, li okpála ango-o anu lie, u bhaka uo bhú

tikpu de. U agie lio, u atsia apa pi Libi okpála natsia 'kpí li 'ngú gba omaYuda-a me:²³ «Ya abhaka me 'bhè tikpu-o nde ani lie ndjindji. Okpála nalila tikpu-o nde adulu li obhèbhè. La-a, ya a'u bhoti-e lie, ya abhaka kpála bhúbhú o belegu de bini!»²⁴ Li ngámá gba okpála nalila 'ngbé 'ti Ebhe-e, di ne ongbengbe odimandé gba Ebhe, adje engú ango-o lie-e, mabhundja gba uo angbingi naali. U mbila de me a akolo li obhulu titima-a ne mangua 'ngú dho-ie de.²⁵ Pipita-a, kpála bini ago, ani apa pi uo me: «Yi djedje nga! Okpála inde yi abu nako o bhú tikpu-o, uo mbia inde-e bhú 'ngbé 'ti Ebhe. U alulu malulu, u ngasuno pi okpála.»

²⁶ Abhomu-o, ngámá gba omulila-a anu ne osudha gba e-o. Ani aha obhulu titima-a, ani ago ne uo. Engú bini, u mene uo sisiti de. Padhá de, anga u adu akpe me okpála abhili o ne teme de.²⁷ Pita ani ago ne uo lie, ani a'uo uo kala Libi okpála natsia 'kpí li 'ngú gba omaYuda-o. Abhomu-o, bhele kpála gba odimandé gba Ebhe-e aholo nayiyi uo me:²⁸ «Ya aha nako líli pi yi kpekpeke me yi asúno ne 'li kpála bhomu-o de. La-a, nasuno gba yi-e aha Yelusalema libhomu! Yi ngakunda me ngute kpála bhomu-o tuko pí ya!»

²⁹ Piele di ne obhulu titima koko agie me: «A ayo me ya mene líli gba Ebhe ane líli gba okpála.³⁰ Ngayi-e, yi abhèlè Yesu li kulusi. Engú bini, Ebhe gba ogbi ní-e azuku ani bhú ká okpála inde amu.³¹ Ebhe a'e'e ani abhú lá pí 'kpa e na kokpa, ani a'o ani Ngámá di ne Mukobho. Ani amene mo-o ngubula me okpála na Isalaele dji bua o, amba Ebhe 'e siti 'ngú gba uo-o.³² Ya au ongu bhomu-o ne djila ya makpe. Bu Bhobua, inde li Ebhe ngaha e pi okpála inde ngamene líli gba ani-e, au di.»

³³ Li Libi okpála natsia 'kpí li 'ngú gba omaYuda adje engú ango-o lie, u abi 'gú naali. U di me bhili obhulu titima gba Yesu-o.³⁴ Engú bini muFalisi bini inde adu 'li e me Gamaliele, a adu bhú ká uo. A adu masuno na líli. Ndu okpála hana adu amanga ani ndjindji. Ani ayie bhú lá. Ani ayo me u pandja nga obhulu titima-a kilidjo.³⁵ Pipita-a, ani atsia apa me: «Ngayi okpála na Isalaele, yi lila liyi ndjindji li 'ngú inde yi adji amene e li kute okpála inde-o!»³⁶ Padhá de, anga ane nga ekpí bhelé de, kpála bini akoto nako, a adu 'li ani me Teudasi. Ani adu apa me ni ne 'ngbé kpála. Okpála masakpe de kámá badha adu akpata ani. Engú bini, u abhèlè ani lie, ndu okpála hana inde adu akpata ani-e atsia atsambala. Abhomu-o, engú gba ani-e atsia andjia.

³⁷ Pita ani-e, li nedhinga u adu atanga okpála lie, Yuda, kpála na Galilaya, akoto.

Ani agbele okpála nganda e bhelé. Ngaani di-e, u abhólé ani. Abhomu-o, okpála inde adu akpata ani-e atsia atsambala. ³⁸ Kaka mbia inde-e, ma apa pi yi me yi adhéde li okpála inde-e de. Yi 'o uo. Padhá de, anga i du me mabhungja di ne ongu gba uo nde ayie ka okpála-a, i kólo padhá. ³⁹ Engú bini, i du la me ongu bhomu-o nde ayie ka Ebhe-e, yi tí da nabhéhólé de. 'E-e! Yi agú gbele ne Ebhe de.»

Abhomu-o, Libi okpála natsia 'kpí li 'ngú gba omaYuda atsia aziba mabhungja gba Gamaliele-o. ⁴⁰ U a'i obhulu titima-o. U aha líli me u bhí uo ne fimbo. U aha di líli pi uo kpekepe me u akpó 'ngú matá ne 'li Yesu belegu de bini. Pipíta-a, u atsia atse 'kpa li uo. ⁴¹ Abhomu-o, obhulu titima-a akoto me u nde abedhe ne djali bedhe. Padhá de, anga Ebhe au ndjindji me u zu likabhu ngabula 'li Yesu. ⁴² Ekpí bini ne bini hana, u adu bha nasuno di ne nakpokpo Bádha Ngali gba Yesu Masiya bhú 'ngbé 'ti Ebhe di ne bhú oti gba o-o.

6

U alo okpála mananika ngú nateteke obhulu titima gba Yesu

¹ Li nedhinga ang-o, omukpata adu akolo bhelé. Engú bini, omaYuda inde adu nadi eli na giliki-e, atsia aholo nadi mutokono li obhende adu nadi eli na ebele-o. U adu apa me: «Ndu 'kpí hana nedhinga nagapa 'zu-o, u ngaha ezú pi ookesi na libi gba ya-a ndjindji ade.» ² Abhomu-o, obhulu titima ndjikpa ne ká bhisi gba Yesu-o apekebhe bhála ndu omabhuka hana. U atsia apa pi uo me: «A ayo de me ya 'o ká nakpokpo eli gba Ebhe-e ngú nagapa 'zu-o de. ³ Kaka-a, ondaise ya, yi gili okpála mananika inde li okpála ngaziba o ndjindji, inde abedhe ne Bu Bhobua di ne imbilangu bhú ká yi, amba ya ha kulu bhomu-o pi uo. ⁴ Abhomu-o ngaya-a, ya tí da naha ndu nedhinga gba ya-a hana ngabula nayo di ne nakpokpo Bádha Ngali gba Ebhe-o.»

⁵ Ndu okpála hana aziba engú inde li obhulu titima apa e ko. Abhomu-o, u alo Etieni, kpála inde abedhe ne nabhuka di ne Bu Bhobua, ne Filipino, ne Polokole, ne Nikanola, ne Timoni, ne Palamenasi, ne Nikola, kpála na kuti na Atiokia inde abhuka nani Ebhe gba omaYuda ko.* ⁶ U anu ne uo kala obhulu titima. Abhomu-o, obhulu titima a'o 'kpa o pi uo, u atsia ayo Ebhe pi uo.

⁷ Eli gba Ebhe-e adu bha naya ne kalanu. Abhomu-o, alo gba omabhuka atsia adu

a'u ne bhúlá naali bhú Yelusalema. Odi-mandé gba Ebhe bhelé atsia abhuka di.

U aholo Etieni

⁸ Etieni abedhe nani ne angu ka bádha bhú 'bu gba Ebhe. Abhomu-o, ani atsia adu amene ongbengbe 'ngú di ne ongu na ngangamba bhú ká okpála. ⁹ Okpála koko ago ngú namene kpekebhe ne Etieni. Bhú ká uo-o, okoko adu okpála inde adu apo bhúla o bhú eti nadije líli gba Moidje, inde u a'i e me «Eti nadije líli gba okpála inde aze bhú balí-o.» Okoko ayie nani bhú gudhu na Silene, ne bhú gudhu na Alekidjandili, ne bhú ndu doto na Silisia di ne bhú ndu doto na Adjia. ¹⁰ Engú bini, imbilangu gba uo tí nani da nakolo li bhe gba ani-e de. Padhá de, anga ani adu agama 'ngú ne imbilangu di ne angu inde li Bu Bhobua adu aha e pi ani ngae ko.

¹¹ Abhomu-o, u aha tia pi okpála, amba u pa eu li ani me: «Ya adje ani me ani nde ngasobho Moidje di ne Ebhe!» ¹² U amene moko ngabula me okpála, ne obhelesi okpála di ne omusuno na líli-e, bi 'gu ngú Etieni. Pipíta-a, u aze li Etieni, u aholo ani. U atsia anu ne ani kala Libi okpála natsia 'kpí li 'ngú gba omaYuda ko. ¹³ Oo, u anu di ne okpála inde adu apa 'ngú li Etieni ne eu. Okpála ang-o atsia adu apa me: «Kpála inde-e, ndu 'kpí hana, ngapa bha bini 'ngú sisiti li kute 'ngbé 'ti Ebhe na bubu gba ní, di ne li kute líli gba Moidje-o. ¹⁴ Ya adje ani me ani nde ngapa me: «Yesu ang-o, kpála na Nadjaleta, abhólé 'ngbé 'ti Ebhe inde, ani tsia dí di odasundu inde ya asia e ka Moidje ko.» ¹⁵ Ndu okpála inde adu bhú 'ti oo hana abanga djila o li Etieni. U atsia au me bhúla ani adu asu maka bhúla andjelu .

7

Etieni akpokpo 'ngú kala okpála

¹ Abhomu-o, bhele kpála gba odimandé ayi Etieni me: «Engú inde u ngapa e li mu bhomu-o, a ko bha ndju kukulu 'ngú?»

² Etieni atsia agie me: «Odyi ma di ne ondaise ma, yi djedje nga! Ebhe na sangu akoto nani li ogbi ní Abalahama bhú ndu doto na Medjopotami kala me ani nu nasi kuti bhú ndu doto na Alana. ³ Ani atsia apa pi ani me: «'O ká doto gba mu di ne piga gba mu-o, amba mu nu bhú doto inde ma asúno e pi mu ko.»

⁴ Abhomu-o, Abalahama ayie bhú doto gba oKaladea, ani atsia anu nasi kuti bhú Alana. Pita li 'dyi ani akpi lie, Ebhe a'e ani bhú Alana, ani atsia ago a'o ani bhú doto yi nde bhú e mbia inde-e ko. ⁵ Ebhe ha nga

* 6:5 Nabhuka Ebhe gba omaYuda: A akunda napa me okpála koko, inde ne omaYuda ade-e, adji nani bua o, u atsia abhuka Ebhe gba omaYuda-o. Nikola inde-e, atsia abhuka di nani Yesu. † 7:3 7:3 Tsia bhú Dje. 12:1.

nani edyi pi ani sii de, belegu de mboye bili na'o 'dhu e ka ani tété. La-a, ani atsia apa nani pi ani kalanu me: <Ma ahá doto inde e pi mu, li ongisi gba mu-o* tsia tígala ne di pita mu-o ngao.> La-a, li nedhinga bhomu-o, ndili du nga nani ka ani de.

⁶ Ebhe apa pi ani bhomu-o me: <Ongisi gba ongisi gba mu-o anú adulu bhú doto na gandji gandji. Oo, u akólo obalise gba okpála na doto ang-o. Li okpála ang-o méne uo sisiti ngabula kalanga kámá badha.> ⁷ La-a, Ebhe apa matá di me: <Ma akódho 'ngú gba okpála inde u akólo obalise pi o-o ngama. Pipita-a, u zé oo, u tsia gó dú adheghe ma li bili inde.>

⁸ Abhomu-o, Ebhe atsia akodho gandja ne Abalahama. Li Abalahama azu Isaka lie, ani atsia ato ani bhú gandja bhú 'kpí na madjina nayie li 'kpí u azu ani lie-o. Isaka amene bhadi moko pi Yakobho. Yakobho atsia amene bhadi moko pi onguo ogbi ní ndjikpa ne ká bhisi-o.

⁹ Pipita-a, onguo ogbi ní ang-o adje siti bua naali pi Djodjefu, ndindili pita o-o. Abhomu-o, u atsia atsindji ani me u nu ne ani bhú bali bhú Edjipeto. La-a, Ebhe adu bhú dabilí bini ne ani. ¹⁰ Ebhe agbeghe Djodjefu bhú likabhu gba e hana. Ani asuno bádha bhú 'bu gba e pi ani ne imbilangu, ani atsia amene di me engú gba ani-e du anga li Falao, 'ngbé ngámá na doto na Edjipeto-o naali. Abhomu-o, Falao atsia a'o ani ngámá pí 'ndji Edjipeto di ne pí 'ndji eti gba e libhomu.

¹¹ Pipita-a, adyindi atsia ali bhú Edjipeto libhomu di ne bhú doto na Kanana. Likabhu adu naali. Kaka-a, onguo ogbi ní du asia ehe nazu mazú de. ¹² Li Yakobho adje lie me ehe nazú mazú bhú Edjipeto-o, ani atsia atima ongisi gba e, onguo ogbi ní oo bhútsibhútsi na bini. ¹³ U anu lie bhútsibhútsi na bhisi-e, Djodjefu atsia asuno lie pi ondaise e. Abhomu-o, Falao atsia ambila piga gba Djodjefu-o. ¹⁴ Pipita-a, Djodjefu atima okpála me u nu ha 'dyi ní Yakobho ne piga gba e hana. U adu nani ndu o hana okpála ndjikpa mananika ne ká bhuluvue. ¹⁵ Abhomu-o, Yakobho anu bhú dabilí bini ne ongisi gba e, onguo ogbi ní, bhú Edjipeto. U atsia amu oo. ¹⁶ U abha kuo uo anu ne di bhú gudhu na Sikeme. Abhomu-o, u atsia azi bhú lata inde li Abalahama akala nani e ka ongisi gba Emola bhú Sikeme-o.

¹⁷ Li nedhinga akolo lie masikpe ngubula me Ebhe mene engú inde ani apa nani e kalanu me ní améne e pi Abalahama, piga gba ní-e abe ndu e. Okpála atsia akolo

bhelé bhú Edjipeto. ¹⁸ Pipita-a, ngámá koko aholo nau bhú Edjipeto. Ngámá ang-o mbila nani engú gba Djodjefu-o de. ¹⁹ Ani apite okpála gba ní-o, ani atsia amene onguo ogbi ní sisiti. Ani aholo uo ne kpéke me u 'o ká ongisi na ndjendje gba o-o, amba ongisi ang-o mu. ²⁰ Li nedhinga bhomu-o, u azu Moidje. Ani adu babadha naali bhú djila Ebhe. U aku ani epe bata bhú 'bu 'ti gba 'dyi e. ²¹ Li u a'o ká ani lie, ndili na eole gba Falao aha ani, ani atsia aku ani maka ndili gba e makpe. ²² U asuno ndu imbilangu hana gba okpála na Edjipeto pi Moidje. Ani atsia akolo kpekpeke bhú nagama 'ngú di ne namene 'he.

²³ Li Moidje akolo lie ne kalanga ndjikpa badha-a, ani atsia abhundja li bua e me ní nu tsia ondaise ní, omafalaale. ²⁴ Oo, ani au me maEdjipeto bini ngamene saka omafalaale sisiti. Abhomu-o, ngú nagie siti 'ngú bhomu-o, ani atsia abhelé maEdjipeto ang-o. ²⁵ Moidje adu abhundja nae me ondaise ní omafalaale ambila me Ebhe alo ní ngú nakobho o. Engú bini ngau-o, u mbila la mo-o de. ²⁶ Li ekpi aseke lie, Moidje abhaka me omafalaale bhisi nde ngagu gbele sunda o. Abhomu-o, ani akunda nayoko uo. Do ani de-e: <Wai, yi ne ondaise. Yi ngamene liyi sisiti ka ní?> ²⁷ Engú bini, kpála bhende adu amene kilí e sisiti-e andjimba Moidje, ani atsia apa me: <A ko da inde a'o mu ngámá di ne kpála nakodho 'ngú gba ya-a?> ²⁸ Mo okunda nabhelé ma, maka mo obhelé lili maEdjipeto lie?> ²⁹ Li Moidje adje eli bhomu-o lie, ani ayie bhú Edjipeto, ani akpe, ani atsia anu adu bhú doto na Madiana. Oo, ani azu ongisi na obhosibhosi bhisi.

³⁰ Pita kalanga ndjikpa badha-a, andjelu bini akoto li Moidje bhú mili bili denge eta na Sinai. Andjelu ang-o akoto li ani bhú djua me a nde ngatsi bhú tsá 'pó. ³¹ Ani angamba naali ka engú inde ani au e-o. Nedhinga ani adu adyudyo lie lie masikpe ngú natsitsia-a, ani atsia adje 'li Ngámá apa me: ³² <Ma ne Ebhe gba onguo ogbi mu, Ebhe gba Abalahama, Ebhe gba Isaka, Ebhe gba Yakobho.> Moidje aholo naguku ka tsulu, ani le natsitsia de. ³³ Abhomu-o, Ngámá atsia apa pi ani me: <Pandja maloke bhú 'dhu mu, anga bili mo olu lie inde-e, a ko bili na bubu. ³⁴ Ma au maka u ngato mbolo li okpála gba ma bhú Edjipeto lie au. Ma atsia adje la di maka u ngalopolo lio lie adje. Ma ago ngú nagbegbe uo bhú bali ang-o. Mbia inde-e, ma ngatima mu bhú Edjipeto, nana.>

* 7:5 7:5 Ongisi gba mu: A akunda napa me ongisi gba ani na obhosibhosi. † 7:7 7:6-7 Tsia bhú Dje. 15:13-14.

† 7:28 7:27-28 Tsia bhú Eki. 2:14. † 7:32 7:32 Tsia bhú Eki. 3:6. † 7:34 7:33-34 Tsia bhú Eki. 3:5, 7, 8, 10.

³⁵ A ko Moidje inde li omafsalaele ayala e, inde u apa pi e me: «A'o mü ngámá di ne kpála nakodho 'ngú gba ya-a da?» Ebhe atima aní me aní dũ ngámá di ne mukobho. Andjelu apa pi aní li nedhinga inde aní akoto li aní lie bhú tsá 'pó inde adu atsi ko. ³⁶ Moidje agbegbe omafsalaele bhú doto na Edjipeto ngae. Aní amene ongú na ngbengbengbe di na ngangamba bhú doto ang-o, bhú 'ngbé 'ngu na Mbembe di ne bhú 'gu. Aní amene ongú ang-o bhú kalanga ndjikpa badha. ³⁷ A ko matá bhadi Moidje inde apa pi omafsalaele me: «Ebhe agbé polofeta pi yi maka ma bhú ká ondaise yi.» ³⁸ Li onguo ogbi ní apekobhø bhúla o lie bhú 'gu-o, Moidje adu oo. Aní adu bhú dabili bini ne onguo ogbi ní. Aní adu la di bhú dabili bini ne andjelu inde adu agama 'ngú pi aní apí 'ta na Sinai-o. Aní asia eli na mukobho-o ngú nakpokpokpo pi ní ngae.

³⁹ Engú bini, onguo ogbi ní dũ amene líli gba aní-e de, u adu ayala aní. Abhomu-o, u adu akunda nagie lío bhú doto na Edjipeto. ⁴⁰ U apa pi Alona me: «Bho oebhe pi ya, amba u dũ adholo kala ya. Padhá de, anga Moidje inde-e, inde apandja ya bhú doto na Edjipeto-o, ya mbila engú inde akolo li aní-e de.» ⁴¹ Abhomu-o, u abho kulu ndili bagala, bhú oekpi bhomu, u atsia atsulu enu pi aní. U amene anokomia kabula ehe inde u abho e ne 'kpa o-o. ⁴² Engú bini, Ebhe adji 'ngbu e li uo, aní atsia a'o uo me u dhøgø oikupala, maka u aye lie bhú bhuku gba opolofeta me:

«Ngayi okpála na Isalaele-e, yi atsulu nani oenu muma uu?»

Yi aha la di oehe koko muma uu sũnda kalanga ndjikpa badha bhú 'gu-o?

A mo-o ade.

⁴³ Yi abi mangbo wema gba ebhe Moloko, di ne kulu ikapala gba ebhe gba yi Lefana-o.

A bhomu-o kulu oehe na padhá padhá, inde yi abho o ngubula nadhøgø o-o. Kaka-a, ma ambá yi tsutsu nane Babilona mane.†»

⁴⁴ Onguo ogbi ní, bhú 'gu-o, adu nani ka uo ne 'ti ngbangbali li Ebhe adu asuno lie bhú e-o. Moidje abho nani maka bhende li Ebhe asuno nani e pi aní-o. ⁴⁵ Abhomu-o, u atsia aha 'ti ngbangbali ang-o pi ongisi gba onguo ogbi ní, inde adu li nedhinga li Djodjue adu lie ngámá-o. U atsia adu ali ne di bhú odoto gba opiga inde li Ebhe ato nani holo bhú 'dhũ o kala uo-o. U adu oo akolo bhú nedhinga gba 'ngbé ngámá Davidi. ⁴⁶ Engú gba Davidi inde

asia nani bádha bhú 'bu gba Ebhe-e, adu bhú djila Ebhe ndjindji. Aní atsia ayo nani kpadji me ni yiki eti pi Ebhe gba Yakobho. ⁴⁷ Engú bini, Salomo, ndili gba Davidi-e, ayiki mangbo nani eti pi aní ngae. ⁴⁸ La-a, Ebhe Apí 'Kpí dadu bhú 'ti inde li okpála ayiki e ne 'kpa o-o de. Maka li polofeta apa lie me:

⁴⁹ «Ngámá apa me: ekpi ne dabili na ngámá gba ma-o.

Doto ne dabili na sa 'dhũ ma.

Mangua 'ti dho yi ayiki e muma?»

Bili ma agúo lie su?»

⁵⁰ Ma bho ndu 'he bhomu-o hana ngama di?†»

⁵¹ Pipita-a, Etieni atsia apa me: «Ngayi-e, yi ne okpála na kpekpeke 'ndji! Bua yi agbigbite lie, 'dje yi atsia anini! Ndu 'kpi hana yi ngamene kpekabhø ne Bu Bhobua maka onguo ogbi yi! ⁵² A ko polofeta bhedho inde li onguo ogbi yi to mbolo li e de-e? U abhøle belegu obhende akpokpo 'ngú pindji nago ka Kpála na Ngbingbili-o. Mbia inde-e, kpála ang-o, yi apu aní, yi atsia abhøle aní. ⁵³ Ngayi okpála inde asia líli gba Ebhe-e ka oandjelu-o, engú bini, yi mene la líli ang-o de!»

U abhøle Etieni

⁵⁴ Li okpála inde adu li bili nakodho 'ngú-o adje engú li Etieni apa e lie, u abi 'gú li bua o. U atsia aholo nazu tate o ngubula aní. ⁵⁵ Engú bini, Etieni inde adu me aní nde abedhe ne Bu Bhobua-a, atsia 'kpi ne abhúlá, aní au zi Ebhe. Aní atsia au di Yesu me aní nde alu li pá 'kpa na kokpa gba Ebhe-o. ⁵⁶ Aní atsia apa me: «Yi djedje nga! Ma au kokpi abhulu lie, Ndili gba kpála alu li pá 'kpa na kokpa gba Ebhe!»

⁵⁷ Ndu okpála hana inde adu oo adje engú bhomu-o lie, u asula ne 'ue kpekpeke, u anini 'dje o. U anu ndu o hana bhú dabili bini, u atsia atuko pi Etieni. ⁵⁸ U agbe aní bhú gadhu-o, u atsia aholo natatulu aní ne oteme ngú nabhøle aní. Okpála inde adu apa 'ngú li aní ne eu-o, abhu nani makombi bini. U atsia abu obongo gba o-o bhú li 'dhũ aní ngé nalilila. A adu 'li makombi ang-o me Saulo.† ⁵⁹ Nedhinga u adu atatulu Etieni lie ne teme ngú nabhøle aní-e, aní atsia ayo Ebhe me: «Ngámá Yesu, ha bua ma haha!» ⁶⁰ Abhomu-o, aní akikita lipuku e kuto, aní asula kpekpeke me: «Ngámá, mo otsia siti 'ngú gba uo-o de!» Pita aní apa 'ngú bhomu-o lie, aní atsia andala 'kpa li bua e.

† 7:37 7:37 Tsia bhú Det. 18:15, 18. † 7:40 7:40 Tsia bhú Eki. 32:1. † 7:43 7:42-43 Tsia bhú Ams. 5:25-27.

† 7:50 7:49-50 Tsia bhú Isa. 66:1-2. † 7:58 7:58 Saulo: A ko 'ili na ebele. Polo: a ko 'ili na giliki. U aholo na 'i aní me Polo li nedhinga aní aholo nakpokpo Bádha Ngali lie pi ogandji okpála ko.

8

¹ Abhomu-o, Saulo atsia aziba me u bhөлө Etieni.

U aholo nato mbolo li okpála na Piga gba Ebhe

Bha li 'kpí ang-o, u aholo nato mbolo naali li okpála na Piga gba Ebhe na gudhu na Yelusalema. Ndu omabhuka hana akpe, naneke bha bini obhulu titima gba Yesu-o . U atsia atsambala bhú ndu doto na Yudaya ne bhú ndu doto na Samalia. ² Okpála koko bhende adu akpe Ebhe-e aku 'gbá Etieni naali. U aha kuo ani, u atsia anu azi. ³ La-a, Saulo aholo nato mbolo li Piga gba Ebhe-e ngu nabhebhөлө. Ani adu nali bhú 'ti bini ne bini. Ani adu napanja omabhuka, olisi di ne obhosi, ani atsia adu namba uo bhú tikpa.

Filipo akpokpo Bádha Ngali bhú Samalia

⁴ Omabhuka inde atsambala adu anu ne ndu bili hana me u nde ne kpokpo Bádha Ngali . ⁵ Abhomu-o, Filipo anu bhú suka gudhu bini na Samalia. Oo-o, ani atsia akpokpo ngali gba Masiya-o . ⁶ Okpála bhelé ne bua bini abhuka 'li Filipo. Padhá de, anga u adu adje ngali ongu na ngangamba inde ani adu amene e-o. U atsia adu la di auu ne djila o. ⁷ Osisiti bua bhelé aze bhú okpála. Osisiti bua ang-o adu aze me u nde ngatu 'ue kpekepe. Okpála bhelé inde adu odukuto, di ne obhende adu ne eze li 'dhu o-o, atsia akobho. ⁸ Abhomu-o, djali atsia adu naali bhú gudhu ang-o.

⁹ Kpála bini adu nani bhú gudhu ang-o, a adu 'li ani me Simo. Nayie didili naali, ani adu amene 'ngú na mambengu mambengu. Ndu okpála hana na ndu doto na Samalia adu angamba ka ani naali. Ani atsia adu apa me ni ne 'ngbé kpála. ¹⁰ Ndu okpála hana adu aha lio ngu nadje ani, nayie li okpála na padhá, akólo li okpála na ngbengbengbe. U adu napa me: «Kpála inde-e, a ko angu gba Ebhe, angu inde u 'a'i e me <Angu na ngbéngbé.» ¹¹ U adu nakpata ani, anga nayie didili naali, ongu na mambengu gba ani-e adu angamba uo naali. ¹² Engú bini, li Filipo adu akpokpo Bádha Ngali Nau gba Ebhe , di ne Yesu Kilisito lie pi uo-o, olisi ne obhosi abhuka. Pipita-a, u atsia asia batisimo. ¹³ Simo abhuka belegu di ngae, ani atsia asia batisimo. Ani du matá nayie de Filipo de. Ani adu nangamba naali li oehe di ne ongamba 'ngú na ngbengbengbe inde li Filipo adu namene e-o.

¹⁴ Obhulu titima gba Yesu abhú gudhu na Yelusalema adje me okpála na ndu doto

na Samalia asia eli gba Ebhe-o . Abhomu-o, u atima Piele di ne Djaa pi uo. ¹⁵ U akolo lie bhú ndu doto na Samalia oo, u atsia ayo Ebhe pi uo ngubula me u sia Bu Bhobua . ¹⁶ Padhá de, anga Bu Bhobua ke nga nani pi suka uo bini de. U asia nga bha nani batisimo ne 'li Ngámá Yesu. ¹⁷ Abhomu-o, Piele ne Djaa a'o 'kpa o pi 'ndji uo, u atsia asia Bu Bhobua.

¹⁸ Simo au me Bu Bhobua aké pi okpála inde li obhulu titima a'o 'kpa o pi 'ndji o-o. Abhomu-o, ani ago ne tia me ni ngaha makiso pi Piele ne Djaa. ¹⁹ Do ani de me: «Yi ha di angu ang-o mama, amba kpála bhende ma a'ó 'kpa ma pi 'ndji e, ani de sia Bu Bhobua.» ²⁰ Engú bini, Piele agie pi ani me: «Siti de bhaka bhado bha mu bhú dabili bini ne tia gba mu-o! Padhá de, anga mo obhundja me mu ti da nakala ehe inde li Ebhe ngaha e padhá-a ne tia. ²¹ Ndu 'ngú inde ngakodho 'kpí inde-e hana, a pi mu ade. Mu ti la di da nali bhúbhú de. Padhá de, anga bua mu kala Ebhe ngbingbili ade. ²² La-a, dji bua mu ka siti 'ngú inde mo obhundja e li bua mu ko. Yo ka Ngámá ngubula me, i du me ani nde akunda-a, ani de 'e siti 'ngú ang-o. ²³ Padhá de, anga ma au me mo obedhe bhú mu ne gamu 'he. Mu la di bhú 'kpú gba siti.» ²⁴ Abhomu-o, Simo apa pi Piele ne Djaa me: «Ngayi makpe-e, yi yo mangbo Ngámá ngu ma ngayi, ngubula me ngua 'ngú yi apa e bhomu-o, akólo li ma de.»

²⁵ Pipita-a, Piele ne Djaa akpokpo ongu inde li Ngámá Yesu amene e li djila uo-o. U asuno eli gba ani-e pi okpála. Abhomu-o, u atsia agie lio bhú Yelusalema. Li kpadji-e, u akpokpo Bádha Ngali bhú okati bhelé na ndu doto na Samalia.

Kpála bini na Etiopi adji bua e

²⁶ Pipita-a, andjelu bini gba Ngámá-a apa pi Filipo me: «Yie bhúlá, amba mu ke li pápá na yoyoko, li kpadji inde ayie bhú gudhu na Yelusalema, atsia aké bhú Gadja ko. Kpadji ang-o apu bhú mili bili.»

²⁷ Abhomu-o, Filipo ayie bhúlá, ani atsia aholo ne enú li kpadji ang-o. Li kpadji-e, bhoko bini akoto. A adu nani eniki,* 'ngbé kpála na doto na Etiopi. Ani adu nalila ndu tia hana gba Kandase, ngámá na eөлө na Etiopi-o. Ani anu nani bhú Yelusalema ngu nadhögө Ebhe, ²⁸ ani atsia adu nagie lie agba e. Ani adu kuto bhú kpulukpulu gba e-o. Ani atsia adu natanga bhuku gba polofeta Isaya.

²⁹ Bu Bhobua apa pi Filipo me: «Nu de kpulukpulu bhomu, amba yi nu ne bhúbhulu-o.» ³⁰ Filipo anu bhú holo, ani atsia adje kpála na Etiopi bhomu-o

* 8:27 8:27 Eniki: A ko bhoko inde i ti da nakunda eөлө de, anga angu na bhoko bhú ani ade. Tsia bhú Mat. 19:12.

ngatanga bhú bhuku gba polofeta Isaya. Abhomu-o, Filipino ayi ani me: «Engú inde mu ngatanga e bhomu-o, mu ngadje tata-a uu?»³¹ Kpála ang-o agie me: «Ma ambíla la tata-a lele pí, i du me kpála nde kpokpo kúkú múma de-e?» Abhomu-o, ani a'i Filipino me ani 'u bhú kpulukpulu-o, amba ani du de ni.³² Eli inde ani adu atanga e bhú bhuku gba Isaya ngae inde: «U adu nanu ne ani maka kandelè inde u adji nabhøle e,

maka ndili kandelè inde agbite 'bhø e li nedhinga u ngaka su ani lie-o.

Ani 'u 'bhø e de.

³³ U akø ani ne kuto, u kodho 'ngú gba ni-eningbili de.

A ko da inde i ti da napa 'ngú gba ongisi gba ani-e?

Padhá de, anga u a'e mukobho gba ani-e píla doto a'e.†»

³⁴ Bhoko na Etiopi ang-o ayi Filipino me: «Ma ayo ka mu me pa nga múma: polofeta ngapa 'ngú bhomu-o li da? Ne me ani ngapapa li e, ne me ani ngapapa li kpála koko?»³⁵ Abhomu-o, Filipino aholo na'o'o tata pí ani li Bádha Ngali gba Yesu-o nayie li Eli inde ani adu atanga e-o.

³⁶ U adu anu lie li kpadji-e, u akolo li bili bini, adu oo ne engu. Abhomu-o, 'ngbé kpála ang-o apa pí Filipino me: «Tsia nga engu ii! Nasia batisimo ka ma-a, a adha mbia inde-e li ni?» [³⁷ Filipino atsia apa pí ani me: «† du me mu nde abhuka ne bua mu hana-a, mu ti da nasia batisimo.» Kpála ang-o agie pí ani me: «Ma abhuka me Yesu Kilisito ne Ndili gba Ebhe.»] ³⁸ Abhomu-o, ani atsia apa me kpulukpulu-o lulu. Pipita-a, ndu u bhisi hana, Filipino ne kpála ang-o, akø bhú 'ngu. Filipino atsia abatisa ani.³⁹ Li u aze lie bhú 'ngu-o me-e, Bua gba Ngámá-a atsia adhepe Filipino. Kpála na Etiopi u matá ani de. Kpála na Etiopi ang-o aholo bha ibili enú kpi e kpi me ani nde ngakpi djali.⁴⁰ La pí Filipino-o, u anu au bha ibili ani bhú gudhu na Adjota. Pipita-a, ani apu bhú ndu ogudhu hana me ani nde ngakpokpo Bádha Ngali akólo bha bini li nedhinga ani akolo lie bhú Sedjale ko.

9

Saulo adji bua e

(Tsia bhú Kul. 22:6-16, 26:12-18.)

¹ Li nedhinga bhomu-o, Saulo adu nagili omukpata gba Ngámá Yesu ngú nabhili uo. Ekpi koko ani anu nabhaka bhele kpála gba odimandø gba Ebhe-o. ² Ani anu nayo balua me ni nu ne di ngú nali bhú otí nadje líli gba Moidje inde bhú gudhu na Damasi. Ni nu oo, amba i du

me ni nde abhaka okpála inde ngakpata 'ngú gba Yesu-o, obhosi di ne olisi, ni de holo uo, amba ni nu ne uo bhú gudhu na Yelusalema.

³ Nedhinga ani adu anu lie, ani akolo lie de Damasi masakpe-e, má gala kolo me-e, zi 'kpi bini ayie abhúla, a ago asa ngo ani ngbalina. ⁴ Ani atskodho ati kuto má ngbi! Ani atsia adje eli bini apa pí ani me: «Saulo, Saulo, mu ngato mbolo li ma ngú ni?» ⁵ Abhomu-o, Saulo atsia ayi me: «Ngámá, a ko mu da?» Eli atsia akoto matá pí ani me: «A ko ma Yesu, mu ngato mbolo e li ma. ⁶ La-a, yie bhúla yiyie, amba mu nu bhú gudhu. Engú inde ayo me mu mene e-e, u apa pí mu oo ko.»

⁷ Okpála inde adu anu ne ani bhú dabili bini-e alulu. Bhú 'bhø uo akpina má ndje ka tsulu. U adu adje eli, engú bini, u du au kpála inde adu agama 'ngú-o de. ⁸ Abhomu-o, Saulo ayie bhúla, ani abhulu djila e, engú bini, ani u la 'kpi de. U atsia aholo 'kpa ani ngú nanu ne ani bhú Damasi. ⁹ Oo, ani amene ngbolo 'kpi bata. Ani u 'kpi de, ani zu 'he de, ani ndji la di ehe nandji mandji de.

¹⁰ Mukpata bini adu bhú Damasi oo, a adu 'li ani me Anania. Ngámá a'i ani bhú ehe maka loto me: «Anania!» Anania atsia abhuka me: «Ma ii, Ngámá!» ¹¹ Abhomu-o, Ngámá atsia apa pí ani me: «Mbia inde-e, a ayo me mu nu li kpadji inde u a'i e me Ngbili kpadji bhú 'ti gba kpála bini inde u a'i e me Yuda. Yi Saulo, kpála na gudhu na Talasi. Li nedhinga inde-e, ani ngayo Ebhe. ¹² Ani atsia au bhú 'he maka loto kpála bini, inde 'li e me Anania, ali bhú 'ti nganda ni. Kpála ang-o atsia a'o 'kpa e pí 'ndji ani ngú napa me ani u matá 'kpi.»

¹³ Anania atsia agie me: «Ngámá, okpála bhelé apa 'ngú múma pindji bhoko bhomu. Ma mbíla la di ndu siti 'ngú hana inde ani amene e li kate okpála na bububu gba mu bhú Yelusalema-o. ¹⁴ Ongbenge odimandø aha la di kpadji pí ani me ani go ei ngú naholo ndu okpála hana inde ngabhuka mu-o.» ¹⁵ Engú bini, Ngámá apa pí ani me: «Nunu, anga bhoko bhomu-o, ma abhu ani ngú kulu gba ma-o. Ani anu nakpokpo engú gba ma-a pí opiga inde i mbíla ma de, pí ongbenge ongámási gba uo, di ne pí omatsalaele. ¹⁶ Ma asuno pí ani, ngama makpe, ndu likabhu hana inde a ayo me ani zu e kabula 'li ma-o.»

¹⁷ Abhomu-o, Anania anu, ani ali bhú 'ti oo, ani abhaka Saulo, ani a'o 'kpa e pí ani. Ani atsia apa me: «Ndai ma Saulo, Ngámá atima ma ngae. A ko Yesu inde akoto li mu li kpadji nedhinga mo odu nago lie-o. Ani atima ma, ngubula me mu u matá

† 8:33 8:32-33 Tsia bhú Isa. 53:7-8.

'kpí, amba mü bedhe di ne Bu Bhobua .»
¹⁸ Kolo má gala me-e, ehe maka kudhü 'he ayie bhú djila Saulo, abala kuto. Ani atsia aholo nau matá 'kpí. Abhomu-o, ani ayie bhúlá, ani atsia asia batisimo. ¹⁹ Pipita-a, ani azu 'he, ani atsia asia angu.

Saulo akpokpo Bádha Ngali bhú gudhü na Damasi

Saulo amene mbo ekpí bhú dabili bini ne omukpata na Damasi. ²⁰ Kolo má gala me-e, ani aholo nakpokpo pi omaYuda bhú oeti nadje líli gba Moidje me Yesu ne Ndili gba Ebhe. ²¹ Ndu okpála hana inde adu nadje ani-e adu angamba naali. U adu nayi me: «A inde-e bhulü nato mbolo li okpála inde ngabhuka Yesu abhú gudhü na Yelusalema di? Ani go nako e ngú naholo uo, di ne nanu ne uo pi ongbengbe odimandé gba Ebhe di?»

²² Engú bini, Saulo adu akolo ne angu bhú nasuno. Ani adu asuno mbámbá pi omaYuda na Damasi me Yesu ne Masiya . Kaka-a, u du nambila matá engú inde u agie e pi ani-e de.

²³ Pita ekpí bhelé, omaYuda adje lio me o bhөлө Saulo. ²⁴ Engú bini, Saulo ambila siti mabhundja gba uo-o. U atsia adu di nalila obhoti na gudhü-o sukpe ne ngbikpi ngubula nato ani, amba o bhөлө ani. ²⁵ Sukpe bini-e, ngaani ne omukpata gba e, u anu li malilisa na aga na gudhü-o. U ato ani bhú kili, u atsia aké ani ne di kuto akilidjo.

Saulo bhú gudhü na Yelusalema

²⁶ Li Saulo akolo lie bhú Yelusalema-a, ani adu nale nagbite lie li omukpata, engú bini, ndu uo hana adu nadje tsulu. Padhá de, anga u du nabhuka de me a ko ndju kukulü mukpata-a de. ²⁷ La-a, Balanabasi anu aha Saulo, ani atsia anu ne ani pi obhulü titima gba Yesu-o . Oo, Balanabasi akpokpo pi uo maka li Saulo au Ngámá Yesu lie li kpadji, di ne maka li Ngámá agama 'ngú lie pi ani-o. Ani atsia akpokpo di maka li Saulo du nasuno 'ngú lie ne tsulu de ne 'li Yesu bhú Damasi-o. ²⁸ Abhomu-o, obhulü titima atsia aziba Saulo. Nayie li nedhinga bhomu-o, Saulo du matá na' o ká obhulü titima-a de. U adu adhuku bhú Yelusalema bhú dabili bini. Ani tsia du nasuno ne 'li Yesu ne tsulu de. ²⁹ Ani adu di nasuno pi omaYuda inde adu nadi eli na giliki-o, ani atsia adu namene kpekebhe ne uo. Engú bini, ngauo-o, u adu agili nabhөлө ani. ³⁰ Li ondaise Saulo, omabhuka adje lie, u anu na' o Saulo bhú Sedjale. Oo, u atsia atima ani bhú Talasi.

³¹ Abhomu-o, omabhuka bhú ndu doto na Yudaya, bhú ndu doto na Galilaya, di ne bhú ndu doto na Samalia libhomu adu bhú guo 'ngú . U adu akolo kpekpeke

bhú nabhuka. U adu amanga Ngámá mamanga. U atsia adu nabe ndu o, ka angu gba Bu Bhobua.

Piele akobho Ene

³² Piele adu napu ne ndu bili hana. Abhomu-o, ekpí bini, ani anu natsia omabhuka inde adu bhú gudhü na Lida-o. ³³ Oo-o, ani abhaka bhoko bini, a adu 'li ani me Ene. Sunda kalanga madjina, ani adu me ani nde asi kuto pi kalagba gba e-o. Padhá de, anga adu nani dakuto. ³⁴ Li Piele au ani lie, ani atsia apa pi ani me: «Ene, Yesu Kilisito akobho mü mbia inde akobho! Yie bhúlá, amba mü leke dabili gba mü-o, ngamu makpe.» Kolo má gala me-e, Ene ayie bhúlá. ³⁵ Ndu okpála hana na Lida, di ne egu na Salona au lie mo-o, u adji bua o, u atsia abhuka Ngámá

Piele azuku Tabita

³⁶ Li nedhinga bhomu-o, mukpata bini na eölө adu nani bhú gudhü na Djope, a adu 'li ani me Tabita (bhú eli gba oGiliki-e me «Dolokasi», a akunda napa me «gbe-lende»). Ani adu amene obabadha 'ngú, ani atsia adu ateteke di obhulü ndibhili ndu 'kpí hana. ³⁷ Ekpí bini, ani asi kuo, ani atsia akpi. U avulu kute kuo ani, u atsia a' o bhú tina 'ti bini abhúlá.

³⁸ Gudhü na Lida masikpe de gudhü na Djope. Kaka-a, li omukpata adje lie me Piele bhú Lida-a, u atsia atima okpála bhisi ngú napa pi ani me: «Kikiliako, ya ayo ka mü me go nga gba ya ei má gala!» ³⁹ Piele ayie bhúlá kolo má gala, ani atsia anu bhú dabili bini ne okpála inde u atima o-o. Ani akolo lie oo-o, u anu na' o ani bhú tina 'ti inde abhúlá-o. Ndu oekösi hana na gudhü ango-o ago de Piele me u nde ngaku 'gbá. U adu asuno obongo na mbulu, di ne okoti inde li Tabita adu amene e nedhinga ani adu lie bhú mukobho-o pi ani.

⁴⁰ Piele apandja ndu okpála hana kilidjo, ani akikita lipuku e kuto, ani atsia ayo Ebhe. Pipita-a, ani adji bhúla e ne apí kuo-o, ani atsia apa me: «Tabita, yie bhúlá!» Abhomu-o, Tabita a'u djila e. Li ani au Piele lie, ani atsia adu madu. ⁴¹ Piele aholo 'kpa ani, ani atsia a'e ani bhúlá. Pipita-a, Piele a'i omabhuka koko di ne oekösi na olisihisi, ani atsia asuno ani pi uo me ani nde uu. ⁴² Ndu okpála hana na Djope adje engú inde akodho 'kpí-o. Abhomu-o, okpála bhelé atsia abhuka Ngámá. ⁴³ Piele amene bhú Djope ekpí bhelé. Ani adu nadu gba kpála bini inde li 'li e adu me Simo. Kpála ango-o adu namene kulu na kó 'nu.

10

Koloneli a'i Piele agba e

¹ Kpála bini adu nani bhú gudhu na Sedjale, a adu 'li ani me Koloneli. Ani adu ngámá pí 'ndji osudha kámá bini. Libi osudha ang-o inde u a'i e bhú dabili bini ne osudha koko-o me «Libi osudha na Itali.» ² Kpála ang-o adu amanga Ebhe di ne nakpe Ebhe bhú dabili bini ne piga gba e libhomu. Ani adu ateteke obhulu ndibhili inde adu bhú ká omaYuda-a naali. Ani atsia adu ayo Ebhe piko.

³ Ekpí bini, masikpe de saa na bata pita tulukpe-e, ani au mbámbá bhú 'he maka loto me andjelu bini gba Ebhe-e nde ngali agba ani. Andjelu ang-o a'i ani me: «Koloneli!» ⁴ Ani atsia andjelu ang-o ne tsulu hana. Ani atsia apa pi ani me: «A ko mangua 'ngú dho, Ngámá?» Andjelu-o agie pi ani me: «Ebhe adje nayo gba mu-o adje. Ani aziba di oehe inde mu ngaha e pi obhulu ndibhili-o. Kaka-a, 'to ani 'ili li mu de.» ⁵ Mbia inde-e, tima okpála bhú Djope ngubula na'i kpála bini inde u agisila 'li e me Simo Piele-o. ⁶ Ani ngasi agba kpála bini inde 'li e me Simo, kpála namene kulu na kó 'nu. Kutí gba ani-e a de 'ngbé 'ngu.» ⁷ Pipita-a, andjelu inde agama 'ngú pi ani-e atapa. Abhomu-o, Koloneli atsia a'i okpála na kulu gba e bhisi, di ne sudha bini. Sudha ang-o adu kpála nakpe Ebhe. Ani atsia asi di nani bhú kulu gba ani-e naali. ⁸ Koloneli akpokpo ndu 'ngú inde akodho 'kpí-e hana pi uo. Pipita-a, ani atsia atima uo bhú Djope. Abhomu-o, u atsia agbida.

Piele anu agba Koloneli

⁹ Li ekpí aseke lie, okpála u atima o-o adu nga bha lie li kpadji-e, u akolo de gudhu na Djope. A abhaka me Piele nde a'u apí 'ngbu 'ti ngú nayo Ebhe masikpe de tulukpe. ¹⁰ La-a, gumu aholo amene ani, ani adu akunda nazu 'he. Nedhinga u adu alu 'zu-o lie pi ani-e, ani atsia au engú maka loto. ¹¹ Ani au kokpí abhulu lie. Ani au ehe bini maka 'ngbé 'kpá bongo . U ahoholo li odjedje badha. A ayie abhúla, atsia adu aké kuto.

¹² Bhú 'ngbé 'kpá bongo ang-o, ndu djua onu hana na 'dhu badha, ne ndu djua onu inde ngagbele lio ne 'bu o kuto, di ne ndu djua odhu hana adu bhúbhú. ¹³ Abhomu-o, ani adje eli bini inde apa pi ani me: «Piele, yie bhúla! Bhebhelo, amba mu zu!» ¹⁴ Engú bini, Piele agie me: «A mo-o ade, Ngámá! Padhá de, anga ma zu nga ezu inde li líli gba Moidje ayala e, di ne bhende na sisiti kala Ebhe belegu de bini.*» ¹⁵ Ani adje matá eli ang-o bhatsibhatsi na bhisi-e me: «Ehe inde li

Ebhe adje e akolo bubu-o, mo opá de me a sisiti-e de.» ¹⁶ Engú ang-o amene lie bhatsibhatsi bata. Pipita-a, má gala kolo me-e, bongo ang-o atsia agie lie abhúla.

¹⁷ Abhomu-o, mabhundja gba Piele atsia angbingi ka engú inde ani au e-o. Ani adu ayi bua e me: «Tata-a pi?» Bha li nedhinga li Piele adu ayi bua e lie bhomu-o, okpála inde li Koloneli atima o akolo li bhoti gba Simo-o. A adu me u nde ayi okpála me eti gba Simo-o su. ¹⁸ U a'i kpála bini, u atsia ayi ani me: «A inde-e bilí li Simo u agisila 'li e me Piele asisi lie?» ¹⁹ Li nedhinga bhomu-o, Piele adu nga bha nabhundja pindji engú inde ani au e-o. Abhomu-o, Bu Bhobua atsia apa pi ani me: «Tsitsia nga, okpála bata† ngagili mu. ²⁰ Yie bhúla, ké akuto, amba yi nu bhú dabili bini ne uo. Mo odjidi limu de. Padhá de, anga ma atima uo ngama.»

²¹ Abhomu-o, Piele aké, ani abhaka okpála ang-o. Do ani pi uo me: «Kpála inde yi ngagili e-e, a ko ma. Yi ago la ngú ní?» ²² U agie pi ani me: «Ngámá gba osudha, inde 'li e me Koloneli-e atima ya ngae. A ko kpála na ngbingbili , inde di ngadhøø Ebhe. Ndu omaYuda hana ngapa 'ngú gba ani-e ndjindji. Andjelu bini gba Ebhe-e akoto li ani, ani atsia apa pi ani me: «Tima okpála ngú na'i Piele, amba mu dje engú inde ani akpókpo e pi mu ko.» ²³ Abhomu-o, Piele ato okpála ang-o abhú 'ti. Ani atsia asuno dabili u asi lie pi uo. U atsia asi tété.

Li ekpí aseke lie, Piele anu bhú dabili bini ne uo. Abhomu-o, omabhuka koko na Djope atsia anu na'o Piele. ²⁴ Pita 'kpí bini-e, u atsia akolo bhú Sedjale. A abhaka me Koloneli nde apo bhúla omaha e di ne obi e na mukunda. Ani atsia adu adjeke uo oo. ²⁵ Li Piele akolo lie, Koloneli ago naké lio ne ani. Ani ati bhú li 'dhu ani. Ani atsia atu bhúla e ne kuto ngú namanga ani. ²⁶ Engú bini, Piele a'e ani bhúla. Ani atsia apa pi ani me: «Lu malu! Padhá de, anga ngama-a, ma bhadi ne kpála na padhá!» ²⁷ Ani adu agama 'ngú lie ne Koloneli-e, ani atsia alí abhú 'ti. Oo-o, ani abhaka me bhiti okpála nde apo bhúla o. ²⁸ Ani apa pi uo me: «Yi ambila ndjindji me líli ziba de me maYuda bini du bhú dabili bini ne gandji kpála-a de. A ziba la di de me ani nu agba ani-e de. Engú bini, ngama-a, Ebhe asuno muma me ma a'i kpála bini de me a ko kpála na sisiti kala Ebhe-e de. ²⁹ Kaka-a, mo o'i ma lie, ma yala de. Mbia inde-e, ma akunda nambila ta 'ngú inde mo o'i ma ngú e-o.»

* 10:14 10:14 Líli gba omaYuda adu nani nayala nazu onu koko maka pame mayala. † 10:19 10:19 U aye bhú obhuku koko me «kpála bini.» U aye bhú okoko me «okpála bhisi.» U atsia aye bhú okoko me «okpála.»

³⁰ Abhomu-o, Koloneli agie pi ani me: «A ane nga ekpí bata, masikpe de li ngua nedhinga inde, bhú saa na bata pita tulukpe, ma adu nayo Ebhe bhú 'ti gba ma-o. Kolo me-e, kpála bini alu kala ma. Ani adyi bongo inde adu li e ne zizi. ³¹ Ani atsia apa muma me: «Koloneli, Ebhe adje nayo gba mu-o adje. Ani atsia abhundja di maka mu ngateteke obhulu ndibhili lie ko. ³² Mbia inde-e, tima okpála bhú Djope ngu na'i Simo inde u agisila 'li e me Piele. Ani ngadu gba Simo, inde adudu dengo 'ngbé 'ngu, kpála namene kulu na kó 'nu.» ³³ Abhomu-o, ma atima bha kolo okpála ngu na'i mu má gala! Heni naali! A ndjindji maka mo ogo lie-o. Mbia inde-e, ndu ní hana ní kala Ebhe si ngu nadje ndu 'ngú hana inde li Ngámá akpokpo e pi mu me mu pa e pi ya-o.»

Piele akpokpo Bádha Ngali pi ogandji okpála

³⁴ Abhomu-o, Piele aholo nakpokpo me: «Mbia inde-e, ma ambila ndjindji me Ebhe gbogbo bhusu okpála de. ³⁵ Engú bini, bhú ká ndu opiga hana, kpála inde ngamanga Ebhe, inde di ngamene engú na ngbingbili-e, kpála ang-o bhú djila Ebhe ndjindji. ³⁶ Yi mbila ndjindji me Ebhe atima eli gba e pi omafsalaee. A ko Bádha Ngali na guo 'ngú inde ní asia e ka Yesu Kilisito-o. Ngaani-e, a ko Ngámá gba ndu okpála hana. ³⁷ Yi mbila ndu 'ngú hana inde akodho 'kpí nayie bhú ndu doto na Galilaya, akolo bhú ndu doto na Yudaya libhomu, pita li Djaa akpokpo eli gba Ebhe, di ne nabatisa okpála lie ko.

³⁸ Yi mbila hana me Ebhe abhu nani Yesu, kpála na Nadjaleta-a kalanu. Ani atsia aha Bu Bhobua di ne angu pi ani ngu namene kulu gba e-o. Ani apu ne ndu bili hana me ani nde ngamene bádha 'ngú. Ani atsia adu di nakobho ndu okpála hana inde li Djabulu agbigbite o-o. Padhá de, anga Ebhe adu bhú dabili bini ne ani. ³⁹ Ngaya makpe, obhulu titima gba Yesu-o, ya au ndu 'ngú hana inde ani amene e bhú kuti gba omaYuda di ne bhú Yelusalema ne djila ya. U abhelø ani me u nde agi ani li kulusi. ⁴⁰ Engú bini, Ebhe azuku ani bhú 'kpí na bata. Ani aha angu pi ani ngu napanu lie pi okpála me ni uu.

⁴¹ Ani pana lie pi ndu okpála hana de. Engú bini, ani apana bha lie pi ya okpála inde li Ebhe abhu o kalanu, inde au 'ngú ang-o ne djila o-o. Pita ani azuku lie, ya azu 'he, ya atsia andji di ehe bhe nandji mandji ne uo bhú dabili bini. ⁴² Abhomu-o, ani atsia atima ya me ya nu ne kpokpo

Bádha Ngali pi okpála. Ani atima ya me ya apa pi okpála me, a ko kpála inde li Ebhe a'o e ngu nakodho 'ngú gba okpála inde uu di ne okpála bhende amu-o. ⁴³ Ndu opolofeta hana akpokpo 'ngú gba ani-o. U akpokpo me kpála ne kpála inde abhuka Yesu-o, Ebhe a'e siti 'ngú gba ani-e ka Yesu.»

Ogandji okpála asia Bu Bhobua

⁴⁴ Bha li nedhinga li Piele adu akpokpo 'ngú bhomu-o lie, Bu Bhobua atsia ake pi ndu okpála hana inde adu adje ani-o. ⁴⁵ OmaYuda koko inde abhuka Yesu-o, ago bhú dabili bini ne Piele. U angamba naali, anga u au me Ebhe atuko di Bu Bhobua pi ogandji okpála. ⁴⁶ Padhá de, anga u adu adje uo ngagama 'ngú bhú odikongu koko. U adu adhøgø Ebhe maka ani nde lie ngbéngbé-o. Abhomu-o, Piele atsia apa me: ⁴⁷ «Mbia inde-e, li okpála inde asia di Bu Bhobua lie maka ní-e, kpála bini ti da nayoko me u abátisa uo ne engu di?» ⁴⁸ Ani aha líli me u batisa uo ne 'li Yesu Kilisito. Abhomu-o, u atsia ayo ka ani me ani du nga mbo ne o ngubula mbo 'kpí bedi.

11

Piele akpokpo maka li ogandji okpála asia Bu Bhobua lie ko

¹ Obhulu titima gba Yesu, di ne omabhuka inde bhú ndu doto na Yudaya-a, adje me ogandji okpála asia di eli gba Ebhe, u atsia abhuka Yesu Kilisito. ² Li Piele agie lie lie bhú gudhu na Yelusalema-a, omaYuda inde abhuka* aholo namene kpekebhe ne ani. ³ U adu apa me: «Lele pi ngamu kpála inde ali gandja mo oli lie bhú 'ti gba okpála inde i li gandja de-e, mo otsia azu belegu di 'he ne uo bhú dabili bini-e?»

⁴ Abhomu-o, Piele atsia aholo akpokpo kúku pi uo nayie li lilita. Ani pi uo me: ⁵ «Ngama-a, ma adu bhú gudhu na Djope. Nedhinga ma adu ayo Ebhe lie, ma au engú maka lotu. Ehe bini ayie abhúálá maka 'ngbé 'kpá bongo. U aholo li odjedje badha. A ayie abhúálá, atsia ake kuto li bili ma adu lie-o. ⁶ Ma atsia 'kpí bhúbhú ne kpeke djila. Ma au onu na kuti, ma au onu na bili, ma au onu bhende ngagbele lio ne 'bu o kuto di ne odhu. ⁷ Ma atsia adje di eli bini inde apa muma me: «Piele, yie bhúálá! Bhøbhøø amba mu zu!» ⁸ Abhomu-o, ma atsia apa me: «A mo-o ade, Ngámá! Padhá de, anga ezu inde li líli gba Moidje ziba e de-e, di ne bhende na sisiti kala Ebhe li nga bhú 'bhø ma

* **11:2** 11:2 Okpála koko na imbilangu adu nabhundja me té omaYuda bedi adu apa me a ayo me ogandji okpála li bhú gandja ngu nakolo omakilisito. † **11:3** 11:3 Líli gba omaYuda ziba nani de me u du bhú dabili bini ne ogandji okpála de.

belegu de bini.> ⁹ Bhutsibhutsi na bhisi, ma adje matá eli ayie abhúlá, a apa muma me: «Ehe inde li Ebhe apa li e me a bubu-o, mo opá de me a sisiti-e de.» ¹⁰ Engú angoo, amene lie bhutsibhutsi bata. Pipita-a, bongo angoo ne ndu 'he inde bhúbhú-o hana atsia agie lie abhúlá.

¹¹ Bha li nedhinga bhomu-o, obhosi bata akolo li bili inde ya adu li e-o. Kpála bini na gudhu na Sedjale atima uo me u go bhaka ma. ¹² Abhomu-o, Bu Bhobua apa muma me: «Nu bhú dabili bini ne uo, mo opá de me a ko ogandji okpála-a de.» Ondaise ma madhia inde-e atsia anu bhú dabili bini ne ma. Ndu ya hana, ya ali bhú 'ti gba kpála inde a'i ya-o. ¹³ Abhomu-o, ani akpokpo pi ya maka li andjelu akoto li ani lie abhú 'ti gba ani-o. Andjelu angoo atsia apa pi ani me: «Tima okpála bhú gudhu na Djope ngú na 'i Simo inde u agisila 'li e me Piele-o. ¹⁴ Ani akpokpo pi mu, ngamu di ne okpála inde bhú 'ti gba mu-o, eli gba Ebhe inde akóhho mu-o.»

¹⁵ Li nedhinga li ngama Piele, ma aholo nagama 'ngú lie, Bu Bhobua atsia aké pi uo maka ani aké nani di lie pí ní li 'kpí na Patekote ko. ¹⁶ Abhomu-o, ma atsia abhundja eli gba Ngámá inde apa me: «Djaa abatisa nani okpála ne engu, engú bini ngayi-e, yi asía batisimo na Bu Bhobua.» ¹⁷ Ma au mbámhá me Ebhe aha Bu Bhobua pi ogandji okpála bhomu-o, maka ani aha di nani koli Bu Bhobua bini bhomu-o pi ní, li nedhinga inde ní abhuka Ngámá Yesu Kilisito lie-o. La-a, ngama-a, ma ne da me ma yoko Ebhe li engú inde ani akunda namene e?» ¹⁸ Li omaYuda inde abhuka bhomu-o adje lie, u adhögö Ebhe, u atsia apa me: «A na paká me Ebhe aha di nadji bua o pi ogandji okpála, amba u sia di mukobho na duduma.»

Lita Dadjua gba Ebhe na gudhu na Atiokia bhú ndu doto na Silia

¹⁹ Pita u abhölö Etieni lie, u aholo namene omabhuka sisiti. Abhomu-o, omabhuka bhelé atsia atsambala.[‡] Okoko bhú ká uo agbida bhú ndu doto na Fenisia, di ne bhú kpömö na Sipele, di ne bhú gudhu na Atiokia. U atsia adu nakpokpo Bádha Ngali gba Yesu-o bha bini pi omaYuda. ²⁰ Okoko bhú ká uo adu okpála na kpömö na Sipele, di ne gudhu na Silene. U anu bhú gudhu na Atiokia. Abhomu-o ngauo, u atsia aholo nakpokpo Bádha Ngali gba Ngámá Yesu di pi ogandji okpála. ²¹ Angu gba Ngámá-a adu bhú dabili bini ne uo. Kaka-a, ogandji okpála bhelé abhuka, u atsia adji lio pi Ngámá.

²² Omabhuka na Yelusalema adje engú angoo. Abhomu-o, u atsia atima Balanabasi bhú Atiokia. ²³⁻²⁴ Balanabasi nani ne bádha kpála. Ani abedhe nani ne Bu Bhobua di ne nabhuka bedhe. Ani akolo oo, ani atsia au me Ebhe atuko bisagu pí omabhuka. Abhomu-o, ani akpi djali, ani atsia ato masi bhú ndu uo hana me u ha lio pi Ngámá ne bua o bini. Abhomu-o, okpála bhelé atsia abhuka Ngámá.

²⁵ Pipita-a, Balanabasi anu nagili Saulo bhú gudhu na Talasi. ²⁶ Li ani au ani lie, u atsia agie lio ne ani bhú gudhu na Atiokia. Ndu uo bhisi hana amene kalanga bini libhomu bhú ká omabhuka angoo. U atsia adu asuno pi okpála bhelé. U agisila nani 'ili na omakilisito li omabhuka bhutsibhutsi na bini bhú gudhu na Atiokia.

²⁷ Li nedhinga bhomu-o, opolofeta koko ayie bhú gudhu na Yelusalema, u atsia ago bhú gudhu na Atiokia. ²⁸ Abhomu-o, saka uo bini, a adu 'li ani me Agabusi ayie bhúlá. Ani akpokpo bhú angu gba Bu Bhobua me: «Adyindi na ngbéngbé alí píla doto libhomu.» (Atsia amene lie bhú nedhinga li Kolode adu lie 'ngbé ngámá-o.) ²⁹ Omabhuka atsia apa me kpála ne kpála ha tia bhende li angu ani akólo lie, ngubula natitima me ateteke omabhuka inde bhú ndu doto na Yudaya ko. ³⁰ Abhomu-o, u amene bhadi mo-o. U atsia atima tia angoo pi obhelesi okpála bhú Yelusalema sa 'kpa Balanabasi ne uo ne Saulo.

12

Elode abhölö Djaki, ani atsia abhike Piele bhú tikpu

¹ Bhú nedhinga bhomu-o, 'ngbé ngámá Elode Agilipa aholo amene okpála koko na Piga gba Ebhe-e sisiti. ² Ani aha líli me u bhölö Djaki, ndai Djaa , ne mbotia. U atsia abhölö ani. ³ Li ani au lie me engú angoo anga li omaYuda naali-e, ani atsia aha matá líli me u holo Piele. (A adu masikpe de nedhinga na anokomia na Pasika, di ne anokomia nazu mapa inde li levile nde bhú e ade ko.) ⁴ Li ani aholo Piele lie, ani abhike ani bhú tikpu. Abhomu-o, ani atsia a'o osudha badha badha bhú libi badha ngú nalila ani. Ani adu akunda nakodho 'ngú gba ani-e bhú ká djila ndu okpála hana pita anokomia na Pasika-o. ⁵ Li Piele adu lie bhú tikpu-o, okpála na Piga gba Ebhe-e adu ayo Ebhe ne bua o hana ngubula ani.

Piele akoto bhú tikpu maka ndjombe

⁶ Sukpe kala me Elode kodho 'ngú gba Piele, Piele adu ala sunda osudha bhisi. A adu me u nde agbigbite ani ne ogbindjili

‡ 11:19 11:19 Pita nabhölö Etieni-e, u adu ato mbolo li omabhuka ane kalanga ndjikpa mane. Kaka-a, omabhuka bhelé atsia atsambala.

bhisi. Omulila atsia adu alila obhoti na tikpu-o. ⁷ Má gala kolo me-e, andjelu bini gba Ngámá-a akoto. Zi djua aha bili bhú tina 'ti ango-o hana. Andjelu-o adula Piele li kala e, ani azukú ani. Ani atsia apa pi ani me: «Yie bhúlá má gala!» Abhomu-o, ogbindjili-e abhulu bhú 'kpa ani, atsia abala kuto.

⁸ Pipita-a, andjelu-o apa pi ani me: «Gbite 'kpá ludu mu, mu toto la di maloké gba mu-o bhú 'dhu mu.» Piele amene bhadi moko. Andjelu-o atsia apa matá pi ani me: «To koti gba mu-o, amba mu kpata ma.» ⁹ Piele aholo nakpata andjelu-o, ani atsia akoto bhú tina 'ti inde ani adu bhú e ko. Ani du ambila de me engú inde li andjelu ngamene e-e, a ko kukulu 'ngú-o de. Ani adu abhundja naae me a ko ehe maka loto. ¹⁰ U ane libi osudha na bini inde adu nalila tikpu-o. Pipita-a, u ane libi osudha bhende na bhisi-o. U akolo li 'ngbé bhoti na kalase inde nakoto bhú gudhu-o. Bhoti ango-o a'u bha lie kala uo ne titi e, u atsia aze. U aholo 'nú, u akolo li kpadji bini. Má gala kolo me-e, andjelu-o angita li ani má pele!

¹¹ Abhomu-o, Piele ambila me engú inde amene lie-e, a ko kukulu 'ngú. Ani atsia apa me: «Mbia inde-e, ma ambila na paká me Ngámá atima andjelu gba e, ani atsia akobho ma sa 'kpa Elode di ne ndu osisiti 'ngú hana inde li omaYuda adu akunda namene e ngú ma ko.»

¹² Li imbilangu gba Piele abhulu lie lie, ani atsia anu bhú 'ti gba Malia, 'hi Djaa, kpála u agisila 'li e me Maloko-o. Oo, okpála bhelé apokobhè nani bhúla o, u atsia adu ayo Ebhe. ¹³ Piele abhi bhoti na ngbéngbé-o. Abhomu-o, suka kpála bini na kulu na øle adu oo, a adu 'li ani me Lode. Ani atsia ago ngú na'u bhoti-o. ¹⁴ Li ani ambila 'li Piele lie, ani atsia 'u bhoti-e de ka djali. Engú bini, ani agie lie ne holo abhú 'ti, ani atsia apa pi okpála inde adu bhú 'ti oo me: «Piele ala li bhoti akilidjo!»

¹⁵ Okpála ango-o atsia agie pi ani me: «Mu ne bhulu pele!» Engú bini, ani azi bha kekele tété me a ko kukulu 'ngú. Abhomu-o, u atsia apa pi ani me: «A ko andjelu gba ani ko.» ¹⁶ La-a, Piele adu bha nabhi bhoti-o. U a'u lie, u au ani, u atsia angamba naali. ¹⁷ Abhomu-o, Piele amene 'kpa e pi uo me u ndjili nga má bulu! Ani atsia akpokpo pi uo maka li Ngámá agbe ani lie bhú tikpu-o. Ani atsia apa matá me: «Yi kpokpo pi Djaki* di ne pi ondaise ní koko-o.» Pipita-a, ani akoto, ani atsia atapa li bili koko.

¹⁸ Li ekpí aseke lie, osudha inde adu alila tikpu-o, aholo nazi tolo naali sunda o. Abhomu-o, u atsia adu ayi lio me: «A akolo li Piele ne mangua 'ngú dho?» ¹⁹ Elode atima okpála me u gili ani. Engú bini, u u ani de. Ani ayiyi osudha inde adu alila ani-o. Abhomu-o, ani atsia aha lili me u bhili uo. Pipita-a, Elode ayie bhú Yudaya, ani atsia anu bhú gudhu na Sedjale. Oo, ani adu mbo ngubula nedhinga.

'Ngbé ngámá Elode Agilipa akpi

²⁰ La-a, Elode adu adje siti bua naali pi okpála na gudhu na Tile di ne Sidona. Okpála ango-o adje lio. Pipita-a, u atima okpála ngú nana nagama 'ngú ne 'ngbé ngámá Elode. Okpála ango-o adje ngaiza lio ne Balasitusi, kpála natsia 'kpí li oehe gba 'ngbé ngámá Elode-o. U adu nayo ka 'ngbé ngámá guo 'ngú, anga ndu ezu gba uo-o hana adu nayie bhú doto gba ani-o.

²¹ Abhomu-o, Elode a'o 'kpí ngú nagama 'ngú pi uo. Li 'kpí ango-o, ani adyi bongo na ngámá, ani atsia adu pi kiti na ngámá gba e-o. Ani atsia aholo agama 'ngú pi uo bhú ká djila ndu okpála hana. ²² Ndu okpála hana asula me: «A ngagama 'ngú inde mboye ebhe, a ko kpála-kuti de!» ²³ Li Elode adje lie mo-o, ani atsia aziba, ani dhögø Ebhe de. Bha li nedhinga bhomu-o, andjelu bini gba Ngámá-a asu ani. Padhá de, anga ani dhögø Ebhe de. Obangili aholo nazu ani, ani atsia akpi.

²⁴ Li nedhinga bhomu-o, eli gba Ebhe-e adu ayangba naali. ²⁵ Li Balanabasi ne Saulo andjia kulu gba o-o lie bhú gudhu na Yelusalema-a, u atsia agie lio bhú Atiokia bhú dabili bini ne Djaa inde u agisila 'li e me Maloko-o.

13

U alo Balanabasi ne Saulo ngú kulu

¹ Opolofeta di ne omusuno inde adu nani bhú Piga gba Ebhe na Atiokia, a ko nani Balanabasi, Simeo (inde u a'i e me Negele*), Lukiusi (kpála na Silene), Manaene inde abhele bhú dabili bini ne ngámá Elode Atipasi, di ne Saulo. ² Ekpí bini, nedhinga u adu nayo Ebhe lie di ne natse 'zu-o, Bu Bhobua atsia apa pi uo me: «Yi 'o Balanabasi ne Saulo muma kpi ngubula namene kulu inde ma a'i uo ngú e ko.» ³ Abhomu-o, pita natse 'zu di ne nayo Ebhe-e, u a'o 'kpa o pi 'ndji uo, u atsia aha kpadji pi uo me u nana.

Balanabasi ne Saulo anu bhú Sipele

⁴ Li Bu Bhobua atima uo lie, u atsia anu bhú gudhu na Selusia. Oo, u a'u bhú 'ngbé zabu, u atsia atapa bhú Sipele. ⁵ U akolo lie

* 12:17 12:17 Djaki: A ko Djaki bhende ndai Yesu, nani akolo bhele kpála na Piga gba Ebhe na Yelusalema ko. Tsia bhú Kul. 15:13. * 13:1 13:1 Negele: U aye bhú obhuku koko me «Bibili.»

bhú Salamíne-e, u aholo nakpokpo eli gba Ebhe-e bhú oeti nadje líli gba omaYuda-o . Dja Maloko adu bhú dabilí bini ne uo ngú nateteke uo. ⁶ U agulu kpòmè-o hana, u atsia akolo bhú Pafosi. Oo, u abhaka maYuda bini, bhulú mambengú inde adu 'li e me Bale-Yesu. Aní adu apa me ní ne polofeta. ⁷ Aní adu nadu agba Selugio Polo, kpála na imbilangu, inde adu ngámá na ndu doto ango-o. Ngámá ango-o a'i Balanabasi ne Saulo, anga aní akunda nani nadje 'li Ebhe. ⁸ Engú bini, bhulú mambengú Elimasi (anga 'li bhomu-o akunda napa bhú eli gba oGiliki moko) ayala. Aní adu agili me ní yoko ngámá na ndu doto ango-o me aní abhúka de.

⁹ Abhomu-o, Saulo, inde lí 'li e adu di me Polo-o,[†] abedhe ne Bu Bhobua, aní atsia aní ne kpéke djila. ¹⁰ Aní atsia apa me: «Ngamu siti kpála na kali inde ngapite okpála, ndili gba Djabulu, kpála nayala ndu 'ngú na babadha hana, mu 'ó nasiti okpadji na ngbingbili gba ngámá-a dí! ¹¹ Tsitsia, mbia inde-e, Ebhe asú mu. Djila mu aní. La di-e, mu ú matá zindjila de ngubula mbo oekpi.» Kolo me-e, ndindi aní djila Elimasi. Biti atsia abuku aní hana, aní adu abubudha bíli de e ngbalina nagili me kpála holo 'kpa ní ngú nateteke ní. ¹² Lí ngámá na ndu doto au engú akodho 'kpi-e lie me-e, aní atsia abhuka di ne nangamba naali ka nasuno inde u asuno e ne 'li Ngámá ko.

Polo ne Balanabasi bhú Atiokia inde abhú Pisidia

¹³ Polo di ne okpála inde adu adhuku bhú dabilí bini ne ani-e, ayie bhú Pafosi ngú nanu bhú Peledje bhú ndu doto na Pamifilia. Engú bini, Dja Maloko a'o ká uo oo, aní atsia agie lie abhú Yelusalema. ¹⁴ Nga-u-o, u akpata bha kpadi gba o-o. U ayie bhú Peledje, u atsia akolo bhú Atiokia inde bhú Pisidia ko. Bhú 'kpi naguo gba omaYuda-a , Polo ngauo ne Balanabasi ali bhú 'ti nadje líli gba Moidje , u atsia adulu kuto. ¹⁵ Pita natanga líli di ne obhuku gba opolofeta-a, ongámási na eti nadje líli-e atsia atima eli pí uo me: «Ondaise ya, i du me yi nde ne engú ngú nateteke okpála ne di-e, yi de pa!»

¹⁶ Polo ayie bhúlá, aní amene 'kpa e pí okpála, aní atsia apa me: «Ngayi okpála na Isalaele di ne yi okpála inde ngakpe Ebhe-e,[‡] yi dje nga ma! ¹⁷ Ebhe gba okpála inde omafalaale, abhu nani onguo ogbi

ní. Aní abe ndu uo bhú nedhinga u adu lie bhú bali bhú Edjipeto-o. Pipita-a, ne angu gba e-e, aní atsia agbe uo bhú doto na Edjipeto. ¹⁸ Aní akibila uo bhú mili bíli ngubula kalanga masakpe de ndjikpa badha. ¹⁹ Pipita-a, aní abhili opiga mananika bhú doto na Kanana. Aní atsia aha doto gba uo-o pí onguo ogbi ní ²⁰ ngubula kalanga masakpe de kámá badha ne ndjikpa bhuluvue.

Pipita-a, aní aha okpála nakodho mangimbo pí uo akolo bhú nedhinga gba polofeta Samuele. ²¹ Pipita-a, u ayo me o okunda 'ngbé ngámá. Abhomu-o, Ebhe atsia aha Saulo pí uo, ndili gba Kisi, bhú piga gba Bendjamé. Aní au nani pí 'ndji uo ngubula kalanga ndjikpa badha. ²² Pita lí Ebhe ayala Saulo lie, aní atsia agbe 'ngbé ngámá Davidi pí uo. Aní atsia apa lí 'ngú gba ani-e me: «Ma au Davidi, ndili gba Yese. A ko kpála na babadha bhú djila ma. Aní améne ndu 'ngú hana maka ma akunda lie.» ²³ Bhú piga gba Davidi-e, Ebhe agbe pí omafalaale Mukobho Yesu maka aní apa nani lie kalanu ko. ²⁴ Kala nago ka ani-e, Dja akpokpo Bádha Ngali pí ndu okpála na Isalaele hana. Aní adu ayo ka uo me u dji bua o, amba u sia batisimo. ²⁵ Lí Dja akolo lie lí 'so kulu gba e, aní adu apa me: «Yi ngabhundja me ma ne da? Ma ne kpála inde yi ngadje e ade! Engú bini, yi djedje, a ngago pita ma ne kpála. Ma ne tetele kpála ade ngubula me ma gbe maloké[§] bhú 'dhu ani.»

²⁶ Ondaise ma, ngayi okpála na piga gba Abalahama di ne yi okpála inde si-e, inde ngakpe Ebhe-e, Ebhe atima nani ngali na mukobho inde-e pí ní. ²⁷ A na paká me okpála na Yelusalema di ne ongámási gba o-o mbila nani Yesu de. Bhú oekpi naguo gba omaYuda bini ne bini hana-a, u adu atanga obhuku gba opolofeta. La-a, u du ambimbila de. Engú bini u akodho 'ngú gba Yesu lie me u bhólé ani-e, u amene bhomu-o engú inde lí opolofeta apa e ko. ²⁸ Belegu u u nani engú bini inde u ti da nabhólé Yesu ka e lie de-e, u ayo ka Pilate me u bhólé ani. ²⁹ Pita u amene ndu 'ngú hana maka lí 'li Ebhe apa lie lí 'ngú gba ani-e, u a'e aní lí kulusi, u atsia anu ato aní bhú lata.

³⁰ Engú bini, Ebhe atsia azuku aní bhú ká okpála inde amu-o. ³¹ Yesu asuno lie pí okpála inde adu adholo ne aní bhú dabilí bini nayie bhú Galilaya akólo bhú

[†] 13:9 13:9 Polo: 'li na Saulo bhú eli gba omaYuda, bhende na Polo bhú eli gba oGiliki. U agisila nani 'li na Polo lí aní nedhinga inde aní abhu ka nakpokpo Bádha Ngali gba Yesu Kilisito lie pí oGiliki ko. [‡] 13:16 13:16 Okpála inde ngakpe Ebhe: A ko ogandji okpála inde abhuka Ebhe gba omaYuda ko. [§] 13:22 13:22 Tsia bhú 1 Sam. 8:5, 19, 10:21, 13:14, 16:12.

[§] 13:25 13:25 Nagbe maloké: Nani agba omaYuda-a, kulu nagbe maloké bhú 'dhu ogomago ne navulu 'dhu uo-o, a ko nani kulu ka obalise di ne okpála na padhá.

Yelusalema ngubula 'kpí bhelé. Mbia inde-e, okpála ango-o ngakpokpo 'ngú gba ane pi okpála na Isalaele ngao. ³² Ngaya makpe-e, ya ago ngú nakpokpo Bádha Ngali inde-e pi yi, Bádha Ngali inde li Ebhe apa nani kalanu me ni apa e pi onguo ogbi ni-o. ³³ Ani amene mbia inde-e pi ní ongisi gba uo-o, li kpadji nazuku Yesu bhú ká okpála inde amu, maka u aye nani lie bhú Etsi na bhisi gba omaYuda-a me:

«Ma ne ndili gba ma na bhobhoko,

Ma azu mu naki ngama makpe.†»

³⁴ Ebhe apa nani me ni azúku Yesu bhú ká okpála inde amu-o mazuku, ngubula me ani akpí matá-a de. A ko engú inde ani apa nani e me:

«Ma ahá obisagu na bububu inde di na kukalu-o pi mu,

inde ma apana nani e pi Davidi ko.†»

³⁵ Kaka-a, ani apa matá li bili koko me:

«Mu 'ó de me kpála na ngbingbili gba mu-o zi bhú lata-a de.†»

³⁶ Padhá de, anga Davidi bhú nedhinga gba e, amene líli gba Ebhe-e hana. Pipita-a, ani akpi, u azi ani de onguo ogbi e, ani atsia azi. ³⁷ Engú bini, kpála inde li Ebhe azuku e, ani zi naae de. ³⁸⁻³⁹ Ondaise ma, yi mbila ndjindji me u apa pi yi me u a'e osisiti 'ngú gba yi-e ka Yesu. Yi ti da nakobho ka namene líli gba Moidje-e de. Engú bini yi akóhho bha me yi nde abhuka Yesu. ⁴⁰ 'E-e! Yi lila liyi uu me engú inde li opolofeta apa e akólo li yi de, engú inde me:

⁴¹ «Yi tsitsia nga, ngayi okpála na 'ngbé 'ndji, yi ngamba naali, amba yi ngingita má pele pele!

Padhá de, anga bhú nedhinga gba yi-e, ma améne engú bini inde

yi ti da naziba e de,

abana i du me kpála bini nde apa nani engú ango-o pi yi kalanu.†»»

⁴² Li Polo ne uo ne Balanabasi akoto lie bhú 'ti nadje líli-e, u atsia ayo ka uo me u go bhú 'kpí naguo na sidi, amba u kpokpo matá engú bini bhomu-o. ⁴³ U at-sambala lie bhú bula-a, bhelé na omaYuda ne ogandji okpála inde adu akpe Ebhe-e, akpata Polo ne uo ne Balanabasi. Abhomu-o, Polo ne uo ne Balanabasi, bhú nagama 'ngú gba o ne uo-o, u ato masi bhú uo me u holo lio li bádha bhú 'bu gba Ebhe-e kpepeke.

⁴⁴ Ekpí naguo na sidi-e, masakpe de ndu okpála na gudhu hana apo bhúla o ngú nadje 'li Ebhe. ⁴⁵ Li omaYuda au bhiti okpála ango-o lie, u asia siti bua , u atsia adu asobho Polo ka eli inde ani adu apa e ko. ⁴⁶ La-a, Polo ne uo ne Balanabasi du nani nagama 'ngú pi uo ne tsulu de.

U adu apa me: «A ayo nani me ya kpo ngaiza nakpokpo eli gba Ebhe-e kalanu pi yi. Engú bini, maka yi ayala lie, yi au la di me yi ti da nasia mukobho na duduma de. Kaka mbia inde-e, ya aná 'ibili agba ogandji okpála. ⁴⁷ Padhá de, anga líli inde ya asia e ka Ngámá-a ngae inde:

«Ma a'o mu eke pi opiga,

ngubula me mu gapa ngali na mukobho

akólo bha bini ali 'dje doto!†»»

⁴⁸ Li ogandji okpála adje lie mo-o, u akpi djali, u atsia aholo nadhoge 'li Ngámá. Ndu okpála hana li Ebhe alo o ngú nasia mukobho na duduma atsia abhuka.

⁴⁹ Abhomu-o, 'li Ngámá atsia adhuku bhú ndu doto ango-o libhomu. ⁵⁰ Engú bini, omaYuda ato 'ngú bhú 'ndji olisi na tia inde adu adhoge Ebhe di ne obhelesi okpála na kuti-o. Abhomu-o, u aholo amene Polo ne uo ne Balanabasi sisiti, u atsia agbe uo bhú doto gba o-o. ⁵¹ Abhomu-o, okpála bhisi ango-o apulu doto na kuti gba uo inde adhedhe li 'dhu a, ngubula nasuno pi uo me u amene siti 'ngú. U atsia agbida bhú Ikoniomu. ⁵² Engú bini, pi omukpata-a, u abedhe ne djali di ne Bu Bhobua bedhe.

14

Polo ne Balanabasi bhú Ikoniomu

¹ Bhú Ikoniomu-o, a amene bhadi lie moko. Polo ne uo ne Balanabasi ali bhú 'ti nadje líli gba omaYuda . OmaYuda bhelé di ne okpála inde ne omaYuda ade-e, akolo omabhuka ka engú inde u agama e ko. ² Engú bini, omaYuda bhende i bhuka nani de-e, a ato bhú ogandji okpála mabhundja na sisiti pindji ondaise ní, omabhuka. ³ La-a, Polo ne uo ne Balanabasi abhue mbo nani bhú Ikoniomu naali. U du agama 'ngú ne tsulu de anga u adu ne nabhuka bhú Ngámá, inde adu asuno me eli inde u adu akpokpo e pindji bádha bhú 'bu gba ni-e, adu kukulu 'ngú. Padhá de, anga ani adu aha angu pi uo ngú namene okiaka 'ngú di ne ongu na ngangamba. ⁴ Kaka-a, okpála na gudhu ango-o atsia agbo bhusu o: okoko adu pi omaYuda, okoko atsia adu pi obhulu titima gba Yesu .

⁵ Abhomu-o, omaYuda di ne ogandji okpála bhú dabili bini ne ongámási gba o-o, atsia aleke lio ngú namene Polo ne Balanabasi sisiti, ngú nabhili uo ne teme. ⁶ Li okpála bhisi bhomu-o ambila 'ngú ango-o lie, u atsia akpe agbida bhú ogadhu na Lisitele ne Delebe, la di ne bhú okuti na ngongo, bhú ndu doto na Likaonia. ⁷ Oo di-e, u aholo akpokpo Bádha Ngali pi okpála.

† 13:33 13:33 Tsia bhú Ets. 2:7. † 13:34 13:34 Tsia bhú Isa. 55:3. † 13:35 13:35 Tsia bhú Ets. 16:10. † 13:41 13:41 Tsia bhú Abk. 1:5. † 13:47 13:47 Tsia bhú Isa. 49:6.

Polo ne Balanabasi bhú Lisitele

⁸ Bhú Lisitele-e, kpála inde li eze adu li 'dhu e adu oo. Ani dhuka de nayie maka nani u azu ani lie-o. ⁹ Ani adu adje engú inde li Polo adu apa e ko. Polo atsia ani ne kpeke djila. Ani au me kpála ango-o abhuka me ni ti da nasia mukobho. ¹⁰ Abhomu-o, Polo atsia apa pi ani ne kpeke 'li me: «Yie bhúlá, lu ngbingbili!» Kpála ango-o ayie bhúlá, ani a'ulu aké má kprii! Ani atsia aholo nadhuka. ¹¹ Li okpála bhelé u engú li Polo amene e lie, u asula bhú eli na kuti gba okpála na ndu doto na Likaonia me: «Oebhe akolo maka okpála-kuti, u atsia ago gba ní!» ¹² U a'o 'ili li Balanabasi me Djeusi,* u atsia a'o 'li Polo me Elemesi, anga ani adu agama 'ngú-o ngae. ¹³ Dimandé gba ebhe Djeusi, inde li 'ti ebhe gba e adu li 'bhé gudhu-o, ago ne obagala na obhosibhosi li 'bhé bhoti na gudhu-o. Ani aha di 'i felele, bhú dabili bini ne okpála na kuti-o, ani atsia adu akunda me ni bhéle onu ango-o ngú nahaha pi Balanabasi ne uo ne Polo.

¹⁴ Li obhulu titima gba Yesu adje engú bhomu-o lie, u asisidha obongo li kute o má tsue tsue!† U anu ne holo bhú ká okpála ne nasusula me: ¹⁵ «Ondaise ya, yi ngamene bhomu-o ni? Ya bha ne okpála maka yi. Ya ago pi yi ne Bádha Ngali me yi 'o ká oebhe inde na padhá padhá bhomu-o, inde li mbinimbini nde bhú o ade ko. La di me yi ha liyi pi Ebhe na mukobho inde abho ekpi, abho doto, abho 'ngbé 'ngu ne ndu 'he inde bhúbhú-o hana ko. ¹⁶ Bhú nedhinga gba okpála na kalanu-o, ani a'o me u kpata kpadji gba o makpe ko. ¹⁷ Engú bini, ani 'ili 'to e li napana lie ne namene babadha 'ngú pi uo de. Padhá de, anga ani ngatima pi yi ebha di ne onguwa bhú nedhinga gba o-o. Ani ngaha ezu pi yi. Ani la di ngabedhe yi ne djali.» ¹⁸ Abana u adu apapa lie mo-o, da me u yoko bhiti okpála adu kpekpeke me u abhéle onu pi o de ko.

¹⁹ Li nedhinga bhomu-o, omaYuda inde ayie bhú Atiokia, bhú ndu doto na Pisidia, di ne bhú Ikoniomu, apite bhiti okpála bhomu-o me, u tutulu Polo ne teme ngú nabhele ani. U agbe ani ali ngo gudhu anga u adu abhundja me ani akpi. ²⁰ Engú bini, li omabhuka ago asa lio lie denge ani-e, ani ayie bhúlá, ani atsia agie matá lie bhú gudhu. Li ekpi aseke lie, ngauo ne Balanabasi-e, u atsia atapa bhú Delebe.

Polo ne Balanabasi agie lio bhú Atiokia bhú ndu doto na Silia

²¹ Bhú gudhu na Delebe, u akpokpo Bádha Ngali pi okpála, u atsia asia

omakpata bhibhiti. Pipita-a, u agie lio bhú Lisitele, bhú Ikoniomu di ne bhú Atiokia bhú ndu doto na Pisidia. ²² U a'e tsulu li bua uo, u ato masi bhú uo me u lu kpekpeke bhú nabhuka. U adu apa pi uo me: «A ayo me ní dje likabhu naali ngú nali bhú kuti na Nau gba Ebhe ko.» ²³ Bhú Dadjua gba Ebhe bini ne bini hana, u adu alo obhelesi okpála. Pita u atse ezu ngú nayo Ebhe lie, u atsia a'o uo sa 'kpa Ngámá inde u abhuka e ko.

²⁴ U agulu Pisidia lie, u atsia akolo bhú Pamifilia. ²⁵ Pita u akpokpo 'li Ebhe lie pi okpála bhú Peledje-e, u atsia anu bhú Atalia. ²⁶ U ayie lie oo, u ali bhú zabu, u atsia anu bhú Atiokia. A bhomu-o bili inde u a'o nani uo lie me u sia bádha bhú 'bu gba Ebhe ngubula kulu inde u amene e mbia inde-e ko.

²⁷ U akolo lie oo, u apo bhúla okpála na Dadjua gba Ebhe-o. U atsia akpokpo pi uo ndu 'ngú hana inde li Ebhe amene e bhú dabili bini ne uo-o. U atsia akpokpo di pi uo maka li Ebhe abhulu kpadji pi ogandji okpála lie ngú nabhuka di ani Ebhe ko. ²⁸ Polo ne Balanabasi asi nani mbo ekpi bhelé bhú dabili bini ne omakpata na Atiokia.

15

Kpekebhe pindji nakodho gandja

¹ Okpála koko inde ayie bhú Yudaya-a, akolo bhú Atiokia. U adu asuno pi omabhuka me: «Yi ti da nasia mukobho de, i du me u nde kodho yi bhú gandja maka li líli gba Moidje apa lie de ko.» ² Abhomu-o, Polo ne Balanabasi agbe bhayiki, u atsia aholo amene kpekebhe ne uo naali pindji engú ango-o. U atsia adje lio me Polo ne Balanabasi, la di ne okpála koko na Atiokia, nu bhú Yelusalema, amba u kpokpo 'ngú pindji 'ngú ango-o bhú dabili bini ne obhulu titima gba Yesu di ne obhelesi okpála.

³ Abhomu-o, ndu okpála hana na Dadjua gba Ebhe atsia anu a'o uo li kpadji. U apu bhú ndu doto na Fenisia di ne bhú Samalia. U adu akpokpo maka li ogandji okpála akolo omakilisito lie ko. Ngali ango-o aha djali naali pi ndu omabhuka hana. ⁴ U akolo lie abhú Yelusalema-a, ndu okpála hana na Dadjua gba Ebhe, ne obhulu titima gba Yesu di ne obhelesi okpála-a, atsia asia uo. U atsia akpokpo pi uo ndu 'ngú hana inde li Ebhe amene e bhú dabili bini ne uo-o. ⁵ Engú bini, okpála bini bini bhú ká omuFalisai, obhene akolo omabhuka-a, ayie bhúlá, u atsia apa me:

* **14:12** 14:12 Djeusi: Bhú mabhundja gba oGiliki-e, Djeusi nani ne ngámá gba oebhe na eu. Elemesi atsia adu bhulu titima gba uo ko. † **14:14** 14:14 Li bili inde-e, nasidha bongo li kute akunda nasuno me nayala 'ngú.

«A ayo me omabhuka inde ne omaYuda de-e, u to uo bhú gandja, amba u pa pi uo me u mene líli gba Moidje ko.»

⁶ Abhomu-o, obhulu titima gba Yesu di ne obhelesi okpála apo bhúla o ngú natsia 'kpí li engú ang-o. ⁷ Pita u amene kpekbhø lie naali-e, Piele ayie bhúla, ani atsia apa me: «Ondaise ma, yi mbila hana me Ebhe abhu nani ma bhú ká yi bhutode ngubula me ma akpokpo Bádha Ngali pi okpála inde ne omaYuda ade ko. U dje, amba u bhuka di Ngali ang-o. ⁸ La di-e, Ebhe inde ambila bua okpála-a, asuno me ni aziba uo anga ani aha Bu Bhobua pi uo maka ani aha nani di lie pi ní ko. ⁹ Ani gbo bhusu ní ne uo de. Ani avulu bua uo anga u abhuka. ¹⁰ Mbia inde-e, ka ni yi ngale Ebhe lie ne na'o tili 'ngú pi omabhuka? Engú inde li onguo ogbi ní, abana nganí makpe, ní ti nani da nabi e de-e! ¹¹ A mo-o ade! Engú bini, ní abhuka mangbo me ní akobho maka uo ka bádha bhú 'bu gba Ngámá Yesu.»

¹² Abhomu-o, ndu okpála hana andjili má bulu! U atsia adu adje engú inde li Balanabasi ne Polo adu akpokpo e ko. U adu adje okiaka 'ngú di ne ongu na ngangamba inde li Ebhe amene e bhú dabili bini ne uo bhú ká ogandji okpála ko. ¹³ U andjia nagama 'ngú lie, Djaki atsia apa me: «Ondaise ma, yi dje nga ma! ¹⁴ Simo akpokpo maka li Ebhe amene nani lie nayie li lilita pi okpála inde naao ne omaYuda ade-e, maka ani alo piga bini lie bhú ká uo ngú nakolo piga gba e-o.† ¹⁵ La di-e, engú inde li opolofeta apa e aviti bini ne di, anga u aye bhú Bhuku gba Ebhe-e me:

¹⁶ «Pita bhobhomu-o, ma agó matá, Ngámá apa moko,

ngú nayiki eti gba Davidi inde atuko-o. Ma aléke obili bhende asisiti-e, ma atsia líli ngbingbili.

¹⁷ Ndu okpála koko hana agáli ma, Ngámá, bhú dabili bini ne ndu okpála hana inde nani ma alo o-o.

¹⁸ A bhomu-o eli inde li Ngámá apa nani e ko.

Ngaani inde i ngamene engú inde ani apa nani e didili-o.†»

¹⁹ Djaki atsia apa matá me: «Kaka-a, ma abhundja me, a ayo nani kpadji pi ogandji okpála inde ngabhuka Ebhe-e de. ²⁰ Engú bini, ní ye mangbo balua pi uo amba ní yo ka uo me, u 'o nazu so 'nu inde u abhøle e pi oebhe na padhá padhá-a ma'o. U 'o nakunda olisi di ne obhosi ngangá ma'o. U 'o di nazu so 'nu inde

akpi ne ngute bhú e hana, amba u 'o di nazu ngute ma'o.† ²¹ Padhá de, anga nani bhutode, bhú ogudhu bini ne bini hana, okpála ngasuno líli gba Moidje. U la di ngatatanga bhú oti nadje líli-e ndu 'kpí naguo hana.»

Balua pi omabhuka inde naao ne omaYuda ade

²² Abhomu-o, obhulu titima gba Yesu ne obhelesi okpála, bhú dabili bini ne ndu okpála na Dadjua gba Ebhe hana, atsia aziba me u gbe okpála koko bhú ká o. U tima uo bhú Atiokia bhú dabili bini ne Polo ne Balanabasi. U atsia alo Djude inde u a'i e me Balasabasi, di ne Sila, okpála bhisi inde li ndu okpála koko hana adu amanga o ko. ²³ Balua u atima uo ne e, a ngae inde:

«Obhulu titima gba Yesu di ne obhelesi okpála na Dadjua gba Ebhe, ondaise yi-e, u apa me o yi ondaise o inde naao ne omaYuda ade inde ngadulu bhú Atiokia, bhú Silia di ne bhú Silisia mayi.

²⁴ Ya adje me okpála koko inde ayie bhú ká ya ei-e, ato kpekbhø bhú ká yi ne 'li o, u atsia angbingi bua yi. Engú bini, yi mbila ndjindji me ya tima uo ngaya de.

²⁵ Kaka-a, ya adje liya ne bua bini me ya alo okpála, amba ya tima uo gba yi oo. U anu bhú dabili bini ne ondaise ya na mukunda, Balanabasi ne Polo. ²⁶ Okpála inde aha lío libhomu ngubula kulu gba Ngámá gba ní Yesu Kilisito ko.

²⁷ Kaka-a, ya atima pi yi Djude ne uo ne Sila, u akpokpo ndu 'ngú hana inde ya aye e si-e pi yi ndjindji. ²⁸ Padhá de, anga Bu Bhobua di ne ya makpe-e, ya abhundja me, a ayo na'o tili 'ngú koko pí yi de, bha bini bhende a ayo me yi mene e ko: ²⁹ yi azú so 'nu inde u abhøle e pi oebhe na eu-o de. Yi azú ngute de. Yi azú so 'nu inde akpi ne ngute bhú e hana-a de. Yi adu akunda olisi di ne obhosi ngangá de. I du me yi nde alila liyi makpe ne ndu 'ngú bhomu-o hana-a, bhobhomu-o dú ndjindji. Yi du ndjindji.»

³⁰ Abhomu-o, u aha kpadji pi uo, u atsia agbida bhú Atiokia. Oo, u apo bhúla omabhuka hana, u atsia aha balua pi uo.

³¹ U atanga balua-o. Ndu uo hana akpi djali naali ka masi inde li balua ang-o ato e bhú uo ko. ³² La-a, li Yuda ne Sila adu di lie ngao makpe opolofeta-a, u agama 'ngú pi omabhuka ngengele ngubula nato masi bhú uo, di ne naha angu pi uo. ³³ Mbo pita 'kpí bedi-e, omabhuka atsia a'o uo me u gie lío ne guo 'ngú agba okpála inde atima uo

† 15:14 15:14 Tsia bhú Kul. 10:34-48. † 15:18 15:16-18 Tsia bhú Ams. 9:11-12. † 15:20 15:20 Tsia bhú Eki.

34:15-16; di ne bhú Lev. 18:6-20, 17:10-14. * 15:34 15:34 Lukuluku inde-e, a bhú obhuku koko na didili u aye e bhú eli na giliki ade. [Engú bini, Sila atsia au ndjindji me ní tigala ne ani oo.]

ko. [34 *]³⁵ Abhomu-o, Polo ne Balanabasi atigala bhú Atiokia. U atsia adu asuno di ne nakpokpo Bádha Ngali gba Ngámá-a bhú dabilí bini, di ne okpála koko bhelé.

Polo ne Balanabasi agbo bhusu o

³⁶ Pita mbo 'kpí masudha, Polo apa pi Balanabasi me: «Ní gie líní bhú ndu okuti hana inde ní akpokpo nako eli gba Ngámá-a bhú e-o, amba ní mbila maka li omabhuka nde lie oo ko.»³⁷ Balanabasi adu akunda me o nu bhú dabilí bini ne Djae inde u agisila 'li e me Maloko-o.³⁸ Engú bini, Polo tsia ziba naha ani de, anga ani a'o nani ká uo bhú Pamifilia. Ani tsia du di matá namene kulu ne uo bhú dabilí bini de.³⁹ U amene kpekebhe sunda o naali. Kaka-a, u atsia agbogbo bhusu o. Abhomu-o, Balanabasi aha Maloko, u a'u bhú zabu, u atsia agbida bhú Sipele.⁴⁰ Pita li omabhuka ayo lie me Polo sia bádha bhú 'bu gba Ebhe-e, ani aha Sila, ani atsia atapa.⁴¹ Ani apu bhú ndu doto na Silia di ne Silisia. Ani atsia adu nateteke omabhuka na oDadjua gba Ebhe-o.

16

Timoté anu bhú dabilí bini ne Polo di ne Sila

¹ Abhomu-o, Polo akolo bhú Delebe, pipita-a, bhú Lisitele. Mukpata bini adu nani oo, a adu 'li ani me Timoté. 'Hi ani adu ne maYuda inde abhuka Ebhe. Engú bini, 'dyi ani nani naae ne Giliki.² Omabhuka na Lisitele di ne Ikoniomu adu apa 'ngú gba ani-e ndjindji naali.³ Polo adu akunda me ni ha ani ngú nadhuku bhú dabilí bini ne ani. Ani aha ani, ani atsia ato ani bhú gandja. Ani amene nani mo-o ka omaYuda inde adu oo, anga ndu okpála hana adu ambila ndjindji me 'dyi Timoté nani ne Giliki.*⁴ Bhú ndu ogudhu inde u adu apu bhú e hana-a, u adu akpokpo pi omabhuka líli inde li obhulu titima gba Yesu di ne obhelesi okpála na Yelusalema aha e-o. U atsia adu ayo ka uo me u mene líli angoo ko.⁵ ODadjua gba Ebhe-e adu akolo kpekepeke bhú nabhuka. Alo gba omabhuka atsia adu abe ndu e ndu 'kpí hana.

Polo apu bhú Adjia

⁶ La li Bu Bhobua ayoko uo lie me u akpokpo 'ngú gba Ebhe bhú ndu doto na Adjia de-e, u atsia apu bhú ndu doto na Filidjia di ne Galatia.⁷ U akolo lie de ndu doto na Misia-a, u adu ale nanu bhú Bitinia. Engú bini, Bua gba Yesu atsia ayoko uo.⁸ Abhomu-o, u agulu Misia, u atsia aké bhú gudhu na Tuluasi.⁹ A

akolo lie sukpe-e, Polo au engú maka loto: kpála bini na Makedonia alu kala ani. Ani atsia adu akikiliki lie pi ani me: «Kodho 'ngbé 'ngu-o, nu bhú Makedonia, amba mu teteke ya!»¹⁰ Pita engú inde li Polo au e, ya agili bha kolo má gala me ya anu bhú Makedonia. Padhá de, anga ya ambila na paká me Ebhe a'i ya ngú nakpokpo Bádha Ngali pi okpála na kuti angoo.

U akolo bhú gudhu na Filipoi

¹¹ Ya a'u bhú zabu bhú Tuluasi, ya anu ngbingbili bhú Samutalasi. Li ekpi aseke lie, ya atsia anu bhú Neapolisi.¹² Ya ayie lie oo, ya atsia akolo bhú gudhu na Filipoi, gina kuti na ndu doto na Makedonia inde adu sa oLoma-o. Ya amene mbo ekpi bhelé bhú gudhu angoo.¹³ Bhú 'kpí naguo gba omaYuda-a, ya akoto bhú gudhu ngú nanu ali ngo 'ngu. Padhá de, anga ya adu abhundja me dabilí gba omaYuda ngú nayo Ebhe oo. Ya adulu kuto, ya atsia akpokpo 'ngú pi olisi inde apekebhe bhúla o oo.¹⁴ A adu 'li suka olisi angoo me Lidia. Ani ayie nani bhú gudhu na Tiatile. Ani adu nani atsjindji ombembe obongo na mase naali. Ani adu nani adhogo Ebhe. Maka ani adu adje ya lie, Ngámá atsia abhulu bua ani ngú nabhuka engú inde li Polo adu apa e-o.¹⁵ Abhomu-o, ani atsia asia batisimo bhú dabilí bini ne piga gba e-o. Pipita-a, ani atsia ayo ka ya me: «f du me yi nde au me ma abhuka Ebhe kukulu-o, yi de go du gba ma.» Ani atsia agbite ya ne kpeke ngú naziziba.

U aholo Polo ne Sila

¹⁶ Ekpi bini, ya adu anu lie li bili nayo Ebhe-e, ndili na oelø bini na kulu ago abhaka ya. Bua na madhoko adu bhú ani. Ani atsia adu asia tia pi omakulasi e naali.¹⁷ Ngaya ne Polo-o, ani aholo akpata ya. Ani atsia adu asusula me: «Okpála inde-e, a ko okpála na kulu gba Ebhe Apí 'Kpí! U ngasuno pi yi kpadji na mukobho.»¹⁸ Ani amene engú angoo ngubula ekpi bhelé. Li engú angoo andala Polo lie naali-e, ani adji lie, ani atsia apa pi bua angoo me: «Ne 'li Yesu Kilisito, ma apa pi mu me: koto bhú ani!» Abhomu-o, bua na madhoko angoo atsia akoto bha kolo bhú ani bhú nedhinga angoo.¹⁹ Li omakulasi ani au lie me o sia matá tia ka ani de-e, u aholo Polo ne Sila, u atsia agbele uo bhú mbadhasu kala okpála nakodho 'ngú.²⁰ U atsia anu ne uo kala ongámási na Loma, do uo de-e: «Okpála inde-e, a ko omaYuda. U ngato mbedhembedhe bhú gudhu gba ya-o.²¹ U ngasuno ongú. La-a, líli gba ní okpála na Loma ziba nasia ongú angoo ne namemene de.»

* 16:3 16:3 'Dyi Timoté nani ne maYuda ade. Kaka-a, Timoté li nga nani bhú gandja kalanu de.

²² Abhomu-o, ndu okpála hana atsia abi di 'gú me uo. Ongámási aha líli me uo pandja bongo li kute uo, amba u bhi uo ne fimbo. ²³ Pita u abhi uo lie ne fimbo naali-e, u atsia abhike uo bhú tikpu. U atsia aha líli pi mulila na tikpu-o me aní lila uo ndjindji. ²⁴ Li mulila asia líli ang-o lie, aní ato uo bhú tina tikpu bhe na tutu-o. Aní atsia atoto 'dhu uo bhú kpekpe.

Polo ne Sila aze bhú tikpu

²⁵ Masikpe de tutu sukpe-e, Polo ne Sila adu ayo Ebhe di ne nadhogè aní bhú etsi. Okpála koko na tikpu-o adu adje uo. ²⁶ Má gala kolo me-e, doto adyiki ne adjigidjo na ngbéngbé má djigi djigi, masikpe de me tikpu-o tuko kuto! Ndu obhoti na tikpu-o hana akolo abhubhulu lie. Ogbindjili inde u agbigbite ndu okpála hana na tikpu-o ne e-e, atsia abhubhulu di lie.

²⁷ Li mulila agbungbua lie lie tila-a, aní au me ndu obhoti-e hana baba. Abhomu-o, aní agbe mbotia me ní ngabhèlè líní ne di, anga aní adu abhundja me ndu okpála na tikpu-o hana akpekpe. ²⁸ Engú bini, Polo atsia asula pi aní kpekpeke me: «Mo oméne limu sisiti de, anga ndu ya hana bha si!» ²⁹ Abhomu-o, mulila-a ayo eke, aní alí kolo má gala abhú 'ti me aní nde ngaguku ka tsulu má kpi kpi kpi! Aní atsia atí bhú li 'dhu Polo ne Sila. ³⁰ Pipita-a, aní apandja uo kilidjo. Aní atsia ayi uo me: «Odyí ma, a ayo me ma mene pi ngubula me ma kobho?»

³¹ U atsia agie pi aní me: «Bhuka Ngámá Yesu, amba mu kobho, ngamu di ne piga gba mu-o hana.» ³² Abhomu-o, u atsia akpokpo eli gba Ngámá Ebhe-e pi aní, di ne pi ndu okpála hana inde adu bhú 'ti gba aní-o. ³³ Bha sukpe bhomu-o, mulila na tikpu-o abha uo, aní atsia avulu oeka gba uo-o. Pipita-a, aní asia bha kolo batisimo má gala, bhú dabili bini ne okpála gba e hana. ³⁴ Pipita-a, aní anu ne uo agba e. Aní atsia aha ezú pi uo. Ngaani ne piga gba e-e, u akpi djali naali, anga u abhuka Ebhe.

³⁵ Li ekpí aseke lie, ongámási gba okpála na Loma atima okpála me u nu pa pi mulila na tikpu-o me: «Pandja okpála bhomu-o bhú tikpu-o, amba mu 'o uo, u gbida.» ³⁶ Abhomu-o, mulila atsia ago apa pi Polo me: «Ongámási atima eli me ma apandja yi bhú tikpu papandja. Yi zeze, amba yi nu ne guo 'ngú.» ³⁷ Do Polo pi okpála ang-o me: «Ya ne okpála na Loma! U aha líli me u bhi ya bhú ká djila okpála me u nde kpokpo 'ngú lí 'ngú gba ya-a de. U abhike ya bhú tikpu. La mbia inde-e, u ngakunda napandja ya bhú pepe? Belegu de bini, u go gbege bha ya ngao makpe!»

³⁸ Okpála ang-o atsia anu apa eli ang-o pi ongámási na Loma. Lí ongámási na Loma adje lie me Polo ne Sila a ko okpála na Loma-a, u atsia adje tsulu. ³⁹ Abhomu-o, ongámási ago nakikiliki lío pi uo. U atsia ayo ka uo me u yie bhú kuti ang-o yiye. ⁴⁰ Li Polo ne Sila aze lie bhú tikpu-o, u atsia anu agba Lidia. Pita u au omabhuka lie, u ato masi bhú uo, u atsia agbida.

17

Polo ne Sila bhú gudhu na Tesalonike

¹ Li Polo ne Sila agulu gudhu na Afipolisi ne Apolonia lie, u atsia akolo bhú gudhu na Tesalonike. A bhomu-o bili inde lí omaYuda adu ne eti nadje líli gba Moidje lie ko. ² Polo amene maka aní amemene lie-o. Aní adu anu abhaka uo bhú 'ti nadje líli-e ngubula poso bata bhú 'kpí naguo gba omaYuda-o. Aní atsia adu amene kpekebhe ne uo pindji Bhuku gba Ebhe-o. ³ Aní adu abhulu tata pi uo mbámbá, di ne nasuno pi uo me bhuku apa me a ayo me Kilisito zu likabhu, amba aní zuku. Aní adu apa pi uo me: «Yesu inde ma ngakpokpo 'ngú gba e pi yi-e, a ko Kilisito ngae.» ⁴ Okpála koko bhú ká uo abhuka, u atsia akpata Polo ne Sila. OGiliki bhelé, inde adu adhogè Ebhe-e, amene bhadi moko bhú dabili bini ne bhiti olisi inde adu ne tia naali-o.

⁵ Engú bini, omaYuda abi 'gú naali. U abha okpála koko na sisiti inde adu adjakadha lí okpadji, u apokèbhè bhúla uo. U agbe tolo bhú ká okpála, u atsia ato mbedhembède bhú 'ndji okpála bhú gudhu. U anu nagili Polo ne Sila bhú 'ti gba Djasone ngubula me o gbe uo kala okpála na kuti bhomu-o. ⁶ U bhaka la uo lie de-e, u aha Djasone di ne omabhuka koko, u atsia anu ne uo kala ongámási. U aholo asusula me: «Okpála inde angingi 'ndji okpála píla doto libhomu. Mbía inde-e, u akolo íbili sí!» ⁷ Djasone asia uo agba e! Ndu uo hana ngayala namene líli gba 'ngbé ngámá Kaisala. U ngapa me ngámá koko uu! A 'lí aní me Yesu.» ⁸ Lí bhiti okpála di ne ongámási na kuti ang-o adje eli ang-o lie, bua uo atsia ake. ⁹ Pita lí Djasone di ne okpála koko akakala lío lie ka uo, u atsia atse 'kpa lí uo.

Polo ne Sila bhú gudhu na Beloya

¹⁰ A akolo lie sukpe-e, omabhuka anu a'o bha kolo Polo ne Sila bhú Beloya má gala! U akolo lie oo, u atsia alí bhú 'ti nadje líli gba Moidje-o. ¹¹ Okpála ang-o adu ne bádba bua nane okpála na Tesalonike. U asia eli gba Ebhe-e ne gugumu naali. Ndu 'kpí hana, u adu atsia 'kpí bhú Bhuku gba Ebhe ngú nambila me ongú ang-o, a ko 'ngú na paká. ¹² Abhomu-o, okpála bhelé

bhú ká uo atsia abhuka. Olisi na Giliki inde adu ne tia naali-e abhuka. Bhiti obhosi inde adu oo atsia abhuka di. ¹³ Engú bini, li omaYuda na Tesalonike adje lie me Polo ngakpokpo eli gba Ebhe-e di bhú Beloyaa, u atsia ago di oo. U ato mbedhembde bhú ká okpála bhomu-o, u atsia angbingi di 'ndji uo. ¹⁴ Abhomu-o, omabhuka anu bha kolo a'o Polo me ani nu ali ngo 'ngbé 'ngu. Engú bini, Sila ne Timoté atsia atigala naao abhú Beloya. ¹⁵ Obhende anu na 'o Polo-o, u akolo ne ani bhú gudhu na Atene. Pipita-a, u adu agie lio lie, Polo atsia atima eli me Sila ne Timoté kpata ni má gala! U atsia agbida.

Polo akolo bhú gudhu na Atene

¹⁶ Bhú nedhinga li Polo adu adjeke Sila ne Timoté lie bhú Atene-e, ani au me gudhu angoo abedhe ne oebhe na eu bedhe. Kaka-a, bua ani adu ne likabhu naali. ¹⁷ Abhomu-o, ani adu amene kpekebhe ne omaYuda di ne okpála koko inde adu adhögö Ebhe bhú 'ti nadje líli gba Moidje-o. Ndu 'kpí hana, ani adu amene bhadi moko ne okpála inde ani adu aké lie ne o oo. ¹⁸ Okpála na imbilangu koko oEpikulo* ne oSatua† adu di agama 'ngú ne ani. Okoko adu ayi me: «Bhulú agelö inde- e ngapa-e pi?» Li okpála koko adje Polo ngakpokpo 'ngú pindji Yesu di ne nazuku ka ani-e lie, u atsia adu apa me: «A amana mugito me ani ngasuno bhomu-o oebhe na gandji gandji.»

¹⁹ Abhomu-o, u aholo ani, u anu ne ani kala okpála inde adu atsia 'kpí li 'ngú na gudhu na Atene-o. U adu a'i uo me Aliopadje.‡ U atsia apa pi ani me: «Ya ti da nambila engú na mbia inde mu ngasuno e uu? ²⁰ Ya akunda nambila tata-o. Padhá de, anga mu ngandala 'dje ya ne ndu 'ngú na gandji gandji.» ²¹ (Ndu okpála na Atene hana di ne okpála na gandji gandji inde adu nadu oo, adu abhölö nedhinga gba o-o bha li nakpokpo 'ngú di ne nadje engú na mbia.)

²² Abhomu-o, Polo ayie bhúlá tu Aliopadje-o, ani atsia apa me: «Ngayi okpála na Atene, ma au me yi kpekpeke li engú gba oebhe ane ndu 'ngú hana. ²³ Padhá de, anga ma adu adhuku lie bhú gudhu gba yi-e, ma atsia okulu oebhe gba yi-o. Ma au belegu bili bini inde u ngatsulu enu lie pi Ebhe. U aye tété me: «Pi EBHE INDE YA AMBILA E DE.» A moko, ma ago asuno pi yi ebhe inde yi ngadhögö e me yi

nde mbila e de ko. ²⁴ Ebhe inde abho doto di ne ndu 'he inde bhúbhú-o hana-a, a ko Ngámá na abhúlá di ne Ngámá na doto. Ani dadu bhú oeti inde li okpála ayiki e ne 'kpa o-o de. ²⁵ Ani ne gumu ade me okpála mene ehe pi ni-e de, anga ani ne gumu 'he bini ade. Ani ngaha mukobho, ewo di ne ndu 'he koko pi ndu okpála hana ngae. ²⁶ Ani abho kpála bini inde li ndu opiga hana aze bhú e-e ngae. Ani atsia abu uo pála doto libhomu. Ani agbo bhusu kalanga ne gbokokpi. Ani atsia akokodho okozié li bili inde ayo me u sili kati lie ko.

²⁷ Ebhe amene mo-o ngabula me okpála gili ni amba u le nau ni, i du me u nde ti da nau ni uu ko. A na paká me Ebhe de ní bini ne bini tsutsu ade. ²⁸ Padhá de, anga ani ngaha mukobho ne angu ngú namene ehe di ne maka ní nde lie pi ní ngae. La di maka li okpála koko na etsi gba yi-e apa lie me: «Ní di ne ongisi gba ani.» ²⁹ La-a, ka ní nde lie ne ongisi gba Ebhe-e, a ayo nabhundja de me Ebhe maka ebhe na padhá u abho e li olo, li aladja di ne teme-e de. A ayo la di nabhundja de me Ebhe maka ebhe inde akoto li kulu di ne mabhundja gba kpála-a de.

³⁰ Nani-e, okpála du ambila Ebhe de. Ani atsia matá 'kpí li nedhinga angoo de. Engú bini mbia inde-e, ani nga'i ndu okpála hana ne ndu bili hana me u dji bua o.

³¹ Padhá de, anga ani a'o ekpi bini inde ani akódho 'ngú gba okpála na doto libhomu lie ngbingbili ko. Ani abhu kpála bini inde akódho 'ngú angoo-o. Ani asuno engú angoo-o pi ndu okpála hana li nedhinga inde ani azuku kpála angoo-o lie ko!‡

³² U adje Polo lie apa me okpála inde amu-o azuku mazuku-o, u aholo amu ani. Okoko atsia apa me: «Ya adjé nga matá mu pindji 'ngú angoo-o li 'kpí koko.»

³³ Abhomu-o, Polo atsia a'o ká uo. ³⁴ Abana mo-o, okpála koko aziba ani, u atsia abhuka. Bhú ká uo adu nani Denisi, suka okpála na Aliopadje, ne elö bini inde adu 'li e me Damalisi di ne okpála koko.

18

Polo akpo lita Dadjua na gudhu na Kolito

¹ Pipita-a, Polo ayie bhú gudhu na Atene, ani atsia atapa bhú gudhu na Kolito. ² Oo, ani abhaka maYuda bini, a adu 'li ani me Akuila, kpála na ndu doto na Pote. Ngani-e, ani ayie nani bhú Itali, bhú dabili bini ne wala e Pilisila, anga 'ngbé ngámá Kolode

* **17:18** 17:18 OEpikulo: A ko nani omukpata gba Giliki bini inde adu 'li e me Epikulo. Ani adu asuno me engú na ngbéngbé bhú mukobho gba kpála, a ko nadu ndjindji, nadu ne likabhu de. † **17:18** 17:18 OSatua: A ko nani omukpata gba Giliki bini inde adu 'li e me Djeno. U adu nani nau engú nadu bhú djali bhú djila o padhá. U atsia adu bha bini akpata 'ngú pindji imbilangu inde bhú kpála. ‡ **17:19** 17:19 Aliopadje: A adu nga nani kalanu 'li eta inde li okpála angoo-o adu apoköbhe bhúla o pí e-o.

aha nani líli me ndu omaYuda hana ze bhú Loma maze. Abhomu-o, Polo atsia anu nabhaka uo. ³ Ani adu la lie amene ngua kulu bini ne uo (u adu abho eti inde u a'i e me 'ti ngbangbali), ani adu nadu agba uo, u atsia adu amene kulu bhú dabili bini. ⁴ Polo adu nasuno eli gba Ebhe-e bhú ndu 'kpí nagueo gba omaYuda hana bhú eti nadje líli gba Moidje-o. Ani atsia adu di namene ne kpeke me omaYuda di ne oGiliki ziba 'li ni.

⁵ Li Sila ne uo ne Timoté ayie lie bhú ndu doto na Makedonia, u atsia akolo bhú gudhu na Kolito. Polo aha nedhinga gba e hana ngu nakpokpo Bádha Ngali gba Ebhe-e pi okpála. Ani adu asuno pi omaYuda me Yesu ne Masiya. ⁶ Engú bini, omaYuda adu ayayala, u atsia adu di nasobho Ebhe. Abhomu-o, ani apulu doto li bongo gba e, ani atsia apa pi uo me: «A ayo me ngute gba yi-e, tuko pí 'ndji yi. A ko matá naama 'ngú de. Nayie pi mbia inde-e, ma anú íbili agba ogandji okpála.» ⁷ Abhomu-o, Polo ayie oo, ani atsia anu agba kpála bini inde li 'li e adu me Tito Djusitusi. Kpála angoo adu kpála nadhoge Ebhe. Kutí gba ani-e adu de eti nadje líli gba Moidje-o. ⁸ Kilisipisi, ngámá na eti nadje líli-e, abhuka Ebhe di ne piga gba e líbhomu. Okpála bhelé na gudhu na Kolito adje Polo lie, u abhuka, u atsia asia di batisimo.

⁹ Ekpí bini sukpe-e, Ebhe apa pi Polo bhú ehe maka loto me: «Mo odjé tsulu de. Engú bini, du bha nagama 'ngú, mo ondjili má bulu de. ¹⁰ Padhá de, anga ma bhú dabili bini ne mu. Kpála bini bú 'kpa e li mu ngu namene mu sisiti de, anga okpála gba ma bhú gudhu inde-e bhelé.» ¹¹ Abhomu-o, Polo asi bhú gudhu na Kolito oo kalanga bini ne epe madhia. Ani adu asuno eli gba Ebhe-e pi ndu okpála hana.

OmaYuda asungula Polo pi ongámási

¹² Bhú nedhinga inde li okpála na Loma a'o Galio lie ngámá na ndu doto na Akai-e, omaYuda adje lio bhú dabili bini me o mene Polo sisiti. Abhomu-o, u atsia agbe ani kala okpála nakodho 'ngú. ¹³ Do uo de me: «Kpála inde ngagili nagbele okpála ngu nadhoge Ebhe li kpadji bhende li líli ziba e de.» ¹⁴ Li Polo di me gama 'ngú lie, Galio atsia apa pi omaYuda me: «Ngayi omaYuda-a, i dá igini me kpála inde-e bhéle kpála, ani méne di engú na sisiti naali-e, ma de adje yi ndjindji. ¹⁵ La-a, i nde lie me yi nde ngamene kpekebho pindji oeli ne o'ili di ne líli gba yi makpe-e, atsia bha-a yi! Ma akunda naama nakodho 'ngú li ngua 'ngú bhomu-o de!» ¹⁶ Ani atsambala uo li bili nakodho 'ngú-o. ¹⁷ Abhomu-o, ndu uo hana aholo Sosetene, ngámá na eti nadje líli gba Moidje, u

atsia aholo nabhi ani bhú mbadhasu li bili nakodho 'ngú-o. Engú bini, Galio adu bha au 'ngú angoo bhú djila e padhá.

Polo agie lie bhú gudhu na Atiokia

¹⁸ Polo adu matá mbo ngengele bhú gudhu na Kolito. Pipita-a, ani a'o ká omabhuka, ani a'u bhú zabu, ani atsia atapa bhú ndu doto na Silia bhú dabili bini ne Pilisila di ne Akuila. Kala me ani 'u bhú zabu-o, u aka ngaiza 'ndji ani bhú gudhu na Sekele, anga ani asili nani ndjinga me ni aha lini pi Ebhe. ¹⁹ U akolo bhú gudhu na Efeso. Oo, Polo a'o ká Pilisila ne Akuila. Ani ali bhú 'ti nadje líli gba Moidje, ani atsia adu akpokpo 'ngú ne omaYuda.

²⁰ La-a, u ayo ka ani lie me o du nga matá mbo ne ani ngengele-e, ani atsia ayala. ²¹ Engú bini, nedhinga inde ani adu a'e ne enú lie, ani atsia apa me: «Í du me Ebhe nde akunda-a, ma agó matá agba yi mago.» Ani a'u bhú zabu. Ani ayie bhú gudhu na Efeso, ²² ani atsia atapa bhú gudhu na Sedjale. Oo, ani a'u bhú gudhu na Yelusalemá ngu nabhana lie pi omabhuka. Pipita-a, ani atsia aké bhú gudhu na Atiokia. ²³ Ani abhue oo mbo ekpi bedi, abhomu-o, ani atsia atapa. Ani agulu ndu doto na Galatia ne ndu doto na Filidjia me ani nde ngato masi bhú omabhuka.

Apolosi anu bhú gudhu na Efeso, di ne bhú gudhu na Kolito

²⁴ MaYuda bini akolo bhú gudhu na Efeso, a adu 'li ani me Apolosi, kpála na gudhu na Alekidjandili. Ani mbila nani nagama 'ngú ndjindji. Ani mbila di nani Bhuku gba Ebhe-e ndjindji. ²⁵ U asuno nani kpadji gba Ngámá pi ani ndjindji. Ani adu ne bua na masi, ani atsia adu akpokpo di ne nasuno engú pindji Yesu ngbingbili. Engú bini, ani ambila bha nani naae batisimo gba Djaa-o.

²⁶ Abhomu-o, ani aholo nakpokpo 'ngú angoo bhú 'ti nadje líli gba Moidje. Ani du ne tsulu de. Li Pilisila ne Akuila adje engú ani apa e lie, u aha ani, u anu ne ani. U atsia asuno kpadji gba Ebhe-e pi ani ndjindji. ²⁷ Pipita-a, Apolosi adu akunda nanu bhú ndu doto na Akai. Abhomu-o, omabhuka ato masi bhú ani, u atsia aye balua pi omabhuka na ndu doto angoo me, u sia ani ndjindji. Ani akolo lie oo, ani ateteke okpála inde abhuka ka bádha bhú 'bu gba Ebhe-e ndjindji naali. ²⁸ Padhá de, anga ani adu asuno mbámá ne angu hana bhú ká djila ndu okpála hana me omaYuda li ngbili kpadji ade. Ani atsia adu apana pi uo bhú Bhuku gba Ebhe-e me Yesu ne Masiya.

19

Polo akpokpo 'ngú gba Ebhe-e bhú gudhu na Efeso

¹ Nedhinga li Aposoli adu lie bhú gudhu na Kolito-o, Polo agulu ndu doto na ndu ká eta na Adjia, ani atsia akolo bhú gudhu na Efeso. Ani abhaka omukpata koko oo. ² Ani atsia ayi uo me: «Yi akolo omabhuka lie, yi asia Bu Bhobua uu?» U atsia agie pi ani me: «Ya adje nga engú pindji Bu Bhobua belegu de bini.» ³ Abhomu-o, Polo atsia ayi uo me: «Yi asia la mangua batisimo dho?» U agie pi ani me: «Batisimo bhende gba Djaa ko.» ⁴ Polo atsia apa pi uo me: «Djaa adu abatisa okpála inde adu aziba nadji bua o. Ani atsia adu apa pi okpála na Isalaele me: «Yi bhuka kpála inde ngago pita ma ko.» A akunda napa me Yesu.» ⁵ U adje engú bhomu-o lie, Polo atsia abatisa uo ne 'li Ngámá Yesu. ⁶ Pipita-a, ani a'o 'kpa e pi 'ndji uo, u atsia asia Bu Bhobua. U aholo agama 'ngú bhú odikongu koko di ne nakkpokpo 'ngú maka opolofeta . ⁷ Ndu obhosi bhomu-o hana adu masikpe de ndjikpa ne ká bhisi.

⁸ Polo adu ali piko bhú 'ti nadje líli gba Moidje , sunda epe bata, ani du akpokpo 'ngú pindji Nau gba Ebhe-e ne tsulu de. Ani atsia adu amene ne kpéke ngubula me okpála bhuka Yesu. ⁹ Engú bini, okpála koko adu ne kpéke 'ndji. U ayala nabhuka . U atsia adu apa sinití 'ngú li kute okpála inde adu akpata kpadji gba Yesu-o kala ndu okpála hana. Abhomu-o, Polo a'o ká uo, ani anu ne omukpata-a bhú 'ti balua gba Tulanisi. Oo, ani atsia adu asuno pi uo ndu 'kpí hana. ¹⁰ Ani amene mo-o ngubula kalanga bhisi. Abhomu-o ndu okpála hana na ndu doto na Adjia, omaYuda di ne oGiliki, atsia adje eli gba Ngámá-o.

Engú inde akolo li ongisi na obhosi bhosi gba Seva

¹¹ Ebhe adu amene ongamba 'ngú na ngbengbengbe pi okpála bhú Polo. ¹² Kaka-a, okitambala di ne obongo inde atunu lie li kute Polo-o, u adu ago ne di, a'o'o li kute okpála na kuo. Abhomu-o, okpála na kuo ang-o adu akobho, osisiti bua atsia adu di aze bhú uo.

¹³ OmaYuda koko, inde adu anu li obili koko hana ngubula napandja osisiti bua bhú okpála-a, ale di napandja osisiti bua ne 'li Ngámá Yesu. U adu apa pi osisiti bua ang-o me: «Ma aha líli pi yi ne 'li Yesu, inde li Polo ngakpokpo 'ngú gba e me, yi zeze.» ¹⁴ Ongisi na obhosi bhosi mananika gba Seva, suka 'ngbé dimandé bini gba omaYuda-a adu amemene moko. ¹⁵ Engú bini, siti bua-a agie pi uo me: «Ma mbila

Yesu hana. Ma mbila la di hana me Polo ne da-ie. Ngayi-e, yi la naayi ne oda?»

¹⁶ Abhomu-o, kpála inde li siti bua adu bhú e, ati pi uo ne gbele, angu gba ani ane bhende gba uo-o mane. Ani amene uo sisisiti naali. Kaka-a, u atsia aze bhú 'ti ang-o ndumbu di ne oeka li kute o. ¹⁷ Ndu okpála na gudhu na Efeso hana, omaYuda di ne oGiliki, adje engú ang-o. Ndu uo hana adje tsulu naali. Abhomu-o, u atsia adhoge 'li Ngámá Yesu. ¹⁸ Bhiti okpála inde abhuka adu ago ambamba ta osisiti 'ngú inde u amene e ko. ¹⁹ Bhelé bhú ká uo adu obhulu mambengu. U ago ne obhuku gba o-o, u atsia atsula kala ndu okpála hana. U ako masemase-e lie, u atsia au me a akoto olí falanga kutu ndjikpa bhuluve. ²⁰ Abhomu-o, ka angu gba Ngámá-a, eli-e adu ayangba, atsia adu akolo kpekpeke.

Tolo akoto bhú ká okpála na gudhu na Efeso

²¹ Pita ongu bhomu-o, Polo atsia abhundja me ni gulu ondu doto na Makedonia di ne Akai ngú nanu bhú gudhu na Yelusalema. Ani adu apa me: «I du me ma nde akolo oo, a ayo me ma akolo di bhú gudhu na Loma .» ²² Abhomu-o, ani atima okpála bhisi bhú ká okpála inde adu ateteke ani-e, Timoté di ne Elasié, bhú gudhu na Makedonia. Engú bini, ani atsia adu mbo matá naae bhú ndu doto na Adjia ngubula nedhinga bedi.

²³ Bha li nedhinga bhomu-o, tolo na ngbéngbé atsia akoto bhú gudhu na Efeso pindji kpadji gba Ngámá Yesu-o. ²⁴ Kpála bini adu oo, a adu 'li ani me Demetiliusi. Ani adu abho djedje kulu eti gba ebhe na eole Alatemi li teme inde u a'i e me aladja. Okpála na kulu ang-o adu asia tia tété naali.

²⁵ Abhomu-o, ani apo bhúla uo bhú dabili bini ne okpála inde adu amene di ngua kulu ang-o. Ani atsia apa pi uo me: «Ondaise ma, yi mbila ndjindji me ni ngakobho ka kulu inde. ²⁶ Yi ngauu, yi la di ngadjedje, engú li Polo inde-e ngamene e-o. Ani ngapa me oebhe inde li okpála amene e ne 'kpa-a, a ko oebhe de. Ani agebe okpála nganda e bhelé. Ani mene mo-o, bha bini bhú gudhu na Efeso sii de, engú bini, masikpe de bhú ndu doto na Adjia libhому. ²⁷ Eli ang-o ti da nasiti bha bini kulu gba ní-e de, engú bini, a ti da nayaka di sa eti gba 'ngbé ebhe na eole Alitemi. Abhomu-o, li okpála 'ó nadhoge Alitemi, ebhe na eole inde li okpála na ndu doto na Adjia di ne pila doto libhому ngadhege e-o.»

²⁸ Li okpála inde adu oo adje engú bhomu-o lie, u abi 'gú naali. U atsia aholo nasusula me: «Alitemi gba okpála na

gudhu na Efeso-o ngebégbé!»²⁹ Abhomu-o, tolo aha gudhu libhomu. U aholo Gayusi, ngauo ne Alisitaluka, okpála bhisi na gudhu na Makedonia inde adu adhuku bhú dabili bini ne Polo-o. U atsia anu ne uo bhú holo li bili li okpála apokebhe bhúla o lie ko.³⁰ Kaka-a, Polo me ni ngakoto kala ndu okpála hana, engú bini, omukpata atsia ayoko ani.³¹ Okpála koko di na ndu doto na Adjia inde adu akunda ani-e, atima eli pi ani me, ngaani makpe-e, ani anu li bili li okpála apokebhe bhúla o lie de.

³² Li nedhinga ango-o, tolo adu naali. Abhomu-o, okpála dje lio de. Okoko adu asusula ne engú kpi, okoko atsia adu di asusula ne engú koko. Bhelé na uo du ambila ta 'ngú inde u apokebhe bhúla o ngú e de.³³ Okpála koko bhú ká bhiti okpála bhomu-o, akpokpo pi Alekidjandele inde adu bhú ká uo-o, u atsia adyudyo ani ne akalanu. Abhomu-o, ani a'e 'kpa e bhúla, ngubula nasuno me ni ngakunda nagama 'ngú kala okpála.³⁴ Engú bini, li okpála ambila lie me a ko maYuda-a, ndu uo hana aholo asusula bhú dabili bini ngubula nedhinga masakpe de saa bhisi me: «Alitemi gba okpála na gudhu na Efeso-o ngebégbé!»

³⁵ Ali soso-o, ndombi bini na gudhu ango-o ayoko uo, ani atsia apa me: «Ngayi okpála na gudhu na Efeso-o, ndu okpála hana mbila ndjindji me gudhu na Efeso ngalila 'ti ebhe gba 'ngbé ebhe na oelo Alitemi, di ne kulu ani inde ayie nani abhúla atsia ati kuto-o.³⁶ Kpála bini ti da nayayala de. Kaka-a, a ayo me yi 'o bua yi kuto. Yi améne 'ngú bhú holo de.»

³⁷ Yi ago ne okpála inde-e ei. Ngauo-o, u zi 'he bhú 'ti ebhe na oelo gba ní-e de. U tsia sobho la di ani de.³⁸ I du me Demetelisi ne okpála na kulu gba e nde ne engú sunda o ne kpála bini-e, a ne oekpi di ne ongámási ngú nakodho 'ngú ango-o. A bhomu-o bili inde a ayo me u nu kpokpo 'ngú sunda o lie ko.³⁹ I du me a nde matá ne engú koko inde a ayo me u gama 'ngú lie, ya apokebhe bhúla ya maka li líli apa lie, ya tsia kpokpo 'ngú tété.⁴⁰ Atigala bedi me u pa li ní me, ní ngaha kpeke 'ndji pi okpála li 'ngú inde akodho 'kpi naki-o. Padhá de, anga tata li napokebhe bhúla ní me-e ade. Ní ti la di da nakpokpo 'ngú tété pi okpála ndjindji de.» [⁴¹ *]

20

Polo ayie bhú gudhu na Efeso

* **19:41** 19:41 Lukuluku inde-e, a bhú obhuku koko na didili u aye e bhú eli na giliki ade. [Pita li ani andjia nakpo 'ngú bhomu-o lie, ani atsia aha kpadji pi okpála.] * **20:7** 20:7 'Kpi kulu madhia tagolo: U aye bhú obhuku koko me «Ekpí na kalanu.» Pi omaYuda-a, ekpí na kalanu-o, a ko 'kpi kulu madhia. La pi ní-e, ekpí na kalanu-o, a ko 'kpi yinga.

¹ Li tolo andjia lie, Polo a'i omukpata-o, ani atsia ato masi bhú uo. Pipita-a, ani abhana lie pi uo, ani atsia atapa bhú ndu doto na Makedonia.² Ani agulu ndu doto ango-o, ani ato masi bhú omabhuka ne oeli bhelé. Pipita-a, ani atsia akolo bhú ndu doto gba oGiliki.³ Oo, ani asi epe bata. Li nedhinga inde ani adu akunda lie naha 'ngbé zabu ngú nanu bhú ndu doto na Silia, ani adje me omaYuda apo bhúla o ngú namene ni sisiti. Abhomu-o, ani atsia au ndjindji me ni gie lini, amba ni pu ne abhú ndu doto na Makedonia.⁴ Okpála inde adu nani adhuku ne ani bhú dabili bini-e, adu nani: Sopatolosi, ndli gba Pilusi, kpála na gudhu na Beloya; Alisitaluka ngauo ne Sekundusi, okpála na gudhu na Tesalonike; Gayusi, kpála na gudhu na Delebe, ne uo ne Timoté; Tisike ngauo ne Tolofime, okpála na ndu doto na Adjia.⁵ Okpála bhomu-o agbida kalanu, u atsia adu adjeke ya bhú gudhu na Tuluasi.⁶ Engú bini, ngayaya, ya aha 'ngbé zabu bhú gudhu na Filipoi. Pita anokomia nazu mapa inde li levile nde bhú e ade-e , ya atsia anu abhaka uo bhú gudhu na Tuluasi, pita ekpi bhuluvue. Oo, ya asi poso bini.

Polo akpokpo 'ngú gba Ebhe-e bhú gudhu na Tuluasi

⁷ Bhú 'kpi kulu madhia tagolo-o,* ya apo bhúla ya ngú nazu mapa-o. Polo adu agama 'ngú pi uo, anga ani adu akunda nanu pita 'kpi ango-o. Ani atsia agama 'ngú ngengele akolo tutu sukpe.⁸ Ya apo bhúla ya bhú tina 'ti bhende na abhúla-o. Oo, oeke adu bhelé.⁹ Makombi bini, a adu 'li ani me Etikusi, ani adu li malilisa. Li Polo adu la lie agama 'ngú ngengele-e, ani ati ne ela má kolio! Abhomu-o, ani atsokodho abhúla bhú tina 'ti na bata-a, ani atsia ati kuto má kpu! U a'e bha ibili ani me ani nde akpi.¹⁰ Polo akø, ani angumba pi ani, ani aha ani, abi ani sa 'kpa e. Ani atsia apa me: «Yi adjé tsulu de. Ani kpi de.»¹¹ Pipita-a, Polo agie matá lie abhúla, ani aha mapa-o, ani agumu, ani atsia azu. Abhomu-o, ani agama matá 'ngú ngengele akolo bhú sikikpi. Pipita-a, ani atsia atapa.¹² La-a, pi makombi bhomu-o, u anu ne ani me ani nde uu. Engú bhomu-o ateteke okpála naali.

Polo anu bhú gudhu na Milete

¹³ Ya ayie kalanu, ya aha 'ngbé zabu ngú nanu bhú gudhu na Asosa. A bhomu-o bili inde a ayo lie me ya ha Polo bhú 'ngbé zabu-o. Padhá de, anga ani apa pi ya mo-o

ngae me, ni aná naani ne 'dhu ni. ¹⁴ Ani ago abhaka ya lie bhú gúdhú na Asosa-a, ya aha ani bhú 'ngbé zabú, ya atsia atapa bhú gúdhú na Mitilene. ¹⁵ Li ekpí aseke lie, ya ayie oo, ya akolo bhála kpómé na Kio. Ekpí na bhisi-e, ya akolo bhú kpómé na Samosi. Ekpí na bata-a, ya atsia akolo bhú gúdhú na Milete. ¹⁶ Polo abhundja me ni lú bhú gúdhú na Efeso de. Padhá de, anga ani dú akúnda de me ni bhue bhú ndu doto na Adjia ngengele-e de. Ani adu agbene lie ngubula me, i dú me nedhinga nde u-o, ni de dú bhú gúdhú na Yelusalema bhú anokomia na Patekote .

Polo abhana lie pi obhelesi okpála na gúdhú na Efeso

¹⁷ Li Polo adu lie bhú gúdhú na Milete-e, ani atima okpála bhú gúdhú na Efeso me u nu 'i obhelesi okpála na Dadjua gba Ebhe-o. ¹⁸ U akolo lie de ani-e, ani atsia apa pi uo me: «Yi mbila maka ma adu nadu lie bhú ká yi, nayie li 'kpí ma akolo lie bhú ndu doto na Adjia hana. ¹⁹ Ma amene kulu gba Ngámá me ma nde akó lima ne kuto. Ma adu aku 'gbá, ma atsia adu di adje likabhuka li omaYuda adu adje lio lie ngú namene ma sisiti-o. ²⁰ Yi mbila hana me ma wo 'he bini inde i ti da nadu pi yi ndjindji-e belegu de bini. Ma akpokpo Bádha Ngali gba Yesu-o. Ma atsia asuno la di pi yi mbámbá bhú ká okpála, ne bhú oeti gba yi-o. ²¹ Ma apa pi omaYuda di ne oGiliki me u dji lio pi Ebhe, amba u bhuka Yesu Ngámá gba ní ko.

²² Mbia inde-e, ma adji bhú gúdhú na Yelusalema maka li Bu Bhobua aha líli muma lie ngú namemene ko. Ma mbila de me abháka ma oo ne mangua 'ngú dho-ie de. ²³ Ma ambila bha bini me Bu Bhobua ngapa muma me bhú gúdhú bini ne bini-e, tikpu di ne likabhuka ngadjjeke ma. ²⁴ La-a, mukobho gba ma makpe-e, bhú djila ma ngebéngbé ade. Padhá de, anga ma akúnda namene kulu inde li Ngámá Yesu aha e muma-a, akólo bha bini ali soso: nakpokpo Bádha Ngali na bádha bhú 'bu gba Ebhe ko.

²⁵ Ma apu bhú okuti gba yi, ma akpokpo 'ngú pindji Nau gba Ebhe . Engú bini mbia inde-e, ma ambila me yi ú matá ma de. ²⁶ Kaka-a, ma apa pi yi nakí me: i dú me kpála bini bhú ká yi nde angita-a, ka matá naama 'ngú de. ²⁷ Padhá de, anga ma akpokpo ndu 'ngú gba Ebhe-e pi yi hana. Ma wo engú belegu de bini. ²⁸ Yi lila liyi ngayi makpe, di ne ndu piga hana inde li Bu Bhobua a'o e sa 'kpa yi me yi lila e ko. Yi lila Piga gba Ebhe inde ani akala e ne ngute Ndili gba e makpe ko. ²⁹ Padhá de, anga ma ambila ndjindji me pita ma-a, okpála inde maka onute-e alí bhú ká yi.

U tsia bhéle piga gba Ebhe-o. ³⁰ Abana bha bhú ká yi makpe-e, okpála koko azé, u adé apa eu, u tsia gbéle omabhuka bhelé nganda o. ³¹ 'E-e! Yi lila liyi, amba yi bhundja la di me, bhú sunda kalanga bata, sukpe ne ngbikpi, ma ndala li nasuno pi kpála bini ne bini de. Ma adu asuno belegu ne ngula bhú djila ma.

³² Mbia inde-e, ma nga'o yi sa 'kpa Ebhe, di ne eli na bádha bhú 'bu gba ani-o. A ko ani inde ngateteke yi ngubula me yi lu kpekpeke-o. Ani di ne angu ngú naha pi yi obabadha 'ngú inde ani awo e pi ndu obubu okpála gba e hana-o. ³³ Ma dú ne gumu tia de. Ma dú ne gumu olo de. Ma dú di ne gumu bongo gba kpála bini de. ³⁴ Ngayi makpe, yi ambila ndjindji me ma amene kulu ne 'kpa ma ngubula me ngaya ne obi ma-a, ya sia 'he inde ya adu ne gumu e ko. ³⁵ Ma apana pi yi bhú ndu 'ngú hana me a ayo namene kulu ngubula nateteke okpála bhende bhú ndibhili-o. Yi bhundja di eli inde li Ngámá Yesu apa e ngae makpe me: «Djali naali pi kpála inde ngaha 'he ane kpála inde ngasia 'he kol'»

³⁶ Pita ani apa 'ngú bhomu-o lie, ani atutu lipuku e kuto, ani atsia ayo Ebhe bhú dabili bini ne uo. ³⁷ Ndu uo hana aholo naku 'gbá. U aga ngulú ani. U atsia apa pi ani me, ani nu ndjindji. ³⁸ U adu ne likabhuka naali, anga Polo apa pi uo me u ú matá ni de. Abhomu-o, u atsia anu a'o ani ade 'ngbé zabu-o.

21

Polo atapa bhú gúdhú na Yelusalema

¹ Pita ya agbo bhasu ya ne uo lie, ya aha 'ngbé zabú, ya anu bhú kpómé na Kosi. Li ekpí aseke lie, ya akolo bhú kpómé na Lodosi. Ya ayie lie oo, ya atsia anu akolo bhú gúdhú na Patala. ² Oo, ya abhaka me 'ngbé zabú bini nde adji bhú ndu doto na Fenisia. Abhomu-o, ya a'u bhúbhú, ya atsia atapa. ³ Ya akolo lie língo kpómé na Sipele-e, ya nde ibili ngauu hana-a, ya a'o káká ne li pápá na galí ngú nanu li pápá na ndu doto na Silia. Ya akolo bhú gúdhú na Tile, li bili inde a ayo lie me u pandja 'he bhú 'ngbé zabu-o. ⁴ Ya abhaka la omabhuka lie oo, ya amene ne uo poso bini. Abhomu-o, Bu Bhobua atsia apa pi uo me, u pa pi Polo me ani anu bhú gúdhú na Yelusalema de. ⁵ Engú bini, li ekpí gba ya ale lie, ya atsia agbida. Ndu uo hana, ne olisi di ne ongisi gba o-o, anu na'o ya. Ya akoto bhú gúdhú-o. Ya akolo língo 'ngbé 'ngu, ya atutu lipuku ya kuto, ya atsia ayo Ebhe. ⁶ Kala me ya agbo bhasu ya ne uo-o, ya aholo 'kpa uo. Ya anu a'u bhú 'ngbé zabu-o. Abhomu-o, u atsia agie lio agba o.

⁷ Ya ayie bhú gúdhú na Tile, ya akodho 'ngbé 'ngu-o, ya atsia akolo bhú gúdhú na Potolemaisí. Ya akolo lie oo, ya aholo 'kpa ondaise ya, ya atsia adú ne uo ekpí bini. ⁸ Li ekpí aseke lie, ya aholo ne enú, ya atsia akolo bhú gúdhú na Sedjale. Oo, ya ali bhú 'ti gba Filipo, musuno na Bádha Ngali gba Ebhe, sùka okpála mananika nani inde u abhú o bhú gúdhú na Yelusalema ko. Ya atsia adú agba ani. ⁹ A adú nani ka ani ne ongisi na olisilisi badha inde i mbíla nga nani engú na obhosi de. U adú nani akpokpo 'li Ebhe pi okpála.

¹⁰ Ya adú oo ngabula ekpí bhelé. Li nedhinga ango-o, polofeta Agabusi ayie bhú ndu doto na Yudaya atsia ago oo. ¹¹ Ani ago abhaka ya. Ani abhulu ekpí na ludu Polo. Ani agbigbite 'kpa e di ne 'dhu e ne di. Do ani de me: «Bu Bhobua apa me: «Bhulu ekpí inde-e, bhú gúdhú na Yelusalema-a, omaYuda agbigbite bhadi ani moko, u tsia pú ani pi ogandji okpála .» ¹² Ya adje engú bhomu-o lie, ngaya, di ne omabhuka na gúdhú na Sedjale-e, ya akikiliki liya pi Polo me ani anú bhú gúdhú na Yelusalema de. ¹³ Engú bini, Polo atsia agie me: «Yi ngamene bhomu-o ní? Yi ngaku 'gbá, di ne nangbingi bua ma lie mo-o! Ma bha bini bedhe ade ngubula me u mbimbi ma ne ekpí, engú bini, ma bedhe ngubula me ma kpi bhú gúdhú na Yelusalema ngubula 'li Ngámá Yesu.» ¹⁴ Ya ale la nadi mabhundja gba ani-e lie pima-a, ya tsia zi kekele tété de. Ya apa bha ibili me: «A ayo me Ngámá mene maka ani akunda lie ko!»

¹⁵ Pita ekpí ya amene e li bili bhomu-o, ya aleke liya. Abhomu-o, ya atsia agbida bhú gúdhú na Yelusalema. ¹⁶ Omukpata koko na gúdhú na Sedjale anú bhú dabili bini ne ya. U anú a'o ya gba kpála bini inde a ayo me ya adú gba e-o. A adú 'li ani me Menaso, kpála na kpomè na Sipele, sùka omukpata na kalanu ko.

Polo anu natsia obhelesi okpála bhú gúdhú na Yelusalema

¹⁷ Ya akolo lie bhú gúdhú na Yelusalema-a, omabhuka asia ya ne djali. ¹⁸ Li ekpí aseke lie, Polo anú bhú dabili bini ne ya agba Djaki. Oo, ndu obhelesi okpála hana na Dadja gba Ebhe-e, atsia apekebhe bhála o. ¹⁹ Polo aholo 'kpa uo. Abhomu-o, ani atsia akpokpo ndu 'ngú hana bini ne bini maka li Ebhe adú amemene lie bhú kulu gba ani bhú ká ogandji okpála ko. ²⁰ Li u adje lie-e, u atsia adhego Ebhe. Pipita-a, u atsia apa pi ani me: «Ndaí ya, mu ngauu! A ko omaYuda ketè ne ketè inde abhuka Ebhe, ndu uo hana agbite lio li líli. ²¹ La-a, u adje li 'ngú gba mu-o me, mu ngasuno pi ndu omaYuda hana inde

ngadulu bhú ká ogandji okpála me, a ayo me u 'o nakpata líli gba Moidje-o. U adje di me mo opa di pi uo me, u 'o nato ongisi gba o-o bhú gandja, amba u 'o di nakpata dasundu gba omaYuda-o. ²² A ayo me ya mene pi? A na paká me, u adjé madje me mo okolo si.

²³ Mene bhende ya apá e pi mu ko. A ka ya si ne obhosi badha inde asili ndjinga me, o aha lio pi Ebhe. ²⁴ Ha uo, yi nu ne uo, yi valú liyi ngubula me yi kolo bubu kala Ebhe, amba mu ha tia ngubula me u ka 'ndji uo. Abhomu-o, li ndu okpála hana tsia mbíla me engú inde u apa e li mu-o, a ko kukulu 'ngú de. Engú bini ngamu die, mu ngakpata líli gba Moidje ko. ²⁵ La pi ogandji okpála inde abhuka-a, ya aye pi uo líli gba ya-o: u 'o nazu so 'nu inde u abhelo e pi oebhe na eu-o ma'o. U 'o nazu ngute di ne so 'nu inde akpi ne ngute bhú e hana, amba u 'o nakanda olisi di ne obhosi ngangá ma'o.»

²⁶ Abhomu-o, li ekpí aseke lie, Polo abha obhosi ango-o, ani anu avulu lie ne uo bhú dabili bini ngubula me o kolo bubu kala Ebhe. Pipita-a, ani ali bhú 'ngbé 'ti Ebhe gba omaYuda, ani atsia a'o ekpí inde li mavulu ango-o andjia lie, u tsia bhéle enu pi Ebhe ngubula ndu uo hana bini ne bini.

U aholo Polo bhú 'ngbé 'ti Ebhe gba omaYuda

²⁷ A akolo lie masakpe de me oekpí mananika-a ndjia, omaYuda koko na ndu doto na Adjia au Polo bhú 'ngbé 'ti Ebhe gba omaYuda. Abhomu-o, u ato siti 'ngú bhú 'ndji ndu okpála hana. U atsia aholo ani. ²⁸ U adú asusula me: «Ngayi omatsalaele-e, yi go teteke ya! Yi tsia nga kpála inde ngasuno ne ndu bili hana pi ndu okpála hana me, u yala omatsalaele, u yala líli gba Moidje, di ne 'ngbé 'ti Ebhe gba omaYuda-o. Ani amba belegu oGiliki bhú 'ngbé 'ti Ebhe. Abhomu-o, ani atsia asiti di bili na bubu ango-o.» ²⁹ (U adú apa mo-o, anga kalanu-o, u au Tolofime, kpála na gúdhú na Efeso, bhú dabili bini ne Polo abhú gúdhú. Kaka-a, u adú abhundja me Polo ato ani bhú 'ngbé 'ti Ebhe gba omaYuda.)

³⁰ U aholo amene tolo bhú gúdhú libhomu. Abhomu-o, okpála ayie ne ndu bili hana, u ago apekebhe bhála o. U aholo Polo, u agbele ani akilidjo, u atsia anini kolo obhoti na 'ngbé 'ti Ebhe gba omaYuda-o. ³¹ Li u adú agili nabhelo Polo lie, ngali ango-o atsia akolo li 'ngbé ngámá gba osudha na gúdhú na Loma me okpála bhú gúdhú na Yelusalema libhomu ngazi tolo. ³² Kolo má gala me-e, ani abha ongámási gba osudha di ne osudha, ani

anụ ne uo li bili li okpála adu azi tolo lie-o. U au 'ngbé ngámá di ne osudha-a lie, u atsia a'o nabhi Polo. ³³ Abhomu-o, 'ngbé ngámá-a adyudyo lie de Polo. Ani me u holo ani, ani atsia aha líli me u gbigbite ani ne gbindjili bhisi. Pipita-a, ani ayi me: «A ko naae da, ani amene la di ní?» ³⁴ Bhú ká bhiti okpála bhomu-o, okpála adu asusula ne engú ngangá, u dje lio de. Li tolo adu lie naali-e, 'ngbé ngámá-a tsia dje ta 'ngú ango-o de. Abhomu-o, ani atsia aha líli me u nu ne Polo bhú 'ti inde li osudha nalila gudhu adu lie ko.

³⁵ Ani akolo lie li ngba 'ti-e, osudha atsia abi ani ka li bhiti okpála bhomu-o adu amene ani lie sisiti-o. ³⁶ Padhá de, anga ndu uo hana adu akpata ani. U atsia adu atu 'ue me u bhøle ani.

Polo akpokpo 'ngú gba e-o

³⁷ Nedhinga u adu akunda nato Polo lie abhú 'ti-e, Polo apa pi 'ngbé ngámá-a me: «Mú ti da naziba uu me ma pa mbo engú pi mú?» 'Ngbé ngámá-a atsia ayi ani me: «Mú mbila eli gba oGiliki-e hana?» ³⁸ A ko ndi mú di maEdjipeto inde ato kpéke 'ndji bhú okpála sunda 'kpí inde-e? Ani atsia anu di ne okpála ketø badha bhú 'gu-o?» ³⁹ Abhomu-o, Polo agie me: «Ngama-a, ma ne maYuda. U azu ma bhú gudhu na Talasi bhú ndu doto na Silisia. Ma ne kpála na gudhu na padhá padhá ade. Kikiliako, ha kpadji muma, ma gama 'ngú pi okpála.» ⁴⁰ 'Ngbé ngámá-a atsia aziba pi ani. Abhomu-o, Polo alu li ngba 'ti-o, ani amene 'kpa e me ni akunda nagama 'ngú pi okpála. Ndu okpála hana andjili má bulu! Abhomu-o, Polo aholo nagama 'ngú pi uo bhú eli gba omaYuda me:

22

¹ «Odyi ma, di ne ondaise ma, yi dje engú inde ma adjí apa e pi yi mbia inde-ndjindji, amba yi mbila me ma mene 'ngú bhomu-o de.» ² Li u adje lie me ani ngagama 'ngú pi o bhú eli gba omaYuda-a, u atsia andjili la matá má bulu! Polo atsia apa me: ³ «Ngama-a, ma ne maYuda. U azu ma bhú gudhu na Talasi, bhú ndu doto na Silisia. Ma abhele bhú gudhu na Yelusalema inde. Musuno gba ma Gamaliele asuno nambila líli gba onguo ogbi ní-e muma ndjindji. Ma aha nani lima pi Ebhe ne bua ma bini maka ndu yi hana yi ngamemene lie naki ko.

⁴ Ma adu ato mbolo li okpála inde adu akpata kpadji gba Ngámá-o, ma atsia adu agili nabhili uo. Ma azumu obhosi di ne olisi, ma atsia amba uo bhú tikpu. ⁵ Bhele kpála gba odimandø gba Ebhe di ne obhelesi okpála mbila ndjindji me ma

ngapa e kukulu 'ngú. U aha belegu obalua muma ngubula me ma nu ne di pi ondaise ní inde bhú gudhu na Damasi. Ma anu oo me ma holo omabhuka inde oo, ma gbigbite uo ne gbindjili, amba ma mba uo bhú gudhu na Yelusalema ngubula me u mene uo sisiti.»

Polo akpokpo maka ani adjí bua e lie ko (Tsia bhú Kul. 9:1-19, 26:12-18.)

⁶ «Abhomu-o, ma adu lie li kpadji-e, masakpe de nakolo bhú gudhu na Damasi de tulukpe-e, kolo me-e, zi 'kpí na kpekpeke ayie abhúlá, a ago asa ma ngbalina. ⁷ Ma agu 'i ma kuto má gbwæ! Ma atsia adje eli bini inde apa muma me: «Saulo, Saulo, mú ngato mbolo li ma ngú ní?» ⁸ Abhomu-o, ma atsia agie me: «A ko mú da, Ngámá?» Ani atsia agie muma me: «A ko ma Yesu, kpála na kuti na Nadjaleta, inde mú ngato mbolo lie ko.» ⁹ Okpála inde adu bhú dabilí bini ne ma-a, au zi 'kpí ango-o. Engú bini, u dje 'li kpála inde adu agama 'ngú muma-a de. ¹⁰ Abhomu-o, ma atsia ayi matá me: «Ngámá, a ayo la me ma mene pi?» Ngámá agie muma me: «Yie bhúlá, nu bhú gudhu na Damasi. Oo, u apa pi mú ndu 'ngú hana inde li Ebhe akunda me mú mene e ko.» ¹¹ La-a, ma du au 'kpí ka kpéke zi 'kpí bhomu-o lie de-e, okpála inde adu bhú dabilí bini ne ma-a, aholo 'kpa ma, u atsia anu ne ma bhú gudhu na Damasi.

¹² Kpála bini adu nani oo, a adu 'li ani me Anania. Ani adu akpe Ebhe, ani atsia adu di akpata líli gba ní-e ndjindji. Ndu omaYuda hana na gudhu na Damasi adu apa 'ngú gba ani-e ndjindji. ¹³ Ani ago natsia ma. Ani akolo lie de ma-a, ani atsia apa muma me: «Ndaí ma Saulo, u matá 'kpí uu!» Bha li nedhinga bhomu-o, djila ma abhulu, ma atsia au ani. ¹⁴ Abhomu-o, ani atsia apa muma me: «Ebhe gba onguo ogbi ní abhu nani mú didili ngubula me mú mbila engú inde ani akunda e-o. Ani abhu mú ngubula me mú mbila Kpála inde ngbingbili-o, amba mú dje di 'li ani makpe. ¹⁵ Padhá de, anga pi ani-e, mo adu akpokpo ongu gba ani bhende mo ou e, di ne bhende mo odje e pi ndu okpála hana. ¹⁶ Mbia inde-e, mú matá ngadjjeke ní? Yie bhúlá, sia batisimo, mú yo Ebhe, amba ani 'e siti 'ngú gba mú ko.»

Polo akpokpo maka li Ebhe atima ani lie agba ogandji okpála-o

¹⁷ Abhomu-o, ma agie lima bhú gudhu na Yelusalema. Ekpí bini, ma adu ayo Ebhe bhú 'ngbé 'ti Ebhe gba omaYuda, ma atsia au engú maka loto. ¹⁸ Ma au Ngámá, ani atsia apa muma me: «Yaka! Koto bhú gudhu na Yelusalema má gala, anga okpála na gudhu inde-e, u ziba engú gba ma inde

mo opá e pi uo-o de.»¹⁹ Abhomu-o, ma atsia apa me: «Ngámá, u mbila hana me ma adu nako nanu bhú otí nadjé lílí gba Moidje, ma adu aholo okpála inde abhuka mu-o. Ma adu amba uo bhú tikpa, ma atsia adu di abhi uo ne fimbo.»²⁰ Nedhinga u adu abhelo Etieni, kpála nakpokpo Bádha Ngali gba mu-o lie, ma adu di oo. Ma aziba okpála inde adu abhelo ani-o. Ma atsia adu alila obongo gba uo-o.»²¹ Abhomu-o, Ngámá atsia apa mama me: «Nanu, anga ma atima mu tsutsu agba ogandji okpála.»

Polo apa me, ni ne kpála na gudhu na Loma

²² Bhiti okpála bhomu-o adu nga bha nadjé aní akolo lí engú inde aní apa e bhomu-o. Abhomu-o, u atsia aholo asusula me: «Yi bhelo kpála bhomu-o mabhelo! Aní tí da nadu píla doto de!»²³ U adu asusula kpekpeke. U adu ape obongo gba o, u atsia adu abala ndju doto ne abhúla.²⁴ Abhomu-o, 'ngbé ngámá gba osudha aha lílí me u to Polo abhú 'tí gba osudha. Aní atsia apa me u bhí aní ne fimbo, amba aní pa ta 'ngú inde lí okpála ngasusula lie me u mene aní sisiti-o.²⁵ Lí u agbigbite aní lie ne ekpú ngubula nabhi aní ne fimbo-o, abhomu-o, aní atsia apa pí ngámá gba osudha inde adu oo me: «A ayo bha ndju uu me, yi bhí ndíli na kuti na Loma ne fimbo me, u nde kodho nga 'ngú gba aní-e dí?»

²⁶ Lí ngámá bhomu-o adje engú lí Polo ayi e lie, aní atsia anu abhaka 'ngbé ngámá gba osudha-o. Aní atsia ayi aní me: «Mo oméne pí, anga kpála bhomu-o, a ko ndíli na kuti na Loma!»²⁷ 'ngbé ngámá-a ago abhaka Polo, aní atsia ayi aní me: «Pa nga mama, mu ne ndíli na kuti na Loma na paká?» Polo atsia agie pí aní me: «Hení, a na paká.»²⁸ Abhomu-o, 'ngbé ngámá-a atsia apa me: «Ma aha naní tia bhelé ngubula me ma kolo kpála na kuti na Loma.» Polo atsia apa naae me: «Ngama-a, u azu ma kpála na kuti na Loma.»²⁹ Kolo má gala me-e, okpála inde i di me bhí aní ngubula me aní gama 'ngú-o, u atsia atsambala de aní. Abhomu-o, 'ngbé ngámá gba osudha-a aholo adje tsulu, lí aní ambila lie me ní aha lílí ngani me u gbigbite ndíli na kuti na Loma-o.

Polo kala Libi okpála natsia 'kpí lí 'ngú gba omaYuda

³⁰ Abhomu-o, 'ngbé ngámá gba osudha-a adu akunda me, ní mbila kukulu ta 'ngú inde lí omaYuda asungula Polo lie pí ongámási-o. Kaka-a, lí ekpí aseke lie, aní aha lílí me u bhuhulu Polo, di me

ongbengbe odimandé gba Ebhe, di ne Libi okpála natsia 'kpí lí 'ngú gba omaYuda pèkèbhe bhúla o. Pipita-a, aní ago ne Polo, aní atsia a'o aní kala uo.

23

¹ Abhomu-o, Polo atsia Libi okpála natsia 'kpí lí 'ngú gba omaYuda ne kpéke djila. Do aní de-e: «Ondaise ma, nakolo pí mbia inde-e, ma adhuku kala Ebhe ndjindji.»

² Engú bini, bhele kpála gba odimandé Anania aha lílí pí okpála inde adu de aní-e me u su 'bhé aní.³ Abhomu-o, Polo atsia apa pí aní me: «Ebhe asú mu ngae, ngamu kpála inde maka pabu 'tí inde u ato embú lie! Mo odu oo ngú nakodho 'ngú gba ma-a maka lí lílí apa lie. Engú bini, mo ogumu lílí anga mo opa me u su ma!»

⁴ Abhomu-o, okpála inde adu de Polo atsia apa pí Polo me: «Mu ngasobho bhele kpála gba odimandé gba Ebhe!»⁵ Polo agie me: «Ondaise ma, ma mbila igini de me a ko bhele kpála gba odimandé gba Ebhe-e de. Padhá de, anga Bhuku gba Ebhe-e apa me: «Mo osóhbo ngámá gba okpála na doto gba mu-o de.»»

⁶ Lí Polo ambila la nani lie me bhú ká okpála inde apo bhúla o bhomu-o, okoko adu oSadukai, okoko adu omuFalisai-e, aní atsia asula bhú ká uo me: «Ondaise ma, ma ne muFalisai, ndíli gba omuFalisai. F du me u nde nga'o 'ngú pí ma me-e, a ko anga ní ne 'to ní me okpála inde amu-o, azúku mazuku.»⁷ Lí aní apa 'ngú bhomu-o lie, omuFalisai ne oSadukai aholo natsi sunda o. Abhomu-o, okpála atsia agbo bhusu o bhisi.⁸ (Padhá de, anga oSadukai ziba nani naao de me okpála azúku mazuku-o de. U atsia apa di nani matá me andjelu ade, bua di ade. Engú bini, omuFalisai atsia aziba nani naao ndu 'ngú bhomu-o hana.)⁹ Abhomu-o, tolo atsia akolo naali. Omusuno na lílí koko inde adu bhú ká omuFalisai-e ayie bhúla, u atsia apa ne angu hana me: «Ya u siti 'ngú bhú kpála inde-e belegu de bini. A mana mugito me andjelu bini, i du di-e bua, agama 'ngú pí aní ngae!»

¹⁰ Lí okpála adu alo 'bhé lie sunda o naali-e, 'ngbé ngámá gba osudha-a aholo adje tsulu me u adjí adolo Polo. Kaka-a, aní aha lílí pí osudha-a me, u kè, u nu ha Polo bhú ká uo, amba u gie aní abhú 'tí gba osudha inde ngalila gudhu-o.

¹¹ Sukpe-e, Ngámá akoto lí Polo, aní atsia apa pí aní me: «Atou! Padhá de, anga maka mo okpokpo 'ngú gba ma lie bhú gudhu na Yelusema-a, a ayo bhadi me mu nu kpokpo bhú gudhu na Loma moko.»

OmaYuda adje lio ngú nabhøle Polo

¹² Li ekpí aseke lie, omaYuda adje lio pindji Polo, u atsia atú silika me o zú bha bini 'he, li o ndjí la bhadi 'he bhe nandji mandji-e me, o nde abhøle bha bini ani kalanu. ¹³ Okpála inde nani adje lio bhomu-o ane nani ndjikpa badha mane. ¹⁴ U anu abhaka ongbengbe odimande di ne obhelesi okpála, u atsia apa pi uo me: «Ya atú silika me ya azú bha 'he me ya nde abhøle Polo kalanu. ¹⁵ Mbia inde-e, a ayo me ngayi ne Libi okpála natsia 'kpí li 'ngú gba omaYuda-a, yi yo ka 'ngbé ngámá gba osudha-a me, ani go ne Polo kala yi si. Yi mene mugito me yi akúnda atsia 'kpí li engú gba ani-e ndjindji. La pi ya-a, ya bedhe ngú nabhøle ani me ani nde kolo nga de.»

¹⁶ Engú bini, ndili na bhobhoko gba ndai Polo na øøle-o adje engú angoo. Ani anu, ani ali bhú 'ti gba osudha inde ngalila gudhu-o. Ani atsia apa pi Polo. ¹⁷ Abhomu-o, Polo a'i suka ongámási gba osudha-o. Do ani pi ani me: «Nu ne makombi inde-e pi 'ngbé ngámá gba osudha-o. Padhá de, anga ani ne engú napapa pi ani.» ¹⁸ Ngámá gba osudha-a aha ani, ani anu ne ani pi 'ngbé ngámá gba osudha-o. Ani atsia apa me: «Bhølu 'kpú Polo a'i ma, ani atsia ayo ka ma me, ma go ne makombi inde-e pi mu. Padhá de, anga ani ne engú napapa pi mu.»

¹⁹ Abhomu-o, 'ngbé ngámá gba osudha-a aha 'kpa makombi-o. Ani anu ne ani ne li ngongo, ani atsia ayi ani me: «Mo okunda napa muma mangua 'ngú dho?» ²⁰ Ani atsia apa me: «OmaYuda adje lio me, o yo ka mu me ha Polo, amba mu go mambi ne ani kala Libi okpála natsia 'kpí li 'ngú gba omaYuda-o. U améne mugito me u ngakunda atsia 'kpí li 'ngú gba ani-e ndjindji. ²¹ Engú bini, mo obhúka uo de. Padhá de, anga okpála nane ndjikpa badha bhú ká uo, adje lio ngú namene ani sisiti. U atú silika me o zú bha bini 'he, li o ndjí la bhadi 'he bhe nandji mandji-e me, o nde abhøle bha bini Polo kalanu. Mbia inde-e, uo bedhe. U ngadjeke bha maka mo opá lie ko.» ²² 'Ngbé ngámá gba osudha-a apa pi makombi angoo me: «Mo opá pi kpála bini de me, ni apa engú inde-e muma apa-a de.» Pipita-a, 'ngbé ngámá gba osudha-a atsia agie ani sidi.

U atima Polo bhú gudhu na Sedjale

²³ Pipita-a, 'ngbé ngámá gba osudha-a a'i ongámási na sudha gba e-e bhisi. Ani atsia apa pi uo me: «Yi po bhúla osudha kámá bhisi, di ne obhende ndjikpa mananika inde adhudhuku pí 'ngbu opunda, amba

yi po la di bhúla obhende na mandambi-e kámá bhisi. Ndu yi hana yi du bedhe ngú nanu bhú gudhu na Sedjale tagolo bhú saa na odukpabini. ²⁴ Yi leke di punda ngú nabi Polo. Yi mene me ani kolo li bili li ngámá Felikisi nde lie ndjindji me ehe bini nde mene ani de.»

²⁵ Abhomu-o, ani atsia aye balua me:

²⁶ «Kolode Lisiasi apa me, ni yi Felikisi, ngámá na asasaua, mayi. ²⁷ OmaYuda aholo nako kpála inde ma atima e pi mu inde-e ngao. U adu akunda nabhøle ani. La-a, ma adje lie me a ko ndili na kuti na Loma-a, ngama ne osudha gba ma-a, ya atsia agbølu ani ka uo. ²⁸ Maka ma adu akunda nambila ta 'ngú inde u aholo ani ngú e lie, ma atsia anu ne ani kala Libi okpála natsia 'kpí li 'ngú gba uo-o. ²⁹ Ma au me, u aholo ani pindji ongú inde atsia líli gba uo-o. La-a, ma u ani ne engú bini inde u ti da nabhøle ani, di ne bhende u ti da naholo ani ka e de. ³⁰ Li u apa muma lie me u adu agili nabhøle ani-e, ma atsia atima ani pi mu kolo má gala! Ma atsia apa di pi okpála inde a'o 'ngú pí ani-e me, u nu kpokpo 'ngú gba ani-e pi mu.»

³¹ Abhomu-o, osudha-a atsia amene maka li 'ngbé ngámá gba uo apa pi uo lie ko. U aha Polo, u atsia anu bha ne ani sukpe bhomu bhú gudhu na Atipatilisí. ³² Li ekpí aseke lie, osudha bhende adhuku ne 'dhu o agie lio li bili li osudha nalila gudhu-o adudu lie ko. U atsia a'o obhende adu adhuku pí 'ngbu opunda-a me, u nu ne Polo. ³³ U akolo lie bhú gudhu na Sedjale-e, osudha-a aha balua pi ngámá na ndu doto angoo. U atsia a'o di Polo sa 'kpa ani. ³⁴ Abhomu-o, ngámá-a atanga balua-o. Ani atsia ayi me Polo ne kpála na ndu doto bhedho. Ani adje la lie me a ko kpála na ndu doto na Silisia-a, ³⁵ ani atsia apa pi ani me: «Ma adjé engú gba mu-o me okpála inde yi nde ne o bhú 'ngú-o nde akolo.» Abhomu-o, ani atsia aha líli me u lila Polo bhú eti gba 'ngbé ngámá Elode.*

24

OmaYuda agbe Polo kala ngámá Felikisi

¹ Pita ekpí bhuluvue, bhele kpála gba odimande Anania akolo bhú gudhu na Sedjale, bhú dabili bini ne obhelesi okpála koko di ne avuka bini inde adu 'li e me Teletulusi. U atsia ato siti 'ngú ne 'li Polo pi Felikisi, ngámá na ndu doto angoo. ² U a'i Polo. Abhomu-o, Teletulusi atsia aholo akpokpo li ani me: «Ngámá na asasaua, Felikisi, mo oto guo 'ngú bhú ndu doto inde-e ngamu. Mu di aleke ongú bhelé bhú

* 23:35 23:35 Eti gba 'ngbé ngámá Elode: A adu nani bhú Sedjale. Elode Ngebéngbé ayiki nani ngae. Ongámási na Loma atsia adjí nani dabili nadu ka o tété.

doto gba ya ne imbilangu gba ma-o. ³ Ndu 'kpí hana di ne ndu bili hana, ngámá na asasaua, Felikisi, ya ngagie heni ngú ndu 'ngú bhomu-o hana. ⁴ Engú bini, ma kúnda nabhele nedhinga gba ma-o de. Kaka-a, ma ayo ka mu me dje nga mbo ya bedi ne bádba bua.

⁵ Ya au me kpála inde-e, a ko kpála na mugwe. Aní ngato kpéke 'ndji bhú 'ndji ndu omaYuda hana píla doto libhomu. A ko la di ngámá na Dadjua bini na Ebhe gba okpála na kuti na Nadjaleta. ⁶ Aní ale belegu nasiti 'ngbé 'ti Ebhe gba omaYuda-o. Abhomu-o, ya atsia aholo aní. [Ya akunda nako me kodho 'ngú gba aní-e maka lí líli gba ya apa lie-o. ⁷ Engú bini, Lisiasi, 'ngbé ngámá gba osudha-a, atsia ayoko. Aní atsia agbulu aní ka ya. ⁸ Pipita-a, aní atsia aha líli pí ya me ya go ne aní kala ma.] I du me mu nde ayi aní ngamu makpe-e, mu tsia mbíla me ndu 'ngú hana inde ya apa e lí aní-e, a ko kúkulú 'ngú.» ⁹ OmaYuda atsia aziba di ongú angó-o. Do uo me: «A ko kúkulú 'ngú.»

Polo akpokpo 'ngú gba e kala ngámá Felikisi

¹⁰ Abhomu-o, ngámá Felikisi amene 'kpa e pí Polo me aní kpokpo 'ngú gba e-o. Polo atsia apa me: «Ma mbíla ndjindji me, ngubula kalanga bhelé-e, mu ngakodho 'ngú gba ya okpála na kuti inde-e ngbingbili. Kaka-a, ma ne djali naali ngú nakpokpo 'ngú gba ma-a pí mu. ¹¹ Mu ti da nambíla bha ngamu makpe me ane nga ekpí ndjikpa ne ká bhisi de maka ma anu nako lie bhú gudhu na Yelusalema ngú nadhoge Ebhe-o. ¹² Kpála bini bhaka ma namene kpekebhe ne kpála bini na 'ngbé 'ti Ebhe gba omaYuda-a de. Kpála bini bhaka la di ma nato kpéke 'ndji bhú 'ndji okpála bhú 'ti nadje líli gba Moidje , di ne lí kpadji de.

¹³ Okpála ago ne ma kala mu inde-e ne engú bini ade inde i ti da nasuno me engú inde u ngapa e lí ma inde-e, a ko kúkulú 'ngú. ¹⁴ Ma aziba kala mu si me ma ngakpata kpadji na mbia inde ngauo, u ngau e me a sisiti-o. La-a, ma ngadhoge Ebhe gba onguo ogbí ní. Ma la di ngabhuka ndu 'ngú inde u aye e bhú obhuku na líli di ne bhe gba opolofeta-a hana. ¹⁵ Ma ne nabhuka bhú Ebhe bhadi maka uo me, okpála na ngbingbili di ne obhende ngbingbili ade-e azúku mazuku. ¹⁶ Kaka-a, ma ngamene ndu 'kpí hana ne kpéke me, bua ma du ndjindji kala Ebhe, di ne kala okpála.

¹⁷ Ma du lie de bhú gudhu na Yelusalema ngubula kalanga bhelé-e, ma atsia agie líma oo ngú nateteke obhulu ndibhili na doto gba ma-a ne tia, di ne naha makiso

gba ma-a pí Ebhe. ¹⁸ Kaka-a, u abhaka ma bhú 'ngbé 'ti Ebhe gba omaYuda me, ma nde avulu líma ngú nakolo bubu kala Ebhe avulu. Ma bha ká okpála de. Ma to la di kpéke 'ndji bhú 'ndji okpála de. ¹⁹ OmaYuda koko bhú ká obhende ayie bhú ndu doto na Adjia, adu oo. A ayo nako me u gbe ma kala mu ngao, i du me u nde ne engú lí pápá gba ma-o. ²⁰ I du mo-o de-e, a ayo me okpála inde si-e suno siti 'ngú inde u au ma ne e, nedhinga inde u agbe nako ma lie kala Libi okpála natsia 'kpí lí 'ngú gba omaYuda-o .

²¹ Padhá de, anga ma amene bha koli 'he bini. Ma apa kpekpeke kala uo me: «Yi agbe naki ma kala yi ngú nakpokpo 'ngú anga ma abhuka me okpála inde amu-o, azúku mazuku!» ²² La-a, pí ngámá Felikisi-e, aní adu ambíla kpadji gba Yesu-o ndjindji. Abhomu-o, aní agie engú angó-o me ní akódho sídi. Aní atsia apa pí uo me: «Ma akódho 'ngú gba yi-e, lí nedhinga lí 'ngbé ngámá gba osudha Lisiasi agó lie ko.» ²³ Aní atsia aha líli pí ngámá gba osudha-a me u líla Polo, kpála na 'kpu-o, malila. Engú la bini, u 'o aní me aní du mbo bhú ngu e. U ayóko di omaha aní ngú nateteke aní de.

U agbe matá Polo kala ngámá Felikisi ne Dulusile

²⁴ Pita mbo ekpí bedi-e, ngámá Felikisi ago ne wala e Dulusile. Øle angó-o adu maYuda. Ngámá Felikisi atima okpála me u nu 'i Polo. Abhomu-o, aní atsia adje engú lí Polo akpokpo e pindji nabhuka Yesu Kilisito-o . ²⁵ Pipita-a, Polo aholo akpokpo lele maka a ayo lie nadu ngbingbili , ne nane gumu kute di ne me ekpí koko akólo makolo, ekpí inde lí Ebhe akódho 'ngú gba okpála lie ko. Abhomu-o, ngámá Felikisi aholo adje tsulu. Aní atsia apa me: «Mbia inde-e, mu ti da nanu. I du me ma nde asia nedhinga-a, ma tsia 'í matá mu.» ²⁶ Aní adu di ne 'to e me ní asia tia ka Polo. Kaka-a, aní adu a 'i Polo piko ngú nakpokpo 'ngú ne aní.

²⁷ Pita kalanga bhisi-e, Polosiusi Fesitusi akolo ngámá bhú da ngámá Felikisi. Engú bini, ngámá Felikisi a'o ká Polo bhú tikpu, anga aní adu amene me omaYuda u ní ndjindji.

25

Polo ayo me 'ngbé ngámá Kaisala kodho 'ngú gba ni-e ngae

¹ Lí ngámá Fesitusi akolo lie bhú ndu doto angó-o, pita 'kpí bata-a, aní ayie bhú gudhu na Sedjale, aní atsia anu bhú gudhu na Yelusalema. ² Ongbengbe odimandé , di ne ongámási gba omaYuda-a , ago kala aní. U atsia ato siti 'ngú ne 'lí Polo pí aní.

U akikiliki lio pi ani me, ³ ani ziba pi o me o nu ne Polo bhú gudhu na Yelusalema. U adje lio me, li o kolo li kpadji-e, o de bhøle ani. ⁴ Engú bini, ngámá Fesitusi agie pi uo me: «Bili na tikpu gba Polo-o, a ko Sedjale. La-a, ngama makpe-e, ma adji bhadi oo mbia inde.» ⁵ Ani atsia apa matá me: «A ayo me ongbengbe okpála gba yi-e nu bhú dabili bini ne ma. I du me kpála bhomu-o nde amene siti 'ngú-o, u de kpokpo oo ko.»

⁶ Ngámá Fesitusi amene agba uo ekpi nayie bhú madjina masakpe de nakolo bhú ndjikpa. Pipita-a, ani atsia agie lie bhú gudhu na Sedjale. Li ekpi aseke lie, ani atsia anu li bili nakodho 'ngú-o. Abhomu-o, ani atsia aha líli me u go ne Polo. ⁷ Li Polo ago lie, omaYuda inde ayie bhú gudhu na Yelusalema-a, asa lio dengo ani. Abhomu-o, u aholo apa osisiti 'ngú na ngbengbengbe li ani bhelé bhelé. La-a, u du ambila nakpokpo ta ongu angoo de, anga a adu eu. ⁸ Abhomu-o, Polo atsia aholo nakpokpo 'ngú gba e me: «Ma mene siti 'ngú bini de. Ma gumu líli gba omaYuda-a de. Ma siti 'ngbé 'ti Ebhe gba omaYuda-a de. Ma mene la di siti 'ngú li 'ngbé ngámá Kaisala de.» ⁹ Ngámá Fesitusi adu amene me omaYuda u ni ndjindji. Kaka-a, ani atsia ayi Polo me: «Mo kunda nanu bhú gudhu na Yelusalema, ngubula me u kodho 'ngú gba mu-o kala ma oo?»

¹⁰ Engú bini, Polo agie me: «Ma alu e bhú ndende gba 'ngbé ngámá Kaisala-o. A ayo me u kodho 'ngú gba ma-a bha si. Ma mene siti 'ngú li omaYuda belegu de bini. Ngamu makpe-e, mo ombila 'ngú tété ndjindji. ¹¹ I du me ma nde atu 'ngú, i du di me ma nde amene siti 'ngú inde ayo me u bhøle ma ka e-e, ma yala nakpi de. Engú bini, i du la me, kakalu 'ngú nde bhú ká ongu inde u ngapa e li ma ade-e, kpála bini ti da natse 'kpa li ma pi uo de. Ma ayo me 'ngbé ngámá Kaisala kodho bha 'ngú gba ma-a ngae.» ¹² Abhomu-o, pita li ngámá Fesitusi agama 'ngú ne obhelesi okpála gba e lie, ani atsia apa me: «Mo oyo lie me 'ngbé ngámá Kaisala kodho bha 'ngú gba mu-o ngae, mo onú agba ani.»

Polo akpokpo 'ngú gba e kala 'ngbé ngámá Agilipa

¹³ Pita mbo oekpi, 'ngbé ngámá Agilipa ne ndai e na øøle Belenise, akolo bhú gudhu na Sedjale. U anu natsia ngámá Fesitusi. ¹⁴ U asi oo mbo ekpi bhelé. Abhomu-o, ngámá Fesitusi atsia akpokpo 'ngú gba Polo pi 'ngbé ngámá Agilipa me: «Kpála bini bhú tikpu si, ngámá Felikisi a'o nani ka ani ngae. ¹⁵ Ma anu nako lie bhú gudhu na Yelusalema-a, ongbengbe odimandø gba Ebhe di ne obhelesi okpála gba omaYuda-a, ato siti 'ngú ne 'li ani

mama. U atsia apa mama me, ma 'o 'ngú pí ani. ¹⁶ Ma agie pi uo me: «Agba ya okpála na Loma-a, kala me u 'o 'ngú pí kpála-a, ayo me u dudu ngaiza kala ongamási ne okpála inde agbe ani kala uo-o bhú dabili bini. Ani kpokpo 'ngú gba e ngú nagbegbe lie bhú 'ngú angoo ko.»

¹⁷ Ya atsia ago si ne uo bhú dabili bini. Ma djeke de, li ekpi aseke lie, ma aha líli me u go ne kpála angoo kala ma li bili nakodho 'ngú-o. ¹⁸ Okpála inde ato siti 'ngú li ani pi ongamási-e ago. Engú bini, ma u siti 'ngú inde u asungala ani pi ongamási ngú e maka bhende ma adu abhundja e de. ¹⁹ La-a, u adu amene kpekebhe pindji 'ngú na Ebhe gba o di ne pindji 'ngú gba kpála bini inde 'li e me Yesu. Padhá de, anga kpála angoo akpi, engú bini, Polo la ngapa me ani uu.

²⁰ Mama-a, ma mbila 'ngú ma akódho e li ngua 'ngú bhomu-o de. Kaka-a, ma ayi Polo atigala ani ziba nanu bhú gudhu na Yelusalema, amba u kodho 'ngú gba ani-e oo. ²¹ Engú bini, Polo ayo me 'ngbé ngámá na gudhu na Loma kodho bha engú gba ni-e ngae. Abhomu-o, ma atsia aha líli me u lila ani bhú tikpu akolo li 'kpi ma atima ani lie pi 'ngbé ngámá Kaisala ko.» ²² 'Ngbé ngámá Agilipa atsia apa pi ngámá Fesitusi me: «Ngama di-e, ma akunda nga di me ma dje kpála angoo.» Ngámá Fesitusi atsia agie pi ani me: «Mo odje ani mambi.»

²³ Abhomu-o, li ekpi aseke lie, 'ngbé ngámá Agilipa ne Belenise ago bhú asasaua ne bhiti okpála. U ali bhú 'ti nakodho 'ngú bhú dabili bini ne ongamási gba osudha di ne ongbengbe okpála na gudhu-o. Ngámá Fesitusi atsia aha líli me u go ne Polo. ²⁴ Pipita-a, ngámá Fesitusi atsia apa me: «'Ngbé ngámá Agilipa di ne ndu yi okpála hana inde bhú dabili bini ne ya si-e, yi tsia nga kpála inde. Ndu omaYuda hana ago akpokpo 'ngú gba ani-e mama. U abhaka ma bhú gudhu na Yelusalema, u atsia ago belegu ei ne nasusula me: «A ayo me u bhøle ani!»

²⁵ Mama-a, ma u siti 'ngú inde ayo me u bhøle ani ka e de. La-a, ani ayo lie me 'ngbé ngámá na Loma kodho bha 'ngú gba ni-e ngae, ma atsia aziba me ma tima ani pi ani. ²⁶ Ma mbila engú inde ma ti da naye e pi 'ngbé ngámá li engú gba ani-e de. Kaka-a, ma agbe ani kala yi, la ndju makpe kala mu, 'ngbé ngámá Agilipa. Yi ani, amba ma sia engú inde ma ayé e ko. ²⁷ Padhá de, anga a ko mama engú na ngingi me, ma tima kpála na tikpu pi 'ngbé ngámá Kaisala me, ma nde suno ta 'ngú inde u aholo ani ngú e pi ani de ko.»

26

Polo akpokpo 'ngú gba e kala 'ngbé ngámá Agilipa

¹ 'Ngbé ngámá Agilipa atsia apa pi Polo me: «Mú ti da nakpokpo 'ngú gba mu-o.» Abhomu-o, Polo a'e 'kpa e, ani atsia akpokpo 'ngú gba e me: ² «'Ngbé ngámá Agilipa, naki-e, ma ne djali naali ngubula nakpokpo 'ngú gba ma kala mu li ndu 'ngú hana inde li omaYuda apa e li ma ko. ³ Padhá de, anga mu mbila dasundu di ne kpekebhe gba omaYuda hana. Kaka-a, ma ayo ka mu me, dje nga mbo ma ne 'ndjá bua.

⁴ Ndu omaYuda hana mbila mukobho gba ma-a ndjindji nayie li nedhinga ma adu lie makombi-o. U mbila maka ma adu akobho lie bhú ká okpála na doto gba ma di ne bhú gudhu na Yelusalema ndjindji. ⁵ U ambila nani ma didili. U ti da napapa ngao, i du me u nde akunda-o. Ma du nani ne suka omuFalisai inde adu alila líli nadhögé Ebhe gba ní-e ndjindji-o. ⁶ La mbia inde-e, u agbe ma li bili nakodho 'ngú-o anga ma ne 'to ma 'to engú inde li Ebhe apa nani kalanu me ni améne e pi onguo ogbi ní-o. ⁷ Okpála na piga ndjika ne ká bhisi gba ní-e, nga'o 'to o me engú ang-o améne lie mamene. Ka 'ngú ang-o, u ngamene kulu kpekpeke pi Ebhe, sukpe ne ngbikpi. 'Ngbé ngámá Agilipa, ngama di-e, ma bhadi ngabhuka moko. Kaka-a, omaYuda atsia ato siti 'ngú ne 'li ma pi ongámási. ⁸ Ka ni ngayi omaYuda, yi ti da nabhuka lie de me, Ebhe azúku okpála inde amu-o mazuku-o?

⁹ Ngama makpe, ma adu abhundja nani me, ma mene ne kpéke me okpála abhúka Yesu, kpála na kati Nadjaleta de. ¹⁰ A ko engú inde ma amene di-e bhú gudhu na Yelusalema ko. Ongbengbe odimandé aha kpadji muma ngao. Ma amba omabhuka bhelé bhú tikpu. U adu akodho 'ngú gba uo lie me u bhili uo, ma atsia adu aziziba. ¹¹ Ma adu apu piko bhú oti nadje líli gba Moidje-o. Ma adu amene uo sisiti ngubula me u sobho Yesu. Bhú nabi 'gú gba ma-a, ma adu belegu nakpata uo bhú ogudhu gba ogandji okpála.»

Polo akpokpo maka ani adji bua e lie-o

¹² Kaka-a, ekpi bini ma adu anu bhú gudhu na Damasi. Ongbengbe odimandé aha angu muma, u atsia atima ma oo. ¹³ Li kpadji-e, bhú nedhinga na tulukpe-e, 'ngbé ngámá Agilipa, ma au zi 'kpi ayie abhúli. Zi 'kpi ang-o adu kpekpeke naali ane zi ela mane. Zi 'kpi ang-o aholo aziga ma ngbalina bhú dabili bini ne okpála inde ya adu ne o ko. ¹⁴ Ndu ya hana, ya atuko kuto má dhululu! Abhomu-o, ma atsia adje eli bini apa muma bhú eli gba omaYuda

me: «Saulo, Saulo, mu ngato mbolo li ma ka ni? Mu ngaha likabhu pi mu makpe maka enu inde atu lie li ndula gba mulila gba e-o.» ¹⁵ Ma atsia ayi me: «A ko mu da, Ngámá?» Abhomu-o, Ngámá atsia agie muma me: «Ngama-a, ma ne Yesu inde mu ngato mbolo lie ko.

¹⁶ Engú bini, yie bhúli, amba mu lu malú. Padhá de, anga ma akoto li mu ngubula me mu kolo kpála na kulu gba ma-o. Mo okpoko pi okpála me mo ou ma naki. Mo okpoko di matá pi okpála ndu 'ngú hana inde ma asúno e pi mu sidi ko. ¹⁷ Ma alila mu ka omaYuda di ne ogandji okpála inde ma atima mu agba o-o. ¹⁸ Mo obhulu djila uo, u zé bhú biti, u tsia lí li zi 'kpi. U dú matá sa líli gba Satana de. Engú bini, u adjí ibili lio pi Ebhe. I du me u nde abhuka ma-a, u tsia sia nambu li siti 'ngú gba o-o. U tsia dú la di bhú dabili bini ne okpála na bububu gba Ebhe-o.»

Polo akpokpo 'ngú pindji engú inde ani amene e-o

¹⁹ «Kaka-a, 'ngbé ngámá Agilipa, nayie li nedhinga bhomu-o, ma yala titima na engú ma au e inde ayie ka Ebhe-e de. ²⁰ Engú bini, ma akpokpo ngaiza pi okpála na gudhu na Damasi, ne okpála na gudhu na Yelusalema, ne okpála na ndu doto na Yudaya libhomu, la di ne pi ndu okpála hana na gandjigandji. Ma akpokpo pi uo me: «Yi dji bua yi, amba yi gie liyi li pápá gba Ebhe.» La matá di me: «Yi mene báda kulu inde asúno me yi adji bua yi kukulu.» ²¹ Ka 'ngú ang-o, omaYuda aholo ma bhú 'ngbé 'ti Ebhe gba omaYuda, u di me bhóle ma. ²² Engú bini, Ebhe alila ma nakolo pi naki. Padhá de, anga ma ngakpokpo engú gba Yesu-o pi ndu okpála hana, pi ongisi di ne pi obhelesi okpála. Ma pa 'ngú koko de, bha bini bhende li opolofeta di ne Moidje apa nani e me akólo makolo-o. ²³ U apa nani me Masiya azú likabhu, ani tsia dú kpála na bini inde azúku bhú ká okpála inde amu-o. Ani akpokpo pi ndu okpála na piga gba ní-e hana di ne pi ogandji okpála ngali na zi 'kpi na mukobho.»

Eli gba Polo ale nagbele bua 'ngbé ngámá Agilipa

²⁴ Li nedhinga li Polo adu akpokpo 'ngú gba e lie, ngámá Fesitisi atsia asula me: «Polo, mu ne bhulu pele! Balua mo omene e naali-e ato bhú djila mu pele!» ²⁵ Abhomu-o, Polo atsia agie pi ani me: «Ngámá Fesitisi, ma ne bhulu pele ade. Engú inde ma ngapa e, a ko 'ngú na kukulu di na imbilangu. ²⁶ 'Ngbé ngámá Agilipa mbila ndu 'ngú bhomu-o hana ndjindji. Kaka-a, ma ngakpokpokpo pi ani ne tsulu ade. Ma aziba me ani mbu li susuka bini

de. Padhá de, anga ndu 'ngú bhomu-o hana mene lie bhú pepe de. ²⁷ 'Ngbé ngámá Agilipa, mo obhuka engú inde li opolofeta apa e uu? Ma ambila me mo obhuka!»

²⁸ Abhomu-o, 'ngbé ngámá Agilipa ayi Polo me: «Mo obhundja naamu me ni ti da nadji ma makilisito bhú nedhinga bedi mo-o?» ²⁹ Polo atsia agie me: «Belegu i du ngubula nedhinga bedi, belegu i du di ngubula nedhinga bhelé-e, ma ngayo Ebhe bha ngubula mu kpi mu kpi ade. Engú bini, ma ngayo Ebhe ngubula ndu yi okpála hana inde ngadje ma li 'kpí na naki. Ma ngayo Ebhe ngú yi me, yi kolo di maka ma nde lie, naneke bha bini ogbindjili inde bhú 'kpa ma inde.»

³⁰ Abhomu-o, 'ngbé ngámá Agilipa, ne ngámá Fesitisi, ne Belenise di ne ndu okpála hana inde adu bhú dabili bini ne uo-o, ayie bhúlá. ³¹ U agbe lio ne li ngongo, u atsia akpokpo sunda o me: «Kpála inde-e mene siti 'ngú bini de inde ayo me, u to ani bhú tikpu di me u bhele ani ka e-o.» ³² 'Ngbé ngámá Agilipa apa pi ngámá Fesitisi me: «I dú me kpála inde-e yó nako de me 'ngbé ngámá Kaisala kodho bha 'ngú gba ni-e ngae de-e, mu de agbe ani bhú tikpu agbe.»

27

U atima Polo bhú gudhu na Loma

¹ Li u apa lie me ya nu bhú doto na Itali bhú 'ngbé zabu-o, u atsia aha Polo di ne okpála koko na tikpu-o pi ngámá bini gba osudha. A adu 'li ani me Djuliusi. Ani adu ngámá pí 'ndji libi osudha inde u adu a'i o me «Osudha gba 'ngbé ngámá Kaisala-o.» ² Ya aha 'ngbé zabu na gudhu na Adalamite. 'Ngbé zabu ango-o adu anu li pápá li obili li ozabu alulu lie bhú ndu doto na Adjia-o. Abhomu-o, ya atsia agbida. Kpála bini na gudhu na Tesalonike, bhú ndu doto na Makedonia, anu bhú dabili bini ne ya. A adu 'li ani me Alisitaluka.

³ Li ekpi aseke lie, ya akolo bhú gudhu na Sidona. Djuliusi adu ne bádha bua li pápá gba Polo. Abhomu-o, ani atsia aha kpadji pi Polo me ani nu agba obi e, amba u teteke ani ne oehe inde ani nde ne gumu e-o. ⁴ Ya yie lie oo, ya apu lingo kpome na Sipele, anga anvi adu akunda nagie ya ne sidi. ⁵ Ya agulu 'ngbé 'ngu inde lingo ndu doto na Silisia di ne Pamifilia ko. Abhomu-o, ya atsia akolo bhú gudhu na Mila bhú ndu doto na Lisia. ⁶ Oo, ngámá gba osudha-a abhaka 'ngbé zabu bini na gudhu na Alekidjandili me a nde adji bhú doto na Itali, ani atsia abu ya bhúbhú.

⁷ 'Ngbé zabu-o adu adhuku bhúbhuku naali. Kaka-a, ya amene 'kpí bhelé, ya

atsia adje likabhu naali ngubula nakolo lingo gudhu na Sinide. La ya ale lie nanu li pápá bhomu-o pima ka anvi-e, ya atsia apu lingo doto na Salamone inde ali ne abhú 'ngu bhú kpome na Kelete ne asage-o. ⁸ Ya adhuku má tili tili lingo kpome-o, ya atsia akolo li bili inde u a'i e me «Babadha ngo 'gø», masikpe de gudhu na Ladje.

⁹ Abhomu-o, da nadhuku bhú 'ngbé zabu-o atsia akolo sisiti, masikpe de namu ka okpála. Padhá de, anga nedhinga na anokomia natse 'zu na epe na odukupini-e adu me a nde ane. Kaka-a, Polo atsia apa pi uo me: ¹⁰ «Ondaise ma, ma ngau me enú inde-e adú sisiti. 'Ngbé zabu ne oehe inde bhúbhú-o asiti masiti, abana nganí makpe-e, ní akólo masikpe de namu.»

¹¹ Engú bini, ngámá gba osudha adu aziba naae naali mabhundja gba kpála inde adu adjele 'ngbé zabu-o, di ne bhe gba bhulu 'ngbé zabu-o. Ani tsia ziba bhe gba Polo-o de. ¹² Matá di-e, kati ango-o ti ne nabhue bhúbhú bhú nedhinga na zini de. Abhomu-o, masikpe de ndu okpála hana inde adu bhú 'ngbé zabu-o atsia apa me o yie oo mayie. U adu akunda di me, i du me o nde ne ngasa-a, o de kolo bhú gudhu na Fenikisi. A ko suka gudhu na ngo 'ngu na kpome na Kelete. A ngatsia 'kpí ne li pápá na sunda yoyoko ne akati, di ne sunda abebe ne akati. U adu akunda me o kolo oo ngubula me nedhinga na zini-e kodho 'kpí me o nde oo ko.

Anvi na kpekpeke ape pí 'ngu

¹³ Abhomu-o, anvi na bhúbhuku aholo nape nayie ne li pápá na yoyoko. U atsia aziba me mabhundja gba o-o akódho 'kpí ndjindji. U agbe kalase inde u agbite e li 'kpú ngú nalu ka 'ngbé zabu-o bhú 'ngu, u atsia aholo akpangba ngo kpome na Kelete. ¹⁴ Kolo pita nedhinga bedi-e, anvi na kpekpeke inde u a'i e me «Elakele», ayie bhú kpome, atsia aholo nape. ¹⁵ Anvi ango-o aholo atumba 'ngbé zabu-o. Da napa me 'ngbé zabu-o lu kakala-a adu kpekpeke. Abhomu-o, ya atsia a'o me 'ngbé zabu-o nu ibili bha ne ya li pápá inde li anvi adu atumba ya lie ko.

¹⁶ Ya akolo lingo mboye kpome u a'i e me Kauda inde alila mbo ya bedi ka anvi-o. Abhomu-o, ya atsia amene ne kpeke ngú nagbili mboye kéké-o ne bhúlá. ¹⁷ U aha, u ato bhú 'ngbé zabu-o. Pipita-a, u agbigbite ngo 'ngbé zabu-o hana ne ekpú ngú nalilila. U adu la lie ne tsulu me 'ngbé zabu anu atu lie li sike, i tsia bála o lingo doto na Libi de-e, u a'e bongo inde pí 'ngbu 'ngbé zabu-o, u atsia a'o me anvi du ibili adyudyo o ngae. ¹⁸ Li ekpi aseke lie, anvi adu bha adyiki 'ngbé zabu-o ne ya kpekpeke. Kaka-a, u atsia aholo

apandja oehé inde adu bhúbhú-o, ababala bhú 'ngu. ¹⁹ Bhú 'kpí na bata-a, okpála na kulu ngao makpe-e, u abha oehé inde nadjele 'ngbé zabu-o, u atsia abala bhú 'ngu. ²⁰ Sunda 'kpí bhelé, u ya ela de. Ya u di oikupala de. Anvi adu bha nape kpekpeke. Ya du matá ne 'to ya de me ya akóbho makobho-o de.

²¹ Okpála inde adu bhú 'ngbé zabu-o zu 'he de ngubula 'kpí bhelé. Abhomu-o, Polo ayie bhúhá, ani alu bhú ká uo. Ani atsia apa me: «Ondaise ma, i dú nako me yi djé ma uu me ní ayie bhú kpemé na Kelete de-e, ní de sia ngua likabhu inde-e de. Oehé-e de siti la di-i de. ²² La mbia inde-e, yi sia kpéke bua. Padhá de, anga saka yi bini kpí-i de, engú bini, asiti bha bini ne 'ngbé zabu-o.

²³ Sukpe na nakí-e, Ebhe inde ma nde ne bali gba e-e, ma nde la di ngamene kulu pi e-e, atima andjelu gba e muma. ²⁴ Ani atsia apa muma me: «Polo, mo odjé tsulu de. A ayo me mu kpokpo 'ngú gba mu-o kala 'ngbé ngámá Kaisala. Kaka-a, Ebhe bhú bádha bhú 'bu gba e akóbho mu di ne okpála inde yi nde ngadhoho bhú dabilí bini ne o bhú 'ngbé zabu-o.» ²⁵ Ka 'ngú angu-o, ondaise ma, atou! Padhá de, anga ma ngabhuka me, Ebhe améne maka ani apa lie muma ko. ²⁶ Engú bini, 'ngbé zabu anu atú lie ne ní lingo kpemé bini.»

²⁷ Sukpe na ekpí na ndjikpa ne ká badha, anvi adu adyudyo 'ngbé zabu-o ne ya pí 'ngbé 'ngu inde 'li e me Adiliatike.* Abhomu-o, tutu sukpe-e, okpála nadjele 'ngbé zabu-o abhundja naao me ya akolo dengo 'gø. ²⁸ U aha ekpá inde u agbite tili 'he li 'ndji e, u abhike bhú 'ngu. U atsia au me engu-o tsutsu metelete ndjikpa bata ne ká mananika. U adyudyo mbo lío ne kalanu masudha, u atsia abhike matá bhú 'ngu. U au me engu-o tsutsu metelete ndjikpa bhisi ne ká madjina.

²⁹ U adu adje tsulu me 'ngbé zabu-o atú lie li oteme de. Kaka-a, u atsia abala okalase badha inde u agbigbite e li okpu-o bhú 'ngu ne akele 'ngbé zabu-o, ngubula me alu bhú da e bini. U atsia adu ne gumu me ekpí seke bhado má gala! ³⁰ Okpála nadjele 'ngbé zabu-o adu agili kpadji ngú nakpe. Abhomu-o, u agbe mboye kéké-o, u abhike pí 'ngu. U amene mugito me u adji abala okalase inde u agbigbite e li 'kpu-o, ngú nalu ka 'ngbé zabu-o ne akala zabu-o. ³¹ Polo atsia apa pi ngámá gba osudha di ne pi osudha-a me: «Li okpála inde-e du bhú 'ngbé zabu-o de-e, yi ti da nakobho de.» ³² Abhomu-o, osudha-a atsia atsotsolo okpu na mboye kéké-o, atsia atapa.

³³ Kala me ekpí seke-e, Polo ayo ka ndu okpála hana me u zu 'he. Ani atsia apa pi uo me: «A ko nakí ekpí ndjikpa ne ká badha, yi ngadjeke. Yi ngasi gumu. Yi le ku 'he belegu de bini. ³⁴ Kaka-a, ma ayo ka yi me yi zu 'he. Padhá de, anga yi ne gumu ngubula me yi kobho. Kpála bini bhú ká yi kpí-i de.» ³⁵ Pita ani apa lie mo-o, ani aha mapa, ani agie heni pi Ebhe bhú ká djila ndu okpála hana. Pipita-a, ani agumu mapa-o, ani atsia aholo nazuzu. ³⁶ Abhomu-o, ndu uo hana asia kpeke bua, u atsia aholo di nazu 'he. ³⁷ Bhú 'ngbé zabu-o, ya adu hana okpála kámá bhisi ndjikpa mananika ne ká madhia.† ³⁸ U a'u u lie, u atsia abala ngano bhú 'ngu ngubula me 'ngbé zabu-o kolo yayaka.

'Ngbé zabu-o alinda bhú 'ngu

³⁹ Li ekpí aseke lie, okpála nadjele 'ngbé zabu-o mbila de me o bhú mangua doto dho-ie de. Engú bini, u au ngo 'gø di ne sike. U atsia abhundja me o ti da nadyudyo 'ngbé zabu-o li bilí angu-o. ⁴⁰ U abhuhulu okalase-o, u atse 'kpa tété bhú 'ngu. U abhuhulu di ekpá na oehé inde adu amene me 'ngbé zabu-o dhuku-o. Pipita-a, u abhulu bongo inde li bhúhá 'ngbé zabu-o ngubula me anvi holo nadyudyo. Abhomu-o, u atsia aholo nanu ne li pápá na ngo 'gø. ⁴¹ Engú bini, 'ngbé zabu-o anu atú lie li 'ta sike, li bilí inde li engu ngago lie ne ndu pasu bhisi hana-o. Bhúhá 'ngbé zabu-o adha bhú 'ta sike-o, a ale adula lie pima. Tabhu tabhu-o atsia agumu. Padhá de, anga engu-o atú lie tété kpekpeke.

⁴² Osudha adu akunda nabhili okpála na tikpu-o, amba saka uo bini akpé ne akango de. ⁴³ Engú bini, ngámá gba osudha-a adu akunda nakobho Polo. Abhomu-o, ani ayoko uo me u améne mo-o de. Ani atsia aha líli pi okpála bhende ambila nati akango me u bala bhú 'ngu kalanu, amba u ze apí 'gø. ⁴⁴ Okpála koko akpáta uo sisi me u nde ahoholo lío li opalangi di ne opapala 'he na 'ngbé zabu-o. Abhomu-o, ndu uo hana atsia akolo apí 'gø ndjindji.

28

Polo bhú kpemé na Maleté

¹ Pita ya akobho lie, ya atsia adje me a 'li kpemé angu-o me Maleté. ² Okpála na kpemé angu-o asia ya ndjindji. Li ebha aholo adhi lie, zini aholo amene ya. Abhomu-o, u akpo djua má tu tu tu! Ya atsia ago adulu ndu ya hana dede. ³ Polo akuo 'i 'wa, ani abu bhú djua. Engú la bini, mbuma akoto bhúbhú ka wowo djua, ani

* **27:27** 27:27 Adiliatike: 'Ngbé 'ngu angu-o sunda doto na Itali ne bhende gba oGiliki. U aye bhú obhuku koko me «'ngbé 'ngu na Meditelani». † **27:37** 27:37 Kámá bhisi ne ndjikpa mananika ne ká madhia: U aye bhú obhuku koko me «kámá bhisi ne ndjikpa mananika ne ká bhuluvue.»

atsia adhedhe li 'kpa ani. ⁴ Li okpála na kpemø angoo au lie me kpulu adhedhe li 'kpa ani mo-o, u atsia apa sunda o me: «Kpála inde-e bha ndju ne bhulu nabhole kpála kakulu. Padhá de, anga belegu ani akobho lie bhú 'ngu-o, Ebhe inde 'li e me ngbili 'ngú ziba de me ani du bhú makobho-o de.»

⁵ Engú bini, Polo adyiki 'kpa e, kpulu-o atsia ati bhú djua, ehe bini mene ani de. ⁶ La-a, u adu adjeke me 'kpa ani adji asika di ne me ani atí kuto ne nakpi ka e bini. U adjeke ngengele, u au la lie me ehe bini mene ani de-e, u adji mabhundja gba o-o. U atsia apa me: «A ko ebhe!» ⁷ Ngámá na kpemø inde adu 'li e me Pubiliusi adu ne kuti gba e na ngéngbé de bili angoo. Ani asia ya ndjindji, ya atsia asi agba ani ekpi bata. ⁸ Bhú nedhinga bhomu-o, 'dyi Pubiliusi adu ne kuo pi mako. Ani adu ne bandji, ani atsia adu di agie ngute. Abhomu-o, Polo anu natsia ani. Ani ayo Ebhe pi ani. Ani a'o 'kpa e pi 'ndji ani. Ani atsia akobho ani. ⁹ Pipita-a, okpála koko inde adu ne kuo bhú kpemø bhomu-o, ago di nabhaka ani, ani atsia akobho uo. ¹⁰ U adhøge ya naali. Nedhinga nayie ka ya oo, u aha ndu 'he hana inde a ti ne ya ngubula kpadji-e pi ya.

Polo akolo bhú gudhu na Loma

¹¹ Pita ehe bata-a, ya a'u bhú 'ngbé zabu na Alekidjandili. A adu 'li 'li me «Diosikulese.*» Nedhinga na zini ane nani 'ngbé zabu angoo bhú kpemø oo. ¹² Ya akolo lie bhú gudhu na Silakusi, ya asi oo ekpi bata. ¹³ Ya ayie oo, ya aholo nakpangba ngo 'ngu, ya atsia akolo bhú gudhu na Ledjio. Li ekpi aseke lie, anvi ayie ne li pápa na yoyoko, aholo nape. Abhomu-o, pita 'kpi bhisi-e, ya atsia akolo bhú gudhu na Pudjole. ¹⁴ Bhú gudhu angoo, ya abhaka ondaise ya omabhuka oo. U atsia ayo ka ya me ya du mbo ne o ngubula poso bini. Abhomu-o, ya atsia anu bhú gudhu na Loma. ¹⁵ Ondaise ya na gudhu na Loma adje me ya akolo. Kaka-a, u ago akolo bhú gudhu inde 'li e me Daposo na Apiusi, di ne bhende 'li e me Oeti Bata, ngú nake lio ne ya. Li Polo au uo lie, ani agie heni pi Ebhe, ani atsia asia kpéke bua. ¹⁶ Abhomu-o, ya akolo bhú gudhu na Loma. U aha dabili pi Polo kpi bhú dabili bini ne sudha inde adu atsia 'kpi li ani-o.

Polo akpokpo 'ngú gba e bhú gudhu na Loma

¹⁷ Abhomu-o, pita ekpi bata-a, Polo a'i ongámási gba omaYuda inde ngadulu bhú gudhu na Loma-a agba e. U apo bhúla o

lie, ani atsia apa pi uo me: «Ondaise ma, ma mene okpála na kuti gba ní-e sisiti de. Ma siti la di dasundu gba onguo ogbi ní-e de. Abana mo-o, u aholo ma bhú gudhu na Yelusalema, u atsia apu ma pi okpála na gudhu na Loma. ¹⁸ U ayiyi ma li ongú. Engú bini, u u ma ne engú bini inde u ti da nabhole ma ka e de. Kaka-a, u adu akunda me o tse 'kpa li ma. ¹⁹ La li omaYuda ayala lie, ma atsia au ndjindji me 'ngbé ngámá Kaisala kodho 'ngú gba ma-a ngae. Engú la bini, ma du akunda na'o 'ngú pi okpála na kuti gba ma-a de. ²⁰ Kaka-a, ma akunda nako me ma u yi, amba ní gama la di 'ngú ne yi. Padhá de, anga u agbite ma ne gbíndjili inde-e kabula kpála inde li omafalaalee nde ne 'to o me Ebhe atima e-o.»

²¹ U agie pi ani me: «Ya sia balua bini nayie bhú ndu doto na Yudaya inde akpokpo 'ngú pindji 'ngú gba mu-o de. Saka ondaise ya bini yie oo go ei de ne engú gba mu, di go kpokpo 'ngú na sisiti li kute mu de. ²² Engú bini, ya akunda me kpokpo nga bha ngamu makpe, engú inde mu ngabhundja e ko. Padhá de, anga ya ambila me ne ndu bili hana, okpála ngapa 'ngú sisiti li libi okpála gba mu-o.»

Polo akpokpo Bádha Ngali pi omaYuda na gudhu na Loma

²³ Abhomu-o, omaYuda a'o matá ekpi bini ngú nake lio ne Polo. Li 'kpi angoo, u ago bhelé naali li bili inde ani adu asi lie ko. Nayie kekpi nakolo tagolo-o, Polo adu akpokpo 'ngú pi uo pindji Nau gba Ebhe-o. Ani adu amene ne kpéke me u ziba Yesu. Bhú nakpokpo 'ngú angoo, ani adu atanga pi uo líli gba Moidje di ne obhuku gba opolofeta. ²⁴ Okpála koko aziba engú inde ani akpokpo e-o. Engú bini, okoko tsia bhuka de. ²⁵ Abhomu-o, u agbo bhusu o me u nde dje lio sunda o de. Polo atsia apa bha pi uo me: «Engú nani inde li Bu Bhobua apa e bhú 'li polofeta Isaya pi onguo ogbi yi-e, a ko kakulu 'ngú! ²⁶ Ani apa nani me:

«Nu pa pi okpála bhomu-o me:
Yi adjé 'kpi ndjindji, engú la bini, yi mbíla tata-a de.

Yi atsia 'kpi ndjindji, engú la bini, yi ú 'kpi de.

²⁷ Padhá de, anga bua uo akolo maka teme.

U anini 'dje o, u agbagba djila o, ngubula me, djila o au 'kpi de,

'dje o adjé 'kpi de,
imbilangu gba o-o ambila tata-a de,
u adjí bua o de,

* 28:11 28:11 Diosikulese: A ko nani oebhe obhukosi inde li oGiliki adu aha o maka oebhe gba o. Okpála nadhuku bhú 'ngu aha nani uo maka oebhe inde adu alila o ko. † 28:27 28:26-27 Tsia bhú isa. 6:9-10.

amba ma akóbho uo de. Ebhe apa mo-
o.†»»

²⁸ Do Polo matá me: «Yi mbila me, Ebhe atima ngali na mukobho gba e pi ogandji okpála . Ngauo di-e, u adjé madje.» [²⁹ Lì u adje engú inde li Polo apa e lie, omaYuda atsambala me u nde ngamene kpekebhe sánda o kpekpeke.]

³⁰ Abhomu-o, Polo asi kalanga bhisi libhomu bhú eti inde ani adu nadu bhú e me ani nde ngaha pi bhuhulu-o falanga ko. Oo, ani atsia adu asia ndu okpála hana inde adu ago atsia ani-o. ³¹ Ani adu akpokpo ngali Nau gba Ebhe, di ne nasuno ne angu hana engú gba Ngámá Yesu Kilisito-o . Ehe bini ni kpadji pi ani de.

Balua gba Polo pi omabhuka na gudhu na Loma Eli na kalanu

Balua inde li Polo aye nani e pi omabhuka na Loma-a , ani aye nani ngu napa pi uo me ni ne gumu ngu nanu atsia Dadjua na gudhu na Loma. Gumu gba ani adu me ni mene mbo kulu ne omabhuka inde oo, ngubula nedhinga bedi amba u teteke di ni ngubula nanu abhu Esipanye. Ani aye balua angoo ngu nakpokpo lele maka ani ambila lele nabhuka bhú Yesu nde lie di ne ongu inde li nabhuka angoo ngamene e, ngubula mukobho gba omakilisito. Engu li Polo akpokpo e hana abhu bhuku inde.

Pita li Polo ayi okpala na Dadjua na gudhu na Loma di ne ani ayo Ebhe pi uo lie-e, ani akpokpo engu na ngéngbé inde bhú balua pi uo, engu inde me: Bádha Ngali ngasuno maka li Ebhe ngamene lie me okpala kolo ngbingbili: a ko ka nabhuka, nayie li lilita akolo ali soso (1:17).

Pipita-a, Polo atsia abhulu 'ngu angoo. Ani apa me: i du omaYuda, i du die omupagano, a ayo me u kolo ngbingbili kala Ebhe. Padhá de, anga ndu uo hana amene siti 'ngu. Abhomu-o, li soso, Polo aye ongu pindji lele nadu ka mukobho gba omakilisito, ane la mane li kpadji na mukunda bhú nadu nadje lio ne okpala koko. Ani atsia agama matá 'ngu pindji ongu maka kulu gba Ebhe, ne engu inde a ayo me omakilisito mene e pi ongamási na doto, ne bhende gba okpala sunda o. Ani abu ta balua gba e ne nakpokpo 'ngu gba e makpe di ne oeli bhe nadhogè Ebhe.

Ongbenge ongu inde bhú bhuku inde- e ngae inde:

Eli na kalanu ne engu na ngéngbé inde bhú bhuku inde 1:1-17

Gumu nasia mukobho 1:18 - 3:20

Mabhundja gba Ebhe ngubula mukobho 3:21 - 4:25

Mukobho na mbia bhú Kilisito 5:1 - 8:39
Isalaele bhú mabhundja gba Ebhe 9:1 - 11:36

Lele dasundu gba omakilisito 12:1 - 15:13

Eli na soso ne nayi okpala 15:14 - 16:27

Polo yi omabhuka na gudhu na Loma mayi

¹Ma aye balua inde-e ngama Polo. Ma ne bali gba Yesu Kilisito . Ebhe a'i ma me ma du ne bhulu titima gba ni, ani atsia a'o ma kpi pi e ngu nanu nakpokpo Bádha Ngali gba ni-e pi okpala.

² Ebhe apa nani bhutode me ni atima Bádha Ngali bhomu-o pi okpala li kpadji gba opolofeta gba ni-o. Ani apa nani engu angoo bhú Bhuku gba e-o. ³ Bádha Ngali angoo pindji ndili gba ani Yesu Kilisito inde Ngamá gba ni-o. U azu ani bhú kate bhú piga gba 'ngbé ngamá Davidi. ⁴ Engu bini, li kpadji gba Bu Bhobua-a , ani asuno lie maka Ndili gba Ebhe bhú angu nedhinga ani azuku lie bhú ká okpala inde amu-o. ⁵ Li kpadji gba ani-e, Ebhe asuno bádha bhú 'bu muma me ma kolo bhulu titima gba ani. Ma ne bhulu titima ngubula me ma gbele ndu okpala inde ne omaYuda ade-e hana me u bhuka Yesu Kilisito, u manga ani, amba u toko la di ani. ⁶ Ngayi okpala na Loma-a , yi di bhú ká okpala bhomu-o, ngayi okpala inde li Ebhe a'i o me yi kolo di okpala gba Yesu Kilisito-o.

⁷ Ma aye balua inde-e pi ndu yi hana, ngayi okpala inde li Ebhe nde ne mukunda pi o-o, ani atsia a'i o me yi du bhú mukobho pi ni-o. A ayo me Ebhe 'Dyi ní, ne Ngamá gba ní Yesu Kilisito suno bádha bhú 'bu gba o-o pi yi, amba u ha di guo 'ngu pi yi.

Polo apa me ni ne gumu nakpokpo Bádha Ngali gba Ebhe-e pi ndu okpala hana

⁸ Kala ndu 'ngu hana-a, ma ngagie heni pi Ebhe gba ma li kpadji gba Yesu Kilisito. Ma ngagie heni pi ani li 'ngu gba ndu yi hana, anga okpala na pila doto libhomu ngakpokpo 'ngu pindji nabhuka gba yi-o. ⁹ Ndu nedhinga hana, ma du nayo Ebhe-e, ma ngayo ani ngubula yi. Ebhe apa li ma nge me a ko kukulu 'ngu. Ma ngamene kulu lima pi Ebhe bhomu-o li kpadji nakpokpo Bádha Ngali inde atsia Ndili gba ani-o. ¹⁰ Ma ngayo Ebhe ndu 'kpi hana me ani kunda-a, ani de bhulu kpadji muma me ma kolo li yi. ¹¹ Padhá de, anga ma ne gumu naali me ma u yi ngubula me yi sia di bádha bhú 'bu inde ayie ka Bu Bhobua-a, amba yi sia angu li bua yi. ¹² Ma akunda mangbo napa me ma ne gumu nakolo li yi ngubula napa me ní to angu bhú ní sunda ni ne yi. Ka nabhuka ní nde ne e bhú Kilisito-o, ma to angu bhú yi, amba yi to di angu bhú ma.

¹³ Ondaise ma, yi mbila me bhutsibhutsi, ma adu ne mabhundja nanu agba yi, engu bini, ma sia nga kpadji de nato pi naki. Ma ne gumu nago gba yi ngubula me kulu gba ma-a zu di nguwa agba yi maka a azu di nguwa lie agba opiga koko inde ne omaYuda ade-o. ¹⁴ Kaka-a, a ayo me ma kpokpo Bádha Ngali pi ndu okpala hana, abana i du pi oGiliki di ne pi okpala inde ne oGiliki ade-o. Ma akpokpo Bádha Ngali bhomu-o pi okpala inde amene balua di

ne obhende i mene balua de. Ebhe aha bhobhomu-o muma ngae. ¹⁵ A bhomu-o ta 'ngú inde ma nde lie ne gumu nago nakpokpo di Bádha Ngali pi yi, ngayi okpála inde ngadulu bhú gudhu na Loma-o.

¹⁶ Ma belegu ne numu ade ngú nakpokpo Bádha Ngali-o. Padhá de, anga a bhúbhú ne angu inde li Ebhe ngamene kulu ne e ngú nakobho ndu okpála hana inde ngabhuka-o. Ebhe ade kpadji ang-o ngú nakobho ngaiza omaYuda, pipita-a, okpála inde ne omaYuda ade ko. ¹⁷ Padhá de, anga Bádha Ngali ang-o ngasuno lele maka li Ebhe nga'o okpála lie ngbingbili bhú djila e-o. Kpadji ang-o ngakpo lita e bhú nabhuka, engú koko kekele ade. A maka li Bhuku gba Ebhe-e apa lie me: «Kpála inde abhuka Ebhe-e, Ebhe méne me ani kolo bhú djila ni ngbingbili, a ko kpála inde bhú kukulu mukobho.»[†]

Bua Ebhe ngake ne osisiti 'ngú gba okpála make

¹⁸ Li Ebhe nde lie abhúlá-a, ani ngasuno mbámbá me ni ngazi mbutu li ndu osisiti 'ngú hana inde li okpála ngamene e li ani-o di ne bhe li okpála ngamene e sunda o-o. Ani ngazi mbutu anga ndu osisiti 'ngú li okpála ngamene e ngani kpadji me okpála koko ambila kukulu 'ngú de. ¹⁹ La-a, engú inde ayo me okpála mbila e li pápá gba Ebhe-e mbámbá pi ndu okpála hana. Ebhe ngae makpe apana pi uo mbámbá.

²⁰ Padhá de, anga nayie maka li Ebhe abho kokpi ne doto lie nakolo pi naki-e, ndu oehe inde ani abho e hana ngasuno ani mbámbá me ani maka da-ie. Oehe bhomu-o ngasuno me a bhú ani ne angu na duduma, oehe bhomu-o la bhadi ngasuno mbámbá me a ko Ebhe. Kaka-a, Ebhe ti da nambu li okpála inde aziba siti 'ngú-o de. ²¹ Padhá de, anga abana u ngambila lie hana me Ebhe uu-o, u dhogé ani de, u gie la di heni pi ani de maka ayo lie me u mene pi ani-o. Engú bini, mabhundja gba uo-o ati ngingi, bua uo bhú biti, u mbila matá bádha 'ngú de. ²² U ngapa me a bhú 'ndji o ne imbilangu, engú bini, u akolo obhulu pele. ²³ Pi uo-o, ngú napa me u dhogé sangu gba Ebhe inde bhú mukobho duduma ne duduma-a, u mene mo-o de. U mangbo ngadhogé okulu 'he inde li okpála abho o maka o-o. La-a, kpála bhú mukobho duduma ne duduma ade. U di ngadhogé okulu 'he inde li okpála abho o maka oedhu, maka onu di ne obhende ngagbeke lio ne 'bu o kuto.

²⁴ Kaka-a, Ebhe atse 'kpa li uo me u mene ongu na sisiti inde li bua uo ngakunda me

u mene e-o. U ngamene lie mo-o, u bhomu-o ngamene engú na numu lio sunda o. ²⁵ Ngauo-o, u a'o nabhuka kukulu 'ngú inde atsia Ebhe-e li ngongo, u atsia abhuka eu. U ngadhogé oehe inde li Ebhe abho o, uo di ngamene kulu lio pi oehe ang-o, engú bini u dhogé Ebhe inde abho ndu 'he hana ngae de. A ayo la me u de atoko mangbo ani duduma ne duduma. A adu moko!

²⁶ Kaka-a, Ebhe atse 'kpa li uo me u mene ongu na numu li gumu e asi bhú uo bedhe-o. Olisi gba uo-o nga'o ká obhosi, u ngadhuku ne obi o olisi mada obhosi. ²⁷ A bhadi pi obhosi moko. U di nga'o ká nadhuku ne olisi, u abedhe mangbo ne gumu nadhuku ne obi o obhosi mada olisi. Obhosi ngamene engú na numu ne obi o obhosi koko. U ngagbele pi o makpe bhomu-o ke 'ngú gba Ebhe inde ati ne ngua siti 'ngú u amene e bhomu-o.

²⁸ Maka li okpála bhomu-o ayala lie nambila kukulu 'ngú inde atsia Ebhe-e, Ebhe atse 'kpa li uo me u abhundja matá ndjindji de, di ne me u mene engú inde ayo de me u mene e mo-o de. ²⁹ Sisiti 'ngú abedhe li bua uo bedhe, u abedhe ne gumu 'he gba okpála koko, a ko okpála na siti bua , u ngadje siti bua li obi o naali, u ngabhili obi o, a ko obhulu nagbe bhayiki, a ko obhulu kali, a ko obhulu napa eu ne 'li obi o. ³⁰ U ngapa 'ngú lio sunda o sisiti, a ko obhulu yala gba Ebhe, u ngasobho obi o, u ngadje kute o, u ngapa 'li o, uo ndu 'kpi hana bedhe 'ngú nabhundja siti 'ngú koko na mbia, u manga okpála azu o-o de.

³¹ Bubua li uo ade, u ngapa 'ngú ne 'li o bhisi bhisi, u ne mukunda pi obi o ade, ndjinga bhú uo ade. ³² U mbila hana me 'li Ebhe apa me okpála inde ngadhuku li ngua kpadji bhomu-o ati ne nakpi. Abana u ambila lie mo-o hana-a, u bha bini nganu ne kalanu bhú namene ngua osisiti 'ngú bhomu-o. Bhe ane la matá mane-e, u ngakpi ndjili li okpála inde ngamene ngua osisiti 'ngú bhomu-o.

2

Ebhe ngakodho 'ngú gba okpála li lelele

¹ Ngamu kpála bhende a'o lie bhú dá djudji ngú nakodho 'ngú gba okpála koko-o, abana mu dá bha ne da-ie, Ebhe mbú li mu de. Padhá de, anga nedhinga mu ngakodho 'ngú gba okpála koko lie me mu nde bhadi ngamene 'ngú maka uo-o, mu ngato ngulu mu bhú 'kpi bhomu-o ngamu makpe. ² Ni mbila hana me Ebhe ngakodho 'ngú gba okpála inde ngamene ngua sisiti 'ngú bhomu-o li lelele. ³ Ngamu kpála inde ngakodho 'ngú gba okpála koko

† 1:17 1:17 Tsia bhú Abk. 2:4.

li ngua siti 'ngú inde ngamú makpe mu ngamene e-e, mo obhundja naamu me mo onéke mangimbo gba Ebhe-e maneke?

⁴ Nedhinga koko-o, mu ngau Ebhe bhú djila mu padhá, anga ani babadha naali, ani di ne 'ndjá bua, ani di ngandjili má bulu li osisiti 'ngú mu ngamene e-o. Mu u de me ani ngamene mu ndjindji ngubula me mu dji bua mu-o di? ⁵ Ngamú-o, mu ne kpéke 'ndji, mu kunda nadjí bua mu de. Kaka-a, mu bhomu-o ngagbele pí 'ndji mu mangimbo bhende ane la matá mane bhú ekpí inde li Ebhe asúno ke 'ngú gba e lie, ani tsia kódhó di engú gba okpála hana ngbingbili-o. ⁶ Ekpí angó-o, ani ahá makalá pí kpála ne kpála li lele kulu gba e inde ani amene e-o.† ⁷ Ani ahá mukobho na duduma pí okpála bhende adhedhe li namene bádha 'ngú-o. Okpála angó-o ngagili sangu sakpa ani, u ngagili me ani pa 'ngú gba o-o ndjindji, di ne me o sia mukobho na duduma.

⁸ Engú bini, ani asúno ke 'ngú gba e pí okpála bhende agbe kpéke 'ndji li ani-o, okpála inde ayala kakulu 'ngú inde di ngaziba namene siti 'ngú-o. Ani aké 'ngú lie pí uo na kuo kuo! ⁹ Ndu okpála hana inde ngamene siti 'ngú-o, asia likabhu bhe na kuo kuo! Likabhu angó-o akpó ngaiza li omaYuda, pipita-a i kó di li okpála inde ne omaYuda ade-o. ¹⁰ Engú bini, Ebhe ahá sangu pí kpála ne kpála inde ngamene bádha 'ngú, ani apá 'ngú gba uo-o ndjindji, ani tsia há di guo 'ngú pí uo. Ndu babadha 'ngú bhomu-o hana, Ebhe ahá ngaiza pí omaYuda, pipita-a ani tsia há di pí okpála inde ne omaYuda ade-o. ¹¹ Padhá de, anga Ebhe ngakodho 'ngú gba kpála ne kpála li lelele, ani tsia bhúla kpála de.

¹² Ndu okpála hana inde ngamene siti 'ngú mandí nambila líli gba Moidje-e, amú mamu, nakpi gba uo kpáta la lele líli gba Moidje de. Engú bini, ndu okpála hana inde ngamene siti 'ngú me u nde ambila líli gba Moidje hana-a, Ebhe akódho bhadi 'ngú gba uo-o nakpata lele líli bhomu-o.

¹³ Padhá de, anga okpála inde ngbingbili bhú djila Ebhe-e, a ko obhende ngadje líli gba Moidje ne 'dje o-o de, engú bini, okpála inde ngbingbili bhú djila Ebhe-e, a ko obhende ngamene engú maka li líli-e aziba lie-o. ¹⁴ Okpála inde ne omaYuda ade-e, u mbila líli gba Moidje-e de. Nedhinga koko, u la ngamene 'ngú maka li líli apa lie. Bhobhomu-o asuno me líli angó-o asi kati e abhú uo, belegu u mbila lie de-o. ¹⁵ U bhomu-o ngasuno me engú inde li líli-e apa e asi kati e li bua o. Bua nakpokpo ku 'ngú ne mabhundja gba uo-o bhadi ngasuno moko. Nedhinga koko-

o, u ngambila me o omene engú ndjindji ne me o omene sisiti. ¹⁶ A bhomu-o engú inde akóto ekpí inde li Ebhe akódho 'ngú gba okpála lie li kpadji gba Yesu Kilisito-o. Ekpí angó-o, Ebhe akódho 'ngú gba okpála maka li Bádha Ngali inde ma ngakpokpo e ngapapa lie-o. Ebhe akódho 'ngú angó-o pindji ongú inde awo lie mawo, inde li okpála ngabhundja e li bua o-o.

OmaYuda na kakulu-o ngao dho?

¹⁷ La ngamú kpála inde ngapa me ni ne maYuda-a, mu ngalu pí líli gba Moidje-o, mu di ngabhi 'kpa mu pí mbulu mu me ni ne kpála gba Ebhe. ¹⁸ Mu mbila engú li Ebhe akúnda e hana, líli gba Moidje asuno la bhadi pí mu ndjindji me engú inde babadha ngae dho-ie. ¹⁹ Mu ngabhundja li bua mu me ni ngasuno kpadji pí okpála inde i u kpí de. Mu di ngabhundja li bua mu me ni ne zí 'kpí pí okpála inde bhú biti-o. ²⁰ Mu ngabhundja li bua mu me ni ti da nasuno 'ngú pí okpála bhende imbila 'ngú de-o. Mu di ngabhundja li bua mu me ni ti da nasuno 'ngú pí okpála bhe i bhele nga li kpadji gba Ebhe-e de-o. Mu ngabhundja me líli gba Ebhe-e asuno imbilangu ne kakulu 'ngú pí ni hana.

²¹ Kaka-a, ma ngayi mu me, ngamú kpála inde ngasuno 'ngú pí okpála koko-o, mu suno 'ngú angó-o pí mu ngamú bhuhulu de ka ní? Ngamú kpála inde ngapa pí okpála me u azí 'he de-e, mu ngazi 'he ka ní? ²² Ngamú kpála inde ngapa pí okpála me u akúnda ɔle, i du di-e bhoko gba kpála koko de-e, mu la ngakúnda ɔle, i du di-e bhoko gba kpála koko ka ní? Ngamú kpála inde ngayala engú na oebhe na eu-o, mu la ngabha oehé bhú 'ti nayo gba uo-o ngú ní? ²³ Ngamú kpála inde ngabhi 'kpa mu pí mbulu mu me ni mbila líli gba Ebhe-e hana-a, mu nde la ngandjo líli angó-o, okpála ngasiti 'li Ebhe ka mu, anga mu ngamene engú maka li líli gba ani-e apa lie ade. ²⁴ A maka u aye lie bhú Bhuku gba Ebhe-e me: «Okpála inde ne omaYuda ade-e ngasobho 'li Ebhe ka engú li ngayi omaYuda yi ngamene e-o.†»

²⁵ I du me mu nde ngamene engú maka li líli-e apa lie, nali gandja pí mu ne tata. La-a, i du me mu nde mene engú maka li líli-e apa lie de-e, a mana mugito me mu li gandja de. ²⁶ La di-e, li kpála inde i li gandja de-e du namene engú maka li líli-e apa lie, Ebhe ú ani mugito me a ko kpála bhe ali gandja. ²⁷ Kpála inde i li gandja bhú kate de, engú bini, inde i ngamene engú maka li líli-e apa lie, akódho 'ngú gba mu-o ngae, ngamú kpála inde i kpata líli-e de,

† 2:6 2:6 Tsia bhú Ets. 62:13; di ne bhú Gbt. 24:12. † 2:24 2:24 Tsia bhú Isa. 52:5.

abana inde lie me a ka mu ne líli, mu nde ali la di gandja-o.

²⁸ Padhá de, anga a ko de me kukulu maYuda-a, a ko bha bhende li okpála ngau e li kute e de, inde ali di gandja bha li kute e de, ngú napa me okpála u ne djila o-o de. ²⁹ La-a, kukulu maYuda-a, a ko bhende ne maYuda li bua e, inde ali gandja li lele Bua gba Ebhe, inde i li gandja bha bini ka líli-e de. Kpála ang-o, Ebhe ngatoko ani ngae, okpála toko ani ngao de.

3

Ebhe ndu 'kpí hana bedhe ngú namene engú inde ani apa me ni améne e-o

¹ I du me a nde mo-o, ta nadu ne maYuda ne ní? Nali gandja ngateteke kpála lele pi? ² Ndu 'ngú bhomu-o hana bha ndjindji! Ebhe ambamba ngaiza nani ta engú gba e pi uo omaYuda. ³ A na paká me okpála koko bhú ká uo kpata nani ongú li Ebhe apa e ne bua bini-e de. La-a, Ebhe amene bha naae engú inde ani apa nani me ni améne e pi uo-o. ⁴ Abana li ndu okpála hana du bha ne obhulu eu-o, Ebhe papa bha naae kukulu 'ngú. A maka u aye lie bhú Bhuku gba ani-e me:

«Ngamu Ebhe, nedhinga mu ngagama 'ngú lie,
ndu okpála hana ngambila me mu
ne ngbili kpála .

I du di me u nde anu ne mu gba okpála nakodho 'ngú-o,
u ú ehe inde ayo me u holo mu
li e belegu de bini.†»

⁵ Ma gama nga 'ngú nakpata lele maka okpála-kuti agagama 'ngú lie. Nedhinga koko, okpála koko pá me siti 'ngú ní ngamene e ngateteke okpála ngú nambila me Ebhe ne ngbili kpála. U pa mo-o, ní gie pi uo mangua 'ngú dho? Ní gie pi uo me a ko paká, Ebhe ne ngbili kpála, anga ani nga'o mangimbo pí 'ndji ní ade. ⁶ Ebhe bha ndu 'kpí hana ne ngbili kpála, ani ngakodho 'ngú gba okpála na doto kaka.

⁷ Engú bini, okpála koko ti da napa me eu o ngapa e ngagbe kukulu 'ngú gba Ebhe bhú mbasu, a di ngaha sangu pi ani. A ko la ni li Ebhe nga'o 'ngú lie pi o mgáto me o ne osisiti okpála? ⁸ Okpála koko ngasobho ya. U ngapa li ya me ya apa me: «Ní mene siti 'ngú, amba ní u lele bádha 'ngú inde akóto bhúbhú-o.» Ebhe a'o mangimbo pí okpála bhomu-o a'o. U ati la bhadi ne di.

Ndu okpála hana ngamene siti 'ngú

⁹ Nganí omaYuda-a, ní belegu bhú djila Ebhe ngbéngbé ade da nane opiga koko.

Ma apa igini apa me ndu ní okpála hana ní sa líli gba siti 'ngú. ¹⁰ A maka u aye lie bhú Bhuku gba Ebhe-e me:

«Ngbili kpála ade, belegu de bini.

¹¹ Kpála inde ngako mboli 'ngú ade, kpála inde ngagili Ebhe-e belegu ade bini. ¹² Ndu okpála hana a'o ká kpadji gba Ebhe-e a'o,
ndu uo hana angita.

Kpála inde ngamene bádha 'ngú-o ade,
belegu de bini!†

¹³ Tangulu uo mana lata inde li 'bhø e nde bábá.

'Mi uo ngapa 'ngú napite okpála.

Eli inde ngaze bhú 'bhø uo mana sili kpulu inde ngabhili okpála.†

¹⁴ U ngatu pødjø li okpála ndu 'kpí hana ne 'bhø o,
u di ngapa oeli na susu pi uo.†

¹⁵ U ngagu holo ne angu o hana ngú nanu nabhili okpála.

¹⁶ Ndu bili u ngapu li e hana-a, u ngasiti ohe, u di ngato mbolo li okpála.

¹⁷ U mbila kpadji na guo 'ngú de.†

¹⁸ Tsulu Ebhe bhú uo belegu ade bini.†»

¹⁹ Ní mbila hana me ndu 'ngú inde u aye e bhú líli-e hana, u aye pi okpála inde li Ebhe aha nani líli ang-o pi o-o. Ebhe amene mo-o ngabula nagbite 'bhø ndu okpála hana ne napa me ni 'o mangimbo pí 'ndji ndu uo hana. ²⁰ Padhá de, anga kpála bini belegu ade inde i ti da nakoto ngbili kpála kala Ebhe ka namene líli-o. Kulu gba líli-e bha bini ne nateteke okpála ngú nambila me siti 'ngú ngae dho-ie.

Kpála ngakolo ngbingbili bhú djila Ebhe ka nabhuka

²¹ Mbía inde-e, Ebhe apana kpadji inde ngamene lie me okpála kolo ngbingbili kala ni-o. Kpadji ang-o kpi, a koto li líli de. Obhuku na olíli di ne obhuku gba opolofeta apa nani engú ang-o kalanu.

²² Kpadji ang-o me, Ebhe nga'o okpála ngbingbili kala e li kpadji nabhuka Yesu Kilisito ka uo-o. Ani ngamene mo-o pi ndu okpála hana inde ngabhuka ani-o. Ndu uo hana ngasia mukobho bha li koli kpadji bini inde gba Yesu Kilisito-o. ²³ Padhá de, anga ndu okpála hana amene siti 'ngú, kaka-a, Ebhe bhú sangu gba e adji 'ngbu e li uo adji.

²⁴ Engú bini, Ebhe bhú bádha bhú 'bu gba e amene me u kolo ngbingbili bhú djila ní padhá. Ani amene mo-o li kpadji gba Yesu Kilisito inde ngagbegbe uo sakpa siti-o. ²⁵⁻²⁶ Yesu Kilisito ne kpála inde li

† **3:4** 3:4 Tsia bhú Ets. 51:6. † **3:12** 3:10-12 Tsia bhú Ets. 14:1-3, 53:1-3; di ne bhú Ekl. 7:20. † **3:13** 3:13 Tsia bhú Ets. 5:10, 140:3. † **3:14** 3:14 Tsia bhú Ets. 10:7. † **3:17** 3:15-17 Tsia bhú Isa. 59:7-8. † **3:18** 3:18 Tsia bhú Ets. 36:2.

Ebhe abhũ e me ani kpi mada ní ka siti 'ngú gba ní-o. Aní tuko ngate e ngú na'e siti 'ngú gba ní-o. Kpadji ango-o Ebhe aleke pi okpála bhende abhuka-o. Ebhe amene mo-o ngubula me ní mbila me ní ne ngbili kpála. Bhú nedhinga na kalanu-o, nedhinga li okpála adũ namene siti 'ngú lie, aní adũ ne 'ndjá bua pi uo, aní adũ atsia siti 'ngú inde u adũ amene e mugito me aní u de. Bhú nedhinga na mbia inde-e, aní ngasuno me ní ne ngbili kpála. Kaka-a, aní a'o ndũ okpála hana inde abhuka Yesu-o me u dũ ngingbili bhú djila ní.

²⁷ I nde lie mo-o, engú bini belegu ade inde i ti da naha 'ngbé 'ndji pi ní. Ka ní? Anga ehe bhende ane ne engbé-e, a ko matá namene líli-e de, engú bini, a ko bha bini nabhuka. ²⁸ Padhá de, anga ya au me kpála-kutí ngakolo ngingbili kala Ebhe ka nabhuka gba e. A ko de me anga aní amene líli-e hana-a de. ²⁹ Yi abhundja naayi me Ebhe bha ne Ebhe ka omaYuda? A ko di Ebhe gba okpála inde ne omaYuda ade-e di? A mo-o ade. A ko di Ebhe gba okpála inde ne omaYuda ade-o. ³⁰ Padhá de, anga koli Ebhe bha bini. Aní amene me ní 'o omaYuda kala ní ngingbili li kpadji na nabhuka. Aní améne bhadi pi okpála inde ne omaYuda ade-e moko. ³¹ I dũ me a nde mo-o, a kũnda napa me ní u ibili líli-e padhá? A mo-o ade, ní mangbo bhomu-o nga'o líli-e bhú da e.

4

Nabhuka gba Abalahama

¹ Ní bhundja nga pindji ogbi ní Abalahama. Ní apá li 'ngú gba ani-e pi? A akolo nani li ani ne mangua 'ngú dho? ² Li Ebhe ú nani aní me a ko ngbili kpála bhú djila ní ka obabadha kulu inde aní adũ amene e, Abalahama de adũ ne engú inde aní ti da nabhi 'kpa e pí mbulu e ka e-o. La-a, aní ti da namene bhú djila Ebhe mo-o de. ³ Padhá de, anga Bhuku gba Ebhe ngapa me: «Abalahama abhuka Ebhe, abhomu-o Ebhe atsia au aní me a ko ngbili kpála ka natsia nabhuka gba ani-o.» ⁴ Ní mbila hana me li kpála mene kulu-o, u há kuo 'kpa pi aní tété, kuo 'kpa bhomu-o ha lie pi aní padhá de. Aní amene ngánga kulu. ⁵ La-a, li kpála mene kulu de, aní bhuka me Ebhe ngasia obhulũ namene siti 'ngú-o, nabhuka gba ani-e nga'o aní ngingbili bhú djila Ebhe. ⁶ Kaka-a, Davidi ngapa 'ngú na djali gba kpála inde li Ebhe au e maka ngbili kpála bhú djila e-o, inde aní tsia okulu gba e de-o. ⁷ Davidi apa me: «A ko djali pi okpála inde li Ebhe ambu li ndjondjo gba o ambu,

okpála inde li Ebhe a'e osisiti 'ngú gba o a'e-o!

⁸ A ko djali pi okpála inde li Ebhe Ngámá lila

osisiti 'ngú gba o li bua e de-o!†»

⁹ Engú li Davidi apa e bhomu-o, ne me a atsia bha bini okpála bhende ali gandja, ne me a atsia di obhende i li gandja de-o? Ní de ngapa me: «Ebhe au Abalahama ngingbili bhú djila e, anga Abalahama abhuka ani.» ¹⁰ Engú bhomu-o akodho 'kpí nadho? Ne me a ko me Abalahama nde ali gandja ali, ne me a ko me aní nde li nga gandja de? A mo-o ade, a ko kala me Abalahama li gandja.

¹¹ Kala me Abalahama li gandja-a, Ebhe au aní bhú djila e me a ko ngbili kpála. Pipita-a, Ebhe apa pi aní me aní li gandja. Gandja bhomu-o adũ maka ehe inde asuno me aní ngingbili bhú djila Ebhe kabula nabhuka gba e-o. Kaka-a, Abalahama akolo 'dyi ndũ okpála hana inde ngabhuka Ebhe mandí nali gandja. Ebhe ngau ndũ okpála bhomu-o hana bhú djila e ngingbili maka aní au nani Abalahama lie-o. ¹² Abalahama di ne 'dyi okpála bhende ali gandja-o. A akunda napa me Abalahama di ne 'dyi okpála inde ngakpi bha bini ndjili li nali gandja ade, engú bini, inde ngakpata lele nabhuka inde adũ nani bhú ogbi ní Abalahama kala me aní li gandja-o.

¹³ Ebhe apa nani pi Abalahama ne odi e me ní ahá doto pi uo. A ko de me Ebhe apa nani engú bhomu-o ka anga Abalahama amene líli-e de, a ko mangbo anga Ebhe au nani aní ngingbili bhú djila e ka nabhuka gba e-o. ¹⁴ I dũ me okpála bhende ngamene líli-e nde asia bha bini ohe li Ebhe apana e ngao, a akũnda napa me tata li nabhuka ade. La di-e, engú inde li Ebhe apa nani me ní amene e pi uo, a ko 'ngú na padhá. ¹⁵ Padhá de, anga nedhinga li okpála adje líli lie, i dũ me u nde kpata de-e, li Ebhe ké 'ngú lie. La-a, bili li líli nde li e ade-e, u agumu líli-e lele pi?

¹⁶ A bhomu-o engú yi ngau lie me Ebhe apa nani me ní ahá doto pi Abalahama ne odi e kabula nabhuka gba e ngubula me a adũ pi uo maka ehe aní aha e pi uo padhá bhú bádha bhú 'bu gba e-o. Oehe li Ebhe apa me ní ahá e pi okpála-a, a bha bini pi obhende ngakpata líli-e ade, engú bini, a di pi okpála inde abhuka Ebhe maka Abalahama abhuka lie-o. Kaka-a, Abalahama ne 'dyi ndũ ní hana. ¹⁷ A maka u aye lie bhú Bhuku gba Ebhe-e me Ebhe apa pi Abalahama lie: «Ma a'o mũ 'dyi okpála na opiga bhelé.» Abalahama ne 'dyi ní bhú djila Ebhe inde aní abhuka e-o.

A ko Ebhe inde ngazuku okpála inde amu, inde di ngabho oehede inde nga ade-o.

¹⁸ Abalahama adu bha ne nabhuka bhú Ebhe, ani atsia adu bha na'o 'to e 'to ani. Natsia la lele ani-e, a ko nani kpála inde i ti matá nani da na'o 'to e 'to ehe inde li Ebhe apa me ni ahá e pi ani-e de. Abhomu-o, Ebhe amene engú ani apa nani me ni améne e pi ani-o. Ani atsia akolo 'dyi okpála na opiga bhelé maka li Ebhe apa nani lie pi ani me: «Opiga gba mu-o adú bhelé.» ¹⁹ A abhaka me ani nde ne kalanga masikpe de kámá bini. Ani adu nambila ndjindji me ni agbe, ani adu di nambila hana me wala ni Sala ne izude, engú bini, nabhuka gba ani-e gie lie ne sisi de. ²⁰ Ani adu bha nabhuka me Ebhe ahá ehe inde ani apa me ni ahá e pi ni-e maha. Ani du ne bua bhisi bhisi de da napa me ni gbe 'to ni 'to Ebhe-e de. Engú bini, nabhuka inde ani adu ne e bhú Ebhe-e, adu bha naha angu pi ani ngú nanu ne kalanu, ani atsia adu adhogø Ebhe. ²¹ Ani adu nabhuka na paká me Ebhe ne angu ngú namene engú inde ani apa me ni améne e-o.

²² Ka nabhuka gba Abalahama-a, Ebhe au ani bhú djila e me a ko ngbili kpála. ²³ I du me Bhuku gba Ebhe-e nde apa me, Ebhe au ani bhú djila e me, a ko ngbili kpála-a, a ko bha bini pi ani kpi e kpi de. ²⁴ Eli bhomu-o aye di lie pi ní okpála inde li Ebhe au o bhú djila e me ní ne okpála na ngbingbili-o. Padhá de, anga ní ne nabhuka bhú Ebhe inde azuku Yesu Ngámá gba ní-e bhú ká okpála inde amu-o. ²⁵ Ebhe apu Yesu pi okpála ngubula me u bhele ani li 'ngú na siti 'ngú gba ní-o. Ebhe atsia azuku ani bhú ká okpála inde amu-o ngú napa me ní kolo ngbingbili bhú djila ni.

5

Yesu ato guo 'ngú sunda ní ne Ebhe

¹ I nde lie me Ebhe au ní me ní ne okpála na ngbingbili bhú djila e ka ní abhuka ani lie, ní mbia inde-e ne guo 'ngú sunda ní ne Ebhe li kpadji gba Yesu Kilisito, Ngámá gba ní-o. ² Yesu abhulu kpadji pi ní ngae ngubula me Ebhe suno báha bhú 'bu gba e pi ní li kpadji na nabhuka. Nabhuka gba ní-e alu pi báha bhú 'bu bhomu-o. Ní la bhadi ngakpi djali anga ní nga'o 'to ní me Ebhe ahá di sangu pi ní maka ani aha pi Yesu lie-o. ³ A pise bha bini li bhobhomu-o de. Ní di ngakpi ndjili bhú likabhu ní ngazu e anga ní ambila me likabhu ngaha pi ní nambila nadu ne 'ndjá bua. ⁴ Nadu ne 'ndjá bua ngaha pi ní nasia angu bhú kpeke da 'ngú, ní sia angu bhú kpeke da

'ngú-o, bhobhomu-o ngaha pi ní me ní 'o 'to ní li engú li Ebhe apa me ní améne e-o. ⁵ Ní du na'o 'to ní 'to engú li Ebhe apa me ní améne e mo-o, a padhá ade. Padhá de, anga li kpadji gba Bu Bhobua-a, Ebhe asuno me ní abedhe ne mukunda pi ní bedhe.

⁶ A ko paká, nedhinga ní adu lie me ní nde ti da nagbe 'ndji ní de-e, Yesu Kilisito akpi li 'ngú gba ní osisiti okpála li nedhinga inde li Ebhe a'o nani e-o. ⁷ Ní mbila hana me, da napa me kpála ziba nakpi li 'ngú gba ngbili kpála kpekpeke. Nedhinga koko-o, kpála ti da naziba mangbo nakpi li 'ngú gba kpála na báha 'ngú. ⁸ Engú bini, ehe inde asuno me Ebhe ne mukunda pi ní-e ngae inde: nedhinga ní adu nga lie bhú siti 'ngú-o, Yesu Kilisito akpi li 'ngú gba ní-o.

⁹ I nde la lie me mbia inde-e Ebhe au ní okpála na ngbingbili bhú djila e li kpadji na ngate ani-e, ní mbila me ní akóbho bhú 'bhø ke 'ngú gba Ebhe-e li kpadji na ngate ani. ¹⁰ Nani kalanu, nedhinga ní adu lie nayala Ebhe-e, Ebhe ato guo 'ngú sunda ní ne o li kpadji nakpi gba Ndili gba e-o. Kaka-a, ní mbila ndjindji me maka li Ebhe ato guo 'ngú lie sunda ní ne o ato-o, ani akóbho bhadi ní li kpadji gba Ndili gba e, anga Ndili angu-o bhú mukobho. ¹¹ La matá pépé-e, ní ngakpi djali li 'ngú li Ebhe amene e li kpadji gba Ngámá gba ní Yesu Kilisito-o. Padhá de, anga ani amene me guo 'ngú li sunda ní mbia inde-e ne Ebhe.

Ní ali bhú mangimbo ka Adamu, ní akobho ka Yesu

¹² Ní mbila hana me, siti 'ngú ali pála doto ka koli kpála bini má kpi kili! A 'li kpála angu-o me Adamu. Siti 'ngú angu-o atsia azu kuo. Ka li ndu okpála hana amene siti 'ngú lie, kuo atsia akolo li ndu uo hana. ¹³ Kala me Ebhe ha líli gba e pi Moidje-e, siti 'ngú adu nani pála doto. Engú bini, inde lie me Ebhe nde ha nga nani líli gba e pi okpála de-e, ani du na'o 'to e 'to siti 'ngú gba uo de. ¹⁴ La-a, abana a adu lie mo-o, nayie li Adamu, nakolo li Moidje, kuo adu ne angu pi ndu okpála hana, abana pi okpála bhende i mene siti 'ngú maka Adamu andjo nani 'li Ebhe lie de-o. Adamu nani ne kulu kpála inde a ayo nani me ani go-o.

¹⁵ Engú bini, siti 'ngú gba Adamu-o kpo 'ndji e ne bisagu li Ebhe aha e padhá-a de. Eu ade, okpála bhelé amu kabula siti 'ngú gba koli kpála bini bhomu-o. Engú bini, báha bhú 'bu gba Ebhe-e ane ne engbé. La di-e, bisagu inde ani aha e padhá pi okpála bhelé li kpadji gba koli kpála bini inde 'li e me Yesu Kilisito-o, ane di ne

engbé. ¹⁶ Bádha bhú 'bu li Ebhe aha e pi okpála-a naae ngazu ngua koko. A viti bini ne siti 'ngú inde li koli kpála bini bhomu-o amene e de. Siti 'ngú li koli kpála bini bhomu-o amene e, amene me Ebhe 'o 'ngú pi okpála. La-a, bádha bhú 'bu li Ebhe aha e pi okpála padhá pita u amene siti 'ngú lie bhelé-e aha pi uo me u kolo ngbingbili kala Ebhe.

¹⁷ A na paká me kuo apa lie li okpála ka siti 'ngú gba koli kpála bini. Engú bini, kpála bhe koko inde 'li e me Yesu Kilisito-o ngamene naae okulu na ngbengbengbe. Li kpadji gba ani-e, Ebhe ngasuno bádha bhú 'bu gba e inde ane mane-e pi okpála padhá, ani di ngau uo bhú djila e me a ko okpála na ngbingbili. Bha li kpadji gba ani-e, u asia mukobho na duduma, u aú di ngámá ka ani.

¹⁸ Ní au me kabula siti 'ngú gba koli kpála bini inde 'li e me Adamu-o, mangimbo gba Ebhe-e ati pí ndu okpála hana. A bhadi moko, kabula bádha kulu gba kpála bini inde 'li e me Yesu Kilisito-o, okpála hana akolo ngbingbili bhú djila Ebhe. Bádha kulu gba Yesu Kilisito di ngaha mukobho pi okpála ngae. ¹⁹ Ka li kpála bini andjo 'li Ebhe lie, okpála bhelé ati bhú siti 'ngú. A bhadi moko, ka li kpála bini adje 'li Ebhe lie, okpála bhelé akolo ngbingbili bhú djila ani.

²⁰ Pindji bhende atsia líli gba Moidje-e, Ebhe aha nani pi okpála ngae. La natsitsia-a, siti 'ngú atsia abe matá ndu e naali. Engú bini, li bili inde li siti 'ngú abe ndu e lie, bádha bhú 'bu gba Ebhe abe la matá ndu e ane mane. ²¹ A bhadi moko, maka li siti 'ngú apana angu e pi okpála lie li kpadji gba nakpi-e, bádha bhú 'bu gba Ebhe-e apána bhadi angu e pi okpála li kpadji nakobho uo. Bádha bhú 'bu angu-o améne me ní kolo bhú mukobho na duduma li kpadji gba Yesu Kilisito, Ngámá gba ní-o.

6

Ní akpi bhú dabili bini ne Yesu, ní azúku bhadi maka ani

¹ Ní apá la ibili pí? Ní mene bha ibili siti 'ngú ne kalanu, amba bádha bhú 'bu gba Ebhe-e nu ne kalanu? ² Belegu de bini! Ní amu li pabili gba siti 'ngú amu. Lele pi ní ti lie matá da nanu bhú siti 'ngú ne kalanu-o? ³ Yi mbila de me nedhinga ní asia batisimo lie, ndu ní hana ní akpetse líni bhú dabili bini ne Yesu Kilisito bhú nakpi ka e di? ⁴ Li kpadji na batisimo-o, ní amu ne ani bhú dabili bini, u atsia azi ní ne ani bhú lata bhú dabili bini ngubula me Ebhe 'dyi ní zuku di ní bhú ká okpála inde amu-o maka ani azuku Yesu Kilisito lie bhú angu gba e

inde ane mane-o. Ani azuku ní ngubula me ní du di ne lele mukobho na mbia.

⁵ Padhá de, anga maka ní akpetse líni ne ani lie bhú ngua nakpi inde ani akpi e-e, ní azúku bhadi ngua nazuku inde ani azuku e-o. ⁶ Ní mbila ndjindji me, nedhinga li Yesu Kilisito akpi lie li kulusi-e, Ebhe agi lele mukobho gba ní na kalanu-o bhadi li kulusi o ngubula me lele mukobho bhomu-o kpi di, amba ní adú matá obalise gba siti 'ngú de. ⁷ Padhá de, anga kpála inde akpi-e, akoto bhú bali gba siti 'ngú akoto. ⁸ I du me ní nde akpi bhú dabili bini ne Yesu Kilisito akpi-e, ní bhadi ne nabhuka me ní adú bhadi ne ani bhú mukobho. ⁹ Yesu Kilisito azuku nani azuku. Ní mbila hana me nayie li 'kpi bhomu-o, ani kpi matá-a de. Nakpi matá ne angu pí ani ade. ¹⁰ Bhú nakpi ka ani e-e, ani akpi li pápá na siti 'ngú bhatsibhatsi bini má kplikáli! Ani nde lie bhú mukobho mbia inde-e, ani bhú mukobho pi Ebhe. ¹¹ A viti bhadi bini, ngayi di-e, yi 'o liyi mugito me yi amu li pápá gba siti 'ngú-o amu. La mbia inde-e, yi bhú mukobho pi Ebhe li kpadji na makpetse gba yi ne Yesu Kilisito.

¹² I nde lie mo-o, a ayo matá de me siti 'ngú ko angu e pi kute yi na kukuo inde-e de. Yi adháku li lele gamu na sisiti gba kute yi bhomu-o de. ¹³ Yi a'ó matá oya yi de me adú bhú kulu gba siti 'ngú maka otia kulu gba ani-e de. Yi ha mangbo liyi pi Ebhe maka okpála inde amu, u atsia azuku. Yi ha liyi libhomu ngú kulu gba Ebhe maka otia kulu ngú namene ngbili 'ngú. ¹⁴ Padhá de, anga a ayo de me siti 'ngú ko matá angu e pi yi-e de, anga yi matá sa líli ade, engú bini yi mangbo sa bádha bhú 'bu gba Ebhe-o.

Ní matá ne obalise gba siti 'ngú ade, ní ibili ne obalise gba Ebhe

¹⁵ Mbia inde-e, ní matá ngadhuku sa líli ade, ní mangbo sa bádha bhú 'bu gba Ebhe. I nde li mo-o, a ayo me ní nu bha ne siti 'ngú ne kalanu anga ní nde sa bádha bhú 'bu gba Ebhe? Belegu de bini! ¹⁶ Yi mbila hana me i du me mu nde bhú kulu gba kpála bini ngú namene engú ani akunda e-e, mu ne bali gba kpála inde mu nde bhú kulu gba e-o. I du me mu nde bhú kulu gba siti 'ngú-o, mu ne bali gba ani. Mu du bhú kulu gba Ebhe-e, mu ne bali gba ani. Yi mbila la me, siti 'ngú ngato kpála bhú kuo. Engú bini, namanga Ebhe ngamene me Ebhe 'o kpála ngbingbili bhú djila e.

¹⁷ Heni pi Ebhe, anga yi du nako ne obalise gba siti 'ngú, la mbia inde-e, yi abhuka Ebhe. Yi atsia aziba di ne bua yi bini nadu bhú mukobho nakpata lele

nasuno inde u asuno e pi yi-o. ¹⁸ Ebhe agbegbe yi bhú bali gba siti 'ngú-o agbegbe, yi atsia akolo obalise gba ani ngú namene engú inde ngbingbili. ¹⁹ Ma ngakpokpo 'ngú bhomu-o pi yi ne nasusuno li kute obalise, anga yi ngako mboli engú má gala ade. Nani kalanu-o, yi aha kute yi libhomu maka obalise inde bhú kulu gba siti 'ngú inde ngazu kpéke 'ndji li pabili gba Ebhe. Maka yi aha nani liyi lie libhomu pi siti 'ngú-o, mbia inde-e, yi ha di liyi libhomu pi Ebhe maka obalise inde bhú kulu gba ngbili 'ngú ngubula me lele mukobho gba yi-e da bhende ngangá li Ebhe manga.

²⁰ Nedhinga yi adu nako lie obalise gba siti 'ngú-o, ehe bini ade inde i ti nako da natima yi me yi mene ngbili 'ngú. ²¹ Nedhinga yi adu lie amene osisiti 'ngú inde nga'o naki namu li yi bhomu-o, yi asia bhúbhú mangua bádha 'ngú dho? Ehe bini ade! Ongú bhomu-o ngatima kpála bhú kuo. ²² La mbia inde-e, Ebhe agbegbe yi bhú siti 'ngú agbegbe, yi atsia akolo okpála na kulu gba ani-o. Li kpadji bhomu-o, yi asia nadu bhú mukobho inde ngangá li Ebhe-o. Ali soso-o, yi asia mukobho na daduma. ²³ Padhá de, anga makalá gba siti 'ngú-o, a ko nakpi, engú bini, Ebhe naae ngaha pi okpála mukobho na daduma inde bhú Yesu Kilisito Ngámá gba ní-e padhá.

7

Ní aze bhú bali gba líli-e aze

¹ Ondaise ma, yi mbila engú inde ma adjí apa e hana, anga yi ambila líli-e ndjindji. Yi mbila hana me líli ngako angu e pí kpála bha bini li nedhinga ani nde lie bhú mukobho-o. ² Ní na nga kukulu li òlò inde bhú kuva. Nedhinga li 'ko ani nde lie tété-e, ani tí da na'o ká ani ngú nanu naha bhoko koko de, anga líli ziba mo-o de. *ƒ da* la me 'ko ani nde akpi-e, ehe bini inde ani matá kpadji pi ani ngú naha bhoko koko ade. ³ Bhobhomu-o apa me, *i da* me òlò yie nu ha bhoko koko me 'ko ani nde nga bha tété-e, líli apa me òlò bhomu-o akunda bhoko gba kpála koko. *ƒ da* la me 'ko ani nde akpi ma kpi-e, líli ne engú bini pí ani ade. Kaka-a, ani tí da naha bhoko koko. U pá li ani de me ani aha bhoko gba kpála koko-o de.

⁴ A bhadi pi yi moko, ngayi ondaise ma. Yi akolo li pabili gba líli maka okpála bhende amu, anga Yesu Kilisito akpi mada yi. Kaka-a, yi ibili ne okpála ka ani, ngaani kpála inde li Ebhe azuku e-o. Ebhe amene mo-o ngubula me ní *da* azu pi ní onguwa na babadha. ⁵ Nedhinga ní adu nani akobho lie maka li osisiti gumu na kute ní adu atima ní lie, líli adu apana pi

ní me, a inde-e siti 'ngú. La-a, ní dje mo-o, kute ní adu mangbo atima ní me ní mene osisiti 'ngú bhomu-o. Osisiti 'ngú ango-o adu atima ní ne kalanu ngú nazu nguwa inde ngatima kpála bhú kuo. ⁶ Engú bini, mbia inde-e, maka ní amu lie li pápá gba ehe inde a'o nako ní bhú bali-e amu-o, líli matá ne engú pí ní ade. Kaka-a, ní ti da namene kulu líni pi Ebhe li lele bhe na mbia. Ní améne kulu ango li kpadji gba Bu Bhobua , a adú matá li lele bhe na kalanu ní adu amene e sa líli inde u aye e maye-e de.

Líli gba Ebhe-e asuno siti 'ngú gba ní-e mbámbá

⁷ *ƒ da* mo-o, ní pa me líli ne ehe na sisiti? A mo-o ade! *ƒ da* ka líli de-e, ma de mbila siti 'ngú de. U yé nani bhú líli de me: «Mo odú ne gumu 'he gba kpála de-e»,[†] ma de mbila de me nadu ne gumu 'he gba kpála ne siti 'ngú-o de. ⁸ Nedhinga ma ambila líli bhomu-o lie, siti 'ngú au kpadji e abhú ma. A tsia amba bhúla ma me ma *da* ne gumu ohe gba okpála ngangá. Padhá de, anga li líli *da* de-e, siti 'ngú kó angu e pí ma de. ⁹ Nani kalanu me ma nde mbila nga líli de-e, bua ma adu má bii! La-a, nedhinga ma aké mboli engú li Ebhe akunda e lie, siti 'ngú me ní ngani bhomu, ¹⁰ ma atsia akpi. Líli inde li Ebhe aha e ngubula me aha mukobho pi okpála-a, aha naae muma nakpi. ¹¹ Padhá de, anga ma ambila líli-e lie, siti 'ngú au kpadji e bhú ma. A apite bua ma, ma atsia akpi kaka.

¹² Bhobhomu-o atima ní naziba me ndu líli-e hana ayie ka Ebhe, la di-e ndu ongú inde u aye e bhúbhú-o hana ayie ka ani. Ehe na sisiti bhúbhú belegu ade bini. ¹³ A akunda napa me ehe na babadha-a abhelo ma ngae? A mo-o ade! A abhelò mangbo ma ne siti 'ngú. Siti 'ngú-o aha líli, ani atsia abhelò ma nedi. A mene lie mo-o ngubula me okpála mbila me siti 'ngú bha ne siti 'ngú. Li kpadji gba líli-e, siti 'ngú atsia asuno la ibili me ní ane ne siti mane.

Ngani okpála-kuti-e, ní ngagu gbele ne siti 'ngú inde abedhe bhú ní bedhe-o

¹⁴ Ní mbila hana me líli-e ayie ka Ebhe. La ngama-a, ma ne kpála li angu nde bhú e ade, ma ne bali gba siti 'ngú. ¹⁵ Ma ngako mboli engú inde ma ngamene e ade. Padhá de, anga ma ngamene engú inde ma kunda namene e de. Ma mangbo ngamene bhende ma ayala namene e-o. ¹⁶ *ƒ da* me ma nde ngamene engú inde ma ngayala e, bhobhomu-o asuno me ma abhuka me líli ne bádha 'he. ¹⁷ Bhobhomu-o apa me nedhinga ma ngamene siti 'ngú lie, a ko ma de, a ko mangbo siti 'ngú inde asi

[†] 7:7 7:7 Tsia bhú Eki. 20:17; di ne bhú Det. 5:21.

kuti e abhú ma ko. ¹⁸ Padhá de, anga ma ambila me bádha 'ngú si kuti e bhú ma de, a akúnda napa me bhú kute ma, ngama kpála inde li angu nde bhú e ade-o. A na paká me a bhú ma ne gumu namene bádha 'ngú, engú bini angu namene la bhú ma ade. ¹⁹ Padhá de, anga bádha 'ngú inde ma akúnda namene e-e, ma ngamemene ade. Siti 'ngú inde ma ayala namene e-e, ma mangbo ngamene e. ²⁰ Li ma du amene engú inde ma akúnda namene e de-e, a kúnda napa me, a ko ma de, a ko mangbo siti 'ngú inde asi kuti e abhú ma-o.

²¹ I nde lie mo-o, engú ma ngau e ndu 'kpí hana ngae inde: ngama kpála inde ne gumu namene bádha 'ngú-o, a bha bini bhú ma ne angu namene siti 'ngú. ²² A li bua ma-a, ma ngakpi ndjili li líli gba Ebhe-o. ²³ Engú bini, a bhú kute ma-a, ma ngau líli koko inde ngagu gbele ne líli inde li bua ma ngaziba e-o. Líli inde bhú kute ma-a nga-o ma bali gba líli na siti 'ngú inde abhú ma-o. ²⁴ A ko líkabhu muma! A agbégbé ma sakpa kute ma inde ngato ma li kpadji nakpi inde-e da? ²⁵ Heni pi Ebhe li kpadji gba Yesu Kilisito, Ngámá gba ní-o!

Ma ti da nabu 'li ma me, li bua ma-a, ma ne bali gba líli gba Ebhe, engú bini, li kute ma-a, ma ne bali gba líli gba siti 'ngú.

8

Nadu bhú mukobho inde li Bu Bhobua aziba e

¹ Mbia inde-e, engú na'o'o matá pí okpála inde akpòtse lío bhú dabili bini ne Yesu Kilisito ade. ² Padhá de, anga líli gba Bu Bhobua inde ngaha mukobho pi kpála li kpadji gba Yesu Kilisito agbegbe ma bhú bali gba líli na siti 'ngú bhú dabili bini ne bali gba nakpi-e agbegbe. ³ Líli gba Moidje ti nako da naha mukobho pi ní de, anga nganí okpála-kuti-e, angu bhú ní ngú namene olíli-e hana-a de. Engú bini, Ebhe amene ehe inde li líli-e ti nako da namene e de-o. Ngú na'e osisiti 'ngú gba ní-e, aní atima Ndili gba e makpe me aní go kobho maka ní osisiti okpála. Bhobhomu-o akúnda napa me Ebhe kúnda siti 'ngú inde li okpála ngamene e belegu de bini.

⁴ Ebhe amene mo-o ngubula me nganí okpála inde ngakobho maka Bu Bhobua akúnda lie, ní mene ndu 'ngú hana inde li líli-e aziba e, ní améne matá ongú maka li kute ní aziba lie de. ⁵ Padhá de, anga mu du akobho nakpata ongú inde li kute mu aziba e, mu du bha nabhundja engú na kute. Engú bini, mu du akobho nakpata ongú inde li Bu Bhobua akúnda e-e, mu du bhadi nabhundja ongú gba Bu Bhobua. ⁶ I du me mu nde ngabhundja bha bini pí ongú inde li kute mu akúnda e-e, mu kpí.

Engú bini, li mu du abhundja bha bini pí bhende li Bu Bhobua gba Ebhe-e ngakúnda e, Ebhe méne me mu du bhú mukobho bhú dabili bini ne guo 'ngú.

⁷ Okpála bhende ngabhundja bha bini ongú li kute o aziba e, a ko obhulu yala gba Ebhe. U ngamene líli gba Ebhe-e ade, u ti la di da namemene de. ⁸ Okpála bhende ngamene mo-o, u ti da nanga li Ebhe de.

⁹ La ngayi-e, yi ngamene engú maka li kute yi aziba lie ade. Yi ngamene engú maka li Bu Bhobua aziba lie-o. Padhá de, anga Bu Bhobua gba Ebhe ngadu bhú yi. Kpála inde li Bua gba Ebhe-e ngadu bhú e ade-e, a ko maklisito de. ¹⁰ Li Yesu Kilisito du bhú yi-e, li pápá na kute yi-e, yi amú mamu, anga yi nde amene siti 'ngú. La li pápá na bua yi-e, Bua gba ani-e ngaha mukobho pi yi, anga yi akolo ngbingbili bhú djila Ebhe. ¹¹ La di-e, li Bua gba Ebhe inde azuku nani Yesu bhú ká okpála inde amu-o du bhú yi-e, a na paká me Ebhe bini bhomu-o ahá di mukobho pi okute yi na kukuo bhomu li kpadji gba Bua gba ani inde ngadu bhú yi-o.

¹² Kaka-a, ondaise ma, a ayo me ní du akobho maka li Bu Bhobua akúnda lie, a ayo de me ní du akobho maka li kute ní akúnda lie de. ¹³ Padhá de, anga yi du akobho maka li kute yi makpe ngatima yi lie, yi mú. Engú bini, li Bu Bhobua teteke yi me yi 'o namene siti 'ngú na paká-a, yi sía mukobho. ¹⁴ Padhá de, anga ndu okpála hana inde ngadhuku maka li Bua gba Ebhe-e akúnda lie, a ko ongisi gba Ebhe.

¹⁵ Bu Bhobua inde li Ebhe aha e pi yi-e nga'o yi bhú bali ade, aní di ngabedhe matá yi ne tsulu ade. A ko mangbo Bua inde ngamene me yi kolo ongisi gba Ebhe. Ka angu gba Bua bhomu-o, ní ti da nagama 'ngú pi Ebhe ne na'i ani me: «Aba, 'Dyi ya!» ¹⁶ Bua gba Ebhe-e belegu ngapapa ngae makpe pi ní abhú ní me ní ne ongisi gba Ebhe. ¹⁷ Ní ne ongisi gba ani-e na paká. A akúnda napa me ní asía obabadha 'ngú inde li Ebhe apa me ní ahá e pi ní-e masia. Ní asía obabadha 'ngú bhomu-o nganí bhú dabili bini ne Yesu Kilisito. Maka ní ngazu líkabhu lie bhú dabili bini ne ani-e, ní adú bhadi bhú dabili bini ne ani li bilí gba ani na sangu-o.

Sangu inde ní nga'o 'to ní 'to e-o

¹⁸ Ma ambila na paká me olikabhu ní ngazu e mbia inde-e kpo 'ndji e ne sangu inde li Ebhe ambámba galikpe 'ta e pi ní-e belegu de bini. ¹⁹ Padhá de, anga ndu 'he inde li Ebhe abho e hana ngadjeke ne gugumu hana ekpi inde li Ebhe asúno lie mbámbá me okukulu ongisi gba ní-e ngao dho. ²⁰ Padhá de, anga ndu 'he inde li Ebhe

abho e hana ati sakpa angu na padhá. A ko de me ohe bhomu-o akunda ngao-o de, a ko mangbo anga Ebhe ato uo sa angu bhomu-o ngae. Engú bini, ohe li Ebhe abho e ti da na'o nga matá 'to e 'to engú bini. ²¹ Engú ang-o me, ekpi akólo makolo li Ebhe tsia gbégbe bhú bali gba kuo ndu ohe inde ani abho e hana. U kpi matá-a de, u asia sangu maka ongisi gba Ebhe-o.

²² Ní mbila hana me nayie nani aoo, nakolo pi mbia inde-e, ndu ohe li Ebhe abho e hana-a, ngazu likabhu, u di ngazu tate o maka elé inde li bhú 'bu e nde ngazu ka ezu. ²³ Ohe inde li Ebhe abho e bha bini ngazu likabhu kpi e kpi ade, abana nganí okpála inde asia Bu Bhobua maka gina 'he inde li Ebhe aha e pi ní-e, ní di ngazu likabhu. Ní ngazu likabhu ali bua ní nedhinga ní ngadjeke lie me Ebhe mene me ní kolo ongisi gba ní, amba ani gbege la di ní libhomu bhú bali. ²⁴ Ebhe akobho nani ní akobho, ní u nga la sangu ang-o de, ní bha nga'o 'to ní toto. Li ní du au ongú inde ní nga'o 'to ní 'to e ne djila ní-e, a bhomu-o matá na'o 'to o 'to 'ngú de, anga a nde sakpa ní. Padhá de, anga kpála 'o'o 'to e 'to ehe inde ani au e ne djila e au-o de. ²⁵ Engú bini, i du me ní nde u nga ehe inde ní nga'o 'to ní 'to e de-e, ní dú nadjedjeke ne 'ndjá bua.

²⁶ Engú koko di ngae inde, Bu Bhobua ngateteke ní li kpadji gba Ebhe-o, anga angu nde bhú ní ade. Padhá de, anga ní mbila nayo Ebhe li lelele de. Bu Bhobua mangbo ngayo Ebhe mada ní ngae makpe. Ani ngayo Ebhe ne bua e hana da napa me u ti da napapa ne ebhe de. ²⁷ Ebhe mbila ndu 'ngú hana inde bhú kpála. Ani ngambila di engú inde li Bu Bhobua ngakunda napa e hana. Padhá de, anga Bu Bhobua ngayo Ebhe mada omaha Ebhe maka li Ebhe akunda lie ngae.

²⁸ Ní mbila hana me ndu 'ngú li Bu Bhobua ngamene e hana-a, ani ngamemene ngubula me okpála bhende ne mukunda pi Ebhe-e sia bádha 'ngú. A ko okpála inde li Ebhe a'i nani o me u mene engú inde ní akunda e. ²⁹ Padhá de, anga Ebhe abhu nani uo kalanu, ani atsia apa di kalanu me ní améne me u kolo maka Ndili gba ní, ngubula me Ndili gba ní-e du ne gina 'zu bhú ká ongisi bhelé. ³⁰ Obhe li Ebhe amene engú bhomu-o pi o-o, ani a'i di uo. Obhe ani a'i o-o, ani amene di me u kolo bhú djila ní okpála na ngbingbili. Obhe ani amene me u kolo bhú djila ní okpála na ngbingbili-e, ani amene di me u sia sangu gba ní-o.

Ehe bini gbó bhusu ní ne mukunda li Ebhe nde ne e pi ní-e de

³¹ Nakpata ndu 'ngú bhomu-o hana-a, ya ti da nabu tata-a me: «Li Ebhe nde lie pi ní-e, kpála bini ti da naha angu ní de.» ³² Ngaani Ebhe-e, ani gili Ndili gba e makpe pi ní de. Ani apu ani ngú napa me ani go kpi pi ndu ní hana. Maka ani apu Ndili gba e lie pi ní-e, ani ahá di ondu 'he koko-o hana pi ní bhú bádha bhú 'bu gba e-o. ³³ Kpála bini ne engú napa mapa li okpála li Ebhe abhu o ade. Padhá de, anga Ebhe ngae makpe au uo me u bhú djila ní ngbingbili.

³⁴ Kpála bini ti da na'o 'ngú pi okpála li Ebhe abhu o de. Padhá de, anga Yesu Kilisito ngae makpe akpi pi ní. Pépé-e, ani azuku, ani ali li pá 'kpa na kokpa gba Ebhe. Ani di ngayo Ebhe ngubula ní. ³⁵ A ti da nagbo bhusu ní ne mukunda li Yesu Kilisito nde ne e pi ní-e da? Abana ní du bhú likabhu, abana ní du bhú kpéke da 'ngú, abana li okpála du nato mbolo li ní, abana ní du bhú ndibhili, abana li kpéke 'ngú du nago ngú ní, abana li okpála du nakodho ngulu ní, abana li gumu du namene ní, ehe bini inde ayóko mukunda li Yesu Kilisito nde ne e pi ní-e belegu ade bini. ³⁶ A maka u aye lie bhú bhuku gba Ebhe-e me:

«Okpála ngagili ndu 'kpi hana me o bholé

ya
kabula 'ngú gba mu-o.

Okpála ngau ya mugito me

ya ne okandelé inde u adjí abhili o.†»

³⁷ La bhú ndu 'ngú bhomu-o hana-a, ya ngaha angu ndu ongú bhomu-o hana ka angu gba kpála inde ne mukunda pi ya-o.

³⁸ Padhá de, anga ma ambila na paká me ehe bini inde agbo bhusu ní ne mukunda li Yesu Kilisito nde ne e pi ní-e ade. Abana i du me ní nde bhú mukobho, abana i du me ní nde amu, a viti bha bini. Abana i du oandjelu, abana i du di ongú na biti, abana ongú na naki, abana ongú inde ngago, bini bhú káká-a gbó bhusu ní ne mukunda gba Yesu Kilisito de. ³⁹ Abana i du ohe inde ngadu abhúla, abana ohe bhende ngadu asa doto, abana ndu ohe koko hana inde li Ebhe abho e, ehe bini ade inde i ti da nagbo bhusu ní ne mukunda inde li Ebhe nde ne e pi ní li kpadji gba Yesu Kilisito, Ngámá gba ní-o.

9

Ebhe ngamene ndu 'ngú hana bhú ngu e

¹ Ma ne kpála gba Yesu Kilisito ! Engú ma adjí apa e inde-e, a ko kukulu 'ngú, ma pa eu de. Bu Bhobua ngasuno muma me 'li ma-a, a ko paká, bua nakpokpo kú 'ngú gba ma la bhadi ngaziziba moko me a ko

paká. ² A ko paká me bua ma ne likabhu naali, likabhu inde li bua ma-a ndjindjia di-i de. ³ Li kpadji dú uu-o, ngama makpe, ma de ayó me Ebhe tɔ pɔdɔlɔ li ma, amba ani gbo bhusu ya ne Yesu Kilisito i du me a nde ti da nateteke ondaise ma omaYuda u-o, anga a ko ondaise ma na piga. ⁴ A ko okpála na piga gba Isalaele. Ebhe abhu uo me u kolo ongisi gba ni, ani aha pi uo me u u sangu gba ni-o, ani akodho gandja ne uo bhutsibhutsi, ani aha líli gba e pi uo, ani asuno lele nayo pi uo, ani apa me ni améne obabadha 'ngú pi uo. ⁵ A ko odi Abalahama ne ongisi gba e-o. La di-e Yesu Kilisito ngae makpe li pápá na kute-e, a ko kpála na piga gba uo. Ngaani, a ko Ebhe inde pí 'ndji ndu 'he hana-o. A ayo me okpála toko ani dɔdɔma ne dɔdɔma. A adu moko.

⁶ Ma pa de me engú li Ebhe apa me ni améne e, aneke de. Ní mbila hana me a ko de me ndu odi Isalaele hana bha ne ongisi gba ani makpe-e de. ⁷ La di-e, ndu odi Abalahama hana bha ne ndu ongisi gba ani makpe ade. Padhá de, anga Ebhe apa pi Abalahama me: «Odi mu akóto li kpadji gba Isaka.†» ⁸ A akunda napa me ndu ongisi li Abalahama azu o hana ne ongisi gba Ebhe ade. Pi Ebhe-e, kùkùlù odi Abalahama bha bini ne ongisi inde ani azu o nakpata lele maka li Ebhe apa nani lie me ni ahá pi ani-o. ⁹ Padhá de, anga Ebhe apa nani engú na ongisi ang-o pi ani me: «Bhú kalanga na sidi-e, bhú ngua onedhinga inde-e, ma agie matá lima, ma abháka me Sala nde azu ndili na bhobhoko.†»

¹⁰ A viti bhadi bini ne bhe gba Lebeka-o. Ndu ongisi gba ani-e bhisi hana, koli 'dyi uo bha bini, ogbi ní Isaka. ¹¹⁻¹² La-a, kala napa me u zu uo-o, Ebhe apa me: «Bhebhele-e adú kpála na kulu gba ndindili-o.†» Ebhe apa 'ngú bhomu-o kala me suka uo mene bádha 'ngú, i du di-e siti 'ngú. Lebeka nde zu nga uo de. Ebhe amene mo-o ngú nasuno me ni memene bha bini engú maka ni akunda lie. Ani ngabhu okpála bha bhú ngu e. Ani tsia de me kpála ang-o amene bádha 'ngú ne me ani amene siti 'ngú-o de. ¹³ A maka u aye lie bhú bhuku gba Ebhe-e me Ebhe apa me: «Ma ne mukunda pi Yakobho, ma ayala Esau.†»

¹⁴ I du me a nde mo-o, ní pá me ngbili 'ngú bhú Ebhe adi? Belegu de bini! ¹⁵ Padhá de, anga Ebhe apa pi Moidje me: «Ma kunda namene bádha 'ngú pi kpála-a, ma méne.

I du di me ma nde akunda nadje ndjinga kpála-a, ma djé.†»

¹⁶ Bhobhomu-o akunda napa me, li Ebhe mene bádha 'ngú pi kpála-a, ani amene bha pi ani anga ani adje ndjinga ani. A ko de me ani amene pi ani anga kpála ang-o akunda ngae, ne me ani amene tété kulu-o de. ¹⁷ A maka engú inde ani apa nani e bhú Bhuku gba e pi 'ngbé ngámá na Edjipito me: «Ma a'o mu 'ngbé ngámá ngubula me ngama Ebhe-e ma pana angu gba ma bhú mu, di ne ngubula me ndu okpála na pála doto libhomu mbila me ma ne da-ie.†»

¹⁸ Kaka-a, ní ngau me li Ebhe kunda nadje ndjinga kpála-a, ani djé, ani kunda nato kpéke 'ndji bhú 'ndji kpála-a, ani tó.

Ní ti da nadjidji 'ngú sa 'li Ebhe de

¹⁹ Nedhinga koko-o, kpála bini ti da nayi ma me: «Li Ebhe dú nabhu okpála maka ani akunda lie, ka ni ani nde lie nga'o 'ngú pi okpála, u nde bha ngamene bhomu-o bhende ani akata uo me u mene e?»

²⁰ Ngamu kpála inde ngayi ma mo-o, mu ne da ngú nadjidji 'ngú sa 'li Ebhe? Madakpa ti da nayi kpála inde apo ani-e uu me: «Mo omene ma me-e ka ní?» Belegu de bini!†

²¹ Bhulu napo lusa ti da namene engú inde ani akunda e ne doto na lusa-a hana. Ani ti da nagbo bhusu doto na lusa-a bhisi. Ani há bhe bini-e, ani méne tété lusa na kpéke mase, ani há bhe koko-o, ani méne tété lusa u amemene kulu ne e ndu 'kpí hana.

²² Li Ebhe kunda nadu maka bhulu napo lusa-a, naamú bhúbhú ne ní? Ani amene mo-o ngubula nasuno ke 'ngú gba e, di ne me a bhú ní ne angu. La-a, ani akibila nani ne 'ndjá bua okpála inde a ayo nani me u sia ke 'ngú gba ani-o, inde adu nako masakpe de napa me ani bhili o-o. ²³ Ebhe amene mo-o ngubula me okpála mbila me sangu abedhe bhú ní bedhe pi okpála inde ní nde ne ndjinga pi o-o. Ani aleke uo kalanu me u sia sangu gba ni-o. ²⁴ Ní di ne okpála inde ani a'i o pi e. Ani bhú bha bini okpála ani a'i o pi e bhú ká omaYuda de, ani abhu di uo bhú ká opiga inde ne omaYuda ade-e uu. ²⁵ A bhomu-o engú ani apa e bhú bhuku gba polofeta Oze me:

«Okpála inde nani i du okpála ka ma de-e, ma a'i uo me a ko okpála ka ma.

Okpála inde nani ma du ne mukunda pi o de-e,

ma apa me ma ne mukunda pi uo.†

²⁶ Li bili nako ma apa pi uo lie me:

«Ngayi-e, yi ne okpála ka ma ade-e»,

† 9:7 9:7 Tsia bhú Dje. 21:12. † 9:9 9:9 Tsia bhú Dje. 18:10-14. † 9:11-12 9:11-12 Tsia bhú Dje. 25:23. † 9:13 9:13 Tsia bhú Mal. 1:2-3. † 9:15 9:15 Tsia bhú Eki. 33:19. † 9:17 9:17 Tsia bhú Eki. 9:16. † 9:20 9:20 Tsia bhú Isa. 29:16, 45:9. † 9:25 9:25 Tsia bhú Oz. 2:25. † 9:26 9:26 Tsia bhú Oz. 2:1.

bha li bili bini bhomu-o, ma apa pi uo me:

«Yi ne ongisi gba ma, Ebhe na mukobho-o.†»

²⁷ La pi okpála na Isalaele-e, polofeta Isaya agama di 'ngú li 'ngú gba uo-o. Aní atsia apa me: «Abana li omafalaalee dá bha bhelé maka sike abhú 'ngbé 'ngu-o, yi mbila me obhe li Ebhe akóbho o-o bhelé ade. ²⁸ Padhá de, anga engú li Ebhe apa me ní améne e píla doto-o, aní améne bha hana má kpəkəbhə! Aní améne la di má gala!†» ²⁹ A di maka polofeta Isaya apa matá nani lie me:

«Li Ebhe Ngámá Apí 'Kpí bhili nani ongisi gba ní-e hana-a, ní de andjalu maka okpála na Sodomó ne Gomolo andjalu nani lie-o.†»

Okpála koko bhú ká omafalaalee bhuka de

³⁰ I dá mo-o, ní tí da nabu tata pí? Engú inde ya akúnda nabu tata ne e ngae inde, okpála inde bhú píga gba omafalaalee ade-e, gili nako nadu ngbingbili kala Ebhe de. La-a, Ebhe au uo me a ko okpála na ngbingbili bhú djila e ka u abhuka ní lie-o. ³¹ La-a, okpála na Isalaele inde adu agili me o kolo ngbingbili bhú djila Ebhe li kpadji namene líli-e, kolo nedi alí soso de. ³² U kolo nedi alí soso de ka ní? U kolo de, anga u adu abhundja me o kolo ngbingbili bhú djila Ebhe ka okulu gba o-o. U dá abhuka de me kpála ngakolo ngbingbili bhú djila Ebhe ka nabhuka gba e de. U atsia ado 'dhu o li teme inde ngagbo 'i kpála-o. ³³ Bhuku gba Ebhe-e ngapa 'ngú na teme angó-o me:

«Yi gbo 'dje yi!

Ma nga'o bhú gudhu na Siona teme bini inde li okpála ngado 'dhu o lie.

A ko teme inde ngagbo 'i kpála.

La-a, kpála abhuka ani-e, aní dji 'ngbu e li aní 'kpí bini de.†»

10

¹ Ondaise ma, engú inde ma ngakúnda e ne bua ma hana-a, a ko me omafalaalee sia mukobho. Ma ngayo Ebhe pí uo ngánga. ² Ma au me u akúnda namene kulu lío pí Ebhe na paká. Engú bini, u mbila kpadji angó-o de. ³ U mbila kpadji li Ebhe ngau kpála li e bhú djila e ngbingbili-e de. U agili nade kpadji bhe gba o ngao makpe. Kaka-a, u ayala nakpata kpadji li Ebhe ngau

kpála li e bhú djila e ngbingbili-o. ⁴ Padhá de, anga li Yesu Kilisito ago lie, aní andjia angu líli gba Moidje-o. Aní amene mo-o ngabula me ndu okpála hana inde abhuka ní-e kolo ngbingbili bhú djila Ebhe.

Ebhe ngakobho ndu okpála hana inde abhuka Yesu

⁵ Moidje aye engú pindji lele maka li Ebhe ngau okpála lie bhú djila e ngbingbili ka nakpata líli-o. Aní me: «Kpála inde akpála ndu líli-e hana-a, adu bhadi bhú mukobho kaka.†» ⁶ Engú bini, u papa pindji lele maka li Ebhe ngau okpála lie bhú djila e ngbingbili ka nabhuka me: «Mo opá li bua mu de me: «A a'ú abhúla da?†» Padhá de, anga li mu pa mo-o, a akúnda napa me, mu ngayi li bua mu me: «A a'ú abhúla da ngú napa pí Yesu Kilisito me aní go bhaka ní kuto ei.» ⁷ Mo opá di li bua mu de me: «A aké asatə da?» Padhá de, anga li mu pa mo-o, a akúnda napa me, mu ngayi li bua mu me: «A aké asatə da ngú nagbegbe Yesu Kilisito bhú ká okpála inde amu-o?†» ⁸ Bhuku gba Ebhe-e apa mangbo me:

«Li Ebhe dengo mu masikpe.

A bhú 'bhə mu, a di li bua mu.†»

Engú ya ngakpokpo e-e, a pindji eli bhomu, a ayo me okpála bhuka eli angó-o. ⁹ Li mu pa ne 'bhə mu kala ndu okpála hana me Yesu ne Ngámá-a, li mu bhuka di ne bua bini me Ebhe azuku aní bhú ká okpála inde amu-o, Ebhe kóbho mu. ¹⁰ Padhá de, anga ní bhuka Yesu Kilisito li bua ní-e, ní kolo ngbingbili bhú djila Ebhe. Ní pa ne 'bhə ní mbámá me Yesu Kilisito ne Ngámá-a, Ebhe kóbho ní. ¹¹ A maka u aye lie bhú Bhuku gba Ebhe-e me: «Ndu okpála hana inde abhuka ani-e, aní dji 'ngbu e li uo 'kpí bini de.†» ¹² Ka 'ngú angó-o, abana omaYuda, abana di okpála bhende ne omaYuda ade-e, u viti bha bini. Koli Ngámá gba uo bha bini. Aní ngaha obabada 'ngú gba e bhelé pí ndu okpála hana inde ngayo ka aní me aní teteke o-o. ¹³ A maka u aye lie bhú Bhuku gba Ebhe-e me: «Ndu okpála hana inde ayó ka Ebhe Ngámá me aní teteke o-o, aní akóbho uo mukobho.†»

¹⁴ A moko. Engú bini, li okpála bhuka aní de-e, u ayó aní lele pí? Li okpála dje engú gba ani-e de-e, u abhúka aní lele pí? Li kpála kpokpo 'ngú gba ani-e de-e, okpála adjé engú gba ani-e lele pí? ¹⁵ Li aní tima okpála de-e, u anú nakpokpo 'ngú gba ani-e lele pí? U aye di bhú Bhuku gba ani-e me: «Tsitsia nga, a ko djali nau okpála

† 9:28 9:28 Tsia bhú Isa. 10:22-23. † 9:29 9:29 Tsia bhú Isa. 1:9. † 9:33 9:33 Tsia bhú Isa. 8:14-15, 28:16.

† 10:5 10:5 Tsia bhú Lev. 18:5. † 10:6 10:6 Tsia bhú Det. 30:13. † 10:7 10:7 Tsia bhú Det. 30:13. † 10:8

10:8 Tsia bhú Det. 30:14. † 10:11 10:11 Tsia bhú Isa. 28:16. † 10:13 10:13 Tsia bhú Djl. 3:5. † 10:15 10:15

Tsia bhú Isa. 52:7.

inde ngakpokpo obabadha ngali-e nago ne kpokpokpo!†»¹⁶ Engú bini, a ko de me ndu okpála hana abhuka Bádha Ngali-e de. Padhá de, anga Isaya ayi nani belegu me: «Ngámá, a abhuka ongali ya akpokpo e pi okpála da?†»¹⁷ Ní mbila me, kpála ngabhuka nedhinga inde ani adje ngali lie-o. Ngali bhomu-o, a ko bhende ngalu pí 'li Yesu Kilisito-o.

¹⁸ I nde lie mo-o, ma ngayi me, a akunda napa me omaYuda dje nga ngali bhomu-o di? A mo-o ade, u adje! Bhuku gba Ebhe-e ngapa me:

«Ngbikpi ne sukpe u ngakpokpo 'li Ebhe ne ndu bili hana píla doto.

'Li uo akolo ne li ndu 'dje doto badha hana.†»

¹⁹ Ma ngayi matá engú bini, okpála na Isalaele kə mboli engú u adje e di? A mo-o ade, u akə mbolimboli akə! Ngaiza kalanu-o, Moidje apa nani me:

«Ebhe apa me:

«Ma améne engú da napa me ngayi okpála gba ma-a yi kolo ne siti bua pi okpála inde ne okpála gba ma ade-o.

Ma améne engú da napa me yi kolo ne ke 'ngú pi

opiga inde li imbilangu

nde bhú 'ndji o ade-o.†»

²⁰ Pipita-a, polofeta Isaya apa belegu me:

«Ebhe apa me:

«Okpála inde i du agili ma de-e, au ma.

Ma asuno lima pi okpála inde

i du ayo ma de-o.†»

²¹ La lí 'ngú gba omafsalaele-e, Ebhe apa me:

«Ekpí libhomu, ma ato 'kpa ma pi omaha ma me u gogo,

engú bini, u amene kpéke 'ndji,

u ayala engú inde ma adu napa e-o.†»

11

Ebhe ne ndjinga pi omafsalaele

¹ Ma ngayi me, i nde lie mo-o, Ebhe abala omaha e abala? A mo-o ade! Padhá de, anga ngama makpe-e, ma ne mafsalaele. Abalahama ne ogbi ma, u azu ma bhú piga gba Bendjame. ² Ebhe bala omaha e inde ani abhu nani o pi e bhutode-e de. Yi mbila engú inde li Bhuku gba Ebhe apa e hana li bili inde li polofeta Eliya adu alopolo lie lie kala Ebhe li 'ngú gba okpála na Isalaele-o. ³ Eliya adu alopolo lie me: «Ngámá, u abhili opolofeta gba mu-o. U atsia agugumu di odabili inde ya tsutsulu

'he pi mu pí e-o. Ma atigala bha koli ma kpi ma kpi. U la bhadi ngagili nabhele ma.†»

⁴ Ebhe atsia agie pi ani pi? Ebhe agie pi ani me: «A mo-o ade, mu kpi mu kpi ade. Ma alila okpála ketə mananika pi ma makpe. U tutu lipuku o kala Bala inde li okpála ngau e maka Ebhe-e de.†»

⁵ Bhú okpi na naki inde-e, a bhadi moko. Dú omafsalaele koko atigala, inde li Ebhe abhu o pi e ka bádha bhú 'bu gba e-o. ⁶ Ani bhú uo ka babadha okulu gba uo de, ani abhu uo ka bádha bhú 'bu gba e-o. Li Ebhe bhú uo ka obabadha okulu gba uo-o, ní de apá me bádha bhú 'bu gba ani-e, a ko bádha bhú 'bu de.

⁷ Bhothomu-o akunda napa me okpála na Isalaele sia ehe inde u adu ngali e de. Okpála bini bini bhú ká uo inde li Ebhe abhu o-o asia ehe inde u adu ngali e bha bini ngao. La pi okpála koko-o, Ebhe ato kpéke 'ndji bhú uo. ⁸ A maka u aye lie bhú Bhuku gba Ebhe-e me:

«Ebhe amene me u akə mboli 'ngú bini de.

Ani ani djila uo me u au kpí de.

Ani atsia abuku di 'dje uo me u adjé 'kpí de nakolo pi naki.†»

⁹ Davidi atu di nani 'kpa e li uo me:

«Oanokomia gba uo du pi uo maka ekú, a adú pi uo maka ndjukudu li kpadji, amba u sia mbini kulu inde u ngamene e-o.

¹⁰ A ayo me Ebhe dadu djila uo me u au 'kpí de.

A ayo me Ebhe ha likabhu pi uo, me 'ngbu uo kodho.†»

¹¹ Ma atsia ayi matá me, li okpála na Isalaele ati lie, u ati bha na paká-a? A mo-o ade! Engú bini, ka u ati lie, okpála inde ne omafsalaele ade atsia asia mukobho. Ebhe amene mo-o ngubula napa me omafsalaele du ne siti bua li okpála inde ne omafsalaele ade-o. ¹² Li omafsalaele amene siti 'ngú lie, Ebhe amene bádha 'ngú pi ndu okpála na doto hana. Li omafsalaele ati lie, Ebhe aha tia pi okpála inde ne omafsalaele ade-o. I du me Ebhe nde amene bádha 'ngú pi ndu okpála na doto hana nedhinga inde li omafsalaele andjo 'li ani lie, ani améne la matá bádha 'ngú pi uo ane mane, nedhinga li ndu omafsalaele hana agie lio lie li papá gba ani-o.

Lele maka li Ebhe akobho okpála inde ne omaYuda ade-e lie-o

¹³ Mbia inde-e, ma ngagama 'ngú inde-e pi yi okpála inde ne omaYuda ade-o. Ma ne bhulu titima inde li Ebhe atima e pi okpála inde ne omaYuda ade-o. Kaka-a,

† **10:16** 10:16 Tsia bhú Isa. 53:1. † **10:18** 10:18 Tsia bhú Ets. 19:5. † **10:19** 10:19 Tsia bhú Det. 32:21. † **10:20** 10:20 Tsia bhú Isa. 65:1. † **10:21** 10:21 Tsia bhú Isa. 65:1-2. † **11:3** 11:3 Tsia bhú 1 Ong. 19:10, 14. † **11:4** 11:4 Tsia bhú 1 Ong. 19:18. † **11:8** 11:8 Tsia bhú Det. 29:3; di ne bhú Isa. 6:10, 29:10. † **11:10** 11:9-10 Tsia bhú Ets. 69:23-24.

ma ngau kulu inde li Ebhe aha e muma ne tata. ¹⁴ Ka ma ngau kulu ango-o lie ne tata-a, ma abhundja me okpála na piga gba ma-a adjé siti bua li ma tété, li Ebhe tsia kóbho di bini bini bhú ká uo. ¹⁵ Li Ebhe abala omaYuda lie, okpála na opiga koko atsia apo bhúla o de ani. Li Ebhe ató guo 'ngú sunda o ne omaYuda lie, adú djali na ngebéngbé. A adú maka kpála inde akoto bhú kuo, ani atsia agie lie bhú mukobho!

¹⁶ I dū me u nde aha ndu mapa na kalanu-o pi Ebhe-e, a akunda napa me mapa bhomu-o libhomu ne naani. Li u ha sie ndula pi Ebhe-e, a akunda napa me oyáyá-a hana di ne naani. ¹⁷ Okpála na Isalaele maka 'lá ndula na olive. Ebhe ava oyáyá bini bini. Ani atsia ato yi, opiga koko inde ne omaYuda ade-e, bhú da oyáyá bhomu-o. Obabadha ohe inde li omaYuda adú asia e-e, ngayi omatobhukayi-e, yi di ngasisia maka li oyá ndula asisia angu lie ka sie e-o.

¹⁸ Kaka-a, a ayo de me yi u okpála inde maka oyá ndula inde u ava e padhá-a de. Yi nga'o liyi ne bhúla ka ni? Sie ndula-a dha bhú yá e de, yá ndula adha mangbo bhú sie ndula ko. ¹⁹ Eu ade. Mú ti da napa me: «Ebhe ava nani oyáyá bhomu-o ngubula napa me, ngama-a, ani to ma mada uo-o.» ²⁰ A ko paká me, Ebhe ava nani uo anga u bhuka nani ani de. Mo osia dabili bhomu-o anga mo obhuka ani. Engú bini, mo o'ó limu kaka abhúla naali de. Dú mangbo ne tsulú Ebhe. ²¹ Padhá de, anga Ebhe va nani omaYuda padhá de, a asi la masi maka mú. OmaYuda la nani ne okukulu oyá ndula na olive ngao. Mú lila limu de-e, Ebhe akódho bhadi mú maka ani ava uo lie-o. ²² Mbila me Ebhe babadha, ani la di ngakodho 'ngú gba okpála ngingbili. Ani ngakodho 'ngú gba okpála bhende nga'o ká kpadji gba ani-o. Ani la babadha li pápá gba mu-o. La-a, a ayo me nu bha li kpadji gba ani-e ne kalanu. I dū mo-o de-e, ani akódho di mú maka ani ava oyá ndula koko lie-o.

²³ La pi omaYuda-a, i dū me u nde a'o kpéke 'ndji gba o-o, Ebhe gie matá uo li bili u adú nako lie-o. Padhá de, anga Ebhe ne angu ngú nagie uo matá bhú da o ne toto. ²⁴ Ngayi okpála inde ne omaYuda ade-e, yi maka oyá ndula na olive inde u lu e malu de. Ebhe atsia ava yi, ani ago a'o yi li kate 'lá olive bhende u alu e malu. U memene la mo-o de. La pi omaYuda-a, uo maka oyá ndula na olive bhe u a lu e malu. Kaka-a, dá napa me Ebhe gie uo bhú dá o-o kpekpeke ade.

Ndjinga gba Ebhe-e pi ndu okpála hana

† 11:27 11:26-27 Tsia bhú Isa. 59:20-21, 27:9. † 11:34 11:34 Tsia bhú Isa. 40:13; di ne bhú Dj. 41:3.

²⁵ Ondaise ma, ma akunda me yi mbila engú inde li Ebhe awo e mawo-o, ngubula me yi aú liyi mugito de me yi ne obhulu imbilangu-o de. Yi mbila me té okpála na Isalaele adú nagbe kpéke 'ndji li 'ngú gba Ebhe-o, nakolo li 'kpí inde li ndu okpála inde ne omaYuda ade-e hana agie lio lie agba Ebhe-o. ²⁶ Abhomu-o li 'kpí ango-o, li omaIsalaele hana tsia kóbho maka li Bhuku gba Ebhe-e apa lie me:

«Kpála inde akóbho okpála ayie bhú Siona

Ani a'é osisiti 'ngú gba odi Yakobho.

²⁷ A bhomu-o gandja inde ya akódho e ne uo-o,
nedhinga ma a'é osisiti 'ngú gba uo lie-o.†»

²⁸ Li ní tsia maka li omaYuda ayala Bádha Ngali-e lie, a ko obhulu yala gba Ebhe. Engú bhomu-o amene lie lie mo-o, ngayi okpála inde ne omaYuda ade-e, yi atsia asia bádha 'ngú gba Ebhe-o. Engú bini, ní tsia maka li Ebhe abhú uo lie me u dū bhú ngu ni-e, Ebhe ndu 'kpí hana ne mukunda pi uo ka gandja nani u akodho e ne onguo ogbi uo mo-o. ²⁹ Padhá de, anga li Ebhe ha 'he pi kpála-a, ani gbúlu matá ka ani de. Ani 'i di kpála-a, ani dji matá mabhundja gba e li pabili gba ani-e de. ³⁰ Nani kalanu-o, ngayi di-e, yi andjo 'li Ebhe. Engú bini mbia inde-e, yi mbila ndjinga gba Ebhe anga omaYuda andjo di 'li ani. ³¹ A bhadi moko. U andjo bhadi 'li Ebhe mbia inde-e ngubula me Ebhe dje ndjinga yi. Ebhe amene mo-o ngubula me ngauo di-e ni dje ndjinga uo mbia inde. ³² Padhá de, anga ka li ndu okpála hana andjo 'li Ebhe lie, u akolo maka obhulu tikpu. Ebhe amene mo-o ngubula me ni dje ndjinga ndu uo hana.

Ebhe ngebéngbé ane ndu 'he hana

³³ A na paká me bádha bhú 'bu gba Ebhe ane ne engbé mane! Imbilangu gba ani-e ane ndu 'ngú hana! Ani mbila ndu 'ngú hana! Engú inde ani ngabhundja e li bua e, kpála bini ti da nakpokpo kúku de. Kpála bini ti da naké mboli okpadji gba ani-e de. ³⁴ A maka u aye lie bhú Bhuku gba ani-e me:

«Kpála bini mbila mabhundja gba Ebhe Ngámá-a de.

Kpála bini ade inde i ti da nakpokpo pi Ebhe

lele engú inde ayo me ani mene e-o.†

³⁵ Kpála bini ade inde akpo naha 'he pi Ebhe

ngubula napa me ani dū adjeke

me Ebhe gie pi ni-o.†»

† 11:35 11:34-35 Tsia bhú

³⁶ Padhá de, anga ani abho ndu 'he hana ngae. Ani ngamene me ndu 'he ni abho e hana da bhú mukobho. Ndundu hana ngagie lie agba ani. A ayo me okpála dhoghe Ebhe duduma ne duduma! A adu moko.

12

Ebhe aha kulu pi okpála kpikpikpi

¹ Ondaise ma, i nde lie me Ebhe nde adje ndjinga ni mo-o, ma ayo ka yi me yi ha liyi ngayi makpe pi Ebhe maka makiso inde na uu. Yi du libhomu pi ani ngu nanga li ani. Pi yi-e, a bhomu-o kukulu lele nadhoghe Ebhe-o. ² Yi adu amene 'he maka okpála na doto inde-e de. Yi 'o mangbo me Ebhe dji yi, amba ani ha pi yi imbilangú na mbia. Yi mene mo-o, yi tsia mbila me Ebhe akunda ni i-e. A akunda napa me yi ambila engú inde na babadha, engú inde anga li ani, engú inde li kpadji.

³ Kabula kulu inde li Ebhe aha e muma ka bádha bhú 'bu gba e-e, ma ngapa pi ndu yi hana me: yi aú liyi ne bhúlá nane mane de. Yi mbila mangbo lele yi makpe, maka yi nde lie-o. Yi tsia lele nabhuka li Ebhe aha e pi yi ngu nambila me da yi ngae dho-ie. ⁴ Koli 'lá kpála bha bini, engú bini oyáyá tété bhelé inde ngamene okulu kpikpikpi. ⁵ A viti bhadi pi ni bini. Abana ni nde lie bhelé-e, ni akolo koli kpála bini bhú nakpètse líní ne Yesu Kilisito-o. Ni tsia akpètse líní maka oyá kpála-kuti akpètse lie lie-o.

⁶ Ebhe aha pi ni oangu ngangá ngu namene kulu nedi. Ani aha pi ni padhá bhú bádha bhú 'bu gba e, li lele maka anga li bua ani lie-o. Kaka-a, li suka ni sia angu nakpokpo eli inde ayie ka Ebhe-e, a ayo me, ani kpokpo nakpata lele nabhuka gba e-o. ⁷ Li Ebhe ha pi kpála koko angu nateteke obi e, a ayo me ani teteke uo. Li Ebhe ha pi koko angu nasuno 'ngú pi okpála koko-o, a ayo me ani suno. ⁸ Li Ebhe ha pi kpála koko angu nato masi bhú obi e-e, a ayo me ani to masi bhú uo. Li Ebhe ha pi kpála koko angu napu 'he pi obi e-e, a ayo me ani pu ne bua e hana. Li Ebhe ha pi kpála koko angu nau pi 'ndji obi e-e, a ayo me ani mene kulu ango-o ne bádha bua. Li Ebhe ha pi kpála koko angu nateteke obhulu ndibhili-e, a ayo me ani mene ne dji.

Lele nakobho gba omabhuka

⁹ Yi du ne mukunda pi ndu okpála hana ne bua bini. Yi adu apa 'ngú na mukunda bha ne 'bhe yi de. Yi yala siti 'ngú, yi dhedhe li bádha 'ngú. ¹⁰ Yi du ne mukunda sunda yi maka a ayo lie me ondaise du ne mukunda sunda o. Yi du ne mazima

sunda yi na paká paká. ¹¹ Yi ha liyi pi kulu ne angu yi hana. Yi adu ne obhulu ipio de. Yi mene kulu liyi pi Ngámá ne bua yi hana. ¹² Yi du bhú djali kabula yi nga'o 'to yi lie 'to ohe li Ebhe apa me ni ahá e pi yi-o. Yi kibila okpekpeke da 'ngú ne 'ndjá bua. Yi ayó Ebhe ne ndala tété de. ¹³ Yi teteke ondaise yi inde bhú ndibhili-o. Yi sia obhende ngago li yi-e ndjindji.

¹⁴ Yi yo Ebhe me ani tuko bisagu pi okpála bhende ngato mbolo li yi-o. Yi ayó de me Ebhe tu pèdje li uo de. ¹⁵ Yi kpi djali bhú dabili bini ne obhende bhú djali-o. Yi ku 'gbá bhú dabili bini ne obhende bhú 'gbá-o. ¹⁶ Yi du nadje liyi sunda yi ne obi yi ndjindji. Yi adu ne 'ngbé 'ndji de, engú bini, yi ziba ndu kulu hana inde u ahá e pi yi-o, abana i du bha kulu li okpála ngau e padhá. Yi aú liyi de me ni ambila ndu 'ngú hana-a de.

¹⁷ Yi agie siti pi siti de. Yi le ne kpéke me yi mene bádha 'ngú kala ndu okpála hana. ¹⁸ I du li naayi-e, yi mene ne kpéke me yi du bhú guo 'ngú ne ndu okpála hana. ¹⁹ Ngayi okpála na mukunda gba ma-a, yi agie siti pi okpála de, yi 'o mangbo me Ebhe gie siti pi uo ngae. Padhá de, anga Ngámá Ebhe apa bhú Bhuku gba e me:

«Ngama-a, ma agie siti 'ngú li okpála amene e li yi-e ngama.

Ngama makpe,

ma améne uo nakpata lele engú u amene e li yi-o.»

²⁰ Engú bini, pi yi-e, yi mene mangbo maka li Bhuku gba Ebhe-e apa lie me:

«I du me a nde li bhulu yala gba mu-o ne gumu-o,

mu de ha ezu pi ani.

I du li ani ne gumu 'ngu-o,

mu de ha engu nandji mandji pi ani.

Padhá de, anga mu mene mo-o, a adu mugito me mu ngabu

ndjekedhe dju na déde pi 'ndji ani.»

²¹ Mo o'ó de me siti 'ngú ha angu ni-e de. Engú bini, ha mangbo angu siti 'ngú ne namene bádha 'ngú.

13

A ayo me ni manga ongámási mamanga

¹ A ayo me ndu yi hana, yi manga ongámási inde pi 'ndji ni-e mamanga. Padhá de, anga ndu okpála hana inde ngau ngámá-a, u au ka Ebhe. Ani a'o okpála inde ngau ngámá-a ngae. ² Kpála inde ngagbe kpéke 'ndji li ongámási-e ngagbe bhomu-o kpéke 'ndji li lili inde li Ebhe a'o e-o. Okpála inde ngamene mo-o agbéle ke 'ngú gba Ebhe-e pi o makpe. ³ Okpála inde ngamene ngbili 'ngú kpekpe ongámási de,

engú bini, a kpekepe mangbo ongámási ne okpála inde ngamene siti 'ngú-o. Kaka-a, li mu kunda me ni adú nakpe ongámási de-e, mene bádha 'ngú ngubula me mu ða nanga bhú djila ongámási manga.

⁴ A mo-o. Padhá de, anga ongámási ngamene kulu inde li Ebhe aha e pi uo-o ngubula me u teteke yi, amba yi ða amene bádha 'ngú. † ða la me mu nde ngamene siti 'ngú-o, mu de kpe ongámási makpe! Padhá de, anga angu li Ebhe aha e pi uo-o, ani ha padhá de. Ani aha pi uo, anga ani a'o uo bhú kulu gba e ngú nasuno ke 'ngú gba e pi okpála inde ngamene siti 'ngú. ⁵ Kaka-a, a ayo me yi manga ongámási mamanga. Yi amánga bha bini uo ka nakpe ke 'ngú gba Ebhe-e de, engú bini, yi manga di uo ka anga yi ambila li bua nakpokpo kú 'ngú gba yi-e ndjindji me, a ko bádha 'ngú.

⁶ A di bhomu-o ta 'ngú yi ngakala mandjandja ka e ko. Padhá de, anga Ebhe a'o ondombi na mandjandja ngubula me u mene kulu bhomu-o. ⁷ Yi ha pi kpála ne kpála ehe inde ati ne ani-o. Yi futa ndu mandjandja hana inde a ayo me yi futa e-o. Yi manga ongámási inde a ayo me yi manga o-o mamanga.

Ndu líli hana agbite lie bhú mukunda

⁸ Yi adú ne bopulu gba kpála bini de. Yi ða bha bini ne koli bopulu bini na mukunda inde yi nde ne e sunda yi-o. Kpála inde ne mukunda pi obi e-e, ani amene bhomu-o ndu líli gba Ebhe-e hana má kpekobho! ⁹ Líli gba Ebhe-e apa me: «Mo okúnda ehe, i ða di-e bhoko gba kpála koko de, mo obhéle kpála de, mo ozi 'he de, mo odú ne gumu 'he gba kpála koko de.» Olíli bhomu-o ne ndu olíli koko hana agbite lie bhú koli líli bini inde me: «A ayo me kunda kilí mu maka mo okunda limu lie ngamu makpe.†» ¹⁰ Kpála inde ne mukunda pi kilí e, ani méne ani sisiti belegu de bini. Kaka-a, mu ða ne mukunda pi kilí mu-o, mo omene bhomu-o ndu líli-e hana.

A ayo me ní ða bedhe ndu nedhinga hana

¹¹ Yi 'o 'ngú bhomu-o li bua yi, anga yi mbila nedhinga ní nde bhú e hana. A inde-e nedhinga ayo lie me yi ða li zuku. Nedhinga inde li Ebhe akóbho ní lie akolo masakpe, a matá tsutsu maka nedhinga nani ní abhuka lie ade. ¹² Ekpi-e abi abhue, ngbikpi ibili masakpe. Kaka-a, ní adú matá namene engú na biti de. Ní dyi li kute ní otia 'gú inde u agúgu 'gú ne e ne ngbikpi-o. ¹³ Ní mene 'he líni ndjindji maka okpála inde ngamene 'he ne ngbikpi. Ní adú

nadho osisiti 'bi de, ní adú nalangba ne pandi de. Ní adú nasi ne olisi, i ða di-e obhosi ngangá de. Ní adú nagbe bhayiki de, ní adú di ne 'ngbé bua li okpála koko de. ¹⁴ Yi dyi mangbo Ngámá Yesu Kilisito li kute yi maka tia 'gú. Yi adú nadhuku maka li kute yi akunda lie de.

14

Yi aú okpála koko bhú djila yi padhá de

¹ Yi sia kpála inde bhúbhuku bhú 'bu nabhuka-o, yi abi bhayiki ne ani pindji engú bhende atsia mabhundja gba ani-e de. ² Ní ha nga kukulu pindji engú na ezú. Okpála koko ngabhuka me o ti da nazu ndu 'he hana. La-a, okoko inde bhúbhuku bhú nabhuka-a ngabhundja me a ndjindji bha bini ne nazu okpála. ³ A ayo de me kpála bhende ngazu ndu 'he hana-a u kilí e inde i zu mbilika de-e padhá-a de. A ayo di de me kpála bhende i zu mbilika de-e u di bhende ngazu ndu 'he hana-a padhá-a de. Padhá de, anga Ebhe aziba di ani. ⁴ Ngamu-o, mu ne da ngú nakodho 'ngú gba kpála na kulu gba kpála koko-o? Ngámá na kulu ne angu nakodho 'ngú gba kpála na kulu gba e ngae, abana ani mene babadha, ne me ani ti li kpadji na kulu gba e-o. Ma au la bhadi me ani alú kpekepe, anga Ngámá Yesu ne angu ngú nali ani me ani atí-i de.

⁵ Okpála koko ngabhundja me oekpi koko ane okoko ne tata. La pi okpála koko, ndu 'kpi hana viti bha bini. A ayo me kpála ne kpála kó mboli engú ani ngabhundja e li bua e ndjindji me a ko kukulu 'ngú. ⁶ Kpála inde ngau ekpi koko ngbéngbé-e, ngadhoge Ngámá gba ní-o. Kpála inde ngazu ndu 'he hana-a, ngadhoge di bhomu-o Ngámá gba ní-o. Padhá de, anga ani ngagie hení pi Ebhe pindji ezú inde ani ngazu e-o. Kpála inde i zu ndu 'he hana de-e ngamene mo-o ngú nadhoge Ngámá gba ní-o. Ani di ngagie hení pi Ebhe pindji ezú inde ani ngazu e-o.

⁷ Yi mbila ndjindji me kpála bini ade bhú ká ní inde ngakobho ka e makpe. Kpála bini la di ade inde ngakpi ka e makpe. ⁸ † ða me ní nde bhú mukobho-o, ní ngakobho ngubula me ní toko Ngámá gba ní-o. I ða me ní mu di-e, ní amu ngú naha sango pi Ngámá gba ní-o. Kaka-a, belegu ní ða bhú mukobho, belegu ní mu di mamu-o, ndu ní hana, ní ne okpála gba Ngámá Yesu. ⁹ Padhá de, anga Yesu Kilisito akpi, ani atsia azuku ngubula nadu ngámá gba okpála inde bhú mukobho bhú dabili bini ne obhene amu-o. ¹⁰ † nde lie mo-o, ngamu-o, mu ngakodho 'ngú gba ndai mu-o ka ní? Ngamu-o, mu ngau ndai mu bhú

† 13:9 13:9 Tsia bhú Ekí. 20:13-17; ne bhú Det. 5:17-21; di ne bhú Lev. 19:18.

djila mu padhá ka ní? Ndu ní hana, ní alú kala Ebhe ngú napa me ani kodho 'ngú gba ní-o. ¹¹ Padhá de, anga Bhuku gba Ebhe-e apa me:

«Ngama Ebhe Ngámá inde uu-o, ma apa pi yi na paká me ndu okpála hana atátú lipáku o kuto kala ma.

Ndu uo hana tsia pá me ma ne Ebhe.†»

¹² Bhobhomu-o akúnda napa me kpála ne kpála bhú ká ní akpóko engú inde ani amene e ngae makpe-e pi Ebhe.

Mo otó kilí mu bhú siti 'ngú de

¹³ I nde lie mo-o, yi 'o nakodho 'ngú gba obi yi-e ma'o. Yi 'o mangbo li bua yi me a ayo de me ní mene engú inde li kilí ní asendele ka e de, ngú napa me ani li bhú siti 'ngú-o de. ¹⁴ Bhú makpøtø gba ya ne Ngámá Yesu Kilisito-o, ma ambila na paká me ezú na ligina ade. Engú bini, li kpála bini bhundja me ezú inde-e sisiti-e, ezú bhomu-o akolo ligina pi ani. ¹⁵ I du me mu nde ngato likabhu li bua ndai mu pindji ezú inde mu ngazú e-e, bhobhomu-o a akúnda napa me mu ne mukúnda pi ani ade. Kaka-a, lila limu me ní ató kpála inde li Kilisito akpi pi e bhú ngita kabula 'ngú na ezú de. ¹⁶ Li ehe du bhú djila mu ndjindji-e, mo oméne de, i du me mu nde au me, li mu mene e li okpála koko pá 'ngú tété sisiti-o.

¹⁷ Padhá de, anga Nau gba Ebhe-e, a ko engú na ezú, i du di-e engú na pandi de. Engú bini, Nau gba Ebhe-e mangbo ne engú inde atsia kulu li Bu Bhobua ngamene e bhú ní-o. Bu Bhobua ngaha pi ní engú inde ngbingbili, ani ngaha pi ní nadu ne guo 'ngú sunda ní, ne nadu bhú djali. ¹⁸ Kpála inde ngamene kulu gba Yesu Kilisito li kpadji bhomu-o nganga li Ebhe ngae. Okpála ngapa di li ani me ani ngamene bádha 'ngú. ¹⁹ I nde lie mo-o, a ayo me ní gili namene engú inde ngato guo 'ngú sunda ní, engú inde ngamene me ní teteke liní li kpadji gba Ebhe-o.

²⁰ Mo obhéle kulu gba Ebhe-e ka engú na ezú de. A na paká me ndu ezú hana ndjindji ngú nazuzú. La-a, a ndjindji ade me ní du nazu 'he inde ngato kpála bhú siti 'ngú-o de. ²¹ Engú inde ndjindji-e ngae inde: a ayo natse nazú mbilika, a ayo natse nandji pandi, a ayo natse ndu 'he hana inde i ti da nato kilí mu bhú siti 'ngú. ²² Lila engú inde li bua mu ngapa e pi mu pindji engú na ezú di ne bhe na pandi-e pi mu makpe. Mo opá pi kpála koko de, engú ango-o du bha sanda mu ne Ebhe. A ko djali pi kpála inde li bua e yoko e li 'ngú bini de bhú ká ongú inde li bua ani

ngatima ani me ani mene e-o. ²³ La-a, Ebhe a'ó 'ngú pi kpála inde ngazú 'he inde li bua nakpokpo kú 'ngú gba e ngayoko e li e-o. Padhá de, anga ani ngamene engú inde i lu pi nabhuka de. Yi mbila hana me, ndu 'ngú hana inde li kpála ngamene e me a nde lu pi nabhuka de-e, a ko siti 'ngú.

15

A ayo me ní mene engú inde nganga li obi ní manga-o

¹ A ayo me ngani okpála inde alu kpekpeke bhú nabhuka-a, ní teteke di okpála bhende kpekpeke ade-o. A ayo de me ní du bha bini namene engú bhende nganga li ní-e de. ² A ayo me ní mene engú inde nganga li obi ní ngubula nateteke uo, amba u nu li kpadji gba Ebhe-e ne kalanu. ³ Padhá de, anga Yesu Kilisito ngae makpe gili nani engú inde adu anga lie de. Engú bini, a akolo li ani maka u aye lie bhú Bhuku gba Ebhe-e me: «Okpála asobho mu, Ebhe, abhomu-o, sobho ango-o atsia aku li kate ma.†»

⁴ Ndu ongú hana inde u aye nani e bhú Bhuku gba Ebhe-e, u aye ngubula nasuno pi ní kakulu 'ngú, ngú napa me ní du na'o 'to ní 'to Ebhe. Padhá de, anga Bhuku ango-o ngato bhú ní masi, a la di ngaha pi ní nadu ne 'ndjá bua. ⁵ A ayo me Ebhe inde ngato masi bhú okpála-a, inde di ngaha 'ndjá bua pi uo-o mene me yi du ne mabhundja bini, nakpata lele mukobho gba Yesu Kilisito. ⁶ Abhomu-o, ndu yi hana bhú dabili bini, ne koli eli bini, yi tsia dhégø Ebhe, 'Dyi Ngámá gba ní Yesu Kilisito-o.

Ndu okpála hana atóko Ebhe

⁷ Kaka-a, yi du nasia liyi sunda yi ne bua yi bini maka li Yesu Kilisito asia di yi lie-o. Yi mene mo-o ngubula me okpála dhégø Ebhe. ⁸ Ma apa pi yi na paká me, Yesu Kilisito akolo nani kpála na kulu gba omaYuda, ngubula me ani suno pi uo me Ebhe papa naae eu de. Ani ago nani ngú nabedhe 'bhø engú inde li Ebhe apa nani me, ni améne e pi ongu ogbi uo-o. ⁹ A ayo nani di me okpála inde ne omaYuda ade-e, toko Ebhe kabula ndjinga gba ani-o. A maka u aye lie bhú Bhuku gba Ebhe-e me: «Kaka-a, ma atóko mu bhú ká okpála inde ne omaYuda ade,

ma alí oetsi pi mu.†»

¹⁰ Bhuku gba Ebhe-e apa matá di me:

«Ngayi okpála inde ne omaYuda ade-e, a ayo me yi kpi djali bhú dabili bini ne okpála gba Ebhe-o.†»

¹¹ A atsia apa matá di li bili koko me:

† 14:11 14:11 Tsia bhú Isa. 45:23. † 15:3 15:3 Tsia bhú Ets. 69:10. † 15:9 15:9 Tsia bhú Ets. 18:50. † 15:10 15:10 Tsia bhú Det. 32:43.

«Ngayi, ndu yi hana okpála inde ne omaYuda ade-e, a ayo me yi toko Ngámá Ebhe.

A ayo me ndu okpála hana toko ani.[†]»
 12 Polofeta Isaya apa di me:

«Kpála bini akóto bhú piga gba Yese, ani agó ngubula nau ngámá pí 'ndjì okpála inde ne omaYuda ade-o.

Okpála angó-o a'ó 'to o 'to ani.[†]»

13 A ayo me Ebhe inde amemene me okpála dá na'o 'to o 'to ni-e bedhe yi ne djali bedhe di ne guo 'ngú, anga yi abhuka ani. Abhomu-o, yi tsia dú na'o 'to yi 'to ani na pakápaká bhú angu gba Bu Bhobua-o .

Polo akpokpo 'ngú pindji kulu gba e

14 Ondaise ma, ma ambila mbámbá me yi abedhe ne bádha 'ngú bhú yi bedhe. Ma mbila di hana me yi ambila ndu 'ngú inde a ayo me yi mbila e hana, di ne me yi ti da nasusuno sunda yi. 15 Belegu inde lie mo-o, ongu bini bini bhú balua inde-e, ma ala pépé kpekpeke ngubula me 'ndjì yi ayie tété de. Ma aye mo-o kabula bádha bhú 'bu inde li Ebhe asuno e muma-o. 16 Ebhe a'o ma kpála na kulu gba Yesu Kilisito bhú ká okpála inde ne omaYuda ade-o. Ma aha lima libhomu pi Ebhe ngubula nakpokpo Bádha Ngali gba ani-e pi uo ngubula me u bhuka ani, amba u dá maka makiso inde nganga li ani manga. Makiso angó-o, Bu Bhobua a'o kpi pi ani.

17 I nde lie mo-o, ma ne gindaginda bhú kulu inde ma ngamene e pi Ebhe-o, anga ya akpætse liya ne Yesu Kilisito bhú dabili bini. 18 Ma ti da napa 'ngú koko bini de. Ma apá bha bini engú inde li Yesu Kilisito amene e li kpadji gba ma-o. Ani amene me ma gbele okpála inde ne omaYuda ade-e kala Ebhe ngubula me u dá namanga ani. Ani amene mo-o bhú oeli inde ma akpokpo e-o, di ne bhú okulu inde ma amene e-o. 19 Ani amene di mo-o bhú ongamba 'ngú ngangá di ne bhú nau maka li Bu Bhobua gba ani-e adu nasuno angu gba e lie-o. Abhomu-o, ma atsia akpokpo Bádha Ngali gba Yesu Kilisito pi okpála ne ndu bili hana, nayie bhú Yelusalema nakolo makolo bhú ndu doto na Ilili. 20 Ma adu nakunda ndu 'kpi hana nakpokpo Bádha Ngali-e li bili inde li okpála dje nga engú gba Yesu Kilisito lie de-o. Ma dá nakunda nakpokpokpo li bili inde u adje engú gba ani-e lie adje-e de, ngubula me ma ayiki eti li bili li kpála koko abhu ka kulu lie abhu-o de. 21 Ma amene maka u aye lie bhú Bhuku gba Ebhe-e me:

«Obhende u kpokpo nga nani engú gba ani-e pi o de-e, u aú ani.

Obhende i dje nga nani engú gba ani-e de-e,

u aké mbolimboli.[†]»

22 A bhomu-o engú inde ani kpadji muma bhutsibhutsi me, ma akólo li yi de-o.

Gumu gba Polo ngú nanu bhú gudhu na Loma

23 Kalanga bhelé ane, ma adu ne gumu nakolo li yi, engú bini, kulu adu nani kpadji muma. La mbia inde-e, kulu gba ma bhú ondu doto angó-o andjia. 24 Sunda 'kpi inde-e, ma adji bhú Esipanye. Li ma dá nanu-o, ma apú bhú Loma ngubula me ní si mbo ne yi ekpi bhisi. Pipita-a, yi tétéke ma me ma kodho 'kpi.

25 La-a pi mbia inde-e, ma adji nga bhú Yelusalema ngubula nateteke okpála gba Ebhe inde oo-o. 26 Padhá de, anga omabhuka na Makedonia di ne Akai au ndjindji me o po bhúla tia ngubula nateteke omabhuka inde bhú ndibhili bhú Yelusalema ne di. 27 U abhundja engú angó-o bhú ngu o, a ayo la bhadi nako me u mene moko. OmaYuda ateteke okpála bhende ne omaYuda ade-e ngubula me u sia bádha bhú 'bu gba Ebhe . Kaka-a, a ayo bhadi me okpála inde ne omaYuda ade-e teteke omaYuda ne oehe inde aneke ka uo-o. 28 Abhomu-o, i dá me ma nde andjia kulu bhomu-o andjia-a, ma kótho 'kpi bhú Esipanye. A akunda napa me pita nandjia nagapa tia u apo bhúla e li uo-o. Kala nakodho 'kpi ka ma-a, ma apú ngaiza agba yi. 29 Ma ambila me ma akólo lie agba yi-e, Yesu Kilisito asúno bádha bhú 'bu gba e pi ní na kuo kuo.

30 Ondaise ma, ma ngayo ka yi ne 'li Ngámá gba ní Yesu Kilisito, di ne 'li mukunda inde li Bu Bhobua ngaha e me, yi kpætse liyi ne ma bhú gbele inde ma ngagu e ne nayo Ebhe muma. 31 Yi yo Ebhe me nedhinga ma akólo lie bhú Yudaya-a, okpála inde i bhuka Yesu Kilisito de-e ató mbolo li ma de. Yi yo di Ebhe me, omabhuka inde bhú Yelusalema sia oehe inde ma adji ne e pi uo-o ne bádha bua. 32 Abhomu-o, i dá me Ebhe nde akunda-a, ma kólo agba yi ne djali li bua ma, ní tsia dú ne yi bhú dabili bini. 33 A ayo me Ebhe inde ahaha guo 'ngú-o dá bhú dabili bini ne ndu yi hana. A adu moko.

16

Polo yi okpála bini bini na Loma mayi

1 Ma ngakpokpo 'ngú pi yi pindji ndai ní na øelø Foebe. Ani ngamene kulu bhú Dadjua gba Ebhe inde bhú Sekele-o. 2 Li ani akólo lie agba yi-e, yi de sia ani ndjindji kabula 'li Ngámá gba ní Yesu Kilisito .

† 15:11 15:11 Tsia bhú Ets. 117:1.

† 15:12 15:12 Tsia bhú Isa. 11:10.

† 15:21 15:21 Tsia bhú Isa. 52:15.

A ayo me okpála gba Ebhe-e ða namene moko. Yi teteke ani ne ndu 'he hana inde ani nde ne gumu e-o, anga ani ateteke okpála bhelé, ani atsia ateteke belegu di ma.

³ Ma yi Pilisila ne 'ko e Akuila mayi. Ngaya ne uo-o, ya amene kulu gba Yesu Kilisito bhú dabili bini. ⁴ U di me mu ngubula nakobho ma. Ma ngagie heni pi uo naali. A ko la bha bini ma kpi ma kpi de, engú bini, ndu oDadjua gba Ebhe hana inde bhú ndu doto gba omaYuda ade-e di ngagie heni pi uo. ⁵ Ma yi di okpála na Dadjua inde apokekobe bhúla o ngubula nayo Ebhe bhú 'ti gba uo-o mayi.

Ma yi ndai ma na mukunda Epainete mayi. A ko kpála na kalanu inde abhuka Yesu Kilisito bhú ndu doto na Adjia-o. ⁶ Ma yi di Malia inde amene kulu pi yi naali-e mayi. ⁷ Ma yi di okpála gba ma, Adolonikasi ne uo ne Djuniasi* mayi. Ngaya ne uo-o, ya adu nako bhú tikpu bhú dabili bini. A ko obhulu titima inde li okpála mbila o ndjindji naali. U abhuka nani Yesu Kilisito mama kalanu.

⁸ Ma yi di ndai ma na mukunda Apil-iatusi mayi. Ya akpese liya ne ani bhú 'bu Ngámá gba ní-o. ⁹ Ma yi di Ulubano mayi. Ya ngamene kulu gba Yesu Kilisito ne ani bhú dabili bini. Ma yi di ndai ma na mukunda Sitakisi mayi. ¹⁰ Ma yi Apelesi mayi. Ani azu likabhu kabula Yesu Kilisito, ani atsia alu kpekpeke. Ma yi di okpála na piga gba Alisitobile mayi. ¹¹ Ma yi di Elodiona mayi. A ko kpála na piga gba ma. Ma yi di okpála gba Ebhe inde bhú piga gba Nalaise mayi. ¹² Ma yi di Tilifene ne Tilifose† mayi. U aha lió ngú namene kulu gba Ngámá gba ní-e ne bua o bini. Ma yi di ndai ní na eole na mukunda inde 'li e me Peleside mayi. Ani aha di lie ngú namene kulu gba Ngámá gba ní-e ne bua bini. ¹³ Ma yi Lufusi, kuku lu bádha kpála na kulu gba Ngámá gba ní-e mayi. Ma yi di 'hi ani, inde ateteke ma maka kuku lu ndili gba e makpe mayi.

¹⁴ Ma yi di Asikilite ne Felegone ne Elemesi ne Patalobasi ne Elemasi di ne ndu ondaise ní hana inde bhú dabili bini ne uo-o mayi. ¹⁵ Ma yi di Filologe ne Djulie ne Nele di ne ndai e na eole-o mayi. Ma yi di Olipasi di ne ndu okpála gba Ebhe-e hana inde ne uo-o mayi.

¹⁶ Yi yi liyi sunda yi bhú dabili bini ne mukunda gba omabhuka-o. Ndu oDadjua gba Yesu Kilisito-o hana yi yi mayi.

Polo aha olili na soso pi omabhuka na Loma

¹⁷ Ondaise ma, ma ngagbele 'dje yi me: yi lila liyi ka okpála inde ngabi bhayiki li ongu inde u asuno e pi yi-e malila. Uo ngagbogbo bhusu okpála, u tsia mbá bhúla uo li osisiti kpadji. Yi gbe liyi de uo magbe. ¹⁸ Padhá de, anga ongua okpála bhomu-o ngamene kulu gba Ngámá gba ní Yesu Kilisito ade. Engú bini, uo mangbo ngamene engú bhende a nga li o makpe. U ngapite okpála inde i mbila kali de-e ne obabadha oeli di ne oeli ngú nabo kpála. ¹⁹ La pi yi-e, ndu omabhuka hana ambila me, yi ngamanga Ngámá gba ní-o. Abhomu-o, ma ngakpi djali naali kabula yi, ma akunda la di me yi mbila engú inde babadha ngubula namemene, di ne me yi améne siti 'ngú de. ²⁰ Ebhe inde ahaha guo 'ngú-o teteke yi me yi dede Satana ne 'dhu yi má gala! A ayo me Yesu Ngámá gba ní-e suno bádha bhú 'bu gba e pi yi!

²¹ Timoté, inde ngamene kulu bhú dabili bini ne ma-a, yi yi mayi. Okpála gba ma, Lukiusi ne Djasone ne Sosipatele, yi di yi mayi.

²² Ngama Teletiusi-e, Polo apa mama ngae me ma ye balaa inde-e pi yi. Ma yi di yi mayi ne 'li Ngámá.

²³ Gayusi, inde ma ngadu gba e-e, yi di yi mayi. Okpála na Dadjua gba Ebhe inde ei-e ngapo bhúla o bhú 'ti gba ani. Elaside, inde alilila tia na gudhu-o bhú dabili bini ne ndai ní Kualatusi, yi di yi mayi. [²⁴ A ayo me bádha bhú 'bu gba Ngámá gba ní Yesu Kilisito ða bhú dabili bini ne ndu yi hana! A adu moko.]

²⁵ A ayo me ní dhoge Ebhe! Ani ti da naha angu pi yi ngubula me yi lu kpekpeke li kpadji gba ní-o, maka Bádha Ngali inde ma ngakpokpo e pi okpála pindji Yesu Kilisito apa lie-o. Ebhe mbamba nga nani ta Bádha Ngali ango-o pi okpála kalanu de. ²⁶ La mbia inde-e, ani ambamba tata pi okpála. Okpála la bhadi ngakpokpokpo maka li opolofeta aye nani lie-o. Ebhe inde ngadu duduma ne duduma akata nani opolofeta me u ye me ndu opiga hana dje Bádha Ngali bhomu, ngubula me okpála bhuka ani, amba u manga di ani. ²⁷ A ayo me ní dhoge Ebhe duduma ne duduma! Kuku lu imbilangu makpe bha ka ani kpi e kpi. A ayo me ní dhoge ani kabula Yesu Kilisito! A adu moko.

* 16:7 16:7 Okpála bhelé ngabhundja me Adolonikasi nani ne 'ko Djuniasi. Okoko ngabhundja naao me a ko nani ondaise. † 16:12 16:12 Tilifene ne Tilifose nani ne olisi.

Balua na bini gba Polo pi omabhuka na gudhu na Kolito Eli na kalanu

Balua na bini inde li Polo aye nani e pi okpála na Kolito-o, ani aye nani pindji ongu atsia mukobho gba omakilisito di ne nabhuka inde ali bhú Piga gba Ebhe nani li Polo a'o e bhú gudhu na Kolito-o. Bhú nedhinga ang-o, Kolito nani ne gudhu na ngbéngbé gba oGiliki inde li okpála ngangá apo bhála o bhú e-o, a ko 'ngbé gudhu na ndu doto na Akayi inde bhú nau na Loma-o. 'Li gudhu na Kolito au nani naali ka oehe na mase inde adu bhúbhú bhele-o, ne ka dasundu gba okpála ang-o, ne engú na zabhe inde adu bhúbhú naali-o, a la di-e ongangá engú na ebhe inde abedhe nani bhúbhú bedhe-o. Engú na ngbéngbé inde li Polo adu agu gbele ne e, a ko engú nagbo bhusu o, engú na zabhe inde adu bhú Dadjua gba Ebhe-o, ne ongu inde u ayi e pindji bhoko ne ele, ne pindji naha lio, pindji bua nakpokpo kú 'ngú, pindji namene 'ngú li kúku bhú Dadjua gba Ebhe, pindji ehe li Bu Bhobua ngaha e padhá, a la di-e pindji nazuku gba okpála-o. La, Polo atsia asuno imbilangu gba e ne nasuno lele maka li Bádha Ngali ngagama 'ngú li ongu ang-o lie-o.

Alo na (13) inde ngasuno mukunda maka ehe na babadha naali inde li Ebhe ngaha e pi omaha e padhá-a, okpála mbila 'ngú pindji alo (13) ndjikpa ne ká bata-a naali ane oalo koko hana bhú bhuku inde. A ko engú inde li okpála ambila e ane mane bhú bhuku inde ngae.

Ongbenge ongu inde bhú bhuku inde e ngae inde:

Eli na kalanu 1:1-9

Nagbogbo bhusu o bhú Dadjua gba Ebhe 1:10 - 4:21

Dasundu na ndjindji gba ele ne bhoko, di ne piga gba e 5:1 - 7:40

Omakilisito a la di-e omapagano 8:1 - 11:1

Mukobho na Dadjua gba Ebhe a la di-e engú na Ebhe 11:2 - 14:40

Nazuku gba Kilisito a la di-e nazuku gba omabhuka 15:1-58

Naha makiso pi omakilisito na Yudaya 16:1-4

Engú nayi mayi a la di-e engú bhe na soso 16:5-24

Polo yi omabhuka na gudhu na Kolito mayi

¹ Ngama Polo, Ebhe a'i ma bhú ngu e me ma kolo bhulu titima gba YesuKilisito. Ya aye balua inde bhú dabili bini ne ndai ní Sosotene. ² Ya aye pi yi okpála na Dadjua gba Ebhe inde bhú gudhu na Kolito, ngayi okpála inde li Ebhe a'o o kpi pi e. Yi akolo okpála gba ani ka nabhuka Yesu Kilisito, bhú dabili bini ne ndu okpála hana inde ngabhu 'li Ngámá gba ní Yesu Kilisito ne ndu bili hana-o. Yesu ne Ngámá gba uo, a ko la di Ngámá gba ní-o. ³ Bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o da ne yi bhú dabili bini.

Obabadha 'ngú inde li Ebhe aha e pi okpála na Kolito bhú bádha bhú 'bu gba e-o

⁴ Ma ngagie heni pi Ebhe ndu nedhinga hana ngubula yi kabula bádha bhú 'bu inde ani aha e pi yi li kpadji gba Yesu Kilisito-o. ⁵ Bhú makpetse gba yi ne Yesu Kilisito-o, Ebhe abedhe yi ne ndu obabadha ongu hana. Kaka-a, yi mbila nadi mabelu li eli gba ani-e ndjindji, a la di bhú 'ndji yi ne imbilangu bhú ndu 'ngú hana. ⁶ Ngali gba Yesu Kilisito inde ya akpokpo e pi yi-e, asia dabili li bua yi ndjindji. ⁷ Kaka-a, yi asia ndu 'he hana inde li Ebhe ngaha e pi okpála bhú bádha bhú 'bu gba e-o, ngayi okpála inde ngadjeke ekpi li Ngámá gba ní Yesu Kilisito asuno matá lie lie pi okpála-o. ⁸ Ani atéteke yi ngae me yi lu kpekpeke akólo li soso, amba kpála bini adu ne engú na sisisi napapa li yi de, li 'kpi li Ngámá gba ní Yesu Kilisito agó lie-o. ⁹ Ebhe gba ní-e djidji 'li e de. Ani a'i yi me yi kpetse liyi ne Ndili gba ní Yesu Kilisito, Ngámá gba ní-o, ani dji 'li e bhomu-o de.

Omakilisito na Kolito agbogbo bhusu o

¹⁰ Ondaise ma, ma ngakikiliki lima pi yi ne 'li Ngámá gba ní Yesu Kilisito me, yi du ndu yi hana ne koli bua bini, yi agbógbho bhusu yi de. Yi gbite 'ngbo yi bini ne nadu ne mabhundja bini di ne nabhuka bini. ¹¹ Ondaise ma, ma pa mo-o padhá de, a ko anga okpála na piga gba Koloe apa muma me yi ngadje liyi ade. ¹² Engú ma apa e bhomu-o, ma apa anga sánda yi-e, yi ngagbogbo bhusu yi. Okpála koko ngapa me o ngakpata Polo. Okoko ngapa me o ngakpata Apolosi.† Okoko ngapa me o ngakpata Piele. Okoko ngapa me o ngakpata Kilisito. ¹³ Engú yi ngamene e mana magito me Kilisito agbo bhusu e magbo. Yi pa nga muma, u agi nani ma Polo li kulusi ngu nakobho yi uu? Yi asia nani batisimo ne 'li ma Polo? A mo-o ade.

† 1:12 1:12 Tsia bhú 1 Kol. 16:12; di ne bhú Kul. 18:24-28.

† 1:14 1:14 Tsia bhú Kul. 18:8, 19:29.

¹⁴ Ma ngagie heni pi Ebhe anga ma batisa kpála bini bhú ka yi de. Ma abatisa bha bini Kilisipusi ne uo ne Gayusi[†] ¹⁵ Kaka-a, kpála bini ti da napa de me u abatisa yi ne 'li ma-a de. ¹⁶ A ko paká! Ma abatisa di nani piga gba Setefanasi.[†] Engú bini, ma ziba de me ma abatisa kpála koko uo de. ¹⁷ Padhá de, anga Kilisito tima nani ma ngú nabatisa okpála de. Engú bini, ani atima ma ngú nakpokpo Bádha Ngali pi uo. Ma ngakpokpo Bádha Ngali ango-o ne mabelu má pua pua maka okpála koko ade. Li ma dú nakpokpokpo ne mabelu maka okpála koko-o, nakpi gba Kilisito li kulusi-e de matá ne tata ade.

Yesu Kilisito pi ní ne angu di ne imbilangu inde ayie ka Ebhe

¹⁸ Padhá de, anga pi okpála bhende li kpadji na ngíta-a, nakpokpo ngali pindji nakpi gba Yesu li kulusi-e, a ko 'ngú na pele. Engú bini, pi ní obhende li Ebhe ngakobho o-o, ní ngau angu gba Ebhe-e bhú ngali ango-o. ¹⁹ A maka u ayie lie bhú Bhuku gba Ebhe-e me:

«Ma améne me imbilangu gba obhulu imbilangu-o kolo padhá.

Ma aú imbilangu gba uo bhú djila ma maka ehe

na padhá.»[†]

²⁰ I dú me Ebhe nde apa mo-o, a akunda napa me, okpála na imbilangu na doto inde-e, imbilangu gba uo bhu 'ngú de. Okpála inde ngasuno olifi gba omaYuda-a, tata li nasuno gba uo ade. La di-e, obhulu nadi mabelu na suku inde-e, mabelu gba uo-o, tata tété ade. Ebhe asuno bhomu-o me imbilangu na doto inde-e padhá. ²¹ Padhá de, anga okpála na doto ne imbilangu gba o na kpála-kuti-e ti da nani nambila imbilangu gba Ebhe-e de. Kaka-a, li kpadji na engú inde li okpála ngau e bhú djila o maka engú na pele-e, Ebhe au ndjindji me ni kobho okpála inde ngabhuka-o. Engú na pele ango-o, a ko Bádha Ngali inde ya ngakpokpo e-o.

²² OmaYuda ngayo ongamba 'ngú kala me u bhuka, oGiliki naao ngagili imbilangu. ²³ La pi ya-a, ya ngakpokpo 'ngú gba Kilisito inde u agi e li kulusi-o. Li omaYuda ngadje engú ango-o lie, a ngangbingi 'ndji uo mangbingi. Li okpála bhende ne omaYuda ade-e ngadjedje lie, a ngamene uo maka engú na pele. ²⁴ Engú bini, pi okpála bhende li Ebhe alo o-o, i dú di-e omaYuda, i dú di-e obhende ne omaYuda ade-e, u ngambila ndjindji me Yesu Kilisito akolo pi o angu di ne imbilangu inde ayie ka Ebhe-e ngae. ²⁵ Okpála koko ngapa me engú li Ebhe

amene e bhú nakpi ka Yesu-o, a ko 'ngú na pele. Engú bini, engú inde u a'i e me a ko 'ngú na pele bhomu-o ane imbilangu gba kpála-kuti mane. I dú me u nde ngabhundja me Ebhe bhuhuku-o, a mo-o ade. Padhá de, anga bhuku gba Ebhe-e ane angu gba okpála-kuti ne kpéke.

Ebhe nga'o tata li ehe inde li okpála ngau e bhú djila o padhá

²⁶ Ondaise ma, ngayi okpála li Ebhe a'i o-o, yi bhundja nga me yi ne oda-ie! Nakpata mabhundja gba okpála na doto-o, okpála na imbilangu, ne obhende na angu, ne obhende azu lio bhú piga na tia bhú ká yi bhelé ade. ²⁷ Engú bini, Ebhe alo engú li okpála na doto nga'i e me a ko engú na pele-e ngubula me imbilangu gba obhulu imbilangu-o kolo ehe na padhá. Ani alo ongú bhende li okpála na doto ngau e me angu bhuhú ade-e ngubula me angu gba bhulu angu-o kolo ehe na padhá. ²⁸ Ani alo ohe inde li tata nde lie e ade, inde li okpála na doto ngamu e, inde u ngau e bhú djila o padhá-o. Ani alo ngubula me ni bhili ohe bhende li okpála ngau e me a tété ne tata-a ne di.

²⁹ Kaka-a, kpála bini ti da nadi kute e kala Ebhe de. ³⁰ La ngayi-e, Ebhe akpetse yi bhú dabili bini ne Yesu Kilisito. Ani amene me Yesu kolo pi ní imbilangu inde ayie ka ni-o. Yesu amene ngae me ní kolo ngbingbili bhú djila Ebhe. Ani amene me ní dú libhomu pi Ebhe. Ani atsia agbegbe di ní bhú bali gba siti. ³¹ Kaka-a, a maka u ayie lie bhú Bhuku gba Ebhe-e me: «I dú me kpála nde akunda nau lie ngbéngbé-e, ani de u lie ngbéngbé bhú engú li Ngámá Ebhe amene e ko.»[†]

2

Imbilangu li Polo adu akpokpo 'ngú pindji Yesu Kilisito ne e-o

¹ Ondaise ma, ngama makpe-e, nedhinga ma anu nani lie agba yi ngubula nakpokpo engú inde li Ebhe ambamba ta e li kpadji gba Kilisito-o, ma di pi yi mabelu bhe nane mane de. Ma gama di 'ngú pi yi ne imbilangu naali de. ² Padhá de, anga nedhinga ma adu lie agba yi-e, ma gili nambila engú koko bhú ka yi de. Ma agili bha bini nambila Yesu Kilisito, ma agili bha nambila makpe-me Yesu Kilisito inde u agi nani e li kulusi-o. ³ Kaka-a, ma adu agba yi bhuku kpála, ma adu ne tsulu, ma atsia adu di naguku naali. ⁴ Bhú nasuno gba ma-a ne bhú nakpokpo Bádha Ngali-e, ma dú nagama 'ngú ne imbilangu gba kpála-kuti de, ma dú di nadi pi yi mabelu de. Engú bini, Bua gba Ebhe-e adu nani

[†] 1:16 1:16 Tsia bhú 1 Kol. 16:15-17.

[†] 1:19 1:19 Tsia bhú Isa. 29:14.

[†] 1:31 1:31 Tsia bhú Djlm. 9:22-23.

nasuno pi yi ne angu me engu ma adu akpokpo e adu kukulu 'ngu. ⁵ Ma adu akpokpo 'ngu pi yi mo-o ngubula me yi a'ó nabhuka gba yi-e bhú imbilangu gba okpála de, engú bini yi 'o mangbo bhú angu gba Ebhe-o.

Imbilangu li Polo ngakpokpo 'ngu ne e ayie ka Ebhe

⁶Nedhinga ya ngasuno lie pi okpála inde abhele li kpadji gba Ebhe-e abhele-e, ya ngasuno kukulu imbilangu, a ko imbilangu na doto inde-e de. A ko la di bhende gba ongámási na doto inde li 'bhø ngámá gba o andjía mandjia de. ⁷ Imbilangu ya ngakpokpo 'ngu ne e inde-e, a ko mangbo imbilangu gba Ebhe. A ko ehe inde awo lie mawo, inde li okpála da nani nambila e de. Kala me Ebhe bho doto-o, Ebhe a'o nani imbilangu ang-o ngubula me ní sia té sango gba ní-o. ⁸ Ongámási na doto inde-e mbíla nani imbilangu ang-o de. I dú me u mbíla nani uu-o, u de bhele nani Ngámá gba ní inde abedhe ne sango bedhe li kulusi de. ⁹ Ehe li Ebhe amene e, a maka u aye lie bhú Bhuku gba ani-e me:

«Engú inde li djila okpála u nga nani e de-e,

li 'dje okpála dje nga nani e de-e, di ne bhende li okpála bhundja belegu engú li e de-e, a la bhomu-o engú inde li Ebhe aleke nani e pi okpála inde ne mukunda pi ani-o.»[†]

¹⁰ Pi ní-e, Ebhe ambamba ta engú ang-o bhú angu gba Bhobua gba e-o. Bhobua ang-o mbíla ndu 'ngu hana. Ani mbíla belega mabhundja gba Ebhe inde awo lie mawo-o. ¹¹ Bhú ká okpála-a, a ko da inde ambíla engú inde bhú kilí e? A ambíla bha bini ne bua inde bhú kpála ang-o. A bhadi moko, engú inde bhú Ebhe-e, ambíla bha bini ne Bhobua gba Ebhe-o. ¹² Pi ní-e, Bua inde bhú ní-e yie ka okpála na doto inde-e de, engú bini, a yie ka Ebhe. Ebhe aha pi ní ngubula me ní mbíla ndu 'he inde ani aha e pi ní bhú bádha bhú 'bu gba e hana. ¹³ Nedhinga ya ngakpokpo 'ngu lie pi okpála-a, ya ngakpokpo ne imbilangu gba okpála ade. Engú bini, ya ngakpokpokpo ne imbilangu inde ayie ka Bhobua gba Ebhe-o. A akunda napa me, ya ngambamba ta ongú pindji Bhobua gba Ebhe-e pi okpála inde li Bua ang-o nde bhú o-o.*

¹⁴ Kpála bhende li Bhobua gba Ebhe-e nde bhú e ade-e ti da naziba obisagu inde li Bhobua ang-o ngaha e pi okpála-a de. Bisagu ang-o pi ani maka engú na pele. Imbilangu ngú nambíla 'ngu ang-o bhú

'ndji ani ade. Padhá de, anga Bua gba Ebhe-e ti da nambamba ta 'ngu ang-o bha pi kpála ngae. ¹⁵ Kpála inde li Bua gba Ebhe-e nde bhú e mbíla ndu 'ngu hana, bhende na babadha, ne bhende na sísiti. Engú bini, ngaani-e, kpála bini ti da nambíla 'ngu inde bhú ani-e má kpulukutu de. ¹⁶ A maka u ye lie bhú Bhuku gba Ebhe-e me:

«Kpála bini mbíla engú inde li Ebhe Ngámá ngabhundja e de.

Kpála bini ti da naha líli pi ani de.»[†]
Engú bini, ngaya okpála li Bua gba Ebhe nde bhú o-o, nambhundja gba ya viti ne bhe gba Kilisito bini.

3

Omabhuka na gudhu na Kolito maka okpála inde ngakpata Yesu na mbia

¹ Ondaise maka, pi ma-a, nedhinga ma adu lie agba yi-e, ma ti nani da nagama 'ngu pi yi maka okpála li Bua gba Ebhe-e nde bhú o-o de. Engú bini, ma agama bha íbili 'ngu pi yi maka okpála na doto inde. Padhá de, anga yi adu maka okpála inde i ngakpata nga Yesu Kilisito na mbia. ² Ongú inde ma asuno e pi yi-e adu maka míliki. A adu ezu na kpekepe de. Belegu pi mbia inde-e, yi ti nga da nazu ezu na kpekepe de. ³ Padhá de, anga yi nga bha ngakobho maka okpála na doto inde, anga yi ngamene 'he liyi sunda yi ne 'ngbé bua. Yi la di ngatsi sunda yi. I du me yi nde ngamene mo-o na paká-a, yi mbíla de me bhobhomu-o ngasuno me yi nga bha ngadhuku maka li kute yi akunda lie di? ⁴ Nedhinga li kpála bini bhú ká yi ngapa lie me ní ngakpata Polo-o, li kpála koko pa me ní naani ngakpata Apolosi-e, asuno me yi ne okpála inde na doto. A mo-o adí?

Ebhe ne Ngámá na kulu gba ní-e ngae

⁵ Apolosi ne da? Polo la di ne da? Ya bha ne obalise gba Ebhe inde ani atima o ngú nakpokpo eli gba e pi yi, ngubula me yi bhuka Ngámá Yesu Kilisito. Kpála ne kpála bhú ká ya bha ngamene kulu inde li Kilisito aha e pi ani-o. ⁶ Ya adu maka okpála nalu nguwa. Ngama-a, ma akpo lita nakpokpo eli gba Ebhe-e bhú ká yi maka kpála inde ngalu nguwa. Apolosi anu ne di ne kalanu maka kpála inde ngabolo 'ngu pí 'zu-o. Engú bini, Ebhe amene ngae me ezu ang-o bhele. ⁷ Bhobhomu-o asuno me, ne kpála inde ngalu nguwa, ne bhende ngatuko 'ngu pépé-e, tetele kpála bhú ká uo ade. Engú bini, kpála na tetele mangbo ne Ebhe, anga ani ngamene ngae me ezu-o bhele. ⁸ Ne kpála inde ngalu nguwa, ne

[†] 2:9 2:9 Tsia bhú Isa. 64:3, 52:15. * 2:13 2:13 Li bíli inde-e, u tí da di napa me: «Ya ngakpokpo engú pindji Bhobua gba Ebhe-e pi okpála ne oeli inde ayie ka Bhobua ang-o.» [†] 2:16 2:16 Tsia bhú Isa. 40:13.

bhende ngatuko 'ngu pépé-e, u viti bini. Ebhe ahá makalá na kulu gba kpála ne kpála-a pi e li lele kulu gba e-o. ⁹ Ndu ya bhisi hana, ya ngamene kulu gba Ebhe-e bhú dabilí bini. Ngayi-e, yi maka edyi gba Ebhe.

Yi la di maka eti li Ebhe ngayiki e-o. ¹⁰ Bhú bádha bhú 'bu gba Ebhe-e, Ebhe aha angu muma, ma atsia aholo namene kulu gba ani. Ma adu maka kpála nayiki eti ne imbilangu, inde ambila di nabanga 'dhu 'ti-e ndjindji, kpála na kulu koko atsia ago ngú nadyudyo kulu ang-o ne kalanu. A ayo me kpála ne kpála inde nga'o biliki pí 'dhu 'ti ang-o, 'o li lelele. ¹¹ 'Dhu 'ti ang-o, a ko Yesu Kilisito inde yi nga'o nabhuka gba yi-e bhú e-o. Kaka-a, kpála bini ti da na'o matá 'dhu 'ti koko de. ¹² Pí 'dhu 'ti ang-o, okpála koko ngayiyiki ne tia kulu inde ngabhue mabhue maka olo, aladja di ne teme na mase naali. Okpála koko ngayiyiki ne tia kulu inde i bhúe de maka ndula, ulu di ne soli.

¹³ La-a, li 'kpí li Ebhe akódho 'ngú gba okpála na doto lie-e, kulu gba musuno bini ne bini akóto bhú mbasu. Okpála aú kulu gba uo-o mbámbá. Padhá de, anga li kpí ang-o, Ebhe alé kulu gba kpála ne kpála bhú djua ngú nambila me ne me a ndjindji, ne me a sisiti. ¹⁴ I du me kulu inde li kpála amene e nde tsi bhú djua de-e, li Ebhe há makalá pi kpála ang-o. ¹⁵ Engú bini, i du me kulu inde li kpála amene e nde atsi bhú djua-a, Ebhe há makalá pi ani de. Ebhe akóbho kpála ang-o makobho, engú bini, kpála ang-o ave kuku, ani de atsi bhú djua atsi.

¹⁶ Yi mbila de me yi maka Eti gba Ebhe, di ne me Bua gba ani-e ngadu bhú yi-e di? ¹⁷ I du me kpála nde abhelo Piga gba Ebhe-e, li Ebhe bhelo di kpála ang-o. Padhá de, anga Ebhe a'o Dadjua ang-o pi e. Piga inde ani ngadu bhú e-e, a ko yi.

Imbilangu gba Ebhe-e kpi ne imbilangu gba okpála-kuti

¹⁸ Kpála bini apite lie de. I du me kpála bini bhú ka yi nde ngabhundja me ni ne imbilangu maka okpála na doto inde-e, ani de yala imbilangu gba e bhomu. Ani kolo mangbo bhú djila okpála na doto maka bhulu pele, amba ani sia imbilangu na kakula. ¹⁹ Ma pa mo-o padhá de, a ko anga oehe li okpála na doto nga'i e me a ko imbilangu-o, a ko ongú na pele bhú djila Ebhe. A maka u aye bhú Bhuku gba Ebhe-e lie me:

«Ebhe ngaholo okpála i ngabhi 'kpa o pi mbulu o me

o ne obhulu imbilangu bhú oeli na kali gba o-o.»[†]

²⁰ U aye di matá bhú bhuku gba Ebhe-e me: «Ebhe mbila mabhundja gba okpála inde ngabhi 'kpa o pi mbulu o me o ne obhulu imbilangu-o hana.

Ani mbila hana me a padhá.»[†]

²¹ Kaka-a, ma apa pi yi me kpála bini bhú ka yi abhi 'kpa e pi mbulu e bhú nakpata musuno de. Padhá de, anga ndu 'he hana ne naayi. ²² Ne ma Polo, ne Apolosi, di ne Piele-e, ya ndu ya hana ne naayi okpála. Belegu doto, ne mukobho di ne kuo ne naayi 'he. Ongú na naki inde di ne ongú agó galikpe bhadi ne ndu naayi 'he. ²³ Engú bini ngayi-e, yi ne okpála ka Yesu Kilisito, Yesu Kilisito ne kpála ka Ebhe.

4

A ayo namanga obhulu titima gba Yesu-o mamanga

¹ A ayo me okpála mbila me, गया, obhulu titima gba YesuKilisito-o, ya ne okpála na kulu gba ani. Ebhe a'o ongú inde nani awo lie mawo-o sakpa ya ngubula me ya suno pi okpála. ² Yi mbila ndjindji me, engú inde u ngayo e ka kpála inde u a'o 'he sakpa e, a ko nadu ngbingbili. ³ La pi ma-a, belegu ngayi-e, yi pa me ma ne siti kpála, ne me ma ne siti kpála ade-e, a méne 'he bini ngú ma de. Abana li okpála nakodho 'ngu-o pa me nganda kulu gba ma-a a ndjindji, ne me a ndjindji ade-e, a méne 'he bini ngú ma de. Abana ngama makpe, ma pa de me nganda kulu gba ma-a ndjindji, ne me a sisiti-e de.

⁴ Padhá de, anga pi ma-a, bua ma pa muma de me ma ngamene siti 'ngú-o de. Engú bini, bhobhomu-o kanda napa de me ma mene siti 'ngú de-e de. Ngámá Ebhe akódho mangbo engú gba ma-a ngae. A akódho ne kpála koko de. ⁵ Kaka-a, yi akódho 'ngú gba okpála koko de. Yi djeke mangbo me nedhinga li Ebhe a'o e ngú nakodho 'ngú gba okpála kolo paká. A ko okpí li Ngámá Yesu agie lie lie-o. Li 'kpí ang-o, ani apandja ondu 'ngú hana inde awo lie naki mawo-o bhú mbasu. Ani agbé engú inde li okpála nde ngabhundja e li bua o-o li zi 'kpí. Ekpí ang-o, li Ebhe tsia dhégo kpála ne kpála li lele kulu gba e-o.

⁶ Ondaise ma, ma apa ongú bhomu-o pi yi pindji ya ne Apolosi ngubula nateteke yi, amba yi mbila ongú inde bhúbhú-o. Ma akunda me yi kpata nganda ya ngubula me yi ko mboli gbitaku inde-e me: «A ayo napise li kozie inde u a'o e-o.» A ayo de me kpála bini bhú ká yi sia 'ngbé 'ndji ne 'ili me ni naani ne kpála ka tsipakala, amba ani u okpála koko bhú djila e padhá-a de. ⁷ Ngamu kpála inde ngabhundja me

ni ane okpála koko mane-e, mu naamu ne da? Ebhe ha ndu 'he inde ka mu-o hana pi mu ngae di? I du la me Ebhe nde aha pi mu ngae, mu ngamene 'ngbé 'ndji tété mugito me mo osia ka angu gba mu-o ka ni?

'Ngbé 'ndji gba omabhuka na Kolito

⁸ A ndjindji, anga yi asia naayi ndu 'he hana inde li Ebhe ngaha e asia. Yi ibili ne obhulu tia li kpadji na nabhuka . Yi ngapa me yi ndu yi hana ne ongámási, la ngaya obhulu titima gba Yesu Kilisito-o, ya naaya ne ongámási ade. I dú me yi du bhú djila Ebhe ne ongámási na paká-a, a de ndjindji ngubula me ni u ne yi bhú dabili bini. ⁹ Ya ne obhulu titima gba Yesu Kilisito. Engú bini, na ngau mugito me Ebhe a'o ya asidi pita ndu okpála koko hana. Ya maka okpála bhende u akodho 'ngú gba o, inde u abhili o kala ndu okpála hana. A akunda napa me doto libhomu ne okpála-kati la di ne oandjelu ngatu 'ue bhú 'ndji ya maka bhú da ngeme.

¹⁰ Ngaya-a, ya ne obhulu pele kabula 'li Yesu Kilisito! La ngayi-e, yi ne obhulu imbilangu kabula ani! Ngaya-a, ya ne okpála li angu nde bhú o ade! Engú bini, ngayi-e, yi ne okpekpeke okpála! Ngaya-a, okpála ngau ya bhú djila o padhá, engú bini, ngayi-e u ngamanga yi mamanga! ¹¹ Nakolo pi mbia inde-e, ya ngadje gumu di ne gumu 'ngu. Ya ngadyi obongo inde akadha. U ngato mbolo li ya. Ya sili kati de. ¹² Ya ngamene kulu ne 'kpa ya kpekpeke. Nedhinga li okpála ngasobho ya lie, ya ngayo Ebhe me ani tuko bisagu pi uo. Nedhinga li okpála ngato mbolo li ya lie, ya ngakikibila, ya gisila de. ¹³ Nedhinga li okpála ngapa 'ngú gba ya lie sisiti-e, ya ngagie pi uo bhuku eli. Ya akolo maka oehé inde u abala e api 'ká. Nakolo pi naki-e, ya akolo maka oehé inde li tata nde lie ade.

Polo asuno bua gba e na 'dyi ongisi-e pi omabhuka na Kolito

¹⁴ Ma ye engú inde-e de me yi sia numu ká engú inde yi ngamene e de. Ma aye mangbo ngubula me ma ha líli, anga yi ne ongisi gba ma na mukunda. ¹⁵ Padhá de, anga abana li omusuno du bha ka yi bhelé-e li kpadji gba Yesu Kilisito-o, koli 'dyi yi bha bini. 'Dyi yi angu-o, a ko ma. A akunda napa me ma akpo lita nakpokpo Bádha Ngali gba Yesu Kilisito pi yi ngama. ¹⁶ Ma nde lie ne 'dyi yi-e, ma ngayo ka yi me yi mene engú inde ma ngamene e-o. ¹⁷ Ngubula nateteke yi-e, ma atima Timoté agba yi oo. Ma atima ani ngubula me

ani nu suno pi yi ne toto lele maka ma ngadhuku lie li kpadji gba Yesu Kilisito-o. Ongú inde ani asuno e pi yi-e, a bhomu-o ongú inde ma susuno e pi okpála gba Ebhe ne ndu bili hana-o. Yi dje Timoté, a ko ndli gba ma na mukunda-o. Ani la di ngadhuku ngbingbili li kpadji gba Ngámá Yesu Kilisito.

¹⁸ Okpála koko bhú ka yi ngabhi 'kpa o pi mbulu o anga u ngabundja me ma agó matá gba yi oo de. ¹⁹ Engú bini, i du me Ngámá gba ní-e nde aziba-a, ma agó oo ne 'kpi bhisi inde. Li ma kolo oo, ma u obhulu 'ngbé 'ndji bhomu. Ma tsia mbila ne me u bha ngape 'li o padhá, ne me abhú uo ne angu namene engú. ²⁰ Padhá de, anga Nau gba Ebhe-e ne eli ade, a mangbo bhú angu gba Bu Bhobua . ²¹ Nedhinga ma agó lie agba yi-e, yi akunda me ma go ne mangua 'ngú dho? Yi akunda me ma ago sakpa ma ne fimbo? Ne me ma go ne bhuku bua ngú nasuno pi yi me ma kunda yi naali?

5

Polo apa pi omakilisito me u gbe kpála inde amene siti 'ngú bhú ka o magbe

¹ Ma ngadje ngali gba yi-e ndu 'kpi hana. Okpála ngapa me bhú ká yi-e, okpála koko ngadhuku ne olisi, i du di-e ne obhosi ngangá. A ko engú inde belegu okpála i bhuka Ebhe de-e ti da namene e de. A mana mugito me suka yi bini ngadhuku ne wala 'dyi e. ² Ngayi-e, engú angu-o ngaha pi yi 'ngbé 'ndji. A ayo la igini me yi de aku 'gbá ngubula siti 'ngú angu-o. A ayo la di igini me yi gbe ngua makilisito bhomu-o bhú ká yi magbe.

³ Ngama-a, belegu ma nde lie bhú ka yi ade-e, bua ma ne yi bhú dabili bini. Ma akodho engú gba kpála inde amene engú bhomu-o akodho mugito me ma ne yi bhú dabili bini. ⁴ Ma akodho 'ngú bhomu-o ne 'li Ngámá gba ní Yesu. Ma ngapa pi yi me, yi po bhúla yi-e, li bua ma dú ne yi bhú dabili bini. Li angu gba Ngámá gba ní Yesu tsia súno di lie. ⁵ Nedhinga yi apó bhúla yi lie, yi pu kpála bhomu-o pi Satana* ngubula me siti 'ngú inde bhú ani-e koto hana má kpekèbhè, amba Ebhe kobho bua ani li 'kpi li Ngámá gba ní Yesu agó lie ngú nakodho 'ngú gba okpála-o.

⁶ A ndjindji ade me yi bhi 'kpa yi pi mbulu yi li siti 'ngú bhomu-o de. Yi mbila de me mboye ka levile bedi-e ngamene ngae me faline libhomu fuka di-i? ⁷ Yi 'e siti 'ngú bhomu-o bhú ka yi ma'e. I du me yi nde amene mo-o, yi kolo bubu maka faline inde u 'o levile bhú e de-o. Ma ambila ndjindji me Ebhe amene me yi

† 5:1 5:1 Tsia bhú Lev. 18:8; di ne bhú Det. 23:1. nagbe kpála bhú Piga gba Ebhe.

* 5:5 5:5 Napu kpála pi Satana: Ti da napa li bili inde-e me

kolo bubu li kpadji nakpi ka Yesu Kilisito . Yesu maka ndili kandele inde u abhøle e ngubula me okpála zu bhú anokomia na Pasika .⁸ Kaka-a, ní kpi djali kabula li Ebhe agbegbe ní lie bhú bali-o. Ní 'e osisiti 'ngú gba ní-e maka li omaYuda a'e nani dili levile gba o lie ngubula nazu anokomia nazu mapa inde li levile nde bhú e ade-o . Ní mene mo-o, ní dá bubu, di ngbingbili kala Ebhe.

⁹ Bhú balua ma atima nako e pi yi kalanu-o, ma apa pi yi bhúbhú me yi adú bhú dabili bini ne okpála inde ngadhuku ne olisi, i du di-e ne obhosi ngangá-a de.¹⁰ Ma pa engú bhomu-o pi yi pindji ndu okpála na doto inde-e hana de. Ma pa engú bhomu-o pindji okpála inde ngadhuku ne olisi, i du di-e obhosi ngangá-a de, ne pi obhende li gumu 'he gba okpála abedhe bhú o bedhe-e de. Ma pa la di engú bhomu-o pindji okpála inde ngazi 'he-e de, i du di-e obhende ngadhøgø ebhe na eu-o de. Li kpála kunda nadu bhú dabili bini ne okpála bhomu-o de-e, kpála ango-o de yie pála doto mayie.

¹¹ Ma akunda mangbo nayoko yi me, yi akpétse liyi ne kpála inde ngapa me ní ne makilisito me ani nde ngadhuku ne olisi, i du di-e ne obhosi ngangá-a de. Yi akpétse liyi ne omakilisito bhende li gumu 'he gba okpála abedhe bhú o bedhe-e de. Yi akpétse liyi ne omakilisito bhende ngayo ebhe na eu-o de, i du di-e makilisito inde ngasobho okpála koko, ne obhende ngalangba ne pandi, i du di-e bhulu 'zi-e de. Yi akpétse liyi ne uo de. Yi azú 'he ne ngua kpála bhomu-o belegu de bini.¹²⁻¹³ Padhá de, anga a ko 'ngú ka ma de me ma kodho 'ngú gba okpála inde ne omakilisito ade-o. Ebhe akódho 'ngú gba uo-o ngae. Engú bini ngayi-e, yi tí da nakodho 'ngú gba omakilisito yi nde ne o-o. Maka u aye lie bhú Bhuku gba Ebhe-e me: «Yi gbe kpála inde ngamene siti 'ngú bhú ká yi-e magbe.»

6

Lele naleke 'ngú sunda omakilisito

¹ I du me saka yi nde ne 'ngú sunda o ne ndai e-e, lele pi ani tí da nanu lie ne di kala ongámási na doto? A ayo mangbo igini me ani nu ne ani kala okpála gba Ebhe.² Yi mbila de me okpála gba Ebhe-e akódho 'ngú gba okpála na doto li sokpi-e ngao di? I du la me yi nde akódho 'ngú gba okpála na doto-o, lele pi yi tí da nakodho odjedje ongu inde-e lie de-e? ³ Yi mbila de me ní akódho belegu engú gba oandjelu-o nganí-e di? Ka ní la ní tí da nakodho odjedje 'ngú na naki inde-e lie de? ⁴ Li odjedje

'ngú du sunda yi-e, ka ni yi nganu lie ne di kala okpála inde bhú Piga gba Ebhe-e ade-e? ⁵ Ma ngapa 'ngú bhomu-o ngubula me yi sia numu. Kpála na imbilangu bini bhú ka yi adi ngubula me ani leke 'ngú sunda omakilisito-o? ⁶ A bha ndju ndjindi me li makilisito du ne engú sunda e ne makilisito-o, u de nu ne di kala okpála inde i bhuka Yesu di?

⁷ A na paká me nadu ne engú sunda yi-e, a bhomu-o numu na ngbéngbé. I du me u nde mene ngbili 'ngú li pabli gba yi-e de-e, u nde ngazi 'he gba yi-e, ka ni yi tí da nakikibila lie ne 'ndjá bua de-e? ⁸ Engú bini, okpála inde i mene ngbili 'ngú pi okpála koko de-e ne yi! Yi la di ngazi 'he gba ondaise yi omakilisito!

⁹ Yi mbila na paká me okpála inde ngamene osisiti 'ngú-o lí bhú Nau gba Ebhe-e de. Yi apíte liyi de, okpála inde ngakunda olisi, i du di-e ne obhosi ngangá-a, ne obhende ngadhøgø oebhe na eu, ne obhende ngakunda olisi, i du di-e obhosi gba okpála koko, i du di-e obhende ngakunda lio sunda o maka øle ne bhoko, u li bhú Nau gba Ebhe-e de. ¹⁰ Yi apíte liyi de, obhulu 'zi, ne obhende li gumu 'he gba okpála abedhe bhú o bedhe, ne obhende ngalangba ne pandi, ne obhende ngadi okpála koko, ne obhende ngagbulu 'he gba okpála ne kpéke djila-a, lí bhú Nau gba Ebhe-e de. ¹¹ A na paká me bhú ká yi-e, okpála koko adu nani namene osisiti 'ngú bhomu. Engú bini, mbia inde-e, Ebhe avulu yi bhú siti 'ngú gba yi-e avulu. Ani a'o yi kpi pi e, ani atsia amene me yi kolo ngbingbili kala ni. Ani amene ndu 'ngú bhomu-o hana li kpadji gba Ngámá gba ní Yesu Kilisito di ne bhe gba Bu Bhobua gba e-o.

Kute ní ne eti gba Bu Bhobua

¹² Mu tí da napa me: «Ma nde lie ne makilisito-o, ma tí da namene ndu 'ngú hana.» A na paká moko, mu tí da namemene. Engú bini, ongu koko bhú ká ongu inde mu ngamene e bhomu-o tí da nateteke mu de. Ma aziba me, ma tí da namene ndu 'ngú hana. Engú bini ngama-a, ma kunda nadu bali na 'ngú bini de.¹³ Mu tí da napa matá me: «Ebhe aha ezu ngubula nabadhe ebu ne di. Ani atsia amene di ebu ngubula ezu.» A na paká moko. Engú bini, li sokpi-e, Ebhe abhøle ebu, ani tsia bhøle di ezu. Ndandu bhisi hana tsia ndjulu. Padhá de, anga Ebhe bho kute ní ngubula nadhuku ne olisi, i du di-e ne obhosi ngangá de. Ani amene mangbo kute ní ngubula nakpata Ngámá Yesu ne di. Padhá de, anga a ko Ngámá na kute ní ngae. ¹⁴ Ebhe azuku Ngámá gba ní Yesu

Kilisito bhú kuo. Aní azúku bhadi kúte ní bhú angu gba e-o.

¹⁵ Yí mbíla de me, kúte yí ne saka yá Kilisito dí? Lele pí ma ahá kúte ma inde saka yá Kilisito lie ngú nakpèkpètse ne kúte èlè na zabhe-e? Bhobhomu-o méne lie belegu de bini! ¹⁶ Yí mbíla de me, i dū me kpála nde akpètse lie ne èlè na zabhe-e, ndū uo bhisi hana akolo kólí kúte bini-e dí? Padhá de, anga u aye bhú Bhuku gba Ebhe-e me: «Ndū uo bhisi hana akólo kólí kpála bini.*» ¹⁷ La-a, kpála bhende akpètse lie ne Ngámá-a, akolo ne aní ne kólí bua bini. ¹⁸ Ka 'ngú ang-o, yí 'o nadhuku ne olisi, i dū di-e ne obhosi ngangá ma'o. Ondū 'ngú na sisiti lí kpála amemene e hana-a, aní memene ne kúte e de. Engú bini, kpála inde ngakpètse lie ne èlè na zabhe-e ngamene sití 'ngú ne kúte e makpe. ¹⁹ Yí mbíla de me kúte yí ne etí gba Bu Bhobua-a dí? Yí mbíla la dí de me Bu Bhobua ang-o ngadū bhú yí, Ebhe aha la dí pí yí ngae dí? Kúte yí ne ehe ka yí ade. A ko na Ebhe. ²⁰ Ebhe akala yí bhú kpéke mase. Kaka-a, kúte yí dhègè Ebhe bhú ndū 'ngú hana inde yí ngamene e ne di-o.

7

Polo agie 'ngú pí omabhuka na gūdhu na Kolito pindji 'ngú na kuva

¹ Mbia inde-e, ma ngagie 'ngú pí yí lí ongú maka yí ayi ma lie bhú balua gba yí-o. Ngayi-e, yí ngapa me: «A ndjindji pí bhoko me aní abú 'kpa e lí èlè de.» ² Abana mo-o, ma ngabhundja me, kabula nadū nadhuku ne olisi, i dū di-e obhosi ngangá de-e maka okoko bhú ká yí ngamemene lie, a ndjindji me bhoko ha èlè gba e, amba èlè ha dí bhoko gba e. ³ A ayo me bhoko mene pí èlè gba e ehe inde lí bhoko amemene e pí èlè maka a ayo lie-o. A ayo la dí me èlè mene pí 'ko e engú inde lí èlè amemene e pí bhoko gba e ko.

⁴ Èlè tí da namene ne kúte e maka aní akúnda lie de. Kúte aní ne ehe ka 'ko aní. La di-e, bhoko tí da namene ne kúte e maka aní akúnda lie de. Kúte aní ne ehe ka wala aní. ⁵ Kpála bini agbíte kúte e pí kilí e de. Yí mene bha bini mo-o me yí nde adje liyi bhú dabilí bini, ngú na'o mbo nedhinga ngubula nayo Ebhe. Pipita-a, amba yí gie liyi bhú dabilí bini, anga yí mene mo-o de-e, yí tí bhú gamu kúte, yí tsia tí bhú ekú gba Satana. ⁶ Engú nagbite kúte o ngubula nedhinga bedi ma ngapa e pí yí inde-e, a ko lílí de, a ko mangbo ngú napa pí yí me, i dū me yí nde amene mo-o, a adú sisiti de.

⁷ Ma akúnda naali me ndū okpála hana dū olingbangi maka ma. La-a, a tí da namene lie mo-o de, anga Ebhe aha makalá pí ní kpi kpi kpi. Aní aha pí okoko naha lío. Aní atsia aha pí okoko nadū olingbangi.

⁸ Engú ma ngapa e pí olingbangi ne ookesi-e ngae inde: a ndjindji pí yí nadū kpi yí kpi maka ma. ⁹ Engú bini, yí u me yí tí da nadū kpi yí kpi de-e, yí de ha liyi. A ndjindji me yí ha liyi nane me gamu kúte ha angu yí.

A ayo me omabhuka inde bhú kuva-a agbó bhusu o de

¹⁰ Pí okpála bhende bhú kuva-a, ma ngapa bhobhomu-o ngama Polo ade, a ko Ngámá Yesu Kilisito. Aní apa me, a ayo de me èlè yie bhú kuva-a de. ¹¹ I dū me èlè nde ayie bhú kuva-a, aní ahá matá bhoko koko de. I dū me aní nde au me ní tí da nadū kpi ní kpi de-e, aní de gie lie bhú kuva gba e-o. Pí bhoko-o, a ayo de me aní gie wala e de.

¹² Pí okpála koko-o, ma ngapa 'ngú inde-e ngama, a ko Ngámá Yesu de. Ma ngapa me: i dū me a nde ka makilísito na bhobhoko ne èlè inde mupagano-o, i dū me èlè ang-o nde akúnda nadū ne 'ko e-e, 'ko aní de dū ne aní. ¹³ A bhadi moko pí èlè inde makilísito. I dū me 'ko aní nde ne makilísito ade-e, lí bhoko ang-o kúnda nadū ne wala e-e, u de dū ne aní. Èlè-o atse aní de. ¹⁴ Padhá de, anga bhoko inde ne makilísito ade bhomu-o tí da nabhuka ka wala e inde ne makilísito-o. A bhadi moko pí èlè inde ne makilísito ade-o. I dū me 'ko aní nde ne makilísito-o, aní tí da nabhuka ka 'ko e inde makilísito-o. Padhá de, anga i dū mo-o de-e, lí ongisi gba u-o dú maka ongisi gba okpála inde i bhuka de. Engú bini, u tí da nabhuka ka 'dyi o, i dū di-e ka 'hi o inde abhuka-o.

¹⁵ La-a, kpála bhende ne makilísito ade-e kúnda nagbo bhusu o ne makilísito-o, u de gbo bhusu o. A moko, kpála inde ne makilísito, i dū bhoko, i dū di-e èlè-o sa lílí bini ngú nadū bha bhú kuva bhomu ade. La-a, yí mbíla me Ebhe a'í ní me ní dū bhú kuva bhú guo 'ngú. ¹⁶ Mu tí da nambíla lele pí, ngamu èlè inde ne makilísito me ní tí da nakobho 'ko ní de-e? I dū di-e ngamu bhoko inde makilísito-o, mu tí da nambíla lele pí me ní tí da nakobho wala ní de-e?

A ayo me kpála ne kpála dū kala Ebhe lele maka aní adū nani lie-o

¹⁷ Engú na ngbéngbé inde bhú 'ngú bhomu-o, a ko me kpála ne kpála dū maka lí Ngámá Ebhe aha pí aní lie-o. A ayo la dí me aní dū maka aní adū nani lie nedhinga

* 6:16 6:16 Nakolo kólí kpála bini inde si-e, a kpi ne nakolo kólí kúte bini. Tsia bhú Dje. 2:24.

li Ebhe a'i ani lie-o. A bhomu-o líli inde ma aha e bhú ndu oDadjua gba Ebhe-e hana-o. ¹⁸ I du me Ebhe nde a'i kpála me ani nde ali gandja ali-e, a ayo de me ani wo gandja inde ani ali e bhomu-o de. I du la me Ebhe nde a'i kpála me ani nde li nga ngandja de-e, a ayo de me ani li gandja-a de. ¹⁹ Padhá de, anga li kpála li gandja-a, ani li di gandja de-e ne 'ngbé 'ngú ade. Engú na ngbéngbé-e, a ko namene líli gba Ebhe.

²⁰ A ayo me kpála ne kpála du lele maka ani adu nani lie li nedhinga li Ebhe a'i ani lie-o. ²¹ Mu du nani ne bali nedhinga li Ebhe a'i mu lie? Mo odjé tsulu de. Engú bini, i du me a nde pi mu nedhinga me mu koto bhú bali-e, mu de koto. ²² Kpála bhende adu nani bali li nedhinga li Ngámá a'i ani lie akoto mbia inde bhú bali-e akoto, anga ani akpøtø lie ne Ngámá. La-a, kpála bhende ne bali bhú 'ngú na doto ade-e, inde li Ebhe a'i e-e, ani akolo mbia inde-e bali gba Kilisito. ²³ Ebhe akala yi ne mase naali. Kaka-a, a ayo de me yi kolo obalise gba okpála na doto de. ²⁴ Ondaise ma, a ayo me kpála ne kpála du kala Ebhe lele maka ani adu nani lie li nedhinga li Ebhe a'i ani lie-o.

Engú pindji olíngbangi

²⁵ Pi okpála bhende i ha nga olisi de-e, ma ngaha pi yi-e mabhundja gba ma maka kpála inde u ti da naziba e ka bádha bhú 'bu gba Ebhe-o. Naziba kata ma ngae de. ²⁶ Ka likabhu inde na nedhinga inde-e, ma abhundja me a ndjindji pi kpála me ani du bha maka ani nde lie-o. ²⁷ Mu ngakunda naha ølø? Mo oyála ani de. Mu kunda naha ølø di? Du lingbangi. Mo ohá ølø de. ²⁸ Engú bini, i du me mu nde aha ølø-o, mu mene bhomu-o siti 'ngú de. I du la di me tsa ølø nde aha bhoko-o, ani mene siti 'ngú de. La-a, yi mbila ndjindji me okpála bhende ngaha olisi ngazu likabhu píla doto naali. Ma akunda la de me yi zu likabhu bhomu-o de.

²⁹ Ondaise ma, ma akunda napa pi yi me, nedhinga inde atigala pi ní-e bedi. Nayie pi mbia inde ngú nanu ne kalanu-o, a ayo me okpála bhende ka o ne olisi du mugito me olisi ka uo ade. ³⁰ Okpála bhende ngaku 'gbá-a mene mugito me uo bhú likabhu ade. Obhende ngamu 'zo-o mene mugito me uo bhú djali ade. Obhende ngakala 'he mene mugito me ehe ka uo ade. ³¹ Obhende ngasia tia na doto inde-e mene mugito me tia ka o ade. Padhá de, anga doto maka i ngau lie lie mbia inde-e, bhúe matá nedhinga bhelé de.

³² Ma akunda me yi adú ne likabhu de. Bhoko bhende i ha ølø de-e gbite lie li engú gba Ebhe, ani ngagili nanga li

Ebhe. ³³ Engú bini, bhoko bhende aha ølø-o, agbite lie li ongú na doto, ani ngagili namene engú inde anga li wala e. ³⁴ Ani agbo la di bhusu e li di kulu bhisi. A bhadi moko pi ølø inde aha bhoko, ani ngagbite lie li 'ngú na doto. Ani ngagili namene engú inde nganga li 'ko e. Engú bini, pi ølø, i du di-e tsa ølø bhende i ha nga bhoko de-e, ani ngagbite lie li engú gba Ngámá. Padhá de, anga ani akunda naha lie pi ani bhú ndu 'ngú hana inde ani ngamene e, ne bhende ani ngabhundja e-o.

³⁵ Ma ngapa 'ngú bhomu-o ngubula bádha 'ngú gba yi, ma pa ngubula na'o tili kili li 'ngbu yi de. Engú bini, a ko ngubula me yi mene engú inde ndjindji, amba yi kpata la di Ngámá Yesu ne bua yi hana.

³⁶ La mbia inde-e, i du me makombi bini nde akpe namene siti 'ngú li pabíli gba tsa ølø inde ani abedhe ne gumu naha e, ani bhundja me a ayo me engú ang-o kpata kpadji na ndjindji-e, ani de mene maka ani au lie. Ani mene siti 'ngú de. U de ha lío maka li bhoko-o akunda lie-o. ³⁷ Engú bini, i du me makombi-e nde apa me ni ha tsa ølø bhomu-o de-e, i du me engú ang-o nde ayie li bua ani makpe me u nde kata ani tété gandji de-e, ani amene bhadi bádha 'ngú. ³⁸ Bhoko bhende aha tsa ølø inde nako ani adu nakunda naha e amene bádha 'ngú. Engú bini, bhoko bhende apa naae me ni ha ani de-e, amene bádha 'ngú naali.

Engú pindji øokøsi

³⁹ Ølø inde li 'ko e nde bhú ka-a ti da nadu ne bhoko koko de. Engú bini, i du me bhoko ang-o nde akpi-e, bhobhomu-o aha kpadji pi ani ngú naha bhoko koko maka ani akunda lie. La-a, a ayo me bhoko ang-o du ne makilisito. ⁴⁰ Engú bini, ngama-a, ma abhundja me i du me ani nde adu kpi e kpi-e, ani dú bhú djali nane me ani ha matá bhoko koko. Ma pa mo-o, ma abhundja me Bhobua gba Ebhe-e di bhú ma.

8

Kpadji na imbilangu di ne kpadji na mukunda

¹ Mbía inde-e, ní tsia nga 'ngú pindji so 'nu inde u aha e pi øebhe na eu. A na paká me imbilangu bhú ndu ní hana, maka yi ngapapa lie-o. 'E-e! Imbilangu ang-o ti da naha pi kpála 'ngbé 'ndji. Engú bini, mukunda naae ngadyudyo ní bhú nabhuka ne kalanu. ² Kpála bhende ngabhundja me ni ambila 'ngú-o mbíla nga maka a ayo lie me ani mbíla-a de. ³ Engú bini, kpála kunda Ebhe na paká paká-a, Ebhe ambíla kpála ang-o.

Yi ató ondaise yi bhú ngíta de

⁴ Pindji 'ngú inde atsia so 'nú inde u aha e pi oebhe na eu-o, ní ti da nazuzu, ne me ní ti da nazuzu de? Ní mbila ndjindji me oebhe na eu ne oebhe na kukulu ade. Ní ambila di me, Ebhe bha koli e bini kpi e kpi. ⁵ A na paká me a abhúla di ne píla doto ne oebhe inde li okpála ngadhögö o maka oebhe gba o. Ongua oebhe na eu bhomu-o bhelé, u di ngako pí okpála. ⁶ La pi ní-e, ní mbila ndjindji me koli Ebhe bha bini. A ko 'Dyi ní inde abho ndu 'he hana píla doto. Ani atsia abho di ní me ní du pi ní. Ní la bhadi ne koli Ngámá bini, a ko Yesu Kilisito. Ndu 'he hana ngayie ka ani, ní di ngasia mukobho ka ani.

⁷ Engú bini, i du me ní nde ambila me mukobho bhú oebhe na eu ade-e, a ne okpála inde imbila nga kukulu 'ngú angoo má kpulukutu de. Okpála koko bhú ka yi adu nadhögö oebhe na eu. La mbia inde-e, uo bha ngazu so 'nú angoo ne nabhundja me oebhe na eu bhomu-o ne angu pépé. Okpála angoo nga bha bhuhuku li kpadji gba Ebhe. Abhomu-o, u ngabhundja me so 'nú angoo ngato o bhú siti 'ngú kala ani. ⁸ Ní mbila ndjindji me ezú bini ti da nadyudyo ní de Ebhe masikpe de. Belegu ní zu, belegu ní zu de-e, a méne 'ngú bini li ní de.

⁹ 'E-e! Yi lila liyi me, kpadji inde u aha e pi yi ngú nazu ndu 'he hana-a, a tó okpála bhende bhuhuku bhú nabhuka bhú siti 'ngú de. ¹⁰ Padhá de, anga i du me kpála inde bhuhuku bhú nabhuka nde au mu, ngamu kpála inde ambila kukulu 'ngú ambila-a, mu nde ngazu so 'nú inde u abhelo e pi oebhe na eu bhú eti u adhögögö uo bhú e, mo ombhundja naamu me ani ti da di nazuzu di? ¹¹ Kaka-a, kpála inde bhuhuku angoo, ndai mu inde li Kilisito akpi pi e tsia ngita ka mu, kabula engú nasisiti inde mo omene e, ngamu kpála ambila kukulu 'ngú má kpulukutu-o ambila-o! ¹² Namene ngua siti 'ngú bhomu-o li pabili gba ondaise yi-e, di ne na'o eka li bua uo inde nakpokpo kú 'ngú inde bhuhuku bhomu-o, a ko namene siti 'ngú li Kilisito ngae makpe. ¹³ Kaka-a, i du me ezú bini nde ngato ndai ma bhú siti 'ngú-o, ma zú matá ezú angoo de, amba ndai ma atí bhú siti 'ngú ka ma de.

9

Lele li Polo adu nakpokpo Bádha Ngali gba Yesu Kilisito lie-o

¹ Ngama-a, ma ti da nasia ndu 'he hana maka saka obhulu titima gba Ngámá gba ní Yesu Kilisito di? Ngama-a, ma u ani ne

djila ma makpe di? Ngayi-e, yi bhuka ani ka kulu gba ani inde ma amene e bhú ka yi-e di? ² Belegu li okpála koko ziba de me ma ne saka obhulu titima gba Yesu-o di-e, la pi yi-e, ma ne bhulu titima gba ani. Padhá de, anga nau me yi akpöse liyi ne Ngámá-a asuno na paká me, ma ne bhulu titima gba ani, anga ma akpokpo Bádha Ngali-e pi yi ngama.

³ Eli inde ma agie e pi okpála inde ngapa 'ngú li ma sisiti-e ngae inde: ⁴ A ayo di de me ya sia ezú di ne ehe nandji mandji kabula kulu inde ya ngamene e di? ⁵ Yi abhundja naayi me li ya ha ole inde makilisito me ya du nadhuku bhú dabili bini ne ani maka Piele ne obhulu titima koko gba Yesu, di ne ondaise Yesu-o, amba ko siti 'ngú? ⁶ Yi abhundja naayi me, okpála inde a ayo me u mene kulu ne 'kpa o ngú nakobho ka o-o bha ne ya ne Balabasi? ⁷ Kpála inde bhú kulu na sudha-a haha makalá gba e pi e ngae makpe uu? Belegu de bini. Li kpála lu edyi-e, ani zuzu ezú angoo di, i du me kpála nde ngalila enu-o, ani ndjindji miliki na 'ka 'nú angoo di?

⁸ Ongú inde ma apa e bhomu-o, a ko bha bini bhende li okpála ngabhundja e ngao-o de. U aye bhadi bhú líli gba Moidje-e moko. ⁹ Padhá de, anga u aye bhú líli angoo me: «I du me bagala nde ngatu ngano-o, mo ogbite 'bhö ani de. 'O me ani zu mbo té ngano angoo uu.» Yi abhundja naayi me Ebhe apa 'ngú bhomu-o bha bini pi obagala? A mo-o ade. ¹⁰ Ebhe apa 'ngú bhomu-o pi ní makpe adi? A na paká me ani apa pi ní. Padhá de, anga kpála inde ngalu 'dyi-e nga'o 'to e li ezú inde ani asia e-o. A bhadi ndjindji me kpála bhende nga'e nguwa abhiye-e sia té nguwa angoo.

¹¹ Ya akpokpo Bádha Ngali pi yi maka u alulu nguwa lie abhiye-o. I du la me yi nde ateteke ya ne tia na doto-o, amba a ko siti 'ngú? ¹² I du me okpála koko nde ngasia tia na doto ka yi-e, ka ní ngayi-a, ya ti da nasisia ka yi lie de-e? Engú bini, ya tsia yo ehe ka yi de. Ya ngakibila ndu likabhu hana inde ngakolo li kute ya-a, anga ya kunda namene engú inde i ní kpadji pi okpála me u adjé Bádha Ngali gba Yesu Kilisito-o de-e de.

¹³ Yi mbila de me okpála inde ngamene kulu bhú 'ngbé 'ti Ebhe-e ngasia ezú gba o bhú kulu inde u ngamene e adi? Obhende ngatsulu enu pi Ebhe-e ngasia tété ngú nazuzu adi? ¹⁴ A bhadi moko pi okpála bhende ngakpokpo Bádha Ngali-o. Ngámá gba ní-e apa me, okpála inde ngakpokpo Bádha Ngali-e, akóbho bhadi li Bádha Ngali.†

¹⁵ Engú bini, belegu inde lie mo-o, ngama-a, ma yo ehe bini ka yi de. Ma pa pi yi de me, ma aye balua inde-e pi yi me yi tima 'he muma-a de. A ndjindji muma naali me ma kpi ne gumu! A ayo de me kpála bhelø engú inde ma nde ne gindaginda ka e de. ¹⁶ Nakpokpo Bádha Ngali ma ngakpokpo e-e ha kpadji muma de me 'ndji ma be-e de. Padhá de, anga Ebhe ngae makpe apa muma me ma kpokpo Bádha Ngali ang-o. A moko, a ko likabhu muma i du me ma nde kpokpo Bádha Ngali-e de ko. ¹⁷ I dú nani me ma alo kulu ang-o ngama-a, a de adú ndjindji me u ha makalá muma tété. A la mo-o ade. Ma lo kulu ang-o ngama makpe de. Ma ngamemene anga Ebhe a'o kulu ang-o sakpa ma. ¹⁸ Makalá ma ngasia e li kulu ang-o ne ni? Makalá gba ma ne nakpokpo Bádha Ngali-e mandí nayo 'he. Maka kpála nakpokpo Bádha Ngali-e, ma ti da nayo 'he ka yi, la-a ma yó ehe bini de.

Polo ateteke kpála ne kpála bhú dasundu gba e ngú nabhuka Ngámá Yesu

¹⁹ Ma bhú ngu ma, ma ne bali gba kpála bini ade. La-a, ma atsia a'o lima bali gba ndu okpála hana, ngubula me ma sia okpála bhelé ngú nabhuka Ngámá Yesu. ²⁰ Li ma du bhú ká omaYuda-a, ma dú maka uo ngubula me ma teteke uo ngú nabhuka Ngámá Yesu. Ma ambila ndjindji me líli gba Moidje ne angu pí ma ade. Engú bini, i du me ma nde bhú ká okpála inde ngamene líli ang-o, ma améne mugito me ma sa líli ang-o ngubula me ma teteke uo ngú nabhuka Ngámá Yesu.

²¹ Li ma du bhú ká okpála bhende i mbila líli gba Moidje de-e, ma adú bhadi maka uo ngubula me ma teteke uo ngú nabhuka di Ngámá Yesu. Bhobhomu-o kunda napa de me ma mene líli gba Ebhe de-e de. Ma ngamemene anga ma ngamene líli gba Ngámá Yesu Kilisito. ²² Li ma du bhú ka okpála inde bhuhuku li kpadji gba Ebhe-e, li ma 'ó di lima bhuhuku ngú nateteke uo ngubula me u kolo kpekpeke bhú nabhuka Ngámá Yesu. Belegu li okpála du lele pi-ie, i du me ma nde akolo bhú ká uo-o, ma dú bhadi maka uo ngubula me ma teteke okpála koko bhú ká uo ngú nabhuka Ngámá Yesu, amba u kobho. ²³ Ma ngamene ndu 'ngú bhomu-o hana ngubula me Bádha Ngali-e nu ne kalanu, amba Ebhe tuko bisagu pí ma bhú kulu ang-o.

A ayo natsia 'kpí líli ndjindji bhú nabhuka

²⁴ Yi mbila de me, okpála inde agugu holo-o, u dudu okpála bhelé, engú bini kpála bhende akokoto kalanu-o sisia makalá ngae. Yi mene ne kpéke maka okpála inde ngagu holo, amba yi sia di makalá. ²⁵ Ndu okpála hana inde agugu holo-o dudu sa líli nakpekpeke. U ngamene mo-o ngubula nasia makalá. La-a, makalá ang-o bhúe de. Engú bini nganí-e, ní ngamene ngubula nasia makalá inde adú dudu ma ne dudu. ²⁶ Kaka-a ngama-a, ma ngagu holo ngangá ade. Ma la di maka kpála inde ngagu gbele me aní nde ngatsia 'kpí lie ndjindji. ²⁷ Ma ngamene kute ma kpekpeke ngú napa me kute ma mene líli gba ma-o, amba li sokpi-e, Ebhe abhike ma de, pita nakpokpo Bádha Ngali pi okpála koko-o.

10

Yi líli líyi ka nale-e malila

¹ Ondaise ma, ma ngagbele 'dje yi mo-o, ngubula me yi bhundja nga matá engú inde akolo nani li ongu ogbi ní bhú nedhinga u adu aduku lie nganda Moidje-o.† Ebhe abuku nani ndu uo hana ne ndindi ngú nalila uo. Ndu uo hana agulu nani 'ngbé 'ngu na Mbembe. ² Nabuku uo ne ndindi ne nakodho 'kpí ka uo bhú 'ngu-o amana mugito me Ebhe aha pi uo bhomu-o Batisimo, ngubula me u kpøtø líli bini ne Moidje. ³ Ndu uo hana azu ezú inde adu ayie ka Ebhe.† ⁴ Ndu uo hana andji engu inde adu akoto bhú teme. Teme ang-o, a ko kulu Yesu Kilisito inde adu aduku ne uo bhú dabili bini-o. ⁵ La-a, belegu u au ongamba 'ngú bhomu-o lie hana-a, okpála bhelé bhú ká uo du amene engú inde anga li Ebhe-e de. Kaka-a, u amu, u atsia atigala bhú 'gu.†

⁶ Ongú bhomu-o ngasuno pi ní me, ní adú ne gumu namene siti 'ngú maka ongu ogbi ní de.† ⁷ Yi ayó oebhe na eu maka okoko bhú ká uo amene nani lie de. Padhá de, anga u aye bhú Bhuku gba Ebhe-e me: «Okpála adulu kuto ngubula nazu anokomia. Pipita-a, u atsia ayie bhulá ngú nadho 'bi kala kulu ebhe na eu.†» ⁸ Okpála koko bhú ká uo adu aduku ne olisi ngangá. Kaka-a, okpála kote ndjikpa bhisi ne ká bata atsia amu bhú kolí 'kpí bini. Pi ní-e, ní améne maka uo de.† ⁹ Okpála koko bhú ká uo ale Ngámá. Kaka-a, okpala adolo uo má bi bi bi, uo atsia amu. Pi ní-e, ní améne maka uo de.† ¹⁰ Okpála koko bhú ká uo adu adi mutokono li Ebhe. Kaka-a,

† **10:1** 10:1 Tsia bhú Eki. 13:21-22, 14:19-29. † **10:3** 10:3 Tsia bhú Eki. 16:35. † **10:5** 10:5 Tsia bhú Nom. 14:16, 29-30. † **10:6** 10:6 Tsia bhú Nom. 11:4, 34. † **10:7** 10:7 Tsia bhú Eki. 32:6. † **10:8** 10:8 Tsia bhú Nom. 25:1-18. † **10:9** 10:9 Tsia bhú Nom. 21:5-6. † **10:10** 10:10 Tsia bhú Nom. 17:6-14.

andjelu gba Ebhe inde abhəbhəle kpála-a, a tsia ago abhili uo. Pi yi-e, yi adi mətokono li Ebhe maka uo de.⁷

¹¹ Ndu ongu bhomu-o hana akolo li uo ngubula nateteke okpála koko me u améne maka uo de. U aye ongu ang-o bhú Bhuku gba Ebhe ngubula me asuno kpadji pi ní, nganí inde ngakobho li sokpi-o. ¹² Kaka-a, kpála bhende ngabhundja me ni alu bhú nabhuka kpekpeke-e lila lie ndjindji me ni atí-i de. ¹³ Nale inde ngabhaka yi-e, a ko nale inde ngakolo bha li ndu okpála hana. Ebhe atéteke yi maka ani apa lie-o. Ani ti da naka kpadji de me engú inde akólo li yi-e ha angu yi-e de. Engú bini, i du me nale nde akolo li yi-e, Ebhe há angu pi yi ngú nakikibila. Ani tsia téteke yi me yi atí-i de.

Yi lila liyi ka oebhe na eu-o malila

¹⁴ Kaka-a, ondaise ma na mukunda, yi 'o nadhəgə oebhe na eu ma'o. ¹⁵ Ma ngagama 'ngú pi yi maka okpála na imbilangu. Yi aló doto bhú 'ngú ma ngapa e ngayi makpe. ¹⁶ Nedhinga ní adulu lie pi misa gba Ngámá-a bhú dabili bini-e, ní ngandji vino inde ní ngagie heni pi Ebhe ngú e-o. Ní akpətsə liní bhomu-o ne Yesu Kilisito bhú ngute e. Li ní gamu mapa-a ngú nazuzu-o, ní akpətsə bhomu-o liní bhú kute Yesu Kilisito. ¹⁷ Koli mapa-a bha bini. Belegu ní nde lie bhelé-e, ndu ní hana ní ngazu koli mapa bini bhomu. Bhoobhomu-o ngasuno me ní akpətsə liní, ní akolo bini.

¹⁸ Yi bhundja nga okpála na Isalaele. Nedhinga u ngazu enu inde u aha e pi Ebhe lie, u akpətsə lio bhomu bhú dabili bini ne Ebhe inde u aha enu bhomu-o pi e-o. A mo-o adi? ¹⁹ Ma akunda napa bhomu-o pi? Ma akunda napa me, ebhe na eu di ne enu inde u ha e pi ani-e, a ne tata? ²⁰ A mo-o ade. Ma apa mangbo me, li okpála bhende imbila Ebhe de-e du naha 'he bhú 'ti oebhe gba o-o, u haha pi odjabulu. U haha pi Ebhe de. La-a, ma kunda de me yi kpətsə liyi ne odjabulu-o de. ²¹ Yi ti da nandji vino bhú kópo gba Ngámá Yesu, yi tsia ndji di bhú bhende gba odjabulu-o de. Yi ti da nazu 'he pi misa gba Ngámá, yi tsia zu di pi misa gba odjabulu-o de. ²² Yi abhundja me ní kpekpeke ne Ngámá-a? Ní akunda me bua ani ke ne ní?

Yi mene ndu 'ngú hana ngubula nadhəgə Ebhe

²³ Okpála koko bhú ká yi ngapa me: «Ya ne omakilisito, ya ti da namene ndu 'ngú hana.» A na paká, engú bini, ongu koko ti da nateteke ní de. Yi ngapa me: «Ní ti da namene ndu 'ngú hana.» La-a, ongu koko ti da namene de me okpála koko bhele li kpadji gba Ebhe-e de. ²⁴ A ayo de me kpála

'o bha 'to e 'to e makpe de, engú bini, a ayo me ani 'o di 'to e 'to okpála koko.

²⁵ Yi ti da nazu ndu enu hana inde u ngatsindji e bhú daposu me yi nde yi 'ngú tété de kabula bua nakpokpo ku 'ngú gba yi-o. ²⁶ Padhá de, anga Bhuku gba Ebhe-e apa me: «Doto ne ndu 'he inde bhúbhú-o hana ne tia ka Ngámá.»

²⁷ I du me mupagano nde a'i mu agba e ngú nazu 'he-e, i du me mu nde akunda nanu-o, li mu kolo-o, mu de zu ndu 'he hana u ahá e pi mu-o, mo oyi 'ngú bini de kabula bua nakpokpo ku 'ngú gba mu-o. ²⁸ La-a, i du me kpála nde apa pi mu me enu inde mu ngazu e bhomu-o, a ko enu inde u aha e pi oebhe na eu-o, mo ozú-u de, amba bua nakpokpo kú 'ngú gba kpála inde apa 'ngú ang-o pi mu-o asiti de. ²⁹ Ma ngapa 'ngú bhomu-o pindji 'ngú inde li kpála bhomu-o ti da nabhundja e li bua nakpokpo kú 'ngú gba e-o. Ma pa ngubula bua nakpokpo kú 'ngú gba mu-o de. Ka ni ma améne 'ngú lie li lele mabhundja gba kpála koko, ma nde mene mangbo maka ma ngabhundja lie ngama makpe-e di-e? ³⁰ I du me ma nde agie heni pi Ebhe ngubula ezu-o, ka ni li kpála koko nga uu lie sisiti-e?

³¹ Abhomu-o, i du me yi nde ngazu 'he, i du di-e me yi nde ngandji 'he nandji mandji, i du di-e me yi nde ngamene mangua 'ngú koko dho i-e, yi de mene ndu 'ngú bhomu-o hana ngú nadhəgə 'li Ebhe. ³² Yi améne engú inde li okpála koko ti da nati ka e de, abana omaYuda, abana obhende ne omaYuda ade, abana okpála na Piga gba Ebhe. ³³ Ngama-a, ma bhadi ngamene mo-o. Ndu 'ngú ma ngamene e hana, ma ngamemene me a nga li ndu okpála hana. Ma bha ngabhundja engú inde atéteke ma-a ade. Ma ngabhundja mangbo pindji engú inde i ti da nateteke okpála bhelé, amba Ebhe kobho uo.

11

¹ Yi kpata engú inde ma ngamene e maka ma ngakpata bhende gba Kilisito lie-o.

Lele nadu ka obhosi di ne olisi bhú nedhinga nayo Ebhe

² Ma ngaha apepe pi yi, anga yi ngabhundja ma bhú ndu 'ngú hana. Yi la di ngamene olili gba omabhuka inde ma asuno e pi yi-o. ³ La-a, ma akunda me yi mbila engú inde: Kilisito ne Ngámá pi 'ndji bhoko. Bhoko ne ngámá pi 'ndji elə. Ebhe ne Ngámá pi 'ndji Yesu Kilisito. ⁴ I du me bhú nedhinga nayo Ebhe, li bhoko du nayo Ebhe, ani du di-e nakpokpo eli inde ani asia e ka Ebhe me ani nde adyi

ndata-a, amba ani ngaha bhomu-o namu pi Ngámá gba e-o. ⁵ Engú bini, i du me bhú nedhinga na mayo-o, li elö 'o 'ndji e padhá li nedhinga ani ngayo Ebhe lie, i du di-e li nedhinga ani ngakpokpo eli inde ani asia e ka Ebhe-e lie-e, elö ango-o ngaha namu pi ngámá gba e-o. Ani maka elö inde aka 'ndji e maka. ⁶ I du me elö nde ga kitambala bhú 'ndji e de-e, amana mugito bhomu-o me ani aka 'ndji e maka. I nde la lie me a nde namu pi elö ngú naka 'ndji e ndundundu, i du di-e ma ngbidhidhi-e, a ayo me ani ga kitambala bhú 'ndji e.

⁷ La pi bhoko nedhinga ani ngayo Ebhe lie-e, a ayo de me ani dya ndata-a de, anga Ebhe abho ani li kulu e. Ani ngasuno sangu gba Ebhe. La pi elö-o, ani ngasuno sangu gba bhoko. ⁸ Yi mbila ndjindji me, Ebhe bho gina bhoko li elö de, engú bini ani abho mangbo gina elö li bhoko. ⁹ La di-e, Ebhe bho bhoko pi elö de, ani abho mangbo elö pi bhoko. ¹⁰ Kaka-a, i nde lie me Ebhe abho elö mo-o, a ayo me ani ga kitambala bhú 'ndji e ngú nasuno me ani ti da nayo Ebhe, amba oandjelu mbila me ndu 'ngú hana li lelele.

¹¹ Ni mbila ndjindji me kala Ngámá-a, olisi ne gamu obhosi, obhosi la di ne gamu olisi. ¹² Padhá de, anga maka u abho nani elö lie li bhoko-o, a bhadi moko a ngazu bhoko ne elö, la di-e, ndu 'he hana ngayie ka Ebhe.

¹³ Yi pa nga ngayi, a pi elö ndjindji nayo Ebhe me ani nde buku 'ndji e di? ¹⁴ Ndu okpála na pila doto hana mbila ndjindji me a ko namu pi bhoko ngú na'o sundjo e ndjandjandja. ¹⁵ La pi elö-o, ndjandja sundjo-o, a ko bádha 'ngú naali. Padhá de, anga Ebhe aha nani sundjo pi elö ngú nabuku 'ndji e ne di. ¹⁶ I du me kpála nde akunda nabi bhayiki li 'ngú bhomu-o, a ayo me ani mbila me lele dasundu gba ní-e ngae bhomu. Piga gba Ebhe-e alu la bhadi pi 'ngú bini bhomu.

Polo agbele 'dje omabhuka li lele nazu komonyo

(Tsia bhú Mat. 26:26-29; ne bhú Mlk. 14:22-25; di ne bhú Luk. 22:15-20.)

¹⁷ Ni kodho 'kpi li 'ngú koko. Ma ti da nadhögö yi tété de. Padhá de, anga nedhinga yi ngakpötsö liyi lie ngú nayo Ebhe-e, engú yi ngamene e ngagie mangbo yi ne sidi. A dyadyo yi ne kalanu de. ¹⁸ Na bini-e, u apa mama me nedhinga yi ngakö liyi lie bhú dabili bini-e, yi ngagbogbo bhusu yi. Ma abhundja me a ti la bhadi nadu moko. ¹⁹ A ayo la bhadi me nagbo bhusu o du bhú ká yi, amba okpála mbila obhende ngakpata Yesu Kilisito ne bua o bini-o. A mo-o adi! ²⁰ Nedhinga yi ngakpötsö liyi lie ngú nazu ezu gba

Ngámá-a, yi ngabhundja ani bhúbhú ade. ²¹ Okpála koko bha bini ngagbene lio ngú nazu 'he gba o makpe. Ka 'ngú ango-o, okoko ngalangba, okoko la ngadulu gamu. ²² Gbágbá li yi ade ngú nazu 'he di ne ngú nandji pandi tété-e? Ne me yi ngau Dadjua gba Ebhe-e padhá. Yi atsia akunda naha namu pi okpála inde li ehe nde ka o ade. Yi nga'o 'to yi me ma pá pi yi pi? Ma adhögö yi lele pi me yi ngamene bádha 'ngú-o? A mo-o ade. Ma adhögö yi tété de.

Lele nazu komonyo

²³ Ongú inde ma asuno e pi yi ngama makpe-e, ma asia ka Ngámá Yesu. Engú ango-o me: sukpe inde u adji apú ani lie pi obhulu yala-a, Ngámá Yesu aha mapa, ²⁴ ani agie heni pi Ebhe, ani agugamu, ani atsia apa me: «A inde-e kute ma inde ma aha e pi yi-o. Yi du amene me-e, ngú nakina ma.» ²⁵ Pita u andjia nazu 'he-e lie, ani aha bhadi kópo na vino moko. Ani atsia apa me: «Vino inde-e, ngasuno gandja na mbia inde li Ebhe akodho e ne yi-o. Gandja ango-o alu pi ngute ma. Ndu nedhinga hana inde yi adú andjindji lie, yi du andjindji ngú nakina ma.» ²⁶ Li bili bhomu-o, Ngámá Yesu akunda napa me: ndu nedhinga hana inde yi azú mapa lie di ne nedhinga inde yi andji vino lie mo-o, yi bhomu-o ngakpokpo pi okpála mbámbá nakpi ka ani akolo li 'kpi inde ani agie lie lie-o.

²⁷ Kaka-a, kpála inde azú mapa gba Ngámá Yesu, inde andji la di vino gba ani-e li lelele de-e, asia mangimbo anga ani andjo kute Ngámá Yesu, ani atsia andjo di ngute ani. ²⁸ A ayo me kpála ne kpála tsia lie makpe ngae bhúbhulu, amba pipita-a, ani tsia zu mapa, amba ani ndji di vino gba ani-o. ²⁹ Padhá de, anga li kpála zu mapa gba Ngámá Yesu, ani tsia ndji di vino gba ani-e me ani nde ngauu maka i de ehe na padhá-a, ani bhomu-o ngagbele mangimbo pi e ngae makpe. ³⁰ A bhomu-o, engú inde yi ngau ka e me okpála bhelé bhú ká yi ne kuo, okoko bhúbhuku, la di-e, okoko bhelé amu. ³¹ I dú me ní dú atsia bua ní nganí makpe kala nazazu-o, Ngámá de kódho 'ngú gba ní-e de. ³² Engú bini, Ngámá ngakodho 'ngú gba ní-o, ani di ngalili ní ngabula me ani a'o galikpe engú pi 'ndji ni bhú dabili bini ne pi 'ndji okpála koko de.

³³ Ka 'ngú ango-o, ondaise ma, nedhinga yi ngakpötsö liyi lie ngú nazu ezu gba Ngámá-a, yi dje liyi sunda yi. ³⁴ I du me suka yi nde ne gamu-o, a ayo me ani zu ngaiza 'he agba e, ngabula me yi agbéle mangimbo gba Ebhe-e pi yi de bhú nakpötsö lie gba yi-o. Pindji ongú koko

inde yi ayi e-e, ma agie 'ngú pi yi pépé nedhinga ma akólo lie agba yi-o.

12

Angu inde li Bu Bhobua ngaha e pi kpála ne kpála ngú nateteke Piga gba Ebhe-o

¹ Ondaise ma, pindji engú bhende atsia angu li Bu Bhobua ngaha e pi kpála ne kpála ngú nateteke Piga gba Ebhe-e, ma akunda me yi mbila 'ngú tété. ² Yi mbila ndjindji me nedhinga yi adu nga lie ne omupagano-o, osisiti bu adu agbele yi li pápá gba oebhe na eu inde i gama 'ngú de-o. U atsia amba bhúla yi li okpadji ngangá. ³ Kaka-a, ma apa pi yi mbámbá lele nambila me kpála ngagama 'ngú bhú angu gba Bu Bhobua. Kpála du nagama 'ngú bhú angu gba Bu Bhobua-a, ani ti da napa de me a ayo me u tu pedje li Yesu-o de. Engú bini, li kpála pa me: «Yesu ne Ngámá-a», a akunda napa me Bu Bhobua akata ani ngae.

⁴ Angu li Bu Bhobua ngaha e pi kpála ne kpála ngú nateteke Piga gba Ebhe-e kpi kpi kpi, la-a, ngaani Bu Bhobua inde ngaha angu angu-o, koli ani bha bini má kpikili! ⁵ Ní ti da namene kulu pi Ngámá Yesu li okpadji ngangá, la-a, ngaani Ngámá Yesu inde ní ngamene kulu angu-o pi e-e, koli ani bha bini má kpikili! ⁶ Ebhe ngaha angu pi okpála kpikpiki ngú namene kulu gba ani-e ne di. La-a, Ebhe bhúla naha angu bhomu-o pi okpála-a, koli ani bha bini má kpikili!

⁷ Angu gba Bu Bhobua-a ngasuno lie bhú kpála ne kpála ngabula me ani teteke okpála koko ne angu angu-o. ⁸ Bu Bhobua ngaha pi okpála koko-o angu nagama 'ngú ne imbilangu. Pi okpála koko-o, Bu Bhobua bini bhomu-o ngaha angu nasuno 'ngú gba Ebhe-e pi okpála. ⁹ Bu Bhobua bini bhomu-o ngaha pi okpála koko angu nadu ne nabhuka na kpekpeke. Koli Bu Bhobua bini bhomu-o ngaha pi okpála koko angu nadu nakobho okuo li okpála. ¹⁰ Bu Bhobua ngaha pi okpála koko angu namene ongamba 'ngú. Pi okoko-o, ani ngaha angu nakpokpo engú maka opolofeta. Pi okoko-o, ani ngaha angu nambila nagbogbo bhusu osisiti bua ne Bu Bhobua. Pi okoko-o, ani ngaha angu nagama 'ngú bhú eli gba oandjelu. Pi okoko-o, ani ngaha angu nambamba tata. ¹¹ Ndu 'ngú bhomu-o hana ngayie ka koli Bu Bhobua bini. Ani ngaha pi kpála bini ne bini angu maka ani akunda lie.

Piga gba Ebhe-e maka kute kpála inde ne oyáyá lie bhelé

¹² Kute Yesu Kilisito maka kute kpála-kuti inde li oyáyá nde lie bhelé. Mu tsia

'lá kpála-kuti-e, yáyá li ani bhelé, kute ani la bha koli e bini má kpikili! Abana li yá kpála nde lie bhelé-e, ndundu hana amene bha koli kute bini. ¹³ Ndu ní hana, abana omaYuda ne okpála inde ne omaYuda ade, abana okpála inde bhú bali ne obhende bhú ngu o, ndu ní hana ní asia nani batisimo ngú napa me ní kolo maka kute bini li kpadji gba Bu Bhobua bini. Ndu ní hana, ní atsia asia bhadi angu gba Bu Bhobua bhomu-o.

¹⁴ Mu tsia kute kpála-kuti-e, oyáyá tété bhelé, a bha koli e bini ade. ¹⁵ Li 'dhu kpála pa me: «Ma ne yá kpála ade anga ma nde ne kpele kpála ade-e», a ko de me ani ayie yá kpála kaka-a de. ¹⁶ Li 'dje kpála pa me: «Ma ne yá kpála ade, anga ma ne djila kpála ade-e», a ko de me ani ayie yá kpála kaka-a de. ¹⁷ I du me 'lá kpála-kuti libhomu du bha ne djila-a, kpála de adú nadje 'kpi lele pi? I du di me 'lá kpála-kuti libhomu nde bha ne edje-e, kpála de adú nadje se 'he lele pi? ¹⁸ A na paká me Ebhe a'o nani oyá kpála-kuti maka ani akunda lie. ¹⁹ I du me Ebhe 'ó nani li kpála bha koli yáyá bini-e, u de 'í de me a ko kpála-kuti-e de. ²⁰ Engú bini, a mo-o ade. Oyáyá li kute koli kpála bini-e bhelé.

²¹ Kaka-a, djila ti da napa pi ekpa de me: «Ma ne gumu mu ade-e de.» La di-e, endji ti da napa pi odhu de me: «Ma ne gumu yi ade-e de.» ²² Engú bini, oyá kpála bhende ní ngau e me abhuhuku-o, pi ní ne tata. ²³ Obhe ní ngailila e me tata tété naali ade-e, ní ngailila nane okoko mane. Obhe ní ngadje numu li napa 'ngú o-o, ní ngatsia 'kpi tété ndjindji. ²⁴ Oyá ní bhe li numu nde li ní lie ade-e, ní nga'o 'to ní tété naali ade. Engú bini, Ebhe abho 'lá kpála-kuti da napa me ní du atsia 'kpi li oyá ní bhe nga'o numu li ní-e ndjindji. ²⁵ Ani amene mo-o ngabula me nagbo bhusu o adú bhú kute ní de, engú bini, oyá ní hana du nateteke lio sunda o. ²⁶ I du me yá kpála bini nde ngazu likabhu-o, ndu okoko hana ngazu likabhu bhú dabili bini ne ani. I du me u nde ngadhoge yá kpála-kuti bini-e, ndu okoko hana ngakpi ndjili ne ani bhú dabili bini.

²⁷ Pi yi-e, yi ndu yi hana ne kute Kilisito, akunda napa me, yi ne oyá ani. Kpála ne kpála ne da e bhú kute Yesu Kilisito. ²⁸ Kaka-a, bhú Piga gba Ebhe-e, Ebhe a'o ngaiza na bini obhulu titima gba Yesu, na bhisi-e, ani a'o okpála bhende ngakpokpo 'ngú maka opolofeta, na bata ani a'o omusuno. Pipita-a, ani a'o okpála inde ngamene ongamba 'ngú. Pipita-a, ani a'o okpála bhende ngakobho obhulu kuo, Ebhe atsia aha di angu pi okpála koko ngú natsia 'kpi li obi o di ne nateteke uo. Ani a'o okpála inde ngasuno kpadji pi okpála

koko. Aní atsia aha di angu pí okpála ngú nagama 'ngú bhú oeli gba oandjelu.

²⁹ Ndu okpála hana ne obhulu titima gba Yesu? Ndu okpála hana ne okpála nakpokpo 'ngú maka opolofeta? Ndu okpála hana ne omusuno? Ndu okpála hana ne angu namene ngamba 'ngú? ³⁰ Ndu okpála hana di ne angu ngú nakobho okpála na kuo? Ndu okpála hana di ne angu ngú nagama 'ngú bhú oeli gba oandjelu? Ndu okpála hana di ne angu ngú nambamba ta 'ngú? ³¹ Kaka-a, a ayo me yi bedhe ne gumu namene ongu inde lie ne tata ngú nateteke okpála koko.

Mbia inde-e, ma adji asuno pí yi kpadji inde ane okoko ne bádha ngubula me yi teteke Piga gba Ebhe-e tete.

13

Polo akpo 'ngú pindji mukunda bhú Piga gba Ebhe

¹ Abana i du me ma nde ne angu nadi ndu eli gba okpála hana, i du di-e bhe gba oandjelu , i du me mukunda nde bhú ma ade-e, ma bha bini maka mangbuo inde li gili e ngau, i du di-e mbulu ngbongbó inde li gili e ngau kpekpeke. ² I du me ma nde ne angu nakpokpo 'ngú maka polofeta , i du me ma nde ne imbilangu na ndu ongu hana, i du me ma nde ne angu nakø mboli ndu ongu li Ebhe awo e mawo, i du me ma nde di ne nabhuka inde i ti da napa me ma 'e ne di eta, i du la me mukunda nde bhú ma ade-e, ma ne ehe na padhá. ³ I du me ma nde apu ndu 'he gba ma-a hana pí obhulu ndibhili, i du me ma nde atse belegu kute ma me u tsulu bhú djua, i du la me mukunda nde bhú ma ade-e, bhobhomu-o ne tata pí ma ade.

⁴ Kpála inde ne mukunda pí obi e-e, bua aní ndjándjá, aní di ngamene babadha 'ngú pí obi e. Aní ne 'ngbé bua li 'he gba okpála koko ade, a ko pa 'li e de, aní di ne 'ngbé 'ndji ade. ⁵ Kpála inde ne mukunda pí obi e méne engú na numu de. Aní bhúndja bha bini engú gba e kpi e kpi de. Aní ké di 'ngú lie de. Aní gbóte di bua e pí obi e de. ⁶ Kpála inde ne mukunda pí obi e kpi djali li siti 'ngú de. Aní ngakpi mangbo djali li bádha 'ngú. ⁷ Kpála inde ne mukunda pí obi e ngakibila ndu 'ngú hana li okpála amene e li aní-o. Aní ngabhuka ndu 'ngú hana, aní nga'o 'to e ndu nedhinga hana 'to Ebhe, aní di ngagbite bua e ka ndu 'ngú hana magbite.

⁸ Mukunda ndjia 'kpi bini de. La-a, nedhinga akolo makolo li ongu inde li okpála ngakpokpo e maka opolofeta andjia mandjia. Nagama 'ngú bhú oeli gba oandjelu-o andjia mandjia. Angu nasuno 'ngú gba Ebhe-e pí okpála-a andjia

mandjia. ⁹ Padhá de, anga angu nasuno 'ngú gba Ebhe-e pí okpála píla doto akódho 'kpi makodho. La di-e, angu gba ní nakpokpo 'ngú maka opolofeta akódho 'kpi makodho. ¹⁰ Engú bini, ekpi li Ebhe ambamba ta ongu na babadha pí ní lie, li ongu bhende libhomu ade-e tsia ndjia.

¹¹ Nani ma adu lie bhú ndili-e, ma adu agama 'ngú maka ndili, ma adu abhundja maka ndili, ma adu akø mboli 'ngú maka ndili. Engú bini, nedhinga ma abhele lie, ma a'o namene engú bhe na ndili-o. ¹² A la bhadi pí ní moko. Bhú mbia inde-e, ní ngau ohe bulusu bulusu mugito me ní ngatsia 'kpi bhú bitolobi bhende na didili. Engú bini, ekpi akólo makolo ní aú ndu 'he hana má ngilili ne djila ní! Bhú mbia inde-e, imbilangu gba ma-a mbila ndu 'ngú hana de. Engú bini, ekpi akólo makolo ma tsia mbila ndu 'ngú hana má ngilili maka Ebhe ambila ma lie ngae makpe-o!

¹³ Ngú nabu tata-a, ní mbila me ongu bata inde-e yie bhú da o de. Ongú angoo ngae inde: nabhuka Ebhe, na'o 'to o 'to aní, a la di-e nadu ne mukunda pí aní di ne pí obi o. La-a, bhú káká hana-a, nadu ne mukunda pí Ebhe di ne pí obi o, ane ndu obhe bhisi bhomu-o hana.

14

Nakpokpo 'ngú maka polofeta ane nakpokpo 'ngú bhú oeli gba oandjelu

¹ Yi mene ne kpéke me yi du ne mukunda pí obi yi. Yi du ne gumu angu li Bu Bhobua ngaha e pí kpála ne kpála ngú nateteke Piga gba Ebhe-o, ane la mane angu nakpokpo 'ngú maka polofeta . ² Kpála inde ngakpokpo 'ngú bhú oeli gba oandjelu ngakpokpo pí Ebhe. Aní kpo pí okpála de, anga kpála bini ke mboli engú aní ngakpokpo e de. Aní ngakpokpo bhú angu gba Bu Bhobua ta ongu inde li Ebhe awo ta e mawo-o.

³ Engú bini, kpála inde ngakpokpo 'ngú maka polofeta-a, ngakpokpo pí okpála ngubula nabe ndu nabhuka gba uo-o, ngú nato masi bhú uo di ne ngú nateteke bua uo. ⁴ Kpála inde ngagama 'ngú bhú eli gba oandjelu-o ngabe ndu nabhuka gba e kpi e kpi. Engú bini, kpála inde ngakpokpo 'ngú maka polofeta bhú oeli li ndu okpála hana ngadje e-e, ngabe ndu nabhuka gba okpála na Piga gba Ebhe-e libhomu. ⁵ Ma ne gumu me ndu yi hana yi du nagama 'ngú bhú oeli u mbila e de. La-a, a nga matá li ma naali me yi du nakpokpo ongu maka opolofeta. Padhá de, anga kpála du nakpokpo 'ngú bhú oeli gba oandjelu-o, a ayo me kpála koko du ngú nambamba tata. I du mo-o de-e, kpála bhende ngakpokpo

'ngú maka polofeta ngabe ndu nabhuka gba okpála na Piga gba Ebhe-e libhomu ane mane.

⁶ Ondaise ma, ma yi nga yi: i du me ma nde ago agba yi, ma nde ngagama 'ngú pi yi bhú oeli gba oandjelu-o, tata pi yi tété ne ni? Tata bini ade. A ayo mangbo me ma go kpokpo 'ngú pi yi bhú eli inde yi ambila e, belegu i du engú li Ebhe ambamba ta e muma, i du di-e me ma go ha pi yi imbilangu na mbila, i du di-e me ma go kpokpo 'ngú pi yi maka polofeta, ne me ma go suno 'ngú pi yi, a ayo me yi mbila tata-a ndjindji.

⁷ Yi bhundja nga pindji omavulu mbála. U du na'u mbála-a, u 'u li lelele de-e, mo ombila salisali-e lele pi? A bhadi moko pi duma. ⁸ La di-e, i du me bhulu na'u mbala nde 'u li lelele de-e, okpála aléke lio ngú egú lele pi? ⁹ A bhadi pi yi moko. Okpála aké mboli engú yi ngapa e bhú eli na gandji gandji-e lele pi, i du me u nde mbila eli bhomu-o de-e? A mana me yi ngagama 'ngú pi anvi. ¹⁰ Oeli píla doto kpikpiki. Engú bini, ndundu hana abhú 'ngú. ¹¹ La-a, li kpála du nagama 'ngú bhú eli inde ma mbila e de-e, kpála bhomu muma ne gandji kpála, ma di pi ani ne gandji kpála. ¹² A bhadi pi yi moko. Maka yi akunda lie ne bua yi hana nasia angu gba Bu Bhobua-a, yi gili naali nadu okpála inde ngabe ndu nabhuka gba okpála na Piga gba Ebhe-o.

¹³ Kaka-a, kpála bhende ngagama 'ngú bhú eli gba oandjelu-o, a ayo me ani yo ka Ebhe angu nambamba ta eli ang-o. ¹⁴ Padhá de, anga i du me ma nde ngayo Ebhe bhú ngua eli bhomu-o, bua ma bhú mayo na paká paká, engú bini, imbilangu gba ma-a li kulu bini ade. ¹⁵ I du mo-o, a ayo me ma mene pi? A ayo me ma yo Ebhe bhú eli gba oandjelu, engú bini, ma ayó di ani ne imbilangu gba ma-o. A ayo me ma li 'tsi bhú eli gba oandjelu-o, engú bini, ma alí di ne imbilangu gba ma-o. ¹⁶ Padhá de, anga i du me ma nde ngagie heni pi Ebhe bha bhú oeli gba oandjelu-o, kpála bhe yi nde ne e bhú 'ti Ebhe-e apa me: «A adu moko» li mayo gba ma nagie heni-e lele pi me, ani nde mbila engú ma ngapa e de-e? ¹⁷ A bana i du me mayo gba ma nagie heni-e nde bha babadha naali-e, i du bhú oeli gba oandjelu-o, a be ndu nabhuka gba kilí ma yi nde ne e bhú 'ti Ebhe-e de.

¹⁸ Ma ngagie heni pi Ebhe anga ma ngagama 'ngú bhú oeli gba oandjelu-o ane ndu yi hana. ¹⁹ Engú bini, i du me ya nde apo bhúla ya ne omaha Ebhe-e, ma uu ndjindji me ma pa engú bhuluvue inde li okpála adjé e ne tata ngubula nasuno 'ngú

pi uo, ane me ma pa engú kote ndjikpa bhú oeli gba oandjelu.

Pindji nappokpo 'ngú bhú eli gba oandjelu-o, yi du nabhundja maka obhelesi okpála

²⁰ Ondaise ma, pindji ongu ma apa e pi yi bhomu-o, yi adu abhundja pépé maka ongisi de. Yi du ne odjedje ongisi li pápá na siti 'ngú. Engú bini, yi du ne obhelesi okpála li pápá na nabhundja 'ngú. ²¹ U aye bhú Bhuku gba Ebhe-e me, Ebhe Ngámá apa me:

«Li kpadji gba ogandji okpála ne bhú 'li uo-o, ma agama 'ngú pi omaha ma. Abana mo-o, u djé ma de.»

²² Kaka-a, nagama 'ngú bhú oeli na gandji gandji-e, a ko ehe inde ngasuno mangimbo gba Ebhe-e pi okpála inde i bhuka de-o. La-a, pi okpála bhende abhuka-a, a pi uo ade. Nappokpo 'ngú maka polofeta-a, a pi omabhuka. La-a, pi obhende i bhuka de-e, a pi uo ade.

²³ I du me yi nde apo bhúla yi ngú nayo Ebhe-e, li ndu yi hana holo nagama 'ngú bhú oeli gba oandjelu-o, i du me okpála bhende i mbila 'ngú bhomu-o de-e, i du di-e obhende i bhuka de-e go oo, u pá de me yi ne obhulu pele-e di? ²⁴ La-a, i du me yi nde ngappokpo 'ngú maka opolofeta-a, li okpála bhe imbila engú bhomu-o de, i du di-e okpála bhe i bhuka de-e go li bhú ká yi-e, u tsia kó mboli siti 'ngú gba o-o. Engú inde u ngadje e hóló bua uo. ²⁵ Ongú inde awo lie li bua uo-o zé li zi 'kpí. Abhomu-o, u tú 'ndji o ne kuto. U tsia dhégo Ebhe ne napa me: «Ebhe bhú ká yi na paká!»

Yi du amene 'ngú bhú Piga gba Ebhe-e li lele

²⁶ Ondaise ma, ní abú tata-a lele pi? Nedhinga yi apo bhúla yi lie ngú nadhogo Ebhe-e, kpála bini bhú ká yi ti da nali etsi, koko ti da nasuno eli gba Ebhe pi okpála, koko ti da nappokpo engú li Ebhe ambamba ta e pi ani, koko ti da nagama 'ngú bhú oeli gba oandjelu, li koko tsia mbamba tata. A ayo me yi mene ndu 'ngú bhomu-o hana da napa me abe ndu nabhuka gba okpála gba Ebhe-o.

²⁷ I du me okpála holo nagama 'ngú bhú ká yi bhú oeli gba oandjelu-o, a ayo me a de du okpála bhisi, i du bhisi de-e, a de pise bhú bata. A ayo la di me u du agagama bini bini, kpála bini nde ngambamba ta 'ngú u ngagama e-o. ²⁸ Li kpála nambamba ta 'ngú bhomu-o du de-e, a ayo me kpála inde i di me gama 'ngú bhomu-o ndjili bhú ká yi má bulu! Ani nu gama bha bini pi Ebhe agba e. ²⁹ Pi okpála bhe ngappokpo 'ngú maka opolofeta-a, a ayo me okpála bhisi, i

da di-e bata gama 'ngú, amba okpála koko lo doto bhú 'ngú u ngakpokpo e-o. ³⁰ La-a, i da me Ebhe nde asuno engú koko na mbia pi suka yi inde bhú ká yi oo, a ayo me kpála bhende ngagama 'ngú-o 'o nga nagagama, ngubula me kilí ani-e gama 'ngú.

³¹ Kaka-a, yi da nagama 'ngú maka opolofeta, a ayo me yi gama bini bini. Yi mene mo-o ngubula me ndu omaha Ebhe hana sia imbilangu, amba yi to di masi bhú ndu uo hana. ³² Okpála inde ngakpokpo 'ngú maka opolofeta-a, a di bhú uo ne angu ngú nagbite 'bhø o pí engú li Ebhe asuno e pi uo-o. ³³ Padhá de, anga Ebhe kunda de me ní da amene 'ngú pupulu-o de. Engú bini, ani akunda mangbo me ní da amene 'ngú li kúkú. Maka u amemene lie bhú ndu oDadjua gba Ebhe-e hana, ³⁴ nedhinga yi apekebhe bhúla yi lie ngú nayo Ebhe-e, a ayo me olisi* ndjili má bulu! U ha kpadji pi uo ngú nagama 'ngú oo de. A ayo me u ndjili ma bulu ngú nadje 'ngú u ngakpokpo e-o, maka li líli gba Moidje apa lie-o. ³⁵ I da me u nde akunda nambila 'ngú pindji ongú bini bini-e, u de yi obhosi gba o-o akuti. A ndjindji ade me ølø gama 'ngú bhú makpetse gba omabhuka.

³⁶ Aiya! Ne me yi ngabhundja me eli gba Ebhe-e ayie agba yi, ne me eli angoo, a ko bha bini na yi 'he kpi yi kpi? ³⁷ Li kpála bhundja me ní ne polofeta-a, ne me ani bhundja me ní asia angu gba Bu Bhobua-a ngú nabe ndu nabhuka gba okpála gba Ebhe-e, a ayo me ani mbila me engú inde ma aye e pi yi inde-e, a ko líli ayie ka Ngámá. ³⁸ Engú bini, ani bhuka mo-o de-e, Ngámá mbila di ani de.

³⁹ Kaka-a, ondaise ma, yi gili ne bua bini nadu nakpokpo 'ngú maka opolofeta. La-a, yi ayóko okpála de me u agáma 'ngú bhú oeli gba oandjelu-o de-e de. ⁴⁰ A ayo mangbo me ndu 'ngú bhomu-o dhuku li lelele, yi améne bhú tolo de.

15

Nabhuka gba ní-e ala pí nazuku gba Yesu Kilisito

¹ Ondaise ma, ma akunda matá nakpokpo pi yi Bádha Ngali inde yi asia e, inde yi adhedhe di lie má kpakala-o! ² Bádha Ngali angoo ngakobho yi, i da me yi nde ngalilila maka nako ma akpokpo pi yi lie-o. I da mo-o de-e, tata li nabhuka gba yi-e ade.

³ Ma asuno pi yi ongú na ngbeng-benge inde ma asia e ka Yesu Kilisito-o. Engú angoo me: Yesu Kilisito akpi

pindji mugwe gba ní-o, maka u aye lie bhú Bhuku† gba Ebhe-o. ⁴ U azi ani, ani atsia azuku bhú 'kpí na bata maka li Bhuku gba Ebhe-e apa lie-o.† ⁵ Ani azuku lie, ani akoto li Piele. Pipita-a, ani akoto li obhulu titima ndjipka ne ká bhisi gba e-o.

⁶ Pipita-a, ani akoto li omukpata gba e nane kámá bhuluvue mane bhú nedhinga bini. Bhelé na uo nga bha bhúka, okoko amu. ⁷ Pipita-a, ani akoto li Djaki, ani atsia akoto di li ndu obhulu titima gba e hana.

⁸ Pita ndu uo hana-a, ani akoto di li ma, belegu ma da lie ne tetele kpála de-o. ⁹ Ma ne bhulu titima na yeye ane mane bhú ká obhulu titima-o. A na paká me, ma ti belegu da napa de me kpála 'i ma me bhulu titima gba Yesu-o de. Padhá de, anga ma ato nani mbolo li Piga gba Ebhe-o. ¹⁰ Engú bini, bhú bádha bhú 'bu gba Ebhe-e, ma maka ma nde lie inde. Bádha bhú 'bu gba ani nani ani aha e mama bhomu-o padhá ade. La-a, ma amene kulu kaka naali nane obhulu titima koko hana. Angu angoo yie ka ma de, bádha bhú 'bu gba Ebhe-e adú mangbo namene kulu bhú ma ngae. ¹¹ Kaka-a, abana ma, abana obhulu titima koko-o, a bhomu-o Bádha Ngali inde ya ngakpokpo e-o, a la bhadi bhomu-o Bádha Ngali inde yi abhuka e-o.

A na paká me okpála azúku di mazuku

¹² Bádha Ngali ya ngakpokpo e me Yesu Kilisito azuku. I da la me a nde mo-o, lele pi li okpála koko bhú ká yi ti da napa lie me okpála inde amu-o zúku de-e? ¹³ I da na paká me okpála inde amu-o nde zúku de-e, bhobhomu-o akunda napa di me Yesu Kilisito zuku de. ¹⁴ I da la me Yesu Kilisito nde zuku de-e, akunda napa me tata bini li Bádha Ngali ya ngakpokpo e ade, tata bini la di li nabhuka gba yi-e ade.

¹⁵ I da me Yesu Kilisito nde zuku de-e, amba akunda napa me ní ngapa eu li Ebhe. Padhá de, anga ní ngapa pi okpála me Ebhe azuku Yesu Kilisito bhú ka okpála inde amu-o. La-a, ani mene mo-o de, i da me okpála nde zúku di de-o. ¹⁶ Padhá de, anga i da me okpála nde zúku de-e, bhobhomu-o akunda napa di me Yesu Kilisito zuku de. ¹⁷ I da me Yesu Kilisito nde zuku de-e, bhobhomu-o akunda napa me tata bini li nabhuka gba yi-e ade, yi nga bha sa mangimbo gba Ebhe.† ¹⁸ A akunda di napa me okpála bhende amu me u nde abhuka Kilisito-o, amu daduma ne daduma. ¹⁹ I da me ngani omabhuka ní nde a'o 'to ní 'to Kilisito bha bini ngubula

* **14:34** 14:34 Abana li olisi nde lie ne angu ngú nayo Ebhe-e, di ne nagama 'ngú maka opolofeta-a bhú ká omabhuka-a, u ha nani kpadji pi uo ngú nalo doto bhú ongú li opolofeta adu apa e de. Tsia bhú 1 Kol. 1:11, 5.

† **15:3** 15:3 Tsia bhú Isa. 53:5-12. † **15:4** 15:4 Tsia bhú Oz. 6:2; di ne bhú Luk. 24:34-49. † **15:17** 15:17 Tsia bhú Lom. 6:8-11.

mukobho inde-e, amba ní ne okpála na líkabhu naali nane okpála koko.

²⁰ La-a, a mo-o ade, a bha ndju na paká me Kilisito azuku bhú ka okpála inde amu-o! A ko kpála na gígina inde azuku bhú kuo. ²¹ Padhá de, anga kóli kpála bini amene nani me kuo lí pála doto, kóli kpála bini koko atsia amene la bhadi me okpála amu-o zuku. ²² Ndú okpála hana ngamu, anga ní ne opíga gba Adamú . Ndú okpála hana inde abhuka Yesu Kilisito asia bhadi mukobho ka ani. ²³ Engú bini, kpála ne kpála azúku lí nedhinga gba e. Kilisito azuku nani kalanú. Lí nedhinga ani agó lie, lí okpála gba ani-e tsia zúku dí.

²⁴⁻²⁵ Abhomú-o, Yesu Kilisito méne me ndú osisiti angu hana kolo padhá. Ani tsia kó angu e pí ndú okpála na angu hana inde ngagu ani-o. Padhá de, anga a ayo me ani u ngámá akólo bha makolo lí Ebhe a'ó ndú obhúlu yala gba ani-e lie hana sa 'dhu ani-o. Pipíta-a, lí 'ngú na doto ndjía. Ani tsia gíe nau-o pí Ebhe 'Dyi e.† ²⁶ Bhúlu yala na soso inde lí Ebhe abhéló e-e, a ko kuo. ²⁷ Padhá de, anga u aye bhú Bhuku gba Ebhe-e me: «Ebhe a'ó ndú 'he hana má kpekobho sa 'dhu ani!» Engú bini, i dú me u nde apa mo-o, a mbámbá me u to Ebhe bhúbhú de. Ani sa Ndíli gba e ade. ²⁸ Lí ndú 'he hana a akólo lie sa angu gba Kilisito-o, lí ngaani makpe Ndíli-e, ani tsia 'ó lie makpe sa angu gba Ebhe, ngubula me Ebhe u ngámá pí 'ndji ndú 'he hana má da!

Pindji 'ngú nazuku ka okpála inde amu-o, yi apíte liyi de

²⁹ Okpála koko bhú ká yi ngasia batisimo mada okpála inde amu-o. Uo ngasia ní? Í dú me okpála inde amu-o nde zúku de-e, uo la ngasia batisimo mada uo ka ní? ³⁰ Í dú me okpála nde zúku de-e, ka ní ya ngazu líkabhu lie ndú nedhinga hana-a? ³¹ Ondaise ma, a na paká me ndú 'kpi hana kuo de ma masakpe. A la bhadi paká me ma ne gindaginda kabula yi akpétse liyi lie ne Ngámá gba ní Yesu Kilisito-o. ³² A bhú gudhu na Efeso-o, ma azú líkabhu naali sakpa okpála. A mana mugito me ma adú agu gbele ne onú 'te. Í dú me ma nde ngabhundja bha bini ndú ongú na doto-o, gbele ang-o atéteke ma lele pí? Í dú me okpála inde amu-o nde zúku de-e, bhobhomú asuno me engú inde u apapa e me: «Ní zu 'he, amba ní ndji di vino, anga ní amú mambi-e!» A ko kúkulu 'ngú.

³³ Yi apíte liyi de. Yi mbíla me, mu kó dhuku ne kpála na siti 'ngú-o, mu tágba di siti 'ngú. ³⁴ Yi gíe liyi lí ngbílí kpadji, amba yi améne matá siti 'ngú de. Okpála koko

bhú ka yi mbíla Ebhe de. Ma ngapa mo-o, ngubula me yi sia namú.

Bhú nazuku ka okpála-a, kute ní adjí lie na mbia

³⁵ Kpála bini tí da nayi ma me: «Okpála inde amu-o, azúku lele pí? Kute u azúku ne e adú lele pí?» ³⁶ Ma gíe pí ani me, ngamu-o, mu ne ngingi. Ngua inde mo olu e tí da naké-é de, i dú me a nde zí de ko. ³⁷ Ngua inde mo olu e, i dú dí-e dadha, i dú dí-e ngua koko-o, mu ngalu bha bini líli. Mu lu lálá bhende aké-o de. ³⁸ Pita lí ngua aké lie, lí Ebhe há pípi lálá na mbia maka ani akunda lie. Ani ngaha pí ngua ne ngua 'lá e makpe.

³⁹ Kute ndú 'he hana inde bhú mukobho-o bhadi kpi kpi kpi. Kute kpála-kuti kpi ne bhende gba onú, bhende gba odhu di ne bhende gba osungu. ⁴⁰ A ne oehe inde na abhúlá, a la di ne oehe na kuto ei. Bádba gba oehe na abhúlá-a kpi ne bhende gba oehe na kuto ei. ⁴¹ A lí ela ne zí e, a lí epe ne zí e, a la di lí oikúpala ne zí o. Belegu bhú ká oikúpala-a, zí uo kpi kpi kpi.

⁴² A adú bhadi moko lí okpála amu-o azúku lie-o. Kute inde u azi e azi mazi. Kute inde azuku-o zí matá-a de. ⁴³ U azi maka ehe lí tata nde lie naali ade, lí angu nde bhú e ade. Lí azúku lie-e, a abédhe ne angu, i tsia dú dí babadha. ⁴⁴ Nedhinga nazizi-e, a ko kute na doto. Lí azúku lie, a adú kute inde lí Bu Bhobua ngaha mukobho pí e ngae. A ne kute na doto, a la di ne kute inde lí Bu Bhobua ngaha mukobho pí e. ⁴⁵ A maka u aye lie bhú Bhuku gba Ebhe-e me: «Adamú nani ne kpála-kuti na kalanú, ani asia mukobho ka Ebhe.»† La-a, Kilisito u a'í e me Adamú na bhisi-e abedhe ne Bu Bhobua, ngaani-e, ani ngaha mukobho pí okpála.

⁴⁶ Ehe na kalanú inde u ngau e-e, a ko kute na doto. Pipíta-a, u tsia ú la kute inde lí Bu Bhobua ngaha mukobho pí e-o. ⁴⁷ Adamú, kpála na kalanú lí Ebhe abho e nani ne kpála-kuti, Ebhe abho ani lí doto. Kilisito, Adamú na bhisi-e ayie naae abhúlá. ⁴⁸ Kute okpála-kuti maka kute kpála lí Ebhe abho nani e lí doto-o. La-a, kute okpála inde azúku ngú nanú abhúlá-a, adú bhadi maka kute kpála inde ayie abhúlá. ⁴⁹ Mbía inde-e, ní maka kpála inde lí Ebhe abho e lí doto. Kpi bini, ní adú bhadi maka kpála bhende ayie abhúlá-o.

Ngámá Yesu Kilisito aha angu kuo

⁵⁰ Ondaise ma, ma apa pí yi me kpála-kuti lí bhú Nau gba Ebhe-e ne kute na doto inde-e de. Kute inde nazi mazi-e tí da nadú duduma ne duduma de.

† 15:24-25 15:24-25 Tsia bhú Ets. 110:1. † 15:27 15:27 Tsia bhú Ets. 8:7. † 15:32 15:32 Tsia bhú Isa. 22:13.

† 15:45 15:45 Tsia bhú Dje. 2:7.

⁵¹ Yi gbo nga dje yi, ma adjí nambamba pí yí inde ta 'ngú inde lí Ebhe awo e nakolo pí mbia inde-o. Ní mú ndu ní hana de,† engú bini, ndu ní hana, kúte ní adjí lie madjí, í tsia kólo na mbia. ⁵² Engú angó-o améne lie bhú nedhinga bedi, maka nakopo ka djila, nedhinga u a'ú toti na soso lie-o. Lí a aú lie, okpála inde amu-o azúku ne kúte inde í kpí matá-a de. La nганí bhende bhú mukobho-o, kúte ní adjí lie na mbia. ⁵³ Padhá de, anga a ayo me kúte ní inde nakpi makpi inde-e dji lie, akolo kúte inde í kpí matá-a de, í tsia zí la di matá de.

⁵⁴ Nedhinga lí kúte nakpi makpi-e akólo lie kúte í kpí-i de-e, lí kúte nazí mazi-e akólo lie kúte í zí-i de-e, lí engú inde u aye e bhú Bhuku gba Ebhe-e tsia kólo mbámábá. U aye bhúbhú me: «Ebhe aha angu kuo aha, kuo matá ade.†» ⁵⁵ U aye mata di me: «Oo kuo! Angu ma mo oko pí okpála ne e su?»

Oo kuo! Angu mo obhibhili okpála ne e su?†»

⁵⁶ Angu lí kuo ngabhili okpála ne e-e, ngayie ka siti 'ngú. Angu lí siti 'ngú ngabhili okpála ne e-e, ngayie bhú líli gba Moidje. ⁵⁷ La-a, a ayo me ní toko Ebhe inde amene me ní ha angu siti 'ngú di ne angu kuo kabula Ngámá gba ní Yesu Kilisito-o!

⁵⁸ Abhomu-o, ondaise ma na mukunda, yí lú kpekpeke, u apíte yí de. Yí nù ndu kpí hana ne kulu gba Ngámá-a ne kalanu. Yí mbila hana me kulu inde yí ngamene e pí Ngámá-a, nú padhá de.

16

Tia inde ayo napo e pí omabhuka na Yelusalema

¹ Ma adjí apa mbo engú inde-e pí yí pindjí tia inde yí ngapo e pí omaha Ebhe inde bhú Yelusalema-o. Yí mene matá maka ma aha nako líli lie pí omabhuka na ndu doto na Galatia-o.† ² Ndu 'kpí yinga hana, a ayo me kpála ne kpála 'o mbo té tia inde aní asia e lí ngongo, nakpata lele bhende lí Ebhe aha e pí aní-o. Yí wo tia bhomu-o nganda yí, ngú napa me ma gó lie, ní apó matá bhúla tia de. ³ Nedhinga ma kólo lie agba yí-e, ma ayé balua pindjí tia bhomu, ma tsia tíma okpála bhende yí alo o bhú ka yí-e ne di ngú nanu na'o'o abhú Yelusalema. ⁴ Í yo me ma nu di-e, ya aná ne uo bhú dabilí bini.

Onú inde ayo me Polo nu e-o

⁵ Ma agó agba yí píta nakodho 'kpí ka ma bhú ndu doto na Makedonia, anga ma apú bhú ndu doto bhomu. ⁶ Nedhinga koko-o, ní adú mbo ne yí ngú nedhinga bedi.

Koko-o, ní adú ne yí oo ngú nadjeke me nedhinga na zini-e kodho 'kpí. Í dū me ní nde asi ekpí bhe ayo me ní sí e ne yí-e asi-e, yí tsia teteke ma ngú nanu lí obilí bhe ma adjí lie-o. ⁷ Padhá de, anga mbia inde-e, ma kúnda bha nau yí ne nakodho 'kpí ka ma makodho de. Ma ngabhundja me, í dū me Ebhe nde akunda-a, ma de go sídi, amba ní bhue mbo ne yí ngengele.

⁸ Mbía inde-e, ma ngabhundja me ma dū nga bha bhú Efeso sí nakolo bhú 'kpí na Patekote. ⁹ Padhá de, anga Ebhe abhulu 'bho 'tí muma mbámábá ngú namene kulu gba aní-e ne angu ma hana sí, belegu lí okpála bhelé nde lie ngagu kulu ma ngamene e lie-o.

¹⁰ Kaka-a, lí Timoté kolo-o, yí mene me ehe bini ato zini bhú aní agba yí oo de, anga aní ngamene kulu gba Ngámá-a maka ma ngamemene lie-o. ¹¹ Kpála bini aú aní bhú djila e padhá de. Yí teteke mangbo aní me aní dhuku bhú guo 'ngú ngú nakolo lí bilí ma nde lie-o, anga ma ngadjeke aní ne ondaise ní inde u agó ne o-o.

¹² Lí 'ngú bhende atsia ndai ní Apolosi-e, ma ayo ka aní bhútsibhútsi me aní nu agba yí bhú dabilí bini ne ondaise ní koko ngú natsia yí. La-a, aní kúnda nga nanu oo mbia inde-e de. Aní sia nedhinga-a, aní tsia nú.

Polo yí matá omabhuka na Kolito mayi

¹³ Yí dū lí zuku, yí lú kpekpeke bhú 'bu nabhuka, bua yí adú ne tsulu de, yí dū ne angu. ¹⁴ Yí mene ndu 'ngú yí ngamene e hana ne mukunda.

¹⁵ Ondaise ma, yí mbila Etieni ne uo ne piga gba e hana. Yí mbila hana me u adjí naní bua o bhú ndu doto na Akai kalanu ngao, u atsia aha lío ngubula nateteke omabhuka. Kaka-a, ma ayo ka yí me: ¹⁶ yí manga ongua okpála bhomu-o mamanga. Yí manga di okpála inde ngamene kulu ne kekele bhú dabilí bini ne uo mamanga.

¹⁷ Ma ne djali naali lí nago nako ka Etieni, ne Folutunasi ne uo ne Akaikusi-o. Ma ngau uo lie, a mana mugito me ma ngau yí ndu yí hana. ¹⁸ U ato masi bhú ma maka u ato di nako masi bhú yí lie-o. Ongua okpála bhomu-o, a ayo bha ndju namanga uo mamanga.

¹⁹ Odadjua gba Ebhe inde bhú ndu doto na Adjia yí yí ma yí. Akwila ne Pílisila bhú dabilí bini ne omabhuka inde ayoyo Ebhe agba uo-o, yí yí ne 'lí Ngámá mayi. ²⁰ Ndu ondaise ní inde ei hana yí yí ma yí. Yí lí yí sunda yí ne nakama líyí lí kúte yí.

²¹ Ma yí yí ma yí. Engú inde ma aye e me ma yí yí mayi bhomu-o, ma aye ne 'kpa ma makpe. ²² Í dū me kpála nde kúnda

† 15:51 15:51 Tsia bhú 1 Tes. 4:15. † 15:54 15:54 Tsia bhú Isa. 25:8. † 15:55 15:55 Tsia bhú Oz. 13:14. † 16:1 16:1 Tsia bhú Lom. 15:25-26.

Ebhe de-e, u de tɔ pɔdjɔ li ani! Malanata:
a ayo me Ngámá gba ní-e gógo! ²³ A ayo
me bádha bhú 'bu gba Ngámá Yesu-o dɔ
bhú dabili bini ne yi. ²⁴ Ma kunda ndɔ yi
hana naali ka ní akpɔtɔ líní ne yi lie bhú
'bu Yesu Kilisito-o .

Balua na bhisi gba Polo pi omabhuka na gudhu na Kolito Eli na kalanu

Balua na bhisi inde li Polo aye nani e pi okpala na Kolito, ani aye bhú nedhinga inde u du adje lio lie ne omabhuka na Dadjua na gudhu na Kolito de-o. Omabhuka koko na Dadjua gba Ebhe adu nani nagu Polo naali. Engú bini, ani asuno 'ndjá bua gba e ngú nadje lie ne uo, ani atsia adje djali naali li nedhinga li engú bhomu- o andjia lie sunda uo-o.

Engú na bini bhú balua inde-e, Polo ngakpo 'ngú pindji nadje lio ne okpala na Dadjua na Kolito, ani akpo ta ani agie 'ngú lie kpekpeke li sobho inde adu bhú Dadjua gba Ebhe-o, ne nagu inde li okpala na Kolito adu agu Dadjua gba Ebhe-e ne e-o. Polo atsia asuno di djali gba e, padhá de, anga egú inde ani agu e, amene me okpala dji di bua o amba u tsia dje di lio. Pipita-a, ani atsia ayo ka okpala na Dadjua gba Ebhe-e me u ha makiso ne bádha bua, ngubula nateteke omabhuka inde bhú ndibhili bhú Dadjua na Yudaya ne di. Bhú oalo na soso-o, Polo ngakpokpo 'ngú pindji kulu gba e na bhulu titima pi okpala koko na Kolito inde ngau lio me ni ne obhulu titima na kakulu gba Yesu ngaani. Padhá de, anga okpala ango-o adu apa me Polo ne bhulu titima na eu.

Ongbengbe ongú inde bhú bhuku inde- e ngae inde:

Eli na kalanu 1:1-11

Polo a la di-e Dadjua gba Ebhe na Kolito 1:12 - 7:16

Makiso pi omabhuka na Yudaya 8:1 - 9:15

Nakpokpo 'ngú gba Polo ne angu maka bhulu titima gba Yesu 10:1 - 13:10

Eli na soso 13:11-13

Polo yi omabhuka na gudhu na Kolito mayi

¹ Ma aye balua inde-e ngama Polo bhú dabili bini ne ndai ní Timoté. Ma aye pi yi omabhuka na Dadjua gba Ebhe inde bhú gudhu na Kolito di ne pi yi obhende bhú ndu doto na Akai-e libhomu. Ebhe amene ngae me ma du ne bhulu titima gba Yesu Kilisito . ² A ayo me Ebhe 'Dyi ní ne Ngámá Yesu Kilisito suno bádha bhú 'bu gba o-o pi yi, amba u ha di guo 'ngú pi yi.

Omabhuka na Kolito ngazu likabhu bhú dabili bini ne Polo

³ A ayo me u toko Ebhe. A ko 'dyi Ngámá gba ní Yesu Kilisito. A ko 'dyi ní inde abedhe ne ndjinga bedhe. A ko Ebhe inde ngateteke bua kpála bhú ndu 'ngú hana. ⁴ Ani ngateteke bua ní bhú ndu olikabhu gba ní-e hana, ngubula me ní teteke bua okpala bhende ngazu likabhu-o, li kpadji na angu inde, nganí makpe, ní asia e ka ani-o. ⁵ Maka ya nde lie ngazu likabhu ne Kilisito na paká paká-a, ani bhadi ngateteke bua ya na paká paká. ⁶ I du me ya nde bhú likabhu-o, a ko ngubula me yi sia angu di ne mukobho. I du me bua ya nde aké-o, a ko ngubula me yi sia di angu. Angu ango-o ngaha pi yi nakibila ngua olikabhu inde ya nde ngakibila e-o. ⁷ Ya nga'o to ya me Ebhe ateteke yi mateteke. Padhá de, anga ya ambila ndjindji me yi ngazu likabhu bhú dabili bini ne ya. Li Ebhe aké bua ya lie-e, bua yi aké bhadi moko.

⁸ Ondaise ya, ya akunda me yi mbila ngua likabhu inde ya azu e bhú ndu doto na Adjia* ndjindji. Ya azu likabhu naali, likabhu ango-o aha angu ya maha. Ni abhundja de me ya akoto bhúbhú makoto de. ⁹ Ya adu abhundja li bua ya me ekpi gba ya-a ale. La-a, engú bhomu-o akolo li ya ngubula me ya a'ó nabhuka gba ya bhú ya makpe de, ya 'o bha bini bhú Ebhe kpi e kpi. Ani ngazuku okpala inde amu-o ngae. ¹⁰ Ani agbegbe ya bhú nakpi bhomu-o ngae. Ani agbegbe matá ya bhú okoko magbegbe. Ya la di nga'o 'to ya me ani agbegbe galikpe ya bhúbhú magbegbe. ¹¹ Ebhe améne bhobhomo-o, i du me yi nde akpetso liyi ne ya bhú dabili bini bhú mayo-o. Abhomo-o, nedhinga li Ebhe adjé mayo gba yi-e lie, ani tsia há bádha bhú 'bu gba e pi ní padhá, li okpala bhelé tsia gie di heni pi ani.

Polo apa me ni ná nga bhú Kolito mbia inde-e de

¹² Ehe inde ya nde ka e bhú djali ngae inde: bua ya ngaziba me ya dhuku bhú ká okpala ne naké liya ne kuto bhú dabili bini ne nawo 'ngú de. Ebhe akunda me ya dhuku bhú ká yi moko. Ya dhuku bhú ka yi ne imbilangu inde i yie ka okpala de. Engú bini, ya ngadhuku ne bádha bhú 'bu li Ebhe ngaha e pi ya ngae. ¹³⁻¹⁴ A ayo me yi mbila engú bhomu, anga bhú obalua ya aye e pi yi-e, ya aye bha engú inde yi ti da natanga e, yi ti di da naké mboli e ndjindji. Nakolo pi mbia inde-e, yi dje nga ya má kpulakutu de! Engú bini, ma abhundja me yi ahólo nadje ya má kpulakutu madje!

* 1:8 1:8 Adjia: A ko ndu doto adu nani bhú kuti na Tiliki na naki-o. Efeso du nani ne 'ngbé gudhu na kuti ango-o ngae.

Abhomu-o, li 'kpí li Ngámá Yesu agó lie, yi akpí djali li 'ngú gba ya maka ya nde di lie ngakpi djali li 'ngú gba yi-o.

¹⁵ Ma adu nako ne nabhuka bhú 'ngú bhomu-o. Kaka-a, ma adu akunda me ma apu agba yi bhutsibhutsi bhisi, amba yi sia di bádha bhú 'bu bhutsibhutsi na bhisi. ¹⁶ A akunda napa me ma akunda nako nanu agba yi kala nanu bhú Makedonia.† Pipita-a, ma adu di akunda me ma gie matá lima agba yi ngubula me yi teteke ma ngubula nanu bhú Yudaya.

¹⁷ Nedhinga ma apa lie pi yi me ma améne mo-o, ma apa ne 'li ma bhisi bhisi? A mo-o ade. Nedhinga ma nga'o oekpa gba ma-a lie, ma'o li mabhundja inde ayie ka ma makpe de, ngú napa me ma aziba engú ne nayayala bhú dabili bini. ¹⁸ Ebhe apa li ma ngae me engú ma apa e pi yi inde-e, ma pa ne eli bhisi bhisi de. ¹⁹ Padhá de, anga Yesu Kilisito, Ndili gba Ebhe inde ya akpokpo engú gba e pi yi-e, ngama Polo, ne Sila bhú dabili bini ne Timoté, ani go nani ngú naziba 'ngú ne nayayala bhú dabili bini de. Engú bini, ani memene engú inde ani ngapa e-o.

²⁰ Ndu 'ngú li Ebhe apa me ni améne e pi ní-e, améne lie kabula Yesu. Kaka-a, ya ngaziba me adu moko ne 'li ani ngú nadhögö Ebhe. ²¹ Ebhe abhu ya ngae makpe, la di-e, ngaani makpe ngato angu bhú ya bhú dabili bini ne yi li kpadji gba Yesu Kilisito-o. ²² Ani a'o di Bu Bhobua gba e li bua ní ngú nasuno me ní ne naani okpála. Maka ani aha Bu Bhobua gba e lie pi ní-e, ní ambila bhadi me ani ahá di ndu ohe koko inde ani apana e pi ní-e maha.

²³ Ne 'li Ebhe, li ma pa eu-o, Ebhe de bhöle ma. Kabula nalila[‡] yi-e, ma kunda nanu agba yi bhú Kolito mbia inde-e de. ²⁴ A ko de me ya ngakunda nanu ngámá pi nabhuka gba yi-e de ngú napa me yi bhuka bha bini bhende ya ngakunda e de. Padhá de, anga yi ala kpekpeke bhú nabhuka gba yi-o. Ya akunda mangbo namene kulu bhú dabili bini ne yi ngubula me bua yi da bhú djali.

2

¹ Abhomu-o, ngama-a, ma apa li bua ma me a ndjindji ade me ma nu nga agba yi-e de. Padhá de, anga ma asiti matá bua yi ne toto* ² Li ma ha siti pi bua yi-e, a há matá djali muma da? Padhá de, anga kpála inde li bua e asiti-e, tí matá da naha djali muma

de. ³ Kaka-a, ma aye balua bhomu-o pi yi, maka ma aye nako lie bhú balua gba ma na kalanu-o.† Ma kunda nako de me ma kolo agba yi-e, bua ma de siti matá ka okpála inde ayo nako me u ha djali muma-a de. Ma ambila na paká me nedhinga ma nde lie bhú djali-e, ndu yi hana di bhú djali. ⁴ Nedhinga ma aye balua bhomu-o lie pi yi-e, bua ma adu me a nde abedhe ne likabhu di ne tsulu bedhe. Ma aku belegu egbá. Yi abhúndja de me ma aye balua bhomu-o pi yi ngú na siti bua yi-e de. Ma aye mangbo ngú nasuno pi yi lele mukunda ma nde pi yi ne e ko.

Polo apa me u mbu li kpála inde amene siti 'ngú-o

⁵ Li 'ngú bhende atsia kpála inde amene siti 'ngú-o, ani asiti bua ndu yi hana ane ma mane. Engú bini, ma kunda napa 'ngú tété ne na'e'e bhú da e ma'e de. Ani siti bua ndu yi hana de, la-a, ani asiti bua té okpála bedi bhú ká yi. ⁶ Okpála bhelé bhú ká yi ambe bhú 'ndji kpála bhomu-o ambe. Ma abhundja me a pise moko. ⁷ A ayo ibili mangbo mbia inde-e me yi suno bádha bhú 'bu pi ani, amba yi to masi bhú ani, ngubula me likabhu ahá angu ani má tsitsidha de! ⁸ Kaka-a, ma ayo ka yi me yi suno mukunda gba yi-e pi ani. ⁹ Ta naye balua gba ma na kalanu-o pi yi-e, a ko ngubula nale yi, amba ma mbila me yi nani bedhe ngú namene ndu 'ngú inde ma apa e pi yi-e hana. ¹⁰ Yi suno bádha bhú 'bu pi kpála-a, ma asuno bhadi bádha bhú 'bu pi ani. Li ma mbu li siti 'ngú-o, i da me engú na sisiti ngú nambu tété ka ma nde uu-o, ma ambú tété ka yi kala Yesu Kilisito. ¹¹ Ma amene mo-o ngubula me Satana apite ní li 'ngú bini de. Padhá de, anga ní mbila engú inde ani akunda namene e ndjindji.

Polo adu akunda me Tito go bhaka ni bhú gudhu na Tulasi ne ngali gba omabhuka na Kolito

¹² Nedhinga ma akolo lie bhú gudhu na Tulasi ngú nakpokpo Bádha Ngali gba Yesu Kilisito-o, ma au me Ngámá abhulu 'bhö bhoti muma ngú nakpokpokpo abhulu. ¹³ Engú bini, ma azu likabhu li bua ma naali anga ma bhaka ndai ma Tito de. Kaka-a, ma abhana lima pi okpála na Tulasi, ma atsia atapa bhú ndu doto na Makedonia.

Polo ngadhögö Ebhe kabula kulu gba e-o

† **1:16** 1:16 Makedonia: A ko ndu doto bhú kuti gba oGiliki. A li pápá na Abebe. ‡ **1:23** 1:23 Nalila: Polo akunda me ni 'o nedhinga pi okpála na Kolito ngú nadjji bua o li 'ngú u amene e li ani-o. * **2:1** 2:1 Ne toto: Polo anu nani bhú gudhu na Kolito, suka mabhuka bini na Dadjua gba Ebhe-e atsia asobho ani, engú bini Dadjua gba Ebhe-e tsia gama 'ngú tété de. † **2:3** 2:3 Balua na kalanu: A ko bha ndju balua na bini gba Polo pi omabhuka na Kolito de. A ko balua inde angita pi ní-o.

¹⁴ Engú bini, a ayo me ya dhøgø Ebhe, anga ani ngakø pi ya ndu 'kpí hana kalanu bhú galasisi[‡] inde ngasuno me Yesu Kilisito agboko 'gú pí 'ndji ndu 'he hana agboko. Ani ngatima ya ne ndu bili hana ngubula nasuno Yesu Kilisito pi okpála. Nambila ani-e, a maka bádha se 'he inde ngapu ne ndu bili hana. ¹⁵ A ko paká. Ya maka mungotsi inde li se e nde babadha, inde li Yesu Kilisito aha e pi Ebhe. Se mungotsi ang-o ngapu pi okpála inde li Ebhe ngakobho o di ne okpála bhende ngangita. ¹⁶ Pi okpála bhende bhú ngita-a, se mungotsi bhomu-o sisiti, pi u-o, se mungotsi ang-o ngatima uo bhú kuo. [§] Pi okpála bhende li Ebhe ngakobho o-o, se mungotsi bhomu-o babadha, a ngaha pi uo mukobho. A moko! A li nakpokpo Bádha Ngali-e ne tata na ngbéngbé. A ti da namemene da? ¹⁷ Ya maka okpála koko bhelé inde ngakpokpo eli gba Ebhe-e li nasia tia ade. Engú bini, ya mangbo ngakpokpo 'li Ebhe kala ani bhú ngbili 'ngú, bhú nakpøtø lio ne Yesu Kilisito.

3

Omabhuka ne balua inde li Yesu Kilisito aye e-o

¹ Engú inde ma aye e bhomu-o akunda napa me ya akunda matá na'o liya ngaya makpe abhúlá? Ya ne gamu balua ngú nasuno pi yi me ya ne obhulu titima gba Yesu ade. Ya di ne gamu ade me yi ye balua pi ya ngú nadhuku ne di me ya du nasusuno pi okpála. La pi obhulu titima koko-o, a ayo balua. Ya maka uo ade! ² Yi ne balua gba ya-a inde li Yesu Kilisito aye e li bua ya-a ngayi makpe. Ndu kpála hana ti da nambibila ne natatanga. ³ A ko paká, a mbámhá me yi ne balua inde li Yesu Kilisito aye e ngae, ani atsia atima sakpa ya. Ani ye ne 'ngu balua de. Ani aye mangbo ne Bua gba Ebhe inde u-o. Ani ye pi opapala teme[†] de, ani aye mangbo li bua okpála-kuti.[†]

Polo ngamene kulu gba Ebhe-e li lele gandja na mbia

⁴ Ya ngabhuka bhú ongú bhomu-o anga Yesu Kilisito apana pi ya me Ebhe atima ya ngae. ⁵ A ko de me ya ngamene ngua kulu bhomu-o ne angu gba ya makpe-e de, ya mene bhú 'ndji ya de. Ebhe ngaha angu bhomu-o pi ya ngú namemene ngae. ⁶ Ebhe aha angu pi ya ngú nadu okpála na kulu na gandja na mbia-a ngae. Gandja

ang-o lu pí líli inde u aye nani e maye-e de, alu mangbo pí Bu Bhobua . Líli inde u aye nani e ngato kpála bhú kuo. La-a, Bu Bhobua naae ngaha pi okpála mukobho.

Sangu na gandja na mbia ane bhende na didili-e mane

⁷ Nedhinga li Ebhe aye nani líli lie pí opapala teme ngú nahaha pi Moidje-e , sangu gba Ebhe-e adu asu bhúla ani. Abana li zizi adu andjia lie bhúla Moidje-e, a adu nga bha kpekpeke. Omafsalaele ti nani belegu da natsia bhúla ani de.[†] Ní au me belegu li gandja na didili adu ato kpála lie bhú kuo-o, adu bhadi ne sangu. ⁸ I du mo-o, gandja na mbia inde li Ebhe ngaha Bu Bhobua gba e pi ní bhú e asuno sangu gba Ebhe ane mane. A mo-o adi! ⁹ I du me kulu gba Moidje inde adu nato okpála bhú kuo nde nani ne sangu-o, asi la masi pi kulu na mbia gba Ebhe inde ngamene me okpála du ngbingbili-e, a asuno sangu gba ani-e ane mane di! ¹⁰ Ní ti belegu da napa me sangu inde akoto nani bhomu-o matá ngau lie ka sangu na naki inde-e ade, anga a ane bhe nani na kalanu-o mane. ¹¹ Padhá de, anga i du me gandja na didili, inde akoto nani ngú nedhinga bedi-e nde akoto ne sangu-o, asi la masi maka gandja na mbia inde ngabhue duduma ne duduma-a?

¹² Ya ne nabhuka bhú gandja na mbia-o. Kaka-a, ya ti da napa 'ngú pi yi mbámhá. ¹³ Ya mene maka Moidje de. Padhá de, anga Moidje adu nani nabuku bhúla e ne bongo ngubula me omafsalaele au lele maka zi sangu gba Ebhe inde adu asu bhúla ani-e du abulu lie de-o. Zi sangu ang-o adu la bha nani ngú nedhinga bedi. ¹⁴ Omafsalaele ang-o-o, agbite nani bua o má ki! Ngú nakolo pi naki-e, li ongisi gba uo du natanga ongu inde u aye e bhú gandja na didili-e, u kø mbolimboli de. A mana mugito me bongo ngabuku tata-a pi uo. Bongo bhomu-o bha bini nga'e lie me kpála nde akpøtø lie ne Yesu Kilisito. ¹⁵ Abana pi naki, ndu nedhinga hana inde li omafsalaele ngatanga obhuku gba Moidje lie, u kø mbolimboli de.

¹⁶ Engú bini, maka u aye bhú bhuku gba Ebhe-e lie me, li kpála dji bhúla e li pápá gba Ngámá Ebhe-e, oehe inde li pála bongo abuku e ú lie mbámhá. ¹⁷ A ko paká, Ngámá Ebhe-e, a ko Bu Bhobua. La-a, bili li Bua gba Ngámá-a nde li e, okpála inde oo bhú ngu o, a ko matá obalise na líli gba Moidje de. ¹⁸ Ndu ní hana inde

[‡] 2:14 2:14 Bhú galasisi: Polo ngabhundja pindji 'ngbé ngámá gba osudha inde ngagie lie bhú 'gú me ani agboko 'gú-o agboko. Okpála ngabhia kuo li ani ne natsulu mungotsi. [§] 2:16 2:16 Bhú kuo: Bhú galasisi-e, adu nani ne osudha inde agboko 'gú, adu la di ne obhende u agboko o bhú 'gú-o. Obhende u agboko-o, adu nani nadjeke kuo.

[†] 3:3 3:3 Tsia bhú Eki. 24:12. [†] 3:3 3:3 Tsia bhú Dilm. 31:33. [†] 3:7 3:7 Tsia bhú Eki. 34:29.

li bongo nabuku bhúla ní-e ayie bhúla o ayie, ní ngasuno sangu gba Ngámá maka bhú bitolobi. Abhomu-o, Ngámá inde di Bu Bhubua-a ngadji ní me ní kolo maka ní, ne sangu inde nganu bha ne kalanu.†

4

Ebhe ngasuno angu gba e bhú bhuku gba obalise gba e-o

¹ Ebhe bhú bádha bhú 'bu gba e aha pi ya kulu nakpokpo Bádha Ngali . Kaka-a, ya gie liya ne sidi de. ² Ya ayala ndu 'ngú na pepe, i dú di-e bhe na nümü-o hana. Ya mene ehe bhú kali de, ya kpõtse di 'li Ebhe bhú dabili bini ne engú na eu de. Ya mangbo ngasuno ngbili 'ngú pi okpála mbámá. Ya ngamene mo-o kala Ebhe ngubula me okpála hana mbila me lele nadhuku gba ya-a ngbingbili. ³ La-a, i dú me Bádha Ngali inde ya ngakpokpo e nde mbámá ade-e, a mbámá ade bha bini pi okpála inde ngangita-o. ⁴ U ngabhuka ade anga Satana , ebhe na doto inde-e angbingi imbilangu gba uo-o angbingi. Ngaani ebhe ang-o amene ne u aú zi 'kpí inde bhú Bádha Ngali-e de. A ko zi 'kpí na sangu gba Kilisito . Ngaani-e, ani mana Ebhe libhomu. ⁵ Nedhinga ya ngakpokpo Bádha Ngali-e lie, a ko de me ya ngakpokpo engú gba ya makpe-e de. Ya ngakpokpo me Yesu Kilisito ne Ngámá ngae. La pi ya-a, ya bha naaya ne obalise gba yi kabula ani. ⁶ Padhá de, anga Ebhe apa nani me: «Zi 'kpí su bhú bitil!» Aní amene ngae makpe me zi 'kpí gba ní-e su li bua ya ngubula me ya mbila sangu gba ní inde ngasu bhúla Yesu Kilisito-o.

⁷ Oehe na babadha bhomu-o, Ebhe a'o bhú ya. Engú bini, ya bhúbhuku maka madakpa. Ebhe amene mo-o ngú nasuno me angu na ngangamba bhomu-o yie bhú ya de, ayie mangbo bhú ní. ⁸ Ya ngazu ndu ngua likabhu hana, engú bini, likabhu bini ha nga angu ya de. Bua ya angamba, engú bini, ya ngaholo bua ya. ⁹ Okpála ngato mbolo li ya, engú bini, Ebhe 'o ká ya de. U agbo 'i ya, engú bini, u bhøle ya de. ¹⁰ Ya ngadhuku ne kuo ndu 'kpí hana sa so ya maka Yesu, ngubula me mukobho gba ani u di lie bhú lele nadhuku gba ní-o. ¹¹ Ndu nedhinga hana ya nde lie bhú mukobho-o, kuo de ya masikpe kabula Yesu. Abhomu-o, u tsia ti da di nau mukobho gba ani-e bhú lele nadhuku gba ní pila doto-o. ¹² Kaka-a, kuo ngamene kulu bhú ya ngubula me mukobho du namene kulu bhú yi.

¹³ Bhuku gba Ebhe-e ngapa me: «Ma abhuka mu Ngámá, kaka-a, ma atsia agama

'ngú.†» Ngaya di-e, ya abhuka Ngámá, kaka-a, ya atsia agama di 'ngú. ¹⁴ Ya ambila me Ebhe inde azuku Ngámá Yesu bhú ká okpála inde amu-o, azúku di ya bhú dabili bini ne ani. Aní tsia 'o di ya bhú dabili bini ne yi de e. ¹⁵ Ndu 'ngú ya ngakibila e hana-a, a ngubula yi, amba ngayi okpála inde li Ebhe ngasuno bádha bhú 'bu gba e pi yi-e, yi du nabe ndu yi ane mane. Abhomu-o, mayo gba yi nagie heni pi ani-e tsia bé di ndu e. Bhothomu-o tsia há sangu pi Ebhe.

¹⁶ Kaka-a, ya gie liya ne sidi de. Abana li kute ya du nandala-a, ya ambila me bua ya ngasia angu na mbia ekpí bini ne bini hana. ¹⁷ Likabhu ya ngazu e mbia inde-e mbomboye, ní tsia sangu na ngbéngbé inde ngadjeke ní-o. Sangu ang-o ane ndu 'he hana, a la di ngabhue duduma ne duduma. Olikabhu ní ngazu e inde-e ngaleke ní ngú nasia sangu bhomu-o. ¹⁸ Padhá de, anga ní nga'o 'to ní 'to engú i u lie ne djila de-o. Ní 'o 'to ní 'to engú inde ngau lie ne djila de-e de. Ehe bhende ngau lie ne djila ngabhue naali ade, engú bini, ehe i u lie ne djila de-e, ngadu duduma ne duduma.

5

Kute na mbia inde li omabhuka asia e abhúla-o

¹ Ní mbila hana me li eti inde ní nde bhú e kpi-e, a ka ní ne eti koko abhúla a akunda napa me, ekpí bini, ní akpí makpi, ní tsia 'o ka kute na doto inde. Eti li Ebhe aleke e pi ní-e, okpála yiki ngao de. Eti ang-o adú duduma ne duduma. ² Nedhinga ní nde lie bhú kute inde-e, ní ngalopolo liní anga gumu gba ní na ngbéngbé-e me ní dyi kute na abhúla maka bongo na mbia. ³ Nedhinga ní a'ó ka kute na doto inde-e lie, ní dú abhúla mandí kute de. Ní asia kute na mbia. ⁴ Ní mbila hana me ní nde nga bha lie bhú kute na doto inde-e, ní ngalopolo liní mugito me ní abi tili 'he. A ko de me ní ngagili nadu mandí kute-e de. Ní mangbo ngagili me ní dyi kute na abhúla ngubula me mukobho ha angu ehe bhe na kukuo-o. ⁵ Ebhe aleke ní ngubula mukobho ang-o ngae makpe. Aní atsia aha ngaiza Bua gba e pi ní bhú ka ohe inde ani aleke e pi ní-o.

⁶ Ní mbila hana me, nedhinga ní nde lie bhú kute na doto inde-e, ní nga bha tsutsu de bili li Ebhe Ngámá nde lie-o. Abana inde lie mo-o, ní abedhe ndu 'kpí hana ne masi. ⁷ Padhá de, anga ní ngadhuku li lele nabhuka makpe, ní dhuku li lele nakpata engú ní ngau e ne djila ní-e de.

⁸ A moko, ya abedhe ne masi bedhe. Ya la di ne gumu nayie bhú kute inde-e ngú nanu nadu dengo Ngámá gba ní-o. ⁹ Engú inde li bua ya ngae inde, a ayo me ya mene engú inde anga li Ebhe, abana ya du bhú kute inde, abana ya yie bhú kute ang-o. ¹⁰ Padhá de, anga a ayo me ndu ní hana ní ze bhú djila Yesu Kilisito ngú napa me ani kodho 'ngú gba ní-o. Abhomu-o, li kpála ne kpála tsia sia ehe inde ati ne engú li ani amene e li nedhinga ani adu lie bhú kute na doto-o. Kpála ne kpála asia makalá na bádha 'ngú, i du di-e bhe na siti 'ngú inde ani amene e-o.

Ebhe nga'i okpála bhú 'li ya

¹¹ Ya mbila hana me namanga Ebhe ne ni-ie. Kaka-a, ya ngagili me ya to bhú 'ndji okpála me u bhuka Bádha Ngali ya ngakpokpo e-o. Kala Ebhe-e, ní ti da nawo liní de. Ma ngabhundja la di me kala yi-e, ma wo lima de. ¹² Ya kunda matá de me ya kpokpo 'ngú gba ya-a pi yi ngaya makpe de. Engú bini, ya ngakunda na'o yi me yi du ne gindaginda li 'ngú gba ya-o. Abhomu-o, yi ti da nagie 'ngú pi okpála inde ngau ngbengbe ongú bhende i ngau lie mbámá, inde i tsia 'kpí li 'ngú bhende li bua kpála de-o.

¹³ I du me ya nde ne obhulu pele maka li okpála koko ngabhundja lie-e, a ko kabula Ebhe. I du me ya nde ne obhulu pele ade-e, a ko ngabula nateteke yi. ¹⁴ Engú inde ngatima ya me ya mene kulu inde-e ne kekele-e, a ko mukunda li Yesu Kilisito nde ne e pi ya-o. Ya ambila ndjindji me Yesu Kilisito akpi mada ndu okpála hana. Kaka-a, bhú djila Ebhe-e, ndu okpála hana amu bhú dabili bini ne ani. ¹⁵ Ani akpi ngabula ndu okpála hana, amba ndu obhende bhú mukobho adú matá akobho bhú ngu o de, engú bini, u du akobho pi kpála inde akpi, atsia azuku pi uo-o.

¹⁶ Kaka-a, ya matá ngatsia kpála ne djila bhe na kpála-kuti ade. A ko paká ya adu nako natsia Yesu Kilisito ne djila bhe na kpála-kuti, la mbia inde-e, ya matá ngatsia ani mo-o ade. ¹⁷ Nedhinga li kpála akpøtø lie lie ne Yesu Kilisito-o, ani akolo kpála na mbia. Lele dasundu gba ani na kalanu-o andjia. A ibili bhú ani ne lele dasundu na mbia. ¹⁸ Ebhe ngamene ndu 'ngú bhomu-o hana ngae. Ani atima Yesu Kilisito me ani go to guo 'ngú sunda ní ne o. Ani aha kulu bhomu-o pi ya ngae me ya nu gbele okpála koko de ní, amba ní to guo 'ngú sunda ní ne uo. ¹⁹ Padhá de, anga Ebhe adu namene kulu ngú nato guo 'ngú sunda o ne okpála-kuti li kpadji gba Kilisito. Ani tsia matá siti 'ngú gba uo de. Abhomu-o, Yesu Kilisito atsia atima ya me ya kpokpo pi okpála lele

maka a ayo lie me u sia guo 'ngú sunda o ne Ebhe-o.

²⁰ Bhobhomu-o akunda napa me Yesu Kilisito atima ya ngae makpe. A na paká me Ebhe nga'i okpála bhú 'li ya. Kaka-a, ya ngayo ka uo ne 'li Yesu Kilisito me, u 'o me Ebhe to guo 'ngú sunda o ne e. ²¹ Yesu Kilisito mene nani siti 'ngú belegu de bini. Engú bini, Ebhe a'o kili siti 'ngú gba ní-e li 'ngbu ani, ngabula me li kpadji gba ani-e, ní sia ngasa nakolo ngbingbili bhú djila Ebhe.

6

¹ Ya ngamene kulu bhú dabili bini ne Ebhe. Inde lie mo-o, ya ngayo ka yi me, yi aú bádha bhú 'bu li Ebhe apana e pi yi-e padhá de. ² Padhá de, anga Ebhe apa bhú Bhuku gba e me:

«Nedhinga akolo lie me ma mene bádha 'ngú pi yi okpála gba ma-a, ma adje yi.

Nedhinga akolo lie me ma kobho yi-e, ma ateteke yi.†»

Ondaise ma, yi gbo 'dje yi, a ko mbia inde-e nedhinga na babadha, a ko nedhinga na mukobho.

Likabhu li Polo azu e asuno me a ko kukulu bali gba Ebhe

³ Ya kunda namene engú bini de inde améne me okpála ti ka e-o, anga i du mo-o de-e, u pá 'ngú li kulu gba ya-a sisiti. ⁴ Bhú ndu 'ngú ya ngamene e hana-a, ya akunda mangbo nasuno pi okpála me ya ne obalise na kukulu gba Ebhe. Abana ya du nasia mangua likabhu dho-ie, abana u du nato mbolo li ya, ya bha ngakikibila makibila. ⁵ U abhi ya, u amba ya bhú tikpu, u ato kpéke ndji bhú 'ndji okpála me u mene ya sisiti. Ya abhøø kuo ya ne kulu masikpe da napa me ya asia belegu nedhinga nala ne nazu 'he de. ⁶ Bua ya kala Ebhe bubu, ya ngasuno me ya ambila ongú gba Ebhe-e má kpølukutu! Ya ne 'ndjá bua, ya ne bádha bua, Bu Bhobua bhú ya, ya la di ne mukunda na kukulu.

⁷ Ya ngakpokpo kukulu 'ngú pi okpála bhú angu gba Ebhe. Lele bádha nadhuku gba ya-a pi ya maka tia 'gú ngú naha 'gú ne obhulu yala gba ya-o. A di pi ya maka kopí ngú nalila liya ne di sakpa obhulu yala gba ya-o. ⁸ Okpála koko ngamanga ya, okoko ngau ya bhú djila o padhá. Okpála koko ngatoko ya, okoko ngasobho ya. Okpála ngau ya mugito me ya ne obhulu eu, ya nde la ngapa kukulu 'ngú-o. ⁹ Okpála koko ziba de me ya ne obhulu titima gba Yesu-o de, engú bini, okpála bhelé ngaziba ya. Okpála koko ngau ya mugito me ya ne

† 6:2 6:2 Tsia bhú Isa. 49:8.

omakpiakolo, ya nde la bhú mukobho-o. U ngato mbolo li ya, engú bini, ya mu de. ¹⁰ Abana li bua ya ngabi likabhu lie ka okpála naali-e, ya bha ndú 'kpí hana bhú djali. Ya bhú ndíbhili, engú bini, ya ngamene me okpála bhelé kolo obhulu tia kala Ebhe. Ya ngau liya bhú djila okpála mágito me ehe bini ka ya píla doto inde-e ade. La-a, bhú ngbingbili-e, ndú 'he hana ne naaya 'he.

¹¹ Ngayi ondaise ya na Kolito-o, ya agama 'ngú pí yi mbámhá. Ya wo engú inde li bua ya-a belegu de bini. ¹² Pí ya-a, ya gbite bua ya pí yi de, yi agbite mangbo bua yi pí ya ngayi. ¹³ Ma ngagama 'ngú pí yi mágito me yi ne ongisi ka ma. Ma ngapa pí yi me: «Yi gie mukunda ya nde ne e pí yi-e pí ya. Yi awó engú inde li bua yi-e pí ya de.»

Yi akpétse liyi ne omupagano de

¹⁴ Yi akpétse liyi bhú dabili bini ne omupagano ngú namene ehe ne uo de. Ehe inde ngbingbili-e tí da nakpétse lie bhú dabili bini ne ehe na sisiti-e lele pí? Zi 'kpí tí da nakpétse lie bhú dabili bini ne bití lele pí? ¹⁵ Yesu Kilisito tí da nadje lío ne djabulu lele pí? Kpála inde abhuka Yesu-o tí da nadú ne mabhundja bini ne kpála bhende i bhuka de-e uu? ¹⁶ Nganí-e, ní ne 'ngbé 'tí Ebhe inde uu. 'Ngbé 'tí Ebhe tí da nakpétse lie ne 'tí atolo belegu de bini. A maka li Ebhe apa lie li 'ngú gba omaha e me:

«Ma adú bhú ká uo,

ma tsia dhúku bhú dabili bini ne uo.

Ma adú ne Ebhe gba uo, u tsia dú ne omaha ma.†»

¹⁷ Ka 'ngú ango-o, Ebhe Ngámá apa pí uo me:

«Yi ze bhú ká omupagano maze,
yi adú ne uo bhú dabili bini de.

Yi abú 'kpa yi li 'he inde kala ma sisiti-e de,

abhomu-o ngama-a, ma tsia zíba yi.†

¹⁸ Ma adú ne 'dyi yi,
yi tsia dú ne ongisi gba ma.

Ngámá Angbamili apa mo-o.†»

7

¹ Ondaise ma na mukunda, Ebhe apa me engú inde ní apa me ní améne e pí ní-e, ní améne mamene. I nde lie mo-o, a ayo me ní vula líni bhú ndú osisiti 'ngú inde ngato zibotu lí kute ní ne bua ní-e hana. Ní mene ne kpéke me ní dá bubu kala Ebhe ne namanga aní mamanga.

Polo akpi ndjili ka li omabhuka na gúdhú na Kolito adji bua o lie-o

² Ondaise ma, yi 'o ya li bua yi! Ya amene siti 'ngú li pabili gba kpála bini de. Ya a'e kpála bini li kpadji gba Ebhe-e de. Ya ha 'he ka kpála bini bhú napite ani de. ³ A ko de me ma ngapa 'ngú bhomu-o ngú na'o mangimbo pí yi-e de. A maka ma de apa lie-o, ya ne mukunda pí yi naali. Ehe bini gbó bhusu mukunda ya nde ne e pí yi-e de, abana i dá nakpi, abana i dá me ní nde bhú mukobho. ⁴ Yi ne kpákpá na bua ma. Ma ne gindaginda naali li 'ngú gba yi-o. Bhú ndú likabhu ya ngazú e hana, ya gie liya ne sidi de, ya abedhe mangbo ne djali bedhe.

⁵ A ko paká, abana nedhinga ya akolo lie bhú Makedonia, ya sia belegu nedhinga bedi ngú nago de. Ya asia okpekpeke da 'ngú ne ndú pasu hana. Ya dú ne guo 'ngú sunda ya ne okpála koko de, ya atsia adú ne tsulu. ⁶ Engú bini, Ebhe inde atoto masi bhú okpála inde andala-a, abedhe matá ya ne masi li nedhinga li Tito agie lie lie-o. ⁷ Ya bedhe bha ne masi ka nago ka ani-e de, engú bini, ngali ani akpokpo e pí ya-a ato dí masi bhú ya ngae. Aní akpokpo pí ya lele maka yi ato masi bhú ani lie-o. Aní akpokpo pí ya me yi abedhe ne gumu nau ma bedhe. Aní apa me yi ngakina liyi ka osisiti 'ngú yi amene e-o. Aní apa me yi ne gumu nago nateteke ma bhú egú ma ngagú e ne obhulu yala gba ma-o. Ma adje lie mo-o, ma abedhe matá ne djali bedhe.

⁸ Ma ambila me balua* inde ma aye nako e pí yi-e aha babuma pí yi naali. Ma tí nako da nadje likabhu li bua ma tété, padhá de anga, ma ambila me balua bhomu-o aha likabhu pí yi ngú nedhinga bedi. Engú bini, bua ma ne likabhu tété mbia inde-e ade.

⁹ A na paká me, ma mangbo ngakpi djali. Ma kpi djali ango-o ka babuma yi asia e ka ma-a de. Engú bini, ma ngakpi djali anga babuma yi asia e amene me yi dji bua yi. Babuma yi asia e bhomu-o, yi asia li lele maka li Ebhe akunda lie-o. Inde lie mo-o, ya mene yi sisiti de. ¹⁰ Padhá de, anga li kpála sia babuma li bua e li lele maka li Ebhe akunda lie-e, babuma ango-o há pí aní nadjí bua e. Aní dji bua e-e, aní tsia kóhbo. Ya tí da nadje likabhu li bua ya tété lele pí? Engú bini, li kpála sia babuma li bua e, i dá me aní nde dji bua e de-e, bhobhomu-o ngagbele pí aní nakpi.

¹¹ Babuma yi asia e, yi asia li lele maka li Ebhe akunda lie-o. Yi tsia nga obabadha 'ngú inde li babuma ango-o azu e bhú yi-o:

† 6:16 6:16 Tsia bhú Lev. 26:11-12; ne bhú Edj. 37:27; di ne bhú Dglm. 32:28. † 6:17 6:17 Tsia bhú Isa. 52:11;

di ne bhú Edj. 20:34, 41. † 6:18 6:18 Tsia bhú 2 Sam. 7:8, 14. *

7:8 7:8 Balua: A ko balua na bini gba Polo pí omabhuka na Kolito de. A ko balua inde ani aye e atsia angita-o. † 7:11 7:11 Tsia bhú 2 Kol. 2:5-11.

a ngaha pi yi me yi du ne bádha bua ngú naleke 'ngú sunda yi má gala! Yi asuno mbámbá me yi li bhú siti 'ngú de.⁷ Yi ngake 'ngú liyi li siti 'ngú angó-o. Yi ne tsulu li 'ngú inde li siti 'ngú angó-o ti da nazu e-o. Yi abedhe ne gumu nau ma di ne namene engú li lele maka li Ebhe akunda lie bedhe. Yi bedhe ngú na'o 'ngú pi kpála inde amene siti 'ngú-o. Yi apana mbámbá me ngayi makpe-e, yi li bhú 'ngú bhomu-o de.

¹² Li ma ye balua pi yi-e, ma ye ka 'ngú gba kpála inde amene siti 'ngú-o de. Ma ye di ka 'ngú gba kpála bhe u amene siti 'ngú li e de. Ma aye mangbo ngú nasuno me yi mbila mbámbá kala Ebhe me yi ne mukunda pi ya li bua yi naali. ¹³ Kaka-a, engú yi amene e ako bua ya kuto.

Bua ya kò bha kuto ngae de, ya akpi di djali naali ka nau me Tito adu ne djali naali ka li ndu yi hana ato masi bhú ani lie-o. ¹⁴ Nedhinga ma atima ani lie agba yi-e, ma akpo 'ngú yi pi ani ndjindji. Mbia inde-e, yi tsia ha numu muma de. Maka ya akpokpo nako lie yi kuku 'ngú ndu 'kpi hana-a, ndu babadha 'ngú ya akpokpo e li 'ngú gba yi pi Tito asuno me a ko kuku 'ngú. ¹⁵ Nedhinga ani akolo lie agba yi-e, yi asia ani ndjindji. Ndu yi hana, yi amanga ani naali, yi au ani ne tsulu, yi atsia adu amene engú maka ani akunda lie-o. Ani bhundja engú bhomu-o, ani bedhe matá ne mukunda pi yi bedhe. ¹⁶ Ma ne djali, anga yi ne kpúkpú na bua ma bhú ndu 'ngú hana.

8

Polo ato masi bhú omabhuka na gudhu na Kolito me u teteke ondaise o na Yelusalema

¹ Ondaise ya, ya akunda me yi mbila engú inde li Ebhe amene e bhú bádha bhú 'bu gba e pi okpála na oDadjua gba Ebhe na Makedonia.* ² Omabhuka inde oo azu nani likabhu naali, engú bini, u abedhe ne djali bedhe. U adu nani bhú ndibhili naali, engú bini, u du atsia bhúla 'he pi okpála de. ³ Ma au ne djila ma makpe. U apu 'he nakpata lele ehe inde adu ka uo-o. U apu belega 'he nane dada mane. U aha bhú ngu o, okpála kata uo tété gandji de. ⁴ U akikiliki li pi ya naali me ya asuno bádba bhú 'bu pi o, ngubula me o to 'kpa o pi omabhuka na Yudaya ne natima tia pi uo. ⁵ Ehe inde u amene e ane bhende ya adu nabhundja e-o. U aha ngaiza lio libhomu ngubula kulu gba Ngámá Yesu. U atsia aha di lio ngú nateteke ya nakpata lele maka li Ebhe akunda lie-o.

⁶ Kaka-a, ya ayo ka Tito ne kekele me ani gie lie agba yi ngú nandjia dú kulu na bádha bhú 'bu inde ani akpo nani lita e ko. ⁷ Yi ne obhulu tia kala Ebhe nane okpála koko. Nabhuka gba yi-e kpekpeke. Yi ngakpokpo Bádba Ngali gba Ebhe-e ndjindji. Yi mbila 'ngú gba Ebhe-e ndjindji. Yi aha liyi libhomu ngú kulu gba Ebhe-o. Yi ne mukunda naali li pabili gba ya. Ka 'ngú angó-o, yi mene ne kpeke me yi du ne obhulu tia li kpadji na ngua bádha bhú 'bu bhomu-o.

⁸ Engú inde ma apa e pi yi bhomu-o, a ko de me ma aha pi yi maka lili-e de. Ma apa mangbo pi yi, ngubula nasuno lele maka li oDadjua gba Ebhe koko amene lie-o. † du me yi nde akpata lele maka u amene lie-e, yi suno me mukunda gba yi-e di kuku. ⁹ Padhá de, anga yi mbila bádha bhú 'bu gba Ngámá gba ní Yesu Kilisito hana. Ngaani kpála inde adu bhulu tia, ani a'o lie bhulu ndibhili ngú nateteke yi. Ani amene mo-o ngú napa me, bhú ndibhili gba ni-e, yi kolo obhulu tia kala Ebhe.

¹⁰ Ma ngaha pi yi mabhundja gba ma pindji napa 'he pi omabhuka inde bhú ndibhili-o. Bhú kalanga inde akodho 'kpi-e, yi adu nako okpála na kalanu ngú napa 'he. Yi du bha bini kalanu bhú napa 'he de, yi adu di ne okpála na kalanu nabhundja 'ngú angó-o. ¹¹ Kaka-a, mbia inde-e, yi ndjia kulu bhomu-o ndjindji. Yi 'o bua yi ngú nanu ne 'ngú angó-o ne kalanu akolo a li soso, ne mukunda inde yi adu nani ne e ngú namemene, nakpata lele ehe inde ka yi-o.

¹² Padhá de, anga i du me yi nde apu 'he pi Ebhe ne bua yi bini-e, Ebhe ngaziziba bha bini li lele bhende ka yi-o. A ko de me Ebhe nga'o 'to e me yi pu pi ni ehe bhende ka yi ade-e de. ¹³ A ko de me ma akunda na'o likabhu gba okpála koko pi 'ngbu yi ngú nato yi bhú ndibhili-e de. A ko mangbo me ndu yi hana yi du ne 'he inde ati ne yi-o. ¹⁴ Mbia inde-e, ehe ka yi bhelé. Kaka-a, yi ti da nateteke okpála bhende bhú ndibhili-o. Ekpi koko-o, yi du di bhú ndibhili me ehe nde ka uo bhelé-e, u ti da nateteke di yi. Li ndu yi hana tsia du ne 'he inde ati ne yi-o. ¹⁵ A maka u aye lie bhú bhuku gba Ebhe-e me: «Okpála anu ngú nalo mana.

Okpála bhende alo bhelé-e, u azu lie, ale ne uo.

Okpála bhende i lo bhelé de-e, u azu lie, ale bhadi ne uo.†»

Polo atima Tito ne obi e nalo tia

¹⁶ A ayo me ní dhogè Ebhe inde a'o li bua Tito me ani nu teteke yi maka ya amemene

* 8:1 8:1 O Dadjua gba Ebhe na Makedonia: A ko obhende bhú Filipoi, Tesalonike ne Belaya-o. † 8:15 8:15 Tsia bhú Eki. 16:18.

lie-o. ¹⁷ Tito aziba engú inde ya ayo e ka ani-o. Aní ziba bha bini 'li ya de, engú bini, ani aziba ne bua e makpe me ni nu agba yi anga ani ne mukunda pi yi. ¹⁸ Ya atima ani di bhú dabili bini ne ndai ní, inde li oDadjua gba Ebhe-e ngadhög e kabula kulu inde ani ngamene e ngubula Bádha Ngali-o. ¹⁹ La matá di-e, oDadjua gba Ebhe abhu ani ngubula me ya anu ne uo bhú dabili bini ngú namene kulu na bádha bhú 'bu inde. A ko kulu inde a ayo me ní mene e ngú naha sangu pi Ngámá gba ní ngae makpe. Abhomu-o, i tsia súno di pi okpála bádha bua gba ní-o. ²⁰ Otia inde ya apo bhúla e-e bhelé. Kaka-a, ya ngalilila ndjindji ngubula me okpála apá 'ngú na sítisi lí ya tété de. ²¹ Ya ngagili ne kpéke me ya mene engú inde babadha bhú djila Ngámá gba ní di ne bhú djila ndu okpála hana.

²² Ya di ngatima suka ndai ní bini bhú dabili bini ne obhe bhisi bhomu. Ya ale ani bhutsibhutsi, ya atsia au me ani ngaha lie ndu 'kpí hana ngú kulu gba Ebhe-o. La mbia inde-e, ani matá ngaha lie ane mane anga ani ngambila ndjindji me yi ne kpákú na bua ni. ²³ La pi Tito-o, a ko kpála inde ya ngamene kulu ne e bhú dabili bini. Ya ngamene kulu ne ani bhú ká yi bhú dabili bini. Okpála bhe bhisi inde adhaku ne ani-e, okpála na oDadjua gba Ebhe-e atima uo ngao. U ngamene kulu ngú naha sangu pi Yesu Kilisito. ²⁴ Kaka-a, yi suno mukunda gba yi-e pi uo ne bua bini. Li okpála na oDadjua gba Ebhe-e aú lie mo-o, bhobhomu-o súno pi uo me ya pa 'ngú gba yi-e bhú djila uo bhú eu de.

3

Ebhe ne mukunda naali pi okpála inde ngapu 'he ne djali-o

¹ Tata ngú napa me ma ye 'ngú pi yi pindji kulu gba ní nateteke omabhuka inde bhú ndu doto na Yudaya ade. ² Padhá de, anga ma mbila bádha bua yi nde ne e pi uo hana. Ma ngapa 'li ma tété de ondaise ní na Makedonia* me, «ngayi ondaise ya na Akai, yi bedhe ngú nateteke omabhuka na Yudaya, nayie bha bini bhú kalanga inde akodho 'kpí-o.» Li okpála na Makedonia adje lie mo-o, okpála bhelé bhú ká uo asia di gamu nana nateteke uo.

³ La-a, ma ngatima ondaise ní bata agba yi ngú napa me yi po bhúla tia bhomu-o kalanu maka ma apa nako pi okpála koko lie me yi améne mamene-o. Abhomu-o, nedhinga ya akólo lie agba yi-e, engú ya apa e pindji yi pi uo-o, akóto eu de. ⁴ Ne ma ne okpála na Makedonia, li ya kolo

agba yi, ya bhaka me yi nde nga bedhe ade-e, numu méne ya naali. Ma ambila la bhadi me numu bhe gba yi-e dú la matá bhe nane mane, anga ma apa pi uo me yi bedhe. ⁵ Kaka-a, ma au ndjindji me ma yo ka ondaise ní inde-e me, u nu pi ya agba yi kalanu ngú napa me u holo napo bhúla tia inde yi apa nako me yi ahá e-o. Abhomu-o, tia bhomu-o adú bedhe ngú nadjeke nakolo ka ma-o. A tsia súno me yi ngahaha ne bádha bua, yi ha ne siti bua de.

⁶ Yi mbila ndjindji me: kpála inde alu ezu bedi-e, ani asia bhadi bedi. Kpála inde alu ezu bhelé-e, asia bhadi bhelé! ⁷ Kaka-a, a ayo me kpála ne kpála ha maka ani abhundja lie-o. Ani apú ne bua na bhisi bhisi de, ani apú di de me anga u aholo ni tété ne kpéke-e de. Padhá de, anga Ebhe ne mukunda pi kpála inde ngapu 'he ne djali-o. ⁸ Yi mene mo-o, Ebhe ne angu ngú nabeledhe yi ne ndu bádha bhú 'bu hana, ngubula me yi du ndu 'kpí hana ne ndu 'he hana inde yi nde ne gamu e ngú mukobho gba yi-o. † du mo-o, yi du di ne 'he inde yi ti da na'o e li tula ndu obabadha kulu hana. ⁹ A maka u aye lie bhú Bhuku gba Ebhe-e li 'ngú gba kpála inde ngbingbili-e me:

«Kpála inde ngapu 'he pi obhulu ndibhili ne bua e bini-e,
bádha 'ngú gba ani-e ngadu daduma ne daduma.»[†]

¹⁰ Ebhe ngaha nguwa pi okpála ngú nalulu, di ne mapa ngú nazuzu. † nde lie mo-o, ani ahá ndu nguwa yi nde ne gamu e hana pi yi. Ani tsia méne di me a bhele ngubula me yi du napa 'he ne kalanu. ¹¹ Ebhe améne me yi du ndu nedhinga hana ne obhulu tia ngubula me yi du napa 'he ndu 'kpí hana. Abhomu-o, li okpála bhelé gie heni pi Ebhe li ohe inde ya ahá e pi uo ne 'li yi-o. ¹² Padhá de, anga ehe yi apú e tétéke bha bini omabhuka inde bhú ndibhili-e de. A méne di me okpála bhelé gie heni pi Ebhe bhú mayo gba o-o. ¹³ U au kulu yi ngamene e ne tata naali. Kaka-a, u agie heni pi Ebhe ngú nau me yi ngamanga Bádha Ngali gba Yesu Kilisito, di ne me yi ngagbo bhusu 'he gba yi-e ne o, di ne okpála koko. ¹⁴ U asúno mukunda gba o-o pi yi bhú nayo Ebhe. U améne mo-o, anga bádha bhú 'bu gba Ebhe-e amene me yi bhulu 'kpa yi pi uo. ¹⁵ A ayo me ndu okpála hana dhög Ebhe ngú bádha 'ngú gba e inde ane mane-o.

10

Polo agie 'ngú pi okpála inde nga'o 'ngú

* 9:2 9:2 OAdjua gba Ebhe na Makedonia: A ko obhende bhú Filipoi, Tesalonike ne Belaya-o. † 9:9 9:9 Tsia bhú Ets. 112:9.

pi ani-o

¹ Ngama Polo-o, ma ngayo ka yi engú bini, ne 'li Yesu Kilisito kpála na bhuku 'ngú di ne bádha 'ngú-o. U ngapa li ma me ní dā ne yi bhú dabili bini-e, ma ngaké lima ne kuto, i dā la me ma nde tsutsu-o, ma ngagama okpekepe 'ngú pi yi bhú obalua gba ma-o. ² Engú inde ma ngayo e ka yi-e, ma ngayo ka yi me, yi atima ma de me ma gama okpekepe 'ngú pi yi nedhinga ma akólo lie agba yi-e de. Okpála koko bhú ká yi ngabhundja me ya ngamene 'ngú maka okpála na doto. La-a, pi okpála bhomu-o, ma asúno angu gba ma-a pi uo masuno.

³ A na paká me ya ne okpála-kuti, engú bini, ya ngagu gbele maka okpála-kuti ade. ⁴ Bhú gbele ya ngagu e-e, otia 'gú ya ngagu gbele ne e-e, a ko obhende na píla doto inde-e de. A ko okpekepe tia 'gú inde ayie ka Ebhe. Otia 'gú bhomu-o ne angu ngú nabhili okpála inde ngagu Ebhe-o. Ya ngani ne di 'bhé obhulu e inde ngagbe kpekebhe-o. ⁵ Ya ngaha angu eu gba uo inde ngamene me u abhúka Ebhe de-o. Ya ngagili nadji mabhundja gba uo-o ngubula me u manga Yesu Kilisito. ⁶ Nedhinga yi apána lie me yi ngamanga ya maka a ayo lie-e, ya 'ó 'ngú pi ndu okpála koko hana inde i kunda namanga ya de-o.

⁷ Yi tsia 'ngú maka inde lie-o. Li okpála koko bhú ká yi pa me o ne okpála ka Yesu Kilisito-o, a ayo me u mbila me ya di ne okpála ka Yesu Kilisito maka uo. ⁸ Angu li Ngámá Yesu Kilisito aha e muma-a, a ngubula me ma teteke yi ne di. A ngubula nabhili yi ade. Nedhinga koko-o, ma ne gindaginda tété naali, ma dje numu tété de. ⁹ Ma kunda de me yi holo nabhundja me ma ngakunda nabu tsulu li yi, ne obalua gba ma, ma aye e pi yi-e de. ¹⁰ Padhá de, anga okpála bini bini ngapa me: «Li Polo ye balua pi ní-e, ani ngaye okpekepe 'ngú, a ngandjia angu ní mandjia. Engú bini, ani kolo bhú ká ní ngae makpe-e, ani holo nagaku, ani lé nagama 'ngú pima.» ¹¹ A ayo me okpála inde ngapa ngua 'ngú bhomu-o mbila me, engú inde ya ngaye e bhú obalua gba ya me ya nde de yi tsutsu-o, ya kolo gba yi-e, ya améne bha maka ya aye lie pi yi bhú obalua-o.

¹² Okpála bhomu-o ngau lio ne bhúla naali. Ya pá de me ya viti ne uo bini-e de, ya kpó 'ndji ya ne uo de. A ko ongingi. U ngapima lio ngao makpe, u ngakpo 'ndji o li kute o makpe. ¹³ Li pápá gba ya-a, ya ti da napa 'li ya nane dada mane de. Nedhinga li Ebhe amba bhúla ya lie ne kulu agba yi-e, ani atsia akodho kozie tété. Ya apise bha ne kulu gba ya li kozie

ango-o. ¹⁴ Ya gó nani ne Bádha Ngali gba Yesu Kilisito agba yi de-e, u de apá li ya me ya agulu kozie gba ya-a agulu. Engú bini, i nde la lie me ya nde ne okpála na kalanu ngú nanu ne Bádha Ngali pi yi-e, bhobhomu-o asuno me ya gulu nga kozie gba ya-a de.

¹⁵ Kaka-a, ya pá 'li ya li kulu inde li okpála koko amene e de. Engú bini, ya ne gamu me nabhuka gba yi-e be ndu e, ngubula me kulu gba ya bhú ká yi-e be di ndu e. Ya abhundja me ya ne nga bili inde li Ebhe apa me ya pise lie de. ¹⁶ Pipita-a, ya ti da nasia kpadji ngú nanu ne Bádha Ngali-e bhú ondu doto koko. Ya kunda napa 'li ya li kulu li okpála koko amene e ngao li bili li Ebhe atima uo lie de.

¹⁷ Padhá de, anga Bhuku gba Ebhe-e apa me: «Li kpála kunda napa lie-e, a ayo me ani de pa bha bini li engú inde li Ebhe Ngámá amene e-o.» ¹⁸ Padhá de, anga a ko de me Ebhe ngaziba okpála inde ngapa 'li o ngao makpe-e de. Engú bini, ani ngaziba obhende anga li ani-o.

11

Polo akpo 'ndji e ne okpála inde ngabhi 'kpa o pi mbulu o me o ne obhulu titima-o

¹ Yi ti da nadu ne 'ndjá bua muma uu, ngubula me ma gama mbo 'ngú maka bhulu pele! A moko, yi dā ne 'ndjá bua muma. ² Padhá de, anga ma ne botolo ngú yi ndu nedhinga hana, maka li Ebhe nde di lie ne botolo ngú yi-o. Ma ngatsia 'kpí li yi ndjindji ngubula me yi dā bubu ngú kava. Bhoko na kava angoo, a ko Yesu Kilisito. ³ Yi bhundja me kpulu apite nani Eva, ani atsia ayie li bádha kpadji. Kaka-a, ma ngakpe me kpála bini agó apite yi de ngubula me mukunda gba ya pi Yesu Kilisito ndjia.

⁴ Ma ngapa mo-o, anga li kpála bini go agba yi-e, yi bedhe ngú nabhuka ani má gala! Engú la li kpála angoo ngakpo e li 'ngú gba Yesu, ne li 'ngú gba Bu Bhobua, la di ne li 'ngú na Bádha Ngali-e kpi ne bhende ya asuno e pi yi-o. ⁵ Yi ngabhundja me okpála bhomu-o ne ongbenge obhulu titima. La ngama-a, ma bhundja de me u ane ma-a de. ⁶ A na paká me pi yi-e, ma mbila nagama 'ngú bhú ká okpála ndjindji de. Engú bini, li pápá nambila Ebhe-e, ma mbila ani ndjindji. Ya asuno engú angoo pi yi mbánbá bhatsibhatsi bhú ndu 'ngú hana inde ya amene e-o.

⁷ Nedhinga ma akpokpo Bádha Ngali gba Ebhe lie pi yi-e, ma dha bhú yi de. Ma aké lima ne kuto ngubula me yi 'u ne bhúla. Bhobhomu-o apa me ma amene sisiti? A mo-o ade. ⁸ Ma adu lie oo-o, ma

aziba me oDadjua koko bi mukobho gba ma ngao. Ma abha otia na oDadjua angoo ngú nateteke yi nedi! ⁹ Oo-o, ma dha bhú kpála bini bhú ká yi de, li ma adu lie ne gumu tia-o. Engú bini, omabhuka na Makedonia ago muma ne ehe inde ma adu ne gumu e ngao. Ma alila lima bhú ndu 'ngú hana me ma adu pi yi maka tili kili de. Ma ayó la di galikpe ehe li yi de.

¹⁰ Ne 'li Yesu Kilisito inde bhú ma-a, ma ngapa pi yi kukulu 'ngú: ma ne gindaginda naali anga ma nde ha 'he ka yi de. Bhú ndu doto gba yi na Akai libhomu-o, kpála bini ti da nayoko ma de me ma adu ne gindaginda tété de-e de. ¹¹ Ma kunda nadu tili kili pi yi de ka ni? A ko anga ma ne mukunda pi yi adi? Ebhe apa bhobhomu-o li ma ngae! ¹² Ma adu bha maka ma nde lie inde. Ma ziba tia ka yi de, ngubula me okpála bhe i ngabhi 'kpa o pi mbulu o me o ne obhulu titima au kpadji ngú napa 'li o de me o bhadi ngamene kulu maka ya-a de. ¹³ Okpála angoo, ngapite okpála. U ngamene 'he mugito me a ko obhulu titima gba Yesu Kilisito. ¹⁴ Engú angoo ahá nangamba pi ní de, anga Satana ngae makpe ti bhadi da namene 'he mugito me a ko andjelu na zi 'kpi. ¹⁵ Kaka-a, li okpála na kulu gba ani-e mene 'he lio mugito me a ko kukulu okpála na kulu gba Ebhe inde ngbingbili-e, ní angamba tété de. Engú bini, li sokpi-e, u asia galikpe engú inde ati ne kulu inde u amene e-o.

Polo apa 'li e li olikabhu ani azu e-o

¹⁶ Ma matá ngapapa ne toto, kpála bini apa li ma de me ma ne bhulu pele-e de. I du me okpála nde abhundja me ma ne bhulu pele-e, yi de ziba me ma ne bhulu pele ngú napa me ngama di-e ma pa mbo 'li ma bedi. ¹⁷ Engú ma adjí apa inde-e, a ko de me ma adjí napapa maka li Ngámá akunda lie de. Ma adjí napa maka li bhulu pele agagama 'ngú lie-o. ¹⁸ Maka li okpála bhelé ngapa 'li o lie li ongú na doto-o, ngama di-e ma apa bhadi 'li ma tété moko. ¹⁹ Ngayi okpála na imbilangu-o, yi dje obhulu pele ngagama 'ngú-o, yi ngadje uo ne 'ndjá bua! ²⁰ Yi ngakibila me okpála bhomu-o mene yi mugito me yi ne obalise. Yi ngakibila me u zi ohe gba yi-o. Yi ngakibila me u pite yi. Yi ngakibila me u yi padhá. Yi ngakibila me u su bhúla yi. ²¹ Yi mbu li ya, anga ya adu nani bhuhuku ngú namene mo-o! Ma ne namu naali ngú napapa!

Mbia inde-e, ma adjí agáma 'ngú maka bhulu pele. Engú inde li okpála koko ngapa 'li o lie, ma apa nga bhadi 'li ma tété. ²² U ngapa me o ne omaYuda, ma di ne maYuda. U ngapa me o ne omafsalaele,

ma di ne mafsalaele. U ngapa me o ne odi Abalahama, ma di ne ye Abalahama. ²³ U ngapa me o ne okpála na kulu gba Yesu Kilisito. Mbia inde-e, ma agama 'ngú maka bhulu pele. Ma belegu ngamemene ane uo mane. Ma mene kulu angoo ne ndala de. Ma ali bhú tikpa ane uo mane. Ma azu bhikpa ane uo mane. Ma akolo masikpe de nakpi bhatsibhatsi bhelé.

²⁴ Ma adu azu fimbo ndjikpa bata ne ká odukpabini, bhatsibhatsi bhuluvue sakpa ongámási gba omaYuda-o. ²⁵ Ongámási gba okpála na Loma abhi ma ne fimbo bhatsibhatsi bata. Okpála atutulu ma ne teme bhatsibhatsi bini ngú nabhøle ma. 'Ngbé zabu alinda ne ma bhú 'ngu bhatsibhatsi bata. Ekpi bini, ma alipila bhú 'ngu, ma asi di bhuhú.

²⁶ Bhú odhuku ma adu adhuku e naali-e, ma adu ne tsulu ka nasi ka engu. Ma adu ne tsulu ka obhulu nagbulu 'he gba okpála ne kpeke. Ma adu ne tsulu ka ondaise ma omaYuda, la di ka obhende ne omaYuda ade-o. Ma adu ne tsulu bhú gudhu, di ne bhú omili bili. Ma adu ne tsulu pi 'ngbé 'ngu. Ma adu ne tsulu ka okpála inde ngapa me o ne omakilisito, a nde la mo-o ade-o. ²⁷ Ma amene kulu kpekpeke. Ma asi ndi 'la bhatsibhatsi. Ma adje gumu bhú dabili bini ne gumu 'ngu. Bhatsibhatsi bhelé, ma sia kpadji nazu 'he de. Bongo du ka ma bhelé de, ma atsia adu adje zini. ²⁸ Olikabhu ma azu e bhelé, ma ti da nakpokpo hana de. Engú bini, engú inde li bua ma ngalu pi e, a ko nabhundja oDadjua gba Ebhe-e ndu 'kpi hana. ²⁹ Li kpála bini du bhuhuku li kpadji gba Yesu-o, a ngamene ma sisiti mugito me a ko ma. Li kpála bini ti bhú siti 'ngú-o, a ngamene bua ma sisiti naali.

³⁰ I du me a nde a ayo me ma pa 'li ma-a, ma apa bha bini li ongú inde ngasuno me ma bhuhuku-o. ³¹ A ayo me okpála dhøge Ebhe inde 'Dyi Ngámá Yesu-o duduma ne duduma. Ani mbila hana me engú inde ma adjí apa e pi yi inde-e, a ko eu de. ³² Yi tsia nga engú inde ngasuno me ma bhuhuku-o. Ekpi bini, nedhinga ma adu lie bhú gudhu na Damasi-e, ngámá na kuti bhomu-o, adu 'li ani me Alitasi. A adu ka ani ne guvelenele bini inde adu atsia 'kpi li gudhu bhomu-o. Ani a'o nani okpála gba e li okpadji nali bhú gudhu bhomu-o ngú napa me u ma-a, u de holo ma. ³³ Engú bini, okpála gba Ebhe-e ato ma bhú бага, u agbite ekpu tété, u atsia akø ma ne di li malilisa na aga asa kuti libhomu-o. Ma atsia akobho sakpa ani.†

Polo apa 'li e pindji angu inde li Ebhe ngaha e pi ani bhú bhuku gba e-o

¹ A ayo me ma pa matá 'li ma ne kalanu, abana li tata nde lie tété ade-o. Kaka-a, ma adji nagama 'ngú pindji ongu li Ngámá Yesu asuno e muma, ani atsia ambamba di ta e muma-o. ² Ma ambila kpála bini* inde agbite lie li Yesu Kilisito . A ane nga kalanga ndjikpa ne ká badha, Ebhe a'e kpála bhomu-o abhúlá agba e, ani atsia agie ani kuto ei. Ma mbila de ne me ani aloto nani maloto, ne me Ebhe a'e ani abhúlá na paká. Ebhe ambila bha ngae, ma mbila naama de. ³ Ma apa matá ne toto, ne me ani aloto maloto, ne me Ebhe a'e ani abhúlá na paká. Ma mbila de, Ebhe ambila bha ngae.

⁴ Ebhe a'e kpála bhomu-o abhú kuti na munde yi . Oo, ani atsia adje ongu inde li kpála-kuti ti da nakpokpo kú e de. ⁵ Ma ti da napa 'li ma li 'ngú akolo li kpála bhomu-o. Engú bini, pindji ongu bhe atsia ma makpe-e, ma ti da napa 'li ma bha bini li engú inde ngasuno me engú bhú ma ade. ⁶ La-a, i dú me ma kúnda napa 'li ma u-o, ma de dú ne bhułu pele de. Padhá de, anga ma de apa kákułu 'ngú. Engú bini, ma kúnda napa 'li ma de, anga ma kúnda de me okpála u ma mugito me ma ne 'ngbé kpála-a de. Ma akúnda mangbo me okpála manga ma ka ongu inde u ngadje ma me ma ngapa e ko.

⁷ A ayo nako me 'ndji ma be naali ka ongu na ngangamba inde li Ebhe ambamba ta e muma-o. La-a, ngú napa me 'ndji ma abé naali de-e, Ebhe a'o ehe bini na ke make li kute ma. Ehe ang-o maka bhułu titima gba Satana . A ngabhi ma, a di ngayoko ma me ma abédhe ne 'ngbé 'ndji bedhe de. ⁸ Ma ayo ka Ngámá bhútsibhútsi bata me ani gbege ma bhú likabhu bhomu-o. ⁹ Ani agie muma me: «Ma ngaha bádha bhú 'bu gba ma-a pi ma ngubula me a teteke mu ngú nakabila likabhu bhomu-o. Padhá de, anga nedhinga li kpála nde lie bhúbhuku-o, a bhomu-o nedhinga inde li angu gba ma-a ngamene kulu lie bhú kpála bhomu libhomu-o.» I nde lie mo-o, ma akúnda mangbo me ma pa 'li ma li ongu inde ngasuno me ma bhúbhuku-o, ngubula me angu gba Yesu Kilisito mene kulu bhú ma.

¹⁰ Kaka-a, ma tété ne djali li nedhinga ma nde lie bhúbhuku-o. Abana li okpála sobho ma, abana ma zu likabhu, abana u to mbolo li ma, abana ma kibila olíkabhu bhomu-o hana kabula 'li Yesu Kilisito-o, ma tété ne djali, anga nedhinga li angu nde lie bhú ma ade-e, a bhomu-o nedhinga ma nde lie kpekpeke-o.

Polo alopole lie li 'ngú gba omabhuka na gadhu na Kolito

¹¹ Ma agama 'ngú bhomu-o mugito me ma ne bhułu pele. La-a, yi akata ma tété ngayi. A ayo me yi kpo 'ngú gba ma-a ngayi. Padhá de, anga abana ma du ne kpála na padhá-a, me obhende yi nga'i o me a ko ongbengbe obhułu titima bhomu-o, u ne ma ne 'ngbé de. ¹² Okulu inde e ngasuno me ma ne bhułu titima , ma amene bhú ká yi ne 'ndjá bua. Ongú ang-o, a ko ongamba 'ngú inde li Ebhe amene e-o. ¹³ Ongú bhende ma amene e pi obi yi omabhuka na Dadjua koko me ma nde mene agba yi de-e ngae dho? Belegu de bini! Ehe inde ma mene e agba yi de-e, a ko bha bini ma dha lie bhú yi de-o. Yi suno bádha bhú 'bu muma li siti 'ngú ma amene e li yi bhomu-o!

¹⁴ Mbia inde-e, ma ngakúnda nanu agba yi bhútsibhútsi na bata. Abana ma nu agba yi bhú dhuku inde-e, ma dhá bhú yi de. Ma ngakpata mangbo yi, ma kpata tia gba yi-e de. Yi mbila ndjindji me a ayo de me ongisi po tia pi okpála azu o de. A ayo mangbo me odyi ongisi, ne ohi ongisi po tia pi ongisi gba o-o. ¹⁵ Li pápá gba ma-a, abana ma pu ndu 'he inde ka ma-a hana ngubula yi, abana ma pu mukobho gba ma-a ngubula yi-e, ma dú bha tété bhú djali. Ma suno mukúnda pi yi naali mo-o, yi tsia suno mukúnda muma bedi?

¹⁶ Ndu yi hana yi mbila ndjindji me ma dha nako bhú kpála bini bhú ká yi de. Engú bini, okpála koko bhú ká yi ngapa me: «Polo ne bhułu kali! Ani abha tia gba ni-e bhú nyali.» ¹⁷ Ma apite yi lele pi? Ma azi yi li kpadji gba suka okpála ma atima o agba yi-e? ¹⁸ Ma ayo ka Tito ne kekele me ani nu agba yi. Ma atima di bhú dabili bini ne ani ndai ni inde yi mbila e ndjindji-o. Tito akolo lie agba yi-e, ani aha 'he li yi bhú kali? A mo-o ade! Ehe inde li Tito amene e ne bhende ma amene e-e, aviti bha bini, bua ya ne ani bhú dabili bini.

¹⁹ Nedhinga koko, nayie nani bhutode yi ngabhundja me ya ngagili nabubuku nganda ya bhú djila yi. A mo-o ade! Ya mangbo ngakpokpo 'ngú inde-e kala Ebhe maka li Yesu Kilisito akúnda lie-o. Ondaise ya, ya apa ndu ongu bhomu-o hana pi yi, anga ya akúnda nateteke yi me yi bhele li kpadji gba Yesu Kilisito-o. ²⁰ Ma ngakpe me nedhinga koko, li ma akólo lie agba yi-e, ma bhaka me yi ngakobho maka ma akúnda lie de. Ma ngakpe di me lele dasundu gba ma-a ngá li yi de. Ma ngakpe me nedhinga ma akólo lie agba yi-e, yi du nagbe bhayiki sunda yi, yi du nadje gumu 'he liyi sunda yi, yi du nake 'ngú liyi sisiti,

* 12:2 12:2 Ngú nambila kpála inde li Polo ngakpo 'ngú gba e si-e, tsia lukuluku 7.

yi dɔ nagbo bhɔsu yi, yi dɔ nasobho li yi sɔnda yi, yi dɔ napadha liyi sɔnda yi, yi dɔ nadje kɛte yi, yi tsia dɔ la di namene engú ngangá.

²¹ Ma ngakpe me nedhinga ma agó lie agba yi bhe na sidi-e, Ebhe gba ní-e ha nɔmɔ mɔma bhú djila yi. Ma ngakpe me ma ku 'gbá ka okpála bhelé inde ngamene siti 'ngú ne kalanɔ maka nako u adɔ namemene lie kalanɔ-o. Okpála angó-o, u dji nga bua o ne toto li namene siti 'ngú de, u ngakanda olisi, i dɔ di-e obhosi ngangá, u ngamene ndɔ sisiti 'ngú hana.

13

Polo agbele 'dje omabhuka na gudɔu na Kolito ne toto

¹ A inde-e bhɔtsibhɔtsi na bata me ma go agba yi. A maka u aye lie bhú Bhuku gba Ebhe-e me: «Li kpála pa 'ngú li kilí e, a ayo mbo me okpála bhisi, i dɔ di-e okpála bata de lu pí 'ngú angó-o. I dɔ mo-o de, u kódho 'ngú tété de.» ² Nako ma ago lie agba yi bhɔtsibhɔtsi na bhisi-e, ma agbele 'dje okpála inde adɔ namene siti 'ngú-o bhú dabili bini ne okpála koko hana. Mbia inde-e, ma nde lie tsutsu-o, ma matá ngagbele 'dje uo ne toto me nedhinga ma agó matá lie agba yi-e, ma djé ndjinga kpála bini bhú ká uo de.

³ Yi ngagili me yi u ehe inde ngasuno me Yesu Kilisito ngagama 'ngú bhú ma ngae-o. Ma asuno pí yi masuno. Yesu Kilisito bhú ká yi bhɔbhuku ade. Engú bini, aní ngasuno angu gba e bhú ká yi. ⁴ A na paká me nedhinga u abhi ani ne nyeli lie li kulusi-e, angu dɔ bhú ani de. Engú bini, mbia inde-e, aní bhú mukobho ka angu gba Ebhe. Maka ya akpɛtsɛ liya lie ne aní-e, ngaya di-e, ya bhɔbhuku maka aní adɔ nani lie-o. Engú bini, ya akpɛtsɛ liya lie ne aní bhú mukobho gba e-e, lele nalili okpála ka ya bhú ka yi adɔ bhadi ne angu gba aní-o.

⁵ Yi tsia bua yi ngayi makpe ngú nambila me yi ngakobho maka omabhuka na paká. Yi mbila ndjindji me Yesu Kilisito bhú ka yi. A mo-o adi? I dɔ mo-o de-e, u ú ehe inde ngasuno me yi abhuka de. La-a, a ko likabhu i dɔ me aní nde bhú yi ade-o. ⁶ Engú bini, ma abhundja me yi mbila ndjindji me, pí ya-a, okpála ti da nau ehe inde asuno me ya ne kɔkɔlɔ obhɔlɔ titima gba Yesu Kilisito.

⁷ Ya ngayo Ebhe me yi améne siti 'ngú bini de ne nayala me ya li yi. A ko de me ya ngakunda bhomɔ-o nasuno me angu ya akolo de. Engú bini, ya ngakunda mangbo me ya dɔ nau yi namene bádha 'ngú,

abana i dɔ me a nde ngau lie me angu ya kolo de-o. ⁸ Padhá de, anga ya ti da nagú yi de, i dɔ me yi nde ngakpata nasuno na kɔkɔlɔ gba Ebhe-o. I dɔ me yi nde amene mo-o, a ayo mangbo me ya teteke yi ngú nanɔ ne kalanɔ. ⁹ Ya ngakpi djali ndɔ 'kpí hana nedhinga li ngaya-a, ya nde lie mandí angu, me a nde la bhú yi ne angu-o. Kaka-a, ya ngayo di bhú omayo gba ya-a me yi kolo ngbingbili ne ndɔ kpadji hana. ¹⁰ Ka 'ngú angó-o, ma ngaye ndɔ 'ngú bhomɔ-o hana pí yi nedhinga ma nde lie bhú ká yi ade-o. A ko ngubula me nedhinga ma akólo lie bhú ká yi-e, ma améne yi kpekpeke de ne angu li Ngámá Yesu aha e mɔma-o. Angu angó-o ngateteke yi me Dadjua gba yi-e be ndɔ e ne kalanɔ, a ngubula nabhɛbhɛlɔ mabhɛlɔ ade.

¹¹ Ngú nabu tata-a, ondaise ma, yi bedhe ne djali bedhe. Yi mene kulu ngú napa me yi dɔ ngbingbili ne ndɔ kpadji hana, yi to masi bhú yi sɔnda yi, yi dɔ bhú nadje liyi sɔnda yi, yi dɔ ne guo 'ngú sɔnda yi. Yi mene mo-o, Ebhe inde ne Ebhe na mukunda di ne guo 'ngú-o tsia dú ne yi bhú dabili bini. ¹² Yi yi liyi sɔnda yi ne nakama liyi maka ondaise. Ndɔ ondaise ní inde ei-e hana apa me o yi yi ma yi. ¹³ A ayo me bádha bhú 'bu gba Ngámá Yesu Kilisito, ne mukunda gba Ebhe, la di ne nakpɛtsɛ lio gba Bu Bhobua-a dɔ bhú dabili bini ne ndɔ yi hana.

† 13:1 13:1 Tsia bhú Det. 19:15; ne bhú Mat. 18:16; ne bhú 1 Tim. 5:19; ne bhú Ebe. 10:28; di ne bhú 2 Kol. 12:14.

Balua gba Polo pi omabhuka na gudhu na Galate Eli na kalanu

Li okpála inde ne omaYuda ade aholo aziba Bádha Ngali lie-e, abhomu-o, u atsia ayi ngú nambila me: ngú nakolo makilisito na kuku-u-o, a ayo bha me kpála mene líli gba Moidje-e ? Polo atsia apa me a mo-o ade. Padhá de, anga engú na ngéngbé inde bhú mukobho gba makilisito, a ko nabhuka inde li ndu okpála hana akolo ngbingbili kala Ebhe ka e-o. La-a, okpála koko adu agu Polo, u atsia adu apa me, a ayo me u mene di líli gba Moidje ngubula me u kolo ngbingbili kala Ebhe. Balua inde li Polo aye e pi okpála na Galate-e, ani aye nani ngubula me okpála inde ambu li kpadji ka omusuno na eu bhomu-o, u sia nabhuka na kuku-u, amba u kolo la di li bádha kpadji. Polo aholo nakpokpo lele maka a ayo lie me u 'i ani me bhulu titima gba YesuKilisito . Ani atsia agama 'ngú pindji ngú napa me e'i ango-o ngú napa me ni kolo bhulu titima gba Yesu-o, ayie ka Ebhe, ayie ka angu gba kpála na doto belegu de bini. Ani atsia apa me kulu gba ni-e atsia naali okpála inde ne omaYuda ade-o. Bhú oalo na soso-o, Polo ngasuno me nabhuka bhú Kilisito ngaha mukunda, mukunda ngaha la di nadholo ndjindji bhú mukobho gba makilisito.

Ongbengbe ongú inde bhú bhuku inde- e ngae inde:

Eli na kalanu 1:1-10

Angu gba Polo maka bhulu titima gba Yesu 1:11 - 2:21

Bádha Ngali na bádha bhú 'bu gba Ebhe 3:1 - 4:31

Nadu bhú ngu e gba makilisito a la di-e kulu gba ani 5:1 - 6:10

Eli na soso 6:11-18

Polo yi omabhuka na ndu doto na Galatia mayi

¹ Ma aye balua inde-e ngama Polo, ma ne bhulu titima gba YesuKilisito . Ma ne bhulu titima gba kpála koko ade. Yesu Kilisito atima ma ngae, a la di-e 'Dyi ani inde azuku ani bhú ká okpála inde amu-o. ² Ngama bhú dabili bini ne ndu ondaise ní hana inde ei-e, ya aye balua inde-e pi omabhuka na oDadjua gba Ebhe inde bhú ndu doto na Galatia. ³ A ayo me 'Dyi ní Ebhe bhú dabili bini ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú pi yi. ⁴ Yesu Kilisito andala 'kpa lie ngae makpe, ngubula nagbegbe ní bhú siti 'ngú gba ní,

amba osisiti 'ngú na doto améne matá ehe bini ngú ní de. Ani amene mo-o nakpata lele maka li Ebhe 'Dyi ní akunda lie-o. ⁵ A ayo me okpála dhөгө Ebhe daduma ne daduma. A adu moko!

Koli Bádha Ngali gba Yesu Kilisito-o bha bini

⁶ Ma ngangamba ka yi naali! Ebhe abhu yi me yi du ne okpála gba ni-e li kpadji gba Yesu Kilisito, ani atsia asuno bádha bhú 'bu gba e pi yi. La-a, belegu mo-o, yi akolo adji 'ngbu yi li ani má gala, yi atsia aholo nadjé Bádha Ngali koko. ⁷ A la na paká me Bádha Ngali koko matá ade. Engú bini, okpála koko ngangbingi 'ndji yi. U ngakunda nasiti Bádha Ngali gba Kilisito-o. ⁸ I du me kpála koko, i du di-e ya, i du di-e suka andjelu bini ayie abhulá nde akpokpo Bádha Ngali koko kpí ne bhende ya akpokpo e pi yi-e, Ebhe de tu pedje li ani. ⁹ Ya apa, ma la matá mbia inde-e ngapapa me, i du me kpála koko nde akpokpo Bádha Ngali kpí ne bhende yi asia e-e, Ebhe de tu pedje li ani.

¹⁰ La-a, yi abhundja naayi me ma ngagili me okpála ziba ma? A mo-o ade, ma akunda mangbo me Ebhe ziba ma ngae. Yi abhundja naayi me ma akunda nanga li okpála? A mo-o ade. I dú me ma kunda matá nanga li okpála-a, ma de ne bali gba Kilisito ade.

Polo akpokpo lele maka ani akolo lie bhulu titima gba Kilisito-o

¹¹ Ondaise ma, ma akunda me yi mbila me Bádha Ngali inde ma ngakpokpo e, yie ka kpála-kuti de. ¹² Ma sia ka kpála-kuti de, kpála bini suno la di muma ngae de. Engú bini, Yesu Kilisito ambamba ta 'ngú inde awo lie mawo-o muma ngae. ¹³ Yi mbila lele nadholo gba ma nani na kalanu-o, nedhinga ma adu nakpata dasundu na Ebhe gba omaYuda lie hana. Li nedhinga bhomu-o, ma adu nato mbolo li omabhuka na Dadjua gba Ebhe-e nane dada mane. Ma adu nakunda nabhebhelo mabhele. ¹⁴ Ma ane nani omaYuda bhelé, inde adu ne kalanga maka ma bhú lele nakpata dasundu gba omaYuda-o. Ma aha nani lima libhomu ngubula dasundu gba onguo ogbi ní-o.

¹⁵⁻¹⁶ Belegu inde lie mo-o, Ebhe abhu nani ma. Ani abhu nani ma me ma nde ngabha bhú 'bu 'hi ma. Ani asuno nani bádha bhú 'bu gba e muma, ani atsia a'i ma me ma mene kulu gba ni-o. Li nedhinga ani a'o nani e akolo lie, ani atsia amene me ma mbila Ndili gba ni-e, ngubula me ma kpokpo Bádha Ngali gba ani-e pi okpála inde ne omaYuda ade-o. Li nedhinga bhomu-o, ma nu bhaka kpála bini de. ¹⁷ Ma nu la di bhú Yelusalema

ngú nabhaka okpála inde adu nani obhulu titima gba Yesu Kilisito muma kalanu-o de. Engú bini, ma anu bha kolo má gala bhú Alabia, pipita-a, ma agie lima bhú Damasi. ¹⁸ Pita kalanga bata-a, ma atsia anu bhú Yelusalema ngubula me ya u li ya ne Piele* bhutsibhutsi na bini. Ma adu agba ani ngubula 'kpí ndjikpa ne ká bhuluvue. ¹⁹ Ma u bhulu titima koko bini de, ma au bha bini Djaki, ndai Ngámá. ²⁰ Engú inde ma aye e inde-e, a ko kukulu 'ngú, kala Ebhe-e, ma apa eu de.

²¹ Pipita-a, ma atsia anu bhú ndu doto na Silia di ne ndu doto na Silisia. ²² Omabhuka na oDadjua gba Kilisito na ndu doto na Yudaya u nga nani ma ne djila o de. ²³ U adu bha nadje ongú inde li okpála koko adu napa e li 'ngú gba ma-o. U adu napa me: «Kpála inde adu nako nato mbolo li ya kalanu-o ayipa, ani ibili mbia inde-e ngakpokpo pi okpála Bádha Ngali inde ani adu nako nakunda nabhelo e-o.» ²⁴ Abhomu-o, u atsia adu nadhogo Ebhe kabula ma.

2

Polo agama 'ngú ne obhelesi okpála bhú gudhu na Yelusalema

¹ Pita kalanga ndjikpa ne ká badha-a, ngaya ne Balanabasi, ya anu matá bhú gudhu na Yelusalema. Ma atsia aha di Tito bhú dabili bini ne ma. ² Ma anu maka li Ebhe asuno muma lie mbámá me ma nu-o. Ma akolo lie, ngama bhú dabili ne obhelesi okpála-a, ya apekebhe bhúla ya li ngongo. Abhomu-o, ma atsia akpokpo kú Bádha Ngali inde ma ngakpokpo e-e pi omupagano-o pi uo. Ma du nakunda de me kulu inde ma amene e ne bhe ma nde ngamane e-e du padhá-a de.

³ Tito ya adu ne e adu Giliki. La-a, u pa pi ani de me ani li gandja-a de. ⁴ Engú bini, omabhuka na eu ali bhú ká ya, u atsia adu napa me, a ayo me ani li gandja. Okpála ang-o ali bhú pepe ngú natsia lele maka ya nde lie matá sa líli ade-o, anga ya akpetse liya ne Yesu Kilisito. U ngakunda me ya kolo matá obalise na líli gba Moidje-o. ⁵ Ya 'o belegu nedhinga pi uo bedi de ngubula me ya lila kukulu 'ngú na Bádha Ngali-e pi yi malila.

⁶ Engú bini, obhende li okpála ngau o bhú djila o maka ongámási na Piga gba Ebhe-e, muma-a, a ko 'ngbé 'ngú naali de. Padhá de, anga Ebhe tsia bhúla kpála de. Ongbenge okpála bhomu-o, nedhinga ma akpokpo Bádha Ngali inde ma ngakpokpo e pi okpála lie pi uo-o, u 'o 'ngú koko pépé de. ⁷ Engú bini, u au me Ebhe a'o

mangbo kulu na nakpokpo Bádha Ngali-e pi okpála inde ne omaYuda ade-e pi madhaka ma, maka ani a'o nani bhende nakpokpo Bádha Ngali pi omaYuda lie pi madhaka Piele-o. ⁸ Padhá de, anga u atsia ambila me a ko bha koli Ebhe bini inde nani aha angu pi Piele, atsia atima ani agba omaYuda-o. Ebhe ang-o aha di angu muma, ani atsia atima di ma agba okpála inde naao ne omaYuda ade-o.

⁹ Djaki ne Piele di ne Djaa inde li okpála adu nau o maka onepanda-a, ambila me Ebhe asuno bádha bhú 'bu ang-o muma na paká. Abhomu-o, u atsia aholo 'kpa ya ne Balanabasi. Bhothomu-o asuno me ya akpetse liya ne uo bhú dabili bini. Ya atsia adje liya ne uo ndu ya hana me, ngaya-a, ya anu naaya namene kulu agba okpála inde naao ne omaYuda ade-o. La ngau-o, u anu naao namene kulu agba omaYuda. ¹⁰ U apa bha pi ya koli engú bini. U apa pi ya me ya teteke obhulu ndibhili inde bhú ká omabhuka inde abhú Yelusalema-o. A la bhadi bhomu-o engú inde ma amene e ne bua ma bini-o.

Polo ambe bhú 'ndji Piele bhú Atiokia kala okpála

¹¹ Li Piele† ago bhú Atiokia lie, ma ambe bhú 'ndji ani kala okpála. Padhá de, anga ani amene pulu 'ngú. ¹² Kala me okpála li Djaki atima o kolo-o, Piele adu nazu 'he ne okpála inde ne omaYuda ade-e bhú dabili bini. Li okpála ang-o akolo lie, Piele agbe lie bhú ká uo, ani zu matá 'he ne okpála bhende ne omaYuda ade-e de. Padhá de, anga ani adu nakpe okpála inde adu akpata líli nali gandja-a makpe. ¹³ Ndu omaYuda koko hana adu di namene maka Piele. Abhomu-o ngani Balanabasi, ani amene bhadi engú na kali maka uo. ¹⁴ Li ma u lie me u dhuku li kpadji na ngbingbili, na kukulu Bádha Ngali-e de-e, ma atsia apa pi Piele me: «Mu ne maYuda, mo omene la 'ngú maka kpála inde ne maYuda ade. I nde lie mo-o, lele pi mu ngagbite okpála bhende ne omaYuda ade-e lie ne kpeke me u du namene e lío maka omaYuda?»

A ayo nabhuka Kilisito ngubula nasia mukobho

¹⁵ Ngani-e, ní azu liní omaYuda, ní ne okpála na kuti koko ade, inde i mbila líli gba Ebhe-e de-o. ¹⁶ Ní mbila ndjindji me kpála inde ngbingbili bhú djila Ebhe-e, a ko kpála bhende abhuka Yesu Kilisito, a ko bhende ngamene líli gba Moidje-e de. Ngani di-e, ní abhuka Yesu Kilisito ngubula me ní kolo ngbingbili kala Ebhe ka nabhuka gba ní bhú Yesu Kilisito-o. A

* 1:18 1:18 Bhú eli na giliki-e, Sefasi-e: A ko 'ili koko gba Piele. † 2:11 2:11 Tsia bhú Gal. 1:18, 2:9, 14.

ko ka de me ní ngamene líli gba Moidje-e de. Padhá de, anga kpála bini tí da nakolo ngbingbili kabula namene líli de.

¹⁷ Engú bini nganí-e, ní ngagili nadú ngbingbili kala Ebhe, anga ní abhuka Yesu Kilisito. Ní ngamene lie mo-o, ní maka okpála na sisiti. Bbobhomu-o akunda napa me Kilisito ngato ní bhú siti? A mo-o ade! ¹⁸ I dú me ma nde akoto sa líli-e, pípita-a, ma gie matá líma sasa-a, ma akolo matá bhomu-o ngama makpe kpála inde i manga líli-e de. ¹⁹ Li bhende atsia líli-e, ma akpi kuo inde ayie ka líli makpe ngabula me ma dú bhú mukobho pí Ebhe. U agi nani ya bhú dabili bini ne Kilisito li kulusi. ²⁰ Kaka-a, mukobho inde ma nde bhú e-e, a ko matá ma de, Kilisito ngakobho bhú ma ngae. Padhá de, anga mukobho ma nde ne e bhú kate inde-e, ma bhúbhú anga ma abhuka Ndili gba Ebhe inde akunda ma, ani atsia andala di kpa li mukobho gba e ma. ²¹ Ma yala bádha bhú 'bu gba Ebhe-e de. I dú me kpála nde ngbingbili kala Ebhe anga ani ngamene líli-e, bbobhomu-o akunda napa me tata li nakpi gba Kilisito-o ade.

3

Ebhe ngakobho okpála li pápá na nabhuka

¹ Ngayi okpála na Galatia, yi ne ongingi! Apite yi da? U akpokpo pí yi mbámá lele maka li Yesu Kilisito akpi lie li kulusi-o. ² Ma ngayi yi li koli engú bini. Bu Bhobua inde li Ebhe aha e pi yi-e, ani aha pi yi anga yi sa líli gba Moidje? Ne me ani aha pi yi anga yi adje, yi atsia abhuka la di Bádha Ngali-o. ³ Lele pi yi nde lie ne ongingi-e? Li lílita-a, yi akpo nani ne angu gba Bu Bhobua. Lele pi, yi ti da nabu tata lie ne angu gba kpála-kuti-e? ⁴ Engú apu pi yi bhelé. Yi abhundja naayi me a padhá? Ma abhundja naama me a padhá ade. ⁵ Ebhe ngaha Bua gba e pi yi, ani di ngamene ngamba 'ngú bhú ká yi. Ani ngamemene anga yi sa líli gba Moidje? Ani ngamemene anga yi adje, yi atsia abhuka la di Bádha Ngali-o?

⁶ Abalahama abhuka nani Ebhe. Kaka-a, Ebhe atsia au ani bhú djila e me a ko ngbili kpála. ⁷ A ayo me yi mbila ndjindji me, okpála abhuka Ebhe-e ne kukulu ongisi gba Abalahama-a ngao. ⁸ U aye nani didili bhú Bhuku gba Ebhe-e me, okpála inde ne omaYuda ade-e, Ebhe aú uo ngbingbili bhú djila e ka nabhuka gba o-o. Kaka-a, Ebhe akpokpo nani Bádha Ngali inde e pi Abalahama didili me: «Ma atúko

bisagu pí ndu okpála na píla doto hana kabula mu.» ⁹ Abalahama abhuka nani Ebhe, abhomu-o, Ebhe atsia atuko bisagu pí ani. Okpála inde abhuka Ebhe-e, ani atúko bhadi bisagu pí uo maka ani.

¹⁰ La pi okpála bhende ngabundja me o dú ngbingbili kala Ebhe anga o ngamene engú inde li líli ngapa e, mangimbo gba Ebhe-e pí uo. Padhá de, anga Bhuku gba Ebhe-e apa me: «Ndu kpála hana inde i lila líli inde u aye e bhú bhuku-o ndu nedhinga hana de-e, a ayo me u tu pedje li ani.» ¹¹ A mbámá me, kpála ngakolo kala Ebhe ngbingbili anga ani ngamene líli-e de. Ní ambila bbobhomu-o anga Bhuku gba Ebhe-e apa me: «Kpála inde ngbingbili kala Ebhe ka nabhuka-a, a kóbho makobho.» ¹² La-a, líli dha bhú nabhuka de. A la di maka engú inde u aye e me: «Kpála inde ngamene ongú inde li líli-e ngapa e akóbho kaka.»

¹³ Kilisito agbege ní sa pedje na líli-o. Abhomu-o, pedje angu-o atsia ati pí ani bhú da ní. Padhá de, anga u aye bhú Bhuku gba Ebhe-e me: «Kpála inde u agi e li ndula-a, a ayo me pedje ti pí ani.» ¹⁴ Amene lie mo-o ngabula me bisagu nani li Ebhe apa me ni ahá e pi Abalahama-a, okpála inde ne omaYuda ade-e sia di li kpadji gba Yesu Kilisito. A ko la di me li pápá na nabhuka-a, ní sia Bu Bhobua inde li Ebhe apa nani me ni ahá e-o.

Ebhe ngakobho okpála bhú gandja ani akodho e ne Abalahama-o

¹⁵ Ondaise ma, ma ngaha kukulu pi yi li engú inde ní auu e piko piko-o. I dú me kpála bini nde apa ne bua e hana me ni améne engú inde ni abhundja namene e-e, i dú la di me ongámási nde azíba engú angu-o, kpála bini tí da nabhòhele de, ani 'ó la di engú koko pépé de. ¹⁶ Ebhe apa nani me ni améne 'ngú pi Abalahama, di ne pi ndili inde akóto bhú piga gba ani. Bhuku gba Ebhe-e pa de me: «pi ongisi inde azé bhú piga gba mu», mugito me a ko okpála bhelé-e de. A apa me: «ne pi ndili inde akóto bhú piga gba mu», ngú nasuno koli kpála bini inde Kilisito.

¹⁷ Engú inde ma ngakunda napa e ngae inde: Ebhe akodho nani gandja ne Abalahama, ani atsia apa me engú inde ni apa me ni améne e-e, ni améne namene. Kalanga kámá badha ne ndjikpa bata pípita-a, líli gba Moidje atsia akoto. Lfi angu-o tí da natu silika nani li Ebhe akodho e ne Abalahama de, a tí la di da nabhòle engú inde li Ebhe apa nani me ni améne e pi Abalahama de. ¹⁸ I dú me Ebhe nde

† **3:6** 3:6 Tsia bhú Dje. 15:6. † **3:8** 3:8 Tsia bhú Dje. 12:3, 18:18, 22:18. † **3:10** 3:10 Tsia bhú Det. 27:26. † **3:11** 3:11 Tsia bhú Abk. 2:4. † **3:12** 3:12 Tsia bhú Lev. 18:5. † **3:13** 3:13 Tsia bhú Det. 21:23. † **3:16** 3:16 Tsia bhú Dje. 12:7.

ngamene bádha 'ngú pi okpála anga u ngakpata líli-e, amba a kpata engú inde lí Ebhe apa me ní améne e pi okpála-a de. La-a, Ebhe asuno bádha bhú 'bu gba e pi Abalahama, anga ani apa nani me ní améne pi ani mamene.

Ta líli lí Ebhe aha e ne ní?

¹⁹ Ta líli-e ne ní? Ebhe aha nani líli-e ngubula me ní mbíla me siti 'ngú ngae dho-ie. Ani aha nani ngú nadjeke nedhinga inde lí Ndíli gba Abalahama agó lie-o. A ko kpála inde lí Ebhe apa nani me ní améne ehe pi e-o. Ebhe aha nani líli ango-o pi okpála lí pápá gba oandjelu , u atsia akpokpo 'ngú tété pi okpála lí pápá gba bhende adu maka ludu* sunda Ebhe ne okpála-o. ²⁰ U dudu ne gumu ludu ngubula kólí kpála bini de. La-a, Ebhe bha ngae kpi e kpi.

²¹ A akunda napa me líli-e ngatu 'ndji e ne engú lí Ebhe apa e? A mo-o ade. F dú ne líli inde i tí da naha mukobho na kukulu pi okpála-a, a de tí da namene me u kolo di ngbingbili kala Ebhe. ²² Engú bini, a maka u aye lie bhú Bhuku gba Ebhe-e me, siti 'ngú ako angu e pí ndu okpála na píla doto libhomu. Kaka-a, Ebhe aha ehe inde ani apa me ní ahá e pi omabhuka kabula nabhuka gba o bhú Yesu Kilisito-o.

²³ Nani kalanu me kpadji nde nga ade ngubula me okpála bhuka-a, ní adu maka okpála inde bhú tikpu sa líli, akolo lí nedhinga lí Ebhe asuno kpadji lie pí ní ngú nabhuka-o. ²⁴ Líli-e adu nani pí ní maka mulila akolo lí nedhinga lí Yesu Kilisito ago lie-o. A adu mo-o ngubula me ní kolo ngbingbili bhú djila Ebhe, anga ní abhuka Yesu Kilisito. ²⁵ Mbia inde-e, lí kpadji abhulu lie lie me ní bhuka Yesu Kilisito-o, líli-e matá ne mulila gba ní ade. ²⁶ Padhá de, anga ndu yi hana yi ne ongisi gba Ebhe, anga yi abhuka Yesu Kilisito. ²⁷ Ndu yi hana inde asia batisimo bhú Kilisito-o, yi akolo maka ani. ²⁸ Kaka-a, ndu yi hana, yi akolo kpála bini anga yi akpøtø liyi ne Yesu Kilisito, maYuda, i du di-e kpála inde ne maYuda ade-e ade. Bali, i du di-e kpála inde ne bali ade-e ade. Bhoko, i du di-e øle ade. ²⁹ F du me yi nde ne okpála gba Yesu Kilisito-o, amba yi ne odi Abalahama. Abhomu-o, yi asia ehe inde lí Ebhe apa nani me ní ahá e pi Abalahama masia.

4

Omakilisito matá bhú bali ade, engú bini, u akolo ongisi gba Ebhe

¹ Engú inde ma akunda napa e ngae inde: a maka ndíli inde asia tia gba 'dyi

e-o. Nedhinga ani nde nga bha lie yeye-e, ani maka bali, belegu lí ndu 'he hana nde lie naani-o. ² Nedhinga ani nde nga bha lie yeye-e, okpála dú nalila ani, u tsia dú di natsia 'kpí lí ongú gba ani-e akoló lí ekpí lí 'dyi ani a'o e-o. ³ A bhadi moko, lí nedhinga ní adu nani lie maka ongisi-e, ní adu obalise gba osisiti bua inde ngau píla doto-o. ⁴ Nedhinga inde lí Ebhe a'o nani e akolo lie, Ebhe atsia atima Ndíli gba e-o. Øle bini azu ani ngae. Ani adu nani sa líli gba omaYuda-a, ⁵ ngubula me ani kobho okpála bhende adu sa líli-o, amba ní kolo ongisi gba Ebhe.

⁶ Ka yi nde lie ne ongisi gba Ebhe-e, ani atima Bua gba Ndíli gba e lí bua ní. Bua ango-o ngapa me: «Aba, 'Dyi ma!» ⁷ Bhohomu-o, akunda napa me, mu matá ne bali na líli gba Moidje ade, engú bini, mo okolo ndíli gba Ebhe. Mu nde lie ne ndíli gba ani-e, ani ahá obabadha 'ngú inde ani a'o e pi ongisi gba e pi mu maha.

Omabhuka na Galatia masikpe de nagie matá ho bhú bali ne toto

⁸ Nani kalanu-o, yi mbíla nga nani Ebhe de, yi atsia adu obalise gba oebhe na eu, inde ne okukulu Ebhe ade. ⁹ Engú bini, la mbia inde-e, yi ambíla Ebhe, ne me ani ambíla mangbo yi ngae. La-a, lele pí yi tí da matá lie nagie liyi lí pápá gba osisiti bua na padhá, inde lí angu nde bhú o ade-e, inde lí tata nde la di lí o ade-e? Ka ní yi akunda matá lie nakolo obalise gba uo-o? ¹⁰ Yi aholo matá namene olíli inde atsia oekpí, ne oepe, ne onedhinga di ne okalanga. ¹¹ Ma ngadje tsulu me ndala gba ma lí ma amene kulu lie pí yi-e anú padhá de.

¹² Ondaise ma, ma ngakikiliki líma pí yi me, yi kolo maka ma, anga ma akolo di maka yi. Yi mene siti 'ngú lí ma belegu de bini. ¹³ Yi ambíla ndjindji me ma akpokpo Bádha Ngali-e pí yi bhutsibhutsi na bini-e anga adu lí ma ne kuo. ¹⁴ Kaka-a, a ayo nako me kuo ango-o bu tsulu lí yi, amba yi tse la di ma. La-a, yi u ma padhá de, yi tsia tse la di ma de. Yi asia ma maka andjelu gba Ebhe, mugito me yi asia Yesu Kilisito . ¹⁵ Lí nedhinga bhomu-o, yi adu bhú djali. Akolo lí yi ne mangua 'ngú dho? Ma ambíla ndjindji me lí kpadji dú uu-o, yi de apandja odjila yi, yi tsia há muma. ¹⁶ La mbia inde-e, ma akolo bhulu yala gba yi, anga ma ngapa pí yi kukulu 'ngú?

¹⁷ Obhulu eu bhomu-o ngakanda me o gbele yi lí pápá gba o, engú bini, ta namene ka uo mo-o ndjindji ade. U ngamene mo-o ngubula me yi dji 'ngbu yi lí ma, amba yi gbite liyi lí o. ¹⁸ A ndjindji ne nagbite lío ndu 'kpí hana lí bádha 'ngú. Yi améne bha

* 3:19 3:19 Ludu: A ko Moidje .

bini de me ma nde bhú ká yi-e de. ¹⁹ Odi ma, ma matá ngazú likabhu kabula yi ne toto maka elø inde ngazu. Ma azú likabhu ang-o akólo li nedhinga inde yi akólo lie maka Kilisito-o. ²⁰ Ma ne gumu me ma du de yi mbia inde-e ngubula me ma gama 'ngú pí yi kpi. Padhá de, anga bua ma ala ngú yi abhúla má gba!

Agala ne Sala ngasuno lele gandja bhisi gba Ebhe-o

²¹ Yi pa nga muma, ngayi okpála inde akunda nadu sa líli-o. Yi dje engú inde li líli ang-o ngapa e dí? ²² U aye bhú Bhuku gba Ebhe-e me Abalahama azu nani ongisi na bhosibhosi bhisi. Ani azu bini li Agala, elø inde adu bhú bali, bhe koko-o, ani azu li Sala, elø inde i du naae bhú bali de ko. ²³ Ndili bhende ani azu e li elø inde adu bali-e, ani azu ani maka u azuzu kpála-kuti lie-o. La-a, ndili bhende ani azu e li elø inde i du bhú bali de-e, ani azu ani maka li Ebhe apa nani lie-o.

²⁴ Engú inde akodho 'kpí li bili bhomu-o ngasuno pí ní engú inde na ngebngé, li ta e awo dí lie mawo. Olisi bhisi bhomu-o ngasuno gandja bhisi li Ebhe akodho nani e-o. Elø na kulu, Agala ngasuno gandja inde li Ebhe akodho nani e ne Moidje pí eta na Sinai-o. Ongisi gba Agala nani ne obalise. ²⁵ Agala-a, a ko kulu eta u a'i e me Sinai bhú doto na Alabia. Eta ang-o mbia inde-e maka Yelusalema. Padhá de, anga Yelusalema bhú bali ne ongisi gba e-e hana. ²⁶ Engú bini, Yelusalema na abhúla-a bhú ngu e. A ko 'hi ní ngae. ²⁷ Padhá de, anga u aye bhú Bhuku gba Ebhe-e me: «Kpi djali, ngamu i zu de, ngamu elø inde i zuzu de-o.

Sula ne djali, amba mu tu 'ue, ngamu elø inde i dje likabhu nazu de-o!

Padhá de, anga ongisi gba elø inde li 'ko e ngabhundja e ade-e, adú bhelé ane ongisi gba elø inde bhú kava-o.†»

²⁸ Ngayi ondaise ma, maka Isaka-a, yi ne ongisi inde u azu o maka li Ebhe apa nani lie-o. ²⁹ Nani li nedhinga bhomu-o, ndili inde u azu e maka u azuzu kpála-kuti lie adu nato mbolo li ndili inde u azu e bhú angu gba Bu Bhobua-o. A bhadi li nedhinga na naki-e moko. ³⁰ La-a, Bhuku gba Ebhe-e apa pi? A apa me: «To holo bhú 'dhu elø na bali-e bhú dabili bini ne ndili gba e-o. Padhá de, anga a ayo de me ndili gba bali-e sia ohe gba 'dyi o-o bhú dabili bini ne ndili gba elø inde bhú bali ade-e de.†» ³¹ Kaka-a ondaise ma, ní ne ongisi

gba elø na bali-e ade, ní mangbo ne ongisi gba elø inde bhú bali ade ko.

5

Kilisito agbegbe ní bhú bali-e agbegbe

¹ Kilisito agbegbe ní bhú bali-e agbegbe ngubula me ní du bha ndju bhú ngu ní. Kaka-a, yi lu kpekpeke, yi a'ó matá de me yi gie liyi bhú bali-e de.

² Yi djedje! Ngama Polo-o, ma apa pi yi me, i du me yi nde ali gandja-a, Kilisito dú pi yi ne tata de. ³ Ma ngapa matá na paká paká pi ndu obhosi hana inde ali gandja-a me, a ayo me u manga ndu líli-e hana. ⁴ Ngayi okpála bhende ngabhundja me Ebhe aú yi ngbingbili bhú djila e kabula namanga líli-e, yi agbo bhusu yi ne Kilisito agbo. Bádha bhú 'bu gba Ebhe-e aneke yi aneke. ⁵ La pi ya-a, ya nga'o 'to ya 'to Ebhe, inde améne me ya du bhú djila ni ngbingbili ko. A bhomu-o engú inde ya ngadjeke me amene lie má gala li pápá na angu gba Bu Bhobua, inde ngau lie bhú nabhuka gba ya-o. ⁶ Padhá de, anga pi kpála bhende akpetse lie ne Yesu Kilisito-o, nali gandja, i du di-e nali gandja de-e, a pi ani ne tata ade. Engú bini, ehe inde ne tata-a, a ko nabhuka inde ngamene kulu ne mukunda.

⁷ Yi akpo lilita ndjindji. A ani kpadji pi yi da me yi amána kukulu 'ngú-o de-e? ⁸ Engú na sisiti inde u ato e bhú 'ndji yi bhomu-o yie ka Ebhe kpála inde a'i yi-e de. ⁹ Mboye ku levile* bedi ngamene me ndu mapa hana fuka. ¹⁰ Ngama-a, ma nga'o 'to ma libhomu 'to Ngámá li 'ngú gba yi-o, anga ma ambila na paká me yi bhundja 'ngú koko kpí ne ma de. Engú bini, kpála bhende ngangbingi 'ndji yi bhomu-o abí mangimbo gba Ebhe, belegu i du bha da-ie!

¹¹ Muma-a ondaise ma, i du me ma nde nga bha matá ngakpokpo 'ngú nali gandja-a, ka ni la u nde ngabha lie ngato mbolo li ma-a? I du mo-o, amba tata li nakpokpo 'ngú pindji nakpi gba Kilisito li kulusi-e ade. ¹² A ayo me okpála inde ngangbingi 'ndji yi-e kolo maka oenike.†

¹³ Pi yi-e ondaise ma, Ebhe a'i yi me yi adú matá obalise na líli gba Moidje de. Yi nde la lie bhú ngu yi-e, yi adú namene ogumu na sisiti gba yi na kalanu-o de. Engú bini, yi teteke liyi sunda yi ne mukunda. ¹⁴ Padhá de, anga ndu líli hana akpetse lie bhú koli líli bini inde me: «Kunda kilí mu maka mo okunda limu lie ngamu makpe ko.†» ¹⁵ Engú bini, i du me yi nde ngamene liyi maka onu 'te inde

† 4:27 4:27 Tsia bhú Isa. 54:1. † 4:30 4:30 Tsia bhú Dje. 21:9, 10. * 5:9 5:9 Levile: Ngasuno lele kulu okpála inde apite omabhuka na Galatia-o. † 5:12 5:12 Eniki: A ko bhoko inde i ti da nakunda elø de, anga angu na bhoko bhú ani ade. Tsia bhú Mat. 19:12. † 5:14 5:14 Tsia bhú Lev. 19:18.

nganunumu lio di ne na'o'o 'ka lio sunda o-o, 'e-e la-e, yi abhili liyi sunda yi mabhili.

Yi 'o me Bu Bhobua suno kpadji pi yi ngae

¹⁶ Ma apa pi yi me, yi 'o me Bu Bhobua suno kpadji pi yi ngae. I du me yi nde amene mo-o, yi kpata matá ogumu na sisiti gba yi na kalanu-o de. ¹⁷ Padhá de, anga ogumu na sisiti gba yi ngagu bhende gba Bu Bhobua-o. Gumu gba Bu Bhobua di ngagu bhende gba ní makpe-o. Ogumu bhomu-o ngatu 'ndji o sunda o, masikpe de napa me yi ti da namene engú inde yi akunda namene e-e de. ¹⁸ I du me Bu Bhobua nde ngasuno kpadji pi yi ngae-e, yi matá sa líli ade.

¹⁹ Okulu gba kute ní makpe ngau lie mbámbá. A ngau lie bhú nakunda olisi, i du di-e obhosi ngangá, di ne ogumu ongu koto hana na sisiti. ²⁰ A ko nadhege oebhe na eu, a ko namene engú na kobha. U ngayala lio sunda o, u ngatsi, u ne 'ngbé bua, u ngake 'ngú lio, u bha bini ngabhundja engú gba o makpe. U ngagbogbo bhúsu o, u dje lio de. ²¹ U abedhe ne gumu 'he gba okpála koko bhú o bedhe, u akolo obalise na pandi, a ko obhulu kundu 'zu, u ngamene ongu koko bhelé bhelé maka ongu bhomu-o. Ma ngagbele 'dje yi mbia inde-e maka ma amene lie nako kalanu-o: okpála inde ngamene ongu mo-o, sía dabili bhú Nau gba Ebhe-e de.

²² Engú bini nguwa gba Bu Bhobua-a, a ko mukunda, djali, guo 'ngú, 'ndjá bua, bádha bua, namene bádha 'ngú, nadu ne kpála inde u ti da na'o 'to o 'to e, ²³ nako lio ne kuto, naholo bua o ka 'ngú maholo. Líli bini yala ongu bhomu-o de. ²⁴ Okpála gba Yesu Kilisito agi ogumu na sisiti gba o-o li kulusi. ²⁵ Bu Bhobua ngaha mukobho pi ní ngae, kaka-a, a ayo me ní 'o me aní suno kpadji pi ní ngae. ²⁶ Ní adú ne 'ngbé 'ndji de. Ní adú nake 'ngú liní sunda ní de. Ní adú la di ne 'ngbé bua sunda ní de.

6

Ní teteke liní sunda ní

¹ Ondaise ma, i du me kpála bini nde atí bhú siti 'ngú-o, ngayi okpála bhende li Bua gba Ebhe-e nde bhú o-o, yi de gie aní li ngbili kpadji ne bádha bua. Kpála ne kpála lila la di lie me ní atí bhú nale de. ² Yi teteke liyi sunda yi bhú otitili 'ngú inde sunda yi-o. I du me yi nde ngamene mo-o, yi méne líli gba Kilisito. ³ I du me kpála bini nde ngabhundja me ní ne 'ngbé kpála, a nde la kpála na padhá-a, amba aní ngapite lie ngae makpe. ⁴ A ayo me kpála ne kpála tsia lele nadhuku gba e ngae makpe. I du me a nde ndjindji-e, aní tsia kpí djali li kulu gba e-o. Aní kpí djali

de me anga ní akpo 'ndji ní ne kpála koko de. ⁵ Padhá de, anga a ayo me kpála ne kpála bí titili 'ngú gba e-o.

⁶ Kpála inde u asuno eli gba Ebhe-e pi e-e, a ayo me aní gbogbo bhásu tia gba e ne musuno gba e-o.

⁷ Yi apite liyi de, u mumu Ebhe de. Kpála asía bha bini nguwa inde aní alu e-o. ⁸ I du me aní nde ngamene 'ngú maka li ogumu na sisiti ngatima aní lie-e, nguwa inde aní asía e-e, a dú kuo. Engú bini, aní mene engú inde nganga li Bu Bhobua-a, nguwa inde aní asía e-e, a dú mukobho na dudu. ⁹ Ní andála li namene bádha 'ngú de. Padhá de, anga ní zi kekele tété nakolo alí soso-o, ní sía nguwa gba ní-e li nedhinga ang-o. ¹⁰ Kaka-a, i du me kpadji nde u-o, a ayo me ní mene bádha 'ngú pi ndu okpála hana, a ne la mane pi ondaise ní bhende bhú 'bu nabhuka ko.

Polo ngaha olíli na soso

¹¹ Engú inde ma aye e pi yi mbia inde-e, ma aye ne 'kpa ma makpe, maka yi ngauu lie ne ngbengbe djila balua-o. ¹² Okpála inde ngaholo yi ne kpéke me yi li gandja-a, a ko okpála inde ngakunda nanga li okpála. U ngamene mo-o ngabula me okpála ató mbolo lio kabula kulusi gba Kilisito de. ¹³ Okpála inde ngali gandja bhomu-o ngamanga líli ade. Uo ngaholo yi ne kpéke me yi li gandja, amba u bhí 'kpa o pí mbulu o me o to yi bhú gandja ne kpéke.

¹⁴ La muma-a, ma ngabhi bha bini 'kpa ma pí mbulu ma kabula kulusi gba Ngámá gba ní Yesu Kilisito-o. Padhá de, anga li pápá na kulusi-e, ma au ongu na doto maka ehe na kuku, la di-e, ma maka kpála inde akpi bhú ongu na doto akpi. ¹⁵ Kaka-a, nali gandja, i du di-e nali gandja de-e, tata tété ade. Engú inde ane mane-e, a ko mangbo me Ebhe dji kpála, amba aní kolo kpála na mbia. ¹⁶ Pi ndu okpála hana inde ngakpata engú inde ma ngasuno e-e, a ayo me Ebhe ha guo 'ngú pi uo, amba aní dje di ndjinga uo bhú dabili bini ne omafalaale na kuku, inde okpála gba Ebhe ko.

¹⁷ Nayie pi mbia inde-e, a ayo de me kpála bini 'o matá lungalu kala ma li 'ngú bini-e de. Padhá de, anga opokoli inde li kute ma inde-e ngasuno me ma ne kpála ka Yesu.

¹⁸ Ondaise ma, a ayo me bádha bhú 'bu gba Ngámá gba ní Yesu Kilisito du bhú dabili bini ne ndu yi hana. A adu moko!

Balua gba Polo pi omabhuka na gudhu na Efeso Eli na kalanu

Balua inde li Polo aye e pi omabhuka na Efeso-o, ngatsia ngaiza kalanu engu inde pindji mabhundja gba Ebhe, ngubula napo bhula ndu oehe hana inde ani abho e, ohe inde na abhula ne bhe na pila doto bhú dabili bini ne Kilisito maka ndjindji-o (1:10). Ani nga'i okpala gba Ebhe me u du akobho li lele mabhundja na ngbéngbé bhomu inde pi ndu okpala hana bhú nakpøtø lio ne Kilisito.

Bhú balua inde ane okulu oehe bhelé inde ngasuno me, okpala gba Ebhe ngadu bini bhú makpøtø bhú dabili bini ne Kilisito: Piga gba Ebhe maka kute kpala inde li Kilisito nde ne 'ndji e. A di maka eti inde li Kilisito nde ne nepanda na e-o. A la matá di maka øle inde li Kilisito nde maka ko e-o. Bhú nagama ongu gba Polo pindji mabhundja na bádha bhú 'bu gba Ebhe inde bhú Kilisito-o, a ne oeli bhende ngatu kpala, a la di ne oeli inde nga'e bua kpala abhula má gba! Ndu 'ngú bhomu-o hana ngau lie li zi 'kpí na mukunda gba Kilisito, bhú makiso, bhú mambu, bhú bádha bhú 'bu, a la di-e bhú navulu lio.

Ongbenge ongu inde bhú bhuku inde- e ngae inde:

Eli na kalanu 1:1-2

Kilisito a la di-e Dadjua gba Ebhe 1:3 - 3:21

Mukobho na mbia bhú Kilisito 4:1 - 6:20
Eli na soso 6:21-24

Polo yi omabhuka na Efeso mayi

¹ Ngama Polo, ma ne bhulu titima gba YesuKilisito, anga Ebhe akunda mo-o. Ma aye balua inde-e pi okpala na bububu gba Ebhe inde bhú gudhu na Efeso, inde abhuka la di Yesu Kilisito-o. ² A ayo me Ebhe 'Dyi ní, ne Ngámá gba ní Yesu Kilisito, suno bádha bhú 'bu gba o-o pi yi, amba u ha di guo 'ngú pi yi.

Ebhe atuko bisagu pí ní bhú makpøtø gba ní ne Yesu Kilisito

³ Ní dhøge Ebhe, 'Dyi Ngámá gba ní Yesu Kilisito-o! Ani atuko bisagu pí ní bhú nakpøtø liní ne Yesu Kilisito, anga ani aha ndu bisagu hana na bhobua na abhula-a pi ní. ⁴ Kala me Ebhe bho doto-o, ani abhu nani ní bhøtode ngubula me ní du ne okpala gba ní li pápá gba Kilisito, amba ní du ne okpala inde bubu, u ti da nau siti 'ngú napapa li o de. Padhá de, anga ani akunda ní. ⁵ Kaka, nayie nani bhøtode

naali-e, ani amene me ní kolo ongisi gba ní li pápá gba Yesu Kilisito. A bhomu-o engú inde ani amene e pi ní bhú bádha bhú 'bu gba e-o. ⁶ Ní toko sangu gba Ebhe ngubula bádha 'ngú inde ani amene e pi ní ne bádha bua gba e, anga ani akunda me amene lie mo-o bhú Ndili gba e na mukunda-o.

⁷ Padhá de, anga bhú nakpøtø liní ne Yesu-o, Ebhe agbegbe ní bhú siti 'ngú ka ngute ani. Ani atsia ambu li siti 'ngú gba ní-o. Ebhe asuno pi ní bhomu-o tia inde bhú bádha bhú 'bu gba e, ⁸ inde ani aha e me a nde abedhe bedhe-o. Ani atsia aha di ndu imbilangu hana pi ní. ⁹ Ani asuno engú gba e inde awo lie mawo-o pi ní. Engú inde bhú bádha bhú 'bu gba e inde ani apa nani bhøtode me ní améne e bhú Kilisito-o. ¹⁰ Engú inde ani apa me ní améne e li nedhinga ani a'o e-e, a ko nakpøtø ndu 'ngú hana inde abhula, ne bhende pila doto-o sa koli Ngámá bini, Kilisito.

¹¹ Bhú nakpøtø liní ne Kilisito-o, ní asia ehe inde li Ebhe apa nani me ní ahá e pi ní-o. Padhá de, anga Ebhe alo nani ní kalanu didili naali maka ani akunda lie-o. La di-e, ani ngamene ndu 'ngú hana maka ani akunda nani lie, di ne maka ani apa lie-o. ¹² Kaka-a, a ayo me ní toko sangu gba Ebhe, ngani okpala inde a'o 'to o nani bhøtode bhú Kilisito-o.

¹³ Ngayi di-e, li yi adje ngali na kukulu 'ngú-o lie, Bádha Ngali inde aha mukobho pi yi-e, yi atsia abhuka Kilisito. Abhomu-o, Ebhe atsia atu kasé inde ngasuno me yi ne ongisi gba ní-e li kute yi, li ani aha Bu Bhobua inde ani apa nani me ní ahá e pi yi-e lie-o. ¹⁴ Bu Bhobua ang-o ne ehe na kalanu bhú ka obabadha 'ngú inde li Ebhe aleke e pi omaha e-o. Ani ngapa pi ní me ní asia ongu ang-o masia li nedhinga li Ebhe agbègbe ní lie bhú siti 'ngú gba ní hana-o. Kaka-a, ayo me ní toko sangu gba Ebhe.

Polo ayo Ebhe ngú omabhuka

¹⁵ Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndu omabhuka hana-a, ¹⁶ ma'o nagie heni pi Ebhe li 'ngú gba yi-e de. Ma ngabhundja yi bhú omayo gba ma-o. ¹⁷ Ma ngayo ka Ebhe gba Ngámá gba ní Yesu Kilisito, 'Dyi ní na asasaua me ani ha bua na imbilangu pi yi. Bu ang-o asúno Ebhe pi yi mbámá, ani tsia méne di me yi mbila ani na paká paká. ¹⁸ Ma ngayo me ani bhulu imbilangu gba yi ngú nambila obabadha 'ngú inde ani apa me ní ahá e pi okpala bhende ani a'i o-o. Ma la di ngakunda me yi mbila tia di ne sangu inde bhú obabadha 'ngú inde ani aleke e pi okpala gba e-o.

¹⁹ Kaka-a, yi ambála angu na kuo kuo inde ani nde ne e pí ní omabhuka-o. Angu angu-o, a ko bhende li Ebhe asuno e na paká paká, ²⁰ nedhinga li ani azuku Yesu Kilisito lie, ani atsia a'o ani li pá 'kpa e na kokpa abhúla-o. ²¹ Oo, ani a'o Kilisito pí 'ndji ndu obua hana, pí 'ndji ndu obua hana na angu, pí 'ndji ndu obua hana na kpekpeke ne pí 'ndji ndu o'ili hana inde u ti da na'i e bha bini naki de, engú bini, inde u ti da di na'i e bhú oekpí inde ngago ko. ²² Ebhe a'o ndu 'he hana sa 'dhu Kilisito. Ani atsia a'o ani Ngámá pí 'ndji ndu 'he hana di ne pí 'ndji Dadjua gba e-o. ²³ Piga gba Ebhe-e, a ko kute Yesu Kilisito. Angu gba ani-e ngadu bhú Dadjua angu-o, ngaani-e, ani ne ndu bili hana.

2

Ní azuku bhú dabilí bini ne Yesu Kilisito

¹ Nani kalanu-o, yi amu li bua yi kabula pulu 'ngú di ne kabula siti 'ngú gba yi-o. ² Yi adu nakobho bhú siti 'ngú nakpata lele mukobho na doto inde. Yi adu namanga ngámá na angu gba osisiti bua inde atu 'kpí-o. Ngámá angu-o, a ko bua inde ngamene kulu bhú okpála inde ngagu Ebhe-o. ³ Ní adu bhadi nani ndu ní hana maka uo. Padhá de, anga ní adu nani nakobho bhú gumu na sisiti gba ní-o. Ní adu namene gumu na kute ní, di ne gumu na bua ní. Ka siti 'ngú gba ní-e, a ayo nani me ke 'ngú gba Ebhe-e go pí ní maka okpála koko.

⁴ Engú bini, ndjinga gba Ebhe-e ngebéngbé, mukunda gba ani pí ní-e ngebéngbé naali. ⁵ Kaka-a, ani aha matá mukobho pí ní li pápá gba Kilisito , ngani okpála inde amu nani ka siti 'ngú gba ní-o. A na paká me ní akobho ka bádha bhú 'bu gba Ebhe . ⁶ Bhú nakpètse gba ní ne Yesu Kilisito-o, Ebhe azuku ní bhú kuo bhú dabilí bini ne ani, ngubula me ní u bhú dabilí bini ne ani abhúla. ⁷ Bhú nasuno bádha bhú 'bu inde ani asuno e pí ní bhú Yesu Kilisito-o, Ebhe akunda nasuno bhomu-o ngubula ndu nedhinga hana inde ngago-o bádha bhú 'bu gba e na ngebéngbé ko. ⁸ Padhá de, anga yi akobho ka bádha bhú 'bu gba Ebhe kabula nabhuka . Mukobho angu-o yie ka yi de, a ko ehe inde li Ebhe aha e pí yi padhá. ⁹ Mukobho angu-o yie ka okulu gba yi-e de. Kaka-a, a go de me kpála bini pa 'li e tété-e de. ¹⁰ A na paká me Ebhe abho ní ngae. Ani abho ní bhú nakpètse líni ne Yesu Kilisito ngubula me ní mene ongú na babadha. Obabadha 'ngú angu-o, Ebhe aleke nani pí ní bhutode me ní mene.

Yesu akpètse omaYuda ne obhende ne omaYuda ade-e bhú nakpi gba e-o

¹¹ Yi bhundja nga maka yi adu nani lie kalanu-o. Ngayi okpála inde li omaYuda adu na'i o me okpála inde i li gandja* de, anga bhú nazu-o, yi ne omaYuda ade. U atsia adu na'i lío me o ne okpála inde ali gandja. A ko la ehe inde li okpála amene e li kute ne 'kpa o. ¹² A na paká me bhú nedhinga bhomu-o, yi adu nani de Kilisito tsutsu. Yi adu ne ogandji okpála , yi du nani bhú piga gba omafalaale de. Gandja inde li engú li Ebhe apa nani lie me ní améne e pí okpála gba ní-e alu pí e, du pí yi de. Yi adu nani nadu pála doto me yi nde 'o 'to yi 'to Ebhe de. Ebhe du la di bhú yi de. ¹³ La mbia inde-e, bhú nakpètse liyi ne Yesu Kilisito-o, ngayi okpála inde adu nani de ani tsutsu-o, yi adyudyo liyi de ani masakpe kabula ngute ani-o.

¹⁴ Padhá de, anga Kilisito ngae makpe aha guo 'ngú pí ní ngae bhú namene me omaYuda, ne okpála bhende ne omaYuda ade-e kolo koli okpála bini. Bhú nakpi ka ani-e, ani agugumu kozie inde adu nani nagbo bhusu uo-o. Kozie angu-o adu nani nayala lío sunda o. ¹⁵ Ani abulu líli gba Moidje ne odapo angu-o hana. Ani amene me omaYuda, di ne okpála bhende ne omaYuda ade-e kolo koli piga bini na mbia bhú nakpètse lío ne ani. Abhomu-o, ani atsia agie guo 'ngú. ¹⁶ Bhú nakpi ka ani li kulusi-e, Kilisito akpètse uo bhú koli kute bini. Ani atsia agie makpolia sunda uo ne Ebhe. Li pápá na kulusi-e, ani a'e yala sunda uo. ¹⁷ Kilisito ago ngubula nakpokpo Bádha Ngali na guo 'ngú pí yi okpála inde adu nani tsutsu de Ebhe, di pí okpála inde adu nani masakpe-o. ¹⁸ Li pápá gba Kilisito-o, ndu ní hana, omaYuda ne okpála bhende ne omaYuda ade-e, ní ti da nadyudyo líni de Ebhe, 'Dyi ní, ka koli Bu Bhobua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kuti, yi bhú ká okpála gba Ebhe. Yi ne okpála na piga gba Ebhe. ²⁰ Ngayi-e, yi akolo ndula na eti inde li 'dhu e nde ne obhulu titima gba Yesu , di ne opolofeta . Nepanda na eti angu-o, a ko Yesu Kilisito ngae makpe. ²¹ Ani ngamene ngae me eti-e lu kpekpeke. Ani la di ngamene me eti angu-o kolo 'ngbé 'ti Ebhe na bubu, inde u a'o e pí Ngámá. ²² Bhú nakpètse lío ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde li Ebhe ngadu bhú e li pápá gba Bu Bhobua.

* 2:11 2:11 Gandja: A adu nani engú inde asuno me a inde-e kpála ka Ebhe.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tikpu gba Yesu Kilisito kabula yi okpála inde ne omaYuda ade-o. ² A na paká me yi adje engú pindji kulu inde li Ebhe aha e bhú bádha bhú 'bu gba e me, ma mene e pi yi ko. ³ Ebhe ambamba ta 'ngú gba e inde awo lie mawo muma, ngubula me ma mbila tata-a ndjindji. Ma aye mbo 'ngú pi yi pépé bedi. ⁴ Nedhinga yi ngatanga balua inde-e lie, yi ti da nambila imbilangu inde ma nde ne e li engú inde awo lie mawo gba Kilisito-o. ⁵ Nani kalanu-o, Ebhe mbamba nga nani ta engú ang-o pi okpála na kalanu-o de. Engú bini, ani asuno mbia inde-e li pápá gba Bua gba e pi obhulá titima na bububu gba Yesu, di ne pi opolofeta. ⁶ Okpála inde ne omaYuda ade-e ngasia koli ehe bini ne omaYuda. Uo bhú koli kute bini. U asía la di ehe inde li Ebhe apa me ni améne e bhú Yesu Kilisito li pápá na Bádha Ngali-e masia.

⁷ Ma akolo kpála na kulu na kpokpo Bádha Ngali ka bádha bhú 'bu gba Ebhe, inde ani aha e muma bhú angu gba e-o. ⁸ Ngama-a, ma ne mboye kpála bhú ká ndu okpála gba Ebhe-e hana. Engú bini, Ebhe atsia aha bádha bhú 'bu gba e muma ngubula me ma kpokpo Bádha Ngali pi okpála bhende ne omaYuda ade-e pindji tia na ngéngbé gba Kilisito, inde ane mabhundja gba okpála mane-o.

⁹ Ma ti da nasuno pi ndu okpála hana mbámbá maka li Ebhe ngamene engú gba e inde awo lie mawo lie-o. Ngaani-e, a ko kpála inde abho ndu 'he hana. Nayie nani didili naali-e, engú ang-o adu me a nde awo lie mawo, ¹⁰ ngubula me mbia inde-e, kabula engú li Ebhe amene e bhú Dadjua gba e-e, ndu obua hana, di ne ndu obua hana na angu inde abhúlá-a ti da nambila imbilangu gba Ebhe inde u ti da nambila alo na e de. ¹¹ Ndu 'ngú bhomu-o amene lie li lele mabhundja li Ebhe adu nani ne e nayie li lilita, inde ani amene e bhú Yesu Kilisito, Ngámá gba ni-o. ¹² Ní akpètse liní ne Kilisito, ní atsia abhuka la di ani. Kaka-a, li ndu kpadji hana ní adú ne tsulu de ngú nadyudyo liní de Ebhe. ¹³ Kaka-a, ma ngayo ka yi me, bua yi asía ndala ka likabhu inde ma ngazu e ngubula yi-e de. Likabhu ang-o mangbo ngaha pi yi sangu

A ayo me omabhuka mbila lele mukunda gba Kilisito inde ane ndu 'ngú hana-o

¹⁴ Kaka-a, ma ngatatu lipuku ma kuto kala 'Dyi ní Ebhe, ¹⁵ li ndu piga hana inde abhúlá ne píla doto adha bhú e-o. ¹⁶ Ma ngayo ka ani me ani ha angu pi yi li pápá na Bhobua gba e, anga sangu gba ani-e ne 'ngbé tia na ngéngbé. Abhomu-o, yi tsia sia angu li bua yi. ¹⁷ A ayo me Kilisito si kuti e li bhobua yi li pápá bhe nabhuka. Ma ngayo me sie yi li bhú mukunda mali, la di me a lu bhú mukunda ang-o malu. ¹⁸ Abhomu-o, yi kólo ne angu ngú nambila bhú dabili bini ne ndu okpála gba Ebhe-e hana me lele mukunda gba Kilisito pi ní-e, ane mane! ¹⁹ Yi mbila lele mukunda gba Kilisito inde ane ndu 'ngú hana u ti da nambila e-o. Yi abédhe ne ndu 'ngú hana inde bhú Ebhe-e bedhe.

²⁰ Ebhe ngamene kulu bhú ní ne angu gba e-o. Lí ní yo 'he ka ani-e, ani ti da nahaha pi ní bhelé ane mane, anga angu gba ani-e ane ndu 'ngú hana inde ní ti da nabhundja e. ²¹ A ayo me sangu dú ne ani bhú Piga gba Ebhe di ne bhú Yesu Kilisito, ndu nedhinga hana, duduma ne duduma. A adu moko.

4

Yi gili ndu 'kpi hana nadu bhú makpètse ne Kilisito

¹ Ngama kpála inde bhú tikpu anga ma ngamene kulu pi Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhuku maka li okpála inde li Ebhe a'i o-o adhudhuku lie-o. ² Yi du ndu 'kpi hana nako liyi ne kuto, yi du ne bhuku bua, di ne 'ndjá bua. Yi kibila liyi bhú ongú inde sunda yi-e ne bua na mukunda. ³ Yi gili ne angu hana nadu bhú makpètse inde li Bu Bhobua ngaha e bhú guo 'ngú inde ngagbite yi bhú dabili bini ko. ⁴ A ne koli kute bini, di ne koli Bu Bhobua bini. Ebhe a'i la bhadi ní me ní 'o 'to ní to koli 'he bini. ⁵ Koli Ngámá bha bini, ne koli nabhuka bini, di ne koli batisimo bini. ⁶ Koli Ebhe bha bini, inde 'Dyi ndu okpála hana. Ani ngau pí 'ndji ndu okpála hana. Ani ngamene kulu bhú ndu okpála hana, ani la di ngadu bhú ndu omabhuka hana.

⁷ La-a, Kilisito aha pi kpála ne kpála angu gba Bhobua ngú namene ehe. Ani atsia aha di bhe gba kpála ne kpála pi e ne bádha bua. ⁸ U aye me:

«Lí ani a'u lie abhúlá-a,

ani abha okpála na tikpu ne angu,

ani atsia aha angu gba Bhobua ngú namene ehe pi okpála.»

⁹ La-a, napa me «ani a'u abhúlá-a», a akunda napa pi? Bhobhomu-o akunda napa me, kala na'u abhúlá-a, Kilisito aké

ngaiza a satø. ¹⁰ Kpála inde akø a satø-o, a ko di kpála inde a'ù abhúlá tsutsu ngubula me ani dũ bhú ndũ 'he hana. ¹¹ A ko ani inde aha kulu pi kpála ne kpála-o. Ani aha pi okoko nadũ obhulũ titima gba Yesu , okoko ne opolofeta . Okoko ne omusuno na Bádha Ngali , okoko ne odimandø, i dũ di-e omusuno. ¹² Yesu amene me okpála gba Ebhe-e kolo bedhe ngú namene kulu gba ani, ne okulu inde li Kilisito aha e pi uo bhomũ-o, ngubula me kute ni inde Piga gba Ebhe-e, kolo kpekpeke. ¹³ Ní mene mo-o, ndũ ní hana ní kólo bhú makpøtø bini bhú nabhuka ne nambila Ndili gba Ebhe-e ndjindji. Ní bhele bhú nabhuka angø-o, ní tsia kólo libhomu maka Kilisito.

¹⁴ Abhomũ-o, ní dũ matá maka ongisi de. Ní dũ la di maka zabũ inde li anvi ngadyudyo e ne ndũ pasũ hana, di ne anvi na nasuno gba omusuno inde ngapite okpála-a de. ¹⁵ Engú bini, i dũ me ní nde ngapa kũkũlũ 'ngú bhú mukunda-a, ní bhéle bhú ndũ 'ngú hana li pápá gba Kilisito inde ne 'ndji Piga gba Ebhe-o. ¹⁶ Ani ngamene ngae me oyá ní dũ bini, ani atsia akpøtø di lie bhú dabili bini ne ní. Kute ní inde Piga gba Ebhe-e bhadi moko. I dũ me ngani inde ne okpála na Piga gba Ebhe-e ní nde ngamene kulu gba ní bhú dabili bini ne mukunda-a, li Dadjua angø-o bhéle.

Yi koto bhú mukobho na kalanũ, amba yi kolo okpála na mbia

¹⁷ Engú inde ma ngayo e ka yi ne kekele-e ne 'li Ngámá-a ngae inde: yi adũ nadhũkũ matá maka omũpagano de. Padhá de, anga mabhundja gba uo-o padhá. ¹⁸ Imbilangu gba uo-o bhú biti. Mukobho inde ngayie ka Ebhe-e pi uo ade. Padhá de, anga u mbila 'ngú bini de. U agbite la di bua o má ki! ¹⁹ U ngadje numũ li 'ngú bini ade. U ngamene ndũ 'ngú na sisiti hana inde u akunda namene e. U la di ngakunda olisi ne obhosi ngangá.

²⁰ Pi yi-e, a bhomũ-o engú inde u apa e pi yi pindji Kilisito-o de. ²¹ A na paká me u apa ndũ 'ngú gba Yesu-o pi yi hana. Maka omakilisito-o, u asuno pi yi kũkũlũ 'ngú inde ní asia e ka ani-o. ²² Kaka-a, a ayo me yi tse mukobho gba yi na kalanũ-o. Lele nani maka yi adũ lie kalanũ-o, yi koto bhúbhú makoto, anga ogamũ angø-o ngapite okpála. A la di ngato okpála bhú kuo. ²³ A ayo na'o me Bu Bhobua dji yi libhomu, amba yi kolo okpála na mbia li bua yi, di ne bhú mabhundja gba yi ko. ²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngbingbili, inde di bubu li kũkũlũ 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kilí e kũkũlũ 'ngú. Padhá de, anga ní ndũ ní hana ne yá koli kute bini. ²⁶ I dũ me bua yi nde ake-e, yi alí bhú siti 'ngú de. A ayo me bua yi ke kala me ela ti.† ²⁷ Yi aká kpadji pi Djabulũ de me ani ko pí yi-e de. ²⁸ A ayo me kpála inde adũ nako nazi 'he-e, 'o nazi 'he ma'o. A ayo mangbo me ani mene kulu ne 'kpa e makpe, amba ani sia ezũ pi e li bádha kpadji. Ani dũ la di ne ehe ngú nateteke okpála inde li ehe aneke ka o-o. ²⁹ Eli na sisiti bini akóto bhú 'bhe yi de. Yi pa bha bini eli na babadha inde i ti da nateteke okpála koko nakpata gumu gba uo-o, a la di ngamene bádha 'ngú pi obhene ngadjedje-o.

³⁰ Yi ahá likabhu pi Bu Bhobua inde li Ebhe aha e pi yi-e de. Padhá de, anga Bu Bhobua inde li Ebhe atu e li yi maka kasé-e ngapa pi yi ngae me bhú oekpi inde ngago-o, Ebhe agbége yi bhú siti 'ngú gba yi-e magbége. ³¹ Yi 'e ndũ 'ngú hana na sisiti li bua yi ma'e. Yi 'e ndu bua bhú yi ma'e. Yi 'e ke 'ngú bhú yi ma'e. Yi 'o nasusula ma'o. Yi 'o la di nasobho sobho ma'o. Yi 'o namene ndũ sisiti 'ngú hana má kpøkøbhø! ³² Yi dũ sunda yi ndjindji, amba yi bedhe ne mukunda bedhe. Yi mbu li sisiti 'ngú inde sunda yi maka li Ebhe ambu la di li yi lie kabula Kilisito-o.

5

Yi dhũkũ maka okpála inde bhú zi 'kpi

¹ I nde lie me yi nde ne ongisi li Ebhe-e akunda o-o, yi mene ne kpéke me yi dũ maka ani. ² A ayo me yi dũ ne mukunda maka Kilisito . Padhá de, anga ani akunda ní. Ani atsia andala 'kpa li mukobho gba e pi ní maka makiso, maka enũ inde u atstsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongũ nakunda olisi, di ne obhosi ngangá, di ne namene ndũ ongũ na sisiti hana, i dũ di-e gumu 'he naali bhú ka yi-e de. ⁴ A ayo de me siti 'li, ne engú na ngingi, ne zibotu koto bhú 'bhe yi-e de. Engú bini, yi gie mangbo heni pi Ebhe. ⁵ Yi mbila ndjindji me, kpála bini na zabhe, kpála na zibotu, i dũ di-e kpála na endju (padhá de, anga endju-o, a ko nayo ebhe na eu), ani li bhú Nau gba Kilisito di ne Ebhe-e belegu de bini.

⁶ Kpála bini apite yi ne 'li na padhá padhá de. Padhá de, anga ngua osisiti 'ngú bhomũ-o ngagbele ke 'ngú gba Ebhe-e pi okpála inde ngayala namene líli gba ani-e ngae. ⁷ Kaka-a, yi akpøtø liyi ne ngua

† 4:26 4:26 Tsia bhú Ets. 4:5.

okpála bhomu-o de. ⁸ Yi adu nani kalanu-o bhú bití. La mbia inde-e, li yi akpétse liyi lie ne Ngámá-a, yi akolo bhú zi 'kpí. Kaka-a, yi dhuku maka okpála inde bhú zi 'kpí. ⁹ Padhá de, anga zi 'kpí ngazu ndu 'ngú na babadha hana. A la di ngazu ngbili 'ngú ne kukulu 'ngú. ¹⁰ Yi gili ne kpéke ngú nalo engú inde li Ngámá akunda e-o. ¹¹ Yi akpétse liyi ne okpála bhende ngamene ongú na padhá padhá na sukpe-e de. Engú bini, yi gbe engú ang-o mbámbá bhú djila okpála. ¹² Padhá de, anga a ko numu naali ngú nagama 'ngú li 'ngú inde li okpála ang-o ngamene e bhú pepe. ¹³ La-a, engú inde u agbe e pi okpála-a, akolo mbámbá. ¹⁴ La di-e, ndu 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a, zuzuku,

yie bhú ká okpála inde amu-o mayie,
amba Kilisito suno zi 'kpí gba e pi mu.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adu nakobho maka ongingi de. Engú bini, yi du nakobho maka okpála na imbilangu. ¹⁶ Yi djele onedhinga inde yi nde bhú e ndjindji. Padhá de, anga onedhinga inde ní nde bhú e sisiti. ¹⁷ Kaka-a, yi adu maka ongingi de. Engú bini, yi mene ne kpéke me yi mbila engú inde li Ngámá akunda me yi mene e-o.

¹⁸ Yi alángba ne pandi de. Padhá de, anga pandi ngatima kpála bhú 'ngú na papula. Engú bini, yi bedhe mangbo ne Bu Bhobua. ¹⁹ Yi to masi bhú yi ne nali ndu odjua oetsi hana inde li Bu Bhobua ngaha e-o. Yi toko Ngámá ne bua yi hana. ²⁰ Yi gie heni pi 'Dyi ní Ebhe ndu nedhinga hana, di ne ngú ndu 'ngú hana ne 'li Ngámá gba ní Yesu Kilisito.

A ayo me elø ne bhoko manga lio sunda o

²¹ Yi manga liyi sunda yi kabula mazima yi nde ne e pi Kilisito ko.

²² Ngayi olisi-e, yi manga obhosi gba yi-e maka yi ngamanga Ngámá lie-o. ²³ Padhá de, anga bhoko ne ngámá pí 'ndji wala e, maka li Kilisito nde lie ne Ngámá pí 'ndji Piga gba Ebhe-o. Kilisito ne Mukobho na Piga gba Ebhe. Piga ang-o maka kute ani. ²⁴ A ayo me olisi manga obhosi gba o-o bhú ndu 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosi-e, yi du ne mukunda pi olisi gba yi, maka li Kilisito akunda Piga gba Ebhe-e lie-o. Ani asuno mukunda ang-o li nandala kpa li mukobho gba e ngabula Dadjua ang-o. ²⁶ Ani akunda nani namene me Piga gba Ebhe-e kolo bubu, ani atsia avulø ne engu* di ne 'li

e. ²⁷ Padhá de, anga ani akunda nani me Piga gba Ebhe-e koto kala ni ne sangu gba e hana. A adu ne doto bhú e de, ne engú na sisiti napapa tété de, di ne zibotu de. Dadjua ang-o du la di bubu, inde u di da nau siti 'ngú napapa li e de.

²⁸ Kaka-a, a ayo me obhosi du ne mukunda pi olisi gba o maka u akunda kute o lie makpe-o. Padhá de, anga kpála inde ne mukunda pi wala e-e, ani ngakunda bhomu-o li e makpe. ²⁹ Padhá de, anga kpála bini inde ayala kute e makpe ade. Engú bini, kpála ne kpála ngaku kute e, di ne nalilila ndjindji, maka Kilisito ngamemene lie bhú Piga gba Ebhe-e ko. ³⁰ Padhá de, anga ní ne tika kute ani. ³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngubula nakpétse lie ne wala e. U tsia kólo ndu o bhisi hana koli kute bini.» ³² 'Ngbé 'ngú na kukulu awo lie bhú engú inde u apa e bhomu-o. Ngama-a, ma apa me u ngapa 'ngú bhomu-o li 'ngú gba Kilisito di ne Piga gba Ebhe. ³³ Engú bini, u la di ngapa 'ngú ang-o pi yi: a ayo me bhoko ne bhoko du ne mukunda pi øle gba e maka ani akunda li e lie makpe-o. A ayo la di me ølø ne ølø manga 'ko e.

6

Lele dasundu gba ongisi ne okpála azu o-o

¹ Ngayi ongisi, engú inde a ayo me yi mene e maka li Ngámá akunda lie ngae inde: yi manga okpála azu yi-e mamanga, anga bhobhomu-o ndjindji. ² Lili na kalanu inde li Ebhe asuno e di ne napa me ni améne ehe bhú e ngae inde: «Manga 'dyi mu ne 'hi mu mamanga, ³ amba mu du ne kpála na djali, mu tsia bhúe la di ngengele píla doto.»

⁴ Ngayi odyi ongisi, yi améne de me ongisi gba yi-e kolo ne kpéke 'ndji-e de. Engú bini, yi ku uo ne nalili uo di ne naha líli inde ayie ka Ngámá-a pi uo.

Lele dasundu gba obalise ne omakulasi o

⁵ Ngayi obalise, yi manga omakulasi yi píla doto mamanga ne nazi uo ndjindji, ne koli bua bini mugito me yi ngamanga Kilisito. ⁶ Yi améne bha bini mo-o li nedhinga inde u ngatsia 'kpí li yi lie de. Padhá de, anga yi mene mo-o, i mána mugito me yi amene ngubula me okpála ziba yi. Engú bini, yi mene engú inde li Ebhe akunda e ne koli bua bini, maka obalise gba Kilisito. ⁷ Yi mene kulu pi omakulasi yi ne bádha bua mugito me, yi

* 5:26 5:26 Engu: A ko batisimo. Tsia bhú Tit. 3:5. † 5:31 5:31 Tsia bhú Dje. 2:24. † 6:3 6:2-3 Tsia bhú Eki. 20:12; di ne bhú Det. 5:16.

ngamene pi Ngámá ngae makpe, anga yi mene pi kpála de. ⁸ Padhá de, anga yi ambila me, abana i du bali, i du di-e bali de-e, kpála ne kpála asia makalá sakpa Ngámá li lele bádha kulu li kpála ango-o amene e-o.

⁹ Ngayi, omakulasi okpála, yi mene bhadi moko pi obalise gba yi-o. Yi abú tsulu bhú uo ne napa de me yi ató mbolo li uo de. Yi mbila ndjindji me ngayi ne obalise gba yi-e, a ka yi ne koli Ngámá bini abhúlá. Ani gbogbo bhúsu okpála de.

Yi bi tia 'gu inde li Ebhe ngaha e pi yi-o

¹⁰ Ngú nabu tata-a, yi gili angu gba yi-e bhú nakpøtø liyi ne Ngámá, bhú angu na ngbéngbé gba ani-o. ¹¹ Yi bi ndu tia 'gu hana inde li Ebhe ngaha e pi yi, ngabula me yi lu kpekpeke kala siti mabhundja gba djabulu-o. ¹² Padhá de, anga ní ngagu gbele ne okpála-kuñi ade. Engú bini, ní ngagu 'gú ne osisiti bua inde ne angu abhúlá. Ní ngagu 'gú ne ongámási na angu di ne obhende na sukpe. ¹³ Kaka-a, yi ha ndu tia 'gú gba Ebhe-e hana, amba li nedhinga na sisiti akólo lie, yi de lu kala bhulu yala gba yi-e kpekpeke. La di-e, pita naga gbele akolo ali soso-o, yi tsia lu li bili yi nde li e kpekpeke.

¹⁴ Ka 'ngú ango-o, yi lu kpekpeke. Yi gbite kukulu 'ngú ludu yi maka mukabha. Yi holo ngbili 'ngú maka bongo na kó 'nu inde ngalila mbulu kpála. ¹⁵ Yi dyi gumu na nakpokpo Bádha Ngali na guo 'ngú maka maleke. ¹⁶ Yi holo nabhuka ndu 'kpí hana maka kopí. Bhobhomu-o ahá angu pi yi ngú nabulu ndu edji hana inde ne djua gba Satana. ¹⁷ Yi dyi mukobho maka ndata na kalase. Yi holo Eli gba Ebhe-e maka mbotia inde li Bu Bhobua ngaha e-o.† ¹⁸ Yi mene ndu 'ngú bhomu-o hana bhú mayo. A na paká, yi yo Ebhe bhú ndu 'ngú hana maka li Bu Bhobua atéteke yi lie-o. Kaka-a, yi alá-a de, yi yo Ebhe ndu 'kpí hana pi ndu okpála hana na bububu-o.

¹⁹ Yi yo di Ebhe muma, amba Ebhe ha eli na ngbingbili muma nedhinga ma akunda nagama 'ngú lie-o. La di-e, a ngabula me ma adú ne tsulu de nedhinga ma ngambamba ta ongu inde awo lie bhú Bádha Ngali-e lie-o. ²⁰ Ma ne bhulu titima na Bádha Ngali inde ma nde bhú tikpu ngabula e-o. Kaka-a, yi yo Ebhe ngú ma, amba ma akpókpo Ngali ango-o ne tsulu de, ma kpokpo mangbo maka a ayo lie-o.

Eli na soso

²¹ Tisiko, ndai ní na mukunda, kpála inde di ngamene kulu gba Ngámá ndjindji akpókpo ndu 'ngú hana inde atsia ma pi yi. Ani akpókpo pi yi ngabula me yi mbila

lele maka ma nde lie di ne ehe inde ma ngamene e-o. ²² Ma atima ani ngabula nakpokpo pi yi lele maka ya nde lie, amba ani to di masi bhú yi.

²³ A ayo me Ebhe 'Dyi ní, di ne Ngámá Yesu Kilisito ha guo 'ngú, ne mukunda di ne nabhuka pi ndu ondaise ní hana. ²⁴ A ayo me bádha bhú 'bu gba Ebhe du ne ndu okpála hana inde ne mukunda na duduma pi Ngámá gba ní Yesu Kilisito ko.

† 6:17 6:14-17 Tsia bhú Isa. 59:17, 11:5, 27:1, 34:5, 49:2; ne bhú Oz. 6:5; ne bhú Ebe. 4:12; di ne bhú Apok. 1:16, 19:15.

Balua gba Polo pi omabhuka na gudhu na Filipoi Eli na kalanu

Polo aye nani balua inde-e pi omabhuka na Dadjua na kalanu inde ani a'o nani e bhú putu-o, bhú ndu doto na ngámá gba okpála na Loma inde abhú Makedonia-o. Ani aye balua ango-o me ani nde bhú tikpu. Li nedhinga inde ani adu lie me bua ani nde angamba ka nagu inde li obhelesi okpála koko na Dadjua gba Ebhe adu agu ne e-o, la di bua ani atsia alu bhúlá má gba ka onasuno na eu inde adu bhú Dadjua gba Ebhe inde abhú Filipoi-o.

Engú inde i ti da nau lie má gala bhú balua inde-e, a ko nagie heni pi omakilisito na Filipoi ngubula makiso inde u atima nani e pi ani ngú nateteke ani bhú ongú gba e ko. Polo aha nedhinga bhomu ngú nato masi bhú omakilisito na Filipoi ngubula me u andala bhú kulu gba Ebhe-e de, abana u adu ato mbolo lie li ndu u hana-o.

Balua inde-e agama 'ngú kpekpeke pindji djali, naziba, nadu bini di ne 'ndjá bua inde bhú nabhuka a la di-e mukobho gba makilisito. Ani atsia asuno la di mukunda na kpekpeke inde li Polo adu ne e pi Dadjua na Filipoi-o.

Ongbengbe ongú inde bhú bhuku inde-e ngae inde:

Eli na kalanu 1:1-11

Engú atsia Polo kpi e kpi 1:12-26

Mukobho inde bhú Kilisito-o 1:27 - 2:18

Mabhundja inde adu pi Timoté ngauo ne

Epafulodite 2:19-30

Nalila lio ka obhulu yala di ne

okpekpeke 'ngú inde ngago 3:1 - 4:9

Polo ngauo ne obi e na Filipoi 4:10-20

Eli na soso 4:21-23

Polo yi omabhuka na gudhu na Filipoi mayi

¹ Ngama Polo, bhú dabili bini ne Timoté-e, ya yi yi mayi. Ya ne obalise gba Yesu Kilisito. Ma aye balua inde-e pi ndu yi omabhuka inde bhú gudhu na Filipoi hana, pi yi obhelesi okpála di ne pi yi okpála inde ngateteke kulu gba Ebhe, ndu yi hana inde akpetse liyi bhú dabili bini ne Yesu Kilisito-o. ² A ayo me Ebhe 'Dyi ní, bhú dabili bini ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú gba o-o pi yi.

Polo agie heni, ani atsia ayo di Ebhe ngú omabhuka na gudhu na Filipoi

³ Ma ngagie heni pi Ebhe, ndu nedhinga hana ma ngabhundja yi lie-o. ⁴ Ndu nedhinga hana ma ngayo Ebhe lie pi ndu yi hana-a, ma ngakpi djali. ⁵ Ma ngagie heni pi Ebhe anga yi akpetse liyi ne ma bhú nakpokpo Bádha Ngali, nayie bha bini li 'kpi na kalanu yi abhuka lie, akolo makolo pi mbia inde. ⁶ Ma ambila ndjindji me Ebhe inde akpo nani lita bádha kulu li bua yi-e, anú bha ne di ne kalanu, ani tsia bú soso li 'kpi li Yesu Kilisito agó lie-o. ⁷ A ndjindji me ma bhundja bha pindji ndu yi hana mo-o. Padhá de, anga bua ma abedhe ne djali ka yi, anga Ebhe asuno bádha bhú 'bu muma di ne pi ndu yi hana, ngubula me yi teteke ma nedhinga ma nde lie mbia inde-e bhú tikpu, di ne nedhinga inde ma ngakpokpo lie ne angu ma hana kukulu 'ngú pindji Bádha Ngali lie-e, kala okpála nakodho mangimbo-o. ⁸ Ebhe mbila hana me, ma ngapa kukulu 'ngú me ma ne mukunda pi yi naali. Mukunda inde ma akunda yi ne e-e, ayie ka Yesu Kilisito.

⁹ Ehe inde ma ngayo Ebhe pi yi ngú e ngae inde: ma ngayo Ebhe me mukunda gba yi-e nu bha ne kalanu, amba ateteke yi me yi mbila engú na kukulu ne lele maka yi ngadu lie sunda yi-o. ¹⁰ Abhomu-o, yi tsia mbila di nalo obabadha 'ngú. Ma ngayo ndu 'ngú bhomu-o hana ngubula me ekpi li Yesu Kilisito agie lie lie, bua yi de da má ngilili di ne me ehe bini na sisiti adu bhú yi de. ¹¹ Nakolo li 'kpi ango-o, nadhuku gba yi-e da ndjindji bhú angu gba Yesu Kilisito, amba okpála dhogé Ebhe, u toko di ani.

Polo akpi djali anga u ngakpokpo Bádha Ngali gba Kilisito

¹² Ondaise ma, ma akunda me yi mbila ndjindji me ongú inde akolo li ma-a, amene mangbo me Bádha Ngali-e yangba ne kalanu. ¹³ Ka 'ngú ango-o, ndu osudha hana inde ngalila eti gba guvelenele, di ne ndu okpála koko hana ambila me ma bhú tikpu kabula kulu gba Kilisito ma ngamene e-o. ¹⁴ La matá di-e, nau ma me ma bhú tikpu-o, ato masi bhú omabhuka bhelé li kpadji gba Ngámá gba ní-o. Uo matá ne tsulu ngú nakpokpo Bádha Ngali-e ade.

¹⁵ A na paká me okpála koko ngakpokpo Bádha Ngali gba Kilisito-o, anga u ne 'ngbé bua li kate ma, u ngakunda nagu ma. La-a, okoko di ngakpokpo engú gba ani-e ne bua bini. ¹⁶ Obhe ngamene ne bua o bini bhomu-o, ngamemene anga u ne mukunda li pabili gba ma, u mbila ndjindji me kulu gba ma li bili inde-e, a ko ngubula me ma akpokpo Bádha Ngali, amba ma suno di pi okpála me a ko kukulu 'ngú. ¹⁷ Okpála ma de apa 'ngú gba o kalanu-o, ngakpokpo Bádha Ngali gba Kilisito anga u ngakunda

me ni da nagu ma. Engú inde u ngakpokpo e yi li bua uo de, u ngakunda me ma za matá likabhu bhú tikpa ei ane mane.

¹⁸ A mene 'he bini de. Belegu u da akpokpo Bádha Ngali gba Kilisito ne siti bua , i da di-e ne bádha bua, Bádha Ngali ang-o bha naae nganu ne kalanu. Kaka-a, ma ngakpi djali. La matá-a, ma adú bha ne djali, ¹⁹ padhá de, anga ma ambila me ndu okpekpeke da 'ngú bhomu-o hana améne me Ebhe kobho ma, anga yi ngayo ani ngú ma, Bu Bhobua inde nani li Yesu Kilisito atima e-e, la di ngateteke ma.

²⁰ Engú inde ma nga'o 'to ma 'to e naali-e, a ko me ma ahá galikpe namu pi Kilisito 'kpi bini de. La-a, mbia inde-e, maka ne ndu nedhinga hana-a, ma abhuka ne bua bini me, ma adú bha bini nadhoge Kilisito belegu ma da bhú mukobho, belegu ma kpi makpi. ²¹ Padhá de, anga muma-a, ma da bhú mukobho-o, ehe inde ane ne engbé-e, a ko nadhoge Kilisito. Ma kpi makpi-e ane la matá ne bádha. ²² I da me nadu ka ma bhú mukobho pila doto ei nde ade kpadji muma na ateteke okpála-a, ma mbila kpadji bhende ayo nalo e de. ²³ Ma ngadho 'bi sunda ongu bhisi bhomu. A nga lima naali ne nayie pila doto inde ngubula me ma nu da de Kilisito. ²⁴ La-a, nadu ka ma bhú mukobho-o ndjindji kabula yi.

²⁵ Ma ambila ndjindji me, a la bhadi moko, ma da nga matá bhú mukobho, ní tsia dú ne yi bhú dabili bini ngubula me yi nu li kpadji gba Ebhe-e ne kalanu, amba yi tsia kpi di djali li kpadji ang-o. ²⁶ Nedhinga ma akoto lie bhú tikpa-o, ní tsia dú matá ne yi bhú dabili bini-e, yi atoko Yesu Kilisito naali ka engú inde ani amene e muma-o.

Yi lu kpekpeke bhú nabhuka

²⁷ Engú inde ane la mane-e ngae inde: a ayo me nadhuku gba yi da li lelele maka li Bádha Ngali gba Kilisito apa lie-o, ngubula me, belegu ma go natsia yi, belegu ma go de-e, ma de dje me yi alu kpekpeke ne mabhundja bini, ne me yi ngalila ndu yi hana nabhuka gba yi inde alu pi Bádha Ngali-o. ²⁸ Yi adjé tsulu ka obhulu yala gba yi-e belegu de bini. Bhobhomu-o asuno pi uo mbamba me, ngauo-o, u angita, la ngayi-e, yi li kpadji na mukobho. Ebhe asuno pi uo ngae. ²⁹ Padhá de, anga Ebhe suno bha bini bádha bhú 'bu gba e pi yi ngú nabhuka Kilisito de, engú bini, ani asuno bádha bhú 'bu gba e pi yi ngú nazu di likabhu kabula Bádha Ngali gba ani-o. ³⁰ Yi ngagu bhomu-o ngua gbele inde nako yi au me, ngama-a, ma adu agu e-o. Yi la di

ngadje me, mbia inde-e, ma nga bha ngagu 'gu.

2

Yi ke liyi ne kuto maka Yesu Kilisito

¹ I nde lie me yi akpetse liyi bhú dabili bini ne Kilisito-o, bhobhomu-o ngaha angu pi yi. A mo-o adi! I nde lie me ani ne mukunda pi yi-e, bhobhomu-o ngaha angu pi yi ngú nakpata kpadji gba ani-o. A mo-o adi! A na paká me Bu Bhobua akpetse yi ngae. A mo-o adi! A na paká me Ebhe la di ngasuno bádha bhú 'bu pi yi ngae. A mo-o adi! ² I nde lie mo-o, yi bedhe bua ma ne djali bedhe li kpadji nadu, ne li kpadji nadu ne mukunda sunda yi, di ne li kpadji nadu ne makpetse na kukulu sunda yi. ³ Yi adú amene engú na bhayiki bhayiki de. Yi adú nabhi 'kpa yi pi mbulu yi li engú de. Engú bini, yi ke liyi ne kuto, yi da nau okpála koko me u ane yi mane. ⁴ Kpála ne kpála adú bha bini natsia engú gba e makpe de, engú bini, a ayo di natsia engú gba okpála koko uu.

⁵ Yi da bhú ka yi ne ngua mabhundja li Yesu Kilisito adu nani ne e-o.

⁶ Belegu u aviti nani lie ne Ebhe-e bhú dabili bini-e,

ani kpo nani 'ndji e ne Ebhe de me ni da ndu 'kpi hana maka ani-e de.

⁷ La-a, ani a'o ká ndu 'ngú bhomu-o hana, ani akolo bali, u atsia azu ani kpálakuti.

Ndu okpála hana au me a ko kpála-kuti.

⁸ Ani aké matá lie ne kuto,

ani amanga Ebhe akolo bha makolo bhú nakpi ka e,*

inde u agi ani lie li kulusi-o.

⁹ Ka 'ngú ang-o, Ebhe ngae makpe a'e'e ani ne abhulá nane ndu ohe hana.

Bhú bádha bhú 'bu gba e,

ani atsia a'o 'ili li ani, inde ane ndu 'ili hana.

¹⁰ Ani amene mo-o ngubula me ndu 'he hana inde abhulá

di ne pila doto di ne asa doto,†

kikita lipuku o kuto kala Yesu

ngú nadhoge ani ka 'li ani-o,

¹¹ amba ndu okpála hana kpokpo mbamba me Yesu Kilisito ne Ngámá.

U mene mo-o, u tsia dhoge di Ebhe 'Dyi ani.

Yi da maka zi 'ke pila doto

¹² Kaka-a, ondaise ma na mukunda, maka yi amemene lie gemo gemo-o, yi manga Ebhe mamanga. Yi amanga bha bini ani ka de djila ma de. Engú bini, yi manga ani la matá ane mane nedhinga ni

* 2:8 2:8 Nakpi ka e: Nani bhú nedhinga gba omaYuda-a, u adu bha nani nagi li kulusi ongbenge obhulu 'zi.

† 2:10 2:10 Asa doto: A ngasuno kuti gba okpála inde amu.

nde lie ne yi bhú dabili bini ade ko. Yi mene kulu liyi pi Ebhe ngubula nasuno me yi akobho, yi mene kulu ango-o bhú dabili bini ne naké liyi ne kuto. ¹³ Padhá de, anga Ebhe ngae makpe ngamene kulu li bua yi ngubula me yi dú nakunda di ne namene ongú inde nganga li ní-o.

¹⁴ Bhú ndu kulu hana inde yi ngamene e-e, yi adú nadi mutokono de, yi adú la di ne kpeke 'bhø de, ¹⁵ ngubula me kpála bini au engú na sisiti napapa li yi de, di ne me yi dú libhomu hana ndjindji, amba yi dú ne ongisi gba Ebhe, ongisi inde li siti 'ngú nde bhú o ade. Yi ngakobho bhú ká osisiti okpála na doto inde. Yi dú bhú ká uo maka zi 'ke inde ngasú masú, ¹⁶ padhá de, anga yi ngakpokpo pi uo eli na mukobho. Abhomu-o, li 'kpí li Kilisito agó lie, ma adú kala ani ne gindaginda kabula yi, anga bhobhomu-o asuno mbámbá me kpéke kulu inde ma amene e bhú ka yi-e, ma mene padhá de. ¹⁷ Engú bini, nabhuka gba yi-e, a ko makiso inde yi ngaha e pi Ebhe-o. I dú me u nde abhøø ma-a, bhobhomu-o dú maka makiso gba ma inde ma a'o e pí bhende gba yi-o. I dú mo-o, ma adú ne djali, ní tsia kpí djali ne ndu yi hana bhú dabili bini. ¹⁸ A ayo me ngayi di-e, yi dú ne djali, amba yi kpi djali ne ma bhú dabili bini.

Polo atima Timoté bhú Filipo

¹⁹ I dú me Ngámá Yesu nde akunda-a, ma ne 'to ma me ma tima Timoté agba yi sunda 'kpí inde, ngubula me ani gie lie-e, ani de kpokpo ngali gba yi-e muma, amba ani teteke bua ma maka ani adji di nateteke bua yi lie-o. ²⁰ Kpála koko ka ma ei ade inde ngabhundja maka ma, a ko bha bini ani. Ani a'o bua e kukulu li 'ngú gba yi-o. ²¹ Ndu okpála koko hana bha bini nga'o bua o li ongú gba o makpe, u bhundja bhende gba Yesu Kilisito-o de. ²² Timoté makpe, yi mbila ndjindji me a ko bádha kpála. Ne ma ne ani-e, ya amene kulu nakpokpo Bádha Ngali . Ani ateteke ma bhú kulu ango-o maka li ndili ateteke 'dyi e lie-o. ²³ Ma nga'o 'to ma me ma tima ani agba yi má gala, i dú me u nde akodho 'ngú gba ma-a akodho-o. ²⁴ Ma ne nabhuka me, i dú me Ngámá nde akunda-a, ngama di-e, ma anú agba yi oo má gala!

Polo agie Epafalodite bhú Filipo

²⁵ Ndaí ma Epafalodite inde yi atima nako e me ani go teteke ma li ndu ongú bhende aneke ka ma-a, ya amene kulu ne ani bhú dabili bini. Ya agú egú ne ani bhú dabili bini. La mbia inde-e, ma abhundja me a ndjindji me ma gie ani pi yi. ²⁶ Ani ne gumu naali me ni u matá ndu yi hana. Bua

ani adu nako abhúlá, anga ani adje me yi ambila me adu nako li ní ne kuo. ²⁷ A na paká me a adu nako li ani ne kuo masikpe de nakpi. La-a, Ebhe asuno bádha bhú 'bu gba e pi ani. Ebhe suno bha bini bádha bhú 'bu gba e pi ani de, ani asuno di muma ngubula me ma asia matá likabhu pi koko nane mane de.

²⁸ Kaka-a, bua ma alu abhúlá má gba me ma gie ani pi yi, yi u matá ani, yi tsia kpi djali, amba muma-a, bua ma tsia kø. ²⁹ Li ani akólo lie oo, yi de sia ani ne djali anga a ko ndai yi bhú 'bu Ngámá. A ayo me yi manga ngua okpála bhende maka ani-e mamanga, ³⁰ anga ani di me kpi nako li tula kulu gba Kilisito-o. Ani kpe kuo de, ani ateteke ma bhú da yi, maka a ayo nako lie me yi mene ngayi makpe, i dú me yi dú nako sii-o.

3

Lele nadu ngbingbili kala Ebhe

¹ Ondaise ma, 'li ma na soso pi yi-e ngae inde. Yi kpi djali anga yi ne okpála gba Ngámá. Ongú nako ma aye e pi yi kalanu-o, ma matá bha ngayeye ne toto. Ndala li ma tété ade, la pi yi-e, a ngubula nato masi bhú yi ne kalanu. ² Ma apa pi yi me, yi lila liyi ka okpála inde ngamene sisiti kulu-o malila. A ko obúlu. U bha bini ngau ngbéngbé engú nato okpála bhú gandja. ³ Ngani-e, ní ne okpála inde ngakodho kukulu gandja-a ngani, anga ní ngamene kulu liní pi Ebhe ne angu gba Bu Bhobua . Ní ne gindaginda anga ní ne okpála ka Yesu Kilisito . Ní 'o bua ní li ongú inde ngayie ka okpála-a de.

⁴ I dú me adu li ongú ango-o ne tata-a, ma de a'ó di bua ma tété. I dú me kpála bini nde abhundja me ni ti da na'o bua ni li ongú ango-o, ngama-a, ma ambila me ta na'o bua ma tété ane bhende gba ani-e mane. ⁵ Ngama-a, ma ne kukulu Ebele, azu ma ne oEbele. Ma ne mafsalaele, bhú piga gba Bendjame. U azu ma lie, u ato ma bhú gandja pita 'kpí madjina.* Li 'ngú bhende atsia líli gba omaYuda-a, ma nako ne muFalisai . ⁶ Li 'ngú bhende atsia nakpata líli gba ní-e li lelele-e, ma adu nako nato mbolo li omakilisito. Li 'ngú bhende atsia nadu ngbingbili inde li u aye e bhú olíli gba ní omaYuda-a, ma akpata ndundu hana má kpøkøbhø, ma ti belegu li susuka de bini.

⁷ Ma adu nako abhundja me ongú bhomu-o ti da nateteke ma. La-a, kabula Kilisito, ma au ndundu hana padhá. ⁸ Ma au ndu oehe inde adu ka ma-a hana me tata tété ade. Padhá de, anga i dú

* 3:5 3:5 Pita 'kpí madjina: A akunda napa me pita 'kpí mananika u azu ndili lie.

me ma nde ambila Ngámá gba ma Yesu Kilisito ndjindji-e, bhobhomu-o ane muma ne bádha ngae. Ma atse ndu 'he hana kabula ani. Ma ngau ongu' bhomu-o bhú djila ma maka zibotu ngubula me ma sia Kilisito, ⁹ di ne me ma dá libhomu hana pi ani. Ma pá matá de me ma ngbingbili kala Ebhe anga ma ngakpata líli gba omaYuda-a de. Ehe inde nga'o ma ngbingbili kala ani-e, a ko mangbo ma abhuka Kilisito lie-o. Ebhe amene ngae me ma kolo ngbingbili anga ma abhuka ani. ¹⁰ Ma akunda bha kóli 'he bini. Ma akunda me ma mbila Kilisito, a la di-e me ma mbila angu inde azuku ani-o. Ma akunda la di me ma zú likabhu maka ani azú nani lie-o. Ma tsia dá bedhe ngu' nakpi pi ani maka ani akpi nani lie muma-o, ¹¹ ngubula me i dá me Ebhe nde akunda-a, ma de zuku di maka ani.

¹² Ma abhi 'kpa ma pí mbulu ma de me ma asia oehe bhomu-o asia, di ne me ma akolo ali soso akolo-o de. Engú bini, ma ngamene ne kpéke me ma sia oehe bhomu, anga Yesu Kilisito aholo 'kpa ma makpe ngae. ¹³ Ondaise ma, ngama-a, ma pa de me ma asia oehe bhomu-o asia de. Kóli 'he bini inde ma ngamene e-e, a ko napa me ma 'ili 'to ma lí ongu' bhende akodho 'kpí akodho-o, amba ma mene ne kpéke me ma nu ne kalanu. ¹⁴ Ma ngagu holo ne kalanu ngubula me ma kolo lí bíli inde ma a'o bua ma lie-o, amba ma sia makalá lí Ebhe nga'i ní ngu' e abhúlá, kabula engú inde lí Yesu Kilisito amene e pi ní-o. ¹⁵ A ayo me, ngani obhende inde abhele lí kpadji gba Ebhe-e abhele-e, ní dá nabhundja moko. I dá la me kpála koko nde ngabhundja kpi-e, Ebhe ambámba tata pi ní mambamba. ¹⁶ Belegu i dá bha pi-ie, ní kpata bha kpadji inde ní akpata e nakolo pi mbia inde-e ko.

¹⁷ Ondaise ma, ndu yi hana yi kpata nganda ma. Yi banga djila yi lí okpála bhende ngadhuku maka ya apana lie pi yi ko. ¹⁸ Ma pa mo-o padhá de, anga okpála bhelé ngadhoko maka obhulu yala gba Kilisito kabula nakpi ka ani lí kulusi-o. Ma apa 'ngu' bhomu-o pi yi bhútsibhútsi. La mbia inde-e, ma matá ngapapa ne ngula bhú djila ma. ¹⁹ Lí 'so 'kpí-e, u anú bhú djua. Padhá de, anga ebhe gba uo-o, a ko 'bu uo. Uo ne gindagina lí ongu' inde a ayo me u dje numu lí e-o. U bha bini ngabhundja ongu' na doto. ²⁰ La pi ní-e, kúti gba ní-e abhúlá. Ní ngadjéke Ngámá gba ní Yesu Kilisito, inde di mukobho gba ní-e me aní yie abhúlá, amba aní go. ²¹ Aní agó lie, aní ayípa kúte ní na mbolo inde-e me akolo maka kúte ní na angu. Aní améne mo-o ne angu inde aní di ngako angu e pí ndu 'he hana ne e-o.

4

¹ I dá mo-o, ondaise ma na mukunda, yi lu kpekpeke bhú Ngámá. Ma kunda yi naali, ma ne gamu me ma u matá yi. Ma ngakpi djali kabula yi, ma la di ne gindagina kabula yi.

Polo aha olíli na soso

² Kikiliako, Evodia ne Sitika, ma ayo ka yi me yi dá ne guo 'ngu' sánda yi, anga yi ne okpála gba Ngámá. ³ Ma ayo di ka mu ndai ma na mukunda, teteke olisi bhisi bhomu-o mateteke, anga ya amene kulu ne uo kpekpeke, ya atsia azu di likabhu ne uo bhú dabili bini ngubula Bádha Ngali, di ne Kelema, a la di-e ndu ondaise ma koko hana inde ya amene kulu gba Ngámá ne o ko. U aye ndu 'li uo hana bhú bhuku na mukobho.

⁴ A ayo me yi kpi djali ndu 'kpí hana anga yi ne okpála gba Ngámá. Ma matá ngapapa ne toto me, a ayo me yi 'kpi djali. ⁵ A ayo me yi dá ne bhuku bua pi ndu okpála hana. Yi mbila hana me Ngámá agó mbia. ⁶ Bua yi agúku belegu ka 'ngu' bini de, engú bini, yi yo mangbo ka Ebhe ndu 'he hana yi nde ne gamu e-o. Yi yo aní bhú nedhinga hana. Yi yo aní, amba yi gie heni pi ani. ⁷ I dá me yi nde amene mo-o, lí Ebhe há guo 'ngu' gba e inde ane ndu imbilangu hana-a pi yi. Guo 'ngu' ang-o alíla bhobua yi bhú dabili bini di ne mabhundja gba yi-e, anga yi ne okpála gba Yesu Kilisito.

⁸ Ondaise ma, 'li ma na soso pi yi-e ngae inde: a ayo me yi mbila líyi ne nabhundja pindji obabadha ongu', lí okpála atotoko e-o. A ko 'ngu' inde lí eu nde bhú e ade, engú inde ngbingbili, engú inde lí zibotu nde bhú e ade. A ko 'ngu' inde ngangá lí okpála, engú inde lí lelele. ⁹ Ongú inde ma akpokpo e pi yi, inde yi aziba e, ongu' inde yi adje e bhú 'bhe ma, yi au ma ngamene e-e, yi mene ongu' bhomu. Abhomu-o, Ebhe inde ahaha guo 'ngu' pi ní-e dá bhú dabili bini ne yi.

Polo agie heni ngubula oehe inde u atima e pi ani-o

¹⁰ Ma ngakpi djali naali bhú Ngámá anga yi amata abhundja ma. A na paká me yi adu nako nabhundja ma kalanu. Engú bini, kpadji dá nako de me yi teteke ma-a de. Nedhinga ane la bhadi naali me yi nde teteke ma de. ¹¹ Ma pa mo-o ka 'ili de me ma bhú ndibhili-e de. Padhá de, anga ma ambila líma ne nagili nganda ma bhú ndu nedhinga hana. ¹² Ma ambila líma ne nakobho bhú ndibhili, ma ambila di líma ne nakobho bhú nedhinga lí ehe nde lie ka ma bhelé. Ma ambila líma ne nadu ndjindji ne ndu bíli hana, ne bhú onedhinga hana, belegu lí ehe nazú mazu dá ka ma, belegu lí nedhinga na gamu,

belegu li ehe du ka ma bhelé, belegu ma du bhú ndibhili. ¹³ Ma ti da nakibila ndu ongu bhomu-o hana ka angu gba Yesu Kilisito inde bhú ma-o. ¹⁴ Belegu inde lie mo-o, yi amene ndjindji ngubula nateteke ma li nedhinga ma ngazu likabhuh lie-o.

¹⁵ Ondaise ma na gudhu na Filipoi, yi mbila hana me nedhinga ma abhuka nakpokpo Bádha Ngali lie bhú ndu doto gba yi na Makedonia-a, ateteke bha bini ma ne Dadjua gba yi-o. Dadjua koko bini ade inde ya amata 'kpa ya ne e. ¹⁶ Padhá de, anga ma adu lie bhú Tesalonike-e, yi atima ehe inde ma adu ne gumu e muma bhetsibhetsi. ¹⁷ A ko de me ma ngagili makalá-a de. Engu bini, ma ngagili mangbo me Ebhe suno bádha bhú 'bu gba e pi yi ane mane ka ohe yi ngapu e muma-o. ¹⁸ Ma asia ndu 'he hana inde yi atima e muma-a, ane belegu bhende ma adu ne gumu e-o. Li ma au oehe li Epafolodite ago muma ne e lie, ehe bini neke matá ka ma de. Oehe ango-o maka makiso inde u ahaha e pi Ebhe, inde li se e nde li Ebhe ndjindji, inde di nganga li Ebhe manga. ¹⁹ A ka Ebhe gba ma-a ne bhiti ehe na bhibhiti. Ani ahá pi yi ndu 'he hana yi nde ne gumu e-o. Ani ahá pi yi li kpadji gba Yesu Kilisito. ²⁰ A ayo me u dhogo Ebhe 'Dyi ní duduma ne duduma. A adu moko!

Polo abhana lie pi omabhuka na Filipino

²¹ Yi yi ndu okpála hana inde li Yesu Kilisito abhu o me u du ne okpála gba ni-o. Ondaise ní ya nde ne o ei-e, yi di yi mayi. ²² Ndu omabhuka koko hana inde ei yi yi mayi, ane la mane obhende ngamene kulu bhú 'ti gba 'ngbé ngámá na LomaKaisala-o

²³ A ayo me Ngámá Yesu Kilisito suno bádha bhú 'bu gba e pi yi.

Balua gba Polo pi omabhuka na gudhu na Kolosai Eli na kalanu

Polo aye nani balua inde pi okpála na Dadjua na Kolosai, gudhu na Adji Minele ne Efeso. Dadjua angoo, Polo 'o nani ngae de, la-a, adu nani bhú ndu doto inde li Polo adu atsia 'kpí lie ngae. Abhomu-o, ani atsia atima okpála na kulu nayie bhú Efeso, 'ngbé gudhu na ndu doto na ngámá gba okpála na Loma inde bhú Adji-o. Padhá de, anga Polo adje nani me omusuno na eu abhú Dadjua na Kolosai. Ta ngú nasuno angoo adu me ngabula nambila Ebhe ne nandu ne mukobho na kukulu-o, a ayo nadhögö obhelesi okpála koko di ne ongámási na Ebhe. La-a, omusuno bhomu-o apa me, a ayo naziba namene ongú koko maka nakodho gandja, amba u kpata li lelele ongú pindji oeha nazu mazu, ne pindji ongú koko.

Polo aye balua pindji nasuno na kukulu gba makilisito ngabula naboyo onasuno na eu angoo ko. Engú na ngbéngbé ani agie e, a ko me Yesu Kilisito ne angu ngú naha mukobho na kukulu. La-a, omabhuka koko ne ndu ongú u ngamene e ngato bha kpála bhú ngita. Li pápá gba Kilisito, Ebhe abho doto. La di li pápá gba ani-e, Ebhe atsia agie ndu oeha na doto hana pi ani. Yi du bhú makpøtø ne Kilisito de-e, mukobho dú pi okpála na doto de. Pipita-a, Polo ngapana mbámbá nasuno inde ngbéngbé inde pi omabhuka ngabula mukobho gba o-o.

Tisike inde anu ne balua gba Polo abhú Kolosai-e, adholo bhú dabili bini ne Onezime inde bali li Polo aye balua li 'ngú gba e pi Filemo-o.

Ongbengbe ongú inde bhú bhuku inde-e ngae inde:

Eli na kalanu 1:1-8

Mukobho gba Kilisito ne kulu gba e-o 1:9 - 2:19

Mukobho na mbia bhú Kilisito 2:20 - 4:6
Eli na soso 4:7-18

Polo yi omabhuka na gudhu na Kolosai mayi

¹ Ngama Polo, ma ne bhu lu titima gba Yesu Kilisito. Padhá de, anga Ebhe akunda ngae, a la die-e Timoté, ndai ní. Ya aye balua inde-e ² pi okpála na bububu di na ngbingbili gba Ebhe inde bhú gudhu na Kolosai, ondaise ní na mukunda inde

abhuka Kilisito. A ayo me Ebhe 'Dyi ní tuko bisagu pi yi, amba ani ha di guo 'ngú pi yi.

Polo agie heni pi Ebhe

³ Ya ngagie heni pi Ebhe, 'Dyi Ngámá gba ní Yesu Kilisito ndu nedhinga hana ya ngayo Ebhe pi yi lie-o. ⁴ Padhá de, anga ya adje engú pindji nabhuka gba yi bhú Yesu Kilisito, di ne mukunda yi nde ne e pi ndu obubu okpála gba Ebhe-e hana-o. ⁵ Li ngali na kukulu 'ngú, inde Bádha Ngali akolo lie bhutsibhutsi na kalanu agba yi-e, yi atsia ambila 'ngú li engú inde li Ebhe awo e pi yi abhúla-o. Abhomu-o, nabhuka gba yi ne mukunda gba yi-e atsia alu pi engú inde yi nga'o 'to yi 'to e angoo.

⁶ Bádha Ngali angoo ngayangba, a la di ngazu nguwa píla doto libhomu. A amene bhadi pi yi moko li 'kpí inde yi adje engú lie pindji bádha bhú 'bu gba Ebhe-e lie-o, di ne yi ambila lie me bádha bhú 'bu angoo kukulu-o. ⁷ Epafaladje, ndai ní na mukunda bhú kulu apa engú angoo pi yi ngae. Ani ngamene kulu pi yi maka kpála na kulu na kukulu gba Kilisito. ⁸ Ani akpokpo 'ngú pi ya pindji mukunda inde li Bu Bhobua aha e pi yi-o.

⁹ Kaka-a, nayie li ekpi ya adje engú gba yi-e lie-e, ya ndala li nayo Ebhe pi yi de. Ya la di ngayo ka Ebhe me ani ha imbilangu na kpokpo kú 'ngú inde ngayie ka Bu Bhobua gba ani-e pi yi. Abhomu-o, yi tsia mbila 'ngú inde ani akunda me yi mene e-o. ¹⁰ Yi tsia kóbho maka li Ngámá akunda lie-o. Yi tsia méne di ndu 'ngú hana inde ani akunda e-o. Yi méne ndu 'ngú na babadha hana, yi tsia mbila Ebhe ndjindji. ¹¹ Ya ngayo ka Ebhe me ani bedhe yi ne angu na asasaua gba e bhú ndu 'ngú hana, ngabula me yi kibila ndu 'ngú hana ne 'ndjá bua. ¹² Yi gie heni pi 'Dyi ní Ebhe ne djali hana. Padhá de, anga ani aha angu pi yi ngú nasia tia inde ani awo e pi okpála gba e bhú kuti na munde yi na zi 'ke-o. ¹³ Ani agbegbe ní bhú angu na biti, ani atsia a'o ní bhú kuti gba e na munde yi gba Ndili gba e na mukunda-o. ¹⁴ Li pápá gba ani-e, Ebhe agbegbe ní bhú bali. Ani atsia ambu di li siti 'ngú gba ní-o.

Lele maka li Yesu Kilisito nde lie, la di ne kulu gba e-o

¹⁵ Ebhe inde u ti da nau e de-e ngau lie bhú Kilisito.

A ko Ndili na kalanu,*
inde di pi 'ndji ndu 'he hana li Ebhe abho e-o.

¹⁶ Padhá de, anga Ebhe abho ndu 'he inde abhúla ne bhende akuto-o hana li pápá gba ani:

* **1:15** 1:15 Ndili na kalanu: A akunda napa me: ani adu nani bhú mukobho kala ndu 'he hana inde li Ebhe abho e-o.

oehe inde u ngau e,
ne bhende u uu e de,
osisiti bua inde ngau abhúla, ne píla doto,
inde la di ne angu.

Ebhe abho ndu 'he hana li pápá gba
ani.

Ani abho la di ndu 'he ang-o hana pi ani.

¹⁷ Kilisito bhú mukobho kala ndu 'he hana.

La di-e, ndu 'he hana inde bhú
mukobho-o alu li kute ani.

¹⁸ Ngaani-e, a ko 'ndji kute, inde Piga gba
Ebhe-o.

Mukobho na mbia-a akpo lita e bhú
ani, ani ne Ndili na kalanu-o ngae.

A ko kpála na kalanu inde u azuku e bhú
ká okpála inde amu,

ngubula me ani du kpála na kalanu
bhú ndu 'he hana ngae.

¹⁹ Padhá de, anga Ebhe apa me ni adú ndu
'kpí hana bedhe má kpaka bhú

Ndili gba ni-o.

²⁰ La di-e, ani agie nadje lio ne ndu 'he
hana li pápá gba Ndili gba e-o.

A na paká me li Kilisito atuko ngute e
lie li kulusi-e,

ani agie nadje lio ka Ebhe ne ndu 'he hana
inde abhúla,

di ne bhende píla doto-o.

²¹ La ngayi-e, yi adu nani de Ebhe tsutsu.
Yi adu obhulu yala gba ani ka ndu sisiti
'ngú hana inde yi adu abhundja e, di ne
bhe yi adu amene e-o. ²² Engú bini, kabula
nakpi inde li Ndili gba ani akpi e li kute e-
e, Ebhe aholo matá nadje lie ne yi. Ani
amene mo-o ngubula me yi kolo kala ni
bubu, amba yi adú bhú zibotu de, yi adú la
di bhú siti 'ngú de. ²³ Kaka-a, a ayo me yi
lu kpekpeke bhú nabhuka. Yi ayie li kpadji
na Bádha Ngali-e de, anga a ko ehe inde ní
nga 'o 'to ni 'to e ko. Yi adje Ngali ang-o,
u atsia akpokpo di pi ndu okpála hana.
Ngama Polo, ma akolo kpála na kulu na
Bádha Ngali ang-o-o.

*Polo ngadje likabhu, ani di ngagu gbele
ngú omabhuka*

²⁴ Mbia inde-e, ma ngakpi djali ngú
likabhu inde ma ngazu e ngubula yi
ko. Padhá de, anga bhú kute ma-a, ma
ngabedhe bhomu-o bhé likabhu inde li
Kilisito a neke e ngubula kute e, inde Piga
gba Ebhe-o. ²⁵ Ma akolo kpála na kulu na
Piga gba Ebhe, nakpata lele kulu inde li
Ebhe aha e muma ngubula yi-o. Ani aha
muma kulu nakpokpo ngali gba e hana.
²⁶ Ngali ang-o-o, a ko engú gba ani inde ani
awo nani e bhutode pi ndu okpála hana.
Engú bini, mbia inde-e, ani ambamba tata
pi omabhuka gba e-o.

²⁷ Padhá de, anga Ebhe akunda nam-
bamba ta engú gba e inde ani awo nani
e mawo-o pi uo. A ko engú inde ndjindji

naali, ne asasaua, inde ani aleke e pi ndu
okpála hana. Engú ang-o-o ngae inde:
Kilisito bhú yi, ani atsia apa pi yi ndjindji
me yi alí bhú Asasaua gba Ebhe inde yi
nga'o 'to yi 'to e-o. ²⁸ Kaka-a, ya ngakpokpo
ngali gba Kilisito pi ndu okpála hana. Ya
ngagbele 'dje okpála ne naha líli pi uo
ne imbilangú hana, amba kpála ne kpála
bhele bhú nabhuka bhú nakpetse lio ne
Kilisito. ²⁹ Kaka-a, ma ngamene kulu, ma
la di ngagu gbele ne angu inde ayie ka
Kilisito, inde la di ngamene kulu bhú ma
ne angu hana-o.

2

¹ Ma akunda me yi mbila ndjindji me
gbele inde ma ngagu e ngú yi-e kpekpeke.
Ma ngagu gbele ang-o-o pi okpála na
Laodikia, la di pi okpála koko inde i u nga
ma de-o. ² Ma akunda me bua uo bedhe ne
masi bedhe. U du bini bhú mukunda, u du
la di ne djali hana bhú engú li imbilangú
na kukulu-o ngaha e-o. U tsia ti da nambila
engú gba Ebhe inde awo li e mawo-o. A
akunda napa me, a ko Kilisito ngae makpe.
³ Ndu otia na imbilangú hana inde ayie
ka Ebhe-e awo lie bhú ani. ⁴ Ma ngapa
'ngú bhomu-o, amba kpála bini apite yi ne
babadha eli na eu de. ⁵ Abana ma nde lie
de yi tsutsu bhú kute-e, ma ne yi bhú dabili
bini li bhobua. Ma la di ne djali ngú nau
me agba yi-e, ndu 'ngú hana ngadholo li
kúkú, yi alu la di kpekpeke bhú nabhuka
bhú Kilisito.

*Yi lu kpekpeke bhú nabhuka inde u
asuno e pi yi-o*

⁶ A na paká me yi asia Yesu Kilisito maka
Ngámá. Kaka-a, yi du bhú makpetse ne
ani. ⁷ Yi to sie yi bhú ani, mukobho gba
yi du la di me a nde alu bhú ani. Yi du
ndu 'kpí hana me yi nde alu kpekpeke bhú
nabhuka, nakpata lele nasuno inde yi asia
e-o. Yi bedhe ne nagie heni pi Ebhe.

⁸ 'Ee! Yi lila liyi me kpála bini aholo
yi li ekú ne obabadha oeli na eu, di ne
imbilangú gba kpála-kuti de. Padhá de,
anga a ngalu pí nasuno gba okpála, a di
ngalu pí angu na obua na doto inde. A
alu pí Kilisito de. ⁹ Padhá de, anga ndu
'ngú hana inde bhú Ebhe-e asia kute bhú
Kilisito. A la di ngadu hana libhomu bhú
ani. ¹⁰ Yi asia la di ndu 'ngú hana má
kpekobho bhú Kilisito. Ngaani-e, ani ne
angu pí 'ndji osisiti bua inde ngau, inde la
di ne angu-o.

¹¹ Bhú nakpetse liyi ne ani-e, yi ali
gandja. Gandja ang-o-o, akodho ne 'kpa
kpála de. Engú bini, gandja ang-o-o ayie
ka Kilisito, ngubula nagbegbe yi bhú 'ngú
inde adu ato yi bhú siti 'ngú-o. ¹² Padhá

de, anga li yi asia batisimo lie-e, u azi yi bhú dabilí bini ne Kilisito. Yi atsia azuku la di bhú dabilí bini ne ani. Padhá de, anga yi abhuka angu gba Ebhe inde azuku ani bhú ká okpála inde amu-o.

¹³ Nani kalanu-o, yi adu me yi nde amu li bhobua yi amu kabula siti 'ngú gba yi-o. Padhá de, anga yi adu me yi nde li gandja de. Yi adu la di omupagano. Engú bini, mbia inde-e, Ebhe amene me yi du bhú mukobho ne Kilisito. Ani ambu li sisiti 'ngú gba ní-e hana. ¹⁴ Ani abulu balua inde adu na'o 'ngú pí ní, inde adu di napa 'ngú lí ní sisiti ka ongu inde u aye e bhúbhú-o. Ani abhele ongu angu-o li u abhi ani lie li kulusi-o. ¹⁵ Ka kulusi gba Kilisito-o, Ebhe a'e angu gba osisiti bua inde ngau, inde la di ne angu-o. Ani atsia asuno nayie ka u mbámbá maka okpála na 'kpú inde ngadhuku bhú galasisi li Ndili gba ani aha angu uo lie-o.

¹⁶ Kaka-a, yi a'ó kpála bini de me ani 'o 'ngú pí yi pindji ezu inde yi nde ngazu e, di ne engu inde yi ngandji e, i du di-e pindji engú na anokomia , i du di-e ne epe inde akoto na mbia, di ne ekpí naguo de. ¹⁷ Ndu ongu bhomu-o hana ne kulu ongu na babadha inde ngago-o. Engú bini, engú na kakulu-o ne Kilisito. ¹⁸ Yi a'ó de me kpála bini 'o 'ngú pí yi-e de, okpála inde ngakpi djali bhú naké lio ne kuto bhú namene ongu inde ngau lie mau-o de. La di ne bhú nayo oandjelu maka Ebhe-e, u ngaha lio pí ongu inde u ngau e-o. U abedhe ne 'ngbé 'ndji li tata nde lie ade, li mabundja gba o na kpála-kuti ngatima me u mene e-o. ¹⁹ U ngayala nagbite lio li Kilisito inde maka endji na kute. Padhá de, anga kute angu-o libhomu ngasia angu ka Kilisito, a ngagbite la di lie bhú dabilí bini maka li Ebhe akunda lie-o.

Yi amu bhú dabilí bini ne Kilisito, yi la di ngakobho bhú dabilí bini ne ani

²⁰ Li yi akpi lie bhú dabilí bini ne Kilisito, yi atsia akoto bhú bali sakpa obua inde ngau pí doto-o, la ka ni yi ngamene 'ngú lie maka okpála na doto? Ka ni yi aziba lie me u ha olíli pí yi me: ²¹ mo ohá ehe inde-e de. Mo olé ehe inde-e de. Mo obú 'kpa mu tété de. ²² Angu na ndu 'he bhomu-o ngandjia hana má kpokobhe nedhinga li okpála ngamene kulu lie ne di-o. A bhomu-o olíli di ne nasuno gba okpála. ²³ A na paká me olíli bhomu-o ngau lie maka bhende na imbilangu. Padhá de, anga a ngagama 'ngú pindji mayo gba okpála, di ne naké lio ne kuto di ne namene kute o kpekpeke. Engú bini, olíli angu-o ne angu bini ade ngubula naha angu gumu na sisiti gba kute ní-o.

3

Yi gili ongu inde abhúla

¹ Yi azuku bhú dabilí bini ne Kilisito . Kaka-a, yi gili ongu inde abhúla li bili li Kilisito adu lie li pá 'kpa na kokpa gba Ebhe-o. ² Yi ha liyi libhomu ngubula engú na abhúla. Yi adu ne naha liyi ngubula engú na píla doto inde-e de. ³ Padhá de, anga yi amu, mukobho gba yi atsia awo lie bhú dabilí bini ne Kilisito bhú Ebhe. ⁴ Mukobho gba yi na kakulu-o ne Kilisito. La di-e, li ani asuno lie lie, yi azé bhadi ne uo bhú sangu-o bhú dabilí bini.

⁵ Kaka-a, yi bhele ogumu na doto inde li bhobua yi-e mabhele: a ko zabhe, zibotu, gumu kute, gumu na sisiti, gumu 'he inde maka nayo ebhe na eu-o. ⁶ Ongua ongu bhomu ngagbele ke 'ngú gba Ebhe-e pí okpála inde ngandjo 'li ani-e ngae. ⁷ A bhomu-o lele maka yi adu nani lie li nedhinga yi adu amene siti 'ngú lie-o.

⁸ La mbia inde-e, yi bala ndu ongu bhomu-o hana: ndu bua, nake 'ngú lio, ne siti bua . Sobho ne siti 'li akoto bhú 'bhe yi de. ⁹ Yi apá eu sunda yi de, anga yi a'ó ká mukobho gba yi na didili-e ne ndu 'ngú angu-o hana. ¹⁰ La di-e, yi akolo bhú mukobho na mbia, anga yi akolo okpála na mbia inde li Ebhe ngamene lie me u kolo maka ni Ebhe gba yi, amba u mbila ni ndjindji. ¹¹ Kaka-a, mbia inde-e, angu napa me: a inde-e omaYuda, obhende ne omaYuda ade, a inde-e okpála ali gandja, obhende i li gandja de-e matá ade. Ogandji okpála , di ne obhende i mbila lio ne nakobho ne okpála bhende bhú bali ade-e matá di ade. Obalise, ne okpála bhende bhú bali ade-e matá di ade. Engú inde pí ní ngbéngbé-e, a ko Kilisito, inde ale pí ní bhú ndu 'ngú hana.

¹² Yi ne okpála gba Ebhe. Ani abhu yi, ani la di ne mukunda pí yi. Kaka-a, a ayo me yi du ne ndjinga. Yi du ne bádha bua. Yi ké liyi ne kuto. Yi du ne guo 'ngú di ne 'ndjá bua. ¹³ Yi kibila liyi sunda yi makibila, amba yi du di ne mambu. Li kpála du ne engú ne kilí e-e, ani de mbu li ani maka Ngámá ambu nani li yi lie-o. ¹⁴ Bhú ndu 'ngú bhomu-o hana-a, yi du ne mukunda sunda yi, anga mukunda ne ekpú inde ngagbite yi bhú dabilí bini. ¹⁵ A ayo me guo 'ngú gba Ebhe-e si kuti e li bua yi. Ebhe a'i yi kabula guo 'ngú angu-o me yi du bhú koli kute bini. Yi du okpála inde ngagie heni pí Ebhe. ¹⁶ A ayo me eli gba Kilisito ne obabadha ndu 'ngú gba ani-e hana adu li bua yi. Yi suno ongu sunda yi, amba yi ha la di líli sunda yi ne imbilangu hana. Yi li ndu oetsi hana pí Ebhe ne bua yi hana, di ne nagie heni pí ani. ¹⁷ Ndu 'ngú hana inde yi ngamene e, i du bhú nagama

'ngú, i du di-e bhú namene ehe-e, yi mene ne 'li ngámá Yesu, ne nagie heni pi 'Dyi ní Ebhe li pápá gba ani.

Engú inde a ayo me omabhuka kpata e bhú mukobho na mbia-o

¹⁸ Ngayi olisi-e, yi manga obhosi gba yi-e mamanga maka a ayo lie me yi mene kala Ngámá-o. ¹⁹ Ngayi obhosi-e, yi du ne mukunda pi olisi gba yi-o. Yi aná bhúla yi pi uo de. ²⁰ Ngayi ongisi-e, yi mene líli gba okpála inde azu yi-e bhú ndu 'ngú hana. Padhá de, anga a bhomu-o engú inde li Ngámá akunda e-o. ²¹ Ngayi odyi ongisi-e, yi adú nambembe bhú 'ndji ongisi gba yi-e de, amba bua uo asía ndala de.

²² Ngayi obalise-e, yi mene líli gba omakulasi yi píla doto bhú ndu 'ngú hana. Yi améne bha bini li nedhinga u nde ngalila yi lie ngabula me u ziba yi-e de. Engú bini, yi mene líli gba uo-o ne bua bini kabula yi ngamanga Ngámá lie-o. ²³ Bhú ndu 'ngú hana yi nde ngamene e, yi mene ne bádha bua mugito me yi ngamemene pi Ngámá. A aú lie de me yi amene pi kpála de. ²⁴ Yi mbila ndjindji me Ngámá ahá makalá pi yi maha. Yi asía bádha 'ngú inde ani a'o e pi okpála gba e masia. Padhá de, anga Musuno na kukulú inde yi ngamene kulu pi e-e, a ko Kilisito. ²⁵ Engú bini, kpála inde amemene siti 'ngú-o, asía makalá na siti 'ngú gba e-o. Padhá de, anga Ebhe gbogbo bhusu okpála de.

4

¹ Ngayi omakulasi okpála-a, yi mene obalise gba yi-e ndjindji. Yi du di pi uo ne ngbili 'ngú. Yi mbila ndjindji me ngayi-e, a di ka yi ne Makula yi inde abhúla.

Líli pi omabhuka

² Yi gbite liyi li mayo. Yi du li zuku bhú nayo Ebhe ne nagie heni pi ani. ³ Bhú mayo gba yi-e, yi yo Ebhe di pi ya, amba ani ha kpadji pi ya ngú nakpokpo eli gba ani, di ne nakpokpo engú inde awo* lie bhú Kilisito-o. Padhá de, anga ma mbia inde bhú tikpu kabula 'ngú ango-o. ⁴ Yi yo ka Ebhe me ma kpokpo 'ngú li 'ngú inde awo lie bhomu, di ne me ma suno mbámbá maka a ayo lie-o.

⁵ Yi dhuku bhú ká okpála inde ne omakilisito ade-e ne imbilangu, ne namene kulu ndjindji bhú ndu nedhinga gba yi-e hana. ⁶ A ayo me 'li yi du ndu 'kpí hana ndjindji, ati la di li bua okpála. Yi mbila liyi ne nagie bádha 'li pi ndu okpála hana.

Polo bhú dabili bini ne obi e yi omabhuka mayi

⁷ Tisiko akpóko ngali gba ma pi yi ngae. A ko ndai ní na mukunda, a ko bádha kpála na kulu. A ko kpála na kulu na kukulú bhú dabili bini ne ma bhú kulu gba Ngámá-o. ⁸ Kaka-a, ma atima ani ngaani makpe agba yi ngú nakpokpo lele maka ya nde lie pi yi, di me ani to masi bhú yi. ⁹ U adhuku bhú dabili bini ne ndai ní na mukunda inde la di ngbingbili, Onezime inde suka yi-o. U akpóko ndu 'ngú inde ngakodho 'kpí ei-e pi yi hana.

¹⁰ Alisitaluko inde bhú dabili bini ne ma bhú tikpu-o, yi yi mayi. A la di-e Maloko, dhongba gba Balanabasi-o. Yi adje engú pindji Maloko adje, i du me ani nde anu agba yi oo, yi de sia ani ndjindji. ¹¹ Yesu, inde u agisila 'li e me Djusitusi-e, yi di yi mayi. Bhú ká omaYuda inde abhuka-a, a ko bha bini okpála bata bhomu, inde ngamene kulu bhú dabili bini ne ma ngubula Nau gba Ebhe-o. U ateteke ma naali.

¹² Epafalasi, inde di ne suka yi-e, yi yi mayi. Ngaani inde kpála na kulu gba Yesu Kilisito-o, ndala li nayo Ebhe pi yi de. Ani ngayo Ebhe me yi du omakilisito na kukulú, amba yi mene la di ndu 'kpí hana engú inde li Ebhe akunda e-o. ¹³ Ma ti da napa li ani pi yi me, ani ngadje likabhu naali pi yi, pi okpála na gudhu na Laodikia di ne pi obhende na Yelapolisi.† ¹⁴ Luka, mutia gba ní na mukunda, di ne Demasi yi yi mayi.

¹⁵ Yi yi ondaise ní na Laodikia di ne obhende na Nimifia bhú dabili bini ne Dadjua gba Ebhe inde bhú 'ti gba ani-o. ¹⁶ I du me yi nde atanga balua inde-e, yi de tima pi omabhuka na Dadjua na Laodikia, amba yi tanga di balua inde ayie ka uo oo-o. ¹⁷ Yi pa pi Alukipo me: «Mene kulu gba Ngámá inde u a'o e sakpa mu-o ndjindji.»

¹⁸ Ma aye engú nayi yi bhomu-o ngama ne 'kpa ma makpe. Ma ayi yi mayi. Yi a'li 'to yi de me ma bhú tikpu-o de. A ayo me bádha bhú 'bu gba Ebhe-e du bhú dabili bini ne yi.

* 4:3 4:3 Engú inde awo lie: A ko ngali gba Ebhe inde u mbila nga nani e kalanu de-o. Ngali ango-o, a ko Kilisito.

† 4:13 4:13 Ogudhu bhisi inde-e, a de gudhu na Kolosai.

Balua na bini gba Polo pi omabhuka na gudhu na Tesalonike Eli na kalanu

Tesalonike ne 'ngbé gudhu ngámá gba okpála na Loma na Makedonia-o. Polo a'o nani Dadjua gba Ebhe oo pita nayie ka ani bhú Filipoi-o. Má gala kolo me-e, omaYuda adu ne botolo u atsia adu agu ani. Padhá de, anga engú gba Kilisito inde li Polo adu akpokpo e adu anu bha ne kalanu bhú ká okpála inde ne omaYuda ade inde aziba engú na Ebhe gba omaYuda-o. Kaka-a, Polo aye bhú gudhu na Tesalonike ani akodho 'kpí bhú gudhu na Beloya. Pita ani akolo lie bhú gudhu na Kolito-o, Polo asia ngali ka kilí e Timoté inde u adu amene kulu ne e-e, pindji mukobho na Dadjua gba Ebhe inde abhú gudhu na Tesalonike-o.

Polo aye balua na kalanu pi omabhuka na Tesalonike ngú nato masi di ngú nako bua omakilisito kuto. Polo atsia asia nedhinga bhomu ngú napa pi uo me u du bha namene kulu me u nde a'o bua o kuto me u nde ne 'to o 'to nago gba Kilisito-o.

**Ongbenge ongu inde bhú bhuku inde-
e ngae inde:**

Eli na kalanu 1:1

Nagie heni ne natoko 1:2 - 3:13

Lili ngú mukobho gba makilisito 4:1-12

Olili pindji nago gba Kilisito 4:13 - 5:11

Nato masi na soso 5:12-22

Eli na soso 5:23-28

*Polo ne obi e yi omabhuka na gudhu na
Tesalonike mayi*

¹ Ngayi omabhuka na Dadjua gba 'Dyi ní Ebhe, di ne Ngámá gba ní Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo bhú dabili bini ne Silivano di ne Timoté. A ayo me bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o du ne yi bhú dabili bini.

*Mukobho di ne nabhuka gba okpála na
Tesalonike*

² Ya ngagie heni pi Ebhe piko ngubula ndu yi hana. Ya la di ngabhu 'li yi ndu nedhinga hana ya ngayo Ebhe lie-o. ³ Nedhinga ya ngayo Ebhe lie, ya ngagie heni pi Ebhe 'Dyi ní ndu nedhinga hana li ongu inde: yi ngamene kulu pi Ebhe anga yi abhuka Yesu, yi ngateteke okpála anga yi ne mukanda pi uo, yi alu kpekepe bhú nabhuka gba yi nedhinga u ngato mbolo li yi lie, anga yi ngabhuka me Ngámá gba ní Yesu Kilisito agie lie magie.

⁴ Ondaise ya, ya di ngagie heni pi Ebhe, anga ya ambila ndjindji me Ebhe akunda yi, ani atsia abhu di yi ngú nadu piga gba e makpe. ⁵ Padhá de, anga nedhinga ya adu lie agba yi-e, ya kpokpo bha bini Bádha Ngali pi yi ne 'li ya de, engú bini, ya akpokpo Bádha Ngali ang-o bhú dabili bini ne angu di ne Bu Bhobua. Ya adu ambila di ndjindji me engú inde ya adu apa e adu kukulu 'ngú. Yi mbila ndjindji lele maka ya adu nadu lie bhú ká yi ngubula me yi du ndjindji-o.

⁶ Ngayi-e, yi asia Eli gba Ebhe-e ne djali inde ngayie ka Bu Bhobua, abana u adu ato mbolo li yi lie-o. Abhomu-o, yi amene 'ngú maka ya amene lie di ne maka li Ngámá gba ní Yesu Kilisito amene lie-o. ⁷ Kaka-a, yi akolo pi ndu omabhuka hana na ndu doto na Makedonia di ne Akai okpála inde li okpála koko ngakpata nganda o.

⁸ Mbia inde-e, Eli gba Ngámá-a yangba bha bini nayie agba yi bhú ndu doto na Makedonia ne Akai de, engú bini, ngali pindji nabhuka gba yi bhú Ebhe-e ayangba di ne ndu bili hana. Kaka-a, ya matá ne gumu napa 'ngú gba yi-e pi okpála ade. ⁹ Padhá de, anga ndu uo hana ngakpokpo 'ngú pindji maka yi asia ya lie nedhinga ya akolo lie agba yi-o. U di ngakpokpo maka yi a'o nakpata oebhe na eu lie ngubula naha liyi pi Ebhe na kukulu inde na mukobho-o. Mbia inde-e, yi ngamene kulu liyi pi ani. ¹⁰ U di ngakpokpo me yi ngadjeke me Yesu, Ndili gba Ebhe-e yie abhúla, go pála doto. A ko kpála inde li Ebhe azuku e bhú ká okpála inde amu, ani ngagbegbe ní bhú mangimbo li Ebhe akódho 'ngú lie-o. Ekpí nakodho 'ngú ang-o akolo masikpe.

2

Kulu gba Polo bhú gudhu na Tesalonike

¹ Ondaise ya, ngayi makpe-e, yi mbila ndjindji me enú ya anu e agba yi-e, adu enú na padhá padhá de. ² Yi mbila la di ndjindji me, kalanu-o, u ato ngaiza mbolo li ya, ya atsia azu di likabhu bhú gudhu na Filipoi. Engú bini, Ebhe gba ní-e atsia ato masi bhú ya ngubula me ya kpokpo Bádha Ngali gba ní-e pi yi, belegu u adu ale nani kpadji pi ya lie-o. ³ Padhá de, anga e'i inde ya nga'i okpála lie me u ziba Bádha Ngali-e, a ko eu de, a ko di kabula gumu na sisisi de, ya gili la di napite kpála bini de. ⁴ Engú bini, ya ngakpokpo Bádha Ngali anga Ebhe ale ya, ani atsia au me ya ti da nakpokpokpo li lelele. Abhomu-o, ani atsia aha Bádha Ngali ang-o pi ya me ya kpokpo pi okpála koko. Ya gili nanga li okpála de, ya ngagili mangbo nanga li

Ebhe inde ngale bua ní ngú nambila engú inde bhúbhú-o.

⁵ Yi mbila ndjindji me ya du apa 'ngú ka djila kpála 'kpi bini de. Ya pa di obabadha 'li ngú nasia ehe bini de. Ebhe apa bhobhomu-o li ya ngae. ⁶ Ya gili de me okpála dhogo ya-a de, abana i du yi, abana i du di okpála koko. ⁷ A ayo nako me ya du bhú ká yi maka ongbengbe okpála, anga ya ne obhulá titima gba Kilisito . Engú bini, ya adu bhú ká yi me ya nde abedhe ne bhuku 'ngú maka 'hi ongisi inde ngaku ongisi gba e.

⁸ Ya kunda yi naali. Kaka-a, ya du bha bini bedhe de ngú nakpokpo pi yi Bádha Ngali gba Ebhe, engú bini ya adu bedhe ngú nateteke yi ne ndu kpadji hana, anga yi akolo kpúkpú na bua ya. ⁹ Ondaise ya, yi bhundja nga kulu di ne ndala gba ya-o. Nedhinga ya adu akpokpo Bádha Ngali gba Ebhe-e lie pi yi-e, ya amene kulu ngbikpi ne sukpe ngubula me ya adhá bhú kpála bini bhú ká yi de. ¹⁰ Yi apa li ya ngayi, li Ebhe tsia pá di li ya ngae me, nedhinga ya adu lie bhú ká yi omabhuka-a , ya amene engú inde nganga li Ebhe, engú na ngbingbili, engú inde li okpála pá siti 'ngú li ya ka e de. ¹¹ Yi mbila la di ndjindji me ya amene pi kpála bini bini bhú ká yi maka li 'dyi ongisi amemene pi ongisi gba e makpe lie-o. ¹² Ya ato masi bhú yi, ya atsia apa di pi yi ne kekele me yi dholo maka li Ebhe akunda lie. Ngaani-e, ani nga'i yi me yi li bhú Nau gba ni, di me yi sia sangu gba ni-o.

¹³ La di-e, ya nagie heni pi Ebhe ndu 'kpi hana, anga yi asia eli gba Ebhe inde ya akpokpo e pi yi-e lie, yi aziba me a ko 'li okpála de. Engú bini, yi aziba me a ko eli gba Ebhe na paká, eli inde di ngamene kulu bhú yi okpála inde abhuka-o. ¹⁴ Ondaise ya, engú inde akolo li yi-e maka engú inde akolo li okpála abhuka Yesu Kilisito bhú oDadjua gba Ebhe bhú ndu doto na Yudaya-o. Padhá de, anga yi azu likabhu bhomu-o sakpa ondaise yi makpe na kuti bini maka u azu di lie sakpa omaYuda-o. ¹⁵ Ngauo-o, u abhelo Ngámá Yesu di ne opolofeta gba Ebhe, u atsia ato di mbolo li ya. U nga li Ebhe di ne li okpála de. ¹⁶ Padhá de, anga u ngamene ne kpéke me o ni kpadji pi ya me ya akpokpo Bádha Ngali pi okpála inde ne omaYuda ade-e de, ngubula me u akóhho de. U ngamene lie mo-o, u ngabe ndu siti 'ngú gba o ndu 'kpi hana. La ali soso-o, ke 'ngú gba Ebhe-e ati pi uo.

Gumu gba Polo ngú nau omabhuka na Tesalonike

¹⁷ Ondaise ya, pi ya-a, pita nedhinga bedi ní agbo bhusu ní lie ne yi bhú kute, bua ní nde bha ne yi bhú dabili bini-e, ya amene

ne kpéke hana me ya nu u yi, anga ya adu ne gumu naali me ya u matá yi. ¹⁸ Ya adu ne gumu me ya gie liya agba yi. Ngama Polo, ma ale bhutsibhutsi. La-a, Satana ani kpadji pi ya. ¹⁹ A ko paká. Ta na'o 'to ya 'to Ngámá-a, a ko yi. Ta djali gba ya-a, a ko yi. Nedhinga li Ngámá gba ní Yesu Kilisito agó lie, yi adú pi ya maka ndata na ngámá inde u ahaha e pi okpála inde agboko 'gú-o. Ya tsia dú kala ani ne gindaginda. ²⁰ A moko, ya ne gindaginda kabula yi, ya la di ngakpi djali kabula yi.

3

¹ Abhomu-o, i nde lie me ya nde ti da nako nakibila nagbo bhusu ní ne yi de-e, ya au ndjindji me ya tigala bhú gudhu na Atene titi ya, ² amba ya tima ndai ní Timoté agba yi mada ya. Ani ngamene kulu bhú dabili bini ne Ebhe ngú nakpokpo Bádha Ngali gba Kilisito-o . Ya atima ani me ani be ndu nabhuka gba yi, amba ani tsia to di masi bhú yi, ³ ngubula me suka yi bini a'ó ká nabhuka gba e ka olikabhu yi ngazu e mbia inde-e de. Padhá de, anga ngayi makpe-e, yi mbila ndjindji me Ebhe aziba ngae me ní zu ngua likabhu bhomu. ⁴ A na paká me, nedhinga ya adu lie agba yi-e, ya adu apa pi yi me okpála ató mbolo li ní. Yi mbila me, a la bhadi ngae inde akolo li yi inde. ⁵ Li ma au lie me ma ti matá da nagbite bua ma de-e, ma atsia atima Timoté me ani nu tsia lele nabhuka gba yi-o. Ma atima ani, anga ma adu akpe me djabalá alé yi de, di me kulu gba ya inde ya amene e bhú ká yi-e, akólo padhá de.

Polo asia angu li bua e ka nabhuka gba okpála na Tesalonike

⁶ Engú bini, Timoté akolo li ya mbia inde-e bhú 'nu ani ayie lie agba yi-o. Ani apa pi ya bádha ngali me yi alu kpekpeke bhú nabhuka di me yi ne mukunda sunda yi. Ani apa di pi ya me yi ngabhundja ya ndu 'kpi hana ne bádha bua, yi la di ngakunda me yi u matá ya maka ya ngakunda di lie me ya u yi-o. ⁷ Ondaise ya, ka nadje engú li Timoté apa e pi ya-a, abana ya ngazu likabhu di ne u ngato mbolo li ya lie, ya asia angu li bua ya ka yi. Padhá de, anga ya adje me yi ngalila nabhuka gba yi bhú Yesu-o ndjindji. ⁸ Mbia inde-e, ya abi matá angu, anga yi alu kpekpeke bhú nabhuka Ngámá. ⁹ Ya ti da nagie heni pi Ebhe lele pi ka ngua djali ya abedhe ne e li 'ngú gba yi kala ani-e? ¹⁰ Ngbikpi ne sukpe, ya ngazi kekele li nayo Ebhe me ani mene me ní u matá liní ne yi, amba ya bedhe 'bho 'he inde aneke bhú nabhuka gba yi-o.

¹¹ A ayo me Ebhe 'Dyi ní ngae makpe, di ne Ngámá gba ní Yesu bhulu kpadji pi

ya li pápá gba yi. ¹² A ayo me Ngámá be ndu mukunda yi nde ne e sunda yi di ne bhe yi nde ne e pi ndu okpála hana li lele mukunda ya nde di ne e pi yi ko. ¹³ A ayo me ani ha di angu pi yi li bua yi, amba yi da bubu, amba 'Dyi ní Ebhe aú siti 'ngú napapa li yi de, bhú nedhinga li Ngámá gba ní Yesu agó lie bhú dabili bini ne okpála na bububu gba e hana-o. [A adu moko.]

4

Nadu bhú mukobho inde ngaha djali pi Ebhe

¹ Ngú nabu tata-a, ondaise ya, ya asuno pi yi lele maka ayo lie me mukobho gba yi-e ha djali pi Ebhe-o. A na paká me yi la bhadi ngamemene moko. Ya la ngayo ka yi di ne nakikiliki liya pi yi ne 'li Ngámá Yesu me, yi nu matá ne di ne kalanu ane bhende yi ngamene e ko. ² Padhá de, anga yi mbila olili inde ya aha e pi yi bhú nasuno inde ya asuno e pi yi ne 'li Ngámá Yesu-o hana. ³ Ebhe akunda me yi da bubu ngú nasuno me yi libhomu pi ní. A akunda napa me, yi adú akunda olisi di ne obhosi ngangá de, ⁴ kpála bini ne bini bhú ká yi mbila nalila kute e* me adu bubu da napa me u manga yi.

⁵ Yi a'ó de me gamu kute ha angu yi maka li omupagano inde i mbila Ebhe de-e ngamemene lie de. ⁶ Bhú engú bhomu-o, a ayo de me kpála bini mene siti 'ngú li pá bili gba kilí e de. Ani apite la di ani de. Ya agbele nako 'dje yi tété kpekpeke me, Ngámá a'ó 'ngú pi okpála inde ngamene ngua 'ngú bhomu. ⁷ Padhá de, anga Ebhe 'i ní ngú nadu bhú zibotu de, ani a'i mangbo ní ngú nadu bubu kala ní. ⁸ Kaka-a, kpála inde ngandjo líli bhomu-o, ani ndjo kpála bini de, ani ngandjo mangbo Ebhe inde ngaha Bu Bhobua gba e pi yi-o.

⁹ Pindji 'ngú bhe atsia mukunda sunda yi-e, yi ne gamu ade me ya ye engú pi yi pépé-e de. Padhá de, anga ngayi makpe-e, Ebhe asuno pi yi lele maka a ayo lie me yi kunda liyi-o. ¹⁰ A ko la bhadi koli mukunda bini inde yi ngasuno e pi ondaise ní hana na ndu doto na Makedonia-o. La-a, ya ngayo ka yi me yi nu ne di ne kalanu. ¹¹ La di-e, yi da nadu ne guo 'ngú sunda yi. Yi adú alí bhú 'ngú bhe i tsia yi de-e de. Yi da amene kulu ne 'kpa yi makpe ngubula mukobho gba yi-e maka ya apa nako pi yi lie ko. ¹² Yi mene mo-o, li omupagano mánga yi, yi dhá la di bhú kpála bini de.

Nagie lie ka Ngámá Yesu

* 4:4 4:4 Nambila nalila kute o: A akunda napa me u manga yi. U ti da napa di li bili inde-e me: «Naha lio li lelele.»

* 5:8 5:8 Ndata li osudha atoto e: A ko ndata na kalase inde li osudha atoto e ngú nalila 'ndji o bhú 'gú-o.

¹³ Ondaise ya, ya akunda me yi mbila kukulu 'ngú pindji engú gba okpála inde amu, ngubula me yi adú ne likabhu maka okpála bhende i bhuka de-e de. Padhá de, anga pi uo-o, pita nakpi-e, okpála amu-o zúku de. ¹⁴ Ní abhuka me Yesu akpi, ani atsia azuku. Ní abhuka bhadi moko me Ebhe apó bhála okpála inde amu me u nde abhuka Yesu-o bhú dabili bini ne ani.

¹⁵ A inde-e engú ya ngapa e pi yi maka li Ngámá asuno lie me, li 'kpí nago ka ni-e, nганí okpála bhende adú nga u-u, ní kótho 'kpí kala okpála inde amu-o de. ¹⁶ Padhá de, anga Ngámá ayie abhúli ngae makpe ngú nako píla doto. Li nedhinga ang-o, ani há líli kpekpeke, li ngámá gba oandjelu-o bini tsia sála, li toti gba Ebhe 'ú lie. Abhomu-o, li okpála inde amu me u nde abhuka Kilisito tsia zúku ngaiza kalanu ngao. ¹⁷ Pipita-a, nганí okpála bhende adú bhú mukobho li nedhinga bhomu-o, Ebhe a'é ní bhú ndindi bhú dabili bini ne obhende azuku-o ngubula me ní nu kó liní ne Ngámá abhú 'kpí. Abhomu-o, ní tsia dá bhú dabili bini ne Ngámá duduma ne duduma. ¹⁸ Kaka-a, yi teteke liyi sunda yi ne oeli bhomu.

5

¹ Ondaise ya, li bhende atsia ekpi li Yesu agie lie lie, yi ne gamu ade me u ye 'ngú pi yi pépé-e de. ² Padhá de, anga yi mbila ndjindji me ekpi nago ka Ngámá-a akóto li ní bhú gbilikiti maka bhulu 'zi agógo lie sukpe me 'to kpála nde 'to ani ade-o. ³ Nedhinga li okpála apá lie me: «Egú ade, ní bhú guo 'ngú-o», a la bhomu-o nedhinga li likabhu atí pi uo lie má kii-o. A atí pi uo maka kuo nazu ká bhú 'bu ole na 'bhi adhidhika lie-o. Likabhu ang-o néke uo de.

⁴ Engú bini, ngayi ondaise ya-a, yi bhú biti ade. Kaka-a, ekpi ang-o kóto li yi bhú gbilikiti maka bhulu 'zi agógo lie de. ⁵ Ma apa pi yi mo-o, anga ndu yi hana yi ne okpála na zi 'kpí, yi la di ne okpála na ngbikpi. Ní ne okpála na sukpe ade, ní la di ne okpála na biti ade. ⁶ Kaka-a, a ayo de me ní du tila maka okpála koko-o de. Engú bini, a ayo me ní du li zuku, amba ní du bedhe ndu nedhinga hana. ⁷ Padhá de, anga obhulu nala ela, lala sukpe, obhulu nalangba, lalangba sukpe.

⁸ Engú bini, nганí okpála na ngbikpi-e, a ayo me ní du bedhe ndu nedhinga hana. Ní ha nabhuka ne mukunda maka kopí. Ní abhuka me Yesu akótho ní makobho. Kaka-a, ní lila mabhundja bhomu-o maka

ndata li osudha atoto e * ngú nalila lie bhú 'gú-o. ⁹ Padhá de, anga Ebhe 'i ní ngú nasia ke 'ngú gba e de. Engú bini, aní a'i ní me ní sia mukobho li kpadji gba Ngámá gba ní Yesu Kilisito . ¹⁰ Yesu akpi pí ní ngubula me abana i dú me ní nde nga bha tété, ne me ní mu-o, nedhinga aní agie lie lie, ní de dú bhú mukobho bhú dabili bini ne ní. ¹¹ Kaka-a, yi to masi bhú yi sunda yi, amba yi tsia teteke liyi bhú nabhuka maka yi nde ngamemene lie-o.

Polo aha olíli na soso

¹² Ondaise ya, ya ngayo ka yi me yi dú ne mazima pí obhende ngamene kpéke kulu bhú ká yi, inde li Ebhe a'o o me u dú alú kala yi, inde di ngaha líli pí yi-o. ¹³ Yi dú pí uo ne mazima di ne mukúnda naali ka kulu gba uo-o. Yi dú ne guo 'ngú sunda yi.

¹⁴ Ondaise ya, ya ngayo ka yi me yi gbele 'dje okpála bhe na ipio-o. Yi to masi bhú obhende ne tsulú-o. Yi teteke obhende bhúbhukú-o. Yi dú ne 'ndjá bua pí ndú okpála hana. ¹⁵ Yi lila liyi me kpála bini agie siti pí siti de. Engú bini, yi gili namene bádha 'ngú sunda yi ndú 'kpí hana, di ne pí ndú okpála hana.

¹⁶ Yi dú ne djali ndú 'kpí hana. ¹⁷ Yi zi kekele li nayo Ebhe. ¹⁸ Yi gie heni pí Ebhe li ndú 'ngú hana, anga a bhomu-o engú inde li Ebhe akúnda me yi mene e bhú mukobho gba yi bhú Yesu Kilisito-o.

¹⁹ Yi aní kpadji lí kulu gba Bu Bhobua-a de. ²⁰ Yi andjó 'li opolofeta de. ²¹ Engú bini, yi gili 'ngú píndji ndú 'ngú hana, amba yi dhedhe li bhe na babadha-o. ²² Yi lila liyi ka ndú osisiti 'ngú hana.

²³ A ayo me Ebhe ngae makpe inde bhulú guo 'ngú-o mene me yi dú libhomu pí ní. Aní lila 'lá yi libhomu, ne bua yi, ne mukobho gba yi, ne kúte yi me okpála aú engú na sisiti napapa li yi de, akólo li 'kpí li Ngámá gba ní Yesu Kilisito agie lie lie-o. ²⁴ Ebhe inde nga'i yi-e améne me yi dú libhomu pí ní, anga aní memene ndú 'ngú hana inde aní apapa e-o.

²⁵ Ondaise ya, yi yo di Ebhe ngú ya.

²⁶ Yi yi ndú ondaise ní hana ne nakama uo li kúte yi.

²⁷ Ma ayo ka yi ne 'li Ngámá me, yi tanga balua inde-e pí ndú ondaise ní hana.

²⁸ A ayo me bádha bhú 'bu gba Ngámá gba ní Yesu Kilisito-o dú ne yi bhú dabili bini.

Balua na bhisi gba Polo pi omabhuka na gudhu na Tesalonike Eli na kalanu

Li nadje lio de-e pindji nago gba Kilisito adu lie agbe tolo bhú Dadjua gba Ebhe na Tesalonike-e, Polo atsia aye balua na bhisi gba e inde-e pindji nabhuka inde me ekpi nago gba ngámá-a akolo. Ani atsia apa me a mo-o ade, do ani de-e, kala nago ka Kilisito-o, engú nasisiti di ne bhe nato mbolo li okpála-a, inde ayie ka kpála na tsulutsulu u a'i me «Bhulu yala» adú naali ané mane (2:3). Kpála ang-o adú naga Kilisito.

Polo ngapa pi okpála i ngatanga balua inde-e me, u lu bha kpekpeke bhú nabhuka, abana okpekpeke da 'ngú ne olikabhu du bha pi-ie, u du bha namene kulu ngubula nasia mukobho maka li Polo ne obi e ngamene lie-o, amba u du ne 'ndji bua ne namene bádhá 'ngú.

Ongbenge ongú inde bhú bhuku inde- e ngae inde:

Eli na kalanu 1:1-2

Natoko ne nadhögé 1:3-12

Lili pindji nago gba Kilisito 2:1-17

Engú inde a ayo ngubula mukobho gba makilisito 3:1-15

Eli na soso 3:16-18

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjua gba 'Dyi ní Ebhe di ne Ngámá gba ní Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo, bhú dabili bini ne Silivano di ne Timoté. ² A ayo me bádhá bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o du ne yi bhú dabili bini.

Polo agie heni pi Ebhe, ani atsia ato masi bhú omabhuka

³ A ayo me ya gie heni pi Ebhe ndu 'kpi hana ngubula yi ondaise ya. A la bhadi ndjindji me ya mene moko, anga nabhuka gba yi-e nganu ne kalanu naali. La di-e, mukunda li ndu yi hana nde ne e sunda yi-e nganu ne kalanu. ⁴ Kaka-a, ya ngapa 'ngú gba yi-e ne gindaginda bhú oDadjua gba Ebhe kabula kekele di ne nabhuka gba yi, abana u ngato mbolo li yi lie di ne yi ngazu likabhu lie ne ndu kpadji hana-o.

⁵ Bhothomu-o ngasuno me Ebhe ngakodho 'ngú ngbingbili. Padhá de, anga ka olikabhu inde yi ngazu e-e, Ebhe aú me yi ati ne nali bhú Nau gba ní inde yi ngazu

likabhu ngú e ko. ⁶ Li Ebhe nde lie ne ngbili kpála-a, ani agie olikabhu pi okpála inde i ngaha likabhu pi yi ko. ⁷ La di-e, ani ahá guo 'ngú pi yi okpála inde ngadje likabhu, ani tsia há di guo 'ngú pi ya. Ani améne ongú bhomu-o li 'kpi li Ngámá gba ní Yesu ayie lie abhulá, ani tsia gó bhú dabili bini ne oandjelu na angu gba e-o. ⁸ Ani agó bhú dingidhi djua ngubula na'o 'ngú pi okpála inde i kunda nambila Ebhe de, inde ngayala di naziba Bádhá Ngali gba Ngámá gba ní Yesu-o. ⁹ Makalá na siti 'ngú gba uo-o, adú likabhu na duduma, li bili inde u adú lie de Ngámá Yesu ne Nau na sangu di ne angu gba e tsutsu-o. ¹⁰ Engú ang-o akódho 'kpi li 'kpi ani agó lie ngubula me ndu okpála gba ní hana inde abhuka ni-e, dhögé ní, amba u toko di ní. Ngayi di-e, yi adú bhú ká okpála bhomu. Padhá de, anga yi abhuka ngali inde ya akpokpo e pi yi-o.

¹¹ Kaka-a, ya di ngayo Ebhe ndu 'kpi hana ngubula yi me Ebhe gba ní-e mene me yi dhuku li lele maka ani a'i yi lie-o. Ya ngayo ka ani me bhú angu gba ani-e, ani ha angu pi yi ngú namene obabadha kulu inde yi akunda namene e akólo li soso, kabula nabhuka gba yi bhú Yesu-o. ¹² Ya la di ngayo Ebhe ngubula me, okpála dhögé 'li Ngámá gba ní Yesu kabula yi, amba u dhögé di yi kabula ani. Bhothomu-o améne lie ka bádhá bhú 'bu inde li 'Dyi ní Ebhe di ne Ngámá gba ní Yesu Kilisito asuno e pi yi-o.

2

Bhulu Nayala lili gba Ebhe-e agó ngaiza kalanu

¹ Ondaïse ya, Ngámá gba ní Yesu Kilisito agó mago, ní tsia pékóbhó bhúla ní de ani. Li 'ngú ang-o, ya ngayo ka yi me, ² bua yi angamba má gala de, 'ndji yi angingi di-i de. Yi dje ka kpála bini me Bu Bhothoma apa pi ní me: «Ekpí nago ka Ngámá akolo», ne me ya apa pi ní mo-o, i du di-e me ya aye bhú balua mo-o, yi aziba de. ³ Kpála bini apite belegu yi de má kpó! Padhá de, anga kala nago ka Ngámá Yesu-o, agó ngaiza ne nedhinga na kpéke 'ndji li 'ngú gba Ebhe. Pipita-a, li Bhulu Nayala lili gba Ebhe-e koto. Kpála ang-o ngakpata kpadji na djua na duduma. Ebhe andjia engú gba ani-e mandjia. ⁴ Kpála ang-o ayie bhulá, ani há 'gú ne Ebhe di ne ndu oehé koko hana inde li okpála ngau e maka oebhe, inde u nde la di ngadhögé o-o. Ani tsia pá me ní ane ndu uo hana. Ani anú nadu belegu bhú 'ngbé 'ti Ebhe gba omaYuda, ani tsia pá me ní ne Ebhe.

⁵ 'To yi a'li de me nedhinga ní adu nga bha lie ne yi-e, ma adu apa engú inde-e

pi yi uu-o de. ⁶ Yi mbila la bhadi hana me ehe inde ngani kpadji pi kpála ango-o me ani akóto mbia inde-e de-e ne ni-ie, amba ani koto bha bini li nedhinga inde li Ebhe a'o e pi ani-o. ⁷ Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadji pi ani-e adú nga bha o-o akólo li nedhinga u a'é ani lie-o.

⁸ Abhomu-o, li Bhulu Nayala líli gba Ebhe-e tsia kóto. Ngámá Yesu bhéle ani bha ne mbulu 'wo e, ani tsia ndjia angu ani ne sangu inde ani agó ne e-o. ⁹ Bhulu Nayala líli ango-o agó bhú angu gba Satana , ani tsia méne ndu djua ongamba 'ngú , ne ndu okiaka 'ngú hana, di ne ongbengbe 'ngú ngú napite okpála. ¹⁰ Ani améne ndu djua osisiti 'ngú hana ngubula napite okpála bhende ngakpata kpadji na djua na duduma-o. Ebhe andjia engú gba uo-o mandjia, anga u kunda kukulu 'ngú inde i tí da nako nakobho uo-o de, u tsia bhuka di kukulu 'ngú ango-o de. ¹¹ Kaka-a, Ebhe ató siti mabhundja bhú uo, i tsia píte uo ngubula me u bhuka ongú na eu, ¹² amba Ebhe 'o 'ngú pí ndu okpála hana inde i bhuka kukulu 'ngú de-o, inde adu akpi mangbo ndjili li siti 'ngú-o.

Yi lu kpekpeke bhú 'bu nabhuka

¹³ Ondaise ya inde li Ngámá akunda o, pi ya-a, a ayo me ya gie heni pi Ebhe ndu 'kpí hana li 'ngú gba yi-o. Padhá de, anga Ebhe abhu nani yi nayie li lilita ngubula me yi sia mukobho li kpadji gba Bu Bhobua inde ngamene me yi du bubu, di ne li kpadji na nabhuka inde yi nde ne e bhú kukulu 'ngú-o. ¹⁴ Ebhe a'i yi me yi sia mukobho bhomu-o li kpadji na Bádha Ngali inde ya akpokpo e pi yi-o. Ani a'i yi me yi sia di sangu gba Ngámá gba ní Yesu Kilisito-o. ¹⁵ Kaka-a, ondaise ya, yi lu kpekpeke bhú 'bu nabhuka gba yi-o. Yi lila kpekpeke ongú inde ya asuno e pi yi nedhinga ya adu lie agba yi di ne bhe ya aye e pi yi bhú balua-o.

¹⁶⁻¹⁷ A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pi yi ngubula me yi du namene ndu 'kpí hana bádha 'ngú, abana i du bhú nagama 'ngú, abana i du bhú namene kulu. Padhá de, anga Ebhe akunda ní, ani aha di kpéke bua na duduma pi ní ka bádha bhú 'bu gba e-o. Ani atsia amene di me ní 'o 'to ní 'to ni na paká paká.

3

Polo apa pi omabhuka me u yo Ebhe ngú ní

¹ Ngú nabu tata-a, ondaise ya, yi yo Ebhe ngú ya, amba eli gba Ngámá-a yangba

má gala, amba okpála inde ngadjedje-e, mene engú inde li eli ango-o ngapa e maka yi ngamemene lie-o. ² Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndu okpála hana akunda nabhukaBádha Ngali-e de. ³ Engú bini, Ngámá Yesu ne kpála inde amemene engú maka ani apa lie-o. Ani ahá angu pi yi bhú nabhuka, ani tsia líla yi sakpa Siti. ⁴ Ya abhuka ne 'li Ngámá Yesu me, engú inde ya ngapa e pi yi-e, yi ngamemene moko, yi améne la bhadi mo-o ne kalanu. ⁵ A ayo me Ngámá leke bua yi ngú nambila lele maka li Ebhe akunda yi lie, di ne lele maka li Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngú na ipio

⁶ Ondaise ya, ya apa pi yi ne 'li Ngámá gba ní Yesu Kilisito me, yi akpétse liyi bhú dabili bini ne ondaise ní na ipio, inde i kpata líli inde ya aha e pi yi de-e de. ⁷ Padhá de, anga ngayi makpe-e, yi mbila maka a ayo lie me yi kpata lie mukobho gba ya-a ndjindji. Nedhinga ya adu lie agba yi-e, ya du ne ipio de. ⁸ Ya yo ka kpála bini de me ani ha 'zu pi ya padhá-a de. Engú bini, ya aziba ndala ne likabhu, ya atsia amene kulu ngbikpi ne sukpe ngú napa me ya adhá bhú kpála bini bhú ká yi de. ⁹ A ayo nako me ya sia 'he ka yi padhá, engú bini, ya mene nako mo-o de, anga ya akunda me yi kpata lele mukobho gba ya-o. ¹⁰ Nedhinga ya adu lie agba yi-e, ya aha líli inde-e pi yi me: «Li kpála kunda namene kulu de-e, a ayo di de me ani zu 'he-e de.»

¹¹ Ya ngapa mo-o, anga ya adje me okpála koko bhú ká yi ne ipio. U memene kulu de. U bha bini nga'o 'to o li 'ngú bhe i tsia o de. ¹² Pi okpála bhomu-o, ya ngagbele 'dje uo, ya di ngayo ka uo ne 'li Ngámá Yesu Kilisito me, a ayo me u mene kulu maka ayo lie, amba u sia ezú inde akoto li 'kpa o makpe.

¹³ La pi yi ondaise ya-a, yi andála li namene bádha 'ngú de. ¹⁴ Li kpála kpata engú inde ya aye e pi yi bhú balua inde-e de-e, yi de bhele djila yi li ani. Yi améne 'he bhú dabili bini ne ani de, ngubula me ani dje numu. ¹⁵ Engú bini, yi au ani maka bhulu yala ka yi de. Yi gbele mangbo 'dje ani maka saka yi.

Polo ayo bisagu pi omabhuka na gudhu na Tesalonike

¹⁶ A ayo me Ngámá na guo 'ngú-o , ha guo 'ngú pi yi ngae makpe ndu 'kpí hana ne bhú ndu 'ngú hana. A ayo me Ngámá du ne ndu yi hana bhú dabili bini.

¹⁷ Ngama Polo, ma aye engú na soso inde apa me ma yi yi mayi inde-e ne 'kpa ma makpe. A bhomu-o lele nadele 'kpa ma bhú balua gba ma-o.

¹⁸ A ayo me bádha bhú 'bu gba Ngámá gba ní Yesu Kilisito-o da bhú dabili bini ne nda yi hana.

Balua na bini gba Polo pi Timoté Eli na kalanu

Timoté ne makombi bini inde adu nani makilisito bhú Adji Minele. 'Hi ani nani ne maYuda, 'dyi ani atsia adu nani ne Giliki. Ani akolo nani kpála nateteke Polo bhú dhola gba e nakpokpo Bádha Ngali gba Yesu Kilisito . Balua na bini gba Polo pi Timoté-o, ngakpokpo 'ngú pindji ongbengbe 'ngú bata.

Balua ang-o ngakpo ngaiza 'ngú pindji nalila lio ka omusuno na eu inde bhú Piga gba Ebhe-o. Nasuno ang-o a ko nakpøtø mabhundja pindji omaYuda ne okpála inde ne omaYuda ade inde adu nani pindji napa me bádha 'ngú pila doto ade. A la di ngapa me, u ti da bha nasia mukobho ka imbila 'ngú inde awo lie mawo, a la di ne nakpe nazu oehe koko, di ne naha lio maka ølø ne bhoko de.

Ongbenge ongú inde bhú bhuku inde-e ngae inde:

Eli na kalanu 1:1-2

Lili pindji Piga gba Ebhe ne okpála inde ngadjedjele-o 1:3 - 3:16

Lili pi Timoté pindji kulu gba e-o 4:1 - 6:21

Polo yi Timoté mayi

¹⁻² Timoté, kukulu ndili gba ma bhú 'bu nabhuka-a , a ayo me bádha bhú 'bu ne ndjinga di ne guo 'ngú gba 'Dyi ní Ebhe ne Yesu Kilisito , Ngámá gba ní-e du bhú dabili bini ne mu. Ma aye balua inde-e pi mu ngama Polo. Ma ne bhulu titima gba Yesu Kilisito maka li Ebhe, Mukobho gba ní, ngauo ne Yesu Kilisito inde ní nga'o 'to ní 'to e aha lili muma lie ngú nakpokpo Bádha Ngali ko.

Polo apa me a ayo nayoko omusuno na eu-o mayoko

³ Maka ma aha nako lili pi mu lie li nedhinga ma adu anu lie bhú ndu doto na Makedonia-a, du bha bhú gudhu na Efeso oo, amba mu pa pi omusuno na eu inde oo me, u 'o nasuno bhomu-o ma'o. ⁴ Pa pi uo me, u 'o nakpokpo ongú na padhá padhá inde li okpála ngagbe e bhú 'ndji o ma'o. U 'o di nakpokpo ndjandja okpokpodumu ma'o. Padhá de, anga ongú bhomu-o ngagbe okpekebhe na padhá padhá inde i dyudyo kulu inde li Ebhe ngamene e bhú mukobho gba okpála de. Kulu ang-o ngadyudyo lie ne kalanu ka nabhuka.

⁵ Olili ma aha e pi mu bhomu-o, a ngubula me okpála du ne mukunda sanda

o. Mukunda ang-o ngayie li bádha bua, li bua nakpokpo kú 'ngú ndjindji, la di ne bhú nabhuka na kukulu. ⁶ Okpála koko ayie li ngbili kpadji bhomu-o ayie, u atsia azi 'ndji o bhú namene okpekebhe na padhá padhá. ⁷ U ngapa me o ne omusuno na lili gba Ebhe, engú bini, ngauo makpe-e, u kø mboli engú inde u ngasuno e pi okpála koko ne angu o hana-a belegu de bini.

Ebhe aha lili gba e pi ní ngubula ni?

⁸ Ní mbila hana me lili gba Ebhe-e ndjindji, i du me u nde ngakpakpata maka a ayo lie ko. ⁹ Ní mbila la di hana me, Ebhe 'o lili pi okpála bhende ngadhuku ngbingbili-e de. Engú bini, ani a'o pi obhende ngau lili gba ani-e padhá di ne pi okpála na kpekpeke 'ndji. Ani a'o pi okpála bhende ngandjo 'li ani, di ne pi obhende ngamene siti 'ngú-o. Ani a'o pi okpála inde i manga ani de, i manga la di ohe na bububu gba ani-e de-o. Ani a'o pi okpála bhende ngabhili odyi o, i du di-e ohi o-o. Ani a'o pi okpála bhende ngabhili obi o bhú gandji.

¹⁰ Ani a'o pi obhosi bhende ngakunda olisi di ne pi olisi bhende ngakunda obhosi ngang-o. Ani a'o pi obhosi bhende ngakunda lio ne obi o obhosi, i du di-e olisi bhende ngakunda lio ne obi o olisi. Ani a'o pi okpála bhende ngatsindji obalise. Ani a'o pi obhulu eu di ne pi okpála bhende ngatu silika pi eu. Ani a'o pi ndu okpála hana inde ngamene engú kpi ne bhende na kukulu ní ngasuno e ko. ¹¹ Nasuno ang-o bhú Bádha Ngali inde li Ebhe aha e muma-o. Bádha Ngali ang-o ngasuno sangu gba Ebhe inde ngaha bádha 'ngú pi okpála-o.

Polo agie heni pi Ebhe

¹² Ma ngagie heni pi Yesu Kilisito, Ngámá gba ní inde aha angu muma ngú namene kulu gba e-o. Ma ngagie heni pi ani, anga ani au me ma ti da namemene. Abhomu-o, ani atsia abhu ma ngánga. ¹³ La nani kalanu-o, ma adu apa osisiti 'ngú li ani, ma adu ato mbolo li okpála koko ka u abhuka ani lie-o, ma adu la di asosobho ani. Abana ma adu amene lie mo-o, ani adje ndjinga ma. Padhá de, anga ma bhuka nga nani ani de. Ma mbila la di nani de me Yesu ne Masiya-a de.

¹⁴ Engú bini, Ngámá gba ní-e atsia asuno bádha bhú 'bu gba e muma ane mane. Ani aha nabhuka muma, di ne mukunda inde bhú nakpøtø liní ne Yesu Kilisito-o. ¹⁵ Engú inde ma adji apa e inde-e, a ko kukulu 'ngú inde a ayo me ndu okpála hana bhuka e ne bua o bini. Engú ang-o me, Yesu Kilisito ago nani pila doto ngú nakobho okpála na sisiti. Yi mbila la me ngámá ngámá bhú ká uo ne ma.

¹⁶ Abana ma adu lie ne ngámá ngámá bhú ká uo ngama-a, Ebhe adje ndjinga ma. Ebhe amene ma ma mo-o ngubula me ndu okpála hana inde abhúka Yesu Kilisito-o, u u lele 'ndjá bua gba ni-o, amba u bhuka-a, u de sia mukobho na duduma. ¹⁷ A ayo me ndu okpála hana dhøø Ebhe, amba u toko ani duduma ne duduma. A adu moko. A ko 'Ngbé Ngámá na duduma, i kpikpi de, li kpála uu di-e de. A ko bha koli Ebhe bha ngae kpi e kpi!

¹⁸ Timoté, ndika ma, ma ngaha olíli bhomu-o pi mu nakpata oeli inde li opolofeta akpokpo nani e li 'ngú gba mu-o. A ayo me oeli ango-o teteke mu ngubula nakpokpo Bádha Ngali-e ne angu, abana li okpála du nayaya mu. ¹⁹ A ayo me mu gu egú ango-o ne nabhuka bhú dabili bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie. ²⁰ Imene ne uo ne Alekidjandele bhú ká ongua okpála bhomu. Ma atsia apu uo pi Satana, * amba u mbila lio ne napa me a ayo nasobho Ebhe de.

2

A ayo nayo Ebhe ngubula ndu okpála hana

¹ Kala ndu 'ngú hana-a, ma ngayo ka yi me yi 'o gumu gba ndu okpála hana kala Ebhe, yi yo Ebhe pi uo, yi kikaliki liyi pi ani ngubula uo, amba yi gie la di heni pi ani ngubula ndu uo hana. ² Yi yo Ebhe pi ongbengbe ongámási, di ne pi ndu ongámási hana ngubula me kpeke 'ngú adú-u de, amba ní du bhú guo 'ngú, ní du namanga Ebhe ne nagbite liní li ani na paká paká. ³ A bhomu-o engú inde ndjindji, inde la di nganga li Ebhe, Mukobho gba ní-o.

⁴ Ani akunda me ndu okpála hana kobho, amba u mbila la di kukulu 'ngú. ⁵ Padhá de, anga koli Ebhe bha bini, a la bhadi ne koli kpála bini inde ludu sunda Ebhe ne okpála-kuti. Kpála ango-o, a ko Yesu Kilisito, ⁶ inde apu mukobho gba e ngubula nagbegbe ndu okpála hana bhú bali-o. Ani amene mo-o bhú nedhinga nani li Ebhe a'o e ngú nasuno me Ebhe akunda me ndu okpála hana kobho. ⁷ Ka 'ngú ango-o, Ebhe abhu ma bhulu tima gba Yesu di ne bhulu nakpokpo Bádha Ngali. Ani abhu ma me ma suno nabhuka di ne kukulu 'ngú pi okpála inde ne omaYuda ade-o, amba u bhuka. Ma ngapa kukulu 'ngú, ma pa eu de.

⁸ Kaka-a, ma akunda me obhosi yo Ebhe ne ndu bili hana. U yo Ebhe me u nde a'e'e

'kpa o ne abhulá ne naha lio libhomu pi Ebhe. U adú ne engú sunda o de, u adú la di ne kpekebhø de.

⁹ Pi olisi-e, ma akunda me u du adyi bongo maka a ayo lie. U adú adyi bongo bhe a'é bua kpála bhú da e ma'e-e de. U du adyi bongo li lelele. U adú apulu sundjo o nane dada mane de. U adú adyi omayaka ne omagege na olo di ne ohe na zizi de. U adú di nadyi obongo na mase naali de. ¹⁰ Engú bini, u suno mangbo bádha gba o bhú obabadha kulu inde u ngamene e-o. A bhomu-o engú inde ati ne olisi inde ngasuno me o ngamanga Ebhe-o.

¹¹ Nedhinga li bhoko ngaha olíli lie bhú Piga gba Ebhe-e, a ayo me ølø ndjili má bulu, ani kø lie ne kuto. ¹² Ma ha kpadji pi ølø ngú nasuno di ne nau pí 'ndji bhoko de. Engú bini, a ayo me ani ndjili má bulu! ¹³ Padhá de, anga Ebhe abho ngaiza nani kalanu-o Adamu, pipita-a ani atsia abho Eva. ¹⁴ La di-e, Satana pite nani Adamu de, engú bini, ani apite mangbo nani ølø-ø. Abhomu-o, ølø-o atsia andjo 'li Ebhe. ¹⁵ Abana i nde lie mo-o, Ebhe akóbho ølø ka ezu gba e-o. Ebhe akóbho ani i du me ani nde alu kpekepe bhú 'bu nabhuka, ne mukunda, ne na'o lie bubu kala Ebhe, di ne na'o lie bhú da e.

3

Líli pi okpála natsia 'kpi li Piga gba Ebhe

¹ Engú ma adji apa e inde-e, a ko kukulu 'ngú: i du me kpála nde akunda natsia 'kpi li Piga gba Ebhe-e, ani akunda namene bhomu-o bádha kulu. ² Kaka-a, a ayo de me u u kpála inde ngatsia 'kpi li Piga gba Ebhe-e ne siti 'ngú-o de. A ayo me ani du ne koli ølø bini. Ani du naholo bua e ka 'ngú maholo. A ayo me ani du namene 'ngú li lelele, ani du la di namene babadha 'ngú. Ani du nasia ogomago ndjindji, ani mbila la di nasuno 'ngú pi okpála. ³ Ani ahá lie pi pandi de, adú la di kpála naga gbele de. Engú bini, a ayo me adu kpála na bhuku 'ngú. Adú kpála nagbe bhayiki ne okpála koko de, adú la di kpála na gumu tia naali de.

⁴ A ayo me adu kpála inde ngatsia 'kpi li piga gba e makpe-e ndjindji, inde li ongisi gba e ngamanga e ne ndu kpadji hana. ⁵ Padhá de, anga i du me kpála nde mbila natsia 'kpi li piga gba e makpe ndjindji de-e, ani ti da nalila Piga gba Ebhe-e lele pi? ⁶ A ayo de me kpála natsia 'kpi li Piga gba Ebhe-e du kpála inde adji bua e na mbia de. Padhá de, anga i du me a nde kpála inde adji bua e na mbia-a, 'ngbé 'ndji ti da nali bhú ani, ani tsia lí bhú mangimbo

* 1:20 1:20 Napu kpála pi Satana: Ti da napa li bili inde-e me nagbe kpála bhú Piga gba Ebhe.

maka Djabulu ali nani lie-o. ⁷ La matá di-e, a ayo me adu kpála inde li okpála bhe i bhuka de-e ngakpo 'ngú gba e ndjindji, ka napa me okpála aú ani bhú djila o padhá de-o, la di ngabula me ani atí bhú oekú gba Djabulu-o de.

Líli pi okpála nateteke kulu bhú Piga gba Ebhe

⁸ A bhadi moko, a ayo me okpála nateteke kulu bhú Piga gba Ebhe-e du okpála inde ngamene 'ngú inde li okpála ti da namanga o ka e. U adú la di ne eli bhisi bhisi de, u ahá lio pi pandi de, u adú di nagili tia li siti kpadji de. ⁹ A ayo me u gbite lio ne bua bini li kukulú 'ngú inde li Ebhe ambamba ta e-o. U gbite lio tété ne bua nakpokpo kú 'ngú inde ndjindji.

¹⁰ Kala me u bhú uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pipíta-a, i du me u nde u uo ne engú na sisiti de-e, u de bhú uo ngú namene kulu angoo. ¹¹ A ayo me, olisi gba uo-o du bhadi namene engú inde li okpála ti da namanga uo ka e. U adú napa sisiti 'ngú li okpála koko de. U du naholo bua o ka 'ngú maholo. U du okpála inde li okpála koko ngaziba o bhú ndu 'ngú hana. ¹² A ayo me, kpála nateteke kulu bhú Piga gba Ebhe-e du bha ne koli ølø bini. Adu kpála inde ngatsia 'kpi li ongisi gba e di ne piga gba e makpe-e ndjindji. ¹³ Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, ndu okpála hana ngamanga uo mamanga, u gáma la di engú pindji nabhuka gba o inde bhú Yesu Kilisito-o ne tsulu belegu de bini.

Engú na ngbéngbé inde li Ebhe asuno e

¹⁴ Ma ngaye balua inde-e pi mu ne nabhundja me ma akólo li mu oo má gala! ¹⁵ La-a, i du me ma nde kolo li mu oo má gala de-e, balua inde-e de suno pi mu lele maka a ayo lie me okpála dhuku bhú piga gba Ebhe-o. Piga angoo, a ko Piga gba Ebhe inde uu-o. Dadjua angoo ngabi kukulú eli-e maka nepanda abibi eti lie-o. ¹⁶ A na paká me, engú inde li Ebhe ambamba ta e pi ní pindji nabhuka gba ní-e ngbéngbé. Engú angoo me:

Kilisito ago píla doto bhú kate maka kpála-kuti,

Bu Bhobua asuno me, ani ngbingbili, oandjelu atsia au ani.

U akpokpo engú gba ani-e pi okpála inde

ne omaYuda ade,

okpála na píla doto libhomu abhuka ani,

Ebhe atsia a'e ani abhúla bhú sangu gba e-o.

4

Omusuno na eu

¹ Bu Bhobua apa mbámbá me bhú onedhinga na soso-o, okpála koko a'ó ká nabhuka gba o, u tsia kpála osisiti bua na eu, u kpála di ongú inde li osisiti bua ngato e bhú okpála me u suno e-o. ² Obhulu kali inde ngapa eu-o apite uo me u yie li ngbili kpadji-e mayie. Bua nakpokpo kú 'ngú gba obhulu kali angoo asiti mugito me u atslu ne kalase inde u ato e bhú djua. ³ Okpála angoo ngasuno me a ayo de me obhosi ne olisi du naha lio-o de. U di ngapa me a ayo de me okpála du nazu ozu koko de. Ebhe abho la nani ozu bhomu-o ngae. Omabhuka inde ambila kukulú 'ngú-o ti da nazuzu ne nagie heni pi ani. ⁴ Padhá de, anga ndu 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie heni pi Ebhe, ⁵ anga eli gba ani bhú dabili bini ne mayo ngamene me ndu 'he hana kolo bubu kala ani.

Bádha kpála na kulu gba Yesu Kilisito

⁶ Suno ongú bhomu-o pi ondaise ní omabhuka. Li mu mene mo-o, mu dú bádha kpála na kulu gba Yesu Kilisito. Mu tsia súno di me mu ngaku bua mu ne oeli na nabhuka, di ne nasuno na kukulú mo okpata e ko. ⁷ Engú bini, gbe limu li otodu na padhá padhá inde i ti ne nabhuka de-e magbe. Mene mangbo ne kpéke me mu gbite limu li namene engú inde anga li Ebhe. ⁸ Namene ngeme ngú nakpekepe kate-e, a ndjindji ngú ongú masudha. Engú bini, a ndjindji nane mane pi kpála ne nadhuku maka li Ebhe akunda lie-o. Padhá de, anga namene mo-o, kpála angoo ambila me ní asia inde-e mukobho na mbia, mukobho angoo adú duduma ne duduma. ⁹ Eli inde ma apa e bhomu-o, a ko kukulú 'ngú inde ayo me ndu okpála hana ziba e ne bua bini. ¹⁰ Kaka-a, i du me ní nde ngamene kulu kpekepe di ne angu ní hana-a, a ko anga ní nga'o 'to ní li Ebhe inde uu-o. A ko Mukobho gba ndu okpála hana, a ane la mane pi okpála bhende abhuka ani-o.

¹¹ A bhomu-o ongú inde a ayo me mu gbele 'dje okpála lie, amba mu suno di-e pi uo-o. ¹² Mo oká kpadji pi kpála bini de me ani u mu padhá ka mu nde lie ne makombi-e de. Engú bini, du mangbo ne kpála inde ngasuno kpadji pi omabhuka. Du nasuno kpadji pi uo bhú eli inde mu ngapa e, ne bhú lele namene 'ngú gba mu, ne bhú mukunda gba mu, ne bhú nabhuka, di ne bhú nadu ka mu bubu kala Ebhe.

¹³ Nedhinga mu ngadjeke nago ka ma lie-e, ha limu ngú natanga 'li Ebhe-e kala ndu

okpála hana. To masi bhú uo, amba m̄ suno ta eli gba Ebhe-e pí uo. ¹⁴ Mo óú kulu lí Ebhe aha e pí m̄-o bhú bádha bhú 'bu gba e-e padhá de, kulu inde mo osia e nedhinga lí opolofeta akpokpo 'ngú gba m̄-o lie, la di ne lí nedhinga lí obhelesi okpála a'o 'kpa o pí 'ndji m̄ lie-o. ¹⁵ A bhom̄-o kulu inde a ayo me m̄ 'o bua m̄ lí e ko. Ha lim̄ ngú namemene ne bua m̄ hana, amba ndú okpála hana u me m̄ ngan̄ lí kpadji gba Ebhe-e ne kalan̄. ¹⁶ Lila lim̄ ngam̄ makpe ndjindji bhú ongú inde m̄ ngamene e di ne bhende m̄ ngasuno e pí okpála koko-o. N̄ ne di ne kalan̄, anga i d̄ me m̄ nde amene mo-o, m̄ kóbho lim̄ ngam̄ makpe, m̄ tsia kóbho di okpála bhende ngadje m̄-o.

5

Líli pí ndú omabhuka hana

¹ I d̄ me m̄ nde ngali bhele kpála lí 'ngú-o, mo ombémbe bhú 'ndji aní mambembe de, engú bini, gama 'ngú pí aní bhúbhuká m̄gito me a ko 'dyí m̄. Gama 'ngú pí omakombise maka ondaise m̄ na obhosibhosi. ² Pí olisi na obhelesibhelesi-e, gama 'ngú pí uo m̄gito me a ko ohí m̄. Pí otsalisi-e, gama 'ngú pí uo maka ondaise m̄ na olisilisi me bua m̄ nde tuko lí uo de.

Engú pindji oekesi na olisilisi

³ Teteke oekesi na olisilisi bhende lí kpála nde ngú nateteke o ade-e mateteke. ⁴ Engú bini, i d̄ me a nde ka ek̄ na eel̄ bini ne ongisi, i d̄ di-e odi ye e, ngú nasuno me ongisi ang-o ngamene engú inde lí Ebhe akunda e, a ayo me u teteke ngaiza opiga gba o makpe. U mene mo-o, u gíe bádha 'ngú pí okpála inde azu o, di ne pí onguo ogbi o bhú da bhende u amene nani e pí uo-o. Abhom̄-o engú inde lí Ebhe aziba e ko. ⁵ Ek̄ inde ngad̄ bha ndj̄ kpi e kpi, lí kpála bini nde ka e ngú nateteke e ade-e, aní nga'o 'to e 'to Ebhe. Aní ngazi kekele lí nayo Ebhe sukpe ne ngbikpi ngubula me Ebhe teteke ní. ⁶ La-a, pí ek̄ bhende akunda bha naae odjali na doto-o, aní akpi lí bua e akpi, abana aní nde lie m̄-o. ⁷ A bhom̄-o engú inde a ayo me m̄ pa e pí uo ngubula me kpála bini apá 'ngú lí uo sisiti de-o. ⁸ I d̄ me kpála nde teteke omaha e de-e, a ane la mane piga gba e makpe-e, aní abala 'kpa lí nabhuka gba e abala, aní ane belegu m̄pagano ne siti.

⁹ La di-e, ngú napa me u ye 'lí ek̄ bini bhú ká obhende lí Piga gba Ebhe-e ngabi o-o, a ayo me aní d̄ mbo ne kalanga ndjikpa madhia. Ad̄ la bhadi eel̄ inde i kunda bhoko sa 'ku 'ko e de.* ¹⁰ A ayo la di me okpála mbila aní ka obadhha kulu inde aní amene e-o. A akunda napa me, aní aku ongisi gba e ndjindji, aní asia ogomago, aní avul̄ 'dhu omabhuka,† aní ateteke okpála inde ad̄ bhú mbolo. Ad̄ la di kpála inde amene nd̄ babadha kulu hana.

¹¹ Engú bini, pí oekesi bhende na otsalisi tsalisi-e, mo oyé 'lí uo bhú ká obhende lí Piga gba Ebhe-e ngabi o-o de. Padhá de, anga nedhinga lí gum̄ naha bhoko koko alí bhú uo lie, i méne me u dji 'ngb̄ o lí Kilisito. ¹² Lí u mene mo-o, u lí bhú mangimbo. Padhá de, anga u apa nani me o oha lío pí Kilisito, la mbia bhom̄-o, u mene maka u apa lie de. ¹³ La di-e, m̄ ye 'lí uo-o, u kólo obhul̄ ipio, u hóló nadjakadha gba okpála ngangá. U kólo bha bini obhul̄ ipio de, engú bini, u hóló nagama 'ngú naali, u hóló nali bhú ongú bhe i tsia o de, u tsia d̄ di nagama 'ngú gb̄elongo. ¹⁴ Kaka-a, ma akunda me, oekesi bhende na otsalisi tsalisi-e ha matá obhosi, u zu ongisi, u tsia 'kpi lí opiga gba o-o, amba u aká kpadji pí obhul̄ yala gba ní-e napa 'ngú lí ní sisiti de. ¹⁵ Ma pa mo-o padhá de, a ko anga oekesi koko ayie lí ngbili kpadji-e ayie, u tsia agbida nganda Satana.

¹⁶ I d̄ me mabhuka bini na eel̄ nde ne oekesi na olisilisi bhú piga gba e-e, a ayo me aní teteke uo. Aní a'ó de me Piga gba Ebhe-e bí uo ngae de, amba Piga gba Ebhe-e bí obhende lí okpála nde ka o ngubula nateteke o ade ko.

Engú pindji obhelesi okpála na Piga gba Ebhe

¹⁷ Obhelesi okpála inde ngatsia 'kpi lí Piga gba Ebhe ndjindji-e, a ayo me u manga uo, amba u tsia ha di makalá na kulu gba uo-o pí uo lí lelele. A ane la mane pí obhende ngatse k̄te o ngú nakpokpo di ne nasuno 'lí Ebhe-o. ¹⁸ Padhá de, anga Bhuku gba Ebhe-e ngapa me: «Nedhinga lí bagala ngat̄ ngano lie, mo ogbíte 'bhe aní de.» A apa matá di me: «Kpála na kulu atí ne makalá na kulu gba e-o.†»

¹⁹ I d̄ me, kpála bini nde apa 'ngú lí bhele kpála na Piga gba Ebhe-e sisiti-e, mo obhúka de. Ziba bha bini me okpála bhisi nde al̄ pí engú ang-o, i d̄ okpála bhisi de-e, a de d̄ okpála bata. ²⁰ Mbe bhú 'ndji

* 5:9 5:9 Oel̄ inde i kunda bhoko sa 'ku 'ko e de: A akunda napa me nedhinga lí 'ko aní ad̄ lie tété-e, aní kunda bhoko koko de. † 5:10 5:10 Aní avul̄ 'dhu omabhuka: Nani agba omaYuda-a, kulu nagbe malek̄ bhú 'dhu ogomago ne navul̄ 'dhu uo-o, a ko nani kulu ka obalise di ne okpála na padhá. A di ngú nasuno mukunda ne nake lío ne kuto. Tsia bhú Dja. 13:1-17. † 5:18 5:18 Tsia bhú Det. 25:4; ne bhú 1 Kol. 9:9; ne bhú Mat. 10:10; di ne bhú Luk. 10:7.

obhelesi okpála inde ngamene siti 'ngú-o bhú djila ndu okpála hana, amba okoko dje tsulu.

²¹ Ma ngaha líli pí mú kala Ebhe, ne kala Yesu Kilisito, di ne kala oandjelu gba Ebhe inde aní abhú o me, mene olíli inde-e hana bhú ngbili 'ngú, mú nde kúnda kpála bini ane okoko mane de. ²² Mo o'ó 'kpa mú pí 'ndji kpála má gala de ngú naha kulu pí aní bhú Piga gba Ebhe-o. Mú 'o 'kpa mú pí 'ndji aní má gala-a, lí okpála u sídi me aní bhú siti 'ngú-o, akúnda napa bhómú-o me yí akpótse líyi ne aní bhú siti 'ngú gba e-o. Líli límú me ní dú bubu kála Ebhe.

²³ Mo odú bha bini nandji engu de, engú bini, ndji mbo di vino bedi uu ka kuo na bhú 'bu inde ngaha bhuku kate pí mú piko-o.

²⁴ Okpála koko ngamene siti 'ngú bhú mbasu, lí okpála mbíla kala nakpata 'ngú tété. Pí okoko-o, a ayo ngaiza nakpata 'ngú tété kalanú ngú nambimbíla. ²⁵ A bhadi moko pí obabadha kulu, a ngau lie lí zí 'kpí, belegu obhende u u e gbulu de-e, a tí da nadu ndu 'kpí hana de me a nde awo lie mawo-o de.

6

Líli pí obalíse

¹ A ayo me omabhuka inde bhú balí-e manga omakulasi o ne ndu kpadji hana. U manga uo, amba kpála bini asóbho 'lí Ebhe de, amba u asóbho la di nasuno gba ní-e de. ² I dū me, omakulasi uo nde ne omabhuka-a, u apá de me o mángu uo de-e de, anga a ko ondaise o-o de. Engú bini, a ayo me, u mene kulu pí omakulasi o ndjindji naali, anga okpála inde u ngamene kulu pí o bhómú-o, a ko omabhuka, a ko la di ondaise uo na mukúnda. A bhómú-o líli inde ayo me mú suno e pí okpála ne nato masi bhú uo me u mene e ko.

Engú pindji gumu tia

³ I dū me kpála bini nde ngasuno engú koko kpi, aní dhika lí okukulu oeli gba Ngámá gba ní Yesu Kilisito di ne ongú inde ní ngasuno e pindji namanga Ebhe de-e, ⁴ a ko kpála na 'ngbé 'ndji, aní mbíla la di 'ngú belegu de bini. Aní ambíla lie bha bini ne namene kpekebhe di ne natsi pindji oeli. Ongú bhómú-o ngagbe gumu 'he, ne natsi, ne nasobho lío, ne nabhundja siti 'ngú pindji obi o, ⁵ di ne bhayiki inde i ndjindja de-e sunda okpála inde lí 'ndji o asiti-o. Okpála angó-o mbíla la di matá kúkulu 'ngú belegu de bini. U ngabhundja me nabhuka Ebhe-e, a ko kpadji nasia tia.

⁶ A moko, nabhuka Ebhe-e, a ko tia na ngbéngbé, i dū me kpála nde ngakpi djali lí ehe inde ka e-o. ⁷ Padhá de, anga ní go nani píla doto inde-e ne ehe bini de, ní gie la di

líli ne 'he bini na doto inde-e de. ⁸ Kaka-a, i dū me a nde ka ní ne ehe nazú mazú di ne bongo ngú nadyidyí-e, amba bhobhomú-o ale pí ní ale. ⁹ Engú bini, okpála bhende ngakúnda nakpo-o, u ngali bhú nale ne bhú ogumú 'he bhelé na padhá padhá di na sisiti inde lí okpála ngasiti ka e, inde lí okpála nde di ngamu ka e-o. ¹⁰ Padhá de, anga gumu tia ngazu ndu ongú na sisiti hana. Okpála koko ka nakúnda tia naali-e, u ayie lí kpadji na nabhuka ayie, u atsia alí bhú líkabhu naali ka o makpe.

Bádha gbele ní nde bhú e kabula nabhuka gba ní-o

¹¹ Engú bini, ngamu kpála gba Ebhe-e, kpe ndu sisiti 'ngú bhómú-o hana makpe. Gbite límu lí ngbili 'ngú, ha límu pí Ebhe, dū ne nabhuka, ne mukúnda, ne 'ndjá bua, di ne bhuku 'ngú. ¹² Gú bádha gbele inde ní nde bhú e ka nabhuka gba ní-o. Líli mukobho na duduma ndjindji, anga Ebhe a'í nani mú ngú mukobho angó-o, mo otsia apa ne djali kala okpála bhelé me ní abhuka. ¹³ Ma ngaha líli pí mú kala Ebhe inde ngaha mukobho pí ndu 'he hana, di ne kala Yesu Kilisito inde akpokpo nani kúkulu 'ngú pindji nabhuka kala Pose Pilaté ndjindji-e me, ¹⁴ líli líli inde ma aha e pí mú-o ndjindji, mene ndundu hana maka ma apa pí mú lie. Mene me kpála bini agú líli angó-o de, akólo lí ekpí lí Ngámá gba ní Yesu Kilisito agie lie lie-o.

¹⁵ Ekpí angó-o, Ebhe a'o ngae. A ko Ebhe inde ngaha bádha 'ngú pí okpála, a ko kóli Ngámá bini inde ngau pí 'ndji ndu 'he hana. A ko 'ngbé Ngámá pí 'ndji ongbengbe ongámási, a ko la di Ngámá gba ongámási. ¹⁶ Aní kpi kpi de, aní ngadu bhú zí 'kpí inde lí kpála bini tí da nakoló lí e de. Kpála bini u nga aní de, kpála bini tí la di da nau aní de. A ayo me okpála dhogé aní! A ayo me aní u duduma ne duduma! A adu moko.

Líli pí obhulu tia

¹⁷ Pa pí obhulu tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia angó-o ngakodho 'kpí makodho. Engú bini, u 'o mangbo 'to o 'to Ebhe inde ngaha ndu 'he hana pí ní bhíbhiti, ngubula me ní kpi djali ne di ko. ¹⁸ Pa pí uo me, u mene bádha 'ngú, u dū mangbo obhulu tia bhú namene obabadha 'ngú. U dū okpála napu 'he pí obi o ne bádha bua, u dū bedhe ngú naha 'he pí okpála koko. ¹⁹ U mene mo-o, u pó bhúla ohe na babadha inde di ngabhue mabhue pí o ngú okpí inde ngagó-o. Abhomú-o, u tsia tí da nasia kúkulu mukobho.

²⁰ Timoté, líli kulu inde lí Ebhe aha e pí mú-o ndjindji. Kpe agéle na padhá padhá

inde i ti ne nabhuka de-e makpe. Kpe di obhayiki li okpála koko nga'i e ne eu me a ko imbilangu-o makpe. ²¹ Okpála koko abhundja me o ne ngua imbilangu ango-o, u atsia ayie li kpadji na nabhuka-o.

A ayo me, bádha bhú 'bu gba Ebhe-e da ne yi bhú dabili bini.

Balua na bhisi gba Polo pi Timoté Eli na kalanu

Bhú balua na bhisi gba Polo pi Timoté-e, ani aha líli pi Timoté maka kilí e na kulu inde la di ngateteke ani. Engú na ngebéngbé a ko bua nakibila 'ngú. Polo aha líli pi Timoté ne nato masi bhú ani ngubula nakpokpo 'ngú gba Yesu Kilisito ngbingbili ne nasuno Bádha Ngali na Gandja na Didili di ne bhe na Mbia ndjindji. Pí bhobhomu-o, a ayo di me ani suno eli gba Ebhe-e ndjindji abana likabhu ani ngazu e di ne li okpála ngagu ani lie-o.

Polo atsia agbele 'dje Timoté pindji okpekpeke da 'ngú inde i ti da nakolo li ani ka nali bhú okpekebhe na ngingi inde li tata nde lie ade (2:23) i zu la di ngua ade, a la nga'e okpála inde ngadjedje li ngbili kpadji.

Bhú ndu 'ngú bhomu-o hana-a, Polo ngayo ka Timoté me ani kpata nganda ni di ne namene ongu inde li Polo ngamene e maka nabhuka gba Polo, ne ndja bua gba ani, ne mukunda gba ani, ne nakibila 'ngú gba ani la di ne likabhu ani ngasia bhú mbolo u ngato e li ani-o.

Ongbenge ongu inde bhú bhuku inde-e ngae inde:

Eli na kalanu 1:1-2

Natoko ne 'he inde a ayo me u mene e 1:3 - 2:13

Líli ne nagbele 'dje ngú nalila li e 2:14 - 4:5

Ongú inde atsia bha Polo kpi e kpi 4:6-18

Eli na soso 4:19-22

Polo yi Timoté mayi

1-2 Timoté ndika ma na mukunda, ma aye balua inde-e pi mu ngama Polo. Ebhe abhu nani ma me ma du ne bhulu titima gba YesuKilisito ngú nakpokpo engú na mukobho na daduma. Ani apa nani me ni ahá mukobho angoo pi ní li kpadji gba Yesu Kilisito ko. A ayo me 'Dyi ní Ebhe ne Ngámá gba ní Yesu Kilisito suno bádha bhú 'bu gba o-o pi mu, u dje ndjinga mu, amba u ha di guo 'ngú pi mu.

Polo agie heni pi Ebhe, ani atsia ato di masi bhú Timoté

³Ma ngagie heni pi Ebhe li 'ngú gba mu-o. Ma ngamene kulu lima pi ani maka onguo ogbi ma adu nani amemene lie-o. Ma ngamemene ne bua nakpokpo kú 'ngú ndjindji. Ma nga'o mu kala Ebhe ndu

'kpí hana. Ngbikpi ne sukpe, nedhinga ma ngayo Ebhe lie, ma nga'o mu kala ani.

⁴Ma bhundja egbá* nani mo oku e, gumu nau mu má gala bédhe ma bedhe, amba ma bedhe ne djali bedhe. ⁵'To ma 'ili 'to nabhuka na kukulu inde bhú mu-o de. 'Hi mu Enise ne bhe azu ani na oelo, Loisi abhuka ngaiza nani pi mu kalanu. Ma abhuka na paká me ngamu di-e, mu ne nabhuka angoo.

⁶Kaka-a, ma matá ngapa engú inde-e pi mu ne toto: kpo djua bhú angu inde li Ebhe aha e pi mu-o bhú bádha bhú 'bu gba e-e ne kalanu. Ebhe aha nani angu angoo pi mu nedhinga ma a'o 'kpa ma pí 'ndji mu lie ko. ⁷Padhá de, anga Bua li Ebhe aha e pi ní-e, a ko bua na tsulu de. Engú bini, Bua angoo ngabedhe mangbo ní ne angu, ne mukunda di ne namene 'ngú li lelele.

⁸Kaka-a, mo odje namu li nakpokpo 'ngú gba Ngámá gba ní-e de. Abana ma nde lie bhú tikpu li 'ngú gba ani-e, mo odje di namu ka bhobhomu-o de. Engú bini, ziba mangbo nazu likabhu ne ma bhú dabili bini ngubula Bádha Ngali ní ngakpokpo e-o. Zu likabhu angoo-me mu nde ala ne angu inde li Ebhe aha e ko. ⁹Ebhe akobho ní ngae, ani atsia a'í ní me ní du ne piga gba ní-o. Ani kobho ní ka bádha 'ngú gba ní-e de, engú bini, ani akobho ní ka bádha bhú 'bu gba e di ne ka anga ani akunda nani me a adu moko. Kala me ani bho kokpi ne doto-o, ani atima Yesu Kilisito pi ní maka ani abhundja lie, amba ní sia bádha bhú 'bu angoo. ¹⁰Bádha bhú 'bu bhomu-o akoto mbia inde-e bhú mbasu, anga Ngámá gba ní Yesu Kilisito ago. Ani andjia angu kuo ngae. Ani asuno pi ní bhú Bádha Ngali-e me ní asia mukobho na daduma masia.

¹¹Ngama-a, Ebhe abhu ma me ma du bhulu titima, ma du di ne bhulu nakpokpo Bádha Ngali angoo pi okpála, amba ma suno di pi uo. ¹²Ma bhadi ngazu likabhu inde-e kabula nakpokpo Bádha Ngali angoo. Engú bini, ma tété ne namu ade, anga ma mbila kpála inde ma a'o 'to ma 'to e hana. Ma abhuka la bhadi na paká me ani ne angu ngú nalila kulu inde ani aha e mu-a nakolo li 'kpí ani agó lie-o. ¹³Ongú inde mo odje me ma nde ngasuno e-e, a ko ongu na kukulu inde a ayo me mu kpata e-o. Lu kpekpeke bhú nabhuka, ne bhú mukunda inde ní nde ne e bhú nakpotsé liní ne Yesu Kilisito-o. ¹⁴Lila bádha nasuno inde li Ebhe aha e pi mu-o ndjindji. Lila nasuno angoo ne angu gba Bu Bhobua inde ngada bhú ní-o.

* 1:4 1:4 Egbá: Polo a'o nani ká Timoté bhú gudhu na Efeso, ani atsia atapa bhú ndu doto na Makedonia. Ekpi angoo, Timoté aku nani egbá naali. Tsia bhú 1 Tim. 1:3.

¹⁵ Mu mbila hana me omabhuka bhelé na ndu doto na Adjia hana a'o ka ma a'o. Fidjele ne Elemodjene di bhú ká uo. ¹⁶ A ayo me Ngámá dje ndjinga piga gba Onesifole-o, anga ani ateteke ma bhútsibhútsi, ani dje di numu li naama 'ngú ka ma nde lie bhú tikpu-o de. ¹⁷ Engú bini, nedhinga ani akolo lie bhú gudhu na Loma-a , ani agili ma ne kekele hana nakolo bha bini li nedhinga ani au ma lie-o. ¹⁸ Mu mbila ndjindji me nedhinga ma adu lie bhú Efeso-o, ani ateteke ma naali. A ayo me, Ngámá gba ní-e gie bádha 'ngú pi ani li 'kpí inde ani akódho 'ngú gba okpála lie-o.

2

Lili pi sudha gba Yesu Kilisito

¹ Ngamu Timoté ndika ma, sia angu bhú bádha bhú 'bu inde li Yesu Kilisito ngaha e pi ní-o. ² Ongú inde mo odje ma me ma nde ngakpokpo e kala bhiti okpála inde adu adje ma-a, suno pi okpála li okpála koko ngaziba o, inde i ti da nasusuno di pi okpála koko.

³ Kibila likabhu maka sudha na babadha gba Yesu Kilisito. ⁴ Kpála inde bhú kulu na sudha-a lili bhú ongú ngangá na doto inde-e de, i du me ani kunda me ni mene engú inde anga li ngámá gba ní-o. Mene bhadi moko. ⁵ Bhundja la di me, i du me okpála nde ngamene ngeme nagu holo-o, li kpála gu maka li lili na ngeme aziba lie de-e, ani sia makalá de. ⁶ Kpála inde ngamene kpéke kulu nalu edyi-e, asia ngaiza ezu na edyi angoo-o kalanu ngae. ⁷ Bhundja pindji ongú ma ngapa e pi mu inde-e ndjindji, mu mene mo-o, li Ngámá gba ní-e há angu pi mu ngú naké mboli ndu ongú hana.

⁸ Bádha Ngali inde ma ngakpokpo e pi okpála-a, a me Yesu Kilisito ne ndili gba Davidi, Ebhe azuku ani bhú ká okpála inde amu-o. Mo o'li 'to mu li ani de. ⁹ Ma ngazu likabhu inde-e kabula Bádha Ngali angoo-o. U ato belegu ma bhú tikpu mugito me ma amene siti 'ngú. Engú bini, u to eli gba Ebhe-e bhú tikpu de, eli angoo-o nganu bha bini ne kalanu. ¹⁰ Kaka-a, ma ngakibila ndu likabhu inde ma ngazu e hana ngubula nateteke okpála li Ebhe abhu o-o, amba ngauo di-e, u sia mukobho di ne sango inde ngadu duduma ne duduma ka Yesu Kilisito-o. ¹¹ Engú inde ma adjí apa e inde-e, a ko kukulu 'ngú. Engú angoo-o ngae inde:

«Í du me ní nde amu bhú dabili bini ne Yesu-o,
ní dú bhadi bhú mukobho bhú dabili bini ne ani.

¹² Í du me ní nde ala kpekpeke bhú likabhu

ní ngazu e kabula Bádha Ngali-e,
ní ú bhadi ne ani bhú dabili bini.
Engú bini, i du me ní nde apa me ní mbila ani de-e,
ngaani di-e, ani pá bhadi me ni mbila ní de.

¹³ Í du me ní nde ngamene engú inde i nga li ani de-e,
ngaani-e, ani djidji lie de,
ani améne ndu 'ngú inde ani apa me ni améne e hana.
Padhá de, anga ani tí da namene 'ngú kpi ne bhende
ani ngapa e de.»

Kpála na kulu inde li Ebhe abhuka e

¹⁴ Ongú inde ma apa e pi mu bhomu-o, kpokpo pi omabhuka ngubula me u bhundja pépé. Gbele 'dje uo li 'ngú inde-e ne 'li Ebhe me u atsi pindji oeli de. Padhá de, anga tata tété ade, a mangbo ngasiti bua okpála inde ngadjedje-o. ¹⁵ La ngamu makpe-e, mene ne kpéke ngú nadu maka li Ebhe akunda lie-o. Du maka kpála na kulu inde ne numu li kulu gba e ade, a akunda napa me, kpokpo eli na kukulu-o pi okpála koko li lelele.

¹⁶ Kpe agelø na padhá padhá inde i ti ne nabhuka de-e makpe. Padhá de, anga okpála inde adhika li ngua ongú bhomu-o ngayie li kpadji gba Ebhe-e bhú bhukú. ¹⁷ La di-e, 'li uo ngayanga bhú ká okpála maka eka inde ngazidhaka mazidhaka. Imene ne Filete bhú ká okpála angoo-o. ¹⁸ U ayie li kpadji na kukulu 'ngú ayie. U ngapa eu pi okpála me nedhinga nazuku ka okpála akodho 'kpí akodho. Kaka-a, okpála koko ayie ka uo li kpadji na nabhuka ayie. ¹⁹ Engú bini, kukulu eli gba Ebhe-e yie bhú da e de. Eli angoo-o maka nepanda inde ala kpekpeke. U atsia aye balua tété me: «Ngámá mbila okpála gba e hana.» U atsia aye di me: «A ayo me ndu okpála hana inde ngapa me ni ne okpála gba Ngámá-a, 'o namene siti 'ngú ma'o.»

²⁰ Adadu bhú 'ngbé 'ti ne limbi osaani bhelé. U abho osaani koko li olo, u abho okoko li aladja, u agolo okoko li ndula. A pise bha bini li obhobhomu-o de, u abho matá okoko li doto. Osaani bhomu-o li okulu kpi kpi. U nga'o obhende na babadha-a ngú okpí na anokomia, okoko-o, u ngamene kulu ne di ndu 'kpí hana. ²¹ A bhadi pi ní moko. Li kpála 'o namene ndu sisiti 'ngú inde ma ngapa 'ngú lie bhomu-o hana-a, li Ebhe 'o ani kpi pi e. Ani dú maka saani na olo, anga ngaani-e, ani bedhe ngú namene ndu obabadha kulu hana.

Lili pi bádha kpála na kulu gba Ngámá

²² Timoté, gbe limu li osisiti 'ngú inde li omakombise koko ngamene e magbe. Ngamu bhú dabilí bini ne okpála bhende ngayo Ngámá ne bua o bini-e, yi gili namene ngbili 'ngú, ne nadu ne nabhuka, ne mukunda di ne guo 'ngú sánda yi. ²³ Gbe limu li otodu na padhá padhá li tata nde lie ade-e magbe. Padhá de, anga mu mbila ndjindji me ndu 'ngú bhomu-o hana ngagbe tolo. ²⁴ A ayo de me kpála na kulu gba Ngámá-a du natsi-e de, a ayo mangbo me ani du ne guo 'ngú pi ndu okpála hana. Ani du kpála inde ngasuno 'ngú pi okpála ndjindji. Ani du la di kpála nakabila 'ngú nedhinga li okpála ziba engú ani ngapa e lie de ko. ²⁵ A ayo me, ani suno 'ngú pi okpála bhende nga'o bhayiki li engú inde ani ngapa e ne bhuku bua. Padhá de, anga nedhinga koko-o, li Ebhe há kpadji pi uo ngú nadjí mabhundja gba o ngubula me u mbila eli na kukulu-o. ²⁶ Abhomu-o, u hólo matá nabhundja 'ngú ndjindji. U tsia zé bhú ekú gba Djabulu inde aholo uo, a atsia a'o di uo sa líli gba ani-o.

3

Engú inde akódho 'kpí li sokpí-o

¹ Mbila ndjindji me bhú onedhinga na sokpí-e, kpekpeke da 'ngú adú naali. ² Padhá de, anga okpála adú nambila bha engú gba o makpe, u adú akúnda tia naali, u adú apa 'li o, u adú obhulu 'ngbé 'ndji, u adú nasobho Ebhe, u dú nadje okpála inde azu o-o de. U gíe heni pi okpála inde amene bádha 'ngú pi o-o de, u mánga ehe gba Ebhe-e de. ³ U dú ne mukunda pi okpála koko de, u djé ndjinga obi o de, u adú apa 'ngú li okpála koko sisiti. U hólo bua o ka 'ngú de, u akúnda bha bini namene obi o sisiti, u kúnda bádha 'ngú de. ⁴ U apú obi o pi obhulu yala gba o, bua uo adú ape má pupupu, u tsia dú na'o lío ne abhúlá. U akúnda mangbo engú inde a nga li o, u kúnda Ebhe de. ⁵ U adú namene mugito me o ne okpála gba Ebhe, engú bini, u ziba angu gba ani-e de. Gbe limu de okpála bhomu-o magbe!

⁶ Okpála koko bhú ká okpála bhomu-o ngali bhú okúti, u tsia hólo li ekú gba o-o olisi na padhá padhá 'ngú inde oo. Olisi ang-o abedhe ne gumu 'he ngangá, u atsia abedhe di ne sisiti 'ngú bedhe. ⁷ U ngagili ndu 'kpí hana nambila 'ngú, engú bini, angu uo kolo li nambila kukulu 'ngú-o belegu de bini. ⁸ Okpála bhomu-o ngayala nakpata kukulu 'ngú maka Djanesi ne Djambelesi ayala nani nadje 'li Moidje lie-o. A ko okpála li 'ndji o asiti, u bhuka Ebhe na paká paká de. ⁹ La-a, u lúka matá ne di tsutsu de, anga ngingi 'ngú u ngamene e akóto bhú djila ndu okpála

hana ngbadha, maka bhe nani i mene Djanesi ne Djambelesi-o.

Engú inde a ayo nabhundja pindji e

¹⁰ La ngamu-o, mo okpata ma ndjindji bhú nasuno gba ma-o, mo ou lele nadhuku gba ma-o, mu mbila mabhundja gba ma-a hana, mu mbila nabhuka gba ma-a hana, mu mbila 'ndjá bua gba ma-a hana, mu mbila mukunda gba ma-a hana, mu mbila kpéke bua gba ma-a hana. ¹¹ Mu mbila líkabhu ma azu e ne mbolo u ato e li ma-a hana. Mu mbila ndu 'ngú inde apu pi ma bhú Atiokia, ne bhú Ikoniomu di ne bhú Lisitele hana. Ma azu líkabhu na paká paká, engú bini, Ngámá agbegbe ma bhú ndu líkabhu bhomu-o hana. ¹² A ne okpála koko inde akúnda nakobho maka li Ebhe akúnda lie, bhú makpètse gba ní ne Yesu Kilisito-o. A na paká me u ató mbolo li ndu uo hana. ¹³ La-a, obhulu nazi 'gú, inde di ngapite okpála-a, anú bhú siti 'ngú ne kalanu. U ngapite okpála, li okpála koko píte di uo.

¹⁴ Engú bini ngamu-o, lu kpekpeke bhú 'ngú inde mo okpata e, mo osia di-e ne bua mu hana ko. Mu mbila okpála asuno pi mu-o hana. ¹⁵ Nayie bhú ndíli li mu-o, mu mbila Bhuku gba Ebhe-e ndjindji. Bhuku ang-o ti da naha pi mu imbilangu inde ngato kpála bhú mukobho na duduma ka nabhuka Yesu Kilisito-o. ¹⁶ Ndu 'ngú inde u aye e bhú Bhuku gba Ebhe-e hana ayie ka Ebhe. A ne tata ngú nasuno ngbili 'ngú pi kpála, ngú napana pulu 'ngú gba kpála pi e, ngú nali kpála, di ne ngú nasuno pi kpála namene 'ngú maka li Ebhe akúnda lie-o. ¹⁷ Ebhe amene mo-o ngubula me kpála gba ni-e du bedhe na paká paká ngú namene ndu babadha 'ngú hana.

4

Kpokpo 'li Ebhe

¹ Yesu Kilisito agó galikpe mago, ani tsia ú ngámá pila doto. Ani akódho 'ngú gba okpála inde mu ne obhene amu-o. Kaka-a, ma ngaha líli inde-e pi mu kala ani ne kala Ebhe me: ² kpokpo 'li Ebhe, lu pépé kpekpeke bhú bádha nedhinga abana bhú siti nedhinga. Me bhú 'ndji okpála inde ngamene siti 'ngú-o, pa pi uo me u 'o namene siti 'ngú ma'o. To masi bhú okpála koko ngú namene bádha 'ngú. Suno ndu ongu bhomu-o pi uo hana li lelele di ne 'ndjá bua. ³ Padhá de, anga ekpí akólo makolo, okpála kúnda matá nadje nasuno pindji kukulu 'ngú de. Engú bini, u adú nakpata gumu gba o makpe, u tsia pó bhúla omusuno na eu de o. Omusuno ang-o adú apa pi uo ongu inde anga li uo-o. ⁴ U aníni 'dje o li nadje kukulu 'ngú, u tsia kpáta ongu na padhá padhá inde

li okpála ngagbe e bhú 'ndji o-o. ⁵ Engú bini ngamú-o, dú naholo bua mú bhú ndú 'ngú hana maholo. Kibila nazú likabhú makibila. Mene kulu nakpokpo Bádha Ngali-e ndjindji. Ndjia kulu li Ebhe aha e pí mú-o.

⁶ Múma-a, nedhinga nandala 'kpa li mukobho gba ma-a ngubula me u bhèlè ma-a akolo masikpe. Nedhinga nabhana lima pí doto inde-e ale. ⁷ Ma agú bádha gbele, ma agú holo akolo ali soso. Ma ndala 'kpa li nabhuka de. ⁸ Mbia inde-e, Ebhe aleke makalá múma abhúlá. A ko ndata na 'ngbè ndua inde li Ngámá ahá e múma li 'kpí aní akódho 'ngú gba okpála lie-o. Ndata ango-o, a ko ndata na mukobho. Ngámá gba ní-e, a ko Ngámá inde ngakodho 'ngú gba okpála ngbingbili. Aní há bha ndata ango-o múma kpi ma kpi de, engú bini, aní ahá di pí ndú okpála hana inde ne djali li nago ka aní-o.

Polo apa pí Timoté me aní go bhaka ní

⁹ Mene ne kpéke me mú go bhaka ma má gala! ¹⁰ Padhá de, anga Demasi a'o ká ma ka gümü 'he na doto na naki inde-e a'o. Aní atapa bhú gudhú na Tesalonike. Kelesasi atapa bhú gudhú na Galatia. Tito atapa bhú gudhú na Dalamatia. ¹¹ Luka atigala ne ma si ngae kpi e kpi. Mú dú ago-o, há Maloko, mú go ne aní bhú dabili bini, anga aní tí da nateteke ma li kulu ma nde ne e ko. ¹² Ma atima Tisike bhú gudhú na Efeso. ¹³ Li mú dú nago-o, mú de go múma ne koti gba ma inde ma 'o nako ká e bhú gudhú na Tuluasi agba Kalipusi ko. Go di múma ne obhuku gba ma-o, ane la mane obhende u amene e li kó 'nú-o.

¹⁴ Alekidjandele, bhulú nabho bolo-o amene ma sisiti naali. Ngámá agié pí aní nakpata lele sítí 'ngú aní amene e li ma-a ngae. ¹⁵ Lila di límú ka aní malila, anga aní ngagu nasuno gba ní-e kpekpeke.

¹⁶ Nedhinga ma akpokpo 'ngú gba ma-a lie bhútsibhútsi na bini kala okpála nakodho 'ngú-o, kpála bini teteke ma de. Ndú uo hana a'o ká ma. Ebhe mbu li uo tété. ¹⁷ Engú bini, Ngámá ateteke ma ngae, aní aha angu múma ngubula me ma kpokpo eli gba ní-e ndjindji. Ndú omupagano hana inde adú oo adje. Aní atsia agbegbe ma sakpa kuo. ¹⁸ Ngámá agbégbé matá ma sakpa ndú egú li okpála ngagu ma ne e hana, aní tsia tó ma bhú Nau gba e na abhúlá-o. A ayo me u dhègo Ngámá duduma ne duduma! A adú moko.

Oeli na soso

¹⁹ Pa pí Pilisila ne Akuila, a la di-e piga gba Onesifole me ma yi uo mayi. ²⁰ Elásite atigala bhú gudhú na Kolito. Ma a'o ká Tolofime bhú gudhú na Milete, anga adú li aní ne kuo. ²¹ Mene ne kpéke me mú go ei

kala nedhinga na zini. Ebulosi, ne Pudene, ne Line ne uo ne Kolodia, a la di-e ondaise ní inde ei-e hana apa me o yi mú mayi.

²² Ngámá dú ne mú. A ayo me, bádha bhú 'bu gba Ebhe-e dú ne yi.

Balua gba Polo pi Tito Eli na kalanu

Tito inde akolo nani kpála na kulu bhú dabili bini ne Polo, ani atsia adu di ateteke ani bhú kulu gba e na Ebhe inde ani adu adholo ne e, ani adu nani mupagano inde adji bua e, ani atsia aziba Kilisito . Polo aye balua inde pi Tito, makombi inde adu ateteke ani bhú Dadjua gba Ebhe na Kelete-o. Polo a'o nani ká ani oo ngubula natsia 'kpi li kulu na Dadjua gba Ebhe ango-o. Ngbengbe 'ngú bhú balua inde bata.

Engú na kalanu u aye bhú balua inde-e, ko nasuno pi Tito dasundu inde a ayo me obhelesi okpála na Dadjua gba Ebhe du ne e, adu kpi ne bhe na sisiti inde li okpála na Kelete nde ne e ko. Pipita-a, Polo ngaha líli pi Tito me ani du musuno pi limbi okpála ngangá na Dadjua gba Ebhe-o. Limbi okpála maka: obhosi na bhelesibhelesi, omakombise, obalise ne olisi bhe na bhelesibhelesi (inde a ayo me u ha líli pi otsalisi). Li soso-o, Polo ngaha líli pi Tito pindji lele nadholo gba makilisito, ne nadu ne mukunda, ne nadu ne guo 'ngú ngubula nakpe yala, ne nakpe tolo, a la di na gbogbo bhusu bhú Piga gba Ebhe.

Ongbengbe ongu inde bhú bhuku inde- e ngae inde:

Eli na kalanu 1:1-4

Obhelesi okpála na Piga gba Ebhe 1:5-16

Engú a ayo me limbi okpála mene e bhú Piga gba Ebhe 2:1-15

Naha líli gba Ebhe ne napa me kpála du ne nalila li e 3:1-11

Eli na soso 3:12-15

Polo yi Tito mayi

¹ Ma aye balua inde-e ngama Polo, bali gba Ebhe, la di bhulu titima gba YesuKilisito . Ebhe aha kulu napana kpadji na nabhuka pi okpála inde ani abhu o-o mama ngubula me u bhuka ni, amba u ke di mboli kukulu nasuno inde ati ne mukobho inde ngadhege ani-o. ² Abhomu-o, u ti da nadu ne 'to o me o osia mukobho na duduma masia. Ebhe inde i papa eu de-e, apana nani mukobho ango-o pi omaha e bhutode kala me ani bho kokpi ne doto. ³ Nedhinga inde li Ebhe a'o e akolo lie, Ebhe, Mukobho gba ní-e amene me omaha ni mbila 'li ni li kpadji nakpokpo Bádha Ngali . A bhomu-o kulu inde ani aha líli me ma mene e-o.

⁴ Ma ngaye balua inde-e pi mu Tito. Mu maka kukulu ndili gba ma bhú 'bu nabhuka inde ngakpetse ní ko. A ayo me

bádha bhú 'bu ne guo 'ngú gba 'Dyi ní Ebhe, di ne Yesu Kilisito Mukobho gba ní-e du ne mu bhú dabili bini.

Lele mukobho gba obhelesi okpála na Piga gba Ebhe

⁵ Ma a'o ka mu bhú kpome na Kelete, amba mu ndjia naleke ndu 'ngú hana inde atigala-o. A ayo me mu bhú obhelesi okpála na Piga gba Ebhe-e bhú ndu gudhu hana bini ne bini nakpata olili nako ma aha e pi mu-o moko me, ⁶ a ayo de me u u bhele kpála na Piga gba Ebhe-e ne siti 'ngú-o de. Ani du ne koli olo bini. A ayo me ongisi gba ani-e du omabhuka . U amene engú bini de inde u 'i uo ka e me, a ko ongisi na sisiti, di ne me, a ko ongisi na ndjondjo.

⁷ Bhele kpála na Piga gba Ebhe-e ngalila kulu gba Ebhe-e ngae. Kaka-a, a ayo de me u u ani ne siti 'ngú-o de. A adu kpála na 'ngbé 'ndji de. Ani adu nake 'ngú lie má gala de. Ani ahá lie pi pandi de. A adu bhulu naga gbele de. Ani adu nagili tia li siti kpadji de. ⁸ Engú bini, ani du nasia ogomago ndjindji. Ani kunda bádha 'ngú. Ani du nabhundja 'ngú ndjindji. Ani du ngbingbili. Ani du bubu kala okpála di ne kala Ebhe. Ani du kpála naholo bua e ka 'ngú maholo. ⁹ A ayo me ani gbite lie kpekpeke li Eli na kukulu inde ati ne engú inde ní asuno e pi ani-o. Abhomu-o, ani tí da nato masi bhú okpála koko ne nasuno na ngbingbili-o. Ani tsia tí la di da nasuno pi okpála inde nga'o bhayiki li nasuno gba ani-e me uo li pulu kpadji.

Polo agbele 'dje Tito pindji nasuno na eu

¹⁰ Okpála bhelé ne kpéke 'ndji, a ane la mane bhú ká okpála inde ngasuno me a ayo me omakilisito kpata líli gba omaYuda li kpadji nali gandja-o . U ngapite okpála koko, u di ngapa ongu na padhá padhá. ¹¹ A ayo nagbite 'bhe uo, anga u ngangbingi 'ndji opiga libhomu ne nasuno ongu inde a ayo nasuno e de, ngubula nasia tia li siti kpadji.

¹² Suka kpála bini na kpome na Kelete-e, adu nani bhulu imbilangu. Ani apa nani ne 'bhe e me: «Okpála na Kelete-e, a ko odidili obhulu eu, uo maka onu na 'gu. A ko obhulu ipio, u ngabundja bha bini bula 'ngú na 'zu.» ¹³ Engú inde ani apa e bhomu-o, a ko kukulu 'ngú. Kaka-a, mbe bhú 'ndji uo tété kpekpeke, ngubula me u lu kpekpeke bhú nabhuka, ¹⁴ u a'o la di 'ndji o li ongu na padhá padhá inde li omaYuda ngagbe e bhú 'ndji o de. U adu di namene líli gba okpála bhende ngayala kukulu 'ngú-o de. ¹⁵ Pi okpála bhende kala Ebhe bubu-o, ndu 'he hana bhadi bubu. La-a, pi okpála bhende kala Ebhe bubu

ade-e, inde ayala nabhuka-a, ehe bini pi uo bubu belega ade bini. Padhá de, anga imbilangu di ne bua nakpokpo kú 'ngú gba uo-o asiti. ¹⁶ U ngapa me, o mbila Ebhe hana, engú bini ongú inde u ngamene e ngasuno me u mbila ani de. Engú inde u ngamene e nga li okpála de, a nga la di li Ebhe de. A ko okpála na kpekpeke 'ndji. Uo la di ne angu namene bádha 'ngú belega ade bini.

2

Polo aha líli pi omabhuka

¹ Engú bini, ngamu Tito-o, pa engú inde ati ne nasuno na ngbingbili-o. ² Pa pi obhosi bhende na gbegegbe-e me, u dú naholo bua o ka 'ngú maholo. U dú ne okpála inde u ngamanga o mamanga. U dú nabhundja 'ngú ndjindji. U lu la di ne angu bhú nabhuka, ne mukunda, di ne 'ndjá bua. ³ Ha di líli pi olisi bhe na obhelesibhelesi-o. Pa pi uo me mukobho gba uo-o dú bubu kala Ebhe. U adú napa osisiti 'ngú li okpála koko de. La di-e, u adú obalise na pandi de. A ayo me u suno pi okpála koko ongú na ndjindji. ⁴ U mene mo-o, i tsia súno pi otsalisi me, u dú ne mukunda pi obhosi gba o, di ne pi ongisi gba o, ⁵ u dú nabhundja 'ngú ndjindji, u adú akunda obhosi ngangá de, u 'o 'to o 'to piga gba o, u dú ndjindji. U mene la di olíli gba obhosi gba o makpe, ngubula me kpála bini asóbho eli gba Ebhe-e de.

⁶ Ha di líli pi omakombise me, u dú namene ndú 'ngú hana li lelele. ⁷ Ngamu makpe-e, a ayo me mu suno bhú okulu gba mu-o ongú na ndjindji, inde li okpála tí da nakpata nganda e. A ayo me nasuno gba mu-o dú ngbingbili, amba adú di bhe li okpála tí da namanga e. ⁸ A ayo me 'li mu dú ngbingbili, eli inde li okpála tí da naboyo e de, amba obhulu yala gba ní-e asia engú na sisiti napapa li ní de. Abhomu-o, u tsia djé numu na paká paká.

⁹ A ayo me, obalise mene líli gba omakulasi o bhú ndú 'ngú hana. A ayo me u dú amene engú inde anga li omakulasi o. U adú adjidji 'ngú sa 'li uo de. ¹⁰ U azi 'he gba omakulasi o de. Engú bini, u dú ndú 'kpí hana ngbingbili li pápá gba uo-o. U mene mo-o, li okpála tsia ú me nasuno inde pindji Ebhe, Mukobho gba ní-e ndjindji ka nau lele maka u ngakobho lie-o.

Yesu akunda me ní dú piga gba ní

¹¹ A moko, Ebhe asuno bádha bhú 'bu gba e inde ngakobho ndú okpála hana bhú siti 'ngú-o asuno. I dú kaka de-e, kpála bini de kóbho de. ¹² Bádha bhú 'bu angoo ngasuno pi ní nayala siti 'ngú. A la di ngasuno pi ní nayala ogumu ongú na doto,

amba nedhinga ní nde nga lie pí doto inde-e, a ayo me ní dú nabhundja 'ngú ndjindji, ní dú namene engú inde ngbingbili, di ne bhende nganga li Ebhe manga. ¹³ Ní dú namene moko ngubula nadjeke ekpí na djali inde ní nga'o 'to ní 'to e-o. Li 'kpí angoo, Yesu Kilisito inde Ebhe gba ní na ngbéngbé, di ne Mukobho gba ní-e, agie lie píla doto bhú sangu gba e ko. ¹⁴ Aní aha mukobho gba e makpe pi ní ngubula nagbegbe ní bhú ndú osisiti 'ngú hana. Aní abhu ní me ní kolo piga gba ní makpe, piga inde bubu kala ní-o, amba ní dú piga inde abedhe ne gumu namene babadha 'ngú.

¹⁵ A bhomu-o engú inde ayo me mu suno e ne angu mu hana, nedhinga inde mu ngato masi lie bhú okpála inde ngadje mu, di ne nedhinga inde mu ngambe lie bhú 'ndji obhende i dje mu de ko. Mo oká kpadji pi kpála bini de me ani u mu padhá-a de.

3

Lele nadu ka omabhuka bhú ká omupagano

¹ Bhundja pi ndú omabhuka hana me, a ayo me u manga ongámási, di ne okpála bhende ngau pí 'ndji uo-o. A ayo me u mene líli gba uo-o, amba u dú bedhe ngú namene ndú ongú na babadha hana. ² A ayo de me u di kpála-a de. U adú obhulu gbele de. A ayo me u dú okpála na guo 'ngú. A ayo me u dú ndú 'kpí hana ne bhuku bua pi ndú okpála hana. ³ Padhá de, anga ngani di-e, ní adú nani ongingi. Ní adú nani okpála na kpekpeke 'ndji. Ní adú nani li pulu kpadji. Ondú ngangá gumu 'he, di ne oehe nanga li ní manga a'o nani ní obalise. Mukobho gba ní-e adú nani sisiti. Ní abedhe di nani ne ogumu 'he bedhe. Ní adú ayala okpála koko, u atsia adú di ayala ní.

⁴ Engú bini, nedhinga li Ebhe, Mukobho gba ní-e asuno bádha 'ngú di ne mukunda gba e lie pi okpála-a, ⁵ ani atsia akobho ní. Aní kobho ní ka ongú na ngbingbili inde ní amene e-e de. Engú bini, ani akobho ní ka ani adje ndjinga ní lie ko. Aní akobho ní li kpadji naha Bu Bhobua pi ní. Bu Bhobua angoo a'e osisiti 'ngú gba ní-o, ani atsia aha mukobho na mbia pi ní, ne lele nadu na mbia. ⁶ Ebhe atuko Bu Bhobua angoo pi ní bhelé li kpadji na okulu inde li Yesu Kilisito, Mukobho gba ní-e amene e ko. ⁷ Abhomu-o, Ebhe atsia amene me ní kolo ngbingbili ka bádha bhú 'bu gba ní ko, amba ní tí la di da nasia mukobho na duduma, inde ní nde ne 'to ní 'to e-o. ⁸ Eli bhomu-o, a ko eli na kakulu. Ma akunda la di me, mu lu pépé kpekpeke, amba okpála hana inde abhuka Ebhe-e,

ha lio ngú namene ongú na babadha. A bhomu-o engú inde ndjindji, inde di ne tata pi ndu okpála hana ko.

⁹ Engú bini, mo odú namene obhayiki na ngingi de. Mo odú namene kpekebhe li nakpokpo ndjándjá kpokpodumu de. Mo odú namene otolo di ne bhayiki pindji lili gba Moidje-e de. Padhá de, anga ndu ongú bhomu-o hana padhá, tata la di tété ade.

¹⁰ Mbe bhú 'ndji bhulu nagbogbo bhasu omabhuka bhatsibhatsi na bini, mu mbe bhú 'ndji ani bhatsibhatsi na bhisi, amba pipita ani dje mu de-e, mu de gbe ani bhú ká uo magbe. ¹¹ Mu mbila ndjindji me, ngua kpála bhomu-o ayie li ngbili kpadji ayie. Ani atsia a'o lie bhú mangimbo ngae makpe, ka ani azi 'ndji e lie bhú namene siti 'ngú-o.

Polo aha olili na soso pi Tito

¹² Ma ngatima Alatemasi pi mu. I du ani de-e, li ma atima Tisike. Nedhinga ani akólo lie, mu de mene ne kpeke ngú nago nabhaka ma bhú gadhu na Nikopolisi. Padhá de, anga ma apa me nedhinga na zini-e ané ma me, ma nde oo ko. ¹³ Tsia 'kpí li 'ngú na dhaku gba avuka Djenasi, ngauo ne Apolosi-e ndjindji, amba u adú bhú ndibhili 'he bini de. ¹⁴ A ayo di me okpála gba ní-e mbila lio ne namene ongú na babadha ngubula me u du ne oehé ngubula nateteke okpála inde ne gugumu-o ne di. U mene mo-o, kulu gba uo-o tsia zú nguwa.

¹⁵ Ndu okpála hana inde bhú dabili bini ne ma-a apa me, o yi mu mayi. Pa pi ondaise ní na mukunda, inde ní nde ne o bhú 'bu nabhuka me, ya yi uo mayi. A ayo me, Ebhe tuko bisagu pi ndu yi hana!

Balua gba Polo pi Filemo Eli na kalanu

Filemo nani ne makilisito na kpekpeke, a mana me a ko nani suka okpála na Dadjua gba Ebhe na Kolosai. La die, adu nani ka ani ne bali bini inde adu 'li e me Onedjime. Bali angoo-o, akpe nani makula e, ani anu au li e ne Polo me ani nde bhú tikpu. Ani adje Bádha Ngali gba Kilisito ka Polo, ani atsia akolo makilisito. Abhomu-o, Polo atsia aye balua pi Filemo ne nayo ka ani me, a ayo me u dje lio ne bali gba e-o. Polo atsia atima Onedjime agba Filemo ne nakikiliki li e pi Filemo me, ani sia ani ne bádha bua, ani asia bha ani maka bali inde u ambu li e de. Engú bini, ani sia ani maka ndai e inde makilisito.

Ongbengbe ongú inde bhú bhuku inde- e ngae inde:

Eli na kalanu 1-3

Napa 'ngú ndjindji li kute Filemo 4-7

Nakikiliki lie ngubula Onedjime 8-22

Eli na soso 23-25

Polo ne Timoté yi Filemo ne obi e mayi

¹ Ma aye balua inde-e pi mu ngama Polo. Ngama-a, ma bhú tikpu kabula 'li Yesu Kilisito. Ya aye pi mu ngaya bhú dabili bini ne ndai ní na mukunda Timoté. Ya aye pi mu ndai ya Filemo, ngamu kpála inde ngakpokpo Bádha Ngali bhú dabili bini ne ya-o. ² Ya aye di balua angoo-o pi ndai ní na eelə Apia, ne pi Alisipe inde ngagu gbele bhú dabili bini ne ní-o. Ya aye di pi ondaise ní inde ayoyo Ebhe bhú 'ti gba mu-o. ³ A ayo me Ebhe 'Dyi ní, bhú dabili bini ne Ngámá Yesu Kilisito suno bádha bhú 'bu pi yi, amba u ha di guo 'ngú pi yi.

Polo agie heni pi Ebhe ngubula Filemo, ani atsia ayo di Ebhe pi ani

⁴ Ndu nedhinga hana ma ngayo Ebhe lie, ma ngabundja mu Filemo. Ma la di ngagie heni pi ani ngubula mu ndu 'kpi hana. ⁵ Padhá de, anga ma ngadje me mu ne mukunda naali pi ndu omabhuka hana, mu la di ne nabhuka bhú Ngámá Yesu. ⁶ Ma ngayo Ebhe ngubula me nabhuka inde ní akpetse liní ne mu bhú e, zu obabadha nguwa, amba mu ke mboli obabadha ndu 'ngú hana inde li Ebhe aha e pi ní-e má kpulukutu! Li mu mene mo-o, ndu okpála hana dhégo Kilisito. ⁷ Nda ma, mukunda mu nde ne e pi ondaise ní-e aha djali muma naali, atsia ato di masi bhú ma, anga mo oko bua omabhuka koko-o.

Polo ayo ka Filemo me ani sia Onezime ndjindji

⁸ Kaka-a, abana ma nde lie ne angu nayo 'he ka mu maka li bua ma akunda lie bhú 'bu nabhuka ní nde ne mu bhú e, ⁹ ma ayó ka mu mo-o de. La-a, ma ayó mangbo 'he ka mu kabula mukunda ní nde ne mu bhú e ko. Ma ngapa 'ngú bhomu pi mu ngama bhele kpála Polo, ma la di mbia inde-e bhú tikpu kabula Yesu Kilisito. ¹⁰ Ma ngakikiliki lima pi mu ngubula Onezime, ndili gba ma bhú 'bu nabhuka. Ani abhuka Yesu sa 'kpa ma ei, nedhinga ma nde lie bhú tikpu-o. Kaka-a, ani maka ndili gba ma, ma maka 'dyi ani. ¹¹ Nako kalanu-o, ani du pi mu li kulu bini de, engú bini mbia inde-e, ani akolo pi ndu ní bhisi hana li kulu.

¹² Ngaani-e, a ko kpákpá na bua ma. Mbia inde-e, ma ngagie ani pi mu. ¹³ Ma nde lie bhú tikpu ei kabula Bádha Ngali-e, bua ma apa muma me ani du de ma si ngú nateteke ma mada mu. ¹⁴ Engú bini, ma kunda nako namene mo-o padhá de me mu nde ziba de-e de. Padhá de, anga ma kunda nagbite mu li namene mo-o ne ekpu de. Ma akunda mangbo me mu mene engú angoo-o ne bádha bua.

¹⁵ Nedhinga koko-o, Ebhe amene me Onezime nu li bili koko ngubula nedhinga bedi, amba pipita-a, ani gie lie agba mu, ngú nadu ne mu bhú dabili bini ndu 'kpi hana. ¹⁶ Padhá de, anga mbia inde-e, a ko matá bali de, engú bini ani ane bali mane. A ko ndai ní na mukunda. Ngama Polo-o, ma kunda ani naali. La ngamu-o, mukunda gba mu pi ani-e ané la matá mane, anga a ko kpála-kuti, a ko la di ndai mu makilisito.

¹⁷ Kaka-a, i du me mu nde ngau ma maka ndai mu-o, mu de sia ani mugito me mo osia ma makpe. ¹⁸ Li ani mene mu sिति-e, i du di me ani nde ne bopulu nagigie pi mu-o, ma agie pi mu ngama. ¹⁹ Ngama Polo-o, ma aye pi mu ne 'kpa ma makpe me: «Ma agie pi mu ngama.» La-a, mu ti da nayo ehe bini li ma de, anga mukobho na duduma inde mo osia e-e, mo odje 'ngú angoo-o ka ma. ²⁰ A moko ndai ma, mene engú bhomu-o muma kabula mukunda gba Ngámá gba ní-o. Teteke bua ma, anga ní akpetse liní bhú 'bu Kilisito.

²¹ Nedhinga ma ngaye balua inde-e pi mu lie, ma aziba na paká me mo oméne engú ma ngayo e ka mu-o mamene. Ma ambila la di me mo oméne belegu ané bhende ma ngayo e ka mu-o mane. ²² Nedhinga inde mo osia Onezime lie agba mu-o, mu de leke di dabili muma ngú nasi ka ma tété. Padhá de, anga ma abhundja me Ebhe asuno bádha bhú 'bu bhú mayo gba yi-e masuno. Ani tsia bhulu kpadji muma me ma kolo li yi oo ko.

Oeli na soso

²³ Epafalasi, inde bhú tikpu bhú dabili bini ne ma kabula Yesu Kilisito-o yi ma mayi. ²⁴ Maloko, ne Alisitaluka, ne Demasi di ne Luka nda uo hana ngamene kulu ne ma bhú dabili bini. U apa di me o yi ma mayi. ²⁵ A ayo me bádha bhú 'bu gba Ngámá gba ní Yesu Kilisito-o da ne yi.

Balua u aye e pi omaEbele Eli na kalanu

Balua inde u aye nani e pi omaEbele, u aye nani pi limbi omakilisito inde akolo masakpe de na'o ká nabhuka gba o bhú Kilisito ka nato mbolo li uo adu anu bha ne kalanu-o. Kpála inde aye balua angoo, adu ato masi bhú uo ane mane bhú nabhuka ne nasuno pi uo me, Yesu Kilisito ne polofeta na káku, a ko la di polofeta na soso inde li Ebhe apana lie bhú e pi okpála gba e-o.

Bhú 'ngú na Ebhe gba omaYuda-a, odimande adu amene mayo ne natsulu onu ngubula me Ebhe mbu li siti 'ngú gba okpála. Engú inde u adu amene bhomu-o, adu kulu Yesu inde Ndili na duduma gba Ebhe, inde aha lie ngae makpe maka enu inde natsulu matsulu. Kaka-a, Ebhe a'o ani ngbéngbé ane opolofeta, ane oandjelu, ane Moidje ngae makpe, Ebhe atsia pa me a ko dimande na duduma. Li pápá gba ani-e, ndu omabhuka hana asia mukobho li tsulu u adu ne e li pápá na siti 'ngú gba o ne li pápá na kuo.

Ongbenge ongu inde bhú bhuku inde e ngae inde:

Eli na kalanu: Ebhe ngasuno li e mbámbá bhú Kilisito 1:1-3

Kilisito ngbéngbé ane opolofeta, ane oandjelu, ane Moidje, ane Djodjue, ane odimande, ane gandja a la di-e makiso 1:4 - 10:39

Engú na ngbéngbé a ko nabhuka 11:1 - 12:29

Nanga li Ebhe 13:1-19

Mayo na soso 13:20-21

Eli na soso 13:22-25

Yesu Kilisito ne Ndili gba Ebhe makpe

¹ Nani kalanu-o, Ebhe akpokpo 'ngú pi onguo ogbi ní bhatsibhatsi di ne li okpadji bhelé bhú 'li opolofeta . ² La bhú oekpi na soso inde-e, ani akpokpo 'ngú pi ní bhú 'li Ndili gba e inde ani a'o e ngámá pí 'ndji ndu 'he hana, di u abho nani ndu 'he hana bhú dabili bini ne e-o. ³ Ani aha bha 'Dyi e hana, kaka-a, kpála bhende au sangu gba Ndili-e au bhomu-o sangu gba Ebhe makpe. Ani abi ndu 'he hana ne 'li e na angu-o. Pita ani agbegbe okpála lie bhú siti 'ngú gba o-o, ani atsia atapa abhú lá ngu nadu li bili na ngámá li pá 'kpa na kokpa gba Ebhe Angbamili.

† 1:5 1:5 Tsia bhú Ets. 2:7. † 1:5 1:5 Tsia bhú 2 Sam. 7:14. † 1:6 1:6 Tsia bhú Det. 32:43. † 1:7 1:7 Tsia bhú Ets. 104:4. † 1:9 1:9 Tsia bhú Ets. 45:7-8. † 1:12 1:12 Tsia bhú Ets. 102:26, 28. † 1:13 1:13 Tsia bhú Ets. 110:1.

Ndili gba Ebhe-e ane oandjelu mane

⁴ Ndili gba Ebhe-e ane oandjelu mane, kaka Ebhe agsila 'li li ani inde ane bhende gba uo-o mane.

⁵ Padhá de, anga Ebhe pa nga pi andjelu bini de me:

«Ngamu-o, mu ne Ndili gba ma, naki inde-e, ma asuno 'ngú angoo mbámbá.» †

Ani pa di li 'ngú gba andjelu bini de me:

«Ma adu ne 'dyi ani, ani tsia du ne Ndili gba ma-o.» †

⁶ Li nedhinga li Ebhe adu natima gina Ndili gba e lie píla doto-o, ani apa me:

«A ayo me ndu oandjelu gba ma-a hana dhogé ani.» †

⁷ Ani atsia apa li 'ngú gba oandjelu-o me:

«Oandjelu gba ma-a ngamene kulu muma maka anvi, u ngateteke ma maka djua inde ngatsi matsi.» †

⁸ La-a, ani atsia apa li 'ngú gba Ndili-e me:

«Mu ne Ebhe! Nau gba mu-o adu duduma ne duduma.

Mu ngau pí 'ndji okpála gba mu-o ne ngbili 'ngú .

⁹ Mu kunda ngbili 'ngú, mo oyala engú na sisiti.

Kaka-a, Ebhe gba mu-o, a'o mu kpi pi e,

ani abhu mu bhú ká obi mu, ani atsia atuko emu na djali pí 'ndji mu.» †

¹⁰ Ebhe atsia apa matá me:

«Ngámá, mo obho doto nayie li lilita ngamu, kokpi ne nganda 'kpa mu.

¹¹ Ndu 'ngú bhomu-o hana angita mangita, la ngamu-o, mo otigala matigala.

Ndudu hana akádha maka bongo .

¹² Mo onunu uo maka u anunu koti lie, u tsia yipa di maka li bongo ayiyipa lie.

La ngamu-o, mu yiyipa de, kalanga gba mu-o ndjia la di-i de.» †

¹³ Ebhe pa nga belegu pi andjelu bini de me:

«Ngamu-o, go du kuto li pa 'kpa ma na kokpa,

ma abu obhulu yala gba mu-o dabili na sa 'dhu mu.» †

¹⁴ Oandjelu bha ne obua inde ngamene kulu pi Ebhe. Ani ngatima uo me u nu nateteke okpála inde ayo me u sia mukobho-o.

2

Mukobho inde u akpokpo 'ngú na e-e, a ko kukulu mukobho

¹ Kaka-a, a ayo me ní gbite liní kpekpeke li kukulu 'ngú inde ní adje e-o, amba ní ambú li kpadji-e de. ² Engú inde li Ebhe akpokpo e bhú 'li oandjelu-o, asuno lie me a ko kukulu 'ngú. Okpála bhende i lila eli ango-o de-e, inde agumu líli-e, u asia ke 'ngú inde ati ne uo-o. ³ La ngraní-e, ní ti da naneke ke 'ngú-o lele pí, i dú me ní nde 'o 'to ní 'to kukulu mukobho-o de-e? Ngámá ngae makpe akpokpo 'ngú na mukobho ango-o kalanu ngae. Pipita-a, okpála bhende adje-e atsia apa pí ní me a ko kukulu 'ngú. ⁴ Abhomu-o, Ebhe atsia asuno me engú u akpokpo e-e, a ko kukulu 'ngú ne ongú na ngangamba, di ne ndu okiaka 'ngú hana. Ebhe apana ongú ango-o bhú naha Bu Bhobua maka aní akunda lie-o.

Yesu akpi ngubula nakobho ndu okpála hana

⁵ Ebhe ha angu pí oandjelu ngú nako pí doto inde ngago ya ngakpokpo 'ngú na e inde-e de. ⁶ Engú bini, bhú Bhuku gba Ebhe-e, kpála bini apa me:

«Kpála-kuti ne da, ngubula me mu bhundja engú gba aní-e?

Ndili gba kpála-kuti ne da me mo 'o 'to mu 'to aní-e?

⁷ Mo o'o nani aní sa oandjelu ngubula nedhinga bedi.

Mo otsia ato ndata na asasaua ne mazima bhú 'he aní.

⁸ Mo otsia a'o ndu 'he hana sa aní.†» Ebhe a'o nani kpála-kuti ngámá pí 'ndji ndu 'he hana. A kunda napa me, aní 'o nani ehe bini de me aneke nadu sa aní-e de. La mbia inde-e, ní u de me kpála ne ngámá pí 'ndji ndu 'he hana-a de.† ⁹ Engú bini, ní ngau me Yesu adu nani sa oandjelu ngubula nedhinga bedi, amba ka báda bhú 'bu gba Ebhe-e, aní ti da nakpi pí ndu okpála hana. Ní ngau mbia inde-e me, aní adyi ndata na asasaua ne mazima, anga aní asia nani likabhu bhú nakpi ka e. ¹⁰ Padhá de, anga Ebhe abho ndu 'he hana ngae, ndu 'he hana la di ne naani. Aní akunda me ongisi gba ní-e bhelé sia di sangu gba ní-o. † nde lie me Yesu Kilisito ngasuno kpadji na mukobho pí uo ngae, a ayo nani me aní dú bedhe hana li kpadji nazu likabhu.

¹¹ Yesu ngagbegbe okpála bhú siti 'ngú gba o-o ngae. La di-e, 'dyi ndu okpála hana inde aní agbegbe o bhú siti 'ngú-o bha bini.

Kaka-a, numu li aní ade ngú na'i uo me ondaise ní. ¹² Aní apa pí Ebhe me:

«Ho Ebhe! Ma apa engú gba mu-o pí ondaise ma.

Ma atóko mu kala ndu okpála hana.†»

¹³ Aní apa di me:

«Ma a'ó nabhuka gba ma-a bhú Ebhe†.»

La di me:

«Tsia ya bhú dabili bini ne ongisi inde li Ebhe aha o mama-o.†»

¹⁴ La di-e, ongisi gba Ebhe-e, a ko okpála-kuti inde bhú kute, a la di bhú uo ne ngute. Yesu ngae makpe akolo bhadi maka uo, aní asia di kute ne ngute maka uo. Abhomu-o, bhú nakpi ka aní-e, aní atsia aha angu djabulu inde li angu na kuo nde ka e-o. ¹⁵ Yesu amene di mo-o ngubula nakobho okpála inde akolo maka obalise gba kuo bhú mukobho gba o libhomu.

¹⁶ Padhá de, anga a na paká me aní go nani nateteke oandjelu de. Engú bini, aní ago mangbo ngú nateteke piga gba Abalahama. ¹⁷ Kaka-a, a ayo nani me aní kolo bhú ndu 'ngú hana maka ondaise e, amba aní dú 'ngbé dimandé. A ayo nani me aní kolo 'ngbé dimandé inde abedhe ne ndjinga, inde di ngamene kulu gba Ebhe-e li lelele, ngubula mambu na siti 'ngú gba okpála-o. ¹⁸ Mbía inde-e, aní ti da nateteke okpála inde ngali bhú nale-o, anga ngaani makpe-e, aní apu bhú nale, aní atsia azu di likabhu.

3

Yesu ane Moidje mane

¹ Kaka-a, ondaise ma omakilisito, ngayi okpála inde li Ebhe a'i o-o, yi 'o mabhundja gba yi-e pí Yesu. Padhá de, anga Ebhe atima aní ngubula me aní dú bhułu titima di ne 'ngbé dimandé gba ní-o, ní atsia abhuka la bhadi ka aní. ² Aní amene kulu kala Ebhe inde abhu aní ngú kulu ango-o ndjindji. Aní amene kulu ango-o li lelele maka li Moidje amene nani lie bhú Piga gba Ebhe-e libhomu-o.† ³ Kpála inde ayiki eti-e, sisia nadhogé nane eti inde aní ayiki e-o. A moko, a ayo me u dhogé Yesu nane Moidje mane. ⁴ Ayiyiki eti hana ne kpála bini. La-a, kpála inde abho ndu 'he han-a ne Ebhe. ⁵ Moidje ngae makpe amene nani kulu li lelele bhú Piga gba Ebhe-e libhomu. Aní adu nani kpála na kulu inde adu nakpokpo 'ngú li Ebhe adu nakunda napa e sidi-o. ⁶ Engú bini, Kilisito ne Ndili inde ngamene kulu li lelele. Aní maka nepanda li Ebhe a'o e li eti gba e-o. Eti ango-o, a ko ní, i dú me ní nde abhuka na paká paká, i dú la di me ní nde ne gindaginda li 'ngú ní nga'o 'to ní 'to e-o.

† 2:8 2:8 Tsia bhú Ets. 8:5-7. † 2:8 2:8 Tsia bhú Ets. 8:5-7. † 2:12 2:12 Tsia bhú Ets. 22:23. † 2:13 2:13 Tsia bhú Isa. 8:17. † 2:13 2:13 Tsia bhú Isa. 8:18. † 3:2 3:2 Tsia bhú Nom. 12:7.

Bili naguo inde li Ebhe aleke e pi okpála inde ngamanga ani-o

⁷ Kaka-a, a maka li Bu Bhobua apa lie me:

«f dũ me yi nde adje 'li Ebhe naki inde-e, ⁸ yi agbite bua yi de,

maka yi agbe nani kpéke 'ndji lie li ani, ekpí inde yi ale ani lie abhú mili bili-o.

⁹ Bhú 'gu oo, onguo ogbi yi ale nani ma ngubula nambila 'ndjá bua gba ma-o,

abana u au ndũ 'ngú ma amene e, ngubula kalanga ndjikpa badha lie hana-o.

¹⁰ Kaka-a, bua ma atsia ake ne uo.

Abhomũ-o, ma atsia apa me:

«Uo ngadji 'ngbu o li ma ndũ nedhinga hana bhú mabhundja gba o.

U mbila engú inde ma akanda e pi uo-o belegu de bini.»

¹¹ Li bua ma ake lie, ma atsia atu silika me:

«U lí li bili ma aleke e ngú naguo pi uo-o belegu de bini!†»

¹² Ondaise ma, yi lila liyi ngubula me kpála bini bhú ká yi adũ ne siti bua de. Ani adũ di ne bua na nabhuka de-e de, inde nga'e okpála li kpadji gba Ebhe na mukobho-o. ¹³ Ani nga'i yi ndũ 'kpí hana. Ka 'ngú ang-o, li ekpí na naki inde li Bhuku ngapa 'ngú e nde nga bha ngabhue lie, yi teteke liyi sũnda yi nedhinga yi ngadje e'i ang-o lie-o. f dũ mo-o, siti 'ngú pite yi de, kpála bini bhú ka yi yála la di namanga Ebhe de. ¹⁴ Padhá de, anga ní ne okpála gba Kilisito, i dũ me ní nde alila nabhuka inde ní asia nani e li lilita kpekpeke akolo ali soso-o.

¹⁵ Bhuku gba Ebhe-e apa me:

«f dũ me yi nde adje 'li Ebhe naki inde-e, yi agbite bua yi de, maka yi agbe nani kpéke 'ndji lie li ani-o.†»

¹⁶ La-a, a ko okpála bhedho inde adje 'li Ebhe, atsia agbe nani kpéke 'ndji li ani-e? A ko ndũ okpála hana inde li Moidje agbe o bhú Edjipeto-o. ¹⁷ La-a, Ebhe ake 'ngú lie pi oda ngubula kalanga ndjikpa badha-a? Ani ake 'ngú lie pi okpála inde amene siti 'ngú, u atsia amu abhú 'gu. ¹⁸ Ebhe atu nani silika me: «U lí li bili ma aleke e ngú naguo pi uo-o belegu de bini.†» Ani atu nani pi oda? Ani atu pi okpála inde agbe nani kpéke 'ndji li ani-o. ¹⁹ Ní au me, u li nani li bili naguo bhomũ-o de, anga u bhuka nani-i de.

4

¹ Ebhe apa nani me ní alí li bili naguo inde ni aleke e mali. Kaka-a, 'e-e! Yi lila

liyi, amba kpála bini bhú ka yi anéke nali li bili ang-o de. ² Ní asia eli gba Ebhe-e bhadi maka okpála bhende adũ nani abhũ 'gu-o. La-a, u sia eli ang-o ne tata de. Padhá de, anga li u adje eli ang-o lie, u sia ne nabhuka de. ³ Ngani okpála bhende abhuka-a, ní alí li bili naguo bhomũ-o mali, li Ebhe apa 'ngú e me:

«Li bua ma ake lie,

ma atsia atu silika me:

«U lí li bili inde ma aleke e

pi uo ngú naguo belegu de bini!†»

Abhomũ-o, kulu gba ni-e atsia andjia nayie li ani abho doto lie-o. ⁴ Padhá de, anga bhú Bhuku gba Ebhe-e, u apa pindji ekpí na mananika-a me: «Ebhe aguo bhú 'kpí na mananika, li ani amene ndũ kulu gba e lie hana-o.†» ⁵ Ebhe atsia apa matá di me: «U lí li bili inde ma aleke e pi uo ngú naguo belegu de bini.†»

⁶ Okpála bhende asia nani Bádha Ngali gba Ebhe-e kalanũ-o, li nani li bili naguo ang-o de. Padhá de, anga u ayala nani namene líli gba Ebhe. Abhomũ-o, Ebhe atsia ade kpadji pi okpála koko ngú nali li bili ang-o. ⁷ Kaka-a, Ebhe a'o matá ekpí koko, ekpí inde u a'i e me: «Naki inde.» Ani apa nani engú na ekpí ang-o sidi naali bhú 'li Davidi, bhú lukuluku inde u apa 'ngú li e kalanũ-o me:

«f dũ me yi nde adje 'li Ebhe naki inde-e, yi agbite bua yi de.†»

⁸ Padhá de, anga i dũ me Djodjue dhũku nani ne okpála li bili naguo ang-o, Ebhe de pa matá 'ngú na 'kpí koko naguo de. ⁹ Kaka-a, naguo maka ekpí naguo na mananika-a, atigala pi okpála gba Ebhe-o. ¹⁰ Padhá de, anga kpála bhende ali li bili naguo inde li Ebhe aleke e, ngaguo li okulu gba e maka li Ebhe aguo lie li obhe gba e-o. ¹¹ Kaka-a, ní mene ne kpéke me ní li li bili naguo ang-o. Ní mene me kpála bini bhú ká ní atí ka kpéke 'ndji de maka onguo ogbi ní inde adũ nani ne kpéke 'ndji-e, li lie li bili ang-o de-o.

¹² Padhá de, anga eli gba Ebhe-e bhú mukobho, a la di ne angu. A dhédhé ane mbotia inde u adyi 'te e ne pasũ bhisi hana. A adũdũ kpála, i tsia kólo makolo li bhobua ani. A ngadũ kpála akólo makolo li bili li biki di ne mbilika ake lio lie-o. Eli ang-o ngasuno engú inde awo lie li bua kpála ne bhende ani ngabhundja e-o. ¹³ Ehe bini nabho mabho inde awo lie kala Ebhe-e ade. Ndũ 'he hana inde ani abho e ngau lie mbámbá kala ani. La di-e, ní akpókpó ndũ 'ngú gba ní-e hana kala ani.

Yesu ne 'ngbé dimandũ gba Ebhe

† **3:11** 3:7-11 Tsia bhú Ets. 95:7-11. † **3:15** 3:15 Tsia bhú Ets. 95:7-8. † **3:18** 3:18 Tsia bhú Nom. 14:1-35; di ne bhú Ets. 95:11. † **4:3** 4:3 Tsia bhú Ets. 95:11. † **4:4** 4:4 Tsia bhú Dje. 2:2. † **4:5** 4:5 Tsia bhú Ets. 95:11. † **4:7** 4:7 Tsia bhú Ets. 95:7-8.

¹⁴ Kaka-a, ní lu kpekpeke bhú nabhuka inde ní ngakpokpo 'ngú na e-o. Padhá de, anga a ka ní ne 'ngbé dimandø na angu inde anu akolo makolo abhúla kala Ebhe. A ko Yesu, Ndili gba Ebhe. ¹⁵ 'Ngbé dimandø gba ní-e ne angu ngú nadje likabhu bhú dabili bini ne ní bhú bhuku gba ní-o. Aní alí bhú nale ne ndu kpadji hana maka ní, engú bini, ngaani-e, aní mene siti 'ngú belegu de bini. ¹⁶ Kaka-a, ní dyudyo líni de kiti na ngámá gba Ebhe-o, lí bíli na bádha bhú 'bu gba aní-o. Oo, ní asia mambu, aní tsia súno bádha bhú 'bu gba e pí ní ngubula nateteke ní bhú nedhinga ayo lie-o.

5

¹ U bhùbhù 'ngbé dimandø gba Ebhe-e bhú ká okpála ngubula me aní mene kulu gba Ebhe-e bhú ka uo. Aní tsutsulu enu maka makiso pí Ebhe ngubula siti 'ngú gba uo-o. ² 'Ngbé dimandø gba Ebhe-e ngae makpe di bhùbhuku. Kaka-a, aní ti da nadje ndjinga okpála inde lí imbilangu nde bhú 'ndji o ade, inde di ambu lí kpadji-o. ³ Lí 'ngbé dimandø gba Ebhe-e ngae makpe nde lie bhùbhuku-o, aní tsutsulu enu na makiso pí Ebhe bha bini ngubula siti 'ngú gba okpála de. Engú bini, aní tsutsulu di ngubula siti 'ngú gba e makpe. ⁴ Kpála bini tí da nato ndata na 'ngbé dimandø gba Ebhe-e bhú 'ndji e ngae makpe de. Kpála kokolo bha 'ngbé dimandø gba Ebhe-e me Ebhe nde a'í aní ngae, maka aní a'í nani Alona lie-o.

⁵ A bhadi pí Kilisito moko. Aní to nani ndata na 'ngbé dimandø gba Ebhe bhú 'ndji e ngae makpe de. Engú bini, Ebhe aha nani pí aní ngae, Ebhe atsia apa pí aní me:

«Ngamu-o, mu ne Ndili gba ma,
naye pí naki inde-e, ma ne 'Dyi mu.†»

⁶ Aní atsia apa di lí bíli koko me:

«Mu ne dimandø gba ma duduama ne
duduama,
maka Malekisedeke.†»

⁷ Nedhinga lí Yesu adu lie pála doto-o, aní adu nayo Ebhe di ne nakilikili lie pí aní ne nasusula kpekpeke la di ne ngula bhú djila e. Aní ayo Ebhe inde í tí da nani nakobho aní bhú kuo-o. Abhomu-o, Ebhe atsia adje aní, anga aní a'o nani lie ne kuto kala Ebhe. ⁸ Abana aní adu nani lie Ndili gba Ebhe-e, aní ambila lie ne namanga Ebhe bhú likabhu inde aní azu e-o. ⁹ Pita aní andjia kulu gba e lie hana ndjindji kala Ebhe-e, aní atsia akolo kpongu na mukobho na duduama pí ndu okpála hana inde ngamanga aní-o. ¹⁰ A

moko, Ebhe a'o aní 'ngbé dimandø gba e maka Malekisedeke.

A ayo me yi bhele bhú nabhuka gba yi-o

¹¹ Ya ne engú bhelé napapa pindji 'ngú bhomu-o. Engú bini, da nambamba tata-a kpekpeke, anga yi tí da nakpokpo kúku má gala de. ¹² Yi adu nako ne nedhinga bhelé ngubula me yi kolo omusuno. Engú bini, yi matá ne gumu me u suno ongú na kalanu na eli gba Ebhe-e pí yi ne toto. Yi nga bha ne gumu nandji miliki bhú da nazu ezu na kpekpeke. ¹³ Padhá de, anga kpála bhende nga bha ngandji miliki-e ne ndili. Aní mbila nga nagbogbo bhusu bádha 'ngú ne siti 'ngú de. ¹⁴ La-a, ezu bhe na kpekpeke-e pí obhelesi okpála. A ko okpála inde ambila lío ne nagbogbo bhusu siti 'ngú di ne bádha 'ngú ka okulu inde u amene e-o.

6

¹ Kaka-a, ní kodho 'kpí lí nasuno bhende atí ne obhelesi okpála-o. Ní dji 'ngbu ní lí nasuno na lilita gba omakilisito. Ní a'ó matá 'dhu nasuno inde-e ne toto de: nadji bua o di ne na'ò okulu inde ngato kpála bhú kuo, ² nasuno pindji obatisimo di ne na'ò 'kpa o pí 'ndji kpála, nakpokpo 'ngú pindji nazuku ka okpála inde amu, di ne nakodho 'ngú na duduama. ³ A bhomu-o ongú inde a ayo me ní 'ò e-o, í du me Ebhe nde akunda-o.

⁴⁻⁶ Padhá de, anga engú gba okpála bhende ngagie lío bhú siti 'ngú gba o-o, lele pí? U asia nani zi 'ke gba Ebhe-e asia. U ale bádha 'ngú inde lí Ebhe ngaha e pí omaha e pí 'mi o. U atsia asia di Bu Bhobua bhú dabili bini ne okpála koko. U ambila ndjindji me eli gba Ebhe-e babadha. U ambila angu na doto inde ngago-o. Pipita-a, u atsia a'o ká nabhuka gba o-o! U tí da matá namene de me u dji bhobua o bhatsibhatsi na bhisi-e de. Padhá de, anga u ngagie matá Ndili gba Ebhe-e lí kulusi ne toto. U la di ngaka kpadji pí okpála me u du nasobho aní.

⁷ Lí doto du nandji ngubha inde ngadhi pépé ndu nedhinga hana-a, lí í du la di me a nde ngagbe ezu pí okpála inde alu edyi angu-o ndjindji-e, lí Ebhe túko bisangu pí doto angu-o. ⁸ La-a, í du me doto angu-o nde azu ulu na eti ne bhe na sisiti-e, tata dú tété de. Doto angu-o masikpe me Ebhe tu pedje tété. Pipita-a, u tsia bú bhú djua.

⁹ Abana ya pa mo-o, ondaise ma na mukunda, ya ambila ndjindji me yi lí bádha kpadji, kpadji na mukobho. ¹⁰ Ebhe ne kpála na ngbingbili. Aní 'lí 'to e lí kulu gba yi-e de. Aní 'lí la di 'to e lí mukunda yi asuno e pí aní lí kulu inde yi amene e, inde

la di yi matá ngamene e pi omakilisito koko de. ¹¹ Gumu gba ya-a me ndu yi hana bini ne bini, yi suno ngua mukunda bhomu-o nakolo makolo ali soso, ngubula me ndu 'ngú hana inde yi nde ne 'to yi 'to e-e, tsia mene lie hana. ¹² Yi andála de. Engú bini, yi kpata nganda okpála bhende ngabhuka ne kekele, inde la di ngasia ehe inde li Ebhe apa me ni ahá e-o.

Ní 'o 'to ní 'to ehe inde li Ebhe apa me ni ahá e pi ní-o

¹³ Li Ebhe apa nani lie pi Abalahama me ni ahá ehe pi ani-e, ani apa 'ngú ang-o ne natu silika ne 'li e makpe. Ani amene mo-o, anga kpála koko inde ngebéngbé ane ani ade. ¹⁴ Ani apa nani me:

«Ma atu silika me ma atúko bisagu pí mu, ma tsia méne me odi mu kolo bhelé.»

¹⁵ Abalahama adjeke ne 'ndjá bua, ani atsia asia ehe inde li Ebhe apa nani me ni ahá e pi ani-o. ¹⁶ Li okpála du natu silika-a, u tutu ne 'li okpála inde ane uo mane. La di-e, natu silika ngandjia kpekebhø sunda okpála. ¹⁷ Ebhe asuno bhomu mbámá pi okpála inde ayo me u sia ehe inde ani apa me ni ahá e-e, a anéke belegu de bini. Kaka-a, ani atsia atu silika pí 'ngú ang-o.

¹⁸ A ne ongu bhisi inde u ti da nadi e de, a ko natu silika di ne ehe inde li Ebhe apa me ni ahá e-o. Bhú ongu bhisi ang-o, Ebhe ti da napa eu belegu de bini. Ngani okpála inde awo líní bhú Ebhe-e, ní alu kpekpeke, ní a'o la di 'to ní na paká paká 'to ehe inde ani apa me ni ahá e pi ní-o. ¹⁹ 'To ní inde ní nga'o e ang-o ngamene me ní lu kpekpeke maka kalase inde ahoholo zabu-o. 'To ní ang-o kukulu, a la di kpekpeke. A ngamene me ní gulu 'ngbé pála bongo inde ngabuku tina 'ti na bubu na 'ngbé 'ti Ebhe gba omaYuda inde abhúlá-o, amba ní kolo makolo bhú tina 'ti ang-o. ²⁰ Oo, Yesu ali nani pi ní kalanu, la di ngubula ní. Ani akolo 'ngbé dimandø gba Ebhe-e pi ní duduma ne duduma maka Malekisedeke.

7

Malekisedeke adu nani ne dimandø gba Ebhe

¹ Malekisedeke ang-o adu nani 'ngbé ngámá na Saleme, ani atsia adu di nani dimandø gba Ebhe Apí 'Kpí. Li Abalahama adu agie lie lie bhú egú inde ani agboko ongbengbe ongámási bhú e lie, Malekisedeke anu nakø lio ne ani, ani atsia atuko bisagu pí ani. ² Abalahama atsia aha bini bhú ká ndjikpa bhú ndu 'he hana inde ani agbulu e-e pi ani. Ta 'ili na Malekisedeke apa ngaiza kalanu me: «'Ngbé ngámá na ngbili 'ngú.» La di-e, ani adu nani ngámá na Saleme, inde akunda

napa me: «'Ngbé ngámá na guo 'ngú.» ³ U mbila 'dyi ani ne 'hi ani de. U mbila la di onguo ogbi ani de. U kpo belegu engú bini pindji ekpi u azu ani lie ne ekpi ani akpi lie de. Ani maka Ndili gba Ebhe, kulu gba ani na dimandø gba Ebhe-e duduma ne duduma.

⁴ Yi tsia nga maka li Malekisedeke nde lie ngebéngbé-o! Abalahama ogbi omafalaale aha nani bini bhú ká ndjikpa na ndu 'he hana inde ani asia nani e bhú egú-o pi ani. ⁵ La-a, okpála na piga gba Levi-e, inde ne odimandø gba Ebhe-e, ne angu ngú nayo bini bhú ká ndjikpa na ndu 'he hana inde ka ongisi na fsalaele, maka li líli apa lie-o. A kunda napa me u ngayoyo li ondaise o makpe, inde la di ne odi Abalahama. ⁶ Malekisedeke du nani bhú piga gba Levi de. Engú bini, ani asia bini bhú ká ndjikpa sakpa Abalahama bhú ndu 'he hana inde ani agbulu e bhú 'gú-o. La di-e, Malekisedeke atuko bisagu pí Abalahama, kpála inde li Ebhe apa nani me ni ahá oehe pi e-o.

⁷ Kpekebhø belegu ade bini me kpála bhende ngatuko bisagu pi kpála-a ngebéngbé ane kpála bhende ngasia-o. ⁸ Okpála inde na piga gba Levi-e, inde ngasia bini bhú ká ndjikpa-a, a ko okpála-kuti inde amú mamu. Engú bini, pi Malekisedeke inde u aha bini bhú ká ndjikpa pi e ne kpála inde i kpi kpi de, maka li Bhuku gba Ebhe-e apa lie-o. ⁹ Ngú nabu tata-a, u ti da napa me, li Abalahama aha nani bini bhú ká ndjikpa na ohe gba e lie, Levi inde li odi e ngasia bini bhú ká ndjikpa na ndu 'he hana-a, atsia aha di. ¹⁰ Padhá de, anga Levi inde u zu nga nani e de-e, adu bhú 'bu ogbi e Abalahama, nedhinga inde u akø lio lie ne Malekisedeke-o. Bhobhomu-o asuno me Malekisedeke ane Levi mane.

¹¹ Ebhe aha nani líli pi omafalaale me, u du nabhu odimandø gba ni-e bhú piga gba Levi. U adu odimandø gba Ebhe maka Alona. Engú bini, kulu na dimandø gba Ebhe bhú piga gba Levi-e ti nani da nabadhe 'bhø kulu gba Ebhe-e de. Padhá de, anga li kulu gba uo-o tí nani da nabadhe 'bhø kulu gba Ebhe-e uo-o, u de du nani ne gumu dimandø koko maka Malekisedeke de. ¹² La di-e, li u yipa dimandø gba Ebhe-e, a ayo bhadi me líli-e yipa. ¹³ Padhá de, anga Ngámá gba ní inde u ngakpokpo ongu inde-e pindji e-e, naae bhú piga koko kpi. Bhú piga ang-o, kpála bini mene nga belegu kulu na dimandø gba Ebhe li bili u atsutsulu 'he lie pi Ebhe-e de. ¹⁴ Ní mbila ndjindji me Ngámá gba ní-e adu nani bhú piga gba Yuda. Piga ang-o

o, Moidje gama 'ngú tété de, nedhinga ani agama 'ngú lie pindji odimandø gba Ebhe-o.

Yesu ne dimandø gba Ebhe maka Malekisedeke

¹⁵ Engú inde ngasuno nayipa ka dimandø la matá mbámbá-a ngae inde: dimandø koko akoto, ani maka Malekisedeke. ¹⁶ Ani kolo dimandø gba Ebhe li lele líli gba okpála-kuti de. Ani akolo mo-o bhú angu na mukobho inde i ndjia de. ¹⁷ A maka li Bhuku gba Ebhe-e apa li me:

«Mú ne dimandø gba ma døduma ne døduma,

maka Malekisedeke.†»

¹⁸ Kaka-a, u atsia a'e líli na kalanu-o, anga líli ang-o adu bhuhbuku, tata tsia du la di tété de. ¹⁹ Padhá de, anga líli gba Moidje ti nani da namene de me okpála kolo ngbingbili kala Ebhe-e de. Engú bini, ní asia engú bini inde ane ne bádhá naali, inde ní nga'o 'to ní 'to e-o. Padhá de, anga engú ang-o ngamene me ní dyudyo líni de Ebhe masikpe.

²⁰ La di-e, Ebhe atu nani silika. Engú bini, okpála koko akolo nani odimandø me u nde tu silika de. ²¹ La pi Yesu-o, Ebhe atu nani silika nedhinga li ani apa lie pi ani me:

«Ngámá atu silika-a, ani dji 'li e de:

«Mú ne dimandø gba ma Ebhe Ngámá, døduma ne døduma.†»»

²² Kaka-a, Yesu di ne kpála inde ngamene me ní du bhú gandja na babadha naali.

²³ Engú koko inde kpi-e ngae inde: odimandø koko adu nani bhelé naali, anga kuo adu nani kpadji pi uo me u adu odimandø døduma de. ²⁴ Engú bini, Yesu bhú mukobho døduma ne døduma, kulu gba ani na dimandø-o ti da nandjia de. ²⁵ Kaka-a, ani ti da nakobho okpála inde ngadyudyo lío de Ebhe li kpadji gba ani-e ngubula døduma ne døduma. Padhá de, anga ani ndu 'kpi hana bhú mukobho ngú nayo Ebhe pi uo.

²⁶ Kaka-a, Yesu ne 'ngbé dimandø inde ati ne ní-o. Ani bubu, pulu 'ngú bhú ani ade, siti 'ngú la di bhú ani ade. Ani agbo bhusu e ne obhulu mugwe. Ebhe atsia a'e'e ani tsutsu abhúlá. ²⁷ Ani maka ongbengbe odimandø koko ade. Ani ne gumu natsulu 'he pi Ebhe ndu 'kpi hana ngaiza ngubula siti 'ngú gba e makpe, pipita ngubula bhende gba okpála koko ade. Ani amene nani bhutsibhutsi bini má kpikili, li ani aha lie lie ngae makpe-o. ²⁸ Líli gba Moidje adu nani na'o maka ongbengbe odimandø li okpála-kuti inde

i du ngbingbili hana ade-o. Engú bini silika li Ebhe atu e-e, líli-e atsia a'o maka 'ngbé dimandø Ndili inde adu ndjindji hana libhomu maka li Ebhe akunda lie, ngubula døduma ne døduma.

8

Yesu ne 'ngbé dimandø gba ní-e ngae

¹ Engú na ngbéngbé bhú ká ongu inde ní ngapa e ngae inde: a bhomu-o ngua 'ngbé dimandø gba Ebhe inde ka ní-o. Ani adu abhúlá li pápa na kokpa de kiti na ngámá gba Ebhe na angu na ngbéngbé-o. ² Ani ngamene kulu na 'ngbé dimandø gba e bhú tina 'ti na bubu, a akunda napa me bhú 'ti ngbangbali na kukulu. Ayiki ne Ngámá, ayiki ne kpála-kuti de.

³ U bhuhbu ongbengbe odimandø gba Ebhe-e hana ngubula natsulu enu maka makiso pi Ebhe. Kaka-a, a ayo me adu di ka 'ngbé dimandø gba ní-e ne ehe natsutsulu maka makiso pi Ebhe. ⁴ I dú nani me ani dú píla doto-o, ani de ne dimandø gba Ebhe-e ade. Padhá de, anga a ne odimandø gba Ebhe koko inde ngatsulu ehe maka makiso pi Ebhe maka li líli gba omaYuda apa lie-o. ⁵ Kulu inde li odimandø ang-o ngamene e-e, a ko lele kulu ongu inde ngamene lie abhúlá-o. Engú ang-o viti bini ne ehe inde li Ebhe apana nani e pi Moidje-o. Li Moidje adu akunda nayiki 'ti ngbangbali lie, Ebhe apa pi ani me: «Tsia ndjindji ngubula me mú mene ndu 'ngú hana li lele bhende ma asuno e pi mú apí 'ta-o.†»

⁶ Engú bini, mbia inde-e, Yesu asia kulu inde kpi, ane bhende gba odimandø koko gba Ebhe-e mane. A ko ludu sunda ní ne Ebhe bhú gandja na babadha naali. Gandja ang-o alu di pi oehe na babadha naali inde ní nga'o 'to ní 'to e-o.

Ebhe apa me ni akódho gandja na mbia ne okpála gba ní

⁷ I dú nani me gandja na kalanu-o mene me okpála kolo ngbingbili kala Ebhe-e, u de yipa ne koko de. ⁸ Engú bini, li Ebhe au lie me gandja na kalanu-o du ndjindji hana de-e, ani atsia ambembe bhú 'ndji okpála gba e me:

«Ngámá apa me: oekpi akólo makolo,

li 'kpi ma akódho gandja na mbia lie bhú dabili bini ne piga gba Isalaele di ne bhende gba Yuda-o.

⁹ A adu maka bhende ma akodho nani e ne onguo ogbi uo-o de,

li 'kpi inde ma agbe uo lie bhú doto na Edjipito-o.

Bhú gandja ya akodho e ne uo-o, u kpata líli ang-o de.

Kaka-a, ma adjí 'ngbu ma li uo, Ngámá apa mo-o.

¹⁰ Ngámá atsia apa matá me: a bhomu-o gandja inde ma akódho e ne ongisí na fsalaele pita oekpí bhomu-o.

Ma ató olíli gba ma-a bhú imbilangu gba uo-o.

Ma ayé olíli angoo-o li bua uo.

Ma adú ne Ebhe gba uo, u tsia dú okpála gba ma.

¹¹ Kpála bini bhú ká uo dú matá ne gumu nasuno 'ngú pí ndíli na kuti gba e, di ne pí ndai e de me ani mbila ma-a de-e de.

Padhá de, anga ndu okpála hana ambála ma,

nayie li okpála na padhá nakolo makolo li okpála na kakulu.

¹² Ma ambú li ndanda 'ngú gba uo-o.

Ma abhúndja matá osisiti 'ngú gba uo-o de.†»

¹³ Li nedhinga li Ebhe ngagama 'ngú lie pindji gandja na mbia-a, ani a'o bhe na kalanu-o me akolo didili. A na paká me, li ehe de akolo didili akolo-o, i du la di me a nde akadha-a, ehe angoo-o masikpe de nangita.

9

Olíli na gandja na kalanu

¹ A adu nani bhú gandja na kalanu-o ne olíli ngú nayo Ebhe. La di-e, bili nayo Ebhe atsia adu di píla doto. ² U ayiki nani 'ti ngbangbali bini ne tina 'ti bhúbhú bhisi. Bhú titina na kalanu-o, u a'i e me dabili na bubu-o, u a'o misa u a'o tala pí e bhúbhú. U atsia a'o di misa ne mapa inde u aha e pí Ebhe-e bhúbhú. ³ Kele 'ngbé pála bongo-o, adu tina 'ti bhe u a'i e me bili na bubu naali-o.

⁴ Li bili angoo-o, u a'o nani misa na olo inde u adu atsulu mungotsi pí e, di ne sanduku na gandja* inde u abuku nani kate e ne olo libhomu-o. Bhú sanduku angoo-o, adu bhúbhú ne lusa inde u amene e li olo, mana atsia adu bhúbhú. Bhú sanduku angoo-o, adu di bhúbhú ne ndula gba Alona inde agbe nani felele, a la di-e opapala teme inde li u aye nani líli na gandja-a pí e-o. ⁵ Pí sanduku angoo-o, u a'o nani okulu kelube. Okelube angoo-o adu asuno me Ebhe li bili bhomu-o. Kulu zini na mbudha uo adu abuku bili inde li 'ngbé dimandé gba Ebhe-e ahaha ngute maka makiso pí Ebhe lie ngú nambu li siti 'ngú gba okpála-o. La mbia inde-e, a ko

nedhinga nagama 'ngú li 'ngú angoo-o bini bini de.

⁶ U aleke nani bili bhú 'ti ngbangbali angoo-o me, bhú tina 'ti na kalanu, odimandé gba Ebhe-e du nali ndu 'kpí hana ngú namene kulu gba o-o. ⁷ La-a, bhú titina bhe na bhisi-e, a adu bha bini nali ne 'ngbé dimandé gba Ebhe-e ngae kpi e kpi. Sunda kalanga bini-e, ani adu nali bhútsibhútsi bini. A ayo di nani me ani li bhú dabili bini ne ngute enu, inde ani adu aha e pí Ebhe ngubula siti 'ngú gba e, di ngubula siti 'ngú li okpála amene e me u nde mbila de-o. ⁸ Bu Bhobua asuno me kpadi na tina 'ti bhe u a'i e me bili na bubu naali bhulu nga nani lie de, i du me 'ti ngbangbali na kalanu-o nde ngabha u-o.

⁹ 'Ti ngbangbali angoo-o ne kulu ongu inde ngamene lie bhú onedhinga inde-o. Bhobhomu-o asuno me ohe natsulu matsulu maka makiso pí Ebhe-e ti da navulu bhobua kpála inde ngamemene-e de. ¹⁰ Omakiso angoo-o, a ko bha bini ongu nazu 'he, ne nandji 'he di ne ngangá mayo navulu lio ngú nakolo bubu kala Ebhe. Ndu olíli bhomu-o hana nani ne bhe gba okpála-kuti, atsia adu la bhadi ngubula nedhinga bedi nakolo li nedhinga li Ebhe ayipa ndu 'ngú hana lie ndjindji-o.

Kilisito agbegbe ní bhú siti 'ngú gba ní-e ne ngute e makpe

¹¹ Engú bini, Kilisito ago maka 'ngbé dimandé gba Ebhe ngubula naha obabadha 'ngú inde ngago-o. 'Ti ngbangbali inde ani amene kulu gba e bhú e ngbéngbé naali, a la di babadha naali ane bhende na kalanu-o mane. A yiki 'ti ngbangbali angoo-o okpála-kuti de, a akunda napa me, a ko 'ti ngbangbali na doto inde-e de. ¹² Kilisito ali nani bhútsibhútsi bini má kpikili li bili na bubu naali angoo-o. Ani ha nani ngute meme de, ani ha la di ngute ndili bagala de. Engú bini, ani aha nani ngute e makpe. Kaka-a, ani atsia agbegbe ní bhú siti 'ngú gba ní-e duduma ne duduma.

¹³ Ngute meme, i du di-e ngute bhoko bagala di ne mbi bagala inde u atsutsulu e, u tsia bála e pí okpála bhende bubu kala Ebhe ade-e ti da namene me u kolo bubu kala ani li pápá na kate. ¹⁴ † nde lie mo-o, ngute Kilisito ane la matá ne angul! Ani aha lie pí Ebhe kabula Bu Bhobua na duduma maka makiso inde ndjindji libhomu. Ngute ani avulu bua nakpokpo kú 'ngú gba ní-e bhú ndu 'ngú hana inde ngato kpála bhú kuo-o, ngubula me ní mene kulu pí Ebhe inde bhú mukobho-o.

† 8:12 8:8-12 Tsia bhú Djlm. 31:31-34. * 9:4 9:4 Sanduku na gandja: A ko sanduku inde u abu nani opapala teme inde u aye olíli ndjikpa gba Ebhe-e bhú e-o.

Kilisito ne lɔdu sɔnda nɔ ne Ebhe bhú gandja na mbia

¹⁵ Kaka-a, Kilisito ne lɔdu sɔnda nɔ ne Ebhe bhú gandja na mbia, amba okpála inde li Ebhe a'í o-o, ti da nasia babadha 'ngú na dɔduma inde li Ebhe asuno nani e pi okpála gba e-o. U ti da nasisia anga Kilisito akpi ngubula nagbegbe uo bhú siti 'ngú inde u amene e-o. U amene nani siti 'ngú ang-o li nedhinga u adu lie bhú gandja na kalanu-o.

¹⁶ Ní mbila ndjindji me li kpála ziba me u gboغو bhusu ohe gba ni-e pita nakpi ka ni-e, kala me u gboغو bhusu ohe ang-o, a ayo ngaiza me u u mbámbá me kpála ang-o akpi. ¹⁷ Padhá de, anga i du me kpála inde aziba nagbogbo bhusu ohe gba e nde nga bha mu-o, tata li nagbogbo bhusu ohe inde ani aziba me u gboغو bhusu e ade. Tata li nagbogbo bhusu ohe bha bini me kpála ang-o nde akpi. ¹⁸ Kaka-a, gandja na kalanu-o asia bha bini angu li ngute atuko lie-o.

¹⁹ Moidje atanga ngaiza nani olili kala ndu okpála hana maka u aye lie-o. Pipita-a, ani atsia aha ngute ndili bagala di ne ngute meme bhú dabili bini ne engu, ani ato ndjiga inde u agbite e ne mbe bongu bhú ngute ne engu-o. A adu ndjiga ndula inde u a'í e me idjope.† Pipita-a, ani abobolo pí bhuku na líli-o, di ne pí ndu okpála hana. ²⁰ Ani atsia apa me: «A inde-e ngute na gandja li Ebhe apa me yi manga e-o.†» ²¹ Abhomu-o, Moidje abolo di ngute-e pí 'ti ngbangbali di ne pí ndu ohe hana inde u adhdhögö Ebhe ne e-o. ²² Maka li líli apa lie, masikpe de ndu 'he hana kokolo bubu kala Ebhe bha ka ngute. La di-e, Ebhe mbumbu bha li siti 'ngú me ngute nde atuko bha ngae.

Kilisito aha lie ngae makpe maka makiso ngú na'e siti 'ngú gba ni-o

²³ Ma apa pi yi me ndu 'ngú hana inde na kukulu li Moidje asuno nani e pi okpála-a, a ko kulu okukulu 'ngú na abhúlá. Kaka-a, a ayo la bhadi me ongú ang-o kolo bubu kala Ebhe bhú ngute onu. Engú bini, ongú na kukulu na abhúlá makpe ne gumu enu natsulu matsulu inde ane ne bádha. ²⁴ Padhá de, anga Kilisito li nani bhú 'ti ngbangbali inde li okpála amene e ne kpa o-o de. 'Ti ngbangbali ang-o ne kulu 'ti ngbangbali na kukulu-o. Ani ali abhúlá makpe, li bili inde ani ngagama 'ngú lie mbia inde-e kala Ebhe ngubula ní-o.

²⁵ 'Ngbé dimandö gba Ebhe gba omaYuda líli nani li bili na bubu naali-e ndu kalanga hana bhú dabili bini ne

ngute 'nu. Engú bini, Kilisito li nani ngú naha lie ngae makpe bhutsibhutsi bhelé de. ²⁶ I dú nani mo-o, ani de azu líkabhu bhutsibhutsi, nayie maka li Ebhe abho nani doto lie-o. Engú bini, ani akoto bhutsibhutsi bini má kpikili li nedhinga na sokpí ngú na'e siti 'ngú gba ní li kpadji naha lie ngae makpe maka makiso pi Ebhe. ²⁷ Ndu okpála-kuti hana kpikpi bha bhutsibhutsi bini. Pipita-a, li Ebhe tsia kódho 'ngú gba uo-o. ²⁸ A bhadi moko, Kilisito aha lie maka makiso bhutsibhutsi bini, ngubula na'e siti 'ngú gba okpála bhelé. Ani akoto lie bhutsibhutsi na bhisi-e, a adú matá ngubula na'e siti 'ngú de. Engú bini, a adú ngubula me okpála inde ngadjeke nago ka ani-e sia makobho.

10

Makiso gba Yesu Kilisito ane ndu omakiso na kalanu-o hana

¹ Líli gba Moidje ngasuno kukulu 'ngú hana má kpulukutu ade. A ko mangbo kulu ongú na babadha inde ngago-o. Lele pi li makiso inde li ngua e nde bha ndu 'kpí hana bini, inde u ngaha e ndu kalanga hana ti da lie namene me, okpála bhende ngadyudyo lío dengo Ebhe-e kolo ndjindji kala ani-e? ² I dú me okpála inde ngaha ngua makiso bhomu-o pi Ebhe-e dú bubu kala ani-e, u de 'ó nabhundja siti 'ngú gba o-o. U tsia 'ó la di naha makiso ang-o. ³ Engú bini, naha makiso ngamene me okpála du nabhundja siti 'ngú gba o-o ndu kalanga hana. ⁴ Padhá de, anga ngute bhoko bagala ne ngute meme ti da na'e siti 'ngú belegu de bini.

⁵ Kaka-a, li Kilisito adu ago lie píla doto-o, ani apa pi Ebhe me:

«Mú kanda nani ehe natsulu matsulu, i du di-e makiso de,

engu bini, mo oha kute muma ngubula me ma mene kulu gba mu-o nedí.

⁶ Enu inde u atsulu e pí misa inde u atsutsulu 'he pí e, di ne ehe natsulu matsulu koko inde u aha e ngubula na'e siti 'ngú-o nga nani li mu de.

⁷ Abhomu-o, ma atsia apa me:

<O Ebhe! Tsitsia, ma ngago ngama makpe ngú namene engú inde mo okunda e-o, maka u aye engú gba ma-a lie bhú bhuku na líli-o.†»

⁸ Kilisito apa ngaiza pi Ebhe me: «Mú kanda nani ehe natsutsulu matsulu de, i du di-e makiso de. Enu u atsulu e pí misa

† 9:19 9:19 Idjope: A ko suka ondula na gba omaYuda. Epondje nani u ato e bhú kpongadha pandi inde u aha nani e pi Yesu me ani ndji-e, nedhinga ani adu lie li kulusi-e, u agbite nani li Idjope. † 9:20 9:20 Tsia bhú Eki. 24:8.

† 10:7 10:5-7 Tsia bhú Ets. 40:7-9.

inde u atsutsulu ehe pí e, di ehe koko inde u atsulu e ngú na'e siti 'ngú-o nga nani lí mụ de.» Engú bini, u hana makiso bhomu-o nakpata lele maka lí líli apa lie ko. ⁹ Pipita-a, aní atsia apa me: «Ma ngago ngama makpe ngú namene engú inde mo okunda e-o.» Kilisito a'e omakiso na kalanu-o hana, aní atsia ayipa ne bhe gba e-o. ¹⁰ Yesu Kilisito amene mukunda gba Ebhe-o. Aní atse kute e ngae makpe maka makiso bhatsibhatsi bini má kpikili, abhomu-o, ní atsia aze bhú siti 'ngú gba ní-o.

¹¹ Dimandø gba Ebhe-e bini ne bini lulu ndu 'kpí hana ngubula namene kulu gba e-o. Aní ngaha piko piko koli ngua omakiso bini. La-a, omakiso ang-o tí da na'e osisiti 'ngú belegu de bini. ¹² Engú bini, Kilisito aha koli makiso bini má kpikili ngú osisiti 'ngú gba okpála duduma ne duduma. Pipita-a, aní atsia anu adu lí pá 'kpa na kokpa gba Ebhe. ¹³ Mbia inde-e, aní ngadjeke me Ebhe 'o obhulu yala gba ní-e dabilí na sa 'dhu ní. ¹⁴ Abhomu-o, ne koli makiso bini inde aní aha e, aní adji okpála inde aní avulu o bhú siti 'ngú-o me, u kolo bubu kala Ebhe ngubula duduma ne duduma.

¹⁵ Bu Bhobua la bhadi ngapapa pí ya moko, aní apa ngaiza lie me:

¹⁶ «Yi tsia nga gandja inde ma akódho e ne uo pita oekpí bhomu-o,

Ngámá apa mo-o.

Ma ayé olíli gba ma-a lí bua uo,

ma tsia tó olíli ang-o bhú imbilangu gba uo-o. †»

¹⁷ Pipita-a, aní atsia apa matá me: «Ma abhúndja matá opupulu 'ngú di ne osisiti 'ngú gba uo-o de.†» ¹⁸ La-a, i du me Ebhe nde ambu lí siti 'ngú ambu-o, gamu naha makiso matá ngú na'e'e ade.

Ní a'ó ká nabhuka gba ní-e de

¹⁹ Kaka-a, ondaise ma, ní ambila ndjindji me ní alí lí bilí na bubu naali-e kabula ngute Yesu inde atuko-o. ²⁰ Aní abhulu kpadji na mbia pí ní, inde di na mukobho lí pápá na kpadji na 'ngbé pála bongo na 'ngbé 'tí Ebhe gba omaYuda, akunda napa me, bhú kute e makpe. ²¹ A ka ní ne 'ngbé dimandø inde ngatsia 'kpí lí etí gba Ebhe-o. ²² Kaka-a, ní dyudyo líni de Ebhe ne bua ní bini di ne nabhuka hana. Padhá de, anga osisiti bua nakpokpo ku 'ngú adji lie akolo bubu kala Ebhe, kute ní atsia avulu lie bhú engu inde lí siti 'he nde bhú e ade. Ndu 'ngú bhomu-o hana amene lie bhú ngute Yesu.

²³ Ní lila engú inde ní nga'o 'to ní 'to e, inde ní nde ngakpokpo e kpekpeke-o.

Padhá de, anga Ebhe améne engú inde aní apa me ní améne e mamene. ²⁴ Ní tsia 'kpí líni sunda ní ngú nandu ne mukunda na kukulu di ne namene obabadha kulu. ²⁵ Ní a'ó ka dadjua gba ní-e de maka lí okpála koko ambila lío lie ne namemene-o. A ayo mangbo me ní to masi bhú ní sunda ní. Padhá de, anga yi ngau me ekpí gba Ngámá-a akolo bha ndju masakpe.

²⁶ Padhá de, anga pita nambila kukulu 'ngú-o, i du me ní nde ngamene siti 'ngú bhú gandji-e, makiso inde u tí da naha e ngubula na'e osisiti 'ngú-o matá ade. ²⁷ Engú bini, ehe inde atigala pí ní-e, a ko bha nadjeke ne tsulu hana nakodho 'ngú gba Ebhe di ne dingidhi djua inde atsulu obhulu yala gba aní-o. ²⁸ Ndu okpála hana inde adu agumu líli gba Moidje-e, u adu abhili uo. U du ndaje ndjinga uo de, i du me okpála bhisi, i du di-e okpála bata nde apa me a ko kukulu 'ngú-o. ²⁹ La-a, kpála bhende ngau Ndili gba Ebhe-e bhú djila e padhá-a, aní asia ke 'ngú inde ane la matá mane. A mo-o adi? Padhá de, anga kpála ang-o manga ngute na gandja na mbia inde avulu aní bhú siti 'ngú-o de. Aní ngasobho Bu Bhobua inde ngasuno bádha bhú 'bu gba Ebhe-e pí ní-o. ³⁰ A na paká me ní mbila ndjindji me, a ko kpála inde apa me:

«Ma agie siti 'ngú inde u amene e ngama. Ma ahá pí kpála ne kpála ehe inde atí ne aní-o. †» Aní atsia apa di me: «Ngámá akódho 'ngú gba okpála gba e makodho.†»

³¹ A ko siti 'ngú na kuo kuo ngú nati bhú 'kpa Ebhe na mukobho.

³² Yi bhundja nga engú inde akolo nani lí yi lí nedhinga inde yi asia zi 'kpí gba Ebhe-e lie-o. Bha kolo pipita-a, yi azu likabhu naali. Engú bini, yi alu kpekpeke bhú nagu egú ang-o. ³³ U asobho okpála koko bhú ka yi, u atsia amene uo sisiti kala ndu okpála hana. Engú bini, okpála koko adu bedhe ngú nateteke okpála inde u adu ato mbolo lío bhomu-o. ³⁴ Yi azu likabhu bhú dabilí bini ne okpála inde adu bhú tikpu-o. Lí u agbulu ohe gba yi-e lie, yi aziba ne djali hana me u nu nedí. Padhá de, anga yi ambila ndjindji me a ka yi ne tia inde ndjindji naali, inde ngadu duduma ne duduma. ³⁵ Kaka-a, yi adu ne tsulu de. Padhá de, anga yi asia makalá na ngbéngbé kaka. ³⁶ A ayo me yi du ne kekele ngubula namene engú inde lí Ebhe akunda e, di ne nasia ehe inde aní apa me ní ahá e-o. ³⁷ Padhá de, anga u aye bhú Bhuku gba Ebhe-e me:

† 10:16 10:16 Tsia bhú Djl. 31:33.

† 10:17 10:17 Tsia bhú Djl. 31:34.

† 10:30 10:30 Tsia bhú Det. 32:35.

† 10:30 10:30 Tsia bhú Det. 32:36.

«A tigala nedhinga bedi, belegu bedi naali, li kpála inde a ayo me ani go-o tsia gó. Ani bhúe de.

³⁸ La-a, kpála inde ngbingbili bhú djila ma-a tsia sía mukobho na duduma kabula nabhuka.

Engú bini, i du me ani nde agie lie ne sidi-e,

bua ma ngá matá ne ani de.†»

³⁹ Ngani-e, ní bhú ká okpála bhende ngagie lio ne sidi, inde di ngangita-a ade. Engú bini, ní ne okpála bhende ngabhuka, inde di li kpadji na mukobho-o.

11

Ní le nadu ne ngua nabhuka gba onguo ogbi ní-o

¹ Na'o nabhuka gba o bhú Ebhe-e, a ko naziba me ní asia ehe inde ní nde nga'o 'to ní 'to e asia. A ko nadu ne nabhuka me ehe inde ní u e ne djila ní de-e uu. ² Ebhe aziba nani okpála na kalanu-o ka nabhuka gba o-o.

³ Ka nabhuka-a, ní ambila me Ebhe abho nani doto ne 'li e. Abhomu-o, ohe inde ní ngau e ne djila-a, abho lie li ohe inde ní u e ne djila de-o.

⁴ Ka nabhuka-a, Abele aha makiso na babadha naali pi Ebhe, inde ane bhe gba Kaina mane. Ka nabhuka ang-o, Ebhe au ani bhú djila e ngbingbili. Padhá de, anga Ebhe ngae makpe aziba makiso gba ani-o. Ka nabhuka gba Abele-e, ani bha bini ngagama 'ngú, abana ani akpi lie-o.

⁵ Ka nabhuka-a, Enoka kpi nani-i de. Engú bini, Ebhe aha ani abhúla. Kpála bini ti da nani nau ani de, anga Ebhe aha nani ani ngú na'o ani de e. Bhuku gba Ebhe-e apa me, kala me Ebhe ha ani abhúla-a, ani amene nani engú inde anga li Ebhe. ⁶ La-a, i du me nabhuka nde bhú kpála ade-e, ani ti da namene engú inde anga li Ebhe-e de. Padhá de, anga kpála inde ngadyudyo lie de Ebhe-e, a ayo me ani bhuka me: Ebhe uu, ani la di ngaha makalá pi okpála inde ngagili ani-o.

⁷ Ka nabhuka-a, Nua adje engú inde li Ebhe apa nani e pi ani pindji ongú inde agó, inde u u nga nani e de. Ani au me Ebhe pa eu de, ani atsia abho 'ngbé zabu inde ani akobho piga gba e bhú e-o. Namene ka ani mo-o, ani a'o mangimbo pí 'ndji okpála na píla doto. Ka nabhuka gba ani-e, Ebhe atsia au ani bhú djila e me a ko kpála na ngbingbili.

⁸ Ka nabhuka-a, Abalahama amene líli gba Ebhe li nedhinga inde ani a'i nani ani lie-o. Ani anu bhú doto inde li Ebhe apa

nani lie me ni ahá e pi ani, amba akolo naani-o. Ani ayie bhú doto gba e padhá me ani nde mbíla de me, ni adji bhú doto bhedho-ie de. ⁹ Ka nabhuka-a, ani anu adu maka gandji kpála bhú doto inde li Ebhe apa nani me ni ahá e pi ani-o. Ani adu nadu bhú 'ti ngbangbali, Isaka ne Yakobho atsia adu di nadu bhú 'ti ngbangbali. A bhomu-o okpála inde li Ebhe apa di nani pi o me ni ahá di doto ang-o pi o-o. ¹⁰ Padhá de, anga Abalahama adu nadjeké gudhu inde li 'dhu e alu kpekpeke. Ebhe amene lele maka li gudhu ang-o adú lie ngae, ani atsia ayiki bhadi ngae.

¹¹ Ka nabhuka-a, Abalahama asia nani angu ngubula nazu ndili bhú nedhinga ani akolo lie ne kalanga bhelé, belegu li Sala adu lie ne i zu de-o. Ani adu ne nabhuka me engú li Ebhe apa me ni améne e-e, ani améne mamene. ¹² Kaka-a, koli ogbi ní bini Abalahama, inde adu de kuo masikpe-e, azu opiga bhelé. Ongisi inde li opiga ang-o azu o-o bhelé maka ikapala inde abhúla. Uo bhelé di maka sike inde lingo 'ngbé 'ngu, inde li kpála ti da natanga e de.

¹³ Ndu okpála bhomu-o hana amu bhú nabhuka me, u nde sia ohe inde li Ebhe apa nani me ni ahá e pi uo-o de. Engú bini, u au ohe ang-o tsutsu, u atsia akpi djali. Abhomu-o, u atsia ambila ma kpulukutu me o ne ogomago, o la di ne okpála na dhuku píla doto ei. ¹⁴ Okpála inde ngapa ngua engú bhomu-o ngasuno mbámbá me o ngagili doto gba o makpe. ¹⁵ I dú me u du nakina doto inde u aze nani bhú e-e, u de agie lio bhú doto ang-o agie. ¹⁶ A na paká me, u adu ne gamu doto inde babadha naali. A akunda napa me doto inde abhúla ko. Kaka-a, Ebhe ne numu ade me, u 'i ni me ni ne Ebhe gba uo-o. Padhá de, anga ani aleke gudhu bini pi uu.

¹⁷ Ka nabhuka-a, Abalahama aha Isaka maka makiso, li Ebhe ale ani lie-o. Abalahama li Ebhe apa nani me ni ahá 'he pi e-e, adu bedhe ngú naha koli ndili gba e bini-e maka makiso. ¹⁸ Ebhe apa nani pi ani me: «Li kpadji gba Isaka-a, mo osia opiga inde ma apa nani me ma ahá o pi mu-o.†» ¹⁹ Engú bini, Abalahama adu abhundja me Ebhe ne angu nazuku Isaka. Kaka-a, Ebhe atsia agie ndili gba ani-e pi ani maka kpála inde u azuku e me ani nde akpi.

²⁰ Ka nabhuka-a, Isaka atuko bisagu pi ongisi gba e bhisi-o, Yakobho ne Esau, natsia lele ongú inde abháka uo sidi-o.

²¹ Ka nabhuka-a, Yakobho atuko bisagu pi ongisi bhisi gba Djodjefu-o, kala me ani kpi. Ani ateke lie li duku gba e, ani atsia adhögé Ebhe.

²² Ka nabhuka-a, Djodjefu apa li ani akolo lie masakpe de nakpi ka e me, omaɓsalaele azé bhú Edjipeto maze. Ani atsia asuno engú inde a ayo me u mene e ne biki ni-o.

²³ Ka nabhuka-a, li u azu Moidje lie, okpála inde azu ani-e awo ndje ani ngubula epe bata. U au nani me ani babadha naali, u tsia dje tsulu ka líli gba 'ngbé ngámá-a de.

²⁴ Ka nabhuka-a, li Moidje abhele lie-e, ani ayala me okpála 'i ni me ndili gba ndili na olo gba Falao. ²⁵ Ani aziba nazu likabhu bhú dabili bini ne piga gba Ebhe-o. Ani atsia ayala nakpi djali inde ngubula nedhinga bedi-e bhú siti 'ngú. ²⁶ Padhá de, anga ani adu abhundja me li kpála zu likabhu kabula Masiya-a, bhobhomu-o pi ani ne tia na ngbéngbé ane bhende na Edjipeto mane. Kaka-a, ani a'o nani djila e li makalá inde ani asia e bhú oekpi inde ngago-o.

²⁷ Ka nabhuka-a, Moidje ayie nani bhú Edjipeto me ani nde kpe ke 'ngú gba 'ngbé ngámá-a de. Ani atsia ala kpekpeke mugito me ani ngau Ebhe inde u uo e de-o.

²⁸ Ka nabhuka-a, Moidje aha nani líli me u leke anokomia na Pasika. Ani atsia aha líli me u pulu ngute li obhè bhoti, amba andjelu na kuo abhili ongisi na kalanu gba omaɓsalaele de.

²⁹ Ka nabhuka-a, omaɓsalaele agulu nani 'ngbé 'ngu na Mbembe-e mugito me u ngadholo pi doto inde a'ulu má kekele! Engú bini, li omaEdjipeto ale di lie me ogulu 'ngu-o maka u-o-o, engu-o atsia abuka uo. ³⁰ Ka nabhuka gba omaɓsalaele, aga inde asa nani gudhu na Djeliko-o agumu pita nadjji ngongo ngubula 'kpi mananika. ³¹ Ka nabhuka-a, Lahaba, olo na zabhe-e akobho nani. Ani kpi bhú dabili bini ne okpála inde adu agu Ebhe-e de. Padhá de, anga ani asia nani omaɓsalaele, inde u atima nani o ngú natsia lele gudhu-o ne guo 'ngú.

³² Ma ti da napa matá pi? Nedhinga ka ma ade ngú nakpokpo 'ngú gba Djedeo, gba Balaka, gba Samisona, gba Djefete, gba Davidi, gba Samuele, di ne bhe gba opolofeta-o. ³³ Ka nabhuka-a, u agboko ongbengbe ongámási na okuti bhelé bhú 'gú. U amene ongú inde adu ngbingbili, u asia 'he inde li Ebhe apa nani me ni ahá e pi uo-o, u atsia agbite 'bhè okingbi. ³⁴ U abulu odjua inde adu nade má ka ka ka! U akobho bhú nakpi sakpa mbotia. U adu bhuhuku, la-a, u atsia akolo kpekpeke. U adu kpekpeke bhú egú, u atsia aha angu

osudha na gandji gandji. ³⁵ Ka nabhuka-a, olisi au matá okpála gba o inde amu-o. Padhá de, anga okpála ango-o azuku.

U ato mbolo li okoko nakolo masakpe de nakpi. U ayala me u gbege o sakpa okpála adu ato mbolo li o-o. U amene mo-o ngubula me o zuku ngú nasia mukobho na ndjindji naali. ³⁶ U amu okoko, u atsia abhi di uo ne fimbo. U agbigbite okoko ne gbindjili, u atsia amba di uo bhú tikpu. ³⁷ U abhili okoko ne teme. U akokodho bhasu okoko bhisi ne sii. U atsia abhili okoko ne mbotia. Okoko adu anu ne ndu bili hana me u nde ato ko kandeole, i du di-e ko meme. U adu obhulu ndibhili. U adu nato mbolo li uo, u atsia adu namene uo kpekpeke. ³⁸ U ti nani da nadu pila doto inde-e de. U adu nadjakadha abhú 'gu, di ne api oeta. U adu nadu bhú oedú di ne bhú ogudho teme.

³⁹ Ebhe aziba nani ndu okpála bhomu-o hana ka nabhuka gba o-o. La-a, u sia ehe inde li Ebhe apa nani me ni ahá e pi u-o de. ⁴⁰ Padhá de, anga Ebhe aleke nani ehe na babadha naali pi ní. Ani kunda nani de me u kolo ndjindji hana mandí ní-e de.

12

Yi lu kpekpeke bhú olikabhu inde yi ngazu e-o

¹ Pi ní-e, ndu ndindi okpála bhomu-o hana inde abhuka nani Ebhe-e, asa dengo ní ngbalina u ngau 'ngú inde ní ngamene e ne djila o. Kaka-a, ní gbe liní li ongu bhende ngagbigbite ní me ní adhuku ndjindji de-e magbe. A ane la mane pi siti 'ngú bhende ní ngali bhú e má gala gala-o! Holo inde li Ebhe apa me ní gu e-e, ní gu akólo makolo ali soso. ² Ní banga djila ní li Yesu inde li nabhuka gba ní-e ala pi e, nayie li lilita akólo makolo ali soso-o. Ani aziba nakpi li kulusi. Nakpi li kulusi-e, a ko nakpi na numu. Engú bini, ani dje numu tété de. Padhá de, anga ani adu nau djali inde ani asia e-o. Mbia inde-e, ani adu li pá 'kpa na kokpa dengo kiti na ngámá gba Ebhe-o.

³ Yi bhundja nga Yesu maka ani akibila yala inde li okpála namene siti 'ngú-o adu nayala ani ne e-o. Kaka-a, yi a'ó de me ndala ha angu yi-e de. ⁴ Padhá de, anga bhú gbele inde yi ngagu e ne siti 'ngú-o, yi gu nga nakolo bhú nakpi ka yi-e de. ⁵ 'To yi a'ili li líli inde li Ebhe aha e pi yi maka ongisi gba e-e a'ili? Líli ango-o me:

«Ndia ma, i du me Ngámá nde ngali mu-o, mo obóyo de.

I du me ani nde ngambembe bhú 'ndji mu-o,

bua mu abí la di ndala de.

⁶ Padhá de, anga Ngámá ngali
kpála inde aní akúnda e-o.
Ani ngabhí kpála inde aní ambila
me a ko ndílí gba ní-o.[†]

⁷ Kaka-a, yi kibila okpekepe da 'ngú inde li Ebhe ngali yi ne e-o. Ani ngamene yi maka ongisi gba e. A ko ndílí bhedho lí 'dyi e lílí e de-e? ⁸ I dú me Ebhe nde li yi maka ndu ongisi koko gba e hana de-e, a akúnda napa me yi ne kúkulu ongisi bádha ani-e ade. Yi ne ongisi inde u mbíla 'dyi o de. ⁹ A lí ní píla doto inde-e ne odyidi. U adu nani nali ní. Ní atsia adu di namanga uo, A ane la matá mane me ní manga 'Dyi ní inde abhúlá, ngubula me ní sia mukobho. ¹⁰ Odyi ní adu nali ní ngubula nedhinga bedi, maka u adu abhuhundja lie-o. Engú bini, Ebhe ngali ní ngubula bádha 'ngú gba ní-o. Ani akúnda me ní dú bubu maka ní. ¹¹ Nedhinga u ngali ní lie mbia inde-e, a ngau lie maka u de ngaha pí ní líkabbu, a ha djali pí ní de. La-a, pípita-a, okpála inde akodho 'kpí lí ngua kpadji bhomu-o ngasia nguwa na guo 'ngú inde akpètse lie ne mukobho na ngbingbili-o.

¹² Kaka-a, yi 'e 'kpa yi inde andala-a ne bhúlá. Yi mene la di me 'dhu yi inde andala-a, a kolo kpekpeke! ¹³ Yi dhuku li okpadji inde ngbingbili, amba 'dhu kpála bhende ndjindji ade-e agúmu de. Ani kobho mangbo makobho.[†]

Yi dú nagbo 'dje yi ndu 'kpí hana li Ebhe

¹⁴ Yi gili nadu ne guo 'ngú ne ndu okpála hana. Yi dú la di bubu. Padhá de, anga lí kpála dú bubu de-e, ani ú Ngámá de. ¹⁵ Yi lila liyi me kpála bini ayie sa bádha bhú 'bu gba Ebhe-e de. Kpála bini akólo la di bhú ká yi maka ndula inde susu-o de. Ndula ang-o aké lie, a asiti mukobho gba okpála bhelé ne sengo inde bhúbhú-o. ¹⁶ Kpála bini bhú ká yi adú nakúnda olisi, i dú di-e obhosi ngangá de. Kpála bini bhú ká yi aú oehe gba Ebhe-e bhú djila e padhá de, maka Esau. Ani atsjindji nani nadu ka e ndílí na kalanu ngubula kóli sani 'zu bini. ¹⁷ Yi ambila ndjindji me sídi-e, ani adu ne gumu me 'dyi ní tuko bisagu pí ní. Engú bini, 'dyi aní abebe aní. Padhá de, anga abana nani aní ale nadjí engú inde aní amene e lie ne naku 'gbá-a, aní sia kpadji de.

Nau inde i ti da nadyiki de

¹⁸ Yi kolo ngá dengo eta bini de inde u ti da nabu 'kpa lie maka eta na Sinai, inde adu nani ne dingidhi djua-o. A adu ne bití, di ne anvi na kpekpeke naali. ¹⁹ Eta ang-o adu di ne tolo toti, di ne tolo nagama 'ngú. Li omafsalaele adje eli bhomu-o lie,

u ayo me Ebhe agáma matá engú koko pí bhobhomu-o de. ²⁰ U ti nani da nakibila líli inde-e de. Líli ang-o me: «Kpála inde abú 'kpa e li kute eta-a, abana i dú di-e enu-o, u abhéle ani ne teme.[†]» ²¹ Engú inde u adu nau e adu na tsulu tsulu. Belegu Moidje atsia apa kaka me: «Ma ngadje tsulu naali, ma la di ngagaku magaku.[†]»

²² Engú bini, yi akolo dengo eta na Siona, dengo gadhu gba Ebhe na mukobho-o. A ko Yelusalema na abhúlá bhú dabilí bini ne oandjelu gba e inde ketø ne ketø apo bhúla o bhú anokomia-o. ²³ Yi akolo dengo ongisi na gígina inde apo bhúla o, inde u aye 'lí o abhúlá-o. Yi akolo dengo Ebhe, kpála nakodho 'ngú gba ndu okpála hana-o. Yi akolo dengo okpála inde ngbingbili, li Ebhe amene me u kolo ndjindji hana kala ní-o. ²⁴ Yi akolo dengo Yesu, kpála inde ne ludu sunda ní ne Ebhe bhú gandja na mbia inde li Ebhe akodho e ne ní-o. Yi akolo dengo ngute aní inde atuko, inde ngaha bádha 'ngú pí ní inde ane bhe gba Abele mane-o.

²⁵ Yi lila liyi! Yi ayála nadjé kpála inde ngagama 'ngú pí yi-e de. Padhá de, anga okpála inde ayala nani nadjé kpála inde adu naha líli pí o píla doto-o, neke nasia ke 'ngú de. A adú bhadi pí ní moko. A ne la matá mane, i dú me ní nde ayala nadjé kpála inde ngagama 'ngú pí ní nayie abhúlá-o. ²⁶ 'Li aní adyiki nani doto. Engú bini, mbia inde-e, aní apa pí ní me: «Ma adyiki matá doto bhutsibhutsi bini. A dú bha bini doto de, ma adyiki di ne abhúlá hana.[†]» ²⁷ Eli inde me «matá bhutsibhutsi bini», akúnda napa me oehe inde u abho e mabho-o adyiki, i tsia ngita, amba ehe bhende i ti da nadyiki de-e tígala bha ngae.

²⁸ Ní ngasia nau inde i ti da nadyiki de. Kaka-a, a ayo me ní gie heni pí Ebhe. Ní mene la di pí aní kulu inde anga lí aní ne tsulu hana di ne namanga aní. ²⁹ Padhá de, anga Ebhe gba ní-e, a ko djua inde ngade made.[†]

13

Yi mene engú inde ngangá li Ebhe

¹ Mukúnda inde sunda yi-e nu bha ne kalanu maka ondaise. ² 'To yi a líli nasia ogomago de. Padhá de, anga bhú namene mo-o, okpála koko asia nani oandjelu me u nde mbíla de. ³ Yi bhundja okpála bhende bhú tikpu-o mugito me, yi ne uo bhú tikpu bhú dabilí bini. Yi bhundja okpála bhende u ngato mbolo lío-o, mugito me u ngato mbolo ang-o li yi.

⁴ A ayo me ndu okpála hana manga kava mamanga. A ayo me bhoko lila kute

[†] 12:13 12:13 Tsia bhú Isa. 35:3; di ne bhú Gbt. 4:26. [†] 12:26 12:26 Tsia bhú Adj. 2:6.

[†] 12:20 12:20 Tsia bhú Eki. 19:12, 13.

[†] 12:21 12:21 Tsia

bhú Det. 9:19. [†] 12:29 12:29 Tsia bhú Det. 4:24.

e pi wala e, amba eḷe lila di kate e pi 'ko e. Padhá de, anga Ebhe akódho 'ngú gba okpála inde ngakunda olisi, i dḗ di-e obhosi ngangá-a makodho. Aní akódho di engú gba okpála inde ngakunda olisi di ne obhosi ngangá, a la di-e okpála inde ngakunda olisi, i dḗ di-e obhosi koko.

⁵ Gumá tia ahá angu yi bhú mukobho gba yi-e de. Yi kpi djali li ehe bhende ka yi-o. Padhá de, anga Ebhe apa me:

«Ma 'ó ka mḗ de,
ma bála 'kpa li mḗ
belegu de bini.»

⁶ Kaka-a, ní tí da napa ne nabhuka hana me:

«Ngámá ne kpála inde ngateteke ma,
ma djé tsulú li 'ngú bini de.

Okpála tí da namene ngú ma
mangua 'ngú dho?»

⁷ Yi bhundja nga okpála inde adu nani pí 'ndji yi kalanu-o, inde akpokpo eli gba Ebhe-e pi yi-o. Yi bhundja nga lele maka u akpata nani Ebhe lie, di ne maka u amu lie-o. Yi bhuka maka u abhuka nani lie ko.

⁸ Yesu Kilisito yiyipa de, lili, naki, duduma ne duduma. ⁹ Yi a'ó de me nasuno na gandji gandji 'e yi li kpadji-e de. A ndjindji me bua ní sia angu ka bádha bhú 'bu gba Ebhe , a alú pí olíli inde atsia ezu-o de. Padhá de, anga okpála bhende ngamene ngua olíli bhomu-o sia bádha 'ngú tété belegu de bini.

¹⁰ Odimandé gba Ebhe inde ngamene kulu bhú 'ti ngbangbali-e tí nani da nazú enú inde u atsulsulu e pí misa gba ní natsulu enu-o * de. ¹¹ 'Ngbé dimandé gba Ebhe nganu ne ngute onú li bíli na bubu naali, ngubula nahaha maka makiso ngú na'e sítí 'ngú. Engú bini, u tsulsulu kuo onú angu-o lí ngongo, a adudu bhú ká okpála de. ¹² Kaka-a, Yesu akpi di língu gudhu na Yelusalema ngubula na'e sítí 'ngú gba okpála ne ngute e makpe. ¹³ A ayo me ní nu kó liní ne aní alí ngongo, ní kibila ngua pádha inde u apadha aní ne e-o. ¹⁴ Padhá de, anga píla doto ei-e, gudhu inde ní ngadu bhú e duduma ne duduma ade. Engú bini, ní mangbo ngagili gudhu inde adú galikpe ko. ¹⁵ La li kpadji gba Yesu-o, ní dhogé Ebhe ndu nedhinga hana maka makiso, a akunda napa me, ní dhogé 'li aní ne 'bhé ní. ¹⁶ 'To yi a'íli li namene bádha 'ngú, di ne nateteke liyi sánda yi de. Padhá de, anga ngua makiso bhomu-o ngangá li Ebhe ngae.

¹⁷ Yi manga okpála inde pí 'ndji yi-e mamanga. Yi mene la di líli gba uo-o. Padhá de, anga u ngatsia 'kpí li yi ndu nedhinga hana ne nambila ndjindji me

ekpí bini, o kpókpo kú kulu inde o amene e kala Ebhe. Yi 'o me u mene kulu gba o-o ne djali hana. U améne ne nalopolo lío de, anga u mene ne nalopolo lío-o, bhobhomu-o tétéke yi de.

¹⁸ Yi yo Ebhe pi ya. Ya ambila me bua nakpokpo kú 'ngú gba ya-a ndjindji. Padhá de, anga ya ngagili ndu 'kpí hana namene engú inde li lelele. ¹⁹ Ma ngayo ka yi ne kekele me yi yo Ebhe ngú ma, amba aní bhulu kpadji me ma gie líma de yi má gala! ²⁰ Ebhe inde li guo 'ngú ngayie ka e,
azuku Ngámá gba ní Yesu bhú ká okpála inde amu-o.

Aní akolo 'ngbé mulila gba okandéle ne ngute e
i nde aní aha e maka makiso.

Aní amene me gandja na duduma-a lu pí ngute angu-o.

²¹ A ayo me Ebhe angu-o mene me yi kolo ne angu

ngú namene 'ngú
inde ndjindji ngubula namene mukunda gba aní-o.

A ayo me Ebhe 'o bhú ní engú inde ndjindji kala e

li pápá gba Yesu Kilisito.

A ayo me u dhogé aní duduma ne duduma.
A adu moko!

Engú na soso

²² Ondaise ma, ma ngayo ka yi me yi dje eli inde ma ngato masi bhú yi ne e bhomu-o ne 'ndjá bua. La di-e, balua ma aye e pí yi inde-e ndjándjá ade. ²³ Ma akunda napa pí yi me u atse 'kpa li ndai ní Timoté atse. † dḗ me aní nde akolo má gala-a, ya anú natsia yi bhú dabíli bini ne aní.

²⁴ Yi yi ndu okpála hana inde pí 'ndji yi-e mayi. Yi yi la di ndu okpála gba Ebhe-e hana mayi. Ondaise ní na Itali yi yi mayi.

²⁵ A ayo me bádha bhú 'bu gba Ebhe-e dḗ bhú dabíli bini ne ndu yi hana.

† 13:5 13:5 Tsia bhú Det. 31:6, 8.

† 13:6 13:6 Tsia bhú Ets. 118:6.

si-e, a ko makiso inde u apa 'ngú e bhú olukuluku 15-16.

* 13:10 13:10 Enu inde u atsulu e pí misa

Balua gba Djaki Eli na kalanu

Balua gba Djaki-e, apo bhúlá onǵú inde a ayo me u mene e. Aní aye pí ndu okpála gba Ebhe inde atsambala pílá doto libhomu. Djaki agama 'ngú ne bádha 'li pindji onǵú inde atsia imbilangu, engú inde a ayo me u mene e bhú dasundu gba omakilisito.

Balua ang-o ngalu kpekpeke pindji bádha 'ngú inde bhú okulu di ne nabhuka, ne pindji namene 'ngú na Ebhe maka makilisito.

Ongbe onǵú inde bhú bhuku inde- e ngae inde:

Eli na kalanu 1:1

Nabhuka, a la di-e imbilangu 1:2-8

Nadu bhú ndibhili ne nadu ne tia bhele 1:9-11

Nali bhú nale 1:12-18

Nadje 'kpí, a la di-e okulu 1:19-27

Nagbele 'dje kpála pindji nagbogbo bhusu o 2:1-13

Nabhuka, a la di-e okulu 2:14-26

Makilisito ne 'mi e 3:1-18

Makilisito, a la di-e onǵú na doto 4:1 - 5:6

Olili ngangá 5:7-20

Djaki yi okpála gba Ebhe-e mayi

¹ Ngama, Djaki, bali gba Ebhe, bali di gba Ngámá Yesu Kilisito-o, ma yi ndu okpála gba Ebhe hana inde atsambala pílá doto libhomu-o mayi.

Yi du ne kpeke bua bhú okpekpeke da 'ngú

² Ondaise ma, li okpekpeke da 'ngú du abhaka yi ne li okpadji ngangá-a, yi de du bhúbhú ne djali naali. ³ Padhá de, anga yi mbila ndjindji me, i du me nabhuka gba yi-e nde alu kpekpeke bhú okpekpeke da 'ngú-o, nabhuka ang-o tsia há pí yi kpeke bua. ⁴ Kaka-a, yi lila liyi uu! Padhá de, anga a ayo me kpeke bua gba yi-e kolo bha bini ali soso, ngabula me yi bhele li bua yi, amba yi a'ó ká saka bádha 'ngú bini de.

⁵ I du la me kpála bini bhú ká yi nde aneke imbilangu-o, a ayo me aní yo ka Ebhe, amba Ebhe ha pí aní. Padhá de, anga Ebhe ngahaha pí ndu okpála hana ne bádha bua, la di ne bua na keke de. ⁶ Engú bini, a ayo me aní yo ne nabhuka. Aní adú ne bua na bhisi bhisi de. Padhá de, anga kpála inde ne bua na bhisi bhisi-e, aní maka ngbo 'ngu inde li anvi ngatamba

e pí djila 'ngbé 'ngu. ⁷ Kpála ang-o a'ó 'to e de me ni asia 'he ka Ebhe Ngámá-a de, ⁸ anga aní ne bua na bhisi bhisi. Aní mbila la di de me bhú ká ondu 'ngú gba ni-e hana-a, ni améne pi-ie de.

Engú inde akólo li obhulu ndibhili ne obhulu tia

⁹ A ayo me mabhuka inde bhú ndibhili-e kpi djali. Padhá de, anga Ebhe nga'e'e aní abhúlá. ¹⁰ La di-e, mabhuka inde ne bhulu tia-a, a ayo me aní kpi djali, anga Ebhe ngaké aní ne kuto. Padhá de, anga aní akódho 'kpí maka felele na ulu inde abhú bili. ¹¹ Ela ngakoto ne kpeke djua gba e, i tsúlu ulu, li ulu-o 'úlu. Li ulu a'ulu lie, li felele felele tí kuto. Abhomu-o, li bádha gba ulu ang-o tsia kólo padhá. A bhadi moko pí bhulu tia. Padhá de, anga kpála ang-o akólo padhá bhú ká ondu 'he gba e hana inde aní ngamene e-o.

Ebhe ti da nato kpála bhú nale de

¹² A ko djali pí kpála inde ne kpeke bua bhú okpekpeke da 'ngú. Padhá de, anga píta aní ane okpekpeke da 'ngú lie, aní tsia sía makalá inde li Ebhe apa naní me ni ahá e pí okpála bhende akunda ni ko. Makalá ang-o, a ko mukobho na dudama. ¹³ Li nale* bhaka kpála-a, aní apá de me: «Ebhe ngato ma bhú nale-e ngae» de. Padhá de, anga mabhundja nale kpála bhú Ebhe ade. La di-e, Ebhe ngae makpe-e, ti da nale kpála bini de. ¹⁴ Kpála ngali bhú nale ka gumu na sisiti inde li bua e-o. Gumu na sisiti ang-o gbéle aní, i tsia tó aní bhú nale. ¹⁵ Pipita-a, gumu na sisiti-e bí 'bhi, i zú siti 'ngú. Siti 'ngú ang-o bhele-e, i tsia zú nakpi.

¹⁶ Ondaise ma na mukunda, yi apite liyi de. ¹⁷ Ndu 'ngú na babadha hana, la di ne ndu tia inde ane ne bádha hana ngayie ka Ebhe, inde abho ndu 'he na zizi inde abhúlá-a† hana ngae-o. La pí ani-e, zí aní djidji lie de, aní yie la di bhú da e 'kpí bini de. ¹⁸ Ebhe akunda naní ngae makpe naha mukobho pí ní li kpadji na eli gba e na kukulu-o. A ko ngabula napa me ní du ogina nguwa bhú ká ondu 'he hana inde aní abho e-o.

Nadje eli gba Ebhe, di ne namene maka li eli ang-o apa lie-o

¹⁹ Ondaise ma na mukunda, yi mbila engú inde-e ndjindji: kpála ne kpála du adje 'ngú má gala! La-a, aní adu agama 'ngú má gala gala de! Aní adú di ake 'ngú lie má gala gala de! ²⁰ Padhá de, anga ke 'ngú gba kpála-a, ngagbe ngbili 'ngú kala Ebhe ade. ²¹ Kaka-a, yi yala ndu 'ngú

* 1:13 1:13 Bhú eli na giliki-e, kpeke da 'ngú ne nale-e, a ko bha koli 'he bini. † 1:17 1:17 Ndu 'he na zizi inde abhúlá: A akunda napa me ela, epe ne oikupala.

bhende na sisiti-e hana. Yi yala di ndu kulu na sisiti-e hana. Yi sia eli inde li Ebhe ngalu e li bua yi-e ne naké liyi ne kuto. Padhá de, anga eli ango-o ne angu ngú nakobho yi.

²² Yi mene engú inde li 'li Ebhe ngapa me yi mene e ko. Yi adú bha nadjedje madje de. I du mo-o de-e, amba yi ngapite bhomu-o liyi ngayi makpe. ²³ Padhá de, anga kpála bhende ngadje eli, aní tsia mene maka li eli ango-o ngapapa lie de-e, aní maka kpála bhende ngatsia bhúla e bhú bitolobi. Aní ú maka aní nde lie-o. ²⁴ Pita aní atsia bhúla e lie, aní há lie, aní tsia tápa. La-a, bha kolo má gala, aní mbíla matá de me bhúla ní de igini pi-ie de. ²⁵ Engú bini, kpála koko ngazi 'ndji e bhú líli inde babadha na kuo kuo inde ngagbegbe kpála bhú bali-e ndjindji. Aní la di ngadhede tété. Aní ngadje eli-e lie, aní 'líli 'to e tété de. Bhú namene maka li eli-e ngapapa lie, kpála bhomu-o adú ne djali.

²⁶ I du me kpála nde ngabhundja me ní ngamene engú na Ebhe, engú bini, aní mbíla nalila 'mi e de-e, kpála ango-o ngapite lie ngae makpe. Engú na Ebhe inde li kpála ango-o ngamene e, a padhá. ²⁷ Engú na Ebhe inde kukulu-o, inde la di babadha bhú djila 'Dyi ní Ebhe-e, a ngae inde: a ko nanu nateteke otulosi di ne oekesi bhú likabhu gba o-o, a la di-e nalila lie, amba engú na doto inde-e asíti ní de.

2

Yi áú okpála koko ngbéngbé ane okoko de

¹ Ondaise ma, yi abhuka Ngámá gba ní Yesu Kilisito, inde abedhe ne sangu bedhe-o. Kaka-a, yi áú okpála koko ngbéngbé ane okoko de. ² Ní pa nga me: bhulu tia bini inde adyi kati na olo, di ne obabadha bongo na kuo kuo, ali li bili inde yi apekebho bhúla yi lie-o. Pipita-a, li bhulu ndibhili inde adyi naae okakadha bongo lí di oo. ³ Yi tsia ú bhulu tia inde adyi obabadha bongo na kuo kuo ngbéngbé ane mane. Kaka-a, yi tsia pá pi aní me: «Ngamu-o, du si, li bádha bili inde!» Yi tsia pá la naae pi bhulu ndibhili-e me: «Ngamu-o, lu malu», ne me: «Du kuto bhú doto bhú li 'dhu ma si!» ⁴ I du me yi nde amene mo-o, amba yi ngau okpála koko ngbéngbé ane okoko mane. Yi la di ngakodho 'ngú ne mabhundja na sisiti.

⁵ Ondaise ma na mukunda, yi djedje nga: Ebhe alo okpála bhende naao ne obhulu ndibhili bhú djila okpála na doto-o. Aní akunda me u du ne nabhuka naali,

ngubula me u li bhú Nau gba ní inde ní apa me ní ahá e pi okpála bhende ngakunda ní ko. ⁶ Engú bini, yi ngau obhulu ndibhili-e bhú djila yi padhá! La-a, a ngato mbolo li yi-e da? A la di ngagbe yi bhú ngbanga da? A ko obhulu tia di? ⁷ A ko matá bhadi uo di inde ngasobho 'líli na babadha inde li Ebhe aha e pi yi-e?

⁸ Bhuku gba Ebhe-e apa me: «Kunda kilí mu maka mo okunda limu lie ngamu makpe ko.» A bhomu-o líli inde bhú Nau gba Ebhe ko. I du me yi nde ngalila líli ango-o, amba yi ngamene bhomu-o ndjindji. ⁹ Engú bini, i du me yi nde ngau okpála koko ngbéngbé ane okoko mane-e, amba yi ngamene siti 'ngú. La di-e, líli-e agbite yi, anga yi ngagamu bhomu-o líli. ¹⁰ Padhá de, anga i du me kpála bini nde agamu té líli-e, aní nde la ngamene dudu-o hana ndjindji-e, amba aní agamu bhomu-o líli-e libhomu. ¹¹ Padhá de, anga Ebhe inde apa me: «Mo okúnda bhoko, i du di-e olo gba kpála koko de», aní apa di ngae me: «Mo obhóló kpála de.» Kaka-a, i du me mu nde kunda bhoko, i du di-e olo gba kpála koko de-e, engú la bini, mu bhóló kpála-a, amba mo ogamu líli-e agamu.»

¹² Ka 'ngú bhomu-o, yi gama 'ngú, yi mene di 'he me yi nde ngambila ndjindji me líli akódho 'ngú gba yi-e makodho, líli ango-o, a ko bhende ngagbegbe kpála bhú balli-o. ¹³ Padhá de, anga bhú nedhinga nakodho 'ngú-o, pi kpála bhende i dje nani ndjinga okpála koko de-e, Ebhe djé di ndjinga aní de. Engú bini, kpála bhende ngadje ndjinga okpála koko-o, ekpi nakodho 'ngú gba okpála-a 'o tsulu li aní de.

Nabhuka inde ne kulu ade-e, a kukuo

¹⁴ Ondaise ma, kpála bini ti da napa me ní ne nabhuka. Engú bini, i du la me aní nde suno kulu kulu-o de-e, nabhuka ango-o tí da nakobho aní uu? ¹⁵ Ní pa nga me: ndai yi bini na bhobhoko, i du di-e bhe na olo, u ne bongo ade, u di ne ezu ngú ekpi bini bini ade. ¹⁶ Li kpála bini bhú ká yi pa pi uo me: «Yi nu ne guo 'ngú! Yi nu dyi bongo, amba yi zu 'he, yi 'u'u ma'u'u!» Oeli bhomu-o améne pi uo mangua bádha 'ngú dho, i du me yi nde ha ehe inde u nde bhú ndibhili e pi uo de-e? ¹⁷ A si maka nabhuka. I du me mu nde abhuka-a, engú bini, mu suno kulu kulu-o de-e, amba nabhuka gba mu-o kukuo.

¹⁸ Engú bini, kpála ti da napa me: «Okpála koko aha lío pi nabhuka, okoko aha lío pi kulu.» Li kpála pa mo-o, ma gie pi aní me: «Sunu mama, lele pi mu ti da nadu lie

ne nabhuka me ma nde mene kulu kulu-o de-e! Ngama la di-e, ma asino nabhuka gba ma-a pi ma bhá namene kulu angoo.»¹⁹ Ngayi-e, yi ngabhuka me koli Ebhe bha bini. A ndjindji naali. Osisiti bua ngabhuka bhadi moko. La di-e, u ngagaku ne tsula.

²⁰ Yi ne ongingi! Yi akunda me u suno pi yi me nabhuka inde li kulu kulu nde lie ade-e padhá-a? ²¹ Lele pi li ogbi ní Abalahama akolo nani lie ngbingbili bhú djila Ebhe-e? A ko nani li pápá na okulu gba ani-e di? Li nedhinga inde ani aha ndili gba e Isaka lie, ani atsia a'o ani li bili natsulu enu pi Ebhe-e? ²² Yi ngau me nabhuka, di ne okulu gba ani-e, adu nani adholo bhú dabili bini. Ka okulu gba ani-e, Ebhe atsia au me nabhuka gba ani-e abhele. ²³ Abhomu-o, eli inde li Bhuku gba Ebhe-e apa e-e, atsia amene lie. A ko eli inde apa me: «Abalahama abhuka Ebhe. Kaka-a, Ebhe atsia au ani me, a ko ngbili kpála .†» Ebhe atsia a'i la di ani me olia ni. ²⁴ Yi ngau me Ebhe ngaziba me kpála inde-e ngbingbili li pápá na okulu gba e-o. A ko bha bini ka nabhuka kpi e kpi de.

²⁵ A bhadi si maka Lahaba, olo inde adu akunda obhosi ngangá-o. Ebhe aziba nani me a ko kpála na ngbingbili ka okulu gba ani-o. Padhá de, anga ani asia nani okpála inde li omafsalaele atima nani o agba e. Ani atsia amene la di me u gie lio li kpadji koko.

²⁶ A moko. Maka li ewo du lie bhú kute de-e, amba kute bhomu-o kukuo, a bhadi moko, li nabhuka du ne kulu bhú e de-e, amba nabhuka angoo kukuo.

3

Ní lila 'mi ní malila

¹ Ondaise ma, bhelé na okpála bhú ká yi agili nadu omusuno de. Padhá de, anga a ayo me yi mbila ndjindji me Ebhe akódho 'ngú gba ní omusuno-o kpekpeke naali ané okpála koko mane. ² Ndu ní hana ní ngati bhú ongu bhelé. I du me kpála nde ti bhú engú inde ani ngagama e de-e, amba kpála angoo abhele. Ani ti da nadu ne angu pi 'ndji kute e libhomu. ³ I du me ní nde ato mboye kalase bhú 'bhé opunda ngubula me ní to bhúla uo li pápá inde ní ngakunda e, ní ti da namene di ne kute uo libhomu maka ní akunda lie. ⁴ Yi tsia nga ongbengbe zabu. A ngbengbengbe. Anvi na kpekpeke ngatutumba ngae. La-a, mboye 'he masudha inde ngalili bhúla 'ngbé zabu-o ngadjidji ngae. Li zabu-o tsia nú li pápá inde li kpála nadjedjele ngakunda e ko. ⁵ A bhadi moko pi emi. A ko mboye ehe masudha bhú kute. Engú

bini, a ngabhi 'kpa e pi 'ka e li ongu na ngbengbengbe.

Yi tsia nga me ne mboye dhegu djua masudha, u ti da natsulu 'ngbé gbendé na ngbéngbé! ⁶ Emi bhadi maka djua, a ko dabili gba siti-o. A ko suka ya ní, a la di ngasiti kute ní libhomu. Djua na likabhu na daduma pi 'mi ní. 'Mi ní la di ngatsulu makobho gba ní-e libhomu ne djua angoo. ⁷ Kpála-kuti ne angu ngu na'o mboli li ndu djua oenu na bili hana, abana oedhu, onu inde ngagbele lio ne 'bu o, abana osungu. Ani a'o la bhadi mboli li uo a'o. ⁸ Engú bini, kpála-kuti ne angu ade ngu na'o mboli li 'mi e. Emi ne ehe na siliti. A tili naali. A abedhe la di ne sili na bhéle kpála bhú e bedhe!

⁹ Bha ne emi bini bhomu-o, ní ngadhégo Ngámá inde 'Dyi ní-o. La bhadi ne emi bini bhomu-o, ní sosobho okpála inde li Ebhe abho o maka e makpe ko. ¹⁰ Oeli na dhégo di ne oeli natu pedjo-o, a ngaze bha bhú koli ebhe bini. Ondaise ma, a ayo mo-o de. ¹¹ Koli kpongú bini ti da nagbe engu na babadha, di ne engu na susu de. ¹² Ondaise ma, ndula na figi ti da nali li ndula na olive uu? Ne me 'lá ndula na vino ti da nali li ndula na figi uu? Kpongú na 'ngu ngutu ti da nagbe engu na babadha de.

Imbilangú inde ayie abhúla

¹³ Kpála bhende na imbilangú, inde di aké mboli 'ngú bhú ká yi uu? A ayo me ani suno bhú dasundu gba e na babadha. Ani suno di bhú kulu inde ani ngamene e ne naké lie ne kuto di ne imbilangú. ¹⁴ Engú bini, i du me yi nde ne 'ngbé bua naali-e, di ne bua me o one okpála koko mane-e, yi 'o nabhi 'kpa yi pi 'ka yi ma'o. Yi asiti engú na kakulu-o ne eu gba yi-e de. ¹⁵ Ngua imbilangú bhomu-o yie abhúla de, a ko bhe na doto. A ko bhe na kute, a ko bhe gba kpála inde bhú e ne siti bua . ¹⁶ Padhá de, anga bili inde li okpála nde lie ne 'ngbé bua-a, bili u nde lie ne gumu nane okpála koko mane-e, oo-o, nadje lio dú-u de. A adú bha bini oo ne ondu 'ngú hana bhe na siliti.

¹⁷ Engú bini, imbilangú inde ayie abhúla-a, a naae kpi hana. La di-e, a ne guo 'ngú , a ne bua na bhúbhuku, di ne namanga kpála. A abedhe di ne nadje ndjinga okpála koko, a ngazu obabadha nguwa. A ngau okpála koko ngbéngbé ane okoko mane ade, a la di ne kali bhú e ade. ¹⁸ Okpála bhende akunda guo 'ngú-o, maka okpála alulu 'dyi. Nguwa inde u alulu e, a ko guo 'ngú, a ngazu pi uo ngbili 'ngú .

† 2:23 2:23 Tsia bhú Dje. 15:6.

4

Mu kunda engú na doto-o, amba mu ne bhulu yala gba Ebhe

¹ Okpekebhe di ne ogbele-e ngayie bhú ká yi su? A ngayie bhú osisiti gumu na ndu 'ngú ngangá inde ngagu gbele bhú kute yi-o. ² Yi kukunda nasia ehe bini, engú bini, yi ti da nasisia de. Kaka-a, yi bedhe ngú nabhili okpála. Yi dudu ne gumu na sisiti ngú nasia ehe bini, engú bini, yi ti da nasisia de. Kaka-a, yi ngamene kpekebhe, yi la di ngagu gbele. Yi sisia ehe inde yi akukunda e de. Padhá de, anga yi yoyo ka Ebhe de. ³ Belegu yi ayoyo lie, yi sisia de anga yi yoyo maka ayo lie de. Yi yoyo bha bini ehe inde i ngangá li yi-o. ⁴ Ngayi obambakuya inde-e! Yi mbila de me nakunda engú na doto-o, a ko naku bhulu yala gba Ebhe-e di? Kpála bhende akunda engú na doto-o, ani nga'o lie bhulu yala gba Ebhe. ⁵ A aye nani lie padhá de me: «Ebhe akunda bua gba e inde ani a'o nani e bhú ní-e naali.»* ⁶ Engú bini, bádha bhú 'bu inde li Ebhe nde ne e pi ní-e, ane ne engbé. Kaka-a, u aye bhú Bhuku gba ani-e me:

«Ebhe ne bhulu yala gba okpála na 'ngbé 'ndji,
engú bini, ani ne bádha bhú 'bu pi
obhende ngaké lio ne kuto ko.†»

⁷ Kaka-a, yi manga Ebhe. Yi holo bhú 'dhu yi ka Djabulu kpekepe, amba ani kpe yi tsutsu. ⁸ Yi dyudyo liyi de Ebhe masikpe, amba ani dyudyo di lie de yi masikpe. Ngayi okpála na siti 'ngú, yi vulu 'kpa yi! Ngayi okpála li bua o agbolo ngangá-a, yi vulu bua yi! ⁹ Yi mbila ndjindji me yi bhú likabhu. Yi ku 'gbá, amba yi lopolo liyi. A ayo me ezo gba yi-e dji lie, a akolo egbá, amba djali gba yi-e dji lie, a akolo likabhu. ¹⁰ Yi ké liyi bhú djila Ngámá ne kuto, amba ani tsia 'e'e yi ne abhúá.

Mo okódho 'ngú gba kpála koko de

¹¹ Ondaise ma, yi adú apa siti 'ngú li yi sunda yi de. Kpála bhende ngapa siti 'ngú li ndai e, i du di-e nakodho 'ngú gba ani-e, ani ngapa siti 'ngú bhomu-o li líli gba Ebhe, di ne nakodho 'ngú tété. Bhú nedhinga bhomu-o, ani ngamene líli ade, ani mangbo ngakodho 'ngú tété. ¹² La-a, Ebhe aha líli ngae makpe. Ani tí la bhadi da nakodho 'ngú tété ngae kpi e kpi. Ngaani kpi e kpi, ani tí da nakobho kpála, di ne na'o me kpála kpi. Ngamu-o, mu la naamu ne da, mu ngakodho 'ngú gba kpála koko lie?

Yi adú ne 'ngbé 'ndji de

¹³ Yi dje nga ma mbia inde, ngayi okpála bhende ngapa me: «Naki, i du di-e mambi, ya anú bhú gudhu bhe. Ya así oo kalanga bini. Ya atsindji 'he, ya tsia sia falanga.» ¹⁴ La-a, yi mbila de me mukobho gba yi-e adú mambi pi-ie de! Padhá de, anga yi maka nguwa inde ngau lie ngubula nedhinga bedi, pipita-a, u u matá-a de ko! ¹⁵ A ayo mangbo me yi pa me: «† du me Ngámá nde akunda-a, ya adú bhú mukobho. Ya tsia méne engú inde, i du mo-o de-e, ya méne engú koko.» ¹⁶ Engú bini, mbia inde-e, yi ne okpála na 'ngbé 'ndji. Yi la di ngabhú 'kpa yi pí 'ka yi. Ndu ngua ongbengbe 'ndji bhomu-o hana sisiti. ¹⁷ Kaka-a, li kpála mbila namene bádha 'ngú-o, engú bini, ani mene la bádha 'ngú ango-o de-e, amba ani amene siti 'ngú.

5

Ngayi obhulu tia-a, yi ku 'gbá

¹ Ngayi obhulu tia-a, yi dje nga ma mbia inde! Yi ku 'gbá, amba yi tu di 'ue ka olikabhu inde akólo li kute yi ko! ² Tia gba yi-e azi. Okoké azu la di obongo gba yi-e azu. ³ Olo gba yi, la di ne aladja gba yi-e agba mbelende. Mbelende ango-o a'ó 'ngú pí yi ngae. Mbelende azú la di kute yi maka djua. Yi apo ibili bhúla tia gba yi-e mbia inde-e ali sokpi! ⁴ Yi ayala naha tia pi okpála na kulu inde ngamene kulu bhú 'dyi gba yi-o. Kaka-a, u ngalopolo lio. La di-e, Ngámá na abhúá, Angbamili adje nalopolo lie gba uo-o adje. ⁵ Píla doto-o, yi adú bhú ká tia, yi atsia adú akobho ndjindji naali. Yi akolo ne tsikpa maka oenu inde akolo ne tsikpa ngubula ekpi inde u abhéle uo lie ko. ⁶ Yi a'o mangimbo pí kpála na ngbingbili-o. Yi atsia abhéle la di ani. La-a, ani lu kala yi ne gbele de.

Yi du ne 'ndjá bua, anga Ngámá ngago

⁷ Kaka-a, ondaise ma, yi du ne 'ndjá bua akólo bha bini li 'kpi inde li Ngámá agó lie ko. Yi tsia nga kpála inde ngalu 'dyi-o. Ani ngadjeke nguwa inde ane ne bádha-a ne 'ndjá bua. Ani ngadjeke bhadi nedhinga inde li ebha na kalanu, di ne bhende na soso-o adhi lie-o. ⁸ Ngayi di-e, yi du ne 'ndjá bua. Yi du ne masi. Padhá de, anga nago gba Ngámá-a akolo masikpe. ⁹ Ondaise ma, yi apa siti 'ngú li yi sunda yi de, amba u akódho 'ngú gba yi-e de. Padhá de, anga kpála nakodho 'ngú-o alu li obhehoti. ¹⁰ Ondaise ma, opolofeta inde akpokpo nani 'ngú ne 'li Ngámá-a, abi nani likabhu ne 'ndjá bua. Yi kpata engú inde u amene e-o. ¹¹ Ní ngapa me okpála bhomu-o, a ko okpála na djali. Padhá de, anga

* 4:5 4:5 Ebhe akunda bua gba e inde ani a'o nani e bhú ní-e naali: U ti da napa matá me: «Bua inde li Ebhe a'o e bhú ní-e abedhe ne osisiti gumu 'he.» † 4:6 4:6 Tsia bhú Gbt. 3:34.

u adu bhú likabhu ne kpéke bua. Yi adje maka li Djobe abi nani likabhu lie ne kpéke bua-o. Yi atsia au la di ehe inde li Ngámá aha e pí ani ali soso-o. Padhá de, anga Ngámá abedhe ne ndjinga, la di ne bua na babadha.

¹² A ane la mane ondaise ma, yi atú silika de. Yi atú silika ne 'li kokpí de. Yi atú silika ne 'li doto de. Yi atú di silika ne 'li 'he koko belegu de bini. I du me a nde mo-o, yi de pa bha me: «A moko.» I du la di me a nde mo-o ade-e, yi de pa bha me: «A mo-o ade», ngabula me yi asía mangimbo ka Ebhe de.

Nayo gba kpála na ngbingbili-e, a ne angu naali

¹³ Bhú ká yi-e, kpála bini bhú likabhu uu? A ayo me ani yo Ebhe. Bhú ká yi-e, kpála bini ne djali uu? A ayo me ani dhøgø Ngámá bhú oetsi. ¹⁴ A li kpála bini bhú ká yi ne kuo uu? A ayo me ani 'i obhelesi okpála na Piga gba Ebhe . U yo Ebhe ngubula ani, amba u tuko la di emu pí 'ndji ani ne 'li Ngámá. ¹⁵ I du me u nde ayo bhú dabili bini ne nabhuka-a , li nayo ang-o kóbho kpála na kuo-o, li Ngámá 'é ani bhúlá. I du me ani nde amene siti 'ngú-o, li Ebhe tsia 'é siti 'ngú ang-o. ¹⁶ Kaka-a, yi mbamba ta osisiti 'ngú gba yi-e sunda yi. Yi yo Ebhe ngú yi sunda yi, amba okuo gba yi-e yie. Nayo gba kpála na ngbingbili-e, a ne angu naali. ¹⁷ Eliya nani ne kpála-kuti maka ní. Ani ayo nani Ebhe ne bua e hana ngabula me ebha adhi-i de. Ebha tu píla doto belegu de bini, ngubula kalanga bata ne epe madhia. ¹⁸ Pipita-a, ani ayo matá Ebhe. Abhomu-o, ekpí atse 'kpa li ebha kuto, doto atsia aholo di nazu nguwa gba e-o.

Yi gie kpála inde a'o ká ngbili kpadji-e li kpadji na kukulu

¹⁹ Ondaise ma, kpála bini bhú ká yi ti da na'o ká ngbili kpadji. Pipita-a, li kpála koko tsia gie matá ani li kpadji na kukulu. ²⁰ Yi mbila ndjindji me kpála inde agie kpála bini na siti 'ngú, inde a'o ká ngbili kpadji li kpadji na kukulu-o, ani akóbho bua kpála bhomu-o bhú kuo, ani tsia méne me u mbu li bhiti osisiti 'ngú gba kpála bhomu-o.

Balua na bini gba Piele Eli na kalanu

Piele aye nani balua na bini gba e pi omakilisito inde u a'i o li bili inde me okpála inde nani li Ebhe abhu o. Okpála angoo atsambala nani bhú Adji Minele, ali pápá na abebe. Engú na ngbéngbé inde bhú balua inde-e, a ko nato masi bhú okpála inde ngatatanga. Padhá de, anga u adu nani ato mbolo li uo, kabula nabhuka gba o-o. Aní aye balua angoo ngubula naha Bádhá Ngali gba Yesu Kilisito pi uo, inde nakpi, ne nazuku gba e ngaha pi okpála na'o 'to o 'to engú inde aní apa me ní améne e nedhinga nago ka ní ko. Nau ongu bhomu-o, uo ne kpadji koko ade, a ayo bha me u ziba nakibila olikabhu ne nambila ndjindji me, a ko nale inde u ngale uo ne e bhú nabhuka gba uo na kukulu-o. A ko la di me, u asia makalá li 'kpí inde li Yesu Kilisito ago lie (1:7).

Bhú nato masi inde li Piele ato e bhú okpála bhú nedhinga na likabhu-o, aní aha di líli pi okpála inde ngatanga balua inde me: u kobho maka okpála gba Kilisito.

Ongbengbe ongu inde bhú bhuku inde- e ngae inde:

Eli na kalanu 1:1-2

Nagama matá 'ngú ne toto pindji mukobho inde li Ebhe ngaha e 1:3-12

Líli pindji mukobho na bubu 1:13 - 2:10

Ongu inde a ayo me makilisito mene e bhú nedhinga na likabhu 2:11 - 4:19

Namene kulu ne nakè li o ne kuto ka makilisito 5:1-11

Eli na soso 5:12-14

Piele yi omabhuka inde agbongbolo ne bili-e mayi

¹ Ma aye balua inde-e pi yi ngama Piele, ma ne bhéla titima gba YesuKilisito . Ma aye pi yi okpála inde li Ebhe abhu o, ngayi okpála inde ngadu maka ogandji okpála bhú kúti koko, ngayi inde atsambala bhú ondu doto na Pote, ne Galatia, ne Kapadose, ne Adjia di ne Bitinia-o. ² Ebhe 'Dyi ní abhu nani yi bhutode maka aní aleke nani engú angoo lie-o. Aní alo yi li kpadji gba Bu Bhobua , aní a'o yi kpi ngú nadu piga gba e, ngubula me yi du namanga Yesu Kilisito, amba ngute aní valú yi ngú nadu bubu kala ni. A ayo me bádhá bhú 'bu gba Ebhe-e du ne yi, amba aní ha di guo 'ngú pi yi ane mane.

Piele adhøge Ebhe, anga aní akóbho omabhuka makobho

³ A ayo me ní dhøge Ebhe, 'Dyi Ngámá gba ní Yesu Kilisito. Padhá de, anga aní abedhe ne ndjinga pi ní bedhe, aní atsia aha mukobho na mbia pi ní bhú nazuku Yesu Kilisito bhú ká okpála inde amu-o. Kaka-a, ní abhele djila ní li aní me ní azúku di mazuku. ⁴ Ní ti la di da na'o 'to ní 'to tia inde li Ebhe awo e pi ní opiga gba e-o. Aní awo tia angoo pi ní abhúla. Tia angoo zizi de, a sisiti de, a pádha la di-i de. ⁵ Ngani okpála inde abhuka Ebhe-e, aní ngalila ní ne angu gba e, ngubula me ní sia mukobho na daduma angoo. Mukobho angoo-asúno lie li sokpi.

⁶ Ka ongu angoo, yi kpi djali, abana ayo lie me yi zu olikabhu mbia inde-e li okpadji ngangá ngú nedhinga bedi-o. ⁷ Belegu olo inde asisiti masiti-e, okpála tsutsulu ngaiza bhú djua ngú naleleke me a kolo ndjindji. A si la masi maka nabhuka gba yi-e ane olo lie mane-e? Yi ngazu olikabhu bhomu-o ngubula me okpála mbila me a li nabhuka gba yi-e ne tata. A bhadi moko ne nabhuka gba yi-o. Ebhe améne mo-o ngú namene me, kabula nabhuka gba yi-e, aní toko yi, aní dhøge di yi, aní mene di me 'li yi kolo ngbéngbé li 'kpí li Yesu Kilisito asúno lie lie bhú sangu gba e-o. ⁸ Belegu yi u aní lie de-e, yi ne mukunda pi aní. Abana yi nde lie ngau aní ade-e, yi ngabhuka aní. Kaka-a, yi ngakpi djali naali, djali inde li kpála ti da nakpokpo lele e de, ⁹ anga yi asia makalá na nabhuka gba yi-e masia. Makalá angoo, a ko li bua yi akóbho lie-o.

¹⁰ Nani kalanu-o, opolofeta agili má bhobhoto me o mbila kpadji li Ebhe akóbho okpála lie-o. U adu akpokpo 'ngú kalanu pi okpála pindji bádhá bhú 'bu inde li Ebhe a'o nani e pi yi-o. ¹¹ Bua gba Kilisito inde adu bhú uo-o apa pi uo kalanu me, Kilisito azú likabhu. Pipita-a, aní tsia sia sangu gba Ebhe-o. Opolofeta angoo agili nambila me ongu bhomu-o akódho 'kpí nadho. U atsia agili di nambila me a adú lele pi. ¹² Ebhe atsia asuno pi opolofeta bhomu-o me ongu angoo kódho 'kpí bhú nedhinga gba uo-o de, engú bini, akódho mangho 'kpí bhú 'kpí gba yi. Mbia inde-e, okpála inde ngakpokpo Bádhá Ngali-e , akpokpo ongu bhomu-o pi yi akpokpo. U akpokpo pi yi ne angu gba Bu Bhobua inde li Ebhe atima e-o. Belegu oandjelu , u akunda nau ongu angoo-o.

Piele apa pi omabhuka me u du bubu kala Ebhe

¹³ Kaka-a, yi du bedhe ndu 'kpí hana. Yi bhulu djila yi, yi 'o 'to yi libhomu 'to bádhá bhú 'bu inde li Ebhe ahá e pi yi li 'kpí li Yesu Kilisito asúno lie lie bhú sangu gba e-o. ¹⁴ Yi manga Ebhe maka ongisi na babadha. Yi akpáta matá kpadji na sisiti

inde nani yi adu nakpata e kala me yi nde mbila Yesu Kilisito de-e de. ¹⁵ Engú bini, yi du bubu bhú mukobho gba yi-e libhomu, maka li Ebhe inde a'i yi-e nde lie bubu-o. ¹⁶ Padhá de, anga u aye bhú Bhuku gba Ebhe-e me: «Yi du bubu, anga ma bubu.»

¹⁷ Nedhinga yi ngayo Ebhe lie, yi nga'i ani me «'Dyi ní». Padhá de, anga ani ngakodho 'ngú gba okpála nakpata lele kulu gba kpála ne kpála. Ani tsia la di bhúla kpála bini de. Kaka-a, nedhinga yi nde nga bha lie píla doto-o, yi manga ani bhú ndu 'ngú hana inde yi ngamene e-o. ¹⁸ Yi mbila ndjindji maka li Ebhe agbegbe yi lie li kpadji ndu ongu hana na padhá padhá inde li odyi yi apana e pi yi-o. Ebhe kala yi ne ehe inde ngasiti masiti maka aladja, i du di-e olo de. ¹⁹ Engú bini, ani akala yi ne ngute Kilisito inde ane ndu 'he hana-o. Kilisito maka ndili kandelo inde aha mukobho gba e, u atsia abhelo e-o. Ani bubu kala Ebhe, ehe na sisiti bhú ani belegu ade bini. ²⁰ Ebhe abhu nani ani ngú nakpi li 'ngú gba okpála kala me ani bho doto, la mbia inde-e, ani atsia asuno ani bhú onedhinga na soso inde-e mbámbá ngubula me ani kobho yi. ²¹ Kabula Kilisito-o, yi abhuka Ebhe inde azuku ani bhú ká okpála inde amu-o, ani atsia aha sangu pi ani. Kaka-a, yi nga'o nabhuka gba yi-e bhú Ebhe, yi la di nga'o 'to yi 'to ani.

²² Yi avulu bua yi avulu ngú nandu ne mukunda na kukulu sunda yi. Yi avulu bua yi ang-o li kpadji nakpata ongu na kukulu inde li Ebhe asuno e pi yi-o. Ka 'ngú ang-o, ma apa pi yi me, yi du ndu 'kpi hana ne mukunda na kukulu sunda yi di ne bádha bua. ²³ Yi mbila ndjindji me Ebhe aha mukobho na mbia pi yi li kpadji na eli gba e na duduma, inde di ngaha mukobho pi okpála-o. Ebhe inde i kpi kpi de-e aha mukobho ang-o pi yi ngae makpe. Yi sia mukobho ang-o ka odyi yi inde amú mamu-o de. ²⁴ Padhá de, anga u aye bhú Bhuku gba Ebhe-e me: «Ndu okpála hana ngamu maka ulu a'u'ulu lie-o.

Bádha gba kpála-kuti ngandjia maka bádha gba felele andjindjia lie, i du me a nde anuku-o.

²⁵ Engú bini, eli gba Ngámá-a ngadu duduma ne duduma.»

Eli ang-o, a ko Bádha Ngali inde u akpokpo e pi yi-o.

2

Piele apa me omabhuka du maka teme na mukobho

¹ Yi bala ndu sisiti 'ngú hana kabula mukobho na mbia inde li Ebhe aha e pi yi-o. Yi apite kpála bini de, yi adu amene engú na kali de, yi adu ne gumu 'he gba kpála de, yi adu di apa 'ngú li okpála koko sisiti de. ² Yi du maka ongi si u azu o na mbia, inde ndu 'kpi hana ne gumu nandji 'ka. Yi du bhadi ne gumu Eli gba Ebhe-e moko ngubula me yi bhele, akolo li ekpi li Ebhe akóhbo yi lie libhomu-o. ³ Yi du bha ne gumu eli ang-o na paká paká, anga yi ambila bádha 'ngú inde li Ngámá ngaha e li bua yi ambila.

⁴ Yi dyudyo liyi de Ngámá Yesu Kilisito masakpe, a ko teme na mukobho, inde li okpála abhike nani e ne 'ili me a li kulu ade-o. La-a, bhú djila Ebhe inde alo nani teme ang-o, ani atsia au me a li kulu ane ndu oteme koko hana. ⁵ Ngayi makpe-e di-e, yi du maka teme inde na mukobho, amba Ebhe ha yi, ani tsia yiki eti gba Bu Bhobua ne yi maka 'ngbé 'ti Ebhe gba omaYuda-o. Bhú 'ti ang-o, yi akolo piga gba odimandé inde aha lio pi Ebhe, ngubula naha makiso na Bu Bhobua, inde ndjindji pi Ebhe li kpadji gba Yesu Kilisito. ⁶ Padhá de, anga u aye bhú Bhuku gba Ebhe-e me:

«Yi gbo nga 'dje yi, ma alo teme bini na mase,
ma a'ó bhú gudhu na Siona
maka teme inde abi eti-e libhomu.

Kpála inde aziba teme ang-o sia namu belegu de bini.»

⁷ Pi yi okpála inde abhuka-a, teme ang-o pi yi li kulu ane ndu oteme koko hana. Engú bini, pi okpála bhende i bhuka de-e, a mo-o ade. Padhá de, anga u aye bhú Bhuku gba Ebhe-e me:

«Teme inde li okpála nayiki eti-e abhike e-e,
akolo teme inde abi eti-e libhomu ngae.»

⁸ U aye matá di bhú Bhuku gba Ebhe-e me: «Okpála ngado 'dhu o li teme ang-o,
i tsia méne me u gu 'i o kuto.»

U ngado 'dhu o tété, anga u ayala nakpata 'li Ebhe, Ebhe apa nani bhutode me a méne lie mo-o.

⁹ La pi yi-e, yi ne piga inde li Ebhe abhu o-o. Yi ne piga gba odimandé inde ngamene kulu pi 'ngbé Ngámá Ebhe. Yi ne piga okpála inde li Ebhe a'o o kpi pi e. Ani abhu yi ngubula me yi kpokpo ongbengbe 'ngú inde ni amene e pi okpála. Ani a 'i yi me yi ze bhú biti, amba yi go li zi 'ke gba ni inde ngatsi ane ndu 'he hana-o.

¹⁰ Nani kalanu-o, yi du ne okpála gba Ebhe de, engú bini mbia inde-e, yi akolo okpála

† 1:16 1:16 Tsia bhú Lev. 19:2.

† 1:25 1:25 Tsia bhú Isa. 40:6-8.

† 2:6 2:6 Tsia bhú Isa. 28:16.

† 2:7 2:7

Tsia bhú Ets. 118:22.

† 2:8 2:8 Tsia bhú Isa. 8:14.

gba ani. Nani kalanu-o, yi sia ndjinga gba Ebhe-e de, engu' bini mbia inde-e, yi asia ndjinga gba ani asia.

Piele aha lili pi omabhuka pindji lele namanga lio, di ne namanga Ebhe

¹¹ Ondaise ma na mukunda, yi mbila ndjindji me yi pala doto ei ne ogomago. Kuti gba yi-e pala doto inde-e ade. Kaka-a, ma ayo ka yi me, yi adu amene osisiti 'ngu li gumu e nde li bua yi-e de, anga ongu bhomu-o ngazu bili li bhobua yi ngae. ¹² Yi mene ehe liyi bhú ka omupagano ndjindji ngubula me, abana u du apa 'ngu li yi sisiti-e, u de u obabadha 'ngu inde yi ngamene e-o, amba ekpi li Ebhe asuno lie pi uo lie, u de dhogo ani.

¹³ Yi ko liyi ne kuto kala ndu okpala hana inde ngau pala doto, kabula Ngama gba ni Yesu Kilisito inde yi ngakpata nganda e-o. Yi ko liyi ne kuto kala ongbenge ongamasí na doto inde ngau pi ndu okpala hana-o. ¹⁴ Yi ko liyi ne kuto kala oguvelenele inde li 'ngbe ngama a'o o-o. Ani a'o uo ngubula me u mene okpala inde ngamene siti 'ngu-o kpekpeke, di ne me u dhogo obhende ngamene badha 'ngu-o. ¹⁵ Padha de, anga Ebhe akanda me yi gbite 'bhe ngingi 'ngu gba okpala inde ayala nambila Ebhe-e ne namene badha 'ngu. ¹⁶ Yi mene ehe liyi maka okpala inde bhú bali ade. Engu' bini, yi apa de me, o nde lie bhú bali ade-e, o mene siti 'ngu bhú gandji-e de. Yi mene mangbo liyi maka obalise gba Ebhe. ¹⁷ Yi manga ndu okpala hana. Yi du ne mukunda pi ondaise yi bhú 'bu nabhuka. Yi manga ongbenge ongamasí mamanga. Yi dhogo Ebhe.

¹⁸ Ngayi obalise-e, yi ko liyi kala omakalasi yi ne kuto. Yi manga uo ndjindji. Yi amanga bha bini obhende na bhuku 'ngu-o de, inde ngamene yi ndjindji-e de, yi manga di obhende ngamene yi sisiti-o. ¹⁹ Padha de, anga Ebhe ngasuno badha bhú 'bu pi kpala inde ngazu likabhu sakpa okpala koko padha me ani nde mene siti 'ngu de, li ani tsia kibila likabhu ango-o kabula 'li Ebhe. ²⁰ Yi du azu bhikpa ka siti 'ngu yi amene e, a dhogo yi tete da? Engu' bini, i du me yi nde ngazu likabhu sakpa okpala koko kabula badha 'ngu inde yi amene e, li yi kibila likabhu ango-o, a ko badha 'ngu bhú djila Ebhe. ²¹ Ani a'i yi me yi mene moko, anga Kilisito azu bhadi likabhu pi yi moko. Ani apana kpadji pi yi, amba yi mene bhadi maka ni.

²² Ngaani-e, ani mene siti 'ngu de.

Ani pa eu belegu de bini.†

²³ Li okpala asobho ani lie, ani gie sobho pi uo de.

Abana u ato mbolo li ani lie, ani gu okpala ango-o de.

Ani a'o mangbo lie sakpa Ebhe inde ngakodho 'ngu ngbingbili-o.

²⁴ Ani abha sisiti 'ngu gba ni-e, ani atsia abi li kate e.

Ani abi siti 'ngu ango-o nedhinga u abhelo ani lie li kulusi ngubula me, ni du maka okpala inde amu li papa na siti 'ngu amu,

di ne me ni du mangbo bhú mukobho inde ngbingbili.

Yi akobho ka oeka li ani abi e-o.

²⁵ Padha de, anga yi du nani maka okandole inde angita.

Engu' bini, mbia inde-e, yi agie liyi agba mulila, inde ngalila bua yi-o.

3

Lele dasundu sunda olisi ne obhosi

¹ Ma ngapa di pi yi olisi moko, yi ko liyi kala obhosi gba yi-e ne kuto da napa me abana li bini bini bhú ka uo bhuka 'li Ebhe de-e, u de dji bua o ka nau lele mukobho gba yi, abana yi pa 'ngu pi uo pindji eli gba Ebhe-e de-e, ² u de bhuka kabula nau me lele dasundu gba yi-e ndjindji, yi la di ngamanga uo. ³ Yi adu bha bini aleke kute yi akilidjo de, abana i du bhú napulu sundjo yi, abana i du nadyi omagege na olo, abana i du di-e bhú nadyi obongo bhe na mase naali. ⁴ Engu' bini, yi leke mangbo liyi bhú naleke bua yi. Yi ko liyi ne kuto, yi du di ne guo 'ngu. Padha de, anga a bhomu-o badha bhe i zizi de-o, a nganga li Ebhe naali. ⁵ Olisi na kalanu inde adu akpata Ebhe-e, inde adu di na'o 'to o 'to ani-e, adu nani aleke lio ne ngua badha kulu bhomu. U adu la di namene lili gba obhosi gba o-o. ⁶ Yi bhundja nga pindji Sala. Ani adu amene nani lili gba 'ko e Abalahama ndjindji. Ani adu a'i ani me ngama gba ni. Yi ne ongisi na olisilisi gba Sala na paká paká, i du me yi nde ngamene badha 'ngu, yi nde 'lo la di de me tsulu ha angu yi de-o.

⁷ A bhadi moko pi yi obhosi, a ayo me dasundu gba yi ne olisi gba yi-e du ndjindji. Yi mbila ndjindji me uo bhuhuku ane yi. Yi manga uo mamanga, anga mukobho inde li Ebhe ahá e pi yi bhú badha bhú 'bu gba e-e, ani ahá pi ndu yi ne uo hana. Yi mene mo-o, ehe bini ni kpadji kala mayo gba yi-e de.

Lele dasundu gba omabhuka

⁸ Ngú nabu tata-a, yi du ndu yi hana ne bua bini, yi du amene badha 'ngu li yi sunda yi, yi du ne mukunda sunda yi maka ondaise. Yi du ne ndjinga sunda yi, yi ko

† 2:22 2:22 Tsia bhú Isa. 53:9.

la di liyi sũnda yi ne kuto. ⁹ Yi agie siti pi siti de, i dũ di-e sobho pi sobho de. Li kpála sobho yi-e, yi agie sobho pi ani de, engú bini, yi yo mangbo Ebhe me ani tuko bisagu pí ani. Padhá de, anga nedhinga li Ebhe a'í yi lie me yi dũ piga gba ni-e, ani apa nani pi yi me ni atúko bisagu pí yi. ¹⁰ A maka u aye lie bhú Bhuku gba Ebhe-e me: «Li kpála kũnda me mukobho gba ni-e dũ ndjindji-e,

ani kũnda la di me ni dũ bhú djali-e, a ayo de me ani dũ apa siti 'ngú-o de, a ayo la di de me ani dũ apa eu-o de.

¹¹ A ayo me ani dji 'ngbu e li siti 'ngú, ani mene mangbo bádha 'ngú.

Ani gili guo 'ngú ne kekele hana.

¹² Padhá de, anga Ngámá ne djila e li okpála inde ngamene ngbili 'ngú, ani bedhe ngú nadje mayo gba uo. Engú bini, ani ngadjí 'ngbu e li okpála bhende ngamene osisiti 'ngú-o.'»

Piele apa me omabhuka kibila likabhu me u nde ngamene bádha 'ngú

¹³ I dũ me yi nde nga'o bua yi hana li namene bádha 'ngú-o, a ko da inde améne yi sisiti-e? ¹⁴ Yi dũ ne djali nedhinga yi ngazũ likabhu lie ka bádha 'ngú inde yi ngamene e-o. Ka 'ngú ang'o, yi adũ ne tsulũ okpála inde ngakũnda namene yi sisiti-e de, bua yi abáka di-i de. ¹⁵ Yi dhogẽ mangbo Kilisito li bua yi maka Ngámá gba yi. Yi dũ bedhe ndũ 'kpí hana ngú nakpokpo 'ta yi nga'o 'to yi lie 'to Kilisito pi okpála bhende ngayi yi tété-o. ¹⁶ Engú bini, yi kpokpo ne bhũku bua, amba yi manga la di uo mamanga. Yi mene ndũ 'kpí hana engú inde yi au e li bua yi me a ndjindji-o, amba okpála bhende ngapa 'ngú li yi sisiti-e, sia nũmũ nedhinga u ngasobho bádha kulu yi ngamene e kabula 'li Kilisito lie-o. ¹⁷ Padhá de, anga yi sia likabhu ka siti 'ngú inde yi ngamene e, engú tété ade. La-a, yi sia likabhu kabula bádha 'ngú inde yi ngamene e, i dũ me Ebhe nde aziba mo-o, bhobhomũ-o ane ne bádha ngae.

¹⁸ Padhá de, anga Kilisito adje di likabhu kabula siti 'ngú gba ní-e bhatsibhatsi bini má ngbi! Ngaani kpála inde i mene siti 'ngú de-e, ani akpi ngubula nakobho ní okpála inde ngamene siti 'ngú-o, ngubula me ani mba bhũla ní agba Ebhe. Okpála abhẽle ani bhú kũte, engú bini Ebhe atsia azuku ani li kpadji gba Bu Bhobua .

¹⁹ Ka angu gba Bu Bhobua bhomũ-o, ani atsia anũ belegũ di nakpokpo Bádha Ngali gba Ebhe-e pi obua inde amu inde bhú tũkpũ-o. ²⁰ A ko bua okpála inde ayala nani nadji bua o nedhinga li Nũa adũ abho 'ngbé zabũ lie-o. La-a, Ebhe adjeke nani uo ne 'ndjá bua. Okpála inde li engu-o

akobho nani o-o, u dũ bhelé de. A adũ bha nani okpála madjina padhá inde a'u'ũ nani bhú zabũ-o. ²¹ Engu bhomũ-o, a ko kulu batisimo. Ebhe ngakobho yi mbia inde e li kpadji na batisimo bhomũ. Batisimo ang'o ngubula na'e zibotũ na kũte ade, engú bini, a ngubula naha lio libhomu pi Ebhe ne bua nambila ngbili 'ngú. Ebhe ngakobho yi li kpadji na batisimo ang'o ka li Yesu Kilisito azuku lie-o. ²² Ani atapa abhũlá, ani adũ de Ebhe li pápá na kokpa. Ani ngau pí 'ndji oandjelu di ne pí 'ndji ndũ obua hana inde ne angu abhũlá oo-o.

4

A ayo me omabhuka mene engú li lele mukobho na mbia

¹ Ní mbila ndjindji me Kilisito adje likabhu bhú kũte. Kaka-a, ngayi di-e, yi dũ bedhe ngú likabhu maka ani. Padhá de, anga kpála inde adje likabhu bhú kũte-e, a'o namene siti 'ngú a'o. ² Nayie pi mbia inde-e, nedhinga hana inde yi améne e píla doto-o, a ayo me yi mene bhú mukobho gba yi-e engú inde li Ebhe akũnda e-o. Yi améne engú na sisiti inde li bua yi ngakũnda e de. ³ Padhá de, anga yi abala nako nedhinga gba yi-e bhelé bhú namene engú li omupagano amemene e-o. Yi améne matá mo-o de. Yi adũ nani akũnda olisi di ne obhosi ngangá, gũmũ kũte aha di nani angu yi maha. Yi adũ abhẽle kuo yi ne pandi, yi adũ apo bhũla yi ngú nandji pandi, yi adũ adho 'bi na sisiti. Yi adũ di amene engú inde ayo la ndju nako de me yi mene e de-o, anga yi adũ adhogẽ oebhe na eu.

⁴ La mbia inde-e, omupagano ngangamba, u la di ngasobho yi, anga yi kũ matá nganda uo bhú siti 'ngú inde u ngamene e na mugwe mugwe-e de. ⁵ Engú bini, ekpí akólo makolo. Li 'kpí ang'o-o, u akpókpo 'ngú gba o-o kala Ebhe inde bedhe ngú nakodho 'ngú gba okpála inde uũ, di ne okpála bhende amu-o. ⁶ Ka 'ngú ang'o-o, Kilisito anũ nani belegũ nakpokpo Bádha Ngali pi okpála inde amu-o. Ani akpokpo pi uo ngubula me, maka li Ebhe akodho 'ngú gba okpála hana lie, ngauo di-e, Ebhe akódo 'ngú gba uo-o nakpata lele maka u adũ nani lie píla doto, amba u dũ bhú mukobho maka Ebhe li kpadji gba Bu Bhobua .

Piele apa me omabhuka mene kulu ne makalá u asia e ka Ebhe-o

⁷ Sokpí akolo masikpe. Kaka-a, yi dũ ne bádha mabhundja, yi bhulu djila yi, amba yi dũ nayo Ebhe. ⁸ Kala ndũ 'ngú hana-a, yi dũ ne mukũnda na paká paká

sunda yi, anga bhobhomu-o méne me yi mbu li bhiti osisiti 'ngú li okpála koko ngamene e-o. ⁹ Yi sia okpála inde ngago agba yi-e ndjindji. Yi asia uo ne nadi mutokono de. ¹⁰ A ayo me yi teteke liyi ne makalá inde li Ebhe aha e pi yi bhú bádha bhú 'bu gba e-o. Yi mene mo-o, yi dú maka obabadha okpála inde ambila namene kulu ne makalá li Ebhe aha e pi yi kpi kpi-o. ¹¹ A ayo me kpála inde asia makalá nagama 'ngú-o, kpokpo oeli gba Ebhe-o. A ayo me kpála inde asia makalá namene kulu pi okpála koko-o, mene ne angu li Ebhe aha e pi ani-e hana, amba bhú ndu 'ngú hana-a, okpála dhøge Ebhe ka Yesu Kilisito. Padhá de, anga ndu okpála hana ngadhøge Ebhe, ndu angu hana sakpa ani duduma ne duduma. A adu moko!

Piele apa me omabhuka kibila likabhu ka 'li Kilisito

¹² Ondaise ma na mukunda, yi angamba ka okpekpepe da 'ngú yi ngali bhú e de. Ongú bhomu-o ngakolo li yi ngubula nambila lele nabhuka gba yi-e nde lie-o. Yi abhúndja de me a ko ongú koko kpi-e de. ¹³ Engú bini, yi kpi djali, anga yi ngabi bhomu-o té likabhu inde li Kilisito adje e, amba li 'kpi ani asúno sangu gba e lie pi ndu okpála hana-a, yi de bedhe di ne djali na kuo kuo. ¹⁴ Yi dú ne djali nedhinga li okpála nde ngasobho yi lie kabula 'li Kilisito-o. Padhá de, anga Bua na asasaua gba Ebhe-e ngadu bhú dabili bini ne yi. ¹⁵ † dú me saka yi nde ngazu likabhu-o, adú de me ani amene siti 'ngú-o de. A ayo di de me ani zu likabhu anga ani abhøle kpála de, ne me ani azi 'he-e de, i dú di-me me ani ali bhú 'ngú gba kpála koko-o de. ¹⁶ Engú bini, i dú me kpála nde ngadje likabhu anga a ko makilisito-o, a ayo de me ani dje numu tété-e de. Ani gie mangbo heni pi Ebhe, anga a ko kpála ka Kilisito.

¹⁷ Nedhinga akolo, nedhinga inde li Ebhe akódho 'ngú gba okpála lie-o. Yi mbila la me, ani akpó lita nakodho 'ngú angoo li okpála gba e makpe. I dú la mo-o, bhende gba okpála inde ngayala naziba Bádha Ngali gba Ebhe-e adú la ibili naae lele pi? ¹⁸ U aye bhú Bhuku gba Ebhe-e me:

«† dú me da nakobho ka okpála inde ngbingbili-e nde kpekpeke-e,
engú bhe gba okpála inde ngayala
Ebhe, inde la di ngamene siti 'ngú-o,

adú la ibili lele pi?»

¹⁹ Kaka-a, okpála bhende ngadje likabhu anga Ebhe aziba mo-o, nu ne namene bádha 'ngú ne kalanu. U 'o la di lio makpe

sakpa kpála inde abho ní, inde amemene 'ngú maka ani apa lie-o.

5

A ayo nalila okandøle gba Ebhe-e malila

¹ Ma ngagama 'ngú mbia inde-e pi okpála bhende bhú ká yi ne obhelesi okpála na Piga gba Ebhe-o. Ma di ne bhele kpála na Dadjua gba Ebhe maka uo. Ma au likabhu li Kilisito azu e ne djila ma. Ma asia la di té sangu gba Kilisito inde li Ebhe asúno e pi ní-o. Kaka-a, ma ngayo ka yi me: ² yi lila okpála inde li Ebhe a'o o sakpa yi-e malila. Yi lila uo maka li kpála nalila okandøle alilila okandøle gba e lie-o. Yi alila uo ka napa de me u agbite yi tété ne kpeke-e de. Engú bini, yi lila uo ne bádha bua maka li Ebhe akunda lie-o. Yi améne kulu ngubula nasia tia de, engú bini yi mene me yi nde abedhe ne mukanda bedhe. ³ Yi alila okpála li Ebhe a'o o sakpa yi-e de me yi nde ako angu yi pí uo makoo de. Engú bini, yi mene me okpála kpata lele dasundu gba yi-o. ⁴ Li yi mene mo-o, ekpí li Yesu Kilisito inde ngalila ní-e agó lie-e, yi sia makalá na sangu ka ani. Makalá angoo ngadu duduma ne duduma.

Yi kò liyi kala Ebhe ne kuto

⁵ A bhadi moko pi yi omakombise, yi kò liyi ne kuto kala obhelesi okpála gba yi-o. Ma ngapa pi ndu yi omabhuka hana me, yi kò liyi ne kuto sunda yi. Yi teteke liyi sunda yi, padhá de, anga u aye bhú Bhuku gba Ebhe-e me:

«Ebhe ngadji 'ngbu e li obhulu 'ngbé 'ndji,
engú bini, ani ngaha bádha bhú 'bu pi
okpála inde ngakø lio ne kuto.»

⁶ Kaka-a, ma ngapa pi yi me yi kò liyi ne kuto kala Ebhe inde ne angu, amba ani 'e'e yi ne abhúlá li nedhinga ani akunda lie-o.

⁷ Yi 'o ndu 'ngú hana inde ngato mbolo li yi-e sakpa ani, anga ani ngalila yi.

⁸ Yi dú bedhe, yi lila liyi, padhá de, anga djabulu bhulu yala gba ní-e ngadji bili maka kingbi inde ngangulumba. Ani ngagili me ni azú da-ie. ⁹ Yi lu kala ani kpekpeke bhú nabhuka. Yi mbila ndjindji me omabhuka koko píla doto libhomo-o bhadi ngadje likabhu maka yi. ¹⁰ Yi adjé nga matá likabhu ngubula nedhinga bedi. Engú bini, Ebhe inde bhulu bádha bhú 'bu-o, a' i yi ngú nali bhú sangu na duduma gba e bhú nakpøtsø liyi bhú dabili ne Kilisito. Ani aléke yi ngae makpe, ani tsia méne me yi lu kpekpeke bhú ndu 'ngú hana má kpekøbhe! ¹¹ A ayo me ani u duduma ne duduma. A adu moko.

Oeli na soso

¹² Silivano ateteke ma li naye mbo ndu balua inde-e pi yi ngae. Ma ambila me a ko ndai ni makilisito inde ngamene 'ngú li lelele. Ma aye balua inde-e ngubula nato masi bhú yi, di ne napa pi yi me a inde-e bádha bhú 'bu na kukulá gba Ebhe, yi gbite liyi tété.

¹³ Omabhuka inde bhú Babilona* ei, inde li Ebhe abhu o maka ani abhu di yi lie-e, yi yi mayi. Ndili gba ma Maloko yi di yi mayi. ¹⁴ Yi yi liyi sunda yi, yi kama liyi sunda yi ngú nasuno me yi ne mukunda sunda yi. A ayo me guo 'ngú da bhú dabili bini ne yi okpála inde bhú 'bu Kilisito hana.

* 5:13 5:13 Babilona: Okpála bhelé ngabundja me li bili inde-e, a akunda nasuno gudhu na Loma .

Balua na bhisi gba Piele Eli na kalanu

Piele aye balua gba e na bhisi pi 'ngbé limbi omakilisito na kalanu. Engú na ngbéngbé inde bhúbhú-o, a ko ngubula naga kulu gba omusuno na eu di ne ongú na zabhe inde ngayie bhú ongú angoo. Ngú naha angu engú bhomú-o, a ayo nagbite lío lí nambila Ebhe na kukulu di ne Ngámá Yesu Kilisito, ne nasuno inde lí okpála inde au Yesu ne djila o akpokpo e-o. Piele alu kpekpeke lí nasuno na eu inde lí okpála adu apa lie me Yesu go matá de-o. Aní atsia apa me nabhue inde lí Yesu ngabhue lie, a ko anga Ebhe kanda de me kpála bini kpi-e de. Engú bini, aní ngakunda me okpála hana koto bhú siti 'ngú (3:9).

Ongbenghe ongú inde bhú bhuku inde- ngae inde:

Eli na kalanu 1:1-2

Na'i inde lí Ebhe a'i makilisito ne e-o 1:3-21

Omusuno na eu 2:1-22

Nago na soso gba Kilisito 3:1-18

Simo Piele yi omabhuka mayi

¹ Ma aye balua inde-e ngama Simo Piele. Ma ne bali gba Yesu Kilisito, ma la di ne bhulu titima gba aní-o. Ma aye balua inde-e pi okpála bhende asia nabhuka ka ngbili 'ngú gba Yesu Kilisito-o. A ko Ebhe gba ní, a ko di Mukobho gba ní-o. Nabhuka angoo viti bini ne bhe gba ya-o. ² A ayo me badha bhú 'bu gba Ebhe di ne Ngámá gba ní Yesu Kilisito-o, du bhú dabili bini ne yi, amba u ha di guo 'ngú pi yi ane mane ka yi ambila uo lie ndjindji-o.

Lele nadhuku ka omakilisito

³ Yesu Kilisito bhú angu gba e aha ndu 'he hana ní nde ne gamu e ngú nakobho di ne nadu ka ní libhomu pi Ebhe. Aní amene me ní mbila Ebhe inde a'i ní bhú sangu gba e di ne bhú ngamba kulu gba e na paká paká. ⁴ Ebhe amene mo-o ngubula me ní sia oehe na nase naali di na ngbengbengbe inde nani aní apa me ní ahá e pi ní-o. Aní aha oehe bhomu-o ngubula me yi kpe osisiti gamu 'he na doto inde ngabhili okpála-o, di ne ngubula me yi kpotsé liyi bhú dabili bini ne ní.

⁵ Ka 'ngú angoo, yi mene ne kpéke me nabhuka gba yi-e be ndu e ne nadhuku ngbingbili, pí nadhuku ngbingbili-e, yi 'o nambila Ebhe na paká paká, ⁶ pí nambila

Ebhe na paká paká-a, yi 'o naholo bua yi, pí naholo bua yi-e, yi 'o kekele, pí kekele-e, yi 'o naholo lío lí Ebhe, ⁷ pí naholo lío lí Ebhe-e, yi 'o nadu ne mukunda sunda yi. Pí nadu ne mukunda sunda yi-e, yi 'o mukunda pi ndu okpála hana. ⁸ I du me yi nde nganu ne namene ndu ongú bhomu-o hana ne kalanu-o, i tsia méne me yi mene kulu, i méne di me yi zu nguwa bhú nambila Ngámá gba ní Yesu Kilisito-o. ⁹ La-a, kpála bhende i mene oehe bhomu-o de-e u 'kpí tsutsu de, aní maka kpála inde i u 'kpí de. Aní a'ili 'to e me Ebhe avulu osisiti 'ngú gba ní nani ní amene e-o. ¹⁰ Kaka-a, ondaie ma, yi mene la matá ne kpéke me yi lu ne angu bhú e'i lí Ebhe a'i yi lie, di ne maka aní abhu yi lie-o. Li yi mene mo-o, yi lí bhú siti 'ngú 'kpí bini de. ¹¹ Abhomu-o, lí Ebhe ká kpadji pi yi ne bua e bini me yi lí bhú Nau na duduma gba Ngámá gba ní Yesu Kilisito, inde di Mukobho gba ní-o.

Piele apa pi omabhuka me u 'o 'to o lí 'li Ebhe

¹² Kaka-a, a ayo me ma 'o 'ngú bhomu-o bhú 'dje yi ndu 'kpí hana belegu yi ambila nani lie bhutode, yi atsia agbite liyi lí kukulu 'ngú inde yi asia e-o. ¹³ Ma abhundja me nedhinga ma nde nga bha lie uu-o, a ndjindji me ma du na'o 'ngú bhomu-o bhú 'dje yi ngubula me yi alá-a de. ¹⁴ Padhá de, anga ma ambila me nedhinga nakpi ka ma-a akolo masikpe maka lí Ngámá gba ní Yesu Kilisito apa muma lie-o. ¹⁵ Kaka-a, ma améne di ne kpéke me, pita ma akpi lie, 'to yi a'ili 'to ongú bhomu-o de.

¹⁶ Nani ya akpokpo 'ngú lie pi yi pindji nago gba Ngámá gba ní Yesu Kilisito bhú angu gba e-e, ya kpokpo pi yi ongú na padhá padhá inde lí okpála ngapandja e bhú o-o de. Engú bini ya au aní bhú zi e ne djila ya makpe. ¹⁷ Padhá de, anga Ebhe 'Dyi aní adhege aní nane mane. Abhomu-o, eli ayie agba Ebhe na angu di na asasaua atsia apa me: «Kpála inde-e, a ko Ndili gba ma, ma kunda aní naali, bua ma nga ne aní naali.» ¹⁸ Ya adje eli inde ayie abhulá-a ne 'dje ya makpe, nedhinga ya adu lie ne Ngámá Yesu Kilisito apí 'ta lí Ebhe asuno lie pi ya pí e-o.

¹⁹ Ka 'ngú angoo, ya abhuka na paká paká ngali inde lí opolofeta akpokpo nani e bhú Bhuku gba Ebhe-o. A ayo me yi gbo 'dje yi tété ndjindji, anga a maka zi 'ke inde ngatsi bhú bití. Yi gbo 'dje yi tété akólo lí ekpi ahólo naseke lie-o, ekpi inde lí Yesu Kilisito asuno lie lie lí bua yi maka zi ikupala na kékpi asusu lie-o. ²⁰ Kala ndu 'ngú hana-a, yi mbila ndjindji

† 1:17 1:17 Tsia bhú Mat. 17:5; ne bhú Mk. 9:7; di ne bhú Luk. 9:35.

me kpála bini ade inde i ti da nakpokpo ne imbilangú gba e makpe kú oeli inde nani li opolofeta akpokpo e, inde u aye di-e bhú Bhuku gba Ebhe-o. ²¹ Padhá de, anga 'li opolofeta yiyie ka kpála bini de. Engú bini, Bu Bhobua apa pí okpála ngae makpe me u kpokpo 'ngú ne 'li Ebhe.

2

Piele agbele 'dje omabhuka li 'ngú gba omusuno na eu

¹ Nani kalanu-o, opolofeta na eu adu bhú ká omafalaale. Omusuno na eu azé bhadi bhú ká yi moko. U agó ne kali, u tsia stino ongú na eu inde a'é okpála li kpadji na mukobho-o. U ayála belegu Yesu Kilisito, Musuno gba ní inde agbegbe o bhú bali gba siti 'ngú-o. U améne lie mo-o, u ngagili bhomu-o me kpéke 'ngú na kpekpeke go ti pí o má gala! ² Okpála bhelé akpáta kpadji na nümü gba uo-o. Kaka-a, li okpála tsia sóbho kpadji na kákalu 'ngú inde li Yesu Kilisito asuno e ka uo. ³ Ka gamu 'he-e, omusuno na eu angoo apite yi ne oeli na eu, u tsia gbúlu oehe gba yi-o. La-a, Ebhe akodho 'ngú gba uo-o nani didili, kpéke 'ngú na kpekpeke atí pí uo mbia.

Engú inde akodho 'kpí bhú nedhinga gba okpála na kalanu

⁴ Padhá de, anga belegu oandjelu inde amene nani siti 'ngú-o, Ebhe dje ndjinga uo de. Engú bini, aní abala uo bhú tsu 'dú má ngbongobho, inde bhú e ne biti má ndundulundu me, u nde agbighite uo ne gbíndjili akólo li 'kpí aní akódho 'ngú gba okpála lie-o. ⁵ Abana okpála nani di amene siti 'ngú-o, Ebhe dje di nani ndjinga uo de, engú bini, aní amene me engu si pála doto, amba a bhili okpála inde andjo 'li ni-o. Aní akobho bha bini Nua, inde adu apa pí okpála me u dji bua o, a la di-e okpála mananika koko.

⁶ Ngubula nasuno ongú inde akólo galikpe li okpála inde ngandjo 'li Ebhe-e, Ebhe atsulu ogudhu na Sodomu ne Gomolo hana má kpékèbhè! ⁷ Engú bini, Ebhe akobho Loto. A adu nani ngbili kpála . Bua aní adu nani ake ne siti 'ngú li okpála bhomu-o adu amene e bhú poli-e naali. ⁸ Aní adu nadu bhú ká obhulu poli bhomu. Ndu 'kpí hana, aní adu nau di ne nadje osisiti 'ngú gba uo-o. Ongú angoo atsia adu nake bua aní na kuo kuo. Padhá de, anga adu ngbili kpála. ⁹ I du me a nde mo-o, Ngámá mbila kpadji inde aní akóbho okpála inde ngakpata 'li e bhú okpekpeke da 'ngú-o ndjindji. Aní mbila la di kpadji inde aní ahólo okpála inde ngandjo 'li e ngubula me u za likabhu li 'kpí aní akódho

'ngú gba okpála lie ndjindji. ¹⁰ Ebhe ahá likabhu angoo, ane mane pí okpála inde ambila lio ne nakpata osisiti gumu na kute, inde di ngau angu gba Ebhe-e bhú djila o padhá-o.

Engú inde akólo li omusuno na eu

Tsula 'ngú li omusuno na eu-o ade. U dje kpála de, u manga la di oandjelu inde li o ne zizi-e* de. Engú bini, u ngasobho uo. ¹¹ Belegu li oandjelu ane omusuno na eu-o lie ne angoo, u sobho oandjelu na ndjondjo bhomu-o kala Ngámá de. ¹² Omusuno na eu bhomu-o ngamene 'ngú bhú 'ndji o maka onu inde u azu o ngubula me okpála dhe o li 'kú. U ngasobho oehe inde u mbila e de. U amú maka onu.

¹³ U azú likabhu bhomu-o mada siti 'ngú inde u amene e li okpála koko-o. U ne gamu namene siti 'ngú belegu ne ngbikpi. Nedhinga yi nde ne uo lie bhú anokomia, u ngapite yi. Engú angoo ngaha pí uo djali naali, la-a, a ko 'ngú na nümü. ¹⁴ U abedhe ne gamu nakunda olisi gba okpála koko bhú o bedhe. U ndandala li namene siti 'ngú de. U ngadhe okpála bhende ne kpéke bua ade-e li 'kú gba o-o. U ngapite uo masakpe de nato uo bhú siti 'ngú. U abedhe ne gamu 'he bedhe. Ebhe atu nani pèdjo li uo bhutode. ¹⁵ U ayie li kpadji na ngbingbili-e ayie, u angita. U ngakpata kpadji gba Balama, ndili gba Bosolo, inde akunda nani namene siti 'ngú ngubula nasia tia-o. ¹⁶ Engú bini, Ebhe ambe bhú 'ndji aní kabula siti 'ngú gba e-o. Li nedhinga bhomu-o, punda, enu i gagama 'ngú de-e, agama 'ngú maka kpála-kuti. Aní atsia aní kpadji pí polofeta bhomu-o me aní amene matá engú na pele bhomu-o de.

¹⁷ Omusuno na eu-o maka okpongu li engu a'ulu bhú e hana, di maka ndindi inde li anvi ngandjindjimba e. Ebhe aleke dabili gba uo-o bhú biti má ndundulundu! ¹⁸ U ngatolo bha bini ne ongbengbe 'ngú na padhá padhá inde li tata nde li e ade. La di-e, u ngato okpála bhende aze nga bha na mbia bhú ká okpála inde ngamene siti 'ngú-o bhú ngita. U ngato uo bhú ngita li kpadji na gamu na kute gba o-o. ¹⁹ U ngapa pí okpála angoo me u azé bhú bali maze, engú bini, ngauo omusuno na eu bhomu-o bhú bali na siti 'ngú. Padhá de, anga kpála ne bali pí engú inde ako pí aní-o.

²⁰ A ne okpála koko inde a'o osisiti 'ngú na doto anga u ambila Ngámá Yesu Kilisito, inde di ne Mukobho gba ní-o. I du me u nde agie matá lio bhú namene osisiti 'ngú bhomu-o, li siti 'ngú bhomu-o gaga uo, i ko angu e pí uo-o, u kólo la matá sisiti nane da

* 2:10 2:10 Oandjelu inde li o ne zizi: A akunda napa me oandjelu inde ngamanga 'li Ebhe.

bhe na kalanu-o mane. ²¹ Padhá de, anga nako me u nde mbila ngbili kpadji-e de-e, engú dú tété de. La mbia inde-e, u ambila, u atsia adjí 'ngbu o li líli inde li Ebhe aha e-o. Bhothomu-o la matá pí uo sisiti ane mane ngae. ²² Engú inde ngakolo li uo-o ngasuno me engú li gbitaku ngapa e-e, a ko paká. Gbitaku apa me: «Bálu gie bha lie ngú nazu zie e.†» U papa di matá me: «Pame inde u avulu kate e mbia inde-e, gie matá bha lie nato lie ne ngbødhe.»

3

Ngámá Yesu Kilisito agie galikpe lie magie

¹ Ondaise ma na mukunda, a inde-e balua na bhisi li ma aye e pí yi-o. Bhú ndu balua bhisi bhomu-o hana-a, ma aye matá pí yi engú yi ambila e ne toto ngubula nakpo djua li bua yi li kpadji na ngbili 'ngú . ² Ma akunda me 'to yi a'ili de li engú li opolofeta gba Ebhe, di ne líli li Ngámá gba ní, inde di Mukobho gba ní-e apa nani e pí yi bhú 'bhø obhulu titima inde ani atima o pí yi-o. ³ Kala ndu 'ngú hana-a, yi mbila me li sokpi-e, okpála inde adú namene 'ngú li gumu gba o makpe akunda e azé píla doto. U adú amu yi. ⁴ U adú napa me: «Mugito me Yesu Kilisito apa nani me ni agie lini magie, ani la dho? Padhá de, anga maka nani li onguo ogbi ya amu lie, ndu 'ngú hana bha bhú da e maka li lilita nani li Ebhe abho kokpi ne doto lie-o!»

⁵ Okpála inde ngapa 'ngú bhomu-o ngamemene bhú gandji. U ngamene 'he mugito me u a'ili 'to o li 'ngú bini. Engú ang-o me, Ebhe abho nani kokpi ne 'li e. Ani abho doto li kate engu. Ani atsia asa dengo doto ne engu ngbalina. ⁶ Ani atsia abhele la bhadi doto na kalanu-o ne engu, engu inde asi nani píla doto libhomu-o. ⁷ Ani apa di ne 'li e makpe me kokpi ne doto na naki inde-e, a adúdu tété, nakolo li 'kpi ní akódho 'ngú gba okpála lie-o. Ni tsia tsúlu okpála bhende ngamene siti 'ngú-o.

⁸ Ondaise ma na mukunda, a ne koli 'ngú bini inde a ayo me 'to yi a'ili lie de. Pi Ebhe-e, ekpi bini maka kalanga kutu bini, kalanga kutu bini maka ekpi bini. ⁹ Okpála koko bhundja naao me, Ebhe ngamene engú inde ani apa me ni améne e má gala ade! A mo-o ade. Ebhe mangbo ne 'ndjá bua pí yi, anga ani kunda de me saka kpála bini ngita-a de. ¹⁰ Ngámá Yesu agó galikpe bhú gbilikiti, maka li bhulu 'zi agógo lie me 'to kpála nde 'to ani ade-o. Ekpi ang-o, okpála adjé tolo na mugwe mugwe, li djua

gó tsúlu kokpi ne ndu 'he inde abhúla-a hana, li doto tsámbara ka djua má mbu.*

¹¹ I nde lie me ndu ohe hana nde andjia mo-o, a ayo me lele nadhuku gba yi-e dú ndjindji, yi dú di libhomu hana pí Ebhe. ¹² Yi 'o 'dje yi li 'kpi li Ebhe a'o e ngú engú ang-o, amba yi mene ne kpéke me ekpi ang-o go má gala! Li 'kpi ang-o, djua atsúlu kokpi, li ohe na abhúla tsúlu hana má kpøkøbho! ¹³ La-a, Ebhe apa pí ní me ni abho kokpi di ne doto na mbia. Oo-o, adú bha ne engú na ngbingbili. A bhomu-o engú inde ní ngadjeke e-o.

¹⁴ Kaka-a, ondaise ma na mukunda, i nde lie me yi ngadjeke engú bhomu-o, yi mene ne kpéke me lele nadhuku gba yi-e dú ndjindji, di ne me Ebhe aú engú na sisiti napa mapa li yi de. Yi mene di me bua yi dú ne guo 'ngú kala ani. ¹⁵ Yi mbila me 'ndjá bua gba Ebhe-e ngubula me yi sia nedhinga ngú nadi bua yi, amba yi kobho. Ndai ní na mukunda Polo aye bhadi pí yi moko, ne imbilangu maka li Ebhe aha pí ani lie ko. ¹⁶ Ani aye bhú ndu obalua gba e hana nedhinga ani ngakpokpo 'ngú lie pindji engú bhomu-o. Da nambila ta engú koko inde ani aye e kpekpeke. Okpála inde li imbilangu nde bhú 'ndji o ade, inde di ne kpéke bua ade-e ngakpødhøø tata-a makpødhøø. U di ngamemene li oli koko inde bhú Bhuku gba Ebhe-e moko. U bhomu-o ngagili kuo ngú o ngao.

Oeli na soso

¹⁷ Pi yi ondaise ma na mukunda, yi ambila engú bhomu-o ambila. Kaka-a, ma apa pí yi me yi bhulu djila yi ngubula me okpála inde ngayala Ebhe-e apite yi ngú nato bhúla yi li pulu kpadji gba o-o de. Yi kpata u-o, amba yi ayie li kpadji li yi alu lie kpekpeke-e ayie. ¹⁸ La-a, yi dhika bha li nakpata Yesu Kilisito inde Ngámá, inde di ne Mukobho gba ní-o, ngubula me ani suno bádha bhú 'bu gba e pí yi ane mane, di ne me yi mbila ani ane mane. A ayo me ndu okpála hana dhøø ani døduma ne døduma. A adú moko.

† 2:22 2:22 Tsia bhú Gbt. 26:11.

* 3:10 3:10 Doto tsámbara má mbu: Bhú obhuku koko-o, u aye me: doto tsia tsúlu hana. Bhú okoko-o, u aye me: Ebhe tsia kódho 'ngú gba okpála na doto ne ndu 'he inde bhúbhú-o hana. Bhú okoko-o, u aye me: doto dú matá tété de.

Balua na bini gba Djaa Eli na kalanu

Ngbengbe ongu inde li Djaa aye e bhú balua inde-e bhisi: Engú na bini ani aye e, a pindji nato masi bhú okpála inde ngatanga balua gba ani, ngubula me u du bhú makpètse na kukulu bhú dabili bini ne Ebhe, di ne Ndili gba ani Yesu Kilisito , la di ne napa me u lila lio ka nasuno nasiti inde i ti da nabhele makpètse ango-o. Nasuno ango-o, ala pi engú inde u ngapa lie me, i du me kpála nde abu 'kpa e li ndu 'ngú hana inde atsia kute kpála-a, ani kólo sisiti. Kaka-a, a ayo nani de me Yesu Ndili gba Ebhe kolo kpála-kuti-e de. Omusuno bhomu adu apa me, a ayo me kpála koto bhú ndu 'ngú hana inde atsia kute-e makoto. U atsia asuno di me, mukobho na duduma tsia engú napa de me kpála du amene badha 'ngú, ne me ani du ne mukunda pi okpála koko de.

La-a, ngubula napa me engú li okpála bhomu apa e a ko eu-o, Djaa atsia apa mbamba me, Yesu Kilisito nani ne kpála-kuti. Ani atsia apa di me, ndu okpála hana inde abhuka Yesu-o, inde la di ne mukunda pi Ebhe-e, a ayo me u du ne mukunda sunda o.

Ongbengbe ongu inde bhú bhuku inde-e ngae inde:

Eli na kalanu 1:1-4

Zi 'kpí, a la di-e biti 1:5 - 2:29

Ongisi gba Ebhe, a la di-e ongisi gba Djabalu 3:1-24

Ngbili 'ngú, ne pulu 'ngú 4:1-6

Ongu inde a ayo me u ue bhú mukunda 4:7-21

Nabhuka na kpekpeke 5:1-21

Eli inde ayie agba Ebhe-e, a ko Eli na mukobho

¹ Ya ngaye balua inde-e pi yi pindji Eli na mukobho. Eli ango-o adu nani kala ndu 'ngú hana nayie li lilita. Ya adje Eli ango-o. Ya au Eli ango-o ne djila ya makpe. Ya atsia ne kpeke djila, ya atsia abu di 'kpa ya tété. ² Li mukobho ango-o apana lie lie, ya au ne djila ya. Kaka-a, ya ngakpokpo 'ngú pi yi tété. Ya la di ngasuno pi yi mukobho na duduma ango-o, inde adu nani agba 'Dyi ní, inde apana la di lie pi ya ko. ³ Ya au engú inde-e ne djila ya, ya atsia adje di ne 'dje ya. Ya ngasusuno pi yi, amba ngayi di-e, yi kpetse liyi ne ya bhú dabili bini, bhú makpètse inde ya nde bhú e ne 'Dyi

ní, la di ne Ndili gba e, Yesu Kilisito ko. ⁴ Ya ngaye la di engú ango-o pi yi, ngubula me ní* bedhe ne djali.

Ebhe ne zi 'kpí

⁵ Ngali inde ya adje e ka Yesu Kilisito-o, inde ya asuno la di e pi yi-e ngae inde: Ebhe ne zi 'kpí, biti la di bhú ani belegu ade bini. ⁶ I du me ní nde apa me: «Ya akpètse liya ne ani bhú dabili bini» me ní nde ngadhola bhú biti-e, amba ní ngapa eu, ní mene la di engú na kukulu de. ⁷ Engú bini, i du la me ní nde ngadhola li zi 'kpí maka ngaani Ebhe makpe nde lie li zi 'kpí-e, amba ní akpètse liní bhú dabili bini ne ondaise ní akpètse. La di-e, ngute gba Yesu, Ndili gba ani-e, ngavalu ní ne ndu siti 'ngú hana.

⁸ I du me ní nde apa me ní mene siti 'ngú de-e, amba ní ngapite liní nganí makpe, kukulu 'ngú la di bhú ní ade. ⁹ Engú bini, i du me ní nde apandja osisiti 'ngú gba ní-e kala Ebhe-e, ka ani nde lie ne kpála na ngbingbili-e , inde amemene di engú ani apa e-e, ani 'é osisiti 'ngú ango-o, ani tsia vulu ní bhú ndu 'ngú hana inde ngbingbili bhú djila ani ade-o. ¹⁰ I du me ní nde apa me ní mene siti 'ngú de-e, amba ní nga'o Ebhe kpála na eu, eli gba ani-e la di bhú ní ade.

2

¹ Odi ma, ma ngaye engú inde-e pi yi, amba yi améne siti 'ngú de. Engú bini, i du la me kpála bini nde amene siti 'ngú-o, a ka ní ne kpála inde ngakpokpo 'ngú gba ní-e pi 'Dyi ní. A ko Yesu Kilisito , kpála na ngbingbili-o . ² Ngaani makpe-e, ani aha nani mukobho gba e ngubula me Ebhe 'e osisiti 'ngú gba ní ko. La-a, a ko bha bini ngubula osisiti 'ngú bhe gba ní-e de. Engú bini, a ko di ngubula osisiti 'ngú gba okpála na pila doto libhomu.

Yi lila olili gba Ebhe-e malila

³ I du la me ní nde ngalila olili gba Ebhe-e, ní tsia mbala me ní mbala Ebhe hana. ⁴ Li kpála pa me ní mbala Ebhe hana, engú bini, i du la me kpála ango-o nde lila olili gba ani-e de-e, amba a ko kpála na eu, kukulu 'ngú la di bhú ani ade. ⁵ Engú bini, kpála bhende ngalila 'li Ebhe ndjindji-e, a ko kpála bhende akunda Ebhe kukulu. A bhomu-o engú inde ní ambila ka e me ní akpètse liní bhú dabili bini ne Ebhe-o. ⁶ Kpála bhende ngapa me ní akpètse liní bhú dabili bini ne Ebhe-e, a ayo me mukobho gba kpála ango-o du di maka bhende gba Yesu adu nani lie ko.

* 1:4 1:4 Ní: Bhú obhuku koko-o, u a aye me: «Djali gba yi.»

⁷ Ondaise ma na mukunda, líli inde ma ngaye e pi yi inde-e, a ko líli na mbia de. Engú bini, a ko líli na didili. Yi asia nani líli ango-o nayie li lilita.* Líli na didili ango-o, a ko eli inde yi adje e-o. ⁸ La-a, ma ngaye pi yi inde-e líli na mbia. Kukulú 'ngú na líli ango-o ngau lie bhú Yesu, la di ne bhú yi. Padhá de, anga bití aholo nandjia aholo, zi 'kpí na kukulú-o aholo la di nasu aholo.

⁹ Kpála bhende ngapa me ni bha ndju li zi 'kpí me ani nde ngayala ndai e-e, kpála ango-o nga bha ngadu bhú bití. ¹⁰ Kpála bhende ngakunda ndai e-e, kpála ango-o ngadu li zi 'kpí. Kaka-a, engú inde i ti da nato kpála koko bhú siti 'ngú-o bhú ani belegu ade bini. ¹¹ Engú bini, kpála bhende ngayala ndai e-e, kpála ango-o ngadu bhú bití. Ani ngadhoho bhú bití, ani mbíla la di de me ni adji ne su-oie de, anga bití anini djila ani manini.

Yi lila liyi ka ongu na doto malila

¹² Odi ma, ma ngaye engú inde-e pi yi, anga ka 'li Kilisito-o, Ebhe a'e siti 'ngú gba yi-e a'e.

¹³ Odyi ma, ma ngaye engú inde-e pi yi, anga kpála inde adu nani kala ndu 'ngú hana nayie li lilita-a, yi mbíla ani hana.

Omakombise, ma ngaye engú inde-e pi yi, anga yi aha angu Siti aha.

¹⁴ Odi ma, ma aye engú inde-e pi yi. Padhá de, anga yi mbíla 'Dyi ní hana. Odyi ma, ma aye engú inde-e pi yi, anga kpála inde adu nani kala ndu 'ngú hana nayie li lilita-a, yi mbíla ani hana.

Omakombise, ma aye engú inde-e pi yi, anga yi ne angu bhú nabhuka .

La di-e, 'li Ebhe ngadu bhú yi, yi atsia aha la di angu Siti.

¹⁵ Kaka-a, yi akúnda doto inde-e de. Yi akúnda di oehe inde bhúbhú-o belegu de bini. Li kpála kunda doto-o, amba ani kunda 'Dyi ní Ebhe de. ¹⁶ Padhá de, anga ndu oehe na doto-o hana maka: gumu na sisiti inde bhú kpála, gumu nasia ndu 'he hana inde li djila ngau e, a la di-e, nadu ne 'ngbé 'ndji ka otia na doto, ndu 'he bhomu-o hana ngayie ka 'Dyi ní Ebhe ade. Engú bini, a ko ndu 'he na doto. ¹⁷ La-a, doto ngakodho 'kpí, di ne ndu 'he inde bhúbhú-o hana. Engú la bini, kpála bhende ngamene engú li Ebhe akúnda e, ani ngadu bhú mukobho duduma ne duduma.

Yi lila liyi ka obhulu yala gba Kilisito malila

* ^{2:7} 2:7 Nayie li lilita: A ko nayie li nedhinga inde u adje nani 'li Ebhe lie ko. Tsia bhú 1 Dja. 2:24, 3:11, di ne bhú 2 Dja. 1:5.

¹⁸ Odi ma, sokpí-e akolo masakpe! Yi adje nani engú inde u apa e adje. U apa nani me: «A ayo me bhulu yala gba Kilisito-o go.» Mbía inde-e, obhulu yala gba Kilisito aze bhíbhiti. Kaka-a, ní ngambíla me sokpí-e akolo masakpe. ¹⁹ Okpála ango-o ayie bhú ká ní. Padhá de, anga a ko nani okpála ka ní de. I dú me u dú nani ne okpála ka ní-e, u de adu ne ní bhú dabili bini. Engú bini, u ayie bhú ká ní, mbía inde-e, a au lie mbámbá me ndu okpála bhomu-o hana, a ko nani naao okpála ka ní de.

²⁰ La pi yi-e, yi asia nani naayi Bua gba Ebhe. A atuko Bua ango-o pi yi ne Kpála na bubu. Kaka-a, yi ambíla engú na kukulu-o ndu yi hana. ²¹ Engú inde ma aye e pi yi-e, a ko de ka me yi mbíla engú na kukulu de-e de. Engú bini, ma aye pi yi anga yi mbíla engú na kukulu-o hana. La di-e, eu ti da nakoto bhú engú inde kukulu-o belegu de bini.

²² Kpála na eu-o, a ko da? A ko kpála bhende ngapa me Yesu ne Kilisito ade ko. Kpála ango-o, a ko bhulu yala gba Kilisito. Ani ayala Ebhe, ani atsia ayala di Ndili gba ani-o. ²³ Padhá de, anga kpála bhende ayala Ndili-e, ani ayala di bhomu-o 'Dyi ani. Kpála bhende ngapa 'ngú gba Ndili-e mbámbá-a, ani ngapa di bhomu-o engú gba 'Dyi ani.

²⁴ Kaka-a, eli inde yi adje nani e nayie li lilita-a, a ayo me asi kuti e li bua yi. Padhá de, anga i du me eli inde yi adje nani e nayie li lilita-a nde asi kuti e li bua yi-e, ngayi di-e, yi dú ne Ndili-e kpála bini, yi tsia dú la di ne 'Dyi ani kpála bini. ²⁵ A bhomu-o ehe inde li Kilisito apa nani me ni ahá e pi ní-e, a ko mukobho na duduma.

²⁶ Ma aye engú inde-e pi yi pindji obhende ngagili napite yi ko. ²⁷ Engú bini ngayi-e, Kilisito atuko Bua gba e pi yi. Bua ango-o ngadu bhú yi. Kaka-a, yi matá ne gumu musuno koko ade. Padhá de, anga Bu Bhobua ngasuno ndu 'ngú pi yi hana. La di-e, engú inde ani ngasuno e, a ko kukulu 'ngú, a ko eu de. Kaka-a, yi du bhú Kilisito maka li Bu Bhobua asuno lie pi yi ko.

²⁸ A moko odi ma, yi du bhú Kilisito, amba nedhinga inde ani akóto lie, ní adú ne tsulu de, ní adú kala ani ne namu de. ²⁹ Yi mbíla ndjindji me Kilisito ngbingbili. Kaka-a, ayo me yi mbíla la di me ndu kpála hana inde ngamene engú na ngbingbili-e, kpála ango-o, Ebhe azu ani ngae.

3

Engú inde asuno me ongisi gba Ebhe-e kpi ne obhende gba Djabulá-o

¹ Yi tsia nga maka li 'Dyi ní asuno mukúnda gba e pi ní lie-o. Mukúnda angoo, a ko me ní asia 'ili me ní ne ongisi gba Ebhe. Ní la bhadi mo-o na paká! Kaka-a, okpála na doto mbila ní de, anga u mbila di nani Ebhe de. ² Ondaise ma na mukúnda, mbia inde-e, ní ne ongisi gba Ebhe. Engú la bini, lele maka ní adú lie, asuno nga lie mbámbá de. La-a, ní ngambila me, nedhinga inde li Kilisito akólo lie, ní adú maka ani. Padhá de, anga ní aú ani maka ani nde lie-o. ³ Kaka-a, kpála ne kpála inde nga'o 'to e 'to ani-e, nga'o lie bubu maka ani nde lie bubu ko.

⁴ Ndu okpála hana inde ngamene siti 'ngú-o, ngagumú líli gba Ebhe. Padhá de, anga siti 'ngú, a ko nagumú líli. ⁵ Engú bini, yi mbila hana me Yesu Kilisito ago ngubula na'e ongú na sisiti. La di-e, siti 'ngú bhú ani belegu ade bini. ⁶ A moko, kpála inde ngadu me ani nde bhú Yesu-o, ani memene siti 'ngú de. La-a, kpála inde amemene siti 'ngú-o, kpála angoo u nga ani de. Ani mbila la di ani de.

⁷ Odi ma, a ayo de me kpála bini pite yi-e de! Kpála inde ngamene ngbili 'ngú, ngaani makpe-e, ani ngbingbili maka li Yesu Kilisito nde lie ngbingbili ko. ⁸ Kpála bhende adhedhe li namene siti 'ngú-o, a ko kpála ka Djabulá. Padhá de, anga nayie bha bini ali lilita-a, Djabulá bha naae ne kpála na siti 'ngú. Ta nago ka Ndili gba Ebhe-e ngae inde: ani ago ngubula nabhelo okulu gba Djabulá-o.

⁹ Kpála bhende li Ebhe azu e ngae, ani dhédhe matá li siti 'ngú belegu de bini. Padhá de, anga nguwa* inde ngayie ka Ebhe-e, ngadu bhú kpála angoo ko. Ani ti da nadhedhe matá li siti 'ngú belegu de bini, anga Ebhe azu ani ngae. ¹⁰ Engú inde-e ngagbogbo bhusu ongisi gba Ebhe ne obhende gba Djabulá-o ngae inde: ndu kpála hana inde i mene 'ngú na ngbingbili de-e, inde i kúnda la di ndai e de-e, a ko ndili ka Ebhe de.

Ní dú ne mukúnda sunda ní

¹¹ Engú inde yi adje nani e nayie li lilita-a, ngae inde: a ayo me ní dú ne mukúnda sunda ní. ¹² Ní adú maka Kaina de, inde adú nani kpála gba Siti-o. La di-e, ani abhelo ndai e. Ani abhelo la nani ani ngubula ní? Ani abhelo ani anga okulu bhende gba ani-e adú nani sisiti. Engú bini, obhende gba ndai ani atsia adú nani ngbingbili. ¹³ Ondaise ma, i dú me okpála na doto inde-e nde ngayala yi-e,

yi angamba de. ¹⁴ Engú bini ngani-e, ní ambila me ní ayie bhú kuo, ngú nali bhú mukobho, anga ní ngakúnda ondaise ní. Kpála bhende li mukúnda nde bhú e ade-e, ani ngadu nga bha bhú kuo.

¹⁵ Ndu kpála hana inde ngayala ndai e-e, a ko bhulu nabhelo kpála. Yi mbila la di ndjindji me bhulu nabhelo kpála bini ade inde ne mukobho na dudama bhú e. ¹⁶ Mukúnda-a, a ko ní? Ní ngambila mukúnda li ehe inde: Yesu Kilisito aha nani mukobho gba e pi ní. Kaka-a, ngani di-e, a ayo me ní ha mukobho gba ní-e pi ondaise ní. ¹⁷ Ní pa nga me, kpála bini inde ka e ne oehe, ani au ndai e inde li ehe nde ka e ade, la-a, ani dje ndjinga ani de. Lele pi u ti da napa lie me kpála angoo akúnda Ebhe-e? ¹⁸ Odi ma, a ayo de me ní dú bha napa 'ngú na mukúnda ne babadha eli-e de. Engú bini, a ayo me ní suno bhú kulu, di ne bhú engú na kakulu.

Ní adú kala Ebhe ne tsulu de

¹⁹ A bhomu-o engú inde ní ambila ka e me ní bhú kakulu 'ngú ko. La di-e, li bua ní tsia dú guguo kala Ebhe. ²⁰ Padhá de, anga i dú me bua ní nde ngapa pi ní me ní ne engú-o, ní ngambila ndjindji me Ebhe-e, ani ngbéngbé ane bua ní mane. La di-e, ani ambila ndu 'ngú hana má kpekobho! ²¹ Ondaise ma na mukúnda, i dú me bua ní nde apa me ní ne engú ade-e, ní dú kala Ebhe ne tsulu de. ²² Ní ngasia 'he inde ní ngayo e ka ani-e, anga ní ngalila olili gba ani, ní la di ngamene engú inde ani akúnda e-o. ²³ Líli gba ani inde ani aha e pi ní-e ngae inde: a ayo me ní bhuka 'li Ndili gba ani Yesu Kilisito. A ayo la di me ní dú ne mukúnda sunda ní maka li Kilisito aha líli lie pi ní ko. ²⁴ Kpála bhende ngalila olili gba Ebhe-e, kpála angoo ngadu bhú Ebhe, Ebhe ngadu la di bhú ani. A inde-e engú inde ní ngambila ka e me Ebhe ngadu bhú ní-o: ní ngambimbila li Bu Bhobua inde li Ebhe aha e pi ní-o.

4

Yi gbo bhusu Bua na kakulu 'ngú ne bua na eu

¹ Ondaise ma na mukúnda, yi abhúka ndu okpála hana bhende ngapa me a bhú o ne Bua gba Ebhe-e de. Engú bini, yi le ngaiza uo kalanu-o male, amba yi mbila ne me bua inde bhú uo-o, ayie ka Ebhe na paká. Padhá de, anga opolofeta na eu, aya naali píla doto. ² Ehe inde yi ambila Bua gba Ebhe-e ka e, a ngae inde: kpála ne kpála bhende ngapa me Yesu Kilisito ago nani bhú kate na kpála-kúti na paká-a, kpála angoo, a bhú ani ne Bua bhende

* 3:9 3:9 Nguwa gba Ebhe-e, a ko Bu Bhobua.

ayie ka Ebhe. ³ La-a, kpála bhende ngapa me Yesu Kilisito go bhú kute na kpála-kuti de-e, kpála ang-o, bua bhende bhú ani-e, ayie ka Ebhe de. Engú bini, bua bhende bhú kpála ang-o, a ko mangbo bhende gba bhulu yala gba Kilisito ko. Yi adje nani adje me, a ayo me bhulu yala gba Kilisito go. Mbía inde-e, ani pála doto.

⁴ Engú bini, odi ma, ngayi-e, yi naayi ne okpála gba Ebhe. Yi aha angu opolofeta na eu-o aha. Padhá de, anga Bua bhende bhú yi-e ne angu naali ane bua bhende bhú okpála na doto-o mane. ⁵ Opolofeta ang-o, a ko okpála na doto. U ngakpo la bhadi engú na doto. Kaka-a, okpála na doto ngadje uo ndjindji. ⁶ Engú bini, nganí-e, ní ne okpála gba Ebhe. Kpála bhende ambila Ebhe-e ngadje ní ndjindji. Kpála bhende naae ne kpála gba Ebhe ade-e, ani djé ní de. A bhomu-o engú inde ní ngambila Bua na kukulu 'ngú di ne bua na eu-o ka e ko.

Ebhe-e, a ko mukunda

⁷ Ondaise ma na mukunda, ní du ne mukunda sunda ní, anga mukunda ayie ka Ebhe. Kpála bhende ne mukunda bhú e-e, Ebhe azu ani ngae, ani mbila la di Ebhe hana. ⁸ Kpála bhende li mukunda nde bhú e ade-e, ani mbila Ebhe de, anga Ebhe-e, a ko mukunda. ⁹ Lele maka li Ebhe asuno mukunda gba e lie pi ní-e ngae inde: ani atima koli Ndili gba e bini pála doto, ngubula me ní du bhú mukobho ka ani. ¹⁰ Lele maka li mukunda nde lie ngae inde: ní kunda nani Ebhe nganí de, engú bini, ani akunda mangbo nani ní ngae, ani atsia atima Ndili gba e pi ní maka tia mangimbo, ngubula na'e osisiti 'ngú gba ní ko.

¹¹ Ondaise ma na mukunda, i du me Ebhe nde akunda ní naali mo-o, nganí di-e, a ayo me ní du ne mukunda sunda ní. ¹² Kpála u nga Ebhe belegu de bini. I du me ní nde ne mukunda sunda ní-e, amba Ebhe ngadu bhú ní. La di-e, mukunda gba ani inde bhú ní-e bedhe má kpambi!

¹³ Ehe inde ní ngambila ka e me ní ngadu bhú Ebhe, Ebhe la di ngadu bhú ní-e, a ngae inde: Ebhe aha Bua gba e pi ní. ¹⁴ 'Dyi ní atima Ndili gba e ngubula nadu Mukobho gba okpála. Ní au, ní la di ngakpokpo 'ngú tété. ¹⁵ Kpála ne kpála inde apa mbámbá me Yesu ne Ndili gba Ebhe-e, Ebhe ngadu bhú kpála ang-o. Kpála ang-o la di ngadu bhú Ebhe. ¹⁶ La di nganí-e, ní ngambila mukunda inde li Ebhe nde ne e pi ní-o. Ní atsia abhuka la di mukunda ang-o ko. Ebhe-e, a ko mukunda. Kpála bhende ngadu bhú mukunda-a, ngadu bhú Ebhe, Ebhe la di ngadu bhú ani.

¹⁷ I du me mukunda inde bhú ní-e nde bedhe-e, ní dú ne tsulu li ekpi inde li Ebhe akódho 'ngú gba okpála lie de. Padhá de, anga pála doto inde-e, mukobho gba ní-e mana lie ne bhende gba Ebhe ko. ¹⁸ Tsulu bhú mukunda ade, anga li mukunda du bedhe-e, a nga'e tsulu hana. A moko, kpála bhende ngadje tsulu-o, a pa me mukunda gba ani-e kolo nga bedhe de. Padhá de, anga kpála bhende ngadje tsulu-o, abhú ani ne mabhundja me u améne ní sisisi.

¹⁹ Engú bini, nganí-e, ní sunda ní ne mukunda, anga Ebhe akunda ngaiza ní kalanu ngae. ²⁰ I du me kpála bini nde apa me: «Ma akunda Ebhe», ani nde la ngayala ndai e-e, amba kpála ang-o ne bhulu eu. Padhá de, anga ani ti da nakunda Ebhe inde ani u e de-e de, i du me ani nde kunda ngaiza ndai e inde ani nde ngau e mau-o de ko. ²¹ Lili inde li Kilisito aha e pi ní-e ngae inde: kpála inde akunda Ebhe-e, a ayo me ani kunda di ndai e.

5

A ti da naha angu engú na doto da?

¹ Ndu kpála hana inde ngabhuka me Yesu ne Kilisito-o, Ebhe azu kpála ang-o ngae. La di-e, kpála inde ngakunda Ebhe inde azu kpála bhomu-o, ani ngakunda bhadi ongisi inde li Ebhe azu o moko. ² Ehe inde ní ambila ka e me ní ngakunda ongisi gba Ebhe-e ngae inde: a ko nakunda Ebhe, di ne namene olili gba ani ko. ³ A moko, lele nakunda Ebhe-e ngae inde: a ko namene olili gba ani-o. La di-e, olili gba ani-e pi ní kpekpeke ade. ⁴ Padhá de, anga ndu kpála hana inde li Ebhe azu e, ani aha angu engú na doto aha. Nabhuka gba ní-e ngaha angu pi ní ngú naha angu engú na doto ngae. ⁵ A ti da naha angu engú na doto da? A ko bha bini kpála bhende abhuka me Yesu ne Ndili gba Ebhe.

Nakpokpo 'ngú pindji Yesu Kilisito

⁶ Yesu Kilisito, a ko kpála inde nani ago-o. Ani ago nani ne engu di ne ngute*. Ani go bha bini ne engu de, engú bini, ani ago ne engu di ne ngute. La di-e, Bua gba Ebhe-e ngakpokpo 'ngú gba ani-e ngae, anga Bua gba Ebhe-e, a ko kukulu 'ngú. ⁷ A ngakpokpo 'ngú tété ne oehé bata: ⁸ a ko Bu Bhobua, a ko engu, a la di-e ngute. Ndundu bata hana aziba ne bua bini.

⁹ Ní ziziba engú inde li okpála ngakpokpo e ndjindji. La-a, engú bhende li Ebhe akpokpo e ngae-e, ane bhende gba okpála-a mane. A bhomu-o engú bhende li Ebhe akpokpo e pindji Ndili gba e-o. ¹⁰ A na paká me kpála bhende abhuka

* 5:6 Engu di ne ngute: Bhelé na okpála ngabhundja me engu-o, a ko batisimo gba Yesu-o, ngute-e, a ko nakpi gba ani-o.

Ndili gba Ebhe-e, kpála ang-o asia engú inde akpokpo lie bhomu-o li bua e makpe asia. Engú bini, kpála bhende i bhuka Ebhe de-e, kpála ang-o nga'o Ebhe bhulu eu. Padhá de, anga engú inde li Ebhe akpo e pindji Ndili gba e, kpála ang-o bhuka naae de. ¹¹ Engú ang-o ngae inde: Ebhe aha nani mukobho na duduma pi ní, mukobho ang-o la bhú Ndili gba ani ko. ¹² Kpála bhende li Ndili-e nde bhú e, abhú kpála ang-o ne mukobho. Engú bini, kpála bhende li Ndili gba Ebhe-e nde bhú e ade-e, mukobho bhú kpála ang-o ade.

Engú pindji mukobho na duduma

¹³ Ma aye balua inde-e pi yi, ngayi okpála bhende abhuka 'li Ndili gba Ebhe-o. Ma aye pi yi, amba yi mbila me yi asia mukobho na duduma asia. ¹⁴ Engú ní nde lie ne tsulu kala Ebhe belegu ade bini-e ngae inde: ní ngambila ndjindji me, i du me ní nde ayo 'he ka ani maka ani ngakukunda lie, ani djé ní. ¹⁵ I du la me ní nde ambila me ani ngadje ní bhú ndu mayo gba ní-e hana-a, ní ambila di ndjindji me ní asia 'he inde ní ayo e ka ani-e asia.

¹⁶ I du me kpála bini nde au ndai e ngamene siti 'ngú-o, li siti 'ngú ang-o du bhende i tó ani bhú kuo de-e, a ayo me ani yo Ebhe ngú ani, amba kpála na siti 'ngú ang-o sia mukobho. Bhobhoma ndjindji pi kpála bhende ngamene siti 'ngú inde i tó ani bhú kuo de ko. Engú bini, a ne siti 'ngú inde ató kpála bhú kuo, ma pa de me u yo Ebhe ngú bhende bhomu-o de. ¹⁷ Ndu 'ngú hana inde ngbingbili bhú djila Ebhe ade-e, a ko siti 'ngú. La-a, ndu 'ngú hana toto kpála bhú kuo de.

¹⁸ Ní ngambila ndjindji me kpála inde li Ebhe azu e ngae dhedhedhe li namene siti 'ngú belegu de bini. Padhá de, anga Yesu Ndili gba Ebhe-e ngalila ani ngae, la di-e, Siti ti da namene 'he ngú ani belegu de bini.

¹⁹ Ní ambila me ní naaní ne okpála gba Ebhe, engú la bini, doto libhому sa 'kpa Siti.

²⁰ Ní ambila me Ndili gba Ebhe-e ago, ani atsia aha imbilangu pi ní, amba ní mbila Ebhe na kukulu-o. Ní akpøtsø liní ne Ebhe na kukulu-o, li pápá gba Ndili gba ani Yesu Kilisito. Ngaani-e, a ko Ebhe na kukulu, a ko la di mukobho na duduma.

²¹ Odi ma, yi lila liyi ka oebhe na eu-o ndjindji.

Balua na bhisi gba Djaa Eli na kalanu

Bhele kpála Djaa , aye nani balua gba e na bhisi pi òlò bini ne ongisi gba e. A mana m̀gito me, u aye pi Dadjua gba Ebhe inde u adu ayo Ebhe bhú e ne okpála inde bhúbhú. Engú na ndundu inde adu bhúbhú-o, a ko bha me u du ne mukunda sunda o. Aní atsia apa me u lila lío ka omusuno na eu, ne nasuno gba o-o.

Ongbengbe ongú inde bhú bhuku inde- e ngae inde:

Eli na kalanu 1-3

Engú na kalanu inde a ayo me mukunda mene e 4-6

Nalila lío ka nasuno na eu 7-11

Eli na soso 12-13

*Djaa yi okpála inde li Ebhe abhu o-o
mayi*

¹ Ngama, Bhele Kpála , ma ngaye balua inde-e pi yi, Ohi ní,* ngamu kpála inde li Ebhe abhu e di ne ongisi gba e inde ma ngakunda o na kukulu-o. Ma ngakunda bha yi ngama kpi ma kpi ade, ndu okpála hana inde ambila kukulu 'ngú-o akunda bhadi yi moko. ² Padhá de, anga a ngadu bhú ní ne engú na kukulu. La di-e, kukulu 'ngú ang-o adu bhú dabili bini ne ní ndu 'kpí hana.

³ A ayo me Ebhe 'Dyi ní, di ne Yesu Kilisito , Ndili gba 'Dyi ní-e, bhú mukunda di ne kukulu 'ngú gba o-o, suno bádha bhú 'bu pi ní, u dje ndjinga ní, amba u ha la di guo 'ngú pi ní.

Engú pindji engú na kukulu di ne mukunda

⁴ Ma akpi djali naali, anga ma abhaka ongisi koko gba mu-o ngadholo bhú engú na kukulu, maka líli inde ní asia e ka 'Dyi ní ko. ⁵ Pi mbia inde-e, Ohi ní, engú inde ma ngayo e ka mu-o, a ngae inde: ní du ne mukunda sunda ní. A ko de me ma ngaye pi mu líli na mbia de, a ko líli inde ní asia e nayie bha bini li lilita† ko. ⁶ Lele li mukunda nde lie ngae inde: a ko namene olíli gba Ebhe-o. La di-e, líli ang-o, a ko bha bhende yi adje nani e nayie li lilita me, a ayo me yi du bhú mukunda.

*Yi lila liyi ka okpála napite okpála-a
malila*

* **1:1** 1:1 Ohi ní: Okpála bhelé ngabundja me Ohi ní inde si-e, a ko Piga gba Ebhe, ongisi gba ani-e, a ko omabhuka

† **1:5** 1:5 Nayie li lilita: A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11.

‡ **1:13** 1:13 Ongisi gba Ndai mu na Øelø li Ebhe abhu e-o: A akunda napa me omabhuka na Dadjua na Ebhe li Djaa adu nadu lie-o.

⁷ Okpála bhelé inde ngapite okpála at-sambala ne bili ngangá píla dotu. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulu napite okpála, a ko la di bhulu yala gba Kilisito. ⁸ 'E-e! Yi lila liyi ngayi makpe-e ndjindji, ngubula me yi anéke makalá na kulu gba ya-a de. Engú bini, a ayo me yi sia makalá-a libhomu.

⁹ Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála ang-o bhú Ebhe ade. Kpála inde la ngalila nasuno ang-o, kpála ang-o ngadu bhú 'Dyi Ndili-o, di ne Ndili-o. ¹⁰ I du me kpála nde ago, aní suno la di pi yi engú koko kpi-e, yi asia aní agba yi de, yi abhia di kúo li aní de. ¹¹ Padhá de, anga kpála inde abhia kúo li aní-e, a asuno bhomu-o me u akpøtø lío ne aní bhú osisiti 'ngú gba aní-o.

¹² Ma ne engú bhelé ngú napapa pi yi. La-a, ma kunda nayeye maye de, anga ma ne 'to ma 'to nanu agba yi oo, ngubula me ní gama 'ngú ne yi me ní nde ngau líni mau, amba ní kpi djali ndjindji.

¹³ Ongisi gba Ndai mu na Øelø, kpála inde li Ebhe abhu e-e† apa me, o yi mu mayi.

Balua na bata gba Djaa Eli na kalanu

Bhele kpála Djaa , aye balua inde-e pi bhele kpála natsia 'kpí li Dadjua gba Ebhe inde 'lí e me Gaiusi. Djaa adu agama 'ngú gba ani-e ndjindji, anga ani adu asia omakilisito inde adu ago agba ani-e ndjindji-e naali. Ani atsia a ayo ka ani me, ani lila li e ka bhoko bini inde a du 'li e me Diotelefe malila.

Ongbengbe ongú inde bhú bhuku inde-e ngae inde:

Eli na kalanu 1-4

Nakpo 'ngú ndjindji li kute Gaiusi 5-8

Na'o 'ngú pindji Diotelefe 9-10

Na'o 'ngú pindji Demetiliusi 11-12

Eli na soso 13-15

Djaa yi Gaiusi mayi

¹ Ngama, Bhele Kpála , ma ngaye balua inde-e pi mu Gaiusi, ngamu ndai ma na mukunda, inde ma kunda e kukulu-o.

² Ndai ma na mukunda, gumu gba ma me ndu 'ngú gba mu-o hana dholo ndjindji, mu du ne kute na angu, maka mu nde lie ne angu li bua mu ko.

Gaiusi ngadholo bhú engú na kukulu

³ Ma akpi nako djali naali, anga li nedhinga inde li ondaise ní ago lie, u akpokpo muma me mu ngamene engú na kukulu. A moko, mu ngadholo bhú engú na kukulu. ⁴ Ehe inde la ngaha djali muma ane ndu ongú koko hana-a, a ko nadjé me ongisi gba ma-a ngadholo bhú engú na kukulu.

⁵ Ndai ma na mukunda, mu ngamene engú inde na babadha pi ondaise ní, belegu di ne pi obhende mu mbila o de-o. ⁶ U akpokpo engú na mukunda gba mu-o kala okpála na Piga gba Ebhe. Mene 'he inde ndjindji bhú djila Ebhe, ne naha ehe inde atéteke uo li kpadji-e pi uo. ⁷ Padhá de, anga u ngadholo ngubula 'li Kilisito . La di-e, u ti da nasia 'he ka omupagano belegu de bini. ⁸ Kaka-a, a ayo me nganí makpe-e, ní teteke ngua okpála bhomu-o nganí, amba ní kpetse di liní ne uo ngú nakpokpo 'ngú na kukulu.

Engú pindji Diotelefe ngauo ne Demetiliusi

⁹ Ma aye nako mboye balua pi okpála na Dadjua gba Ebhe. Engú bini, Diotelefe, kpála inde akunda naae me bhú ndu 'ngú hana u dje bha ni-e, atsia au engú angoo bhú djila e padhá. ¹⁰ Kaka-a, ma agó

lie, ma ambamba ta engú na sisiti inde ani ngamene e-o. Ani ngapa engú na sisiti di ne eu li kute ya. Engú bini, ani pise bha bini li bhende bhomu-o de, ani ngayala nasia ondaise ní. Ani ngapa la di pi obhende ngakunda nasia uo me u mene mo-o, ni pándja uo bhú Piga gba Ebhe-o.

¹¹ Ndai ma na mukunda, mo oméne 'ngú maka okpála na sisiti de. Engú bini, mene mangbo engú maka okpála na babadha. Kpála bhende ngamene bádha 'ngú-o, a ko kpála gba Ebhe. Kpála bhende ngamene siti 'ngú-o, kpála bhomu-o mbila Ebhe de.

¹² Ndu okpála hana ngakpo 'ngú pindji Demetiliusi ndjindji. La di-e, engú na kukulu ngae makpe ngakpokpo 'ngú gba ani-o. Nganí di-e, ní bhadi ngakpokpo 'ngú gba ani-e moko. Mu ngambila la di me engú inde ní ngakpokpo e, a ko kukulu 'ngú.

¹³ Ma ne ongú bhelé napapa pi mu. La-a, ma kunda nayeye maye de, ¹⁴ anga ma akunda nau mu má gala, amba ní gama 'ngú me ní nde ngau liní mau.

¹⁵ A ayo me guo 'ngú du bhú dabili bini ne mu! Ondaise ní inde ei-e apa me, o yi mu mayi. Pa la di pi ondaise ní inde oo me, ya yi kpála bini ne bini mayi.

Balua gba Djude Eli na kalanu

Djude aye nani balua inde-e ngubula napa me, omabhuka lila lio ka omusuno na eu inde adu apa me ni ne omabhuka-a malila. Bhú ndu balua inde-e, ongu inde bhúbhú-o, maka bhende bhú balua na bhisi gba Piele-o. Djude ngato masi bhú okpála inde ngatatanga me, u gu gbele ngubula nabhuka inde li Ebhe aha nani e pi okpála gba e ngubula ndu 'kpí hana-o.

Ongbengbe ongu inde bhú bhuku inde-e ngae inde:

Eli na kalanu 1-2

Dasundu, ne nasuno, a la di-e likabhu gba omusuno na eu 3-16

Lili ngubula nalila nabhuka 17-23

Bisagu 24-25

Djude yi omabhuka mayi

¹ Ma aye balua inde-e ngama Djude. Ma ne bali gba Yesu Kilisito, ma la di ne ndai Djaki. Ma aye balua inde-e pi okpála inde li Ebhe, 'Dyi ní a'i o-o. Ani ne mukunda pi uo, ani di ngalila uo bhú 'bu Yesu Kilisito. ² A ayo me Ebhe dje ndjinga yi, ani ha guo 'ngú pi yi, amba ani bedhe yi ne mukunda gba e ane mane.

Yi lila liyi ka omusuno na eu-o malila

³ Ondaise ma na mukunda, ma adu nako ne gumu naali me ma ye balua pi yi pindji mukobho inde ngakpetse ndu ní hana-o. La mbia inde-e, ma au ndjindji me ma ye balua pi yi ngú nato masi bhú yi me yi gu gbele ngú nabhuka inde li Ebhe aha e pi omaha e-o. Nabhuka angoo dji galikpe lie belegu de bini. ⁴ Padhá de, anga okpála koko bhú ká yi sisiti, u ali bhú ká yi bhú pepe. U ngadji ta bádha bhú 'bu gba Ebhe gba ní-e ngú nasia kpadji me o mene ndu osisiti 'ngú inde u akunda e hana. U bhomu-o ngayala koli Musuno inde di Ngámá gba ní Yesu Kilisito-o. Okpála angoo, u aye nani mangimbo gba uo-o bhú Bhuku gba Ebhe-e bhutode.

⁵ Belegu yi ambila nani ndu ongu inde-e lie hana didili-e, ma akunda matá napapa pi yi ne toto me, Ebhe Ngámá gba ní-e agbegbe nani okpála na Isalaele bhú bali bhú doto na Edjipeto agbegbe. Ani atsia abhili obhende i bhuka ani de-o. ⁶ Yi kina nga me oandjelu inde i lila nani kulu gba o-o de-e, inde a'o ká dabili gba

o-o, Ebhe agbigbite uo ne gbindjili na duduma, ani atsia abu uo li bili na biti bhe má ndundulundu ngú nadjeke 'ngbé 'kpí nakodho mangimbo gba okpála-o. ⁷ Yi kina nga me okpála na Sodomo ne Gomolo di ne ogadhu koko na ngo ogadhu bhomu-o amene bhadi nani siti 'ngú maka oandjelu bhomu. U adu amene 'ngú na sisiti inde li kpála-kuti ti da namene e de. Kaka-a, u naki ngazu likabhu bhú djua na duduma ngú nasuno pi okpála me, a ayo namene ngua siti 'ngú bhomu-o de.

⁸ Okpála na sisiti inde ali bhú ká yi bhomu-o bhadi ngamene ngua siti 'ngú bhomu-o moko. Ka 'ngú na ngingi inde bhú 'ndji uo-o, u ngasiti kute o. U kunda de me Ebhe u ngámá pí 'dji o-o de. U munga la di oandjelu inde li o ne zizi-e* de. ⁹ La-a, belegu Mikaele ngámá gba oandjelu-o mene nani mo-o de. Bhú nagbe bhayiki gba uo ne Djabulu-o, u adu amene kpeke 'bhé lie ngubula kuo Moidje-e, Mikaele pa 'ngú na namu li kute djabulu de. Engú bini ani apa bha pi ani me: «Ebhe mene bhado mu sisiti!»[†] ¹⁰ Engú bini, okpála na sisiti inde bhú ká yi-e, ngagama 'ngú sisiti li kute engú bhende u mbila e de. Uo maka onu abhú bili, u ngabhubhunda ade. U ngamene bha bini engú bhende akoto bhú 'ndji o. Engú angoo la ngabhili uo ngae. ¹¹ A ko likabhu pi uo! Padhá de, anga u akpata kpadji li Kaina akpata nani e-o. U akpata nganda Balama ka gumu tia gba o-o. U amu anga u ngamene kpeke 'ndji pi Ebhe maka li Kole amene nani lie-o.

¹² Uo ngaha namu pi yi bhú obili li yi appekobhe bhála yi li e ngú nazu 'he na mukunda sunda yi-o. U ngabedhe 'bu o ne ezu má kpambi! Namu li uo ade, uo bha bini ngabhubhunda engú gba o makpe. Uo maka ndindi inde li anvi ngandjindjimba e, li ebha nde bhú e ade-o. Uo maka ndula inde i li líf de bhú nedhinga nali líf-o, inde u agbe du e, a tsia akpi hana má kpəkəbhə-o! ¹³ Uo maka ongbengbe 'ngbo 'ngu na ngade 'ngu. U ngapandja ongu na namu gba o-o maka li ngade 'ngu agbegbe efu lie. Uo maka okupala inde ambu li kpadji o. Ebhe aleke dabili na duduma ne duduma pi uo bhú biti má ndundulundu!

¹⁴ Enoka, nani ne ogbi ní na mananika nayie li Adamu. Ani akpokpo nani maka polofeta li 'ngú gba okpála angoo me: «Yi tsitsia nga Ngámá ngago bhú dabili bini ne bhiti obubu okpála gba e na bhibhiti-o, ¹⁵ ngú nakodho 'ngú gba ndu okpála hana. Ani a'o mangimbo pi ndu okpála na sisiti hana ngubula ndu osisiti 'ngú inde u

* 1:8 1:8 Oandjelu inde li o ne zizi: A akunda napa me oandjelu inde ngamanga 'li Ebhe. † 1:9 1:9 Ongú koko inde bhú lukuluku inde-e, a bhú obhuku koko na gandja na didili-e ade. A ko ongu inde li omaYuda adu nani akpokpo e maka tsingu. A viti bini ne bhende bhú lukuluku 14-15.

amene e, nedhinga li u agbe kpéke 'ndji lie li Ebhe, di ne ngubula sisiti oeli inde li okpála na mugwe apa e li kute ani-o.»
¹⁶ Okpála ang-o ngadi mutokono di ne nalopolo lio ndu 'kpi hana, uo ngadhuku bha bini maka li gumu gba uo makpe apa lie. U ngapa bha bini ongu inde ane dada mane, u la di ngapa 'li okpála koko ngubula me o sia 'he ka uo.

Dapo pi omakilisito

¹⁷ La pi yi ondaise ma na mukunda-a, yi bhundja oeli inde li obhulu titima gba Ngámá gba ní Yesu Kilisito apa nani e pi yi-o. ¹⁸ U apa nani pi yi me: «Li sokpi-e, adu ne okpála inde amú yi, u tsia du akpata osisiti gumu gba o makpe.»
¹⁹ Okpála ang-o, a ko okpála inde ngagbo bhusu okpála. A bha bini bhú 'ndji uo ne imbilangu bhe na kute, Bua gba Ebhe-e bhú uo ade. ²⁰ La pi yi ondaise ma na mukunda-a, yi mene ne kpéke me yi teteke liyi sunda yi ngubula me ndu yi hana yi lu kpekpeke bhú nabhuka inde bubu naali-o. Yi yo Ebhe ne angu gba Bu Bhobua .
²¹ Yi du nadhuku li lele da napa me Ebhe du nasuno mukunda gba e pi yi. Yi 'o 'to yi li nedhinga li Ngámá gba ní Yesu Kilisito apána ndjinga gba e lie pi yi, ani tsia há mukobho na duduma pi yi-o. ²² Yi dje ndjinga okpála bhende ne bua na bhisi bhisi bhú ká yi-o. ²³ Yi kobho uo, amba u atsulu bhú djua de. Yi dje ndjinga okpála koko, la-a, yi lila liyi me, belegu bongo gba uo inde asiti ne osisiti 'ngú gba uo inde u ngamene e, atunu lie li kute yi de.

²⁴⁻²⁵ Sangu pi koli Ebhe bini inde akobho ní li kpadji gba Yesu Kilisito, Ngámá gba ní-o. Ani ti da nayoko me yi atí bhú siti 'ngú de, ani ti da namene me yi koto kala ni me engú na sisiti nde bhú yi ade, di ne me yi nde abedhe ne djali bedhe. A ayo me okpála dhogé ani, a ayo me ani u, a ayo me angu di ne ngámá du bhú dabili bini ne ani mbia inde, duduma ne duduma. A adu moko!

Apokalipisi

Ongú inde u ambamba ta e Eli na kalanu

Djaa aye bhuku na Apokalipisi inde-e bhú nedhinga u adu ato mbolo li omakilisito lie kabula nabhuka bhú Yesu Kilisito maka Ngámá gba o. Engú na ngbéngbé inde bhú bhuku inde-e, Djaa ngapa pi okpála inde ngatatanga me u du ne nabhuka di ne masi. Djaa atsia aha líli pi uo me, u lu kpékpéke bhú 'ngú na kukuá nedhinga na líkabhu di ne bhú onedhinga u ngato mbolo li uo lie-o.

Bhú bhuku inde-e, u aye bhúbhú ongú bhelé pindji nambamba ta ongú, di ne pindji nau ongú maka loto li da e nde kpékpéke ngú nambimbila. Engú na ngbéngbé bhúbhú-o mbámá. A ko ongú inde me: li pápá gba Kilisito Ngámá gba ní-e, a li soso-o, Ebhe ahá angu obhulu yala gba e hana, ani há di angu Satana . Ani há di makalá pi okpála na ngbingbili gba e, ne bisagu na abhúá na mbia di ne doto na mbia inde ani ako angu e pí ndu 'ngú lie hana-o.

Ongbengbe ongú inde bhú bhuku inde-e ngae inde:

Eli na kalanu 1:1-20

Balua pi oDadjua mananika gba Ebhe 2 - 3

Malika 4:1 - 8:5

Ototi mananika 8:6 - 11:19

Nau ongú mananika maka loto 12:1 - 15:8

Okópo mananika na ke 'ngú gba Ebhe 16:1-21

Ongú mananika u apa e pindji babilona 17:1 - 19:10

Nabu ta 'ngú pindji nau ongú mananika maka loto 19:11 - 21:8

Yelusalema na mbia, ølø gba Ndili Kandøle 21:9 - 22:21

Lita 'ngú-o

¹ Bhuku inde-e ngakpokpo 'ngú pindji ongú inde li Ebhe ambamba ta e pi Yesu Kilisito-o . Ebhe ambamba tata pi ani ngabula me ani suno pi obalise gba ni-o, ongú inde améne lie mbia inde-o. Abhomu-o, Yesu Kilisito atsia atima andjelu gba e me ani mbamba ta ongú angu-o pi bali gba ni Djaa . ² Djaa akpokpo ndu 'ngú inde ani au e hana. Ndu 'ngú inde ani au e hana-a, a ko 'li Ebhe, a ko la di kukuá 'ngú inde li Yesu Kilisito ambamba ta e pi ani-o. ³ A ko djali pi kpála inde ngatangá bhuku inde, ne obhende i ngadje

ongú inde li Ebhe ambamba ta e bhúbhú-o, inde di ngakpata ongú inde aye lie bhú bhuku inde-o. Padhá de, anga nedhinga na ongú angu-o akolo masikpe.

Djaa yi okpála na oDadjua mananika gba Ebhe-e mayi

⁴⁻⁵ Ngama Djaa, ma atima balua inde-e bhú oDadjua mananika inde bhú ndu doto na Adjia-o.

A ayo me Ebhe inde uu inde adu nani uu, inde la di ngago-o, suno bádha bhú 'bu ne guo 'ngú gba e pi yi. A ayo di me obua mananika inde kala kiti na ngámá gba Ebhe-e, bhú dabili ne Yesu Kilisito suno bádha bhú 'bu ne guo 'ngú pi yi. Yesu Kilisito-o, a ko kpála inde akpokpo ngbili 'ngú . A ko di kpála na kalanu inde azuku bhú ká okpála inde amu, a ko la di ngámá gba ongbenge ongámási na doto.

Kilisito ngakunda ní, ani atsia agbegbe ní bhú osisiti 'ngú gba ní-e ne ngute e. ⁶ Ani amene me ní kolo okpála na Nau gba Ebhe . Ani amene di me ní kolo odimande ngabula namene kulu liní pi Ebhe, 'Dyi ní. A ayo me sangu di ne angu du pi ani duduma ne duduma! A adu moko.

⁷ Yi tsisia, ani ngago bhú ndindi!

Ndu okpála hana au ani, belegu obhende adu nani kala ani ne mandambi-o.

Ndu pigá inde píla doto libhomu adú bhú

'gbá li 'ngú gba ani-o.

Heni, a adu moko!

⁸ Ebhe Ngámá Apí 'Kpí apa me: «Ma ne Kpála inde akpo líta ndu 'ngú hana, ma di ne Kpála inde abú ta ndu 'ngú hana.» Ebhe ne Kpála inde uu, Kpála inde adu nani uu, Kpála inde di ngago.

Djaa au Kilisito bhú 'he maka loto

⁹ Ngama Djaa, ma ne ndai yi inde ngakobho bhú dabili bini ne yi bhú líkabhu, ne bhú Nau ne nazi kekele bhú nabhuka Yesu. Ngama-a, ma du nako bhú kpata bhú kpeme inde u a'i e me Patemosi kabula 'li Ebhe, la di anga ma ngakpokpo kukuá 'ngú inde li Yesu ambamba ta e-o. ¹⁰ Bhú 'kpí gba Ngámá-a, Bu Bhobua abedhe ma, ma atsia adje ne akele ma kpéke eli bini maka mbala. ¹¹ Eli angu-o apa me: «Ehe inde ma ngau e-e, ye bhú bhuku bini, amba ma tima bhú oDadjua mananika gba Ebhe inde bhú Efeso, bhú Similine, bhú Pelegame, bhú Tiatile, bhú Salade, bhú Filadelefi ne bhú Laodisé.»

¹² Abhomu-o, ma adji líma ngú natsia kpála inde adu nagama 'ngú muma-o. Ma adji líma lie, ma au otala na olo mananika. ¹³ Bhú ka otala angu-o, ehe bini adu maka

kpála-kuti. Ani adyi 'ndjá bongo akolo bhú 'dhu e, ani atsia agbite mbulu e ne mukabha inde u amene e li olo.[†] ¹⁴ 'Ndji ani ne sundjo ani avu má tuu, maka kato! Djila ani adu nade maka zi djua. ¹⁵ 'Dhu ani adu nasu maka kalase na kpéke mase inde u ato e bhú djua, zizi atsia aholo nasu. 'Li ani adu maka tolo wowo 'ngu. ¹⁶ Ani aholo ikupala mananika ne 'kpa e na kokpa. A adu akoto bhú 'bhe ani ne mbotia inde adhe ne ndu pasu bhisi hana. Bhála ani adu asu maka kpéke zindjila na tulukpe.

¹⁷ Ma au ani lie, ma ati bhú li 'dhu ani maka kpála inde akpi. Pipita-a, ani a'o 'kpa e na kokpa-a pí ma, ani atsia apa muma me: «Mo okpé-e de! Ma ne Kpála inde akpo lita ndu 'ngú hana, ma di ne Kpála inde abú ta ndu 'ngú hana. ¹⁸ Ma la di bhú mukobho. Ma adu nako me ma nde akpi, la mbia inde-e, ma bhú mukobho na duduma. Ma ne angu pí 'ndji kuo di ne pí 'ndji bili gba okpála inde amu. ¹⁹ Kaka-a, ye ongu inde mo ou e inde. A ko ongu inde ngakodho 'kpí, di ne ongu inde a ayo me ago pipita ko. ²⁰ Pindji oikupala mananika inde mo ou e sa 'kpa ma na kokpa, di ne otala mananika na olo-o, gbo nga 'dje mu, ma mbamba kukulu tata-a pi mu. Mbila me, oikupala mananika-a, a ko oandjelu na oDadjua mananika gba Ebhe, otala mananika-a, a ko oDadjua mananika gba Ebhe-o.»

2

Balua pi okpála na Dadjua na Efeso

¹ Kpála inde ma au e apa matá muma me: «Ye balua pi andjelu na Dadjua na kuti na Efeso me:

«Kpála inde aholo oikupala mananika sa 'kpa e na kokpa, inde ngadhoho bhú ká otala mananika na olo-o apa me: ² Ma mbila okulu gba mu-o hana. Ma mbila hana me mo omene kulu kpekpeke, me mu di ne bua na kekele. Ma mbila hana me mu tí da naziba osisiti okpála de. Ma mbila hana me mo ole okpála inde ngapa me o ne obhulu titima gba ma-a me u nde la mo-o ade-e, mo atsia au me a ko obhulu eu. ³ Ma mbila hana me a bhú mu ne kekele, mo osia likabhu ngubula 'li ma, mu tsia ndala de.

⁴ La-a, siti 'ngú inde ma au e li pabili gba mu-o, a ko me mo o'o ká mukunda inde mo okunda nani ma ne e a'o. ⁵ Kaka-a, bhundja nga bili inde mo oti li e-o. Dji bua mu, amba mu mene okulu maka mo odu nako namemene lie kalanu ko. I du mo-o de-e, ma agó li pabili gba mu, ma a'é tala gba mu li bili i nde li e-o, i du me mu nde dji

bua mu de ko. ⁶ Engú bini, bádha 'ngú inde bhú mu-o ngae inde: mu ngayala okulu inde li oNikolaite ngasuno e, maka ngama makpe di-e, ma ngayayala lie-o.

⁷ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe ko!

Kpála inde agboko 'gú bhomu-o, ma ahá lí ndula na mukobho inde bhú edyi gba Ebhe-e pi ani me ani du nazuzu. Edyi angu-o bhú kuti na mundayi gba Ebhe-o.»

Balua pi okpála na Dadjua na Similine

⁸ Kpála inde ma au e apa matá muma me: «Ye balua pi andjelu na Dadjua na Similine me:

«Kpála inde akpo lita ndu 'ngú hana, inde di abú ta ndu ongu hana, Kpála inde akpi nani, engú bini atsia azuku-o apa me: ⁹ Ma mbila likabhu gba mu di ne ndibhili gba mu-o hana, engú bini, kukulu tia mangbo ngae inde ka mu-o. Ma mbila la di maka li okpála inde ngapa me o ne omaYuda me u nde ne omaYuda ade-e, ngadi mu lie hana. La ngauo-o, a ko omaYuda de, a ko okpála gba Satana! ¹⁰ Mo odje tsulu ka likabhu inde mo osia e de. Djedje nga, djabulu andi okpála bini bini bhú ká yi bhú tikpu ngú nale yi. U ató mbolo li yi ngubula ekpi ndjikpa. Mo oyála ma de, abana i yo bha me u bhelo mu. Pipita-a, ma ahá ndata na 'ngbø ndua pi mu maka makalá gba mu-o. Ndata na 'ngbø ndua angu-o, a ko mukobho na duduma.

¹¹ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe ko!

Kpála inde agboko 'gú bhomu-o, ani sia likabhu gba nakpi na bhisi-e belegu de bini.»

Balua pi okpála na Dadjua na Pelegame

¹² Kpála inde ma au e apa matá muma me: «Ye balua pi andjelu na Dadjua na Pelegame me:

«Kpála inde ka e ne mbotia inde ngadhe ne ndu pasu bhisi hana-a, apa me: ¹³ Ma mbila bili inde mu ngadu li e hana, bili angu-o, Satana ne ngámá oo ngae. Mu ngalila 'li ma. Mu ndala 'kpa li nabhuka gba mu bhú ma-a de, abana bha li nedhinga u abhelo Atipasi lie agba yi, li bili li Satana ngadu li e-o. Atipasi adu nani nakpokpo 'ngú gba ma mbámbá kala okpála.

¹⁴ La-a, siti 'ngú inde ma au e li pabili gba mu-o, a ko me, a agba mu ne okpála koko inde ngadhedhe li 'ngú li Balama adu nani nasuno e pi Balaka-o. Balama adu nani nasuno pi Balaka me ani to omafsalaele bhú siti 'ngú. Ani adu

apite uo me u zu oenu inde u aha o pi oebhe na eu, amba u du di nakunda olisi, i du di-e obhosi ngangá. ¹⁵ A bhadi moko, a di bhú ká okpála gba mu-o ne obhede adhedhe li nasuno siti líli maka oNiholaite ngasusuno lie-o. ¹⁶ Kaka-a, dji bua mu. Padhá de, anga i du mo-o de-e, ma ngago agba mu má gala, ma tsia gu okpála ang-o ne mbotia inde ngakoto bhú 'bhé ma-o.

¹⁷ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe ko!

Kpála inde agbóko 'gú bhomu-o, ma ahá mana inde awo lie mawo-o pi ani. Ma ahá la di linga pi ani. U aye pi linga ang-o 'ili na mbia inde li kpála bini mbila ta e de, bha bini kpála inde asia linga ang-o ko!»

Balua pi okpála na Dadjua na Tiatile

¹⁸ Kpála inde ma au e apa matá muma me: «Ye balua pi andjelu na Dadjua na Tiatile me:

«Ndili gba Ebhe inde li Djila e ngade maka djua, li zi 'dhu e nde ngasu maka kalase na kpéke mase, apa me: ¹⁹ Ma mbila okulu gba mu-o hana. Ma mbila mukunda gba mu-o hana. Ma mbila nabhuka gba mu-o hana. Ma mbila kulu mo omemene e pi okpála di ne kekele gba mu-o hana. Ma mbila hana me kulu mu ngamene e mbia inde-e ane bhe na kalanu-o ne bhelé. ²⁰ La-a, siti 'ngú inde ma au e li pabili gba mu-o, a ko me, mu ngaziba Djedjabele, ele inde ngapa me ni ne polofeta gba Ebhe-o. Ani ngapite obalise gba ma-a ne nasuno pi uo engú na zabhe, di ne nazu onu inde u aha o pi oebhe na eu-o. ²¹ Ma a'o nako nedhinga pi ani me ani dji bua e. Engú bini, ani kunda nadi bua e de me ni 'o nakunda obhosi ngangá ma'o-o de.

²² Kaka-a, ma agú 'i ani pi polo na 'ngbé likabhu bhú dabili bini ne obhede ngakunda obhosi, i du di-e olisi gba okpála koko bhú dabili bini ne ani-o, i du me okpála ang-o nde dji 'ngbu o li sisiti kulu gba ani de-o. ²³ Ma abhili okpála inde ngakpata nganda ani-o, li ndu okpála na oDadjua gba Ebhe-e hana mbila me ma ne kpála inde i ngambila mabhundja di ne gumu gba okpála hana. Ma ahá pi kpála ne kpála bhú ká yi makalá nakpata bha lele siti 'ngú inde ani amene e ko. ²⁴ La ngayi okpála na Dadjua na Tiatile, inde i dhedhe li nasuno na sisiti bhomu-o de-e, inde i kpata di engú li okpála bhomu-o nga'i e me, "Engú nawo mawo gba Satana" de-e, ma ne líli koko na'o'o pi yi ade. ²⁵ Engú

bini, yi dhedhe bha li engú inde ka yi akólo bha bini li 'kpí inde ma agó lie ko.

²⁶⁻²⁸ Kpála inde agbóko 'gú bhomu-o, inde alila okulu gba ma nakolo ali soso-o, ma ahá pi ani angu inde ma asia e ngama makpe ka 'Dyi ma-o. Ma a'ó ani ngámá pí 'ndji opiga. Ani aú ngámá pí 'ndji uo. Ani ahólo kalase sa 'kpa e, ani tsia dú agugumu uo maka u agugumu omadakpa lie ko.† Ma ahá di ikupala inde asusu kékpi-e pi kpála ang-o ngú nasuno me ani agboko 'gú-o agboko.

²⁹ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe ko!»

3

Balua pi okpála na Dadjua na Salade

¹ Kpála inde ma au e apa matá muma me: «Ye balua pi andjelu na Dadjua na Salade me:

«Kpála inde li obua mananika gba Ebhe, di ne oikupala mananika nde ka e apa me: Ma mbila okulu gba mu-o hana. Okpála ngapa me mu uu, engú bini, mo okpi. ² Zuzuku, mene ne kpéke me mo obúlu bha má pii de! Padhá de, anga ma au me kulu gba mu-o kolo nga li lelele de. ³ Kaka-a, bhundja nasuno inde mo osia nani e-o ne lele maka mo odje nani lie-o. Dji bua mu, amba mu lila nasuno ang-o malila! I du la me mu nde zuku de-e, ma gó maka bhulu 'zi, ma koto li mu bhú gbilikiti, me mu nde mbila nedhinga ang-o de.

⁴ Engú bini, a bhú ka yi okpála na Salade ne okpála bini bini inde i siti obongo gba o-o de. U adyi obongo na bububu, ngaya ne uo-o, ya tsia dhólo bhú dabili bini. Padhá de, anga u ati ne nadhuku ne ma bhú dabili bini ngao. ⁵ A moko, kpála inde agbóko 'gú bhomu-o, adyi obubu bongu. Ma búlu 'li ani bhú bhuku na mukobho-o de. La di-e, ma aziba kala 'Dyi ma, di ne kala oandjelu gba ani-e me, a ko kpála ka ma.

⁶ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe ko!»

Balua pi okpála na Dadjua na Filadelefi

⁷ Kpála inde ma au e apa matá muma me: «Ye balua pi andjelu na Dadjua na Filadelefi me:

«Kpála inde bubu, inde i papa eu de, inde li fungula gba Davidi nde ka e-e, inde i 'u bhoti-e, kpála bini ti da nanini de, inde i ni la di bhoti-e, kpála bini ti da na'u'u de-e, apa me: ⁸ Ma mbila okulu gba mu-o hana. Ma mbila hana

† 2:26-28 2:26-28 Tsia bhú Ets. 2:8-9.

me mu kpékpéke ade. La-a, mo olila 'li ma ndjindji. Mo opa mbámá me mu ne kpála ka ma. Kaka-a, ma a'u bhoti kala mu, bhoti ang-o, kpála bini ti da nanini de. ⁹ Tsia nga engú inde ma améne e li okpála gba Satana , obhulú eu inde ngapa me o ne omaYuda me a nde omaYuda ade-o: ma agbéle uo kala mu, u tútu lipaku o kuto kala mu ngú nadhögö mu, amba u mbila me ma ngakunda mu. ¹⁰ Mo olila líli gba ma pindji naholo bua o ndjindji. Kaka-a, ngama di-e, ma alíla bhadi mu moko li nedhinga na kpéke da 'ngú inde agó p'la doto libhomu ngú nale okpála na doto ko. ¹¹ Ma agó mbia! Dhedhe li nasuno inde mo odje e ndjindji, ngubula me kpála bini adhépe ndata na 'ngbè ndua gba mu-o de.

¹² Kpála inde agbóko 'gú bhomu-o, ma a'ó ani maka nepanda bhú 'ngbé 'ti Ebhe gba Ebhe gba ma-o. Ehe bini ti da nagbe matá ani oo belegu de bini. Ma ayé 'li Ebhe gba ma-a li kute ani, bhú dabili bini ne 'li gadhu gba Ebhe gba ma-o. Gadhu ang-o, a ko Yelusalema na mbia inde ayie abhulá, inde li Ebhe atíma galikpe e-o. La di-e, ma ayé 'li gba ma na mbia li kute ani.

¹³ A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe kol!»

Balua pi okpála na Dadjua na Laodisé

¹⁴ Kpála inde ma au e bhomu-o atsia apa muma li soso me: «Ye balua pi andjelu na Dadjua na Laodisé-e me:

«Kpála inde 'li e me "A du moko", kakulú kpála inde ngakpokpo 'ngú me ani nde 'o koko pépé de-e, inde lita ndu 'he li Ebhe abho e hana-a apa me: ¹⁵ Ma mbila okulu gba mu-o hana. Mu kpikpina ade, mu di kpákpá ade. A ayo igini me mu de adu kpikpina, i du mo-o de-e, mu du kpákpá. ¹⁶ I nde lie me mu nde yapayapa-a, mu nde kpikpina adie, mu la di kpákpá adie, ma azie mu mazie!

¹⁷ Mu ngapa me: "Ma ne bhulú tia, ma asia tia bhelé, ma ne gamu 'he belegu ade bini." Engú la bini, mu mbila de me ni bhú likabhu-o de. Mu mbila de me ni nga'o li ma ndjinga-a de. Mu mbila de me ni ne bhulú ndibhili-e de. Mu mbila de me ni u 'kpí de-e de. Mu mbila la di de me ni ndumbu-o de. ¹⁸ Kaka-a, ma ngayo ka mu me, a ayo nakala olo inde li djua aleke e ndjindji-e ka ma, ngubula me mu kolo bhulú tia. Ma ngayo ka mu

me, a ayo nakala di obongo na bububu ka ma ngú nadyidyí li kute mu, amba numu améne mu ka ndumbu gba mu-o de. Ma ngayo ka mu me, a ayo nakala la di elá ngú nasese bhú djila mu, amba mu du au 'kpí ndjindji.

¹⁹ La pi ma-a, ndu okpála inde ma akakunda o hana, ma ngambe bhú 'ndji uo, ma di ngasuno oehé inde u mene e ndjindji de-e pi uo. Kaka-a, a ayo me mu dji bua mu, amba mu du kpákpá.

²⁰ Djedje nga, ma alú li 'bhe bhoti-o, ma ngabhíbhí. Li kpála dje 'li ma, ani 'u 'bhe bhoti-e, ma lí agba ani, li ngaya ne ani-e, ya tsia zú 'he ne ani bhú dabili bini.

²¹ Kpála inde agbóko 'gú bhomu-o, ma aziba pi ani nadu bhú dabili bini ne ma pí kiti na ngámá gba ma maka ngama di ma agboko 'gú lie, ma atsia adu bhú dabili bini ne 'Dyi ma pí kiti gba e na ngámá ko.

²² A ayo me kpála inde li e ne djedje-e, dje engú inde li Bu Bhobua ngapa e pi oDadjua gba Ebhe kol!»

4

Abhulá-a, ndu okpála hana ngadhögö Ebhe

¹ Pipita-a, ma au engú koko bhú 'he maka loto. Ma au bhoti inde adu baba abhulá.

Eli ma adje igini e kalanu mugito me u nga'u toti-e, apa muma me: «'U ei, amba ma suno engú inde ngago sidi-e pi mu.»

² Kolo me-e, Bu Bhobua abedhe ma. Abhulá oo, kiti bini na ngámá adu oo, kpála bini atsia adu pépé. ³ Zi kpála ang-o adu nasu maka oteme* na zizi. Makilima asa dengo kiti na ngámá inde ani adu pí e ne zi e ngbalina. Zizi adu di maka zi teme na zizi. ⁴ Okiti na ngámá ndjikpa bhisi ne ká badha asa dengo kiti na ngámá ang-o ngbalina. Obhelesi okpála ndjikpa bhisi ne ká badha atsia adulu pépé. U adyidyí obubu bongo , u atsia adyidyí ondata na ngámá inde u amene e li olo-o bhú 'ndji o. ⁵ Li bili li kiti ang-o adu lie, ekpí adu andjendjengene, mugbalá adu asusula. O'i 'ke mananika inde adu atsi matsi adu kala kiti ang-o. O'i 'ke ang-o, a ko obua mananika gba Ebhe-o. ⁶ Kala kiti ang-o, ma au 'he bini maka 'ngbé 'ngu inde li p'la e adu nasu má ngingingi maka bitolobi. A adu má ngilili maka teme† na zizi.

Lingo kiti na ngámá ang-o, okpála badha na ngangamba‡ adu oo. (A akunda

* **4:3** 4:3 Oteme: Bhú eli na giliki-e, u aye limbi oteme bata: djasepe, saladuane ne emelode. † **4:6** 4:6 Teme: Bhú eli na giliki-e, u aye me «Teme na kilisitale.» ‡ **4:6** 4:6 Okpála badha na ngangamba: Li bili inde-e, u mbila de me ne me a ko okpála-kuti, ne me a ko oandjelu-o de.

napa me sũnda kiti na ngámá di ne bili li obhelesi okpála ndjikpa bhisi ne ká badha adu lie-o.) Djidjila abedhe li bhũla uo di ne li 'ngbũ uo bedhe. ⁷ Kpála bhe na bini-e, adu maka kingbi. Bhende na bhisi-e, adu maka folo bagala na bhobhoko. Bhende na bata-a, bhũla ani adu maka kpála-kuti. Bhende na badha-a atsia adu maka ndua inde bhũ holo. ⁸ Ndu uo badha hana, u adu ne mbumbudha madhia madhia. Djidjila atsia abedhe tété bedhe bedhe, ali ngbungbu di ne asabusabu. U ngali 'tsi sukpe ne ngbikpi mandí naguo me:

«Ebhe Ngámá Apí 'Kpí, Bubu, ani Bubu, ani Bubu.

A ko Kpála inde adu nani uu, inde uu, inde di ngago!»

⁹ Ndu nedhinga hana li okpála badha bhomu-o ngali 'tsi ngũ nadhẽgẽ kpála inde adu pí kiti na ngámá, kpála inde la di bhũ mukobho dũdũma ne dũdũma, u ngaha sangu di ne nagie heni pí e lie, ¹⁰ obhelesi okpála ndjikpa bhisi ne ká badha-a ngatutu lipuku o kuto kala kpála ang-o. U ngadhẽgẽ kpála inde bhũ mukobho dũdũma ne dũdũma-o. U ngapandja ndata na ngámá gba o-o, u ngabubu kala kiti na ngámá-a ne napa me:

¹¹ «Ebhe Ngámá gba ya, mo oti ne napa me okpála toko mu, u dhẽgẽ mu, amba mu sia sangu kabula ngámá gba mu-o.

Padhá de, anga mo obho ndu 'he hana ngamu.

A atsia amene lie, anga mo okũnda nani me a amene lie moko.»

5

Ndili Kandẽlẽ-o abhũlu 'kpá balua inde agagala lie magagala-o

¹ Pipita-a, ma au 'kpá balua bini sakpa kpála inde adu pí kiti na ngámá-o, ani aholo li pá 'kpa e na kokpa. U aye 'he pépé ne ndu pasu bhisi hana. U agagala, u atsia ayele ne malika li obili mananika. ² Abhomu-o, ma au andjelu bini na angu inde adu asusula me: «A ti da nasosoko malika li kute 'kpá balua inde-e ngũ nabhubhulu-o da?» ³ Engũ bini, kpála bini inde ati da nabhubhulu di ne natsia 'kpí bhũbhũ-o du de, abana abhũlá, abana píla doto, abana asa doto. ⁴ Kaka-a, ma aku 'gbá naali, anga kpála inde ati da nabhubhulu di ne natsia 'kpí bhũbhũ-o du de. ⁵ Engũ bini, sũka obhelesi okpála apa mũma me: «Mo okú 'gbá de. Tsitsia nga, kingbi na piga gba Yuda, ndili gba 'ngbé ngámá Davidi-e agboko egũ-o agboko. Ani ti da nasosoko malika mananika bhomu-o, ani tsia bhũlu di 'kpá balua ang-o.»

⁶ Abhomu-o, ma au Ndili Kandẽlẽ bini alu tutu, li bili na kiti na ngámá-o. Okpála badha na ngangamba bhũ dabili bini ne obhelesi okpála-a asa ani ngbalina. Ani adu mugito me u akodho ngulu ani makodho. A adu bhũ 'ndji ani ne odidi mananika di ne djidjila mananika. Odjidjila mananika bhomu-o, a ko obua mananika gba Ebhe li ani atima o píla doto libhomu-o. ⁷ Ndili Kandẽlẽ-o ago, ani atsia aha 'kpá balua sakpa kpála inde adu pí kiti na ngámá-o. 'Kpá balua ang-o adu sakpa ani li pápá na kokpa. ⁸ Nedhinga ani aha 'kpá balua lie, okpála badha na ngangamba di ne obhelesi okpála ndjikpa bhisi ne ká badha-a, atuko ne lipuku o kuto kala Ndili Kandẽlẽ-o. A adu sakpa ndu uo bini ne bini hana ne dũmu di ne kópo na olo inde abedhe ne bandeledhe. Bandeledhe ang-o, a ko mayo gba okpála gba Ebhe-o. ⁹ U adu nali etsi na mbia me:

«Mũ ti da naha 'kpá balua-o
ne nasosoko malika ang-o,
anga u abhẽle nani mu,
mo otsia agbegbe okpála inde adu bhũ
bali-e
ne ngute mu pí Ebhe.

A ko kpála na ndu bili hana,
ne ndu opiga hana,
ne ndu okongũ hana.

¹⁰ Mo otsia amene me
u kolo pí Ebhe gba ní-e okpála na kuti-
ngámá gba ani,
u kolo di odimandẽ pí ani,
u tsia u píla doto.»

¹¹ Pipita-a, ma au, ma atsia adje 'li bhiti oandjelu. U adu nani oketẽ ne ketẽ. U alulu dengo kiti na ngámá-o, ne dengo okulu 'he badha-o, di ne dengo obhelesi okpála-o. ¹² U adu asusula kpekpeke me:

«Ndili Kandẽlẽ nani inde u abhẽle e
ati ne nasia sangu,
ani ati ne nasia tia, ne imbilangu, di ne
ngámá.

A ayo me okpála toko ani,
u manga ani.

A ko kpála na angu.»

¹³ Ma atsia adje di ndu ohe na píla doto libhomu ne ohe na abhũlá ne obhe na sa doto, ne obhe na abhũ 'ngu-o hana aholo nali etsi me:

«A ayo me dũdũma ne dũdũma ní toko,
ní dhẽgẽ, amba ní ha di sangu ne
ngámá pí kpála inde

ngadu pí kiti na ngámá-a
bhũ dabili bini ne Ndili Kandẽlẽ-o.»

¹⁴ Okpála badha na ngangamba-a adu abhuka engũ u adu apa e bhomu-o me: «A adu moko!» Obhelesi okpála atsia adu atutu lipuku-o kuto kala kiti na ngámá ne nadhẽgẽ Ebhe bhũ dabili bini ne Ndili Kandẽlẽ-o.

6

Ndili Kandøle-o aholo nasosoko omalika mananika li kute 'kpá balua-o

¹ Abhomu-o, ma atsia 'kpí, ma au Ndili Kandøle-o asoko suka omalika mananika li 'kpá balua-o. Aní asoko lie, ma adje suka okpála badha na ngangamba-a ngagama 'ngú kpékpéke mágito me mughála ngasusula ngae. Aní me: «Gogo!» ² Ma me ma tsia 'kpí me-e, ma au punda bini na bubu akoto. A adu sakpa kpála inde adu pí ani-e ne adili. U ato ndata na ngámá bhú 'ndjì ani. Aní anu maka kpála inde agboko 'gú ngú nagboko matá egú koko.

³ Nedhinga aní asoko malika na bhisi-e lie, ma adje kulu 'he na bhisi-e apa me: «Gogo!» ⁴ Abhomu-o, li punda koko akoto lie-e, kute aní ambe maka djua. U aha pí kpála inde adu pí ani-e angu na 'e guo 'ngú píla doto ngubula me okpála bhili lio. U atsia aha di pí ani mbotia na ndjándjã.

⁵ Li Ndili Kandøle-o asoko malika na bata lie, ma adje kulu 'he na bata-a apa me: «Gogo!» Ma me ma tsia 'kpí me-e, ma au punda na bibili. A adu sakpa kpála inde adu pí ani-e ne kilo. ⁶ Ma adje 'he mágito me kpála agama 'ngú bhú ká okpála badha na ngangamba-a me: «Li kpála mene kulu ekpí bini libhomu-o, aní de sia tia inde i tí da nakala bha bini koli kilo na ngano bini, i du mo-o de-e, aní de sia tia inde i tí da nakala bha bini koli kilo na olodje bata.* Engú bini, vino ne emu-o adúla lie de.»

⁷ Li Ndili Kandøle-o asoko malika na badha-a lie, ma adje kulu 'he na badha-a apa me: «Gogo!» ⁸ Ma me ma tsia 'kpí me-e, ma au punda na 'ngu kpadhi. A adu 'li kpála inde adu pí ani-e me «kuo.» Bili gba okpála inde amu-o adu li 'ngbu ani. U aha nani angu pí uo ngubula nabhili té okpála na píla doto. I du me okpála nde badha-a, u bhéle kpála bini bhú ká uo. U abhili té okpála bhomu-o ne egú, ne gumu, ne okuo di ne onute.

⁹ Li Ndili Kandøle-o asoko malika na bhuluvue lie, ma au bua okpála inde u abhili nani o sa misa natsulu emu pí Ebhe-o. U abhili nani okpála bhomu-o ka anga u abhuka 'li Ebhe, u atsia akpokpo di mbámbá. ¹⁰ U adu asusula kpekepe me: «Ngámá na bubu, mu ne kukulu ngámá ngamu. Mu ngadjeke ni ngú nakodho 'ngú sunda ya ne okpála na doto-o.» Ngauo, u abhili nani ya. Kodho 'ngú bhomu-o kokodho, amba mu 'o 'ngú pí uo.» ¹¹ Abhomu-o, u aha pí ndu uo hana bini ne bini lobe na bubu. U atsia apa pí uo me: «Yi djeke nga mbo bedi, alo gba yi-e le nga

de. A ne ondaise yi koko inde ngakpata nganda Ebhe. A ayo me okpála na doto bhili nga di uo maka u abhili nani yi lie ko. Pipita-a, u tsia kódhó 'ngú gba yi ne uo bhú dabili bini.»

¹² Pipita-a, ma au Ndili Kandøle-o asoko malika na madhia-o. Abhomu-o adjigidjo na ngbéngbé amene lie. Ela abili bhúla e má mbilili maka bongo na pili. Epe libhomu atsia andju má ngua maka ngute. ¹³ Oikupala ayie abhúla, abala kuto maka lí 'lá bhe i mbe de-e ababala lie ka kpéke anvi-o. ¹⁴ Kokpí angita maka 'kpá balua inde u agata e magagala. Ndu oeta hana ne okpøme hana ayie bhú dá o. ¹⁵ Ongbengbe ongámási na doto, ne ongbengbe okpála, ne ongbengbe ongámási na sudha, ne obhulu tia, ne okpála na angu di ne ndu okpála koko hana, obalise ne okpála inde bhú bali ade, ndu uo hana awowo lio bhú ogudho teme ne bhú oeta. ¹⁶ U aholo apa pí oeta di ne pí ongbengbe teme me: «Yi bala pí ya, amba yi wo ya tsutsu. Yi wo ya me kpála inde adu pí kiti na ngámá-a aú ya de. Yi wo ya ka kpéke ke 'ngú gba Ndili Kandøle-o. ¹⁷ Padhá de, anga 'ngbé 'kpí na ke 'ngú gba uo akolo. A tí da nalu kakala da?»

7

Okpála kutu kámá bini ne ndjikpa badha ne ká badha

¹ Pipita-a, ma au oandjelu badha, u nde alulu li odje doto badha hana. U adu ayoko me anvi bini apé pí doto, i du di-e pí 'ngbé 'ngu ne pí ondula de. ² Abhomu-o, ma au andjelu koko bini ayie ne andjongu. A adu sakpa aní ne kasé gba Ebhe na mu-o. Aní asula ne angu hana pí oandjelu badha inde li Ebhe aha nani angu nabhili doto pí o bhú dabili bini ne angu nasiti 'ngbé 'ngu-o pí o me: ³ «Yi abhili nga doto ne ondula padhá de. Yi asiti nga di 'ngbé 'ngu padhá de. Yi djeke nga me ya tu kasé pídi obalise gba Ebhe gba ní-e paká.»

⁴ Ma atsia adje alo gba okpála inde u atu kasé lio-o. A adu okpála kutu kámá bini ne ndjikpa badha ne ká badha bhú ndu opiga gba omafsalaele hana. ⁵ Bhú piga gba Yuda, okpála bhe u atu kasé lio-o adu okpála kutu ndjikpa ne ká bhisi. Bhú piga gba Lubeni-e, okpála adu kutu ndjikpa ne ká bhisi. Bhú piga gba Gada-a, okpála adu kutu ndjikpa ne ká bhisi. ⁶ Bhú piga gba Asela-a, okpála adu kutu ndjikpa ne ká bhisi. Bhú piga gba Nefitali-e, okpála adu kutu ndjikpa ne ká bhisi. Bhú piga gba Manase-e, okpála adu kutu ndjikpa ne ká bhisi. ⁷ Bhú piga gba Simeona-a, okpála adu kutu ndjikpa ne ká bhisi. Bhú piga

* 6:6 6:6 Bili inde si-e akunda napa me adyindi adu naali. Mase ezu akpéke na kuo kuo.

gba Levi-e, okpála adu kutu ndjikpa ne ká bhisi. Bhú piga gba Isakala-a, okpála adu kutu ndjikpa ne ká bhisi. ⁸ Bhú piga gba Djabulona-a, okpála adu kutu ndjikpa ne ká bhisi. Bhú piga gba Djodjefa-o , okpála adu kutu ndjikpa ne ká bhisi. Bhú piga gba Bendjame-e, okpála adu kutu ndjikpa ne ká bhisi. U atu kasé li ndu okpála bhomu-o hana.

Libi okpála inde li Ebhe alo o-o

⁹ Pipita-a, ma atsia matá 'kpí, ma au bhiti okpála na bhíbhiti inde li kpála bini ti da nako alo gba o-o de. A du okpála na ndu bili hana, ne ndu opiga hana, ne ndu okongú hana. U alulu kala kiti na ngámá di ne kala Ndili Kandele-o . U adyidyí olobe na bububu, adu sakpa uo ne okpá ngulu. ¹⁰ U adu asusula ne angu o hana me:

«Mukobho ngayie ka Ebhe gba ní
inde adu pí kiti na ngámá-o,

di ne ka Ndili Kandele-o!»

¹¹ Ndu oandjelu hana alulu dengeo kiti na ngámá-o, ne dengeo obhelesi okpála di ne dengeo okpála badha na ngangamba-o. U atutu bhúla o ne kuto kala kiti na ngámá-o, u atsia adhoge Ebhe. ¹² U adu apa me:
«A adu moko!

A ayo me okpála toko Ebhe gba ní-o.

A ko Ebhe na sangu,
a bhú ani ne imbilangú.

A ayo me okpála gie heni pí ani, u manga ani.

A ko Ebhe na angu.

Ani kpekpeke, duduma ne duduma!

A adu moko!»

¹³ Suka obhelesi okpála bhomu-o ayi ma me: «Okpála inde adyi obubu lobe-e, a ko oda? U ayie la di su?» ¹⁴ Ma agie pí ani me: «Bhele kpála-a, mu mbila hana.» Ani atsia apa muma me: «A ko okpála inde apu bhú 'ngbé likabhu na ngbéngbé-o. U avulu olobe gba o-o, u atsia aleke ne ngate Ndili Kandele-o ngabula me akolo bubu.

¹⁵ Ka 'ngú angu-o, u alulu kala kiti na ngámá gba Ebhe-o.

U ngamene kulu lio pí ani sukpe ne ngbikpi hana bhú 'ngbé 'ti gba ani-o.

Kpála inde adu pí kiti na ngámá-a adú bhú dabili bini ne uo ngú nalila uo.

¹⁶ U djé matá gumu belegu de bini, u djé di matá gumu 'ngu belegu de bini.

Ela, i du di-e mangua kpá bili dho-ie tsulu matá uo de.

¹⁷ Padhá de, anga Ndili Kandele inde alu kala kiti na ngámá-a adú maka mulila gba uo ngae.

Ani ató bhúla uo li bili li okpongu na mukobho nde lie-o.

Ebhe tsia kúo ngula sala uo hana.»

8

Ndili Kandele-o asoko malika na mananika-o

¹ Nedhinga li Ndili Kandele-o asoko malika na mananika-a lie, sukpe andjili abhúla má bulu, masikpe de miniti ndjikpa bata. ² Pipita-a, ma au oandjelu mananika inde alulu kala Ebhe-o. U aha ototi pí uo mananika.

³ Andjelu koko bini ago alu dengeo misa natsulu mungotsi pí Ebhe-o. A adu sakpa ani ne saani na olo ngú natsulu bandele. U aha bandele pí ani bhelé ngú napa me ani tsulu pí Ebhe bhú dabili bini ne omayo gba okpála gba Ebhe-o. Ani tsulu pí misa inde u abho e li olo-o. Misa angu-o adu kala kiti na ngámá-o. ⁴ Ngúwa bandele li andjelu-o adu atsulu e-e, a'e'e lie abhúla bhú dabili bini ne omayo gba okpála gba Ebhe, anu a'u kala Ebhe. ⁵ Pipita-a, andjelu-o aha saani natsulu bandele-o. Ani abedhe ne djua inde adu oo-o, ani atsia abhike píla doto. Ekpí andjengene, mugbála asala, adjigidjo adhika.

Ototi badha na kalanu-o asula

⁶ Abhomu-o, oandjelu mananika inde aholo ototi mananika-a aleke lio ngú na'u'u.

⁷ Andjelu na bini-e a'u toti gba e-o. Itimeli, ne djua bhú dabili bini ne ngate abala píla doto. A tsia atsulu té doto di ne ondula. I du me u nde agbo bhusu doto di ne ondula hana bata-a, akunda napa me bini bhú káká atsulu bhomu-o ngae.

⁸ Pipita-a, andjelu na bhisi-e a'u toti gba e-o. Ehe bini maka 'ngbé 'ta djua ati bhú 'ngbé 'ngu. Engu agbo bhusu e bata, bhe bini-e atsia adjí lie ngate. ⁹ Té ndu 'he li Ebhe abho e hana inde ngadu abhú 'ngbé 'ngu, bhú dabili bini ne ozabu-o atsia amu. U po bhúla ndu 'he inde li Ebhe abho e bhú 'ngbé 'ngu, u po di bhúla ozabu hana-a, u tsia gbo bhusu bhusu bata-a akunda napa me akpi bhomu-o ne bini bhú káká.

¹⁰ Abhomu-o, andjelu bhe na bata a'u toti gba e-o. 'Ngbé ikupala bini inde li zi e adu atsi maka zi 'ké na ngbéngbé ayie abhúla, ati kuto. A atsia ati pí té ongade 'ngu di ne okpongu-o. I du me u nde apo bhúla ongade 'ngu di ne ondjingu hana-a, u tsia gbo bhusu bhusu bata-a, akunda napa me ati bhomu-o pí bini bhú káká. ¹¹ A adu 'li ikupala angu-o me «Ehe na susu.» Abhomu-o, té oengu-o akolo susu. Bhelé na okpála inde andji-e atsia amu, anga akolo susu.

¹² Pipita-a, andjelu na badha-a a'u toti gba e-o. A asu té ela ne té epe di ne té oikupala. I du me u nde agbo bhusu ela ne epe di ne oikupala ne ndundundu bata-a, akunda napa me a asu bhomu-o bini

bhú ká ndũndũ hana. A atsia abĩli bhũla uo hana li pápá bini bini. Zi ngbĩkpĩ dũ matá nasũ libhomu de, abana di zi epe. I dũ me u nde agbo bhũsũ zi ngbĩkpĩ ne ndũndũndũ bata, u gbo di bhũsũ zi epe ne ndũndũndũ bata-a, akũnda napa me bini bhú ká ndũ uo bini bini hana dũ matá nasũ-u de.

¹³ Pipita-a, ma atsia matá 'kpĩ, ma adje ndua bini me ani nde ngakodho 'kpĩ abhũlá tsutsu naali. Ani adũ nasũsula me: «A ko likabhu! A ko likabhu! A ko likabhu pi okpála na doto li oandjelu bata bhe koko a'ú toti gba o-o lie ko.»

9

Andjelu na bhuluvue a'u toti gba e-o

¹ Abhomũ-o, andjelu na bhuluvue a'u toti gba e-o. Ma au ikupala bini ayie abhũlá, ati pĩla doto. U atsia aha lifangula na 'bhẽ tsu 'dũ-o* pi ikupala angoo. ² Ikupala bhomũ-o abhulu bhẽbhẽ. Ngũwa bini akoto bhũbhũ maka ngũwa na ndĩngidhi djua. Bhũla ela ne bhũla 'kpĩ atsia abĩli ka ngũwa angoo má pi! ³ Omakĩlingbo aze bhũ ngũwa bhomũ, u atsia ayangba pĩla doto. U aha nani pi uo silĩ maka bhende gba oapekebhe. ⁴ U aha lilĩ pi uo me u amẽne ulu siliti de, u amẽne ondula siliti de, u amẽne di ohe inde ngakẽ bhũ doto siliti de. Engũ bini, u mene mangbo siliti bha bini okpála bhende li kasẽ gba Ebhe-e nde pidi o ade-o. ⁵ U ha kpadijĩ pi uo ngũ nabhili okpála bhomũ-o de, engũ bini, u to mbolo li uo ngũ epe bhuluvue. Mbolo angoo adũ ami li uo maka ngabhẽ apekebhe amimi lie me a nde adho kpála-o. ⁶ Bhũ epe bhuluvue bhomũ-o, okpála agĩli kuo, engũ bini, u úu de. U adũ ne gamũ namu, engũ bini, kuo akpẽ de uo tsutsu.

⁷ Omakĩlingbo bhomũ-o adũ maka opunda inde bedhe ngũ egũ. A adũ pi 'ndji uo ne ehe maka ndata na ngámá inde u abho e li olo. Bhũla uo adũ maka bhũla okpála-kuti. ⁸ Sundjo adũ bhũ 'ndji uo ndjandjandja maka sundjo olisi. 'Te uo adũ maka ote okingbi. ⁹ Mbulu uo adũ mugito me u adyĩ tẽtẽ bongo na kalase. Gili mbudha uo adũ au mugito me a ko gili bhiti opunda inde adji bhũ 'gũ. ¹⁰ A adũ li uo ne soso maka 'so apekebhe, atsia adũ bhũbhũ ne silĩ inde u adũ ato mbolo li okpála ne e ngũbula epe bhuluvue-o. ¹¹ Ngámá gba uo adũ ne andjelu na tsu 'dũ. A adũ 'li ani bhũ eli gba omaYuda me: «Abadona.» Bhũ eli gba oGiliki-e, a adũ 'li ani me: «Apoliona.» A akũnda napa me bhũlu nabhẽle kuti.

¹² Likabhu na bini-e akodho 'kpĩ akodho. 'E-e! Likabhu koko bhisi matá ngago pipita.

Andjelu na madhia a'u toti gba e-o

¹³ Pipita-a, andjelu na madhia a'u toti gba e-o. Ma adje eli ayie ne li odje misa natsulu bandeke pi Ebhe-e badha hana. Misa angoo adũ kala Ebhe, u amene li olo. ¹⁴ Eli ma adje e apa pi andjelu na madhia inde adũ ne toti sakpa e me: «Bhulu oandjelu badha inde u agbigbite o ne ekpũ dengo ngade 'ngu na Efalate-o.» ¹⁵ U atsia abhulu oandjelu badha-o. Li nedhinga bhomũ-o, bhũ ekpĩ bhomũ, bhũ epe bhomũ di ne kalanga bhomũ-o, oandjelu bhomũ-o adũ nani bedhe ngũ nabhili tẽ okpála na doto. A akũnda napa me, i bhaka okpála bata-a, u bhẽle bini bhũ ká uo.

¹⁶ U atsia apa di alo na osũdha inde adũ agũ 'gũ me u nde ne punda-a mũma. A adũ osũdha ketẽ ne ketẽ. ¹⁷ Lele li opunda di ne osũdha inde adũ pi uo akoto li ma lie bhũ 'he maka loto-o adũ me: u adyidyĩ ombulu bongo na kalase me a nde andjundju maka djua, bibili maka kokpĩ, a adũ di ndjendje maka 'kpá bhũgu. 'Ndi opunda angoo adũ maka ondji kingbi. Adũ naze bhũ 'bhẽ uo ne djua, ne ngũwa di ne baluti. ¹⁸ Tẽ okpála na doto atsia amu ka olikabhu bata inde adũ aze bhũ 'bhẽ opunda bhomũ-o. A akũnda napa me okpála adũ amu ka djua, ne ngũwa di ne baluti. I bhaka okpála bata-a, akũnda napa me a bhẽle kpála bini bhũ ká uo. ¹⁹ Padhá de, anga angu opunda bhomũ-o bhũ 'bhẽ o di ne bhũ 'so o, anga 'so uo mana kpũlu. A tẽtẽ ne 'ndji 'ndji inde u ngamene okpála ne e siliti-o.

²⁰ Dũ okpála bhe atigala-a, inde i mu ka olikabhu bata bhomũ-o de-e, u dji bua o li nadhøgø øhe inde u amene e ne 'kpa o-o de. U 'o nadhøgø osiliti bua de, ne okulu 'he na olo ne aladja di ne bhe na kalase na kpẽke mase, ne obhe na teme, i dũ di-e obhe na ndula-a de. Okulu 'he angoo u 'kpĩ de, u dje 'kpĩ de, u dhũkũ di-i de. ²¹ Okpála angoo dji bua o li nabhili okpála de. U dji di bua o li kobha gba o-o de. U dji di bua o li namene zabhe gba o-o de. U dji di bua o li ezi gba o-o de.

10

Andjelu inde adũ sakpa e ne mboye 'kpá balua-o

¹ Pipita-a, ma au andjelu koko bini na angu ayie abhũlá. Bongo gba ani-e adũ maka ndindi, atsia abuku ani má bhelele! Makilima aga 'ndji ani ngbalina, bhũla ani

* 9:1 9:1 Tsu 'dũ: A ko bilĩ inde li osiliti bua ngadu li e.

adu maka ela. 'Dhu ani adu maka dingidhi djuu. ² A adu sakpa ani ne mboye 'kpá balua inde u abhulu e mabhulu. Ani a'o 'dhu e na kokpa-a pí 'ngbé 'ngu, ani atsia a'o bhe na gali-e pí doto. ³ Ani asula kpekpeke maka kinge inde ngangulumba. Ani asula lie, mugbálá mananika atsia asula. ⁴ Ma di me ye engú inde li omugbálá mananika bhomu-o apa e bhú nasula ka o-o. Engú bini, ma adje eli bini ayie abhúlá, atsia apa muma me: «Wo engú inde li omugbálá mananika bhomu-o apa e mawo. Mo oyé-e de.»

⁵ Abhomu-o, andjelu inde ma de au e me ani nde a'o 'dhu e bini pí 'ngbé 'ngu, koko pí doto-o a'e 'kpa e na kokpa-a ne bhúlá. ⁶ Ani atsia atu silika ne 'li Ebhe inde bhú mukobho duduma ne duduma-o, Ebhe inde abho kokpí di ne ndu 'he hana inde bhúbhú-o, abho doto di ne ndu 'he hana inde bhúbhú-o, inde abho 'ngbé 'ngu di ne ndu 'he hana inde bhúbhú-o. Andjelu ango-o apa me: «Nedhinga matá-a ade! ⁷ Engú bini, nedhinga li andjelu na mananika-a ahólo na'u toti gba e lie, abhomu-o Ebhe tsia méne engú inde ani awo nani e ko. Ani améne maka ani apa nani pí obalise gba e opolofeta lie ko.»

⁸ Abhomu-o eli ma de adje igini e ayie abhúlá-a apa matá muma me: «Nu ha mboye 'kpá balua inde abhulu lie mabhulu-o sakpa andjelu alu me ani nde a'o 'dhu e bini pí 'ngbé 'ngu, ne koko pí doto ko.» ⁹ Ma atuto lima de andjelu-o. Ma atsia ayo ka ani me ani ha mboye 'kpá balua-a muma. Ani agie muma me: «Haha, amba mu zu. A adu bhú 'bhø mu kpipli maka 'mu eú, la mo obhí lie, a adu bhú 'ndja mu susu.» ¹⁰ Ma aha mboye 'kpá balua sakpa andjelu-o, ma atsia azu. A adu bhú 'bhø ma kpipli maka 'mu eú. Engú bini, ma azu lie, a adu bhú 'ndja ma susu. ¹¹ Abhomu-o, u atsia apa muma me: «A ayo matá me mu kpokpo 'ngú li Ebhe apa me ni améne e pí bhiti okpála na ndu bili hana-o, engú ani apa me ni améne e pí bhiti okongú, di ne pí bhiti ongbenge ongámási-o.»

11

Ebhe atima opolofeta bhisi

¹ Pipita-a, u aha mbamba muma bini. A adu maka ndula u apipima 'he ne e-o. U atsia apa muma me: «Nu pima 'ngbé 'ti Ebhe di ne misa natsulu enu pí Ebhe-o. Mu tsia ko di alo gba okpála inde ngadhøge Ebhe bhú 'ngbé 'ti gba ani-o. ² Engú bini, 'o mbadhasu na 'ngbé 'ti Ebhe e li ngongo. Mo opima de, anga Ebhe apu nani bhobhomu-o pí okpála inde ne omaYuda ade-o. U adédele gudhu na bubu

gba Ebhe-e ngubula epe ndjikpa badha ne ká bhisi. ³ Ma atima obhulu nakpo 'ngú gba ma bhisi-e me u nde adyi bongo na talia. Ma atima uo ngú nakpokpo engú gba Ebhe. U akpóko 'ngú ango-o ngubula ekpí ketø bini, kámá bhisi ne ndjikpa madhia.»

⁴ Obhulu nakpokpo 'ngú bhisi bhomu-o, a ko ondula na olive bhisi di ne otala bhisi inde ngalu kala Ngámá na doto-o. ⁵ Li kpála le namene uo sisiti-e, djua koto bhú 'bhø uo, i tsia bhili obhulu yala gba uo-o. A bhomu-o lele maka u abhøle bhulu yala gba o lie-o. ⁶ A bhú uo ne angu nagbite kokpí ngubula me ebha adhi de, nakolo li 'kpí inde u andjia nakpokpo engú gba Ebhe-e lie-o. A di bhú uo ne angu nadi engu me akolo ngute. A bhú uo ne angu natu pødjo pí doto me ndu olikabhu ngangá mene doto li ndu nedhinga hana inde u akunda lie.

⁷ Nedhinga u andjia nakpokpo 'ngú li Ebhe atima uo ne e lie, enu inde adu bhú tsu 'dú-o há 'gú ne uo. Ani há angu uo, ani tsia bhili uo. ⁸ Kuo uo atigala li 'ngbé 'hi kpadji na 'ngbé gudhu inde u agi nani Ngámá gba uo lie li kulusi-o. U agisila li gudhu ango-o 'ili. U agisila lili me Sodomu, i du di-e Edjipeto. ⁹ U ziba de me okpála zi kuo uo-o de. Okpála na ndu bili hana, ne ndu opiga hana, ne ndu okongú hana adu ago natsia okuo uo ngú okpí bata ne ndundu. ¹⁰ Okpála na doto akpí djali li nakpi ka uo-o. U améne anokomia na djali, u tsia dú apu 'he sunda o. U améne mo-o anga opolofeta bhisi bhomu-o amene uo kpekpeke naali.

¹¹ Engú bini, pita ekpí bata ne ndundu bhomu-o, ewo bini na mukobho ayie agba Ebhe ali bhú uo, u atsia ayie bhúlá. Abhomu-o, 'ngbé tsulu na ngbéngbé ati pí okpála bhende adu natsia uo-o. ¹² Opolofeta bhisi bhomu-o atsia adje eli na kpekpeke inde ayie abhúlá. Eli ango-o apa pí uo me: «Yi 'u ei!» U atsia a'u' u abhúlá bhú ndindi me obhulu yala gba uo nde ngatsia uo. ¹³ Bha bhú nedhinga bhomu-o, kpeke adjigidjo adyiki bili, té gudhu-o atuko. I du me u nde agbo bhusu gudhu-o ne ndundundu ndjikpa-a, akunda napa me adjigidjo bhomu-o adyiki bini bhú káká. Abhomu-o, okpála ketø mananika amu ka adjigidjo ango-o. Obhe atigala-a, tsulu abedhe uo bedhe. U atsia adhøge Ebhe inde abhúlá-o.

¹⁴ Likabhu bhe na bhisi-e akodho 'kpí akodho. 'E-e! Bhe na bata agó mbia inde?

Andjelu na mananika-a a'u toti gba e-o

¹⁵ Abhomu-o, andjelu na mananika-a a'u toti gba e-o. Oandjelu atsia asula abhúlá kpekpeke me:

«Nau na doto ibili sakpa ngámá gba ya,

ne Masiya gba e-o.

Ngámá gba ya-a aú dádúma ne dádúma!»
 16 Obhelesi okpála ndjikpa bhisi ne ká badha inde adúlú pí odabili na ngámá gba o kala Ebhe-e atatú bhúla o ne kuto. U atsia adhögé Ebhe, 17 u apa me:

«Ebhe Ngámá Apí 'Kpí, ngamu kpála inde

uu,

inde adu di nani uu,

ya ngatoko mu,

anga mo opana angu gba mu,

ndu 'ngú hana agie lie sakpa mu.

Mo otsia au ngámá pépé.

18 Opiga na doto azi nani mbuta li mu naali,

la mbia inde-e,

ke 'ngú gba mu-o ago pí uo ago.

Nedhinga nakodho 'ngú gba okpála inde amu-o akolo.

A ko nedhinga inde mo ogie bádha 'ngú lie

pí obalise gba mu opolofeta

di ne ndu okpála gba mu-o hana,

inde di ngamanga mu,

ongbengbengbe ne odjedjedje-o.

A ko nedhinga ngú nabhili obhe ngabhölé doto-o.»

19 Abhomu-o, 'ngbé 'ti Ebhe inde abhúlá-a abhulu lie, u atsia au sanduku na gandja-o.* Ekpí andjengene, mugbálá asula, adjigidjo di ne itimeli na kpekpeke adhika.

12

Engú na ngangamba inde abhaka òlè inde adu nazu

1 Pipita-a, ma au engú bini na ngangamba ngamene lie abhúlá: a adu òlè bini inde adyi li kute e ela. Epe adu sa 'dhu ani. A adu bhú 'ndji ani ne ndata na ngámá inde li e ne oikupala ndjikpa ne ká bhisi. 2 Òlè ango-o adu ne ebhi. Nedhinga ani adu adjeke nazu lie, ani adu natu 'ue ka nazu ka bhú 'bu e-o.

3 Engú na ngangamba koko amene matá lie abhúlá: a adu 'ngbé kpulú na ngbéngbé. Kute ani adu mbembe má ngua! A adu li ani ne ondji 'ndji mananika, di ne odidi ndjikpa. A adu pí ndu ondji ani hana ne ndata na ngámá. 4 Ani apo té oikupala ne 'so e, ani atsia abala uo kuto. A akúnda napa me u po bhúla ndu oikupala hana-a, u tsia gbo bhusu bhusu bata-a, ani abala kuto bhomu-o bini bhú káká. Ani atsia anu alu kala òlè inde adu akúnda nazu-o ngubula me, ni zu ndili li òlè bhomu-o azú e bha li nedhinga nakoto ka ani-o. 5 Abhomu-o, òlè-o azu ndili na bhobhoko. Ani aú pí 'ndji ndu opiga hana ne angu. Kolo me-e, u atsia a'e

ndili bhomu-o anu ne ani denge Ebhe, di ne denge kiti na ngámá gba ani-o. 6 Òlè-o atsia akpe abhú 'gu li bili inde li Ebhe aleke nani e pí ani, ngú napa me ni ku ani ngubula ekpí kòtè bini, kámá bhisi ne ndjikpa madhia-o.

7 Abhomu-o, gbele aka abhúlá. Mikaele ne oandjelu gba e agu 'ngbé kpulú-o. Kpulú ango-o atsia aholo di gbele bhú dabili bini ne oandjelu gba e-o. 8 Engú bini, Mikaele ne oandjelu gba e agboko egú-o. Kaka-a, 'ngbé kpulú-o ne oandjelu gba e sia matá bili da nadu abhúlá de. 9 U atsia abhike 'ngbé kpulú-o kilidjo. A ko kpulú na didili, inde u nga'i e me Djabulu, i du di-e Satana, bhulu napite okpála na doto libhomu-o. U abhike ani kuto bhú dabili bini ne oandjelu gba e-o.

10 Pipita-a, ma adje kpéke eli bini ayie abhúlá. Eli ango-o adu apa me:

«Nedhinga li Ebhe gba ní-e ngakobho okpála lie akolo!

Mbia inde-e, Ebhe gba ní-e asuno angu gba e me ni ne ngbé Ngámá-a asuno!

Mbia inde-e, angu sakpa Masiya gba ani-o. Padhá de, anga u abhike bhulu napa 'ngú li ondaise ní-e akilidjo,

ngaani kpála inde adu apa 'ngú li uo pí Ebhe gba ní-e ngbikpi ne sukpe-o.

11 Ondaise ní aha angu ani ka ngute gba Ndili Kandölè

di ne ka nakpokpo 'li Ebhe pí okpála.

U kpe kuo de, u atsia atse 'kpa li mukobho gba o ngubula me o mumu.

12 Kaka-a, ne kokpí ne yi okpála inde ngadulu bhúbhú hana-a,

yi du bhú djali!

A ko la mangua likabhu dho pí yi okpála inde ngadulu píla

doto ne yi obhe ngadulu bhú 'ngbé 'ngu-o, anga djabulu akè agba yi akè.

Ani abedhe ne egú bedhe, anga ani mbila hana me nedhinga atigala pí ni bedi.»

13 Li 'ngbé kpulú-o au lie me u abhike ni kuto abhike-e, ani aholo nabhike òlè inde azu igini ndili na bhobhoko bhomu-o.

14 Engú bini, u aha mbudha 'ngbé ndua pí òlè bhomu-o ngú napa me ani 'ulu, amba ani nu du li bili inde u aleke e pí ani abhú 'gu-o. U atsia adu akú ani oo ngubula kalanga bata ne ndundu me 'ngbé kpulú-o nde to mbolo li ani de. 15 Abhomu-o, kpulú-o atsia azie engu bhelé nganda òlè-o maka ngade 'ngu, da napa me akpe ne ani. 16 Engú bini, doto ago ateteke òlè-o. Doto abhulu 'bhè e, atsia abhi engu li 'ngbé

* 11:19 11:19 Sanduku na gandja: A ko sanduku inde u abu nani opapala teme inde u aye olili ndjikpa gba Ebhe-e bhú e-o.

kpulú-o azie e-o. ¹⁷ Li bua kpulú-o ake lie ne ełe-o, aní anu aha 'gú ne dú ongisi gba ełe-o, obhende ngamanga Ebhe inde di ngalila kukulú 'ngú inde li Yesu ambamba ta e-o. ¹⁸ Pipita-a, 'ngbé kpulú-o anu adu pí sike lingo 'ngbé 'ngu.

13

'Ngbé kpulú-o aha angu gba e pi nute koko

¹ Pipita-a, ma au enu bini ngakoto abhú 'ngbé 'ngu. 'Di aní adu ndjikpa, 'ndji aní adu mananika. Aní adyí ndata na ngámá ne ndu odi e hana. Aní atsia adyí di o'ili nasobho Ebhe ne pí 'ndji e hana. ² Enu inde ma au e adu maka sia. Odu aní adu maka bhe gba onute, 'bhé aní adu maka 'bhé kingbi. 'Ngbé kpulú-o aha angu na ngbéngbé gba e pi enu-o. Enu-o atsia adu pí kiti na ngámá gba ani-o. ³ Suka ondji aní adu mugito me u abí eka bhe na mugwe mugwe, engú bini eka na mugwe mugwe ang-o atsia ambe. Engú bhomu-o atsia angamba okpála na doto libhomu. Kaka-a, u atsia akpata enu bhomu-o. ⁴ Ndu okpála hana atsia aholo nadhého 'ngbé kpulú-o, anga aní aha angu pi enu-o. Ndu okpála hana adhého di enu-o ne napa me: «A ko da inde maka enu inde? Ati da naga aní da?»

⁵ U aha nani kpadji pí enu bhomu-o me aní du napa oeli na 'ngbé 'ndji, amba aní du di nasobho Ebhe. U aha angu pí aní ngú namene engú bhomu-o ngú epe ndjikpa badha ne ká bhisi. ⁶ Aní aholo napa osisiti 'ngú li Ebhe, ne nasobho 'li aní di ne nasobho bili inde aní adudu li e, di ne okpála hana inde adudu abhúlá-o. ⁷ U aha kpadji pí aní me aní ga okpála gba Ebhe di ne naha angu uo. U aha angu pí aní pí 'ndji okpála na ndu bili hana, ne ndu opiga hana, ne ndu okongú hana.

⁸ Ndu okpála na píla doto hana inde u ye nani 'li o bhú bhuku na mukobho-o de-e, adhého aní. Bhuku ang-o, a ko bhe gba Ndili Kandələ inde u abhəle e-o. U ye nani 'li uo bhúbhú de, nayie maka li Ebhe abho doto lie-o.

⁹ Yi dje ndjindji, i du me a nde li yi ne djedje nadje 'kpí ko.

¹⁰ Kpála inde ayo me aní nu bhú tikpu-o, anú bha bhú tikpu.

Kpála inde ayo me aní kpi li mbotia-a, akpí bha li mbotia.

Kaka-a, a ayo me okpála gba Ebhe-e du ne 'ndjá bua,
di ne nabhuka .

Enu koko akoto bhú doto

¹¹ Pipita-a, ma au enu koko ngakoto bhú doto. Adu bhú 'ndji aní ne didi bhisi maka ndili kandələ. Aní atsia adu agama 'ngú

maka 'ngbé kpulú. ¹² A adu di bhú aní ne angu maka angu inde adu bhú enu bhende akoto bhú 'ngbé 'ngu-o. Aní adu amene 'he ne di kala enu bhe na 'ngbé 'ngu-o. Aní adu apa pi ndu okpála na doto hana me, u dhého enu na 'ngbé 'ngu li eka na mugwe mugwe gba e ambe-o.

¹³ Enu bhe na bhisi inde-e adu amene ongamba 'ngú na ngbéngbéngbé. Aní adu belegu nagbele djua nayie abhúlá nako pí doto. Aní adu amemene li djila ndu okpála hana. ¹⁴ Aní adu apipite ndu okpála na píla doto hana inde u ye nani 'li o bhú bhuku na mukobho-o de-o. Aní adu apipite uo ne ongamba 'ngú inde aní adu amene e li djila enu na 'ngbé 'ngu-o. Aní adu akata uo me u bho kulu enu inde abí nako eka na mugwe mugwe li mbotia, eka ang-o atsia ambe-o.

¹⁵ Enu na bhisi-e asia angu ngú nato ewo bhú kulu enu na bini-o, ngubula me a du nagama 'ngú, amba a du nabhili ndu okpála hana inde i dhého ní de-o. ¹⁶ Enu ang-o aye tele li ndu okpála hana. Aní aye li okpála koko li 'kpa o na kokpa, aní aye li okpála koko pidi o, abana i du mboye ndili, abana i du bhele kpála, abana i du bhulu tia, abana i du bhulu ndibhili, abana i du bali, abana i du kpála inde bhú bali ade. ¹⁷ Kpála bini ti da nakala 'he de, i du di-e natsindji 'he de, i du me tele nde li kute aní ade-o. Tele ang-o, a ko 'li enu bhomu, i du di-e alo na 'li ani-o. ¹⁸ A inde-e nedhinga inde ayo ne imbilangu. Kpála inde ne imbilangu-o tí da nambila ta alo gba enu-o, anga alo ang-o viti bini ne 'li kpála-kuti. Alo ang-o kámá madhia, ndjikpa madhia ne ká madhia.

14

Okpála inde li Ndili Kandələ-o akala o

¹ Ma atsia matá 'kpí, ma au Ndili Kandələ-o me aní nde alu pí eta na Siona . Okpála ketə kámá bini, ndjikpa badha ne ká badha inde u aye 'li Ndili Kandələ di ne 'li 'Dyi aní pidi o alulu de aní. ² Pipita-a, ma adje eli ayie abhúlá. Eli ang-o adu mugito me a ko gili wowo 'ngu, maka gili mugbálá na kpepeke. Eli inde ma adje e adu maka gili dumu, nedhinga li obhəbhulu-o abhəbhi lie-o. ³ Bhiti okpála bhomu-o adu ali etsi na mbia kala kiti na ngámá, di ne kala okpála badha na ngangamba ne obhelesi okpála-o . Kpála bini ti da nale etsi ang-o de, bha bini okpála ketə kámá bini, ndjikpa badha ne ká badha li Ndili Kandələ-o akala o píla doto-o. ⁴ Ngauo-o, u siti lio ne olisi de. U alila lio bubu kala Ebhe. U ngakpata Ndili Kandələ-o ne ndu bili hana aní nganu li

e-o. Aní akala nani uo bhú ká okpála-kúti ngubula napu uo pí Ebhe di ne pí e bhúbhulú maka gina ngua. ⁵ Eu koto nani bhú 'bhè uo belegu de bini. Engú na sisisi napapa li uo ade.

Oandjelu bata akpokpo 'ngú pindji lele maka li Ebhe akódho 'ngú lie-o

⁶ Pipita-a, ma au andjelu koko. Aní adu akodho 'kpí abhúlá tsutsu naali maka edhu. Adu ka aní ne Bádha Ngali na duduama inde aní adu akpokpo e pí okpála na píla doto, okpála na ndu bili hana, ne ndu opiga hana, ne ndu okongú hana. ⁷ Aní adu nasusula kpekpeke me: «Yi kpe Ebhe, amba yi dhègè di ani! Padhá de, anga nedhinga me aní kodho 'ngú gba okpála na doto akolo. Yi dhègè kpála inde abho kokpí ne doto ne 'ngbé 'ngu di ne okpongú-o.»

⁸ Pipita-a, andjelu na bhisi-e akpata bhe na kalanu-o. Aní adu apa me: «Babilona na ngbéngbé-e ati! A ati na paká paká! Aní ase ndu opiga hana ne sítí vino gba e-o. Vino angó-o, a ko zabhe inde aní ngamene e-o!»

⁹ Pipita-a, andjelu na bata akpata obhe bhisi bhomu-o. Aní adu asusula me: «Li kpála dhègè enu-o, ne kulu aní-e, li u aye di tele gba enu-o pidi e, i du di-e li 'kpa e, ¹⁰ kpála angó-o ndjí bhadi vino na ke 'ngú gba Ebhe-o! Ebhe atúko ngili vino angó-o bhú kópo na ke 'ngú gba e-o! Ngua kpála bhomu-o asia likabhu bhú djua na baluti kala oandjelu na bububu di ne kala Ndili Kandelè-o. ¹¹ Ngúwa na djua inde ngato mbolo li uo-o nga'ú abhúlá ndu 'kpí hana. Ndu okpála hana inde ngadhègè enu, inde di ngadhègè kulu aní, inde u aye tele gba aní-e li o-o, ngazu likabhu ngbikpi ne sukpe. U guguo de.» ¹² Kaka-a, a ayo me okpála gba Ebhe inde ngakpata líli gba aní-e, inde di ngalila nabhuka gba o bhú Yesu-o du ne 'ndjá bua.

¹³ Pipita-a, ma adje eli bini ayie abhúlá, a atsia apa muma me: «Ye me: «A ko djali pí okpála inde amu nayie pí mbia inde-e me u nde abhuka Ngámá-o!» Bu Bhobua apa me: «A na paká, u guo ka bhiti kulu u amene e guguo. Padhá de, anga kulu gba uo-o ngakpata uo.»»

Nedhinga na'e nguwa na píla doto

¹⁴ Pipita-a, ma atsia matá 'kpí, ma au ndindi bini na bubu. A adu pí ndindi angó-o ne ehe maka kpála. A adu pí 'ndji aní ne ndata na ngámá inde u abho e lí olo. A adu sakpa aní ne dhádha bini na dhedhe.†

¹⁵ Abhomu-o, andjelu koko bini akoto bhú 'ngbé 'ti Ebhe inde abhúlá-o. Aní atsia asula pí kpála inde adu pí ndindi-e me:

«Ha dhádha gba mu-o, amba mu holo na'e nguwa abhiye. Padhá de, anga nedhinga na'e'e-e akolo. Nguwa na píla doto abhele ngú nakoko abhele!» ¹⁶ Abhomu-o, kpála inde adu pí ndindi-e apu ne dhádha gba e píla doto. Nguwa na píla doto atsia a'e lie.

¹⁷ Pipita-a, andjelu koko akoto bhú 'ngbé 'ti Ebhe inde abhúlá-o. A adu di ka aní ne dhádha na dhédhé.

¹⁸ Pipita-a, andjelu koko akoto li bili natsulu enu pí Ebhe-o. A adu bhú aní ne angu pí djua. Aní asula pí bhe adu ne dhé dhádha sakpa e me: «Ha dhé dhádha gba mu-o, amba mu ko vino inde píla doto-o nedi. Líli-e ambe.» ¹⁹ Andjelu-o atsia apu ne dhádha gba e píla doto. Aní atsia ako vino na píla doto-o. Aní atsia abu bhú 'ngbé ngbéngbé na ke 'ngú gba Ebhe-o. ²⁰ U agbe ngbéngbé-o bhú gudhu-o kilidjo, u atsia api lí vino-o. Abhomu-o, ngate atsia aze bhú ngbéngbé-o. Ngate atsia o anu a'ú nakolo lí 'bhè opunda. A atsia ayangba masikpe de kilometele kámá bata.

15

Oandjelu mananika ago ne olikabhu mananika

¹ Pipita-a, ma atsia 'kpí, ma au matá engú na ngangamba koko akoto abhúlá. A adu engú na ngbéngbé inde di na tsulu tsulu. Ma au oandjelu mananika, a adu sakpa uo ne gba olikabhu mananika. Pipita-a, likabhu koko matá ade, anga a ngasuno ke 'ngú inde lí Ebhe apana e lí soso-o ngae.

² Pipita-a, ma au ehe bini maka 'ngbé 'ngu i mana bitolobi, a atsia amata lie ne djua. Ndu okpála hana inde aha nani angu enu-o, inde aha di angu kulu aní bhú dabili bini ne alo inde ngasuno 'li aní-e, alulu pí 'ngbé 'ngu angó-o. A adu sakpa uo ne odumu lí Ebhe aha e pí uo-o. ³ U adu ali etsi gba Moidje , bali gba Ebhe-o, di ne etsi gba Ndili Kandelè-o . Etsi angó-o adu me: «Ebhe Ngámá Apí 'Kpí, okulu gba mu-o ngbéngbéngbé.

A di na ngangamba.

'Ngbé Ngámá gba okpála, okpadji gba mu-o ne okukulu kpadji, a la di ngbingbili.

⁴ A mánga mu de da, Ngámá?

A adhégo mu de da?

Padhá de, anga mu bubu ngamu kpi mu kpi.

Ndu opiga hana agó atutu lipaku o kala mu.

Padhá de, anga mo opana ngbili 'ngú gba mu-o pí uo apana.»

⁵ Pipita-a, ma atsia 'kpí, ma au 'ngbé 'ti Ebhe inde abhúlá-a abhulu lie. A adu

† 14:14 14:14 Tsia bhú Dan. 7:13.

bhábhu ne 'ti ngbangbali li Ebhe adu asuno lie bhú e-o. ⁶ Abhomu-o, oandjelu mananika inde adu ne gba olikabhu mananika sakpa o-o akoto bhú 'ngbé 'ti Ebhe-o. U adyidyí obongo inde na kpéke mase,* inde avuyu má tuu tuu! U agbigbite di mbulu o ne mukabha na olo. ⁷ Suka okpála badha na ngangamba-a aha kópo na olo mananika pí oandjelu mananika-o. Okópo ang-o adu bedhe bedhe ne oke 'ngú gba Ebhe inde bhú mukobho duduma ne duduma-o. ⁸ Abhomu-o, 'ngbé 'ti Ebhe-e abedhe ne nguwa bedhe ka zì Ebhe di ne angu gba ani-o. Kaka-a, kpála bini ti da nali bhú 'ngbé 'ti Ebhe-e de, nakolo li nedhinga li olikabhu mananika li oandjelu-o adu ne e amene lie lie-o.

16

Okópo na ke 'ngú gba Ebhe

¹ Pipita-a, ma adje kpéke eli ayie ne bhú 'ngbé 'ti Ebhe . Eli ang-o-o apa pí oandjelu mananika-a me: «Yi nunu, amba yi tuko okópo na ke 'ngú mananika gba Ebhe-e píla doto!»

² Andjelu na bini-e anu, ani atsia atuko ke 'ngú inde adu bhú kópo gba e píla doto. Abhomu-o, oeka na sisiti, inde di nake make atsia aze li kute ndu okpála hana inde adu ne tele gba enu-o, inde adu di natoko kulu ani-o.

³ Andjelu na bhisi-e atuko ke 'ngú inde adu bhú kópo gba e pí 'ngbé 'ngu. 'Ngbé 'ngu-o akolo maka ngute kpála inde akpí. Abhomu-o, ndu ohe hana inde adu bhú 'ngbé 'ngu-o me a nde nu-o atsia amu.

⁴ Andjelu na bata-a atuko ke 'ngú inde adu bhú kópo gba e bhú ongade 'ngu, ne bhú okpongu. A atsia adji lie ngute. ⁵ Ma atsia adje andjelu inde adu ne angu pí ongu-o ngapa me:

«Ngamu kpála na bubu, inde nu, inde adu di nani nu-o, mu ne ngbili kpála , anga mo opana ngbili 'ngú gba mu-o.

⁶ Padhá de, anga okpála abhili okpála gba mu-o di ne opolofeta .

Mo oha bhadi pí uo ngute me u ndji.

U asia engú inde ati ne uo-o!»

⁷ Pipita-a, ma adje eli akoto pí misa natsulu mungotsi pí Ebhe-o. Eli ang-o-o adu apa me:

«A ko paká, Ebhe Ngámá Apí 'Kpí, ndu 'ngú mo okodho e hana-a, mo okodho li lelele, a la bhadi ngbingbili.»

⁸ Andjelu na badha-a atuko ke 'ngú inde adu bhú kópo gba e píla ela. Ani atsia aha kpadji pí ela me a atsulu okpála ne djua gba e-o. ⁹ Abhomu-o, bili akpa na

mugwe mugwe, okpála atsia atsulu kaka. U asobho 'li Ebhe inde adu bhú e ne angu ngú natima ngua oke 'ngú bhomu-o. Engú bini, u dji bua o ngú nadhøge Ebhe de.

¹⁰ Andjelu na bhuluvue atuko ke 'ngú inde adu bhú kópo gba e pí kiti na ngámá li enu-o adu nadu pí e-o. Abhomu-o, biti agba kuti-ngámá gba enu-o. Okpála atsia adu nazu 'mi o ka likabhu. ¹¹ U adu asobho 'li Ebhe abhúla ka olikabhu gba o di ne ka oeka inde adu li uo-o. Engú bini, u dji bua o li osisiti 'ngú inde u adu namene e de.

¹² Andjelu na madhia-a atuko ke 'ngú inde adu bhú kópo gba e pí ngade 'ngu na Efalata. Engu-o atsia a'ulu hana ngú naka kpadji pí ongámási inde ngayie ne ndjongu-o. ¹³ Abhomu-o, ma au osisiti bua bata ngakoto bhú 'bhé 'ngbé kpálu-o ne bhú 'bhø enu-o, di ne bhú 'bhø polofeta na eu-o. Osisiti bua ang-o adu maka omabi-anga. ¹⁴ A ko osisiti bua inde li djabulu atima o-o. U adu amene ongamba 'ngú . U adu nana agba ongbengbe ongámási na doto libhomu ngú napo bhúla uo ngubula gbele na 'ngbé 'kpí gba Ebhe Apí 'Kpí-o.

¹⁵ Ngámá Yesu apa me: «Tsitsia! Ma ngago maka bhulu 'zi! A ko djali pí kpála inde li zuku, inde ngalila obongo gba e li kute e ngú napa me ni anu ndumbu de, me ni asia numu de ka nakoto bhú djila okpála ndumbu-o.»

¹⁶ Osisiti bua apo bhúla ongbengbe ongámási li bili inde u a'i e bhú eli gba omaYuda me Alamagedo.

¹⁷ Andjelu na mananika-a atuko ke 'ngú inde adu bhú kópo gba e atu 'kpí. Kpéke eli bini atsia akoto abhú 'ngbé 'ti Ebhe. A ayie li pápá na kiti na ngámá-o. A apa me: «A amene lie amene!» ¹⁸ Abhomu-o, ekpí andjengene, mugbála asula, adjigidjo na kpekpeke adhika. Ngua 'ngú bhomu-o mene nga nani lie kalanu de, nayie maka li Ebhe abho kpála píla doto lie-o! ¹⁹ 'Ngbé gudhu na Babilona agugamu bhusu e ne ndundundu bata. Abhomu-o, ndu ogudhu na okuti hana atuko kuto. Abhomu-o, Ebhe atsia a'o nga la 'to e 'to 'ngbé gudhu na Babilona. Ani atsia aha pí ani kópo na vino na ke 'ngú gba e na sisiti inde adu adula bhú e madula me ani ndji. ²⁰ Ndu okpøme hana atsia angita, ndu oeta hana atsia angita di. ²¹ Ongbengbe itimeli na titili masakpe de kilo ndjikpa badha atsia abala pí okpála. Abhomu-o, okpála atsia asobho Ebhe ka likabhu na itimeli-o. Padhá de, anga likabhu ang-o adu kpekpeke na kuo kuo.

17

Nakodho 'ngú gba okpála na Babilona

* 15:6 15:6 Bongo na kpéke mase: U abho nani bongo ang-o li leno.

¹ Abhomu-o, saka oandjelu mananika inde i de ne okopo na ke 'ngu-o sakpa o ago apa muma me: «Gogo, ma asuno pi mu lele maka li Ebhe akodho 'ngu gba 'ngbe bhulu zabhe-e lie-o. A ko 'ngbe gudhu inde u ayiki e lingo ongbengbe ongade 'ngu bhelé. ² Ongbengbe ongámási na doto amene zabhe ne ani. Okpála na doto atsia alangba ne vino gba ani na zabhe-o.»

³ Abhomu-o, Bu Bhobua abedhe ma, Andjelu-o atsia anu ne ma abhu mili bili. Ma au elo bini inde adu pi enu na mbe-mbe ma ngua! Enu ang-o abuku kute e libhomu ne o'ili inde ngasobho Ebhe, 'ndji 'ndji adu li ani mananika di ne didi ndjikpa. ⁴ Elo ang-o adyi obongo na mbembembe na tia naali. Ani atsia adyi omagege na olo ne obhe na teme na mase naali di ne omayaka li kute e bedhe. A adu sakpa ani ne kopo na olo inde abedhe ne zibotu bhú e bedhe ka zabhe gba ani-o. ⁵ U aye pidi ani 'li bini inde li ta e awo lie mawo. 'Hi ang-o me: «BABILONA NA NGBÉNGBÉ, 'HI OBHULU ZABHE DI NE OSISITI 'NGU NA DOTO-O.» ⁶ Ma au me elo ang-o alangba ne ngute okpála gba Ebhe-o, ngute obhe u abhili o ka u abhuka Yesu lie-o. Ma au ani lie, ma angamba naali.

⁷ Abhomu-o, andjelu-o apa muma me: «Mu ngangamba ka ni? Ngama-a, ma ambamba ta 'ngu gba elo bhomu-o ne enu inde abi ani-e pi mu, enu inde li e ne 'ndji 'ndji mananika di ne odidi ndjikpa-o. ⁸ Enu inde mo ou e bhomu-o, adu nani tété. La-a, ani matá ade. Ani akoto bhú tsu 'du-o, ani tsia nú bhú ngita gba e-o. Okpála na doto inde u ye nani 'li o bhú bhuku na mukobho-o de nayie maka nani li Ebhe abho doto lie, angamba li nau enu-o. Padhá de, anga ani adu nani tété, la-a ani matá ade. Engú bini, ani akoto matá ne toto.

⁹ A ayo mbia inde-e nadu ne imbilangu di ne bua nakpokpo kú 'ngu. Ondji 'ndji mananika-a, a ko oeta mananika inde li elo-o ngadu pí e-o. A ko di ongbengbe ongámási mananika-o. ¹⁰ Obhe bhuluvue bhú ká uo-o, kulu gba uo-o andjia, bhe na madhia ngabha bhú kulu, bhe na mananika-a go nga de. Ani agó lie, ani améne bha nedhinga masudha. ¹¹ Enu inde adu nako tété-e, inde matá tété ade bhomu-o, ngaani makpe-e, a ko 'ngbé ngámá na madjina. Ani bhú ká ongbengbe ongámási mananika-o. Ani adji bhú ngita gba e-o.

¹² Odidi ndjikpa inde mo ou e bhomu-o, a ko ongbengbe ongámási ndjikpa inde i 'u nga pí kiti na ngámá de-o. Engú bini, u asia angu ngu nau bhú dabili bini ne enu-o ngu saa bini. ¹³ Ndu ongámási ndjikpa bhomu-o hana bha ne koli mabhundja bini. U ne

gumu naha angu di ne ngámá gba o ngu namene kulu lio pi enu-o. ¹⁴ U agú gbele ne Ndili Kandelo-o, la-a, Ndili Kandelo-o ahá angu uo. Padhá de, anga a ko Ngámá gba ongámási, a ko 'Ngbé Ngámá gba ongbengbe ongámási. Omaha Ndili Kandelo inde ani a'i o-o, ani atsia alo o-o, u ahá bhadi angu uo bhú dabili bini ne ani. U ngakpata Ndili Kandelo-o ne bua o bini.»

¹⁵ Pipita-a, andjelu-o apa matá muma me: «Oengu inde mo ou e li bili inde li elo na zabhe alu li e bhomu-o, a ko okpála na ndu bili hana, a ko bhiti okpála, a ko opiga di ne okongú. ¹⁶ Odi 'nu ndjikpa ne enu inde mo ou e bhomu-o, ayála elo na zabhe-o. U bhá 'he li ani hana, u a'ó ká ani ndumbu, u azú mbilika ani, u tsia bú dú ani bhú djua. ¹⁷ Padhá de, anga Ebhe a'o li bua uo me u mene mukunda gba ani-o. U améne ne bua bini me o ha angu na ngámá gba o me o mene kulu lio nedi pi enu-o, nakolo li nedhinga li 'li Ebhe améne lie lie-o. ¹⁸ La di-e, elo inde mo ou e-e, a ko 'ngbé gudhu inde ngau pí ongámási na doto-o.»

18

Nati ka gudhu na Babilona

¹ Pipita-a, ma au andjelu koko ayie abhú lá ngaké kuto. A adu bhú ani ne angu na ngebéngbé. Abhomu-o zi ani abha doto libhomu. ² Ani asula kpekpeke me:

«'Ngbé Babilona ati-e ngae! 'Ngbé Babilona ati-e ngae!

A akolo ibili bili li odjabulu ngadulu li e, bili inde li ndu osisiti bua hana ngadulu li e.

A bhomu-o bili li odhu ne onu inde kala Ebhe sिति-e ngadulu li e-o.

³ Padhá de, anga ndu okpála na doto hana andji siti zabhe gba ani-e maka okpála andjindji vino lie-o. Ongbengbe ongámási na doto amene zabhe ne ani, obhulu natsindji 'he na pila doto atsia akpo di li angu na bhiti tia gba ani-o.»

⁴ Pipita-a, ma adje eli koko ayie abhú lá. A adu apa me:

«Ngayi okpála gba ma-a, yi ze bhú Babilona zeze,

amba yi améne siti 'ngu bhú dabili bini ne ani de,

ngu napa me yi asia olikabhu inde abháka ani-e bhú dabili bini ne ani de.

⁵ Padhá de, anga osisiti 'ngu gba ani-e apo 'ta e akolo makolo abhú lá.

Ebhe atsia abhundja osisiti 'ngu gba ani-o.

6 Yi mene ani maka ani amene okpála koko lie-o.

Yi gie siti 'ngú ani amene e pi ani bhátsibhútsi bhisí.

Yi ha pandi inde ane bhe gba ani-e ne kpéke bhátsibhútsi bhisí-e pi ani bhú kópo inde ani adu a'o pandi gba e bhú 'bhé okpála ne e ko.

7 Ani adu akpi ndjili naali bhú asasaua na tia gba e-o.

Kaka-a, yi gie di likabhu ne mulopoló pi ani li lelele.

Padhá de, anga ani ngapa li bua e me:

«Ma adu pí kiti na òlè gba ngámá, ma ne òkè ade,

ma adu galikpe bhú talia de.»

8 Kaka-a, ndu okpekepeke da 'ngú inde a'o lie pi ani-e agó galikpe ati pí ani

li kólí 'kpí bini ndundu hana.

Okpekepeke da 'ngú angó ngae inde: nakpi ka okpála, talia di ne gumu,

li djua tsia tsúlu di ani hana má kpəkəbhə!

Padhá de, anga Ngámá Ebhe inde akodho 'ngú gba ani-e, ne kpála na angu.»

9 Abhomu-o, ongbengbe ongámási na doto inde-e amene zabhe bhú dabili bini ne ani. U akpi ndjili ne ani li bhiti tia gba ani-o. Li u aú nguwa djua atsúlu ani-e lie, u kú 'gbá, u tsia lópolo di lío ngú ani. 10 U alúlu de ani tsutsu ka nakpe likabhu inde abhaka ani-o. U tsia pá me:

«A ko likabhu na ngbéngbé pi mu, Babilona!

Mu ne 'ngbé gudhu, mu la di ne angu.

La-a, Ebhe akodho 'ngú gba mu-o bha bhú saa bini padhá!»

11 Obhulu natsindji 'he di ngaku 'gbá, uo di bhú talia li 'ngú gba ani-o. Padhá de, anga kpála bini ngakala matá ehe gba uo-o ade. 12 Abana i du di-e olo, ne oaladja, ne oteme na mase ne omayaka, kpála bini ngakakala ade. Abana i du obongo na kpéke mase, ne ombembe obongo na zizi, ne obongo inde u abho e li dele gba okoké, kpála bini ngakakala ade. Abana i du ndu djua ondula na babadha sese hana, abana i du ndu djua oehé inde u abho e li 'te 'ya hana di ne obhe u abho e li ondula na mase hana, ne obhe u abho e li teme, kpála bini ngakakala ade. Abana i du di-e ndu djua kalase hana, kpála bini ngakakala ade. 13 Abana i du oehé ne okpála koko inde u aleleke se bili abhú 'ti ne e, ne mila di ne omungotsi koko, ne bandeke, kpála bini ngakakala ade. Abana i du pandi, ne emu, ne fufú, kpála bini ngakakala ade. Abana i du obagala, ne okandéle, ne opunda, ne okpulukupulu, kpála bini ngakakala ade. Abana i du 'lá kpála-kuti, kpála bini ngakala susuka ade.

14 Obhulu natsindji 'he bhomu-o apa pi gudhu bhomu-o me:

«Ndu oehé inde mo okukunda e hana andjia gba mu andjia!

Ndu otia gba mu di ne obabadha 'he gba mu-o

andjia ka mu andjia,

u u matá gba mu belegu de bini!»

15 Obhulu natsindji 'he inde akpo li tia na gudhu angó alúlu de ani tsutsu ka nakpe likabhu inde abhaka ani-o. U adu aku 'gba, u tsia lópolo di lío ngú ani. 16 U adu apa me:

«A ko likabhu na ngbéngbé pí yi, okpála na 'ngbé gudhu-o!

Yi adyi li kate yi babadha bongo inde na kpéke mase.

Yi atsia adyi di li yi obongo na mase naali inde na mbembe má ngua, inde li e ne zizi.

Yi adyi di omagege na olo bhú dabili bini ne oteme na kpéke mase di ne omayaka.

17 Ndu 'he bhomu-o hana angita bha li saa bini má kpikili!»

Abhomu-o, ndu obhulu nadjele zabu hana, bhú dabili bini ne okpála inde u abi o, okpála nadhuku pí 'ngbé 'ngu bhú dabili bini ne obhulu nagili tia pí 'ngbé 'ngu-o alúlu mbo tsutsu. 18 U atsia adu asusula ka nau nguwa adu aze ka natsi ka gudhu-o me: «A akpo 'ndji e li 'ngbé gudhu inde-e ne bhedho?» 19 U adu aba embi bhú 'ndji o, u adu aku 'gbá, u atsia adu alopolo lío me:

«A ko likabhu na ngbéngbé pí yi, okpála na 'ngbé gudhu-o!

Bhiti tia gba yi-e ngae inde li okpála inde ngamene kulu pí 'ngbé 'ngu-o akpo ka e ko.

La-a, ndu 'he bhomu-o hana andjia bha li saa bini má kpikili!»

20 Ngayi okpála inde abhúla-a, yi kpi ndjili li nakpi ka gudhu angó-o!

Ngayi omaha Ebhe, ne yi obhulu titima gba Ebhe, di ne yi opolofeta, yi kpi ndjili!

Padhá de, anga Ebhe akodho 'ngú gba ani-e ka siti 'ngú inde ani amene e li yi ko!

21 Abhomu-o, andjelu bini na angu aha teme bini maka 'ngbé teme nadyi ngano, ani atsia atumba bhú 'ngbé 'ngu ne napa me:

«U atumba bhadi ngbé gudhu na Babilona ne kpéke me,

kpála bini u matá galikpe ani de.

22 Obhulu nabhi dumu bhí matá galikpe agba mu de.

Obhulu na'u toti 'u matá galikpe agba mu de.

Obhulũ nali 'tsi li matá galikpe agba mu de.

Obhulũ ikalana dú matá di agba mu de.

Okpála dyí di matá ngano agba mu de.

²³ Zi tala dú matá di agba mu de.

U djé matá di 'li okpála inde aha lio agba mu de.

Padhá de, anga obhulũ natsindji 'he inde adũ bhú gudhũ gba yi-e, adũ ongbengbe kpála na doto.

Obhulũ kobha gba yi-e apite ndũ okpála hana.

²⁴ Okpála na Babilona abhili opolofeta, ne okpála gba Ebhe di ne ndũ okpála hana inde u abhili o pála doto-o.»

19

Etsi ngú nadhögö Ebhe

¹ Pipita-a, ma adje eli kpekpeke ayie abhulá. Eli ang-o adũ mugito me bhiti okpála ngagama 'ngú. U adũ apa me:

«Aleluya! Yi toko Ebhe, Ngámá gba ní-o!

A ko mukobho, a ko Ebhe na sangu , a ko Ebhe na angu!

² Engú ani ngakodho e hana-a, ani ngakokodho li lelele, a la bhadi ngbingbili.

Padhá de, anga ani akodho 'ngú gba 'ngbé bhulũ zabhe inde adũ nako asiti 'ndji okpála na doto ne zabhe gba e ko.

Ani atsia agisila engú nabhili obalise gba e li ani.»

³ U atsia apa matá me:

«Aleluya! Yi toko Ebhe, Ngámá gba ní-o!

Ngúwa inde ngakoto bhú gudhũ-o nga'u abhulá duduma ne duduma.»

⁴ Obhelesi okpála ndjikpa bhisi ne ká badha bhú dabili bini ne okpála badha na ngangamba-a atutu lipuku o kuto, u atsia adhögö Ebhe inde ngadu pí kiti na ngámá-o. U adũ apa me:

«A dũ moko! Aleluya! Yi toko Ebhe, Ngámá gba ní-o!»

Anokomia gba Ndili Kandөлө-o

⁵ Abhomũ-o, eli bini ayie ne li pápá na kiti na ngámá-o. Eli ang-o apa me:

«Yi toko Ebhe gba ní-o, ndũ yi obalise gba ani-e hana,

ngayi okpála inde ngamanga ani-o, abana ngayi ongbengbe okpála ne yi odjedjedje!»

⁶ Pipita-a, ma adje tolo mugito me a ngagama 'ngú ne bhiti okpála. Tolo ang-o adũ mugito me a ko gili wowo 'ngu, mugito me kpéke mugbála ngasusula ngae. A adũ apa me:

«Aleluya! Yi toko Ebhe, Ngámá gba ní-o! Padhá de, anga a ko Apí 'Kpí.

Ani ngau maka ngámá.

⁷ Ní kpi ndjili, amba ní dũ di bhú djali!

Ní dhögö ani!

Padhá de, anga nedhinga na anokomia na kuva

gba Ndili Kandөлө-o akolo,

wala* ani aleke lie aleke.

⁸ U aha bongo inde na kpéke mase pí ani.

Zi bongo ang-o ngasu masu, zibotu bini tété ade.»

(Bongo na kpéke mase bhomũ-o ngasuno me okpála gba Ebhe-e amene obabadha kulu lio pí ani.)

⁹ Abhomũ-o, andjelu-o apa muma me: «Ye engú inde-e me: «A ko djali pí okpála inde u a'i o bhú anokomia na kuva gba Ndili Kandөлө-o!» Ani atsia apa matá muma me: «A bhomũ-o okakulu eli inde ayie ka Ebhe-o.»

¹⁰ Abhomũ-o, ma atutu lipuku ma kuto bhú li 'dhũ ani ngú nadhögö ani. Engú bini, ani apa muma me: «Mo oméne mo-o de. Ma ne bali gba Ebhe maka mu. Ma bhadi maka ondaise mu inde ngakpokpo kakulu 'ngú inde li Yesu ambamba 'ta e-o. Tatu mangbo lipuku mu kala Ebhe.»

Padhá de, anga ngbili 'ngú inde li Yesu akpokpo e ngaha angu pí opolofeta ngae.

Kpála inde adũ pí punda na bubu-o aha 'gú ne obhulũ yala gba e

¹¹ Pipita-a, ma au kokpí abhulu lie. Abhomũ-o, punda bini na bubu akoto. Kpála inde adũ pépé-e, adũ 'li ani me: «Kpála inde ngamene kulu lie pí Ebhe ne bua e bini.» Ani ngakodho 'ngú ngbingbili, ani di ngaga egú bhú ngbili 'ngú. ¹² Djila ani adũ nade maka zi djua. Adũ di bhú 'ndji ani ne ondata na ngámá bhelé. U aye 'ili bini li kute ani. Ani ambila bha bini 'ta 'ili ang-o ngae.

¹³ Ani adyi koti bini inde u azi e bhú ngute-e li kute e. Adũ 'li ani me: «'Li Ebhe.» ¹⁴ Osudha na abhulá adũ akpata ani me u nde a'u'u pí opunda na bububu. U adyidi obongo na kpéke mase. Bongo ang-o adũ bubu, zibotu bini dũ tété de.

¹⁵ Mbotia inde li 'bhe e adũ bebede-e adũ akoto bhú 'bhö ani. Mbotia ang-o adũ ngubula nabhili opiga ne di. Ani aú pí 'ndji uo ne angu e hana. Ani tsia pí vino bhú 'ngbé ngbögölө na ke 'ngú gba Ebhe Ngámá Apí 'Kpí-o. Ke 'ngú ang-o adũ nadula madula.† ¹⁶ U aye 'ili bini li koti gba ani di ne pí 'ku ani. U aye 'ili ang-o me:

* 19:7 19:7 Ndili Kandөлө ne wala e: Ndili Kandөлө-o, a ko Kilisito , wala ani-e, a ko Piga gba Ebhe. Tsia bhú Efe. 5:25, 32. † 19:15 19:15 Tsia bhú Ets. 2:9.

«'NGBÉ NGÁMÁ GBA ONGBENGBE ONGÁMÁSI, NGÁMÁ GBA ONGÁMÁSI.»

¹⁷ Pipita-a, ma au andjelu bini, alu tu ela. Aní asula kpekpeke pi ndu odhu hana inde adu adholo abhúla tsutsu naali-e me: «Yi go po bhúla yo ngbé anokomia gba Ebhe-o!» ¹⁸ Yi go zu mbilika ongbengbe ongámási ne ongámási gba osudha di ne osudha. Yi go zu mbilika opunda di ne mbilika osudha inde adhudhuku ne di-o. Yi go zu mbilika okpála, abana i du obhende bhú bali ne obhe bhú bali ade-o, abana i du odjedjedje ne ongbengbenge.»

¹⁹ Abhomu-o, ma au enu inde i de akoto bhú 'ngbé 'ngu-o, ne ongbengbe ongámási na doto, bhú dabili bini ne osudha gba o me u nde apo bhúla o ngu naha 'gú pi kpála inde adu pi punda ne osudha gba e-o. ²⁰ Abhomu-o, kpála inde adu me aní nde a'u pi punda aholo enu-o bhú dabili bini ne polofeta na eu inde adu nani amene ongamba 'ngú li djila ani-o. Aní adu nani amene ongamba 'ngú bhomu-o ngú nato okpála inde u aye nani tele gba ani-e li kute o bhú ngita, inde adu di adhögø kulu ani-o. Kpála bhomu-o abhike enu-o bhú dabili bini ne polofeta na eu-o bhú dé djua na baluti. Aní abhike uo bhúbhú me u nde mu de. ²¹ Aní atsia abhili osudha gba uo ne ngise inde adu akoto bhú 'bhe ani-o. Abhomu-o, ndu odhu hana azu mbilika uo. U atsia a'u u ne di.

20

U agbite Satana ngú kalanga kote bini

¹ Pipita-a, ma au andjelu bini ayie abhúla, aní atsia akø pila doto. A adu sakpa aní ne lifungula na tsu 'du-o. A adu aní di sakpa aní ne 'ngbé gbindjili na ngbéngbé. ² Aní ago aholo 'ngbé kpulu na didili-o. 'Ngbé kpulu angø-o, a ko Satana inde djabulu. Andjelu angø-o agbite aní ngubula kalanga kote bini. ³ Aní abhike aní bhú tsu 'du. Aní adho bhøbhø nganda aní, aní atsia aye balua pépé. Balua aní aye e adu me, ngubula kalanga kote bini-e, aní ngbingi matá 'ndji okpála de. Pipita-a, u atsé mbo 'kpa li aní ngú nedhinga bedi.

⁴ Pipita-a, ma au okiti na ngámá. Okpála inde adulu pépé-e, u aha pi uo angu nakodho 'ngú gba okpála. Ma au di bua okpála bhende u ava nani ngulu o ka u abhuka kakulu 'ngú inde li Yesu ambamba ta e di ne 'li Ebhe lie-o. U dhögø nani enu-o de. U dhögø di kulu ani-e de. U ye di nani tele gba ani-e pidi uo, i du di-e li 'kpa uo de. U azuku matá, u atsia au ngámá bhú dabili bini ne Kilisito ngubula kalanga kote bini. ⁵ A bhomu-o bhutsibhutsi na bini me Ebhe zuku okpála-o. Okpála bhe

koko adjéke ngaiza me kalanga kote bini-e le paká, li Ebhe tsia zúku uo. ⁶ A ko djali pi okpála inde azuku bhú ká okpála inde li Ebhe azuku o kalanu bhomu-o. A ko okpála gba Ebhe, la di-e, nakpi na bhisi-e ne angu pi uo ade. U adu odimande gba Ebhe di ne gba Kilisito. U au ngámá bhú dabili bini ne aní ngubula kalanga kote bini.

Satana ati

⁷ Li kalanga kote bini-e de ale-e, u gbé Satana bhú tikpu gba e-o. ⁸ Aní tsia nú napite opiga inde agbolo pila doto libhomu. A akunda napa me nayie bhú Gogo nakolo bhú Magogo.* Aní apo bhúla uo ngubula gbele. U tsia dú bhelé nane sike lingo 'ngbé 'ngu mane. ⁹ U abha doto libhomu, u atsia asa bili li omaha Ebhe apo bhúla o lie-o. U atsia asa di gudhu gba okpála li Ebhe akunda o-o. Engú bini, djua ayie abhúla, atsia ago atsulu uo hana. ¹⁰ Abhomu-o, Ebhe atsia atumba djabulu, kpála inde adu nako napite uo, bhú dé djua na baluti nganda enu-o bhú dabili bini ne polofeta na eu-o. U adu nazu likabhu oo ngbikpi ne sukpe duduma ne dudama.

Lele maka li Ebhe akodho 'ngú na soso-o lie-o

¹¹ Pipita-a, ma au 'ngbé kiti na ngámá bini me kpála bini nde adu pépé. Kiti angø-o adu bubu. Kokpi ne doto akpekpe de aní tsutsu. Kpála tsia u matá uo de. ¹² Abhomu-o, ma au okpála inde amu-o, ongbengbenge ne odjedjedje, alulu kala kiti na ngámá-o. U abhulu obhuku. U atsia abhulu di bhuku koko, a adu bhuku na mukobho-o. Abhomu-o, Ebhe atsia akodho 'ngú gba okpála inde amu-o nakpata lele kulu gba uo-o, nakpata engú inde u aye e bhú obhuku-o. ¹³ 'Ngbé 'ngu azie okpála inde amu inde adu bhúbhú-o. Kuo ne kuti gba okpála inde amu-o azie di okpála inde adu agba uo-o. Abhomu-o, Ebhe atsia akodho 'ngú gba kpála ne kpála nakpata lele kulu gba e-o. ¹⁴ Abhomu-o, Ebhe atsia atumba kuo bhú dabili bini ne kuti gba okpála inde amu-o bhú dé djua-o. Dé djua bhomu-o, a ko nakpi na bhisi. ¹⁵ Abhomu-o, ndu kpála hana inde u ye 'li e bhú bhuku na mukobho-o de-e, u abhike aní bhú dé djua bhomu-o.

21

Ebhe abhó ndu 'he hana ne toto

¹ Pipita-a, ma au kokpi na mbia ne doto na mbia, anga kokpi na kalanu ne doto na kalanu-o andjia. 'Ngbé 'ngu du matá di-i de. ² Ma atsia au gudhu na bubu-o ngayie

* 20:8 20:8 Gogo ne Magogo: A ko 'li ngú nasuno obhulu yala gba omatsalalee.

abhúlá. Gúdhú angó-o, a ko Yelusalema na mbia. Ebhe atima gúdhú angó-o ngae. A adú aké kuto me a nde bedhe maka ọ̀lẹ̀ inde aleke lie ngú nanú naké lie ne 'ko e. ³ Ma adje kpála bini ngatobhíla kpekpeke li pápá li kiti na ngámá-a adú li e me: «Mbia inde-e dabilí nadú gba Ebhe-e bhú ká okpála. Aní adú ne uo, u tsia dú omaha aní. Ebhe ngae makpe adú bhú dabilí bini ne uo, aní adú Ebhe gba uo. ⁴ Aní akúo ndú ngula sa kula uo hana, okpála mú matá-a de. Engú na da kuo dú matá-a de, egbá dú di-i de, líkabhu dú di-i de, anga doto na kalanu o nde andjia.»

⁵ Abhomu-o, kpála inde adú pí kiti na ngámá-a atsia apa me: «Mbia inde-e, ma ngabho ndú 'he hana na mbia.» Pipita-a, aní apa muma me: «Ye 'ngú inde, anga eli ma ngapa e-e, a ko kúkulu 'ngú, inde a ayo la di me okpála bhuka e ko.»

⁶ Aní atsia apa matá muma me: «A amene lie amene! Ngama-a, ma ne Alafa di ne Omega. Ngama-a, ma ne Kpála inde akpo lita ndú 'ngú hana, ma di ne Kpála inde abú ta ndú 'ngú hana. Kpála inde lie ne gumu 'ngu-o, ma ahá engu nandji mandji pí aní padhá bhú kpongu inde ngaha mukobho. ⁷ Kpála inde agbóko egú-o, ma ahá ndú 'he bhomu-o hana pí aní, ma adú ne Ebhe gba aní, aní tsia dú ndili gba ma. ⁸ La pí okpála bhende ngamene siti 'ngú-o, dá uo abhú dé djua na baluti na duduma ne duduma. A bhomu-o nakpi na bhisi. A ko okpála namene ngua siti 'ngú inde: obhulu tsulu, okpála ayala nabhuka, obhulu namene zabhe, obhulu nabhòlè kpála, obambakuya, obhulu kòlè, obhulu nayo oebhe na eu, ne obhulu eu.»

Yelusalema na mbia

⁹ Abhomu-o, sùka oandjelu mananika inde adú sakpa o ne okópo mananika, inde abedhe ne olikabhu mananika na soso-o ago apa muma me: «Gogo, ma nu suno ọ̀lẹ̀ na kava-a pí mụ. A ko wala Ndili Kandələ-o.»

¹⁰ Bu Bhobua ago abedhe ma, abhomu-o andjelu-o anu a'o ma pí 'ndjá 'ta. Eta angó-o adú ngbéngbé. Aní asuno gúdhú na bubu-o muma. Gúdhú angó-o, a ko Yelusalema li Ebhe atima e ngae-o. A ayie abhúlá, a atsia adú aké kuto. ¹¹ Zizi adú asú ká sangu gba Ebhe-o. Zí gúdhú angó-o adú nasú má ngingingi mugito me a ko teme* na mase. ¹² Aga inde u asa e li kúkute-e adú ngbéngbé, di ndjándjá. Bhèbhè adú tété ndjikpa ne ká bhisi, oandjelu ndjikpa ne ká bhisi atsia adú nalilila.

U atsia aye 'li opiga ndjikpa ne ká bhisi na Isalaele-e tété. ¹³ Ne ndú pasu hana bhèbhè adú tété bata: bata ne ndjongu, bata ne kati, bata li pápá na abebe, bata li pápá na yoyoko. ¹⁴ U ayiki aga bhomu-o pí oteme ndjikpa ne ká bhisi. U atsia aye 'li obhulu titima ndjikpa ne ká bhisi gba Ndili Kandələ-o tété.

¹⁵ Andjelu inde adú apa 'ngú muma-a, adú sakpa aní ne mbamba na olo inde aní adú napima ne e gúdhú-o, ne obhèbhè, di ne aga angó-o. ¹⁶ Gúdhú angó-o adú ne odjedje badha. A aviti bhú 'ndjá ne bhú bá, ne bhú 'ngbé-e bini. Lí andjelu-o apima gúdhú-o lie ne mbamba gba e-e, mbamba-a ali bhúbhú bhutsibhutsi kòtè 12† ne ká bhisi ne ndú pasu hana. ¹⁷ Aní apima di aga-o, mbamba gba aní-e ali bhúbhú bhutsibhutsi kòtè 144‡ bhú 'ndjá abhúlá. Aní apima bha maka li okpála apipima 'he lie-o.

¹⁸ U ayiki nani aga ne teme inde u a'i e me djasepe. Gúdhú-o libhomu adú ngili olo. A atsia adú má ngilili maka tsupa na bubu. ¹⁹ Oteme inde u amene 'dhu aga na gúdhú-o ne e, u aye nani tele tété ne ndú djua oteme na mase hana: bhe na bini-e adú teme na djasepe, bhe na bhisi-e adú teme na safile, bhe na bata-a adú teme na kalaseduane, bhe na badha-a adú teme na emelode, ²⁰ bhe na bhuluvue adú teme na saladuane, bhe na madhia adú teme na kolonoline, bhe na mananika adú teme na kilidjolute, bhe na madjina adú teme na belile, bhe na odukpabini-e adú teme na topadje, bhe na ndjikpa-a adú teme na kilidjopaladje, bhe na ndjikpa ne ká bini-e adú teme na yasete, bhe na ndjikpa ne ká bhisi-e adú teme na ametisite. ²¹ Obhoti ndjikpa ne ká bhisi-e adú omayaka ndjikpa ne ká bhisi. U abho nani bhoti bini ne bini li lí mayaka bini má kpikili! 'Ngbé 'hi kpadji na gúdhú-o adú nani ngili olo. A atsia adú má ngilili maka tsupa na bubu.

²² Ma u belegu 'ngbé 'ti Ebhe bhú gúdhú bhomu-o de, anga Ebhe Ngámá Apí 'Kpí ngae makpe bhú dabilí bini ne Ndili Kandələ-o ne 'ngbé 'ti Ebhe angó-o ngao. ²³ Gúdhú angó-o dú ne gumu ela abana di epe ngú naha zi kpí oo de, anga sangu gba Ebhe-e ngasú zi e oo ngae, Ndili Kandələ-o la di ne tala angó-o ngae. ²⁴ Opiga na doto adú adhuku li zi gúdhú angó-o. Ongbengbe ongámási na doto tsia gó di ne tia gba o bhú gúdhú angó-o. ²⁵ Obhè bhoti na gúdhú angó-o adú ndú nedhinga hana bábá, u ní galikpe-e de, anga ekpí bí galikpe oo de. ²⁶ Opiga na doto adú nali

* 21:11 21:11 Teme: Bhú eli na giliki-e, u aye me «Teme na djasepe ne kilisitale.» † 21:16 21:16 Mbamba bhutsibhutsi kòtè 12: Gúdhú bhomu-o adú bhú 'ndjá-a masikpe de kilometele kòtè bhisi ne 'he pépé ndú pasu hana.

‡ 21:17 21:17 Mbamba bhutsibhutsi kòtè 144: A ko masikpe de metele ndjikpa mananika ne ká bhisi.

bhúbhú ne sango di ne obabadha tia gba o-o. ²⁷ Ehe bini na sisiti lí oo de, abana okpála namene engú inde lí Ebhe ayala e, abana obhúlu eu. A alí bha bini oo ne okpála inde u aye 'lí o bhú bhuku na mukobho-o, bhuku gba Ndili Kandele-o.

22

¹ Pipita-a, andjelu-o asuno muma ngade 'ngu inde ngaha mukobho pi okpála-o. Ngade 'ngu angoo adu má ngilili maka tsupa na bubu. A adu ayie lí bili lí kiti na ngámá gba Ebhe ne Ndili Kandele-o adu lí e-o. ² Engu angoo atsia adu akpe lí 'ngbé 'hi kpadji na gudhu na bubu-o. Ne ndu pasu bhisi na ngade 'ngu-o hana adu tété ne ndula inde ngaha mukobho. Ndula angoo ngali lílí bhútsibhútsi ndjúkpa ne ká bhisi bhú kalanga bini. A ngali lílí bhútsibhútsi bini ndu epe bini ne bini hana. Kpákpa-a atsia adu nateteke ngubula nakobho okuo gba opiga.

³ Ohe inde lí Ebhe tú matá pèdjè lí e, lí bhú gudhu angoo de. Kiti na ngámá gba Ebhe ne uo ne Ndili Kandele-o adu bhú gudhu-o. Obalise gba Ebhe-e tsia dú nadhègè ani. ⁴ U aú bhúla ani, u tsia yé 'lí ani pidi uo. ⁵ Sukpe dú matá-a de, u dú di matá ne gumu zì tala abana zì ela de, anga zì Ebhe Ngámá asú pi uo ngae, u tsia ú ngámá duduama ne duduama.

Nago ka Yesu

⁶ Pipita-a, andjelu-o apa muma me: «Ongú inde ma apa e, a ko kukulu 'ngú inde ayo me okpála bhuka e. Ebhe Ngámá inde ngato 'lí e bhú opolofeta-a, atima andjelu gba e ngú nasuno pi obalise gba e engú inde ayo me akolo mbia inde-o.»

⁷ Yesu apa me: «Gbo 'dje mu, Ma ngago mbia inde! A ko djali pi kpála inde ngalila ongu inde lí Ebhe ambamba ta e bhú bhuku inde-o!»

⁸ Ngama Djaa, ma adje ongu bhomu-o ne 'dje ma, ma atsia au di ne djila ma. Pita nadjedje ne nauu-o, ma ati bhú lí 'dhu andjelu inde asuno ongu bhomu-o muma-a ngú nadhègè ani. ⁹ Engú bini, ani apa muma me: «Mo oméne mo-o de! Ma ne bali gba Ebhe-e maka mu. Ma bhadi maka ondaise mu inde ngakpokpo kukulu 'ngú inde lí Yesu ambamba ta e-o. Ma maka ndu okpála hana inde ngalila engú inde u aye e bhú bhuku inde. A ayo mangbo me mu dhègè Ebhe!»

¹⁰ Pipita-a, andjelu-o apa muma me: «Mo owó ongu inde lí Ebhe ambamba ta e bhú bhuku inde-e de, anga nedhinga ngú namene lie ka ongu angoo akolo masikpe.

¹¹ A ayo me kpála bhende ngamene siti

'ngú-o nu bha nedi ne kalanu, kpála bhende ngamene engú inde lí Ebhe ayala e nu bhadi nedi ne kalanu. Kpála bhende ngamene ngbili 'ngú nu bhadi nedi ne kalanu, amba kpála bhende ngamene engú inde nganga lí Ebhe-e nu bhadi ne di ne kalanu.» ¹² Yesu apa me: «Gbo 'dje mu, ma ngago mbia inde! Ma ngago sakpa ma ne makalá inde ayo me ma ha e pi kpála ne kpála nakpata lele kulu inde ani amene e-o. ¹³ Ngama-a, ma ne Alafa di ne Omega, a kunda napa me ma ne kpála na kalanu, ma la di ne kpála na soso. Ma ne Kpála inde akpo lita ndu 'ngú hana, ma di ne Kpála inde abú ta ndu 'ngú hana.»

¹⁴ A ko djali pi okpála inde ngavulu obongo gba o-o. Ebhe Ngámá ahá kpadji pi uo me, u lí lí obhoti na gudhu na bubu-o, amba u zu di lí 'lá inde ngaha mukobho-o. ¹⁵ Engú bini, ndu okpála bhe koko hana, u lí bhú gudhu-o de. Okpála angoo ngao inde: okpála inde lí Ebhe atu pèdjè lí o, obhulu kèlè, obhulu zabhe, obhulu nabhili okpála, okpála inde ngadhègè oebhe na eu, di ne ndu okpála hana inde ngakpi ndjili lí eu, inde di ngapa eu-o.

¹⁶ «Ngama Yesu-o, ma atima andjelu gba ma-a ngú nago nambamba ta ongu bhomu-o pi yi bhú oDadjua gba Ebhe-o. U azu ma bhú piga gba 'ngbé ngámá Davidi. Ma ne ikupala inde asusu kèkpi-o.»

¹⁷ Bu Bhobua ngauo ne èlè na kava apa me: «Gogo!»

A ayo me kpála inde adje engú inde-e pa di me: «Gogo!»

A ayo me kpála inde lí e ne gumu 'ngu-o gogo.

A ayo me kpála inde lí e ne gumu engu inde ngaha mukobho-o sia padhá.

Engú na soso

¹⁸ Ngama Djaa, ma ngagbele 'dje ndu okpála hana inde ngadje ongu inde lí Ebhe ambamba ta e bhú bhuku inde-e me, lí kpála bini 'o engú koko pépé-e, Ebhe 'ó bhadi ndu olikabhu hana inde u aye e bhú bhuku inde-e pí ani! ¹⁹ Lí kpála bini 'e la di ehe bini bhú ká ongu inde lí Ebhe ambamba ta e bhú bhuku inde-e, Ebhe 'é makalá gba ani inde u akpokpo 'ngú e bhú bhuku angoo. Makalá angoo-o, a ko lí 'lá inde ngaha mukobho pi okpála, a ko la di nali bhú gudhu na bubu-o.

²⁰ Kpála inde alu pi ndu 'ngú inde-e hana apa me a ko kukulu 'ngú-o apa me: «A moko, ma ngago mbia inde!»

Ngama Djaa, ma atsia apa me: «A adu moko! Gogo, Ngámá Yesu.»

²¹ A ayo me Ngámá Yesu suno bádhá bhú 'bu gba e pi ndu yi hana.